



PROF. ILLI. A.

L. COSTENS

Non quod lumen patet plene parum

Cfr.

XI

861

Ex libris
Erasmii Stachetstein

899

ut illis peregrinantis quasi contempsit putamine dedit alio, unde s. iustitiam
et contractum suum et nullam ipsam refugere licet.
Et sicut filij ista uerbum uolunt inuita, ut inuisi uibi florent unde uera
ingenio.

Augustinus

Ex libris Jacobi Inasioris
et Amari eius
Empy ab eodem p.

Summa Jac. Inasioris
Injuria

Josephus Levinus
801

APOPHTHEGMATA,
EX PROBATIS GRÆCÆ
LATINÆQUE LINGVÆ
SCRIPTORIBVS

A CONRADO LYCOSTHENE collecta, &
per locos communes, iuxta Alpha-
beti seriem, digesta.

*Postremâ hac editione diligenter recognita, & vndecim
Apophthegmatum centuriis aucta.*

Accesserunt Parabolæ siue Similitudines, ab ERASMO
ex Plutarcho & aliis olim excerptæ, deinde per
LYCOSTHENEM dispositæ, ac nunc primum
aliquot centuriis auctiores editæ.

EDITIO ALTERA.



*Inscriptus Catalogo
Librorum Collegii Pre-
miensis Societatis
Iesu*

Excudebat Iacobus Stœr,

M. D. XCIV.

APOTHECARIATA
EX PROBATAIS GRAE
FATH MOVE INGE
SECRETORIS
A. CONRADUS THEODORUS COLLEGI
per hoc communis
Bibliotheca Capituli
Ritus graeco-catholici
Premisliensis.

P. XVII. 493

TYPOGRAPHVS CANDIDO

LECTORI SALVTEM.



VIDE novâ hac nostrâ apophthegmatum , à Conrado Lycosthene, viro de literis & literatis optimè meritò , olim per locos ordine alphabeti digestorum, editione sit præstitum , paucis indicare necessarium duximus.

Primum , quàm diligenter fieri potuit errata quæ in prioribus editionibus, præcipuè verò ab ipsius Lycosthenis obitu (sæpius enim iteratæ sunt) irrepserant, sunt emendata : & si non diffitemur quædam inter excudendum nobis excidisse, quæ pro tua æquitate & industria condonabis ac faciliè corriges.

Apophthegmata frequentius posita, superflua, abstulimus: extra suos locos posita ad classes convenientes reduximus: quæ apophthegmatum nomine, aut lectione indigna erant , aut obscœna, & ethnicam impietatem vel spurcitiem nimium redolentia deleuimus : vt operis titulo materia responderet vndique, nec quicquam occurreret quo pudici oculi vel purgatæ aures offenderentur.

Deinde titulos seu locos quosdam omisso restituiimus, & multis apophthegmatum (asterisco signatorum) centuriis nostram editionem ornamus.


Postremò , sacra quædam (sed rarò) scitè dicta profanis adiunximus, vt veræ pietatis aliqua recordatione inter legendum affectus, ab Ethnicorum schola, equidem erudita , ad sinceram illam & cœlestem in sacro Dei verbo apertam, velut manu duceris.

Porro in hoc opere promouendo perficiendoque suam nobis operam commodauit, amicus quidam noster, Anonymus, bonarum literarum amans, & eruditorum omnium discipulus : qui iampridem apophthegmatum sacrorum vberissimum thesaurum tibi colligit, quem (Deo annuente) breui in lucem emittet. His Lycosthenicis interea vttere fruiere, faue nobis, & vale. Ex typographæa nostra, VII. Idus Augusti, anno Redemptionis nostræ CIO. ID. XCI.



DE APOPHTHEGMATVM
SIVE SENTENTIARVM, NEC
non etiam Similitudinum selectissimarum, vtilitate atque vsu.

35

PTIMO cuique, & humaniorum Studiorum ac
civilis conuersationis studioso homini, quàm maxi-
mè necessarios esse locos hosce communes apophthe-
gmatum siue sententiarum, ac etiam similitudinum
ex optimis virisque lingua scriptoribus selectarum,
hinc facile constare potest, quod qui in munere seu publico & civili,
seu privato & domestico versantur, si appositè & cum gratia qua-
dam loqui versarique cessent, vita hominum non vita sed ferinus
& cæcus quidam cæcus videari possit. Philosophis igitur, oratoribus,
Imperatoribus regibus, principibus, ducibus, atque priuatis omnibus
hominibus ad cōmunia obeunda huius vita munera, studiâque exor-
nâda, suppellex hîc offertur locupletissima, non solum ad benè dicen-
dum, sed etiam, quod longè præstantius est, ad benè agendum: vtrius-
que enim hinc exempla peti possunt illustria eorum, qui inter homi-
nes eruditionis & sapientia laudes excelluerunt. Priuatorum enim
hominum vnumquengue primum admonet Socrates, ut virtutis de-
siderio non minus quàm patriæ semper teneatur: propterea etiam ab-
stinētissimam vitam agat, & voluptates omnes, veluti Sirenes, fu-
giat. Beatus, inquit Bias, est, non qui diues est & concupis potitur,
sed qui nihil concupiscit. Hoc autem priuatum quemque decere, at-
que etiam duces maximos, facile cōstat ex admonitione Aristidis ad
Themistocle: nam cū Themistocles summā boni ducis laudem de-
finiret, scire ac præscire hostium consilia. Ei istud, inquit, ô Themisto-
cles, faciendum est, sed imprimis oportet habere manus continentes:
hac enim egregij ducis præcipua laus est, ut videlicet etiam & ipse
nihil

nihil concupiscat, præcipueque manibus linguaque & ventri temperet
atque pudendis. Ad Imperatores verò etiam extat admonitio De-
mocrui: nam, inquit, imperator inuictus & fortis est, non hostium, sed
voluptatum victor. Ad priuatum verò spectare potest admonitio E-
picuri, qua docet hac arte diuiscere quosque facile, non si præsen-
tibus alia adiecerint, sed si usum atque necessitatem præuisam sibi cir-
cunciderint. Hac per pauca admonitionis exempla hîc proposita vo-
lui, ut quanta sit operis utilitas magis innotescat: nam non solum prin-
cipibus & cuique priuatorum exhibet admonitiones accommodatissi-
mas, sed & actionum regulas constituit in omnibus, & dum sani su-
mus, & dñ agrotamus, siue etiam cum amicis, siue cum hostibus agimus,
vel serio vel iocose. Præterea sui officij sapius admonet iudices, mili-
tes, monarchas, nobiles, & priuatos quosq; torpentes excitat, languentes
fouet, tristes solatur, imperitos rerum arguit, sciolos castigat, eruditos
miris modis afficit, adolescentes docet, adultos à prauis affectibus de-
hortatur, viros confirmat, senes fulcit, & ad supremam illam metam
festinantes gratis acclamationibus impellit. Pseudochristianis au-
tem ethnicorum tot sapienter dicta & gesta ruborem incutunt, im-
pios & iniustos homines ad celeste & tremendum illud tribunal vel
inuictos pertrahunt, de tot blasphemis, obscænis, nefandis dictis &
factis rationem reddituros. Studiosis bonarum literarum, seu decla-
mationibus, seu mutuis colloquiis, seu epistolarum ad familiares scri-
ptione ingenia sua velint (ut decet) exercere, materiam suppediat,
qua instructi ornate & copiose disserere queant. At hic memine-
rint, velim, apophihigmata, ut & proueria & similitudines, esse in-
star salis & condimentorum, quorum usus non ita frequens, sed a-
pius esse debet. Qua in re prudentia & exercitatione, temporis fi-
lia, opus est. Porro, ad apophihigmatis definitionem accedendum est.
Suntque apophihigmata cum adagijs ipsis comparanda: quod a-
pophihigmata cum adagijs non parum conueniant, immo affinitatem
maximam inter se habeant. Nam cum sit adagium, teste Varrone,
quasi circumagium & celebre dictum, per ora hominum obambu-
lans, & scita quapiam nouitate insigne, ut inquit Erasmus: nulli du-
bium est quod & apophihigma, sit celebre dictum, scita quapiam
nouitate insigne, quamuis non sit vulgo iactatum, nec passim per ora,
hominum obambulet, ut adagium. Equidem optimè consultum esse,

hominum visa, si magis essent trita celebria dicta: nam bene & sapienter dicendo, tandem homines bene agerent, & sapientiores essent. Ad rem autem redeuntes, inter alia quæ adagijs confinia ponuntur, etiam Erasmo teste sunt apophthegmata, quæ nec alio modo differunt ab adagijs quàm sententiæ. Inter sententiam autem & adagium siue prouerbum, quod Græcè παροιμία dicitur, hoc est discriminis, quod verumque cum altero coniungi potest, & utrumque rursus ab altero seiungi, non aliter quàm album ab homine. Et veluti non omne album est homo, nec etiam homo est omne quod album est: tamen nihil vetat id album esse, quod homo est. ita etiam non raro fit, ut sententia παροιμίαν siue prouerbum complectatur. Nam omnis tamen quod παροιμία est, idem est & sententia, nec e contra. Exempli gratia, sententia est hæc non adagium nec prouerbum, Pascitur in viuis liuor post fata quiescit. Prouerbum verò est hoc, non tamen sententia, Ego in portu nauigo. Sententia verò simul & prouerbum est hoc, Ne puero gladium. similiter etiam aliqua sunt apophthegmata, quæ simul etiam sunt proueria & apophthegmata, ut est responsum Simonidis ad quendam in conuiuio tacentem. nam, inquit, siquidem stultus es, sapientem rem facis: si verò sapiens, stultam. Apophthegma verò est, non autem prouerbum, si dicas, oportet Cæsaris vxorem, non solum crimine, verum etiam criminis suspitione vacare. Quoniam igitur quadam sunt ex adagijs, ex quibus confici possunt apophthegmata, quæ transire possunt in adagia, non inutile est horum inter se affinitatem demonstrasse: nam hinc constat apophthegmata ad omnia ea utilia fere esse, ad quæ sunt & adagia: & ubi aliquid inter huiusmodi apophthegmata desideratur, id posse ab adagijs faciliè mutuari. pro apophthegmate enim ex adagijs usurpari potest, si quis respondeat, iniusta petenti, se usque ad aras esse amicum. Et sic etiam multa hæc ratione formari possunt, & passim ex omnibus adagijs possunt apophthegmata commodè formari: ubi breuitas simul adfit, & sententia, & quod scite dici possit: nam scitum appellamus quod antiquitate pariter & eruditione commendatur. Nunc videamus quid sit apophthegmatum proprium, & unde id eis contingat. Ipsius enim tradita definitione, & similitudine atque differentia ab adagijs, si quid proprium est apophthegmatis in memoriam

rursus

tursus renocabimus, & facile etiam inde apparebit quo pacto & ad
quot utilis sit apophthegmatum cognitio. Apophthegmatis pro-
prium est quod est sententia proprium, hoc est ut eruditione & an-
tiquitate commendetur, siue scita quapiam nouitate insigne & ce-
lebratum, quod etiam maxime adagio conuenit, immo ex hoc fit ut
ad quaecunque uilia sint proueria, ad eadem conferant & apoph-
thegmata. Conducit igitur apophthegmatum cognitio cum ad alia
permulta, tum potissimum ad philosophiam, ad persuadendum, ad
decus, & ad gratiam orationis, atque etiam ad intelligendos opti-
mos quosque autores. Et primum quidem conducit ad philosophiae
scientiam comparandam: quoniam sciue dictis quicquid est phi-
losophiae scientiaeque & sapientiae in homine facile comprehenditur.
Non segniter ergo nec osistenter, sed pressius & penitus inspicienda
erunt & relegenda haec apophthegmata: subsunt enim in hisce sciue
dictis, & sententiis ueluti quidam igniculi ingentis sapientiae suntque
huiusmodi apophthegmata similime sacrorum mysteriis in quibus
maxime quapiam res ac diuina minutulis & in speciem pene ridi-
culis ceremoniis significari solent. his enim breuibus dictis per inuo-
lucrum quoddam eadem innuuntur, quae philosophia principes tot
voluminibus tradiderunt, immo tantum honoris habitum est eis o-
lim, ut non ab homine profecta, sed caelitus delapsa, viderentur. nam e
calo, inquit Iuuenalis, descendit γῶδι σκαυτὼν, id est nosce te ipsum:
& perinde etiam pro foribus templorum, ueluti digna diis, inscribe-
bantur, passimque columnis & marmoribus in sculpta viscebantur tan-
quam immortalis digna memoria. sed hoc adhuc longè magis manife-
stum est, si quis memoria repetat Socraticum illud, quod in apologia
Socratis responsum habetur, ubi pluribus rationibus Socrates docet
magis obediendum esse Deo quam hominibus. Hoc enim dogmate
nullum unquam prodium est à philosophis vel ad rectè instituendam
vitam salubrius, vel Christiana religioni nostrae vicinius: & nihilo-
minus rem tantam breue hoc apophthegma paucis complectitur. Fe-
licitatis enim humana summa eo comprehensa est. immo hoc si morta-
libus persuaderi queat, ilico cessent e medio bellum, inuidia, fraus,
atque uniuersum malorum agmen. Ex hoc igitur vno solo apophthegma
te satis patet quantum philosophiae breuis sententia nobis aperiat.
Sed videamus quo pacto etiam ad persuadendum apophthegmata

conducant. unica autem hac ratione, ut ceteras breuitati consulens o-
mittam, hoc facile constat, quod apophthegmata siue sententia, quae
vulgo receptae sunt, hoc ipso, quod incertum auctorem habent, velut o-
mnium sunt, & vim maximam ad persuadendum habent. neque
enim durassent haec in aeternum, inquit Fabius, nisi vera omnibus vi-
derentur. Ad intelligendos autem optimos quosque autores etiam con-
ducere, & potissimum etiam ad intelligentiam eorum quae dicuntur col-
loquendo, hinc facile constat, quod mutilarim haec quandoque efferun-
tur. ut cum dicimus, Principiis obsta. Ceterum non est quod hac de re
pluribus agamus. Utilitas enim in promptu legenti erit, & potissimum
si legantur ut mores instituantur, & sermones emendentur. nam si cor-
rumpunt bonos mores colloquia praua, facile instaurabuntur optimi ex
dictis & sententiis Sapientum.

THOMAS NAOGEORGVS

LECTORIBVS.

Dicta olim veterum mixtim collegit ERASMVS,

Vnde ingens studiis prodiit utilitas.

Olim ea CONRADVS nidis communibus aptè

Disposuit, curis auxit & illa suis.

Vnde lucrum maius facies studiosa iuuentus,

Quod certo inuenies condita quæque loco.

Scilicet ut prodest aptè digesta supellex,

Quum citius quicquid flagitat vsus adest:

Sic habet in studiis, quum facta argutaque dicta

In classes retines quæquæ redacta suas.


Ergo, LYCOSTHENEI dignas perfoluito grates,

Cuius ita assidua ritè iuuaris ope.

CAPIT.

CAPITVM SIVE LOCO- RVM COMMVNIVM

Index.

A		
 Bstinentia	1	Amantium ira & odium 48
Abusus rerum pernicio-		Amor honestus ibid.
sus	4	Amor sui, quem Græci φιλαυτία vo-
Accusatio	5	cant 49
Admonitio	ibid.	Amari à subditis melius quàm me-
Adulatio & Assentatio	6	tui 50
Adulatores non admittendi	11	Animæ immortalitas ibid.
Adulantium libertas	12	Animi bona ac cultus 52
Adulterium	13	Animosè dicta 56
Ægrotatio	15	Aqua lustralis 59
Æmulatio	16	Arcana non temerè effutienda ibid.
Ænigmata	ibid.	Argutè dicta 60
Æqualitas	17	Arrogantia 68
Ærarium & fiscus	18	Artiū atq; disciplinarum vtilitas 69
Affabilitas	ibid.	Artes superuacaneæ & inutiles ibid.
de Affabilitate neglecta	19	Artium contemptus 70
Affectatio verborum	ibid.	Ars, quā quisq; nouit, exercēda ibid.
Affectus humani	20	Aspectus incautus 71
Affectus priuari	21	Assentatio 71
Affectus nostri, qui in aliis proban-		Assiduitas ibid.
tur	ibid.	Assuetudo ibid.
Affectus frenandi	22	Astrologia & Astronomia 72
Afflictiones	23	Astutia 73
Agricoltura	ibid.	Attentio ibid.
Alea	26	Auaritia 74
Ambiguè dicta	ibid.	Audacia 82
Ambitio	30	Auditus & auditores 84
Ambitio ex fordibus	34	Auguria ibid.
Amicitia, atque amicus bonus	35	Aulica vita 85
Amicitia regum & principum	41	Authoritas 87
Amicitia neglecta, aut violata	ibid.	B Alneum 88
Amicitia falsa, quæ in aduersis pate-		de Barba ibid.
fit	42	Barbaries 90
Amicorum electio	44	de Beatitudine ibid.
Amicus castigatior	45	Beatus nemo iudicandus ante mor-
Amicorum res communes	ibid.	tem 92
Amor impudicus	46	Belli studium ibid.
Amoris parum honesti remedia	47	Belli perniciēs 95

INDEX.

Bellici sumptus	96	peffimum	ibid.
Beneficentia	ibid.	Confiliarij regum ac principum	142
Beneficium indigni collatum, & à dignis accipiendum	99	Consolatio	143
Beneficium indignis collatum	100	Constantia	144
Beneuolentia	101	Conitancia in re turpi	146
Bonitas vel benignitas, & bon ^o vir	101	Consuetudo	ibid.
Breui loquentia	103	Consuetudo loquendi	147
C æcitas	105	Contentio	ibid.
Callidè dicta	ibid.	Contemptus & irrisio	148
Calumnia	106	Continenti	ibid.
Canicies	107	Contumacia	150
Castigatio, correctio & reprehensio	108	Contumelia	151
Castigatio modesta	109	Conuictus & conseruatio	ibid.
Castigatio libera	ibid.	Conuictus malorum non semper obest	152
Castigatio dura	110	Conuiuia	ibidem.
Castigatio iniquo animo lata	111	Conuicia	153
Castitas	ibid.	Couicia in ipsū authorē retorta	154
Celeritas atq; velocitas in agēdo	112	Correctio	162
Charitas	113	Crudelitas	163
Ciuilitas	ibid.	Cunctatio in rebus agendis	166
Claudicatio	115	Curiositas	ibid.
Clementia	116	D amnum acceptum	168
Cognitio sui	123	Deambulatio	ibid.
Collega inuulilis	125	Debitores soluendi	ibid.
Coitus & venus	ibid.	Decorū ubiq; omnib. obseruādū	179
Comitas	126	Defensio	171
Commendatio	127	Dediscendi difficultas	172
Comœdiæ libertas	ibid.	Degeneratio	ibid.
Compassio seu condolentia	128	Delatio	174
Concordia	ibid.	Democratia	ibidem.
Confessio	131	Deposita	ibid.
Coniugium	ibid.	Deus	175
Coniugalit amor	133	Deus æternus	176
Coniugij molestiæ	ibid.	Deus immutabilis	ibid.
Coniugium iteratum	134	Deus semper colendus	177
Conscientia bona	135	Deus, dona sua inæqualiter distribuens	178
Conscientia mala	137	Dialectica	ibidem.
Consilium bonum	138	Diffidentia	180
Consilium secretum	ibid.	Diligentia	ibidem.
Consilium præcipitatum	139	Diligentia nimia	181
Consilium senile	ibid.	Discendi cupiditas	ibid.
Consiliū bonum, sed contemptū	140	Discipulus docilis	183
Consilium in melius mutatum	141	Discipulus indocilis	184
Consilium malum, ac consultori		Disci-	

I N D E X.

Discipulorum erga præceptores pietas	185	Error & lapsus	229
Discipulorum in frequentia, & numerus exiguus	ibid.	Exactiones & tributa	230
Discordia	ibidem	Exercitatio ingenij	ibidem
Disputationes, aut quæstiones inutilles	ibid.	Exercitatio corporis	231
Dissidium	187	Exilium	ibid.
Dissimulatio	ibid.	Exilium fortiter ferendum	232
Diuinatio	188	Experientia rerum	233
Diuitiæ ac opes	190	Exprobratio	234
Diuitiarum vsus	194	E Acerè & iocose dicta	235
Diuitiarum abusus	195	Fama bona	248
Diues indoctus	196	Fama & rumor falsus	249
Diuitiarum atq. opum contemptus	ibid.	Fames & sitis	ibid.
Docilitas	199	Familiaritas	251
Doctrina & eruditio	ibid.	Falsus	ibid.
Doctrina & eruditio in pretio habitata	204	Fatum	ibidem.
Doctrina factis dissentanea	206	Fauor	252
Dolus & fraus	208	Fauor arte & largitionibus captatus	ibid.
Dolor	ibidem	Feriae & dies festi	253
Domini præsentia	ibidem	Fides seruanda	ibid.
Domus structura & ornatus	208	Fiducia sui	254
Donum & munera	ibidem.	Fiducia artis	256
Dos	ibid.	Fiducia potestatis	ibid.
Dux belli	220	Fiducia meritorum	257
Dux externus	211	Filij, siue liberi	ibidem
Dux senex	ibidem.	Filiorum pietas in parentes	258
Ducis prudentia & vigilantia	212	Filiorum impietas in parentes	259
Ducis præsentia, multum conferens ad victoriam	213	Filiorum abdicatio	260
Dux strenuus & solers	ibid.	Finis vbique spectandus	261
Dux, qui vitæ suæ non debet esse prodigus	214	Felicitas	261
Ducis pietas erga milites	215	Fœnus	262
Dux bonus non facile mutandus	216	Forma & pulchritudo corporis	ibid.
Dux ignauus	ibid.	Fortitudo domestica	265
E Brietas	216	Fortitudo heroica & militaris	269
Ebrietatis effectus varij	220	Fortuna	280
Educatio & institutio liberorum	221	Fortunæ inconstantia & mutatio	241
Educatio filiorum neglecta	225	Fortuna aduersa æquo animo ferenda	284
Eleemosyna	226	Fratres	285
Electio	227	Frugalitas	286
Eloquentia	228	Fucus	292
		Fuga	293
		Fuga excusata	294
		Furtum & fures	295

I N D E X.

G Arrulitas & loquacitas	296	Imperij administratio difficilis	338
Generosè dicta	298	Impietas	339
Gesticulario,	299	Impudentia	ibidem
Geometria	300	Imperitia	339
Gladius, gladiatores atq; arma	ibid.	Impudicitia	34
Gloria & eius amor	301	Impunitas	ibid.
Gloriæ contemptus	303	Incessus	ibid.
de Gratitude	ibid.	Inconstantia & leuitas	ibid.
Gratitudo in Deum	304	Incontinentia & libido foeda	341
Grauitè dicta	305	Indocti	ibidem.
Gubernatio	310	Indoles excelsa	ibid.
Gula	ibid.	Industria	342
H Aretici fugiendi	311	Infamia	343
Hilaritas	ibid.	Infernus	ibid.
Historia	312	Infelicitas	ibid.
Homo	313	Ingenium	344
Homines suum officium non facientes	314	Ingratitudo	ibid.
Hominis miseria & fragilitas	315	Initiatio	347
Honestas	318	Iuiuria	ibid.
Honor virtutis præmium	ibid.	Iniustitia	348
Honor artibus & eruditioni exhibitus	319	Innocentia	349
Honor negatus	320	Inscitia	351
Honor ex necessitate oblatu	ibid.	Integritas vitæ	ibidem
Honor momentaneus	ibid.	Intemperantia	353
Honoris priuatio	321	Interrogatio absurda & inepta	354
Honor absque vtilitate	ibid.	Inuidia felicitatis & virtutis ymbra	ibid.
Honoris contemptus	ibidem	Iocosè dicta	358
Hospitalitates	324	Ira	363
Hostes & inimici	ibid.	Iracundia cohibenda	ibid.
Hostes fraude, astu, ac dolo vincendi	325	Irrisio	367
Hostes contempti	326	Iudex bonus & incorruptus	ibid.
Hostes non crudeliter tractandi	327	Iudex malus & corruptus	370
Humanitas	328	Iudex incautus	371
Humilitas	329	Iudiciu nimis exactum	ibid.
Hypocrisis	312	Iudiciu iustū nō temerè mutandū	372
I Actantia	330	Iudiciu in re ignota nō ferendū	ibid.
Ignauia	ibid.	Iuramentum vel iusiurandum	374
Ignobilitas & obscuritas generis	331	Iurisprudencia	375
Ignoscentia	332	Iustitia	376
Imitatio	ibid.	Iuuenes & iuuentus	381
Imperator, & eius officium, item imperium administrandum	333	L Abor	382
		Lasciua	386
		Latrocinium	ibidem
		Laus, virtutis stimulus	ibid.
			Laus

INDEX.

Laudis cupiditas	387	Matheſis	472
Laus à bonis viris proſecta	389	Matrimonium	472
Laus à malis hominib. proſecta	390	Medicina	ibid.
Laus ab inimico & hoſte ꝑfecta	391	Medicina contempta	473
Laus à ſeipſo proſecta	ibid.	Mediocritas	475
Laus propter vtilitatem	392	Memoria	ibid.
Lautitia	393	Mendacium	476
Leſtionis delectus	ibid.	Mendacium vrbane excuſatum	478
Legatio legati	398	Mendicitas & mendicantes	ibid.
Leges	400	Mens	479
Legū authoritas & obſervatio	ibid.	Mercedis cupiditas	480
Legum neglectus	405	Metus & timor, vel timiditas	481
Legum renouatio & abrogatio	406	Militia & milites	483
Lepide dicta	ibid.	Militū in rebus agendis ignavia	484
Liberalitas	408	Militaris diſciplina	486
Liberè dicta loquendi libertas	411	Miſericordia	490
Libertas	426	Moderatio animi	491
Libertas nimia	429	Modestia	495
Libido ſœda	ibid.	Modeste dicta	496
Librorum fiducia & multitudo	430	Modus & mediocritas	497
Licentia	ibid.	Moleſtia	498
Lingua, garrulitas & loquacitas nimia	431	Mollities	ibid.
Lis & contentio	438	Monarchia	499
Litigare, contēdere, aut ludere cum potentioribus, periculolum	439	Morbi animi	500
Locatio in honorum diſtributione	440	Morbi corporis	ibid.
Lucrum	441	Mores	501
Luctus	442	Morum diuerſitas	ibid.
Lulus	443	Mores in melius mutati	502
Luxuria & luxus	ibid.	Mores mutati in peius	503
Magiſtratus & gubernatio Rei-pub.	453	Moriones ac ſtulti	ibid.
Magiſtratum electio	456	Mors	ibid.
Magiſtratum ſolicitudo	457	Mors contemnenda	508
Magiſtratus momentaneus	458	Moriētium monita & doctrinæ	517
Magnanimitas	459	Mortis & ſomni cognatio	519
Magnificencia	ibid.	Mors generoſa	ibid.
Maledicencia, ac mordacitas	460	Mors generoſa non deſcenda	520
Malignitas maledica	465	Mors ſuorū æquo animo ferēda	522
Malitia	469	Mortui non lædendi	523
Malum & mali	ibid.	Mulierum natura & mores	ibid.
Mancipia	470	Munus exiguū non contemnendū	526
Manſuetudo	ibid.	Munerum corruptela	527
		Munerum contemptus	528
		Mundus	533
		Muſica	ibid.
		Muſica contempta & irriſa	534

INDEX.

Mutationes	538	Ostenta	ibid.
Mutuum	ibid.	PAx	565
NArandi peritia	539	Pallor	566
Natiuitas omnibus hominibus communis	ibid.	Parentum amor in filios	ibid.
Natura	ibid.	Parentum seueritas in filios	568
Nauigationis periculum	540	Par pari relatum	569
Necessitas	541	Parricidium	571
Negotiorum multitudo, qua in diuersa dittrahitur homo	542	Parsumonia	ibid.
Nobilitas generis	ibid.	Parta probè custodienda	573
Nobilitas vera	543	Patientia doloris	ibid.
Nominum varia interpretatio & mutatio	545	Patientia iniuriæ	575
Nominis immortalitas	547	Patriæ obscuritas	577
Nox	ibid.	Patriæ forti viro est vbique	578
Nuntij	ibid.	Patriæ amor	579
Nuptiæ	ibid.	Patriæ fortiter propugnanda	580
Nuptiæ secundæ	548	Patriæ neglectus	583
OBedientia	ibid.	Patriæ contemptus impius	ibid.
Obefi, vel pinguedo.	549	Patriæ impietas in suos	184
Obiurgatio	550	Patroni	ibid.
Oblitio	ibid.	Paupertas	585
Occasio non negligenda	551	Peculatus	588
Orium honestum	552	Pecunia	589
Orium inhon. fugiendum	553	Peregrinationes	ibid.
Odium	554	Perfectio	590
Oeconomia	ibid.	Perfidia	591
Officium bene collocandum	556	Periculum vitandum	ibid.
Omina	557	Perseuerantia	ibid.
Opinio	ibid.	Perseuerantia & constantia piorum in cruce	592
Oracula	ibid.	Persuasio	594
Orationis vehementia	558	Pertinacia	ibid.
Oratio elaborata	ibid.	Petitiones honestæ	595
Oratio incompofita	560	Petitiones laudatæ & illaudatæ	593
Oratio inepta	ibid.	Philosophiæ vsus & vtilitas	599
Oratio aliena	561	Philosophi	606
Oratio extemporalis	ibid.	Phisiognomia	607
Orationis habitus, pro re & tempore variandus	562	Pictura & pictores	608
Oratores	563	Pigritia, ignauia, atque desidia	609
Ordo	ibid.	Podagra	610
Ornatus	ibid.	Pœna malis infligenda	ibid.
Osculum	564	Pœna mitigata	612
Ostentatio	ibid.	Pœnitentia	613
		Pœsis	ibid.
		Poetica fictio	614
		Populus	615
			Pote-

INDEX.

Potestas & potentia	ibid.	Religio seruata	660
Potestas breuis	616	Religio neglecta	661
Præceptor bonus ac fidelis	ibid.	Reprehensio	ibid.
Præceptores mali & indocti	617	Respublica	ibidem.
Præcones laudum	618	Repulsa	662
Præda militaris	ibid.	Resposum durum & absurdum	663
Præfagia	620	Responsum repentinum	ibid.
Precatio, siue oratio hominis ad Deum	ibid.	Reuerentia	ibid.
Princeps bonus, ac eius in regni administratione officium	621	Rhetorica	664
Princeps malus	630	Risus	ibid.
Principiū rerum agendarum durū	631	Robur corporis	665
Probitas	632	Rubor	ibid.
Probitas damnata	ibid.	Sacrificia	666
Prodigalitas, profusio & largitio	632	Sacrilegium	ibid.
Proditio	634	Sagittandi peritia	667
Promissiones	635	Salse dicta	ibid.
Pronuntiatio	637	Salratio	674
Prosperitas	ibid.	Sanitas & valetudo bona	675
Providentia Dei	938	Sapientia	676
Providentia hominum in rebus agendis.	ibid.	Sapienter dicta	678
Prudentia	639	Satellitium principum	684
Prudentia dicta	641	Scortationis detestatio	ibid.
Publica negotia priuatis anteposenda	642	Securitas	685
Pudicitia	ibid.	Seditio	686
Pudicitia coniugalis	643	Senectus	ibidem
Pudor & verecundia	644	Senectus viuida & animosa	688
Pudor præposterus	645	Senectus imbecilla	689
Pudor inutilis	ibid.	Senectus oneranda	690
Pueritia insignis	646	Senectutis fiducia	691
Pulchritudo	ibidem	Sepultura	692
Quies	647	Seria negotia in vinolentis conuiujs non tractanda	694
Rapacitas	647	Sermo, animi speculū ac index	ibid.
Ratio	648	Serui ac famuli	696
Ratio reddenda	ibid.	Seruus fidelis	697
Reconciliatio	ibid.	Seruorum multitudo & turba	698
Recreatio, vel Relaxatio	649	Seruorum ministerium	699
Regnum & Reges	ibid.	Seueritas	700
Regnandi libido	652	Seuerè dicta	ibid.
Regnum virtute parandum	656	Sexus	701
Responsum ab inexpectato	657	Silentium	ibidem.
Regnum virtute stabiliendum	659	Similitudo formæ	705
		Simulatio & dissimulatio	ibid.
		Simultas Reip. pernicies	707
		Sobrietas	708

INDEX.

Solœcismus	710	Vestibus	746
Solenter dicta	ibid.	Verulæ	749
Solertia animalium	711	Vicarij	750
Solitudo, & vita solitaria	712	Vicini	ibid.
Somnus	ibid.	Victoria	ibid.
Somniorum interpretatio	713	Victoria non astu aut infidiis, sed vir	
Sophistica	714	tute paranda	752
Sors	715	Victoria incruenta	754
Speculum	ibid.	Victoria non ex multitudine militū	
Spectacula	717	metienda	755
Spes	ibid.	Victoriæ moderatio	757
Statuæ simulacra atq; imagines deo-		Victoriæ insolentia	759
rum	718	Vigilantia	760
Statuarum vanitas & contēptus	719	Vinum & Vinolentia	ibid.
Stultitia, & stulti	720	Virtus	761
Sumptus superuacanei	721	Virtus in actione consistit	764
Superbia	722	Vis vel Violentia	765
Superbia ex sordibus	726	Visus, aspectus & oculi	766
Superstitio	ibid.	Vita humana	767
Suspicio vitanda	728	Vitæ contemptus	769
T Aciturnitas	729	Vitę cupiditas	ibid.
Temeritas	730	Vitia	770
Temperantia	731	Vituperatio	ibid.
Temporum ornatus	732	Vltio & vindicta.	ibid.
Tempus & eius iactura	733	Vltio & vindicta negligenda	773
Testimonium & testes	734	Vnguenta	781
Tormenta & quæstiones	ibid.	Vox atque clamor	782
Tragœdia	ibid.	Voracitas	783
Tranquillitas animi	735	Vota	ibid.
Tristitia	736	Vrbanitas	784
Triumpho	ibid.	Vrbium munitione	ibidem.
Trophæa	737	Vsura & fœnus	785
Tyrannis	ibid.	Vtilitas	786
V Afrē dicta	741	Vulginatura, mores & iudicium	787
Venia delicti	ibid.	Vulnus & cicatrix	789
Ventris studium	742	Vxores	ibid.
Verbera	ibid.	Vxor eligenda	790
Verborum obscuritas	743	Vxor ducenda	791
Verecundia	ibid.	Vxor non ducenda	792
Veritas	744	Vxor morosa, imperiosa, ac molesta	
Veritatis simplex oratio	745	793	
Veritas odium parit	ibid.	Zelotypia	796



A P O P H T H E G M A T V M L O C I C O M M V N E S,

CONRADO LYCOSTHENÈ
COLLECTORE.

De Abſtinentia.

SOCRATES.



VM qui virtutem, tanquam patriam, intueri desiderabat, admonebat, vt abſtinentiſſimā vitam agens, voluptates omnes, veluti Sirenes, fugeret. Stob. ſerm. 15.

Idem.

* Quosdam hospites ſuos quum ſatis tenui cœna excepiſſet, cuidam quærenti, reſpōdit: Si boni ſunt, æqua nimiter ferent: ſi mali, non eſt curandum. Laertius.

Idem.

* Suadere ſolitus erat illos cibos potuſve vitandos, qui vltra ſitim famēmque vitandam producunt appetentiam. Xen. Macrob. Saturnal. libr. 7. cap. 4.

Plato.

* Extat præclara epiſtola Platonis ad Dionis propinquos, in qua ſcriptū

eſt, his ſerè verbis: Nullo modo placuit bis in die ſaturum fieri. Cic. lib. vlt. Tuſc. quæſt.

Bias Prieneus.

Beatum quidem eum eſſe dicebat, qui & diues eſſet, & cupitis potiretur. Sed eum qui nihil concupiſceret, longè beatiorem fore. Maximus ſer. 3. de Caſtitate.

Ariſtides.

Quū Græcis tributa indixiſſet, tanto pauperior rediit, quantum abſumpſerat in peregrinatione. Atqui in tali genere functionis ſolēt alij meſſē opimam metere. Eo magis ille cauuit, ne quid ſuſpicionis eiufmodi conſlaret ſibi, proinde ſuis impendiis remgeſſit. Plutar. in Græc. apoph.

Idem.

Quū Themistoceles irriſiſſet Ariſtidis conſilium, hoc agentis, vt cenſus eſſet in tuto, dicens eam laudem non eſſe viri, ſed ſeruij tutò ſeruatiſ aurum: deinde ſummam boni ducis laudem definiret, ſcire ac præſcire

A

hostium confilia : Et istuc , inquit ,
 & Themistocles faciendum est : sed
 in primis oportet habere manus ab-
 stinētes, atque hec egregij ducis præ-
 cipua laus est. Hoc sermone notauit
 Themistocles irapacitatē , & osten-
 dit , à publico bono abstineūdum esse
 omnibus. Plut. in vita Aristidis.

Anacharsis.

Eius statuis atque imaginibus in-
 scribebatur , γλῶσσος , γαστήρ , αἰσχρὴν
 νεκρῆν , id est, linguæ: ventri, puden-
 dis temperādum. Quod maximorū
 malorum causa fit lingua effrenis,
 luxu nil turpius , libido peccudem ex
 homine reddat. Laer. lib. i. cap. 9.

Zeno Citiensis.

Ne per morbum quidē cibo magis
 delicioso fruendum opinatus est. Igi-
 tur medico columbinum pullum
 consulente , ipse consilij impatiens,
 non secus quam Manem seruum,
 si ægrotaret, curari se iussit. Nimi-
 rum volebat , nō se mollius tractan-
 dum quā aegrū aliquem seruum.
 Si enim absque preciosis alimentis
 recuperare sanitatem serui possunt,
 quid idem nobis futurum prohibe-
 ret? sanē indignum est, virū bonum
 vllō se seruo molliorem præstare.
 Musonius, in lib. de Alimentis.

Aristippus.

*Moderatur voluptati, nō qui pe-
 nitur abstinere , sed qui hoc modo
 vitur , vt non abripiatur cum ipsa:
 vt naui & equo imperat haud qui nō
 vitur , sed qui , quō libuerit ducit.
 Stobæus.

Democritus.

Dicere solebat: Fortis est, non tan-
 tū hostium , sed & voluptatum vi-
 stor. Stobæus ser. 7.

Idem.

Quemadmodum vnctio non quæ
 suavis est, aut lōga, bona est , sed quæ

sanat: sic cibus , non qui suavis , aut
 multus, bonus est , sed qui valetudi-
 nem tuetur. Max. monach. ser. 27.

Idem.

In capiēdo cibo omnis celeritas
 absit: hoc enim caninū est, bestiam-
 que magis quā hominem decet.
 Max. ser. 27.

Epictetus.

*Solitus est dicere , duo esse vitia
 omnium teterrima ac grauissima.
 intolerantiā & incontinentiam: cum
 aut iniurias , quæ sunt ferendæ , non
 toleramus, neque ferimus : aut à qui-
 bus rebus voluptatibūsq; nos tenere
 debemus, non tenemus. Itaque , in-
 quit , si quis hæc duo verba cordi ha-
 beat, eaque sibi imperando atque ob-
 seruando curet , is erit pleraque im-
 peccabilis, vitamque viuet tranquillis-
 simam. Verba duo hæc dicebat, *ἡ ἀνὴρ*
 ἡ ἀνὴρ, id est , Sustine & abstine. A.
 Gellius lib. 17. cap. 19.

Epictetus.

Interrogatus , qua quis arte dite-
 sceret : Non si præsentibus adiece-
 rit , respondit , sed vsum ac neces-
 sitatem sibi persuasam circuncide-
 rit. Stobæus serm. 17. Non augendæ
 sunt opes , sed minuendæ cupiditates.

Demosthenes.

Dicebat , hoc esse perpetuum sa-
 pientis institutum , vt rationem cu-
 piditatum dominum constituat. Stob.
 serm. 17.

Cyrus Persarum rex.

Hi qui repentinis abstinent volu-
 ptatibus , non id agunt vt lærentur
 nunquam , sed vt per hanc inconti-
 nentiam multo maiore in posterum
 tempus letitia afficiantur. Brusonius
 lib. i. cap. 9. ex Xenophonte.

Darius.

*Fugatus ab Alexandro, cum aquā
 turbidā & cadaueribus inquinatam
 bibis-

bibisset, negavit se vnquam bibisse iucundius. Nunquam videlicet si tiens biberat. Cicero Tusc. quæst. ult. lib. 1.

Alexander Macedo.

Ob aquarum defectum in itinere siti laborabat: igitur cum fortè oblata esset galea aqua plena, vbi galeam in manus accepit, circumspectans quos circa se habebat equites demisso capite & fixis in potum oculis, ingustatam reddidit aquam, probatisque viris dixit: Si solus biberem, hos moror instigabit. *Bruto. lib. 1. cap. 9. ex Q. Curtio.*

Cato maior.

Quamvis complures vrbes cœpisset, nihilominus tamen dicebat, hisce diebus quos in castris fuisset, nihil plus accepisse, quàm quæ ex hostium agris comedisset ac bibisset. *Plutarch.*

Idem.

Neque, inquit, mihi ædificatio, neque vas, neque vestimentum vllum in manu pretiosum, neque pretiosus seruus, neque ancilla. Si quid est quo utar, utar: si non est, ego sum, quo cuique per me uti atque frui licet. *Bruto. lib. 1. cap. 9.*

Tiberius Cæsar.

*Ab amicis interrogatus, Cur non tam facile magistratus & præfecturas suas mutaret? respondit se data opera hoc fecisse semper. Naturâ enim omnes qui administrationi præfint pecuniæ esse cupidos, plurimûque studij ad rem magis magisque augendam eos collocare. Cæterum si diutius in magistratu versentur, segnior ad quæstû faciendum fieri. *Muscæ* enim, si longius corporum vlceribus insideant, minus graues & molestas fieri. quippe sanie vlcera ad satietatē vsque refertas: & eum qui vlceribus scateat durius acceptû af-

fectumque iri, si saturis iam repulsis, famelicis alias ad vulnera admittere velit. *Nicephor. eccles. histor. lib. 1. cap. 17.*

Julianus Imperator.

Eunuchos, coquos, tonsores, eiecit è palatio. Rogatus quam ob causam: negavit sibi esse opus eunuchis cum vxor decessisset: nec opus esse coquis, quod simplicissimis cibis vesceretur. De tonsoribus dixit, vnum multis sufficere. *Erasim. lib. 8. apoph.*

Alexander Severus.

Curfore nunquam utebatur, nisi seruo suo, dicens: Ingenuum currere nisi in sacro certamine non debere. Cocos item, piscatores, fullones, & balneatores non habuit nisi seruos suos: nolens quenquam ingenuum sordidis ministris dehonestare. *Ælius Lampridius.*

Boethius.

*Paucis minimisque natura contenta est, cuius satietatem si superfluis velis vrgere, aut iniucundū fiet quod infuderis, aut noxium *lib. 1. cap. 1. prosa 5. de philosoph. consol.*

Rodolphus imperator.

Quum in bello, quod contra Otacaram Bohemiæ regem gessit, potu laboraret cum toto exercitu, ferunt rustico (qui messoribus potum ferret) ablatam hydriam sicera plenam, atque imperatori oblata. Quam cum ille vidisset, reddite, inquit, homini vasculum suum: nam ego exercitui, non mihi sitiebam. Sicque sua abstinentia partim exercitum eo potu refocillauit, partim ad sitis patientiam inuitauit suo exemplo. *Æneas Sylvius libro 3. commentariorum in res gestas Alphonsi.*

Alphonfus rex.

Quū fugato Iacobi Candolæ exercitu, sine tentoriis ac comineatu

liquidē ex insperato aduenerat) pernoctare subdicio cogeretur, & Ioannes Efernitanus Alphonfi studiosus raphanum vnum, in tam magna militum inopia, & panem vnum cum dimidio caseoli Balearici, regi misisset, recusauit: Non decere, inquit, imperatorem ieiunio exercitum mādere. Panormita. lib. 3. de rebus gestis Alphonfi.

Pyrrhoniculus Vasco.

Is peregrē iter faciens, cum ad meritoriam tabernam venisset, & apposta esset cœna omni ex parte olitoria, cum vino dilutissimo, omniāque administrarentur quā parcissimē, finita cœna iussit ad se vocari medicum, ad mercedem capiendam. Igitur caupo cum respondisset: Ecquid, malum, in vinculo maxime agresti medicum requiris? Ibille: Num, ô bone, te ipsum ignoras? quo sit igitur merces operæ suæ par, medici pretium accipe? non cauponis. Sensit autem, frugalitatem sobrietatēque optimam hominibus esse medicinam Adrianus Barlandus.

D. Ambrosius.

*Abstinentia ciborū sola non sufficit, nisi opera ei bona etiam adiungantur. Polyanthea.

D. Gregorius.

*Abstinentes & arrogantes per abstinentiam quidem corpus afficiunt: sed per desiderium vanæ gloriæ viuunt. Polyanthea.

Isidorus.

*Sicut omnes cupiditates carnales abstinentia refecantur: ita omnes animæ virtutes edacitatis vitio destruantur. Neque quisquam potest virtutum perfectionis attingere, nisi prius edomuerit ventris ingluuiem.

Vide Apophthegmata de Castitate, & Continentia, Frugalitate, & Tēperantia.

De abusu rerum pernicioso.

Aristippus.

DELECTATVS aliquando ingenuo vnguento: Malè sit, inquit, malis cinædis, qui rem tam bellam infamarunt: sentiens, multa per se bona, reici culpa vtentium malè. Laert. libro 2.

Theodorus Athen.

Obiicientibus quòd doctrina ipsius multi redderetur deteriores, respondit, id aliorum vitio accidere, qui doctrinam ipsius sinistra exciperent, quum ipse dextra porrigeret. Plutarchus, libello de Animi tranquillitate.

Diogenes.

Aliquando Platoni occurrit, caricas edens, eique offerens dixit: Licet participem esse, quum acceptas edisset, Participem esse dixi, inquit, non deuorare, *καταφάγει: εἶπον, ὅτι καταφάγειν*. Hic iocus ad rem seriam potest accommodari, videlicet in eos, qui principis, præceptoris, aut parentum permissu abutuntur ad inconcessa. Veluti si quis admonitus, non esse inutile degustare dialecticam, totam vitam ei impendat studio. Dictum ita refertur à Laertio, vt dubites vter alteri obtulerit caritas. Laert. lib. 6.

Epictetus.

Conspiciens quendā impuris moribus audacem, cōfidenti lingua, improbo tamen studio philosophiæ disciplinas contrectare, inclamabat deū atque hominum fidē, his verbis increpans hominem: O homo, vide quò mittas, num purgatū sit vas. Nam si ad arrogantiam ista immiseris, interierint: si computruerint, in vrinam aut in acetum vertentur, aut si quid his deterius. Sensit eruitionem

tionem esse perniciosam, si in animum inciderit prauis affectibus corruptum: & quò quæque disciplina sanctorior, hoc sit perniciosior, si contigerit improbo. Velut bono theologo nihil melius, malo nihil pestilentius. Eras. libro septimo apoph. ex Gellij libro 17. cap. 19.

Promethesus.

Quum ignem è cœlis in terras deportasset, eumque primum visum Satyrus complecti vellet, & exosculari Heus, inquit, ni caues hirce, profecto dolebit tibi mentum. Admonens, etiam quæ natura pulcherrima sunt maximèque non necessaria, tamen fieri perniciofa, nisi rectè vtaris. Eras mus 8. apoph. ex Plutarcho.

D. Cyprianus.

* Duodecim sunt abusus seculi: sapiens sine operibus, senex sine religione, adolescens sine obedientia, diues sine eleemosyna, mulier sine pudicitia, dominus sine potestate. Christianus contentiosus, pauper superbus, rex iniquus, episcopus negligens, plebs sine disciplina, populus sine lege tract. de 12. abusi.

D. Bernardus.

* Magnus abusus est, vt corpus induatur, & suis vestibus anima nuda deferatur. In apologia.

De accusatione.

Demosthenes.

IVssus ab Atheniensibus, vt quendam accusaret, recusauit: sed facta in eum populi acclamatione, surgens dixit, Vos me, viri Athenienses, consultorem habebitis etiam inuiti: calumniatorem verò, ne si velitis quidem. Bruson. lib. 1. cap. 16.

Cicero.

In Cælium melius differentem ac accusantem, quàm defendentem crimina, vrbanius bonam dextram, malam verò Cælium finistram habere dicebat. Bruson. lib. 1. cap. 16.

M. Crassus.

Cùm leui de causa nunc accusator, nunc patronus in vna eadèque causa esset, Sicinius homo mordacissimus interrogatus, cur Crassum non ob id reprehenderet? Non facio, inquit, quandoquidem fœnum in cornu habet. Bruson. libro 1. capite 16. ex Plutarcho.

De admonitione.

Thales.

ROgatus, quid esset facile? Alterum, ait, admonere. Omnes enim cùm valemus, recta consilia ægrotis damus. Eras. lib. 7. apoph. ex Laert. 1.

Zeno Cittiensis.

Quodam in conuiuio immoderatus vorante obsonia neque quicquā aliis reliquum faciente piscem ingentem, qui apponebatur, è patina sustulit, quasi solus illum deuoraturus. Quum alteri intus Zenonem, significaret se mirari impudentiam: Quid inquit, putas conuictoribus tuis accidere quotidie, si meam opsophagiam ferre non potes? Laert. lib. 7. cap. 1.

Idem.

Quidam in conuiuio accumbens Zenoni, eum qui sub ipso sedebat, pulsabat pede. Zeno autem vicissim pulsabat illius genua, & ad ipsum cōuersus: Quid (inquit) putas hunc pati, qui infra te accumbit? Itā multi offenduntur quamuis leui incommo

do, quum alios ipsi maioribus afficiant, nec sentiant. Laert. lib. 7. cap. 1.

Diogenes.

Quidam in publico gestans longam trabem, per imprudentiam percusserat Diogenem, moxque ex more dixit, Caue. At Diogenes: Num inquit, me vis iterum percutere? Alij sic narrant: Dicenti caue, baculum impegit in caput: & post ictum adiecit, Caue: par pari referens. nam ante laesionem dicendum erat, Caue. Laert. lib. 6.

Leo Byzantius.

Quum Philippus adornaret bellū aduersus Byzantios, Leo adiit illum, percontans hunc in modum: Quid, inquit: accidit tibi Philippe, vt bellum instituas? Vt inquit, tua patria, ciuitatum pulcherrima: hūc adducatur, vt intelligat se à me diligi, eoque ad fores amasiorum meorum venio. Ad hæc Leo: At qui redamari cupiunt: haud quaquam cum gladiis venire solent ad fores amasiorum. Amantes enim non egent bellicis instrumentis, sed civilibus. Hoc dicto in diuersum flexo regis animo, patriam suam liberauit. Philostrat.

De adulatione & assentatione.

Pythagoras.

PYthagoras potius gaudendum redarguentibus, quàm assentantibus dicebat, quos etiam hostibus deteriores iudicabat. Stobæus serm. 12.

Socrates.

* Adulationem panopliæ pictæ similem esse dicebat, quæ delectationem quidem præstat, sed nullum vsum. Item, vt timidus miles videns

hostes appropinquantem de adornanda fuga cogitat: sic (inquit) adulator videns imminere periculum iis quorum opibus viuebat, statim retro cedit. Stob. ibidem.

Aristides.

Ita est (inquit) ingenium hominū, vt facile admittant eos, qui sciunt obsequi ac inseruire studiis cuiusque. Hi enim soli iam benigni, ac verè viri aestimantur. At contrà videre est, quàm rigidi putentur, qui ab omni assentandi studio alieni, modestiam inducere moluntur. Stobæus.

Aristippus.

Cum malè audisset à Diogene, quodd Dionysium coleret: Si Diogenes, inquit, sciret vti regibus, non vesceretur crudis in dies oleribus. Idem.

Antisthenes.

Satius esse dicebat, incidere in cor uos, quàm in parasitos. Hi enim uiuentis animum corrumpunt: illi solum mortui corpus. Laert. lib. 6. cap. 1. Bruf. lib. 1. cap. 7. Hoc alij Diogeni adseribunt.

Idem.

Vt meretrices bona omnia præter mentem & prudentiam suis amatoribus imprecantur, eodem modo adulatores iis quibus cum agunt. Stobæus.

Democritus.

Dicere solebat, rectè quidē facta laudare honestum esse: mala verò laudibus vehere, adulterini esse animi, & impostoris. Idem.

Crates.

Parasitos *συγκαταναυτοποις* appellabat (quasi quis Latinè conuepulo-nes dixerit) quodd omnium dictis facile rater epulas annuant. Stobæus.

Idem.

Ad opulentum adolescentem, quodd parasiti-

parasitorum comitabatur turba: Adolefcens, ait, miferet me tuæ folitudinis. Stobæus.

Idem.

Eos qui cum adulatoribus viuerent, aiebat effe defertos, non aliter, quàm vituli funt inter lupos. Neque enim illos adeffe quos oportet: neq; cum iis qui adfunr habere focietatem quum funt infidiatores. Laert. li. 6. cap. 5.

Clearchus Solenſis.

* Adulatorum mores dicebat humiles effe atque feruiles: breuitempore artem eorum durare, nemo enim paraſitum canum amat. Materia quocque fingendi tempore conſenſcit. Athenæus.

Anaxilaus.

* Adulatores aſſimilabat vermibus, qui triticum naſti nō diſcedunt, donec vacuum reddiderint: ſic illi diuitum ſubſtantiam rodunt. Athen. ex Theophrasto.

Bion

Eos qui auſcultarent adulatoribus, dicebat effe ſimiles amphoris, quæ auribus circumaguntur. Eraſ. 8. apoph. ex Plutarcho.

Id. m.

Interrogatus, quod eſſet animal omnium maximè noxium? Si deſeris, inquit, percunſtaris, tyrannus: ſi de mitibus, adulator. Laert. lib. 1. cap. 6. Plutarch.

Diogenes.

Oratores, qui in ſummo pretio apud Athenienſes habebatur, vocabatur turbæ miniſtros: quòd ad gratiā loqui cogerètur, ac ſeruiliter adulari ſtolidæ multitudini. Laert. lib. 6.

Idem.

Orationem blandam, non ex animo proficiſcentem, ſed ad gratiam compoſitam, vocare ſolebat melleū

laqueum, quòd blandè amplectens hominem iugulet. Laert. lib. 6.

Idem.

Aiebat, in aſſentatione, veluti ſepulchro aut ſtatua quapiam, nomen ſolum amicitiae in ſcriptum eſſe. Stobæus.

Idem.

Interrogatus quænam beſtia morſum haberet omniū nocentiſſimum reſpondit, Si de feris interrogas, eſt obtrectator: ſi de manſuetis, eſt adulator. Nam obtrectator quidem præſe fert odium, adulator autem ſub amici perſona multo lædit grauius. Laertius libr. 9. Stobæus & Bruſ. libro 1.

Idem.

Græci, ſi cui præcatur exitium, iuuent adire ad coruos εἰς κόρυμβος. At Diogenes dicere ſolebat, multis periculofius eſſe incidere in aſſentatores, quàm in coruos. Diſti iucunditas perit nobis, quæ eſt in Græcarum votum affinitate. Nam illi κόρυμβος appellant coruos, & vnica literula murata κόρυμβος adulatores. Hoc dictum tribuitur & Antiſtheni. Laert. Eraſ.

Idem.

Interrogatus, ob quæ facta canis nomen vulgo ſortius eſſet. Quoniā dantibus blandior, inquit, non dantibus oblatro, malos etiam mordeo. Laert. lib. 6.

Idem.

Ariſtippum philoſophum & Socratis diſcipulum vocabatur regium canem, quòd Dionyſio Siciliæ tyranno adularetur. Eſt enim canis animal ad adulationem & aſſentationem promptiſſimum. Laertius libr. 2. ca. 8.

Epiſtetus.

Audiens quendam adulatoribus fa

cilè suas aures præbentem, corui, ait mortuorum cadaueribus oculos euellunt neque id iniuria, nullus enim vita functo luminis vsus est. At adulatores viuentium animos corrumpentes, omnem illis visum adimunt. Stob. Antonius in Melissa part. I. 52. Maxi. ser. 52.

Themistius.

Quum videret Iouiani Romanorum Imperatoris aulam assentatoriis refertam esse, perfacete atque luculenter illos irridens ex moribus deprehendi ait, purpuram ipsos magis quam Deum colere neque aliqua re ab Euripo differre, nunc huc, nunc illuc, atque in contrarium a deo momentum resurgente. Nicephorus Callistus lib. 10. cap. 42. histor. Eccl.

Sotion.

*Dicebat, sicut qui amicos peregre abeuntes dum via plana est deducunt, dum asperior esse incipit recedunt: ita adultores comitantur diuites & luxu diffuentes viros, at sumptus cum deficit, statim referunt pedem. Stobæus Sermo. 12. & Maxim. Sermo 11. ex Sotionis libr. de ira.

Phavorinus.

*Acteon ab alumnis suis canibus interit: parasiti eos à quibus aluntur pessundant. Stob. ibid.

Plato.

Quum Diogenem offendisset olera lauare, dixit illi: Si Dionysio morem gessisses, profecto non lauares olera. Diogenes vicissim Platoni, Si tu lauares olera, Dionysio non inferuisses. Laërt. l. 6.

Demosthenes.

Adulatorem in hoc differre dicebat à coruo, quòd hic mortuos, ille viuos deuoraret. Apud Græcos autē

lepida paronomasia est inter *κόραξ* & *κόραξ*. Simile est ei quod de Epicteto iam retulimus. Antonius in Melissa part. I. ser. 52. Maxi. ser. 11.

Isocrates.

Adultores, vt impostores, odio esse habendos suadebat. Creditores enim vtrique in re quauis sibi credita fallunt. Stob. Maxi. ser. 11.

Philo.

Philo dicere solebat fraudulentos adulatorum sermones aduersandos esse, qui cum animæ rationem non habeant, veritatem in rebus perspicere non sinant. Aut enim laudant vituperanda, aut vituperant sæpe quæ omnem laudem excellunt. Anton. in Melis. 52. Maxi. ser. 11.

Apollonius.

Rogatus à rege Babilonio, qua ratione quietè imperio frui potest? respondit, Si paucis credideris. Bruton. lib. 3. cap. 13.

Crispus Passienus.

Dicebat, adulationi non esse claudendum ostium, sed aperiendum, verum vt solent amicitæ: quæ si impulsit, grata est: gratior, si effregit. Sensit, nõ probandos eos, qui prorsus non ferunt vllam adulationem: quam vt affectare turpe est, ita ingerentem se non oportet omnino repellere. Prodest enim in hoc, vt homo perspiciat qualis esse debeat. Era sinus libro 8. apoph.

Phocion.

Antipatro petenti vt in gratiam suam faceret quiddam, quod cum iustitia non conueniret: Nonpotes, inquit, ô Antipater, Phocione simul amico & adulatore vti, amicus enim non ad quiduis obsequitur, adulator autem in omnibus obsecundat. Plut. in Græcorum apoph. Anto. in Melis. Maxim. ser. 11.

Aristony.

Aristonymus.

Sepenumero dicere solebat: Ligna dum augment ignem, consumi ab ipso: Opes dum alunt adulatores, ab eis ipsis perire. Stobæus.

Demaratus.

Postquam cum ipso colloquium Orontes habuisset asperius, euidam dicenti, Asperius tecum egit Orontes, ô Demarate: nihil, inquit, in me peccauit. Siquidem qui ad gratiam colloquuntur, hi lædunt: non qui durius cûmq; maleuolentia verba faciunt. Plut. in Laconicis.

Parysatis.

Præcipere solebat, vt qui rege conueniret, eum alloquuturus, verbis byssinis vteretur: hoc est, mollibus. talis enim à regibus expetitur oratio, non austera & ad viuum refecans. Plutar. in apoph.

Clitophus.

Philippo iacenti in ipsum scommata & admodum hilari. Ergo posthac, inquit, te nō alam. Lepidè inuertens rem, nam reges in hoc alunt parasitos, vt illorum dictis exhalarentur. Quòd si ipsi reges inter se nōrint ludere, & in alios ridicula dicere, nihil opus sit parasitis, quum ipsi nōrint parasitos agere, alioqui parasiti magis alunt reges, quàm reges parasitos. Quanquam Plutarchus in Symposiacis ita refert, *ἐκείνους οὐκ ἔφατο*, id est, non ego te alo: notans regem, quòd versa rerum vice pro rege ageret morionem: Tu me alis, vt ridiculis dictis te exhalarem, non ego te. Eras. 6. apoph.

Eudæmonicus.

Alexander habebat Eudæmonicū Philosophum, sed quouis parasito adulantiore. Hic cum aliquando tonaret vehementer, adeò vt omnes expauesceret, dixit Alexandro, Quin

tu tale quippiam facis, Alexander, fili Iouis? At ille non ferens tam abiecti philosophi vocem, ridens ait: Nolo enim formidabilis esse, quemadmodum tu me doce, qui satraparum ac regum capita me iubes super cœnam apponere. Sic Athenæus. Plutarchus in vita eius secus aliquanto: Quid mihi succenses quòd pisces apponam in conuiuio, ac non potius satraparum capita? Erasim. libro. 6. apophtheegin.

Alexander Macedo.

Quum in Hammonis templum venisset, sacerdos grandæuus illum salutauit? Salue fili, & hanc salutationem à Deo haberas. Tum Alexander: lubens ô pater excipiam eam salutationem, & posthac lubens tuus ero filius, si mihi totius orbis imperium concesseris. Sacerdos autem cû se intro recepisset, quasi deum consulturus, respondit, Iouem id promittere quod petisset. Iterum ab eodem scire cupiebat Alexander num eorū aliqui superessent, qui patrem Philippum interfecissent? ad quæ sacerdos ait: Interfectores iamdudum dignas dederunt pœnas, qui Philippum occiderunt, sed patri tuo nemo mortaliū potest tendere insidias. Tales sunt hodie adulatores qui sub prætextu pietatis blandiloquio principes terrarum seducūt, dū eos quasi Deos extollūt, & mira adulatione ad quiduis tentandum extimulant, nullam aliam ob causam, quàm vt ita principibus placeant, vt tamen nihil de dignitate, potestate, autoritate illis decedat. Vide Plut. in vita Alex. & Q. Curtium.

Anaxarchus.

Quum Alexandrum se ob Cliti necem discrutiantem videret, Nescis, inquit, ius & fas adfidere Ioui, vt

quicquid rex facit, id iustum fasque fit? Laërt. lib. 9. cap. 10. Plutarch. in Alexandro.

Cælius.

*Cliens quidam cum Cælio oratori omnia in sermone concederet, ille iam longa assentatione euocatus, dic, ait, contra: vt duo videamur. Seneca.

Cicero.

Quum Crassus dixisset Neminem Crassorum Romæ vixisse diutius annis sexaginta, deinde pœnitens eius sermonis adderet, Quid mihi accidit vt hoc dicerem? M. Tullius, Sciebas, inquit, Romanos hoc libenter audire, & ista via venisti ad Rempublicam gubernandam: duo significās, & Crassorum nomen inuisum esse Romanis, & illum non virtute, sed bladiendo prouectum ad honores. Erasmi. 4. apoph.

Seneca.

*Alexander cum in obsidione cuiusdam vrbis circuisset muros, ictu sagittæ percussus, cum represso sanguine sicci vulneris dolor cresceret, & crus obstupuisset, coactus abstinere: Omnes, inquit, iurant me Iouis esse filium, sed vulnus hoc hominem me esse clamat. Idem nos faciamus: dicamus, vos quidem dicitis me esse prudentem, ego autem video quod multa inutilia concupiscam, nocitura optem. Epist. 60. ad Lucil.

D. Hieronymus.

*Naturali ducimur malo, & adulatoribus nostris libenter fauimus, ac quanquam respondeamus nos esse indignos, & calidus rubor ora perfundat, tamen ad laudem suam anima intrinsecus laudatur. Epistol. ad Sabin.

D. Ambrosius

Emolliri adulationibus non so-

lùm fortitudinis non est, sed etiam ignauitæ tribui debet. Item, non est vera amicitia, vbi fallax est adulatio. lib. 3. de Offic.

D. Gregorius.

*Adulator scorpio est, qui palpano incedit, sed cauda ferit. In Ezech. lib. 1. ca. 9.

Constantinus Imp.

Spadonum atque assentatorum in principum aulis tātus erat hostis, vt eos tineas atque forices palatij appellare crebrò sit solitus. Nicephori interpres & Scholiastes, lib. 8. cap. 5. Ecclesiast. hist.

Sigismundus Imperator.

Assentatores se veluti pestes odisse cū diceret, Brunenius Neronensis respondit tamen nullum genus hominum magis amas, quàm adulatores. Tum Sigismundus: Vincis sanè, inquit. Ita enim natura comparatum est, vt cū vitandos esse adulatores dicimus, tūm maximè illis hæreamus. Nam nec tu mecum tam diu fuisses, nisi meis moribus blandiri assueuisses. Æneas Syluius de dictis Sigismundi & Friderici Imp.

Idem.

Quum adulatores odio haberet, cuidam supra modum eum laudanti, & Diis similem esse dicenti, alapas det: dicentique illi, Cur me cædis Imperator? Cur me, inquit Sigismundus mordes, adulator? Æneas Syl. l. 1. cōment. de reb gest. Alphonsi.

Alphonfus rex.

Adulatoris lupis haud absimiles esse dicebat. Nam quemadmodū lupi titillando & scalpendo asinos vorare soliti essent: ita adulatores ad perniciem principum blanditiis simul ac mendaciis intēdere. Ant. Parnomita. de rebus gestis Alphonsi li. 3. & Æn. Syl. de eius dictis.

Idem.

Idem.

Ex Sicilia nauigans cū vidisset garrias aues triremen circumvolantes, attentasque si quis bolus ē triremi decideret, certatim illum arripere: quæque arripuisset, celeriter illā aufugere: conuersus ad suos, dixisse fertur: Per similes sūt his garriis purpurati & curiales aliquot mei. Simul ac enim aliquod munus aut beneficium dimicantes inuicem à me acciperint, profugiant. Notauit autem elegantissimē assentatorum mores, qui vbi que præsto sunt, dum quod accipiant, habemus in promptu: quo ablato, refugiant, nunquam nisi urgente necessitate redituri. Panor. li. 1. de rebus gestis Alphonfi.

Balthasar Cessa.

Is pontificatus adeptus maximus Ioannes tertius & vicissimus dictus, sæpenumero supra modum laudatus, inquit: Quamuis ficta de me dicissentiam, tamen iis quæ præclare de me prædicantur, plurimum oblector. Vnde sunt qui putant non probandos esse, qui prorsus non ferunt ullam adulationē, quod in hoc proficit, vt intelligat laudatus, qualis esse debeat. Aeneas Syl. lib. 1. de dictis & fact. Alphonfi.

De adulatoribus non admittendis.

Timon philosophus.

Cū vidisset Arcesilaum, inter assentatores euntem: Quid tu, inquit, venisti hac, vbi sumus nos, qui liberti sumus? Sensit vir prudentissimus, libertati nihil magis obstare, quā assentatores. Refert Laert. lib. 2. cap. 12.

Antigonus.

Hermodotus Antigonum in carmine scripserat Iouis filium. Is hoc legens, Istius, inquit, rei nequaquam mihi conscius fuit Lasanophorus ille. per quā facere ridens poëticam adulationem, parique modestia sui generis humilitatem agnoscens. Lasanum autē macula fictilis est. Quod si Iouis erat filius, ea res hactenus fefellerat & seruum matulam in cubiculo ferre solitum, & Antigonum filium. Plut. in apoph.

Alexander.

Aristobulus historicus librū conscripserat de rebus ab Alexandro Macedone gestis, in quo multa supra viri fidē adulantissimē affluerat, eum quum illi in nauigatione recitasset, Alexander arreptum ē manibus librum, in fluuium Hydaspen demersit, & ad Aristobulum conuersus: Tu inquit, dignior eras, vt eodem præcipitareris, qui solus me sic pugnantem facis, vt vel vno iaculo interficiam elephantes. Eras. l. 8. apoph.

Idem.

Validissima quadam rupe capta, quum amici dicerent, illum egregiis gestis Herculem superasse: At ego, inquit, meas res gestas in imperio ne verbo quidem cum his quæ gessit Hercules arbitror conferendas. Adulabantur illi, sed huius animo nulla satisfaciebat adulatio. Plutarch. in apoph. reg. & imp.

Cicero.

Cuidam nuncianti, Cæsaris amicos esse tristes: Hoc dicis, inquit, illos Cæsari male cogitare? Irrisit adulantem nuncium, quasi Cæsariani rebus suis diffiderent, metuerentque Pompeium. Plut. in Rom. apoph.

Idem.

*Nolo, inquit, esse laudator, ne vi-

dearadulator. Et, habet adulario principia iucunda, sed exitus amarissimos adfert. Itē, cuius aures clausæ veritati sunt, ut ab amico verum audire nequeat, huius salus desperanda est. Rhetoric. libr. 1. & libr. de amicitia.

Augustus.

Augustus Romanorū imp. Tarraconensibus pro læto ostento ei nuntiantibus, quod in eius ara palua esset enata. Apparet, inquit, quā frequenter accendatis. Quod illi diis tribui volebant, illē tribuit illorum negligentia, qui nūquam in ara Cæsaris adolerent incensum. Erasim. 4. apoph. ex Suetonio.

Furnius.

Furnius Antonij partes sequutus fuerat. At posteaquam victoria cessit Augusto, metuens sibi, subornauit filium, qui à victore veniam peteret. Petiit, & impetrauit. Tum Furnius his verbis gratias Cæsari egit: Hæc vna ô Cæsar abs te mihi facta est iniuria, effecisti ut mihi & viuendum & moriendum sit ingrato: significans, tantam esse eius beneficii magnitudinem, ut nulla ex parte par esset referendæ gratiæ. Reprehensionis colore blāditus est principi. Erasim. 8. apoph.

Sfortia.

Quum quidam apud Sfortiam, ut eius sibi gratiam compararet, Tartalia æcularer, quod in conuiuio quodam eius famam criminose lacerasset: Sfortia animaduertens adulatoris improbitatem, Non opus est, inquit, ut hac in re multum persuadēdo me labores, quum Tartalia omnibus maledicat. Peracutē delatorē auertens, simul & sua vitia Tartaliæ obiectās. Paulus Iouius de reb. gest. Sfortiæ. cap. 85.

De adulantium libertate.

Arcadion.

IS odio Philippi Macedonis spontē deseruerat patriam. Euenit autem, ut Philippo Delphis agente, & ipse adesset. Eum ergo rex accersitum rogauit. Quousque fugies Arcadion? Donec, inquit, peruenero, ubi nemo norit Philippum. Quis non miretur eam libertatē in adulatore? Sed hac libertate delectatus rex, vocauit illum ad cœnā. itaque cum eo in gratiam rediit. Quāquam libertati suberat adulatio: subindicans Philippum nusquam non esse celebrem. Erasim. lib. 6. apoph.

Agis Argiuus.

Agis Argiuus adulator, videns Alexandrum ingentia munera dedisse cuidam, ridiculo, exclamauit: O rem vehementer absurdam. Quum Alexander hac voce excitatus, dixisset, Quid tu ais? Fateor, inquit Agis, me pari non posse, quum videam vos ē Ioue prognatos omnes pariter assentatoribus delectari. Siquidem & Iupiter Vulcanum habet pro morione: & Hercules Cercopibus, & Bacchus Silenis delectari consuevit. Tales videmus & apud te magni fieri. Pestilentissimum adulationis genus, sub libertatis imagine blandiri. Erasim. 6. apoph.

Anonymus.

Tiberio senatum ingrediente, surgens adulator quidam, exclamauit, esse liberē loquendum, nec reticenda quæ ad Rempublicam attinerent. Erectis ad hanc vocem omnibus, ipso etiam Tiberio attento: Audi, inquit, Cæsar, in quo te reprehendimus omnes, licet nullus audeat palam faciteri. Impendis te ipsum nobis corpus

pus tuum diurnis nocturnisque laboribus & curis pro Repub. conficiens. Huiusmodi multa quum diceret, sub libertatis prætextu turpiter adulans C. Seuerus subieciſſe fertur. Iſta tanta libertas hunc hominem dabit exitio. Eraſt. lib. 6. apoph. Bruſon. l. 3. cap. 16. ex Suetonio & Tacito.

Tiberius.

*Adulanti ſtudiū in primariis Reipub. Romanæ viris deteſtatus & indignè ferens, quantumvis tyrannidis amicus, quoties è Senatu egrediebatur, apud ſe exclamabat, ô homines ad ſeruitutem paratos. Tacitus.

De adulterio.

Thales.

THALES Mileſius adultero ſciſcitantī, an abiuraturus eſſet adulterium? Non eſt, inquit, periurium adulterio peius. Significans, illum ſtultè dubitare de peierando, qui facinus periurio par non dubitaſſet committere. Eoque in atrocibus ſcleribus nihil ponderis habet iuſiurandū. Quisquis enim audent dare venenum, audebit & cum periurio inſiciari. Laert. l. 1. Bruſon. l. 1. c. 4.

Socrates.

*Adulgores perinde facere dicebat, ac ſi qui nolint ex aqua ſupernè profluente bibere: ſed ex illa quæ in fundo ſubſedit ac deterior eſt. Stob. ſerm. 6.

Vide apophtheg. de Libidine & Scortatione.

Diogenes.

Quum quidā Diogeni referrent, Didymoneū mœchum comprehenſum: Dignus eſt, inquit, ex ipſo nomine ſuſpendi. Porro didymi Græcis teſticuli dicuntur: ab his igitur,

vnde nomen habebat, & quibus peccauerat, voluit eum ſuſpendi. Laert. libr. 6.

Idem.

*Eos irridebat, qui cellas promptuarias obſerant veſtibus, & ſeris & ſignaculis corpus autem ſuum multis fenestris & ianuis aperiunt, per os, pudenda, aures & oculos. Stob. ſerm. 6.

Periclyonè Pythagorica.

*Quæ lectos alienos amat, omnia domeſtica odit, tum liberos, tum famulos. Huiusmodi mulier dolos fingit apud maritum, & mendacia in omnes ei narrat, vt ſola videatur ipſi maximè beneuola eſſe, & familiam regat. Hæc ocium amat: ab hac exitium rebus omnibus naſcitur, quas & ipſa & maritus cōmunes habent. Lib. de mulieris cōcinnit. apud Stob. ſerm. 83.

Demosthenes.

Demadi oratori dicenti, Sūs Minervam, per ſcomma inſcitiam Demostheni exprobrans: At iſta Minervæ (inquit) nuper in adulterio deprehenſa eſt. Bruſon. libr. 1. cap. 4. ex Plutarcho.

Geradas.

Lycurgi temporibus tanta erat apud omnes vxorum pudicitia, ac tam longè aberant ab ea turpitudine quæ poſtea inualuit, vt prius eſſet incredibile, adulterij crimen apud Spartanos inueniri. ferturque dictum cuiuſdam vetuſtiſſimi Spartani Geradæ, qui rogatus ab hospite quodam, quid poenarum darent apud Spartanos adulteri? neque enim videret ſe quicquam ſuper hac re ſancitum à Lycurgo: Nullus, inquit, ô amice apud nos adulter eſt. Quum ille ſubieciſſet, Quid igitur, ſi exiſtat, Dabit, inquit, bouem tantum, vt porrecto

vltra Taygetum montem collo, bibat ex Eurota. Cúmque ille ridens dixisset, Fieri non potest vt tantus bos inueniatur: Et quo pacto, inquit Geradas, Spartæ existat adulter, in qua diuitiæ, delitiæ, & corporis ascitius cultus probro habentur: contrà verecundia, modestia, ac obedientiæ magistratibus debitæ obseruatio, decori laudique dantur? Prudèter intellexit Geradas, ibi non posse nasci vitia, vbi non admittuntur vitiorum seminaria: eaque vbique iacere, quibus pro honore tribuitur ignominia. Atque hæc est clementissima ratio medendi prauis moribus, excitandique virtutis studium. Plut. in Lacon. apoph. & in Lycurgo.

Dionysius Senior.

Quin intellexisset filium, cui principatum relictus erat, ingenui viri coniugem adulterasse, iratus interrogauit, an vnquam tale quicquam in patre comperisset? Hic adolescens: Tu, inquit, non habebas patrem regem, Nec tu, subiicit Dionysius, filium regem habiturus es, ni talia perpetrare desinas. Tyrannus in filio dignum exhæredatione crimen iudicabat adulterium, qui hodie magnatum ludus est. Plutar. in reg. & imp. apoph.

Alexander.

Quum puella multa nocte ad Alexandrum ducta esset, cum eo dormitura, rogauit, rex, vbi fuisset tam diu? illa respondente, se expectasse donec maritus isset cubitum: ministros accitos acriter obiurgauit, ac, Reducite, inquit, hæc: parum enim absuit, quin vestra culpa fuerim factus adulter. Egregium castitatis exemplum, tum in iuvene, tum in rege. Nam apud illos simplex stuprum pro nullo crimine habebatur. Apparet

autem tum fuisse morem qui adhuc durat in Italia, vt vxores secubarent à viris, nisi si quando vocarentur. Plut. in reg. & imp. apoph.

Pontidius.

Pontidius interrogatus à quodam, qualè existimaret eum qui in adulterio deprehenderetur: Festiuè, Tardū respondit. Brusoo. l. i. c. 4. Respondeamus nos, Turpissimum & impium nebulonem.

Sylla.

Syllæ libertus, cui Fausti nomen erat, cum intellexisset sororem eodem tempore duos mœchos habere Fuluium Fullonē videlicet, & Pomponium cognomento Maculam: notans per ridiculum eius adulterium: Miror, inquit, sororem meam habere maculam, cum fullonem habeat. Brusoo. lib. i. cap. 4. Ita ludū probrosi & ad obscœna quæque admittenda & patranda nati homines, sed potius monstra hominum.

S. Augustinus.

*Indignantur, inquit, mariti, si audiant adulteros viros pendere similes adulteris fœminis pœnas: quum tãtò grauius eos puniri oportuerit, quanto magis ad eos pertinet, & virtute vincere, & exemplo regere fœminas. Lib. de adult. coniugiis.

Idem.

*Sicut satius est fame mori quàm vesci idolothytis: ita præstat mori sine liberis, quàm ex illicito concubitu stirpem querere. Lib. De bono coniugali.

S. Ambrosius.

*Nemo, inquit, sibi blandiatur de legibus hominū. Omne stuprum adulteriū est: nec viro licet quod mulieri nō licet. Eadē à viro, quæ ab vxore, debetur castimonia. Quicquid in ea, quæ non sit legitima vxor cōmissum

sum fuerit, adulterij crimine damnatur. lib. de Patriarchis.

De ægrotatione.

Socrates.

STULTI, inquit curari nequeunt, quando sinistram fortunam experiantur: nec ægrotantes sanari possunt, si voluptatibus operam dederint. Stob. ser. 2.

Antigonus.

A graui morbo postquam conuauerat. Nihilo prius est, inquit, (siquidem hic morbus submonuit nos) ne animo efferamur, quum simus mortales. Qui docuerat Ethnicum regem, philosophiam Christiano dignam animo? Deplorabant amici ceu magnum malum, quod tam grauitæ ægrotasset: ille interpretatus est, ex morbo plus accessisse boni quam mali. Corpus extenuerat, sed animū reddidit modestiorem: corporis robori non nihil detraxerat, sed animo detraxit insolentiam, morbum longè periculosissimū. Proinde non pessimè res habet, quum leuior morbus arcet pellitve maiorem. Plutar. in apoph. regum, & Erasim. verum hoc idem dictum alij etiam Alexandro adscribunt.

Ion Sophista.

Dicere solebat, rem morosam esse ægrotationem. Nam ægrotis vxor molesta est, & medicum incusant, & lectulum molestè ferunt. Ex amicis etiam si quis accedit, grauis est: & qui discedit, molestus. Philostratus, & Brufon. l. 4. & c. 20. ex Plut. lib. de animi tranquil.

Itamus.

Quum apud Antigonum milita-

ret, corporis aduersa valetudine laborans, rogatus à rege palloris causam, egritudinē inco gnitam causatus est. Rex verò animi magnificentia ductus, iubet remedia adhiberi ad eū sanandum. Restitutus igitur sanitati miles, postea omnia mortis pericula vitabat. Rogatus verò à rege mutationis causam, ait: ô rex, tu me minus audacem fecisti, quod iis malis me vindicasti, quibus vita à me mea contemptui habebatur. Sensit miles, ægritudinem hominibus in eo prodesset, vt omnia fortunæ bona, & ipsa etiam vitam miseram & erumnosam contemnant, quæ cum sani sumus, in nostram perniciem abutimur. Bruf. l. 4. cap. 15. ex Plutar.

Anaxarchus.

Ridebat Alexandrum, quod se ipsum Deum faceret. Cum autem aliquando in morbum incidisset Alexander, & ei medicus sorbitionem imperaret fieri, ridens Anaxarchus, inquit: A nostro Deo spes omnis in sorbitione patellæ posita est. Irridet philosophus Alexandrum regem, qui ob fortunam propitiâ, & res tam feliciter gestas, Deum se esse putabat. At ostendunt humanæ vitæ miseriæ, & incommoda quæ in dies nos circumueniunt, nos homines esse fragiles: quo fit, vt admoneamur subinde, ne ex hominibus nos deos esse fingamus, nullis malis obnoxios. Ælian. l. 9. de Var. hist.

Seneca.

*Nihil ægrè ægrum reficit atque adiuuat, quàm amicorum affectus. Epist. 76.

Theodoricus episcopus

Theodoricus Coloniensis ecclesiæ pontifex, prudentia & autoritate inter electores imperij facile princeps, querenti Sigismundo Casari

quonam pacto felicitatem consequi possit? Inter mortales, ait, frustra requiris. Petenti rursus, ad cœlestem illam quo itinere pergeret? Rectè, inquit. Instanti tertio, quid agens rectè vaderet? Si vitam tuam ita institueris, dixerisque, inquit, ut facturum te promissisti, dum calculus, aut podagra, siue alia valetudo aduersa acrius te oppressit. Docuit autem morbum monere nos ad capeSSendâ meliorem vitam. Æneas Syluius libro 2. commentariorum de rebus gestis Alphonfi.

Vide Apoph. de Morbis, Sanitate, & bona Valetudine.

De æmulatione.

Ethocles Lacedæmonius.

DICEBAT, duos Lyсандros Spar tam ferre non posse. Et Archestratus Atheniensis, duos Alcibiades in ciuitate Atheniensium tolerari non posse. Adeo, tametsi diuersi & contrarij, tamen erant intolerabiles. Ælianus lib. 11. de Varia hist. Plutarch. in Lyfandro & Alcibiade.

Aristoteles.

Quum Xenocratis æmulatione aperiuisset scholam hoc carmen vsurpauit:

Αἰχρὸν σιωπᾶν, Ξενοκράτους δ' ἐὰν λέγῃ.
id est, Silere turpe, ac Xenocrate pati loqui. Alij pro Xenocrate, ponunt Isocratem. Laer. l. 5. c. 1.

Alexander.

Quum ei datum esset scriniolum, quo nihil inter opes Darij pretiosius pulchriusve repertum est, & quæreretur in quem usum destinandum esset: alijs aliud suadentibus dixit, Huic optime seruandus dabitur Homerus: sentiens, nullum esse thesaurum illo

pretiosiores. Ita visum est iuueni, qui se totum ad exemplar Achillis componebat. Plut. in Alexand.

Plutarchus.

*Ut non est verus amor qui caret zelotypia: ita nemo amat vehementer virtutem; nisi qui ardet æmulatione rectè factorum ab alijs. In moralibus.

Vide apoph. de Imitatione.

De Ænigmatibus.

Cicero.

HORTENSIVS orator defensor nis mercedem à Verre acceperat Sphingem argenteam. is quum M. Tullio obliquius quiddam & inuoluitius loquuto dixisset, Non didici soluere ænigmata: Atqui, inquit Cicero, Sphingem habes domi. Nota est fabula de mostro Sphinge, quæ præmijs propositis edebat ænigmata: non soluentibus autem, mors erat præmium. Plut. in Romanor. apoph.

Idem.

Idem orator ænigmate lusit in matrem Pletorij, qui Fonteium accusabat, dicens eam, dum viueret, ludum, mortuam magistros habuisse: notans, quod dum viueret, infames ad eam fœminæ commeare solebant: post mortem verò bona eius venibant. Sermo videtur & absurdus, & præposterus. Nam qui ludos habent ipsi magistri sunt, & discipulos habent. Magistri autem dicuntur non solum qui docent, verum etiam qui regunt. Eras. l. 4. apoph.

Plutarchus.

*Si quis huiusmodi ænigma componat, Quid sit quod oderit simul & amet, fugiat & persequatur, minetur & supplicet, irascatur & misereatur, desinere

desinere velit ac nolit, eadem re maxime tum gaudeat, tum tristetur? Hic sane scirpus ægre solui & conciliari posset. Porro sphingis ænigma permulta quoque conficta habet. Non enim reuera tripes est senex, si baculo innitatur: neque infans est quadrupes, quia gressus molles & infirmos manibus fulcit. Amantium autem affectus veri sunt: amant, oderunt, eundem absentem desiderant, præsentem metuunt, adulantur, cõuitia ducunt, &c. Stobæus, serm. 62.

*Vide infra, Argutias Dialecticas,
& Sophismata.*

De æqualitate.

Themistocles.

IS facilitate morum multos ciuium sibi conciliarat, atque hinc popularem potetiam est adeptus. Itaque cuidam ipsum admonenti, Bene principatum geres Athenis, si cunctis æqualis & cõmunis esse voles: respondit, Nūquam ei sellæ infederim, unde nihil plus à me ferrent amici, quam alieni. Plutarch.

Diogenes.

Pecuniis si quando egeret, eas ab amicis accipiebat. At cum à quibusdā ob id suggillaretur, quod præter philosophi dignitatem, medicorum more peteret: Imò, inquit, non peto, sed repeto. Repetimus autem mutuum aut depositum. Amicus autem egenti amico dans, non donat, sed reddit potius id quod amico debet: quoniam amicorum omnia debent esse communia. Laert. lib. 6.

Epicurus.

Is miram in modum Pythagoræ institutum improbat: qui cum do-

ceret, amicorū omnia esse communia, iubebat ut discipuli, quod quisque habebat, deponerent in commune, dicēs id esse diffidentium verius quam amicorum. Nam si quis verus est amicus, nihilominus habeo pro meis, quæ ille possidet, quam si deposuisset. Qui diffidit autem, aut nō est verus amicus, aut dilatat de animo alterius. Erasim. lib. 8. Apophth.

Plato.

Felicem & beatam esse eam ciuitatem inquit, in qua istæ voces, Meū & Non meum, proferri non audiantur: eò quod communibus, quoad fieri potest, rebus, quæ quidem alicuius æstimationis sunt, uti ciues debeant. Sed multò magis huiusmodi vox e connubio eximenda est. Plutarch. in nuptialibus præceptis, & Stob. serm. 72.

Idem.

*Serui & domini, inquit, amici nūquam erūt. Nec probi nec improbi, etiam si æqualibus afficiantur honoribus. Inæqualibus etiam æqualia in æqualia fiunt, nisi mensuram accipiant. Nam propter hæc utraque seditionibus replētur Respublice. Verus enim priscus ille sermo, ab æqualitate amicitiam procreari, &c. lib. 6. de legib. Stob. serm. 42.

Idem.

Leō Eurycratidis filius interrogatus, in qua tandem vrbe aliquis possit tutò virā agere: In ea, inquit, quam qui incolunt, neque plus possident, neque minus: & ubi iustitia viget, iniustitia imbecillis est. Grauter admonuit, æqualitatē esse pacis & tranquillitatis altricem, inæqualitatem seditionis esse seminarium: nec ibi locū esse iustitiæ, ubi ut quisque potentior est, ita licentius opprimit imbecilliorē. Plut. in Laconicis apoph.

B

Lycurgus.

Interrogatus, quomodo liceret hostium insultum effugere, Si, inquit, nec alius alio plus requirat. Quo dicto docuit, tutiores esse eos ab hostium incurfu, inter quos est æqualitas, & ex inæqualitate concordia. Plutarch. in loco apoph.

Idem.

Quoniam intelligebat æqualitatem & ad frugalitatem, & ad concordiam in primis conducere, fecerat novam agrorum partitionem, & in singulos ciues æquam portionem distribuerat. Fertur itaque, cum dein ex peregrinatione rediens iter faceret per agrum recens demessum conspicereturque manipulorum acervos ordine positos & æquales, delectatus eo spectaculo, cum risu dixisse comitibus: Vt tota Lacedæmon videtur multorum esse fratrum, qui nuper inter se diuiserint hæreditatem. Bono principi nihil iucundius est civium concordia, rursum tyranno nihil formidabilius. Plut. in Lycurgo.

Idem.

Quum statuisset inuadere delicias, luxumque, & in his quoque tollere diuitiarum admirationem, instituit syssitia, hoc est conuiuia publica. Percontanti verò cur ea constituisset, sic, ut in singulis conuiujs pauci cum armis discumberent: Vt, inquit, expediti sint ad parandum imperatis: & si quid tumultus inciderit, penes paucos sit delictum, sitque inter omnes potus ac cibi æqua portio. Denique non solum in esculentis & poculentis, verum ne in strato quidem aut vasis, aut alia re quacunque plus haberet diues quam pauper. Plutar. in Lacon.

Curius.

Deuictis Sabinis, cum ex Senatus-

consulto ei ampliaretur agri modus quem consummati milites accipere solent, recusauit, & gregalium portione contentus fuit, dicens: esse malum ciuem, cui non esset satis, id quod ceteris esset satis. Plinius Iunior cap. 33. de viris illust.

*Plura pete ex apoph. amicorum,
omnia communia.*

De ærario & fisco.

Traianus Imp.

Fiscum, lienem vocare solebat, quòd eo crescente reliqui artus omnes tabescerent. Langus in Nicephori annotationibus.

Constantinus Imp.

Dicere solebat, opes publicas melius à priuatis pluribus haberi, quam intra vnum principis claustrum seruari. Eutrop.

De affabilitate.

Demonax.

Cvidam sciscitanti, quomodo delegatam sibi prouinciam administrare commodè posset, respondit, Si minimum loquens, plurima audieris. Hoc dicto princeps iubetur, & æqua & iniqua audire. Eras. libro 8. apoph.

Hortensius.

Ob cultum mundiorem, ac gestulationes in dicendo molliores crebro malè audiebat, in ipsis etiam iudicijs. Sed quum L. Torquatus, homo sub agrestibus moribus, dum apud consilium de causa Syllæ quæreretur, non iam histrionem illum diceret, sed gesticulatricem, Dionysiamque, notissimæ saltatriculæ nomine

com-

compellaret, tum voce molli demissaque Hortensius, Dionysia. (inquit) Dionysia malim equidem esse, quam quod tu Torquate, ἀμύστος, ἀγέδραιος, ἀποόστος, id est, inelegans agrestis, aditu difficilis. Periculosè maledicit alteri, cui vel idem, vel simile, vel diuersum, sed deterius vitiū potest obiici. Eras. lib. 6. apoph.

Titus V. Spasianus.

Admonitus ab amicis, quod plura polliceretur interpellantibus quam præstare posset: respondit, Non oportet quenquam à Cæsaris colloquio tristem discedere. Sueton. in eius vita.

Hadrianus Imp.

In colloquiis etiam humillimorum mirè civilis erat: eosque detestari solebat, qui hanc humanitatis voluptatem ipsi inuiderent hoc prætextu quòd dicerent principis maiestatem ubique seruandam. Dion.

De affabilitate neglecta.

Aristippus.

Quum aliquādo Dionysium interpellaret pro amico, nec ille preces admitteret, prostratus cœpit amplecti pedes regis, & impetrauit. Id factum quum quidam velut abiectius, quam ut philosophū deceret, reprehenderet: Non ego, inquit, sum in culpa, sed Dionysius, qui aures habet in pedibus. Ingenium iuxta pròptum, & ad faciendum, & ad excusandum quidlibet Laert. lib. 2. cap. 8.

Legati Laced.

Venerunt aliquando Lacedæmonij ad Lygdamin tyrannum, legatione fungètes: sed quum ille variis causationibus frequenter distulisset colloquendi copiam, tandem post om-

nes excusationes dictum est, illum parum firma esse valetudine, sed languere nōnihil. Legati responderūt: Per Iouem, non venimus huc cum illo luctaturi, sed colloquuturi. Plut. in Lacon.

Græca mulier.

Anni cuidam pauperculæ Philippum appellanti, ut causam ipsius cognosceret, cum hac flagitatione frequenter obstreperet illi, respondit, sibi non esse otium. Cumq. anus inclamasset, Proinde ne rex quidē esse velis: Philippus admiratus aniculae liberam vocē, non illi solūm præbuit aures, verum etiam alios audiuit. Hoc idem Latini tribuunt Adriano imperatori: sed Philippo Macedoniae regi tribuit. Platarch. in apoph. regum & imperator.

De affectatione verborum.

Anicula.

Anicula Theophrasto licitanti quiddam, idque admodum Atticè: hos pes, inquit, non vendo tantum: Notans illum, quasi non esset Atticus natura, qui supra modum affectaret atticismum. Id enim solēt hospites, dum in aliena lingua volunt videri disertum. Eras. 6. apoph.

Favornius.

Ad adolescentem priscarum & iam obsoletarum vocum affectatorem: Curtius, inquit, & Fabricius dilucidè cum suis fabulati sunt: neque Aruncorū, Sicanorum, aut Pelasgorum, qui primi Italiam incoluisse leguntur, sed ætatis suæ verbis locuti sunt: tu verò perinde quasi cum matre Euandri nunc loquaris, verbis iā

olim desitis vteris. Quòd si intelligi non vis quæ loqueris, non hoc abundè consequeris tacens? Erasmi. Rot. lib. 6. apoph.

Melanthus.

Melanthus interrogatus quid sentiret de tragœdia Diogenis: Nò vidi, inquit. Notauit affectationē Diogenis in scribēdo, quæ sæpenumero non minima obscuritatis causa est. Plutar. in libro *περὶ τῆς ἀνείκεως*.

Pacatus.

Osceus Rhetor quidam clarissimus cum ad eò loquēdo simul & scribendo affectaret, vt nil absque schemate proferret, Pacatus obuiam ei veniēs dixit: Poteram dicere Aue Osce. Irrisit hominem affectatorem, salutatione affectata. Vsus est enim occupatione affectata, præter omnē necessitatem. Erasmi. lib. 8. apoph.

Plato.

Polus sophista cum daret operam vt nimis affectatè loqueretur, atque hinc immodicè gloriaretur, Plato hominem sic taxauit: O Pole, vt te tuò alloquor modo. Polus autè Græcè sonat pullum equinum. Voluit autè taxare hominis affectatè loquentis arrogantiam. Laerti. lib. 3.

Demonax.

Quum interrogasset quendam, atque is verbis nequaquam vulgaribus respondisset: Ego, inquit, amice, te nunc interrogo: at tu perinde respondēs, quasi viueret adhuc Agamemnon. Erasmi. lib. 8. apoph.

Idem.

Quendam Rhetorem audiens ita loquentem, Hora nimium iaculatrix adueniens regionem herbis defectam reddidit: Nò defines, ait, mecum vt cū turba agere: Notauit autè his verbis, sermonem hominis plus satis affectatū. Plutar. in Rom. apoph.

Idem.

Phauorini dictionem vt nimium compositam solebat arguere ridiculè, quod cum ille ægrè tulisset, ait: vt philosophum vestis neglectior, ita oratio decet in affectata. Erasmi. lib. 8. apoph.

Augustus Cæsar.

Mecænas cum verbis affectatis scribere soleret, ab Augusto hac valedictione derisus est: Vale mel gentium, melcule ebur ex Hetruria, laser Aretinum, adamas Supernas, Tiberinum margaritum. Cilnecorum smaragde Iaspis figulorum. Berylle Porfennæ, &c. Macrobi. lib. 2. cap. 4.

Cicero.

M. Lepidus cum Romæ in senatu dixisset, Patribus conscriptis, ne dicam circumscriptis: Ego, ait Cicero non tanti fecissem *ἐποικιστῶν*. Affectauit autem Lepidus schema vocum similiter desinentium. At satius erat schema perdere, quàm Senatū offendere. Erasmi. lib. 4. Apophtheg.

De affectibus humanis.

Thales.

THales Milesius interrogatus, quis nam felix dicendus esset? Qui corpore, inquit, sanus est: animo verò castus. Sensit vir sapiētissimus, affectus esse animi morbos. Laerti.

Aristonymus.

*Gubernatores se ventorum mutationibus accommodant, & viri sapientes animi affectibus. Stobæus.

Antoninus Pius.

Quum M. Antoninus fieret educatorem suum mortuum, & adolescēs ab aulicis ministris reuocaretur à declaratione pietatis erga nutricium: Permitte, inquit Antoninus Pius.

illi

illi vt homo fit: neque enim vel philosophia , vel imperium tollit affectus. Eras. lib. 6. Apoph.

M. Antonius Verus.

Iam iam moriturus, cum suos ad grabbatum stare, dolore, atque angere videret: Humanum est, inquit humanis casibus ingemiscere: multoque magis, misericordiam prouocare, quæ oculis vsurpatur. Sensit autem hominem non lignum aut lapidem esse, qui nullis rebus afficiatur, sed animal, quod affectibus misericordie tangatur, & compatiatur etiam Herodianus lib. 1.

Philo.

*Vis ignis absumit obiectam materiam, & affectus exandescens abligurit corrumpitque quicquid inuenit obuium lib. de cognit. quæren. erudit.

De affectibus priuatis.

Themistocles.

Themistocles Atheniensis, filium suum, quem mater adamabat, atque in deliciis habebat plurimum omnium Græcorum posse, colligebat hunc in modum: Athenienses, inquit, dominantur Græcis, ego Atheniensibus, mihi mater, matri filius. Plut. in Græc. apoph.

Pyrrho.

Quum Pyrrhoni Eliensi philosopho obiurganti sororem Philistam, quidam obiiceret, quod oblitus esset suæ professionis (docebat enim, omnia esse indifferentia) sic elusit: Non enim, inquit, in muliercula declarabitur indifferentia. Laert. libro 9. cap. 11.

Cleon.

Cleon, quum reipub. administra-

tionem capeßere destinasset, testatus est, se iam omnium amicitiarum vincula velle soluere, quod amici plerunque obstitarent, ne liceret vbi-que rectum tenere clauum. Eras. li. 6. apoph. ex Plutarcho.

De affectibus nostris qui in aliis probantur.

Anonymus.

ALexandro Macedonum regi pirata quidam captus & ad ipsū adductus, rogatusque quare auderet infesta reddere maria, paucis respondit: Ego cū vnica nauicula pirata nominor, tu eū idē facias magna classe, rex appellaris. Quo dicto Alexander motus, ipsum statim dimisit. Pl. in vita Alexandri.

Alexander.

Quum peritum quendam ex Indis sagittarium coepisset in fuga, qui per anulum sagittam mittere diceretur, voluit vt artis suæ specimen ederet. Recusantem autem iratus occidi iussit. Verum cū iam ducere- tur ad mortem, dixit sagittarius, se multis iam annis non exercuisse artem suam, eoque timuisse ne erraret. Id vbi delatū est ad regem, quod ignominie metu recusasse, admiratus ingenium ambitiosum, dimisit illum donatum: eo quod mortem appetere maluisset, quam fama sua videri indignus. Apparet autē ex hac historia nos affectus nostros etiam amare in aliis. Alexander enim cum semper ambitiosus & glorie appetens fuerit, similem affectum in sagittario probauit. Vide Plutar. in regum & imp. apoph.

De affectibus frenandis.

Socrates.

QUum post sudorem ē palestra collectum videret alios ad portum confugere, ut sitim explerent, ipse bibere solus noluit. Verum in interrogatus, cur bibere nollet. Ne cōfuescam inquit, obsequi affectibus. Laert. in eius vita.

Diogenes.

Iactanti se cuidam, ac dicenti, Viros supero in Pythiis. Ego, inquit, viros, tu verò mancipia. Lufit rursus ad finitatem vocum, quæ est inter *aud ex* & *aud ex modo*. Mancipia autem appellabat, quicūque seruirent cupiditatibus: hos philosophia vincere pulchrius est, quàm in Pithiis ludis vincere viros. Laert. lib. 6. Erasim. lib. 3. apoph.

Demosthenes.

Sapientis esse dicebat, nunquam animo conuiuere, neque affectibus quoquomodo licentius indulgere, ne effrenati, rationis imperium deserant. Stobæus.

Agésilæus.

Illud sibi cum primi gloriæ ducere solebat, quòd rex cum esset, ceterisque consilio prospiceret, nihilo fecius in laboribus obeundis nemini cederet, quòdque sibi imperaret, suique (ut ita loquar) rex esset, id pulchrius esse iudicabat, quàm quod regnum obtineret in alios. Plut. in apoph. Laconicis.

Demonax.

Cuidam seruum suum virgis cædenti, Desine, inquit, te seruo tuo similem ostendere. Seruus enim est, qui his affectibus & cupiditatibus imperare non potest, Erasim. 8. apoph.

Megabates.

Quum Agésilæum adisset aliquando salutandi gratia, ac iuxta Persarum morem osculum offerret. Agésilæus auertit vultum, ac refugiens osculum, ait, Præstantius duco, ut quis sibi seruet suam libertatem, quàm ut aliis libertatem adimat. Intellexit nimirum vir continentissimus neminem esse liberum qui cupiditatibus seruiret: nullum imperium esse tam speciosum, quàm si quis animo suo posset imperare. Plutarchus in apoph. Lacon. Erasim. li. 1. apoph.

Plutarchus.

*In magno fluctu non sistitur nautis nisi pondus anchoræ retineat alto infixæ vado: Sic ni magnis rerum procellis summa ratio debes animū cohibere ne ab affectibus auferatur. In Ethicis.

Seneca.

*Ut nullum, inquit anima, nec mitem, nec ferum, paret rationi quia ratione caret: sic nullus affectus, lib. 3. de ira.

Cato maior.

Dicebat eum optimum & laude dignum esse imperatorem qui propriis suis affectibus imperare possit. Plutarch. in Rom apoph.

Alphonfus.

Alphonfus Aragonum rex aiebat, si sibi contigisset nasci temporibus quibus Romana Respublica florebat, se constructurum fuisse contra curiam templum Ioui Positorio, in quo priusquam venirent in senatum patres conscripi, odium, amorē, ac priuatos affectus omnes deponerēt. Alludit ad priscorum morem, qui Iouem multis cognominibus insigniebant, nūc Statorem, nūc Gamelion, nunc

nunc Genethlion, nunc Philium, nunc Xenion appellantes. Ac si tam multa possit Iupiter, illud imprimis præstare dū erat, ut in synodis, in iudiciis, in senatibus, in quibus de Republica cōsultatur, nihil haberet momenti affectus privati. Nam hi sunt qui frequenter & ciuitates & regna bellis committunt, ac pessundant denique. Panor. lib. 3. de dictis & factis Alphonfi.

Idem.

Nil inconuenientius esse dicebat, quàm si quis aliis imperaret, qui suis affectibus propriis imperare prius non posset. Sèriens, nil perniciosius esse Reipublice, quàm si is qui prauos aliorum affectus coercere debet poena adhibita, à propriis ipse affectibus vincatur, Panor. l. 2. de reb. gest. Alphonfi.

A. Politianus.

*Dicebat, sicut Tarquinius papauerum summa capita, dum in horto ambulet, baculo decussit, sic semper in animo validioribus affectibus atque potentioribus potissimum esse resistendum lib. de ira.

De afflixiōibus.

Naxianzenus.

*Sol nubibus obiectus lætius postea splēdet, & ver post hie mis tristitiam est acceptius, iucundior tranquillitas blanda, & mare quietum post seditiones ventorum & perturbationes aquarum littoribus allidens: sic post afflixiōes nobis vita tranquillior. In orat. de Cypriano.

D. Augustus.

*Boni laborant, quia flagellantur ut filij: mali exultant, quia damnan-

tur ut alieni. In Psal. 93.

Idem.

*Dicebat, Sicut in vno igne aurū rutilat & palea fumat, sub eadēque tribula stipulæ comminuuntur, frumenta purgantur, nec ideo cum oleo amurca confunditur quia eodem præli pondere exprimitur: ita vna eadēque vis irruens bonos probat, purificat, eliquat, malos damnat, vastat & exterminat. Vnde in eadem afflixiōe mali Deum detestantur atque blasphemant, boni autem præcantur & laudant. Tantum inter est non qualia, sed qualis quisque patiatur. Nō pari modo exagitatum & exhalat horribiliter cœnum, & suauiter fragrat vnguentum. De Ciuit. Dei, lib. i. cap. 8.

Cyprianus.

*Nisi, inquit præcesserit pugna, non potest esse victoria, quum fuerit in pugna congressiōe, victoria tunc datur vincentibus & corona. Nam gubernator in tempestate dignoscitur, in acie miles probatur. Delicata iactatio est cū periculū non est: confictatio in aduersis, probatio est veritatis. Arbor quæ alta radice fundata est, ventis incumben- tibus non mouetur: & nauis quæ forti compage solidata est, pulsatur fluctibus, nec frangitur, &c. Serm. de mortalitate.

De Agricultura.

Aristippi.

Aristippus, cū ei quidā obii- ceret: Tua culpa interit ager, Atqui melius est, inquit, agrum propter me, quàm me propter agrum perire. Stob. ser. 55.

B iij

Zeno.

Zeno Stoicus philosophus, cū videret familiarem quendam ex agri laboribus incuruatum & circumflexum: Nisi tu agrum perdideris, inquit, ipse te perdet, Stob. ser. 55.

Lycurgus.

Sciens quantum vtilitatis humane vitæ agriculturæ suppeditaret studium, agros omnes ciuibus suis diuisit colendos: vt concordēs inter se omnes similitatem ac prauos affectus deponerent, & simili labore omnes victum quærerent, Plut. in regum apoph.

Lyfander.

Quum ad Cyrum minorem, Persarum regem venisset, in hortum ductus, admiratus & proceritates arborum, & directos in quincuncem ordines, & humum subactam, Cyrum interrogauit, à quo essent arbores plantatæ, & cuius solertiâ tam aptæ diuensæ? Cui respondens Cyrus, ait: Atqui ego ipse sum ista diuensus, mei sunt ordines, mea descriptio, mea enim manu sunt satæ. Tum Lyfander purpuram ornatam que Persicū multo auro intus, dixisse fertur: Rectè Cyre te beatū ferunt homines, quoniam virtuti tuæ fortuna coniuncta est Cic. in Caton.

Artaxerxes.

Mises Artaxerxi Persarū regi malum punicum cū in vanno obtulisset, Rex magnitudinem eius admiratus, interrogauit, è quonā horto depromptum hoc donum afferret? Illo verò respōdētē, domo sua & ex suis agris, gauisus rex supra modum, misis regis muneribus virum ornauit. & Per solē, inquit (ita enim Persæ iurare solebāt) iste homo tali curatione & agriculturæ diligētia, poterit etiam ciuitatem (meo quidem iudi-

cio) ex parua ampliorē reddere. Videtur autē innuere, non tantum agros, sed omnes res, cura & sufficiētī opera, & indefesso labore, contra naturam etiam meliores & præstantiores effici posse. Ælian. lib. 1. de Var. histor.

Gelo Syracusanus.

Suos ad agriculturæ studium adhortabatur, partim vt agri ad vsum hominū meliores redderētur, partim, ne otio torpescerēt. Plutarc. in regum & imperatorum apoph.

Myson.

Oeteus, quum Mysonem Cheneū se sapientiorē conueniret, eum reperit ætate stuiam aratro aptatē. Dicente autem eo, non esse tempus aradi. Satis, ait Myson: tempestiuum est, ad parandum nobis victum. Brufon. l. 1. c. 8.

Faraotes.

Faraotes Indorū rex, Apollonio de eius victu sciscitanti. Ego ait, palmarum fructibus aut oleribus pascor, aut quæ præbent mihi arbores quas ego his manibus colo. Brufon. lib. 1. c. 8.

Socrates.

*Amalthææ cornu interpretatus est ad huiusmodi similitudines accommodando. Amalthæam quidem significare illum qui minimè *μειλινος*, id est dissolutus, sed gnauius & operarius esset, bona omnia consequuturū. Per cornu verò bouis, quod animal est laboriosissimū, virū operarium innui. Botros autem & similia in cornu esse, quoniā omnia quorum egemus, in agricultura insunt: quamobrem gestantes ipsum bonus genius bonæque fortuna introducuntur. Stob. serm. 54.

Anonymus.

*Pulchrè ille quidem, qui agriculturam

turam aliarum artium parentem atque nutricem appellauit: qua bene habente cetera valeant: neglecta vero terra marique iacent omnia. Xenophon in œconom. Stobæus sermo. 54.

Attilius Regulus.

Is aiebat, neque fecundissimis locis agrum insalubrem parandū, neque effectis saluberrimū. Frustra salubris est locus, ubi peritur fame: & frustra fertilis est, ubi non licet viuere. Eras. l. 6 apoph. ex Liuiō.

Scipio Nasica.

Candidatus in ædilitatis petitione cum adolescentulo competitore descendit cuius quum manum rustico opere duratam tetigisset, interrogauit, Num manibus ambulare consueffet? Id ut populo cognitum est, repulsum petitionis passus est, eo quod hominem agricolam spreuisse videretur. Brus. l. i. c. 8.

Cato Maior.

Dicebat, fortissimos viros ac strenuissimos milites, ex agricolis gigni minimèque malè cogitantes. Plutar. & Eras. l. 5. apoph.

Idem.

Dicere solebat ad rusticos, In re rustica operæ parcendū, in agro autem emèdo minimè, quod enim male emptum est, semper poenitet. Eras. l. 5. apoph.

Idem.

Dicere solebat, pecuniam pedibus compensari: sentiens nimirum, satis sumptuosum esse, ad villam procul dissitā crebro proficisci: sed hoc impendij pedibus compensari, si dominus impiger inuisat fundum suum. Cic. in orat. pro Flacco.

Idem.

Interrogatus, quis esset ferrissimus agricolæ quæstus? respondit: Si

bene pascat. quis proximus? si medio criter pascat. quid tertiu? si bene vestiat, quid quartu? respondit, Arare, & terram bene vertere. Eras. lib. 5. apoph.

Curij Dentati.

Manius Curius, qui Dentatus cognominatus est, nonnullis arguentibus, quod ex agris bello partis partem exiguam vniciuique militum distribuisset, magnam verò Reipub. optauit à Diis, ne quando existeret quisquam Romanorum, cui ager exiguus videretur, qui posset alere dominum. Sentiens, hominem planè ignauum esse, qui ex hac agri portione non tantum laboribus se exaceret, ut inde viuere posset. Plin. c. 33. de viris illustribus.

Cicero.

*Omnium rerum ex quibus aliquid acquiritur, nihil est agriculturæ melius, nihil vberius, nihil dulcius, nihil libero homine dignius. li. i. de offic.

Idem.

*Voluptatibus agricolarū ego in credibiliter delector. quæ nec vlla impediūtur senectute. & mihi ad sapientis vitæ proximè videtur accedere. Habet enim rationem cum terra quæ nunquam recusat imperiū, nec vnquam sine vsura reddit quod accipit, licet alias minore, plerunque maiore cum fœnore. libr. de Senectute, ubi plura de agriculturæ laudem.

Domitianus.

Domitianus imperator iussit excidi vineas: quod studio colendi vinea, negligenter arua. Sueton.

Diocletianus.

Quum se imperio abdicasset, atque priuatam vitæ in villa sua instituisset, ab Herculio atque Galerio ad

recipiendum imperiū rogatus, tanquam pestē aliquā detestatus, respondit: Vtinā Salōnē possētis visere olea nostris manibus instituta, profectō istuc tentandum nunquā iudicaretis. Fuit autem Diocletani villa haud procul à Solōnis, vbi priuatus cōsenuit. Eutropius, & Cuspinianus.

Vitruuius.

* Natus infans sine nutricis lacte nō potest ali, neque ad vitē crescētis gradus perducī: sic ciuitas sine agris & eorum fructibus in mœnibus affluentibus nō potest crescere: nec si ne abundantia cibi frequentiam habere, populūque sine copia tueri. l. 2. de architect.

De alea.

Plato.

Adolescentē, quod lussisset alea, grauiter increpuit, qui quā dixisset, Sic obiurgas ob rem parua? At paruum non est, inquit, assuescere. Laert. l. 3.

Alexander.

Quosdam ex amicis multauit, quod in ludo aleæ sensisset eos non ludere. Siquidē multi sūt qui in hoc ludo velut in re maximē seria versantur, non enim ludunt qui fortunas suas omnes, interdū & liberos, aleæ permittunt arbitrio. Plutar. in reg. & imp. apoph.

Manius Curius.

Maniū Curium accusator eius ad cōcitandā inuidiam in sipario (id est velaminis genus) pinxerat omnibus locis, aut in neruo nudū, aut ab amicis redemptum ex alea, hoc agēs vt omnibus persuaderet, quā is esset perditē deditus aleæ. Hoc crimē ridiculē inficiatus est Manius: Ego, inquit, nūquam vici. Alter intelligi volebat, Curiū assidue lussisse alea.

Curius eo torfit quasi infelicitas esset opprobata. Non est verisimile, qui frequenter ludit tesseris, nunquam vincere. Refert Fabius.

Cicero.

Memmio cuidam vituperanti Catonem Vticensē, dicentique quod totas noctes ebrius esset: At il lud, inquit Cicero, non addis, eū totos dies alea ludere: ciuilit̃ excusans Cato nē, q̃ totū diē reipub. negotiis dabat operā nocturnas aliquot horas sumebat laxādo animo, Eras. 4. apoph.

Huc refer apoph. de Ludo & Recreatione.

De ambiguè dictis.

Diogenes.

Seruū quendam fugitiuū videns ad puteū sedentē. Vide, inquit, adolescens, ne excidas: ambiguū verbo ludens. Nam excidit, qui in puteū decidit, & *eximiet*, id est, excidit, qui de loco pellitur. Laer. l. 6. c. 2.

Idem.

Interrogatus, quamobrē athletæ nihil sentirēt? Quoniam, inquit, suillis ac bubulis carnibus educati sunt. Nam athletæ crassioribus cibis enutrientur, qui corpori quidem robur conferunt, sed mentis acumen hebetant. Vocis autem ambiguitas dedit ioco locū. Nā vt Græcis *αισθησεις*, ita Latinis sentire, tam ad animum quā ad corpus pertinet. At percontator ille querebat, quid esset causæ, cur athletæ veluti sensu carentes, nō offēderētur plagis: Diogenes animorū stuporē notare maluit. Laer. li. 6.

Idem.

Quum mentio fieret de puero stuprato, Diogenes, interrogatus cuius esset, lussit ex ambiguo dicens, Tegeates: nam Tegea ciuitas est Arcadiæ, Tegos autē interdum idem est

est quod lupanar. Ibidem.

Ischomachus.

Quum mendica quædam ventris tormina pateretur, ac medicus percontaretur, num haberet in ventre? Qui potest, inquit, quum triduo nihil comederit? Et huius dicti festiuitas iucundior est Græcis, quibus in ventre habere dicitur, quæ fert vterum. Nam id medicus percontabatur, an esset grauida. Era. l. 6. apoph.

Stratonicus muscus.

Quendam qui malè cecinerat rogauit, cuius esset cantio? quum ille respondisset, Carcini: multo magis, inquit, quam hominis. Carcinus enim Græcè cancerum sonat. Est autem eadem vox cantoris cuiusdam nomen, quem notât Græcorum proueria. Era. l. 6. apoph.

Idem.

Quum trabes delapsæ quosdam è conuiuio occidisset, dixit, *αὐτὸς ποτὶ δούλοισιν εἶσι εἶσι δὲ μὴ εἶσι δούλοισιν*. Id Latine reddi non potest: iocus est ex amphibologia. *δούλος* sonat trabi, si subscribas iota: & sine hac, sonat opinor. Viri, opinor dii sunt, quod si non sunt, trabi sūt. Nisi fortè *δούλος* legendum, acuto accentu, vt intelligas trabes sunt. Era. l. 6. apoph.

Idem.

Quum Satyrū accepisset apud Iliū peregrinari, festiuire in illū torsit illud prouerbio iactatū, In Ilio semper mala: ludens ex ambiguo vocis. Aliter enim mala dicuntur, quæ misera tristiaque sunt, aliter homines mali. Era. l. 6. apoph.

Idem.

Polyidæ gloriārī, quod discipulus ipsius Philopas canendo vicisset Timotheum: Miror, inquit, si ignoras, quod discipulus tuus cōdit decreta, Timotheus autem leges. Iocum

captans ex ambiguo vocis. Nomos enim Græcis & legem sonat, & modulos cautionis. Era. ex Athenæo.

Philoxenus.

Philoxenus, cui cognomen Pteronocpis, patria Corinthius, orto sermone quod turdi magno videretur, quum forè adesset Coridus, qui male audiebat, quod corpus suum ad quæstum prostituisset: Atqui ego, inquit, memini fuisse tempus, quo Coridus obolo parabatur. Iudēs ex ambiguo, nam corydus etiam auiculæ nomen est. Era. l. 6. apoph.

Demonax.

Demonax in Herminum Peripateticum qui semper in ore habebat decem Aristotelis Categorias, ita lusit: Equidem arbitror Hermine, te non indignum decem Categoriis. Iocus est ex ambiguo vocis Categoriæ Græcis vel prædicamenta dicuntur, vel accusationes. Era. l. 8. apoph.

Idem.

Quum Athenis quidā Romanus senator filium ad Demonactem adduxisset, eleganti forma, vestitu delictato, ac deliciis effœminatū, diceret q: Salutat te, ô Demonax, filius meus: Pulcher est, inquit, & te dignus, & matri non absimilis. Vtrunque autē poterat dici in laudem. Nunc autem patrem notauit ex filij effœminatis moribus, & matri simile dixit mollem & deliciis euiratum. Ibidem.

Lais Corinthia.

Cuidā amatori, qui misso sigillo iubebat illā venire: Non possum, inquit lutū est. Olim terræ generasignabant, at illa lutū esse dixit, quasi oblutum viarum non posset accedere. Luteum sigillum nihil morabatur, argentum querebat. Era. l. 6. apoph.

Philippus Macedo.

In acie vulnerat⁹ circa clauiculā cū

decumberet lecto, & medicus à quo curabatur, subinde præmiū efflagitare: Sume, inquit rex, ipsemet, habes enim clauē in tua potestate: ludens ancipiti voce: *κλει* enim Græcè & clauem sonat, qua aperitur cista, vel ianua domus: & commissuram quoque humeri cum pectore. Plutarc. in apoph. regum & imp.

Clitophus.

A Philippo donatus equo faucio, vendidit: & ab eo post interrogatus, ubi nam esset equus? Ex vulnere, inquit, illo confectus est. Ludens ex ambiguo, nam *πνευμα* sonat venditus est, & confectus est. Eras. 6. apoph.

Alex orator.

In quendam patronum imperitum, sed splendido vestitu se venditantem litigatoribus, lepidè dixit: Homo in agendis causis bene vestitus. Lusi ad inexpectato: nam auditor pro vestitus expectabat, instructus, aut exercitatus. Eras. 6. apoph.

Philippus orator.

In maleolentem, Video, inquit, me à te circūueniri, sentiens, se malo odore vndiq. oppleri. quū circūuenire dicatur, qui dolo fallit. Eras. 6. apoph.

Idem.

Causam agens, quum pusillus testis prodisset, Licetne, inquit, rogare? Quū quæstor properans dixisset, Licet, modò breuiter: hic Philippus, Non accusabis, perpusillum rogabo. Primū in testem risus obortus est: sed mox in iudicem Lucium aurificem conuersus, qui sedebat ipso teste breuior. Eras. 6. apoph.

Curtius.

Curtius eques Romanus delitiis diffuens, quum apud Cæsarem cœnaret, macrum turdum sustulit è patina: cūmque tenens interrogauit

Cæsarē, liceretne mittere? cūmque is respondisset: Quid nī liceat? ille protinus auem misit per fenestram, iocum arripiens ex ambiguitate verbi. Nam cibus ē conuiuio dono mittitur amicis, quod apud Romanos erat solenne: & mittitur, quod abiicitur. Eras. l. 4. apoph.

Cicero.

Quum Cicero in Pompeij castra venisset, dicentibus, Serò venisti. Minimè, inquit, serò, nam nihil hīc adhuc parati video. Allusit ad eos, qui serò veniunt ad cōuiuium. Iocus est ex ambiguo. Serò venit qui tardè venit: & serò, qui post tempus. Plutarc. in Roma. apoph.

Idem.

Quum Faustus Syllæ filius ob æris alieni magnitudinem suppellectilem suā proscripisset. Hanc, inquit, proscriptionem magis approbo, quàm paternam. Lusi ambiguo verbo. Proscribitur res, quæ in auctione venum exponitur: & proscribuntur homines, à quouis iugulandi, quo crudelissimo genere Sylla quā plurimos ciues proscripserat. Plutarc. in Romanorum apoph.

Idem.

In Isauricum ita lusi: Miror quid sit, quod pater tuus, homo constatissimus, te nobis varium reliquerit. Iocus ex ambiguo vocis. Nā varius dicitur, parum animo constans, varius item, qui vestigiis plagarum notatus est. Vulgatum autem erat, hunc Isauricum aliquando à patre cæsum loris. Inde illud M. Cælij prætoris non dictum, sed factum: cuius quum sellam curulem consul Isauricus fregisset, alteram posuit loris intentam, tacitè minitans illi, atque exprobrās, quod à patre loris cæsus esset. Eras. 4. apoph.

Idem.

Idem.

C. Cæsari in senatu enixè defendēti causam filię Nicomedis, beneficiāq; regis in se commemorāti: Remoue, inquit Cicero, isthæc oro: quoniam notum est quid ille tibi, quid tu illi dederis: locus est ex ambiguo verbi. Nam dat, qui confert beneficium: & dat mulier quę sui facit copiam. Vnde illud Martialis,

Vis dare, nec dare vis.

Malè audiebat Cæsar, quòd in Bithynia Nicomedi regis fuisset obsequēti-
or, quàm pudicitiaē leges postulāt. Eras. 4. apoph.

Idem.

Quā mater M. Bruti Seruilia pretiosum ære paruo fundum abstulisset à Cæsare, qui bona ciuium subiiciebat hastæ, ita iocatus est Cicero: Et quidem, inquit, quo melius emptum sciatis, emit hunc fundum Seruilia, tertia deducta. Seruiliæ autem filia dicebatur Iunia Tertia, eadēque C. Confidij vxor, lasciuiente dictatore tam in matrem quàm in filiam. Ex ambiguo iocatus est Cicero: potuit enim intelligi, tertia pars pretij detracta. Deducitur autem vxor aut scortum. Erasim. libro 4. apophthegm.

Idem.

Vatiniū inimicum, & alioqui sceleratum, M. Tullius audierat obiisse diem: post, quum rursus audisset illum viuere, Malè pereat, inquit, qui malè mentitus est, significans, Vatiniū indignum qui diutius uiueret. Omne mendacium malum: sed hoc mēdacium bis erat malum, quia bonos viros in falsum gaudium coniecerat. Dictū tamen erat ambiguum, quod dici poterat & de illo quem mori nolles. Plutarch, in Rom. apophthegm.

Crassus.

Quum Brutus iunior fundos ædēsque paternas luxu prodegisset, & in his etiam thermos, & in sermone quodam diceret se frustra sudare, Non mirum, inquit Crassus, nuper enim existi è balneis. Lusit ex ambiguo. Exit è balneo, qui lauit: & exit, qui vendidit, alterique cedit. Eras. lib. 6. apoph.

L. Galba.

L. Galba scurra, cuidam pilam negligenter petenti: Petit, inquit, tanquā Cæsaris candidatus. Huius competitorēs negligentius ambiebant, vel quia metuebant Cæsarem repulsaē impatientem, vel quia desperabant se assequuturos tali competitorē, vel quia sic illi blandiebantur. Locus est ex ambiguo, petitur pila, quæ repercutitur: & petitur magistratus. Eras. 6. apoph.

M. Cincius.

Quo die legem de donis ac muneribus tulit, C. Centoni prodeunti, ac satis contumeliosè interroganti, Quid fers Cincole? Vt emas, inquit, si vti velis. notans illū, quòd donatis & commendatitiis rebus vti gauderet. Allusit autem ad illud decantatū in primis, Emere malo quàm rogare. Ad hæc amphibologia est in verbo, Ferre, fert enim qui promulgat legem: & fert, qui portat aliquid venale. Eras. 6. apoph.

Plancus.

Plancus in iudicio amici, cum molestū testem destruere vellet, interrogauit suturem quēdam, quo se artificio tueretur? ille vrbane respondit Gallam subigo. Habetur autem hoc sutorium instrumentum, quòd non infacetè in adulterij exprobrationem ambiguitate cōuertit. Nam Plancus in Meuia Galba nupta malè

audiebat. Macrobi. lib. 2. ca. 2. Saturn.

Vespa Terentius.

Titius quidam studiosè pila ludere solebat, sed idem noctu signa facra frangere putabatur. Hunc quum gregales in campo desiderarèt, *Vespa Terentius* hoc colore excusauit, vt diceret illum fregisse brachium. Nam diuorum imagines brachijs gestabant donaria. Huc allusit *Vespa*. *Eras.* lib. 6. apoph.

Proculeius.

Quærebatur de filio, quòd expectaret mortem patris: quumque filius respondisset, Ego verò non expecto: Imò, inquit, rogo vt expectes, Detorsit verbum in contrarium sensum. Expectat mortem patris, qui inhiat: & expectat, qui non accelerat mortem patris. *Fab.* lib. 9.

Aug. Cas.

Olim magna erat sepulchrorum religio, eaque pars agri quæ sepulchro erat dicata, non proscindebatur aratro. Vectius itaque quum nihil hac religione deterritus patris monumentum exarasset, Augustus facete iocatus est. Hoc inquit, est verè patris monumentum colere. Rursus lusit ancepti verbo. Colimus ea quæ veneramur, & colitur ager aut aliud simile. Gemina fuisset amphibologia, si pro monumèto dixisset memoriam, quod ab illo dictum arbitror. Siquidem eorum memoria nobis sacrosancta dicitur, quo vita defunctos veneramur: & memorias, ad Græcorum imitationem, vocamus defunctorum monumenta. *Eras.* in libro 4. apophth. ex *Suetonio Tranquillo*.

Idem.

Quum plerique rei quos *Seuerus Cassius* accusabat, absoluerentur, & is cui *Cæsar* forum extruendum lo-

carat, diu traheret illum operis expectatione: Vellè, inquit *Cæsar Augustus*, vt *Cassius* & forum meum accusasset. Iocatus est ambiguo verbo, nam absoluitur, quod perficitur, & absoluitur, qui à causa liberatur, absoluit opus architectus, & reum iudex absoluit. *Eras.* l. 4. apoph.

Romani.

Quum ex oratione *Neronis*, qua in Vindicem perorabat, recitaretur in senatu, daturus pœnas sceleratos, ac breui dignum exitium facturos: exclamatum est ab vniuersis, Tu facies, *Auguste*. Quæ vox bifariam potest accipi: Tu facies vt dent pœnas aut tu dabis pœnas. *Suetonius* in *Nerone*.

De ambitione.

Plato.

Dicitur ter nauigasse in Siciliam, nec sine periculo, nec sine cauillis obtrestantium. Molon itaque, qui gerebat hostilem in *Platonem* animu, negabat non esse miru si *Dionysius* esset *Corinthi*, sed si *Plato* in *Sicilia*. Nam tyrannum expulerat necessitas. *Platonem* inuitabat ambitio, vt vulgus quidem interpretabatur. Et tamè *Dionysium* esse *Corinthi* adeò mirabantur omnes, vt iam abierit in prouerbiu de re inexpectata & incredibili. *Laert.* lib. 3.

Idem.

* Ciuitas in qua ciues ad expetendos magistratus minime ambitiosi sunt, optimè & procul à seditionibus permanet: contra verò quæ aliter affectos habet ciues. *Libro 7. de legibus.*

Phauorinus.

Homines partim esse ridiculos, partim

partim odiosos, partim miserabiles dixit. Ridiculos quidem, qui ambitiosè ad maiora aspirant. Odiosos, qui ea consequuntur. Miserabiles autem, qui spe falluntur. Stob. ser. 2.

Theages.

*Contentio honorum, seu ambitio, oriuntur ex vi irascibili: quæ cum in excessu fuerit, gignit feritatem. Stob. ser. 1.

Thucydides.

*Nò solum ambitio & gloriæ studium expers est senectutis, sed magis (quod populare & ciuile est, quale formicis etiam & apibus) ad finem usque vitæ perdurat. Plutarch. Stob. serm. 43.

Aristoteles.

*Plurimæ seditiones in ciuitatibus. Ambitionis culpa oriuntur: de honoribus enim non quilibet, sed potentissimi quique contendunt. Stob. serm. 43.

Themistocles.

Cum aliquando theatrum peteret, interroganti cuidam cuius vocem esset libentissime auditurus? Eius, inquit à quo artis meæ quam optime canerentur. Ingenuè falsus est, se magno gloriæ studio teneri. Solebant enim olim Musici, in publico virorum illustrium laudes canere. Plutarch. in eius vita.

Idem.

Themistoclem ferunt virtutum stimulis agitatum & ob id noctes inquietas exigentem, quæ rêtibz, quid ita eo tempore in publico versaretur, respondisse, Quia me trophæa Miltiadis de somno excitant. Marathon nimirum animum eius, & Arthemisium, & Salanis, naualis gloriæ fertilia nomina illustranda tacitis facibus incitabant. Plut. in Themistocle. Valer. Max. l. 8. c. 13.

Timon.

Timon, qui cognomine Misanthropos dictus est, elementa malorum vocabat Auaritiam & Ambitionem: eo quod ex horum vitiorum fonte, cætera vitia omnia provenire ac manare viderentur. Timonis dictarium recitat Stob. ser. de Iniustitia.

Socrates.

*Timidus patriam, ambitiosus vero substantiam paternam deserit. Stob. ser. 4.

Epaminondas.

Lacedæmoniis bello victis, ac multo sanguine fuso iam fugatis, cum audiret, illos eius belli calamitatem extenuare, ut palam fieret omnibus quanta strages edita esset, non quibuslibet permisit cadavera interfectorum tollere, sed ut quæque ciuitas sua auferret, & ita factum est, ut appareret, plusquam 1000. Lacedæmonios interiisse. Plut. in apoph.

Alexander.

*Anaxarchus philosophus ex auctoritate Democriti præceptoris in numerabiles mundos esse referens: Heu, me miserum, inquit Alexander, quod ne vno quidem adhuc potitus sum! Angusta homini possessio gloriæ fuit, quæ deorum omnium domicilio sufficit. Iuuenal. saty. 10. Plutarch. de tranquill. anim. Valer. Maxim. lib. 8. c. 13.

Hipponicus.

Statuam ponere, sacrosanctum patriæ donarium, in animo habebat. Cum autem quidam ei consuleret, ut à Polycleto fingendam imaginem curaret: respondit, Non se eiusmodi donarium positurum, cuius gloria non ad consecratorē, sed ad factorem esset reditura. Etenim liquere, spectatores in ea statua magis artem & industriam Polycleti, quam suam liberalitatem

& munificentiam admiraturos esse.
Ælian. lib. 14. de Var. hist.

Damis.

Cum Alexander Magnus per literas petiisset, ut Lacedæmoniorum decreto decernerentur ipsi diuini honores, & in deorum numero referretur: Age inquit, concedamus Alexandro, si velit appellari Deus. Despectam risit stultam principis ambitionem, qui putaret ab iis posse creari deos, qui ipsi nihil aliud essent, quam homines: aut si hoc non putauit, insigni stultitia falsi nominis umbra gloriaretur. Plut. in apoph.

Theopompus.

Cum Pylij decretum edidissent, quo Theopompo tribuebantur summi honores, rescripsit: Mediocres honores ipsum tempus auget, immodicos abolet. Hoc animo quid excellentius? quod alij sibi aut vendicant arroganter, aut ambiunt ineptè, hoc vltro delatum reiecit, simul & suam declarans modestiam, & amicos admonens, in omni re modum esse optimum. Quin & illud acutè perspexit, quæ subito crescunt in altum, non esse diuturna: quod genus sunt betæ & cucurbitæ: ceterum quæ paulatim augescunt, ea facere ætatem, veluti quercum & buxum. Plut. in Lacon.

Iulius Cæsar.

*Narrant eum, quum Alpes iam transisset & præter oppidulum quoddam barbaricum paucis & miseris habitatum hominibus iter faceret, amicis per iocum ex ipso querentibus, an & hic de magistratibus essent contentiones, ac de principatu certamina, & potentium æmulationes, serio respondisse, Malle se hic primum, quam Romæ secundum esse. Rursus cum in Hispania per ocium res Alendi gestas legeret, diu cogitabun-

dum ad extremum illacrymasse, & amicis causam querentibus dixisse, An non dolentem vobis videtur me cum id ætatis sim, qua Alexander tot nationibus imperauit, nihil dum memoratu dignum gessisse? Plut. in Cæs.

Agrippa.

Agrippa familiaribus suis dicere solebat, hunc esse morem principum ut nolint habere quemquam se potiorum. Nam ea quidem, quæ facile & exploratam victoriam esse videntur habitura, ipsi gerere statuunt: pessima verò quæque & difficillima aliis committunt. Quod si eueniat ut opportuna negocia aliis mandare cogantur, grauius ferunt, propter laudem & gloriam eorum qui ea gesserunt, sed sibi ipsi rerum bene gestarum gloriam libenter ascribunt. Xiphilinus in Augusto.

Agrippina.

*Nero, cum primum natus esset, quidam astrologus prædixit eum regnaturum esse & matrem necaturum. Quod cum Agrippina mater intellexisset, subito exclamare cepit: occidat, dum regnet. Præfatio votorum respondit euentus. Sueton.

C. Caninius

Rutilius & Scaurus cum competitorum essent in consulatu, Rutilius tandem Scauro cessit. Sed Scaurus ambitus Rutilium accusabat, quoniam in tabulis Rutilianis scriptum esset, A. F. P. R. atque interpretaretur Scaurus. Actum fide Publij Rutilij: quasi suffragia Rutilius corrupisset, nec potuisset fieri consul Scaurus, nisi ex renuntiatione Rutilij: Rutilius rursus interpretabatur. Ante factum postea relatū: Tum C. Caninius eques Romanus, quum Ruffo adesset, exclamauit, neutrum illis literis declarari. Id enim significare Æmilius fecit,

fecit, plectitur Rutilius: id est, Æmylius Scaurus corripit populum, Rutilius passus est repulsam. Brusonius lib. 1. cap. 15.

C. Cotta.

Caius Cotta in ambitione artifex, dicere solebat, se operā suam, quod non contra officium rogaretur, polliceri solere omnibus, impartire autem iis apud quos optime poni arbitraretur. Brus. lib. 1. cap. 15.

Horatius.

Quum rediret ad suos, trium Curiatorum fratrum quos occiderat spolia gestans, quorum vni desponsa fuerat Horatij soror virgo, illa autem agnoscens sponsi paludamentū, quod ipsa manibus suis confecerat, solueret crines, ac fletu sponsum mortuum inelamaret: Horatius furem gladio transfigit, dicens, Abi hinc cum tuo præpostero amore, oblita fratrum mortuorum, viuique, oblita patriæ. Tantum valuit amor laudis, & patriæ gloria. Liuius, & Plin. de vir. ill.

Afer.

Afer Didio Gallo qui prouinciam ambitiosissimè petierat, deinde impetrata re, tanquam coactus, querebatur, vrbane, Age, inquit, Didi, aliquid & reipub. causa labora. Brus. li. 1. cap. 15.

Cicero.

Coci cuiusdam filius ambitiosissimus, cum candidatus in campum descendisset, ac à Cicerone petiisset suffragium, Tullius coquum agnoscens, ait, Ego quoque tibi fauebo. Respexit autem Cicero ad officium hominis cui ideo fauere cuperet, ne sale perderet offam. Bruson. lib. 1. ca. 15.

Idem.

*Miserrima, inquit, est omnino am-

bitio, honorumque contentio. Item. Facillimè impellitur ad res iniustas qui gloriæ cupidus est. Item. Difficile est potestatem cupienti, seruare equitatem. lib. 1. de Offic.

Cato Vticensis.

Quum M. Octavius, duas habens legiones haud procul ab Vtica, à Catone postularer, vt inter ipsos de imperio statueretur, Cato legatis nihil respondit, verum ad amicos conuersus, Quis iam miretur, inquit, rem malè gestam esse, quum in ipsa morte in nostris videatis dominandi cupiditatem? Significans, ambitione ducum bellum infelicitè cessisse, Plutarch.

Alphonfus rex.

Dehortantibus amicis, ne ob imminetia pericula bellum pro Ioanna Neapolitanorum regina, contra Martinum pontificem, qui regno eam spoliarat, susciperet: Non abhorreo, inquit, periculum, cum sine labore & periculo nemo vnquam gloriam consecutus sit. Panormita. de rebus gestis Alphonfi. lib. 1. cap. 2.

S. Augustinus.

*Non ferè quisquā est, qui careat amore dominandi, & humanam non appetat gloriam. Item. Quoties hominibus præesse desidero, toties Deo meo præire contendo. Comment. in Psalmos.

Idem.

*Diabolus ruit, quia elegit potius præesse, quàm subesse. lib. 14. de ciuitate Dei, cap. 11.

S. Ambrosius.

*Hoc ipso perniciosior ambitio, quod blanda est consolatrix dignitatum, & sæpè, quos vita nulla delectat, quos nulla potuit mouere luxuria, nulla auaritia subruere, facit ambitio criminosos. habet enim so-

rensem gratiam, domesticum periculum, & (vt dominetur aliis) prius seruit, curuatur obsequio vt honore donetur, & dum vult esse sublimior, fit remissior. Commentar. in Lucam, lib. 3.

Chrysostomus.

*Quicumque desiderauerit primum in terra, inueniet confusionem in cælo. Nec inter seruos Christi computatur, qui de primatu tractauerit, Homil. 25. in Matth.

S. Bernardus.

*O ambitio, ambientium crux, quomodo omnes torquens omnibus places? Nil acrius cruciat, nil molestius inquietat, nil tamen apud miseros mortales celebrius negotiis eius. lib. 3. de consideratione.

Plura pete ex apophth. de Glorie & Laudis cupiditate, atque Regnandi libidine.

De ambitione exfordibus.

Socrates.

A Nimaduertens Antisthenē ambitiosius ostentare vestem lacram & detritam, faciet hominem increpauit, & *παύειν*. inquit, ἀγανάκτησόν μιν, id est, non defines te nobis comere? Significans, eiusdem esse ambitionis vilitatem amictus ostentare, & delicato cultu sese venditare. Erasmi. lib. 8. apoph.

Idem.

Alcibiades cum Socrati magnifica misisset munera, & Socrates respondere videretur, Xanippe auida dissuasit, & donum magnificum ac indignum vt non acciperetur esse dixit. Tum Socrates: Alcibiades, in-

quit, hæc mittit ambitiosè, & nobis nostra est ambitio. Alij namque videri & laudari cupiunt, dum alios ornant muneribus: alij verò ex eo laudem sibi parare studet, quod propter communem consuetudinem omnia contemnant: & sic omnibus sua innata est ambitio. Erasmi. lib. 8. apoph.

Idem.

Quum Antisthenes Cycicus pallium haberet pertusum, idque obuertens fissuram omnibus daret inspiciendam: Per fissuram (inquit Socrates) pallij tui, video tuam inanitatem. eleganter notans, turpiorem esse ambitionem ex vtilitate cultus, quam ex amictu splendido. Atque vtinam inter Christianos non sint multi Antisthenes, qui sub veste fusca, vili, sordidæque, plus celent gloriæ, quam alij diuites habent in holocaustis ac byssinis. Erasmi. lib. 3. apoph.

Diogenes.

Quum aliquando perfusus esset aqua, statetque toto distillans corpore, circumstantes aliquot, vt sit, commiserabantur hominem indigna passum. Quibus Plato (nam & is fortè tum aderat:) Si vultis, inquit, commiserari Diogenem, abite: notans in philosopho gloriæ cupiditatem. Hoc igitur spectaculo quoniam delectabatur, felix erat potius quam miserandus: at si nullo teste perfusus fuisset, tum verè fuisset miserabilis. Laetius libro sexto.

Idem.

Rhodos quosdam adolescentes elegantiore cultu conspiciens, dixit, *τύφος οὗτος ἐστίν*, id est, hic fastus est. Rursum, quum vidisset Lacedæmonios substricta tunica parèe sordideque

ἀεὶ cultos, ἀλλ' οἱ inquit, ἵτα τοῦτο
ἐστίν, id est, hic alius factus est. Si-
gnificans, non minus peccare eos
qui ad ostentationem sordidè ve-
stuntur, quàm qui splendido ve-
stiti sese iactitant. Vnde scitum est
illud diui Hieronymi, Pullas æquè
ut candidas deuita, Erasmi. libro 8. a-
poph.

Plato.

Plato frugalis quidem erat, sed
tamen amans mundiciei: contra
Diogenes, sordidus. Itaque calcans
Platonis culcitram, præsentibus a-
liquot Dionysij amicis, quos Plato
inuitarat ad conuiuium, dixit, Cal-
co Platonis ambitionem. Mox Pla-
to: At quanta superbia tumes ipse
Diogenes, dum alienam superbiam
te calcare putas? Hoc ipsum ab a-
liis narratur lepidius, Diogeni di-
centi, Calco fastum Platonis: Cal-
cas inquit Plato, sed alio fastu. Nam
hoc ipsum fastus erat, quòd iacta-
bat mundiciei contemptum: & qui
sordibus gloriabantur, non minus am-
bitiosi sunt quàm qui splendide ve-
stuntur, sed aliter: Turpior est au-
tem ambitio, ex fucò virtutis lau-
dem captans. Socion tamen hoc non
ascribit Diogeni, sed Platoni Cyni-
co. Laert. lib. 6.

Diogenes.

De seipso dicere solitus est, se im-
plere & ferre tragicas execrationes.
Nam eronem se esse, domo & pa-
tria carere, mendicum agere, tenui
vestitu uti, & in diem viuere. Ni-
hilominus tamen in his non sibi mi-
nus placebat, quàm Alexander in
terrarum orbis imperio cum suba-
ctis Indis Babylonem reuenteretur.
A. lianus libro tertio, de Varia histo-
ria.

De amicitia, atque ami- co bono.

Thales.

THales Milesius philosophus di-
cebat, amicorum absentium æ-
què ac præsentium oportere memi-
nisse. Amicitia enim est animorum
coniunctio, quos non dirimit locus.
Multi non amant, nisi tantisper
dum vident. Diogenes Laert. libro
1. cap. 1.

Democritus.

* Probum amicum (dicebat) gau-
diis quidem vocatum adesse decet:
aduersis autem casibus sua sponte.
Item, Veri amici tum suaues amicitia-
tas fruitione communi, tum calamita-
tes participatione sua reddunt le-
uiiores. Item, Non posse opitulari a-
micis, inopia est: nolle autem, malitia
est signum. Maxim. serm. de amicitia.

Chilo Spartanus.

Quendam prædicantem se nullos
habere inimicos, interrogauit, num
vllum haberet amicum? Sentiens, a-
micitias, & inimicitias inuicem se
consequi; nec fieri posse, quin qui
multos haberet amicos, complures
habeat & inimicos. Plutar. in apoph.

Pittacus.

* Erga amicos, inquit, esto còstans;
erga inimicos munitus & cautus. Ma-
xim. serm. de amicitia.

Critias.

* Qui cum amicis versatur omnia
ad gratiam & voluntatem illorù fa-
ciens, ex præsentis voluptate inimici-
tiam facit in posterum. Maxim. serm.
de amicitia.

Socrates.

Dicere solitus est, nullam esse pos-
sessionem pretiosiorē verò bono-

que amico. nec aliunde plus fructus aut voluptatis capi. Itaque præposterè facere multos, qui pecuniæ dispèdium grauius ferunt quàm amici iacturam: quique se beneficium perdidisse clamant gratis collocatum. quum eo sibi conciliarint amicum quouis lucro potiozem. Erasim. libro 3. apoph.

Idem.

Croeso interrogato, quid esset maximum & pretiosissimum ex regno consecutus? Cùm ille respondisset, vt hostes vlcisceretur, & amicos beneficio afficeret: Malto, inquit, melius fecisses, si illos tibi amicos ascuiisses. Maximus serm. 6.

Idem.

* Dicebat qui fratribus præteritis alios sibi amicos acquirunt, iis esse similes, qui agro suo relicto colunt alienum. Ibidem.

Plutarchus.

* Vasa quidem (inquit) meliora sunt noua: sed amicitia præstat: quò vetustior. Item, Equi bonitatem in bello, amici verò fidem in calamitate iudicamus. Maxim. serm. de amicitia.

Isocrates.

* Amicos probabis ex calamitate in vita, & communicatione periculorum. Aurum enim igne probamus, amicos in aduersa fortuna cognoscimus. Item Vera amicitia tria requirit maximè, virtutem tanquam honestam, & familiaritatem vt iucundam, & vsum tanquam necessarium: nam vbi iudicaris, recipere debes, & congressu lætari, & vti si egeas. Maxim. ser. de amicitia. Plura vide apud Isocratem ipsum admonit. ad Nicoclem.

Dion philosophus.

* Quot amicos paratis, tot oculos

habes, quibus quæ velis videas: tot aures, quibus quæ decet audias: tot consilia, quibus de iis quæ conducunt consultare & prospicere possis. Non enim aliter se habet plurium amicitia, quàm si cui Deus vnum corpus habenti multas daret animas, quæ omnes illi prouiderent & consulerent. Maxim. serm. de amicitia.

Pisomianus Dion.

* Quæ calamitas extra amicitiam non intolerabilis? quæ prosperitas, remota amicitia, non iniucunda est? Item. Eum iuste miserrimum iudico, qui in miseriis & calamitatibus multos habet qui latentur: in rebus autem secundis qui delectetur nemi nem. Maxim. eodem serm.

Zeno Citiensis.

Interrogatus, quid reuera esset amicus? respondit, Alter ego. Laetius lib. 7. cap. 1.

Diogenes.

Admonitus à quodam, ab amicis illi tendi insidias, vt caueret. Quid facias, inquit, sic & cum amicis & cum inimicis habebimus consuetudinem? Ab inimicis nobis cauemus, amicis fidimus. Quòd si pariter ab vtrisque nobis cauebimus, non est suaue viuere. Laert. lib. 6.

Pericles.

Amico roganti, vt pro se falsum diceret testimonium: Se quidem amicum esse dixit, sed ad aras vsque. Sensit vir prudentissimus, eatenus benefaciendum esse amicis, quatenus iustitia, æquitas, & in Deum pietas permittit. Plutarch. in apoph. Gellius libro 1. capite 3. Bruti libro 1. capite 3.

Xenocrates.

Quum Platoni Dionysius diceret, Aliquis auferet tibi caput: Xenocrates, qui tum præceptor adierat, Non

Non prius, inquit, quàm hoc : suum ostendens caput. Laert. lib. 4. cap. 2.

Aristoteles.

Rogatus quo pacto amici tractandi essent? Non aliter, inquit, quàm nos ab illis tractari cuperemus. Laert. lib. 5. cap. 1. Brus. lib. 1. cap. 3.

Sextus Philosophus.

* Amicum (dicebat) nò diligas uti litatis gratia. Nam talis amicitia brevis & instabilis est. Item, Amicum ne parato, cui non credis omnia. Maxim. serm. de amicitia.

Dion Syracusanus

Admonitus ut caueret sibi ab Heraclide & Calippo, quorum fidei plurimum credebat: respondit, se malle vita excedere, quàm in metu violenter mortis amicos inimicosque iuxta ponere. Brus. lib. 1. cap. 3. ex Plutarcho.

Phocion.

Nicocli petenti, ut sibi ante Phocionem venenum haurire liceret. Tamen si durum hoc, inquit Phocion, tamen concedendum est ei, cui nihil unquam in vita nequeui. Phocionem Nicocles inter amicos fidissimum unice adamarat, ei que molestum erat videre illum morientem. Eam molestiam ut vitaret petiit ut ipse prior biberet. Et hac in re Phocion commodavit amico. Plut. in Græc. apoph. & in Phocione.

Epaminondas.

Dicere solebat, non prius interdiu discedendum e foro esse, quàm si novum aliquem amicum ad veteres adieceris. Aelianus libro 14. de Var. hist.

Anytus.

Amicum Alcibiadem quum ad cenam rogasset, ille recusavit: sed domi bene potus, cum famulis paulo post irrupit, stansque ad ostium cenaculi, iussit famulos vasa diripere, & ad suas aedes deferre: qui fere

dimidium asportarunt. aliis conviviis autem Alcibiadis violentam superbiam criminantibus, Anytus, dixit, illum humaniter egisse, cui quum totum auferre licuerit, dimidium ipsi reliquisset. Eras. 6. apoph. ex Plutarcho.

Antalcidas.

Interrogatus, quo pacto quis amicos sibi facere posset? respondit, Si loquatur illis iucundissima, præstet autem utilissima. Quo dicto innuit, in parandis amicis adhibendum esse primò sermonis comitatem, in officiis autem præstatis utilitatem. Plut. in Laconicis apoph.

Anonymus.

Quidam ambientes amicitiae fœdus inire cum Lacone, volebant se quocunque vellent vinculo astringere, quo certius esset amicitiam fore sinceram. Quibus ille: Una est, inquit de amicitia certitudo, si etiam volentes lædere non possint: nam reliquæ omnes prorsus infirmæ sunt. Convenit cum illo Chilonis. Sic habendum amicum, ut cogites alium posse fieri inimicum. Eras. lib. 8. Apoph. ex Plutarcho.

Cyrus.

* Quum quidam ad eum misisset ornamenta multa, ea distribuit amicis, interrogatus autem cur sibi nihil reliquisset? Quia, inquit, corpus meum his omnibus ornari non potest: amicos autem his ipsis ornatos intuens, maximum mihi ipsi ornatum aptatum esse putabo. Maximus, serm. de amicitia.

Darius.

Darius rex quum aperuisset prægrande malum punicum, & quidam ab eo sciscitaretur, cuius rei tantum numerum habere optaret, quantus illic inesset granorum? respondit,

Zopyrorum is erat vir bonus ac Dario fidus amicus. Significans, regi nihil prius aut clarius esse debere probis ac fidis amicis. Plutarch. in apoph.

Alexander.

Darij matrem, vxorem, & sorores captiuas inuisens, vnâ cum Hephæstione, hunc, quod esset eodem ornatu quo rex, corpore etiam maior, Syngambis Darij mater pro rege adorauit. Eadem ex nutibus adstantium intelligens errorem, perturbata denuo salutauit Alexandrum. Tum Alexander: Nihil est. ô mater, quod turberis: nam & hic Alexander est. Sentiens, amicum esse alterum ipsum, Plut. in Alex.

Idem.

* Interrogatus à quopiam vbi thesauros haberet, amicos ostendens, In his, inquit, Maximus, serm. de amicitia.

Idem.

Idem., inter amicos quos habebat præcipuos ac potentissimos, omnium maximè videbatur honorare Craterum, sed omnium maximè diligere Hephæstionem. Craterus enim, inquit, amat regem, Hephæstion amat Alexandrum. Id Græcè iucundius dicitur, φιλοβασιλεύς & φιλοῦνός τε. Sentiens, Craterum in his quæ ad regiam dignitatem attinebant, præstare fidem amicum: Hephæstionem, priuato quodam affectu diligere Alexandrum: Pariter ita que licet dissimiliter amantibus, diuersa ratione persoluit præmium. Craterum ornauit dignitate: Hephæstionem ad intimam admisit familiaritatem. Plutarch in apophtheg. regum.

Idem.

Ilium profectus, Achillis statuam

coronâs. O te felicem, inquit Achilles, cui viuo talis amicus contigit. loquebatur autem de Patroclo, qui fidissimus Achilli fuit amicus. Plut. in vita Alexandri.

Legati Scytharum.

* Extat sapientissima Scytharum legatorum oratio ad Alexandrum, lib. 2. hist. Qu. Curtij dehortatoria à bello. Inter alia autem egregiè dicta & illud occurrit. Quibus bellum non intuleris, bonis amicis poteris viu. Nam & firmissima est inter pares amicitia: & videntur pares qui non fecerunt inter se periculum virium. Quos viceris, amicos tibi esse caue credas. Inter Dominum & seruum nulla amicitia, &c.

Demonax.

* Pauciora (inquit) mala contingunt hominibus ab inimicis quàm amicis. Inimicos enim quum metuant ab eis cauere: amicis verò aperti sunt, vnde periculis exponuntur & insidiis ipsorum faciliè capiuntur. Anton. ser. de amicis improbis.

Idem.

* Arcanum in amicitia auditum inimicus postea factus ne efferas: læderes enim non tam ipsi in amicum quàm amicitiam. ibidem.

Philist.

* Ne propter iram amici arcana effutias. Quin speres, inquit, ipsum denuo amicum tibi fore. Sæpe iucundior fit amicitia quæ deposita simul tate ad concordiam reuit. Fugiendæ sunt malorum amicitia, & bonorum inimicitia. Ibidem.

Demetrius.

In somnis Antigonus aliquando viderat Mithridatem auream metentem messem: eoque struebat illi insidias, vt tolleret e medio. Idque quum indicasset Demetrio filio

lio, iureiurando adegit vt fileret. Is verò iuncto sibi Mithridate, deambulat in litore maris, & infima hastæ parte inscripsit harenæ. Fuge Mithridates. Is intellecta re, profugit in Pótū, atq; illic regnavit. Plut. in apoph.

Socrates.

*Nullum, inquit, tibi amicum sumas, priusquam inquisueris, quomodo se cum prioribus amicis gesserit. Expectabis enim talem erga te futurum, qualis fuit erga illos. Ibidem.

Scipio minor.

Negabat vllam vocem inimiciorum amicitia potuisse reperiri, quā eius qui dixisset, Ita amare oportere, vt aliquādo esses osurus, nec verò se adduci posse, vt hoc (quemadmodum putaretur) Biantis esse dictum crederet, qui sapiens habitus esset, vnus ē septem, sed impuri cuiusdam, & ambitiosi aut omnia ad suam potentiam reuocantis, esse sententiam. Quoniam enim modo quisquam amicus ei esse poterit, cuius se putabit inimicum esse posse? Cicero in Lælio.

Idem.

*Sapienter monebat non parandum esse amicum, cui non ausis per omnia credere. Ibidem.

Idem.

Dicere solebat, nihil difficilius esse, quā amicitiam vsque ad extremum diem permanere. Mutantur enim mores sæpe: aliās aduersis rebus, aliās ingrauescente ætate: aut dirimuntur contentione vel luxuriæ conditione, vel commodo alicuius, quod idem adipisci vterque possit. Ibidem.

Idem.

Frequenter dicebat, in omnibus rebus diligentiores esse homines, vt capras & oues quot quisque habe-

ret, dicere posset: amicos quot haberet, non posset. in illis quidem parandis curam adhibent, in amicis eligendis sunt negligentes. Ibidem.

Pompeius.

Cato cū prædiceret, Pompeij potentiam crescentem nulli bono fore populari ciuitatis gubernationi, sed multò magis ad tyrannidem tendere: Pompeius ita respondit, Tua (inquit) Cato magis accedunt ad diuinationem, mea autem accommodata sunt amicitia. Quo dicto indicat, Catonem de rebus loqui planè incertisse verò ea præcipuè secutum esse, quæ tum temporis amicitia, quæ sibi cum Cæsare intercedebat, postulabat. De amico autem multò humanius est bene sperare, quā quasi per somnium diuinare peiora. Plut. in apoph.

P. Rutilius.

Amico iniusta petenti quum negasset suum officium, isque indignabundus diceret: Quid ergo opus est mihi tua amicitia, si quæ ab te peto, non accipio? Imò, ait Rutilius, Quid tua mihi opus est amicitia, si quid inhonestæ rei propter te facturus sum? Val. Max. lib. 6. cap. 4. & Eras.

Cicero.

*Solem è mundo tollere videntur, qui amicitiam è vita tollunt. Cui potest esse vita vitalis, qui non in amici mutua beneuolentia conquiescat? Verus amicus est alter idem. Qui ex amicitia tollit verecundiam, maximum eius tollit ornamentū. Si ne virtute nec amicitia, nec vllā rem expetendā consequi possumus. Odiū est venenum amicitia. Nulla est amicitia, cū alter audire verum non vult, alter ad mentendum paratus est.

Nulla est excusatio peccati, si amici causa peccaueris. Ab amicis honesta petamus, & amicorum causa honesta faciamus. Certus amicus in re incerta cernitur. libr. de amicitia, vbi plura leges.

Idem.

*Ea est iucundissima amicitia, quā similitudo, morum coniugauit. Plurimā delectationes sunt in amicitia. Omnium rerum quas ad beatē viuentium sapientia comparauit, nihil est maius amicitia, nihil vberius, nihil iucundius. Me ipsum amare oportet; non mea, si veri amici futuri sumus, Amicitia, res sanctissima. Qui amicitia fidei laedit, is oppugnat omnium commune praesidium, & quantum in ipso est distubat vitae societatem. lib. de Offic. de finibus bonorum & malorum, orat. pro Roscio Amerino & alibi.

Micipsa rex.

*Non exercitus, inquebat, Iugurtham alloquens, neque thesauri praesidia regni sunt, verum amici: quos neque armis cogere, neque auro parare queas: officio & fide paratur. Sallust. hist. de bel. Iugurth.

Volumnius.

M. Lucullum, quod Bruti & Cassij partes sequutus esset, M. Antonius occidit. Huius mortem quum Volumnius, qui viuum familiariter coluerat, sine fine deploraret, ad Antonium pertractus ait, Iube me protinus ad Luculli corpus ductum occidi. Neque enim illi extincto superesse debeo, quum ei infelicis militiae auctor extiterim. Eras. 6. apoph.

M. Antonius.

Lucillius Bruti familiaris, quum Barbaros in Brutum obnixē ruentes cerneret, Brutū se esse assimulauit: caesusque, & ductus nixis auidē ad An-

tonium, quum in Antonij esset aspectu, ait: M. Brutum, o Antoni, nemo capit, absitque ut ipsum quisquam capiat hostis. Exterritis his qui adduxerant, Credo, ait Antonius, vos comilitones, hunc errorem grauiterrē: sed scitote vos meliores praedam adeptos, dum enim hostē quaeritis, amicum mihi adducitis. Vno quidem Bruto ignoro per deos quā in re vterer: his amicis vitam magis quam hostibus potiar. Plut. in Bruto, & Bruf. li. i. c. 3.

Augustus Caesar.

Cum Alexandriam vi cepisset ciuibus omnibus & ciuitati se parere dixit propter Arrium ciuem Alexandrinū, & olim sibi summa familiaritate coniunctum. Rarē profectō clementiae fuit Caesar, qui propter vnicum amicum eam ciuitatem diripere noluit, quae tam diu pertinacissimē rebellarat. Plut. in apoph.

Hecaton.

*Ego tibi monstrabo, ait, amatorium sine medicamento, sine herba, sine vilius veneficā carmine. Si vis amari ama. Senec. epist. 9.

Attalus philosoph.

*Dicere solebat iucundius esse amicum facere quam habere: quomodo artificij iucundius est pingere quam pinxisse. ibidem.

Alphonsus rex.

Neapolitani cum in honorem & aeternam Alphonsi regis clarissimi memoriam arcum triumphalem aedificare vellent, & quo satis spatij haberet, Nicolai Mariae Buzuti magnanimi & strenui equitis domum diruere conarentur: rex stultum ciuium facinus incusauit, dicens, non tanti se facere aedificia ventis & tempestatibus exposita, ut ob id veteris amici (cuius operam strenuam non semel

semel in bello expertus esset) domum destruere cuperet. Pluris autem fecit rex prudentissimus amicum, quam nominis sui perpetuum monumentum. Panormitan. lib. I. de gest. Alphonfi.

De amicitia regum & principum.

Solon.

Tyrannorum amicos dicebat calculis supputatoriis esse simillimos: qui ut arbitrio supputantis ponuntur, interdum valent multa millia, interdum minimum, interdum nihil. Laert. I. c. 3.

Aratus.

Philippus Arato venenū dandum curarat, quod non repente occideret, sed lenta tabe consumeret. Id ubi sensit Aratus, nec inueniretur remediū, dissimulavit: & ingressus cubiculum, vnitātum ex familiaribus dixit: O Cephale, hæc sunt premia regiae amicitiae. Non semper tutum regibus dare optima consilia. Eras. lib. 6. apoph.

Antipater.

Quum didicisset Parmenionem ab Alexandro interfectum, dixit: Si Parmenio struxit insidias Alexandro, cui fidendum est? Si non struxit, quid agendum? Erat Parmenio velut alter Alexander, in rebus militaribus. Si tantus amicus fefellit, non est tutum cuiquam amico fidere: si Alexander, nihil commertum sustulit, præstat à regum negotiis abstinere. Plutarch. in apoph.

Omilius.

Omilius senator Romanus, Traiani imperatori dicere solebat, Ma-

iori virilitatis ratione malum principem optari posse qui per multos bonos haberet amicos, quam bonum qui malorū multorum amicitias vteretur. Si quidem facilius fore, à multis bonis vnum malum ad bonitatem deduci, quam ab vno bono malos multos à malitia auerti. Fulgos. lib. 7. cap. 2.

De amicitia neglecta, aut violata.

Bion.

Dicebat, amicos, quales quales essent, retinendos esse: ne videamur aut malos recepisse in familiaritatem, aut bonos reiecisse. Laer. lib. 4. cap. 7

Socrates.

Cuius promptum esse dicebat, si quid rerum insignium haberet, proloqui: quum difficillimum esset nominare quos possideret amicos, quū hac possessione nulla sit charior. Hoc dicto taxabat preposterum vulgi de rebus iudicium, qui hoc negligentissime haberet, quod omnium plurimi faciendum erat. Ditiore sibi videtur cui pecuniæ nonnulli obtingit, & damnum deplorat cui periit: at qui sibi parauit bonum amicum, non videtur sibi factus beator, nec iacturam desset qui perdidit. Eras. lib. 3. apoph.

Idem.

Eos qui amicitiam violarent, etiam si iniuria affectorum supplicia effugerent. Dei ultionem tamen nequaquam euasuros dicebat. Sedit autem vir sapientissimus, eos diuina ultione merito puniri, qui amicitiam humanæ societatis vinculum, disrumperent. Maxim. serm. 6.

Simonides.

Interrogatus, quam ob rem, quum esset extremæ senectutis, tamen attentus esset ad rem: Quoniam, inquit, malim moriens inimicis relinquere, quàm carere amicis, taxans instabiles hominum amicitias, qui consequuti quod volunt, negligunt amicum: eidem, dum sperant obseruiunt. Eracl. 6. apoph.

Diogenes.

Rogatus, quemadmodum amicis vteretur Dionysius? Vt vasculis, ait: dum plena sunt, euacuat, & vacua abicit. Bruf. l. 1. c. 3.

Anaxagoras.

Anaxagoras philosophus Periclis præceptor fuisse legitur, cui in administranda republica magno fuit vsui. Verùm cum Pericles negotiis intentus desisset agere curam Anaxagore, iam ad decrepitam prouecti senectutem, constituit inedia finire vitam. Id simul vt renuntiatum est Pericli, anxius accurrit, & argumentis, precibus & lacrymis conatus est hominem à spontaneæ mortis proposito reuocare: idque magis sua ipsius causa quàm philosophi. Cui Anaxagoras, resecta facie iam moribundus, nihil aliud respondit quàm hæc, O Pericles, & quibus lucerna est opus, infundunt oleum, exprobrans illi neglectum amici, vnde tan tam capere poterat utilitatem. Lucerna curatur ob vsum vulgarem, & talis consiliarius neglectus perit. Laer. l. 2. c. 3.

Pisistratus.

Pisistratus Atheniensium tyrannus, quum aliquot amici, qui ab ipso defecerant, Phylon occupassent, venit ad illos stragulas in sarcinam colligatas ipse portans. Cæterum illis quid sibi vellet percontantibus: Vt,

inquit, si persuafero, reducam vos: si non persuafero, maneam vobiscum: ob hoc enim veni cum sarcinis. Egre gius animus, qui nollet sine amicis nec regnare, nec viuere. Plut. in apophtheg.

Cato maior.

Audiens grauissimam de colenda amicitia disputationem, ait: Amicitia quæ non placent, disfluendæ magis quàm discindendæ sunt. Cicero in Catone.

De amicitia falsa, quæ in aduersis patefit.

Chilon.

DIcere solebat, Præptius ad amicorum aduersam fortunam, quam ad res secundas accurrendum. Rebus prosperis aduolant quilibet, etiam minus amici: qui adsunt resstante fortuna, hi verè sunt amici. Laer. lib. 1. cap. 4.

Socrates.

Importunè amare, nihil aliud esse quàm odio prosequi, dicebat. Is enim qui se amicū esse simulat, quid aliud agit, quàm vt porrigens vna manu panem, se amicum dicat, post tergū altera manu lapidem proiciat? Maxim. ser. 6.

Demetrius Phalereus.

Aiebat, veros amicos in rebus lætis adesse vocatos, in aduersis inuocatos & ultros. At vulgò fit secus. Laert. l. 5. c. 5.

Anonymus.

Lacon quidam pridie ab hospite declinatus, postridie lectis stratisque conductis liberaliter exceptus, strata ipsa conscendit ac conculare cœpit, dicens: Propter hæc heri ne in palaea quidem dormiui. Plut. in Lacon.

Namur.

Namertes.

Legatione fungens, quum à quodam eius generis, ad quam erat missus, beatus prædicaretur, eo quod multos haberet amicos: interrogauit, quomodo qui multos haberet amicos, periculum faceret an amicum haberet sincerum ac probum? Id quum alter fastus se nescire cuperet discere: Per aduersum, inquit, fortunam. Plut. in Lacon.

Psammenitus.

Psammenitus Ægyptiorum rex à Cambyse regno pulsus est. Eius filiam ancillari veste indutā, cum aliquot nobilium virginibus, Cambyse mitti iusserat ad hauriendam aquam, vt hoc spectaculo parentum captiuorū animos discruciatet. Cæteris indignè ferentibus, solus Psammenitus demisit oculos. Mox iussit duci filium illius, cum aliis plurimis eiusdem gratiis, victis ceruicibus, & ore frenato. Atque hoc etiam spectaculo solus Psammenitus ad lachrymas commotus non est. Idem quum vidisset familiarem quendam exutū opibus, mendicantem obambulare, hoc spectaculo adeo commotus est, vt ingenti fletu hominem amicum compellans, caput suum barbarico more caderet. Ea re cognita, quum Cambyse per nuntium causam sciscitaretur, cur in liberorum calamitate tacitus, vnius seniculi calamitatem tam impotenter ferret? respondit: Fili, domestica mala grauiora sunt, quàm vt lachrymas recipiant: at amicus deplorandus erat, qui è multis opibus ad summam inopiam redactus est, idque in extremo senectutis limine. Eras. 6. apoph.

Xenocrates.

Lycurgus Rhetor cum fortè Xenocrati obuiū factus esset, qui à Te-

lone oborto collo pertraheretur in metoecium, quo in loco carcer erat Athenis: fustem impexit in caput Telonæ, ac Xenocratem liberauit. Telonem verò tanquam indigna patrantem in carcerem coniecit. Id Lycurgi factum cum ab omnibus probaretur, post aliquot dies Xenocrates obuiam factus Lycurgi filius: Citò, ait retuli gratiam patri tuo, qui vulgò laudatur, quod inhi amico, in re tam periculosa & difficili tulerit auxilium. Eras. 1. 8. apoph.

Antigonus.

* Hic Diis sacrificas precabatur vt se à simalatis seruarèt amicis: cumq; percunctaretur quispiam, quamobrem tale quid à Diis optaret: Quia, inquit, hostes cum cognosco, caueo, Maxim. ser. de amicis.

Dioysius Senior.

Admiratus egregiam fidem Damonis & Pythiæ. Rog. inquit, vt me quoque in vestram amicitiam recipiatis. Alteri tyrannus destinarat diē necis, quumque is pauculos dies petiisset rerum domesticarum ordinandarum gratia. hac lege impetrauit, vt alter vas amici fieret, ea conditione, vt si ille non rediisset ad diē præscriptum, hic plecteretur. Rediit autem ad diē, mori malens, quàm amicum fallere. Ita seruatus est vterque, ac regis amicitia decoratus. Tantum valet egregia virtus apud tyrannos etiam. Eras. 5. apoph.

Tarquinius superbus.

Iam exul factus, dixisse fertur: Sed tum deniq; cognouisse quos habuisset amicos fidos, quos infidos, cum neutris gratiam referre posset. Qui commodi gratia sunt amici, sublata commodi spe deserunt amicitiam: sed amicos secundæ res parant, aduersæ probant. Eras. 6. apoph.

Alphonsus rex.

Ex Sicilia nauigans, videns aues marinas circumuolantes triremem, & expectantes cibum à nauigantibus, escam in mare proiecit. Verùm cùm videret à volatilibus certatim rapi, quæ deinde cum præda aduolabant, ad suos conuersus ait: Persimiles sunt his garris purpurati & curiales aliquot mei. Simulac enim aliquid officiũ aut beneficium hiantes & dimicantes inuicem à me acceperunt, aufugiunt, nec reuertuntur, donec necessitate premuntur, plura petentes. Antonius Panormit. de rebus gestis Alphonsi, & Æneas Sylu. de eius dictis.

De amicorum electione.

Antisthenes.

Illud cum primis damnabat in hominum moribus, quòd in auctioribus vasa diligenter inspicerent, priusquam emerent: vitam eorũ non inspicerent, quos sibi in amicitiam adiungerent. At maior utilitas est à fidis amicis, quàm à vasis: & plus damni est, nisi deligas. Laert. libro 2. cap. 8.

Solon.

Solon Salaminus summopere suos admonere solebat, ne citò quoslibet amicos sibi pararent: quos autem semel paruissent, ne faciliè reiiicerent. Refertur ex Apollodoro apud Laert. & Eras. in proverbio, Ne cuius dextram inieceris.

Aristoteles.

Illud frequenter habebat in ore, *ὁ φίλος ὁ φίλος*. Sentiens, multos esse amicos nomine, paucissimos aut nullos re. Laert. l. 5. ca. 1.

Anacharsis.

Præstare dicebat, vnicum habere

amicum multi pretij, quàm multos nullius. Græca sonant iucundius, *ὁ φίλος ἐξείν πολλοῦ ἀξίος, ἢ πολλοῦ μὴ ἀξίος*. Laert. libr. 1.

Isocrates.

* Amicos tibi compara, non omnes qui id cupiunt, sed eos qui ingenio tuo digni sunt: neque quibus cùm iucundissime viuas, sed cū quibus optimè ciuitatem administres. Stob. serm. 46.

Euripides.

Amicos qui nihil tibi verbis indulgeant comparato. Qui verò vt complaceant & delectent te verba faciunt, eos tanquam malos ex foribus excludito. Stob. ser. 14.

Darius.

Zopyrus sibi nares & aures præcidit: iraque dissimulans quis esset, ad Babylonios transfugit, fingens se à Dario crudelissimè tractatum. Babylonij persuasi, commiserunt illi præfecturam. Ille nactus occasionem, Dario ciuitatem tradidit. Postea Darius sæpenumero dicere solebat, se malle vnum Zopyrum integrum, quàm centum Babylonas capere. Erat opulentissima ciuitas Babylon, tamen vnum amicum centum Babylonibus anteposuit. Ab hoc animo quantum absunt principes quidam qui Sannionem, aut equum, aut canem pluris faciunt, quàm probum, fidelem ac doctum amicum? Plut. in apophth.

Scipio minor.

Polybij sequens præcepta, dabat operà nequando è foro rediret domũ, priusquam sibi quocunque modo quempiam eorum in quos incidisset, familiarem, & amicum reddidisset: sentiens, nullum esse hominẽ possessionem meliorem. Plut. in apophth.

Alphonsus

Alphonſus rex.

Quum dubitaret, vtrum Franciſcum Sforciam, an Nicolaum Piccininum in amicitiam & ſocietatem admiſſurus eſſet: (erat autem alterum dūtaxat, propter illorum interſe ſimilitudines, admiſſurus) Matricienſibus legatis regem adeuntibus, & interrogantibus vtrū Sforciæ an Piccinino gratulari deberent: Vtrosque tanquam amicos habendos eſſe, item ab vtriſque tanquam inimicis canendum eſſe reſpondit. Antonius Pannormit. de rebus geſtis Alphonſi, & Æneas Syluius de eius dictis.

De amico caſtigatore.

Diogenes.

AD ſalutē opus eſſe dicebat. aut fidis amicis, aut acribus inimicis: eo quōd illi monent, hi redarguunt, & reprehendunt. Laert. lib. 6. Plutarch. de vtilitate ab inimicis capiēda.

Phocion.

Antipatro petenti, vt in gratiam ſuam faceret quiddam pugnans cum iuſtitia: Non potes, inquit, ō Antipater, Phocione ſimul & amico & adulatorē vti. Amicus obſecundat quouſque patitur æquum & honeſtum. Nec enim amicus ab amico quod iniuſtum eſt petere debet. Adulator autem, ad quidvis obſequitur. Plut. in apoph.

Philippus.

Quum multi bello capti venderentur, Philippus Macedonum rex in auctore ſedens, parum decenter veſtitus erat. Quidam igitur eorum, qui vendebantur exclamauit: Parce mihi, Philippe, à patre enim ſum tibi amicus. Philippus interrogauit,

Vndenam hæc amicitia conſtata eſſet? Tum ille: Volo, inquit, propius accedens dicere. qui quum admiſſus eſſet, quaſi arcani quippiam dicturus: Dimitte, inquit, chlamydem aliquantulum: nam ad iſtū modum indecenter ſedes. Mox Philippus, Hunc, inquit, dimitte liberum: neſciebam enim prius illum mihi verum amicum eſſe, donec melioribus inſtitutus ſum ab ipſo. Senſit vir prudentiſſimus, eos præcipuos amicos eſſe, qui probè nos inſtituunt. Plutar. in apoph.

Cobares, Medus.

* Natura mortalium hoc quoque nomine praua & ſiniſtra dici poteſt (inquit ad Bellum) quod in ſuo quiſque negotio hebetior eſt quàm in alieno. Turbida ſunt conſilia eorum qui ſibi ſuadent. Obſtat aliis metus, aliis cupiditas, nonnunquam naturalis eorum quæ cogitaueris amor. Expertus es, vnuquemque quod ipſe repperit, aut ſolum aut optimum decere. Curt. li. 7.

Cato.

Intelligens quendam animum ab amico reprehenſore alienaſſe, Noli, inquit, indignari amico: apem enim propter aculeum non odiſti, ſed foues & tueris propter fructum. Cur igitur amici obiurgationem fers adeo iniquè, quam propter beneuolentiam plurimum amare debes? Maximus ſer. 6.

De amicorum rebus communibus.

Epicurus.

Improbatum inſtitutum Pythagoræ, qui quum doceret amicorum

communia esse omnia, iubebat ut discipuli, quod quisque habebat, deponerent in commune: dicens, id esse diffidentium verius quam amicorum. Etenim si quis mihi verè sit amicus, nihilominus habeo pro meis quæ illis possidet, quàm si deposuisset. Porro qui diffidit, aut non est ipse verus amicus, aut de alterius animo dubitat. Erasim. libro 8. apophthegm.

Anytus.

Anytus amicorum Alcibiadis v-nus, eum ad cœnam rogat. Ille recusavit: sed domi bene potus, cum famulis comessabundus irrupit, & stans ad ostium cœnaculi, iussit famulos vasa diripere, & ad suas ædes deferre, qui ferè dimidium asportarunt. Alius autem convitiis Alcibiadis violentiam accusantibus: Anytus respondit, illum bene egisse, cui cum totum auferre licuerit, dimidiam tamen adhuc partem ipsi reliquisset. Sensit vir prudentissimus, amicorum meritò omnia communia esse debere. Erasim. 6. apoph.

Plura vide supra de Æqualitate.

De amore impudico.

Diogenes.

A Morem dixit otiosorum esse negotium, quod hic affectus potissimum occupet otio deditos. Ita fit, ut dum otio vacant, in rem negotiosissimam incidant, nec interrim tamen quicquam bonæ rei agant. Laert. l. 6.

Plato.

Omnes qui perditè amarent, dicebat in alieno vivere corpore, in suo verò ac proprio planè mortuos es-

se, Fulgosi libro 7. capit. 2.

Idem.

Conditiones amatoris cum ostendere vellet, Animus est, dicebat, in suo quidem corpore moriens, in alieno verò viuens. Brusonius libr. 1. cap. 2.

Aristoteles Cyrenæus.

Ab amico quodam percontatus, an amor coitus gratia fieret? Neque eius gratia, neque sine eo respondit. Stob. serm. 61.

Panætius.

Adolescentulo quærenti, an sapiens amaturus esset? De sapiente, inquit, videbimus. Mihi & tibi, qui à sapiente longè absumus, nō est committendum, ut incidamus in rem commotam, impotentem, alteri emancipatam, vilem sibi. Brusonius lib. 1. c. 2.

Theophrastus.

Interrogatus, quid esset amor? respondit animæ otiosæ affectus. Stob. serm. 52.

Prodicus.

Aiebat, cupiditatem geminatam, amorem esse: amorem verò geminatum, insaniam fieri. Stob. sermon. 62.

Alexander.

Quum è Macedonum numero ad mare remitteret & valetudinarios, & mutilus debilesque, productus est quidam qui se inter ægrotos adscripserat, quum non ægrotaret. Is ad Alexandri conspectum adductus & examinatus, falsusque se morbum prætexuisse ob amorem Telestippæ, quæ ad mare fuerat profecta. Alexander cui negotium retrahendæ ad exercitum Telestippæ delegaretur, ut cognouit eam esse liberam: Periuadeamus, inquit, ô Antigones, Telestippæ, ut nobiscum maneat, nam

nam vim admouere liberæ, non est nostrum. Sic indulgit amori strenui militis, quem in exercitu retinere cupiebat, ut ingenuam mulierem redire noller nisi persuasam. Plutar.

Apollonius.

Eunuchus quidam quum deprehensus esset cum pellice regis Babylonie, præsentem Apollonium rex interrogat, quid de euncho faciendum iudicaret? at ille: Quid, nisi ut uiuat? Admiranti autem regi subiecit, Omne supplicium, si uiuet, ob amorem patietur. Brufonius lib. 1. cap. 2.

Polys rex Thracie.

Troiani belli tempore, cum Troiani pariter & Græci legationem ad ipsum misissent, auditis utrisque pronuntiari, ut Alexander redderet Helenam, & à se pro una duas formosas abduceret uxores. Sapiuisset Paris, si hoc fecisset. Nam una satis fructus, habuisset duas nouas, & patriæ consulisset. Quis autem non miretur Græcorum humanitatem, quibus sat erat futurum, si tantum redderetur, quæ cum adultero tam diu dormierat? Plutarchus in apophthegmat.

Cato Maior.

Amantis animum dicebat in alieno corpore viuere: quod hodie quoque celebratur, Animam illic potius esse ubi amat, quam ubi animat. Plut. in eius vita.

Idem.

Affirmabat, insanos prudentibus longè utiliores esse, quam insanis sapientes. Quippe qui sapientes, cum stultorum errata inspicerent, ob id in melius vitam mutare solebant. At amantes, quum discendi ca-

paces non sint, ex sapientum beneficiis fructum percipere nullum possunt, Fulgosus 1. 7. c. 2.

Populia.

Populia Marci filia, miranti cuiusdam quid esset, quapropter alie bestie nunquam marem desiderarent, nisi cum prægnantes uellent fieri: respondit, Quia bestie sunt. Macrob. 1. 2. c. 5. Satur.

Iulia Augusti.

Iulia Cæsaris Augusti filia, cum conscij flagitiorum admirarentur, quomodo similes Agrippæ filios procrearet, quæ tam frequenter uulgo potestatem corporis sui faceret? respondit: Quia nunquam nisi naue plena vectorem tollo. Macrob. lib. 2. cap. 5. Saturn.

Anonyma.

Mulier quædam dixerat se deperire amore Vespasiani. ei perductæ quum pro concubitu sestertia quadraginta donasset, roganti dispensatori, quo titulo uellet eam summam rationibus referri, dixit, Vespasiano adamato. Sueton.

Vide apophthegmata de Coitu, Incontinentia, Libidine facta: & Coitu immoderato.

De amoris parum honesti remediis.

Crates.

A More laborantibus ostendit remedia: Amori, inquit, medetur fames: sin aliter, tempus: quod si nec his uti possis, laqueus. luxus ferè alit amorem: tempus omnia aut tollit, aut certè mitigat. Hæc remedia si nihil prosunt, superest laqueus, ut morbus finiatur suspendio. Laert. libr. 6. cap. 5.

De amantium ira & odio.

Agathon.

Agathonem poetā amabat Pausanias figulus, qui cum aliquando venissent ad Archelaum, qui non minus amoris quam literarum erat studiosus, & contentiones orirentur inter amatorem & amatum: interrogavit Agathonem Archelaus, quid sibi velleret, quod frequenter simultates exerceret cum eo à quo summo perē amaretur? At ille: Huius rei (inquit) o rex ego rationem tibi reddā. Neque enim ei sum infestus, neque rustica quadam morositate id facio. Quod, siquid ego quoque de moribus intelligo, cum ex aliis, tum ex arte poetica, iucundissimum amantibus esse reperio, si ex contentione & litibus cum amatis in gratiam redeant. Et sanē mihi videtur nihil illis delectabilius accidere. Huius ego voluptatis persæpe eum participem facio, frequenter litigando. Gaudium enim capit si continuam cum eo contentionem dissoluam, & reconciliem. Si verò æqualiter & cōsuetō more cum eo semper agam, non experiretur dissidium. Ælianus l. 2. de Var. hist.

De amore honesto.

Antisthenes.

Illud frequēter in ore habuisse dicitur, *Ἀλγίστος ὁ ἀγαθός*: id est, Dignus amari quisquis bonus est. Non enim verus & sincerus amor est, nisi quem conciliat virtus. Laert. libr. 6. cap. 1.

Socrates.

Docuit animum formam ma-

gis amandam, quā corporum: eāque voluptatem quam in nobis gignit conspecta formosa facies, ad longē pulchriorem, sed latentem animi speciem esse transferendā. verum ut hanc videamus, philosophicis oculis opus esse. Notabat, *φιλέειν* Græcam vocem ancipitem esse, ad osculandum, & amandum: quorum prius est corpus amantium, alterum mentem. Erasmi. libro tertio apophth.

Idem.

Eos qui corpus tantum amarent, similes esse aiebat mendicis qui semper egerent, semper instarēt, aliquid flagitantes: rursus qui amici essent potius quā amatores, similes esse his qui proprium fundum possiderent, quem semper student redde re meliorem. Amator suam quærit explere voluptatem: amicus haud quāquam ad se spectans, hoc se putat ditio rem, quo meliorem reddiderit amicū. Erasmi. l. 3. apophth.

Zeno.

Formoso dicenti, sibi non videri futurum ut sapiens amaret: Nihil, inquit esset vobis formosis infelicius. Quisquis enim docet, admonet, instituitque ad virtutem adolescentes, utique amat. Atque is demum verus est amor. Nam qui vulgò dicuntur amare, suum venantur commodum cum incommodo adamati. Laert. li. 7. cap. 1.

Th. Pontanus.

Thomas Pontanus, vir prudentia ac sapientia clarissimus, assidue dice re solebat, Amorem nunquam fecisse stipendium. Ea quippe est amoris vis, ut ubiuis terrarum facile locum inueniat, etiā sine pecunia. Iac. Spiegel. in lib. 2. Æneæ Sylvi de dictis ac factis Alphonfi cap. 43.

Idem

Idem.

Sæpenumero dixisse fertur, Amorem inermem quidē incedere, dormire tamen lorica tum. Notat autem, amorem subditorum erga suos principes tanti fieri, vt princeps, cui beneuolentia suorum satis perspecta est, nō sibi timeat, etsi solus interdiu ambulet. Noctu tamen semper adhiberi corporis custodes. Ibidem.

De amore sui quem Græci
φίλωνίαν vocant.

Socrates.

Dicebat, Neminem in seipso sua cernere vitia, alterius autem apertissimē. Antonius in Melissa, parte 1. serm. 75.

Idem.

Si quis, inquit, in theatro corlarios surgere iuberet, eos solum surrecturos: similiter si fabros ærarios, textores, aut alios generatim. Si verò prudentes aut iustos hīc omnes exsurrecturos fore. Est enim hoc in primis in vita damnosum, quod cūm hominum pars maxima stulta sit, sapere tamen sibi videatur. Stob. sermone 21.

Diogenes.

Interrogatus, quīnam in tota re- rum natura existeret difficillimuni: Nolle seipsum, inquit. Multa enim propter amorem sui sibi quēque sumere solum Antonius in Melissa. par. 2. serm. 75.

Idem.

Hominum dicebat aliquos opportuna loquentes non intelligere seipsos, sicuti lyrae egregiē resonantes non sentiunt, Stobæus serm. 21. Antonius serm. 75. parte 2. Melissæ, &

Maximus serm. 7.

Plato.

Iubebat, vt cūm aliquos irriserimus, conuertamur ad nosmetipsos, & videamus. ne ipsi eisdem vitis laboremus. Stob. serm. 21. Anto. in Melissa. Amor enim sui multa celat, & circumoperit in illo qui magis irridere solet alios. Stob. serm. 21. Anto. in Melissa serm. 75.

Idem.

*Omnium maximum, inquebat, quoddam malum in multorum animis est innatum: cuius quidem, quum facile sibi ignoscant, nullum remedium excogitant. Est autē hoc quod dicere solent, naturā sibi quisque esse amicum. Sed re vera nimius in se ipsum amor omnium peccatorum omnibus semper est caus. Occæcatur quippe circa occæcatum, qui amat. Quapropter qui se amat, cūm seipsum magis quā veritatem honorandum putet, quid iustum, bonum, & pulchrum sit, malē iudicat, lib. 5. de Legib. Stobæus, serm. 24.

Æsopus.

Vnumquemque nostrum duas ferre aiebat peras, alteram ante nos, alteram à tergo. Et in anteriorem quidem alienos errores condere, in posticam verò nostros: ideoque non videri à nobis. Stob. ser. 21.

Demosthenes.

Omnium facillimum esse dicebat, seipsum decipere. quod enim vnusquisque cupit, id etiam in animum inducit, & sibi persuadet. Res autem ipse frequēter nō ira se habent. Ibid.

Apollonius

Dicere solebat, quam plurimos esse, qui semetipsos præter vllum decorum amantes, propria peccata defendere, accusare autem aliena. Ibidem.

De eo quodd à subditis amari
melius sit quàm
metui.

Chilo.

Optimum regem esse dixit, qui
non operam dat vt metuatur.
Stob.ferm.46.

Pittacus.

Eum laude dignum imperatorem
dicebat, qui ira se erga suos gerat, vt
non eum, sed ei ciues timerent. Sto-
bæus, ser.46.

Pythagoras.

Potius elige, inquit, qui versentur
tecum, te venerentur & ament. quàm
timeant. Amorem enim reuerentia
& obseruantia, timorem odium se-
quitur. Phauorinus apud Stob.

Polyderus Alcamenus F.

Cuidam percontanti cur Spartani
in bello fortiter sese periculis obii-
cerent? Quoniam, inquit, duces re-
uereri didicerunt, potius quàm time-
re. Reuerentia cum amore coniuncta
est: metuius autem illos maxime
quos odimus. Rectius autem suo fun-
gitur officio, qui ex animo facit,
quàm qui metu mali. Plut. in Laco-
nicis apoph

Constantius Chlorus.

Amicis admonentibus, quodd in
augendo fisco videretur indiligen-
tior, respondit: Publicas opes rectius
à priuatis haberi, quàm intra vnum
claustrum reseruari. Bonus princeps;
qui magis à suis diligitur, quàm time-
tur, habes quicquid ciues possident.
Erasm. lib.8. apoph.

Sigismundus imperator.

Audiens à quibusdam disputari,
num melius esset amari, an timeri à
subditis? respondit: Quemadmodum
superi amari & timeri volunt, ita &

reges, Neque enim bene ames, nisi
etiam timeas. Timor enim reueren-
tiam arguit, quæ regibus maxime
debetur. Certè qui non timet, con-
temnere videtur. At in regibus quo-
que situm est, vt & amentur, & ti-
meantur: si ita moderentur vitam, vt
nec inferioribus sint terrori. nec su-
perioribus despectui. Aeneas Syluius
lib.4. commentariorum in res gestas
Alphonfi.

Alphonfus rex.

Interrogatus, quos è popularibus
suis percharos haberet, illos, inquit,
qui non magis eum, quàm pro eo
metuant. Sensit autem, illos esse ex
animo amicos, qui principem magis
amant, quàm metuunt. Panorm. lib. 4.

*Plura vide infra de Beneuolentia. Cle-
mentia, Humanitate, atque imperio vel
regno bene administrando.*

De animæ immortalitate.

Phoçylides.

* **A**nima immortalis est, inquit,
vixitque perpetuo, nec fene-
scit vnquam. In præceptis suis.

Epicharmus.

* Si animâ bonus es, mors noce-
re tibi non potest: viuet spiritus tuus
in cœlo beatus, &c. Apud Clement.
Alex.

Pythagoras.

* Aurigam animam optimam si
corpori constitueris: vbi derelicto
corpori ad liberum æthera perue-
neris, eris immortalis, &c. In aureis
versibus.

Socrates.

Hominem ipsum animum esse di-
cebat, corpus autem nihil aliud quàm
animi organum, vel domicilium, aut
vt verius dicā sepulcrum, ac carcerem:
vnde cum emerferit, tū demum sui
iuris esse multoq; quàm antea feli-
cius

clius viuere. Erasim. in Declamat. de Morte.

Idem.

Quum hora mortis ei immineret, rogatus à Critone, quo modo uellet sepeliri: Multam inquit, ò amici operam frustra consumpsi. Critoni enim nostro nondum persuasi, me hinc auolaturum, neque quicquam mei relicturum. Veruntamē, ò Crito, si me allequi poteris, aut sicubi nactus eris, utique tibi uidetur sepelito. Sed mihi crede, nemo me vestrum quum hic excessero, consequetur. Sē sit Socrates, animum esse hominem: corpus nihil aliud esse quā animi vel organum, vel domicilium. Eoque stultē facere illos, qui solliciti sunt quomodo spoliātur, Brusl. l. 4. cap. 10.

Idem.

Iam damnatus, iudicibus dicebat: Anytus quidem & Melitus (accusatores enim eius fuerant) interficere me possunt, sed incommodo aut detrimento minimē afficere. Pia hominis ethnici sententia, sentiētis tyrannos pro suo quidem arbitrio in corpora hominum scire posse, aut in animam, quæ immortalis est, nullam omnino potestatem habere. Brusl. lib. 4. cap. 10.

Anaxarchus.

A Nicocreonte Cypri tyrāno captus, & malleis ferreis in saxo excavato contusus: Tunde, inquit, tunde probē Anaxarchi carnes & ossa, siue (ut alij) follem: Anaxarchum nequaquam lædes. Sensit autē philosophus clarissimus, tyrannum quidem potestatem habere ut pro arbitrio crudelitatem suam exerceat in corpora hominum, animum tamen immortalem semper fore, extra omne tyrannorum imperium. Philo Iudæus in libro, Quod omnis probus liber.

& Bruson lib. 2. cap. 1. ex Plutareho.

Cercidas Megalopolit.

Quum in morbum periculosissimum incidisset, interrogatus num libenter mori uellet? Quidni? ait, Videbo enim post mortem viros in omni sciētiarum genere doctissimos, ex philosophis Pythagoram, ex historicis Hecataeum, ex poetis Homerum, ex Musicis Olympum, qui suis literarum monumentis nomen sibi immortale pepererunt. Ælianus libro 13. de Varia historia.

Philistio.

* Anima sapientis (inquit) Deo coniungitur. Animam non mors, sed mala vita perdit. Anton. & Maxim. serm. de anima.

Ægyptius monachus.

Quum nuntius venisset, qui patris mortem annuntiaret, respondisse fertur. Desine blasphemare, & impiē loqui: pater enim meus immortalis est. Nicephorus libro 11. cap. 45. Eccles. histor. ex Euagrio.

Cyrus.

Moriens filiis suis ait, Nullo modo filij hoc vnquam mihi persuasi, ut animus uiuat, donec fuerit in corpore mortali: quum verò ab hoc solutus fuerit, moriatur. Cicero in Catone Maiore ex Xenoph.

Thraseas.

Quum non tantum in alios, sed in matrem etiam, quam occidi fraude curauerat, crudelissimē sciret, P. Thraseas Petus, Romanorum fortissimus dicere solebat: Nero quidē me occidere potest, perdere autem nequaquam, innuens quidem, Nerone tyrannum cruentissimum potestatem habere grassandi in corpora suorum, animam autem (quæ immortalis est) nequaquam lædi.

quouis homine posse. Xiphilinus in Nerone.

Cicero.

*Animorum, inquit, in terris nulla origo inueniri potest: nihil est enim in animis mistum, atque concretum, aut quod ex terra natum atque factum esse videatur, aut quod humidum, aut flabile, aut igneum. His enim nulla vis inest memoriæ, intellectus, cogitationis, quæ præterita retineat, præuideat futura, præsentia comprehendat, quæ quidem omnia diuina sunt. lib. 1. Tusc. quæst. & in consol.

Idem.

*Cogita te mortalem non esse, non hoc corpus. Non enim is es quæ forma ostendit, sed mens cuiusque ipse est, non hæc moles quam digito iudicare possumus. Item. Sicuti Deus caducum hunc mundum regit & mouet, ita & spiritus immortalis, fragile corpus. in Somn. Scipionis.

Seneca.

*Animus, si propriam eius originem aspexeris, non ex terreno & graui concretus corpore ex illo cælesti spiritu descendit, nec est ratio aliud quam in corpore pars diuini spiritus merita. Et quemadmodum radij solis contingunt quidem terram, sed ibi sunt unde mittuntur, sic animus magnus ac sacer, & in hoc demissus, ut propius diuina noscamus, conuersatur quidem nobiscum, sed hæret originis suæ. Item Hæc quæ vides ossa circum nobis, neruos & obductam cutem, vultumque & ministras manus, & cetera quibus inuoluti sumus, vincula animorum tenebræque sunt. Obruitur his animus, fugatur, arceatur aduersis, omne illi cum hac carne graue certamen est. Ne abstraatur & findatur, nititur illo unde de-

missus est: ibi illum æterna requies manet. Item. Mox quam pertimescimus intermittit vitam, non eripit: venit iterum qui nos in lucem reponat dies. lib. ad Gallionem, Martiam, de breuit. vitæ, ad Lucillium, & alibi, ubi multa de animæ humanæ præstantia & dignitate.

Alphonsus rex.

Maximum argumentum immortalitatis sibi videri dicebat, quod corpora in hac vita decrescere, ac per omnia membra suos quasi fines & terminos habere videret: animos vero, quanto ad annos accederent, tanto magis intelligētia, virtute & sapientia crescere. Panormitanus libro 4. de Alphonsi reb. gest.

Fridericus imperat.

In Austria cum obiisset vnus ex primoribus, annos natus tres & nonaginta, qui vitam inter voluptates illecebræque nulla vnquam valetudine offensam duxisset, ignotæque illi omnis calamitas, omnis moestitia fuisset, idque Friderico Cæsari narraretur: Et hinc, inquit ille, immortales animas censere licet. Nanque si Deus est, qui hunc mundum gubernat (ut philosophi & Theologi docent) eumque iustum esse nemo negat: profecto alia loca sunt, ad quæ post mortem animæ migrant, ibique pro factis aut mercedem, aut poenam accipiunt. Nam hic nec bonis sua præmia, neque malis sua supplicia reddi videmus. *Æneas Syluius.*

De animi bonis ac cultu.

Bion.

Dicere solebat, formam & venustatem bonum esse alienum. *Sentiens*

Sentiens nimirum, animi bona reuera esse nostra, cætera verò omnia fluxa, & paruo duratura tempore. Laërt. lib. 4. cap. 7.

Bias.

Quum patriam eius Prienen hostes inuasissent, omnibus quos fauitia belli incolumes abire passa fuerat, prætoriarum rerum pondere onustis, fugiētibz: interrogatus. Quid ita nihil ex bonis suis secum ferret? Ego verò, inquit, omnia bona mecum porto. Pectore enim illa gestabat, non humeris, non oculis visenda, sed æstimanda animo: quæ domicilio mentis inclusa, nec mortalium nec deorum manibus labefactari queunt: & vt manentibus præstò sunt, ita fugientes non deserunt. Cicero in Paradoxis. Valer. Max. lib. 7. cap. 2. Verum Seneca lib. cap. 5. de Tranquillitate, & epitt. 9. Stilponi hoc ascribit.

Thales.

Dicebat, non esse faciendam faciem, sed animum honestis studiis exornandum: quòd hæc forma veros conciliet ac perpetuos amicos. Diogen. Laërt. lib. 1. cap. 1.

Antisthenes.

Admonebat ea esse paranda viaticum quæ simul cum naufrago enatarent. Sentiens, bonas artes vbique esse in pretio, nec posse à fortuna eripi. Idem ascribitur Aristippo. Laërt. lib. 6. cap. 1.

Idem.

Quidam adolescens curarat sese ex ære sculpendum, & ad eam imaginem sese conformabat. Huic Antisthenes: Si æs posset vocem edere, qua de re potissimè gloriaretur? De pulchritudine, inquit adolescens. Nō igitur, inquit, erubescis, qui non de animo gloriaris? significans, magis gloriandum de bonis animi, quàm de

forma, quam haberet cum statua communem. Laërt. lib. 6. cap. 1.

Ariston.

*Vulgus hominum Laërti comparabat, qui cum reliqua ruri diligenter omnia curaret, seipsum negligebat: sic & illos studiosissimos quidem esse circa possessiones, animum autem feris obrutum affectibus non excolere aiebat. Stob. serm. 4.

Aristippus.

Nauigans cum ciuibz suis, & naufragio quodam eiectus, venit Rhodum, vbi summa cum humanitate & reuerentia exceptus & tractatus est, etiam ab ignotis illis hominibus. Tandem verò, quum hi qui cum Aristippo naufragium passi erant, pararent reditum in patriam, rogarentque illum, Ecquid vellet ciuibz suis renuntiari? Nil aliud, inquit, quàm vt studeat sibi huiusmodi parare opes, quæ naufrago non pereant, sed simul cum possidente enantent. Sensit vir sapientissimus, hominem non fortunæ, sed animi bonis muniendum, vt vbiuis terrarum victum sibi compareret, & apud homines magno sit in pretio. Vitruuius lib. 6. de Architectura. Fulgosi lib. 7. cap. 2.

Democritus.

Dicebat, potius animæ quàm corporis curam esse habendam. Siquidem anima perfectissima corporis vitia leuat: robur autem corporis, absque ratione, nihilo meliorem reddit animam. Stob. serm. 1.

Diogenes.

Conspicatus adolescentem philosophiæ datam operam: Euge, inquit, corporeæ formæ spectatores ad animi pulchritudinem auocas. Sentiens, illum hoc agentem, vt animū virtutibus & honestis disciplinis exornaret, hoc consequuturū, vt longè me-

liores amicos esset habiturus, Laert. lib. 6. cap. 2.

Idem.

Dicebat, homines summa cura quæ faciunt ad viuendum perquirere: sed quæ ad bene viuendum conducant, nihili pèdere & negligere. Stobæus.

Pythagoras.

Magis animi vires quàm corporis optandas esse assererat. Animi enim bona veræ sunt possessiones, cætera omnia instabilia & incerta. Diuitiæ enim aliâque eius generis bona, fortunæ temeritati subiacent: virtus autem stabilis, perpetuâque habetur. Stob. serm. 1.

Socrates.

*Nihil aliud, inquit, agēs circumco, quàm suades iunioribus senioribusq; vestrum, neq; corporū neq; pecuniarum, neq; aliarū omnino rerū curam prius vehemētiusq; quàm animi habendā esse, vt quàm optimus sit: docens, non ex pecuniis virtutem, sed ex virtute pecunias, aliâque bona omnia & priuatim & publicè hominibus prouenire. Plato in apolog. Socratis. Stob. serm. 5.

Idem.

*Neque, inquit, Achillis arma Therfici, neque animi bona homini stulto conueniunt. Stob. serm. 5.

Idem.

Quum taxaret vnguētis delibutos, & Charondas, siue (vt aliis placet) Phædon, percontaretur, quis esset ille vnguētis delibutus? ego, inquit Aristippus, infelix, & me infelicior Persarum Rex. At vide, inquit, vt quemadmodum hac parte nullo cæterorum animalium est superior, ita nec hominum vllō præstantior. Sensit, externis bonis hominem nihilo fieri meliorem: cum & equus balsamo oblitus, idem oleret quod

rex: & mendicus vnguento simili delibutus, non minus bene olet quàm summus pontifex. Laert. lib. 2.

Isocrates.

Videns ex discipulis quendam agri sui colendi studiosum, cæterum in exornandis moribus desidem: Vide, inquit, ne agrum mitiorem cultioremque faciens, tu incultus animo atque agrestis prorsus euadas. Stob.

Plato.

Dicere solebat, eos qui corpora exercerent, & animū negligerēt, nihil aliud facere, quàm imperantē relinquere, & imperatū curare. Sto. ser. 1.

Idem.

*Quæ dominantur, inquit, præ illis quæ seruiunt semper sunt honoranda. Quapropter meritò post dominantes deos, eosque qui illos sequuntur animū nostrum colendum, secundòq; loco habendū iubeo. Nemo autem rectè animū suū honorat, nisi qui vitiiis fugatis pietatem & iustitiam colit. Stob. serm. 21.

Aristoteles.

Illud amicis ac discipulis inter disferendum frequenter solebatingere? Visum accipere lumen à circumfuso aëre, animū autem à disciplinis liberalibus. Sentiens, ingenium adolescentum disciplinis acui, & ad reliqua philosophiæ mysteria reddi perspicax. Laert. lib. 5. cap. 1.

Socrates.

Xenophontem in angiportu quodam habuit obuium: quūque videret adolescentem rara indole, porrecto baculo vetuit ne præteriret. Vbi cōstitisset, rogauit, vbi fierent venderenturque variæ merces, quibus vulgò vtuntur homines? ad id quum promptè respōdisset Xenophō, percontatus est vbi homines fierent boni? cum adolescens respōdisset, se
id ne-

id nescire: Me igitur sequere, inquit, ut hoc discas. Ex eo Xenophon cepit esse Socratis auditor. Absurdum est, scire ubi parare queas honestam vestem, aut poculū: & ignorare, unde tibi comparare possis animi cultum. Eras lib. 3. apoph.

Stilpo.

Interrogatus, Quid esset statua fortius? respondit, Homo stupidus, & animi cultum negligēs. Stob. serm. 2.

Iamblichus.

Dicere solebat, cum anima vinamus, eiusdem virtute quoque nos vivere dicendum esse: perinde ut oculis cum cernamus, ipsorum quoque virtute bene cernimus. Stob. serm. 1.

Dionysius sophista.

In Heliodorum, quem Adrianus Caesar vnicē amabat: torsit hoc dictū: Caesar potestū honorem ac pecunias largiri, rhetorem facere non potest. Caesar enim Heliodorum, studio verius quam iudicio, fecerat magistrum epistolarum. Dion in Hadrianq.

Pausanias.

Quibusdam in spoliis barbarorum demirantibus pretiosas vestes: Præstiterat, inquit, ipsos esse multi pretij, quam possidere pretiosa. Correxerit suorum admirationē, eosque ad verorum bonorum admirationem reuocauit. Plut. in Lacon.

Leontychidas.

Rogatus à quodam, Quo pacto quis bona quæ adsunt tueri valeret? Si non omnia, inquit, fortunæ crediderit. In animi bona nullum ius habet fortuna. Tum externa bona reddemus nobis stabiliora, si quædā seposuerimus, nec fortunæ volubili cōmiserimus. At sunt principes, qui proferendæ ditionis studio semet in periculum coniciunt, ne hoc ipsum

quod habent imperiū amittant: multum item diuites, augendæ rei studio, quicquid habent, totum committunt nauibus. Plutarch.

Demonax.

Vehementer eos coarguebat, qui corpora summo studio curarent, atque sese omnino negligerent. Haud dissimiles eos ratus, iis quorum omnis sollicitudo in extruendis ædificiis versaretur: & hominum qui ædes habitarent, nullam penitus haberent rationem.

Stilpo.

Demetrius Antigoni filius cum Megaram occupasset, Stilponem philosophum accersitum rogauit, num quis militum aliquid rerū abstulisset? Nullus, inquit: neminem enim vidi, qui scientiam & eruditionem rape-ret. Sentiens, animi bona nō esse bellorum violentiæ obnoxia. Plutarch. in Demetrio. Seneca.

Agésilas.

Quum Græci, qui Asiam incolabant, Persarum regem ex more Magnum appellarent: Qua, inquit, Agésilas, re ille me maior est, nisi sit iustior, ac tēperantior: Contempsit vir egregius externa bona: quæ vulgus præcipuē suspicit, ac hominis felicitatē animi bonis metiebatur. Ea sententia philosophus esse consuevit in ore, sed hanc bellator expressit affectu. Plutarch.

Dionysius senior.

Quum intra regiā sacrū ex more perageretur, præcōq; sicuti assueuerat, precaretur, ut per multa tempora inconcussum duraret imperium: Non tu defines, inquit rex, abominanda nobis imprecari? Sentiens, potius optandam bonam mentem: quam ea quæ nihil conferunt ad hominis felicitatem: quandoquidem

animi bona fortunæ bonis semper præferenda sint. Erasmi. lib. 5. apoph.

Milo Crotoniates.

Factus iam senex, quum vidisset athletas alios in curriculo sese exercētes, fertur inspexisse lacertos suos, lachrymānsque dixisse: At hi iā mortui sunt. Mēritō fleuit, qui felicitatē corporis viribus metiebatur. Animi vigor serius senescit, si tamen senescit vnquam. Erasmi. lib. 6. apoph.

*Huc pertinent apoph. de Doctrina,
Eruditione & Virtutib.*

De animosè dictis.

Anaxagoras.

Quum ab Atheniensibus esset damnatus exilio, cuidam dicenti, Priuatus es Atheniensibus: Imò illi (inquit) me. Sētiens, Atheniensibus magis opus esse Anaxagora, quàm contrā. Laert. lib. 2. cap. 3.

Xenocrates.

A Dione dictēriis laceffit, non sum, inquit, tibi responsurus: neque enim tragœdia à comœdia taxata dignatur eā responso. Laert. lib. 4. ca. 2.

Pericles.

Subitò oborto solis defectu, cum videret alios multos, sed præcipuè classis gubernatōrē, vehementer perturbatos, chlamyde sua textit gubernatoribus faciem, interrogauitque: nun quid hoc horrendum ostentum existimaret? illo negante, Quid interest, inquit, nisi quòd chlamyde maius est id quod nunc tenebras inducit? Plut. in Græc. apoph.

Agis Archidami F.

Quum Ephori ei dicerent, Proficiscere, iuuentutem tecum ducens, ad huius (proditorem quendam ostendentes) patriam: nam is ipse te

perducat in arcem: Et qui conuenit, inquit, tot iuuenes ei credere, qui patriam prodidit? Plutarch. in apoph.

Idem.

Idem dixisse fertur, Lacedæmonios non oportere percontari quot sint hostes: sed vbi sint, significans, non à militum numero pendere victoriam, sed à rei gerendæ celeritate. Erasmi. lib. 1. apoph. ex Plut.

Idem.

Idem apud Mantinæam, quibusdam dissuadentibus, ne cum hostibus, quòd numero plures essent, conflingeret: Cum multis, inquit, pugnet oportet, qui multis imperare velit. Plut. in apoph.

Cleomenes.

Quum ab augure admoneretur, ne exercitum educeret ad urbem Argiuorum, alioqui reditum illinc fore turpem: posteaquam admonisset ciuitati copias, ac portas videret clauas, & mulieres in mœnibus: Hic, inquit, reditus tibi turpis videtur, in quo viris mortuis vxores occlusere portas? Fortis animus si cum æquo bonoque fuisset coniunctus. Plut. in Lacon. apoph.

Callicratidas.

Quum venisset ad Cyrum regem, periturus pecunias rei nauali necessarias, vidit regem largius bibentem. Expectauit igitur donec bibisset. Vidit enim non dari copiam, vt regem conuenire posset. Postero verò die cum iterum audiuiisset illum bibere, nec se admitti ad colloquium, dixit: Ita curam habēdam esse pecuniarū, vt ne quid tamen cōmitteretur Sparta indignum, & mox inde recessit. Ephesū, multa imprecans mala iis, qui primi à barbaris fuissent ludibrio habiti, eoque sua patientia docuissent illos

illos fiducia diuitiarum aliis illudere. Plut. in apoph. Lacon.

Leonidas.

Cum ad Leonidam Alexandridæ filium quidam militum dixisset, Hostes sunt prope nos: Et nos, inquit, prope illos. Significans, ob id non minus imminere discriminis hosti, quam ipsis. Plut. in apoph. Lacon.

Agésilauus.

Quum in Lydia Tissaphernem fugasset ac multis interfectis in agros regio incurfionem fecisset: Rex Persarum per legatos magnifica illi munera obtulit, ut à bello desisteret. Agésilauus autem respondit: Pacis quidem tempore Reipubl. vigere auctoritatem, ut ius habeat decernendi, quod ad tuendam ciuitatis tranquillitatem censuerit conducere: belli autem tempore non item. Vox excellentis animi, qui non aliud virtutis præmium ambiret quam gloriam, nec pacem hosti venderet fraudato, milite. Plutarch. in apoph. Lacon.

Idem.

Quum transmissio Hellefponto iter faceret per Thraciam, nulli barbarorum supplex fuit ut transitus daretur: sed missis ad singulos nuntiis, rogabat, Vtrum per hostium an amicorum regionem iret? Plutarch.

Idem.

Quum Græci qui Asiam incolebant, Persarum regem pro more Magnum appellarent: Quare, inquit Agésilauus, ille me maior est, nisi sit iustior, aut temperantior? Idem.

Lacæna.

Lacæna quædam cum audiisset filium incolumen, sed fugisse ex clade, scripsit filio hunc in modum: Malus rumor de te sparsus est: aut hunc, dilue, aut ne sis. Præstabilius putabat filium mori, quam cum infamia vi-

uere. Plut. in apoph. Lacænarum.

Lacæna.

Alia quædam cum audiret à filio, quam generosè frater in prælio occubisset. An non turpe est, inquit, te non fuisse in re tam honesta & laudabili comitem? Ibidem.

Pelopidas.

Quum ex militibus quispiam, qui viderat Lacedæmonios per angustias montium aduentare dixisset: Pelopidæ, Incidimus in hostes: Quin potius nos in illos, inquit, quam in nos illi. Plut. in apoph.

Lacones.

Quum quidam forte obuiam facti Laconibus dixissent: Fortunati estis, ô Lacones, nam modò hinc abiuerat latrones: Non nos, inquit, per Enyalium: (sic enim Martem vocant) sed illi potius fortunati sunt, qui in nos non inciderunt. Plutarch. in Lacon.

Anonymus.

Pirata quidam ad Alexandrum Magnū deductus & rogatus cur auderet infestare maria: compediō respondit: Ego, inquit, quoniam id vnica nauicula facio pirata nominor: cum tu, Alexander, idem facias magna classe, rex appellaris. Alexander hominis animum tam intrepidum admiratus, donauit illum vita. Plut. in Alexandro.

Leonidas.

Xerxis cum scripsisset ad Leonidam, Mitte arma: rescripsit Leonidas, Veni & cape. Maluit armatus mori, quam traditis armis turpiter de vita cum hoste pacisci: Ibidem.

Cyrus.

Cyro iuniore conflicturo cum hoste, loco qui dicitur Cunax, Clearchus suaserat, ut se post Macedones conticeret, nec se in belli discrimine con-

iiceret. Quid ais, inquit, Clearche: lubesne, ut quum regnum appetam, regno me indignum ostendam? Plut. in apoph.

Alexander.

Darius rex Persarum, quum numerosissimum exercitum instruxisset aduersus Alexandrum, admonitus Alexander ut consideratè contra tantum hostium impetum omnia ageret, nil aliud respondit quàm Magna animi molestia me Darius liberauit, qui vires suas omnes in vnum contraxit, ut liceat vno die de summa rerum decernere. Plutarchus in apoph.

Cypriae mulieres.

Cyprij cum aduersus Astyagem Medorum regè infelicitèr pugnasent, mulieres obuiam ierunt, & nudatis ventribus, Quò, inquit, ignatissimi ruitis? an nescitis vos huc iterum intrare non posse, vnde semel naturæ lege egressi fuistis? Erasim. li. 6. apoph.

Demetrius Phalerens.

Quum audiuisset Athenienses destruxisse statuas quas illi posuerant: At virtutem, inquit, non euerterunt, cuius gratia illas posuerunt prius. Laert. lib. 5. cap. 5.

Zenobia.

Ab Aureliano capta, & in conspectum illius ducta, quum is dixisset, Quid, ô Zenobia, ausa ex nobis insultare, Romanis imperatoribus? Imperatorem, inquit, te agnosco qui viceris: Galienum, Aureolum, reliquosque, principes non putavi. Trebell. Pollio.

Lucullus.

Archelao, qui iterum à Mithridate defecerat, asseueranti, si in Ponto Lucullus conspiceretur, fore ut omnia subderentur imperio Roma-

no, respondit Lucullus: Nô cedo Archelae venatoribus audacia, ut relictis feris, ad vacua illorum lustra progrediar. Iam enim Mithridates Pontum reliquerat. Plutarch.

Q. Fabius.

Quum à Romanis missus esset legatus ad Carthaginenses, ut exploraret cur Saguntus contra foedus à Pœnis oppugnata esset: siue ex toga facto, En (inquit) vobis bellum & pacem apportamus, vtrum igitur placeat sumite. Cum Pœni ferocius clamarent, daret vtrum vellet: Fabius effuso sinu, Bellum (inquit) damus. Erasim. lib. 6. apoph.

Anonymus.

Quum nauis, qua Granius prætorius quæstor, veheretur, in Scipionis Metelli potestatem venisset: Scipioque cæteris direptis, quæstori salutem polliceretur, quæstor respondit: Cæsaris milites salutem dare, non accipere solent. Erasim. lib. 9. apoph.

Sylla.

Apud Orchomenum, cum milites longius euagarentur, ex equo desiliens, arrepto vexillo in hostem conuolat, ita vociferans: Mihi quidem, ô Romani milites, hîc pulchrum est mori. Vos interrogati, quo loco ducem vestrum amiseritis? meminere dicere, apud Orchomenum. Pl. in Sylla.

Popilius.

Missus erat ad Antiochum regem fereos epistolam à senatu, qua iubebatur, ut exercitum ex Ægypto abduceret, nec Ptolemæi filios orphanos regno spoliaret. Quum verò rex illum per medium exercitum, ad se accedentem, procul humaniter salutasset, non resalutato rege, literas reddidit; quibus lectis quum Antiochus diceret, se consultaturum, daturum-

tursumque responsum: Popilius Lenas, virga, quam tenebat, ducta linea, cinxit regem dicens, Hic igitur stans consulta, & responde. Omnibus viri spiritum admirantibus, posteaquam Antiochus spondidisset se facturum, quæ Romanis viderentur: ita demum salutavit illum, & amplexus est Popilius. Plut. in Rom. apoph.

Cato.

Rebus deploratis cum amici hortarentur Catonem, ut ad Cæsaris clementiam confugeret, respondit, Victorum esse, & eorum qui deliquissent, supplicare: Catonem nec victum nec captum esse, qui se per omnem vitam inuictum præstitisset. Plut. in vita Catonis

Pompeius.

Audiens quosdam esse, qui inviderent concessum sibi triumphum, Secitius omisurum triumphum, ait, quam militibus blanditurum, simulque laureatas fasces abiecit, ut illinc inciperent direptionem. Plutarchus in apoph.

Julius Cæsar.

Post attritos Tigurinos, ad urbem quandam Sociorum proficiscens, quum audiisset Helueros in itinere occurrere, in locum quandam munitionum se recepit: ibique copiis congregatis, & equo, cui insidere solebat, adducto: hoc inquit, post victoriam utar in persequendis hostibus, & pedes aggressus est Helueticos. Erasmus. lib. 4 apoph.

Alphonsus rex.

Virgiliana lectione cum præcipue delectaretur, & terra fortè (quum in quarto Æneidos libro legeret de morte Didonis) moueretur, obstupescens aliis ex re tam improuisa & periculosa, Alphonsus di-

xisse fertur: An mirum vobis videtur, si in morte tam celebris reginæ (cuius mortem apud Virgilium diuus Aurelius Augustinus nunquam sine lachrymis legisse fertur) terra intremescit? Panorm. lib. 1. de rebus gestis Alphonsi.

Cum his confer apoph. de Fortiter dictis, & Fortitudine militari.

De aqua lustrali.

Diogenes.

Quum videret quendam se religionis causa aspergentem aquis fluuiialibus. hoc enim ritu prisco solebant purificari, si quid piaculi commissum crederent: Infelix, inquit, multum erras in Grammatica, non absolueris aspersus, multo minus aspersio te liberabit à vitæ criminibus. Laert. lib. 6.

Valentinianus.

Nondum imperator, templum Fortunæ ingrediens cum Iuliano, hinc atque hinc stantibus ædituis, qui aquam introeuntibus aspergerent, ubi vidit in chlamyde purpurea guttam aquæ, pugno percussit ædituum. Hoc, inquit, non est purificare, sed inquinare. Nam illi tales aspersiunculas appellabant purificationes. Erasmus libro 8 apophthegmarum.

De arcanis non temerè effuticendis.

Thales.

Thales frequenter dicere solebat, Vide ne te in ius vocet sermo

contra coniunctos tibiæ socios dictus. Sensit vir sapientissimus, amicis non adeo fidendum esse, ut committamus eis arcana, ut inde effutiant magna nostra infamia & ignominia. Laert. lib. I. cap. I.

Socrates.

*Dicebat carbonem ignitum facilius in lingua contineri posse, quam sermonem arcanum. Stobæus, serm. 39.

Anaxandridas.

*Qui commissum sibi instar depositi sermonem euulgat, aut iniustus est, aut admodum incontinens. Iniustus quidem, si lucri causa id faciat: sui absque lucro, incontinens. Ibidem.

Aristoteles.

*Interrogatus, quidnam in vita difficillimum esset, Tacere, inquit, quæ dicenda non sunt. Ibidem.

Aristo.

Dicere solebat, ut ij venti sunt nobis molestissimi qui abstrahunt palia. Ita grauissimè lædunt amici, qui expiscantur arcana. Erasmi. libro 6. apoph.

Isocrates.

*Sermonum deposita, inquit, fidelius quam pecuniarum custoditores lib. ad Dæmonicum.

Euripides.

Quum malè audiret ab hominibus ob oris graueolentiam: Multa, inquit, in illo occulta computruerunt. Innuere voluit vir grauissimus, se posse retinere arcana: contra aliorum consuetudinem, qui omnia temerè effutiant. Solent autem res in occulto congestæ computrescere. Erasmi. Rot. libro 8. apophthegm. ex Stobæo.

Philippides Comicus.

Lyfimacho cum primis charus

fuit, & familiaris: cui cum Lyfimachus offerret liberalitatem suam, ac frequenter diceret, Quid vis tibi impertiam rerum mearum? Quodcunque voles, inquit, modò ne arcani quippiam. Significans, esse periculosum nosse magnatum arcana: quorum siquid effutias, actum est de capite. Brusi. lib. 6. cap. 10. ex Plutarch.

Vide infra plura sub tit. Taciturnitatis & Silentij.

De argutè dictis.

Thales.

Cum diceret, mortem equè salutarem esse ac vitam: audiuit à quodam, Cur igitur non moreris? Argutè respòdit, ob hoc ipsum, quia nihil refert. Potius enim habetur, quod accersitur. Laert. libro I. cap. I.

Socrates.

Admonitus ab amico, quòd excepturus hospites admodum tenuent fecissent apparatus. Si boni sunt, inquit, satis erit: sin minus, plus satis. Laert. in eius vita.

Aristippus.

Platoni obiurganti, quòd multos pisces emisset, respondit, Se illos emisisse obolo: quumque Plato dixisset, Tanti & ipse empturus eram. Vides, inquit, igitur ô Plato me non esse obsoniorum auidum, sed te pecuniæ amantem. Ibidem.

Idem.

Quum aliquando perdicem quinquaginta drachmis iussisset eini, cui-dam detestanti luxum in philosophò: Et tu, inquit Aristippus, si obolo uenialis esset, non emereres? Quam is respondisset, se empturum: Et mihi, inquit, tanti sunt quinquaginta drachmæ.

drachmæ. Quod ille luxus nomine damnabat, hic detorsit in contemptu pecuniæ laudem. Laert. lib. 2. cap. 8.

Idem.

Quum quidam illi probro daret, quod lautè nimisque splendide viueret: Id, inquit, si vitium esset, in deorum celebritatibus non fieret. In his enim magnificè vestiri, & lautissime epulari solent. Ibid.

Anisthenes.

Quum falsamenta per forum gestaret, quibusdā admirantibus, quod philosophus officio tam sordido fungeretur, idque in publico, ac non potius seruo id delegasset: Quid, inquit, admiramini? hæc mihi porto, non aliis. Sentiens nullum esse sordidum obsequiū, quod sibi quis impenderet. Deinde non esse indecorū eum portare falsamenta, qui falsamenti vesceretur. Laert. libr. 6. capit. I.

Diogenes.

Narrant, Alexandrum Magnum astantem Diogeni Cynico, quæsisse ab eo, Num ipsum metueret? Tum ille, Quid es? bonum, an malum: Alexander respondit, Bonum. Quis igitur, inquit Diogenes, timet bonum? Coniucit, regem non esse metuentum nisi se malum esse profiteretur. Laert. lib. 6. cap. 2.

Aristippus.

Polyenus sophista ingressus in ædes Aristipi, cepit magnificè iam paratum conuiuium reprehendere. Verum Aristippus dissimulata obiurgatione, cum paulò post hominem ad conuiuium inuitaret, nec renueret: Cur quæso, ait, meam incusas mensam cuius iam inuitatus participes esse cupis? Videris mihi nō lautiorē mensam, sed impendiū tantum reprehendere. Ibid.

Secundus Sophista.

Quum tale declamationis argumentum esset propositum: Qui seditionem mouerit, moriatur: qui sedauerit, præmium ferat. Quidā & mouerat & sedauerat, petitque præmiū. Hanc quæstionē paucis absoluit Secundus sophista. Quod est prius? mouisse: quod posterius? sedasse. Itaque prius da pœnas motæ seditionis, ac deinde (si potes) accipe præmium rectè factorum Philostratus in sophist.

Proculus.

Filium habebat intemperantem, gallis gallinaceis, coturnicibus, catellis & equis alendis indulgentē: quem pater adeò non increpabat, ut vnā cū illo potius luderet. Quo nomine cū ab amicis obiurgaretur: Citius, inquit, desinet, cum senibus colludens, quam cum æqualibus. Philostrat.

Sphærus Sophista.

Quum diceret opinionem non cadere in virum sapientem, rex Ptolemæus cupiens hoc paradoxū ipsa re confutare, curauit mala Punica, veris simillima, sed ex cæra cōfecta, apponi in conuiuium. Ad quæ cum Sphærus deceptus porrigeret manus, rex exclamauit, illum falsi specie fuisse assensum. Ad id dextrè Sphærus: Non sic, inquit, assensus sum, ut crederem esse mala Punica: sed probabile putarē, esse mala punica. Laert. lib. 7. c. 2.

Philoxenus.

Interrogatus, quam ob causam in tragædiis induceret mulieres malas, cum Sophocles eas induceret bonas? argutissime respondit, Quoniam ille (inquit) tales inducit, quales esse deberent: ego verò, quales sunt. Eras. lib. 6. apoph.

Stilphon.

Habebat filiam parum secundæ famæ. Cuidam igitur dicenti, dedeco-

rat te filia : Nihil magis , inquit ,
quàm ego illam decoro. Sentiens ,
neminem alienis factis dehonestari ,
sed suis quenque moribus æstimand-
um esse. Plut. libr. de Tranquillit. &
Laërt. lib. 2. cap. 12.

Theopompus.

Theopompus hospiti cuidam ia-
ctanti , quòd apud Theopompi ciues
Philolacon , hoc est Laconum amans
diceretur : Præstaret , inquit , si φιλοπο-
λίτης , id est ciuium amans dicereris
potius , quàm Laconum. Norauit au-
tem hominem , qui alienæ ciuitatis
studiosus haberi mallet , quàm suæ.
Porro quisquis alienam Reipubli-
vehementer adamat , suam quodam-
modo vituperare videtur. Plu. in Lac.

Anonymus.

Huic simile est illud. Quum lega-
tus ab Helide missus , diceret sibi ob
id à ciuibus legationē commissam ,
quòd vnus Laconicam vitam admi-
raretur : quidem rogauit hominem ,
vtrum meliorē duceret vitam alio-
rum ciuium , an suam ipsius ? Quum
is respondisset , suam ipsius : Qui igitur
potest , inquit , ista ciuitas seruari
in qua quum multi sint , vnus tantum
bonus est ? Argutè taxauit oratoris
impudentiam , qui Lacadæmonios ac
sefe laudarit , cum suorum ciuium vi-
tuperio non vulgari. Probabat quippe
Lacedæmoniorum mores , sed solus
Elidensium : restabat igitur , vt apud
Elidenses non esset nisi vnus vir
bonus. Plut. in Lacon.

Leonidas Alexandri & F.

Ephoris dicentibus , quòd ad Ter-
mophylas proficiscēs , paucos secum
educeret : Nimirum , ad hoc , inquit ,
negotium , ad quod proficiscimur , sat-
is est. Indicans satis multos educi ad
moriendum in bello. Satius enim ef-
se perire paucos quàm multos. Plut.

in apoph. Lacon.

Cleomenes.

Diuitino morbo vexatus , quum
expiatoribus ac diuinis auscultaret ,
antè non solitus idem facere quo-
dam id admirante : Quid miraris ? in-
quit , Non enim idem sum nunc , qui
tunc eram. Cùm autem nunc nō sim
idem , nō probo eadem. Plut. in Lac.

Agésilas.

A medio pharmacum accipiēs ,
vt simul & semel hauriret : per Ge-
minos , inquit , sumam quæ proscri-
bis : si mihi prorsus est in fati vt mor-
riar , quamuis non omnia sumpsero.
Plut. in apoph. Lacon.

Idem.

Quum quidam apud Agésilauum
regem magnificeret regis Persarum
felicitatem , quòd admodum iuuenis
esset : Ne Priamus quidam , inquit ,
quum huius esset ætatis , erat infelix.
Sensit vir clarissimus , veram felicitate-
tem non ex annis & iuuentute me-
tiendam esse. Ibid.

Agésilas Cleombroti F.

Quū ē Sparta iussisset mitti catu-
los , ac respondisset aliquis , non ex-
portari apud Lacedæmonios catulos :
Ne viros quidem inquit , antea : atqui
nunc fieri cœpit. Festiuiter autem
indicare voluit , in bene instituta re-
publica omnia proficere in melius.
Plut. in apoph. Lacon.

Eudamidas Archidami F.

Ab Argiuo quodā audiens , Lacedæ-
monios peregrinationibus reddi
deteriores , quòd interim degenera-
rent à maiorum suorum decretis &
legibus : At vos , inquit , quum Spar-
tam venitis , non deteriores , sed me-
liores euaditis. Plut. in Lacon. apoph.

Idem.

Audiens Xenocratem iam senem
de Academia cum amicis disputan-
tem ,

tem, percontatus est, Quisnam esset senex ille? Vbi verò respondisset aliquis, illum esse virum sapientem, & ex eorum numero qui virtutem quererēt. Et quādo, inquit, ea vsurus est, si adhuc quærir? Plutarch. in apoph. Lacon.

Idem.

Quum quidam, commemorando laudem ac trophea quæ Lacedæmonij ex rebus cum Persis præclare gestis rerulissent, hortaretur ad bellum cum Macedonibus suscipiendum: Ignorare mihi videris, inquit, istuc idem esse, ac si quis deuictis mille ouibus pugnaret cum quinquaginta lupis. Significans, Persas vt deliciis effœminatos, & ob id inbelles, non fuisse difficile vincere: sed aliud esse cum Macedonibus bellacissimis rem habere Ibid.

Anaxandridas Leontis F.

Percontanti quidam, cur Lacedæmonij Helotibus (sic autem apud illos dicebantur, quorum cōditio media erat inter seruos & ingenuos) cōmitterent colēdos agros, ac non ipsi potius eos colerēt: Quoniam, inquit, non ipsorum causa, sed nostra, Helotas nobis comparamus. Taxauit autem hoc dicto eorum stultitiam, qui potius ad ostentationem, quàm ad laborē & vsum, mancipia habent. Plut. in apoph. Lacon.

Agis Archidami F.

Cuidā sciscitanti, quot essent Lacedæmonij? Quot satis sunt, inquit, ad propulsandos malos. Ostendens multum referre quàm bonos & fortes viros habeat ciuitas, non quàm multos. Ibid.

Idem.

Cuidā consulenti, vt hostibus fugientibus daret transitū: Et quomodo, inquit, pugnabimus cum his, qui ob

fortitudinē manent, si non pugnamus cū fugientibus? Existimabat vir clarissimus, aduersus hostē nullam prætereundam esse occasionem, Ibid.

Pausanias Cleombroti F.

Quum Delij de insula cum Atheniensibus haberēt cōtrouersia, atque inter cætera dicerent, quòd ex more regionis, neque mulieres in insula parerent, neque mortui sepelirētur: Quomodo, inquit, hæc insula erit vobis patria, in qua neque fuit quicquam vestrum, nec futurus est? Notauit autem argutē ineptam Deliorum consuetudinem, qui suos in patria neque nasci sinerent viuos, nec sepeliri mortuos. Ibid.

Idem.

Cuidam percontanti cur Tyrtæū poetam Spartæ ciuem fecissent? Nequis, inquit, externus nobis dux esse videatur. Ibid.

Lycurgus.

Quum Thebani consulerent Lycurgum de luctu & sacrificio, quem illi Leucotheæ solent facere: Si, inquit, deam esse creditis, ne lugeatis: sin hominem, ne vt deę rem diuinam faciatis. Taxauit autem Thebanorū consuetudinem. Non enim conuenit simul lugere & sacrificare, hoc est ab ea petere opem, quæ ipsa sit in calamitate, ac lugenda. Ibid.

Idem.

Cuidā postulāti vt in ciuitate pro Aristocratiā, id est pro optimatū gubernatione, cōstitueret Democratiā, hoc est populārē gubernationem: Tu fac, inquit, prius domi tuæ Democratiā instituas. Docuit autē argutē, eam Reipublicæ speciem non esse vtilem ciuitati, quam nemo vellet esse in sua familia. Ciuitas autem nihil aliud est quàm magna domus. Ibidem.

Anonymus.

Metapontinus quidam Laconi ob-
iicienti ignauiam: Atqui, inquit, non
parum alienæ regionis possidemus,
Ergo, inquit Lacon, non solum igna-
ui estis, verum etiam iniusti. Signifi-
cans, non posse fieri, vt quis meticu-
losus & imbellis multū teneat alien-
næ dirionis, nisi fraude partum. Ibid.

Idem.

Alius quidam, quum videret Dio-
genem cognomento Canem, in vehē-
mēti frigore statuam æream ample-
ctentem, rogauit, num friges? illo ne-
gante, Quid igitur, inquit Lacō ma-
gni facis? Philosophus hoc ipsum exi-
stimabat magnificum, quod sic ha-
beret corpus ad omnes iniurias du-
ratum: id Laconi ridiculum videba-
tur, cum magno eius incommodo fie-
ret, nec vtilitas inde promanaret ad
alios. Ibid.

Idem.

Argiuo quodā dicēte, multa Spar-
tanorū sepulchra apud nos sunt: La-
con excipiens, Atqui Argiuorum, ait
apud nos nullū est sepulchrum. In-
nuens, quod Spartani semper inuasif-
sent Argiuos: illi autē Spartanos nun-
quam. Et sic quā acutissimē, quod
ille dixerat in gentis suæ laudem, re-
torxit in ignominiam. Ibid.

Lacones.

Atheniensibus, quum tradita ci-
uitate postularent, vt Samum tantū
ipsis relinquerent, ita responderunt
Lacones: Hoc tempore, quo vestri
non essis, alios habere postularis. Vn-
de natū est prouerb. Qui semetipsum
non habet, Samum petit. Eras.

Anonymus.

Cuidam Lampem Æginetam ef-
ferenti, ac felicem prædicanti, quod
prædiues videbatur, multorum naui-
giorum dominus, Lacon. Nihil (in-

quit) moror felicitatem de funibus
pendentem. Sedit autem, non in ma-
nu nostra esse, quæ in fortunæ sunt
imperio, & ea præsertim quæ naui-
bus committuntur. Plut. in Lacon.

Idem.

Mendicus quidem petiit aliquid à
Lacone: at ille, Si quid, inquit, dede-
ro tibi, magis es futurus in medicus. Ve-
rū istius probrosæ vitæ fuit author,
qui tibi primus dedit, teque fecit
inertem. Ibid.

Idem.

In luctandi genere, quod illi Chi-
rapsiam vocant, quum is qui collum
alterius vrgebat frustra, præterq; le-
gem palæstræ pulsaret vndique, & in
terram detraheret, posteaquam cor-
poris viribus destitueretur, qui in-
herenti cedere cogebatur, brachium
vrgentis momordit. Cūque alter
diceret, Mordes, ô Lacon, foemina-
rum more: Non, inquit, sed more
leonum. Et sic obiectam ignauiam
detorsit in laudem fortitudinis. iure
autem se morsu liberauit, qui præter
ius certaminis vrgebatur à victo.
Ibidem.

Phænidæ.

Quum essent Lacedæmonij in pu-
gna Leuctrica Martis aleam exper-
turi, cuidam dicenti, Hic dies decla-
rabit virum bonum: Præclarus, in-
quit, dies, qui possit declarare virum
bonum incolumem. Præfagiens, in
eo prælio plurimos egregios viros
fortiter occubituos, quos ipse pa-
triæ maluisset esse incolumes. Ibid.

Anonymus.

Quidam Laconi in Olympico cer-
tamine superato dixit: Aduersarius
tuus ô Lacon te fuit potentior. Imò,
inquit, ad deliciendum accommoda-
tior, quoniam certamen magis erat
artis quàm virtutis. Ibidem.

Anonymus.

Anonymus.

Quidam cum laudibus immodicis commendasset bellatores optimos: Lacon, Bene, inquit, sed apud Troiam, significans, tales olim fuisse, sed hoc genus hominum iam olim desisse inueniri. Ibidem.

Anonymus.

Quidam Lacon seruo, qui dum puniretur dicebat, Non volens errare: Non volens igitur, inquit, poenas dato. Ibidem.

Anonymus.

Spartanus interrogatus, num tutum esset ad Spartanos iter? Refert, inquit, qualis eò decedas, nam leones illuc euntes plorant, lepores autem in umbraculis venantur. Significauit autem, nec ferocibus ac violentis esse tutū proficisci Spartam, nec molibus & effoeminatis, delicatos enim homines in tenebris lasciuire non sinit. Ibidem.

Ariston.

Quum Atheniensis quidam recitaret funebrem orationem, conscripam in laudem eorum qui fuerant à Lacedæmoniis in bello cæsi. Quales, inquit Ariston, nostros esse putas. qui istos vicerunt? Ostendit, recitorem magis illustrare virtutem Lacedæmoniorum, quam Atheniensium. Ibidem.

Anonymus.

Quidam cum ad Laconem dixisset, Mentiris: ille contrā, Nimirum (ait) liberi sumus, alij verò, nisi vera dixerint, vapulant. Taxauit autem reprehendentem, quòd Lacedæmonio peior esset. Ibidem.

Lampus.

Interrogatus, quomodo sibi parasse diuitias? Magnas, inquit, haud difficulter, exiguas verò, cum labore ac

tardè. Sentiens, initio paulatim magnaque vigiliatua corradi pecuniam: cæterum parata iam ingenti sorte, facile esse amplis lucris discescere. Plut. in libello, An seni sit capeffenda Respub.

Antiochus Ephorus.

Quum audiuisset, Philippū Mæfensiis agros dedisse, percontabatur, num viros quoque dedisset, per quos aduersus pugnantes pro agris tueri possent quod datum erat? Plutarch. in apoph.

Pittacus.

* In conuiuio quodam, cum de bestiis esset sermo, ad Myrtilum ioco dixit, teterrimum inter feras tyrannum, inter placidas esse adulatorem. Plutarch. in conuiuio.

Diocles.

* Is philosophus habitus est ὀφθαλμῶν. Cuidam interroganti, vter piscis esset melior, congrus, an Labrax seu lupus? Alter, inquit, elixus, alter assus. Erasim. in adagijs.

Anonymus.

* Thessalus quidam rogatus, qui Thessalorum forent placidissimi? Qui bello (inquit) defuncti sunt, Plutarch. de instit. lib.

Melanthius.

* Is erat Alexandri Pheræi tyranni parasiticus. Rogantibus autem quemadmodum necatus esset Alexander? per latus, inquit, in ventrem meum. Plutarch. de dignosc. adulter.

Leo Byzantius.

* Irisus à gibboso, qui oculorum eius inbecillitatem fuerat cauillatus: humanam (inquit) affectionem obliuiscens. quum in tergo feras ipse Nemesin. Plut.

Cacilius Metellus.

In loco munito dum cogitaret

collocare exercitum, ac centurio dixisset ipsi, Si decem tantum hominum iacturam facere velis, capies locum: interrogauit eum, num ipse de numero istorum vnus esse vellet? Plut. in Romanorum apoph.

Cato maior.

Belligerans cum his qui Batim flumen accolunt, quum in discrimen adductus esset, propter hostium multitudinem, & Celtibeti offerrent suppetias, si darentur talenta ducenta, Romani vero non sinerent illum mercede pacisci cum barbaris, dixit Errare Romanos, eo quod si vicissent, reddituri essent non de suo, sed de bonis hostium, sin victi fuissent, iam non fore, nec a quibus peterentur nec qui peterent. ibidem.

Cicero.

Quum quendam audiret, dicere se a Caesare ad Pompeium transfugisse, relicto ex festinatione equo, ait, Melius igitur de equo quam de teipso statuiisti. Sentiens, longe rectius factum fuisse, si vna cum equo apud Caesarem mansisset. Ibid.

Messala.

Messala vir exactissimi iudicii, ac Romanae linguae exactissimus censor, quum audisset M. Portium latronem declamantem dixit, Sua lingua disertus est. Desiderans in eo Latini sermonis maiorem elegantiam, quum ingenium contigisset tam felix. Eras. Rot. lib. 8. apoph.

Proculius.

Querebatur de filio quod expectaret mortem patris, quumque filius respondisset, Ego vero non expecto. Immo rogo, inquit ille, vt expectes. Deorsum verbum in sensum contrarium. Expectat quippe mortem patris, qui ex animo desiderat eius bona post mortem; & expectat, qui diu viu-

tem videt inuitus. Quint. lib. 6.

Anonymus.

* Prouincialis quidam intrauerat Romam simillimus Caesari, & in se ora omnium conuerterat. Augustus hominem ad se perductum, dic mihi, inquit, adolescens, fuit aliquando mater tua Romae? Negauit ille, & argutem adiecit, sed pater meus saepe. Macro. lib. 2. cap. 4. Saturnal.

Musonius.

* Rutilius quum aliquando Romam adisset Musonium philosophum, rogauit, Dic mihi, Musoni, Iupiter seruator, quem tu imitaris, dum foeneratur. Notans illius inopiam, qui interdum cogeretur accipere nimum. Ad hoc arridens Musonius: At, inquit, ne foenerat quidem, Rutili Turpius est ad foenus dare quam accipere. Rutilius cum ipse faceret quod grauius est, obiecit illi quod erat leuius. Eras. lib. 6. apoph.

Pollio.

* Temporibus triumviralibus quum Fescenninos Augustus in eum scripisset, ait: At ego taceo. non est enim facile in eum scribere, qui potest proscribere. Macro. lib. 2. ca. 4. Saturn.

Hyrcanus.

* Ad coenam a Ptolemaeo Aegypti rege inuitatus, & omnibus qui accumbebant carnes edentibus, ossa vero ante Hyrcanum cumulantibus. Tryphon scurra regis, vides (inquit) Domine, ossa ante Hyrcanum collecta? Hinc collige patrem eius Syriam omnem ita nudasse, vt hic ossa nudauit carnis. Quum rex risisset, & Hyrcanu rogaret, cur tot ossa ante eum iacerent? Non immerito, inquit, Domine, nam canes ossa vna cum canibus deuorant, vt isti, ceteros conuiuas innuens, quod nulla ante eos

eos sita essent ossa, homines verò carnes edunt, ossa abiciunt. Itaque & ego comedi vt homo. Solers responsum admiratus rex, omnes iussit applaudere. Suidas, ex Iosepho.

Aridices.

* Quum Antigoni regis libertus ad nouas nuptias nuper euectus, philosophos ad conuiuium congregasset: & irridendo eorum minutulas quæstione, scire se velle dixisset, cur ex nigra & alba faba pulmentum vnius coloris efficiatur? Aridices Philosophus indignè ferens, Tu nobis, inquit, absolue, cur de albis & nigris loris similes maculæ gignantur. Macrobiolib. 7. Saturni, cap. 3.

Sisinnius.

* Is Nouatianorum episcopus, victu non tenui, sed in summa continentia sumptuoso utebatur, & candida veste nitidus, quotidie bis in publicis balneis lauari solebat: quam obrem rogatus, cur episcopus quum esset, bis in die lauaret? quia, inquit, temporis excludor angustiis, ne ter lauem. Suidas.

Anonymus.

* Libanius sophista, summus Iuliani Apostatae fautor, cum interrogasset Antiochæ ludimagistrum quendam, virum bonum atque pium: Quid nunc fabri filius (Christum per contumeliam intelligens) rerum ageret? respondit, Non oriatur, ô sophista, quem tu fabri filium appellas: parat enim Iuliano loculum. Intellexit vir optimus Iulianum ob insignem impietatem non diu superstitem fore. Et quidem paulò post Iulianus in Persia interfectus est. Tripart. hist. lib. 6. cap. 44.

Anonymus.

* Quærenti cuidam, quid ante mundum conditum Deus faceret, pius quidam pater respondit, Curiosis parabat inferos. Profanam audaciam graui dicto compescens. Hist. Ecclesiast.

Sannazarius.

* Actius Sincerus Sannazarius rari vir ingenij, magnæque nobilitatis, cum in conspectu Federici regis esset quæstio, quid præcipuè conferret oculorum perspicuitati, & medicis varia remedia proponentibus: at ego inquit, Inuidiam oculorum perspicuitati plurimum conferre aio. Subridentibus omnibus, Annon inuidia (subierit) maiora & pleniora omnia videre facit. Quid autem oculis magis præsentaneum, quàm vt vis ipsa aspiciendi maior reddatur, atque vegetior? protulitque statim Ouidianos illos versus, Fertior seges est alienis semper in agris, Vicinumque pecus grandius vber habet, Pont. & Ant. Panormit.

Pomponius Lætus.

* Romæ incarceratus est, quæsticum Callimacho & Platina contra Paulum pontificem max. coniurasset, & in quæstione accusatus quod sibi & permultis adolescentibus literarum studiosis nomen immutasset: nam pro Petro Pomponij nomen sumpserat, antiquitatis stulto amore. Quo nomine appellatus à Vianesio antistite, qui quæstioni præsidebat, Quid, inquit, tibi & Paulo pontifici, si inhi foeniculi nomen indidissem? Sabellicus in eius vita.

De arrogantia.

Bion.

Arrogantiam dicebat esse profectus obstaculum. Indocilis enim est, qui mauult doctus videri, quàm esse. Laert. lib. 4. cap. 7.

Diogenes.

* In arrogantia, quemadmodum in armis deauratis, non similia sunt interiora exterioribus. Item Arrogantia tanquam pastor quoquo libet vulgus hominum ducit. Sto. ser. 22.

Xenophon.

* Arrogantis nomen conuenire mihi rectè videtur iis qui se simulant esse ditiores, doctiores & fortiores quàm sint: & ea se facturos promittunt quæ præstare nequeunt: idque manifestò facere videntur, accipiendi quippiam & lucrandi gratia. Stob. ibidem.

Agésilau.

Vt ipse singulari modestia præditus erat, ita non tulit in aliis arrogantiam. Menecrates enim medicus quum desperatæ quædam curationes ipsi feliciter cessissent, populari adulatione dictus est Iupiter. Hoc cognomento vir arrogans ingenij delectatus, insolentius usus est eo titulo. Tandem quum & Agésilao scriberet, nec veritus esset hac uti salutatione, Menecrates Iupiter Agésilao regi salutem: rex eo offensus procemio, præterea nihil dignatus est legere, sed rescripsit in hunc modum, Rex Agésilau Menecrati *ὀψιπείν* i. bene valere. ac si dixisset, sanam mentem tibi precor. *Χειπέιν* Græci dicunt, quibus bene precantur. *ὀψιπείν*, ambiguum verbum, ferè in malum sonat. quo significamus abesse sanita-

tem mentis.

Archidamus Agésilai f.

Post cōflictum apud Chæroneam cum à Philippo rege Macedonum literas accepisset acerbius scriptas, hūc in modum rescripsit: Si metiaris umbram tuam, haud quaquam reperies illam factam maiorem quàm erat ante victoriam. Grauitèr adinopèns, non esse prudentis ob fortunæ successum intumescere, quum ipse sit nihilo maior. Æquum autem est, ut homo se suis & propriis bonis metiatur potius quàm externis, quæ fortuna cum liber dat, cum visum est eripit. Plut. in Laconicis.

*Vide apophth. de Fastu & Superbia.**Demonax.*

Ad Agathoclem Peripateticū arrogantèr iactantem, sese & solum & primum esse dialecticorū: Si solus, inquit, es, quī primus esse potes? si primus, quī solus? Eras. lib. 8. apoph.

Idem.

Cynico cuidam arrogantèr iactanti pallium, peram & baculum, ac subinde vociferanti, se Antisthenis. Cratetis ac Diogenis sectatorem esse. Impudenter, inquit mentiris, quum sis Hyperidæ discipulus. Alludit ad vocem *ὀψιπείν*, quod est per arrogantiam despiciere. Est autem & rhetoris nomen Hyperides. Eras. lib. 7. apoph.

M. Drusus.

Non contentus L. Philippum consulem præcipitasse in carcerē, quod se loquentem ausus esset interpellare. quum senatus ad eum misisset ut veniret in curiam, Cur non potius, inquit, senatus ad me venit in Hostiliam rostris propinquam? Quid consecutum? Tribunus senatus auctoritatem despexit, senatus tribuni verbis paruit. Eras. lib. 6. apoph.

Vide apophth. de Superbia.

De ar-

De artium ac disciplinarum utilitate.

Aristoteles.

* **V**isus accipit lumen suum à circumfusq aere, animus etiam lumen recipit ex disciplinis liberalibus, vt ad reliqua philosophiæ mysteria reddatur perspicax. Laert. lib. 5. cap. 1.

Nero.

A Mathematicis audierat fore vt aliquando deiiceretur imperio, eoque Græcum Iambicum dimetrum identidem vsurpabat,

Τὸ πῶς ποῖα γὰρ τί φησι. Id est.

Terra quævis artem alit.

Putans, se tantum profecisse bonis literis, vt etiam si ab imperio detruderetur, quauis regione, ob insignem sciētiam posset haberi in pretio. Recitat Suetonius in eius vita.

Plura pete ex apophi. de Doctrina, Eruditione, i' philosophia, item de

Animi bonis, &c.

De artibus superuacaneis & inutilibus.

Diogenes.

Cvidam adolescenti, lusum quendam amatorium eleganter in balneis exhibenti, quod Græci vocant *ναῖς αἰχμῆς*: Quo melius, inquit, hoc deterius, danians improbitatem artis, qualis est alea: cuius quo quisque est artifex melior, hoc vir est deterior. Laert. lib. 6.

Idem.

Euclidis scholam, quòd arguta quidem, sed ad rectè viuendum inutilia

docere videretur, *χάλλω*, id est, bilem ac molestiam appellabat, quum schola Græcis sonet otium: & Platonis *δυσχερὶς*, id est exercitationem, *καταρσις*, id est contritionem voce deprauata vocabat, quòd à communi vita semotus disputationibus infensceret, quum Diogenes in publico viuens, mallet philosophicè viuere, quàm disputare. Laert. libro sexto cap. 1.

Plato.

Anniceris quidam Cyrenæus, aurigandi peritia insignis, & vt egregius artifex, ita gloriosus artis ostentator, venit in Academiam Platonis, atque illic rationes omnes procurrendi, flectendi currum, & per eandem interdum orbitas redeundi ostentabat. Admirantibus igitur aliis, solus Plato negabat sibi videri probabile, eum virum, qui totum animum inutili studio dedisset, ad vllam rem grauem ac frugiferam esse idoneū. *Ælianus lib. 3. de Var. hist.*

Anonymus.

Hospes quidam apud Lacedæmonios, quum ipsi stanti interim altero pede, crepida in alterum indueretur dixit cuidam: Non arbitror te, Lacon, tantum temporis vni pedi posse insistere, quantum ego possum. Lacedæmonius excipiens, Fateor, inquit: attamen nullus est anserum qui istud nō possit. Iure derisit hominem, qui longo vsu didicisset artem, quæ nihil utilitatis adfert reipubl. Huiusmodi sunt artes præstigiatorum, funambulorum, & similia. Plutarchus in Lacon.

Huc refert disputationes inutiles & contentiosas, item quæstiones infrugiferas, Sophismata, &c.

E iij

De artium contem-
ptu.*Lacedæmonij.*

Lacedæmonij, quoniam seueriores erant, ac moribus incorruptioribus, bellique gloriam potissimum spectabant, contemnebant omnes artes quæ civium animos videbantur emasculare, & à vera virtute ad otiosam ostentationem traducere. Nam & Roma cum adhuc spiraret Germanam illam austeritatem, Græculos professores urbe exegit. Hoc genus studiis nulla Græciæ pars corruptior erat, quàm Attica, ubi Gorgias, Lyfias, Isocrates, Prodicus, alique innumeri sophistæ magno cum applausu populi, nec mediocri mercede garriebant. Plut. Erasim. lib. 1. apoph.

Anonymus.

Lacedæmonius quidam percontati, quid ipsi videretur Tyrteus poeta? Bonus, inquit, ad deprauandos iuuenum animos. Plu. in Laco. apoph.

Philippus.

Quum audisset filium suum quodam in loco scite cecinisse, obiurgavit, dicens: Non te tui pudet, qui noristam bene canere? Plutarch. in apoph.

Pyrrhus.

Interrogatus, uter melior tibi censebatur, Pythónne an Charisius? Polyperchon, inquit. Is erat egregius dux exercitus. Contempsit omnes artes, quæ cum re militari nil haberent commune.

*Similis dicta leges infra apoph.
de Musica contemptu.*

De Arte, quam quisque
nouit exercenda.*Archidamus Zeuxidani F.*

Videns Periandrum, qui arte medica excellentissimus fuerat, infelicia carmina scribentem: Quid (ait) tibi accidit, mi Periander, ut pro insigni medico, malus poeta vocari concupiscas? Notavit hominis stultitiam, ut qui se in ea re exercere cuperet, in qua nihil omnino valebat, nec natura, nec ingenio. Plutarchus in Lacon.

Alcibiades.

Zopyrus Physiognomus cum profiteretur se hominum mores naturaliterque ex corpore, oculis, vultuque cognoscere: conspectum Socratem, stupidum tardumque esse dixit: quod cum audisset Alcibiades, irridens hominem, ait, Scilicet, rem acutegisti. Bruso. lib. 1. cap. 10.

Pyrrhus.

Audiens quendam promittentem, se traditurum ei aciei instruendæ artificium, qui tamen in acie nunquam fuerat: dixit, non opus esse sibi imperatore, vel belli duce, cuius aures turbæ sonus nunquam circumterit. Stobæus serm. 52.

Hannibal.

Quum ad Antiochum exul Ephesum venisset, ab hospitibus inuitatus est ad audiendum Phormionem Peripateticum: qui cum copiosius aliquot horas de imperatoris officio loquutus esset, atque de re etiam militari multa disseruisset, delectari vehementer qui audierant, ab Hannibale quæsierunt, Quidnam de Phormione iudicaret: ibi respondisse fertur, Multos se deliros senes saepe

vi-

vidisse : sed qui magis quàm Phormio deliraret , se vidisse neminem. Brufon.l.i.c.10.

Gallus.

Gallus iuris peritus , si quis negotium ad ipsum detulisset , in quo de facto quærebatur , dicere solebat : Nil hoc ad ius , ad Ciceronem ito. Sen sit Gallus , aliud esse officium iuris consulti , aliud oratoris. Nec esse necesse , de his quæ ad alienam professionem pertinent , respondere. Tul. in Topicis ad Trebat.

Apollodorus.

Apollodorus insignis architectus , cum Romæ præclara aliquot ædificia erigeret , reprehensus ab Hadriano nondum imperatore , quasi nescio qua in re peccasset , respondit : Abi potius , & cucurbitas pinge , nam tu quidem edificandi artem planè ignoras. Dion Nicæus , & Xiphili in vita Hadriani.

Vide iudicium de re aliena

atque ignota.

De aspectu incauto.

Alexander.

Darij filias dum haberet captivas demissis oculis salutabat , idque raro : sibi metuens ab illarum insigni forma. Apud familiares autem dicere solebat , Dolores oculorum sunt Persicæ puellæ. Plur. in eius vita.

Vide plura de Visu, infra.

De assentatione.

Diogenes.

In assentatione , inquit , veluti in sepulchro quopiam , solum amicitiæ nomen inscriptum est. Stob. serm. 14.

Socrates.

Lupi cum sunt canibus similes ,

assentatores amicis , diuersa tamen studia sequuntur. Stob. ibidem.

Theophrastus.

Assentationem rectè quis turpe colloquium , & obsequium quoddam assentatorum utilitatis gratia institutum esse arbitretur. Stobæus ibidem.

Vide apoph. de Adulatione.

De assiduitate.

Menander.

Si vel modicum modico coniunxeris , idque frequenter feceris , statim fiet hoc quoque magnum. Omnia enim assiduitate conficiuntur negotia. Stob. ser. 29.

Democritus.

Vt assiduitatem in opere persequendo commendaret , dicebat perpetuam cunctationem reddere actiones imperfectas : & laborem continuum consuetudine fieri seipso leniorem. Stob. ibidem.

Vide apoph. de Diligentia, Industria & Labore.

De assuetudine.

Anisthenes.

Rogatus , Quæ disciplina cum primis esset necessaria , respondit , De discere mala : Id enim non modo primum est , ut mala assuetudine nobis infixata abiciamus penitus , verum est longè etiam difficillimum. Laer. libr. 6. cap. 1.

Anonymus.

Puer quidam apud Platonem educatus , quum ad patrem ex intervallo redisset , eumque vidisset effusus ridentem admiratus dixit : Se tale nihil unquam apud Platonem vidisse.

Tanta res est, inde à teneris virtuti
assuescere. Eras. l. 6 apoph.

Polemon Sophista.

Quum laboraret morbo articu-
lari, Pergami in templo obdormiit,
cui apparuit Æsculapius iubens vt à
frigido potu abstineret ad quem Po-
lemon: Præclare, inquit, quid autē si
bouem curares? subindicans, iam
diu assuetum duris, frustra vocari ad
delicias. Philostr. in Sophistis.

Plato.

Adolefcentem quod lusisset alea,
grauiter increpuit. qui cum dixisset,
Sic obiurgas ob rem paruam? At
parum non est, inquit, assuescere. La-
ertius lib. 3.

Herodes Sophista.

Quum subinde à Proteo Cynico
conuiciis aspergeretur, Consenui-
mus, inquit tu maledicendo, ego ve-
rò male audiendo. Quo dicto osten-
dere voluit, immedicabile malum ef-
se, cui ille tam diu assueuerat. Philo-
strat. in Sophistis.

Socrates.

Socrates Alcibiadi admiranti,
quod Xanrippen supra modum rixosam
domi ferret: Ego, inquit, etiam
pridem his sic assueui, vt non magis
offendar, quàm si rotæ, quæ aquam
educit, stridorē audiam. Nam his stridor
molestissimus est insueris: eun-
dem qui quotidie audit, adeò mole-
stus nō fert, vt se audire nesciat. Laer.
in vita Socratis.

De Astrologia & A- stronomia.

Bion.

Alebat, maximè ridiculos esse
Astronomos, vt quam non vi-

deant pisces iuxta se nantes in litto-
re, illos qui in cælo sunt se videre di-
cant. Stob. serm. 78.

Diogenes.

Astrologus quidam in foro stellas
in tabella quadam depictas cum de-
mōstraret, atque diceret, En tibi hîc
stellas errantes audiens hoc Dioge-
nes, Ne mentiaris, inquit, bone vir:
stellæ enim non erant, sed illi osten-
sis qui assidebant. Stobæus serm. 78.

Anonyma.

Thaletem, dum cælum contem-
platur. in fossam illapsum, ancilla e-
ius, iure id eum pati dixit, qui cum
iuxta pedes posita ignoraret, cœle-
stia intueretur. Stob. ibidem.

Ariston.

Dicebat, eorum quæ philosophi
serutantur, alia ad nos pertinere, alia
nihil quædam supra nos esse. Sensit
autem, disciplinam morum spectare
ad nos, Sophisticam nihil ad nos per-
tinere: eo quòd ad vitæ emendationem
non tantum non profit, sed ri-
xas etiam & contentiones progene-
ret. Astronomiam autem, Astrolo-
giam, &c. supra nos esse omnino. Sto-
bæus ser. 78.

Pindarus.

Nature speculationibus vacantes
imperfectum sapientie fructum ca-
pere dicebat. Stob. ibid.

Anaxagoras.

Quum cælum intueretur, astro-
rumque mirabilem cursum admira-
retur, cuidam sciscitanti, cur ita li-
benter ferret subdualia peruigilia?
respondit, vt cœli aspectu fruar, cur-
sus & recursus siderum in orbem re-
deuntibus subindicans. Philo Iud. in
libro, Quod mundus sit incorrupti-
bilis.

Phano-

Phaenonius.

*Scito dilemmate astrologos iudiciarios perstringere solitus est. Aut aduersa, inquit euentura dicunt, aut prospera. Si dicunt prospera, & fallunt, miser fies frustra expectando. Si aduersa dicunt, & mentiuntur: miser fies, frustra timendo. Si vera respondent, eaque sunt non prospera: iam inde ex animo miser fies, antequam è fato fias. Si felicia promittunt, eaque euentura sunt, tum planè duo erunt incommoda: & expectatio te spei suspensum fatigabit, & futurum gaudij fructum spes tibi iam deflorauerit. Nullo igitur pacto utendū est istiusmodi hominibus res futuras praefagientibus. A. Gellius, lib. 14. cap. 1.

Accius poeta.

*Nihil, inquit, credo auguribus, qui aures verbis diuitant alienas. suas ut auro locuplerent domos. A. Gellius, ibidem.

Anonymus.

Inter nonnullos quaesitum est, quum in omne hominum genus Alphonfus liberalem ac munificum se ostendisset, cur solos astrologos praeteriret? neque enim huius scientiae praecipuos, sicut aliarum disciplinarum magistri, in eius curia visi sunt. Vnus, qui magis scire videbatur, Sidera, inquit, stultos regunt, impelluntque, sapientes astris imperant. Stultos ergo principes honorare astrologos consequens est, non sapientes: inter quos nomen suum Alphonfus obtinet. Aeneas Syluius lib. 4. commentariorum de rebus gestis Alphonfi.

De astutia.

Lysander.

QVum probro ei daretur, quod pleraque astutia, dolo simul ac fraude gereret, non palam virtute conficeret, hac parte Hercule generis authore indignus: ridens dixit: Vbi quod vellet non assequeretur leonibus exuium, vbi vulpinum applicandum esse, sentiens, quod honestis rationibus non posset effici, id fraude dolisque perficiendum. Plut. 10 Lac. Bruf. 1. 2. c. 9.

Cleomenes Anaxandr. F.

Septem dierum inducias cum hoste pactus, captata opportunitate, tertia nocte dormientes inuadit, multos interficit, alios in seruitutem redigit. Obiurgatus verò, quod fœderis fidem non seruasset: Ad iusiurandum ait, noctes non additas fuisse. Sed his tandem furiosus factus, ac talis se vsque ad virilia membra lanauit, ridensque & lætabundus animum exhalauit. Bruf. 1. 3. c. 20.

Vide apophth. de ambigüe & argutè dictis.

De attentione.

Cleanthes.

Differens, adolescenti cuidam, quem videbat parum attentum, rogauit, Sentirétne? Illo affirmante, se sentire: Cur igitur ego, inquit, non sentio te sentire? Solent enim qui intelligunt, oculis ac gestu, interdum & verbis significare, se quæ dicuntur intelligere. Laer. 1. 7. c. 2.

Zeno Criticus.

Iis quæ rectè dicerentur, negabat esse relinquendū locū, velut præclaris artificibus, ad spectandū. Contrā,

auditores dicebat adeò debere esse attētos ad ea quę differūtur, vt nō va-
cet dare signū approbationis. Dū .n.
applauditur & acclamatur, peritali-
quis audiendi fructus. Laer. l. 7. c. 1.

Aristoteles.

Quendam vana loquacitate præ-
ter modum garrientem quum ali-
quandiu audiuiſſet, demum aliud co-
gitans, eodem mansit loco. Verūm
finita oratione, cum is qui perora-
ret, eum interrogasset, num hæc pla-
cuissent quę dixisset? Hercule, inquit,
tibi animum non intendi. Bruson. lib.
3. cap. 25.

M. Antoni.

Alexander sophista legatione fun-
gens pro Seleucia apud M. Antoniū,
vidensq; illum minus attentum, cla-
riore voce dixit: Ausculta me, Cęsar,
Antonius autē acerbitate confiden-
tięque vocis exasperatus: Ausculto,
inquit, intelligoque te, Tu enim es il-
le qui colis comam, qui dentes can-
didas, qui polis vngues, qui semper
oles vnguentum. Philost.

Cicero.

Quū orante Marco Tullio, quidā
creditus Afer genere, diceret, Nō au-
dio: hoc sermone negans se probare
quod dicebatur: Atqui, inquit Cice-
ro, aurem habes perforatam. Solebat
enim ea gens habere perforatas au-
res, vt inde suspenderet annulos ac
gemmas, quę nunc collo digitisq;ue
gestamus. Plut. in Rom. apoph.

De auaritia.

Bion.

Auaritiam dicebat omnis impro-
bitatis esse metropolim. Stob.
serm. 10.

Idem.

Diuites sordidos dicebat ita facul-

tatū suarū curam habere, quasi essēt
proprię: rursus, ex eisdem nihil ca-
pere vtilitatis, quasi essent alienę.
Laer. l. 4. c. 7.

Idem.

Indiuitem quendam sordidū ita
loquutus est: Hic facultates suas non
possider, sed ipsum possident facul-
tates. Laer. l. 4. c. 7.

Idem.

Eos deridendos putabat, qui eius
generis diuitiis præter modum stu-
dent, quas fortuna largitur, illiberali-
tas seruat, benignitas aufert. Maxim.
serm. 12.

Chilon.

Dicere solebat, hominum bonita-
tem ita auro probari, quęadmodum
aurum Lybio lapide. Ostendens per-
multos, qui aliis vitiis diu restite-
rint, opum auiditate persępe à vir-
tute deduci. Et qui aduersus opes
constans fuerit, eum de cæteris vitiis
facilius victoriam reportaturū. Ful-
gosius li. 7. c. 2.

Aristides.

Auarus quidam & prædiues quum
paupertatem ei exprobraret: Mibi,
inquit, paupertas nihil mali videndū
præbebit, tibi autem diuitiæ par fas
nefāsque paratę turbas non paucas.
Maxim. serm. 12.

Anacharsis.

Quum rogasset quendam, quanta
esset spissitudo nauium? respondit,
Quatuor digitorum. Tantillum, ait
Anacharsis, à morte sunt, qui avari-
tia & lucri cupiditate irritati, perna-
uigant maria, incerti de reditu. Laer.
l. 1. ca. 9.

Aristippus.

A Dionysio pecunia donatus, Pla-
to libris: atq; ob id à quoquā reprehē-
sus, quasi ad rē attentior esset quā
Plato: Quid refert, inquit, mihi pecu-
niis

nus erat opus, Platonis libris sentiens,
neutrum accusandum. Laert. lib. 2.

Idem.

Platoni obiurganti, quod multos
piscis emisset, respondit, se illos emis-
se obolo, quumque Plato dixisset,
Tanti & ipse empturus eram. Vides,
inquit, igitur, ô Plato, me non esse
obsoniorum avidum, sed te pecuniæ
amantem. Laert. l. 2. cap. 8.

Simonides.

Simonides interrogatus, cur in
extrema senectute avarus esset? Quo
niã respondit, malim defunctus opes
inimicis relinquere, quàm viuis ami-
cis egere. Stob. ser. 10.

Democritus.

Dicebat, diuitiũ multos esse procu-
ratores, nõ autẽ pecuniarũ dominos.
Avarus enim non suas possidet diui-
tias, sed possidetur à diuitiis: quarum
non tantum seruus, sed mancipium
merito dici potest. Maxim. ser. 12.

Idem.

Vna (dicebat) cupiditas mortaliũ
extimulat animos, vt opes assequan-
tur. Atqui videmus, iisdẽ cõgestis, dis-
cruciari nihilominus cogitationes.
Tum illis amissis, relinqui tristitiam,
luctumque perpetuum. Stobæus.

Idem.

Cupiditas plurium, inquit, amittit
præsentia, sicut æsopicus ille canis.
Stob. ser. 10.

Idem.

Pecuniarum cupiditatẽ, nisi termi-
netur aliqua satietate, multo misero-
rem iudicabat extrema paupertate.
Maiores enim cupiditates indigẽtias
quoque maiores faciunt. Stob. ser. 10.

Diogenes.

Avaros obiurgabat, quod pecuniã
verbis vituperarent, quũ eam animo
plurimi facerent. Est autem hoc aua-
ris peculiare quod nulli magis dete-

statur avaritiã, quàm ipsi. Laert. li. 8.

Idem.

Interrogatus quid esset in vita o-
ptimum? Libertas, inquit. At vere li-
ber non est qui seruit virtutis: nec liber
esse potest qui multis eget: plurimis
autem eget avarus ambitiosus, ac de-
licius deditus. Laert. lib. 6.

Idem.

Dicere solebat, cupiditatẽ esse ma-
lorũ omnium arcẽ ac *μυτὴν πόλιν*: quod
dictum est etiam à Brone & aliis. Ibid.

Idem.

Interrogatus, quoniam essent feræ
pessimæ? Respondit, in motibus viri
& leones, in ciuitatibus autem publi-
cani & sycophantæ. Antonius in Me-
lissa, par. 1. ser. 34. Max. serm. 22.

Idem.

Poscebat aliquid ab homine aua-
ro: quem ubi videret contantem, ac
negaturo similem, ô homo, inquit,
ad cibum te postulo, non ad cyp-
pum: vt, quã licet, Græcarum vocum
affinitatem reddam. Græcis enim
& *τροφὴ* cibus est, & *ταφὴ* sepultura.
Laert. lib. 6.

Idem.

Anaximenis seruos conspiciatus
multa vasa ferentes, cuius ea essent,
interrogauit. Quum autem illi Ana-
ximenis esse, respondissent: An non
pudet eum, inquit, tam multa habe-
re, seipsum non habẽs? Voluit autem
iudicare, hominem avarum esse ex-
tra seipsum. Maxim. ser. 12.

Idem.

*Quemadmodum arbores & vi-
tes in locis iniuis & præruptis na-
scentes non hominibus sed coruis &
aliis auibus fructus adferunt: Sic (in-
quit) diuitiæ si ab avaro possidentur,
in usum aliorum hominum nequaquam
cedunt, sed adulatoribus & assentato-
ribus subseruiunt. Stob. serm. 90.

Idem.

Quum insatiabilem nonnullorum auaritiā, in multorū ciuium perniciem excrecentem vidisset: Auari, inquit, vita sua, tanquam gladio vtuntur, omnia facientes secundū anīam. Stob. ser. 10.

Idem.

Magna & multa simul accipiētes, μεγαλοπῳνῆς, i. Insigni mendicos appellabat. Stob. eod. ser.

Idem.

Intuens quendam opulentas anus amare simulantem: Hac ratione inquit, non oculum, sed dentes amisit. Stob. eod. ser.

Idem.

Auaros hydropicis comparabat. Illos enim argento plenos, hos autem refertos aqua, amplius desiderare, idque vtrosque in magnā sui perniciem dicebat. Affectus enim ipsorum eo magis intenduntur, quō largius desiderata consequuntur. Stob. ser. 10. Eadem similiter vtitur Polyb. hist. libr. 13.

Ariston.

Aristonem philosophum maxime admiratum ferunt, quod homines potius superuacuis fortunæ bonis quam necessariis commodisque beati essent. Brufon. l. i. c. i.

Idem.

*Hominis auari vita silicernio, hoc est, funebri cōiuiuo similis est. Cum enim cetera omnia habeat, exilaratum non habet. Stob. ser. 10.

Archelaus rex.

Timotheus musicus, quum ab Archelao minus quam sperarat accepisset, canens subtaxabat Archelai auaritiā, tu argentum terræ genium laudas. Succinuit illi Archelaus, Tu vero, inquit, postulas. Brufon. lib. i. c. 1. ex Plutarcho.

Socrates.

Interrogatus, quinam essent auari? Respondit, qui turpia lucra venantur, & necessarios aut amicos negligunt. Stob. ser. 10. Max. ser. 18.

Idem.

*Auarorū diuitiæ, vt sol post occāsum, neminem mortalium oblectāt. Anton. in Melissa, part. i. ser. 34.

Idem.

Auaros auibus similes esse dicebat, quarum aliæ deglutit quicquid inuenerit, & quandoque suffocatur: aliæ verò sequuntur, vt quod habent, ei extorqueant: & ipsæ quoque aliæ post alias suffocantur. Antonius in Melissa, part. i. ser. 35.

Idem.

Nec à mortuo, inquit, petendum colloquium, nec ab auaro beneficiū. Nam mortui aut non respondent, aut lædunt: ita auarus, aut non dat quod rogatur, aut infeliciter cedit accipienti, quod datur animo inimico. Eras. l. 8. apoph.

Plato.

Ad quempiam accumulandæ pecuniæ semper incumbentem, & improbè dixit, ne possessioni augendæ studeas, sed minuendæ cupiditati. Stob. ser. 10.

Idem.

Dicere solebat, eos qui corpus curarent, non re quidem suam, sed seipso curare: qui autem pecunias, neque seipso, neque suas, sed quam longissimè à suis abesse. Max. ser. 12.

Aristoteles.

Dicebat quosdam homines adeo tenaces esse, quasi nunquā essent morituri: & alios etiam esse, qui ita sua profunderent bona, ac si cras morituri essent. Laer. l. 5. c. 1.

Timon.

Demosthenes cum animaduertisset,

fēt, avarum quendam ad sepulchrum efferri. Iste, inquit, cum vitam non vitalem vixerit, aliis vitam reliquit. Bios autem Græcis & vitam & vitum significat. Maximus sermo. 12. Stobæus.

Idem.

Quibusdam arbitrantibus Demadem iam desuisse malū esse: at enim, inquit Demosthenes, satura videntis, veluti leones. Erat pecuniarum avidus Demades, leones autem mitiores sunt saturi. Eras. l. 4. apoph.

Timon.

Timon ille cognomento Misanthropos, id est, hominū exosor, elementa malorum esse dixit Avaritiā & Ambitionem: quemadmodum enim ex primis illis & secundis principis generantur naturaliter omnia, sic ex avaritia & ambitione omnia vitia progeniuntur alia. Stob. ser. 8. & Eras. l. 6. apoph.

Hadrianus Sophista.

Hadriano sophistæ miserat quidā pisces in disco argenteo: at ille delectatus vasculo, non remisit, tantū ei qui miserat respondit, Bene facis, quod etiam pisces: quasi discus esset dono missus, pisces tantū novitatis gratia additi. Quidā autem dicunt ioco factum, ut castigaret discipuli vitium, qui sordidior esse dicebatur: nam eo admonito, discum reddidit. Quum esset apud Coloniam Agrippinam, senatus honoris gratia misit vinum in cantharis testaceis, nec eos repeti mos est. Id admiratus, rogavit causam. Responsum est, olim vinum solere mitti cātharis argenteis: hoc honoris quū esset habitum cui-dā ex eorum numero, qui magnā nobilitatis partem existimant raptō vivere, postridie manē profectus est cū argenteis cantharis. Re cōperta, mi-

sit ad illum senatus, qui cātharos reposceret. At ille: Vltro, inquit, dono dedistis, & ego gratias egi. Hoc casu admoniti mutarunt consuetudinem, Verba sunt Eras. in apoph.

Cleomenes Anaxandr. F.

Dicente quodam illi, delicatus es: At melius est, inquit, quā inustum esse. Tu verō pecuniam fortitus multam, nondum contentus es: sed subinde cogitas, quā ratione cumulo adicias. Brus. l. i. c. 1.

Lycu. gr.

Quicquid erat rerum superuacuarum, ē ciuitate eiiciendum curauit: adeo ut nec negotiator, nec sophista, nec vates, nec circulator, nec lautitiarum artifex Spartam ingrederetur. Neque enim passus est illis esse pecuniā talibus vtilem, tantum ferream monetam cudit, quæ pondere ægineicam æquabat minam, valore æreos quatuor. His remediis expugnauit avaritiam. Plut. in Laco.

Demonax.

Quosdam esse dicebat, qui non in hac præsenti vita viuerēt, sed magno studio se prepararent, quasi alteram vitam sint acturi, non hanc presentem. Notauit autem insatiabilem eorum hominum avaritiam, quibus nihil sufficit: quasi post mortem etiam vsui sint nobis per fraudem comparatæ diuitiæ. Maxim. ser. 12.

Lacedæmonij.

Quum pecuniæ essent in Lacedæmoniorum regionem conuectæ, quæ eas importarāt, morte damnati sunt. Siquidem Alcameni ac Theopompo regibus hoc oraculū erat redditum. Pecuniarum amor Spartam perderet. Nihilō secius tamen Lysander, deuictis Atheniensibus, magnam auri argentique vim inuexit: nec solum pecunias receperunt: verum etiam ipsi

viro honos est habitus. Proinde Spar-
ta, donec Lycurgi legibus viveretur,
nec à iureiurando recederet, sexcētis
annis in Græcia primas tenuit & le-
gū æquitate, & gloria. Cæterum quā
ab his paulatim defluerent, inunda-
rētq; obiter diuitiarū amor, & auari-
tiæ malum, nō solum ob hæc decre-
uit illorū potentia, verum etiam qui-
bus antea focis & amicis in bello
fuerant vsi eos inimicos habere cœ-
perunt. Porro quī ita se gererent, ta-
mē post Philippi Macedonis in Chæ-
ronea victoria quamquam Græci cæ-
teri omnes illum imperatorem ter-
ra pariter ac mari declarassēt, ac post
hunc Alexandrum filiū euersis The-
banis, soli Lacedæmonij, tametsi ci-
uitatem haberēt nullis cinctam mu-
ris, essētq; nō modò perpauci pro-
pter assidua bella, sed multò quā
antea imbecilliores, captu faciles ef-
fent facti, quoniam adhuc seruabant
admodum exiguas quasdam Lycur-
gicarum legum scintillas: non se præ-
buerunt belli focios, neque cæteris
Græcis, neque post Macedonicis re-
gibus, neque in cōmune eū illis con-
cilium venerunt, neque tributū pen-
dere coacti sunt: donec per omnia
contemptis Lycurgi legibus, à pro-
priis ciuibz tyrannide oppressi
sunt, ita vt nihil iam reliquum esset
patriæ institutionis: sed reliquorum
similes effecti, & gloria, & libertate,
quam prius obtinuerat, exuti sunt, &
in seruitutem traducti, ac nunc, quē-
admodum cæteri, sub Romanorum
viuant imperio. Graue documen-
tum vniuersis, imperia virtute para-
ri, auaritia, luxu, deliciisque vel pe-
rire, vel verti in tyrannidem. Plut. in
Lacon.

Vxor Pythij.

Pythius, natione Lydus, in vrbe

Phrygiæ Calenis (nam ibi regnabat,
homo prædiues, sed auri studio præ-
ter modum deditus) totam ferè ciui-
tatem in fodiendis metallis occupa-
tam tenebat, vt iam vix quicquam a-
liud ibi ageretur. Huius morbo vxor
solerti remedio medicata est. Absen-
te enim marito curat & mensam &
omnem mensæ suppellectilem adfa-
brē ex auro confici denique & ciba-
riorum effigies, quibus nouerat ma-
ritum præcipuē delectari. Reuerso,
cū conuiuij tempus esset, apponi-
tur mensa aurea, cum reliquo vaso-
rum apparatu. Atque hoc sanè spe-
ctaculo diues aliquandiu paut oculo-
los, tandem quum interpellaret sto-
machus, iubet apponi cibos. Appo-
nuntur illi aurea ciborū simulachra
spectanda, non edenda. Hic cum in-
candesceret ira Pythius, flagitans ap-
poni quod edi posset, iam dudū spe-
ctaculorum esse satis: Tum vxor, An-
non sentis (inquit) Pythi, dum nihil
aliud quæris quā aurum, agricola-
tionem deserui, & ciues tuos ad famē
vocari, breui perituros si quā cœpi-
sti pengas? Hoc ciuili commento
cordata mulier maritum ab immo-
dico auri studio reuocauit. Eras. li. 8.
apoph. ex Plut.

Hieron.

Vituperatus, quod cū multos
rhetoricari docuisset, ipse egeret: At
qui, inquit, non docui eos ditescere,
neque studere pecuniæ. Maximus
serm. 12.

Aspasia.

Aspasia Xenophontis vxor, cū
esset (vt muliebre ingenium est) re-
rum alienarum appetens, atque inui-
da, interrogata, Si vicina tua melius
quā tu aurum habeat, vtrūmne il-
lius an tuum malis? Illius, inquit.
Quid si vestes, cæterūque ornatum
mulie-

muliebrem pretij maioris habeat, quàm tu, tuumne an illius malis? Respondit, Illius, Agesis, si maiore quàm tu habeat virum, utrumque tuum malis, an illius? Erubuit mulier. Brufon. lib. I. cap. I.

Semiramis.

Monumēto quod sibi pararat inscripsit. Quisquis rex pecuniis eguerit, aperto monumento quantum voluerit, capiat. Darius potius ea ciuitate, titulo credens, saxum ingens quo claudebatur monumētum vix amolitus, nihil quidem inuenit pecuniarum, sed ex altero saxi latere hoc inscriptum reperit: Ni vir malus esses, & pecunia inexplibilis, haudquaquam mortuorum loculos moueres. Plutarch. in apoph. Stob. ferm. 8.

Antigonus.

In extorquendis pecuniis acer erat ac rigibus. Cuidam itaque dicenti. At non talis fuit Alexander: Merito, inquit, nam ille merebat Asiam, ego culmos lego. Sentiens, opulentissimam Asiam prius ab illo spoliata, sibi à spoliatis corradendum quod posset. Plut. in apoph.

C. Fabianus.

P. Cornelium, hominem (vt putabatur) auarum & turacem, sed egregie fortem ac bonum imperatorem, suo suffragio fecerat consulem. Huic quam Cornelius ex more gratias ageret, quod in memor simulatis, ipsum fecisset consulem, bello præsertim magno & graui: Nihil est, inquit, quod mihi gratias agas, si malui compilari quam venire. Compilamur furto, veneunt bello capti. Proinde inimico fuit, cuius dexterritate sperabat fore, ne Romani venirent in manus hostium Erasmus. lib. 6. apoph.

Scauola.

Septimelio Anagnino (quem Plutarchus & Plinius Septimuleium vocant) cui pro C. Gracchi capite erat aurum repensum, roganti, vt se in Asiam præfectum duceret: Quid tibi vis, inquit, insane? tanta malorum est multitudo ciuium, vt tibi hoc confirmem, si Romæ manseris, te paucis annis ad maximas pecunias esse venturum. Cicero libr. 2. de Oratore.

Deiotarus.

M. Crassus ad Parthicum bellum profisciscens, quum in itinere Deiotarum Galatarum regem, extremo iam senio confectum, nouam urbem ædificantem offendisset: O rex, inquit, quidnam negotij hoc est? Quid, quum iam duodecima diei hora tibi adsit, nouam urbem condere incipis? Ad hæc subridens Deiotarus, Crassique auaritiam subcarpens. Tu verò, inquit, imperator, quum sis, haud quaquam (vt videre videor) matutinus (erat enim sexagenarius) in Partos cum exercitu festinas, prædam amplissimam rapturus. Brufon. l. I. ca. I. ex Plutar.

Cicero.

Quum apud Damasippum cœnaret, & ille mediocri vino appposito diceret, Bibe Falernum hoc annorū quadraginta: subtaxans Cicero hominis auaritiam, Bene ætatem fert, mi Damasippe, ait: Veniamque dedit vino, vnde gloriam Damasippus aucupabatur. Bruf. li. I.

Idem.

Crasso dicente, Stoicorum esse dogma virum bonum esse diuitem. Vide inquit Cicero, ne magis hoc sentiant, sapientis esse omnia: recte notans Crassi auaritiam, cui nihil esset satis. Eras. 4. apoph.

Idem.

*Vt quidam morbo aliquo & sensu stupore suauitatem cibi non sentiunt: sic auari & facinorosi verè laudis gustum (inquit) minimè sentiunt. Philip. 2.

Iugurtha.

Iugurtha cum pecunia Romanos exagitasset, iussusque tandem esset à senatu paucis diebus Italia decedere: Postquàm Roma egressus est fertur sæpe tacitus respexisse, & postremò dixisse, O urbem venalem, & mox perituram, si emptorem inuenerit. Quod paulo pòst euenit. Romani quippe, antea cum inuicti essent, sola auaritia victi sunt, & antiquum nominis decus planè amiserunt. Bruso. l. i. c. x. ex Salustio

Nero.

*Nunquam cuiquam munus publicum delegauit, quin hæc adiceret: scis quibus mihi est opus: & hoc agamus, ne quis quid habeat. Vox prædone quàm principe dignior. Suet. & Dion.

Seneca.

*Nulla auaritia, inquit, sine poena est, quànvis satis sit ipsa poenarum. O quantum lacrymarum, ô quantum laborum exigit! quàm misera desideratis, quàm misera partis est? Adice quotidianas sollicitudines, quæ pro modo habendi quemque discruciant. Maiore tormento pecunia possidetur, quàm quæritur. Epist. 115. ad Lucillum.

Idem.

*Multò concitator est auaritia in magnarum opum congesta collocata: vt flammæ infinitò acrior vis est, quo ex maiore incēdio emicuit. lib. 2. de benef. c. 27.

Idem.

*Irrupit in res optimè positas a-

uaritia: & dum seducere aliquid cupit, atque in suum vertere, omnia fecit aliena, & in angustum ex immenso redacta paupertatē intulit, vt multa concupiscendo omnia amisit. Epi. 90. ad Lucil.

Idem.

*Aurum & argentum, & propter ista nunquam pacem agens ferrum, quasi malè nobis committeretur natura abscondit. Nos in lucem, propter quæ pugnaremus, extulimus. Nos & causas periculorum nostrorum, & instrumenta, dissecto terrarum pondere eruiamus. Nos fortunæ mala nostra tradidimus: nec erubescimus summa apud nos haberi, quæ fuerant ima terrarū. Vis scire quàm falsus oculos tuos decipit fulgor? Nihil est istis, quandiu mersa & inuoluta cœno suo iacent, sordius, nihil obscurius, quidni, quando pro longissimorum cuniculorum tenebras extrahuntur. Nihil est illis dum fiunt, & à fece sua separantur, informius. Denique ipsos opifices intueri, per quorum manus sterile terræ genus & informe perpurgatur: videbis quanta fuligine obliuatur. Atqui ista magis inquinant animos quàm corpora: & in possessore eorum quàm in artifice plus est sordium. Epist. 94. ad Lucil.

Idem.

*Desunt inopiæ multa, auaritiæ omnia. In nullum auarus bonus est, in se pessimus, Epist. 108. ad Lucil.

Idem.

*Quæ tanta necessitas hominem ad sidera erectum incuruauit, & deducit, & in fundum telluris intinuerit, vt erueret aurum, non minore periculo possidendum quàm quærendum? Natural. quæstion. libr. 5. cap. 15.

Iugurtha.

Vespasianus.

Institueraſt veſtigal eſt lotio. Super hoc à filio monitus diſſimulauit, donec prima penſio eſſet ſoluta. Eam pecuniam admouit ad filij nares, ſciſcitans, num odore offenderetur? Negante illo. Atqui hæc, inquit, eſt lotio eſt. Sueton. & Bruſon. lib. cap. 1.

Idem.

Legatis nunciantibus, decretam illi publicæ non mediocris ſuminae ſtatuam, iuſſit vt eam continuo ponerent, & cauam oſtendens manum. Ecce (inquit) parata baſis. Significans, vt eam pecuniam, quam in ſtatuâ decreuiſſent impendere mortuo, viuo darent in manum. Sueton. in Veſpaſia.

Idem.

In itinere quodam mulio deſiliit, quaſi calceaturus mulas: ſed re vera, vt adeundi litigatori ſpatium moramque præberet. At Cæſar dolum ſuſpicatus, interrogauit mulionem, quanti calceaſſet? paſſusque eſt lucri partem. Hoc ſi fecit vt ſuos corrigeret, ciuilitas fuit: ſin vt eo emolumento fieret ditior, ſordidum erat. Sueton. in Veſpaſ.

Idem.

Quidam eſt charis ipſius miniſtris apud ipſum pro quodam, quem fratrem ſuum eſſe ſimulabat, intercedebat, vt illi procuratio committeretur. Id ſentiens Cæſar candidatum ſolum ad ſe vocauit, exegitque pecuniam quam ille ſuffragatori ſuo pepigerat: ea accepta, mox ordinauit. Huius rei ignarus miniſter, ruſus interpellauit pro fratre, cui Veſpaſianus: Alium, inquit, tibi fratrem quaere. hic quem tuum putas,

meus eſt. Sueton. in Veſpaſ.

Anonymus.

Ruſticus quidam, quoniam, gratuita libertatem ſuppliciter petens à Cæſare Veſpaſiano, reſpuſus eſt, non eſt veritus clare dicere: Vulpes pilos mutat, non mores, exprobrans illi naturæ rapacitatem: quaſi mercede data conſeſſus fuiſſet, quod gratuito negabat. Sueton. & Bruſon. lib. 1. cap. 1.

Caligula.

In auctione Apronius quidam, vir prætorius, dormitans capitis notu nutabat. Id animaduertens Caligula, præconem admonuit, ne illum ſibi nutantem præteriret: nec hoc monere deſiit, donec ignoranti tredecim gladiatores ſeſtertium nonagies addicerentur. Eraſm. lib. 6. apoph.

I. Baſſus.

Quærente Domitia Paſſiani, quod taxans eius ſordes, calceos eam veteres diceret vendere conſueuiſſe: Non, me hercules, inquit, hoc vniſquam dixi, ſed dixi emere te ſolere. Bruſon. lib. 1. cap. 1.

Alexander Severus.

Vetronium Thurinum, familiarum, quod his, qui petebant aliquid à Cæſare, vendidiſſet ſuum potrocinium, mentiens interim multa, conuincendum curauit, & conuictum damnatumque ad ſtipitem alligari iuſſit, ſuppoſito igne ex humida materia, præcone clamante: fumo punitur, qui fumos vendidit. Alius Lampridius.

D. Hieronymus.

Et dicere & ſcribere ſolebat, avaro tam illa quæ habet, quam quæ

non habet deesse. Ostendens, hominem avarum semper esse egenum, etiamsi amplissimas diuitias possideat. Fulgo. lib. 7. cap. 2.

Alphonsus rex.

Dicere solebat, ab diis olim, Ioue, Neptuno, Plutone, omnia trifariam partita fuisse, & sua quenque forte partemque contentum agere. At hominibus hodie, neque quod satis, neque quod minus esset, satis esse. Notat, auaritiæ & habendi desiderium omnibus innatum, quam pauci enim sunt, qui sua forte contenti vivere cupiant. Pan. lib. 4. de Alph. reb. gest.

Idem.

Quum audiret, Harpyias rapacissimas aues (quas Vergilius in *Æneide* eleganter describit) nescio quas inhabitare insulas: ad suos conuersus, ait, Ex his insulis in curiam Romanam commigrasse Harpyias comperitum est, ibique iam domicilium constituisse. Notauit autem tacite Romanæ curiæ ingluuiem, auaritiā & detestandam rapacitatem. Panorm. li. x. de rebus gestis Alphonsi, cap. 8.

De audacia.

Chilo.

Dicere solebat, Non esse tentanda quæ fieri non possunt. Quædam honesta sunt ac magnifica: sed magno reipubl. malo tentantur: si nequeas perficere. Atque hæc est præcipua pars boni consulatoris, dispicere nō solum quid per se optimū sit, sed quid pro temporum ratione possit obtineri.

Isocrates.

Inter amicos dicere solitus est, se quidem docere decem minis: ceterum qui ipsum docuisset audaciam, mercedis loco daturum decem milia. Nam animi timiditas reddebat Isocratem ad dicendum inutilem. Erasinus Roter. lib. 8. apoph..

Epaminondas.

Imminente aduersus Lacedæmonios pugna, cum sella in qua sedebat succubuisset, videretque milites hoc prodigio exturbatos: Imò, iacuit, sedere prohibemur, militumque animos restituit. Plutarc.

Leonidas.

Obiurgatus à quodam, quod paucis militibus stipatus, cum multis pugnare tentaret: audacter respondit, si ex multis constat victoria non tota sufficeret Græcia: si in audacia horum, numerus sufficit. Plutarc. in Lacon.

Aræ idamius.

Conspiciens filium suum cum Artheniensibus iuueniliter ac temere congregientem: Aut viribus, inquit, adde, aut animis adime. docens, periculosam esse audaciam, si vires non suppetant spiritibus. Plutarch. in Laconicis. Stob. serm. 51. Brufon. lib. 2. cap. 43.

Agis Archidami F.

Audiens quosdam abhorrere ab hostium multitudine, ait, non percontandum esse quot sint hostes, sed ubi sint, vt audacter aggrediantur. Plut. in Lacon.

Idem.

Quum apud Mantineam pugnare cum hostibus numero longè superioribus prohiberetur: Fortiter pugnandum est, inquit: cum multis enim pugnare necesse est, qui multorum

rum dominus esse cupit. Brus. lib. 7. cap. 2.

Idem.

Interrogatus quot haberet milites: Quot sufficiunt, inquit ad fugandos hostes. Plut. in Lacon.

Agessilaus.

Ad Macedonum regem nuntios misit Agessilaus rex, rogans, vtrum per hostium solum irent, an amicorum? Cum ille respondisset, se consultaturum: Fiat, inquit, igitur consultatio: nos tamen interim iter faciemus. Rex admiratus hominis audaciam, sibi que metuens, satius esse censuit, illum vt amicum suscipere. Plut. in Lacon. apoph.

Idem.

Admonitus à suis, ne cum Thebanis, qui numero præstabant, manus consereret: respondit. Qui multis vult imperare, non debet multorum timere congressum. Plut.

Pædaretus.

Quum à quopiam audiret, magnū hostium esse exercitum, audacissimè respondit. Eo maior erit & gloriofior nostra victoria. Plutarch. in Lacon.

Cleomenes.

Pirata quidam populabundus discurrerebat per agros Lacedæmoniorum. Is vt captus est, rogatus cur id ausus esset? Quoniam inquit, deerat mihi commeatus, quem militibus præberem, ad eos veni, qui & habebant, nec sponte dabant, vi erepturus. Ad id Cleomenes: Compendiosa, inquit, malitia. Detestatus prædonis nefarium scelus, probauit tamen orationis expeditam breuitatem. Plut. in Lacon. apoph.

Epaminondas.

Alexander Phææus, hostis The-

banorum, Atheniensibus à quibus in amicitiam societatemque ascitus fuerat, polliceri se quum dixisset eis carnes, quæ mina prius vendebantur, semiohlo præbiturum audiente Epaminonda: At nos, inquit, Thebanis liberaliores erimus, quippe qui ligna ad has carnes coquendas gratis exhibebimus, eorum enim agrum excindemus. Bruson. lib. 1. ca. 6. ex Plutarcho.

Xenocrates.

Lycurgus Rhetor fortè fortuna obuiam factus Xenocrati, qui à Telone obtorto collo in carcerem ducebatur, occurrens fustem impegit in caput Telonæ, Xenocratemque liberauit, & Telonem in carcerem coniecit, Quod Lycurgi factum cum ab omnibus probaretur, Xenocrates post aliquot dies obuiam factus Lycurgi filio: Retulit, inquit, gratiam patri tuo, qui ob tam audax facinus meritò ab omnibus laudatur. Erasim.

Aratus.

Laudante quopiam virum desperatum & audacem, ac idcirco in bellis eximium: Differre dixit magni facere virtutem, & vitam nihili facere. Stob. serm. 51.

Alexander.

Audiens Darium, inuictissimum Persarum regem, multas parare militum myriades: respondit, Vnus lupus non multas timet oues. Antonius in Melissa serm. 37. par. 1. & Maximus serm. 71.

Diphilus tragicus.

Quum in ludis Apollinariis ad eum versiculum venisset, Misericordia nostra magnus est, directis in Pompeium Magnum manibus, pronuntiavit. Actio in tantum placuit populo, vt aliquoties fuerit reuocatus.

nec histrio veritus est iterare simili gestu. Dubites, vtrum potius mirari conueniat actoris audaciam, an populi. Simili audacia vsus est in eadem fabula, quum ventum esset ad eum versiculum: Virtutein istam veniet tempus quo grauius gemas. Tametsi mihi videtur carmen esse mutilum. Suspicio addendum, Serua virtutem istam, aut aliud simile verbum, vt sit versus Trochaicus. Eras. Rot. lib. 8. apoph.

Inluis Cæsar.

Facinora, quæ & periculo obnoxia sunt, & magna, gerenda esse dicebat: de his non consultandû, quod ad hæc perficienda plurimum habeat momenti celeritas: expensio verò periculi reuocat hominum audaciam. Plat.

Huc refer ea quæ sunt infra sub titulo Temeritatis. Videtur enim temeritas non minimam cum audacia habere affinitatem & cognationem.

De auditu, & auditoribus.

Thales.

AB amico quodam rogatus, quantum veritas distaret à mendacio? Quantum, inquit, oculi distant ab auribus. Sensit vir sapientissimus, non ea certa esse illico, quæ auribus percipimus ab aliis, qui mendaciter de rebus nugantur: sed ea demum, quæ coram oculis cernimus. Maximus serm. 35.

Xenocrates.

Dicebat, pueris potius aures esse muniendas sollibus quàm athletic: quòd plus sit periculi, ne puerorum aures occupentur prauis sermonibus, quàm ne athletarum aures pa-

teant ad ictus. Maxima, inquit Sarricus, debetur puero reuerentia. Laert. lib. 4. cap. 2. Plutarch.

Stratocles.

Quum audiuisset partem esse ab hostibus victoriam, rem protinus populo patefecit, & vt publica supplicatio in laudem deorum institueretur persuasit. Verum quum paulo post ex alio nuntio intellexisset, suos non victores, sed fugatos fuisse: vana spe lusus, Ecquis (inquit) vestrum quicquam damni acceperit, quod totum hoc triduum mea opera hilaris lætique fuistis? Eras. lib. 6. apoph. ex Plut.

Pindarus.

Apud Thebanos, in contentione imperitis auditoribus vsus, superatus est à Cotinna quinquies. Redarguens verò ruditatem ipsorum Pindarus, vocauit Catianam. Ælianus lib. 13. de Varia historia.

Straton.

Cum Stratonem physico quidam obieciisset, quòd Menedemus plures haberet auditores: Quid mirum, inquit, si plures reperiuntur qui lauare cupiunt, quàm vngi? Nil autem aliud his verbis indicare voluit, quàm Menedemi philosophiam esse dilutam: & quàm plurimos inueniri, qui audiant quidem de rebus disputantes, sed per paucos qui virtutem exacercent. Eras. Rot. lib. 7. apoph.

Vide apoph. de Attentione.

De auguriis.

Misomanius.

QUum expectantē & stantē equitū turmā inspiceret, in qua ipse cū Romanis militibus erat & moræ causam

causam intelligeret esse, quod augur prius inspicere vellet quid augurij capiendum esset ab aue, quam fortè in via offenderat? Misonianus aliud à se agi fingens, arcum tetendit, primâq; sagitta confossam auem in terrâ deiecit, atque ridens ad comites cōuersus dixit, Parum consilij atque opis ab irrationalibus animatis posse quē quam sperare. posteaquam pateat, ea nescire, quæ ad seipsa pertineant. Et re & verbo auguria vana esse, stultęque eis credi, ostendens. Fulgos. li. 7. cap. 2.

Augustus Cæsar.

Quum sublimis ex Actiaca victoria reuenteretur, occurrit inter gratulantes quidam coruum tenens, doctum hæc verba sonare. Aue Cæsar victor. Hac salutatione delectatus Augustus, auem sex millibus nummum emit. Socius opificis, ad quē nihil ex ea liberalitate peruenerat, indicauit Cæsari eundem & alium habere coruum, quem vt auferre cogeretur, rogauit allatus, verba quæ didicerat expressit, Aue victor imperator Antoni. Augustus nihil exasperatus, tantum iussit, vt munus cum delatore partiretur. Brufon. lib. 2. ca. 3. Macro. lib. 2. cap. 4. Saturn.

Idem.

Salutatus similiter à psittaco, & hūc emi iussit. Idem miratus in pica, & hæc mercatus est. Hoc exemplum tenuem quendam suturem sollicitauit, vt coruum institueret ad huiusmodi salutationem. Qui quam impendio exhauriretur, subinde ad auem non respondentem dicere solebat. Opera & impensa periit. Tādem peruicit assiduitate, vt coruus sonaret dictatam salutationem. Eā quum Augustum prætereuntem salutasset. Cæsar: Satis, inquit, istiusmodi salu-

tatorum habeo domi. Tum coruus, memor & illorum verborum quę toties audierat, subtexuit. Opera & impensa petiit. Ad hoc arridens Augustus, iussit emi, quanti nullam adhuc emerat. Macro. lib. 2. cap. 4. Saturn.

De aulica vita.

Diogenes.

Callisthenem quum quispiam audiente Diogene Cynico beatam dixisset, quod Alexandri aulicus esset: At, inquit, Diogenes infelix est, qui tum prandet ac cœnat, cum Alexandro videtur. Brufonis libro 1. capite 5.

Dionysius.

Quum Polyxenus dialecticus Dionysio diceret, Ego te cōuincō, Nimirum verbis, inquit: at ego te reipsa cōuincō, qui tuis relictis, me meaque colas. Significans, illum à schola ad aulam, à philosophis ad tyrannum transisse: non facturum, mihi hanc vitam illa iudicasset beatiorē. Plut. in apoph.

Omilius.

Indicabat ad regni administrationem potius admittendum eum qui per se malus bonos haberet aulicos amicos quā bonum principē malos aulicos habentem. Putans facilius vnum malum à multis bonis, quā malos innumeros ab vnicō bono, à malitia ac erroribus perniciosis auerti posse. Fulgosus libro 7. capite 2.

Agrippa.

Agrippa rerum gestarum gloria sub Octauiano Augusto in primis clarus, sæpe cohortabatur eos qui salui

& incolumes esse vellent darent operam ut principes liberarentur omnium rerum difficultate & molestia: sed tamen eis rerum gestarum gloriam referuarent, nequaquam sibi. Xiphilinus, Dionis abbreviator, in Augusto.

Constantinus Imperat.

Constantinus Romanorum imperator cum principum aulas ubique spadonum atque aulicorum improbitate refertas videret, eorum non tantum vehemens domitor fuit, sed teneas etiam atque forices Palatii appellare solitus est. Nicephori interpres & scholiastes. lib. 8. cap. 14. Eccles. histor.

Alexander Seuerus.

Alexander Seuerus negabat se passurum, ut ipsius dispositiones ab aulicis suis venderentur: id quod fieri soleret ab aliorum principum libertis & eunuchis. Eoque nunquam illum fefellit quod proposuerat. Aelius Lampridius in Al. Seuero.

Idem.

Idem, & urbem, & provincias, & aulam suam purgavit hominibus non necessariis dicens: Malum pupillum esse imperatorem, qui ex visceribus provincialium homines non necessarios, nec Reipublicae utiles aleret. Ibidem.

Anonymus.

Aulicus quidam iniuriarum Palatinarum patientissimus, cum a quodam rogaretur, quomodo rarissimam rem in aula consequitus esset? Iniurias, inquit, accipiendo, & gratias agendo. Bruson. lib. 1. cap. 5.

Sigismundus Imp.

Reges ac principes in terris beatos esse aiebat, si exclusis superbis mansuetudinis humanitatisque cultores

in curiam asciscerent. Aeneas Syluius lib. 2. commentariorum de rebus gestis Alphonfi.

Syluester episcop.

Aulicos qui otij gratia curiam sequerentur, semper in negotio futuros aiebat, nisi se tandem vel cum periculo capitis inde amouerent. Innuit autem, quam difficulter ab aula diuelli possint qui nihil aliud quam otium & luxum sectantur. Aeneas Syluius lib. eodem.

Alphonfus rex.

Quum ex Sicilia nauigaret, vidit garrias aues triremem circumuolantes & bolos a nauigantibus protectos statim abripientes ac auolantes. Has cum amicis secum nauigantibus digito ostendisset: Persimiles sunt his garriis inquit, aulici aliquot mei, qui simulac concertantes beneficium a me accipiunt, statim aufugiunt. Notauit autem aulicorum ferere omnium mores, qui fidos se feruos principibus praestant, dum praedam, luxum, munera, &c. hiantes expectant: & voti compotes facti a principum conspectu ad priuatos fugiunt. Panormit. lib. 1. de reb. ab Alphonso gestis.

Aeneas Syluius.

Eos sibi aulicos plurimum sapere videri dicere solebat, qui accepto aliquo beneficio, vel mediocri curiae valuerent. Ostendunt enim animum suum expletum esse & periculo se subtrahunt, in quod curiales frequenter incidunt: qui veluti sues, ubi saginati sunt, in coenam domini mactantur. Ceterum qui opes adepti magnas, apud reges perseuerant, non quidem id agunt ut gratias referant, sed ut multo ditiores principum liberalitate ac munificentia reddantur. Aeneas Syluius lib. 1. commen. de reb. gestis Alphonfi.

De authoritate.

Pericles.

A Populo frequenter vocatus, *ἀσύντακτος* *ἐμναι*, inquit, sentiēs, se non esse cogendum in ordinem, nec pro quolibet ē media plebe habendum Plutarch. in Græc. apoph.

Idem.

* Quum in comitiis accusaretur ob res malè gestas, grauitèr respondit, scilicet, mihi quidē vos irascimini, ei viro qui nemini vestrū cedo vel peritia rerum, vel elocutione intellectionum, vel amore patrie, vel penitentiā despiciētia. Nō crimen modò arrogantię, vanitatis ambitionis effugit tunc, magnificē de se loquendo: sed & altitudinem animi, & virtutis declarauit magnitudinē, eo ipso inuidiam opprimentis, quod delicti se & frangi non est passa. Plut. lib. *Qua* ratione quis citra inuidiam seipsum laudare possit.

Epaminondas.

* Pelopidam à principibus Reipublice accusatum, quod exacto Bœotarchiæ tempore non statim domum rediisset, sed bellum feliciter continuasset, submittentem se & deprecātem Thebani agrè absoluerunt. At contrā Epaminondam, qui eius tum fuerat collega, multa de reb. suis gestis magnificē prædicantem ac dicentem. Paratus sum mori, si fateri velitis, o ciues, me vobis inuitis Laconiā vastasse, Messenē instaurasse, & Arcades in vnū corpus cōduxisse: nō sustinuerūt iidē ire in suffragia, sed admiratione viri gaudio simul risuq; oborto discesserunt. Plutar. eodem lib.

Scipio Afric.

* Romani agrè tulerunt Ciceronē crebro res suas contra Catilinam ge-

stas prædicantem: iidē tamen Scipionem dicentem, Nō debetis vos sententiam de Scipione ferre, qui vobis potestatem decernēdi de omnibus hominibus parauit, coronati in Capitolium deduxerunt, sacrificiōque eius interfuerunt. Plutarch.

Lycurgus Atheniensis.

* Quum ei publicè exprobraretur, quòd argento dato calumniatorem placasset, & qualis tādē, inquit, vobis videor ciuis, qui apud vos tanto tempore rem gerens publicam, dare potius quàm accipere iniuste deprehensus sim? Plutarch.

M. Scaurus.

Pro rostris accusatus, quòd à rege Mithridate ad prodendam Rempublic. pecuniam accepisset, ita causam suam egit: Iniquū est Quirites, quum inter alios vixerim, apud alios me rationem vitæ reddere. Sed tamē audebo vos interrogare: Varius Suetonius ait, M. Æmylium Scaurū mercede corruptum, populū prodidisse: A. Æmylius Scaurus huic culpę se asinem esse negat: vtri creditis? Nominato tantum actore & reo, populū accusationem repulit, Erasim. lib. 6. apoph. ex Plin. cap. 72. de viris illustribus.

Cato Vticensis.

In forum veniens cum Thermo, ac consociatus Castoris templum armatis occupatum, omnesque fori aditus à gladiatoribus obsideri, ipsumque Metellum vnā cum Cæsare: O timidū, inquit hominem, qui aduersus vnum tantam armaui multitudinem. Plutarchus in eius vita.

Augustus.

Augustus indignè ferebat, aliquid de se componi nisi seriò, & à præstantissimis, admonēbātque prætores,

ne paterentur nomen suum commissionibus mimorum aut histriionum obsolesceri: hac quidem in parte Alexandrum Magnum referens. Decet enim, ubique principis autoritatē sartam tectā prestare. Eras. l. 4. apo. ex. Suet.

Idem.

Quum iuvenes nobiles ac dignitate claros inter se tumultuantes vel let compescere, nec auscultarent illi sed tumultuari pergerent: Audire, inquit, iuvenes senem, quem iuvenē senes audierunt. Augustus enim adoleteens ad Kemp. ad motus est, summaque fuit autoritate: hac sola voce illos coercuit, nec aliud supplicii ob concitatum tumultum exegit. Plut. Rom. apoph.

Cicero.

Metello obiciēti, plures ipso testimonium contra eos dicente damnatos, quam defendente absolutos esse: Quis verò, inquit nō hoc dicit, plus in me fidei esse quam eloquentiæ? Plutar.

Seuerus. imp.

Quum milires Bassianum Seueri filium (qui post Antoninus Caracalla dictus est) Augustum consalutassent, eo quod pater pedibus æger bellum moraretur: iussit se deferri ad tribunal, simulque adesse omnes tribunos, centuriones, duces & cohortes, quibus autoribus hoc acciderat, sisti deinde & filium, qui Augusti nomen non recusarat. Hic quum in omnes eius facti autores iussisset animaduerti, excepto filio, omnesque ante tribunal prostrati rogarent veniam: Seuerus manu caput contingens, Tādem (inquit) sentitis caput imperare, non pedes. Ælian. Spart.



B

DE BALNEO.

DIOGENES.

INGRESSVS aliquādo sordidum balneum, dicebat, Qui hic lauant, ubi lauantur? Significabat, illic homines puros sordidari, & ibi lotis opus esse alio balneo, quo mundarentur. Laert. l. 4.

Stratonicus.

Quum videret sacellum, malo, fordidoque balneo vicinum, anathematibus pulchrè exornatum, posteaquā ē balneo exiit male lotus, Non miror, inquit, multas pendere tabulas. Quisquis enim hic lauit, illic suspendit tabulam, veluti seruatus Indicans, magnum esse, si quis ē tali balneo exisset incolumis. Athenæus.

Idem.

Quum in arcadia malam terram ac salſam aquā balneator exhiberet, iocatus est se terra marique obfideri. Aparent in balneis terræ fuisse vſum, qui nunc est fullonibus. Erasim. l. 6. apoph.

De barba.

Aristippus.

DIonyſij quæſtor, nomine Simus, natione Phryx ostēdi Aristippo suas ædes vndique splendidas, etiam paup̄m pretiosis tessellis cōstrato. Itaque omnibus circumſpectis Aristippus sputum oris reiecit in barbam Simi, & ob id indignāti, hoc colore se excusauit quod in tota domo nihil videret ad excipiendum oris recrementum opportunius. Innuens in tota domo nihil esse fœ-

dius, aut immundius, barbari facie, cum eam hominis partem oportuerit esse mundissimam. Quanquam hoc dictum magis quadrat in Cynicum aliquem; quam in Aristippum, utcumque illi ascribatur. Laert. libr. 2. cap. 8.

Anonymus.

Lacon quidam senex interrogatus, cur barbam gestaret syluosam ac promissam: Vt, inquit, intuens canos pilos, nihil committam illis indignum. Vir bonus vndeunque venatur stimulos ad virtutem. Plut. in Lacon.

Lycurgus.

Spartanis studio esse alere comam, & super ea quoque re narrat Lycurgum reddidisse rationem: Quoniam, inquit, coma formosis addit decorē, deformes verò reddit hostibus terribiliores. Vt enim decet coma speciosos, ita minus felici specie præditis horrorem ac ferinum quiddam conciliat. Capillitium naturalis est ornatus, minimòque constans, hoc genus non damnauit Lycurgus: ut quod nec operosis artibus constaret, nec pro frugalitate luxum induceret. Adscititium cultum, magnòque paranda lenocinia, non probauit. Quo magis detestanda est quorundam præpollera cura cui corporis eas partes vellunt raduntque, quibus natura pilos dedit non tantum ad decorem aut verecundiam, verum etiam ad tuendam valetudinem: contra illic eliciunt syluam artificio, vbi natura voluit esse glabriciem. Plut. in Lacon.

Nicander Spartanus.

Percontanti, quare Lacedæmonij barbam alerent? Quoniam, ait, hic ornatus cum sit homini omniū pulcherrimus ac proprius, nullo omni-

no constat impendio. Plut. in apoph. Lacon.

Demonax.

Cuidam percontanti, quàm philosophiæ sectam potissimum amplecteretur? Quis, inquit tibi indicauit me esse philosophum? Moxque vehementer secum ridens, abiit. Interrogatus quid rideret? An non magnopere ridiculum, inquit: si tu me ex barba iudicas philosophum, ipse barbam non habens? Erasim. lib. 3. apophth.

Dionysius.

Epidauri, Æsculapio auream detraxit barbam: quòd negaret decorum, patrem Apollinem imberbem, ipsum verò tam horrida barba vestitum conspici. Æsculapius fingitur Apollinis filius: Apollinem autem semper imberbem finxit Theologia poetica, per Æsculapium barbarū, significans, multarum rerum vsum & experientiam in medico considerare. Meminit Valer. Maxim. libr. 1. cap. 1.

Alexander.

Quodam tempore cum omnibus ad prælium paratis interrogaretur, Nunquid aliud præter hæc fieri vellet? Nihil, inquit, nisi ut Macedonum barbæ radantur. Hoc dictū quid sibi vellet, admirante Parmenone: An nescis, inquit in prælio nullā ansam meliorem esse, quàm barbæ significabat, cominus esse pugnandum: in quo genere certaminis barbæ officiant: quòd his milites facillimè possunt apprehendi. Plut.

Hieronymus Rhetus.

Is, Gymnasij Basiliensis ante paucos annos professor, interrogatus cur tam promissam aleret barbam? respondit, ut intuens hos capillos me non mulierē, sed virum esse in-

telligam. Barba enim ornat virum: & admonet, vt virilia, quoque facinora fortius aggrediamur. Lycosth.

De barbarie.

Anacharsis.

CVidam obliuienti, quod esset barbarus: Certe, inquit, apud Athenientes, sed vicissim, Athenientes barbari sunt apud Scythas. Græci, sed imprimis Attici (quoniam apud ipsos florebant disciplinæ liberales, ac leges politicæ) reliquas nationes contumeliæ causa nominabant barbaras: cum barbarum dicatur, quicquid est peregrinum atque inuitatum, Laer. li. i. cap. 9.

Statonicus.

Interrogatus, vtri essent barbariores, Bæoti, an Thessali? nominauit Eleos significans, hos vtrisque barbariores, cum illi haberentur barbarissimi. Hoc erat lepidius: si ab Eleo fuisset propositum, vt fortè fuit. Eras. 6. apoph.

Seneca.

*Cum barbarorum animos species iniuriæ perculit, agunt statim: & qua dolor traxit, ruinæ modo, regionibus incidunt incompoti, interriti, incauti, pericula appetentes sua: gaudent feriri, & instare ferro, & tela corpore vrgere, & per suum vulnus exire. Lib. 3. de ira, cap. 3.

De beatitudine.

Chilon.

Interrogatus, qua re docti præcellerent indocto? Bona, inquit, spe. Doctos autè appellabat, honestis legibus ac moribus institutos, & iuxta rectam institutionem vitam agentes. Hi cæteris rebus pares, hoc vno su-

perant improbos, quod post hanc vitam sperant rectè factorum præmia. Nam Lacones existimabāt egregios viros, post obitum in vitam beatam translatos, fieri diuos. Diogenes Laertius.

Socrates.

Interrogatus de Archelao Perdicæ filio, qui tum fortissimus habebatur, num eum beatum iudicaret? Nescio, inquit: nunquam enim cum eo collocutus sum. Subiicienti, Eadem opera de rege Persarum dubitare potes an sit beatus? Quid ni, inquit, cum nesciam quàm sit doctus, aut quàm vir bonus. Socrates hominis beatitudinem veris animi bonis metiebarur. Cicer. lib. Tuscul. quæst. 5. ex Gorgia Platonis.

Diogenes.

Athenientes hortabantur Diogenem, vt mysteriis initiaretur: addentes, quod initiati apud inferos principatum tenerent. Ad quæ Diogenes, Perquam ridiculum est, inquit, si Agesilaus & Epaminondas in cæno degunt & Patetion fur ac vilissimi quique homines, quod initiati sint, in Beatorum insulis erunt. Grauius taxauit sacrificulorum errores, qui quæstus gratia blandiebantur, hominum imperitorum superstitioni, persuadentes, initiationem conferre felicitatem post hanc vitam. Eras. lib. 3. apoph. ex Diogenis Laertij lib. 6.

Antisthenes.

Quum Orphicis mysteriis initiaretur, ac sacerdos diceret, illi bonis plurimis fruturum apud inferos, post hanc vitam: Cur, inquit, ergo tu non abrumpis vitam? Eras. Roter. lib. 7. apoph. ex Laer. li. 6. c. 1.

Plato.

Eum demum beatum in vita pronunciari dicit, cui in senectute contigit

igit, vt sapientiam verasque opinio-
nes assequi possit. Cicer. libr. de Fi-
nibus 5.

Aristoteles.

* Existimandum est, inquit, beati-
tudinem non in diuitiarum posses-
sione esse sitam, sed in bono statu a-
nimæ. Etenim neq; corpus ornatum
veste splendida beatū aliquis dixerit:
sed quod sanitate fruitor, & bene se
habet, licet nihil ex prædictis ei ad-
sit. Eodē modo si anima sit bene insti-
tuta, ipsam & hominē huiusmodi se-
licem appellare conueniet: nō illum
verò, cui ornatus foris magnificus
nitet, cum ipse nullius sit pretij.
Quoniā ne equū quidem, licet pha-
leris aureis, & reliquo apparatu pre-
cioso ornatur, magnificimus, si natu-
ramalus sit. At illū qui natura sit ge-
nerosus, impensius laudamus. Quem
admodum enim ille ridiculus fuerit
qui seruis suis deterior est: ita nō mi-
nus habendi sunt miseri, quorū diui-
tiæ maioris sunt pretij, quā inge-
nium proprium. Stob. ser. 3.

Anaxagoras.

Interroganti cuidā, quisnam esset
beatus? Nemo, inquit, ex iis quos tu
fœlices existimas: sed eū in eo nūme-
ro reperies, qui à te ex miseriis con-
stare creditur. Nō erit ille diuitis &
honoribus abundans, sed aut exigui
æris, aut non ambitiosa doctrinæ fi-
delis ac pertinax cultor, in secessu
quā fronte beator. Val. Max. l. 2. c.
Bruson. l. 2. c. 36.

Seneca.

* Beatæ vitæ causa & firmamentū
est, sibi fidere. Hoc autem cōtingere
non potest, nisi contemptus est labor,
& in eorum numero habitus, quæ ne-
que bona sunt, neque mala. Epist. 31.
ad Lucill.

Idem.

* Beatus is non est, quem vulgus
appellat, ad quē pecunia magna con-
fluxit, sed ille, cui bonum omne in a-
nimo est, erectus, excelsus, & mira-
bilia calcās: qui neminem videt cum
quo se commutatū velit: qui homi-
nem ea sola parte æstimat, qua ho-
mo est: qui natura magistra vitur,
ad illius leges componitur, sic viuit
vt illa præscripsit: cui bona sua nulla
vis excutit: qui mala in bonum ver-
tit, certus iudicij, inconcussus, intre-
pidus: quem aliqua vis mouet: nulla
perturbat: quē fortuna, cum in eum
quod habuit telum nocentissimum,
vi maxima intorfit, pungit, non vul-
nerat, & hoc rarò. Epist. 45. ad Lucil.

Idem.

* Quid est beata vita? Securitas &
perpetua tranquillitas: hanc dabit a-
nimi magnitudo, dabit constantia
bene iudicati tenax. Ad hoc quo-
modo peruenitur? Si veritas tota
perspecta est, si seruatus est in rebus
agendis ordo, modus, decor, & in-
noxia voluntas, aut benigna, intenta
rationi, nec vprquam ab illa recedēs,
amabilis simul mirabilisque. Epist.
92. ad Lucill.

Idem.

* Tunc beatum esse te iudica,
cum tibi ex te gaudium omne na-
scetur. Quum in his quæ homines
eripiunt, optant, custodiunt, nihil
inuenieris, non dico quod malis, sed
quod velis: breuem tibi formulam
dabo, qua te metiaris, qua perfectum
esse iam sentias. Bonum tunc habe-
bistuum, cum intelliges infelicissi-
mos esse felices. Epistol. 124. ad eun-
dem

Idem.

* Beata est vita, quæ conue-
nit naturæ suæ. hæc non aliter

contingere potest, quàm si primum sana mens est, & in perpetua possessione sanitatis suæ. Deinde si fortis ac vehemens, tum pulcherrima & patiens, apta temporibus, corporis sui pertinentiũque ad id, non anxie tamen rerum quæ vitam instruunt curiosa: diligens siue admiratione cuiusquam: vsura fortunæ muneribus, non feruitura. Lib. de vita beata, cap. 3.

Vide apoph. de Felicitate, & Prosperitate.

Ante mortem nemo beatus iudicandus.

Solon.

Solon à Cræso interrogatus, an quem vidisset ipso beatiorem? Te lum nominauit Atheniensem, priuatum hominem: sed qui relictis liberis ac nepotibus, bene institutis, feliciter obiisset diem. Interrogatus dein, cui post illum tribueret felicitatis elogium. Cleobin & Bitum argiuos fratres nominauit, qui cum summa pietatis laude defuncti fuerant. Indignatus rex. Nullo igitur loco me ponis? Ego, inquit Solon facile confiteor te regem opibus & imperio florentem beatum non appellatum, priusquam feliciter hanc vitam absolueris. Herodo. in 1. & Laer. 1. 1. c. 1. & Erasim. 1. 7. apoph. Val. Max. lib. 7. cap. 2.

Agésilas.

Cum quidam apud Agésilauum admiraretur regis Persarum felicitatem, quod admodum iuuenis esset: Ne Priamus quidem inquit, cum hu-
ius esset ætatis erat infelix indicans, neminem appellandum beatum, nisi

ad supremum vitæ diem peruenisset, quod nec Priamo, nec Cræso cõ-
tigit. Plut.

Epaminondas.

Percontatus, quisnam inter omnes duces omnium esset fortissimus: ipsene, an Chabrias, an Iphicrates? Respondit, hoc iudicare satis arduum est, dum viuimus. Indicare autem voluit, Solonis sententiam esse verissimam, qui neminẽ ante mortẽ beatũ iudicabat. Quandiu enim viuut homo, variis fortunæ casibus ita inuoluitur, vt nunc eleuetur, nunc deprimatur. Sola igitur mors ostenderet, qualis fuerit vnusquisque dum vixerit. Plut. in Græc. apoph.

Dionysius tyrannus.

* Nullus vnquam iudicet hominem mortalem esse beatum, antequam pie defunctum viderit. Mortuum laudare tutum est. Stobæus serm. 94.

Sophocles.

Nunquam oportet felicem existimare sortem fortunati viri, priusquam ei vita omnino transacta & finita fuerit. Etenim exiguo tempore, vbise fortuna mutat, & diis ita videtur, diuitiæ omnes euanescent. Stob. ibid.

De belli studio.

Themistocles.

IN Eretrieneses ita cauillari solebat, vt diceret eos similes piscium, qui gladioli vocantur: quippe qui gladium quidem haberent, cor autem non haberent. Notans illorum ignauiam, quod armatis non esset animus. Plutarch.

Epaminondas.

Quum ei quidam dixisset, Athenien-

nienſes habere nouum inſtructum exercitum: Quid inquit? num igitur gemit Antigenidas, ſi Tellia nouas habet tibias? Tellia autem erat tibicen peſſimus, Antigenidas autem optimus. Significabat, Athenienſes fruſtra eſſe nouis armis inſtructos, quum his neſcirent vti. Plutarch. in apoph.

Idem.

* Magno. & inſtructo exercitu cōſpecto, ſed ſine duce: Quanta bel-
lua! dixit, ſed abſque capite. Stob.

Xenophon.

* Victoria in bello nec multitudi-
ne, neque fortitudine paratur: ſed qui
diuino auxilio freti fortioribus ani-
mis hoſtes inuaſerint, vt plurimum
ab aduerſariis non ſuſtinentur. Stob.
ſerm. 49.

Brasidas.

* Exiſtimate tria eſſe bellum recte
gerendi capita, velle, dedecus time-
re, ac obedire ducibus. Thucyd. libr.
5. Stob. ſerm. 52.

Antigonus.

* Olim hoſtibus ingruentibus ce-
dens, dixit ſe non fugere, ſed vtilita-
tem retro ſitam perſequi. Stobæus
ſerm. 52.

Lamachus.

* Præfectum quendam manipuli
peccantem reprehendebat: & cum
ille diceret, poſthac ſe nunquam ſi-
militer peccaturum: Non licet, in-
quit, in bello bis delinquere. Plutar.
& Stob.

Antigonus.

* Interrogatus, quomodo hoſtes
aggrediendi eſſent, reſpondit, aut do-
lo, aut vi, aut aperte, aut per inſidias.
Stob.

Ephori.

Quū Lacedæmoniorum rex pol-
liceretur ſe funditus euerſurū quan-

dam ciuitatem, quæ ſæpenumero La-
cedæmoniis exhibuerat negotium:
non permiferunt Ephori, dicentes,
Nequaquam abolebis, neque ſubuer-
tes iuuenum cotem. Vrbem infeſtam
appellabant cotem iuuentutis, quòd
per eam iuuentus acueretur ad bel-
landi peritiam. Plut. in Lacon. Bruſo.
l. 3. cap. 15.

Eudamidas.

Cū quidā cominemorando lau-
dem ac trophæa quæ Lacedæmonij
ex rebus cum Perſis præclare geſtis
retuliſſet, hortaretur ad bellum cū
Macedonibus ſuſcipiendum: Ignora-
re mihi videris, inquit Eudamidas.
iſtuc idem eſſe ac ſi quis deuictis mil-
le ōibus, pugnaret cū quinquagin-
ta lupis: ſignificans Perſas, vt deliciis
effæminatos, & ob id imbelles, non
uiſſe difficile vincere; ſed aliud eſ-
ſe cum Macedonibus, bellaciſſima
gente, rem habere. Proinde qui ob
victorias à Perſis reportatas cenſeret
cum Macedonibus bellum item ſu-
ſcipiendum, nihilo probabilius dice-
ret, quàm ſi quis ei qui vicifſet mille
oues, diceret, Aude cum quinquagin-
ta lupis congregi, qui tot oues deuic-
eris. Plut. in Lacon. apoph.

Idem.

Cuidam percontanti, cur ciuibz
bellum aduerſus Macedones ſuſci-
pere volentibus, ipſe autor eſſet quie-
ſcendi? Quoniam, inquit, nolo illos
mendacij arguere. Teſtē ſignificās,
Spartanos glorioſè magis quā ſerio
bellum poſcere. Eos prodidiſſet Eu-
damidas, ſi ipſe quoque bellum ap-
probafſet. Tum enim fore putabat,
vt ciues bellum detrectarent. Nunc
effecit, vt per ipſum ſteſſiſſe videre-
tur, quo minus bellum ſuſceptum
eſſet, ac ciuibz fortitudinis gloriam
reliquit integram quaſi promptos

haberent ad bellandum animos. Plutarch. in Lacon.

Idem.

Percontanti cuidam, quamobrem omnium deorum statuæ apud Lacedæmonios ponerentur armatæ? Ne, inquit, probra quæ ob ignauiam iaciuntur in homines, ad deos referamus, ne uenues, nisi armati, deos comprecantur. Eo commeto ciuium animis hanc opinionem insingere studebat, diis gratam esse fortitudinem, inuisam ignauiam: simulque iuuentutem armis ferendis debere assuescere, quo simul & minus indulgerent delitiis, & vtiliores bello euaderent, sine religionis quidem causa fas esset arma ponere, cuius obtentu ferè solet otium & luxus in ciuitates irrepere. Plut. in Lacon.

Archidamus Zeuxidami F.

Cum in bello vidisset iaculum, catapultam mittendum eo tempore primum ex Sicilia aduectum, exclamasse dicitur, Hercules, periit viri virtus. Quo dicto innuere voluit, fortem virum vix ab ignaui in strage posse dignosci, si tormentis bellicis non maneres geritur. Plut. in Lacon. apoph. Stob. ser. 49.

Lacones.

Venerem quam vocant *μορφα*, armatam colunt. quin omnes etiam deos deasque hac figura fingunt ut lanceam teneant: hac imagine significantes, omnes esse bellica virtute præditos. Quoniam nihil ducebant turpius ignauiam, nihil bellica virtute pulchrius: tali specie proponebant deos suos, quales cupiebant esse ciues. At cæterorum Græcorum theologia faciebat deos otiosos & quietos, eosque fingeant gestu recumbentium. Porro quum archetypus, omnis honesti petendus sit à numine, periculosum

est Reipubl. tales facere deos, quales si quis imitetur. inutilis aut perniciosus sit Reipub. futurus. Plutar. in Lacon.

Darius.

* Ferro bella geruntur, non auro: viris, non urbium testis: omnia sequuntur armatos. Q. Curt. l. 5.

Teres.

Teres Sitalci pater dicere consuevit. Quoties esset in otio, nec militia exerceretur, se nihilo meliorem esse equis onibus. Plut. in apoph.

Demosthenes.

* Bellum honestum turpi pace præferendum est. Stob. ser. 49.

Thucydides.

* Quam temerarij & repentini sint belli casus, priusquam ingrediamini, considerate. Solet enim eius mora diuturnior in diuersam plerunque fortunam abire. lib. 1. histor. & Stob. serm. 49.

Idem.

* Bellum minimè certum aut præscriptum aliquid habet: sed ipsum per se multa machinatur pro re nata. qui id leniter & facile fert tutior est: iracundus autem nihilo minus peccat. Ibid.

Iul. Cesar.

* Expectare dum hostium copiarum augentur, summa dementia est. Comment. lib. 4.

Idem.

* Errant qui in bello omnes secundos rerum euentus expectant. Comment. lib. 7.

Alphonsus rex.

Aliquot ei ciuitates quum ab Eugenio pontifice oblatae essent dono, eo quod Picenum armis suis sedi Romanæ recuperatum esset, Alphonsus cum has repudiasset, respondit, se nequaquam quæritus aut prædæ,

prædæ, sed ecclesiæ gratia hanc expeditionem suscepisse. Innuit autem, non aliam ob causam quam pro aris & focis, hoc est, pro salute patriæ & religione cōseruanda, bellandum esse. Panorm. l. 3. de rebus gestis Alphonsi.

Vide Apoph. de Militia.

De belli perniciæ.

Antisthenes.

QUum quidam dixisset, pauperes interire in bello: Imò plures tum fiunt, respondit. Stobæus serm. 48.

Diogenes.

Philippo cum Græcis pugnaturo, Diogenes in eius castra peruenit. per ductus igitur ad Philippum, ac rogatus num speculator esset? Stultitiæ, inquit Diogenes, vanitatisque tuæ sum verus speculator, qui cogente nullo, de vita & de regno velut ad casum aleæ periclitaturus venis. Vtinam hodie audirent Diogenem ita loquentem, terrarum principes: qui sæpenumero nulla urgente necessitate propriis stimulatī affectibus, bella cruentissima & plusquam civilia suscipiunt, in magnam suorum perniciem. Brufon. libro 3. cap. 17.

Antigonus.

Sophista quidam librum de iustitia conscriptum porrigenti. Desipis, inquit, qui cum me videas alienas vires armis vexantem, tamen apud me de iustitia differis. Sēsit, eos qui ditionis ampliandæ, gloriæve causa bellum inferunt alienis ciuitatibus, non posse tueri iustitiæ leges. Eras. l. 4. apoph. ex Pluta.

C. Marius

Mille Camerinos, qui se in bello aduersus Cimbro, strenuos viros præstississent, honore Romanis æquauit, idque præter omne ius. Ad eos verò qui factum hoc reprehendebant, respondit, se ob armorum strepitum, legum vocem non potuisse exaudire. Nihil aliud nimirum innuit, quam leges semper silere inter arma. Plur. in Rom. apoph.

C. Cæsar.

Metello obfistenti, ne pecunias ab ærario tolleret, ac leges id fieri vetâtes proferenti: Non idem, inquit, armorum & legum tempus est. Quod si hæc pati non potes, nunc quidem hinc abscede: ac posteaquam peractis fœderibus arma deposuerimus, tunc si videbitur, & plebis patronum age. Plutarchus in Rom. apophthegm.

C. Tacitus.

*Vbi bellum ingruit, innocentes & noxi iuxta cadunt. li. i. hist.

S. Augustinus.

*Quicquid patur in bello? An quia moriantur quandoque morituri, vt dominantur in pace victuri: hoc reprehendis. Sed timidum est, non religiosum. Nocendi cupiditas, vlciscendi crudelitas, impacatus, atque implacabilis animus, feritas rebellandi, libido dominandi, &c. hæc sunt quæ in bellis iure culpantur. Aduers. Manichæos.

Idem.

*Militare non est delictum, sed propter prædam militare peccatum est: nec Rempublicam administrare criminofum est, sed ideo agere rempublicam vt diuitias augeas, videtur esse damnable. Propterea enim quadam prouidentia militantibus sunt stipendia constituta ne

dum sumptus quæritur, prædo grafsetur. De verbis Dom. tract. 19.

Vide apoph. de Militia.

De bellicis sumptibus.

Archidamus.

IN bello Peloponnesiaco sociis rogantibus, quanta pecunia futura esset satis? ac postulantibus, ut tributorum certum modum præscriberet: Bellum, inquit, non quærit definita: significans, eos qui bellum susceperunt, oportere per omnia seruire belli necessitatibus, quarum nullus est certus modus, quod variæ sint bellorum præter expectationem occasiones. Plut. in apoph.

Pausanias.

Post victoriam à Medis apud Plateas reportatam, præcepit suis, ut apponerent cenam Persicam, quam si bi barbari prius apparauerant. Ea cum esset opipara ac sumptuosa: Lurco, inquit, eras, ô Persa, qui quum tantas haberes delicias, ad nostram veneris mazam. id erat panis genus contemptum ac vulgare. Admonuit, stultissimum esse, locupletes pugnare cum his, quibus non multam est quod eripiat. Etenim si feliciter cadat Martis alea, exile lucrum est: sin secus, ingens est damnum. Erasim. l. 4. apophth.

Q. Flaminius.

In Philopœmenem Achæorum ducem qui multos haberet equites & pedites armatos, sed pecuniarum indignus, Q. Flaminius ita ludebat: Philopœmen, inquit, manus habet & crura, ventrem non habet. Ac tali quidem specie corporis erat Philopœmen. Quintius autem, equites ac pe-

dites armatos, manus & crura ducis appellabat: sed quoniam non habebat quo aleret militem, negabat illum habere ventrem. Plut. in Rom. apoph.

De beneficentia.

Chilon.

Dicere solebat, Dati beneficij de cere obliuisci, accepti autem meminisse. Quo vituperauit eorum hominum insaniam, qui beneficia in amicos collata non solum exprobrant priuatim, sed publice etiam coram omnibus. Laer. l. 1. ca. 5.

Democritus.

Homo (inquirebat) ad largiendum, quam promittendum, promptior esse debet. Donum enim, licet exiguum, prodest egenti, verba autem, ac magnifica promissa, nulli sunt utilia. Stobæus.

Idem.

Si bene, inquit, mereri de aliquo voles, citissime aliquid in illum beneficij conferas. Mora enim ingrati redditur, & parum amabile, quicquid dederis. Stob.

Pythagoras.

Interrogatus, qua ratione homines Diis similes haberi possent? Respondit, Si veritatem amplecterentur, & cunctis benefacerent. Aelius l. 12. de Varia hist.

Alexand. r.

*Vrbem dono dedit cuidam, qui seipsum mensus, tanti muneris inuidiam refugiens, dicebat illud non conuenire fortunæ suæ. Non quæro, inquit, quid te accipere deceat, sed quid me dare. Seneca, li. 2. de benef. cap. 16.

Socrat. 4.

Socrates.

*Archelao regi roganti vt ad se veniret, respondit, Nolle se ad eum venire, à quo acciperet beneficia, cum reddere illi paria nō posset. Timuit fortasse ne cogeretur accipere quæ noller. Negotium enim illi erat cum rege omnia sua magno aestimari volente. Senec. lib. 5. de benef. c. 6.

Aristoteles Cyrenæus.

Dicebat, non oportere beneficium oblatum à quoquam recipere. Aut enim vt rependere possit, molestias habiturum: aut si non referat, ingratitude reprehensionem incursum. *Felicianus lib. 10. de Varia hist.*

Theophrastus.

Interrogatus, quidnam vitam conseruaret humanam? respondit, Beneficentia, *Stob. serm. 41.*

Heracitus Physicus.

*Opportuna beneficentia, inquit, quasi cibis fami conueniens, animi indigentiam sanat. *Anton. & Maxim. serm. de beneficentia.*

Anacreon.

*Quum auri talentum à Polycrate tyranno accepisset, aliis id distribuit, inquit, Odi munus quod vigilare cogit. *Ibidem.*

Lacedæmonij.

Quum Smyrnæis egentibus comestum misissent, atque illi beneficium verbis attollerent, Lacedæmonij sermonem interruptentes, Nil magis est, inquit. Hæc enim collegimus, vnius diei prandio nobis & iumentis detracto. Gratius est beneficium, quod extenuatur ab eo qui confert. Nam qui quod largiuntur exaggerat (qui plerisq; mos est) bonæ gratiæ partem amittunt. *Plut. in Lac.*

Epaminondas.

Cuidam egeno mādauit, vt à quodam ex amicis ipsius talentum pete-

ret, petiit, & accepit. Amico percontanti cur id iussisset? Quoniam, inquit, ille cum vir sit probus, inopia premitur: tu verò diues es, multa de publico depeculatus. *Epaminondas ipse pauper, hac ratione subuenit egenti. Bonorum enim probum est, virum probum egere necessariis. Erasmus lib. 5. apoph.*

Agésilæus.

Iis qui clanculum aduersarentur, palam quidem non exhibebat negotium, sed efficiebat vt ipsum in militiam sequerentur, atque ex his nonnullos duces exercitus ac magistratus factos euehebat: quicum se in magistratu improbè & auarè gessissent, eoque in ius vocati periclitarentur: rursus Agésilæus illis patrocina- batur, & ab ipsis stabat, atque hac arte reddebat eos ex clanculariis hostibus amicos, & ad se reuocabat. Quibus rebus factum est, vt tandem neminem haberet aduersariū. Quid hac prudentia ciuilius, qua mederi maleuolis maluit, quàm vlcisci? *Plut. in Lacon.*

Anaxilæus.

Interrogatus, quid esset in regno beatissimum? respondit, nunquam vinci beneficiis. *Phauorinus.*

Artaxerxes.

Quum sibi malum punicum insignis magnitudinis à paupere datum esset: Per solem, inquit, ciuitatem ex parua magnam quam celerrimè facere posset, si eius fidei credatur. Lau- dauit autem hominis beneficentiam qui pro fortunæ conditione obtulit regi quod habebat, & gratum puta- bat. *Bruf. lib. 3. cap. 13.*

Philippus.

Quum Thebis obses esset, Philo- nis Theboni hospitio vsus est, mul- tisque insuper ab eo beneficiis af-

fectus. Is quum vicissima à Philippo nihil muneris vellet accipere, Ne me, inquit Philippus, beneficentia superatum hac laude spoliés, quòd hactenus à nemine beneficiis victus fuerim. O animum imperio dignum. Pulchrius existimauit, benefaciendo, quàm potentia vincere. Plutarchus in apoph.

Alexander.

Taxiles, vnus è numero regum Indiæ, occurrès Alexandro, sic illum affatus est, Prouoco te, inquit, non ad pugnam, neque ad bellum, sed ad aliud certaminis genus. Si inferior es, à nobis accipe beneficium: sin superior, nobis benefacito. Cui Alexander: Atqui, inquit, ob hoc ipsum inter nos certandum est, vter benefaciendo superet alterum. Et humanissime complexus illum, non solum non spoliavit ditione, sed auxit etiam. Plut. in apoph.

Diogenes.

* A quodam rogatus, quam ob causam homines medicis darèt, philosophis verò nihil largirètur: Quia, inquit, se claudos & cæcos fore sperare possunt, philosophos autem minime. Anton. & Max. ferm. de beneficentia.

Idem.

* Quum discum ossibus refertum Alexander ei dono misisset, Est quidem, inquit, cibus cynicus, sed donum minime regium, ibidem.

Idem.

* Dicebat in eodem ponendum vitio dare indignis, & dignis non dare, Eodem ferm.

Fabricius.

Quò bellaret còtra Pyrrhum regem, medicus Pyrrhi scripsit ad Fabricium, se regem veneno necaturum, id autè ne fieret, admonuit Pyrrhum

vt sibi caueret. Pyrrhus, ne frustra hoc beneficium accepisse videretur, Fabricij captiuos gratis remisit, Fabricius gratis recipere noluit, sed partem captiuorum numerum etiam dedit, ne mercedem proditi veneni acciperet diceretur. Plut. in Rom. apoph.

Crispus Passinus.

Dicere solebat, se quorundam hominum iudicium malle quàm beneficium: quorundam libentius admittere beneficium quàm iudicium: quò dicto Seneca asseruit, nihil se subtilius atque insignius, in distinguendis maximè & curandis vitiis cognouisse. Quis enim bonorum virorum iudicio & consilio stare malit, quàm malorum ca. lere beneficiis? E regione quis malorum hominum bono iudicio fidere malit, quàm bonorum beneficiis, ex quibus periculum tibi imminere possit? Seneca, de Beneficiis, lib. 1. capite 15.

Fl. Vespasianus.

Admonitus ab amicis, vt caueret à Metio Pomposiano, quod de hoc rumor increbuerat, fore vt aliquando regnaret: non solum sibi non metuait ab illo, sed & consulem fecit. Id admirantibus amicis. Erir, inquit, olim memor tanti beneficij. Eras. lib. 8. apoph.

T. Vespasianus.

Dicebat, non licere quenquam à vultu imperatoris tristem discedere. Brus. lib. 3. cap. 13.

Idem.

Inter cœnandum aliquo die recor datus, quod quicquam prætiteret: memorandam illam vocem edidit, Amici, diem perdidit. Laudanda sanè principis beneficentia tam pecuniaria, qui omne tempus se perdidisse putabat quo amicis benemeritis suis non prætiteret officium. Suet.

Alexan-

Alexander Senerius.

Descriptum habebat quid cui pre-
stitisset. qui nihil aut minimum pe-
tissent, eos appellabat, dicens: Quid
est cur nihil petis? an me tibi vis he-
ri debitorem? pete, ne priuatus de
me queraris. Agnoscebat, principem
debere rectè suo fungentibus offi-
cio: nec æquum iudicabat, vt probe
suo defunctus officio, priuatus ege-
ret. *Ælius Lampridius.*

Idem.

Rogatus quis esset rex optimus?
Qui, inquit, amicos, muneribus reti-
net, & inimicos beneficiis ambit &
sibi conciliat. Max. serm. 9. de Ma-
gistratu.

Alphonsus rex.

Audiens ab amicis, frustra in Al-
uarum, hominem parū gratum, tan-
infinita beneficia collata esse: dixisse
fertur, Ingenti beneficio non nisi in-
genti ingratitudine satisheri, & pro-
pterea plures quidem esse qui darēt:
sed qui dare scirent, esse per paucos.
At nō ob id pigrius dandum, aut be-
nefaciendum esse. *Panor. lib. 2. de re-
bus gestis Alphonsi.*

Idem.

Quum intellexisset quosdam esse
qui acceptis beneficiis planè iugrati
essent, inquit: ingratos nequaquam
effecturos, quo minus ipse & huma-
nus & beneficus perstaret. Innuit au-
tem, nequaquam prudentis esse, ita
moueri malorum ingratitudine, vt
in bonos nil beneficiorum porro con-
ferat. *Panorm. li. 1. de Alphons. rebus,
gestis.*

Idem.

Suppliciter à Ioannæ Neapolita-
norum reginæ, omni ope destitū-
tæ, oratoribus vt contra Martinum
V. pontificem (qui eam indignam,
quæ regnum ecclesiæ Romanæ feu-

datarium teneret, iudicaret, & Lu-
douicum Andegauensem Siciliæ re-
gem declarauerat) auxilium ferret,
rogatus, dissuadentibus consiliariis,
vt qui durum & perquam anceps fo-
re bellum dicitarent: respōdit, Her-
culem etiam non rogatum laboran-
tibus subuenire cōsueuisse. dignū igitur
esse, vt ipse quoq; scēminē afflictē,
& tantopere rogantī, opem ferret,
Panor. li. 1. de rebus gestis, Alphonsi.

*Vide apoph. de Liberalitate &
Magnificētia.*

De beneficio dignis col- latō, & à dignis ac- cipiendo.

Socrates.

Quodam tempore foro reuersus
inter amicos dixit: Emissem
pallium, si nummos habuissem. Ni-
hil postulauit, tantum verecundē ad-
monuit egestatis. Mox inter amicos
ambitus erat, à quo Socrates accipe-
ret. Et tamen post eam vocem quis-
quis properauit, vt ait Seneca (lib. 7.
de benef. cap. 24.) serō dedit.

Idem.

* Ei cū multa multi offerrent,
Æschines pauper auditor, Nihil, in-
quit, te dignū quod dare tibi possim
inuenio. & hoc modo pauperem me
esse sentio. Itaq; donō tibi quod vnū
habeo, Me ipsum. Hoc munus rogo,
qualecūq; est, boni cōsulas, cogitēsq;
alios cū multū tibi darēt, plus sibi
reliquisse. Cui Socrates, Quid ni tu,
inquit, mihi magnum munus dederis,
nisi fortē paruo te æstimas. Habebo
itaq; curā, vt te meliorē tibi reddam
quā accepī. *Sen. lib. 1. de benef. c. 8.*

Idem.

Dicebat eū qui diuiti largitur nihil ab

illo differre, qui aquam in mare profundit. Anton. & Maxim. ser. de beneficent.

Diogenes.

Quibusdam prædicantibus eius benignitatem, qui Diogeni quiddam donarat: Quin & me, inquit Diogenes, laudatis, qui accipere merui? Plus enim est meruisse beneficium, quàm dedisse, iuxta illud Publij Mimi. Beneficium dando accepit, qui digno dedit. Laert. lib. 6.

Archelaus.

Ab Archelao in conuiuio familiaris quidam, sed parum humanus, petiit sibi dari poculum. Archelaus autem ilico mandauit puero, vt hoc poculum daret Euripidi. Id factum admiranti postulatori: Tu quidem, inquit, dignus eras, qui peteres, nec acciperes: at hic dignus erat qui acciperet, vel non petens. Significans, alteri hoc tribuisse regiam familiaritatem, vt auderet quiduis petere: at Euripidis boni viri pudorem hoc mereri, vt vltro ei daretur aliquid. Plut. in apoph.

Antigonus.

Thrafillo Cynico drachmam petenti: Non est, inquit, munus regium. Cynico subiiciente, Talentum igitur da: At non est, inquit, idem Antigonus, Cynicum, si tale munus accipias. Quo dicto, vtroque cornu postulatoris improbitatem repulit: & docuit interim, dignis tantum beneficium esse præstandum. Plutar. in apoph.

Cato maior.

Præclaras actiones aiebat præclaris verbis occupandas, ne à gloria defluant. Argutius est quod vertit Philelphus, aliud, vt opinor, exemplar sequutus: Honestas actiones honestis actionibus occupandas, hoc

est benefacta benefactis addenda, ne si definamus benefacere obsolescat priorum benefactorum memoria. Plu. in apoph.

Gracinus Iulius.

*Is cum ab amicis conferentibus ad impensam ludorum pecunias acciperet, magnam pecuniam à Fabio Persico missam non accepit. Et obiurgantibus his, qui non æstimabant mittentem, sed missa, quod repudiasset: Ego inquit, ab eo beneficium accipiam à quo propinationem accepturus non sum? Cumq; illi Rebilus Consularis, homo eiusdem infamiae, maiorem summam misisset, instaretque vt acciperet: Rogo, inquit, ignoscas: & à Persico non accepi. Seneca, li. 2. de benef. cap. 21.

Crates.

*Non ab omnibus quæ dantur accipienda sunt. Non decet enim virtutem ab improbitate nutriri. Ant. & Maxim. serm. de beneficentia.

De beneficio indignis collato.

Democritus.

Quum animaduertisset, quædam quibuslibet promptè largientè, & temerè suppeditantè: Malè, inquit, pereas, qui gratias virgines meretricis effecisti. Maximus, serm. 8.

Alexander.

Regium esse affirmabat, à quibus malè audias, in eos & sæpe & multum conferre. Quo innuere voluit, liberalitatem aliquando etiam erga indignos exercendam esse. Pontan. cap. 30. de Liberalitate, ex Plutarcho.

Fridericus Caesar.

Sæpenumero dicere solebat, se ex iis quos extulisset, quàm paucissimos gratos vidisse: idque ex muneribus

ribus suis datum esse, vt ex fidelibus infideles fierent. *Æneas Syluius lib. 2. comment. de rebus gestis Alphonfi.*

Photius.

* Qui largiantur indignis ea quæ dignis conferri debebant, tria committunt absurda, nam & ipsi iacturam faciunt, & in bonos contumeliosi sunt, & malos roborant, materia veterum suppeditata. *Anton. ex Maxim. serm. de beneficentia.*

Alphonfus rex.

Oblatrantibus canibus & rebellatibus, offulam obiciendam, distitabat. *Intelligens, maleuolos homines beneficiis vincendos esse, Pontan. c. 30. de liberalitate.*

De beneuolentia.

Antigonus.

A Micis suadentibus vt si Athenas caperet, validis illam præfidiis communiret, ne quādo deficeret: respōdit, se semper in ea fuisse opinione, vt crederet nullū esse regni præsidium firmius, quā ciuium beneuolentiam. *Eraf. 4 apoph.*

Alexander.

Quum beneuolentiam ciuium si bi conciliare cuperet, largitionibus eos corrupit. Verū cū hoc audiret pater Philippus: Quæ te, inquit, ratio in istam spem induxit, fili, vt eos putes tibi fore fideles, quos tibi coemnis pecunia? *Plut. in apoph.*

Plutarchus.

* Mansuetudine potius & beneficentia quā timore elicienda est beneuolentia. *Epi. de amicitia apud Stob. serm. 46.*

Socrates.

* Vestis (inquit) corporis inconcinnitatē, beneuolentia verō peccatum obtegit. *Stob.*

Alphonfus rex.

Quum argueretur, quōd pro more nullis stipatus armis, solus obambulet, regiē maiestatis immemor? respōdit, non opus esse vt is sibi timeat, qui ciuium suorum beneuolentiam satis perspectam habeat. *Panor. li. 2. de Alphonfi rebus gestis.*

Vide apoph. de Clementia, Humanitate, & Regno beneuolentia stabiliendo.

De bonitate vel benignitate, & bono viro.

Pittacus.

P Erdifficile (inquit) est bonū esse. Dicente autem Phocatio, quærēdum esse studiosum ac frugi virum. Etiam, inquit, si valde quæreris, non inuenies. *Brufonius lib. 1. cap. 18.*

Solon.

* Probitatem morū habere debes, quæ plus fidei mereatur quā iusurandum. *Stob. serm. 35.*

Socrates.

Dicebat, ad gloriam compendiaria via peruenire posse, eos qui tales essent, quales videri vellent. *Brufonius lib. 1. cap. 18.*

Antisthenes.

Dicebat satius esse cum paucis bonis pugnare aduersus omnes malos, quā cū multis malis aduersus paucos bonos. Præstat enim de numero bonorum esse, quorū vbique raritas est, quā de grege malorum, quorū vbique plena sunt omnia. *Laer. li. 6. c. 1.*

Idem.

Dicere solebat, Bonum virum molestam esse sarcinam. Nam sicut insipientia bene fertur, & leuiter: sic prudentia grauiter incūbens, premit vehementer suo pte pondere, nec facile potest excuti. *Philo Iudæus libro, Quod omnis probus liber.*

Diogenes.

Bonos viros dicebat esse deorum simulachra. Deorum, quum sint optimi natura proprium est bene facere omnibus, nocere nemini. Hæc imago melius relucet in sapientibus ac bonis viris, quàm in statuis, cum dii sint incorporei. Laert. lib. 6.

Idem.

Cuidam percontanti in qua parte Græciæ vidisset bonos viros? Viros, ait, nusquam, sed Lacedæmone vidi pueros. Notans totius Græciæ corruptissimos mores, adeò ut apud Lacedæmonios gētem incorruptissimam tantum in pueris resideret prisca integritas. Simul illud innuit, in reliqua Græcia ne pueros quidem esse bonos, tum & illud, viros esse pueris deteriores, quàm ab his oporteat pueros ad probitatem institui. Diogenes Laërtius libro 6. Brusonius libro 1. capite 18.

Idem.

Peregrinum quendam conspicens, sese studiosè ad festum diem componentem: Quid facis, inquit? An non quilibet dies viro bono festus est? Sēsit vir prudentissimus, hunc mūdum esse phanum Deo dignum, in quo vir bonus constitutus, semper bene, honestè & piè, quasi in conspectu numinis, viuit. Laërtius lib. 6. Plut.

Aristippus.

Interrogatus, quid esset admirandum in vita? Vir probus (respondit) & moderatus: quoniā etsi inter multos improbos agat, nō tamen perueritur. Stob. serm. 35.

Themistocles.

Prædium vendens, præconem divulgare iussit, quòd vicinum quoque bonum haberet. Nō parum enim refert quàm bonum virum tibi vicinum habeas, Stob. ser. 35.

Phocion.

Centum talenta Alexander quum ei dono misisset, adherentes interrogavit. Quam ob rem ex tanto Atheniensium numero sibi soli ea mitteret? Illi responderunt: Quoniā solū ipsum rex existimaret bonū esse virum. Quin igitur dixit, me posthac quoque bonum esse permittat, & pecuniam remisit. Sensit autē non boni viri esse subire famæ periculum ob accepta munera. Stob. serm. 3.

Lycurgus.

Dicebat, dignitatem quidem istam, qua mouemur ad facilius mutandum aliquid, in opibus hominum sitam esse. Illam verò, quæ nos ad facilius fidem habendam inducit in moribus. Vir enim bonus vbique nouit quid deceat, quidque expediat, quid utile, quid sit honestum. Stob. sermone 35.

Aristoteles.

* Rogatus à quodam improbo, aliquid pecuniæ ei dedit, propter quod reprehensus à quodam, ut qui homini nequam dedisset: non homini, dixit, sed humanitati. Stob. ibid.

Anonymus.

Scurra quidam cum vidisset principum indigna & nefanda facinora, dixit: In vno anulo bonos principes omnes sculpi posse. Sentiens esse quidē magnum imperatorum numerum, sed in his per paucos esse bonos. Recitat Vopiscus in Aurelio.

Pædaretus.

Pædaretus Lacon, vir bonus, cum in numerum trecentorum non esset electus, abiit fronte serena, Diis agēs gratias hunc in modum: Gratias habeo vobis dii, quòd tot homines meliores me huic ciuitati dedistis. Brus. lib. 1. cap. 18. ex Plutarcho.

Posi-

Posidippus.

* Quorū mores, inquit, sunt bene compositi, eorum vita quoque simul moderata est. Anton. & Max. ser. de bonitate.

Demosthenes.

* Non tam verba, quā boni mores persuadere possunt. Ibidem.

Iamblichus.

Eum demum hominem bonum existimandum putabat, qui perfectissimam actionem iuxta mentem separabilem cōseruat, & participationem intelligibilis pulchritudinis suscipit, ac essentia: potentiaq̃ Dei particeps est. Stobæus sermone 35.

Apollo. ius Tyanæus.

Quum in iudicium ad Domitianum adduceretur, apud quē accusatus fuerat, nec esset facilis à viro crudeli elapsus, tātum vir bonus virtuti confidebat, vt cū ductori dixisset, Quō ducere? Ac dicente illo, Ad iudicium? Cōtra quem (subiecit) dicturus sum? Brus. lib. I. cap. 18.

De breuiloquentia.

Pyth. goras.

* **N**E multis, inquit, verbis pauca comprehendas, sed paucis multa. Stob. serm. 33.

Zeno Citizæus.

Ad quēdā dicēre, breues esse philosophorum sententias: Vera prædicas, inquit, oportet enim & syllabas illorū, si fieri possit esse breues. Veritas multis verbis non eget, & firmitus tenemus quæ paucis verbis comprehensa sunt. Laert. lib. cap. I.

Epictetus.

Philosophiæ summam Epictetus duobus verbis comprehendere solitus est *ἀνὴρ καὶ ἀνὴρ* id est, sustine & abstine, quorum prius admonet, vt

mala quæ incurrunt, equo animo tolleremus: posterius, vt à voluptatibus temperemus. Ita enim fiet, vt nec ad uersis deiciamur, nec prosperis corrumparamur. Refert Gellius lib. 17. ca. 19.

Idem.

In omni negotio, inquit, nihil adeò prospicere debes, quā vt tutum securūque sit quod agis. Est autem tutius tacere quā loqui. &c. In Enchiridio.

Plato.

Antisthenem, qui differendo fuerat prolixior, sic admonuit, ignoras quod orationis modus sit, non penes dicentem, sed penes audientē. Laert. lib. 3.

Isæus.

Pythonis proditoris accusationem Isæus sophista tribus dictis absoluit: Coarguam Pythonem, inquit, proditionis: oraculo à deo reddito, populo, qui vinxit, Philippo qui dimisit, neq; enim Deus pronūciasset oraculo nisi talis esset: nec populus vinxisset, nisi talis fuisset: neque rex abiisset, nisi eum cuius gratia venerat nō reperisset, aut rex ē castris illum non dimisisset. Philostrat. in sophistis.

Phocion.

In concione sedēs seorsim, accessit quidā qui diceret, Videris cogitatus, o Phocion: Rectē quidē coniectas, respōdit: Cogito enim, si quid queam detrahere his quæ disturus sum apud Athenienses. Alij solliciti sunt, vt quā plurima dicant, quo videātur eloquētes esse, atq; disertī. Illi diuersa erat cura, nimirū vt quæ ad rem faciebant, verbis quā paucissimis complecteretur. Plut. in apoph.

Demosthenes.

De Phocione, quoties in concione dicturus assurgeret ad amicos pro-

ximos dicere solebat Demosthenes, rationum ipsius securim surgere. Nā Phocion erat in dicendo brevis, sed acutus. Solebat autem ferè à Demosthene dissentire. Plut. in Demost.

Apollodorus.

Dicebat optimos homines in dicendo brevissimos esse: linguaces autem, si tantum molestiæ caperent, quanta reliquos afficiunt, haud sanè longos sermones habituros esse. Stobæus ser. 34.

Epaminondas.

In Spartanos, qui multas magnaque crimina Thebanis obiciebant: Hi ni mirū fecerunt. inquit, ut breuiloquentia uti destiteritis. Solebant Lacedæmonij de breuiloquentia gloriari, sed à Thebanis multis affecti calamitatibus, multa dicere coacti sunt, de illis conquerentes. Plut. in apoph.

Archidamus.

Cum irrupisset Archidamus in Arcadiā, audito quod hostibus Elei ferrent auxiliū. scripsit illis in hūc modum: Archidamus Eleis, Ques bona. Non potuit brevius & suadere, quod erat illis commodum: & minari malum, si quid perperam aggredierentur. Decet hæc breuiloquentia & ducem, & Laconem. Plut.

Cleomenes.

Pirata quidam cum prædā per Lacedæmoniorum regionem fecisset, captus, & interrogatus cur id fecisset? Quoniam, ait, decrat mihi unde viuerem, & aliis quoque darē, ad eos venire coactus sum, qui haberent: quæ nec sponte dabant, vi erepturus. Cui Cleomenes ait: Compēdiosa tibi inest malitia. Eoq. dicto detestabatur hominis improbitatem, & laudabat expeditam orationis brevitatē, Plut. in Lacon.

Leo Eurycratidis F.

Cuidam de rebus haudquaquā inutilibus intēpestivè loquenti. O hospes, inquit, re opportuna nō opportunè vteris. Nihil oratione melius, si parce promas linguæ thesaurum. Plutar. in Lacon.

Iycurgus.

Interroganti, quā obrem Lacedæmonij breuiloquiū vsurparent? Quoniam silentio est finitimum, inquit, Stob. ser. 33. Anto. in Melissa, parte 1. ser. 73. Max. serm. 20.

Lacedæmonij.

* Factis magis quam eloquentia polluerunt. Ideo breuiloquentia, λακωνισμός, id est, Lacedæmoniorum seu Spartanorum sermo, dicta est: quòd Lacones seu Lacedæmonij in apophthegmatis præcipuè valerent. Horum autem Lepos in eo præcipuè cōsistit, ut paucissimis verbis plurimū sententiæ complectantur. Cuiusmodi sunt illa ἀντα, i. Si, responsum prolixæ orationi legati: & ὡς, i. non, totam occupans epistolam & ἡ τὰς ἡ ὅτι παῖς, i. aut hunc, aut super hunc. Eras. in adag. Plut. in apoph. vbi innumera ex tant breuiloquentiæ Laconicæ exempla, ad suos locos hoc apoph. opera relata.

I. Caesar.

Quum in bello civili Pharnacem primo congressu viceret, Laconica breuitate ad suos scripsit: Veni, vidi, vici. Plut. in apoph.

Augustus Cæs.

In Silicia pro Theodoro Ariū præfectum instituit. sed cum Cæsari quidam libellū porrexisset, in quo scriptum erat, Caluus Theodorus Tarsensis fur est, quid tibi videtur? lecto eo, nihil aliud subseripsit quàm videtur. Plut. in apoph.

DE CÆCITATE.

TIMON NICÆVS.

N quandam omnia minantem, ita lufit: Quin & illud miraris, quod cum tres fimus, quatuor habemus oculos? Timon enim lufcus, erat, vnde & Cyclops dictus est: & discipulum habebat lufcum, Diofcoridem. Meminit huius & Socrates alibi apud Platonem. Laert. libr. 9. cap. 12.

Aſclepiades.

Cuidam interroganti, Quid incommodi cæcitas ipſi attuliſſet? Vt vno, inquit, puero ambulem comitator. Significans ſibi minime moleſtam cæcitatē corporis, cum animo cerneret. Eraſ. l. 8. apoph.

Ariſtoteles.

Percontanti, qui fieret, vt cum formoſis diutius ac lubentius confabularemur? reſpondit, eam percontationem eſſe cæci. Cæcus enim non ſentit formæ illecebram, nihilo magis quàm colorum gratiam. Laert. lib. 5. cap. 5.

Antipater Cyrenaicus.

Mulierculis quibuſdam cæcitatē ipſius deplorantibus: Quid agitis? inquit, an vobis nulla videtur voluptas nocturna? nocte omnes cæci ſumus, nec tamen lamentamur. Habet animus quo ſe delectet, etiam ocluſis ſenſibus, Reſponſum Antipatri conueniebat ſceminis, omnia voluptate metientibus. Eraſ. l. 8. apoph.

Inarius.

Iſ erat Chalcedonenſis epiſcopus, qui ſenio iam conſectus, & iam viſu plane careret, Conſtantinopoli habitans, impiè à Iuliano imperatore &

apoſtata deriſus eſt: qui ſubinde monēbat, vt Galilæum ſuum (ita enim vir impius Chriſtum Saluatorem nominare ſolitus erat) oraret, vt viſum ſibi reſtitueret. Cui epiſcopus reſpondit: Gratias ago Deo, qui viſum mihi ademitt, ne te hominem tam impium videre cogeret. Fulg. libr. 6. cap. 2. ex hiſt. Eccl.

Antonius Eremita.

Audiens Didymum grauiter ferre oculorum cæcitatē: Nil, inquit, te offendar, mi Didyme, quod carnalibus tibi oculis videris orbatus. Deſunt enim tibi oculi, quos mures & muſcæ & lacertæ habent. Sed letare, quia habes oculos quos angeli habent, quibus Deus videtur, pro quo tibi magnum ſcientiæ lumen accenditur.

De callidè dictis

Simonides

Simonides interrogatus, quam ob ſrem, cum eſſet iam homo ſenex, & morti proximus: tamen adeo eſſet attentus ad rem? Quoniam, inquit, malim moriens inimicis relinquere, quàm viuus carere amicis. Callidè autem taxauit hominum mores, qui dum ſperant bona ſe olim conſequuturos, obſeruiunt: non ſecuri, negligunt. Eraſ. Rot. l. 6.

Phryne.

Praxitelem à quo deamabatur, rogauit, vt ex operibus quod haberet pulcherrimum, ſibi donaret, Promiſit quidem amens: ſed illa intellexit artificem diſſimulare, quod eſſet domi ſuæ optimum. Clam igitur ſubornauit ſeruum, qui Praxiteli in foro ſua vendenti dieeret, domum ſuā maximo flagrare incendio, & pleraque

iam incendio consumpta esse. Praxiteles igitur statim interrogat, an Satyrus & Cupido superesset? Quod cum meretrix audiisset, ait, salva esse omnia, & Cupidinem sibi dari iussit.

Demosthenes.

Ancilla quædam depositi nomine pecuniam acceperat à duobus hospitibus, ea tamen conditione, ut eam vtrisque simul, redderet. Horum alter post tempus aliquod lugubri veste & squalidus, socij mortem simulās, decepta muliere pecuniā abstulit. Post menses aliquot venit demum alter, depositum efflagitans. Verum cū ferē iam desperaret delusa muliercula Demosthenes ei patronus adfuit, qui cū in aduocationem venisset, sic negotium absoluit: Parata est mulier, ut fidem depositi soluat; non tamen fieri id poterit, nisi socius quoq; adductus fuerit quoniam ab ipso modò audiuius, hanc legē dictā esse, Ne deposita pecunia alteri sine altero numeretur. Et hæc calliditate seruauit mulierculā, & elusit nebulonū de positum improbē efflagitantū conpirationem. Plut. in Demost.

Vide supra apoph. de Astute dictu.

De calumnia.

Hippias.

Grauiissimam rē calumniam esse dicebat, eo quod nulla pœna lege sancita sit calumniatoribus, ut furibus, quamuis amicitiam (quæ optima est possessio) furentur. Quamobrem cōtumelia licet malefica sit, iustior tamen est quā calumnia: quæ, quia latet, nocentior est. Stob. ser. 40. ex Plut.

Democritus.

*Gladius quidam secat, calumnia autē separat amicos. Anton. & Max. ser. de vituperatione.

Idem.

*Dicebat calumnias esse vitandas: multi enim (inquit) veritatem ignorantes, existimationis & opinionis rationem tantum habent. Anton. ser. de obloquutoribus.

Cleanthes.

Nihil ferē tam malignum esse dicebat, quā calumniam. Hæc enim ubi clam aliquem à se persuasum decipit, odium excitat aduersus eum qui nihil est commeritus. Stobæus serm. 40.

Socrates.

Calumniatorem nequaquam admittendum esse suadebat. non enim ex beneuolentia tecum, sed maleuolentia loquitur. Et quemadmodum aliorum arcana tibi detexit, similiter etiam quæ tu dixeris exponet aliis. Antonius in Melissa. par. I. ser. 53. Max. ser. 10.

Diogenes.

*Audiens aliquando hominem moribus peruersis, calumniis incessere Platonem. Ohe desine, inquit; neque enim tu malè de illo dicendo fidem merebere, neque in te laudando. Sto.

Aristoteles.

Quum iudiciorum metu Athenis profugisset, interroganti cuidā, qualis esset ciuitas Atheniensium? respondit, Pulcherrima: sed in ea pyrus super pyrum, & ficus super ficum conuenescit. Quo dictorio notauit Atheniensium lycophātas & calumniatores, perniciosissimos bonis viris. Ælian. l. 3. de Var. hist.

Idem.

In his vocatus, quod Hermiā mulierem, quam amabat, hymno quasi deam

deam celebrasset, calumniæ mole-
stiam Homérico versu testatus est,
in ipso statim defensionis initio:

ὅχι ἐπ' ὅχι γινώσκεις, σὺ καὶ δ' ὅτι σὺ-
Laer. l. 5. c. 1.

Thearidas.

Quum gladium cote acueret, ro-
gatus à quopiam, num esset acutus?
magis acutus, inquit, quàm est calum-
nia: grauitèr innuens, rem omnium
rerum nocentissimam esse calum-
niam. Plut. in Lacon.

Rhegnus.

*Dicebat multos plus mali per ca-
lumnias quàm per hostes accepisse:
multisque maiora illata esse damna
propter auium infirmitatem quàm
per inimicorum insidias. Stobæus
serm. 40.

Demosthenes.

Calumniam aliquantisper quidem
audientium opinionem confirmare,
progressu verò temporis nihil ipsa
imbecillius esse dicebat. Sto. ser. 40.

Idem.

*Quidam eū calumnianti, respon-
dit, non descēdo in certamen, in quo
victus victore superior est. Anton. &
Maxim. ser. de calumnia.

Simonides.

*Dicēti cuidam, Multi te apud me
deferunt, respondit, Ecquādo tu tan-
dem desines me auribus calumnia-
ri? Stob. ser. de malitia.

P-lpidas.

*Quum fortis quidā miles per ca-
lumniam apud ipsum deferretur, vt
qui ei cōiciatus esset: equidem dixit,
facta eius respicio, verba autem non
audiui. Stob. ser. 40.

Medius.

Is ex Alexandri parasitis vnus so-
lebat alios adhortari, ne metuerent
quoduis crimen in quemuis intende-
re. Adiecit scelerato præcepto cau-

sam appositā: Vt maximè, inquit, fa-
net vulnus qui delatus est, manet ta-
men cicatrix. Nō arbitror (inquit E-
rasim.) quemquam esse diabolum tam
impium, qui rē magis nefariam pos-
sit suggerere. Et quo fœdius est cri-
men, hoc tenacius hæret apud mul-
tos criminis suspicio, vel innocentis-
simum. Audini ducē quēdam his ver-
bis adhortantem suos milites nauti-
cos, ad quiduis prædandi temeritatē:
Rapite quicquid potestis, siue mer-
ces sint amicorum, siue hostium: nam
vt qui spoliati sunt, sic agāt apud prin-
cipem, vt compellamur restituere.
semper tamen aliqua prædæ portio
remanet apud nos. Erasim. l. 8. apoph.

S. Basilus.

*Tribus (inquit) damnosus est ca-
lumniator: illi quē traducit, audienti
bus eum, & ipse sibi. Anton. & Max.
de vitup.

Photius.

Dicere solebat, eos qui facilè alie-
nas calumnias admittērent, ne ipsos
quidē similibus factis abstinere. Ipsi
enim calumniantium admissio, inno-
centem quoque qui admittit in socie-
tatem trahere solet. Anton. in Melis-
sa, par. 1. ser. 53.

Vide apoph. de Contumelia, conuiciis,
detractione, maledicentia & vituperatio-
ne.

Decanicie.

Anonymus.

L Acon quidam senex, percōtatus,
cur barbam gestaret tam proli-
xam: Vt, inquit, virum me esse sciam,
canos intueus capillos: nihilque com-
mittam illis indignum. Plut. in Lacō.

Augustus Cæsar.

Julia seius filia maturè canos

habere cœperat. Subitus autem Cæsaris interuentus oppressit complices, filiar canos sublegentes, deprehensis super vestes earum pilis, quos euulserant. Id dissimulauit Augustus, & aliis sermonibus extracto tempore, tandē induxit ætatis mentionē. Hac occasione rogauit filiam virum post aliquos annos cana esse mallet, an calua? Quūque illa respondisset, Ego, pater, cana esse malle. Cur ergo, inquit, ista te caluam ante tempus student facere? Erasmi. lib. 4. apoph. ex Macrobi. lib. 12. cap. 5. Saturn.

De castigatione, correctione, & reprehensione.

Diogenes.

Dicere solebat, non tantum fidis amicis, sed acribus etiam inimicis opus esse: eo quod illi nos admonerent, hi verò nostros errores, vitæque nostræ flagitia reprehendant atque castigent. Laert. l. 6.

Zeno Citrius.

Celebratissimam Hesiodi sententiam inuertere solebat. Ille quippe cum primas tribuat ei qui per se sapiat, secundas qui recte admoneri obtemperet: Zeno è contrario pronuntiabat: Optimus ille quidem, qui pareret recta monenti. Laert. l. 7. c. 1.

Idem.

Quendam dicentem sibi in multis displicere Antisthenē, abusus Sophoclis dicto Zeno Citrius, rogauit, nū aliqua haberet Antisthenes quæ placerent: ille respondit, se nescire. Hic Zeno: Et non te pudet, inquit, si quid ab Antisthene perperam dictum est, excerpere ac meminisse: si quid recte

dictum, id ne animaduertere quidē, nec tenere? Idem morbus nūc habet plurimos, qui in libris aliorum tantum ea venantur quæ carpant, bene dictorum nulla neque gratia neque memoria. Laert. l. 7. c. 1.

Hieron.

Xenophani Colophonio de paupertate sua quæretī, quod ægrè duos aleret famulos: At Homerus, inquit, quem tu carpis, etiam mortuus alit plusquam decem hominum millia. Et tu qui vis illo videri doctior, vna non alis duos? Erant illis quoque remporibus, qui carpendis illustrium virorum operibus gloriam aucuparentur. Plut. in Regum apoph.

Lacedæmonij.

Apud Lacedæmonios si puer à preceptore vel alio castigatus ob commissum delictum, querelam ad patrem detulisset: turpe erat patri si hoc audito, non iterum filium emendasset. Siquidem ex institutione maiorum habebant hanc de se mutuò fiduciam, vt crederent, neminē esse, qui cuiusquam liberis, quos quisquam pro suis habebat, quicquam imperaret inhonestum. Plut. in apoph. Lacon.

Demonax.

Frequenter dicere solitus est, non temerè irascendum esse hominibus, si delinquerent: sed corrigenda esse vitia medicorum exemplo, qui non indignantur ægrotis, sed medentur morbo. Erasmi. l. 8. apoph.

Anonymus.

Quum multi bello capti venderentur, Philippus Macedo in auctione sedebat, veste sublata parum decorē. Quidā igitur eorū qui vendebantur, exclamauit: Parce mihi Philippe: à patre. n. tibi sum amicus. Philippo verò interrogante. Quo pacto, & unde, ô homo, cōflata hæc est amicitia?

Tum

Tumille: Volo, inquit, propius accedens dicere. Admissus, quasi arcani quippiam dicturus: Demitte, inquit, chlamydem aliquantulum: nam ad istum modum indecenter sedes. Mox Philippus, Hunc, inquit, finite abire liberum: nesciebam enim, illum mihi verè beneuolum & amicū esse. Non offensus est rex tantus, nec simulatione, nec admonitione ignoti hominis: sed simul & simulatione mutua simulationem texit, & tantillum officium magno libertatis præmio pensauit. Plut.

Pauson.

Receperat à quodam equum pingedum specie volutantis sese, & pinxit currentem. Indignante eo qui conduxerat, Pauson ridens: Inuerte, inquit, tabulam: eo facto, iam non currere, sed volutari videbatur. Ita quædam errata, quæ videntur maxima minimo negotio corriguntur, si quis commodè interpretetur. Refert Plutarchus in libello, Cur Pythia vates discesset carmine reddere oracula.

De castigatione modesta.

Zeno Citiens.

Regem Antigonom, cui familiarissimus erat, nimix ebriati deditum videns, hoc amici vitium amica admonitione castigare conatus est. Antigonus igitur vino iam repletus, cum Zeponem oscularetur is orauit vt dictis suis iā obediret. Cui cum Antigonus respondisset, libenter se hoc facturum, iuramento sententiam confirmans: Abi, inquit, Zeno, & vinum immodicè sumptum euome. Graui & sapienti reprehensione simul temulentiæ eius taxans, simulque cauēs, ne nimia potatio ei

nocumentum adferret. *Ælian. lib. 9. de Var. hist.*

Socrates.

In conuiuio videns adolescentem audius vescentem obsonio, ac subinde panem in ius immergentem, ô cōuiuæ, inquit, quis vestrum pane vtitur pro obsonio, obsonio pro pane? Hinc orta inter conuiuias disputatio: sensu iuuenis, & erubuit, cœpitque moderatius obsonio vesci. *Eras. lib. 3. apoph.*

Geminus.

Antonius triumuir cum in Asia degeret, atque vnà esset Cleopatra *Ægypti* regina, cuius nutu Antonius, eius amoribus nimium victus, regebatur, per id tempus graues inter ipsum atque Octauium controuersix exarserant. Amici igitur ab vrbe Roma ad Antonium in Asiam Geminium miserunt, vt omnia tentarentur, per quæ cum Octauio redintegrari communis amicitia posset, atque in mutuam cōcordiam rediretur. Cum autem Geminium Antonius conuiuio excepisset, presente Cleopatra monuit vt mandata quæ habebat exponeret. Ad quem Geminus: Quæ tibi dicere missus sum Antoni, cum sobrio & alio loco quàm vbi nunc sumus, tractanda sunt. Sed vtcunque, rem tuam vel ebrius dicere mihi posse videor: scilicet, res tuas bene successuras, si Cleopatram in *Ægyptum* dimiseris. Et sic quàm paucissimis verbis Antonij ebrietatem, & eius in Cleopatram immodicum amorem sapienter carpsit. *Plut. in vita Anton.*

De castigatione libera.

Diogenes.

In Stoicorum Gymnasio retrorsum incedens ridentibus nonnullis, Nō

vos inquit, pudet viuendi iter facere retrogradum, mihi verò de ambulando tantum id facienti vitio dare? Stobæus ser. 2.

Demades.

Quum vidisset Philippum regem largius potum cum amicis saltasse per mediam captiuorum turbam, eisque petulanter exprobrare suam calamitatem, libere dixit. Quum, ô rex, fortuna tibi Agamemnonis personam imposuerit, non pudet te factis agere Therfiten? Ea vox totum regem in diuersum vitæ genus immutauit. Eras. lib. 6. apoph.

Philippus.

Dissidium habenscum Olympiade vxore, cumque Alexandro filio, Demaratum Corinthium ad se venientem percontatus est, quomodo inter Græcos inuicem conueniret? Hic Demaratus, scilicet, inquit, magnopere tibi curæ est Græcorum concordia, cum qui tibi sunt coniunctissimi huiusmodi in te sint animo. Quid hic expectas, nisi ut rex offensus Demarati libertate, iubeat illum ab oculis suis abduci? Imò quoniam Demarati sermo ab ira ad saniora consilia vocabat, rex sese ad eius obiurgationem composuit, positæque ira rediit cum suis in gratiam. Plut. in apoph.

Subrius Flavius.

Quum de coniuratis agerentur quæstiones, Subrius Flavius tribunus interrogatus à Nerone, quibus causis adductus ad obliuionem sacramentis processisset? Oderam te, inquit, nec quisquam tibi fidelior militum fuit dum amari meruisti: odisse cœpi, postquam parricida matris & vxoris, auriga & histrio & incendiarius exitisti. Negant in ea cõiuratione quicquam accidisse Nero-

ni grauius, qui ut ad patranda facinorosa promptus erat, ita audiendi quæ patraret insolens. Suetonius in vita Neronis.

Huc referri possunt apoph. de Correctione, & Libertate.

De castigatione dura.

Socrates.

Quendam acrius castigantem seruantem, quamobrem ita sæuiret roganti; quoniam, inquit, quum sit obsoniorum voracissimus, tamen ignauissimus est: quumque sit audissimus, tamè desidiosissimus est. Tum Socrates, Nunquàmne, inquit, considerasti, vter vestrum pluribus egeat verberibus, tunc an famulus? Vtinam sibi quisque dicat quod illi Socrates, quoties hoc in aliis reprehendit, puniatque idem quod sibi ignoscit: aut si non idem, crebrò deterius. Eras. lib. 3. apoph.

Lacedæmonij.

Apud Lacedæmonios si quis in peccato deprehensus fuisset, cogebatur aram quandam, quæ erat in urbe, circumire, ac vituperationem interrim in ipsum compositam canere: quod nihil aliud erat, quàm seipsum sua voce obiurgare. Ingenui pudore & laudis amore melius ducuntur ad honestum: virgis aut flagris cædi seruile est. Plut. in Lacon.

Isidorus Cynicus.

Neronem imper. transeuntem in publico clara voce corripuit, quòd Nauplij mala bene cantaret, sua bona male disponderet. Nauplius erat Palamedis pater, qui filij præter meritum damnati necem magno Græcorum exitio est vltus. Solebat autem Nero tragœdias cantare. Suet. De

De castigatione iniquo animo accepta.

Diogenes.

Improbum quendam cum castigaf-
set, interrogatus à quodam, quid
faceret? Æthiopem, inquit, abster-
go, vt difficulter candidum reddam.
Anton. in Meliss. par. 2. ser. 32.

Theodorum Aithen.

Dicere solitus est, se doctrinam
auditoribus dextra porrigere, sed il-
los sinistra accipere. Sentiens, illos
bene dicta in malam accommodare
partem. Erasim. 6. apophtheg. ex Plu-
tarcho.

Cambyses.

Praxaspes Cambysem regem ad-
monuit, vt parcius vino indulgeret.
Turpem enim esse in rege ebrieta-
tem, in quem vnum omnium essent
coniecti oculi. cui rex: Vt scias, in-
quit, quam mihi nunquam excidam,
approbabo, etiam post vinum, & o-
culos & manus in officio esse. Bibit
deinde solito largius: iamque vino-
lētus iubet obiurgatoris filium pro-
duci, alleuatāque supra caput sini-
stra manu stare: tunc in cor adole-
scantis figit sagittam, nam, id dixe-
rat se petiturum: recisoq; pectore, ia-
culum cordi infixum ostendit patri,
rogās num satis certam haberet ma-
num? At ille negauit Apollinem po-
tuisse certius mittere. Herodot.

De castitate.

Isocrates.

Conspiciens Sophoclem tragœ-
diarum scriptorem sequi pue-

rum quendam, forma illius captum:
Oportet, inquit, ô Sophocles homi-
nem non manus tantum apud se cō-
tinere, verū & oculos, Eras. 8. apoph.
ex Cicerone.

Alexander.

Quum Philoxenus classis præfe-
ctus Alexandro scripsisset, Tarenti-
num quendam Theodorum esse a-
pud se, pueros habentem insigni for-
ma venales, si vellet emere: indignē
tulit. apud equales subinde clamitās,
Quid in me Philoxenus tam obscē-
num animaduertit, vt mihi tantum
proberi conciliaret? Plutarchus in A-
lexandro.

Cyrus.

Cyrus abstinerebat à conspectu Pan-
theæ: & Araspō dicenti, mulierem
esse insigni forma, dignam regis ocu-
lis, Obisthuc ipsum, inquit, magis
est illa abstinendum. Etenim si nunc
tuo obremperans cōsilio illam adie-
ro, quum vacat, fortassis illa mi-
hi persuasura est vt ad ipsam fre-
quenter eam, etiam quum non va-
cabit, ei que assideam, neglectis se-
riis negotiis. Scitē retorfit argumen-
tum, regis functionis memor. Eras.
li. 5. apoph.

Alexander.

Cum puella, excubia iam nocte,
venisset cum eo dormitura, roga-
uit rex, cur tam serò venisset? Illa
respondente, se expectasse, donec
maritus cubitum isset, Alexander
ministros accitos acriter obiurgauit,
quod aditum dedissent. Reducere,
inquiens, hanc, ne adulterij ansam
mihi præbeatis. Egregium sanè ca-
stitatis exēplum, tū in iuvene, tum in
rege. Plut. in apoph.

Antigonus.

Quū filius eius adolescēs instris-
set, vt hospitium naocisceretur apud

viduam treis habentem forma decēte filias, hospitiiis designandis præfetto: Nō expelles, inquit, filiū meum ex loci angustia? Non prodidit adolescentis affectum, quem sciebat capere quod amaret: sed excusauit ædium angustiam, in quibus vidua cū tribus filiabus ageret. Plut. in apoph.

Antiochus tertius.

Quum Dianæ sacerdotem vidisset supra modum eleganti forma, continuo soluit Epheso: veritus, ne vis amoris aliquid ipsum facere compelleret, quod fas non esset Immane quantum absunt ab huius ethnici principis religione Christiani milites, qui Deo dicatas virgines constuprare pro ludo ducunt. Plutarch. in apoph.

Liuiā.

Liuiā Augusti Caesaris vxor, cū nudos homines, qui sibi facti erant obuiam, qui eam ob turpitudinem damnabantur, vidisset, dixit, eos, matronis quidem honestis & continentibus, nihil à statuis differre. Cor enim hominis pudicum, rerum impudicarum aspectu nequaquam malis cogitationibus tangitur. Dion in Tiberio.

Scipio.

Scipio posteaquam Carthaginem nouam, quæ erat Hispanorum, armis coeperat, milites quidam virginem eleganti forma captam adduxerunt, eique tradiderunt. Hic ille, libenter acciperem, inquit, si priuatus essem, non imperator. Iuuenis insigni puellæ forma corrumpi non potuit, quo minus meminisset, quid decet imperatorem. At multi sunt hodie qui ob hoc ipsum sibi credunt tum licere, tum decora esse omnia, quod sunt imperatores. Plutarchus in Rom. apophtheg.

Anonymus.

* Castitas amittitur, & rebus quatuor (dicebat quidam vir pius olim) scortatio excitatur: cibi & portionis expletione, somni satietate, otio & lusu inanisque garrulitate, & vestitus exornatione. Anton. & Max. serm. de Castitate & temperantia.

Huc spectant apoph. de Continentia, Pudicitia & Vifu.

De celeritate atque velocitate in agendo.

Socrates.

Quia fructus præcoces magno emerent, eos aiebat desperare, quod ad tempus maturitatis essent peruenturæ. Alioqui stultum est, & pluris & deterius emere, quum paulo post liceat & minoris, & meliores. Ita nusquam non redocabat hominum cupiditates rationis expertes, ad sobrium iudicium. Erasmi. libr. 3. apoph.

Apelles.

Pictori imperito de celeritate gloriant, & ostensa tabula dicenti, Hanc modò pinxit etiam si tacuisses, inquit Apelles, res ipsa loquitur, quod eam ex tēpore subito pinxeris. Erasmi. l. 6. apoph.

Agatharchus.

Is sese iactabat de pingendi celeritate, quum Zeuxis diutius immoraretur operi. At Zeuxis respondit, ea quæ citò fiunt, citò perire: contra, quæ paulatim exacta cura absoluerentur, ætatem ferre. Iuxta Valerium ita respondit: Diu pingo, quia pingo æternitati. Citò nata, citò pereunt: diu elaborata, ferunt ætatem. Beta ci
tò

tò nascitur, buxus paulatim. Erasim.
lib.6.apoph.

Augustus.

Augustus Cæsar dicere solebat,
nihil minus in perfectum ducem cõ-
uenire,quàm festinationem ac teme-
ritatem, crebròque illud iactabat,
οὐδὲ βροδὼς, ἀσφαλὴς γὰρ ὄναι ἀμείνον
ἢ θρασὺς στρατηλάτης. Suetonius. Vide
præterea prouerbium apud Erasim.
Festina lentè.

Iulius Cæsar.

Ea facinora quæ periculo obno-
xia sunt,& magna, gerenda esse di-
cebat:at de his nõ consultandum, eo
quod ad hæc perficienda plurimùm
habeat momenti celeritas.Plutarch.
in apoph.

Idem.

Quum Pharnacem primo congres-
su vicisset,amicis scripsit, Veni,vidi,
vici,summam rei bene gestæ celeri-
tatem indicans.Plut.in apoph.

De charitate.

Firminus.

* IN cæteris rebus laudatur modus,
in charitate verò qui maiorẽ par-
tem habet,gratior est Deo. Anton.
serm.de charit.

Basilii Magni.

* Deus non omnium Deus est, sed
illorum quos ei charitas conciliaue-
rit.ibid.

Chrysostomus.

* Opifex omnium virtutũ est cha-
ritas,cuius natura satietatẽ nescit,sed
dũ semper fruitur dilectis,magis ma-
gisque inflammatur.Ibid.

Plotius.

*Diligere eos qui nos oderũt vir-
tutis opus est & diuinum: diligentes
diligere humanũ & vulgare: cæterũ
odisse etiã diligentes, nebellis qui

dem conuenit.Ibid.

Gr.Nyssen.

* Omnis malorum turba charitatis
affectione exterminatur.Ibidem.

Clemens Alexander.

* Multis modis charitas intelli-
gitur,clementia, suauitate, pacien-
tia, inuidentiæ & æmulationis va-
cuitate,& iniuriarum obliuione. Ibi-
dem.

De ciuilitate.

Pericles.

A Riphroni volenti publico præ-
conio quæri Alcibiadem, qui
adolescens clàm domo egressus ad
amicum Democratem se contule-
rat,obstitit,dicens: Si fortè nobis in-
scis periit, præconio nil aliud age-
tur, quàm vt vno tantum die citius
manifestum fiat,illum interiisse: Sin
saluus,ne per omnem quidem vitam
saluus esse poterit. Ciuiliter exclu-
sit Pericles adolescentis infamiam,
quam nunquam potuisset eluere. Plu-
tarch.in Græc.apoph.

Aeschines.

Cum Rhodi recitasset orationem
suam contra Demosthenem, Rhodij
demirati sunt, quod tali oratione
defendi non potuisset. At desineretis
admirari inquit, Aeschines, si audis-
setis quæ ad hæc respondit Demo-
sthenes. Mira ciuilitate se exemit à
crimine,& iudices excusauit,damna-
tionis iniustæ causam reiiciens in o-
rationem Demosthenicã. Eras. Rot.
lib.8.apoph.

Aristoteles.

Cum iam natus annos 62.adeò la-
boraret, vt nulla planè spes vitæ su-
peresset,conuenerunt ad eũ discipu-
li, rogantes vt ex ipsis successorem

eligeret. Erant autem duo inter auditores præcipui, Theophrastus Lesbicus, & Menedemus Rhodius. Iussit igitur Aristot. vinum exoticum sibi, Rhodium scilicet & Lesbium adferri, ut extremum biberet Vale, & gustato vino primum Rhodio, dixit, Firmum herclè vinum, & iucundum. Mox gustato Lesbio, Vtrunque, inquit, egregiè bonum, sed Lesbium suavius est. Id ubi dixit, nulli dubium fuit, quin ciuilitè Theophrastum Lesbium successorem sibi fecerit. Laert. lib. 5. cap. 1.

Alexander.

In hyeme quò duceret exercitum, assidens igni, recognoscere prætereuntes copias cœpit. Cùmque videret militem quendam horrentem frigore, & ad ignem stantem, considerare loco suo iussit, dicens: Si in Perfide natus esses, in regia sella sedere tibi capitale foret, in Macedonia nato conceditur. Q. Curtius.

Archelaus.

Euripides quum in conuiuio Agathonem deoscularetur, Archelaus amicis dixit, Ne miremini: nam pulchrorum etiam autumnus pulcher est. Ciuilitè excusauit amicū apud amicos. Eras. Rot. lib. 5. apoph.

Eudamidas.

Die quodam cum Xenocrates argumentum quod tractabat, differendo absoluisset, iamque finem didicisset, superuenit Eudamidas, cui cum comitum quispiam dixisset, Posteaquam nos adsumus, tum ille desit dicere: Rectè, inquit, siquidè ea dixit quæ voluit. rursus altero dicente, Bonum erat audire, putans fore ut sua causa iuberet Xenocratem eadem de integro differere: Quid, inquit Eudamidas, si venissemus ad te iam cœnatum, num po-

stularemus ut cœnares iterum? Ciuitas erat, quòd philosophum ad iterandam disputationem percellere noluit, quòd ea res non caruisset radio dicentis. Laconicè virtutis erat, quòd magis admirabatur præclara facinora designantes, quàm de virtute differentes. Plut. in Lacon.

Alexander Maced.

Cùm è Macedonum numero ad mare remitteret valetudinarios, mutilos & debiles, productus est quidam qui se ægrotare finxerat. Is cùm ad regem duceretur, ut ostenderet, cuius rei gratia morbum simulasset: falsus est, hoc factum esse ob amorem Telestippæ, quæ ad mare fuerat profecta. Verùm cùm sciret eam virginem esse liberam, ait: Persuadeamus Telestippæ, ut ad nos veniat sua sponte, nam manus liberæ virginis ad mouere nequaquam decet. Et sic ciuilitè indulgit amori strenui militis, quem in exercitu retinere cupiebat: & ingenuam tamen virginem non vi adegit ut adesset sponso futuro. Plut. in apoph.

Cato.

Multis Publij Scipionis ingratitude in cusanibus, quòd Catoni de se optimè merito opposuisset competitorem: Cato sic excusauit: dicēs minime mirandū, si quod quis maximum bonum duceret, id alteri nollet concedere. Plut. in Cato.

Augustus Cæs.

Cùm nulli ferè ad conuiuium inuitati suum denegaret officium, exceptus à quodam cœna perparca, ac penè quotidiana, cùm à coniurato dimitteretur, hoc illi tantum insurrexit: Non putabam me tibi tam familiarem esse. Alius tam ciuicum apparatus contumeliam fuisset interpretatus, ille ciuilitè etiam pudori

dori consuluit; inuitatoris familiaritati tribuens, idque in aurem, ne cæteri putarent exprobratam parafimiam. Plut. in apoph.

De claudicatione.

Demonax.

IN Ruffinum quendam claudum, multo tempore familiarem Peripateticis, dixit, nihil esse turpius Peripatetico claudo. Allusit huc, quod Peripatetici dicuntur ab inambulatione, quæ nõ conuenit claudo. Eras. Roter. lib. 8. apoph.

Androclidas.

Is claudicans, cùm se in ordinem bellantium coniecisset, malè audiuit à quibusdam, quod pede læsus in aciem proruisset, pugnaturus contra sanos ac agiles, quibus respondit: Non fugientem, sed manentem cum hostibus, pugnare oportet. Quod vitio dabatur, ad animi fortitudinem retorfit. Plut. in Lacon.

Anonymus.

Alius quidam Lacon claudus ad bellum proficiscēs, cùm ab aliis militibus derideretur. Non opus est inquit, fugientibus, sed qui subsistant, & ictus hostium fortiter propellant. Plut. in Lacon.

Lacæna.

Lacæna quædam filium claudum in aciem proficiscentem: Fili, inquit, fac ut singulo quoque gradu virtutis memineris. Aliis claudicationis vitium solet formidinem incutere. Ac hæc monuit, ut ex ipso vitio sumeret animos ad rem fortiter gerendam, ita cogitans, nihil esse in fuga præsidij claudo, aut vincendum, aut moriendum est. Plut. in apoph. Lacænarum.

Antianira.

Antianira Amazonum regina, de mirâribus, quod nupsisset viro claudod, satis Cynicè respondit, *αἰετὰ χροῖα καὶ οἰφεί*: id est, Claudus optimè virum agit. Sensit maritum adhibendū non ob oculorum oblectamenta, sed ad vsum coniugij Ferūtur autē claudi salaciores esse cæteris, & ob id ad gignendam prolem magis ac commodi Erasim. Rot. lib. 8. apoph.

Alexander.

Philippus à Triballis in prælio vulneratus est, femore lancea traiecto, iamque opera chirurgi liberatus periculo mortis, dolebat claudicationis deformitatem cōtractam manere. Cui Alexander: Ne verearis, inquit, in publicum prodire: sed gradum mouens, virtutis tuæ potius memineris. Plut. in vita Alex.

Anonymus.

De Caluino Glaucia claudicante dixit quidam, Non claudicat, sed clodiat. Veteres Clodium dixere pro Claudio. Hinc iocus in eum qui Clodio fauebat. Eras. lib. 6. apoph.

Carui mater.

Spurio Carulio grauitè claudicantis, ex vulnere ob rempublic. accepto, & ob claudicationis vitium in publicum prodire verecūdanti, mater dixit: Quin prodis mi Spurī, & quotiescunque gradum facis, toties tibi tuarum virtutum venit in mentem? Eras. Rot. lib. 6. apoph.

Seuerus imper.

Cùm ob claudicationem podagra laborans, ad imperium inutilis iudicaretur, contemptores suos in ius vocauit, atque capite damnauit, qui cùm veniam delicti à Cæsare petiissent. Non feci vobis iniuriam, inquit, lata sententia. Nunc enim scietis, non pedes, sed caput impetietis.

rare in homines sceleratos. Dion Nicæus, & Xiphilinus, in vita Seueri.

vt vos meâ sentiatîs lenitatem, quàm ego vestram crudelitatem. Philostrotus in Sophistis.

De clementia.

Pittaci Mytilen.

TYrrhenum Pittaci filium, Cumis in tonastrina sedentem, faber quidam ærarius impacta securi occidit. Cumani homicidam victum miserunt ad Pittacum, vt de eo supplicium sumeret. At ille cognita causa, dimisit hominem dicēs, Ignoscen-
tiam esse potiorē pœnitentia. Sentiens, vtilius esse condonare quàm meminisse iniuriæ, & vlcisci. Sunt qui referant, homicidam ab Alcæo fuisse demissum cum hoc elogio, Melius est ignoscere, quàm punire. Laert. lib. 1.

Socrates.

Cuidam percontanti cur Xantippem morosissimam uxorem domialerēt, dicebat, sic cum eius notæ vxoribus habendam consuetudinem, quemadmodum qui se ad stadium equestre exercent, parant equos ingenij ferocioris: quos si subegerint, cæteris vtuntur commodius. Laert. in eius vita.

Diogenes.

Quum Platonē laudasset quendam qui erga omnes lenissimus & mansuetissimus esset, Diogenes respondit, nil quicquam huic homini tribuendum esse, qui homines dolore, si res postularet, non afficeret. Sensit vir prudentissimus, lenitatem & mansuetudinem nimiam plurimum in re publica obesse. Laert. lib. 6.

Quirinus Sophista.

Ab Asiaticis castigatus, quod in accusando mitior ac lenior esset, quàm pluri docerent: Multo, ait, melius est,

Dion Syracus.

Dion Syracusanus extimulatus a fideis à militibus vociferationibus, vt Heraclidem factionum authorē, & in Syracusanos conspirantem, è medio tolleret: respondit, Si ob inuldiā Heraclides perfidus nefariusque est, haud propterea opus est vt Dion neglecta virtute, iræ obtemperet, vitamque corrumpat. Brul. lib. 3. cap. 4. ex Plutarcho.

Demaratus.

Persa quidam à rege defecerat, is suafu Demarati mutatus, quum reuertisset ad suos, tentaretque eum rex interficere: Turpe, inquit, fuerit, o rex, si cum hostis fuerit, non potius ab eo defectionis pœnas sumere, nunc amicum factum velis occidere. Hoc prudentissimo dicto & regis indignationem temperauit, & eius, cui reditum persuaserat, incolumitati consuluit. Vtrique consultor vtilis, alteri ne quid indignum regia mansuetudine committeret, alteri ne pœniteret ab errore reuocanti paruisse. Plut. in Lacon. apoph.

Agésilus Cleombroti F.

Quidam quum apud ipsum ceu rem magnificam prædicaret, quod Philippus Macedonum rex intra paucos dies subuertisset Olynthum: Atqui per Deos, inquit, talem ciuitatem longè maiore temporis spatio non extructurus est. Significans, multo melius esse singulari clementia seruare ciuitates, quàm conditas excindere. Plut. in Lacon.

Cleomenes.

Quum ex quodam audisset, bonum magistratum omnino erga omnes mitem & placidum esse oportere respon-

respondit. Bene quidem, ita tamen ne sit contemptui. Significans, clementiam nimiam perniciosam esse ciuitati. Plutarch. in Lacon. apoph. Brus. lib. 1. cap. 13.

Demonax.

Dicebat, nequaquam hominibus irascendū esse si delinquerēt, sed corrigenda vitia: nimirum exemplo medicorum, qui non indignantur aegrotis, sed morbo medentur. Nam hominis est peccare: Dei verò, aut hominis Deo proximi, emendare peccata. Eras. lib. 8. apoph.

Pisistratus.

Comessatores quidam in Pisistrati uxorem inciderant, multaque lasciuē in illam tum fecerant, tum dixerant. Postero verò die, iam decocta temulentia, Pisistratum adierunt cum lachrymis, orantes veniam. Tum Pisistratus: Vos quidem in posterum date operam ut sitis sobrij: vxor verò mea heri nequaquam usque prodiit ex aedibus. Humanitatis erat, quòd ignouit adolescentibus: pietatis, quòd vxoris honori consuluit, negans tale quicquam in illam factum esse. Plutar. in Græc. apoph.

Darius Xerxis pater.

Quum tributum indixisset subditis, accersitos prouinciarum præfectos percontatus est, cum aliis de rebus, tum etiam an grauiora essent populo tributa. Quum illi respondissent, esse mediocria: iussit, ut singuli dimidium tantum partem exigerent, qua beneuolentia & clementia admodum conciliauit sibi subditorum animos, ut meritò ab omnibus diligeretur. Plutarchus in apophtheg.

Agésilau.

Feliciter pugnatum erat ab Agésilao rege apud Corinthum: in eo prælio quanquam accepisset, Spartanorum admodum paucos desideratos. cæterum è Corinthiis & Atheniensibus aliisque sociis ingentem numerum interiisse, adeò non gauisus est, nec elatus ex victoria grauiter ingemiscēs deploraret Græciæ vicem: Heu, inquit, Græciam, quæ tot viros intestino bello perdidit, quod vniuersis barbaris debellandis satis esse poterant. Viro magnanimo victoria erat optabilis, sed charior erat sociorum incolumitas. Quo animo tulisset ille, si plurimorum ciuium interitu fuisset empta victoria? Non parum laudis promeretur hic affectus in duce Lacedæmonio, tum natura bellaci tum Ethnico: at Christiano principi nulla non debet esse lugubris victoria, quæ plurimorum etiam hostium exitio contigit. Plut. in Lacon. apoph.

Antigonus.

Antigonus rex Macedonum amicis suadentibus, ut si Athenas caperet, validis illam præfidiis communitret, ne quando deficerent: respondit, se semper in ea fuisse sententia, ut crederet, clementiam plus posse, quàm violentiam. Plutarch. in apoph.

Idem.

Quum ab initio regni durioresset, senex iam factus, clementer & placidè regnum administravit. Hanc morum mutationem quum mirarentur subditi: respondit: Prius opus erat regno, nunc gloria & beneuolentia, qua regnum recuperatum seruetur. Plut. in apoph.

Anonymus.

Prolemæus Lagi filius, quum Grammaticum notasset inſcitiam, quærens ab eo quis eſſet Pelei pater? viciſſimque audiſſet, Dic tu prius quis ſit Lagi pater? amicis inuitantibus ad tantæ improbitatis vindictam? Si regium eſt, inquit, non pati vt à quouam dicto attingatur: nec illud regium eſt, quenquam dicto laceſſere. Iniquè petit vindictam, qui prior laceſſuit, cuiuſcunque dignitatis fuerit. Nec ſuæ dignitatis meminiſſe debet qui refertur, quum eius prærogatiuam laceſſendo depoſuerit. Erasmus Rot. libro 5. apophthegmat. ex Plutarcho.

Philippus.

Athenienſes legationē ad Philippum miſerant. Ea benignè audita, vt humaniter dimitteret, inſiſit illos dicere, qua in re gratum facere poſſet Athenienſibus. hic Demochares excipiens, Si teipſum, inquit, ſuſpendas is Demochares vnus fuit è legatorum numero ob linguæ procaciam dictus Parreſiaſtes. Ob ta inhumanū reſponſum indignantibus regis amicis, Philippus compeſcuit eos, iuſſitque vt Therſitem illum incolumē dimitterent. Tum ad cæteros legatos conuerſus, Renuntiate, inquit, Athenienſibus multo ſuperbiores eſſe qui iſta dicunt, quàm qui impunè dicta audiunt Tales demum animi regno digni ſunt. Plut. in apoph.

Idem.

Indignantibus Philippi amicis, quòd Peloponneſij in Olympiacis ipſum ſibilis derideret, præſertim be neſiciis à rege affecti, hoc ſermone Philippum extimulantibus ad vindictam: Quid igitur, inquit, futurum eſt ſi quid illis faciamus mali? Vrbaniffimè amicorum argumentum ver

tit in diuerſum: Si tam prauo ingenio ſunt, vt eos irrideant, qui de ipſis bene meriti ſunt, grauius nocebunt, ſiquis illos malefactis prouocet. Hoc nò ſolum moderationis & clementiæ, verumetiā eximiæ cuiuſdam magnanimitatis documentum fuit, ingratorū ſibilos regē negligere. Plut. in apoph.
Idem.

Quibuſdam Philippo Maced. conſulentibus vt cum Athenienſibus aſperius ageret: reſpondit illos abſurdè facere, qui homini cuncta ad gloriam tū agētī, tum patienti ſuaderēt, vt gloriæ ſuæ theatrum abiiceret: ſignificans, ſeſe hoc agere, nò vt Athenas euerteret, ſed vt ciuitati celeberrimæ doctiſſimorum virorum copia florenti ſuas virtutes probaret. Plut. in apoph.

Alexander.

Alexander cum Poro Indorū regi victo obtuliſſet, ſe daturum quicquid peteret, & Porus vt regaliter tractaretur petiſſet, ſubridēs Alexander. Faciā hoc ait, nò tua, ſed mea cauſa. Nò ignorauit autem rex bellicoſiſſimus, nil adeò decere ac ornare principem, quàm ſi clementia vtatur erga eos etiam quos nouit hoſtes fuiſſe atrociffimos. Bruſ. lib. 3. cap. 13.

Darius.

Idē Alexander tantæ fuit clementiæ, vt Darius precaretur à diis, vt aut ſuperare poſſet clementia Alexandrū, aut ſi is regno ſpoliaretur, ſolus Alexander in Perſarū regno imperaret. Bruſ. lib. 3. cap. 13. ex Plut. Q. Curtio & aliis.

Porſena.

Demiratus egregiū animum Mutij Scauolæ, qui iratus dextræ ſuæ, quòd in ſtringendo ferro erraſſet, ſculo impoſitam eam exuri paſſus eſt dixit illi: Reuertere ad tuos Muti,
e iſquo

eisque refer, te cum vitam meam petieris, à me vita donatum. Liuius.

M. Liuius.

Fuso Hasdrubale, nonnullis suadetibus vt hostes ad internecionē insequeretur. Aliqui, inquit, & supersint, qui de victoria nostra nuntium hostibus perferant. Eras. 6. apoph.

Scipio maior.

Dicere solebat, hosti non solum dandam viam fugiendi, verum etiam muniendam. Docēs nequaquam faciendum esse in eos, qui ferre arma destitissent. Eras. Rot. lib. 5 apoph ex Plutarch.

M. Bibulus.

Quum in Syria duos egregie indolis filios amisisset, à Gabinianis militibus occisos, & horum interfectores Cleopatra ad illū victos misisset: vt in filiorū interfectores pro arbitratu suo animaduerneret, ille protinus intactos remisit ad Cleopatram. Eras. lib. 6. apoph.

M. Brutus.

Quum inter conuratos deliberaretur, an vnā cum Cæsare occidendus esset Antonius, dissuasit dicens, Hoc negotium quod pro legibus ac iure susciperetur, oportere omni carere iniuria. Noluit vir optimus cædem in plureis proferri. Plutarchus in Bruto.

Cato maior.

Admonebat eos qui potentes essent, vt parcē vterentur sua potestate, quò semper vti possent. sentiens, potentiam clementia & comitate fieri diuturnam, ferocia breuem Plutar. in apoph.

Cicero.

Cum Cæsar rerum potitus Pompeij statuas deiectas honorifice reposuisset:

Cæsar, inquit Cicero dum Pompeij statuas reponit, suas stabilit. sentiens, illum hoc non in Pompeij gratiam facere, sed vt sibi clementiæ simulatione fauorem apud ciues conciliaret, atque hoc pacto suum regnum constabiliaret. Plut. in apoph.

Iul. Cæsar.

Tanta clementia erga hostes & rebelles vsus est, vt Marius non semel dixerit: Cæsar: qui apud te audet dicere, magnitudinem tuam ignorat: qui non audent, humanitatem & clementiam. Bruf. lib. 3. cap. 13.

Augustus Cæsar.

Timagenes historiarum scriptor, multa petulanter in Cæsarem, multa in vxorem, multa in totam illius domū dixerat. Cæsar illum admonuit, vt moderatius lingua vteretur. Cum perseueraret male loqui, nihil aliud quam domo sua illi interdixit. Timagenes autem libros quos scripserat acta Cæsaris continētes, recitauit, & combussit in odium Cæsaris, quasi rerum ab illo gestarum memoriam abolere cupiens. Hunc tamē palam & pertinaciter inimicitias exercentem cum Cæsare, nemo ciuium Romanorum ab ædibus suis exclusit: nam in domo Pollionis Asinij consenuit: Nunquam tamen Augustus cum hospite inimici expostulauit, nisi quòd quodam tempore illi dixit, *quærot quærit: i. aliis bestiam sine viperam.* Mox Pollionem paratē excusare se interpellauit, dicēs. Fruere mi Pollio, frue re: At cum Pollio nodum securus diceret, Si iubes Cæsar, protinus illi interdixit domo mea. An istud: inquit, Augustus, me facturum putas, qui vos redegerim in gratiam? Fuerat antea Timageni iratus Pollio, nec alia habebat definēdi causam: nisi quòd ille

Cæsar irasci cœperat. Vtriusque ma-
leuolentiam boni consuluit princi-
pis clementia. Erasim. lib. 4. apoph. ex
Sueton.

Idem.

Lex erat, vt qui patrem occidisset,
culeo infueretur: nec hæc pœna su-
mebatur, nisi de confesso. Ab huius
pœnæ atrocitate Cæsar vt liberaret
manifesti parricidij reum, sic inter-
rogauit, Certè patrem tuum non oc-
cidisti: ansam porrigens inficiandi.
Tanta erat principis in iudicando le-
nitas. Eras. 4. apoph. ex Suetonio.

Iul. Cæsar.

Quidam è turba statutz Cæsaris co-
ronam lauream imposuerat. candida
fascia præligatam: at quum tribuni
detracta fascie hominem in vincula
duci iussissent, Cæsar grauitè incre-
pato eos potestate priuauit: idque,
ne regnum affectare videretur, cau-
satus est, per illos sibi recusandi glo-
riam fuisse ademptam. Erasmus lib.
4. apoph.

Augustus Cæsar.

Quum populus Atheniensium vi-
deretur deliquisse quiddam, scripsit
ex vrbe Ægina: Non arbitror vos la-
tere, quòd vobis irascor, neque enim
Æginæ sum hybernatus. Nec aliud
illis neque dixit, neque fecit: satis ha-
bens, illis comminatum esse nisi desi-
sterent. Plut. in apoph.

Idem.

Quum quispiam ex Euclidis ac-
cusatoribus affatim & ad satietatem
vsque dicendi libertate vtens, eò tan-
dem profectus esset, vt tale quiddam
diceret, Hæc si tibi non videntur ma-
gna, iube vt mihi reddat septimum
Thucydidis librum. His offensus Cæ-
sar iussit illum duci, ceterum vt audi-

uit illum ex Brasidæ posteris reliquū
esse, ad se venire iussit, ac moderatè
corruptum dimisit. Eod. lib.

Idem.

Alexandriam urbem munitissi-
mam quum vi cepisset, suggestum a-
scendit, & adiuncto sibi Ario Alexan-
drino, ad ciues desperantes dixit, se
ciuitati parcere, primum propter ip-
sius magnitudinē, deinde propter
Alexandrum magnum conditorem
eius vrbis, deinde propter Arium a-
micum optimum cuius hæc patria
esset. Raræ profectò clementiæ fuit,
non diripere ciuitatem, quæ tam
pertinaciter rebellarat. Erasimus in
apoph.

Idem.

In villa quadam inquietas noctes
agebat, interrumpēte somnos ipsius
noctuz cantu. Miles aucupij peritus
curauit apprehendendam noctuam:
spēque ingentis præmij ad Augustū
pertulit, laudato Imperator mille
nummum dari iussit, ille autē ausus
est dicere, Malo viuat: auēmq; di-
misit. Quis non miretur hanc contu-
maciam impunè cessisse militi? Eras.
l. 4. apoph. ex Suetonio.

Idem.

Augustus quum iam quadragesi-
mum excessisset annum agerētque
in Gallia, delatum est ad illum L. Cin-
nam adolescentem nobilem, ac Pom-
peij nepotem, insidias illi struere: di-
ctum est vbi, quando, & quomodo
aggredi vellet. Decreuerat enim sa-
crificantem interficere. Dictabatur
proscriptionis sententia, sed Augu-
sto interim varias edente voces, in-
gressa Liuiæ vxor: Fac, inquit, quod
medici solent, qui vbi vilita reme-
dia nō procedūt, tentant cōtraria se-
ueritate nihil adhuc profecisti igno-
sce,

ſce, Cinna deprehenſus vitæ tuæ nocere non poteſt, famæ tuæ prodeſſe poteſt. Protinus iuſſit accerſiri ſolū ad colloquium: venienti alteram cathe-
dram poni iuſſit. Hoc, inquit, Cinna primum abs te peto, ne me loquē-
tem interpellas: dabitur tibi loquen-
di tempus. His commemoratis plu-
ribus in Cinnam beneficiis, quod ſer-
uaſſet repertum in caſtris hoſtium,
quod patrimonium omne conceſſiſ-
ſet, quod in ſuper ornaſſet ſacerdo-
tio: rogavit, quare putaſſet ipſum oc-
cidendum? perturbato Cinna, ſic ſi-
niit oburgationem: Vitam tibi Cin-
na iterum do, prius hoſti, nunc inſi-
diatori ac parricidæ. Ex hodierno
die inter nos incipiat amicitia: con-
tendamus, utrum ego meliori fide
vitam tibi dederim, an tu mihi de-
beas. Et conſulatum obtulit. Vis exi-
tum? Cinna habuit perpetuū amiciſ-
ſimū, ſolus ille fuit hæres, nullis am-
plius inſidiis ab illo petitus eſt. Sue-
ton. in eius vita.

Idem.

Æmylius Ælianus cūm accuſatus
eſſet quod malè loqueretur de Cæſa-
re, Auguſtus reſpondit nil aliud quā,
Si malè loquitur, ſciat me quoque
linguam habere, plura enim loquar
de eo viciffim. Mira Cæſaris clemen-
tia, qui maledicum pro ſuo iure im-
maniter tractare potuiſſet. Eraſ. li. 4.
apoph. ex Suet.

Idem.

Tiberius cūm ad eum ſcripſiſſet,
quā malè à quibuſdam hominibus
lingua inſectaretur, reſpondit: Satis
eſt, ſi hoc habemus, modò ne malefa-
ciant nobis. Eraſ. ibid. ex Suet.

Nero.

Quum ex amore cuiuſdam capite
damnati cauſæ ſubſcripturus eſſet
Sextus Nero: Vtinam, inquit, literas

neſcirem. Vox parſimoniam huma-
ni ſanguinis promittens, ſi ex animo
prodidiſſet. Senec. l. 2. de clem.

Traianus.

Quum ſua clementia & humani-
tate antecellere ſuos omnes ſupe-
raret, amicis aliquando culpantibus,
quod nimis clemens erga ſuos eſſet:
reſpondit, Talem ſe imperatorem
eſſe priuatis, quales eſſe ſibi impe-
rator priuatos optaret. Bruſon. lib. 3.
cap. 4.

T. Veſpaſianus.

Fratrem Domitianū inſidias mo-
lientem, non eſt ultus, ſed his verbis
admonuit: Quid op^o te parricidio pe-
tere, quod me volente obuenturum
eſt, imò quod iam habes, imperij par-
ticeps? In Chriſtiano vix reperiās tā-
tum manſuetudinis. Eraſm. libro 8.
apoph.

Antonius Pius.

Caffium ſenatorium virum occi-
di paſſus eſt, non iuſſit occidi, poſt e-
tiam extinctum doluit, dicens, Vo-
luiffe ſe ſine ſenatorio ſanguine im-
perium tranſigere. Mira clementia
in affectatore imperij. Iulius Capit.

Hadrianus.

Adeò contempſit inimicos, ut vni-
quem habuerat capitalem, fortè ob-
uiſio dixerit, Euafiſti. Principibus in
priuatis offenſis debet eſſe ſatis, po-
tuiſſe vicifci Dion.

Theodoſius iunior.

Rogatus, cur neminem eorum à
quibus lædabatur, ſupplicio capitis
afficeret? reſpondit, Vtinam mihi li-
ceret & mortuos ad vitam reuocare.
Spieg. in l. 2. c. 47. Panor. de reb. geſt.
Alphonſi. Eraſ. l. 8 apoph.

Idem.

Quum in Amphitheatro Cōſtan-
tinopoleos federet ſpectator, & po-
pulus dānatus efflagitans clamaret,

Crudeli bestię artifex obiectus pugnet: compefcuit immitē turbæ vocē, dicens, Nescitis, inquit, quod nos consueuimus clementer spectare, in nuens, vbicunque adest princeps, illic oportere omnia mitius geri. Era. l.8. apoph.

Aurelianus Cæsar.

Quum Tyanam venisset, eamque oclusam reperisset, iratus dixit, Canem in hoc oppido non relinquam. Hac voce milites erecti sunt in spē prædæ. Vrbe autē capta, militibusq; ex Cæsar's promisso direptionē oppidi flagitantibus respondit, Agite, canem me negauit relicturum. canes omnes occidite. Et sic promissis satis fecit, & clementer hostes suos tractauit. Flauius Vopiscus.

Galienus.

Quidam vxori Galieni iunioris gemmas vitreas pro veris vēdiderat: re comperta mulier flagitauit vindictam. Cæsar iussit hominem corripī, quasi leoni obiecturus. Dein in caueam, dum impostor & populus expectat terribilem leonem, profiliit caput. Cunctis rē tam ridiculam mirantibus per curionem dici iussit: Imposturam fecit & passus est. Eadem opera fefellit impostorem, & irrisit vxorem. Trebell. Pollio.

Alexander Seuerus.

Amici eius improbante humanitatem & clementiam. Mammea mater, vxorque Memmia, sepe dicerēt, Molliorem tibi potestatem & contemptibiliorem imperij fecisti: respondit, Sed securiorē & diuturniorem. Brusl. l.3. c.13.

Idem.

Quinius Camillus antiquæ familiæ senator, cum rebellionē moliretur, & tyrannidē affectaret, hominis fraude intellecta, ad se vocari iussit,

& egit gratias, quod Reip. curam sua sponte suscipere tentaret. Mox ad senatum processit, ac tanti sceleris conscientia trepidum, consortem imperij appellauit, in palatium recepit, ornamentis imperialibus & melioribus quàm utebatur ipse, decorauit, protectionisque comitē adhibuit. Quumque imperator ipse pedibus iter faceret, inuitauit Quinium, & equo sedere iussit: denique mori paratum dimisit. Aelius Lampridius.

Rodolphus imp.

Quum post morū mutationē clementior suis fuisset, quàm ab initio imperij, obiurgatur ob id. Seuerum, inquit, & immitē fuisse me aliquando poenituit, lenē & placibilem nunquam. Aeneas Sylu. l.2. commentariorum de rebus gestis Alphonfi.

Sigismundus Cæs.

Eos reges demum in terris beatos esse dicere solebat, qui eiectis ex aula sua hominib. superbis, viros mansuetudinis & misericordiæ cultores in curia assessores haberent. Aeneas Syluius de dictis Sigismundi imperat.

Alphonfus rex.

Cum argueretur aliquando, quod nimis mitis ac lenis esset erga suos vt qui nonnunquam etiam iis qui vel grauiter in ipsum deliquissent, ignosceret: Malo, inquit, multos mea clementia & mansuetudine seruare quàm paucos mea seueritate perdere. Panorm. l.2. de Alphonfi reb. gestis.

Idem.

Cuidam dicenti, caue ne tua hæc clementia ac lenitudo in perniciem cedat: Imò verò respondit, multa mihi perferenda sunt, ne in inuidiā cadā, Pan. l.2. de reb. gestis Alphonfi regis.

Idem.

Dicere solebat, Qui nimis lenem & man-

& mansuetum principem querentur, expectandum iis esse, vt vrsi, ac leones quandoque regnarent. Homi-
nis sanè clementiam esse: beluarum
aurem, feritatem. Panor. l. 2. de rebus
gestis Alphonfi.

Idem.

Ab amico admonitus, ne malis &
facinorosis hominibus adeò mitis es-
set: Malos beneuolentia & clemen-
tia interdum citius quàm seuerita-
te in vitam virtutis reuocari posse
respondit. Cogitandū tamen, ad pri-
uatas iniurias principē facilem ad i-
gnosendum, in iis autem quæ lædūt
Rempub. seuerum esse oportere: ita
tamen, vt non hominem, sed crimen
ipsum insectari ac punire videatur.
Panormitanus de rebus gestis Al-
phonfi.

Idem.

Interrogatus verò, cur erga omnes
etiam malè meritos tam humanus
ac mansuetus esset: respondit, se qui-
dem iustitia bonis gratum esse, malis
autem clementia. Panorm. lib. 2. de
reb. gest. Alphonfi.

Idem.

Frequenter etiā dicebat, nihil ma-
gis aduersariorum animos flectere,
quàm placabilitatis & mansuetudi-
nis nomen, Panorm. lib. 3. de reb. ge-
stis Alphonfi.

Idem. *Infra de Hostibus non crudeliter tra-*
ctandos.

Idem.

Quum in obsidione Caietæ susce-
pris impuberibus, senibus, omnique
sexu bellis haudquaquam vtili, quos
Caietani ob annonæ penuriam ciui-
tate expulerant: quidam Alphonso
regi dixisset, si tu hos nō admisisses,
Caietani paucis post diebus sese de-
disissent. At ego, respondit rex, pluri-
facio eorum vitas, quàm Caietas cē-

tum. Facinus profectò regium & m-
morabile: ac Deo in primis gratum
acceptumque. Quum enim urbem
per id tēpus quadraginta fermè mil-
lium conatu capere nequisset, postea
soluta ac diu desita iam obsidione,
sine vi, sine armis, ea gratitudine in
dirionem redigit. Panor. l. 1. de rebus
gestis Alphonfi.

Idem.

Quum verò contra Venetos ae
Florentinos, potētissimos Italiæ po-
pulos, haud equidem iniuria bellum
suscipisset, & iam Neapoli aduersus
eos magna animi fiducia contendis-
set: Florentini primū, mox Veneri
oratores in agro Pelignensium ob-
uiā facti sunt, pacem ab armato per-
humiliter postulantes, cuius condi-
tiones cum audire cuperent Alphon-
sus dixisse fertur: Se nullum aliud pa-
cis datæ pretium exstimalle, quàm
hostes genibus aduolutos ad se, pacē
dedisse. O clementiam omnibus prin-
cipibus imitandam, & nostro hoc se-
culo inter potentes rarissimam. Pan.
l. 1. de reb. gest. Alphonfi.

His cognata pete ex apoph. de Hu-
manitate, Mansuetudine, atque Patien-
tia iniurie.

De cognitione sui.

Thales.

Vidam percontanti quid offer-
difficile: Se ipsum, inquit, nosse.
Atqui hoc vulgus putat esse facilli-
mum. Aliena rectius perspicimus
quàm nostra, & sibi quisque adulator
est. Laer. lib. 1.

Idem.

* Difficile est se nosse, inquit: sed
beatū. Et hæc est secundū naturā vi-
ta. Anton. & Max. ser. de cognit. sui.

Chilon.

Dicere solitus est, Caue tibiipſi, ſiue à teipſo, ſiue obſerua teipſum. Nā Græcè eſt *φυλάττειν ἑαυτὸν* : vt admoneat, ſibi quēq; debere ſuſpectū eſſe. Omnes ſibi cauēt ab aliis: at frequenter, nemo magis hoſtis eſt homini, quā homo ſibi, dum libidinem, dū iram, dum ambitionem aliāſque cupiditates adhibet in conſilium. Laer. l. i. c. 4. Stob. ſer. 19. Max. ſer. 56.

Idem.

Volebat, Noſſe ſeipſum quenque debere: atq; idcirco Apollini aureis literis ſacratum eius dictū fuit. Nam qui ſe rectè noſſet, animā atque corpus vt æquum eſt diligeret: neque quod vni eſt impartiendum, alteri præberet. Quod cum plerique perperam faciant, id nullius alterius culpe eſt adſcribendū, niſi quod nos ipſos, id eſt, humanam compactionem agnoſcere nolimus. Fulg. l. 4. c. 2.

Bias.

Vt homines ad ſui cognitionē duceret, iubebat vt in ſpeculo vniuſque ſuas actiones contemplaretur, vt honeſtas magis ornaret, turpes vero emendaret. Stob. ſer. 21.

Heraclitus.

Iuuenis adhuc omnium ſapientiffimus eſſe inde iudicabatur, quod rogatus quid ſciret, reſponſiſſet, Sat ſcio quod niſi ſcio. Ex Ariſtonymi ſcriptis recitat Stob. ſer. 21. Anton. in Meliſſa, par. 1. ſer. 59. Max. ſer. 56.

Diogenes.

Interrogatus quonam modo quis ſuimet præceptor fieri poſſet? reſpondit, ſi ſeipſum eis, quibus alios increpat, increpauerit. Stob. ſer. 1.

Simonides.

Conuiuio quodam exceptus, in quo Pauſanias etiam erat. Iuſſus aliquid è ſapiētię præceptis depromere

ſtatim dixiſſe ad Pauſaniam fertur: Memēto te hominem eſſe. Id autem Pauſanias tunc tēporis non magnopere curauit, captus iam ſuperbia, eò quod ad Medorum partes ſeſe applicuiſſet, & elatus ob hoſpitij ius, quod ei cum rege intercedebat: forſitan etiam vino depulſus à ſede rectę rationis. Cū verò iam eſſet Chalcedonico, & cum fame luſtaretur, iamq; calamitoſiſſimā omnium morrem ob oculos cerneret: tunc in mentem ei venit Simonides, & magna voce exclamauit: O Cee hoſpes, magnum quiddam in tuo ſermone inerat. Ego verò inani perſuaſione ſum adductus, vt eum nullius momenti putarem. Ælian. l. 9. de Var. hiſt.

Theocritus.

Cuidā quærenti quare libros non ſcriberet, reſpondit: Quoniam, vt libet, non poſſum: vt verò poſſum, non liber. Stob. ſer. 21. ex Ariſtonymo.

Socrates.

Dicebat, ſeſe nihil ſcire præter hoc vnicum, quod nihil ſciret: reliquos verò ne hoc quidem ſcire. Antonius in Meliſſa. part. 1. ſer. 59.

Idem.

Roganti cur nihil ſcriptum ederet, reſpondit: Quia video chartam multò pretioſiorem, quā ea quę ſcribenda forent. Stob.

Plato.

* Qui nihil, inquit, propemodum ſcimus, arbitramur nos omnia ſcire, non permiſſitentes autem alios, quę ipſi neſcimus, agere, peccare cogimur ipſi cū agimus. Anto. & Max. ſerm. de cognit. ſuiipſius.

Philemon.

Philemoni dicere ſolebat, homo cū ſis id fac ſemper intelligas, & ſemper eris homo. Anton. & Maxim. ſer. de cognit. ſui.

Demo-

Demonax.

* Interrogatus, quando cœpisset philosophari, tum dixit cum cognoscere meipsum incepì. Stob. serm. 21.

Philippus Maced.

Cum ad Chæroneam Athenienses vicisset, animum elatum ratione cōpescuit: & ne quid posthac per contumeliam & factum committeret, hoc instituit, vt quotidie mane excitaretur è somno, his verbis: Surge rex, & hominem te esse cogita. Stob. ser. 21. ex Æliano.

Alexander.

Alexander posteaquam ex diuturno morbo conualuit, nihilo se deterius affectum dixit. Admonuit enim nos (inquit) ægritudo, nec altum saperemus, vt pote mortales. Stobæus ser. 21.

Placilla.

Placilla Theodosij imperatoris vxor pientissima, subinde maritum admonere solebat, iā in Cæsare euectum, vt se olim priuatum hominem fuisse cogitaret. Quem putabat præ cæteris ad Romanæ reipub. gubernacula assumptum, non vt ferocius superbirer, atque iam Deum se factum existimaret, vt alij: sed vt hominem se esse cogitans, variis cum subditis fragilitatibus obnoxium, ritè gubernaret imperium, tanquam Dei seruus: Nicephorus Callistus libro 12. cap. 42.

Basilius.

* Memor, inquit, naturæ, nunquam superbies. Memor autem eris ipsius, si teipsum obserues. Anton. & Max. ser. de cognit. sui.

Idem.

* Accurata cognitio tui ipsius sufficienter te veluti manu deducet ad notionem & contemplationem Dei. ibidem.

Didymus.

* Nosse, inquit, ignarum se esse, sapientiæ est: & scire se iniustitiam fecisse, iustitiæ. Ibid.

Chrysostomus.

* Is maximè se nouit, qui se nihil esse putat. Ibid.

De collega inutili.

Scipio Æmilianus.

CREATUS censor, addito collega Mummio, viro magnæ quidem nobilitatis, sed vitæ dissolutioris, pro rostris dixit, se ex maiestate Reipublicæ omnia gesturum, siue ciues sibi dedisset collegam, siue non dedissent: innuens, satius fuisse non habere collegam censuræ, quàm talem collegam: Valer. Max. l. 6. c. 4. Plin. de Viris illustrib. 58. & Brufon. lib. 4. cap. 5.

De coitu & venere.

Pythagoras.

ROGATUS à quodam quando esset congregiendum cum fœmina: Cum voles, inquit, teipso fieri debilior. Multa Venus enervat hominem. Laer. l. 8. ca. 1.

Idem.

Idem dicere solebat, Ne sæpe homo ab homine. Hoc enigmatè, frequente venereorum vlu interdicens. Stob. ser. 15.

Aristoteles Cyrenæus.

Interrogatus, an amor coitus gratia fieret? Neque eius gratia, dixit, neque sine eo. Stob. ser. 61.

Lycurgus.

Quodam admirante quamobrem vetuisset sponsum cum sponsa simul

dormire sed statuisset, ut uterque cum suis equalibus maximam diei partem versaretur, cumque his totas noctes quiesceret, cum sponsa verò furtim ac verecundè congrederetur. Primum, inquit, quòd ut corporibus essent validi, si non uterentur congressu ad facilitatem: dein, ut illis amor mutuus semper maneret recens ac vigens: denique, ut foetus ederent robuitiores. Plut. in Lacon.

Alexander.

Duabus potissimum rebus, cum Deus à multis prædicaretur, se quòd mortalis esset, deprehendere dicebat, somno & coitu: quod hæc præcipuè proderent, humani corporis imbecillitatem. Somnus enim mortis imago est, & coitus species est morbi comitalis. Plutarchus in Alexandro.

His cognata sunt, quæ in apoph. de Amore, Incontinentia, Libidine, &c. reperiuntur.

De comitate.

Diogenes.

Solitus est dicere, manus non esse porrigendas amicis, complicatis digitis. Innuens, non satis esse, si comes nos præbeamus amicis, sed comitati comitem adiungendam benevolentiam, & benignitatem. Laer. li. 6. & Eras. l. 3. apoph.

Socrates.

Æschines cum cuperet esse ex numero discipulorum Socratis, suamque apud præceptorem excusaret paupertatem, molestè ferens, quum alij Socratis amici multa subinde largirentur, se solum nihil posse: Annon intelligis, inquit Socrates, quàm magnum munus mihi dederis, nisi

fortè te ipsum parui æstimas? Comiter suscepit discipulum egenum, & nihil mercedis postulavit ab eo, què pauperem esse nouerat. Laer.

Antalcidas.

Rogatus à quodam, quo pacto quis maxime placere possit hominibus? Si inquit, loquatur illis iucundissima, præstet autem utilissima. Plut. in apoph. Lacon.

Telicerus.

Fratri suo querenti, quòd ciues erga se non perinde afficerentur, atque erga illum: sed inhumanius tractarent, quòd nondum ab illis esset creatus Ephorus: Tu (inquit) extra omnem comitatem positus iniuriam ferre nescis, ego autem scio. Sensit, comitatem plurimum posse ad conciliandum ciuium fauorem. Plut. in Lacon.

Anonymus.

Quidam causam detulit ad oratorem: is negauit, ac detulit ad alterum qui recepit. At is qui detulerat, dicere solebat, sibi gratiorem fuisse orationem eius qui negarat, quàm eius qui recepit: Quod ille comiter recusasset, hic grauitè & inamœno vultu recepisset. Eras. l. 8. apoph.

C. Cotta.

Dicebat se operam suam, in eo quod non contra officium pereretur, solere polliceri omnibus: sed impertire illis tantum, apud quos optime poni arbitrareretur. Cic. ad Quint. fratrem, de petitione consulatus.

Traianus Imp.

Amicis incusantibus quòd parum memor imperatoris maiestatis, nimium esset omnibus expositus, respondit: Talem præstabo me imperatorem priuatis, qualem optarem ipse priuatus. Eras. Rot. lib. 8. apoph. Brus. l. 3. c. 4.

De

De commendatione.

Agessilaus.

Quidam petit ab Agessilaio, ut se scripseris ad hospites & amicos suos Asiaticos literis commendaret, quo apud illos ius suum consequeretur, respondit: Nihil esse opus literis commendatitiis. Nam mei, inquit, hospites sua sponte quæ iusta sunt faciunt, etiam si illis non scripsero. Apud bonos & in bona causa superuacua est commendatio, quum ipsa res impetret quod precibus exorare tur. Plut. in Lacon. apoph.

Augustus Cæsar.

Augustus filios suos nunquam populo commendauit, nisi cum hac exceptione: Si merebuntur. Honorem non auctoritati, sed meritis tribui volens. Eras. l. 4. apoph. ex Suet.

Antoninus Pius.

Rogatus cui filium cõmendaret, vobis, inquit, si promeretur, & diis immortalibus. Fauorem noluit suæ auctoritati tribui, sed filij meritis. Iulius Capitolinus.

De comœdiæ libertate.

Crates.

Crates Thebanus cum filium Pasiclæ in meretricis domum perduxisset, dixit; Hoc tibi est patrium coniugium. Nam mœchi Tragici præmia referunt exilia ac cædes: Comici autem scortatores ex luxu & temulentia lucrifaciunt insaniam. Sensit homo ethnicus, quasi tragicam esse rem adulterium: propterea quod plerumque crudelis sit eius exitus. Scortari autem esse comicum, scortatio enim non mortis da-

mnatur supplicio: nihilominus tamen, qui depereunt in meretricem, in comœdiis inducuntur (ut sunt vera) insanis similes. Laertius libr. 6. cap. 5.

Socrates.

Quum in Aristophanis comœdia, cui titulus Nebulæ, multis & acerbis conuiciis proscinderetur, & adstantium quidam diceret, Non hæc iniquo fers animo Socrates? Non per Iouem, inquit, ægrè fero, si in theatro, perinde ut in magno conuiuio, salibus mordeor. Mors hic etiamnum durat apud quosdam Germanos, ut in celebribus conuiuiis adhibeatur dicax aliquis, qui in conuiuas iaciat scommata: quibus commoueri, vehementer inciuile habetur. Eras. lib. 3. apoph.

Xenocrates.

A Bione dictis laceffitus, Non sum, inquit, tibi responsurus. neque enim tragœdia, quum a comœdia taxatur, dignatur eam responso. Nota est veteris comœdiæ licentia, in qua multa scommata iaciuntur & in ipsos poetas, & fabularum personas: at tragœdia non dignatur vicissim humiles personas attingere. Laert. lib. 4. ca. 2.

Laones.

Comœdias & tragœdias non audiebant, ut nec serio nec ioco quicquam audirent repugnans legibus. Leges enim prohibent supra, incestum & adulteria: prohibent dolos, iniuriam, furta, ceteraque flagitia: at in fabulis talia poëtæ diis affingunt. Nec placuit illis quorundam excusatio, fabulas ad voluptatem fingi, non ad fidem veri. Voluptas ea corrumpit imbecillius animos. Hanc ob causam Archilochus poëtam cum venisset Lacedæmonē, eadem hora

expulerunt, quod intellexerant ab illo scriptum, satius esse abiicere arma quam mori. Plut. in apoph.

De compafsione seu condolentia.

Socrates.

*Dicebat medicos ægrotis, amicos infortunatis consulere debere. Stobæus.

Antonius Verus.

Dicere solebat inhumanum plane esse, humanis casibus & calamitatibus non ingemiscere. Innuens eos ab hominum natura alienissimos esse, qui aliorum miseriis non afficiuntur, ac instar lapidum in aduersis amici rebus stant immoti. Capitoli- nus.

Anonymus.

Quidam deciderat in puteum profundum, eum quum vidisset quispiam, commiserans hominem, dixit: Miser, quomodo in puteum decidisti? Tum ille, Quid refert, quomodo inciderim: hoc potius age, vt hinc possim educi. Refertur à diuo Augustino.

De concordia.

Antisthenes.

Fratrum inter se concordiam dixit Antisthenes quouis muro firmitus munimentum. Id dictum & ad ciuium concordiam accommodari potest. Laer. li. 6. c. 1.

Musonius.

*Dicebat, nullas nuptias sine concordia esse honestas: nec vllam societatem vtilem. Improbos verò inter se concordiam alere non posse

Sicuti lignum rectum cum curuo, aut duo ligna curua inter se conuenire nequeunt. Stobæus sermone 78.

Melanthus.

Quum Gorgias sophista recitaret in Olympiacis ludis apud Græcos orationem de concordia, Melanthus quidam, Hic, inquit, de concordia totius Græciæ disserit, qui sibi, vxori, & ancillæ, tribus duntaxat, vt concorditer viuant nondum persuasit. Eras. 6. apoph.

Leo Byzantius.

Leo Byzantius sophista venit Athenas, populo dissidiis tumultuanti concordiam suafurus. vbi prodisset in suggestum, corpore admodum pusillo, omnium risus obortus est. Ille fortuitam occasionem vertens in procemium: Quid, inquit, ô viri Athenienses, si conspiceretis vxorem meam? quæ tam pusilla est vt vix peringat ad genua mea. Ad hæc vocem quum maior etiam populi risus sublatu esset, subiecit, At nos tam pusillos si quando dissidemus, vix ciuitas Byzantium capere potest. Ita ferme Plutarchus in præceptis politicis. Sed eandem fabulam multò aliter narrat Philostratus in Sophistis. Nèpe quum prodisset ad populum, dicturus de cõcordia ipsa statim specie risum mouit populo, quòd obesus esset, ac vètre prægrandi. At ille nihil turbatus risu multitudinis. Quid, inquit, ridetis viri Athenienses? Vxor, mihi est me multo obesior, & tamen concordēs vnus capit lectulus, discordēs ne tota quidē domus. Quod refert Philostratus, & probabilius est & festiuus.

Iseus sophista.

Lacedæmonij cùm periclitarentur, ac de ciuitate mœnibus cingenda

da consularēt , Homericum carmen
recitauit Iſæus sophista:

*Scutum hæſit ſcutō, galeæ galea, atque
viro vir.*

Et adiecit, Sic mihi ſtate Lacedæmo-
nij, & muris cincti ſumus. Philoſtrat.
in Sophiſtis.

Archidamus.

A duobus inter ſe diſſidentibus
delectus arbiter, ambos duxit in lu-
cum Minervæ, cognomento Chal-
ciæcæ ſacrum ibi exegit ab illis iuſ-
iurandum, vt ſtarent arbitri iudicio.
id vbi iuraſſent: Pronuntio, inquit,
ne prius hunc locum exeatis, quàm
quod inter vos eſt diſſidij ponatur,
& iuicem reconciliemini. Reperit
vir ingeniouſus, quo pacto fieret, vt
nec ambos offenderet recuſato arbi-
trio: nec alterum è duobus alienaret,
ſi pro altero contra alterum tuliffet
ſententiam. Apud Lacedæmonios au-
tem nefas erat fallere, quicquid Mi-
neruæ templo promiſſum eſſet Plu-
tarch. in Lacon.

Ageſilaus.

A quodam percontatus quam ob
cauſam Sparta mœnibus non cinge-
retur? oſtendit ciues armatos & vna-
nimes: Hi, inquiens, ſunt Spartæ ciui-
tatis mœnia. ſignificans. Reſp. nullo
munimento tutiores eſſe quàm vir-
tute ciuium conſentientium. Plutar-
chus in apoph. Lacon. Eraſm. lib. I a-
poph.

Idem.

Similiter cùm alius quidam inter-
rogaffet hoc ipſum: Ciuitatem non
ſaxis ligniſue, ſed pro vallis ac mœ-
nibus, incolentium virtute muniri
oportere, ait, quos ſi iungit, concor-
dia, nullius poteſt eſſe murus inex-
pugnabilior. Plut. in Lacon. apoph.

Callicratidas.

Quum ad Cyrum regem mittere-

tur, vt pecunias belli exigeret, & ter-
rà rege bibulo non admitteretur. di-
ceſſit, iurauitque, apud comites, vt
primùm Spartam rediiſſet, nihil non
facturum, vt Græcos inter ſe conci-
liaret, quo barbaris fierēt magis for-
midabiles, deſinerētque illius regis
viribus inter ſe pugnantes egere. Sin-
gularis profeſſo fuit prudentiæ vir,
quod perſpexit, Græcos non alia ma-
gis ratione poſſe reddi barbaris for-
midabiles, quàm ſi depositis intelli-
gentiis ſimulatibus, mutuam inter ſe
concordiam ſancirent. Plutar. in La-
con. apoph.

Ageſipolis Pausania F.

Quum Athenienſes querimonia-
rum, quas cum ipſo mutuas habe-
bant, arbitram delegiſſent Mega-
renſium ciuitatem, quæ controuer-
ſiam inter eos componeret: Turpe,
inquit, ſi Megarenſes melius norunt
quid iuſtum ſit, quàm hi qui ſe Græ-
corum duces ac rectores præſtiſſe-
ſent. Megarenſes apud Græcos malè
audiebant, de quibus iactatum eſt,
quod neque primi eſſent, neque ſe-
cundi neque tertij, neque quarti, ne-
que vllō in numero: cum Athenien-
ſes plerèque Græciæ imperarent. Ab
ipſis igitur quibus cum litem habe-
bat: rex nolebat finiri diſſidium: ſi-
mul declarans, & quam ſuæ fideret
cauſæ, & quàm aduerſariis non diſſi-
deret: malens clariffimæ ciuitatis ju-
dicio vinci, quàm Megarenſium ar-
bitrio vincere, Plut. in Lacon. apoph.

Lycurgus.

Quum agros inter ciues diuiſiſ-
ſet, & poſt longum tempus ex pere-
grinatione veniens, in agris Lacedæ-
moniorum forte manipulorum acer-
uos in meſſe conſpexiſſet ordine po-
ſitos: ridēs ad eos qui aderant, dixiſſe
fertur: vt tota Lacedæmon vide-

tur multorum esse fratrum, qui nuper inter se diuiserunt hæreditatem. Bono principi nil iucundius erat, quam suorum ciuium concordia. Plut. in Lacon. apoph.

Idem.

Ad ciues suos qui scripserant, quo pacto hostium impetum repellere possent. Si pauperes, ait, manseritis, & contentiones mutuas deposueritis. Complexus est autem vnico quasi verbo, vir sapientissimus, quid ciuitatibus exitium potissimum pariat: immodicæ videlicet diuitiæ, ac omnis concordia neglectus. Brus. lib. 2. cap.

4.

Demetrius.

Cum aliquando à venatione rediret ad patrem legationem iam audientem succinctus ut erat telis, accessit, cumque osculatus confedit: Hæc, inquit, concordia regni nostri tutissimum erit præsidium. Discedentibus itaque legatis, Renuntiate, inquit Antigonus, o viri, talem amorem, animique pietatem, qualem vidistis. Brus. lib. 2. cap. 4. ex Plutarcho.

Scilurus.

Scilurus octoginta liberos masculos habens, cum esset moriturus, fasciculum iaculorum singulis porrexit, iussitque rumpere. Id cum singuli recusassent, eò quod videretur impossibile, ipse singula iacula exemit, atque ita facile confregit omnia, filios admonens his verbis: Si concordes eritis, validi inuictique manebitis: contra, si dissidiis & seditione distrahemini, imbecilles eritis, & expugnati faciles. Non potuit Scythia magis Scythicè rem ob oculos ponere. Plutarchus in apoph. Stob. ser.

82.

Themistocles.

Cum Xerxes expugnantis Themopylis crudeliter tractasset Astum, & hac fama perterriti classarij cogitarent de repetenda domo, idque plerique suaderent: solus Themistocles obstitit, dicens eos vniuersos hostibus fore pares, dispersos verò perituros. Æmylius Probus.

Anonymus.

Chij aliquando cum grauissimo seditionis morbo laborantes, tumultum inter se excitarent: quidam inter illos homo natura ciuilis & pacis amans, ad eos qui omnes amicorum suorum aduersarios ex urbe volebant eiicere: Nequaquam, inquit, sed cum victoriam obtinuerimus, relinquamus aliquos, ne procedente tempore non habentes aduersarios, nobis ipsis bellum inferamus. Atque hoc dicto persuasit, vnitatem & concordiam in Repub. retinendam esse. Ælianus lib. 14. de Varia historia. Plut.

Tyresius.

Scipio Africanus quum Numantinos sepe victores iam fregisset, obfessosque tandem expugnasset: Tyresium principem Celticum rogauit, qua de causa Numantia aut prius inuicta, aut post euerfa fuisset? respondit Tyresius, Concordia victoriam discordia exitium præbuit. Brus. lib. 2. cap. 4.

Mycipsa.

Mycipsa rex iam iam moriturus, filios suos paterno monet affectu, ut concordessint, aureis semper literis scribendam sententiam addens: Concordia parue res crescunt, discordia autem maximæ dilabuntur. Sallust. de bello iugurthino.

Seuerus imp.

In grauissimum morbum incidens postea-

posteaquam vitæ suæ finem instare animaduertit, ad se vocauit Marcum Antonium & Getam filios, à quibus quid veller percontatus: Facite, inquit, vt conueniat inter vos, locupletate milites, cæteros omnes contemnite. Sciebat enim, filios regni cupidissimos post mortem de successione disceptaturos: & nisi militum animos pecunia flecterent, penitus interituros esse. Dion Nicæus, & Xiphilinus in vita Seueri.

Louianus imp.

Cùm sollicitaretur vt responsum daret Macedonianis supplicantibus, Odi, respondit, omne contentionis genus: concordiam autem vnicè amplector & amo. Nicephorus Callistus lib. 10. cap. 40. Eccles. hist.

De confessione.

Pythagoras.

* Dicebat peccata non esse verbis tegenda, sed tentandū vt reprehensionibus curarentur. Ant. & Max. serm. de iniust. peccato, & confess.

Aristoteles.

* Non multum ab impeccabili discedere dicebat, qui peccatum vt decet fateretur. Ibidem.

Lysander.

In Samothracia oraculum petens, iussus est à sacerdote dicere, quid deterrimū in vita egisset. Ipse quique sacerdotem rogauit, vtrum iussu suo, an deorum, id facere oporteret? Atillo dicente, deorum. Tu igitur, inquit, mihi concede, vt illis, si percontentur, dicam. Brufon. lib. 2. cap. 13. ex Plut. in Laconicis.

Antaleidas.

Interrogatus à sacrorū ministro, quibus rebus per omnem ætatem o-

peram dedisset? Non opus est, inquit, vt tibi hoc dicam: sed si quid malè egi, Diis nequaquam incognitum est. Plut. in Lacon.

Anonymus.

Sacerdos quidam Laconem initiaturus, rogabat in quibus ab ineunte ætate potissimum peccasset? At ille: Hoc, inquit, Deos nequaquam latet. Verum cùm magis vrgeret responsum, Lacon rogauit etiam. Num hoc sacerdoti vel diis ipsis dicendum esset? Quum respondisset, Diis: Tu igitur recede parum, inquit, ne audias, Diis dicturus eram. Plutar. in Lacon.

Seneca.

* Quare vitia sua nemo confitetur? quia etiam nunc in illis est. Somnium narrare, vigilantis est: & vitia sua confiteri, sanitatis est indicium. Expergiscamur ergo, vt errores nostros coarguere possimus. Epist. 54. ad Lucill.

De coniugio.

Crates.

Hipparchia Metroclis soror adinavit Cratetem apud parentes minitans se sibi conscituram necem, ni philosopho nuberet. Ab hoc affectu quum nec parentum verbis, nec Cratetis adamati suasu reuocari posset: Crates surgens, detracto pallio nudauit tergum gibbo deformatum: Ne quis circumueniatur, inquit, hic est sponsus: & proiecto baculo & pera, Hæc, inquit, dos est. Super his delibera, neque enim mihi coniunx esse poterit: nisi cui placeat idem institutum. Quum accepisset conditionem puella, mox substrato pallio cum illa congressus

est, parentibus adstantibus. Itaque consummatum est Cynicum matrimonium. Laer. lib. 6. cap. 7.

Pittacus.

* Interrogabat quendam, quamobrem vxorem ducere noller? qui cum respondisset, Quoniam si formosam duxero, habiturus sum communem, sin deformē, pœnam: haudquaquam, dixit Pittacus. Sed si pulchram duxeris, non erit tibi pœna: sin deformem, non habebis communem. Stob. ser. 65.

Antisthenes.

Quidam censebat sapienti non esse ducendam vxorem, sed Antisthenes contrā, censebat ducendam esse: at non voluptatis, sed liberorū gratia. Debetur hoc naturæ, & patriæ. Sed cum optima indole præditis cōgredietur, vt ex bonis nascantur boni. Quin & amabit maritus vxorem, non vulgari more, sed iudicio, is enim verē & constanter amat, qui iudicio amat. At sapiens optimē diiudicabit, quæ sint amore dignæ: aduersus eos qui vxores se iactant habere pro matulis. Recitat Eras. Rot. lib. 7. apoph. ex Laert. lib. 6. cap. 1.

Charilaus.

Charilaus percontanti quamobrem Lacedæmonij virgines nudas producerent in publicum, vxores verò tectas: Quoniam, inquit, virginibus mariti sunt inueniendi, vxores verò seruandæ iis qui eas nacti sunt. Huc spectabat ea consuetudo, vt nec puellis deessent mariti, nec contaminarentur matrimonia præter aliarum gentium consuetudinem, vbi virgines videri nefas est, vxores oculis hominum exponuntur. Plutarch.

Anonymus.

Ciues qui à nuptiis abhorrent,

cœlibesque viuere mallent, à spectaculis quibus nudi pueri incedebant, arcebat Lycurgus, aliāsque addebat ignominias, hac arte prouidens diligenter, vt ciues creandis liberis operam darent. Quum enim mos esset apud Lacedæmonios, vt iuniores senioribus multum honorem cultūque præstarent, hoc honoris ademitis, qui coniugibus ductis nolent augere ciuium numerum. Vnde nec illud in Dercillidam dictum reprehendit quisquam, quum tamen belli dux esset probatissimus. Cum enim aduenienti iuuenis quidam non assurgeret, atque ille diceret, Non mihi assurgens cefsisti? Nec tu, inquit, mihi cefsurum genuisti. Tam procax iuuenis dictum in seniore, eūque bellica laude celebrem, nūquam tulisset populus Spartanus, nisi pro pessimis ciuibz habuisset eos, qui sponte steriles esse statuissent, nec agnoscerent quid patriæ deberent. Nam rem propius intuentibus, non ita magnum discrimen est inter eum qui ciuem occidit, & qui ciuem Reipublicæ dare quum possit recusat. Plut. in Lacon.

Lycurgus.

Quum certum tempus præscriptisset quo puellæ nubere, iuuenes ducere deberent: interrogatus cur id statuendum putasset? Vt, inquit, soboles ex adultis perfectæque ætatis parentibus nata, valida sit & vegeta. Et coitu præpropere non solum læduntur corpora gignentium, verum etiam proles nascitur imbecilla. Tum qui ante tempus dant operam liberis, carent apud illos auctoritate, quam ætas conciliat: rursus qui vergēte iam ætate, nec fruuntur liberis suis, nec eos possunt ad perfectam institutionem perducere: mor-

morte senioque praeuerti. Plut. in Laconicis.

Leonidas.

Leonidas Anaxandridæ filius, & Cleomenis frater, cum ad bellum contra Persas proficisceretur, Gorgoni uxori suæ interroganti, quidnam mandare vellet: Nihil aliud quam ut nubas, inquit: & bonos liberos parias. Quo dicto priuim ostendit, in eo prælio se periturum: deinde suadet uxori ne vidua maneat, sed nubat, filios educet Reip. Plut. in Lac. apoph.

Demosthenes.

*Dicebat homines sui seculi meretrices habere, ad voluptatem explendam, concubinas ad quotidianam corporis curam: uxores verò (subiiciebat) ducendæ sunt, ut liberos legitimos gignamus, & familiæ fidam custodem præficiamus. Stobæus serm. 65.

Antianira.

Antianira Amazonum regina, de mirantibus quod nuphisset claudofatis, Cynicè respondit, *Δεῖρα χαλός* ei-φεί, id est, claudus optimè virum agit. Sensit, maritum adhibendum non ad oculorum oblectamētum, sed ad vsum coniugij. Feruntur autem claudi salaciores esse cæteris, & ob id ad gignendam prolem magis accommodi. Erasmi lib. 2. apoph.

Huc refer apoph. de Vxore ducenda, & non ducenda, &c.

De coniugali amore.

Thisea.

E A fuit Dionysij soror, nupta Polyxeno, quæ postquam maritus metu tyranni profugisset, & rex sororem accusaret, quod conscia fugæ mariti non indicasset. Adæone, inquit, Diony-

si, me vilem abiectique animi formidam iudicas, ut si sensissem illum moliri fugam, non me illi nauigationis & omnium fortunarum comitem additura fuero? Erasmi, apoph. ex Plut.

Portia.

Bruti vxor Portia. Catonis filia, posteaquam sensit conspiratum de Cæsare interficiendo, ea nocte quæ præcessit diem in quo Cæsar occisus est, egresso cubiculum Bruto cultellum tororium velut vnguium rescedorum gratia poposcit, eoque quasi fortè de manibus elapso, seipsam grauiter vulnerauit. Mox Brutus clamore ancillarum in cubiculum reuocatus, obiurgare eam cepit, quod tororis præripuisset officium. Hic illa clam marito: Nō hoc, inquit, temerè feci: nam experiri volui, si quod constitutum est, parum cesserit ex sententia, quam æquo animo me ferro sim peremptura. Plutar. in Bruto.

Iulius Cæsar.

Pompeiam uxorem, quod sinistra fama laboraret, quasi cum Clodio re habuisset, repudiavit quidem. Cæterum cum Clodius hoc nomine reus perageretur, Cæsar citatus testis nihil mali de vxore dixit. At cum accusator diceret. Cur igitur cum illa fecisti diuortium? Quoniam oportet, inquit, Cæsaris vxorē etiam à calumnia puram esse. Præter argutiam responsi, laudari potest & ciuitas? quod repudiata coniugis famę pepercit. Plut. in Ro. apoph.

De coniugali pudicitia, consule titulum de Pudicitia.

De coniugij molestiis.

Pittacus.

E Xpertus dicebat æqualem ducito: quum ipse domi haberet opu-

lentiorē, ac perinde morosam & imperiosam, id latius explicat in Chilia dibus Erasim.

Antisthenes.

Antisthenes adolescēti consulenti, cuiusmodi vxorē ducere expediret? si formosam duxeris, inquit, habebis communem: sin deformem, habebis poenam. Suasit, ducēdam esse vxorē, quæ nec fastidium viro moueret, ob deformitatem: nec ob insignem formam peteretur ab adulteris. Tribuit autem Gellius hoc dictum Biāti, sed Laert. lib. 6. cap. 1. Antistheni.

Demonax.

Epicteto Cynico, suadēti, vt vxore ducta daret operam liberis: neque enim id indignum esse philosopho: Da mihi, inquit, igitur vnā ē filiabus tuis. Notans illum ineptē suadere alteri, quod ipse non faceret. Erasim. lib. 8. apoph.

Cato.

Narratur illud Catonis dictum, Si sine vxoribus mūdus esse possit, vita nostra non esset absque diis. Sensit felicissimam hominum vitā fore si datum esset à coniugio liberos viuere. Sed, vt idem ait, apud A. Gellium, cū illis incommodē viuatur, sed sine illis omnino viuatur, vt meritō dici possit vxor necessarium malum. Eras. lib. 8. apoph. At celestis veritas, vxorē bonum necessarium esse asserit.

Alphonsus.

Dicere solebat, ita demū matrimonium tranquillē, citrāque querimonias exigi posse, si marit⁹ surdus fiat, vxor cæca, innuens, opinor, fœmineū genus obnoxium esse zelotypiæ, atque hinc oriri rixas & querimonias: rursum maritis permolestā esse vxorum garrulitatē: qua molestia cariturus sit, si fiat surdus; nec illa vexabi-

tar adulterij suspicione, si careat oculis. Erasim. lib. 8. apoph.

Vide apophtheg. de Vxore non ducenda.

De coniugio iterato.

P. Syrus.

EVm improbē Neptunum accusare dicebat, qui semel ex naufragio liberatus, iterum mari se credit. Transfertur autem ad eum, qui secūdā duxit vxorem. Brusonius lib. 4. cap. 25.

Dionysius.

Matri suæ præter ætatem nubere cupienti, Ciuilia, inquit, ô mater, iura violari possunt, naturæ ius nequaquam. Significans, contra naturā esse, si vetula, quæ iā parere non potest, nubat. At hodie nubūt septuagenarię. Plutarc. in Reg. apoph. & Brus. lib. 4. cap. 1.

Annia.

Ab amicis adhortata, vt post defunctum priorem maritum, alteri nuberet, cū ætas esset & integra, & forma præstātissima adhuc: quorum alterum præberet spem prolis, alterum promitteret amorem mutuum: nullo inquit, pacto hoc factura sum: si enim bono viro nupsero, nolo post hac timere ne amittam: sin verò malo, quæ me caperet dementia, vt post optimum talem admitterem? Eras. lib. 8. apoph.

Valeria.

A quodam rogata quam ob rem defuncto Seruio marito, nulli post hac nubere veller? Ideo, inquit, hoc facio, quia Seruius meus, licet aliis defunctus sit, apud me viuuit, viuētque semper. Erasimus libro 8. apophthegm.

Ad artia

Martia Catonis F.

Interrogata, quam ob causam post mariti mortem, alio se copulare viro renueret? Respōdit, Quia non virum facile inuenero, qui me magis velit, quam mea. Noluit probare castissima matrona hoc coniugium, quod mutuo careret amore. Quē dotis enim causa nubit viro, concubinum verius quam maritū habebit. Erasim. 8. apoph.

Portia.

Cūm laudaretur apud eam mulier quædam vt bene morata, quæ tamen itererat matrimonium: Felix, inquit, ac pudica matrona non nubit nisi semel. Non passa est illam inter bene moratas numerari, quæ citra necessitatem ascisceret alterum virum. Nā multas huc cogit egestas. Porro coitus gratia nubere, est non verè pudicarum. Eoque dixit, Felix, excusans necessitatem. Erasim. li. 8. apoph.

Eadem.

Quum diutius lugeret maritum, rogata quem esset habitura diem luctus vltimum: respondit, Quem & vitæ. Sic illa Ethnica, magno sanè cū dedecore plurimarū Christianarum, quæ viro nondum elato iam nupserunt. Idem.

Barbara Imperatrix.

Erat Sigismundi Cæsaris vxor, quo fatis sancto vidua superstitit, ei autem diceret aliquis, imitandum turturis exemplum quæ mortuo marito, perpetuam castitatem seruaret: Si me, inquit, ratione carentes imitari volucres iubes, cur non columbas potius passerēsque proponis? Æn. Sylu. de dictis Sigismundi & Friderici imperatoris.

Vide apoph. de secunda nuptiis.

De conscientia bona.

Chilon.

I Am grandæus dicebat, se sibi nullius facti consciū esse, cuius poeniteret, vno excepto: quod cū esset ascitus arbiter, vt inter duos amicos finiret, controuerfiam, nec quicquam veller aduersus leges facere, persuasit alteri amico, vt ad alios deferret arbitrium. Hoc pacto & legem seruauit, & amicum. Hic scrupulus nonnihil mouebat senis amicum, quod perfectæ virtutis fuisset, nullo metu à regula legum deflectere: nec illius amicitiam magnificere: qui ob sententiam secundum leges, non secundum ipsum datam, desineret amicus esse. Quid illa sanctius anima, quæ per omnem vitam, quæ illi longo contigit, hoc tantum criminis admisit? Laërt.

Bias.

Interrogatus, quænam res in vita metu careret? Bona conscientia, respondit. Stob. ser. 24. Antonius in Melissa, part. 1. serm. 66. Maximus serm. 24.

Periander.

Percontatus, quid in minimo esset maximum? Respondit. Bona mens in corpore humano. Stobæus ser. 1. de Prudentia.

Idem.

Interrogatus, quid esset libertas? Recta conscientia, dixit. Stobæus sermon. 24.

Socrates.

Rogatus, quinquam tranquillè viuerent? Illi, inquit, qui nullius absurditatis sibi conscij sunt. Stob. serm. 24. Anton. in Melissa, part. 2. ser. 77.

Peniles.

Moritur² hoc nomine sibi gratulabatur, quod ipsi² causa nulli² Atheniensiū

pullā vestem induisset: significans, se nulli causam mortis fuisse, nec ulli diem ad ipso capitis dictum. Pullati sunt, qui mortuum lugent: & olim capitis reum amici pullati pullatum comitabantur. Plut. in Græc. apoph.

Isocrates.

Dicebat, omnino non sperandum esse, si quid turpe feceris, te latiturū. Quamuis enim lateas alios, tute tamen tibi male conscius eris. Stob. serm. 24.

Idem.

Dicebat nihil celandum esse prorsus illorum, quæ quis possidet, aut facit, aut facturus est. Siquidem circa res latentes necessariò multum timoris & metus contigit. Stob. serm. 24.

Idem.

* Emulemini (inquirebat) non opulentissimos, sed de nullo crimine sibi cōscios. Cum hac enim fortuna suauissimè quis vitam agere possit. Ibid.

Agr.

Ab Ephoro interrogatus, nū etiam poeniteret eorum quæ gessisset? impavidè respōdit, Nequaquam poenitet: cum sciam, me prudentiam cum honestate semper coniunxisse, nullam enim aliam ob causam, nunc ad supplicium mortis ducor. Quo dicto ostendere voluit suā innocentiam, & benefacti conscientiam: etiam in ipsa morte. Plut. in Lacon. apoph.

Idem.

Cum captus & damnatus Ephoris, duceretur ad mortis supplicium, vidit quendam misericordia motum eius fortunam flere, cui ait: Noli flere propter me, quia præter ius & æquum ad dirum hoc supplicium ducor, meliōrque sum iis qui ad mortem me damnarunt. Quo dicto ostendit, eos bene mori, & honestè, qui contra fas & omne ius sup-

pliciis afficiuntur. Plutarchus in Lacon. apoph.

Epicletus.

* Parentes (inquirebat) pueros nos pædago tradiderant, qui ubiq; obseruaret, ne lederemur. Deus autē iā viros insitę conscientię custodiendos tradit. quę quidē custodia & cōseruatio nequaquam contēnenda est: quoniā & Deo displiceret, & conscientię ipsi nostrę hostes essemus. Stob. ser. de conscientia.

Seneca.

* Bona conscientia prodire vult & conspici Epist. 97. ad Lucil.

Iulius Drusus.

Eius aedes pluribus ex partibus patebant vicinorū prospectui. Hoc incommodū faber se quinque talentis correcturum pollicebatur, effecturūque ne pars aliqua esset obnoxia prospectui. Tū Drusus, Decē, inquit, dabo, si talē reddas domū meā, ut vndiquaq; pateat omnium oculis, quo nō vicini tantum, sed omnes ciues perspicere possint, quomodo domi meæ vinatur. Eras. l. 6. apoph.

Pertinax Imperator.

Ab amicis admonitus, ut prætorianorū militum insidias effugeret, qui iam conabantur imperatorē de vita tollere: Respōdit, se nequaquam male sibi consciū esse. idēque non opus esse, ut contra imperatoriam maiestatem, atque antea actam vitam, latebris aut fuga consuleret vitæ suæ. Herodian. l. 2.

Virginius.

Cluius historiographus sic affat⁹ est Virginiū, cuius res gestas attigerat: Scis Virgini, quę fides historiæ de beatur. Proinde si qd in historiis meis aliter legis ac velles, rogo ignoscas. Ad hæc Virginius: At, o Clui, tūne igno-

ignoras ideo me fecisse quod feci, vt esset liberum vobis scribere quæ libuisset? Vox excelsi animi testis, & rectè factorum conscientia contenti. Eras. l. 8. apoph.

Anonymous.

*Nihil est quod sic nos delectare soleat, vt conscientia pura & spes bona. Item Conscientia læta & exultās, sibi etiam vultum hilarem reddit, ac genas rigat animi bona valetudo. Nec sine causa dictum est à sapiente, læti cordis os florescit. Anton. serm. de puro corde.

De conscientia mala.

Chilon.

Sæpenumero in ore habebat, damnum turpi lucro semper præferēdum esse. Illud enim semel dolere, hoc semper. Res amissa exiguo tempore dolet, sceleris autem conscientia semper cruciat animum. Laert. li. 1. cap. 4.

Bion.

Frequenter dicere solebat, Impietatem malam esse contubernalem fiducia, & adiecit versiculū Euripidis.

Seruum facit, quāvis feroculum virum.

Sensit vir sapientissimus, ibi libertatem non habere locum, vbi mala & inquieta sit conscientia: nec eum hominem frui animi tranquillitate, qui scit sibi iratum & inensum esse numen diuinum. Laer. l. 4. c. 7.

Diogenes.

Neminem à timiditate liberum & reuera animosum esse dicebat, quam illum, qui nullius mali sibi conscius esset. Stob. ser. 24.

Pythagoras.

Neminem tam audacem esse dicebat, quæ mala conscientia non fa-

ciat timidissimū. Non quiescit enim animus malè conscius, sed ab omni etiam vento abhorret. Stob. ser. 24.

Idem.

Dicere solebat, virum iniquū plus mali pati, afflictū conscientia, quàm eum qui corpore castigatur, & ceditur: multo quippe grauiores sunt animi male sani, quàm corporis morbi. Stob. ser. 24.

Plutarchus.

*Facinorosa conscientia, instar vlcis in corpore, pœnitentiam relinquit in anima lancinantem iugiter ac peruellentem, & c. lib. de animi tranquillitate.

Anonymous.

Pythagoricus quidam philosophus coëmens sibi à sutore calceos, non promptam habens pecuniam, orat vt in crastinum expectet diē: quod cum venisset, satisfactorius, audit suturem iam iam defunctū esse. Non faciens igitur mentionem pecuniæ, nummos non inuita manu domum, gratulabundus de facto iam lucro, retulit. Verū cum sceleris consciētia subinde torqueretur, arrepta pecunia ad sutoris tabernam regreditur, & pecuniam in sutoris domum proiciens, ait: Tibi viuit, aliis qui defunctus est. ac sic animum à conscientia facti liberauit. Recitat Eras. lib. 6. apoph. ex Seneca.

Seneca.

*Facinora mala flagellantur à conscientia, cui plurimum tormentorum est, eo quod perpetua illā sollicitudo vrget ac verberat, quod sponforibus securitatis suæ non potest credere. Epist. 97. ad Lucill.

Idem.

*Conscientia aliud agere non patitur, ac subinde respicere ad se cogit. Dat pœnas quisquis expectat;

quisquis autē metuit, expectat, Tutum aliqua res in mala conscientia præstat nulla securum. Epist. 105.

De consilio bono.

Lacones.

LAcones si quando stratagemate hoc est, calido consilio superassent hostem, Marti bouem immolabant: sin aperto prælio gallum: hoc pacto consuefacientes belli duces, vt non solum fortes essent ad præliū, verū etiam callidis consiliis aduersus hostem instructi. Præclarius enim exillimabant, hostem ingenio citra sanguinem deiicere, quā magna plerūque vtrique cruenta. Plutar. in Lacon.

Bias.

*Interrogatus, quis esset optimus consiliarius? Tempus, inquit. Stob.

Solon.

*Consule (inquit) non quæ iucundissima, sed quæ sunt optima. Idem.

Antigonus.

Zenone defuncto, quem vnum ex philosophis maxime suspiciebat, dicere solebat, gestorū suorum theatrum esse sublatū, quod ad illius viri iudiciū potissimum componeret suas actiones, quem vnum pro multis hominū milibus habebat. Plut. in apoph.

Scipio.

Qui Scipionis gloriæ inuidebant, dicere solebant, illū esse egregiorū facinorū histrionem, Lælium verō collegam illius gestorem. Alludētes huc, quod alius est actor fabulæ, alius author. Sentiebant, Scipionem præclaras res gerere, sed Lælij consiliis. Eras. li. 6. apoph.

Choricij:

*Sine bono consilio nihil efficit robur: prudentia verō quāuis robur non assumpserit, multa multoties excogitat. Item, Prudens consultatio manuum multitudinē vincit: imperitia verō cū hominū turba deterior est. Anton. ser. de consilio.

Antoninus Pius.

Nihil solitus est agere in bellicis negotiis, aut in ciuilibus, de quo nō prius conferret cum grauibus viris: dicēs. Aequius est vt ego tot taliumque amicorū cōsiliū sequear, quā vt tot talesque amici meam vnus sequantur voluntatem. Iul. Capitol.

Euripides.

Euripidis dictum memorabile celebratur, Vnicum consilium rectum magnam militum manum vincere. Quo prudenter admonuit, non perinde referre, quā numerosum educas exercitū, sed quantum bellī rectores polleant consilio. In bello siquidem plus haberet momenti prudens consiliū, & solertia, quā vires consilij expertes. Eras. l. 8. apoph.

De consilio secreto.

Antigonus.

Filio Philippo multis præsentibus percontanti, ac dicenti, Quando castra mouebimus? Quid, inquit? nū metuis, ne solus tubam non audias? Notans adolescētis imperitiā, qui hoc patrē multis præsentibus interrogaret, quum in bello celanda sint principum consilia: sed quoties castra mouēda sunt, omnibus tuba dat signum. Plut. in apoph. Cæsar. Rhod. l. 13. c. 5.

Metellus Macedonicus.

Simile ferè dictū legimus Metelli Mace-

Macedonici, qui cum omnia proprio & subito consilio ageret: amico cui-
dam roganti, quidnam acturus esset?
Tunicam, inquit, meam exuerem, si
eam consilium meum scire existima-
rem. Plin. c. 61. de viris illustr.

*Vide apophth. de Silentio, Secretis non
effutendis, & Taciturnitate.*

De consilio præcipitato.

Chilon.

Fertur hoc Chilonis nomine, In
via non properandum. Ex inces-
su colligitur animus: præceps arguit
præcipientem, nimium lentus ignauum.
Decet autem in publico compositis
esse moribus. Fortasse deterruit à
præcipiti consilio. Laert.

Phocion.

Athenienses cum aduersus Alexan-
dram feliciter pugnasent, ac diis iā
gratias agerent, rogatus Phocion, an
hæc ita gesta nolle? Hæc quidē, in-
quit, gesta vellē, sed illa decreta. Sen-
tiens, etiam inconsulta consilia non-
nunquam feliciter cedere. id quoties
accidit gratulandū quidem esse reip.
non tamen ideo non semper vtendū
optimis consiliis. Fortassis & illud
sensit Phocion, non esse protinus fi-
dendum primis successibus, sed to-
tius negotij euentum declaraturum,
quale fuisset ipsius consilium. Plut. in
apoph.

Idem.

Rumor incerto auctore obortus
erat de morte Alexandri, inoque
rhetores profilierunt, hortantes, ne
contarentur, sed illicò bellum susci-
perent. Phocion expectare iussit, do-
nec certius aliquid cognosceretur.
Nam si, inquit, hodie mortuus est, &
eras & perendie mortuus erit. Gra-
uiter oratorum præcipientem temeri-

tatem coercuit. Ibidem.

Artabanus.

Xerxi expeditionē in Græciā pa-
ranti, ait, Iterū atq. iterū, dum tibi vi-
debitur, re apud teipsum probē cōsi-
derata, edicto quod optimum arbi-
traberis. Bene enim & præmeditatē
consultare, comperio maximum esse
lucrum. Nam etsi quid ē contrario e-
uenturum est, nihil tamen minus be-
nē consultum est, superauitque for-
tuna consilium. Bruf. li. 2. c. 15.

Democritus Ætolus.

Nullam rem esse tam inimicam
consilii dicebat, quā celeritatem.
Præcipitata enim cōsilia si in trans-
uersum agantur, nulla reuocari pœ-
nitentia possunt in melius. Bruf. li. 1.
c. 15. ex Liuiō.

Iulius Cæsar.

Ea facinora plurimum probare so-
litus erat quæ sine longo consilio &
consultatione proluxa gererentur.
Plut. in apoph.

Augustus Cæsar.

Dicebat, se Romanis eum imperij
successorem relicturū, qui nunquam
eadem de rebus consultasset. de Ti-
berio loquens, quem consilii plu-
rimum valuisse præsentibus ferunt.
Plut. in apoph.

De consilio senili.

Agefilaus.

Cum vita defunctus esset Lyfan-
der, Agefilaus numerosam sōda-
litate aggregatam cōperit, quam ille
ex Asia domū reuersus, statim aduer-
sus Agefilau instituerat id indignē fe-
rens Agefilaus, destinabat omnibus
palām facere, cuiusmodi ciuis fuisset
Lyfander dum viueret, ac prælecta
quadam oratione, quam Lyfander
in libro descriptam reliquerat, com-

positam quidem à Creonte Halicarnasseo, sed in hoc vt hanc Lysander edisceret, atq. apud popularē multitudinem recitaret (tractabat autē oratio de nouandis rebus, deque mutando reip. statu) hanc, quoniam arguebat Lysandru fuisse ciuem perniciosum, ac seditionis audum, Agefilas voluit euulgare. Cæterum vbi senex quidam Ephorus orationem perlegisset, metuens dictionis gravitatem ac vehementiam, ne lecta alios quoque multos ad rerum nouarum studium excitaret: consuluit Agefilao, ne Lysandrum sepultum refoderet, sed orationē premeret. Senis consilio paruit, & à cœptis conqueuit Agefilas: doctus non solum obtemperare publicis legibus ac magistratui, verum etiam priuato senioris consilio. Vir excelli animi, plus apud se valere voluit publicam utilitatem, quam priuatum odium, simulque perspexit, indecorum esse, similitatem exercere cum sepulto. Hac moderatione vsus est aduersus manifestum inimicum. Plut.

Paulus Æmilius.

Sæpenumero dicebat imperatorem, si minus ætate, certè moribus senem esse oportere: sentiens, non esse præcipitanda consilia, quod solent iuuenes, sed moribus vtendum senilibus. Erasmi.

Sertorius.

Cum Pompeij milites dispersos superasset, multis occisis, audissetque aduentare Metellum cum aliis copiis, diremit prælium, reuocatisque suis dixit: Ego puerum hunc, nisi superuenisset anus illa, verberibus castigatum, domum remisisssem. Pompeium pueri nomine signans, Metellum vetulæ anus. Plut. in Sertorio.

De consilio bono, sed contempto.

Phocion.

Athenienses cum inuito Phocione bellum cum Antipatro suscepissent, eumque Athenas irrue-tem audissent, Phocioni detulerunt vt pæem cum Antipatro exposculet. At Phocion: Tunc ait, quum otiosis vobis consulebam, si mihi creditum esset, aut nunc profecto tumultuantes consuleretis, cui potissimum vos vestraque credere deberetis. Brul. li. 2. cap. 33. ex Plut.

Scipio Africanus.

Turpe esse aiebat, in re militari dicere, Non putabam. Videlicet quia explorato & excusso consilio, quæ ferro aguntur, administrari oportere arbitrabatur summa ratione. Valer. Max. lib. 7. c. 2.

De consilio parum honesto.

Demosthenes.

Demosthenes summus orator, Atheniensibus flagitantibus vt consuleret obstitit, dicens, *ἡ συνταξίς*: id est, Non sum coactus in ordinem. Significans, se non seruire populi affectibus, sed suo arbitratu facere quod faciendum iudicasset. Erasmi. 4. apoph.

Idem.

Populus Atheniensium à Demosthene flagitabat, vt quendam accusaret: id cum recusaret, cœpit populus in illum, vt solet vociferare. Tū surgēs: Vos me, viri Athenienses consultorē habetis vel inuiti: calumniatorē autem

tem non habebitis, etiam si velitis.
Plutarch.

Themistocles.

In cōcione dixit, se reperisse consilium, quod summopere pertineret ad dignitatem Atheniensium: sed id eius esse generis, ut proferri non expedit, populus censuit, ut vni Aristidi indicaret: si is probaret, probaturos omnes. Cum igitur Themistocles indicasset Aristidi, se de incendenda Græcorum nauali statione cogitare (sic enim fore, ut Athenienses toti Græciæ dominaretur) Aristides ad populum progrediens dixit Themistoclis consilio nihil esse vtilius, sed eorum nihil inhonestius. Hac audita voce, populus vetuit, ne super ea re in posterum verba faceret Themistocles. Hic certè populus quidam philosophicum præstitit, repudiandam vtilitatem cum turpitudine coniunctam: simulque declarauit, quanta sit spectatæ virtutis autoritas, qui non dubitarit Reip. fortunam vnius iudicio, committere. Plutarchus in Aristide.

Linus Salinator.

In consilio primus rogatus sententiam, neminem fidelius dare posse consilium dixit, quam eum qui id alteri suaderet, quod ipse, si in eodem loco esset, facturus fuerit. Liu. lib. 7. Decad. 4.

De consilio in melius mutato.

Diogenes.

Probabat eos qui uxores ducturi non ducerent, qui nauigaturi non nauigarent: qui pueros alituri, non alerent: qui ad rempubl. accessuri,

non accederent: qui se ad conuiuendum præpotentibus componerent, nec tamen accederent. significans, ab his omnibus abstinendum: eoque prudentes videri, qui ad ea sollicitati, tempestiuè vertissent sententiam: quod semel aggressis, non sit integrum mutare consilium, etiam si pœniteat instituti. Qui duxit uxorem, iam sui iuris non est: qui se mari commisit, ventorum arbitrio feratur oportet, qui semel accessit ad remp. scenæ seruiat oportet: & ut cupiat, tutum non est ad priuatam redire vitam. Laert. libr. 6.

De consilio malo, ac consultori pessimo.

Lycurgus.

Rogatus aliquando, quam ob rem vetuisset frequenter aduersus eosdem expeditiones agere; Ne, inquit, dum crebro sese defendunt, belandi peritiam usu colligant. Vnde & Agesilaus grauitè accusatus est, quod crebris in Bœotiam expeditionibus ac bellis Thebanos Lacedæmoniorum hostes ad repugnandum induxisset. Nam cum Antalcidas vidisset illum saucium, exprobrauit quod Thebanos præliandi artem docuisset, cum ante nec scirent bellare, nec vellent. Præclaram, inquit, doctrinæ tuæ mercedem habes, qui Thebanos nec animatos ad bellandum, nec exercitados, vel inuitos consuefeceris, docuerisque bellum gerere. Hoc stratagema latius etiam patet, videlicet ne sæpius cum iisdem litigemus aut contendamus, ne tandem assueti vel contemnunt nos, vel superent Plut. in Lacon.

De consiliariis regum ac principum.

Homulius.

Optare solebat potius malū principem, qui bonos haberet consiliarios ac amicos : quā bonum, qui malos haberet, quibus rerum administrationem committeret. Putabat enim facilius fore, ut à multis bonis vnus malus ad saniora duceretur, quā ab vno bono multi à malitia auerterentur. Fulgo. li. 7. c. 2.

Idem.

Cū à Troiano Romanorum imperatore audiuiſſet, Domitianum peſſimum fuiſſe imperatorem, amicos tam optimos habuiſſe : atque illum magis odio fuiſſe, qui Rempublicam peioris vitæ hominibus commendaſſet : dixiſſe fertur, Melius erat vñm malum pati, quā multos. Multi enim mali non poſſunt ab vno, quamuis bono, vlla ratione ſuperari. Ælius Lamprid. in Alexandro.

Marius Maximus.

Meliorem eſſe rempublicam & propè tutiorē referebat, in qua princeps malus eſſet, quā in qua amici principis prauī exiſterent. Quandoquidem vnus malus poſſit à pluribus bonis corrigi, multi autem ab vno nequaquam. Cuspinianus in Conſulibus.

Fridericus Caſar.

Conſiliariis ſuis in curiam vocatis, Vtinam, inquit, conſiliarij mei in palatij veſtibulo duas res deponerent. Sic enim & ipſi rectē conſulerent, & mihi etiam inter cōſilia diiudicare faciliſſimum eſſet. Interrogatus autem, quānam res illæ eſſent, Simulatio, & diſſimulatio, respon-

dit. Docuit autem, principes cōmodis publicis rectē conſulere poſſe, propter conſiliariorum priuatos affectus. Æneas Syluius libro tertio commentariorum de rebus geſtis Alphonſi regis.

Idem.

Ladiſlaum Hungariæ ac Bohemiæ regem adhuc puerum, cū educaret, ſanguine ſibi coniunctum, non defuerunt ex conſiliariis, qui puerum clam perdendum Cæſari perſuaderent, cuius mors opes maximas, plurimāque regna allatura eſſet. At Imperator : Qui ſit (inquit) quod me diuitem potius quā piū erga meos eſſe cupitis ? Ego ſanè diuitias non ita amo, ut impiis conſiliis perſuaſus, propter eas indignum facinus perpetrare velim. Quo dicto docere voluit, conſilium peſſimum, cūque crudelitate coniunctum, à principibus reiiciendum eſſe : nihilque conſiliariorum perſuaſione faciendum, quod principis maiestatem lædere, eiūſque nomen bonāque famam obſcurare apud ſubditos poſſit. Æneas Syl. lib. 3. commen. de reb. geſt. Alphonſi.

Alphonſus.

Cū ſenex quidam, & natura & ætate audacior, ex patrum numero, eum argueret, quod contra patrum ferè omnes ſententias bellum cepeſſet : Reſpondit, Regum conſiliarios ut reges eſſe, aut regum animos habere oportere. Plurima enim interdum conſiliariis & priuatis conuenire, quæ regem non decerent. Sic pecuniam eudere Parmenoni licuit, Alexandro verò non licuit. Anton. Panor. l. x. de reb. Alphon. & Æn. Syl. uius de eius dictis.

Idem.

Interrogatus, quib. cōſiliariis maxime

ximè delectaretur? Libris respondit: à quibus sine metu, sine gratia, quæ nosse cuperet, fideliter audiret. Panormitan. lib. 3. de rebus gestis Alphonfi.

Idem.

Per absurdum sibi videri dicebat, reges ab aliis regi, & duces ab aliis duci. Notavit autem principes & magnates, qui quum imperij & principatus titulos sibi vendicent, alieno tamen consilio rogantur, etiam nolentes, quo fit, ut sæpenumero cum magno reipublicæ incommodo alienis oculis videant, alienis auribus audiant, alienis linguis loquantur. Et sic nihil minus sunt quam imperatores, qui à consiliariorum arbitrio ita pendent, ut planè horum sint mancipia. Panorin. lib. 2. de rebus gestis Alphonfi.

Idem.

Cathalanis optimum factu fore censentibus. si Alphonso adhuc adolescentulo septem viri ad gubernandas respublicas adiungerentur, qui Deum timerent, iustitiam colerent, cupiditates tenerent sub freno, neque donis, neque muneribus tangerentur: Alphonsum laudasse consilium, atque ita respondisse ferunt: Si horum non dico septem, sed vnum tantum dederitis, continuò illi & regimen & regnum ipse facile concessero. Pulchrè autem innuit, paucos bonos regum esse consiliarios. Ibid.

De consolatione.

Amasis.

Ad quendam filio priuatum dixit: Si non tristatus es, cum

nondum esset in mundo, ne nunc quidem dolere debes, cum non amplius est, scilicet in hac vita. Stobæus.

Socrates.

*Iis qui res aduersas & amicorum mortem ægrè ferebant dicere solebat, Aleæ ludo similem esse vitam, & quicquid euenit veluti quandam tesseram disponere oportere. Nec enim (inquebat) denuo iacere licet, neque tesseram aliter ponere. Idem.

Diogenes.

Antisthenem morbo decumbentem inuisens dixit, Nunquid amico est opus? Significans, in rebus afflictis potissimum fidis amicis utendum, qui vel re opulentur, vel consolando molestiam mittigent. Laërt. 1.6. apoph.

Idem.

Dicere solitus est, sæpius in vita parādum λόγῳ ἢ βελχῶν, id est, sermonem quàm laqueum. Qui desponderunt animum, ad laqueum confugiunt: cum ad consolatorium sermonem potius sit confugiendum, nam animo ægrotanti medicus est oratio. Laërt. 1.6.

Demetrius Phalerens.

Quum apud Thebanos exul, inglorius & humilis viueret, & intellexisset, Cratem philosophum se visendi gratia aduentasse, ad se vocauit. quem ut de fortiter & moderatè ferendo exilio disputantem audiuisset: Malè sit, inquit, omnibus negotiis & occupationibus, per quas hactenus talem virum non licuit cognoscere. Ostēdit hoc dicto, multum ægritudinis ex philosophi disputatione ablatum esse. Laer. lib. 5. cap. 4.

De constantia.

Zeno.

Dicere solebat, facilius esse vtrū inflatum mergere, quā quemuis probum virū inuitum ad aliquid agendum cogere. Nam inuitus animus rationis rectæ placitis confirmatus, cedit nemini. Philo Iudæus lib. Quod omnis probus liber.

Anaxarchus.

Cū à Nicocreonte Cypri tyranno in saxo concauo tunderetur, philosophus animo infractus: Tunde tunde Anaxarchi vasculum, ait Anaxarchi constantiam non teris. Brus. l. 2. c. 2. ex Plut.

Xantippe.

De Socrate marito prædicare solebat, quod semper vidisset illum eodem vultu reuertentem domum, quo exierat. Argumentum verè constantis animi: cum alij domo egressi, si quid accidit triste, redeant turbidi: si quid læti, gestientes. Erasim. lib. 8. apoph.

Philoxenus.

Quum Dionysij tyranni poemata, vtpote indocta, vna litura excluderet, in lapidicinas detrusus est: sed inde amicorum precibus reuocatus, vbi demum Dionysum sua carmina recitantem audiuit, surrexit, & rogatus à Dionysio, quid ita fecisset, constantissimè respondit; Satiū suauiusque esse in lapidicinis vitam agere, quā eius audire poemata. Brus. l. 2. c. 1. ex Plut.

Theodorus.

Lyfimacho Macedoni mortē crudelissimā minitanti, respondisse fertur: Minitare hæc purpuratis tuis: Theodori quidem nihil interest, humine an sublimè in cruce putrescat.

Cicero lib. 1. Tusc. quæstion. Brus. lib. 2. cap. 1.

Aristides.

Quum se vnam è filiabus Dionysio tyranno matrimonio copulasse indoleret, dixissetque, se potius mortem filij imprecari, quā à tyranno eam detineri: re intellecta Dionysius, illum mori destinat. Sed interrogatus ab illo, num de filiaë collocaione, quemadmodum prius, ita nunc sentiret? Respondit rerum à se gestarum mæstitia affici quidem, dictorum autem nulla pœnitentia detineri. Brus. l. 2. c. 1.

Pelopidas.

Ab Alexandro Phæreo captus, tyranno nuntiauit, absurdum esse, miferos ciues (Phæreos autem intelligebat) insontes occidi, quotidie, sibi autem soli parci: quem si seruet, cognoscat vlturum. Admirans igitur Alexander constantiam capti, Quid, inquit, mortem accelerat Pelopidas? Tu autè diis inuisus, inquit ille, perquam celeriter optes. Brus. l. 2. c. 1. ex Plutar.

Agis.

Quum in carcere rogaretur ab Ephoro, num pœniteret eorum quæ gessisset? impavidè respondit: Se nulla tangi pœnitentia consilij cum prudētia honestoque coniuncti: tametsi non ignoraret, se mortem præmij loco relaturū: sciens ipsam virtutem abundè magnum esse sui præmium, quicumque sequatur euentus. Plut. & Brus. 2. 1.

Socrates.

* Solitus est dicere, vt statua in sua basi, virum virtutis studiosum bono proposito nixum, immotum esse debere Stob. ser. 1.

Idem.

* Morti adiudicatus propter philosophiæ

philosophiæ sinceram professionem , ad iudices conuersus ait , Equidem vos omnes singulari quadã beneuolentia cõplector : parendum tamẽ & potius duco Deo immortalì quàm vobis . Itaq; quandiu & spirabo , & potero , nunquã philosophiæ curã abiiciam , nec vestri admonendi , morẽq; ac modo meo adhortandi ad virtutẽ , quencunq; fuero ex vobis nactus . Plato in Apolog.

Diogenes

* Cuidam monenti vt iam senex quiesceret à laboribus : Quid , inquit , si in stadio currerem , vtrum oporteret iam metæ vicinũ cursum remittere , an magis intendere ? Recte sensit , virtutis studium hoc magis & constanter intendendum , quo minus superest vitæ : quod turpe sit . tum ab honesto instituto refrigescere . Laert. lib. 6.

Eteocles.

Antipater quum à Lacedæmonis obsides quinquaginta peteret . Eteocles Ephorus , vir omnium constantissimus , respondit , se pueros quidem non daturum , ne paterna priuati educatione malis moribus imbuerentur , qua carentes , ne ciues quidem essent : sed senes mulierẽsque , duplo , si velit , plures daturum . Ille , verò eũ multo grauius , nisi obsides acciperet , minitaretur , respondit Eteocles : Non curamus minas , nam si grauiora morte nobis imperas , facilius moriemur . Brufonius lib. 2. cap. 1. ex Plut.

Manlius.

Quum oblatum à Quiritibus consulatũ aduersæ oculorum valetudinis excusatione denegaret , instantibus cunctis , immobili animo ac vultu . Alium (inquit) Quirites quæ-

rite , ad quem hunc transferatis honorem : nam ego vestros mores nec ferre possum , nec vos meum imperium perpeti poteritis . Liu. lib. 6. Dec. 1. Valer. Max. lib. 6. cap. 4. Plinius Iunior de Viris illustribus , cap. 28.

Cyanenses.

Decius Brutus , Marci Bruti patrueis , quum contra Antonium in Hispaniam exercitum duxisset , totamque Lusitaniam subegisset , excepta Cyania vrbe , quæ magna constantia arma retinebat , redemptionem tentauit . Sed ciues vrbs omnes vno ore Bruti legatis constantissime responderunt , se à parentibus ferarum bellicæque instrumenta accepisse , quibus vrbeĩ tuerentur : non aurum , vel quicquam aliud , quo libertatem ab aliis emerent . Bruf. lib. 2. cap. 1.

Cato Vticensis.

Quum deploratis rebus amici hortarentur Catonem , vt ad Cæsariæ clementiam confugeret : respondit , Victorum esse , & eorum qui deliquissent , supplicare : Catonem nec victum nec captum esse , qui se per omnem vitam inuictum præstitisset , ac Cæsarem honestate iustitiæque longè superasset . Cæsarem potius victum captumque esse , qui bellum , quod diu negasset se moliri aduersus patriam , nunc id egisse conuictus esset . Proinde pro se Cæsarem orarent , qui vellent pro Catone neminem orare debere , Plut. in Cat.

Idem.

Quum in domo Drusi auunculi , tribuni tunc plebis , educaretur , ad eũque Drusum Latini de ciuitate impetranda conuenissent : à Q. Popeidio Latinorum principe rogatus , vt socios apud auunculum adiuuare

constanti vultu, Non facturum se, respondit. Iterū deinde sapiūsque interpellatus, in proposito, vultu eodē, perstitit. Tunc Popedius, in excelsum ædium partem eleuatum, abiecturum se eum inde, ni precibus obtemperaret, minatus est. Nec hac re Cato puer ab incepto moueri potuit. Expressa est igitur illa vox hominum: Gratulemur Latini nobis hunc esse tam paruum, quo senatore, ne sperare quidem ciuitatē licuisset. Plut. in Catone, vbi Pompeium Sylohem, non Popedium vocat. Bruf. lib. 2. cap. 1. ex Plut.

C. Marius.

Augusti centurio, captus, & ad Antonium perductus, quum interrogaretur, Quid de se statui iuberet? Iugulari me, inquit, iube: quia non salutis beneficio, nec mortis supplicio adduci possum, vt aut Cæsaris miles esse definam, aut tuus esse incipiam. Bruf. lib. 2. cap. 1. ex hist. Rom.

T. Vespasianus.

Cum deprehendisset eos qui in ipsum conspirauerant, deduxit illos in spectaculum, atque inter illos medius confedit: ac petitis de industria mirmillonum gladiis, velut exploraturus aciem, vnum vni, & alterum alteri commisit, tanquam prouocans ad id quod moliebantur. Verum his percussis: Videtisne (inquit) principatum fato dari, frustra que tentari facinus potiundi spe? Eras. lib. 8. apoph.

Ludouicus Bavarus.

Ludouicum seniorein Bauariæ ducem Stephani ducis filium, cum caprium haberet Albertus Marchio Brandenburgensis, non pauca ab eo petiit, quæ cum ille negasset tradere eum in manus duri & inimicissimi sibi principis minabatur. Tum Ludouicus, Quæ poteris ex me, in-

quit, libero impetrare, eadem modo ex capto petito. Si quid amplius voles, corpus meum in tua potestate, animum mihi, non tibi obnoxium inuenies, Æneas Syluius lib. 3. commemoratorum in res geitas Alphonsi.

Huc refer apoph. de Perseuerantia.

De constantia in re turpi.

Agessilaus.

Quum audisset maleficum quendam hominem, ac scelerosum, summa constantia se in omnibus tormentis opposuisse, ac forti animo dolorem omnem pertulisse: Quam miser, inquit, homo est, qui constantiam in res tam flagitiosas ac turpes collocat? Dolebat egregio duci, tantum animi robur ac naturæ vim in re turpi consumptam esse: quam si ad res honestas tulisset, magno vñ poterat esse Reipub. Plut. in Lacon. Erasim. lib. 1.

De consuetudine.

Antisthenes.

Dicere solebat, Omnia mala habenda pro peregrinis. Vulgus hominum ea tantum probat, quibus assuevit: ab exoticis abhorret, non quia per se mala sint, sed quia peregrina. At sapienti nihil peregrinum esse debet, nisi quod cum vitio coniunctum, neque enim ideo temulentia derestanda, quod alicubi non sit in vñ, sed quod per se turpis. Nunc ex vñ Regionum de rebus iudicat populus. Laert. libri sexti capite primo.

Polyenus.

* Consuetudinem dicebat initium

tium exiguum capere, neglectam autem vires maximas sumere. Ant. & Max. ferm. de consuet.

Ciriosostomus.

* Dicebat, Nihil tam firmum est in rebus humanis, quam veteris consuetudinis tyrannis: Item, Ethnici, consuetudinem alteram naturam esse dixerunt. Item, Mirè efficax, est consuetudo ad se retinendam, quæ non patitur vt ad pristinum virtutis habitum aliquis reuertatur. Ibidem.

Philo.

* Non rus (inquiēbat) improbos, non vrbs bonos efficit: sed similitum congressus & consuetudo. Anton. ferm. 22.

Vide apoph. de Assuetudine.

De consuetudine loquendi.

M. Pomponius Marcellus.

Cum ex oratione Tiberij Cæsaris quiddam reprehendisset, contrā affirmante Atteio Capitone id esse Latinum, & si non esset, futurum certè. Iam inde, inquit, mentitur Capito. Tu enim Cæsar ciuitatem dare potes hominibus, verbis non potes. Hominibus datur ciuitas, quo recipiuntur in ius ciuium, verbis datur ciuitas, qui recipiuntur in consuetudinē sermonis Romani. Quem admodum multæ voces non Græcæ tantum, sed & Britannicæ, & Gallicæ, & Persicæ ciuitate Romana donatæ sunt. Id publicus vsus potest, Cæsar non potest. Erasim. 8. apoph.

De contentione.

Democritus.

* Omnem contentionem imprudētem esse dicebat: dum enim hostem quo pacto lædat respicit, propriam negligit vtilitatem. Stob. ferm. 20.

Epictetus.

* Contendere, inquiēbat, cum vbiq; indecorum est, tum inter pocula maximè. Nam neque ebrius aliquis docere sobrium potest, neque sobrius ab ebrio persuaderi. Vbiūque igitur non adfuerit sobrietas, tandem nequicquam te contendisse apparebit. In enchiridio.

Anonymus.

* Contendere intempestiuè cum amicis, & in disputationibus, prudens cauebo: ne contra quam sentio, studio vincendi, contentionem foueam amplexerque: ne quando cum iactura veritatis, etiā secus quam ipse credo, falsa argumentatione contra disputantes decipiam, aut saltem ad contendendum extimulet. Stob. ferm. 1.

Eusebius philosophus.

* Dicebat homines multa potius scire videri cupere, quam vera dicere studio teneri: Proinde multos dum contrarias veteribus opiniones probant, veri cognitionem de rebus maximè necessarijs dubiam efficere. Stob. ferm. 4.

Idem.

* Multi homines, inquit, disputando de rebus, haud secus quam animantia bruta pugnando, solam sibi victoriam proponunt: ac veritatis amore & studio relicto, nihil præter suam vtilitatem curant. Eodem ferm.

Idem.

* Gratae sunt (dicebat) contentiones hominibus, & contradicendo quacunque re proposita vincendi desiderium præter omnem rationem inexplabile. Itaque multi intempestive, præter decorum, in rebus gravissimis, in quibus deteriore sententiam superare non convenit, victoriam Cadmeam, ut dici meretur, auferunt. Stob. ibid.

De contemptu & irrisione.

Diogenes.

Quidam gloriosum titulum inscripserat ædibus suis, Iouis filius Callinicus Hercules hic habitat, ne quid introeat mali. Diogenes ex inscriptione stultitiam hominisprehendens, adiecit *καὶ πόλεμον ἢ συμμάχια*: id est, Post Bellum auxilium, indicans, feram esse malorum omnium deprecationem, postquam talis immigrasset Colebatur enim Hercules *ἀλκιβεργας*, malorum depulsor. Eum oportuit in aedes immigrare, priusquam immigrasset dominus ædium, qui ipse erat magnum malum. Laert. lib. 6.

Hannibal.

Cum adesset dies quo primam pensionem exigebant à Pœnis Romani, totus populus ad tributimentionem ingemuit: at Hannibal interim effusse risit. Ea de re increpatus ab Hasdrubale Hedo, negavit eum risum fuisse gaudentis, sed aliorum seras & inanes lachrymas deridētis, quæ nunc in leviore malo manarent, cum antea potius manare debuerint, quo tempore Romani classes, arma & amplifimarum victoriarum spolia Pœnis

detraherent, ac leges victis impone-
rent. Plur.

Nero.

Cum desperatis rebus iam mortem sibi ipsi inferret, destitutus omni auxilio: ingressus ad eum Centurio, semianimum reperit, itaque penula ad vulnus apposita, simulans se venisse in auxilium, nihil aliud respondit quam, Serò: & Hæc est fides. Sermo ambiguus est: potest enim intelligi, Serò venisse, qui iam ad morientem venerat: & serò venit, qui in hoc venit ut vivum attraheret. Item, hæc est fides, potest esse expostulantis de fide amicorum. At Nero sensit, se nihil illius verbis credere, eiusque rei argumentum esse vulnus in lugulo lethale. Sueton. & Erasim.

De continentia.

Pythagoras

* Dicebat, nihil egregium comparari, quod non continentia labor præcederet. Stob. serm. de continentia:

Idem.

* Admonebat, Ne sæpe homo ab homine: hoc ænigmate, frequere venereorum usu interdicens. Eod. serm.

Idem.

* Iubeat ut unusquisque continentiam sibi tanquam robur ingens opesque pararet. Eodem serm.

Apollonius.

* Commendabat frugalitatem & continentiam: non quod (inquit) tantiores viles ac minime sumptuosas faciamus, sed ut hoc pacto animi magnitudinem augeamus. Ibid.

Socrates.

* In festo quodam Athenis ostentandi causa, Alcibiades multa dona Socrati transmisit. Admirata Xanthippe

thippe donorum magnificentiam, maritum ut acciperet, rogauit. Ad quam ille: Imo detrectando munera, cum ambiciosa, inquit, viri ambitione certabimus. Tanta fuit huius viri continentia. Eod. ser.

Idem.

* Rogatus, quoniam à cæteris hominibus differret, respondit: Alij qui dem viuunt, ut edant: ego edo, ut vi- uam. Eod. ser.

Idem.

* Interrogatus, quo quis pacto opu- lentus euaderet: Si continens inquit, & cupiditatum fuerit inops. Eod. ser.

Democritus.

* Dicebat, bene cõpositum esse ani- mum, qui de rebus absentibus nõ tri- statur, præsentibus autẽ lætatur. Ibid.

Pericles.

Collegam sortitus Sophoclẽ poẽ- tam, cum simul nauigarent, ac Sopho- cles conspecto formoso puero dixit, En quàm speciosus puer! Decet, inquit ille, ô Sophocles, prætorẽ non modò manus, sed & linguam habere continentem. Plut. in apoph.

Zeno.

Zeno simul & Cleanthes assidebãt Chæremondæ, cumque sentiret affe- ctũ amoris, surrexit. Hoc admirante Cleanthe: Etiã à bonis, inquit, medi- cis audio, aduersus inflationes opti- mum esse remedium quietem. Sub- duxit se vir integerrimus imminen- te periculo. Laert. lib. 6. cap. 1.

Anacharsis.

Statuis atque imaginibus suis in- scribi iussit, linguæ, ventri, & puden- dis temperandum. Quod maximo- rum malorũ causa si lingua effrenis, luxu nil turpius, libido pecudem ex homine reddat. Laert. lib. 1. cap. 9.

Isæus sophista.

A quodam, qui formosissimam o- stendebat mulierẽ, interrogatus, Nũ formosa videretur *πέπυμαι*, inquit, *ὀφθαλμοῖς*: id est, desij laborare ab o- culis. Philost. in sophist.

Archidamus.

Ei cum quis promississet suauissi- mum vini genus: Quorsum, inquit, opus est? quandoquidem quo melius est, eo plus absumeretur: & quæ for- tes decet viros, ea reddet inutiliora. O verè masculum animum, & omniũ deliciarum contemptorem! Plutar. in Lacon.

Agésilæus.

Admonitus ut aliquid de vitæ rigo- re remitteret, quòd (quæ vitæ est vo- lubilitas) euenire posset, ut tempus ipsum exigeret aliam viuendi ratio- nem: At ego, inquit, me consuefa- cio, ut quæcunque inciderit fortunæ mutatio, ne quæram ipse mutationẽ. Mira animi cõtinentia, qui nec in au- steriore vita delicias requireret: nec inter delicias agens, ab illis corrup- pi posset. Plut. in apoph. Lacon. & E- ras. lib. 1. apoph.

Idem.

Quodam die cum castra tumultuo- sius essent mouenda, adolescentẽ, cu- ius amore tenebatur, relinquebat æ- grotum, cumque is & blandis preci- bus & lachrymis illũ remorari cona- retur, versus ad suos, Quàm difficile est (inquit) simul & misereri & sape- re: malens sequi quod id temporis ex- pediebat, quàm quod dictabat in ami- cum affectus. His animi dotibus cæ- teris præcellebat Agésilæus. Plutar. in Lacon.

Alcæmenes.

Cum quidã Alcæmeni Telecri filio obiecisset, cur tã sordidẽ viueret, cũ

tamen amplas possideret opes? Decet, inquit, eum qui multa possidet, pro ratione, non pro libidine viuere. Significans, perniciosas esse opes, nisi adsit animus ipsis superior. Plutarch. in Lacon.

Alexander.

Inuitatus, vt Darij filias inuiferet (predicabatur enim puellę admirabili esse forma) noluit ire, dicens: Sibi non committendum, vt cum viros viciisset, a mulieribus vinceretur. Eras. li. 8. apoph. Maxim. serm. 3.

Idem.

Apud Antipatrum cœnans formosa psalteria inducta, Alexander aspectu motus in illam exarsit. Mox rogauit Antipatrum, nunquid ipse mulieris amore teneretur? Illo cōfite, O scelestē, inquit, non tu protinus abduces ē coniugio mulierē? Quantum ille animus aberat a cōstupranda aliena vxore, qui tantopere sibi meruit ab amica hospitis! Plut. in apoph.

Idem.

Cum Cassander Pythenē Euij tibi cinis amasiū per vim osculari vellet, idque Euium egrē ferentem sensisset Alexāder, iratus exiliit in Cassandrū, clamans: Itāne per nos ne amare qui dem quicquā licebit? Non satis erat regi, si seipsum pręstaret cōtinentem, nisi & pręfectos haberet sui similes. Quando autem passus fuisset a suis per vim constuprari filiam aut vxorē honesti ciuis, qui tibicini suos amores etiam ab osculo voluit esse inuiolatos? Denique quod duces pecarent arbitratus est ad se pertinere. Plutar. in apoph.

Idem.

Cum in Illyricos peruenisset, ac in Iouis ara animaduertisset mulierem forma pręstantem, pulchritudinem

admiratus, diu spectauit. cūque Hephæstion diceret, Æquum esse vt ipse amatam caperet: An non, inquit, hoc indignissimum esset, vt qui in aliorum incontinentiam animaduertere velimus, ipsi incontinentię seruire ab exteris deprehendamur? Maxim. serm. 3.

Menedemus.

Adolescente quodam dicente, magnum esse si quis quę concupiscat, assequeretur: Multo, inquit, maius est, nihil eorum quę non decet, concupiscere. Maxim. serm. 3.

Basilus.

* Verē cōtineus est, (inquit) qui omni perturbatione superior est, & nullum voluptatis irritamentum admittit: sed animo sobrio & nusquam cedente ad omnem fruitionem noxiam afficitur. Anton. serm. de ieiunio & continentia.

Philo.

* Continentię (inquit) proprium est sanitas & robur: incontinentię autem imbecillitas & ægrotudo mori vicina. Eod. serm.

Vide apophth. de Castitate, Ieiunio, Temperantia, & suprà de Abstinētia,

Item apoph. de vitiis quę his virtutibus opponuntur.

De contumacia.

Plato.

Dionem, ob formam & rerum gestarum magnitudinem quum plurimi fieret ab omnibus, admonuit, cauere metueretque contumaciam, cui comes esset solitudo. Infolenter enim vtentem rebus prosperis, amici destituunt. Laert. 3. De

De contumelia.

Diogenes.

* **C**aluo cuidam contumeliis cum afficiente respondit. Tibi contumeliam non dico, sed capillos tuos laudo quod malam effugerint caluam. Anton. & Maxim. serm. de vituper.

Aristippus.

* Contumelia à quodam affectus secedebat : maledico autem persequente, ac dicente, fugis? Etiam, inquit: nam tu malè dicēdi potestatem habes, ego verò nō audiendi. Eodem serm.

Spartani.

Chij quandam Spartę peregrinantes, à cena vomuerāt in Ephorum curia: dein etiam in sedes, in quibus sedere solebant Ephori, ventris onus deiecerant. Ac primum quidem acris inquisitio facta est, quānam hoc designasset. ne fortè ciues essēt. Vt verò compertum est fuisse Chios, edixerūt, se Chiis permittere, vt agerēt intemperantius. Excellētium virorum est negligere cōtumeliam, quā à palam improbis proficiscitur, à quibus etiam laudari turpe est. Plutarchus in Lacon.

Scipio Aemilianus

Apud Numantiam iratus C. Metello, dixit: si quantum pateret mater eius, asinum fuisse parituram. Tarditatem mentis, ac deformitatem corporis illi fratribusque eius exprobrans. Eras. lib. 6. apoph.

De conuictu & conuersatione.

Diogenes.

Adolescenti formoso ad conuiuium cū: pēterior, inquit redi-

bis. Reuersus verò à conuiuiis adolescentis, cū Diogeni dixisset: Iui, nec redij deterior: inquit, Deterior igitur, indicans, fieri non posse, vt adolescens ex conuictu improborum non fiat deterior. Laërt. lib. 6.

Epictetus.

Hominem, cum quo conuersamur, tribus modis considerandum esse suadebat: nempe vt pręstātiorem nobis, aut inferiorem aut æqualem. Pręstāntiori quidē auscultare & obtemperare cōuenit, minorem modestē persuadere, equali autem consentire. Et hoc sanè modo in conuersatione hominum nunquam in contētionem incidēs. Stobæus sermon. 3. de Temperantia.

Agessilaus.

Argiuo cuidam dicenti, Lacedæmonios peregrinationib. reddi deteriores, quòd interim degenerēt à maiorum legibus & institutis: At vos, inquit, cū Spartam venitis, non deteriores, sed meliores euaditis. Dictum retorfit in Argiuum. Nam hoc dicēs, magis suam gentē vituperauit, quā Lacedæmoniorum: simul indicauit, quantò pere referat inter quos viuas. Plutarchus in Laconicis apophthegmat.

Hippocratides.

Ei quum aliquando fuisset obuius adolescens, quē amator sequebatur, erubescenti adolescentulo: Cum his inquit oportet ambulare, cū quibus conspectus non mutēs colorem. Docuit, ex improbis cōuictoribus nihil capi fructus nisi probum & ignominiam. Plutarch. in Lacon. apoph.

Iulia Augusti.

In spectaculo gladiatorū cōuerterāt in se populi oculos Liuiā & Iulia, conitatus dissimilitudine. Liuiā cingebant viri graues. Iuliam iuuenēs

luxuriosi comitabantur. Pater itaque Augustus Iuliū admonuit scripto, videret quantū inter duas principes fœminas interesset: illa rescriptit: Et hi mecum senes fient. Hoc cōmodè interpretanti lepidè: incōmodè procaciter dictum videri potest. Eras. li. 4. apoph. ex Sueton.

S. Iohannes Apostolus.

Ioānes Apostolus & discipulus Iesu Christi, lauandi gratia balneum ingressus cū vidisset ibi Cerinthum, continuò exiliens, non lotus discessit, dicēs: Fugiamus hinc, ne & ipse balneæ corruāt, in quibus Cerinthus lauatur. Quo dicto, & ipso etiam factō ostendit, malorum cōsortiū vbi que esse fugiendum. erat enim Cerinthus, vt nō solū simpliciter malus, sed apertus veritatis atque omnium piorum hostis. Euseb. li. 4. Ecclesiast. hist. cap. 4.

De eo quod conuictus maiorum non semper obsit.

Antisthenes.

CVidam opprobranti, quod interdum cū improbis haberet consuetudinem: & medici, inquit cum egrotis versantur: nec tamen ægrotāt ipsi. Sentiēs, philosophum ideo versari cum improbis, vt eos reddat meliores. Laert. lib. 6. cap. 1.

Romulus.

Ei crimine vertebatur, quod cū improbis versatur: Et medici, inquit, cum ægrotis, non tamen morbo inciuntur. Max. ferm. 6.

Demoſthenes.

Accusatus, quod improborum vteretur cōtubernio: Optimus, inquit, is est medicus, qui sanos relinquit & bene habētes: ægrotos & penitus deplo-

ratos suscipit curandos. Stobæus & Max. ser. 6.

De conuiujs

Diogenes.

ADoleſcētī formoso ad conuiuū eunti: Deterior, inquit redibis. Reuersus à cōuiuio adoleſcēs, quum Diogeni dixisset, Iui, nec redij deterior: inquit, *χείρων μάλιν* i. deterior igitur, indicans, fieri non posse, quin adoleſcens ē luxurioſo temulentoque conuiuio redeat deterior. Laert. libr. sexto.

Idem.

Rogatus, quānā hora prandere oporteret? si diues, inquit, est, quando vult: si pauper, quum potest. Laertius in eius vita. Brus. lib. 2. cap. 14.

Idem.

Inuitatus apud Platonem, oleas ex omni apparatu tantū gustantē: Quid, inquit, sapiens vir in Sicilia huiusmodi mensarum gratia profectus, appositis modō non frueris? ibidem.

Athenodorus.

Dicebat, nē ad cœnam quidem se irurum ad eum, qui sibi per hoc debitor sit. Brus. lib. 2. cap. 14.

Zeno.

Rogatus cur in conuiuio tā hilaris esset, qui alioqui seuerior videbatur: vrbaniſſimè respōdit, Lupini (inquit) quam sint amari perſuſi tamen aqua dulceſcunt. Brus. li. ca. 2. ex Plutarch.

Aristarchus.

Vocatus ad cœnam, non prius vēturum se pollicitus est, quā nomē claturam eorū, qui simul vocati erāt didiciſſet. Dicebat, n. Cui nauigādum est, aut in expeditione militādū, cōtuberniū vtcunque ferat cōmorātium neceſſe est: ceterū citra delectū seſe pota-

potatorum turbæ immiscere, hominis est imprudentis, & parum cordati. Stobæus.

Aristides.

Semper suo vnus præsidio fretus Rempub. administrabat, à sodalitatibus abhorrebat, velut ab amicorum potentia, quæ ad iniuriam aliis inferendam adderet animum. Quantum ille vir abhorruit ab omni factione, qui non ob aliud vitabat amicitias, quam ne per illas adigetur ad aliquid faciendum, quod iustum non esset, aut cogeretur abstinere ab eo quod iudicasset Reipub. conducere. Nunc mundus vndique plenus est sodalitatibus, sed titulis plausibilibus, ac religionis lenocinio commendatis. Nec his fortasse dedisse nonnisi expedit viris insigni virtute præditis, eò quod maior pars, quæ ferè deterior est, sæpe cogit facere quod nolèr, aut abstinere ab eo quod erat factu optimum. Erasim.

Paulus Aemilius.

Cùm deuicto Perseo epulum exhiberet victorale, admirantibus Grecis, quod in magno splendidoque apparatu curiosus esset, dicere solebat, Eiusdem esse animi, & aciem & conuiuium bene struere: Illam quidem, vt formidolosus hostibus: hoc, vt amicis gratus esset. Plutarch. in Rom. apoph. & Brus. lib. 2. cap. 2.

Sertorius.

Admonere solebat suos, ne quid in conuiuiis præter decorum vel fieret, vel diceretur: præsertim, à iurgiis & obscenitate temperaretur. Nec ipsè quicquam tale sustinebat vel audire, vel videre. Plutarch.

De conuitiis

Demosthenes.

A Quodam conuitiis laceffitus, Comitor, inquit, in certamen, in quo qui superior euaserit, inferior est: & qui vicerit, victus est. Erasim. Rot. lib. 4. apoph.

Chrysippus.

* A quodam improbo multis affectus conuitiis: Optime, inquit, fecisti, quod nihil eorū quæ in te sunt præterieris. Anton. & Max. ser. de vitup.

Idem.

* Audiens quosdam ipsi conuitiari & obloqui: atqui ego, inquit, Sic vitam degam, vt illis nemo sit crediturus. Eod. serm.

Cleobulus.

* Dicebat conuitorum reprehensionem illas nō attingere qui secundum virtutem viuunt. Ibidem.

Plato.

* Quum reprehēderis conuities, inquit, vide num quid à te conuitio dignum designatum sit: si nihil tale actum est, fumum esse illud conuitium existimato. Anton. ser. de obloquit.

Anonymus.

* Sapienti cuidam quum aliquis diceret, me præsentē tibi à certo quodam conuitium factum est: tum ille, Nisi tu, inquit, libenter audiuis- ses, nunquam ille mihi esset conuiciatus. Eod. serm.

Scopelianus.

Eos qui conuiciis agerent, existimantes sese hoc pacto declarare animi magnitudinem, aniculas appellare solebat, non tantum ebrias, sed & rabidas. Philostratus.

Idem.

Psaltæ cuidam molestius obstre-

denri, *ἄλλ' εἰ κόρυς*: dixit, pro *βαλλ' εἰ κόρυς* abi ad coruos: ludens vnius literæ mutatione. Athenæus apud Erasf. lib. 6. apoph.

Demades.

Tibiis similes esse dicebat Athenienses, quod adempta lingua nihil residuæ rationis haberent. Stob. ser. de Imprudentia,

Anonymæ.

Philippus Macedonum rex, cum iudicaret vino madidus, & perperam sententiam contra mulierem tulisset: illa intelligēs errorem esse vini, non regis: Prouocō, inquit, ad Philippum, sed sobrium. Erasf. libr. 8, apoph.

Philippus.

Arhenienses comparabat statuis quibusdam, quæ nihil aliud quàm os haberent, & magna pudenda. Stob. serm. de Imprudentia.

Idem.

* Eum conuitiis afficiebat quidā effreni lingua præditus: cūq; amici hortaretur vt conuitiatorē persequeretur: Absit, inquit ille ne amplius affectus & implicatus plura in nos iaciat maledicta. Anton. serm. de contumelia.

Idem.

* Dicebat se suis conuitiatoribus gratiā habere, quod ab iis melior redderetur. Ego enim, inquit, Studens illos mendacij conuincere, si quid improbè fecerint, muto consilium, & poenitentia factum emendo. Ibid.

Diogenes.

* Cuidam conuitiatori, At nec mihi (inquit) credit quisquam te laudanti, nec tibi me vituperanti. Ibid.

Cicero.

Cum Pompeius, Gallum quendam, qui ad se à Cæsare transfugerat, ciuitate Romana donasset: O

hominem (inquit Cicero) bellum, qui Gallis ciuitatem promittit alienam, cum nostram nobis non possit reddere. Plut.

Idem.

Adolescens quidā accusatus, quod patrem placenta venenata sustulisset, cum stomachabundus minaretur se probris laceraturum Cicero-nem: Hoc, inquit ille, malim quàm placentam, accipiti dicto parricidium illi obiiciens. Erasf. libro 4. apoph. ex Plut.

C. Memmius.

Cum accusaret Bestiam reum, cui patronus erat Scaurus, ac fortè fuus quoddam duceretur: Vide (inquit) Scaure, mortuus rapitur, si potes esse possessor. notans Scaurum, qui male audiebat, quod Phrygionis Pompeij bona sine testamento possideret. Erasf. lib. 6. apoph.

Huc refer apoph. de D. tractatione, Liberè dictis, Maledicentia, &c.

De conuiciis in ipsum authorem retortis.

Anacharsis.

Exprobranti euidā Attico, quod Enatus esset in Scythia: Mihi, inquit, probro est patria, tu patriæ. Laërt. lib. 1. cap. 6.

Diogenes.

Aristippus philosophus, & Socratis discipulus, cum vidisset Diogenem olera lauante, accessit: Si Diogenes, inquit, sciret vti regibus, non vesceretur crudis oleribus. Contra Diogenes: Si Aristippus didicisset esse contentus oleribus, non esset canis regius: hoc est, non adularetur Dionysio regi, vt cibum ex aula eius

eius caperet. Laert. lib. 2. cap. 8.

Idem.

Diogenem quidam amentem vocabat, cui ille: Amens quidem non sum, non tamen eandem quam vos mentem habeo. Stob. serm. de Prudentia.

Idem.

Cuidam probri gratia obiicienti egestatē, quum ipse esset homo scelerosissimus: Ob rerum egestatem, inquit, neminem vidi torqueri, ob malitiam autem quā plurimos. Erasmi. lib. 3. apoph. in fine.

Idem.

Platone de quibusdam differente, Diogenes præsens, non attentē animaduvertebat. Quamobrem indignatione commotus Plato: Quin, inquit, diligenter sermones meos auscultas, canis? Qui nihil perturbatus: At ego, inquit, nunquam eō sum reuersus, vnde veni, quod canes solēt. Obscurē taxans ipsius in Siciliam profectionem, Ælia. lib. 14. de Varia historia.

Idem.

Quidam ei obiiciebat, quod olim falsam moneram signasset: Fateor, inquit Diogenes, fuisse tempus: quotalis eram, qualis tu nunc es: qualis autem ego nunc sum, tu profectō futurus es nunquam. Laërt. lib. 6.

Idem.

Philosophi vulgō hoc nomine malē audiebant, quod deos aut non crederent esse, aut contemnerent. Hoc innuens Lysias, interrogabat Diogenem crederētne esse deos? Cui Diogenes: Quis conuenit, inquit, ut non credam, quum persuasum habeam, te diis inuisum esse? Hoc dictum quidam attribuant Theodoro. Non respondit ad quæstionem, sed in contumeliosē interrogantē

retorsit sermonem. Laërt. lib. 6.

Socrates.

Acrius obiurgāti familiarē quempiam in conuiuio, Plato dixit, Nonne satius erat hæc illi dixisse seorsum? Cui Socrates: Et an non tu quoque rectius fecisses, si hæc mihi seorsum dixisses? Erasmi. lib. 3. apoph. ex Plutarch.

Plato.

* Quidam ei retulit esse nonnullos, qui ipsum conuiuiis & maledictis infestarentur. At ego, inquit, ita mores componam, ut illis fides nulla habeatur. Anton. sermone de contumelia.

Demoſthenes.

Pytheas Demoſtheni obiecit, quod ipsius enthymemata lucernam olearent: significans illum non nisi de scripto, & ad lucernam elucubrata dicere. Quod dictum ita retorsit Demoſthenes, ut diceret, Non eodem pretio sibi & illi constare lucernam notans, quod ille nocturnis conuiuiis indulgeret, plus impendens luxui, quā ipse studio. Plut. in Demoſth.

Idem.

Aduersus Demadem clamantem, Demoſthenes me corrigere vult, sus Mineruam: At ista (inquit Demoſthenes) Minerua anno superiore in adulterio deprehensa fuit. Adulterium obiecit Demadi, quum Mineruam poetæ faciant virginem. Erasmi. 4. apoph. & in Prouerb. Sus Mineruam. Ex Plutarch.

Idem.

Aduersus quendam Phæreum nomine, de stupro suspectum, quum Phæreus Demoſtheni vigilias elucubrationesque obieceret: Scio, inquit, tibi molestū fuisse, quod lucernā per noctem habuerim. Brusi. lib. 1. cap. 4.

Anonymus.

* Quum cuidā multis verbis quidam nugator vt probum obliiceret, quod ē parentibus ignobilibus prognatus esset: Mihi, inquit, dedecori sunt parentes, tu verō parētib. Anton. serm. de contumel.

Antagoras.

Antagoram poetam in tentorio congrum coquentem, atque patellam versantem deprehendit Antigonus à tergo stans, eique dixit: Putāsne ô Antagora, Homerum, quum Agamemnonis res gestas scriberet, coxisse congrum? Contra hæc Antagoras: Et tu rex, putāsne Agamemnonem, quū illas res gereret, fuisse curiosum, si quis in exercitu congrum coqueret? Plut. in apophth.

Archelaus.

Timotheus citharædus quum ingens præmium ab Archelao sperasset, ac minus sperato accepisset, patellam illum iocufabat, canens, Tu verō terræ filium argētum laudas? nūtu regem denotans, at Archelaus succinuit: Tu verō petis? in Græcis verbis plus est gratiæ, ob vocum affinitatem, ἀργεῖς, ἀγρεύς, id est, laudas, petis. Turpiter petit, qui non probat quod petit. Plut. & Eras.

Leo Byzantius.

Pisidi obiicienti lippitudinem oculorum: Corporis, inquit, vitium exprobras, haud videns filium tuum Nemesium humeris baiulantem. Eratenim Pisidi filius contractis humeris. Nemesium autem dixit redargutionem insolentiæ, quam veteres fingebant esse deam. Impudenter aliquis in alterum torqueret conuitiū, si in promptu sit quod ipsi vicissim obiiciatur. Philostratus.

Quirinus sophista.

Quū ab Asiānis reprehenderetur,

quod in accusando mitior ac lenior esset quā ipsi docerent: Multo, inquit, satius est, vt vos meam accipiat lenitatem, quā ego vestram crudelitatem. Tamebant Asiāni rhetores & immodicis delectabantur. Philost. in sophistis.

Nicetes Smyræus.

Telonæ cuidam in iudicio vehementius incandescenti, dicentique, Desine latrare in me: admodum false respondit, Si tu desinas mordere: nam vtrunque canum est. Philost. in sophistis.

Polemo.

Timocrati philosopho apud Polemonem dicenti, Favorinum esse loquacem: Et omnis, inquit ille, anus. Notans in Favorino corporis habitum, quod esset eunuchus. Visus est excusare vitium, sed re vera conuolauit. Philostratus.

Chabrias.

* Improbo cuidam eū multis conuitiis afficiente, respondit: Bene fecisti quod nihil eorū quæ in te insunt prætermisisti. Anto. ser. de contu.

Anonymus.

Libanius sophista, summus Iuliani Apostatæ fautor, eū interrogasset Antiochiæ ludimagistrum quendam virum bonum atque pium. Quid nunc fabri filius (Christum per contumeliam intelligens) ageret? respondit, Non oriatur ô sophista, quem fabri filium appellas: parat enim Iuliano loculum. Intellexit autem vir optimus, Iulianum ob insignem impietatem & crudelitatem non diu su perstitum fore, & diuinam ultionem præ foribus esse: paucos enim post dies Iulianus est interfectus. Trip. ar. hist. lib. 6. cap. 44.

Epaminondas.

Quum Argiui Thebanorum de-

sent socij, Atheniensium oratores, in Arcadiam inissi, vituperarunt vtraque gentem, & Callistratus rhetor Orestem & Oedipodem ciuitatibus exprobrabat. nam Orestes Argius fuit, Oedipus Thebanus. Interim surgens Epaminondas: Fatemur, inquit, apud nos fuisse qui patrem occiderit, apud Argios qui matrem necarit: sed eos qui hæc patrarunt nos expulimus, Athenienses receperunt. Tanto compendio conuicium retor sit in authores. Plut. in apoph.

Idem.

Pelopidæ increpanti, quod nullos tolleret liberos, malè in hoc confusus patriæ: Vide, inquit, ne tu peius consulas, qui talem patriæ filium relicturus sis. Habebat enim Pelopidas filium improbum & infamem. Mihi, inquit, Leuëtrica pagna pro liberis erit, nunquam interitura. In hoc enim suscipiuntur liberi, ne percat nostri memoria. At hoc melius præstant egregia facinora. nam liberi frequenter offuscant parentum gloriam. Eras. lib. 5. apoph.

Stilpo.

Quum olim omnium hominum oculi in solum Stilponem coniecti essent, quidam ad Stilponem, Isti (inquit) omnes te admirantur vt beluam: Nequaquam, ait, sed vt verum hominem admirantur me bestiæ. Laert. lib. 2. cap. 12.

Gnathæna.

Reprehensa à Stilpone philosopho, quod adolescentes corrumperet: Tu, inquit, egòque Stilpon in eodem hæreinus crimine, qui adolescentes tecum versantes inutilia quædam & amatoria sophismata doces, vt nihil referat cum philosopho versentur, an cum meretrice. Erasim. lib. 6. apoph.

Phocion.

Athenienses Demadæ proponentes Phocioni, belli ducem constituerunt. Qui cum ambitu superasset Phocionem, summe animum extulit, & accedens Phocionem: Accommoda, inquit, mihi sordentem istam chlamydem, quam gestare solitus es in tuo belli principatu. Cui respondens Phocion: Nunquam, inquit quicquam tibi sordens deerit, dum talis fueris. Ælianus libr. 14. de Varia hist.

Idem.

Demostheni rhetori dicenti, Occident te, ô Phocion, Athenienses, si quando cœperint insanire, hunc in modum respondit: Me quidem, si insanire occeperint, at te, si ad sanam mentem redierint. Demosthenes enim pleraque ad gratiam apud populum loquebatur, & blanda potius quàm salubria consulebat. Plut. in apoph.

Themistocles.

Seriphio cuidam obiciienti, quod non ex sese, sed ob vrbs nobilitatem celebris esset: Vera, inquit Themistocles, prædicas. Neque enim ego si Seriphus essem, clarus essem, neque tu si Atheniensis. Non inficiatus est vrbs celebritatem nonnihil facere ad illustre nomen: sed illum esse tam ignauum, vt etiam si fuisset natus Athenis, nihilo minus fuisset obscurus futurus. Plut. in apoph.

Adimantus.

Adimantus abhorrens à pugna nuali, ad Themistoclem, qui Græcos hortaretur incitarétque ita loquutus est: O Themistocles, eos qui in certaminibus ante alios profiliunt, inos est flagris cedere. Cui Themistocles, Sic est Adimante, vt dicis: sed nec eos qui se subducunt, coronat quis-

quam. Adimantus notauit in Themistocle præcipitem audaciam, ille vicissim illum insinulauit formidinis, qui cum opportunitas inuitaret, detrectaret pugnam. Plut. in Themist.

Cleomenes.

Cleomenem quidam per conuicium dixerat deliciis deditum. At hoc, inquit, satius est, quam iniustum esse. Tu verò pecuniarum amore teneris, quoniam quod satis est possideas. Argute significauit, neminem esse posse iustitiæ tenacem, qui supra quam satis est congerendi studio tenetur: ad hæc stultum esse, qui alteri leuius exprobrat vitium, quum in ipsum illico grauius crimen possit retorqueri. Plut. in Lacon.

Pausanias Plistonactis F.

E patria profugus, quum Tegeæ laudaret Lacedæmonios, cuidam dicenti: Quin igitur mansisti Spartæ, sed fugere maluisti? Quoniam, inquit, nec medici apud sanos, sed apud ægrotos versari solent. Salsissime cōuicium exilij retorfit in Tegeaten, quod eius gentis corrupti mores egerent Spartana disciplina. Plu. in Lac.

Anonymus.

Quum Thebani deuictis apud Leuctra Lacedæmoniis, ad ipsum venissent Eurotam, & quidam gloriabundus dixisset, Vbi nunc Lacones? Spartanus quidam ab illis captus, Non adfunt, inquit, alioqui vos huc non venissetis. Ne victus quidem & captiuus potuit obliuisci indolis Laconicæ, nec tulit victoris iactantiam. Plut. in Lacon.

Idem.

Argiuo quodam dicente, multa Spartanorum sepulcra apud nos sunt: Lacon excipiens, Atqui Argiuorum apud nos nullum est sepulcrum, inuens, quod Spartani semper inua-

fissent Argiuos, Argiui verò Spartanos nunquam. Solerter Lacon, quod ille dixerat in gentis suæ laudem retorfit in ignominiam. Plut. in Lacon.

Idem.

Quidā cum Laconi dixisset, Mentiris, ille contrā, Nimirum (inquit) liberi sumus, alij verò, nisi vera dixerint, vapulant. Quo dicto se liberum esse demonstrat, à seruo notatum: qui si fallat mendacio, loris punitur. Plut. in Lacon.

Plistonax.

Cum rhetor quidam Atticus Lacedæmonios dixisset indoctos: Nos enim, inquit, Græcorum soli nihil à vobis didicimus mali. Lacedæmonij malum existimabant, quicquid non faceret ad efficiendam ciuitatem meliorem. Plut. in Lacon.

Demetrius.

Lysimacho Demetrium impetente conuiciis, dicentēque, Lamiam sibi visam meretricem de scena tragica prodeuntem (hæc erat amica Demetrii magnificè culta.) Demetrius respondit, meretricem Lamiam esse modestiorem, meliusque moratam, quam ipsius Penelopen, coniugem illius notans. Plut. in Demetrio.

Idem.

Quum alteram vxorē ducere statuisset, liberis ipsum percōtantibus, nunquid in ipsi haberet de quo quereretur? Nequaquam, inquit, imo ob id potius alteram ducō, quod collaudem vos, cupiamque mihi & alios istiusmodi liberos nasci. Erasmi lib. 5. apoph. Illud etiam de Pisistrato & M. Catone refertur.

C. Marius.

In bello ciuili cum fossa cinctus obsideretur, continuit sese, opportunitatem expectans tempus rei gerendæ. Popedio autem Siloni dicenti, Si magnus

gnus es imperator, ô Mari, descende in conflictum: Imò tu, inquit, si magnus es imperator, coge me nolentē ad certamen venire. Plut. in apoph.

Galba.

Libo, cum ei dixisset, quando tandem Galba exibis de triclinio tuo? Mox ait, Cùm tu de cubiculo alieno Libo notauit Galbam, quòd L. Scribonius tribunus plebis iudices ferret familiares suos, & conuiuiis corruptos. Galba vicissim illum notauit adulterij. Eras. lib. 6 apoph.

Heluius Mancius.

L. Libonem apud Pompeium accusabat: in quo certamine Pompeius, Liboni fauens, Helio & generis humilitatem & senium exprobrans, dixit, illum ab inferis remissum, vt claros viros accusaret. Hoc conuiuium is constater retorsit hoc modo: Non mentiris, inquit, Pompei: planè ab inferis reuersus sum. Sed dum illic moror, vidi Cn. Domitium Ænobarbum deplorantem, quòd summo genere natus, vitæ inculpatissimæ, patriæ amantissimus, in ipso iuuenturis flore tuo iussu esset occisus. Vidi pari ciaritate conspicuum Brutum, ferro laceratum, querentē id sibi prius accidisse. Vidi Cn. Carbonem, acerrimum pueritiæ tuæ, bonorumque patris tui defensorem, cum tertium cōsul esset, catenis, quas tu illi iniici iusseras, victū, obstantē te, aduersus omne fas & nefas, cum in summo esset imperio, à te equite Romano trucidatum. Vidi eodem habitu & quitratu, prætorij virum Perpennam, fœuitiam tuam execrātem: atque hos omnes eadem voce indignātes, quòd indemnatī sub te adolecentulo carnifice cecidissent. Has Manciaz voces fortassis aliquis temeritatem ap-

pellere citius quàm libertatem. Scitum est, quòd subnectit Valerius: Eo tempore & fortissimum erat Pompeio maledicere, & tutissimum. Fortissimum, ob summā potentiam: tutissimum, ob reuocatam veterum facinorum inuidiam. Eras. lib. 8. apoph. ex Valer. Max. lib. 6. cap. 2.

Ægilius.

Qu. Opimius consularis in adolescentia malè audiuit. Is Ægilio homini festiuo, qui videbatur mollior, nec erat, sic exprobrauit mollitiem: Quid tu Ægilia mea, quando ad me venies cum tua lana & colu? Lepidè retorsit Ægilius: Non Pol, inquit, audeo: nam me ad famosas vetuit mater accedere Alter simulabat orationem, velut ad fœminam, alter accepta persona simulationem vertit in irrisionem. Eras. lib. 6. apoph.

Philippus orator.

Catulus Philippo oratori dicenti, Quid latras? respondit, Furem video. conuiuium latrandi in ipsum retorquens, notauit hominis rapacitatem. Bruto. lib. 2. cap. 40.

Catulus.

Cùm audiret quosdam ex iudicibus quos pecunia Clodius corrumperat præsidium petentes, ac si in periculo forent constituti: perstringens istorum prædonum auaritiam. Quid vos (inquit) à nobis præsidium postulabatis? an, ne nummi vobis eriperetur, timebatis? Cic. ad Att. lib. 1. Plut.

M. Crassus.

Cn. Domitius L. Crasso collegæ exprobrauit, quòd censor tanti habitaret, eo quòd in porticu domus haberet columnas Hymetias, pro domo eius millia nummum identidem promittens. Crassus erat præsentī ac festiuo ingenio, rogauitque collegæ. Quanti ipse domū suam æstimaret.

Is respondit, Sexagies festerium. Rursum Crassus: Quanto igitur, inquit, eam minoris aestimas, si decem arbusculas succidero? Eæ fuerunt loti, patula ramorum opacitate lasciuæ. Cum Domitius respondisset, tricies festerium. Vter, inquit Crassus, nostrum luxuriosior? egone, qui decem columnas centum millibus numinum emi: an tu, qui decem arbuscularum vimbram tricies festerium aestimas? Ita est ingenium hominum, ad aliena vitia perspicax, ad sua cæcum. Eras. lib. 6. apoph.

Deiotarus.

M. Crassus in Parthos proficiens, cum Deiotarum extremæ iam senectutis, nouam urbem condere videret: Quid est, inquit, ô rex, hoc rei, quod cum hora diei iam adsit duodecima, nouam urbem extruere institueris? Ad hæc arridens Deiotarus: Imò quid tibi in mentem venit, Imperator, vt cum hæudquam sis (vt videtur) matutinus, tamen in Parthos cum exercitu properas? Nam id temporis Crassus sexagesimum agebat annum. Hora quæ nobis duodecima est in meridie, olim erat extrema diei. Plutarch. in M. Crasso.

L. Crassus.

L. Crassus cenfor Cn. Domitio collegæ exprobranti, quod ob murenam in viuario mortuo lachrymasset: At tu, inquit, cum vxores tres extuleris, nullam emisisti lachrymam. Scitè retorfit conuiuium. Notauit illum, quasi non curasset vxorum mortem. Et alioqui turpius est in vxoris funere non flere, quam ob murenam emittere lachrymas. Eras. 6. apoph. ex Plutarcho.

Domitius Afer.

Congus Sulpicius insigniter ipse

foedus, cum contra quem in iudicio aderat, dixit ne faciem quidem habere liberi hominis, Cui respondens Domitius Afer: Næ tu ex animi mei sententia, Longe. Qui malam faciem habet, liber non est. Si ideo liber non erat cuius agebatur causa, quod deformis esset: nec ipse Sulpicius habendus erat pro libero, cum esset foedissimus. Eras. lib. 9. apoph.

Cato.

Cum quidam Catoni dixisset, Eamus deambulatum: & adolescens quidam interpellasset dicens, Quid opus erat de? Imò inquit Cato, quid opus erat te? Vna literula mutata, significauit ipsum potius esse superuacaneum in vita, quam de in verbo. Eras. lib. 5. apoph.

C. Lælius.

Ei quidam obscuro genere natus dicebat, Indignus es tuis maioribus, respondit: At tu hercule tuis satis dignus es. Cice. lib. 2. de Oratore, & in Lælio.

Cicero.

Cum ad Pompeium venisset, ac venisse pœniteret, rogatus vbi Pisonem generum reliquisset? Apud tuum, inquit, socerum: Cæsarem designans. Perinde quasi notatus esset Cicero, quod à genero suo dissociatus esset, perstrinxit illum quod ipse cum socero bellum gereret. Plut. in apoph.

Idem.

Metello percontanti, quis ipsius esset pater, nimirum ignobilitatem exprobrans: At istam, inquit, percontationem vt respondere sit difficilior, mater effecit tua, nam Metelli mater audiebat parum pudica. Quin & ipse Metellum matrè referēs leuior erat, & inconstans, & affectibus seruiens. Cicero conuiciū à patre ad matrem trāstulit. Tum enim incertus est pater,

ter cū mater non cū vno consuetudinem habet. Plut. in Rom. apoph.

Idem.

Verres, qui filium habebat parum pudicē flore ætatis vtentem, Ciceronem vt parum virum ac cinædum incessebat conuiciis. At Cicero, Ignoras, inquit, quod liberis intra fores ita conuiciandum sit. Significans hoc conuicium non in ipsum competere, sed in conuiciatoris filium Parentum est autem obiurgare liberos, sed intra domesticos parietes, nec turpia conuicia sunt eliminanda. Eliminat autē, qui aliis impingit, quod ipse domi committunt liberi. Plutarch. in Rom. apoph.

Anonymus.

Plancus cū in causa quadam adesset amico, vellētque testem molestum perturbare, interrogauit, quose artificio tueretur. Sciebat enim illum esse sutorem. At ille lepidē retorquēs in Plancum: Gallam, inquit, subiugo. Id quidem sutorium habetur instrumentum: sed rectē exprobrabat illi adulterium cum Mæuia Galla, quo nomine Plancus malē audiebat. Eras. Rot. 6. apoph.

Antigenidas.

Cū quidam eiusdem artis æmulus ira commotus contumelia affecisset dicerētq; Abi, emā te pro mancipio, respondit, Bene facies, tū enim ego te docebo tibiis canere. Philo Iudæus lib. Quod omnis probus liber.

Cassius.

Iulio Cæsare iam per insidias interfecto, sedatōque tumultu populi, cū Brutus ad Lepidum propinquum suum, Crassus verō ad Antonium proficisceretur, inter cœnandum cū sermonem (vt fit) de multis rebus haberent: tum verō Cassium Antonius interrogauit, An

nunc etiam (inquit) pugionem sub axilla geris reconditum? Certē, inquit, longē maximum: siquidem tu quoque regnum affectabis. Xiphil. Dionis abbreviator. in Iulio.

Anonymus.

Cæsar Augustus cū vidisset adolescentem oris similitudine sibi similem, interrogauit, num aliquando mater eius Romæ fuisset. Negauit ille: sed sentiens conuicium, statim retorfit in authorem, adiciens, Sed pater meus sepe Romæ fuit. Augustus ludens, suspicionem intendebat in matrem adolescentis, velut ab ipso stupratam: & adolescēs protinus eam suspicionem retorfit in matrem Cæsaris, aut in sororem. Nam oris similitudo non magis arguebat illum esse Cæsaris filium, quā fratrem aut nepotem. Eras. li. 4. apoph. ex Sueton.

Sfortia Cotignola.

Ei, Duci clarissimo, siquid a Sergio magno Senescalco, ad exprobandam generis nouitatem, ligonis fabula obiectaretur: In hoc, inquit, vt video, stirpis origine pares sumus, quum Adamus, mortalium primus, terram & ipse foderit. Sed ego certē, quod iure diffiteri non potes, illo meo ligone multo nobilior euasi, quā tu tuo pene & pena. Quo scommate lepidē admodum hominum transfixit, quum in eo tanta cum inuidia dignitatem stupro quæsitam, & patrem eius ad prætoris tribunal, ignobilem scribam, adulteratōque testamento falsi damnatum, scitissimē notasset. Paulus Iouius in vita Iacobi Mutij, cap. 84.

Queraldus.

Is Petri Aragoniæ regis senator,

missus aliquando legatus ad regem Africæ, fuit ab illo in cœnam adhibitus, quam rex ipse apparari iusserat editioribus in scamnis. Afri enim in solo super tapetis discumbunt. Cœnitauerunt plures simul. Rex autem ipse clam iubet ossa colligi, eaque ad pedes Queraldi illo nesciente coniici. Finita igitur cœna, cum aulæ magistri iussu mensæ essent sublatae, apparereturque ossium cumulus: tum quispiam à rege submissus, Quid hic (inquit) ossium video, lupus profecto hic cœnitauit, non homo. Tum Queraldus ad regem conuersus: Mihi, inquit, ô rex cum lupis fuit negotium, cum lupo- rum sit & carnem & ossa simul arro- dere, quod comessatores isti tui fece- re. Ego verò, ut homo ac conuiua co- mis, carnes absumpsi, ossa in humum abieci, in canum pastum atque oble- tamentum. Pontanus.

Ignatij episcopi.

Ignatius Calcedonensis episco- pus, cum iam Constantinopoli ha- bitans, ob senectutis incommoda visu orbatus esset atque à Iuliano a- postata ob id vexaretur, Galilæum (ita enim Christum per contem- ptum vir impius nominare solebat) visum non restitutum ei dicens: respondit, Lubens quidem oculis carere volo ne tam impium tyran- num te Iulianum videre cogar. Ful- gorus lib. 6. capite 2. ex histor. Eccle- siast.

Biracus.

Patriarcha Hierosolymitanus, qui rotam cancellariam pontificiam re- gebat, conuocatis aliquando certam ob causam discutiendam aduocatis nonnullis, quendam verbis acriter

castigauit. Huic cum vnus præ cere- ris Thomas Biracus liberius respon- disset, versus in eum patriarcha, in- quit: Malum caput habes. At ille, ut erat homo promptus: Rectè, inquit, ac verè loqueris. Nam si bonum ca- put haberem, satis meliori loco res nostræ essent, neque opus esset hac nostra controuersia. Te igitur ipsum culpas, ait patriarcha. Tum ille: Non me, inquit, sed caput reprehendo: ita ipsum, qui aduocatis omnibus præ- erat, Patriarcham accusans, qui duro paulum capere erat. Poggius Floren- tinus.

De correctione.

Zeno.

C Vidam dicenti, Cur me vnum omnium non corrigis? Non e- nim, inquit, tibi credo. Subindicans, sibi non esse spem, illum, si corrip- retur, fore meliorem. Laert. lib. 2. ca. 1.

Gallus.

Quum Gallus, qui testimonium ferebat contra Pisonem, dixisset, in- numerabilem pecuniam Magio præ- fecto datam, idque Scaurus tenui- tate Magij redargueret: Erras, in- quit, Scaure. Ego enim Magium non conseruasse dico, sed tanquam ab- dus nuces legeret, in ventrem ab- stulisse. Correxerat sermonem suum Gallus, sed ita, ut crimini corruptelæ crimen adderet luxus, Erasmi. lib. 6. apoph.

Vide apoph. de Castigatione & Reprehensione.

De

De credulitate.

Timon.

Cum Alcibiadem adhuc puerum
Cobuiam habuisset, & deoscula-
tus ei plurimum blandiretur, rogan-
tibus quibusdam, quæ insuetarum
blanditiarum causa esset? Respon-
dit, amare se eum puerum, quod præ-
videret ipsum quandoque Athenien-
sibus magnorum malorum causam
fore, qua spe sola fruebatur. Etenim
propter immanem naturam id ei
placebat, quod alij iure omnes a-
bominabantur. Fulgosi. libro 9.
cap. 11.

Alexander Phereus.

Alexander Phereus tyrannus,
maximè truculentus sæuissque esse
videbatur. Theodoro verò tragico
poeta, cum acri animorum affectu
& commiseratione Æropem agen-
te lachrymas profudit, surgensque
de theatro recessit. Verùm purgans
& excusans se apud Theodorum, af-
firmavit se non idcirco abiisse, quod
illum aut aspernari aut contumelia
afficere voluisset: sed quod pudui-
set ipsum histrionis incommodis &
affectionibus misericordem videri,
suis verò ciuibus & subditis non
irem. Ælianus lib. 14. de Varia hi-
stor.

Vxor Hannibalis.

Hannibalis Pœni scelerata atque
atrox nimis vxor, inspecta humani
sanguinis fossa, pulchrum in ea es-
se spectaculum dixit. Fulgosi. lib. 9.
cap. 11.

C. Fimbria.

Procurarat, vt Scæuola in funere
C. Marij iugularetur, quem vt co-
gnouit ex vulnere recreatum, apud
populum deferre instituit. Rogan-

tibus, quid optimo innocentissimò-
que viro esset obiecturus? Obiiciam,
inquit, quod parcius corpore telum
recepit. quasi hoc ipsum crimen es-
set, nō periisse. Eras. lib. 6. apoph. Bru-
son. lib. 2. cap. 9.

Q. Catulus.

Cum Syllana crudelitas magna
licentia sæuiret in capita ciuium
(nam occisi feruntur supra nouem
millia) percussoribus liberè per vr-
bem vagantibus, ac cæteris metu at-
tonitis, Qu. Catulus palàm ausus est
dicere Syllæ: Cum quibus tandem
victuri sumus, si in bello armatos,
in pace enermes occidimus? Eutrop.

Sylla.

Septem millia Romanorum oc-
cidi iussit: ac cum in vicino ad ædem
Bellonæ sedens exaudisset exclama-
tionem tot millium sub gladio ge-
mentium, exterrito senatu: Hoc a-
gamus, inquit, P. C. seditiosi pauculi
meo iussu occiduntur. Brufon. lib. 2.
cap. 9. ex Plutarcho.

P. T. elestinus.

Pontius T. elestinus cum in eo bel-
lo, quod Sylla contra patriam gessit,
magno Reipub. Romanæ detrimen-
to ad portam Collinam parum pro-
sperè pugnasset, ac vociferaretur e-
ruendam delendamque urbem: adie-
cit, Etiam nunquam defuturos Itali-
cū libertatis lupos, nisi sylua, in quā
refugere solerent, penitus esset exci-
sa. Velleius Paterculus, & Cuspinia-
nus in Consulibus.

L. Catilina.

Obiicienti Ciceroni, incendium à
se excitatum: Sentio quidem (ait) ve-
rùm si aqua illud non potero, ruina
extinguam. Bruf. lib. 2. cap. 9.

Augustus Cæsar.

Audiens inter pueros, quos in Sy-
ria Herodes crudelissimus Iudæo-

rum rex interfici mādauerat, filium quoq; eius interfectum, dixisse fertur Se malle suum, quā filium Herodis esse. Inter Iudæos enim cū versaretur à suilla carne prohibita abstinebat, iuxta legem. Macrobi. lib. 2. cap. 4. Sat.

Idem.

Cœnabat apud Atedium, siue Vedium Pollionem, ibi fregerat quidam ē seruulis vas crySTALLIUM: qui ilico iussus est ab Atedio rapi, & murenis obici. Puer ad Cæsaris pedes confugit, nihil aliud petiturus, quā vt aliter periret. Cæsar motus nouitate crudelitatis, & puerum dimitti & crySTALLINA omnia ante se frangi iussit, & cōpleri piscinam. Amicum autem grauitur increpauit: Et conuiuium, inquiens, rapi homines imperas, & noui generis pœna lacerari? Si calix tuus fractus est, viscera hominis distraherentur? Tantūne viri placebis, vt tibi aliquem duci iubeas, vbi Cæsar est? Erasmi. lib. 4. apoph. ex Suetonio & Sen.

Theodorus Gadareus.

Is Tiberij Cæsaris in Rhetoricis præceptor, animaduertens in puero sanguinarium ingenium, sub specie lenitatis & clementiæ latitans, sub inde inter obiurgandum appellabat illum, lutum sanguine maceratum. Ab initio quippe sui imperij miram lenitatem præ se tulit, sed in progressu ad immanem crudelitatem prolapsus est, vt Suetonius testis est in eius vita.

Tiberius.

Cū custodias recognoscentem eum quidam rogaret vt supplicium maturaret: respondit, Nondum redij tecum in gratiam. Humanitatis officium esse putauit, si damnatum citò occidisset. Suet.

Idem.

C. Caligulæ ideo imperium reliquisse dicitur, quo memoriam scelerum suorum maioribus Caij sceleribus obrueret: vtque maxima atque nobilissima pars senatus post mortem suam necaretur. Sæpe enim dictum illud vetus fertur vsurpassetur. Me mortuo, terra cum igni misceatur. Dion Nicæus in eius vita.

Nero.

Post multa nefanda facinora quam vrbeim atque imperium viuus perdere funditus optaret: Priamum mirum in modum beatum fuisse dicebat, quod patriam simul cum regno perditam vidisset. Xiphilius in Nerone.

Idem.

Quum amitam ex duritie alio cubantem visitaret, & illa tractans lagnuginem eius (vt assolet iam grandioribus natu) per blanditias fortè dixisset, Simul hanc excepero, mori volo: conuersus ad proximos, confestim se positurum (velut irridens) ait, præcepitque medicis, vt largius purgarent agram, quo citius efflaret animam. Brusi. lib. 2. cap. 9.

Idem.

Quodam in colloquio proferente Græcum versiculum,

ἢ μὴ θανάτος γὰρ μὴ θάνατος αὐτοῦ;
id est,

Me mortuo terra misceatur incendio:
Subiecit, Imò ἢ τοῦ καὶ θάνατος, id est, me etiam viuo. Quibus portentis attento quando committitur Respub. Erasmi. 6. apoph.

Idem.

Columnis statuarum eiusdem illud adscriptum erat, Galli cantando me excitauerunt. Indignissime tulerat Galliarū defectionē: proinde de-
ereue-

creuerat, Gallos omnes Romæ agentes contrucidare, prouinciâque exercitui diripiendam tradere. Suet.

Agrippina.

Quum iussu Neronis occideretur, ac Centurio ferrum in eum stringeret, ventrem ostendens clamabat: Hunc percutite, hic est ferro fodendus, qui portentum illud genuit. Suetonius.

Nero.

Vestinus consul, quum eodem die omnia munia consularia obisset, è conuiuio repente ad supplicium raptus est. Conuiuæ nihil aliud quàm exitum expectabant. Horum pauorem irridens Nero, dixit illos satis supplicij luisse pro epulis consularibus. Dicas hoc à clemente dictum, si cætera Neronis facinora spectes. Sueton. in Nerone.

Caligula.

Is, vt alia omni in re, ita verbis quoque sceleratus fuit, persæpe repetens, Oderint dum metuant. Optabat etiam populum Rom. vnâ habere tantum ceruicem, vt vno ictu omnes interficere simul posset. Fulgof. lib. 3. cap. 11. ex Sueton.

Idem.

Vir quidam prætorius valetudinis causa secesserat in Anticyram, petito à Caligula Cæsare commeatu. Is quum sæpius peteret prorogari commeatum, mandauit interfici, & adiecit, necessariam sanguinis esse missionem, cui tam diu non profuisset helleborum. Solent enim medici, in morbis validioribus venarum incisione vti. Et in Anticyram nauigabant, quibus opus erat purgatione. Eras. lib. 6. apoph.

Idem.

Quum destinasset interficere fra-

trem suum, eumque suspicaretur, sese medicamentis præmunire ita locutus est: Antidotum aduersus Cæsarem? Timebat ille venenû, quasi Cæsar non posset alio quouis modo trucidare, quem vellet extinctum. Eras. lib. 6. apoph.

Vitellius.

Postquam occisum Othonem in campo Bebriaci cognouit, eoque venisset, abhorrentibus quibusdam cadauerum tabem detestabili voce confirmare ausus est: Optimè olere occisum hostem, & melius ciuem. Sed hic tandem religatis post tergum manibus, iniecto ceruicibus laqueo, veste discissa, seminudus in forum tractus est inter ludibria, per totum vitæ Sacræ spatium. reducta coma, ceu noxij solent, quibusdam etiam cœno stercoreque incessantibus. Tandem apud Gemonias munitissimis ictibus excarnificatus, confectusque est, indeque vincto in Tyberim tractus. Brusonius lib. 2. cap. 9. & Fulgof. lib. 9. cap. 11. ex Tacito.

Antoninus Caracalla.

Cum direptis ciuium bonis atque omnibus exhaustis arariis, sua crudelitate ingentem corrasisset pecuniam, eamque indifferenter nefariis hominibus distribueret: obiurgatus à Iulia matre, vt pecuniis aliqua ex parte parceret, atque prædæ optimæ partem in alium vsum sibi referuaret, strictum gladium ostentans matri, respondit. Læto sis animo, quam diu huc habebimus nulla nobis deerit pecunia. Ostendens, nullâ pecuniam apud subditos adeo reconditam esse, quam sua crudelitate extorquere non posset. Dion Nicæus, & Xiphilinus in vita Antonini.

Vide apoph. de Tyrannide.

L. iij

De cunctatione in rebus agendis.

Diogenes.

Proscibat aliquid ab homine avaro: quem cum videret cōtantem, ac negaturo similem, ô homo, inquit, ad cibum te postulo, nō ad cyp-pum? ut qua licet, Græcarum vocum affinitatem reddam. Græcis enim τροφή cibus est, ταφὴ, sepultura. Erasmus lib. 3. apophth. ex vita Diogenis apud Laërt.

Socrates.

Hoc distichium plurimum in ore habuisse dicitur: Dimidium operis peractum ei, qui iam esset aggressus. Sunt enim qui cunctando ac deliberando vitam omnem absument. Est autem hemistichium Hesiodium. Ἀρχὴ μὲν οὖν πάντων. Laërtius in vita Socratis.

Fabius Max.

Quoniam cum Hannibale pugna-re detrectabat, mora copias illius & pecuniarum & commeatus egentes attenuabat. Ob quod cum malè audiret, nihil tamen commotus, pergebat in suo instituto & Hannibalem cunctatione fregit, quem alij magno militum exercitu vincere nunquam potuerunt. Plutarc. in eius vita.

Julius Cæsar.

Quum Pompeius instructam aciem apud Pharsalum inibi consistere, & hostem operiri iussisset, Cæsar dixit illum errasse, qui viam, impetū, ac diuinum afflatum animorum ad incursionem paratorum, mora relaxasset. A deo Cæsari non modò certa men erat cum Pompeio de fortuna belli, verum etiam de bellandi peritia. Plut. in Rom. apoph.

Augustus Cæsar.

Illud semper citò factum posse dici aiebat, quòd cum factum esset, bene haberet. Tarditatem enim, quæ tuta esset, celeritati anteponebat cui periculum esset coniunctum. Fulgositus lib. 7. cap. 2.

Julianus.

Quum in frequenti turba quidam ipsum his verbis appellaret aduersus aduersarium suum? Thalassius inimicus pietatis tuæ nostra per viam eripuit. Agnosco, inquit, ab illo me fuisse læsum, proinde dic illi, ut mihi potiori inimico prius satisfaciat, mandauitque præfecto, ne prius cognosceretur illorum negotium, quam ipse cum Thalassio rediret in gratiā. Quod alter adduxerat ad maturandam vindictam, Cæsar torfit in cunctationem. Eras. lib. 8. apophtheg.

De curiositate.

Anonyma.

Thaletem in cælum suspicientem, & lapsum in barathrum, ancilla conspicata, meritò id illi accidisse dicebat: qui cum quæ ante pedes essent ignoraret, cælum contempleretur, ut cognosceret. Antonius in Melissa, par. 2. serm. 77. & Maxim. ser. 21. Brufon. lib. 2. cap. 27.

Aristippus.

Quum quidam obiiceret Aristippo, ac diceret, Propter te ager perit An, inquit, melius est, me propter agrum, quàm propter me agrum perire? Antonius ser. 77. part. 2. Melissa.

Xenocrates.

Nihil referre dicebat, utrū pedes an oculos inferas in aedes alienas, videlicet deterrens ab omni curiositate rerum ad nos nihil attinentium. Laërtius lib. 4. cap. 2.

Zeno Citicæus.

Adolescentem curiosius quidam quàm pro ætate sciscitantem, adduxit ad speculum, utque se contempleretur admonuit. Mox rogauit, an videretur tali vultui conuenire quæstione eiusmodi proponere? Laert. lib. 7. cap. 1.

Socrates.

Interrogatus à quodam, quid ageretur apud inferos? Deridens hominis curiositatem, respondit: Nec ego, inquit, vnquam iui, nec cum quoquam illinc reuerso sum collocutus. Maximus serm. 36.

Idem.

Illud Homeri semper in ore habere solitus erat,
ὅστις τίς ἐν μυχῷ γοῖσι κεῖται τ' ἀμαθύνῃ τι-
τύεται.
id est.

*A diuis in nostris quæ praua & re-
cta geruntur.*

Eo non solum reuocans auditores à curiositate rerum alienarum, verum etiam à disciplinis non necessariis: velut ab exacta cognitione Astrologiæ aut Geometriæ, aut causarum naturalium, aut rerum ultra mundanarum, ad cognitionem Ethices, cuius scientia præstat, ut nobis ipsi noti simus, utque rem domesticam aut publicam vtiliter administremur. Stob. Laert.

Idem.

Eodem spectat & illud quod illi adscribitur, & in primis celebrauit: Quæ supra nos, nihil ad nos. Sic enim respondere solebat admirantibus quod de moribus semper, de astris deque meteorologis nunquam disputaret. Gellius & Laërtius.

Aristoteles.

Eos qui res euidentes demonstrare conarentur, similiter facere dicebat, ut si quis solem per lucernam ostendere conetur, Max. ser. 21.

Demoſthenes.

Quum quidam diceret eum agrum negligere, ipsum autem securare: Ea (inquit) curo, propter quæ agrum comparauit. Antonius in Melissa, parte 2. sermone 77. & Maximus sermone 21.

Euclides Philosophus.

Rogatus à quodam, quales essent dii, quaque re potissimum gauderent? Cætera quidem ignoro, inquit, at curiosos illis odio esse certò scio. Max. serm. 21.

Demonax.

Cum quidam exquireret, an mundus esset animatus? & rursus, an globosus? Vos inquit Demonax de mundo solliciti estis, & vestram ipsorum immundiciem non curatis. Antonius in Melissa. par. 2. ser. 77. & Max. ser. 21.

Anonymus.

Ægyptius baiulus gestans quidam velo opertum, cuiusdam sciscitanti quid portaret? Ideo, inquit obuolutum est, ne scires: tu vero cur curiosè vestigas, quod occultum est? Solent vestigalium redemptores explorare sarcinas. Ægyptij autem dicti sunt ἀχθόπορος Era. l. 6. apoph. ex Plu.

Seneca.

*Non vis esse iracundus? inquit: ne sis curiosus. Qui inquit quid in se dictum sit, qui malignos sermones etiam si secreto habiti sint, eruit, se ipse inquietat. lib. 3. de Ira. cap. 11.

Vespasianus.

A consulari viro Menstruo Floro monitus, plaustra potius quàm plostra dicenda, postridie illum pro Floro Fiaurum salutauit: ciuilitèr alludens ad illius curiosam admonitionem. Veteres in quibusdam pro diphthongo sonabant o, ut Clodius pro Claudius. Sueton.

Anonymus.

Cuidam vxor sua per literas exprobrarat, quod lauacris ac voluptatibus detentus, ad se redire nollet. Id per frumentarios rescuerat imperator. Itaque commeatum petenti, exprobrauit & lauacra & voluptates. Tum ille: Num & tibi ô Cæsar scripsit vxor mea, quod mihi? Notans curiositatem principe indignam. Dion in vita Hadriani.

Huc spectant apoph. de Disputationibus rerum frivolarum.



DE DAMNO

accepto.

CHILON.

DAMNUM dicebat turpi lucro semper præferendum esse: illud enim semel dolere, hoc autem semper. Laert. li. 1. cap. 4. Stob. ser. 1.

Anaxagoras.

Post diuinam peregrinationem domum reuersus, cum reperiret patriam possessionesque suas desertas: Nisi, inquit ista perissent, ego saluus non essem, quod calamitas illum adegisset ad philosophiam: rebus autem integris, mansisset intra penates suos. Ita sæpenumero prospera sunt homini, quæ videntur aduersa: & quod damnum putatur ingens, lucrum est maximum. Laert. lib. 2. cap. 3.

De deambulatione.

Socrates.

QUUM ad vesperam vsque deambulasset strenue, interrogatus cur id faceret? Respondit: Quo me-

lius coenem. Ostendit vir sapientissimus, & usum deambulationis, qua agitantur homines vt eo melius cibum capiant & deinde ambulatione consumant. Cicero lib. 5. Tusc. quæstio.

De debitoribus soluendis.

Anonymus.

Philosophus quidam Pythagoricus cum à calceatore sibi emisset pheassia (est autem calceamenti id genus) non habuit pecuniam qua solueret in promptu. Verum cum paulo post rediret ad tabernam vt solveret sutorem, audit eundem iam iam defunctum esse. Gratulabundus igitur philosophus de lucro, pecuniam domum retulit. Postea cum se colligeret, videt se male fecisse, arreptam igitur pecunia, ait: Tibi viuit calceator, aliis mortuus & accedens eius tabernam, nummos in eam proiecit, ne videretur homini etiam defuncto de negare id quod æquo debebat iure. Era. li. 6. apoph. ex Sene. li. 7. de bene.

Phocion.

Cum Athenienses olim sacrificia instruisent, peterentq. à ciuibus, vt vnusquisq. aliquid de suo ad cõplenda sacrificia adderet: Phocion Atheniensis efflagitatori respondisse dicitur: Puderet, si vobis adderem: ac huic, (debitorẽ digito ostendens) cui debeo iure, nihil redderem. Sunt qui putent se Deo facere rem gratam, si ad cultum idolorum multos conferant nummos. At Phocion vir sapientissimus, sensit Deo multo gratius esse, si satis facias iis quibus debes. Eius autem distichium leges apud Plutarch. in Græcorum apoph.

Lycosthenis

Lycurgus.

Affiduum esse, dignumque cui debitum credas, inopibus: at fide dignum, in moribus situm esse dicebat. Maxim. sermone 1. de Virtute.

Persæ.

Dicebant, duo esse peccata inter homines turpia: quorum primum est, debitorem esse: alterum, mentiri. Coniunxerunt autem hæc duo, ideo nimirum, quod vnum rarò sit sine altero, qui enim ære alieno obstricti sunt, pollicentur in dies se satisfacturos, nec tamen præstant quod promissum est semel atque iterum. Herodot.

Augustus Cæs.

Equite Romano quodam defuncto, compertum est illum tantum habuisse æris alieni, ut summam ducenties nimmum excederet: idque, dum viueret, celauerat. Cum igitur res illius auctioni subiiceretur, ut ex pecunia creditoribus satisficeret, Augustus iussit sibi emi culcitram illius cubicularem: ac mirantibus hoc præceptum, Habenda est (inquit) ad somnum mihi conciliandum illa culcitra, in qua ille tanto ære alieno obstrictus, somnum capere potuit, Nam Augustus ob ingentes curas sæpe maximam noctis partem ducebat infomnem. Macrobius lib. 2. cap. 4. Sat.

Plutarchus.

* Pedem & manum, si computruerit, dicebat nos refecare, & quidem data mercede: ita domum & famulitium subiiciebat abiciendum esse, ut ab ære alieno liberemur, hoc est, ut liberi fiamus. In moralibus.

De decoro vbique ac in omnibus obseruando.

Thales.

VT bonum histriorem, inquit, quamcunque ei poeta dederit personam, eius decorum seruare decet: ita bonum virum, quacunque fortuna dederit. Nam & ipsa veluti poetria, nunc primi, nunc ultimi actoris locum nobis tribuit, alias regis, alias medici personam. Stob. ser. de prudentia.

Diogenes.

Cum vidisset feminam diis procumbentem, ita curuato corpore ut à tergo quædam apparerent quæ nudari non decet oculis hominum, adiit illam dicens: Non vereris mulier, ne stante post tergum tuum Deo (nam illius plena sunt omnia) parum decerner te geras? Idem Esculapio percussorem consecrasse dicitur, qui accurrens procidentes in faciem coteretur, hoc figmento deterrens homines à superstitione, qui credunt deos non audituros, nisi ipsis indecoro corporis gestu supplicent. Laert. lib. 6.

Socrates.

Cum Socrati Lyfias orationem, quam in eius defensionem composuerat, recitasset, Præclara, inquit, & elegans oratio est, sed non conuenit Socrati. Erat enim forensi instituto aprior, quam philosopho, ac tali philosopho. Rursus Lyfias percontanti, cur si bonam iudicaret orationem, putaret sibi non conuenire? Nonne, inquit, fieri potest, ut amictus aut calceus elegans sit, ac pulcher, qui tamē alicui non coueniat? Hoc ipsum Val. Maximus narrat, minus Socraticè,

sic enim Lyfiæ respōdisse memorat: Aufer quæso istam, nam ego si adduci possem ut eam in vltima Scythiæ solitudine perorare, tum me ipsum morte multandum concederem. Eras. lib. 3. apoph.

Plato.

Si quando fortè incidisset Plato in eos qui præter decorū quippiā agerent, digressus cōsuevit dicere, Nuncubi ego talis? Nemo suam turpitudinem perspicit, sed sibi quisque assentator est. Ex aliis igitur discendū, quàm indecora sint quæ præter honestatem geruntur. Laert. lib. 3.

Isocrates.

In conuiuiō Nicocreontis Samiorum tyranni, cum à conuiuiis iubere-
tur dicere: His, inquit, in quibus ego valeo: nūc non est tempus: in his verò quæ hoc tempus requirit, ego non valeo. Recusauit inter pocula dicere, qui apud sobrios de rebus seriis differere cōsueuerat. Eras. lib. 8. apoph.

Pylades.

Cum altans Herculem furem, nonnullis incessum histrioni conuenientem minus seruare videretur, de posita persona ridentes increpuit, dicens, *μαρὸν, μαινομένον ὁρᾷμα*: id est, Stulti, furem salto. Significans, hoc ipsum quod videbatur indecorū, maximè decorum esse. Eras. 6. apoph.

Stratonicus.

Ptolemæo rege de musica cum ipso cōtentiosius disserente: Aliud est, inquit, ὀρὸν sceptrū, aliud plectrum. Significans, non esse regiū, de musica cum musico disputare. Eras. 6. apoph.

Callicratidas.

Cum à Lyfandri amicis sollicitaretur, ut permitteret ipsis accepta pecunia quēdam ex hostibus occidere: haud concessit. Cui cū Cleander dixisset, Accepissem profectò pecuniā,

si ego Callicratidas fuissē: Et ego, inquit, si fuissē Cleander. Quo dicto monuit, in omnia actione spectandum esse personæ decorum. Plut. in Lacon.

Leotychidas.

Cuidā obiciēti quòd facilè mutaretur: Mutor, inquit, sed pro temporum ratione, nō, ut vos, proprio morbo. Prudentis est, pro re nata nouare consilia: at sine causa subinde alium fieri, inconstantiae vitium est. Plut. in Lacon.

Archidamus.

Cuidā qui vitio vertebat Hecathæo rhetori omniū clarissimo, quòd adhibitus ad ipsorum conuiuium nihil dixisset: Videris, inquit, mihi nescire, quòd his qui dicendi nouit artem, etiam dicendi norit opportunitatem. In senatu, in foro, in concionibus, in legationibus, aliisque reipub. negotiis locus est oratori: in conuiuiis temulentis maiore cum laude tacet eruditus, quàm loquitur. Sic periti bellatoris est, non minus scire retrocedendi artem quàm pugnandi. Plut. in Lacon.

Idem.

Idem ad Græcos, qui pacta rescindere nolebant, dicere solitus erat: Quis semper eandem edit vocem, cæterum homo multas ac varias emittit. Quo admonuit, pro tempore, proque re nata variandum esse sermonis habitū. Est enim ubi loquendum sit seuerius, est ubi blandius, ubi magnificentius, ubi submissius. id si sit citra perfidiam, magna est prudentia. Porro ouiles mores dicuntur habere, qui sese nesciunt rebus ac personis accomodare. Plut. in Lacon.

Pedaretus.

Conspecto quodā qui natura molli, tamen ob humanitatem laudabatur

tur à ciuibus, dixit: nec viros, qui mulierum similes sint oportere laudare, nec mulieres, quæ virorum sint similes, nisi si qua mulierem vrgeat necessitas. Sensit, aliud decere bonū virum, aliud bonam mulierem, ac pro muliere in virum transfigurata accepit necessitatis excusationem: in viro degenerante in mulierem, nullam recepit excusationem. Ita non eadem laus decora principi est, quæ plebeio, non eadem magistratus, quæ priuato. Plut. in Lacon.

C. Publicius.

Solitus est dicere, P. Mummium, cuius tempori hominem esse. Sentiens, illum dexteritate facilitatēque ad omnem vitæ statum esse accommodatum. Eodem sensu Pollionem Asinium omnium horarū fuisse hominem legimus. Et Tiberius Cæsar duos familiaris ab ipso dilectos, omnium horarum amicos vocare solebat. Eras. lib. 6. apoph. De Aristippo dicitur, Omnis Aristippum decuit color, & status, & res.

Bibulus.

Cum in senatu, variantibus sententiis, Cato censeret perpetuam dictaturam, vt tyrannicam potentiam, e Repub. tollendam: Bibulus, Pompeio inimicus, primus in senatu rogationem tulit, vt vnicus consul Pompeius decerneretur. Aut enim, inquit, Respubl. ab imminente procella per illum liberabitur, aut optimo parendum erit. Egregius animus, qui priuam simultatem posthabuit Reipub. commodis. Eam sententiam Cato dixit se ab alio dictam comprobare, licet ab ipso non debuerit proficisci. Eras. lib. 6. apoph. ex Plut.

Metellus.

Caius Iulius Cæsar, Metello obstitenti, ne pecunias ab ærario tolle-

ret, ne peccaret in leges: Non ideam, inquit, armorum ac legum tempus est. Abscede igitur, ac postea quā facta pace, arma deposuerimus, tunc si videbitur, plebis patronum age. Eras. lib. 4. apoph. ex Plut.

De defensione.

Antisthenes.

Aiebat, homines virtute præditos, eos sibi parare propugnatores, qui & fortes sint, & iusti. Nolunt enim defendi, si quid iniusti admittant. Improbi contra fortes defensores quærunt, iustos nolūt. Laër. lib. 6. cap. 1.

Cicero.

M. Cælium melius obiciientem crimina quā defendentem bonam dextram, malam sinistram habere dixit: huc alludens, quod in pugna dextra gladiū tenemus, sinistra clypeum gladio ferimus, clypeo defendimus. Eras. lib. 4. apoph.

De deditione.

Demosthenes.

Quam Alexander pacem hac lege deferret Atheniensibus, si ciues octo sibi dederent, inter quos erat Demosthenes: Demosthenes apologū retulit de lupo, qui hac lege pacem obtulit ouibus, si canes dederēt. Lupi nomine significans Alexandrū: canum, eos qui tum populi rem curabant: ouium, plebē Atheniensium. Addidit & illud: Vt mercatores, inquit exiguum frumenti in paropside specimen deferunt, per hoc ingentes acruos vendere cupientes: ita vos, si traditis ciues octo qui deposcuntur, populum vniuersum traditis. Plut.

De dediscēdi difficultate.

Socrates.

Interrogatus, quānam optima esset disciplina? dediscere mala, respondit. Max. serm. 17.

Antisthenes.

Rogatus, quā disciplina cum primis esset necessaria? Mala, inquit, dediscere. Id enim non modò primum est, verum etiam difficillimum. Laert. lib. 6. cap. 1. Bruf. lib. 2. cap. 23.

Idem.

A quodam percontatus, quid sibi faciendum suaderet, ut bonus vir & honestus euaderet? Si mala, inquit, quæ tibi adsunt, ab his qui nouerunt, didiceris esse fugienda. Sensit, virtutis caput esse caruisse vitiis. Id non à quolibet discendum, sed ab his duntaxat, qui norunt quæ sint vera mala, quæ vera bona. Ibid.

Timotheus Musicus.

Aduentantem discipulum interrogauit, an sub alio etiam præceptore Musicæ opera dedisset: qui cum sub alio militasse etiam affirmasset. Duplicem igitur dabis mercedem, ait, quoniam duplex mihi labor subeundus est: dedocēdi videlicet vetera, & docendi noua. Bruf. lib. 2. cap. 23.

Vide apophth. de Assuetudine.

De iis qui degenerant.

Aristippus.

Cum degeneres filios ad eò negligeret, quasi ex ipso nati non essent, accusatus à quodam, qui seueritatem eius improbabat: An non, inquit, & pituitam & pediculos è nobis natos, velut inutiles, procul à nobis abiicimus? Sensit philosophus,

eos nequaquam habendos pro filiis, qui à parentum & maiorum suorum laude dignis virtutibus turpiter degenerarent. Laert. lib. 2.

Diogenes.

Videns adolescentem cultu gestuque parum virili: Non te pudet, inquit, qui peius tibi velis quàm ipsa natura voluit. Siquidem illa te virum fecit, tu teipsum refingis in fœminā. Laert. lib. 6.

Stilpon.

Habebat filiam sinistrae famæ cuiusdam itaque dicenti, Dedecorat te filia, Nihilò magis, inquit, quàm ego illam decoro. Sentiens, neminem alienis factis dehonestari, sed suis quæque moribus æstimandum esse. Neque enim illa fuisset honestior ob patris celebritatem, nisi paternas virtutes fuisset imitata. Plut. in lib. de Tranquillitate, pluribus verbis hoc idem enarrat. Nam Metrocli obiicienti, quòd filiam haberet impudicam: Vtrum, inquit, hoc meum peccatum est, an filiae? Quum Metrocles respondisset, illius peccatum sed tuum infortunium: hunc in modum excepit Stilpo, Quid ais? an non quæ peccata sunt, eadem sunt lapsus? Annuit Metrocles. At lapsus, inquit Stilpo, quorum sunt eorumdem sunt & frustrationis. Et hoc confesso Metrocle: Porro quorum sunt frustrationes, horum sunt & infortunia. Ita placido prudentique sermone demonstrauit, filiae duntaxat esse infortunium, cuius esset peccatum: ac Cynici conuiuium nihil aliud esse quàm canis latratum. Laert. lib. 2. cap. 12.

Menedemus.

Dicebat, plurimos nauigare Athenas studiòrū gratia qui primum esset sapientes: deinde fierent philosophi, hoc

hoc est, sapientiæ amantes, dein rhetores: denique progressu temporis euaderent idiotæ. Multum profecit, qui didicit se nihil scire. Et infelici-ter profecit, qui semper vergit in de-terius. Erasim. ex Plutarcho.

Archidamus.

Periandro, qui cum esset meden-di celebris, & in primis laudatus, car-mina scriberet infelicia: Quid, in-quit, tibi accidit Periander, vt pro eleganti medico malus poeta vocari appetas? Notauit hominum mores, qui res honestas aggressi, degenerât ad sordidiora: cum consultum sit, vnumquenque in ea se arte exerce-re, in qua valet plurimum. Plut.

Damatria.

Cum intelligeret filium in bello planè inutilem esse, domum redeun-tem propria manu interfecit. inho-nestissimum enim esse putabat, ex tam præclaris parentibus natum fi-lium, adeò denegerem aspicere. Plu. in apoph. Lacænarum.

Teletia.

Audiens filiū à paternis moribus degenerantem, & nescio quibus re-bus parum honestis operam dâtem, eum admonuit, vt aut melius viue-ret, aut apud exteros maneret. Imò mortem ipsam minata est filio, ni mores in melius corrigeret. Plut. in Lacon.

Nicostatus.

Quum ab Archidamo sollicitare-tur, tum ingenti promissa pecunia, tum cuiuscunque vellet Lacænz con-iugio, vt Cromiū traderet, respon-dit: Archidamum non ducere genus ab Hercule, quòd Hercules obiens orbè. soleret improbos afficere sup-plicio, ipse contrà ex probis faceret improbos. Lacedæmonij verò hoc nomine potissimum gloriabantur,

quòd originem ducerent ab Hercu-le. Plut. in apoph.

M. Cato.

In inimicum quandam probrosæ vitæ: Huius, inquit, mater quum deos orat, vt sibi filius sit superstes: non precatur, sed imprecatur. sentiens, il-lam & sibi & reipublicæ precari ma-gnum malum. Erasim. libr. 5. apoph. ex Plutarch.

Idem.

Hortabatur iuuenes, vt qui virtute & æquitate ad dignitatem perue-nissent, ne turpiter ad deteriora de-generarēt, sed ad meliorē frugem se referrent: ita futurum, vt & gloriam augerent, & benefactis maculam ab-olerent. Erasim. libr. 5. apoph.

C. Lelius.

Cuidam malo genere nato, obii-cienti sibi, quòd indignus esset suis maioribus: At herclè, inquit, tu tuis dignus es. Id si dicas bono viro ex bonis prognato, laus est: sin malo, ex malis prognato, graue cōiucium est. Erasim. libr. 6. apoph.

Iulia Augusti.

Cum ob vestitus nimia licentiam ab amico quodam admoneretur, ac adhortaretur, vt se ad paternæ fru-galitatis exemplar componeret, re-spondit: Pater meus obliuiscitur se Cæsarem Romanum esse, at ego me mini me Cæsaris esse filiam. Macrob. lib. 2. cap. 5. Saturn.

Traianus.

Solitus est dicere, Principes omnes multū abesse à Neronis quin-quennio. Nam Domitius Nero pri-mis annis quinque summa cum lau-de gessit imperium priusquā ad Ca-ligulæ auunculi sui crudelitatem ap-pelleret animum. Erasimus 8. apo-phthegm.

De delatione.

Caligula.

COMmentarios ad matris fratrumque suorum calumnias pertrahentes, ne cui postmodum delatori testive maneret ullus metus, conuectos in forum, & ante clarè testatus deos, neque legisse se, neque attigisse quicquam, cōcremauit: Quin & libellum de sua salute oblatum nō recepit: contendens sibi nihil admisissum, cur cuiquam iniuisus esset. Negavit se delatoribus aures habere. Hæc boni principis videri poterant, nisi fingeretur. Erasim. libr. 6. apophthegm.

Hic adijunge apoph. de Calumnia, De tractione, Maledicentia, &c.

De democratia.

Solen.

DICERE solebat, eum principem sibi maximè gloriosum videri, qui Democratiam ex Monarchia ciuibus faceret. Phauorinus, & Stobæus ser. 46.

Lycurgus.

Cuidam postulanti, ut in ciuitate pro Aristocratia, hoc est, optimatum gubernatione, constitueret Democratiam, hoc est, popularem gubernationem: Tu fac, inquit, prius domi tuæ Democratiam instituas. Compendio docuit, eam Reipublicæ speciem non esse vtilem ciuitati, quam nemo vellet esse in sua familia. Ciuitas autem nihil aliud est, quàm magna domus. Plut. in Lacon. & Stob. ser. 83.

De deposito.

Pittacus.

DISTUM eius celebratur: Depositum quod acceperis, iustè reddito. Stobæus ser. 9. de iustitia.

Demoisthenes.

Ancilla quædam depositi nomine pecuniam acceperat à duobus hostibus, hac conditione, ut eam utrisque simul redderet. Horum alter post tempus aliquod lugubri veste & squalidus socij mortem simulans, decepta muliere nummos abstulit. Eo facto superuenit alter, & depositum repetere cœpit. Cum mulier anxia de laqueo cogitaret, Demoisthenes ei patronus adfuit, qui ut in aduocationem venit, sic aggressus est petitorum: Mulier, inquit, parata est depositi fidem soluere, sed nisi socium adduxeris, id facere non potest: quoniam ut ipse prædicas, hæc dicta lex est, ne pecunia alteri sine altero numeretur. Hoc ingenio seruauit miseram: elusitque nebulozum conspirationem, qui hoc egerant, ut eandem pecuniam bis acciperent. Valer. Max. lib. 7. cap. 3.

De desperatione.

Leonidas.

EPHORIS dicentibus ad Leonidam, quod ad Thermopylas proficiscens, paucos secum educeret: Nimirum ad hoc, inquit, negotium, ad quod proficiscimur. Indicans satis multos educi ad moriendum in bello: satius enim perire paucos, quàm multos. Plut.

Anonymus.

Cuidam, qui laborans ab oculis, exierat

exierat in bellum, cum nonnulli dicerent; Quò vadis ad istum affectus modum, aut quid facturus? Vt nihil, inquit, aliud, certè hostis gladium hebetabo. Plut.

Pompeius.

Rebus infeliciter gestis aduersus Casarem, & ad summam desperationem redactus, in tentorium venit attonito similis, nec aliam vocè emisit quàm hanc, *καὶ οὕτως παρεμυθεῖον*. Ergo in castra, sumptaque veste præsentati fortunæ accommodata, clam profugit. Plut.

De Deo.

Thales.

PErcontatus, Quid esset Deus? Quod principio & fine caret, respondit. Laert. in eius vita.

Zalencus

*Proœmio legum quas scripsit Lo crèsibus, hæc verba præfixit. Omnes qui urbem ac regionem inhabitant, persuasos esse oportet, existimarétq; deos esse: quod manifestum sit ex cœli & totius mundi inspectione, rerumque in ipsis dispositione pulcherrima, & ordine. Haud enim fortuita aut humana eiusmodi opera putare conuenit. Stob. ser. 42.

Anonymus.

Alius idem interrogatus, respondit: Quod est in triremi gubernator, in curru rector, præcantator in choris, dux in vrbe, imperator in exercitu, hoc est in mûdo Deus. Apuleius de Mundo. Id authori libri de mundo inter Aristotelis opera collocati tribuitur.

Simonides.

Interrogatus olim ab Hierone tyranno, Quidnam esset Deus? Deli-

berandi sibi vnum diem postulauit. cum idè ex eo postridie quæreretur, biduum petiit, ac cum ita sæpiùs duplicaret numerû, admiratûsque Hiero tyrannus, qui rogauerat, efflagitaret, cur ita faceret? Quia, inquit, quanto diutius considero, tanto mihi res videtur obscurior. Cicer. de Natura deorum. Brufon. lib. 2. cap. 26.

Socrates.

Socrates dicebat, deos omnium optimos ac fœlicissimos: ad horum similitudinè quo quisque propius accederet, hoc & meliorem esse, & beatiorè. Si corrigas vnus vocis numerû, nihil dici potest Christianus. Rot. lib. 3. apoph.

Plato.

*Dicebat, Deû nullo vsquam modo inuistum esse, sed plane iustissimum. Nec ei, inquit, similis inueniri potest quicquam, quàm qui inter nos iustissimus fuerit. In Theæreto.

Eusebius Philosophus.

*Dicebat non quærendum an dii sint, sed protinus esse credendum. Nā quæstione. inquit, posita, etiã ille qui impiissimam opinionem defendit, nempe deos non esse, superare conatur. Stob. ser. 78.

Callicratidas Pythagoreus.

*Mundus (inquebat) græcè *κόσμος* appellatur, vt qui per communem omnium diacosinesin, id est, decorâ ad ministrationem, ad vnum optimum dirigatur. Est verò illud vnum optimum, Deus ipse, qui secundum cogitationem existit, viuès cæleste, incorruptibile, principium & causa dispensationis omnium rerum. Stob. ser. 83.

Alexander.

In Iouis Ammonis tēplo cū à vate

dictus esset Iouis filius? Nihil, inquit, mirum, nam Iupiter omnium quidē natura pater est, sed ex his optimos quosque peculiariter suos facit. Modestissimē interpretatus est oraculū: nam vates per adulationem dixit, illum filiū Iouis: quasi sic ē Ioue prognatus esset, quemadmodum Hercules creditus est esse Iouis filius. Alexander fassus est, Iouem natura autorem ac parentem esse omnium: sed eos demum¹ peculiariter pro suis filiis agnoscere, qui virtute ac praeclare gestis proximē ad diuinam naturam accederent. Ea est, omnibus benefacere. Plut. in apoph.

Euagrius.

Euagrius quā longa orationis serie audiuiſſet de Deo atque trinitate disputātes, Diuinitatem nequaquam definiendam esse respondit. Omnes enim alias propositiones habere genus quod praeſdicetur, aut speciem, aut differentiam, aut proprium, aut accidens, aut ex his compositam orationem. Sed nihil in sancta trinitate horum quae dicta sunt, posse comprehendī. Ideoque quod ineffabile est, silentij tantum oratione esse adorandum, Socrates lib. 6. Tripartit. histor. cap. 21.

Attalus marty.

A tyranno per contemptum interrogatus, Quod nomen Deus haberet? Qui plures sunt respondit, nominibus discernuntur. Qui autem unus est, non indiget nomine, Euseb. lib. 6. Eccles. hist. cap. 3.

De Deo æterno

Thales.

Interrogatus olim, quidnam in tota rerum natura esset vetustissi-

imum? respondit, Deus. Quid ira? *om a' p' r' t' o*, hoc est, nunquam esse cœpit. Erasmi. lib. 7. apophthegm. ex Laert. 1.

De Deo immutabili.

Ageſilaus.

Moturus bellum aduersus Persarum regem, quo Græcos Asiam incolentes libertati restitueret, Iouis Dodonæi consuluit oraculum: is iussit, ut pro suo arbitrato bellum instrueret. verum cum Ephori ad Delphicum quoque oraculum consulendum misissent, hoc pacto proposuit consultationem: Num, Apollo, idem tibi videtur quod patris Iouis se oraculum omnino probare, respondit. Quo dicto ostendere voluit, deorum omnium concordiam: qui si inter se dissentiant, non profecto re vera sunt dij. Plutarch. in Laconicis.

De Deo & omnipotente, & vidente omnia.

Thales.

Dicebat, Homines existimare oportere deos omnia cernere deorumque omnia esse plena, & tunc fore omnes calliores. Cicer. lib. 2. de Legib.

Idem.

Percunctatus, An facta hominum deos fallerent? Ne cogitata, inquit, ut non solum magnus, sed etiam mentis puras habere vellemus, cum secretis cogitationibus nostris cœleste nomen adesse credimus. Laert. in eius vita, & Valer. Max. lib. 7. cap. 2.

Zeno.

Zeno.

Cum ex Zenone Stoico quidam quæreretur, An Deum latere possit iniuriam faciens? Imò, inquit, ne cogitans quidem. Maximus sermone 15.

Diogenes.

Videns mulierem ad aras deorum tam incuruato corpore procumbentem, vt obscœna quædam apparerēt: Non vereris, inquit, mulier, ne stante post tergum Deo (cuncta enim plena deorum sunt) inhonestè te habeas. Laert. lib. 6.

Athenodorus.

Dicere prudenter solebat: ita nos cum hominibus homines viuere debere ac si Deus retributor bonorum, malorumque ultor, omni loco ac tempore actiones nostras inueneretur, conspicereturque humanis nostris oculis. Fulgosi lib. 7. cap. 2.

Idem.

* Tunc scito, inquit, esse te omnibus cupiditatibus solutum, cum eò perueneris, vt nihil Deum roges, nisi quod rogare possis palam. Nunc enim quanta dementia est hominum? Turpissima vota diis insulant: Si quis admouerit conticescent, & quod scire hominem nolunt, Deo narrant. Vide ergo ne hoc præcipi salubriter possit: Sic viue cum hominibus, tanquam Deus videat: sic loquere cum Deo, tanquam homines audiant. Senec. epist. 10.

Iamblichus.

* Sicut (inquiebat) oriente sole, tenebræ eius præsentiam sustinere non possunt, sed subito subterfugiunt, nihil solem impediens: sic vndique resurgente potestate diuina, quæ replet omnia bonis, pertur-

batio omnis nullum habet locum, sed repente disperditur. libr. de mysteriis.

Demonax.

Quum admoneretur ab amico quodam, vt secum in Æsculapij templum iret, Dominumque pro salute filij oraret: Adeone, inquit, surdastrum existimas Deum, vt nos nisi in templo non sit auditurus? Recitat. Eras. lib. 8. apoph.

Analcidas.

Quum in Samothracia initiaretur, rogatus à sacerdote, quid egregium patrasset in vita? Si quid, inquit, mihi tale peractum est, sciunt ipsi dii. Existimans, ineptum commoratione suorum gestorum se diis commendare: qui, siue prædicaret, siue fileret, nihilominus nouerant. Nam apud sacerdotem poterat etiam falsa narrare. Plut. in Lacon. Idem de Lysandro effertur.

Anonymus.

Quidam sacris initiaturus Laconem, rogauit, quid sibi consciret maxime impiè factum per omnem vitam? At ille: Hoc, inquit, dii sciunt. Quum initiator magis videret, diceretque, Omnino profectus necesse est. Lacon vicissim rogauit: Vtrum, inquiens: oportet me tibi dicere, an Deo? quum ille respondisset, Deo: Tu ergo, inquit, hinc secede, vt illi dicam. Plutarch. in Laconicis.

De Deo semper colendo.

Xenophon.

Dicebat tum maximè colendos esse deos, quum homini res sunt secundæ: vt quum inciderit necessitas, confidenter illos implere-

mus, utpote beneuolos iam & amicos. Recte Xenophon. Sed vulgus hominum contra facit, in felicitate profunda est Dei obliuio: cum viget calamitas, tum demum utcunque & perfunctorie ad illum confugiunt. Eras. lib. 7. apoph.

Philo.

Cum aliis Iudæis apud C. Caligulam accusatus ab Appione, quod Cæsari diuinos honores non tribueret, eiectus ex aula, sociis Iudæis respondit, Bono animo nos esse oportet, quibus iratus est Caius: quia necesse est adesse diuinum, ubi humanum cessat auxilium. Euseb. lib. 2. Eccles. hist. cap. 5.

De Deo, dona sua æqualiter distribuyente.

Crates.

Cum deformi esset corpore, in certaminibus tamē corpus suum denudare pro more pugnantium, non erubuit. Verum à spectatoribus ob id derisus: De oculis, inquit, ô Crates, & reliquo corpore bono esto animo, mox enim videbis eos qui corpus tuum deforme, modò turpiter derident, morbo contrahi, & omnibus viribus destitui, & tum te beatum esse sentiet, deforme quidem, sed sanum, robustum, & laboris patientem. Sensit homo ethnicus, quā variē Deus sua dona hominibus distribuat, alium ornat forma & sanitate, alium sapientia: hunc virtutibus, illum corporis robore: ita tamen, ut non vni & soli omnia conueniant. Laertius lib. 6. cap. 5.

Stratoniceus.

Inuitatus aliquando, ut audiret

citharædum canentem, postquam audierat, recitauit illum versiculum Homericum, τοὸς ἐπὶ μὲρ ἑκάστω πατρὶ, ἑταρον δ' ἀνέγενον. id est, Huic dedit hoc pater altitonans, verum abnuir illud. Cuidam roganti, Quo pacto? exposuit, malè cithara canere dedit, bene canere negauit. Eras. lib. 6. apoph.

Dercillidas.

Missus orator ad Pyrrhum, qui iam exercitum induxerat in terram Spartanorum, ut cognosceret quid sibi veller: cum Pyrrhus præscriberet ut regem suum Cleonymum reciperent, alioqui futurum ut intelligerent se nihilo cæteris esse fortiores, hunc in modum respondit: Si Deus est Cleonymus, non metuius eum, quippe qui nihil sceleris commissimus: sin homo est, nihilo est nobis præstantior. Hoc dilemmate perstrinxit superbas regum minas. Dij, qui quos velint, possunt lædere, nec à quodam lædi vicissim, non nocent, nisi improbis: homines hominibus ex æquo metuendi sunt. Plutarch. in Lacon.

Cato V ticensis.

Quum Pompeio res infelicitè cederent & ad Cæsarem inclinares victoria, Cato dicebat, in rebus diuinis multum esse caliginis: quod Pompeio præter ius agentis fuissent omnia prospera, causam rei pub. tuenti nihil succederet. Plutarchus in Cato.

De dialectica.

Antisthenes.

Dicere solebat, Contradicentem doceri oportere, non contra dicendo compescere. Dialectica igitur si do-

si docendi ratio est, artis fines transgrediantur qui tantum rixantur. Nam neque infano, si vicissim infaniat, aliquis medebitur. Stobæus sermone 80.

Diogenes.

Quicquid per se turpe non esset, id ne in publico quidem dicebat esse turpe. Hunc igitur in modum ratiocinabatur: Si prandere malum non est, nec in foro prandere malum est: sed prandere nihil mali est, ergo nec in foro prandere malum est. Hastenus tolerari poterat Cynicus syllogismus, verum quis ferat similiter colligentem, exonerare ventrem, aut reddere lotium, aut habere rem cum vxore, aut exuere vestes, malum non est: ergo in publico malum non est? Probis viris vbique placet verecundia. Laer. lib. 6.

Zeno.

Dialecticorum artes iustis mensuris comparabat, quæ non triticum, nec aliud quidpiam alicuius pretij, sed paleas & stercorea metiuntur, Stobæus serm. 80.

Idem.

Rhetoricam palmæ, Dialecticam autem pugno similem esse dicebat. eò quòd latius loquerentur Rhetores, Dialectici autem compressius: Cicero lib. 2. de Finibus: & in Oratore ad Brutum. Quint. lib. 2. cap. 21.

Idem.

Quum iam in artibus non vulgariter profecisset, attamen in Dialecticis plurimum exercere seipsum præcipue voluit. Verum cum pecunia, vt satisfaceret præceptoris Dialectices, deesset, clam per posticum in auditorium Polemonis professoris eius artis irrepsit, vt legentem audiret, quem dum Polemon fortè vidisset. Sat video, inquit, te furari ea

dogmata, vt aliis postea mercede vendas. Laudandum est Zenonis ardens ad Dialecticæ studium, in qua adeò profecit, vt multa etiam arti adiecerit. Vide Laert. lib. 7. cap. 1.

Idem.

Quum illi Dialecticus quidam in sermone, quem illi *desertorium*, id est metentem appellant, ostendisset septem species Dialecticas: rogauit, quantum peteret mercedis à discipulis? poscenti centum nummos dedit ducentos. Tanta erat in homine discendi Dialecticæ cupiditas. Laer. lib. 4. cap. 1.

Chrysippus.

Ad Dialecticum quendam, Cleanthi multis ac prolixis sophismatibus obstrepentem: Desine, inquit, senem à magis ad rem pertinentibus auocare, sed nobis iunioribus ista proponito. Docuit vir sapientissimus, Dialecticæ studium magis spectare ad iuuenes exercitatione indigentes, quàm senes grauioribus rebus occupatos. Laert. lib. 7. cap. 3.

Arcefilaus.

Dialecticos aiebat similes esse ludentibus alea, qui non sine delectatione decipiuntur. Stobæus serm. 80.

Carneades.

Dialecticam inquebat polypo similem esse. Vti enim polypus cyrchos suos auctos deuorat: ita dialecticos iam peritiores factos, suas quoque opiniones refutare. Stobæus sermone 82.

Ariston.

Dialecticorum sermones aranearum telis conferebat, vt quæ subtiles admodum, sed inutiles essent. Stobæus serm. 80.

Idem.

Dialecticam aiebat luto viarum similem esse. Nam vt lutum inutile

cum sit, transeuntes prosternit: sic Dialectica parum cum pro sit hominibus, imponit etiam. Stobæus serm. 80.

Idem.

Eos qui Dialecticæ studium profundè rimantur, caneros edentibus similes esse dicebat: qui propter exiguum alimentum circa crustas plurimas occupantur. Stobæus sermone 80.

Cleanthes.

Interrogatus, cur inter veteres, cum non multi philosophati essent, plures tamen quàm nunc clari euassissent? Quoniam, respondit, tunc quidem res ipsa exercebatur, nunc autem de verbis est disceptatio. Sto. serm. 80.

Clitomachus.

Dialecticam lunę comparabat quę similiter augeri & decrescere non cessaret. Ibidem.

Theocritus.

Ad Dialecticum quendam, acriter & contentiosè ei respondentem istud Homeri repetiit:

Lus utinam pereat inter hominesque deos. ue. Ibidem.

Demonax.

Ad Agathoclem peripateticum, iactantem sese & solum & primum esse Dialecticorum: Si solus, inquit, es, qui primus esse potes? si primus, qui solus? Eras. lib. 8. apoph.

De diffidentia.

Phocion.

Cum Byzantiis irasceretur Athe-
nienfes, quod Charetem, qui
cum exercitu in subsidium suę ciui-
tatis missus esset aduersus Philip-
pum, nolissent recipere: ac Phocion

diffisset, non esse irascendum sociis
diffidentibus, sed ducibus quibus fi-
des non haberetur: ipse dux electus
est, atque ipsi fidentibus Byzantiis
effecit, vt Philippus re infecta disce-
deret. Diffidentiam Byzantium in
Charetem ducem reiecit, qui talis
erat vt non videretur tutum sese il-
lius fidei committere. Prudentiæ
est, infido diffidere: at Phocioni pro-
batæ opinionis viro, non dubitarunt
sese credere. Plutarch. in Græcorum
apoph.

Romani.

Populus Romanus, Carbone polli-
cente quippiam, & addente iusiur-
randum cum execratione, populus
vicissim iurauit, se illi non credere,
Probis viris & iniuratis habenda est
fides: leuibus autem, ne iuratis qui-
dem. Eras. lib. 6. apoph.

De diligentia.

Zeno.

Dicebat τὸ ὅτι οὐδὲν ἀγαθὸν οὐδὲν κακὸν ἐστὶν, i. vt aliquid fiat
bene. nasci quidem paulatim, sed ta-
men non esse paulum. Illud dictum
quidam adscribunt Socrati, Laert. li.
7. cap. 1.

Antisthenes.

Cum multi philosophorum dispu-
tassent de virtutis difficultate, Anti-
sthenes profliens, virtutem assidui-
tate & studio disci posse affirmavit.
Non ignorauit sanè vir sapientissi-
mus, nil esse tam arduum, quin sta-
dij assiduitate inuestigari possit.
Laert. lib. 6. cap. 1.

Isocrates.

* Dicebat, sicut in aliis negotiis
cicurandisque feris cura & diligentia
plurimum habet momenti: sic etiam
ad

ad virtutem adipiscendam perma-
gnas vires habere. Proœm. oratione
ad Nicoclem.

*Vide apoph. de Assiduitate, Industria,
labore & studio immodico.*

De diligentia nimia, aut inutili.

Demoſthenes Mytileneus.

PVLſata ianua hominis muſicæ ac
citharæ dediti, cùm is audito pul-
ſu iuſſiſſet illum introire, faciam, in-
quit, ſi prius alligaris citharam. Sub-
notans, illum nil aliud quàm cithara
canere. Eraſ. lib. 8. apoph.

Antalcidas.

Perſarum rex coronam ex roſis
conſertam, illeuit vnguento, miſit-
que Antalcidæ, de pace legationem
obeunti. At ille: Suſcipio quidem, in-
quit, donum atque animi promptitu-
dinem laudo: ſed roſarum odorem
naturæque flagrantia artis adultera-
tione perdidisti. Ælianus lib. 14. de
Varia hiſtoria. Idẽ dici poſſet de ni-
mia diligẽtia, qua multoties res ma-
gis obſcuratur, quàm ornatur.

Apelles.

Protegenes pictor toto ſeptennio
in pingendo Ialyſſo conſumpto, tan-
dem ſummam manum impoſuit. Eũ
cũ cerneret Apelles, primũ ſub-
ſtitit mutus, & ſtupefaſtus inopina-
ta atque admirabili contemplatio-
ne. Deinde reſpiciẽs. Labor quidem,
inquit, magnus eſt, & irẽ artifex ex-
cellens, verũ operi gratia non in-
eſt: quàm ſi homo conſecutus eſſet,
labor eius cœlum attingeret. Lauda-
uit quidem inſignem picturam Apel-
les, ſed nimiam diligentiam & indu-
ſtriam vituperavit, quæ operi gra-

tiam omnem adimebat. Ælianus lib.
12. de Varia hiſt.

Pollio.

Dicebat, Cômødè agendo factum
eſt, vt ſæpe agerem: ſed ſæpe agendo
factum eſt, vt minus cômødè quia
ſcilicet aſſiduitate nimia facilitas
magis quàm facultas, nec fiducia, ſed
temeritas paratur. Quod accuratè fa-
ctum velimus, raro faciendum eſt.
Hac ratione duci videntur Itali qui-
dam eruditi, qui licet pulchrè calleat
Latinè, tamen vix vnquam adduci
poſſunt, vt in familiari congreſſu La-
tinè loquantur. At ſiquando compel-
lit neceſſitas, dicunt, exactè, quæſque
de ſcripto. Eraſ. lib. 8. apoph.

Scipio Africanus.

Centurionem, qui pugnae non ad-
fuerat, cùm increparet, atque ille di-
ceret, ſe in caſtris cuſtodia gratia re-
manſiſſe: Non amo, inquit, nimium
diligentes. Bruſo ex Cicerone lib. 2.
de Oratore.

De diſcendi cupiditate.

Solon.

CVm eius nepos ex fratre inter
pocula carmen quoddam Sap-
phus ceciniffet, delectatus eſt illa cã-
tilena: & iuſſit adoleſcentem, vt eam
ſe doceret. Cũ autem quidam inter-
rogaffet, quam ob cauſam hoc deſi-
deraret: reſpondit: Vt poſtquã ipſam
didicero, moriar. Voluit autem oſtẽ-
dere, quàm auidus diſciplinæ fuerit:
vt qui morti iã proximus, ab aliis do-
ceri nõ erubuerit. Ælian. de Var. hiſt.

Idem.

Gloriari ſolebat, ſe aliquid quoti-
die addiſcentem, ſenem fieri. Tan-
ta enim homini ſapientiſſimo inerat
diſcendi cupiditas, vt ſenio iam gra-

uatus, non minus philosophiæ incumberet, quam cum adolescens ac iuuenis fuisset. sciebat enim hæc studia magnum senectutis solatium esse. Cicer. in Catone maiore.

Antisthenes.

Antisthenis placita non indigna sunt quæ commemorantur dicebat *ὅτι ἀποτῶν εἰς τὴν διδασκαλίαν*, id est, virtutem disci posse. Aduersus eos, qui putant nasci cum homine, aut naturæ affectus studio vinci non posse. Laert. lib. 6.

Zeno.

Dicitur consuluisse oraculum, quo pacto posset vitam optimè instituere respondit vates, *εἰ σὺν ἡμετέροις τοῖς νεκροῖς*, id est, si concolor fieret mortuis. Ille sentiens, se vocari ad lectionem veterum, contulit sese ad philosophiam. Dicitur autem Zeno natura fuisse colore fusco. Studium ac virtus parsimonia maciem & pallorem conciliat homini. Laertius libro 7. cap. 1.

Polemon.

Idem Zeno, licet iam profecerat, tamen modestiæ gratia commeabat ad Polemonem, apud quem in dialecticis exercebatur. Vnde Polemon solitus est dicere: Non me clam est Zeno, te per posticum irrepere, fura rique dogmata, quibus Phœnicum more indutus es. Notans, illum furtim discere gratis. quæ aliis esset venditurus. Laert. lib. 7. cap. 2.

Diogenes.

Diogenes Athenas profectus ad Antisthenem se contulit: à quo sæpe repulsus (nullum enim discipulum recipiebat Antisthenes) non destitit tamen hæerere: adeo ut quum aliquando baculum intentaret Antisthenes, vtrò baculo caput subiecerit, dicens, Cæde, si vis: at nullum in-

uenies baculum tam durum, quo me abs te abigas dum aliquid dixeris. In signe exemplum adamatæ sapientiæ. Laert. lib. 6. cap. 2. Ælian. lib. 10. de Varia historia.

Democritus.

Arrodens cucumerem, sensit humorem esse mellei saporis, rogauitque famulam, vnde emissit? Illa nominauit hortum. Surrexit Democritus, Et, duc me, inquit, eò, ac locum indica. Demirante muliercula quid sibi vellet? Vt, inquit, dulcedinis causam inueniam: inuenturus, si locum inspexero. Hæc muliercula ridens: Quiesce, inquit, ô bone. nam ego imprudens cucumerem immiseram in ollam mellitam. At ille offensus: Molestas es, inquit, ego tamen incumbam, quæramque causam: quasi cucumeri peculiaris sit ac genuina dulcedo. Sit hoc exemplum studij indefatigabilis. Laert. lib. 9. cap. 7.

Cleanthes.

Antigono discipulo roganti, cur sordidam operam præstaret hauriendo aquam è puteo, vnde per iocum pro Cleanthe dictus *φασγάνος*, ita respondit: Num haurio tantum? an non & fodio, & rigo hortum, denique nihil non facio philosophiæ causa? Alius negasset factum: philosophus auxit quod obiciebatur, gloriæ sibi ducens: quod ille vertebat probro. Laert. lib. 7. cap. 2.

Metrocles.

Dicebat res alienas emi pecunia, ut domum, vestem, & alia: disciplinas autem liberales emi tempore. Requirit enim diuturnum studium & indefessam diligentiam. Laertius lib. 6. cap. 6.

Socrates.

*Ei in senectute citharam pulsanti & aberranti dixit quidam, Tu ne adeo

adeo senex cithara ludis? respondit ille, Atqui præstat serò quàm nunquam discere. Stob. serm. de assiduitate.

Isocrates.

* Apis, inquit omnibus floribus insidet, à singulis, quod vtile est accipiens. Ita doctrinæ cupidi nihil non attingit, & vndique quæ sunt vtilia colligit. Max. ser. 17.

Demosthenes.

Interrogatus, Quo pacto sibi oratoriam facultatem comparasset? Plus olei, inquit, quàm vini mihi consumptum est. Stob. ser. 27.

Idem.

Tanta diligentia versatus est in oratoria, vt nullam aliam ob causam magis se dolere dixerit, quàm si quâdo opificum anteculana victus esset industria. Cic. lib. 4. Tuscul. quæst.

Marcus. Imp.

Lucius, quum Romam venisset, obuiam factus Imperatori Marco, percontatus est illum quò iret, & cuius rei gratia? cui Imperator, Honestum est & seni dicere: eo ad Sextum philosophum, vt discam quæ nondum scio. Hic Lucius sublati in cælum manibus. O Iupiter, inquit, iam senex tabellam gestans puerorum more comitat in ludum, quum noster rex Alexander triginta duos annos natus vita defunctus sit. Hic citius probarim Cæsaris & studium & moderationem, quàm Lucij libertatem. Philostratus.

Saluius Iulianus.

Is tum eximia itris cognitione, tum multorum principum amicitia clarus, solitus est dicere: Et si alterum pedem in sepulchro haberem, adhuc addiscere vellem. Refertur Pandect. libro 4. tituli de Fidei commissis. l. apud Iulianum. Hac sententia opti-

mo iure placuit laudatissimis viris. Sed hodie passim audimus has voces Iam adultus sum, serum est discere. Imò hoc turpius est, nescire quæ cognitu digna sunt, quòd adultus es.

Alphonsus rex.

Cum aliquando de iactura rerum pretiosarum sermo haberetur, persanctè affirmasse dicitur, Malle se gemas, vniones, margaritas suas, quæ quidem essent in orbem omnem terrarum diffamatissimæ, quàm libros qualescunque perditum iri. Panormitan. libro 4. de rebus gestis Alphonsi.

Plura pete ex apoph. de Industria.

De discipulo docili.

Antisthenes.

Q Vum adolescens quidam Ponticus genere, se in numerum discipulorum illius recipi cuperet, patri quærèti, quibus rebus esset opus? Libro (inquit) nouo, stylo nouo, nouaque tabella. significans, animum à vitiis vacuum, studium vigil, & memoriam fidelem. Solent autem adolescentes voluptatibus ac deliciis occupatam mentem ad præceptorem adferre, quæ res ferè in causa est vt minus proficiat. At philosophia totum animum sibi postulat. Laert. lib. 5. cap. 1.

Aristoteles.

Aristoteles Stagiritæ interrogatus, quo pacto fieret, vt discipuli quamplurimum proficerent? Si, inquit, præcedentes gnauiter insequantur, sequentes non morentur. Laertius lib. 5. capite 1. Brusonius libro secundo cap. 23.

Vide apoph. de docilitate.

M iij

De discipulo indocili.

Bion.

ARrogantiam dicebat esse profectus obstaculum. Indocilis enim est, qui mauult doctus videri, quàm esse. Laër. l. 4. c. 7.

Idem.

Cuidam obliicienti quòd adolescentem quendam ad se non pellexisset: Tenellus, inquit Bion, caseus non attrahitur hamo. Significans, pueros delicatos non esse studiis accommodos. Laër. l. 4. c. 7.

Zeno.

Quum quendam ex discipulis inflatum turgidumque esse nosset, sed desiderem ac ignaum, percutiens dicebat: Non si magnus fueris, bonus & eruditus eris: sed si bonus & eruditus, tum demum reuera magnus eris. Brus. li. 21. c. 23.

Diogenes.

Adolescenti cuidam, qui apud illum volebat philosophari, perna dedit deferendam, ac sequi iussit. At ille disciplinæ impatiens, abiecta, quã ferebat perna, abcessit. Sed post aliquantulum temporis occurrens, illi Diogenes: Tuam & meam, inquit, amicitiam perna dissoluit. Sensit autem obiter philosophus clarissimus, eum nequaquam bonum fore discipulum, qui præceptoris moribus se non accommodaret, ac in licitis & honestis suum denegaret præceptoris officium. Brus. li. 2. c. 23.

Theodorus

Dicere solebat, Protagoram, præceptorem omnium fidissimum, dextra manu porrigere auditoribus suis scientiam, illos verò sinistra accipe-

re. Bruson. libr. 6. cap. 2.

Isocrates.

Ephorum Cumanum, qui scholam ipsius reliquit nullo profectu, atque ob id à patre Demophilo denudò missus est, vt ab integro data mercede discipulum ageret, *διφῶρος* appellabat. Diphros enim Græcis dicitur currus, quòd duos ferat: pugnantem & aurigam. Isocrates autem ex vocis etymologia captauit iocum in stupidum discipulum, qui bis attrulerit mercedem *διππο* enim dici videtur *διππο* & *δι* & *πῶρος*, id est, abis ferendo. Eras. l. 8. apoph.

Idem.

Cùm diuersis moribus & ingeniis haberet discipulos, Ephorum scilicet, & Theopompum: Se calcaribus in Ephoro, contra autem in Theopompo frenis vti solere dicebat. Cicero ad Atticum, & de Claris oratoribus. Quintil. etiam l. 10. c. 1. Bruson. l. 2. cap. 23.

Anonymus.

Philosophus quidam quum duos haberet discipulos: alterum quidem laboriosum, sed hebetis ingenij, alterum ingeniosum, sed ignaum: Ambo, dicebat, pereatis: quoniam tu cum velis, non potes: tu verò cum possis, non vis. Antonius in melissa, par. 1. sermone 5, & Maximus sermone 17.

Stratonicus.

Quum doceret Macedonem quendam, nec ille quicquam proficeret, exasperatus in discipulum: In Macedoniam, inquit, pro eo quod alij dicunt, *εὐμαχίαν*, si cui precantur exitium. Obiter notauit & Macedonia gentis barbariem.

De

De discipulorum erga
præceptores pie-
tate.

Xenocrates.

Dionysius, cum Platoni diceret,
Aliquis auferet tibi caput: Xe-
nocrates, qui tum præceptori aderat.
Non prius, inquit, quam hoc suum os-
tendens caput. Laert. l. 4. c. 2.

Alexander.

Cum interrogaretur, Vtrum ma-
gis desideraret patrem Philippum,
an Aristotelem præceptorem? Magi-
strum, inquit. Ille enim ut essem, hic
autem ut præclare institutus essem,
author fuit Anton. in Meliss. part. 2.
ser. 11. & Max. ser. 23.

De discipulorum in fre-
quentia, & exiguo
numero.

Stratonicus.

In ludo suo quum haberet pictas
Musas Nouem, Apollinem vnum,
discipulos autem tantum haberet
duos, rogatus à quodam. Quot ha-
beret discipulos? Cum diis, inquit,
duodecim Eras. l. 6. apoph. ex Athe-
næo, & Bruso. l. 5. ca. 2.

De discordia.

Demaratus.

A Philippo Macedonũ rege ho-
spitio susceptus, qui ob nouas
Cleopatæ nuptias à se Olympiadem
Alexandrumque auocauerat, dicenti
Philippo, quo pacto Græci inter se
mutuam agerent concordiam, re-

spondit: Tua minimum interest, Phi-
lippe, Græciæ curam suscipere, qui
tot discordiis ac calamitatibus pro-
prium cumulaſti regiam. Bruf. li. 1. c.
20. ex Plut. apoph.

M. Agrippa.

Dicere solebat, multum se huic
sententiæ debere: Concordia paruæ
res crescunt, discordia maximæ dila-
buntur. Senec. in epist. li. 14.

Leontius episcopus.

In grauissima illa apud Antioche-
nos de fidei negotio dissentione, ti-
mens seditionem, sententiam suam
apertè proferre non audebat, & ali-
quando caput suum canis florens
manu demulcens, dixisse fertur: Ni-
uem eam solutam luctum multum
subsecuturum esse. Enigmate eo
obscurius indicans, dissonantiâ eam
aliquando in seditionem euasuram,
neque eos qui factionis suæ essent
cum reliqua multitudine consensu-
ros. Niceph. l. 9. c. 24. Eccl. hist.

Alphonsus.

Sæpenumero dicere solitus est, Si
Romanis tēporibus vixisset, se con-
structurum fuisse templum Ioui Po-
sitorio, ut de rebus acturi, in eo prius
conuenirent, & contentione omnem
deponerent. Innuit autem, nihilque
Reipublicæ esse perniciosum, ac si
plebis cum patribus crebræ conten-
tiones oriantur. Panor. l. 3. de rebus
gestis Alphonsi.

Vide apoph. de Concordia.

De disputationibus, aut
quæstionibus friuolis
atque inutilibus.

Aristippus.

Cvidā qui proposuerat ænigma,
vehementer instāti ut solueret:

Quid ô stolide , inquit , vis soluam , quod nobis etiam ligatum exhibet negotium ? Lufit ex ambiguo. Soluitur enim quæstio , & soluitur homo aut belua vincta. Stultum autem sit furiosum hominem aut noxium animal soluere , magis nociturum. Laërtius libro 2. capite octauo.

Idem.

Cōfutatus in disputatione à quodam homine audaci , sed furioso ac stolido , quum illum videret gestientem , inflatumque victoria : Ego quidē , inquit , redargutus ab eo : sed suavius dormiturus te , qui redarguisti. Laërt. lib. 2.

Diogenes.

Orante aliquando Anaximene , Diogenes prætendens pernam , auditores in se conuerit : ob id indignatus Anaximenes , obtruncuit ab auditorio destitutus. Tum Diogenes , Anaximenis , inquit , disputationem oboli pretium dissoluit , significans , illum de rebus friuolis disse-ruisse , quæ non admodum attentos haberet auditores. Laërtius libro sexto.

Plato & Diogenes.

Platonis ideas , id est formas , risit & Aristoteles. Quodam igitur tempore quum Plato multa de ideis differeret , & rem confictam confictis vocabulis explicare conaretur , subinde in ore habens , menscitates & cyathitates , per quas voces intelligebat species mensæ & cyathi : Diogenes irridens subtiles nugas , Mensam , inquit , accyathum video , menscitatem & cyathitatem non video. Tamen si sunt & hodie qui forteitatibus & ecceitatibus sibi videntur acuti. At Plato regeffit dictum : Nec mirum , in-

quit , nam oculos habes quibus cernuntur cyathi ac mensæ , mentem verò non habes qua cernuntur menscitates ac cyathitates. Laërtius libro 6.

Ariston.

* Veratrum , inquit , crassiusculè sumptum purgat , Polliionem verò læuigatum suffocat , sic & nimis anxiosa subtilisque in philosophia disputatio. Stob. ser. 8.

Gorgias.

Gorgiæ sophistæ palàm exhibenti sese ad respondendum , quod cuique libuisset proponere , Xenophon , non ille Socraticus , sed alius quidam inuidens , adiit illum , atque hanc proposuit quæstionem : Dic mihi , Gorgia , quamobrem fabæ ventrem inflent , quum ignem non inflent ? Ad quem placide Gorgias , Istud quidem dispiciendum relinquo : cæterum illud iam olim cognitum habeo , terram aduersus istiusmodi homines producere ferulas. Philostratus.

Idem.

Quum audiuisset physicum quendam de antipodibus argutè disserentem , ostēsis in puteo hominum umbris , interrogauit , num illos antipodes putaret. Irrisit inutilem quæstionem philosophorum , qui inter-dum de iis rebus disputant , quæ non sunt , licet ex certis demonstrationibus hodie probari possit , reuera antipodas esse. Erasmi. libro 8. apophth.

Idem.

Cum conspiceret duos philosophos , utrosque pariter indoctos , inter sese disceptantes , & alterum quidem ridiculas quasdam quæstiones proponentem , alterum item aliena , neque quicquam ad rem facien-

tia

tia respondentem : Quid, inquit, amici, an non horum alter hircum mulgere videtur, alter cribrum supponere? Lucianus in vita Demonastis. At refertur à Diogeniano his verbis : Vtrum stultior qui mulget hircum , an qui cribrum supponit? Eras. l. 8. apoph.

Idem.

Idem aliis curiosa indagine disquirentibus , an mundus rationis exors sit, aut anima præditus, & sphaera nihilominus figuram teneat? Vos, inquit, plus æquo de mundo solliciti, vestram ipsorum immunditiam interea parum provida consideratione pensculatis. Stob.

Zeuxidamus.

Cuidam percontanti, quam ob causam Lacedæmonij leges de fortitudine citra scriptum servarent, ac non potius descriptas traderent iuvenibus legendas? Quoniam, inquit, assuefaciendi sunt ut præclaris gestis potius quàm scriptis intédant. Inertia genus est, de fortitudine philosophorum more disputare : sed protinus factis exercenda virtus, quæ paucis dogmatibus tradi potest. Plut. in Lacon.

Eudamidas Archidami F.

Quum audisset Xenocratem iam senem in Academia cum amicis disputantem, percontatus est, quis esset ille senex? ubi respondisset aliquis illum esse virum sapientem, & ex eorum numero qui virtutem quærerent: Et quando, inquit, ea usus est, si adhuc quærît? Visum est Laconi ineptum, per omnem vitam de virtute disputare, veluti de re controuersa : quum oporteat à prima statim adolescentia habere certissima decreta de honesto, impressa animo, & secundum virtutem exerceri: non

quærere, quemadmodum faciunt philosophi, qui magna contentione inter ipsos de summo bono ac malo digladiantur, ne in hoc quidem satis consentientes quid sit virtus aut beatitudo. Plutarch. in Laconic.

Pantholidas.

In Academia philosophos audiens multa de virtute differentes, interrogatus cuiusmodi viderentur eiusmodi sermones? Quid aliud, inquit, quàm probi: sed prorsus inutiles vobis, qui illis non utimini. Salsè tetigit mores Atheniensium, qui virtutem haberent in labris, non in factis. Plut. in Lacon.

As. Pollio.

Dicebat, in causa verecunda nunquam tentari debere improbâ quæstionem. Notavit rhetores, qui in declamando mouerent quæstiones nihil ad causam facientes. Eras. lib. 8. apoph.

De dissidio.

Plinius.

* **E**Os qui mutuis dissidiis sese conficiunt, similes dicit esse Gallis sæpius in pugna commorientibus. li. 2. natur. hist. cap. 21.

Vide apoph. de Discordia, Odio, Seditione.

De dissimulatione.

Plinius.

* **V**itro pellucido quod nihil celat voluit eos assimilare qui nihil dissimulare norunt, sed quicquid in animo est, protinus palam effeferunt. li. 10. c. 62.

*Vido apoph. de Libertate in dicendo,
& Simulatione.*

De diuinatione.

Chilon.

DIcebat, diuinationem non esse detestandam: quod hanc deorum munus esse crederet, quæ ratione percipi posset ab homine insigni virtute prædito. Nam ipse prædixisse fertur, futurum ut ex insula Cythera summum malum oriretur Lacedæmoniis, cuius situm naturamque cum didicisset: Utinam, inquit, hæc aut nunquam fuisset, aut simul ut nata fuit, euerfa fuisset. Nam Demaratus Lacedæmonie profugus, Xerxi suasset, ut in ea insula classem haberet: ac plane Græciâ subegisset Xerxes, si Demarati consilium fuisset sequutus. Post, Nicias ea potitus, statuit illic præsidium Atheniensem, & Lacedæmonios multis cladibus afflixit. Laërt. li. 1. c. 2.

Diogenes.

Dicere solebat, Si vlla disciplina id præstare posset, ut præsciremus quæ ferenda sunt, atque eadem amoliri à nobis certa ratione valeremus, egregium sanè illud esset, & longè optimum artificium. Sed si ordine inuolabili ac lege inconcussa quippiam tolerandum est, ad quid attinet tale malum prænoscere? Stob.

Idem.

Videns hominum diuerfas actiones, ac audiens somniorum esse interpretes & coniectores, dicebat, nulum animal homine esse stultius. Laërt. l. 6.

Socrates.

Quum in somnis quidam Socrati visus esset dicere,

ἡμεῖς μὲν περὶ τῶν αἰσθητῶν φησὶν ὁ σοφὸς ἀνὴρ ἔχειν;

*Ad Phthiam venias simulac lux tertia
surget, Æschini dixit, Tercio die moriar: versum Homerum pro oraculo interpretans id euenit. Phthia erat patria Achillis: & amici conati sunt persuadere Socrati, ut in Thesfaliam fugeret, quod illic haberet fidos amicos. Eras. 3. apoph.*

Demonax.

Conspicatus augurem quendam in publico vaticinia sua vendentem: Si potes, inquit, ea quæ Parca statuerunt arte tua depellere, exigua mercedem postulas: si quæ satis decreta sunt omnino sunt euentura, quid tua prodest diuination? Bis miser esse cupit, qui mala quæ vitari non possunt, amat præcire. Eras. 8. apoph.

Demetrius.

Quum Philippus locum quendam Ithomatam, non minus munitum, si præsidium imponeretur, quam erat Acrocorinthus occupasset, & sacrificio peracto per vatem ad ipsum exta essent delata, accepta Arato ac Demetrio Phalereo demonstravit: & ipse animi dubius rogabat eos, qui exta portenderent? vtrum Mefseniis locum redderet, an retineret? Hic Demetrius arridens: Si animum, inquit, vatis geris, locum dimittes: sin regis, utroque cornu bouem retinebis. Peloponnesum bouis ænigmate signans, quam facillè retineret. si duas arces præsidio tueretur. Eras. lib. apoph. 6. ex Plut.

Anaxarchus.

Inconuiuio quum Anaxarchus Alexandro propinaret, ostenso calice prædixit fore ut vulnus acciperet, abutens ad id versu, quæ recitat Laërt. lib. 9. cap. 1.

βιολήσεται τις θεῶν γενομένη χειρὶ. Id est, *Ferietur aliquis morte animi humana manu. Eras. lib.*

Calanus

Calanus Indus.

Ad mortem proficiscens, quum conscenderet rogam ardentem, O præclarum, inquit, discessum è vita, quum vt Herculi contigit, mortali corpore cremato, animus in lucem excesserit. Hunc quum Alexander admoneret, dicere si quid vellent? Optime, inquit, propediem te videbo. Idque euenit, nam Alexander paucis post diebus mortuus est. Cicer. l. i. de Diuinatione primo.

Larcas Indus.

Apollonius Tyaneus quum ad Indorum sapientes qui Brachmanes dicuntur, habens Larontis Indiæ regis literas commendatitias, accederet: vt venit ad illos, Larcas illorum Princeps salutauit Apollonium, statimque petiit regis literas. Admirante Apollonio, ac dicente, Vnde scieris? Quo magis (inquit Larcas) miseris, scito D, vnum in epistola deesse: atque ita esse, palam omnibus ostendit. Bruf. li. 7. c. 20.

Indas Effesus.

Nunquã diuinando mentitus est, is quum prædixisset, in Stratonis pyrgo, Antigoni regem eo die occubiturum: viso Antigono, Nunc mihi pulchrum est mori, inquit, quum mendax fuerim (distabat enim Stratonis pyrgus sexcentis stadiis) sollicitaque mente secum hoc repetebat. Sed paulò post tamen interfectus est Antigonus in loco subterraneo, qui Stratonis pyrgus dicebatur. Bruf. lib. 7. cap. 20.

M. Cato.

Aiebat se demirari, quòd non rideret aruspex, quoties aspiceret aruspicem. sentiens, totum hoc diuinationum genus imposturam esse, quæ populo fiebat fucus. Id quum non fugeret eius artis peritum, miraba-

tur quòd aruspex aruspicem posset videre absque risu. Solent enim impostores inter se ridere multitudinis stultitiam. Cic. l. 2. de Diuin.

Pompeius.

Catoni acerbius insectanti Pompeium, quòd quum ipse sæpius prædixisset potentiam Cæsaris indies crescentem nulli bono fore populari ciuitatis gubernationi, sed potius ad tyrannidem tendere: Pompeius ita respondit, Tua (inquit) Cato, magis accedunt ad diuinationem, at mea magis accõmoda sunt amicitia. Sentiens, Catonem incerta loqui, quòd nemo possit rerum humanarum exitum liquido præscire, se verò ea sequutam, quæ tum temporis amicitia, quæ sibi cum Cæsare intercedebat, postulabat. Certum erat quid de bebatur amico, incertum erat, an amicus illi futurus esset inimicus. De amico verò humanius est bene sperare, quàm malè diuinare. Plut. in apo.

Spurina aruspex.

Spurina aruspex admonuit C. Cæsarem, vt caueret discrimen ingens, quòd vltra Calendas Martias nõ proferretur. Eo die quum iret in senatum, Spurina fortè obuio: Quid ais, inquit, nõne venere Calendæ Martiæ? Venere, inquit, sed nondum præterire. Eodem die cæsus est Cæsar. Bruf. l. 7. c. 20. ex Plut.

Anonymus.

Seuerus imperator cum è Britannia rediret nõ solum victor, sed etiã in æternum pace fundata: scurra quidam obuiam factus, futura illi hunc in modum vaticinatus est: Fuiſti Cæsar, totum vicisti, iam Deus esto victor, cuius diuinatione licet iocus esse videbatur, constat nihilominus tamen Cæsarem paulo post perisse. Eraſ. l. 6. apoph.

Athanasius episcopus.

Ab Arianis & Græcis præstigiator dictus, atque ob diuinationis peritiam diu multumque derisus, cum urbem Alexandriam ingrederetur, cornix in aere volitans crocitabat. Græcorum igitur turba hæc audiens, scommate eum veluti impostorem persequens, quidnam cornix diceret, interrogauit. Ille autem perquam urbane & suauiter ridens: Cras, inquit. Portendi namque, crastinum diem vobis non bene cessurum. Mandatum enim ab imperatore veniens, festum diem vestrum inhibebit, & magnificentia vestra in iucunda vobis erit. Porro id Athanasij dictum, exitum suum habuit, ab imperatore enim literæ venere, quibus magistratus iubebatur, de cætero Græcos prohibere, ne ad templa accederent, & more superstitionis suæ dies festos peragerent. Et celebritas ea quæ iam aderat, & ab illis plurimi fiebat, ueneratque maxima colebatur, tum penitus abrogata est. Niceph. l. 9. c. 35.

De diuitiis ac opibus.

Chilon.

* **P**ercontatus, quid essent diuitiæ? respōdit, Thesaurus malorum, calamitatis viaticum, improbitatis suppeditatio. Ant. ser. De diuit.

Bion.

Dicebat, diuitiis operam dantes ridiculos esse, cum eas porrigat fortuna, illiberalitas seruet, benignitas auferat. Stob. ser. 91.

Idem.

* Quemadmodum, inquit, vilia marsupia, & si nullius pretij fuerint, tanti tamen æstimantur, quantum in se numismatis continent; ita diuites etiam ho-

mines vani & nihili, bonorum quæ possident æstimatione ac pretio fruuntur. Stob. ser. 87.

Idem.

Dicere solebat, non minus molestum esse caluis, quam comatis, pilos velli. Ostendere autem hoc dicto voluit, paria pauperum diuitumque tormenta esse. Brusl. l. 2. c. 26.

Bæ.

Beatum esse dicebat, ex vulgi opinione, qui opes ex animi sententia assequeretur. Verum multo beatorem, qui ne desideraret quidem. Stob.

Chilon.

Dicebat, Quod Lydius lapis est auro, id aurum esse homini. Lapis enim index affricu prodit quale sit aurum, ipsum autem aurum arguit quale hominis ingenium: iuxta illud, Magistratus virum arguit. Laert. in eius vita.

Pythagoras.

Neque equum sine freno, neque diuitias sine prudentia quenquam gubernare posse, dicere solebat. Stob. ser. 92.

Hypseus.

* Ut aurum, inquit, trementi manui impositum, tremit: sic & diuitiæ ab animo metu curisque detento accumulatae, vnâ concutuntur, & eodem modo afficiuntur. Stob. ser. 90.

Antisthenes.

Neque symposium sine colloquio & societate, neque diuitias sine virtute, voluptatem habere affirmabat. Stob. ser. 1.

Democritus.

Audiens de diuitiis variè disputantes, omnibus hominibus perpetuam quandam diuitiarum cupiditatem inesse dixit, quæ si non acquisitæ fuerint, vexant: si erunt acquisitæ, sollicitudine & cura torquent. Amisæ

Amiffæ verò, dolores etiam adferunt
haud mediocres. Max. ser. 12.

Idem.

Nequaquam diuitem, sed diuitiis
bene vtentem, beatum iudicandum
dicebat. Max. ser. 12.

Idem.

Neminem vnquam ob diuitias, &
gloriam beatum esse existimandum
dicebat. Talia enim omnia incertio
ra sunt, minorique fide deuincta,
quàm vt bona cenferi debeant. Max.
serm. 12.

Idem.

Interrogatus, quomodo quis di-
ues fieri posset? Si, inquit, cupidita-
tum pauper erit. Max. ser. 12.

Idem.

Dicere solebat, Quantum ad na-
turam attineret, omnes homines di-
uites esse: sed quantum est in nobis,
omnes pauperes videri. Maximus
serm. 12.

Idem.

Eos etiam qui naturalibus diuitiis
contenti essent, multò ditiores esse
iis dicebat, qui cum multa possi-
deant, plura tamen concupiscunt, il-
lis enim nihil deest, his plura quàm
possident. Eod. ser.

Democritus.

Pecuniarum vsum cum pruden-
tia, vtilē quidem esse ad exercendam
liberalitatem, & ad iuuandum alios:
cum stultitia verò, communem largi-
tionem esse dicebat. Stob. ser. 92.

Idem.

*Quemadmodum, inquit, inter vl-
cera pessimus est affectus phagede-
na: ita in diuitiis animus non conten-
tus, & sibi inæqualis. Stob. serm. 90.

Idem.

Diuitias comparare non inutile
esse, sed iniuste corradere, turpissi-
mum esse dicebat. Eod. ser. 92.

Idem.

Si diuitias, inquit, non expectes
pauca tibi multa videbuntur, praua
enim appetentia ex inopia diuites fa-
cit. Stob.

Idem.

Interrogatus quæ via esset facile
direscendi, respondit: Si quis inops
fuerit desiderio. Stob.

Zeno.

Cum sæpe dixisset, diuitias esse
indifferentes: Antigonus falsò ei num-
ciari fecit, prædia illius ab hostibus
esse direpta: & cum tristior effectus
esset, Vides, inquit, diuitias non esse
indifferentes? Brus. l. 2. c. 26. ex Laërr.

Idem.

Dicere solebat, non magis prodes-
se, quàm nocere opes ad sanitatem.
Ex eodem.

Anaxagoras.

Magno cum negotio pecunias cõ-
parari, sed multo maiori opera con-
seruari & custodiri dicebat, Innuit
autem, ita comparatum esse, vt om-
nes pecuniam quærant, ac opes am-
plissimas, quas cum iam parauerunt,
multò curiosius ac attentius seruant,
ne statim euanescant. Quemadmo-
dum enim echinum, sic etiam num-
mos, facilius est capere quàm diu re-
tinere. Ælius li. 4. de Var. hist.

Epicurus.

Scribens ad Pythocleam, Si vis, in-
quit, te diuitem facere, non pecuniæ
adiiciendum, sed cupiditatibus detra-
hendum est. Seneca.

Simonides.

Interrogatus, vtra res esset optabi-
lior, diuitiæ an sapientia? Dubito, in-
quit, vt qui videam sapientes frequen-
tare diuitum fores, innuens, philoso-
phos verbis quidem contemnere di-
uitias, sed re tamen eas captare. E-
ras. 6. apoph. ex Stobæo.

Cleanthes.

Querenti quomodo quis diues euadere posset? respondit, si cupiditatum fuerit inops. Stob. ser. 92. Idem & ad Democritum referri, paulò antè diximus.

Epicletus.

Percontatus, quis esset inter homines diues? Cui, inquit, satis est quod habet. Stob.

Idem.

Audiens quendam sibi ipsi ob amplas diuitias placentem, ait: Examina te ipsum prius, utrū discere malis an beari. Quod si diuitias velis, rem neque bonam esse scias, nec omnino in te sitam. Si verò beari, id & bonum est, & penes te. Opes enim fortuna ad tempus commodato dat: Beatitudo autem à nostra voluntate procedit. Stobæus sermone de temperantia,

Idem.

*Nec equus, inquit, ob præsepe, phaleras, & tapetes, nec avis ob floccos ad nidum suum effertur & gloriat, sed utrunque animal ob celeritatem, hoc quidem alarum, illud verò pennarum. Quare tu quoque ob externas diuitias ne superbito, sed ob probitatem & beneficentiam. Stob. eod. ser.

Socrates.

Diuitias ex usu metiri iubebat. non enim immensas possessiones diuitias vocabat, sed tantum, quantum requiritur ad usum decentem. Stob. serm. de Temperantia.

Idem.

Magnificiendas esse diuitias dixit, si lætitiā sibi coniunctam haberent: nunc autem, inquit plurimum dissident. Nam si diuites suis opibus frui velint, præ nimia voluptate corremperunt: sin custodire, curis: sin ve-

rò acquirere, nimio desiderio pessum ibunt. Stob. ser. 91.

Idem.

Interroganti, Quisnam videretur sibi ditissimus? respondit, Qui paucissimis contentus est. Anton. in Meliss. par. 1. ser. 37. Stob. ser. 5.

Idem.

*Diuitias auarorum Soli occidenti comparabat: neminē enim viuendum illas iuuare dicebat. Maxi serm. de diuitiis.

Idem.

Satius esse dicebat, se in paucis facultatibus continentem hilariter agere, quàm in magnis infelicitē. Anton. in Meliss. par. 1. ca. 37.

Idem.

Cum videret Alcibiadem ob diuitias elatum & propter agrorum spatiosos limites superbire, adduxit ad locum in quo tabula quædam ambitum terræ complectēs suspensa erat, & eum rogauit, ut Atticam ibi requireret. Quam cum inuenisset suos fundos eum iussit ostendere. & cum responderet, Nusquam ibi pictos esse: Horum (inquit Socrates) possessione te effers, qui nulla pars sunt terræ. Illudens hoc dictorio Alcibiadis stultitiam, qui superbiebat in iis rebus quæ fluxæ sunt, & cum mundo intire solent. Ælian. l. 3. de Var. hist.

Plato.

Interrogatus, quantas opes habere conueniret: dixit, Quantæ possidenti neque insidias pariant, neque rerum necessariorum inopiam. Stob. serm. 92.

Diogenes.

Aiebat, neque in ciuitate, neque in domo opulenta habitandi locum esse virtuti. Stob. ser. 91.

Idem.

Exprimere volens quid essent diuitiæ,

uitiæ, Fortunæ vomitum eas appellauit. Stob. ser. 91.

Idem.

Anaximenis seruos conspicatus multa vasa ferentes, cuius ea essent interrogauit? Cùm autem illi, Anaximenis esse responderent: An non pudet eum, inquit, tam multa habere, qui seipsum non habet? Sensit autem philosophus, eum non in sua ipsius potestate esse, qui captus diuitiis sibi iam mortuus est. Max. ser. 12.

Idem.

Physicus quidā interrogauit eum, quam ob causam aurum palleret? Quoniam, inquit, plurimos habet sibi infidiātes. Pallent autem, qui metuunt. Laert. lib. 6. & Maximus serm. 12.

Posidonius.

Diuitias causas esse malorum dicebat, non quòd ipsæ facerent, sed quòd facturos irritarent. Senec. lib. 3. epistol.

Isocrates.

* Dicebat illos contemni debere, qui nimium operam dant diuitiis, præsentibus autem vti nequeunt. Nam isti (inquit) non secus afficiuntur, quàm qui bonum equum possidens equitandi artem ignorat. lib. ad Dæmonicum.

Idem.

* Diuitias non tam honestati quàm improbitati seruire dicebat, dum fo cordiæ hominum licentiam parant, & iuuenes instigant ad voluptates. Eodem lib.

Democrates.

.. Vt vestes valares corpora, ita diuitias immensas, animas impedire dicebat. Stob. serm. 91.

Anonymus.

Cuidam Lampen Aeginetam effrenti, ac felicem prædicanti, quòd

prædiues videretur, multorum nauigiorum dominus: Lacon, nihil (inquit) moror foelicitatem de funibus pendentem. Quum omnes diuitiæ sunt in manu fortunæ, tum ea præcipuè quas negotiatores cômiserēt nauibus. ruptis enim funibus sequitur naufragium, & hinc mercium omnium interitus. Plutarch. in Lacon. apoph.

Lampis.

Interrogatus quomodo sibi parasset diuitias? Magnas, inquit, haud difficulter, exiguas verò cum labore ac tardè. Sentiens, initio paulatim magnâque vigilantia corrasam pecuniam. Cæterum parata iam ingenti forte, facile est amplis lucris ditescere. Plutarch. in libello, An seni sit capeßenda respub.

Pheraulas.

Is diues, à Saca foelix nuncupatus ob diuitias, quas pauper acquisierat: Num, ait, ita existimas Saca, me nunc eò iucundius viuere, quòd plura possideo? An ignoras, me & esse & bibere, & dormire, nullo modo mihi iucundius, quàm tunc quum eram pauper? Certum quippe est, eum qui pecuniis ac diuitiis oblectatur, si sumptum vel dispendium faciat, vehementer contristari. Bruf. lib. 2. cap. 26.

Plutarchus.

* Dicebat, vt equus generosus non ex apparatu precioso iudicatur, sed qui natura sit egregius: neque vir honestus, censetur qui magni pretij possidet opes, sed qui animo sit generoso. Anton. serm. de diuit.

M. Crassus.

.. Dicebat, neminem diuitem esse dicendum nisi eum qui redita annuo legionem tueri posse. Plin. lib. 33. Cicerone autem in Officiis libr. 1. pau-

lò aliter recitat, qui ait, Crassum neminem diuitem iudicasse, nisi qui prius facultatibus exercitum alere posset.

Sigismundus Cæs.

Sigismundo Cæsari allata erant ex Hungaria aureorū quadraginta milia. Cum autem aduersperasset, eaque in thalamo regio recondita fuissent in cubiculum veniens Cæsar, dum cogitat in quēnam vsum eam pecuniam conuertat. somnus eum destituit. Tum ille excitatis cubiculariis: Ite, inquit, ocyus, consiliarios ducēsque omnes militum huc accersite. Vocati proceres media nocte trepidi (timebant enim ne quid aduersi accidisset) Imperatorem celeriter adeunt, & quæ causa sit tam repentinæ vocationis inquirunt. Imperator confestim aperta arca, inter eos qui aduenerant pecunia distributa: Ite, inquit, securè tranquilleque nobis dormire liceat. Nam quòd mihi somnum ademerat iam procul aberit à cubiculo. *Æneas Sylvius lib. 4. commentariorum in res gestas Alphonsi.*

Maximilianus Cæs.

Nullum non pecuniarum aeruum concupiuit: & quanuis non raro ad eum ingens pecuniarum summa afferretur, tamen penes se eam nunquam retinuit, sed ad quæstores referri iussit, dicens, se regendis hominibus præpositum, nec auri sibi custodiam demandatam: quo si quis semel capiatur, mox è rege seruum futurum. *Iacobus Spieg. in Æneæ commentaria de rebus gestis Alphonsi.*

Vi de apoph. de Pecunia.

De diuitiarum vfu.

Socrates.

* Dicebat diuitias pro moribus possidentium variare, vt vinum mutatur cum vasis. *Stob. ser. 92.*

Idem.

* Sudor, inquit, exercitiis prouocatus decentior est: sic etiam diuitiarum propriis laborib. acquisitæ. *Eod. ser.*

Idem.

* Diuitias (inquit) veluti amicū liberalem ac promptum, ad honestas actiones assumere oportet. *Ibidem.*

Socrates.

* Adolescens ipsum interrogabat quomodo diuitias malum & bonum esse putaret? Cum ille, Non secus quàm tu nunc honestis quidē bonis que hominibus bonas esse iudicas: ite scientibus quo loco pecuniis vtendū sit, iis comodæ sunt: improbis verò imperitis, malæ, &c. *Plato, in Eryxia, aut de diuitiis.*

Ariston.

* Vt ab eodem vino alij contumeliosi, alij benigniores fiunt: sic (inquit) à diuitiis alij aliter afficiuntur. *Eod. serm.*

Aristoteles.

* Melius est, inquit, ad felicitatem pauciora possidere, quàm multa cum inuidia. Nam ista vita laudabilior & suauior est. *Ibid.*

Bion.

Diuitias dicebat esse neruos actiōnū, quòd sine his nihil agatur, *Laert. lib. 4. cap. 7.* Alius dixit diuitias esse belli neruos.

Aristippus.

Reprehensus quòd pecunias acciperet ab amicis: respondit, se non id eo accipere vt vteretur ipse, sed vt illi

illi discerent, ad quas res vtendum sit pecuniis. Vulgus enim diuitum aut in equos, aut in operosas stru-cturas, aut in luxum perdit pecu-niam, quum ea bonis viris, si egeant, sit eroganda. Quin & aliter intel-ligas licebit. Aristippus non nisi ad vitæ necessaria pecuniis vtebatur: ideoque à diuitibus accipiebat, vt eis demonstraret bene vtendi ratio-nem: id non poterat, nisi illi mate-riam subministrassent. Veluti qui cu-pit artem scribendi discere, chartam & calamum porrigit docturo. Laert. lib. 2. cap. 8.

Idem.

* Quomodo, inquit, calceus maior ineptus est ad vsum: ita & pos-sessio copiosior. Calcei enim magni-tudo superflua vtentem impedit: opi-bus autem vel vniuersis vel ex parte aliqua suo tempore vti licet. Sto. ser. 93.

Alcarnenes Telecri. F.

A quodam obiurgatus, quod tam parce frugaliterque viueret cum ta-men amplissimas possideret diuitias: Decet, inquit, eum qui multa possidet, pro ratione, non pro libidine viue-re. significans perniciosas esse diui-tias, nisi adsit animus diuitiis supe-rior, qui possit earum vsum non ex copia sed ex necessitate moderari. Plut. in Lac.

Phaoninus.

* Nemo (inquit) adeo diues est, qui non pauciora habeat quam desi-deret. At illum qui animo futurus est tranquillo & bene composito, o-portet in læta fortuna alios respi-cere, qui pauciora bona possident: in-felicia autem, infeliciores. Stob. ser. 92.

Idem.

* Diuitiis vtendum est, tanquam

materia quadam, non ad res omnes similiter. Eod. serm.

Dionysius senior.

Quum audisset quendam e ciui-bus aurum habere domi defossum, id ad se deferri iussit. Verum posteaquā is suffuratus auri paululum, in aliam urbem commigrasset, ibique merca-tus esset agrum, reuocato Dionysius totum aurum reddidit, vt qui iam diuitiis vti cœpisset, desinissetq; rem vtilem inutilem reddere. Satis decla-rauit, se non aurum alienum appe-tisse, sed hominis morbum sanare voluisse: simul vsum auri legitimum demonstrauit, si in agricolationem impendas potius quam in vsum. Plut. in apoph.

De diuitiarum abusu.

Solon.

Dicebat, opulentiā esse matrem saturitatis, saturitatem ferociæ ac violentiæ. Diuitias comitatur lu-xus, luxus exit in tyrannidem, dum fœnū migrat in cornua. Laer. li. 1. c. 3.

Diogenes.

Diuitias nihil aliud esse quam vela menta malitiæ dicebat. Diuites enim cum aliis nihilò sint meliores, tamen peccant licentius. Laert. lib. 6.

Idem.

* Pleròsq; diuites dicebat esse si-miles arboribus & viribus, quæ in lo-cis inuis ac præruptis nascuntur: quod istarum fructus non vsui sint homini-bus, sed coruis & eiusmodi auibus cō-sumantur: Diuites etiā non ad hone-stas res diuitiis vti, sed adulatoribus, meretricibus, turpissimis voluptati-bus, vanissimæque gloriæ præbere pecunias Stob. serm. 90. Idem apop. de Cratete Thebano refertur, & de Socrate.

Democritus.

* Dicebat diuitias malis artibus comparatas, infamiae nota inter homines insigniri. Stob. serm. 90.

Socrates.

* Ut aegrotum, inquit, lectus aureus nihil iuuat, sic neque stolidum diuitiae. Stob. ser. 92.

Euclitus.

Cuidam quaerenti ex eo, vter esse mallet, Cræsus, an Socrates? Respondit, viuens mallet esse Cræsus, è vita autem decedens Socrates. Indicauit autem, beatam esse philosophorum post hanc vitam conditionem. Diuites autem licet bonis omnibus in presenti vita abundent, post mortem tamen ob iniquè paratas opes, ac malè collocatas, cruciandos dæmonibus dari. Stobæus.

Lycurgus.

Interrogatus cur hostium interfeutorum cadauera spoliare prohibuisset? Ne milites, inquit, ditescant, & dum prædæ incumbunt, pugnam negligant. Metuit vir prudentissimus, ne dignitatis amplis corrumpentur milites, quæ plerunque insolentiores & minus fortes reddunt homines. Plut. in Lacon.

Anonymus.

Quidam imperatorem incusauit, quod illius infidiis, otio & somno fuisset priuatus: videlicet quod illius benignitate è paupere factus esset diues. Plut. in Sympliciis.

De diuite indocto.

Socrates.

Conspicatus hominem prædiuitem & arrogantem, sed nulla virtute præditum: Hic, inquit, equus est argento circumtectus. Solent e-

nim equi stragulis, phaleris, ac bullis argenteis exornari, quum interim tamen nihil aliud sint quam equi. Stob.

Idem.

Ad prædiuitem quendam, sed indoctum: Ecce, inquit, aureum mancipium: Indoctus, seruus est & cupiditatum, & eorum quæ possidet. Era. lib. apoph.

De diuitiarum atque opum contemptu.

Pythagoras.

* **Q**uibus, inquit, à corpore solutus nõ egebis, illa omnia contemne: & quibus etiam defuncto erit opus, illis tibi vacante deos adiutores aduoca precibus. Stob. serm. 5.

Diogenes.

Quum murem fortè conspiceret in Megarico discurrentem, qui neque cauim quaereret, neque turbis terreretur, neque cibum appeteret: Bellum, inquit, libertatis exemplum. moxque contemptis omnibus, cœpit in dolio habitare. Laer. lib. 6.

Idem.

Demirantibus quòd nullas haberet adiculas vbi cibum capere posset, ostendit Iouis porticum, aitque: Athenienses ipsi magnificam extruxisse aulam, vbi vesceretur. Quod publicum erat, sibi quoque paratum interpretabatur. Neque potuit optare cœnationem splendidiorem. Ibid.

Idem.

Alexander Magnus inuisens Diogenem, reperit eum in cranio sedentem pro dolio, ac laceras schelas glutino committentem. Posteaquam pater multa cum illo collocutus, pararet abire, diceretque, Cogita Diogenes quid à me velis petere. nam quicquid optaris, ferēs: Mox, inquit de

de aliis, interim secede paulisper cū rex secessisset, putans illum velle de- liberare, diutius silenti repetiit: Pete quod vis Diogenes. Hoc, inquit, vole- bam, nam prius arcebas mihi solem, ad id quod agro necessariū. Alij nar- rant illum dixisse, Ne mihi feceris vmbra: quod vellet apricari. Laert. lib. 6. Cic. lib. 5. Tusc. quæst.

Idem.

Diuitias oblatas recusans, subiun- xit Indignum se nouerit canis nomi- ne, qui ab opibus & deliciis se cohi- bere non potest. Stob.

Aristippus.

Quodam tempore nauigans, vt in- tellexit nauim esse piraticam, depro- psit aurum, ac numerate coepit, mox- que abiecit in mare, & grauiter inge- muit, fingens sibi imprudenti & inui- to excidisse. Hoc ingenio vitæ suæ consuluit adempta piratis occidendi vincendius materia. Sunt qui narrēt, illum & hæc dixisse: Satius est vt hæc per Aristippum, quàm propter hæc pereat Aristippus. Laert. lib. 4. cap. 8.

Idem.

Cū prædium amoenissimum per- didisset, cuidam deploranti tam mi- serabilem illius casum: Quid, inquit, an nescis tibi vnicum esse prædio- lum, mihi verò tres agros superesse? Cū annuisset alter, Quin igitur tuā potius vicem deploramus? sentiens, insipientis esse, dolere amissis po- tius quàm gaudere: relictis. Laert. li. 2. cap. 8.

Idem.

Cū vidisset famulū quendam in itinere pecuniam ferentē, onere pre- mi. Abice, inquit, quod nimium est, & fer quantum potes. Laert. lib. 2. ca. 8. Eras. lib. 3. apoph.

Idem.

Præterea cū aliquādo perdicem

quinquaginta drachmis iussisset emi cuidam detestanti luxum in philoso- pho: Et tu inquit Aristippus, si obolo venalis esset, non emerēs? Cū is re- spondisset, se empturum. Et mihi in- quit tanti sunt quinquaginta drach- mæ. Quod ille luxus nomine damna- bat, hic detorsit ad laudem contem- ptæ pecuniæ. Siquidē qui pretij ma- gnitudine deterretur ab emendo, is non contemnit cibum, sed pluris fa- cit pecuniam. At philosopho nihilò pluris æstimabantur quinquaginta drachmæ, quàm illi obolus. Aristip- pus itaque obsonij cupiditate par, su- perior erat despectu nummorum. Laert. lib. 2. cap. 8.

Cleanthes.

Pecuniam, quam collegerat aliquā- do coram familiaribus abiecit, dicēs Cleanthes alterum Cleanthem alere posset, si vellet. Laert. lib. 7. cap. 2.

Philoxenus.

In Sicilia fundum ac domum opu- lentam nactus & animaduertens il- lius gētis luxum ac delicias: per deos inquit, hæc bona me nō perdent, sed ego potius illa. Moxque cessit aliis hereditatem, & ē Sicilia abnauigauit, Eras. lib. 8. apoph.

Anacreon.

*Quinque talentis à Polycrate ty- ranno Samio donatus, cū per duas no- ctes pro ipsis sollicitus fuisset, reddi- dit ea, inquiens, Non tanti esse quan- ta ipsorum nomine cura laboraret: vel, Odi munus, quod vigilare cogit. Stob. serm. 91.

Pelopidas.

In præfectura rei militaris Epami- nondæ erat collega: cūmq; amici di- cerent, illi rei necessaria, videlicet colligendi pecunias nullā esse curā: Ita per Iouem, inquit, necessaria, sed huic Nieomedi: ostendēs hominem.

claudum ac mancum. Sensit, fortibus viris nihil esse opus pecunia. Plut. in apoph.

Epaminondas.

Iason Thessalus venerat Thebas belli socius futurus. Is cum Epaminondæ vehemēter egenti aureorum duo millia misisset, aurum non recepit, sed ipsum Iasonem intuitus: Iniustis, inquit, imperas, ipse deterior. Ipse verò quinquaginta drachmis à ciue quodam acceptis mutuò pro viatico exercitus inuasit Pelopōnesum. Sentiebat, iniquas esse diuitias, quæ possessorem reddunt deteriore: at viri fortes gloria virtutis præmio, contenti sunt. Plut. in apoph.

Idem.

*Legati venerunt à rege ferentes aurum, vt eum corrumperent. Inuitati sunt igitur ad prandium ab eo qui intelligebat qua gratia appulissent. A prandio iussit vt causam aduentus explicarent. Apposita fuerat mensa vilis, biberant vinum acidum. Quum quid diceret, non haberent, ille subridens, Abite, inquit, & domino vestro mea prandia narrate, vt intelligat iis me contentum non facile ad prodicionem allici posse. Stob. serm. 5.

Themistocles.

Cum inter deambulandum torquem aureum humi iacentem vidisset, vocans ad se ex pueris quendam, dixisse fertur: Quin hoc tollis ô puer, inuentum huiusmodi? non enim tu es Themistocles. Ostendit autem, homines plerumque diuitiarum cupidissimos esse, quarum ipse adeo contempror esset, vt inuentos fortè humi thesauros non acciperet. Ælianus lib. 13. de Varia historia. Plutarch. in apoph.

Anonymus.

Mos erat apud Lacedæmonios, vt quum rex hostes aggredere, præcedebat eum miles coronatus qui in certamine victor aliquando tulisset coronam. Quum igitur Lacon quidā in Olympiis magnam pecuniæ vim respuisset, & multo cum sudore deiecto aduersario coronam tulisset: cui-dam dicenti, quid emolumenti tibi adfert victoria, ô Lacon? ille ridens & alacer respondit: Ante regem, inquit, coronatus incedens, pugnabo cum hostibus. Generosa mentis est, laudis honore teneri potius quam pecuniæ. Plut. in Lacon.

Scipio.

Quum Numantini viderentur inexpugnabiles, vt qui multos Romanorum duces superassent, populus Scipionem iterum consulem fecit, ad suscipiendum hoc bellum. Ceterum quum multi gestirent exire in militiam, idque senatus fieri veruisset, quasi Italia futura esset deserta: ac ne pecunias quidem ex arario sumere passus est, sed vestigales proventus, quorum tempus nondum excesserat, assignauit. Scipio pecuniis quidem sese negauit egere, suas enim & amicorum satis futuras. Plutarch. in apoph.

M. Coriolanus.

Quum ob bene nauatam operam ante prædæ diuisionem è singulis rebus, equis & captiuis, denos sibi eligere iuberetur, insuper & equo pulcherrimo donatus à consule: Lætor, inquit, à consule laudari, equumque fortitudinis præmium lubes accipio, cetera non tam decora, quam mercedem, non accipiam, fuitque communi reliquorum sorte contentus. Nec aliud extra ordinē petiit, quam vt Volscus quidam vir probus & æquus,

quus, quo hospite & amico fuerat v-
sus, non venderetur captius, sed suæ
libertati relinqueretur. Huic animo
contemptori pecunię, & hospitis me-
mori, magis applausum est quàm vi-
ctoriæ. Plut. in Coriolano.

Anonymus.

T. Labienus cùm equiti strenuo
de præda Gallica aurum offerret, om-
ne domum renuens, aurum ad pedes
Labieni abiecit. Erasinus. libro 6. a-
poph.

S. Taddæus Apostolus.

Abgato regi Edesseno, sibi aurum
& munera offerenti pro doctrina &
miraculis, iisdem recusatis, respon-
diffe fertur: Si nostra relinquimus,
quomodo accipiemus aliena? Euse-
bius lib. 1. Eccles. hist. cap. 15.

Basilus Magnus.

Præfectus Cæsareæ Basilio blan-
diens suadebat, vt in gratiam impe-
ratoris fidem negaret, promittens
ei imperatoriam amicitiam & opes.
Cui Basilus: Hęc enim homini Chri-
stiano, inquit, non conueniunt, sed
adolescentibus, & illorum similibus
qui talia promissa respiciunt. Tripar-
titar. historiarum libro. 7. cap. 36.

Anonymus.

Fertur de quodam ē priscis, quòd
cùm spectasset pompam sumptuo-
sissimam, ad familiares versus, di-
xit. Videte amici, quàm multis re-
bus opus non habeo. Philo Iudæus
in lib. Quod Deus sit immutabilis.
Plutarchus idem de Socrate asserit
in Moralib.

Plura vide infra apophtheg. de
Munerum contemptu &
de Paupertate.

De docilitate.

Xenocrates.

AD quendam nec geometrię, nec
musices, nec astrologiæ peritū,
ad scholam tamen ipsius commean-
tem: Abi, inquit, ansam philosophiæ
non habes, hoc est, non es ad philoso-
phiam docilis, nullis instructus di-
sciplinis. Alij ferunt illum ita loquu-
tum, πὰρ ἐμοὶ πῶς ἔτι ἀναμίσγεται, id est,
apud me vellus non maceratur. La-
na rudis non statim traditur vestia-
rio, sed fulloni. Laert. lib. 4. cap. 2.

Antisthenes.

Adolescens quidam cùm se in nu-
merum discipulorum ab Antisthene
recipi cuperet, patri querenti quibus
rebus esset opus? Libro inquit Anti-
sthenes, nouo stylo, nouaque tabella.
Significans, animum ab omnibus vi-
tiis vacuum, studium vigil memo-
riā fidelē esse debere, vt doceri pro-
bè posset discipulus. Laert. li. 6. c. 1.

De doctrina & eru- ditione.

Thales.

DIcere solebat, faciem compone-
re non præclarum esse: sed bo-
narum artium studiis animum exco-
lere, lógē esse præclari? Laert. l. 1. c. 1.

Idem.

Interrogatus, Quisnam esset felix?
Qui corpore, inquit, sanus est, animo
verò eruditus. Ibidem.

Solon.

Ei cùm obiceretur, quòd in foro
conduxisset oratorem: Atqui dixit,
cùm habeo conuiuū, coquū cōduco.
Ant. par. 1. ser. 50. Meli. Max. ser. 17.

Socrates.

Interroganti, quòd nā esset pulcher-
rimum animal, dixit: Homo doctrina

N iiij

ornatus, Antonius in Melissa, part. 1. serm. 30.

Idem.

Cum ei sermo barbarus exprobraretur, Ego quidem, dixit, barbarus sum verbis, vos autem moribus. Anton. ser. 30. par. 1. Melissæ.

Idem.

Scientiam dicebat vnicum esse bonum, contra vnicum malum, ignorantiam: quod quicumque committunt rem iniustam, hoc peccant, quod ignorant quid cuique sit tribuendum: & qui fortes sunt, non alia re fortes sunt: nisi quod ex ea expetunt quæ vulgus existimat horrenda: & qui intemperantes sunt, hoc errant, quod ea putant suauia aut decora, quæ minimè sunt. Summum igitur bonum esse dicebat, scientiam rerum expetendarum ac refugendarum. Eras. l. 3. apoph.

Idem.

Videns hominem prædiuitem, sed planè rudem & indoctum: Hic, ait, equus est argèto ornatus, Solent enim stragulis, frenis ac auro argentoque insigniter exornari, cum tamen reuera nihil aliud sint quàm equi. Eras. libr. 8. apoph.

Idem.

Cum vidisset prædiuitem quēdam sed indoctum: Ecce, inquit, aureum mancipium. Indoctus, seruus est & cupiditatum, & eorum quæ possidet. Eras. l. 8. apoph.

Idem.

Interrogatus, quid in vita suauissimum esset: respondit: Disciplina & virtus, & rerum incognitarum historia. Antonius in Melissa, par. 1. ser. 30. Max. ser. 17.

Idem.

Quendam ex discipulis suis animaduertens, agri quidem esse studio-

fissimum, sed actionis negligentem. Heu tu vide, inquit, ne dum agrum cicurare vis, animum tuum esterari finas. Max. ser. 1.

Bion.

Quum intellexisset, quendam ex familiaribus suis studiose curantem, vt imago ipsius similis fieret: Tu, inquit, vt tibi similis lapis fieret, curasti: at ipse ne lapidis similis fias, non curas. Putabat etiam sapientissimus vir eos lapidibus haud absimiles esse, qui literis animum non exornarent. Max. ser. 1.

Idem.

Interrogatus, cuiatem se esse diceret, Cōmopolitam se dixit, totius enim mundi incolam & ciuem posse eum arbitrabatur esse, qui omnimodæ eruditionis secum reportaret thesaurum. Cicero libr. 3. Tusculan. quæstionum.

Democritus.

Dicere solebat, disciplinam & eruditionem fortunatis quidem ornamentum esse, infortunatis autem refugium. Antonius part. 1. serm. 30. Melissæ. ser. 17.

Idem.

Audiens quendam contumeliosius quàm par est, de literis loquentem: ignoras, ait, quid dicas. Literæ enim diuitibus addunt nonnihil honestamenti, inopia laborantibus sunt asyllum, & vnicum existunt vitæ præsidium. Stob.

Idem.

Dicere solebat eruditionis radices esse quidem satis amaras, fructum autem dulcissimum. Hoc dictum alij ad Socratem referunt, sed Luscinius democrito adscribit. Laërtius autem Platoni.

Idem.

Dicebat eruditionē & doctrinā nō aliter

aliter quàm aurum , vbiuis terrarum in maximo solere esse pretio. Stob.

Idem.

Cùm ignotus venisset Athenas, colloquio de philosophia cù Socrate habito, dixit: Hic philosophus similis est pentathlo: quod calleret naturalia, moralia, mathematica, ad hæc disciplinas quas *ἡ γνώμις* vocât, denique omnium artium peritiam. Laërt. l. 9. c. 7.

Aristippus.

Dicebat, satius esse fieri mēdicum quàm indoctum: quòd ille tantum pecuniis egeat, hic humanitate. Nihilominus homo est, cui deest pecunia: at homo non est, cui deest eruditio. Et tamen cui deest pecunia petit ab opib: cui deest sapientia, nullum sollicitat vt accipiat. Laërt. lib. 2. cap. 8.

Idem.

Interrogatus, in quo differrent docti ab indoctis? Quo inquit, equidomiti ab indomitis. Quēadmodum enim equus indomitus ad omnem usum incommodus est, ita quoque homo, nisi eruditione & artium studio emolliatur. Laërt. l. 1. c. 8.

Idem.

Quodam tempore cum ciuib: aliquot suis nauigans naufragio electus est. Quūque in littore vidisset figuras mathematicas in arena depictas: Salua, inquit, res est, amici, hominum vestigia conspicio, & ingressus ciuitatem proximam, inuestigauit quinam essent illic disciplinarum studiosi. Cūque his vbi congressus est, summa cum humanitate tractarunt, non ipsum modò, verum & comites illius, atque etiam viaticum ad reditum subministrarunt. Tandem quum hi qui cum Aristippo venerant, pararet reditum in patriam,

rogarentq; illum, ecquid velleret suis ciuib: renūciari? Vt inquit, studeant, sibi huiusmodi parare opes, quæ naufragio non pereunt, sed simul cum possidente enantant. Refert idem Vitruuius de Architectura lib. 6. addēs, Aristippum tunc venisse Rhodum. Laërt. li. 2. Max. ser. 17.

Idem.

Percontanti qua re differret sapiēs ab indocto: Mitte, inquit, ambos nudos ad homines ignotos, & videbis. Significauit, sapientem secum in pectore circumferre, quo se commendet quibuslibet. Ibid.

Idem.

Cuidam percontanti qua re esset melior euasurus filius, si cum curaret literis erudiendum: vt nihil aliud, inquit, certè in theatro non sedebat lapis super lapidem. Amphitheatra gradus habebāt marmoreos, in quibus sedens populus spectabat. Lapidem autem vulgò dicebant, hominem indoctum & elinguem. Laertius libr. 2. cap. 8. Brufonius libr. 3. cap. 9.

Idem.

Cùm Aristippus ab eo qui sibi filium commendarat, quingentas petiisset drachmas: ac is dixisset, se tanti mancipium coemere posse: Eme, inquit, & habebis duo. Sensit autem hominem rudem & literarum ignarum nil esse nisi perpetuū vitiorum & rusticitatis mancipium. Plutarch.

Antisthenes.

Interrogatus, quam ob rem diuites non irent ad sapientes & eruditos viros, sed hi ad illos? respondit, quoniam eruditi sciunt quæ ad vitā sint necessaria, illi verò nesciunt: secus enim sapientiæ potius quàm pecuniæ studerent. Antonius in Meliss. par. 1. serm. 30.

Idem.

Rogatus, quidnā vtilitatis ex philosophiā hauisset studio? Vt mecū, inquit, loqui, siue viuere possim. Sensit vir prudentissimus, doctum & eruditum hominem nunquam esse solū, qui etiā in solitudine habet quod animo voluat, quod legat, & quasi secum loquatur. Laërt. li. 6. c. 1.

Diogenes.

Diogenes rogatus, quod onus rerā grauissimū sustineret? Indoctum hominem, respondit. Max. ser. 17.

Plato.

Interrogatus, quidnam inter peritum & imperitum interesset? Quod inter medicum, ait, atque ægrotum. Brus. li. 3. c. 9 ex Stob.

Aristoteles.

Aristoteles interrogatus, quare differrent docti ab indoctis? Qua viui, inquit, à mortuis Sentiens, hominem absque literis statuam esse verius quàm hominem. Laërt. l. 5. cap. 1.

Idem.

Illud amicis & discipulis inter differendum frequenter sollicitus est, ingerere: Visum accipere lumen à circumfuso aëre, animam autem à disciplinis liberalibus. Laërt. li. 5. c. 1.

Idem.

Rogatus quid ex philosophia lucratus esset, Hoc, inquit, vt iniussus ea faciam, quæ plerique per legum metum operantur. Cic. lib. 5. Tuscul. quæst.

Theophrastus.

Dicere solebat, virum eruditione præclarum vbique inuenire patriam, & in alienis locis nunquam peregrinum esse. Eruditio enim cū in omni vitæ genere plurimum emolumentum adferat, non potest non vbique maximo esse in pretio. Bruson. lib. 3. cap. 31.

Idem.

Idem moriens accusasse naturam dicitur, quod ceruis & cornicibus vitam diuturnam, quorum id nihil interesset, hominibus verò, quorum maximè interfuisset, exiguam dedisset: quorum etas si potuisset esse longinquior, futurum fuisse, vt omnibus perfectis artibus, omni doctrina, hominum vita erudiretur. Cic. li. 3. Tusc. quæst.

Glycon.

Doctrinam & eruditionē sacrum asylum, ad quod omnis generis homines concurrerent, esse dixit. Max. serm. 17.

Metrocles.

Dicebat, res alienas pecunia comparari, vt domum vestemque sed disciplinas liberales emi tempore. Requirit enim diuturnum studium, quum pecunia data statim fias possessor fundi. Laërt. l. 6. c. 6.

Cleanthes.

Dicebat, homines imperitos sola forma differre à bestiis. Antonius in Melissa, part. 1. sermone 50. & Max. serm. 17.

Stilpon philosophus.

*Rogatus quid statua durius esset? homo doctrinæ expertus & stolidus, dixit. Stob. ser. 4.

Themistocles.

Expletis centum & septem annis, in ipso mortis agone dixisse fertur, se omnes ætatis dies literarum honestissimo ac philosophiæ sacratissimo studio consumpsisse, ad hominum vsum: verum se dolere, quòd tunc egrederetur de vita, quando ex literarum studio sapere cœpisset. Bruson. lib. 3. cap. 31.

Demades.

Dicere solebat, doctos ab indoctis tantum differre, quantum dii ab hominibus.

minibus. Antonius ferm. 50. parte 1.
Melissæ.

Antipater Cyrenaicus.

Cum ex assiduo literarum studio
oculorum aciem amisisset, & suam
cæcitatem à mulierculis desleri au-
diuisset. Quid agitis, inquit, an vobis
nulla videtur voluptas nocturna?
Brus. lib. 3. cap. 31.

Hieron.

Interrogatus, quid esset à philoso-
phia adiutus? respondit, Vt libenter
& iniussus faciam, quæ cæteri legum
metu faciunt. Max. ser. 17.

Alexander.

Aristotelis philosophi discipulus,
tanti fecit bonarum & laudatissimarum
artium studium, vt apertè pronun-
ciare ausus sit, se malle doctrina an-
teire alios, quam opibus & dignitate.
Brus. lib. 3. c. 31.

Cornificia.

Regnante Octauiano Cæsare il-
lustris, dicere solita est, solam doctri-
nam liberam esse, in quam fortuna
tela sua figere non posset. Guido Bi-
turicensis, titulo de Memoria.

C. Cæsar.

Iunium Syllanum, pronepotè Au-
gusti, quia segnis ingenioque mini-
mè acuto esset, pecudem auream ap-
pellabat. Cor. Tacit. l. 13.

Theodosius.

Cum Arsenio viro doctissimo fi-
lios in disciplinam tradidisset, sem-
piterna memoria dignum & verè im-
periale illud verbum proloquutus
est: Si tales se præbituri essent, vt mo-
res vitamque suam ad disciplinam
& leges Dei componerent, propen-
sum se fore, vt eis imperium in ma-
nus tradat, ad ciuium & subditorum
commodum & vilitatè accommo-
datum: sin minus, conducibilis esse,
vt sic priuati vitæ agerent, quam do-

ctrina nulla cum periculo impera-
rent. Nicephorus Callistus libri 12.
c. 23. Eccl. hist.

Carolus quartus.

In scholam Pragensen aliquando
ingressus, cū disputantes liberalium
artium magistros per horas quatuor
audiuisset, idque purpurati molestè
ferrent, ac cœnæ tempus adesse di-
cerent: mihi, inquit, tempus est mini-
mè, nam cœna mea hæc est. Prætulit
autem imperator potētissimus philo-
sophicas disputationes, conuiuiis etiā
delicatissimis. Æn. Syl. l. 4. commen.
in res gest. Alphonsi.

Sigismundus imperat.

Cum à principibus, qui literas o-
derant, reprehenderetur, quòd homi-
nes obscuros genere natos ob lite-
rarum commendationem foueret:
Quidni, inquit, amem eos, quos natu-
ra cæteris antecellere voluit? Alij
plurimum tribuunt generis nobilita-
ti. At Cæsar, vir prudens, intellexit,
in eruditis esse quiddam stemmatis
præstantius. illi habent ædium parie-
tes clypeis & imaginibus depictos, hi
animum optimis disciplinis exorna-
tum. Porro vt natura animus præ-
stantior est corpore, ita ornamenta
ingenij longè pulchriora sunt exter-
nis bonis. Iacob. Spieg. in Æneam
Syluium.

Ladislaus.

Quamuis adhuc puer cum eo tem-
pore quo Fridericus imperialibus
insulis à Nicolao quinto Pont. Max.
cingeretur, Romæ esset, non videri
sibi homines esse dicebat, qui bonas
literas ignorarent. Sensit autem, ho-
minem tum demum à brutis anima-
libus differre, si animum honestis ar-
tibus liberalibusque disciplinis exco-
luerit. Æn. Syl. lib. 3. comment. de
Alph. reb. gest.

Alphonfus rex.

Optimos consiliarios esse mortuos dicebat, libros videlicet designans, à quibus sine metu, sine gratia, quæ nosse cuperet, fideliter audiret. Panorm. lib. 3. de rebus gestis Alphonfi.

Idem.

Cùm audisset nonnullos Europæ reges ad Basiliense concilium destinasse oratores potentes, & progenie illustres magna cum equorum & comitantium pompa, Haud decere aiebat, quum de iure humano & diuino disceptandum esset, nobilitatem potentiâve iactare, sed doctrinam & sententiam. Panorm. l. 2. de reb. gest. Alphonfi.

Idem.

Tantopere amauit bonarum artium studia, vt persanctè affirmaret, se malle perdere quæ possidebat omnia, quàm vt tantillum eruditioni decederet suæ. Anton. Panorm. lib. 1. de rebus Alphonfi, & Æn. Syl. de eius dictis.

Idem.

Aliquando interrogatus, vtrumne armis an libris maiore gratiam deberet? respondit, ex libris se arma, & armorum iura didicisse. Indicans, se libris acceptum referre, quæ sciret, omnia. Panorm. lib. 4. de rebus gestis Alphonfi.

Idem.

Cùm eruditissimus esset, tanti faciebat bonarum artium studia, vt diuitem sine cultu literarum aureum vellus appellare solitus sit. Idem Panorm. lib. 3.

Idem.

Audiens, quendâ Hispaniæ regem dixisse, non decere principes viros scire literas: exclamauit, eam vocem bouis esse, non hominis. Non enim,

ignorauit quantum profit imperantibus artibus liberalibus & philosophiæ studiis probè esse instructum. Eras. l. 8. apoph.

Iulianus Cardinalis.

Iuliano Cardinali, qui Basiliensi consilio interfuit, in bibliotheca lectitanti, cùm Ottho quidam dixisset, Quid hic inter mortuos solus latitas? cur non potiùs exis ad nos, qui suauiter viuimus? Imò, Iulianus inquit, hi fama viuunt: tu verò neq. nomine, neque re viuus. Sensit autè cū Diogene, vitâ sine literis mortè esse. Æn. Syl. lib. 3. commen. de reb. gest. Alphonsi.

Sigismundus Imp.

Georgius Fiscellus cùm esset Ll. doctor, à Sigismundo Cæsare equestris militiæ insignia suscepit. Exin, cùm Basiliensem synodū adisset, consultant de rebus arduis Sigismundo, dubius erat, legumne doctoribus in vnum locum coniunctis, an equitibus item in alium separatis, sese coniungeret. Cūmq. tandè ad equites inclinaret: Stulte agis, inquit, Sigismundus, qui literis militiam præfers. Nā ego milites mille vna die fecerim, doctorem vnum mille annis non fecerim. Doctrinam militiæ prætulit imperator, quòd vt ipse linguarum ac literarum peritiâ amauit, ita viros eruditione præstantes semper ornare & prouehere studuit. Æneas Syl. lib. 4. comment. in res gestas Alphonfi.

De doctrina & eruditione in pretio habita.

Aristippus.

NAufragio eiectus ad Rhodien-sium litus, in gymnasiū venit, deq. philosophia disputauit, & plurimis munerib. donatus est. Dicētib. verò

verò comitibus qui de reditu in patriam cogitabant, Num quid suis nuntiari vellent? iussit dicere, eiusmodi possessiones & viatica liberis oportere parari, quæ etiam cum naufragio possent vnâ enatare. Vitruuius lib. 5. sed Laert. ad Antisthenem refert.

Antisthenes.

Admonebat ea esse paranda viatica, quæ simul cum naufragio enarentur. Sentiens, bonas artes vbiuis gentium fore in magno pretio, nec posse vlla fortunæ tempestate eripi. Laert. li. 6 c. 1. Max. fer. 17.

Diogenes.

Eruditiones omnibus hoc sermone commendabat, quod diceret eam iuuenibus adferre sobrietatem, senibus solatium, pauperibus diuitias, diuitibus ornamentum: propterea quod ætatem, suapte sponte lubricam, coercere ab intemperantia, senectutis incommoda honesto solatio mitiget, pauperibus sit pro viatico (non enim egent eruditi) diuitum fortunæ ornent. Laert. l. 3. ca. 31.

Idem.

Cum ei capto latrones malignè cibum præberent, nec præsentī fortunæ, nec illorum immanitate deterritus, dixit, iniquissimum esse, cum procelli agnique venales faginentur diligentius, hominem præstantissimum animal inedia macerari, quasi hoc pacto non redderetur vilior. Itaque accepto quantum sat erat, cum iam esset vèdendus inter cæteros seddit, & prandeat bono animo, impar tiens etiam proximis. Cumque vnus ex his valde mœstus, cunctanter sumeret: Desine, inquit, tristari, & vtere præsentibus:

*Nec formosa cibum Niobe non sumpsit,
& eius*

*Pignora sub testis letho bis senu iacebāt,
Sex natæ totidémq; pubèi corpore nati.*
Philo Iudæus libr. Quod omnis probus liber.

Idem.

Captus à latronibus & iam vendendus, interrogabatur à licitatoribus cuius conditionis homo esset? & quid sciret præ cæteris: respondit: philosophus sum, & hominib. præesse scio. Qua voce prodebat ingenium generosum, verèq; regium animum. * Quum verò iussus esset surgere, vt de corporis statura emptor rectius iudicare posset: Quid? inquit, si piscem emeris: num eum iuberes manere erectum? Plut. & Philo libro supra citato.

Aristoteles.

Dicebat, eruditionem in prosperis esse ornamentum: in aduersis refugium, Laert. l. 5. c. 1.

Stilpo.

* Hic capta patria, amissis liberis, amissa vxore, cum ex publico incendio solus, & tamen beatus exiret, interroganti Demetrio, cui cognomen ab exitio vrbiū Poliarctes fuit, num quid perdidisset? Omnia, inquit, bona mea mecum sunt. Ecce vir fortis ac strenuus, ipsam hostis sui victoriā vicit, &c. Seneca, epistol. 9. ad Lucil.

Epicurus.

* Si cui (inquirebat) sua non videntur amplissima, licet totius mundi sit Dominus, tamen miser est. Senec. ead. epist.

Dionysius iunior.

Pulsus à tyrannide, & rogatus quid illi Plato & philosophiæ studium profuisset? Vt tanquam, inquit, fortunæ mutationem æquo animo feram. Plutarch.

Hieron.

Cum Xenophanes Colophonius

poëta Homerum vituperaret, quot famulos haberet interrogavit. cumque is se duos habere respondisset, eosque vix alere posse: tum Hieron, Non te pudet, inquit, Homerum vituperare, qui defunctus etiam amplius quam decem millia nutrit? Maxim. fer. 17.

Sigismundus imper.

Cum aliis multis nominibus, tum illo præcipue commendabilis fuit, quod ut ipse linguarum, ac literarum peritiam amavit, ita viros eruditione præstantes semper ornare ac pro uehere studuit. Quo nomine quum à Germanis principibus, qui Latinas literas oderant, reprehenderetur, quod homines obscuro genere natos ob literarum commendatione foueret: Quid ni, inquit, eos amē, quos natura cæteris antecellere voluit? Germani plurimum tribuunt generis nobilitati: at vir prudens intellexit, in eruditis esse quiddam stemmatis præstantius. Illi habent ædium parietes clypeis & imaginibus depictos, hi animum optimis disciplinis exornatum. Porro ut natura animus præstantior est corpore, ita ornamenta ingenij longè pulchriora sunt externæ nobilitatis insignibus. Qui nihil aliud habet quam maiorum imagines, opinione nobilis est verius quam re. At qui virtute præditus est, unde manat etiam illa vulgaris nobilitas, germanam ac nativam habet nobilitatem. Eras. lib. 8. apoph.

Alphonfus rex.

Cum aliquando tibicines obrepent, Ciceronis lucubrationes accipiens, Abite, inquit, musci, abite: ad est enim, qui dulciora nobiscum loquatur, Cicero Romanæ fons eloquentiæ. Panor. & Æn. Syl.

Vide apoph. de Animi bonis, ac cultu, de Artium utilitate, & de Philosophis.

De doctrina factis dis- sentanea.

Diogenes.

EOS qui de virtute loquerentur, nec rectè viuerent, citharæ dicebat similes, quæ sono prodesset aliis, ipsa nec sentiret nec audiret quicquam. Hoc dictum non multum abluat à dicto beati Pauli, de cymbalo tinniente. Laër. l. 6.

Panthoidas.

Cum in Atheniensium Academia philosophos multa de virtute disserentes audiisset, interrogatus, quales ei viderentur eiusmodi sermones? Quid aliud, inquit, quàm probi, sed prorsus inutiles vobis, qui illis non utimini. Castigavit autem mores Atheniensium, qui virtutem quidem ore prædicabant, factis exprimebant contrarium. Plut. in Lacon.

Anonymus.

Quidam Atheniensis indifertus, sed factis strenuus, & artis peritior, quam alius oratione facunda meditatæque multa præclare polliceretur, Viri. inquit, Athenienses, quæ iste magnifice disseruit, ego re faciam, Eras. l. 6. apoph. ex Plut.

Ag. silaus.

Interrogatus, qua ratione quis maximè apud homines probaretur? Si dicat, inquit, optima, & faciat honestissimam. Plut.

Nestor.

Ab Aiace iurgiis laceffit: Non inculso, inquit, quod rectè agis, sed quod perperam loquaris. Sophocles.

Ioan.

Ioan. Capocius.

Diffidentibus inter se Othone 4. & Friderico secundo imperatoribus cum Innocentius tertius pontifex aperte fauisset Othoni primo, deinde post aliquod tempus ad Fridericū studia sua convertisset, & per Quadagesimæ tempus de more conciones haberet, mirantibus omnibus eius in dicendo facundiam, Ioannes Capocius ciuis Romanus Othoni de ditissimus. Verba tua, inquit, pater sancte, Dei sunt: cæterum facta, quæ verbis longè contraria sunt, diaboli videntur esse. Fulgosius libro sexto, cap. 2.

Diogenes.

Videns cantorem quandam vecordem, ac moribus incompotis, aptare psalterium: Non te tui pudet, inquit, qui sonos ligno aptare noris, vitam verò ad rectam rationē componere nescis? Laer. l. 6.

Idem.

*Cum in Stoicorū gymnasium re-
trosum incederet, ridentibus nonnullis: Non vos, inquit, pudet vi-
nendi iter facere retrogradum, mihi
verò deambulando tantum id facien-
ti vitio dare? Stob. ser. de Imprud.

Cleanthes.

Peripatheticis dicebat idem acci-
dere quod lyris, quæ cum aliis be-
ne sonent, seipsas non audiunt. Sen-
tiens nimirum, illos, licet aliis ver-
bis, idem docere quod Stoicos, &
tamen ipsos id non animaduertere.
Potest & ita interpretari, Peripateri-
cos præclare docere, sed eorum vi-
tam à doctrina dissidere. Laert. lib.
7. cap. 2.

Idem.

Quum quidam Arcefilaum repre-
hendisset, quod officia vitæ tolle-
ret: Cleanthes Assius assistens, De-

sine (inquit) hominem vituperare.
Nam ille licet dictis tollat officia, ta-
men factis commendat. Notauit hoc
dicto philosophus & turpissimum
esse philosopho iudicauit, secus
docere quam viuere. Si vita proba
est, cur docet diuersa? si doctrina fa-
na est, cur secus viuendo eam refel-
lit? Laer. l. 7. c. 2.

Cleomenes.

Audiens quendam de fortitudine
disputantem: interrogatus, Quidnam
de disputante iudicaret? Ineptum
est, inquit, quenquam de fortitudine
magnificis vt verbis, qui ipse nihil
fortiter gessit vnquam. Plutarch. in
Laconicis.

Anonymus.

Quum apud Athenienses ageren-
tur panathenæa, Attici senem ludi-
brio habuere, inuitantes tanquam
admissuri: cæterum vbi venisset,
non admittentes. Verum iam per-
ambulatis ferè omnibus, tandem
ad Lacedæmonios senatores quum
venisset, omnes è sedilibus assur-
gentes, locum illi cesserunt. Eo fa-
cto delectatus populus, plausu,
multaque gestuum significatione
comprobauit. Inter hæc è Sparta-
nis quidam dixit, Per Geminos,
norunt Athenienses quæ sint hone-
sta, at ea non faciunt. Apud Athe-
nienses maxime florebat philoso-
phia, quæ docet, quid turpe, quid
honestum Spartani non recipie-
bant eiusmodi disciplinas, sed ex
institutione maiorum, virtutem
factis ac moribus præstabant. Ita fa-
ctum est, vt apud Athenienses essent
verba philosophiæ, apud Lacones i-
psa res. Admonet apophthegma, tur-
pissimum esse scire quid deceat, &
tamen diuersa sequi. Plutarchus in
Lacon.

De dolo & fraude.

Lysander.

QUum quidam ei probro daret, quod pleraque dolo & fraude gereret, ridēs dixisse fertur, Vbi quis quod vellet non assequeretur, leonis exuio vulpinum applicandum esse. Sentiens, quod honestis rationibus non possit effici, id fraude efficiendum esse. Plut. in Lacon.

Annibal.

Quum Fabius simili arte recepisset Tarentum, quali Annibal coeperat: Et Roma (inquit Annibal) suum habet Annibalem. Plut. in Annibale.

De dolore.

Chrysippus.

DIcebat quidem sapientem dolere, sed non torqueri, seu cruciari, aut demisso reddi animo. Stob. ser. De fortitudine.

Archytas Pythagoreus.

*Insipientum dolores dicebat carere ratione: sapientum verò non ultra progredi quàm ratio de rebus componendis sollicita permittit. Lib. de doctrina morali apud Stobæum.

Themistius.

*Dolorem proprium esse homini asserebat, quod narratione lepida confirmavit. Lutum enim (aiebat) Prometheus ex quo hominem effinxit, non maceravit aqua, sed lachrymis. Lib. de affect. moderatione apud Stobæum.

Euphrantes Syrus.

*Is amissa vxore dicebat, O philosophia, tyrannica sunt præcepta tua: amare iubet, & si quis amiserit quod

amabat, dolere prohibet. Stob. serm. 97. de tristitia.

Cleanthes.

*Percontatus, quid esset dolor animæ, inquit, resolutio. Stobæus serm. 106.

Democritus.

*Dolorem immorigerum animæ torpentis ratione expellendum esse dicebat. Ibid.

Chilon.

*Cuidam propter sua mala dolentis dixit, Si aliorum omnia mala perpenderis, minus ægrè feres tua. Stob. ibidem.

Anonyma.

*Sotion, lib. de ira dicit suo tempore celebratum fuisse dictum mulieris cuiusdam, dolorem apud illos libenter manere, à quibus alitur & augetur. Stob. eod. ser.

Epictetus.

*Interrogatus, quomodo quis hosti dolorem excitare posset, dixit, si quis ita comparet seipsum, ut quàm optimè viuat. Anton. & Max. serm. de dolore.

Idem.

*Quomodo expellendus esset dolor, rogatus, respondit, quæ futura sunt sic æstima, ac si iam accidissent. Deinde addebat. Fac dolore vaces, non ut omnino affectibus carens, brutorum more, nec ut rationis expertus velut insipientes, sed tanquam virtutis cultor rationem habe pro doloris remedio.

De Domini præsentia.

Antigonus.

PVgnaturus aduersus Ptolemæi milites, gubernator cum admouit, plures esse naues hostium: Pro quot,

quot, inquit, nauibus supputas, qui hic præsto sum? Sentiens, ad victoriam plurimum haberi momenti, si strenuus imperator præsens regat exercitum. Ptolomæus autem tum suis non aderat. Plutarc. in regum & imper. apoph.

Anonymus.

Cum quidam corpulentus ac nitidus equum haberet macilentum ac strigosum, rogatus quid esset in causa: respondit, mirum non debere videri, si equo suo esset habitior: quandoquidem ipse se pasceret, equum autem curaret seruus. Gellius & Eras. in Prouerb. Frons occipitio prior.

Anonymus.

Quidam interrogatus, quæ res potissimum faginaret equum: respondit, Oculus domini. Alter rogatus quod stercus esset optimum? Domini vestigia, inquit. Vterque autem significauit, domini præsentiam plurimum habere momenti ad rem bene gerendam. Eras. loco iam citato.

De domus structura & ornatu.

Episcletus.

* **S**I domum cupis, inquit, ut decet extruere, imitare Lycurgum Spartanum. Sicut enim ille non muris urbem muniuit, sed virtute ciues instruxit, & urbem, perpetuo liberam conseruauit: ita tu quoque non magnum vestibulum circunda, nec turres altas erige, sed potius inhabitatores beneuolentia, fide & amicitia confirmes, tum nihil noxij domum ingreditur, ne si vniuersa quidem malitiæ turba restiterit. Ne tabulis & picturis domum tuam cir-

cunda, sed temperantiam ipsa depinge. Illud enim alienum est, & oculorum modo iucunda prestigatio. Hoc verò, indelebilis æternusque domui ornatus existit. Stob. sermone de temperantia.

Vide apoph. de Ducis presentia.

De dono & muneribus.

Diogenes.

CVidam pallium à Diogene repetenti, lepidissime respondit Diogenes, Si donasti, habeo: si commodasti, vtor: significans sibi non esse in animo reddere, siue dono, siue commodato accepisset. Turpe est reposcere quod dono dederis: & inhumanum est eripere, quo vtenti est opus. Laert. lib. 6.

Vide apoph. de Munerum corruptela. & c.

De dote.

Chilon.

DICERE solebat, Vxorem humilem modico apparatu ducendam esse, ne pro coniuge dominam in domum accersas: sat enim dotata venit puella, quæ pudicitiam & honestos mores secum adfert. Propterea hoc erat vnum ex Laconicis institutis, ut virgines sine dote nuptum irent. Laert. lib. 1. cap. 4.

Lycurgus.

Interrogatus, cur lege cauisset, ut absque vlla dote virgines elocarentur? Vt, inquit, neque propter inopiam vllæ relinquerentur innuptæ, neque ob diuitias expeterentur. Plut. in Lacon. apoph.

Ephori.

Lysander pulchras habebat filias, quarum nuptias quam quidam vi-

uente adhuc Lyfandro peterent, eo defuncto, filiarum nuptias recufabant, iis Ephori dixere mulctam, eò quòd quem diuitem effe credentes coluerant, eundem iustum ac probum ex paupertate agnrum contemnerent. Hoc vt apophthegma nò est, ita falubre est exemplum feueritatis, quòd admoneat, in conciliandis matrimoniis magis fpectandam virtutem, quàm fenfum, eòsque perfidos & inconfantes effe amicos, qui amicitiam commodo metiuntur, cuius fpe adeimpta, protinus recedunt ab amicitia. Quin & illud nos admonet, honeftius effe fama quàm pecunia ditefcere. Plutarch. in Lacon.

Lacæna.

Lacæna quedam virgo paupercula, rogata quam fponfo dotem effet allatura? Pudicitiam, inquit, à maioribus traditam: Generofæ profefsa eff, eam effe pulchrè dotatam, quæ mores incorruptos adferret ad nuptias. Plutarch. in apophtheg. Lacænarum.

Themiftocles.

Quum ex procis filiz virum probum diuiti prætuliffet, quibufdam hoc admirantibus: Malo, inquit, virum abfq; pecunia, quàm pecuniam abfq; viro. Vir ftrenuus facilè parabit pecuniam, ignauo pecunia inutilis eff. Plut. in Themift. & apoph.

Hermocrates.

Antipater Hieropolites quum ducturus effet Seueri Cæfaris filiam, forma parum felici: & familiarium quifpiam interrogaret, quando laturus effet τα δ' ἀναγγελωσέμεθα (fic appellabantur munera, quæ fponfæ amici deferebant fponfo, tertio die quo fponfa debebat exhiberi fpectanda) Hermocrates lepidiffimè refpondit,

ἐγὼ καλυπτήνα μόνον τοιαύτην λαβών: id eff, Encalypteria potius, quum talem ducat. ἀνακαλυπτήνα eff retego, ἐγὼ καλύπτω te o. Quod deformè eff, regi magis oportet quàm retegi. Philoftrat in Sophiftis.

M. Antonius.

Eius vxor Fauftina malè audiebat vulgò. Itaque hortantibus amicis, vt eam repudiaret, fi nollet occidere: vxorem, inquit, fi dimittimus, redamus & dotem. Dotis nomine fignans imperium, quod ab focero, volente Adriano, adoptatus acceperat. Iulius Capitolinus.

De bono belli duce.

Polydorus.

Cvm argiui poft illam trecentorum pugnam rurfus effent prælio fuperati, focij Polydorum adhortabantur, ne eam opportunitatem præteriret, fed aggreffus hoftium muros, ciuitatem illorum caperet. Id enim factu fore facillimè, quum interfectis viris, folæ mulieres effent reliquæ. His in huoc refpondit in modum Polydorus: Mihi pari Martis alea rebellantes deuincere honeftum eff. Cæterum quum pro agris pugnarem, urbem velle capere non arbitror effe iuftum. Si quidem huc veni agros recepturus, non urbem occupaturus. Vir excellentis animi, ne cum hoftibus quidem putauit agendum fecus quàm poftulabat æquitas: quum hominum vulgus fibi in hoftem putet licere omnia, in tantum, vt fi de frigido oppidulo fuerit concertatio, victor exiftimet fibi ius effe, regnum vniuerfum vifti occupare. Ille etiam turpe fibi iudicabat, bellare cum his qui-

quibus deerant paria ad bellum præfidia. Talis enim victoria, nullam habet virtutis laudem, sed crudelitatis crimen. Plut. in Lacon.

Agessilaus.

Percontatus quid ducem belli præcipue exornaret? Respondit, aduersus hostes audacia, & in oblata opportunitate ratio & consilium. Stobæus serm. 52.

Lysimachus.

Lysimachus dicere solebat, Imperatores, vel belli duces: nulla venia dignos esse, qui in bello errarent. Vbi, si quid offenditur perperam, temeritate, vel insecitia, emendari non potest. Alex. ab Alex. libr. 2. capit. 13. Genial. dierum.

Iphicrates.

Oratori cuidam pro concione huc in modum ipsum interroganti: Quis es, ut tam sublimes geras spiritus? num eques, aut sagittarius, aut securus, aut pedes? Nihil horum, inquit, sed qui his omnibus imperare didici. Sentiens, pulchrius esse, bonum præstare ducem, quam quemuis militem. Plut. in apoph.

Idem.

* In fociorum agro castrametatus, cum vallum extrueret & fossam pararet oblicienti, quid est quod metumamus? dixit, Nulla imperatoris vox dererior esse potest, quam Non putabam. Plut. & Stobæus.

Chabrias.

Frequenter dicere solebat, eos de num ducis munere quam optime fungi, qui res hostium quam maxime cognitas & perfectas haberent. Plut. in apoph.

Pausanias Plistonactis F.

Percontanti quo pacto possent de bellari Thraces? Si, inquit, qui vir optimus est cum belli ducem dele-

gerimus, Admonens, plurimum ad victoriam momenti esse in imperatore. Quemadmodum in omni negotio magni refert, quales sint quibus gerendæ rei creditur authoritas, Plut.

Albertus Austrius.

In bello quod contra Bohemos prius quam Romanis imperaret, diutissime gessit, interrogatus, quem copis præficere statuisset? Si alium, inquit, quam me; ductorem exercitus petitis, frustra me Austriæ ducem appellatis. Dux enim re vera est, qui exercitum ducit, & quem acriter pugnantem exercitus sequitur. Aeneas Syl. lib. 3. commentariorum de rebus Alphonis.

Vide apoph. de Principe & Imperatore bono.

De duce externo.

Pausanias.

Percontanti cur Tyræum poetam Spartæ ciuem fecissent? Ne quis, inquit, Pausanias, externus nobis dux fuisse videatur. Poetæ apud Lacedæmonios non erant in pretio nec hoc nomine Tyræus meruit apud illos honorē: sed quoniam strenuum ducem in bello præstiterat, putarunt eam laudem patriæ vindicandam. Plut. in Lacon.

De duce sene.

Sertorius.

Cum Pompeij milites variè dispersos superasset, multis occisis, audissetque aduertare Metellum senem cum aliis copiis, diremit prælium: reuocatisque suis dixit, Ego puerum hunc, nisi superuenisset anus

illa verberibus castigatum, domum remissem. Vnde liquet, quantum duces senes, experientia rerum edocti, iunioribus & rerum imperitis sint anteposendi. Plutarch. in Sertorio vita.

De ducis prudentia & vigilantia.

Chabrias.

Illud frequenter dicere solebat, Formidabiliorem esse ceruorum exercitum duce leone, quam leonum duce ceruo. Sentiens, totam belli fortunam pendere à virtute & prudentia ducis. Plutarch. in apoph.

Iphicrates.

Iphicrates, quod futore patre natus existimaretur erat contemptui, ac tum primum famam sibi parauit, posteaquam ipse faucibus, hostem vnà cum armis correptum, viuum in triremem suam deportauit. Is cum in amicorum ac sociorum agris haberet exercitum, ac nihilò minus & vallum iaceret, & fossam foderet accuratè, cuidam dicenti, Quid metui-
mus? ait, Pessimam esse ducis vocem, Haudquaquam putarem. Significans in tranquillissimis rebus interdum existere periculum, quod nullus expectasset. Hoc Latini transferunt ad Scipionem Africanum. Plutarchus in Græcorum apoph.

Timotheus.

Quum oratores Charetem commendarent à mole & proceritate corporis, censentes talem creari debere Atheniensium ducem: Non ducem, inquit, Timotheus, sed qui duci suas stragulas porter. Dux autem esto qui tum ea quæ ante ipsum, tum quæ à tergo sunt prospiciat. Existi-

mabat vir prudentissimus, ducis virtutes non in corporis proceritate, sed potius in animi magnitudine, solertia, & prudentia positas esse. Plut. in apoph. & Stob. serm. de Imperat. & c.

Philippus.

Quum in exercitu multo tempore dormisset, experrectus: Tutò, inquit. dormiui, vigilauit enim Antipater. Subindicans, non esse regium indulgere somno præsertim in bello: sed tamen hoc interdum absque periculo fieri, si rex habeat fidum ac vigilantem præfectum. Ita cum laude amici suam excusauit somnolentiam. Plut. in apoph.

Anonymus.

Numantini cum à Scipione in fugam essent versi, à senioribus castigati, quia quos toties fugassent, fugerent, quendam è iunioribus dixisse ferunt, pecora quidem etiamnum eadem sunt, sed mutatus est Pastor. Plut. in apoph.

C. Fabricius.

Quum audisset Romanos à Pyrrho deuictos, ad Labienum verius: Pyrrhus, inquit, non Epirotæ vicerunt Romanos. Sentiens, vnus ducis ingenio victoriam acceptam ferri oportere, non virtuti militum. Hoc pacto Romani nominis ignominiam eleuauit, qui quum Epirotis essent virtute superiores, hoc solo erant inferiores, quòd non haberent ducem Pyrrho similem. Plut. in Rom. apoph.

Iulius Caesar.

Iturus in Afranium. se ire dixit in exercitum sine duce: in Pompeium verò, ad ducem sine exercitu. Bruto. lib. 3. cap. 33.

De

Deducis præsentia, quæ
multum confert ad
victoriam.

Demades.

VIta defuncto Alexandro dixit,
se videre exercitum Macedonũ,
principe orbatum, Cyclopi similem.
sentiens turbam militum, nisi adsit
dux cordatus ac vigilans, nulli esse
vsui. Quemadmodum Polyphemus
adempto oculo, frustra vastum cor-
pus ac vires habebat immanes. Eras.
lib. 6. apoph. ex Plutarcho.

Epaminondas.

Conspetto magno exercitu, qui
bono & prudente imperatore care-
bat: Quanta bellua, dixit, absque ca-
pire? Stobæus sermone 52.

Idem.

In nouissima pugna apud Manti-
neam sauciatus, delatusque in tentō-
rium, vocauit ad se Daiphantum, post
que illum lollidam; at ubi audiuit,
eos viros interisse, iussit omitti bel-
lum cum hostibus: quandoquidem
iam exercitus duces non habebat, ac
verbis ipsa res testimonium præbuit,
quod Epaminōdas vera dixisset. Plut.
in apoph.

Antigonus.

Suprà, de Domini præsentia.

De duce strenuo &
solerte.

Agis.

Vicerat Argiuos prælio Agis, qui
post redintegratis viribus rur-
sum ferociores illi occurrebant. A-
gis itaque conspicatus multos è so-
ciis turbari: Sitis, inquit, bono animo
viri cum enim nos, qui vicimus, tre-

pidamus, quid facere censetis eos qui
à nobis victi sunt? Eo dicto, ducis so-
lertia protinus reddidit animũ suis.
Plut. in Lacon. apoph.

Lysander.

Cum ad Corinthiorum qui defe-
cerant muros peruenisset, videns La-
cedæmonios conantes aggredi, ac
fortè accidisset, vt lupus conspiceretur
excitatus transilire fossam: Non
pudet, inquit, ô Spartani huiusmodi
formidare hostes, quorum mœnibus
ob ipsorum ignauiam lepores indor-
miunt? Casum fortuitum solertia du-
cis torfit ad animum addendum mi-
litibus. Plut. in Lacon.

Brasidas.

Egressus ad bellum, hunc in mo-
dum scripsit Ephoris: Quicquid erit
malorum in bello, aut profligabo,
aut moriar: testatus animum fortissi-
mo duce dignum. Nam euentus ho-
minis non in manu. Eras. in apoph.

Epaminondas.

Cum copias admoueret castris ho-
stium, tonitru facto, militibus per-
contantibus, quid putaret portende-
re Deum? Attonitos, inquit, esse ho-
stes, quod cum tales agros haberent
in propinquo, in talibus castra meta-
rentur. Solertia ducis non solum ter-
rorem eximit animis militum, ve-
rumetiam commoda interpretatio-
ne addidit acritatem. Plut. in Græ-
corum apoph.

Iphicrates.

Exercitum constituendum esse di-
cebat, ceu vnum corpus: ita vt loco
thoracis phalangem habeat, manuũ
socios, pedum equites, capitis autem
loco optimum ducem & imperato-
rem. Stob. ser. 52.

Philippus.

Aiebat præstantiorem esse ceruo-
rũ exercitum imperate leone, quàm

leonum ductore ceruo. Sensit autem prudentiam & fortitudinem ducis multum conferre ad recuperandam victoriam. Stob. ser. 52.

Alexander.

Si quando in colloquiis aut conuiuiis incidisset contentio de carminibus Homeri, aliis alia præferentibus, hoc semper prædicauit Alexander, quod scriptum est Iliad. 7.

Dux bonus, atque idem validus pugna- tor in armis.

Plutarchus in vita Alexandri.

Idem.

Hortante Parmenone, vt noctu hostem adoriretur, alioqui summum fore discrimen, si palàm cum tantà multitudine Martem experiretur, si- quidem ex fragore procul, velut è pelago resonante, coniectabant im- mensum esse numerum: Non furor, inquit, victoriam, recusans tenebra- rum præsidio vincere. Plutar. in vita Alex. & Q. Curtius.

Idem.

Idem Nisam expugnaturus, cum videret milites deterreri fluminis quod ciuitatē præterlabitur profun- ditate, exiliit: O me omnium deter- rimum, exclamans, qui natate non didicerim, mōxque clypeo pro sube- re innixus, primustranauit. Plut. & Curtius in vita Alexan.

Pyrrhus.

Ad quendam, promittentem se tra- diturum ei aciem instruendi artifi- cium, qui tamen in acie nunquā fue- rat, dixit: Non opus esse sibi impera- tore, cuius aures tubæ sonus nunquā circumierit. Stob. ser. 52.

Idem.

Quibusdam inter pocula quæren- tibus vtrum Antigenidas aut Satyrus melior esset tibicen? Mihi sanè, dixit præstare videtur dux, qui multos in-

itat. Stobæus serm. 52.

Hannibal.

Cum audisset Stoici cuiusdam ar- gumenta, quibus probabat solum sa- pientem imperatorem esse, risit, exi- stimans fieri non posse, vt militaris scientia paretur sine vsu & experien- tia in rebus ipsis. Stob. ser. 52.

Pompeius.

Romæ mos erat, vt equites qui le- gitimum tempus militassent, equum in forum deducerent ad duumuiros, quos censores appellant, & comme- moratis expeditionibus ac ducibus sub quibus meruissent, pro meritis aut collaudarentur, aut vituperaren- tur: Itaque Pompeius cum esset con- sul, ipse equum ad censores Galliam ac Lentulum deduxit, quibus ex mo- re percontantibus, an omnia milita- ria munia obiisset? Omnia, inquit, sub me ipso imperatore. Significans, se sic gessisse ducem, vt nihilò secius omnes militis partes grauitè præsta- ret. Idem & imperator bonus, & mi- les strenuus: qua laude nulla princi- pi potest maior contingere. Plut. in apoph.

De duce, qui vitæ suæ
non debet esse pro-
digus.

Theophrastus.

Theophrastus dicere solebat, eū qui imperat, non gregarij mili- tis, aut gladiatoris in arena, sed for- tissimi ducis mortem obire oportere. Innuit autem vir clarissimus, Re- gem fortem esse oportere, non auda- cē, ferocē, & quasi vitæ suæ pro- digū ac cōtemptorem. Vbi enim im- peratoris periculum ipsa rerum ne- cessitas & Reipu. salus postulat, illic forti

forti animo pugnandum est : fin secus, abstinendum ab armis. Gladiatores enim honestè quidem cadunt, si viritum certantes, fortiter se contra singulos hostes gerant : Imperator verò pro toto exercitu pugnat. Franciscus Patricius Senensis, de institutione regis. lib. 2. cap. 1.

Timotheus.

Cuidam ostendenti Atheniensibus cicatrices quas in bello pro patria imperator accepisset, ridens, inquit: Equidem valde erubescō, quòd cum Samum obsiderem, iuxta me sagitta fortè cecidit : qua exanimatus, non quasi dux tanti exercitus, sed quasi ingenuus tyro cecidissem. Franciscus Patr. Senens. lib. 2. cap. 1. de Regis instit. ex Plutarcho.

Scipio Africanus

Cùm quidam obiiceret illum parum esse pugnacem: respondit, Bene quidem dicis : Mater enim mea me imperatorem nō autem bellatorem peperit. Quo dicto ostendere voluit, ducis non esse, temerè se obicere periculis, miles enim gregarius si cadit habet statim qui sibi succedens cōtra hostem præterea pugnet. Dux autem si interfectus fuerit, prosternitur totus exercitus. Ibidem.

De ducis pietate in suos milites.

Phocion.

Adhuc florente Leosthene interrogatus ab orationibus, quid ipse boni fecisset Reip. Nihil aliud, inquit, nisi quòd, donec ego vobis fui dux, nulli dicta est oratio funebris, sed omnes vita defuncti in maiorum monumentis sepulti sunt. Alij iactabant cruentas victorias: Pho-

cion existimabat egregij ducis esse sic administrare rem militarem, ut nulli, aut quàm paucissimi ciues pereant. Mos autem erat Athenis eos qui in acie cecidissent, apud populū laudare, ac eis cenotaphia erigere. Plut. in Phocione

Pelopidas.

Vxori quæ ipsum ad bellum proficiscentem rogabat muliebriter, ut seruaret seipsum : Alij, inquit, ut istuc faciant monendi sunt. Nam princeps ac dux hortandus est potius, ut seruet ciues, Vox imperatore digna: cuius est, ciuium multorum salutem suæ vnius incolumitati antepondere. Plut. in apoph.

Scipio Africanus.

Dicere solebat se malle vnum ex ciuibus suis seruare, quàm mille hostes perdere. Bruf. li. 2. ca. 24. ex Plut.

Quintinus.

Hortante filio ut locum idoneum paucorum iactura caperet. Visne, inquit, tu ex illis paucis esse? Admonens, non esse boni ducis, Illius militis incolumitatem contemnere. Eras. 6. apoph. Idem de Scipione ad cēturionē dicitur. Vide Plut. in apoph.

Lucullus.

Ad direptionem incitantibus, dixit, se malle vnum militem Romanum ex hostium manibus eripere, quàm vniuersas hostium fortunas sibi vindicare. Plutarchus in Lucullo.

M. Cato.

Cùm cuidam militū argenti libram distribuisset, ait, Satius esse multos habentes argentū, quàm paucos habentes aurum, è militia domū redire. Nam duces non alia re quàm gloria auctos è provinciis redire oportere. Sensit, rem sat feliciter gestam, si tanta militum multitudo redeat incolumis, ut ex distributis manubiis

exigua portio ad singulos redeat potius quàm si multis desideratis, pauci redeant ex præda locupletiores. Quoniam autem rerum præposterè gestarum gloria reedit ad duces, hac portione par est illos esse contentos siue multum sit prædæ, siue parum. Plut. in apoph.

Julius Caesar.

Cessantibus copiis, quas subsequi iusserat, frustra sæpe accersitis, noctu clam paruolum nauigium ingressus, ut ad relictum properaret exercitum, gubernator cum à ventorum tempestate abhorreret. Solue, inquit, solue nauem, Cæsarem enim vehis de salute suorum sollicitum. Brufon. libr. 3. cap. 13.

Alex. Severus.

Militibus diligenter prospexit de comiteatu, dicens, se magis seruare milites quàm seipsum, quod in his sita publica salus esset. Facilius est enim inuenire nouum imperatorem, quàm nouum & exercitatum militem. Aelius Lampridius.

De bono duce non facile mutando.

Philippus Maced.

Dicere solebat Athenienses sibi magnopere beatos videri, qui quotannis inuenirent ducem quos belli duces crearent: quum ipse multis annis vnum duntaxat belli ducem reperisset, Parmenionem. Significans, inutile esse Reipub. subinde mutare duces: sed satius esse, quem idoneum ac fidum nactus sis, eum non mutare. Tum in bello non referre quàm multi sint duces, sed quàm bello gerendo accommodi. Plutarchus in apoph.

De duce ignauo.

Agessipolis Pausania F.

Cvidam dicenti ipsum, cum rex esset, cum æqualibus suis fuisse obsidem: non liberos, aut vxores eorum: Et quidem non iniuria, inquit. Par enim est, ut & nos nostra errata feramus, Indicans, si quid calamitatis in bello accideret, plerumque dum insolentia fieri. Par igitur est ut delicti poenas etiam dent præ ceteris. Plut. in Lacon. apoph.

Anonymus.

Antigonus milites quosdam videns thoracibus & galeis indutos sphaera ludere, delectatus est hoc spectaculo ac duces illos accersi iubet, ut eos coram illis laudaret: verum ubi nuntiatum esset duces bibere, præfectorum illorum militibus dedit, qui sphaera luserant armati: simul & ducum ignauiam puniens, & militum strenuitatem honorans. Plut. in apoph.

Vide apoph. de Imperatoris officio, & de imperio rectè administrando.



DE EBRIETATE

Pittacus.

Egem tulit: ut qui per temulentiam sceleris aliquid commisissent, duplo plecterentur. Solet enim vulgus hominum ebrietatis obtentu crimen extenuare. Ideo factum ferunt, ut insula vino abundaret. Laert. lib. 1. cap. 5.

Solom.

Solon.

*Legem tulit , inter alias , cuius verba eiusmodi erant : Princeps , si deprehendatur ebrius , morte multetur. Fr. Patr. li. 6. de regno , tit. 26. ex Laërt.

Pythagoras.

Ebrietatem dicere solebat insanie meditationem esse. Stob. ser. 18. Max. serm. 30.

Idem.

*Consultus , quānam , vinofus ebrietatem desereret : respondit , Si quē per ebrietatem facit , frequēs animo voluat. Stob. ser. 18.

Heraclitus.

*Ruditatem celare non ita facile esse dicebat , præcipuē in vino. Stob.

Democritus.

*Pro sanitate vota (inquebat) diis homines efferunt , inscijs penes se ipsam esse : cōtraria autem per luxuriam facientes , suis libidinibus ipsam amittunt. Stob.

Idem.

Dicere solebat , in vite tres nasci botros , quorum primus esset volupratis , secūdus ebrietatis , tertius iniuria. Anton. in Melissa , parte 1. ser. 39. & 41. Max. serm. 30. Epicteto attribuit.

Anacharsis.

Anacharsis Scythia idem de tribus botris dixisse fertur , nisi quōd tertio attribuit molestiam. Sentiens , parvū vini vsum esse iucundum , quia sedat sitim , largiorem , gignere temulentiam , largissimum , parere rixas , cades ac morbos. Laërt. libr. 1. cap. 9. Stob. ser. 16. Ant. in Meliss. part. 1. ser. 41. Max. ser. 30.

Idem.

Admirabatur illud , quōd Græci initio conuiuij ciat his pusillis vterentur , saturi maioribus. Sentiēs , potum

non in aliud adhibendum , nisi ad sedandam sitim. Absurdum igitur esse , tum plus bibere , quum iam sitis esset sedata. Laert. l. 1.

Idem.

*Dicere solebat , quicumque sobrius fieri vult , turpes ebriorum mores intueatur. Plut. Stob.

Plato.

Negabat oportere inebriari præterquam infestis , in quibus ipse Deus vinum porrigit. Festos dies decet hilaritas , ebrietas semper fœda est. Laert. l. 3.

Idem.

Discipulos suos admonēbat , vt se ebrios in speculo contemplarentur. Sic enim fore , vt dum faciem suam furibundam & phrenetico similem intuerentur , in posterum ab ebrietatis vitio abhorrerent. Fulgo. libro 7. cap. 2.

Idem.

*Dicebat animi mores in vino apparere , ac gubernatorem ebriosum , & quemuis cuiuscūque rei præfectum omnia subuerrere , siue nauigium , siue currum , siue exercitū , siue quamcumque rem fidei suæ commissam. Stob. serm. 18.

Idem.

Manifestum esse dicebat , non modò senem bis puerum fieri , sed inebriatum quoque Eod. ser.

Diogenes.

Videns hominis vino deditissimi ædes venales esse , ex ianuæ inscriptione : Minimè dubitabam , inquit quōd vini crapula excussa facile domum euomerēs. Bruson. lib. primo , cap. 19.

Idem.

Vinū plurimum in conuiuij quodam dono acceptum effudit . quod quum quidam indignè ferrent : Si in-

quit, vinum omne ebiberem, non tã
liquorem quàm meipsum quoque
perderem. Stob.

Idem.

Adolescens stupidum mero, &
prorsus decipientem intuitus: Ado-
lescentule, ait, temulento satus es pa-
tre. Stob.

Zeno Cittieus.

Sũma verecundia colebat. in pre-
tiorum habebat rex Antigonus. Ac-
cidit igitur, vt aliquando vino supra
modum impletus, obuiam Zenoni
fieret: quem osculatus est, atque am-
plexus, vt temulētus. petiitque vt si-
bi quid iuberet. Et interposito teme-
rẽ sacramento, confirmauit se præs-
titurum quicquid postulasset. Tum
ille dixit ei: Abi, & euome. Graui sa-
pientique reprehensione simul temu-
lentiam eius taxans, simul verò ca-
uens ne minima comeſſatio potatiõ-
que ei nocumentum adferret. Ælia.
li. 9. de Var. hist.

Sophocles.

* Vitio vertebat Æschylo, quòd
ebrius scriberet: Nam & si bene scri-
bit, inquebat, nesciens tamen id fa-
cit. Stob. ser. 18.

Cleostratus.

* Cuidam ei dicenti, Nõ te pudet,
ebrium fieri? respõdit, Te verò non
pudet ebriũ, monere? Anton. & Max.
ser. de ebrietate.

Leontychidas.

Percontanti cuidam, cur parçẽ bi-
berent Spartiata? Ne, inquit, pro no-
bis alij consulent. Sensit autem vir
clarissimus, eum nequaquã salubri-
ter de rebus consultare posse, cui sa-
num iudicium à vino ablatum sit.
Bruf. l. i. c. 19. ex Plut. in Lacon.

Aristippus.

Iactanti cuidam, quòd multum bi-
bere posset, nec inebriaretur: Quid,

inquit, magni narras, quum idem fa-
ciat quoque mulus? Laër. l. 2. c. 8.

Anonymus.

Quidam Lacon, quum audisset
quõdam à cœna cogi ad bibendum.
Num, inquit, coguntur etiam ad e-
dendum? Notauit Græcorum morẽ,
in conuiuiis compellentium ad cer-
tum cyathorum modũ, quum id re-
uera nihilo absurdius sit, quàm ho-
minem qui non esurit, ad certum e-
scarum modum cõpellere, nisi quòd
alterius absurditatem eleuat consue-
tudo. Plut. in Lacon.

Agæfilans.

Cũ in compotatione quadam
fortibus ex more ductis factus esset
princeps conuiuij (huius autem par-
tes erāt, præscribere quantum quis-
que biberet) rogatus à pincerna
quantum cuique vini deberet appo-
nere? Si multũ, inquit, vini paratum
est, dato cuiq; quantum possit: sin pa-
rum, cunctis ex æquo diuidito. Hac
dexteritate mirẽ prospexit, ne vel pa-
rata vini copia deesset, quibus place-
ret largior potatio: vel ad bibendum
cogerentur, quibus placeret sobrie-
tas. Rursus in maligniores vni copia,
per æqualitatem exclusit orationẽ
murmuris. Etenim cũ singulis æqua
vini portio distribueretur, nihil deerat
his qui bibebant moderatius: &
qui largius fuerant bibitori, quũ ha-
berent quod naturæ satis esset, queri
nõ poterāt si deerat libidini, eo quòd
neimo omnium plus aut minus habe-
ret cæteris. Itaque æquis animis se il-
li quoque ad moderationem compo-
nebant, quibus alioqui placebat lu-
xus. Plut. in Lacon apoph.

Crates.

* Conspicatus adolescentẽ athle-
ticũ ebrietate & gula corpulentiorẽ
fieri: O miser, exclamauit, desine ad-
uerſus

uersus temetipsum carcerē munire.
Anton. & Max. ser. de incontinentia
circa mensam.

Demosthenes.

Philocrates & Æschines Atheniē
sū legati ad Philippū Macedonię re
gem cū aliis missi, cū domum re
dirent, regēmque eo nomine lauda
rent quòd strenuē bibisset: respon
dit Demosthenes, Habet hanc virtu
tem cum spongia communem. Sen
sit vir prudentissimus, regum virtute
s non in euacuandis poculis sitas ef
se. Plur. in Demosth.

Cyrus.

Astages cū rogasset Cyrum re
gem, quamobrem vinum non absor
bisset? Quod metuerā (inquit) me
dius fidius, ne in cratere mixta vene
na forent. Etenim quum tu in natali
cis amicos adhibuisti, perspicuē di
dici te eis venena infudisse. Et quo
pacto, inquit ille, ô fili hoc dignoui
sti? Quod videbam vos, respondit, ne
que corporis esse neque mentis com
potes, Bruson. lib. 1. ca. 19. Xenophon
in Pædia Cyri.

Idem.

Sparamizas Metrodoti cū per e
brietatem Cyri mortem aperuisset:
Rectē, inquit, se habet illud, quod
crebrò vsurpatur à Græcis, Veritatē
in vino esse, Bruson. lib. 1. ca. 19.

Androclides.

Ad Alexandrum regem vino plus
satis deditum, dixisse fertur: Vinum
potaturus, rex, memento bibere ter
ræ sanguinem, cicuta homini vene
num, cicuta vinum. Brus. lib. 1. ca. 19.
ex Plinio.

Stratonicus.

Is citharædus natione Athenien
sis, non minus festiuis dictis quàm
arte musica celebris, ad quietem itu
rus, assiduē iubebat puerum sibi in

fundere vinum: Non quòd sitiam, in
quit, sed ne sitiam. Athen.

Plutarchus.

* Dicebat Mundum igne & aqua
corrumpi, luxuriosorum autem opus
amore & ebrietate. Anton. & Ma
xim. ser. de ebrietate.

T. Quintius.

Democrates cū temulentus, fi
nito conuiuiο muliebri habitu sal
tasset, postero die venit ad T. Quin
tium, petens subsidium contra Mes
senos, quos ad defectionem ab A
chæorum imperio pellicere cona
batur. Cui Titus ait: Miror te ho
minem vinolentum, meròque ener
uatū, huiusmodi res moliri, quæ vi
rorum non mulierum sunt. Bruson.
lib. 1. ca. 29. ex Plur.

Cicero.

Ei in foro ambulanti cū ad bi
bendum aqua oblata esset, vidit for
tē L. Cottam censorē, hominem vi
no deditissimum, non procul stan
tem, cūque aquam Cicero accepit
set iā hausturus, vocatis amicis: Cir
cumtegite me, inquit, ne censor me
aquam bibere videat, & pro suo iure
rationēque officij senatu amoneat.
Notauit autem Cottæ censoris vi
nolentiam, quam in aliis non repre
hendere, verū etiam grauitè pu
nire debebat. Bruson. libro 1. ca
pite 10.

Augustus Cæsar.

Videns equidem in spectaculis bi
bentem, misit qui illi suis verbis di
ceret: Ego si prandere volo, domum
eo, Respondit eques: Tu enim non
times, ne perdas locū. Augustus sen
sit, indecorū esse, illic in publico bi
bere. Eques per iocum sic interpreta
tus est, Cæsarem sine damno posse di
scedere è theatro, quòd locus ipsi ser
uetur, equiti non itē. Erascl. 1. 6. apoph.

Tiberius imp.

Quoniam tyro in castris auidius bibebat vinum, militari ioco, pro Tiberio Claudio Nerone, dictus est, Biberius Claudius Nero. Erasim. libr. 6. apoph.

Firmus imp.

Vini patientissimus fuisse legitur, citra tamen ebrietatem. Quodam autem a barbaro vexillario ad bibendum prouocatus, duas vini situlas hausit, & postea toto conuiuio sobrius fuit. Cum verò barbarus diceret, Cur non & facce ebibisti? Stulte, inquit, terra non bibitur. Erasim. Rot. 1.6. apoph. ex Vopisco.

Aurelianus.

Bonofus, qui imperator postea factus est, cum tantum biberet, quantum hominum nemo: Aurelianus urbanissime dicebat, Non ut viuat, sed ut bibat, natus est. Bruson. libr. 1. cap. 19. ex Vopisco.

Vib. Crispus.

Is summus Vitellij imperatoris amicus, cum ob nocturnas comestationes atque compotationes luxuriosissimas in grauissimum incidisset morbum, & ita quidem vexaretur, ut Vitellianis conuiuiis interesse amplius nequiret, postquam paululum conualuisset, ad amicos dixisse fertur: se omnino fuisse perituram, nisi tam grauiter laborasset. Xiphilinus in vita Vitellij.

Anonymus.

Bonofus imperator vir extremæ gulæ & ebrietatis, cum se suspensio suffocasset, interrogatus quidam, quibus moribus & vinolentiam nouerat, quisnam esset suspensus? respondit, non hominem esse, sed amphoram, Vopiscus.

Anonymus.

Cum celebrarentur à Ferdinando

rege, Hyppolytæ nurus atque Alphonsi filij nuptiæ, apparatu splendidissimo (erat enim dies decurionis hastatæ, flagrabantque sub sole cuncta: conuenerant autem mortales omnis generis ad spectandum) cumque plurimi ludorum essent laudatores, vel plerique omnes admiratores potius, in media laudantium frequentia & plausu exclamauit Germanus quidam: O Valeant ludi, quibus nemo bibit. Pötan.

Basilus magnus.

* Quid esset ebrietas, rogatus respondit. Ebrietas daemon est, sponte admissus in animos per voluptatem, Mater est malitiæ, impugnatio virtutis, ex forti timidum facit, ex modesto lasciuum, iustitiam ignorat, prudentiam abolet. Et sicut aqua pugnat igni, sic immoderatio vini mentem sobriam extinguit. Item, ut fumus fugat apes, ebrietas pellit spiritualia dona. Anton. & Max. serm. de ebrietate.

Chrysostomus.

* Dicebat ebrietatem esse reſtæ mentis alienationem, & delirium, & secundum animam sanitatis perditio. Ibid.

De ebrietatis variis effectibus.

Anacharsis.

A Badollescente in conuiuio pulsatus: Adollescens, inquit, si nunc vinum non fers, ubi senueris, aquam feres. Nam qui bibunt intemperantius vinum, ea præsertim ætate cui magis conuenit aqua, ij frequenter senes ob inopiam coguntur aquam bibere. Laer. l. 1. c. 9.

Idem.

Quidam in conuiuio videns uxorem Anacharsidis, uxorem, inquit, dixisti

xisti satis deformem. Cui Anacharsis, Prorsus ita mihi videtur: sed heus puer, infunde mihi largius, ut reddam eam formosam. Indicare voluit vir sapientissimus, vinum immoderatus potatum adimere homini rectum iudicium. Athen. l. 9.

Idem.

Interrogatus, num in Scythia essent tibiae? Respondit, Ne vites quidem. Significans saltationes, reliquasque eius generis voluptates et vinolentia nasci. Laer. li. i. c. 9.

Eratosthenes.

Dicebat, vinum igni æquale habere robur, quod cum virum inuaserit, eum veluti boreas vel notus mare Lybicum turbat & confundit: occulta, & quæ profunda mente gerit, aperit, & ostendit, virorumque totam mentem excutit. Phauorinus.

Æschines.

Dicere solebat, Speculum formæ esse æs, vinum autem animi. Voluit autem indicare vir sapientissimus, nihil tam secretum esse animo nostro insculptum, quod homo ebrius non effutire audeat: Maxim. serm. 30. & Stob.

Æschylus.

Ebrietatem tanquam pestem fugiendam suadebat, qui enim potus mensuram transgreditur, non amplius mentis & linguæ compositus est, sed sine pudore turpia & indecètia loquitur, ex viro factus puer. Phauorinus. Verum hoc alij etiam ad Theognidem referunt.

Anonyma.

Quum Philippus Macedonum rex cognitionem exercere parum sobrius, ac perperam aduersus mulierem quandam tulisset sententiam: illa sentiens errorem esse vini, non regis, exclamauit: Prouocarem, inquit,

ad Philippum, sed sobrium. Excussit regi muliebri conuicium temulentiam, adegitque, ut expergefactus causam eandem animo præsentiore cognosceret, Eras. li. 8. apoph. Val. Max. lib. i. cap. 2.

Anonymus.

Milites aliquot Tarentini inter cœnandum multa liberius dixerant in Pyrrhum regem. Res ad eum delata est, acciti sunt iuuenes, ac periclitabantur omnes, quum factum nec negari posset, nec defendi. Tum vnus illorum deterioris ingenij: Imò, inquit, rex, & ista diximus, & longè acerbiora dicturi fuëramus, nisi nos lagena defecisset: linguæ petulantiam in temulentiam reiciens. Itaque mox ira principis in risum versa dimissa sunt. Eras. 6. apoph. ex Plut.

Claudius imp.

Claudius Cæsar nunquam adeo animi sui secreta protulit, atque olim dum multo vino madidus esset: ubi dixit, Sibi fatale esse, ut coniugium flagitia ferrer, deinde puniret. Quæ vox terrorem non mediocrem iniecit Agrippinæ. Ex Suet.

Vide apophthegmata de Gula, Incontinentia circa mensuram, Intemperantia & vino.

De educatione & institutione liberorum.

Socrates.

Dicebat, optimè natis, ingenuisque potissimum, adhibendam rectam institutionem. Idem enim in his vsuuenire quod in equis, in quibus qui feroces sunt ac generosæ indolis, si statim à primis annis rectè instituuntur, egregij & ad omnem

vsus accomodi euadunt, sin minus efferati, intractabiles, & ad nihil vtilis. Eoque fit, vt felicissima quæque ingenia corrumpantur inscitia instituentium, qui mox equos vertunt in asinos, quod erectis ac liberis imperare nesciant. Eras. 3. apoph.

Idem.

Dicebat, Muliebrem sexum virili non minus esse docilem & ad disciplinas, & ad omnem virtutem, etiam fortitudinem (quæ tanquam viris propria, Græcis à viro dicitur *ἀνδρεία*) si diligenter instituat. Id collegit ex puella saltatrix, quæ inducta in conuiuium, mira arte trochos duodecim in altum proiectos excipiebat, ita temperato altitudinis spatio, numerisque pedum, vt nunquam falleret: eademque inter acutissimos gladios, nō sine horrore spectantium, impauida saltaret. Erasim. 3. apoph.

Idem.

Interrogatus etiam, quàm ob rem ipse non administraret Rempublic. quum administrandi rationem optimè sciret? respondit, Eum vtiliorem esse ciuitati, qui multos efficeret idoneos gubernandæ Reipub. quàm qui ipse rectè gubernaret.

Idem.

Adhortabatur iuuenes, vt se subinde ad speculū cōuerterentur: quod si essent egregia corporis forma, cauerent ne quid ea indignum committerent: sin minus quod corpori deesset, id ingenij cultu morumque honestate pensarēt. Adeo vir ille vndeque rapiebat occasionē ad virtutis studium adhortandi. Eras. 1. 3. apoph. ex Laertio.

Anonymus.

Puer quidam apud Platonem educatus, quum ad patrem ex interuallo

redisset, cūque vidisset effusius ridētem, admiratus dixit. Si tale nihil vnquā apud Platonem vidisse. Tanta res est, iam inde à teneris virtuti assuescere. Eras. 1. 6. apoph.

Aristoteles.

Aristoteles Stagirita aiebat, patres qui rectè liberos suos instituissent, multo honorabiliore esse iis qui tantum genuissent: quod ab his contigisset viuere, ab illis bene viuere. Laert. 1. 5. c. 1.

Aristippus.

Aristippus percontanti, quæ potissimum adolescentibus essent discenda: Quæ viris, inquit, vsui futura sunt. Hoc dictum & aliis adscribitur. Optima statim discenda sunt, nec rudis ætas, quæ maximè docilis est, superuacaneis est occupanda. Laert. libr. 2. cap. 8.

Idem.

Quidam cum Aristippo agebat, vt filium suum susceperet erudiendum, sed quum philosophus pro mercede peteret quingētas drachmas, ille deterritus magnitudine pretij, Minoris, inquit, emerem mancipium. At hic, inquit, habebis duo. Lepidè taxauit vulgi iudicium, qui nusquam parciore est quàm rectè instituendis liberis, pluresque sumptus impendit curandis equis quàm filiis. Ibid.

Diogenes.

Quum captus venderetur in Creta, præconi rogari quid sciret, & quo titulo eum commendaret emptori? Dic, inquit, te vendere hominem, qui sciat imperare liberis. Quidam Xenias Corinthius admiratus præconij nouitatem, adiit Diogenem. percontatus num sciret quod profiteretur? vbi ex sermone hominis comperit esse sapientem ac doctum, mercatus duxit domum, ei que suos liberos erudien

erudiendos tradidit, quos ille susce-
ptos liberaliter instituit, primùmque
tradidit artes liberales, mox docuit
equitare, arcum tendere, fundam ro-
tare, iaculari telum. In palæstra verò
non permittebat, vt pædotriba illos
grauioribus laboribus in morem
athletarum exerceret, sed hætenus,
quantum ad ruborem, bonamq; cor-
poris valetudinem conduceret. Cu-
rauit etiam, vt ex poëtis aliisque
scriptoribus optima quæque addi-
scent: quòd ea modò sciamus, quæ
memoria tenemus. Breuiter, totius
philosophiæ summam illis redegit
in compendium, quo & citius perci-
perent, & fidelius memoria comple-
terentur. Eosdem instituit domi mi-
nistrare parentibus, cibo leui vilis-
que & aquæ potu còtentos esse: cùm-
que cæteri eas sariem alant ad formæ
commendationem, ille iussit illos
radere comam, & si quando pro-
deundum esset in publicum, incom-
ptos producere absque tunicis in-
calceatos ac tacitos. Quin & ad ve-
natum illos instituebat, Lacedæmo-
nios imitatus. His rebus factum est,
vt à pueris obseruaretur, pèrque il-
los parenti commendaretur. Alij
narrant, præconem Diogenis iussu
ita prædicasse, Estne quispiam qui
velit emere dominum? Laërtius lib.
sexto.

Lycurgus.

Lycurgus is qui Lacedæmoniis le-
ges condidit, quum conaretur ciues
suos à moribus præsentibus ad tem-
peratorem viuendi rationem tradu-
cere, eosque virtutis & honesti stu-
diosos reddere (nam erant corrupti
delicijs) duos educauit catulos, eo-
dem patre eadèmq; matre proge-
nitos: quorum alterum passus est
domi latioribus vesci cibus, alte-

rum eductum venatibus exercuit.
Dein quum ambos produxisset in
forum apud multitudinem, posuit
illic spinas, simul & escas aliquas de-
licatiores: mox emisit leporem, quū
vterque raperetur ad assueta, alter
ad escas, alter leporem inuaderet.
Annon videris, inquit, ciues duos ca-
tulos, quum eiusdem sint generis, ta-
men ob diuersam educationem ad-
modum dissimiles inter se euasisse,
plūsque ad honestatem momenti ha-
bere exercitationem quàm naturam?
Proinde ne nobis quidem, ô ciues,
nobilitas, quam miratur vulgus ho-
minum, ductumque ab Hercule ge-
nus profuerit, nisi ea gesserimus,
per quæ ille mortalium omnium
clarissimus ac generosissimus exti-
tit, ac per omnem vitam, quæ hone-
sta sunt & discamus & exerceamus.
Reperit vir ingeniosus viam, quæ
multitudini philosophicis rationi-
bus non satis idoneæ, virtutis imagi-
nem ob oculos poneret. magis enim
mouent, ac penetrant in animos, quæ
cernuntur, quàm quæ audiuntur.
Res quidem efficax est natura, sed
potentior est institutio, quæ malam
naturam corrigit, & vertit in bonam,
Quales nascantur liberi, nulli in ma-
nu est: at vt recta institutione euadāt
boni, nostræ potestatis est. Eras. lib. 1.
apoph ex Plut. in Lacon. & Brus. lib.
2. cap. 38.

Idem.

Idem obiicientibus, quòd elo-
quentiæ studio rhetoribus daret mer-
cedem: Si quis, inquit, profiteatur se
filios meos mihi redditurum me-
liores, non mille drachmas, sed om-
nium facultatum dimidium effan-
derem. Plurimum ab hominum vul-
go discrepans, qui periisse existimāt.
quod liberis instituendis impenditur

Erasm. Rot. libr. 8. apophthegm.

Eteocles.

Post Agin bello superatum Antipatro postulanti obsides pueros quin quaginta Eteocles, qui tum ephorum agebat, respondit: Se pueros nō daturum, ne si licenter vixissent, fierent indociles patriæ disciplinæ, itaque ne ciues quidem essent: ceterum senes ac mulieres se duplo numero daturum. Verum Antipatro dira minitanti, ni acciperet postulata, populus vna voce respōdit: Si imperas acerbiora morte, facilius moriemur. Hunc animum in vno alteroq̃ue ciuium reperire, fortasse non ita magni miraculi esse videatur: in vniuerso populo tantum esse consensum, prodigiosum est. Hoc exemplo simul admonemur: quanta sollicitudo debeatur ætati teneræ ad probitatem educandæ, quando licenter educatos iuuenes illi non putarunt habēdos pro ciuibus: perinde quasi mater abdicet filium ex se natum, nisi probitate morum maioribus suis respondeat. Plut. in Lacon.

Agasicles.

Cuidam dicenti, admirari sese quod cum esset audius discendi, non adiungeret sibi Philophanem, sophistam eo tempore clarissimum: respondit prudenter, Eorum se velle discipulum esse, quorum simul esset filius. Significans, non minus interesse quos nactus sis parentes, quam quos asciscas vt bonis moribus formaris. Plut. Eras li. i.

Agésilas.

Eum rogabat quidam, in quibus præcipue rebus pueri institui deberent? Iis, inquit, rebus quibus vsuri sint. quum ad virilem peruenirent ætatem. Recte centuit, non friuolis artibus instituendos liberos, quæ nec

grandibus decori futurę sunt, nec ad seria vocatis vtiles. Plut. in Lac. apo.

Leorychidas.

Interrogatus, quid potissimum oporteret pueros ingenuos discere? Quæ illis, inquit, vbi ad virilem ætatem peruenerint, vsui sunt futura: Plut. in Lacon.

Leonidas.

Cum proficisceretur in bellū contra Persas, vxori Gorgoni roganti, si quid ipsi mandaret? Nihil, inquit, aliud tibi mando, quam vt nubes, & bonos filios parias. Plut. in Lac. apo.

Hippomachus.

Quum aliquando videret adolescentes, quos exercebat, è foro carnes afferentes, dicebat, se proculagnoscere suos esse discipulos: quod institutio reluceat in omnibus dictis ac factis hominibus. Eras. 6. apoph. ex Plutarcho.

Anonyma.

Quum mulier quædam Ionica de texto quodam suo vt pretioso gloriaretur, Lacæna ostensis quatuor filiis quos habebat, moribus compositissimis, Huiusmodi, inquit, decet esse honestæ probæq; mulieris opera, deque his tollere animos, & gloriari, Iones operosis texturis vacant, quæ varia picturarum habent argumenta. At spartana docuit, nullum opus esse præclarior, quam si filios honestis moribus instituat. His enim melius ornari patriam, quam aulaeis aut vestibus. Plut. in apop. Lacænarū.

Themistocles.

Quoniam adolescens feroci mutabilique ingenio videbatur, mirantibus mutatos mores dicere solebat, Asparos & indomitos pullos in optimos equos euadere, si quis illis adhibeat disciplinam, rectamque institutionem. Plut. in eius vita.

Anony.

Anonymus.

Themistocli pædagogus dicere solebat , Nihil mediocre futurus es ð puer: nam aut magnum bonum eris reipub. aut magnum malum. Generosa indoles, si accedat recta institutio , magno bono est patriæ: sin ad vitia degeneret , ingens adfert malum. Plut. in Themistocle.

Demetrius Phalereus.

Adolescentum fastuosorum sublimitatem dicebat in educatione amputandam esse : sed relinquendam sobrietatem. Docuit vir sapientissimus, hæc ingenia non esse desperanda: sed quod redundat, in institutione recidendum esse. Laert. lib. 5. cap. 5.

Philippus.

Alexander etiamnum adolescens, videns fratrem Philippum equum præferocem, nec vllum sessorem tergo patientem , voluit inutilem abiectum ire : Qualem, inquit equum isti perdunt, dum illo per imperitiam ac molliciem vti nesciunt ? Cùmque mira arte sine verberibus tractasset equum, tandem concessum ad corpus admisisset , tum calcibus usus est: ac molliter flexis habenis quum equum reduxisset, descendens caput exosculatus pater: Aliud, inquit, ð fili, tibi per regnum quære , quando iam re non capit Macedonia. Præfagit vir prudens, tam excelsæ indolis non suffecturam paternam ditionem. Sed equus ille nos admonet, multa bene nata ingenia perire vitio instituentium , qui ferè nesciunt imperare, nisi ex equis generosis rediderint asinos. Eras lib. 4. apoph. ex vita Alex. apud Plut.

Cornelia Gracchi mater.

Quum Campana mulier illius hospitio utens , ornamenta sua , quibus illud seculum nihil habebat pul-

chrius , ipsi ostenderet : traxit eam sermone , donec liberi redirent è schola. tum, Et hæc (inquit) ornamenta mea sunt. Sentiens , matronæ nihil esse pulchrius, neq; pretiosius, quàm liberos rectè educatos. Era. 6. apoph. ex Plutarcho.

Anonymus.

Quidam accusatus quòd patrem pulsasset , hoc modo defendit impium facinus: & ille. inquit. patrem suum verberavit, & hic (ostenso filio) me verberabit, posteaquam adoleuerit, adeò nobis hoc gentilitium est. Videmus hoc ferè vulgo euenire, vt qualis quisque fuerit in parentes, tales experiatur in se liberos. Eras. in lib. 8. apoph.

Anonymus.

Quidam quum à filia pertraheretur, venturumq; esset ad domus limen, Desine (inquit) fili; nam & ego patrem huc vsque. Agnouit se commerruisse, qui sic à filio tractaretur : tantum postulauit, vt esset equa retalia- tio. Eras. ibid.

Vide apoph. de Doctrina & Eruditione.

De educatione filiorum neglecta.

Diogenes.

Reprehendebat homines , quòd lueta, aliisque ludis semet sedulo exercebant, nullos autem in hoc incumbere , vt probi & honesti redantur. Laert. lib. 6.

Idem.

Dicebat , plurimos insanire præter digitum. Nam si quis assidue medium digitum intendat vice indicis, vulgò habetur insanus : si quis indicem, sanus videtur. At plurimi sunt

homines, qui grauius insaniunt in rebus seriis, quam si digitum pro digito porrigant, & tamen hi vulgò non habentur insani. Quemadmodum & hodie parentes in liberis pro graui peccato castigant, si læua pro sinistra vtantur: atqui non itidem castigant eos, cum turpia pro honestis eligunt. Laert. lib. 6.

Idem.

Multis verbis in inertiam & in-sectiam Megarentium, pecora sollicitè curantium, iuuentutem minimè (vt quæ ibi luxu & otio diffunderet) inuehebatur: dicebátq; se Megarèsis allicuius arietè esse malle, quam Eliu. *Ælian.* lib. 12. de varia histor.

Demonax.

Quum Athenis quidam Romanus senator filium ad Demonaxem adduxisset, eleganti forma, vestitu delicato, ac deliciis effœminatum, dicerétque. Salutat te, ô Demonax, filius meus. Pulcher est, inquit Demonax, & te dignus, & matri non absimilis. vtrunque poterat dici in laudem. Nunc patrem notauit ex filij moribus, & matri similem dixit mollem & euiratū deliciis. *Eras.* Rot. lib. 3. apoph.

Pericles.

Pericles Atheniensis dicebat, non oportere in vrbe nutriri leonem: si autem sit alitus, obsequi ei conuenire. Monuit autem vt præcipuè nobilitatis & concitati ingenij iuuenes refrenentur. nimio verò fauore ac profusa indulgentia pasti, quo minus potentiam obtineant, ne impediantur. Quod stultum, sit & inutile, eas obrectare vires, quas ipse foueris. Est autem hoc de Alcibiade dictū, vt refert Aristophanes, & Plut. in eius vita, & *Valer. Max.* lib. 7. cap. 1.

Proclus.

Filium habebat intemperantem,

gallis gallinaceis, coturnicibus, catellis, & equis alendis indulgentem, quam pater adeò non increpabat, vt vnà cum illo potius lasciuires. Quo nomine quum ab amicis obiurgaretur, Citius, inquit, desinet, cū senibus colludens, quam cū æqualibus. *Phil.* in *Soph.* & *Volat.* lib. 18. comment.

De eleemosyna.

Democritus.

Peregrinis & egètib; alimoniam ministrandā esse dicebat. Equidē quisquis indigenti victum negat, is neque ab alio quicquam accipiet, dum egerit. *Stobæus.*

Idem.

Dicebat, beneficium pro tempore exile, ingens reddi ijs qui il lud in extrema necessitate acciperent. *Stob.*

Idem.

Audiēs quēdam magnificis verbis multa cuidā promittentē, sed mender: Coneris, inquit, ad exigua largiendum, quā ad plurima promittendum, esse propensior. Nam penuria laborantibus donum, vel perexiguū, prodest, verba autem & magnificæ pollicitationes nulli sunt utiles. *Stobæus.*

Idem.

Dicere solebat, Si bene mereri de aliquo voles, citissimè da. Mora enim ingratum redditur, & parum amabile quicquid dederis. *Stob.*

Aristoteles.

Cum nefario cuidā homini eleemosynam dedisset, & ob id castigaretur à quodā: Nō mores, inquit, sed hominem commiseratus sum. Docuit vir sapientissimus, etiā malis & indignis eleemosynam dandam esse in summa rerū necessitate, ne penuria suadente agant quod dedecus est coram

ram Deo & hominib. Laer. lib. 5. ca. 1.

Idem.

Reprehensus à quodā, quod elec-
mosynam dedisset improbo: Non
homini, inquit, dedi, sed humanæ for-
ti. Laer. lib. 5. cap. 1.

Demosthenes.

Dicere solebat, æquū esse vt pau-
peres piē foueantur, cum delectu ta-
mē: ita vt dimissis improbis, illorum
ratio potissimū habeatur. qui præter
culpam egestate premuntur. Stob.

Amedeus Sabaudia dux.

Rogatus à quibusdā oratoribus
qui aderant, an etiam haberet canes
venaticos: annuit, vt postera die redi-
rent. Cum verò iam adessent, Ame-
dæus ē pergula à latere ædium in-
gentem mendicorum multitudinem
eis ostendit vnā discumbētium. A q;
hi sunt, inquit, canes mei, quos alo
quotidie, quibusque cælestem glo-
riam me spero venaturum. Munite-
rus lib. 2. Cosmographiæ, vbi de Al-
lobrogum vel Sabaudia ducibus.

Placilla.

Theodosij Romanorū Imp. vxor
pientissima, cum reprehenderetur à
suis quod agrotos visitaret, atq; pau-
peribus etiam liberaliter facultates
suas elargiretur, respondit: Impera-
tori conuenire, vt aurum id largia-
tur: se autē manuū opus pro imperio
ipso, ei qui id semel contulit offerre.
Nicephorus Callistus lib. 12. cap. 42.

*Vide apoph. de Beneficentia, Libera-
litate & Mendicitate.*

De electione

Aristippus.

Quum Dionysius tres venustas
puellas obtulisset, admonens,
vt ex his quā vellet eligeret, omnes
apprehendit, dicens: Ne Paridi quidē

fuisse tutum, vnam cæteris prætulif-
se. ac puellas deduxit ad aulæ vesti-
bulum, dimisitque: non minus in con-
temnēdo facilis, quā in amplectē-
do. Laer. lib. 1. c. 8. Bruf. lib. 2. cap. 31.

M. Cato.

Hispaniam sortitus, cum hostium
audisset miram copiam esse ad bel-
lum paratam, ob idque decreuisset
Celtiberorum ope vti, petentibus il-
lis ducenta talenta subsidij gratia, at-
que negantibus aliis conditionem
dicentibus, Turpe esse populo Rom.
auxilia mercede conducere: vrbane
scitēque Cato, non esse graue, re-
spondit, nam si vicissent, hostium
manubiis se satisfacturum illis: si vi-
cti essent, nec eos qui peterent, nec
à quibus repeti deberet superstitēs
fore. Brufonius lib. 2. cap. 31.

Aristoteles.

Aristoteles quum iam natus an-
nos ferē sexaginta duos, ad eō labo-
raret, vt admodum tenuis vitæ spes
superesset, conuenerunt ad illum di-
scipuli rogantes vt ex ipsis aliquem
deligeret, qui in locum eius succede-
ret. Inter auditores erant duo præci-
pi, Theophrastus Lesbium, & Me-
nedemus Rhodius. Aristoteles respō-
dit, se quod petebatur facturum, vbi
daretur opportunitas. Paulò post,
quum rursus ad eum eadem de cau-
sa conuenissent, dixit, vinum quod
biberet sibi parum esse commo-
dum, ac quæri iussit exoticum, vel
Rhodium, vel Lesbium. Id simulat-
que curatum est, gustato Rhodio di-
xit: Firnum hercle vinum, & iucun-
dum. Mox gustato Lesbio: Vtrunque,
inquit, egregiē bonum, sed Lesbium
suauius est. Id vbi dixit, nulli du-
bium fuit quin lepidē simul & vere-
cundē successorem sibi ea voce, non
vinum delegisset: probauit vtrum-

que, nec tamen auditoribus eligendi
ius ademit. Laert. lib. 5. ca. 1.

Lysander.

Lysander Laced. quum aliquando
Dionysius ipsi misisset stolas duas,
iubens ut utram elegisset, eam mit-
teret filia: Ipsa, inquit, rectius eliget.
Atque accipit ambas, abiit. In hoc
exemplo nihil est imitandum, nec
viro Lacedæmonio dignum, nec al-
liud ab hoc duce expectandum ferē,
præter malitiosam ingenij vafriciem.
Plut. in Laconicis apoph.

Scipio Æmilianus.

Quum Servius Sulpitius Galba &
Aurelius consules in senatu conten-
derent, uter aduersus Viriatum in
Hispaniam mitteretur: ac magna in-
ter P. C. dissensio esset, omnibus quò
nam eius sententia inclinaret expe-
ctantibus: Neutrum inquit, mihi mit-
ti placet. alter enim nihil habet: al-
teri autem etiam quod habet, nequa-
quam satis est. Æquè malam impe-
rij magistram iudicans paupertatem,
atque insatiabilem habendi cupidita-
tem. Quo dicto obtinuit, ut neuter
in prouinciam mitteretur. Valer.
Max. lib. 6. cap. 4.

C. Fabricius.

Cornelius Ruffinus, vir rapax &
auarus, cæterum in bello animo in-
gens, manūq; promptus, quum bel-
lum immineret in consulatu obti-
nendo C. Fabricij opera adiutus est,
qui ob prauam tamen vitam Ruffi-
no semper infensus fuerat: verum
eo tempore ob belli suspicionem,
cū ignauos desidēsque ipsius com-
petitores videret sententiam muta-
uerat. Quam ob rem Ruffinus mira-
tus, cū Fabricio impensè gratias
egisset, Fabricius dixisse fertur: Noli
mirari Ruffine: rapinis enim immi-
nui malo, quàm vendi. Quo dicto ta-

xauit Ruffini rapacitatem, & com-
petitorum perniciosam ignauiam.
Ostenditque, satius se ducere, avaro
consule, eodémque gnauo homine,
& in rebus agendis idoneo rapinis
vexari: quàm iis ad consulatum eue-
ctis, qui per ignauiam rempub. pro-
dituri essent, victum ab hoste ve-
nundari. ex duobus enim his malis
optimum eligendum erat. Fulgofus
lib. 6. cap. 2.

De eloquentia.

Demosthenes.

Immodicum eloquentiæ studium
Iobiicientibus, ita respondit: Elo-
quentiæ studium declarare homi-
nem popularem: contrà negligere
studium eloquentiæ, esse eorum qui
dominari populo quærerent ut qui
hoc agerent, non ut persuaderent
dicendo, sed ut vi cogèrent. Plut. in
Demosth.

Idem.

Æschines & Philocrates Atheni-
sum legati, cū Philippi Macedo-
nis eloquentiam plurimum laudaf-
sent & commendassent, Demosthe-
nes ait: Si eloquens est Philippus, ha-
bet hoc cum multis sophistis com-
mune. Sensit vir prudentissimus, re-
gis virtutes nequaquam in eloquen-
tia positas esse. Plutarch. in vita De-
mosth.

Æschines.

Quum Rhodi exul recitaret ora-
tionem suam aduersus Demosthe-
nem, Rhodij demirati sunt, quòd ta-
li oratione fuisset damnatus ab A-
theniensibus. At desineretis, inquit,
admirari, si audisseries quæ ad hæc re-
spondit Demosthenes, damnationis
causam reiciens in violentiam elo-
quentiæ Demosthenicæ. Philostratus.
& Brul.

& Brusonius lib. 4. cap. 31.

Iphicrates.

Iphicrates in causa obrutus eloquentia patroni, qui Aristophontem defendebat: Aduersariorum, inquit, melior est histrio, sed mea fabula melior. Vt fabula nonnunquam exploditur vitio histrionis, ita saepe melior causa vincitur à peiore, patroni infamia, stultitiave. Erasmus libro 5. apoph.

Thucydides.

Thucydides ab Archidamo Lacedaemoniorum rege interrogatus, vter esset in palæstra superior, ipse an Pericles: Posteaquam, inquit, ego hominem pugnando deiecti, ille se negat cecidisse: itaque vincit & spectatores à sua sententia deiicit. sentiens, se bonis rationibus esse superiorem, sed Periclem eloquentia vincere, & quocunque vellet agere multitudinem. Nam Thucydides vir præpotens, diu in administranda repub. aduersatus est Pericli. Eam contentionem Archidamus palæstram appellauit. Eras. 6. apoph.

Messala.

Suprà de Argutè dictis.

M. Antonius.

Marcus Antonius, cui vel primas eloquentiæ patrum tribuebat ætas, vir natura præacutus & prudens Diferτος dicebat se vidisse multos, eloquentem omnino neminem. Insidebat videlicet in eius mente species eloquentiæ, quam cernebat animo, sed re tamen ipsa non videbat. Cicero in Oratione ad Brutum.

Vide apoph. de Oratoribus & Rhetorica.

De errore & lapsu.

Diogenes.

Cvidam obiiicienti, quòd aliquando falso signasset monetam (nā hanc ob rem iussus est exulare.) Fateor, inquit, fuisse tempus, quo talis eram, qualis tu nunc es: qualis autem ego nunc sum, tu nunquam futurus es. Notabat eos, qui iuuentutis errores in aliis reprehendunt, quum ipsi ne in senectute quidem corrigant suos. Laert. lib. 6.

Idem.

Quodam item obiiiciente Diogeni, & exilium ob facinus illud ei perpeßum exprobrante, respondit Diogenes: Tum temporis celerius etiam iuuenis reddebam lorium, nunc non item. Cynica circuitione notauit iuuenilem ætatem, quæ facilius reddit humorem vesicæ, quum senibus molestia sit dysuria. Laert. lib. 6.

Anonymus.

Quidam seruo, qui dum puniretur dicebat, Non volens erravi: Non volens, igitur (inquit) pœnas dato. Vulgaris quidem, sed frigida excusatio est. Insciens feci. Vigiladum erat, ne quid committeret imprudēs. Plut. in Lacon.

Munatius.

Munatius facti pœnitens, quòd Fabium infimulasset à quo postea esset adiutus: Ad commilitones, Boni (ait) sapientisque viri est, si errauerit, in reliquum tempus doctorem se sibi addiscere. Brus. lib. 5. cap. 12.

Scipio Aff.

Turpe esse aiebat, in re militari dicere, Non putaram. Videlicet quia explorato, & excusso consilio, quæ ferro aguntur, administrari oportere, summa ratione arbitrabatur.

P iij

Val. Maxim. libro 7. capite 2.

De exactionibus & tributis.

Callieratidas.

Cum ad pecunias petendas ad Cyrum iuniorem mitteretur, ad bellum usum: his regis aulam accessit, & computationibus eum indulgentem audiuit. Tertiò verò cum audiisset, & iterum bibere eum, nec se ad colloquium admitti intellexisset, dixisse fertur: Ita curam habendam pecuniarum, ut ne quid tamen committeretur Sparta indignum. Quo dicto docuit, ita ab hominibus exigendam esse pecuniam debitam, ne quid nostræ dignitati & existimationi decedat. Plut. in Lacon.

Dionysius sen.

Exegerat pecunias à Syracusanis, deinde quum videret illos lamentantes, obsecrantes, ac negantes se habere quod darent, indixit alteram exactiorem, idque iterum ac tertiò fecit. At postquam, ubi maiorem summam imperasset, audiret illos in foro ambulantes ridere, & scommata in regem iacere, iussit præfectos ab exigendo quiescere. Iam enim, inquit, nihil habent quandoquidem nos contemnunt. Plut. in apoph.

Tiberius.

Cum deprehendisset Æmilium Rectum, quem Ægypto præfecerat, nimium à populo exegisse, super ea re iratus, rescriptis: se tonderi velle suas oves, non deglubi. Solent autem principes deglubere oves, cum graviores exactiones subditis imponunt, quam villo pacto ferre possint. Dion Nicaeus in Tiberio.

Antoninus Caracalla.

A Julia matre graviter obiurgatus, quòd ingentem illam pecuniam, quam per fas & nefas à subditis vexegerat, profunderet: gladium euaginaturn ostendens, Bono (inquit) animo esto mater: Nobis, quando hunc habebimus, nulla unquam decrit pecunia. Dion Nicaeus, & Xiphilius in eius vita.

De exercitatione ingenij.

Diogenes.

Dicebat, usum atque exercitationem quemadmodum in actionibus extraneis, ita & in actionibus virtutis & animi, tum celeritatē quamdam, tum facilitatem parere. Laert. libr. 6.

Aristoteles.

Frequenter dicere solebat ad parandam sapientiam tria potissimum necessaria esse: Naturam, doctrinam, & exercitationem. Exercitatio enim nisi naturæ & doctrinæ accedat, nil solidæ eruditionis hauries. Laert. lib. 5. cap. 1.

Demonax.

Quendam infeliciter declamantem admonuit, ut sese diligenter exerceret: cumque is respondisset, Nunquam apud me non declamo: Nihil igitur mirum, inquit, si dicis ineptè, qui hactenus semper itulto auditore solitus sis uti. Eras. lib. 8. apoph.

Cicero.

Cum M. Crassum pro rostris magno populi applausu laudasset, & eundem postea ex eodem loco acribus conuiciis incesset: Quid, ait, Crassus, an non me nuper ex hoc ipso loco laudasti? Laudaui, inquit, sed excendi gratia argumētum infame de-
cla-

clamans. Solent enim Rhetores tractare materias *αὐθιγὰς*, velut cū laudant Bulyridem, aut febrim quartanā aut ingratitudinē. Era. l. 4. apoph.

De exercitatione corporis.

Socrates.

Dicere solitus est, saltatione mouenti corpus spatiosa domo oportū esse ad exercendum sese: at qui cātū aut oratione sese exerceat, huic vel stanti, vel accūbenti quemuis locum sufficere. Hoc dicto probabat moderatas exercitationes, præsertim à cibo sumpto turbulentiores improbat. Era. l. 3. apoph.

Idem.

Cū ad vesperam vsque deambullasset strenuē, interrogatus cur id faceret? respōdit, Quo melius coenem. Ostendit vir sapientissimus, exercitationem corporis multum prodesse sanitati. Cic. l. 5. Tusc. quæst.

Plato.

Solebat admonere, vt neq. corpus sine animo exerceamus, neque animum sine corpore, vt pariter vtriusque curā habeamus. Nā alterū athletarum est, alterum inertiū. Laert. li. 3.

Lycurgus.

Exercitationibus ea sola cōcesserat exercere, in quibus manus non extēderentur in altum. Eius constitutionis causam percontanti: Ne quis inquit, illorū laborando consuescat de fatigari. Siquidem exercitia ad cōfirmandum corporis robur adhibētur, non ad exhauriendas vires. Qui verō subinde de lassantur in exercitamentis quoniā imbecilliores veniūt ad labores necessarios facilius deficiūt. Plu.

Anonymus.

Quoniam apud Lacedæmonios in

summo pretio erat ius, quod illi nigrum appellāt, adeo vt seniores hoc contenti non desiderarēt carnes, sed eas iuuenibus cederēt Dionysius Siciliæ tyrannus dicitur huius gratia coquum emisse Laconicum, eique mandasse, vt sibi hoc ius appareret, nullis parcens impendiis. Quod vbi rex gustasset, ac displicuisset, expuit. Tum coquus, Hoc (inquit) ius, ô rex, sumendum est: postquam te Laconū more exercueris, & in Eurota laueris. Plut. in Lacon.

Vide Apoph. de labore.

De exilio.

Hercules.

* Interrogatus, Argiuus-ne esset, an Thebanus? respondit, Non vnam curo patriam iactare: omnis Græcia mihi patria est. Plut. lib. de exilio.

Democritus.

* Dicebat peregrinationem & exiliū vitæ frugalitatē docere: ossa quippe, & thorus herbaceus, famis ac laboris sunt medelæ dulcissimæ. Stob. serm. 38.

Idem.

* Quamlibet terram homini sapiēti dicebat esse peruiā: quum fortis animæ mundus vniuersus patria sit. Eod. ser.

Demaratus.

Ad eum qui apud regē Persarum parasitum agebat, ac subinde in Demarati exiliū diuersis ludebat: Non, inquit, amice tecū pugnaturus sum, nam vitæ aciem absumpsi. Ludēs ex ambiguitate vocis, *μαῖς* enim Græcè tum ordinem sonat, tum aciem. Nullus autem ad pugnam instructus est, cui nulla superest acies: & ordinē vitæ assumpsit qui ex rege factus est exul. Plut. in Lacon.

Eudamidas

Cum Alexander in Olympis praconio ius fecisset omnibus exulibus, in suam cuique patriam redeundi, præterquam Thebanis: Infortunatum quidem, inquit Eudamidas, praconium, sed vobis, ô Thebani, gloriosum. Solos enim vos metuit Alexander. Ad consolandos Thebanos sic interpretatus est vir animi solertis. Etenim qui permittit exulibus reditum in suam patriam, non metuit ne moliantur vindictam. A Thebanis igitur solis metuebat. Plut. in Lacon. apoph.

Cato.

Cum impetrata esset restitutio Achaëorum exulum, Polybius & hoc à senatu petiit, vt restitutis apud suos pristini honores ac magistratus redderentur. Hic Cato rogatus sententiam dixit, Polybius idem facere videtur quod fecit Vlysses, qui Cyclopi speluncam repetere voluit, quo pileum & cingulum, quæ illie per obliuionem reliquerat, reciperet. Significas, abunde multum esse, quod exulibus datus esset in patriam reditus: esseque periculum, ne dum pristinos honores repetunt, etiam à reditu excludantur. Erasmi. Rot. libr. 2. apoph.

Theodorus philosophus.

Offensus libertate Theodori, dixit illi, Quoniam isti eras moribus patria te eiecit. Sanè, inquit, quod me vt Semel è Bacchum ferre non posset. Sentiens, se maiorem esse, quam vt à malis ferri posset, à quibus tamen non tam suo, quam ipsorum malo pulsus esset. Plut. in apoph.

Stratonicus Musicus.

Seriphi agens, hospitem suum percontatus est, ob quam causam illie homines iuberentur vertere solum?

cum ille respondisset, flagitiosos apud Seriphios exilio multari: Quid tu quoque, inquit, aliud flagitij committis, vt ex his locorum angustiis emigres? Notans regionem esse incommodam, & oppidum frigidum. Eras. li. 6. apoph. ex Plut.

De exilio fortiter ferendo.

Aristides.

A B amico quodam rogatus, quæ ob causam exilium ei tam molestum fuisset? respondit, propter ignominiam patriæ, à qua iniuste in exilium missus esset, & ob eam iniustitiam vbique malè & ab omnibus audiret. Stob. ex Serino, ser. 37.

Anaxagoras.

Ab Atheniensibus damnatus exilio, & cuidam dicenti, priuatus es Atheniensibus: Imò illi, inquit, me. Sentiens, Atheniensibus magis opus esse Anaxagora, quam contra. Laërt. libr. 2. cap. 3.

Stilpo.

* Quidam noxium esse exilium affirmanti, respondisse fertur. Quibus tandem & qualibus bonis priuat exilium, animi ne an corporis, an fortunæ? An iudicandi agendiq; dexteritatem aut felicitatem aufert? haud fanè. An fortitudine, iustitia, aut alia quapiam virtute priuat. Ne id quidè. Sed nec villo fraudat corporis bono. An non æquè licet in aliena terra bene, valere, viribus pollere, acutè cernere, & audire acutè, interdum verò multò magis, quam si in sua terra quis maneat. fortunæ verò bonis exilium neminem exiit. An non visum est multos, tū domum cū exules sunt facti, potitos fortunæ bonis splen-

splendidioribus? vt Phœnix, Themistocles, &c. Stob. ser. 38.

Diogenes.

Cuidam per conuicium dicent, Sinopenfes te exilio damnatur : At ego, inquit, illos mansione, significans, se quòd solum vertere iubetur, nihilo infeliciorem esse his qui in patriam anerent, nec exilium æquo animo pati possent. Tam enim miserum est manere coactum, quàm exulare coactum. Philosophus, cui quæuis terra patria est, si iubeatur ire, exulatum vnus tantum ciuitatis exul est. At qui nusquam potest viuere nisi in patria, plurimarum regionum exul est. Hoc ita refert Plutarchus in libello de Exilio: Te Sinopenfes Ponto exulem esse iusserunt: at ego, inquit, illos hac damno poena, vt in Ponto extremisque Euxini littoribus inclusi perpetuò maneant, Diogenes mutarat patriam, sed melius: exulabant potius, qui infœlici regioni erant adscripti. Laërt. l. 6.

Idem.

Cuidam illi probro obiiciēti, quod exularet à patria: Miser, inquit, istius rei causa philosophatus sum. Siue quòd exilium compulisset. Diogenem ad philosophandum: siue quòd ideo didicisset philosophiam, vt exilium similisque casus æquo animo perpēti posset Laërt. l. 6.

Demetrius Phalereus.

Cum exularet, ac apud Thebanos inglorius humilisque viueret, audisferque Cratetem philosophum, qui ipsum inuiseret, multa placide prudentem de ferendo exilio disputantem. Malè, inquit, sit negotiis & occupationibus, per quas hactenus talem virum cognoscere non licuit. Laërt. l. 5. c. 5.

Anaxandrides

Cuidam exilium acerbè ferenti, respondisse dicitur, Ne horrefcas exulare ciuitate. A iustitia enim exulare miserum est. Quo responso sensit, eos nequaquam miseros esse, qui præter meritum, vel peculiare quasdam animi dotes, ab imperitis in exilium mittuntur, quibus innocentia semper consolatrix assistit, Plutar. in Lacon.

Themistocles.

Quum pulsus primū Athenis, & mox tota Græcia, venisset ad Persarum regem, ditissimus ab eo factus est. Porro, Magnifica dona, quibus à rege honoratus erat, intuens, dixit: O pueri, perieramus, nisi periissemus. Perire autem videtur, qui cogitur exulare: at Themistocli feliciter cesserat exilium. Plut. in apoph.

Tæcer.

Rediens ex Troiana expeditione, quum ob Aiæcis fratris mortem Telamoni patri esset inuisus, atque ab eo exilio multaretur, ad socios conuersus, ait: Patria est, vbicunque bene est. Cicer. in Tusc. quæst.

Rutilius.

Consolanti eum cuidam, ac dicenti, instare bella ciuilia, & ob id breui futurum vt omnes exules reuertentur: Quid tibi, inquit, malè feci, vt mihi peiorem reditum quàm exitum optares. Malo vt patria exilio meo erubescat, quàm reditu mereat. Senec. de benef. l. 6. c. 37.

De experientia rerum.

Eudamidas.

A Vdito philosopho, qui disseruerat, solum sapientem esse bonum belli ducē: Sermo, inquit, mirificus est, at qui eū dicit, fide caret, eo

quòd illum nunquam circumsonuit tuba. Probauit sententiam: sed indicauit, neminem cum fide loqui de re quam nullo modo sit expertus. Plut. in Lacon.

Demades.

Rogatus, quo præceptore esset v-sus? Tribunali, respondit, Athenien-sium. Insinuās, quòd in ipsis negotiis experiētia quauis institutione sophi-starum melior sit. Stobæus serm. 27.

Antigonus.

Interrogatus, Quem ē suæ ætatis ducibus præstantissimum iudicaret? respōdit Pyrrhum si senesceret. Nō pronuntiauit optimum: sed optimū fore, si rerum experientiam ætas ad-iungeret. Plut. in vita Pyrrhi.

Tassus.

Interrogatus, Quidnā sapientius esset præ cæteris? Experientia, dixit. Stob. ser. 27.

Paulus Æmylius.

Quum per loca prærupta irrupisset in Macedoniam, vidissetque instructam hostium aciem, exhortante Nasica vt protinus inuaderet hostem: Facerem, inquit, si tuæ essem ætatis: sed multarum rerum experientia prohibet, ne ex itinere statim cū instructa acie eongrediar. Plutarc. in apoph.

De exprobratione.

L. Voluminius.

Appius populo Romano exprobrabat, sibi acceptum ferri debere, quòd ex mutuo & elingui facundum haberet consulem: de L. Voluminio collega sentiens. Ibi L. Voluminius: Quàm mallem, inquit, tu à me strenuè facere, quàm ego ab te scitè loqui didicissem, Eras. 6. apoph.

Ser. Galba

C. Iulium consummatis victoriis in foro ius dicentem, huiusmodi dictis ausus est interpellare. C. Iuli Cæsar, pro Cn. Pompeio Magno quondam genero tuo in tertio eius consulatu pecuniam sponendi: quo nomine nunc appellor: quid agas? num dependam? Hac voce palàm illi exprobrans, quòd Pompeij bona vendidisset, cui fuerat affinitate iunctus. Equum autem videbatur, vt qui bona generi vendiderat, ea depēderet, quē nondum orto inter illos bello fuissent contracta. Cæsar hac inuidia commotus, æs alienum Pompeij ē fisco resolui iussit. Eras. l. 8. apoph.

Licinius.

Is Cæsaris libertus, solebat patrono, nouum aliquod opus inchoanti, magnas conferre pecunias. Quem morem sequutus Licinius, nouum opus aggressuro cēties promisit per libellum: in quo post expressam pecuniæ summam, quē virgula superducta signabatur, spatium erat vacuum. Hac occasione Cæsar vsus, priori summæ, quā scripserat libertus, alterum centies adiecit, sua quidem manu spatio quod vacabat literarū gēter expleto, sed affectata literarū similitudine. Itaque duplum accepit pecuniæ, dissimulante liberto. Cæterum vbi Cæsar rursus nouum opus inchoaret, libertus hoc factum illi leuiter obiecit, dato tali libello: Cōferro tibi domine, ad noui operis impensam, quod videbitur. Non expressit summæ modum, vt illi liberum esset scribere quantum veller, quandoquidem priorem summam duplicasset. Sueton.

Turonius.

Augustus delectatus inter cœnam fuerat symphoniacis Turonij Flacciman-

mangonis, eosque frumēto donarat, quum alios auditos soleret largiter donare nummis. Eosdem quum postea Cæsar inter cœnam requireret, Turonius sic excusauit: Ad molas, inquit, sunt, exprobrans illi frumentarium munus. Et hoc impunè tulit, quòd dixerat non miles, sed mango. Suetonius.

Huc referrì possunt etiam quadam libere dicta.



DE FACETE ET
IOCOSE DICTIS.

Crates.

AMAGISTRATV ob-
iurgatus, quòd contra le-
ges & consuetudinem A-
theniensium sindone ve-
stiretur, ait: Quid si Theophrastum
vobis ostendam sindone amictum?
Adduxit igitur eos in constrinam, o-
stenditque Theophrastum, qui tum
fortè tondebatur, linteo amictum,
quod Græci à contegendis humeris
auariorum vocant. submonens faceto re-
spōso, omnib. ad vsum vti licere. Tur-
pe enim ac inhonestum si esset vti lin-
teis, ne in constrinā quidem vsus es-
set. Laër. lib. 6. c. 5.

Aristippus.

Aristippo philosopho cūm probro
sè obiceretur à quodam, quòd habe-
ret Laidem meretricem. Quid tum,
ait, si modò nō habeor à Laide? Cic.

Socrates.

Cuidam dicenti, Antisthenem phi-
losophum matre Threicia natum es-
se, patre autem non tam barbaro, sed
Atheniensi: Quid, inquit, an tu pu-
tas virum adeò præclarum ex vtro-
que parente Atheniensi nasci po-
tuisse? Facetè vir sapientissimus no-

tauit corruptos Atheniensium mo-
res, indicās potius è Thrace Scythā-
ve nasci posse virum bonum ac præ-
clarum quàm ex Atheniensi: & hoc
igitur quod habebat virtutis Anti-
sthenes, matri Hybridi potius ascri-
bendum, quàm parenti. Laër. in eius
vita. Eras. l. 3. apoph.

Idem.

Alcibiades Socrati miserat munus
præclarum. Id quum Socrates vide-
retur recusare, Xantippe dissuasit, af-
seuerans donum esse magnificum, &
indignum quod respueretur. Tum
Socrates: Alcibiades, inquit, hæc mit-
tit ambitiosè, & nobis nostra est am-
bitio. Sentiens, interdum esse magni-
ficentius magna contemnere, quàm
magna largiri. Eras. lib. apoph.

Anonymus.

Quum Alcibiadi Atheniensi bal-
neator plurimum administraret a-
quæ, Lacon id videns: Quid hoc rei
est, inquit? plus aquæ infundit quasi
non puro, sed vehementer sordido.
Hoc scommate notauit Alcibiadis
vitam, multa infamia contaminatam,
Plut. in Lacon.

Pericles.

Subito oborto solis defectu, cūm
Pericles Atheniēsis videret alios mul-
tos, sed præcipuè classis gubernato-
rē, vehemēter perturbatos, chlamy-
de sua texit gubernatoris faciem, in-
terrogauitque, Nunquid hoc horren-
dum ostentum existimaret? illo ne-
gante: Quid interest, inquit, igitur,
nisi quod chlamyde maius est id
quod nunc tenebras inducit? Sensit
vir prudens, interuentu lunæ nobis
abscondi solem, quemadmodum op-
posita chlamys impediēbat aliorum
aspectum, nullum autem esse osten-
tū, quod natura fit. Eras. l. 5. apoph.
Plut. in Græc. apoph.

Pyrrho.

Cum sororem Philistam vehementer obiurgasset, male audiuit eam ob causam, quod oblitus esset suae professionis (docebat enim omnia esse indifferentia.) Verum maledicentium improbitatem sic elusit, cum diceret, In muliercula non declarari indifferentia. Laer. l. 9. c. 11.

Diogenes.

Ad puerum Spuriū, ex meretrice natum, lapillos iacentem in populum: Caue, inquit Diogenes, ne patrem ferias. Erat enim è scorto natus, atque ob id incerto patre. Laert. lib. 6. cap. 2.

Idem.

Cum furem purpuræ comprehensum vidisset, carmen Homericum in eum detorsit ἄλλα εἰς, πορρὺς θείατος καὶ μάλα κραταίη, id est,

Te mors purpurea apprehendit, vinolentaque Parca. Laer.

Idem.

Aliquando stipem poscens, ita ἐξαναρχῶ, id est, eum qui stipi eroganda erat praefectus, Homérico carmine compellauit.

Τοῖς ἄλλοις ἐνὰ εἰς, πορρὺς ἕχεται: id est,

Despolia reliquos, teneas sed ab Helore dextram.

Dicti autem huius festiuitas in hoc est, quod pro ἡγεμῖς dixit ἐνὰ εἰς: quorum prius est, da stipē: alterum, armis spolia. se Hectoris nomine signans. Spoliat autem, qui minus denegat pauperi & egenti. Et solet hoc hominum genus esse furax Ibidem.

Idem.

Cum hominem qui in Olympiacis certaminibus subinde pugnare solitus erat, inuenisset oues pascentem: Quam celeriter, inquit, vir fortissime, ab Olympiis, ad Nemea te

contulisti? Alludit autem quam facitissime ad vocum affinitatem. ῥίμυς quippe certamina à loco dicuntur, ut Olympia. Νέμω verò Græcis pascosonatur, & ῥίμυς pascua. Laer. l. 6. c. 2.

Idem.

Corintho vendendus, interrogante pracone quidnam calleret? respondit, hominibus imperare. Risit praeco, & Magnum (dixit) artificem vendendo, si quis sibi dominum velit emere. Stob. ser. 1. de Prudentia.

Idem.

Videns vetulam quandam nimis comptē incedere: Si, inquit, ad viuos properas, falsa es: si ad mortuos, nec cunctare. Ant. part. 2. ser. 18. Melissæ. Max. ser. 41.

Alexander.

Senem quendam capillos inficentem intuitus, Noli, inquit, capillos tingere, sed genua hæc incurua potius, ut facilius & promptius eas. Max. ser. 41.

Agésilauus.

Quidā aspiciens Lacedæmonium quēdam claudum ad bellum exeuntem, cum ei equum veluti debili necessarium quæreret: Non intelligis, inquit Agésilauus, in bello opus esse non qui fugiant, sed qui loco manent. Plut. in Lacon.

Idem.

Iam senex, persæpe sine calceis & tunica prodibat in publicum, cum lacera veste, idq. matutino tempore hymis. Cum autem quidam eum obiurgaret, quod puerilius ageret, quam ætatem deceret, respondit, Iuniores ciuium, si vestem virilem induam, omnes oculos in me coniciunt. Ælian. l. 7. de Var. hist.

Idem.

Ex Asia discedēs, aiebat se triginta sagittariorū millibus à rege Asia depelli, tot enim Daricorū aureorum milli-

millibus (Persarum autem hi num-
mi aurei sagittarium habebant in-
sculptum) Athenas ac Thebas depor-
tatis, ac in plebis moderatores distri-
butis, Timocrates effecerat, ut popu-
lus hostilem animum aduersus mili-
tes susceperet. Plut. in Lacon.

Idem.

Menecrates quidam medicus cum
forte ægrotantes aliquot liberasset à
morbis, sibi Iouis nomē inde adscri-
bi passus est. Tandem verò epistolam
ad Agesi laum regem scribens, eam
sic exorsus est : Menecrates Iupiter,
Agesi lao regi salutem. Verum rex
cū hominis stultitiam esset admira-
tus, hunc in modum rescripsit : Rex
Agesi laus Menecrati sanitatem. Face-
te admonuit hominem, cui mentis
sanitatem planè deesse putabat, qui
homo cū esset, Deorum nomen si-
bi ascriberet. Plut. in Lacon.

Demonax.

Rogatus, an philosophus etiam
placentis vesceretur? Quid, inquit,
num putas apes stultis tantum melli-
ficare? Placentæ melle condiebantur,
saccari vsu nondum reperto. Era-
sm. l. 8. apoph.

Idem.

*Quum videret Athenienses hoc
agere, ut Barbarorum exemplo gla-
diariorum spectacula in urbem indu-
cerent: nolite, inquit, o canes, istam
crudelitatem prius admittere in ci-
uitatem vestram, quàm Misericor-
diæ aram sitis demoliti. Significans
non conuenire, in ea ciuitate in qua
Misericordia pro Dea coleretur, spe-
ctari plusquam ferinam crudelita-
tem. Eras. l. 8. apoph.

Cleomenes.

Argiuis proferentibus se prioris
conflictus fortunam, in qua victi fue-
rant, iterato prælio sarcire velle: De-

miror, inquit, si duarum syllabarum
accessione facti estis meliores, quàm
eratis prius. Verum huius dicti argu-
tia Latine reddi non potest. Græcis
enim *μειχρὸν* pugnarè est, *ἀναμειχρὸν*
verò redintegrare pugnam. Plut.
in Lacon.

Anonymus.

Lacon quidam Gymnasiarcham li-
gna *ἐκγονα* exhibentem, facetissimo
iocò incusauit, dicens, quòd per eum
ne lachrymas quidem illic effundere
daretur. Fumus quippe mouet la-
chrymas. Acapna autem ligna inde
dicta sunt, quòd fumo careant. Era-
sm. l. 8. apoph.

Anonymus.

Lacon quidam quotidie conuiuā-
tem quendam, plagiarium ac tyran-
num vocauit, per quem ipse tot an-
nis nunquam vidisset mensam suam.
Loci autem lepos est in faceta fictio-
ne plagiarium appellauit, quòd libe-
ralitate sua homines sibi redderet
obnoxios: tyrannum verò, quòd per
illum non liceret cuiquam conuiua-
rum domi suæ viuere. Erasmi. libr. 8.
apoph.

Idem.

Alius quidam, quum homines de-
functos in sellis sedētes videret: Ab-
sit, inquit, ut hīc sedeam, vnde senio-
ri assurgere fas non est, ostendit au-
tem facetissimo dictione mortē hor-
rorem incutere hominibus, vitam au-
tem omnibus esse dulcissimam. Bru-
son. l. 4. c. 10.

Idem.

Quidam iratus Agasoni, volebat
eum percutere, quūque is clama-
ret, Atheniensis sum: ad asinum ver-
sus, At tu (inquit) Atheniensis non es,
eique multas plagas inflixit. Plut. de
Cohibenda iracundia.

Anonymus.

Suprà, de Beneficio in indignos collato.

Philopœmen.

Diuertere volebat ad hospitium veteris amici. Quo cognito, iussit hospes apparari quæ necessaria esset alia ab vxore, dum interim ipse obsonia appararet. Inter hæc Philopœmen solus (vt res ipsa ferebat) ad hospitium properat. quem venientem, vt solum, vt deformem, vt qui nihil ornatus haberet eximij arbitrabatur mulier ex administris esse aliquem, qui herum præueniret: cùmque esset de aduentu Philopœmenis mirificè sollicita, etiam blandiendo rogauit eum, se vti adiuuaret ad dominum comiter excipiendum. Tum Philopœmen, vt erat perhumanus, cognito mulieris errore, confestim securi accepta, & cuneo, cœpit ligna findere, ad coquendam cœnam. hospes interim domum ingressus, cùm animaduerneret Philopœmenem fin dēdis lignis malleo incumbere: Pro Iupiter, inquit, quid hoc Philopœmen? quid agis dux maxime? Ad ea Philopœmen: pro deformitate, inquit, oris, totiūsque corporis pœnas luo. Voluit ipsemet præbere de se hospiti & sibi ipsi risum. Res sanè festiuo ac faceto homine digna, quæq; quò rarior, eò etiam fuerit lepidior. Pontan. ex Plutar.

Stratonicus.

Stratonicus musicus cùm in Pontum nauigans, ad regem Berisadem venisset, diu apud eum moratus, voluit illinc in Græciam adornare fugam. Verum cùm id rex non videretur passurus: Bene, inquit Stratonicus, cogitas, ô rex, qui statueris hic manere. Quo dicto, facete suam indicabat fugam & regis interim con-

silium probabat, quasi ille de migrando cogitasset, & ipse, non nisi grauib. causis commotus, pararet abitum. Athenæus.

Idem.

Se vehementer demirari aiebat Sathyri sophistæ matrem, quæ illum decem menses tulisset, quem nulla ciuitas decem dies ferre posset. Erascl. 6. apoph.

Idem.

* In sacrificio tibias inflaturo insecito quodam tibicine, Bona omnia rime oportet, inquit: libemus iam, atque deos precemur. Athen. l. 8.

Idem.

* Cleon citharædus, cognomine bos, nec rectè pulsabat lyram, & voce plurimùm dissonabat ab eius fidi- bus: eū cùm audiuiisset Stratonicus. A sinus (inquit) ad lyram, adagium olim fuit: nunc autem dicendum, Bos ad lyram. Athen. eod. lib.

Idem.

* Quodam sciscitante, quænam essent turissima nauigia: rotunda, an longa? respondit, quæ in terram subducta sunt. * Rhodj cùm aris specimen exhiberet, applaudente nullo abiit, theatro relicto, ac dixit, Quandoquidem id vos nos præstatis, quod nullius est impedi, quomodo à vobis sperare munus aliquod viritum possum? * Minnaco calceario de musica pertinacius cum ipso altercanti, animum se non aduertere dixit, propterea quod supra pedis malleolum loqueretur. Affine huic dictum est Apellis, ne sutor ultra crepidam. Athen. eod. lib.

Idem.

* Ignarum medicum dicebat, & gros quos tractaret, vno die ad inferos migrarent, efficere. * In agri Milesij oppido quodam cum variarum natio-

nationum miscellanei homines habitarent, omnia sepulchra peregrinorum esse ac conuenarum intuitus, facessamus hinc, inquit, puer: soli mori videntur hîc alienigenæ, ciues autem nulli. * Maroneæ, quæ ciuitas erat luxuriæ cōpotationib. distuens, cum quibusdam potans, si per ciuitatem oculis tectis duceretur, quo in loco ciuitatis esset, cogniturum se dixit. Opertis deductus oculis, interrogantibus vbinam esset, in caupona, respondit: tanquam caupona foret tota ciuitas. * Victis Sicyone qui aduersus illum certauerant, in Æsculapij delubro trophæum erexit, inscriptionemque hanc addidit, Stratonicus de iis qui citharam malè pulsant. * Cuidam ipsum laudanti vt non nihil muneris auferret, maiorem se mendicum esse dixit. * Pellæ ad puteum accedens, an esset potu salubris aqua sciscitatus est: respondentibus qui hauriebant, illam se bibere: est igitur insalubris, ait, quia luridi essent incolæ, & pällêres. Athen. l. 8. vbi alia extant eiusdem Stratonici iocose dicta, quæ suis locis hoc opere continentur.

Dorion tibicen.

* In Cypro cum apud Nicocreonem cœnaret, ac populum quodpiam impensius laudaret, si voles, idem artifex, tibi alterum fabricabitur, ait Nicocreon. Tum ille, tibi potius mihi verò hoc dato. * Tempestatem de scriptam à Timotheo quodam cum irideret, in feruente cacabo illa se vidisse dixit vehementiorem. * In conuiuio claudicantis pedis deformē soleam quā amisisset, furi nihil (inquit) grauius imprecor, quàm vt eius pedi calceus meus conueniat. Ath.

Theocritus Chius.

* Defuncta vxore Dioclis helluo-

nis, parato eius causa filicernio, cum maritus simul & fleret & obsoniis se ingurgitaret, Plorare, inquit, ô miser, desine: nihil helluonatu proficies. * Idem Diocles cum alienati agri pretium in cōmendis obsoniis dissipasset, feruentem piscem mandens, exutum sibi *ἰσχυρὸν* (hæc vocula & palatum significat, & cœlum) quærebatur: tunc, Id tibi reliquum est, inquit Theocritus, mare vt ebibas: sic maxima tria (nempe terram, cœlum & mare) è conspectu sustuleris. Athen. eod. lib. 8.

Alexis poeta.

* Eum locutuleiis quibusdam ob edacitatem arguentibus, ac sciscitantibus quidnam libentissimè comederet, Spermiologos, inquit, tostos. Spermiologus & auem significat, & blateronem ac vaniloquum. Athen.

Stratonicus.

* A spectro Propide citharædo Rhodio, proceræ staturæ viro artis indocto, inepti paucique sermonis, interrogatus qualem esse illum existimaret, dixit, nullus, magnus, piscis, malus, obscure significas, primum quod esset homo nihili, deinde ampla quidem mole corporis, sed ob infantiam piscis, & prauis moribus. * Idem Mylassam urbem cum appulisset, delubra multa, homines paucos autem intuitus, in medio foro stans: clamabat, Audite templa. Athen. eod. lib.

Anacharsis.

* Accitis in conuiuium edoctis ad risum mouendum hominibus, solus omnium non risit: post autem adducta finia in risum solutus dixit, natura quidem animal illud esse ridiculum, homines autem arte & studio. Athen. lib. 14.

Pausan.

* Quum equum volutantem se pin-

gendum conduxisset, pinxit curren-
tem. Stomachante locatore, ridens
Pauson, tabulam inuerte dixit. Hic
quæ supra sunt infra cernes, & non
currere sed volutarividebitur equus.
Plut. li. de Pythiæ oracul.

Publius Syrus.

*Quum puer ad patronum domū
esset adductus, promeruit eum non
minus salibus & ingenio quam do-
ctrina. Nam fortè cum ille seruum
suum hydropicum iacentem in area
vidisset, increpuissetque, quid in sole
faceret? respondit Publius, Aquam
calefacit. * Ioculari deinde super
cœnam exorta quæstione, Quodnam
esset molestū otū: aliud alio opinan-
te, Publius, Podagrici pedes dixit.
Ob hæc & alia manumissus & maio-
re cura eruditus, mimos componere
cœpit. L. Cyraldus.

Bias.

*Conseruis demisso vultu mœren-
tibus, eo quòd iam à latronibus ca-
pti essent, animaduertens quendam
ex aspectu plus satis effeminatum ef-
se, accedens inquit, Tu me emito: vi-
ro enim opus habere videris. Ille ca-
uillo pudefactus, in turbam se abdi-
dit. Philo, lib. quod probus liber.

Diogenes.

*Dum venundaretur, in præconem
humiiacens iocabatur, ne ad præcep-
tum eius exurgere animum indu-
xit, sed ei insultans, Quid si piscem,
inquit, auctionareris? Plut. de tranq.
animi.

Philippus Macedo.

*Index sedens duorum facinoro-
forum: vnus, inquit, fugiat ex Macé-
donia, alter eum insectetur. Plut. in
apoph.

Aristippus.

*Petiit talentū à Dionysio, quum-
que rex redarguēdi occasionem na-

tus diceret, nōne tu prædicabas,
Philosophum non egeret? Da, inquit,
& postea de hoc disputabimus. Cum
accepisset pecuniam: An non, inquit,
rectè dixi, philosophum non egeret?
Non eget, qui quum opus est, habet
vnde accipiat. Laer. li. 2. c. 8.

Diogenes.

*Hoc adagio, scopum attingere,
festiuiter vsus est in puerum saxa in
patibulum iaculantē? Euge, inquit,
continges tandē aliquando scopum.
Eras. in Adag.

Idem.

*Festiuè suam Corintho Athenas,
ac denuo Corinthum Athenis mi-
grationem, contulit regis Persarum,
verè Susis, hyeme Babylone, æstate
apud Medos commorationibus. Plu-
tar. de virtutis profectu.

Democrates orator.

*Ascendens in pulpitem in con-
tione Atheniensium, dixit, Ego &
Athenienses, magnopere inflati, pa-
rum possumus. Plut. in politicis.

Hadrianus sophista.

Suprà, de Auaritia.

Ismenias.

Canebat in sacrificiis, quumque
non litaretur, is qui cōductus fuerat
arrep̄tis tibiis canebar ridiculè: &
hoc canente, litatum est. Incusantib.
autem iis qui aderant, Diomit̄us, in-
quit, contingit venustè canere. Hic
Ismenias ridens: At me, inquit, ca-
nente Dij voluprate capti, me mora-
bantur: te verò festinante illos abi-
gere, arripuere hostiam. Plutar. lib. 2.
Symposiacon.

Philoxenus.

Cœnans apud Dionysium, quum
animaduerneret regi appositum pi-
scem mullum insigni magnitudine,
quum ipsi appositus esset perpussil-
lus, pisciculum auribus admouit. Id
factum.

factum admiranti Dyonisio, cau-
samque percontanti, In manibus
inquit, est Galatea, de qua volebam
ex hoc quædam percontari: Verum
negat se per ætatem quicquam ad
huc scire, sed ait proavum suum istic
esse in tuo disco, qui multa posset
commemorare: si liceat colloqui.
Quo dicto rex facetam admonitio-
nem intelligens, misit illi suum mul-
lum. Eras. Rot. lib. 8. apoph.

Polemon.

Proconsul quidam torquebat præ-
donem: quumque dubitaret, quod
supplicij genus esset de illo sumptu-
rus. Polemon fortè superueniens: Iu-
be, inquit, illum ediscere veterum
scripta. Philostratus.

Anonymus.

Quum legatis nauigaturus in A-
siam, nauem conscendisset, & à quo-
dam interrogaretur, Num metue-
ret, ne naufragio eiectus à piscibus
deuoraretur? Quid, inquit, metuam
à piscibus, qui tot pisces deuorant?
Rot. lib. 8. apoph.

Fabius Max.

Cum Tarentum Hannibalis præ-
sidio firmatum expugnasset, Scribe
percontanti in direptione vrbs, quid
de templorum simulachris statuif-
set? Relinquamus, inquit, Tarenti-
nis iratos deos. Plutarc.

P. Licinius V. arus.

Africano illi maiori coronam sibi
in conuiuio ad caput accomodan-
ti, cum ea sæpius rumperetur: Noli
mirari, inquit, si non convenit, caput
enim magnum est. Cicer. lib. 2. de O-
ratore.

Cicero.

Suprà, de Ebrietate.

Mallius.

Serpilius Geminus cœnans apud
Lucium Mallium, qui Romæ pictor

insignis habebatur, quum videret fi-
lios illius deformes. Haud similiter,
inquit, Malli fingis & pingis. & Mal-
lius non mirum, inquit: in tenebris
enim fingo, luce pingo. Eras. lib. 6.
apoph.

Faustus Sylle F.

Cum soror eius eodem tempore
duos mœchos haberet. Fuluium Ful-
lonis filium, & Pompeium cognomine
Maculam: Miror, inquit, soror-
em meam habere Maculam, cum
Fullonem habeat. Macrobius lib. 2.
cap. 2. Satur.

Cicero.

Caninius Rebulus consul in Fa-
bij Maximi demortui locum à C. Iu-
lio Cæsare substitutus, cum per v-
nius diei spatium fuisset consul: Ci-
cero iocabundus dixisse fertur, Vi-
gilantem sanè habuimus consulem
qui in consulatu suo somnum nati-
quam vidit. Macrobius lib. 2. Satur-
nal.

Idem.

Præterea cum huc consulem con-
gratulandi gratia accederent multi
ex amicis, idem dixisse fertur: Matus-
remus, maturemus, inquam, vt ad
hominem ante finem sui consulatus
perueniamus. Plut.

Idem.

*Verrem Romani castratum por-
cum vocant. Cum autem Cæcilius
quidam, Iudæorum superstitioni
adhærens, Verri adhæreret, faceret
Cicero in eum iocatus dixit, Quid
Iudæo cum verre? Plutarch.

Hannibal.

Quum Minutius Hannibalis insi-
diis septus in summo esset periculo,
ne cum suis copiis periret Fabius
Maximus eius collega à monte mo-
uens exercitum, venit illi auxilio,
multisque trucidatis hostibus ipsum

eripuit. Quo facto, Hannibal Pœnorum dux ad suos dixisse fertur facitissime. Nonne vobis sæpenumero prædixi, futurum ut illa montana nubes nobis aliquando tempestatem immitteret? Plut.

Anonymus.

*Thessalus quidam interrogatus, Qui Theſſalorum eſſent placidiſſimi: Qui bello, inquit, deſuncti ſunt. Plut. de liber. inſt.

M. Lollius.

Videns Galbam eloquentiſſimum oratorem, omni corporis habitu carentem: Pro dolor, inquit, quàm male habitat Galbæ ingenium. Macrob. lib. 2. cap. 6. Satur.

Galba Paraſitus.

Cùm reprehenderetur, quòd otioſe viueret: Nemo, inquit, cogitur ut ſui otij reddat rationem, ſed laboris tantum tranſacti. Facere innuit, nullos tutius ac quietius viuere poſſe, quàm otio deditos: eo quòd facti ratio ab his nulla exigatur. Eraſt. lib. 8. apoph.

Lucullus.

Cn. Pompeius nō probabat in tuſculanō ædificatam à Lucullo villam, quod ea æſtiuæ quidem in habitationi accommodiſſima cùm eſſet, hybernæ tamen parum omnino proſpectum fuiſſet. Ad quæ iucundiſſimè magnæque feſtiuitate Lucullus: Num tibi, inquit, Pompei, minus habere cordis videor, quàm græſ. quàm ciconiæ, qui neſciant pro temporibus habitationem mutare? Pontanus.

Caffellius Iuriſc.

*Mercatori quemadmodum cùm ſocio nauem diuideret interroganti, reſpondit, Nauem ſi diuidis, nec tu nec ſocius habebitis. Macrob. lib. 2. Saturn. cap. 6.

Idem.

*Vatinius, cùm gladiatorum munus ederet, obtinuerat ut ædiles edicerent ne quis in arenam niſi pomum miſiſſe veller. Tunc Caſſellius conſultus, An nux pinea pomum eſſet? reſpondit, Si in vatinum miſſurus es, pomum eſt. Macrob. ibid.

M. Cræſſus Orator.

*Cùm teſtis quidam compellarus inſtare, Dic ergo, Cræſſe, qualem mereris? Talem, inquit, oſtendens in tabula, pictum inſacitissime Gallum exerentem linguam. Plin. libr. 35. capite 4.

Vatinius.

Cùm audiſſet Ciceronem gloriantem, ſe humeris reipub. de exilio reſportatum: Vnde ergo, inquit, tot tibi varices? Macrob. lib. 2. capite 3. Saturn.

Cicero.

Infrà de Honore momentaneo.

Idem.

Quærenti dein Vatiniò, quòd grauatus eſſet, domum ad ſe inſirmantem venire: reſpondit, Volui in conſulatu tuo venire ſed nox me comprehendit. Macrob.

Idem.

*Vatinius collo ſtrumoso ad tribunal quippiam petebat à Cicerone prætor. Quo non concedente, ſed diu conſulente: Equidem, inquit, ſi prætor ſim non dubitarem: tum conuerſus, Atqui ego, inquit Cicero, non habeo tantum collum. Plut. in Cic.

Idem.

*Voconio occurrens, qui ſecum ducebat tres inſigniter deformes filias, ſubmiſſe ad amicos dixit, Inuito Apolline ſeminauit liberos. Plutarch. in apoph.

Idem.

*Quum in ea prouincia quam

Quin-

Quintus frater rexerat, vidisset clypeatam fratris imaginem, ingentibus lineamentis vsque ad pectus pictam (erat autem Quintus ipse staturæ exiguæ) ait, frater meus dimidius est maior quam totus. Macrobi. lib. 2. Saturn.

Idem.

*Lentulū generum suum, exiguæ staturæ hominem oblōgo gladio accinctum videns, Quis, inquit, generum meum ad gladium alligauit? Macrobi. ibidem.

Idem.

Coenans apud Damasippum & ille mediocri vino posito diceret: Bibite salernum hoc, annorum quadraginta est: Bene, inquit Cicero, ætatem fert: iocosè delusoris verba & imposturas taxans. Macrobi. lib. 2. cap. 3. Saturn.

Idem.

Cum ei testem in iudicio Verris roganti dixisset Hortensius, Non intelligo hæc ænigmata: Atqui debet, inquit, cum Sphingem domihabeas. Acceperat autem ille à Verre Sphingem aeneam magnæ pecuniæ. Plutarch. in apoph.

Anonymus.

*Post Mutinensem fugam, quærentibus quid Antonius ageret, familiaris eius respondit: Quod canis in Ægypto, bibit & fugit. Quoniam in illis regionibus constat, canes metu crocodilorum exterritos, currere & bibere. Macrobi. lib. 2. Saturn. cap. 2. vide Adagium, ut canis à Nilo.

Mun. Plancus.

Infrà de mortuis non lædendis.

Anonymus.

Plancus cum in iudicio quodam molestum sibi testem destruere vellet, interrogat futorem quendam qui astabat, quonam artificio se tueretur. Qui urbanè respondit, Gallam subigo. Est autem galla futorium instrumentum, quod non infacetè in adulterij exprobrationem, quanquam obscurè conuertit. Nam Plancus in Mæuia Galla nupta male audiebat. Macrobius lib. 2. cap. 2. Saturn.

Orbilius.

Orbilius Grammaticus insignis, cum prodiisset in reum testis, interrogatus à Galba monstroso, quasi eius professionem ignoraret: Quidnam artis exerceret? Respondit facetissimè, In sole gibbos fricare soleo. Idem lib. 2. cap. 6.

L. Cæcilius.

Cum C. Cæsar aliis qui secum pila lusitabant, centena sestertia, illi autem vni quinquaginta dari iussisset: Quid ego, inquit, vna tantum manu ludo: & non duabus, ut plus habere possim? Ibidem.

Augustus Cæsar.

Cum inter Virgilium Maronem qui vbique suspirabundus obseruatus est, & Flaccum Horatium, qui oculorum lippitudine plurimum laborauit, confedisset, rogatus à quodam amicorum, quidnam ageret? Sedeo, inquit, inter suspiria & lachrymas. Sæcilius.

Idem.

Videns multos à Cassio Seuero accusatos absolui, cum architectus fori Augusti expectationem operis diutraharet: Vellem, inquit, Cassius &

meum forum accusasset. Macrobi. li. 2. cap. 4. Satur.

Idem.

Vectius cum monumentum patris exarasset, ait Augustus, Hoc est verè monumentum patris colere. Ibid.

Idem.

Audiens, inter pueros quos in Syria Herodes rex Iudæorum intra bimatum iussit interfici, filium quoque eius occisum, ait: Melius est Herodis porcum esse, quàm filium. Aludebat autem ad legem Iudæorum, quibus suilla caro prohibita erat. Macrobi. eodem loco.

Idem.

Exceptus à quodam cœna satis parca, & quasi quotidiana, cum cœna finita valedicens discederet, hoc insuffuravit: Non putabam me tibi familiarem. Ibidem.

Idem.

Vatinio in prima sua ætate eleganter etiam insultavit. Conuulsus enim ille podagra, volebat tamen videri discussisse vitium, & mille passus ambulare se gloriabatur. Cui Cæsar: Non miror, inquit, dies enim aliquando sunt longiores Macrobius eodem loco. Verùm hoc dictum Fabius Ciceroni tribuit.

Idem.

Relata ad Augustum æris alieni magnitudine, quam quidam eques Romanus, dum vixit, excedentem ducentis H. Scelauerat, culcitram emi cubicularem in eius auctione sibi iussit. Præceptum autem admirantibus, respondit: Habenda est ad somnum culcitra, in qua ille, cum tantum deberet, dormire potuit. Macrobi. lib. 2. cap. 4. Satur.

Julia Augusti F.

Cum in gladiatorum spectaculo iuuenibus quibusdam circumdare-

tur, reprehensa ob id à patre Augusto, iocosè respondit, Et hi mecum fenes fient. Macrobi. lib. 2. c. 5. Satur.

Eadem.

Cum grauem amicum audisset Iulia, suadentem, se melius facturam, si se composuisset ad exemplar paternæ frugalitatis, ait: Ille obliuiscitur Cæsarem se esse: ego verò memini me Cæsaris esse filiam. Macrobi. eodem loco.

Neron.

Audiens Claudum imperatorem (qui in deorum numerum ab adulatoribus relatus erat) boletum è medio sublatum esse: dixisse fertur, hactenus ignoravi, boletum deorum esse cibum. Dion Nicæus, & Xiphilinus in vita Claudij.

Vespasianus.

Cum paulò ante obitum suum cometam visum audiret, atque animaduertisset, quosdam esse qui mortis præfagium interpretarentur: Non mihi, inquit, sed regi Parthorū mortem portedit, ille enim comatus est, ego caluus sum Xiphilinus.

Idem.

Reprehendenti filio Tiro, quòd etiam urinæ vestigial commentus esset, pecuniam ex prima pensione adinoui ad nares, seiscitans, Num odore offenderetur: & illo negante: Atqui, inquit, è lotio est. Suet.

Antoninus Pius.

Antoninus Pius Romanorum imperator, cum Apollonium, quem Chalcidè acciuerat, ad Tiberinam domum, in qua habitabat, vocasset, ut ei M. Antoninum traderet, atque ille dixisset: Non magister ad discipulum debet venire, sed discipulus ad magistrum: risit eum, dicens: Facilius fuit Apollonio philosopho è Chalcide Romam venire, quàm è domo

domo sua in Palatium : Capitolinus,
& Cuspinianus in consulibus.

M. Antoninus.

Sentiens sibi venenum à medicis
in Commodi gratiam clam propina-
rum, Tribuno militum signum po-
stulanti, quàm facerissimè respondit
se fertur: Abi in orientem, ego enim
iam ad occasum comneo. Xiphili-
nus.

Vibius Crispus.

Is fuit Vitellij luxuriosissimi im-
peratoris familiaris, cum autem ob
nocturnas comestationes atque com-
potationes in tam grauem morbum
incidisset, vt ad tempus Vitelliano
conuiuio interesse nequiret, postquàm
parumper conualuisset, ad amicos fa-
cetè dixisse fertur: se omnino fuisse
periturum, si hoc tempore tam gra-
uiter non laborasset. Xiphilinus in
Vitellio.

Idem.

* Rogatus, equis esset cum Cæsare
in conclau? respondit, Ne musca
quidem. Ancipiti ioco Domitiani
consuetudinem notans, cui mos erat
quotidie sibi secretum horatium ca-
ptare, nec interim aliud ferè nihil a-
geret, nisi quòd muscas captas stilo
configeret. Eras. in adag.

Hadrianus.

Cionium Commodum, iam ado-
ptatum, cum prætura honorasset,
eundemque bis consulem designa-
set, videns hominem minus sanum
esse, sæpissime distitasse fertur: Bone
Deus, in quàm caducum parietem in-
clinauimus! Spartianus, & Cuspinia-
nus in Consulibus.

Iulius Gallus.

Iulius Gallus, Senecæ frater, cum
vidisset Agrippinam atque Neronè
Claudij Cæsaris mortem (cuius i-

psius authores, tamen dolosi, fue-
rant) simulatè deslere, Claudique
laudes decantare, dixisse fertur: A-
lios necatos in carcere, trahi à carni-
ficibus in forum magnis quibusdam
vncis, & deinde in fluium proiici:
Claudium verò in cælum vsque vn-
co à suis intersectoribus tractum es-
se. Xiphilinus in Claudio.

Satellius Quadratus.

* Caluio Sabino de seruorum
multitudine multa pecunia à se co-
empta glorianti dixit, Minori præ-
cio totidem scrinia emissas. Idem Sa-
binum vt luctaretur orabat: cùnque
ille diceret, Quomodo luctabor ho-
mo æger ac debilis, & vix viuere va-
lens? Noli quæso, inquit Quadratus,
hoc dicere: aspice quos seruos habes
robustissimos. Seneca, epist. 27.

Fridericus imper.

Friderico Romanorū imperatori
Amedæus dux Sabaudia (quem cle-
rus Basileæ congregatus, Eugenio
quarto à summo pontificatu deposti-
to, in illius locū suffecerat. Felicem-
que papam quintum vocauerat) fi-
liam, quam domi habebat viduam,
iuuenē & forma præstātem, in matri-
moniū obtulit, simulq; dotis nomine
auri nummūm ducenta millia, si Eu-
genio relicto, Petri successorem ap-
pellaret. Cæsar autem ad suos con-
uersus: Venderè, inquit, alij pontifi-
calia solent: hic libenter emat, si re-
periat venditorem. Aeneas Syluius
lib. 2. commentariorum de rebus ge-
stis Alphonfi.

Martianus.

Is Nouatianus episcopus, cum Sab-
bathum Iudæum Christianorum fa-
cris initiasset, hominēque nihilo-
minus Iudaicis deliramentis inhæ-
rere deprehendisset, quàm faceret di-

xisse fertur : Se multo melius fecisse si spinis, quàm Sabbatio, manum imposuisset. Nicephorus Callistus, lib. 12. Eccle. histor. cap. 31.

Basiliius magnus.

*Valens imperator vt eum à constantia & orthodoxæ fidei professione reuocaret, misit Demosthenem quendam hominem furibundum & audacem, qui cùm blasphemias in Basilium debaccharetur, barbarissimo quodam fortè lapsus est. Ad quod Basiliius risu exclamauit, vidimus & nos Demosthenem sine literis. Ad eum importunius oblatrantem ita obiurgauit, Tuum est de pulmentariis cogitare, & non diuina dogmata decoquere. Sozom. lib. 6. cap. 16.

Leontius.

Is episcopus Antiochenus, cùm videret Ecclesiam in doctrina dissentire, tangens caput suum iam canum fertur dixisse : Hac niue soluta, lutum cogetur immensum. Per hoc ostendens, quod ipso defuncto, illa discordia populo generaret seditionem. Tripartit. histor. libro 4. capite 35.

Sisinius.

Nouatianorum episcopus, interrogatus à quodam, cur episcopus iam factus, bis in die lauaret? facete respondit, Quia ter non possum. Niceph. Callist. libr. 12. Eccle. histor. cap. 12.

Idem.

*Leontius eum asperis verbis excipiens dicebat, Vos Nouatiani templum habere non debetis, cùm pœnitentiam tollatis : Atqui, respondit Sisinius, neminem ita pœnitet vt me. Illo, cuius rei? sciscitante : Quod te viderim inquit. Suidas Sozom.

Idem.

A quodam percontatus, cur can-

didam vestem gestaret, quæ episcopum vt aliena minus deceret? Respondit : Tibi ostendendum potius est, vbinam scriptum sit, quod episcopum pulla veste vt oporteat. Idem Niceph. libro 12. cap. 12. Eccle. hist.

Anonyma.

Anus quædã cùm vidisset Iouianum imperatorem forma quidem conspicium, sed proceritate atque crassitudine corporis excellentem, atque aliquantulum mente etiam captum, dixisse fertur : O dii immortales, quàm corpulenta est stultitia. Niceph. Callist. lib. 10. cap. vlt.

Ephraim Syrus.

Quum aliquando dies multos pro consuetudine sua ieiunio transegeret, & minister tempore cibum ei adferret accedit vt is ollam frangeret. Ephraim verò pudore iuxta & timore correptum illum videns : Bono, inquit, esto animo. Quandoquidẽ enim obsoniũ ad nos venire renuit. nos age ad id accedamus : & ad ollæ fragmenta concedens, comedit. Niceph. Callist. lib. 9. cap. 16. Eccle. hist.

Ludouicus Crassus Fr. rex.

*In prælio contra Anglorum regem Henricum, ab equite quodam vrgebatur. Eques apprehenso fræno equi regij captum esse regem exclamabat. Ludouicus exerto gladio equitẽ obtruncavit, dicens, At ne in latrunculorum quidem ludo rex solus capitur. Corrozetus, de dictis & factis memorab.

Nicolaus V. Pont. Rom.

Cùm ei renuntiatum esset quodam esse Romæ, qui bonos versus faceret : negauit bonos esse. Cur enim, inquit, ad me non veniunt, qui etiam poëtis malis pareo? Molestè tulit homo sapiens in vrbe sua esse,

se , qui literas scirent , & nescirentur. Hermolaus Barbarus in præfatione Castigationum suarum in Plinium.

Alphonsus.

Venationi admodum deditus cum percontaretur Antonium Panormitam , quinam Neapoli nobiles essent viri venandi studiosi , an item scriptores de natura canum aliquid prodidissent ? Quum tu , inquit Panormit. ad latus habeas rex , rerum harum omnium prudentissimum virum , ne aliunde quærites , quippe qui annos supra quadraginta cum hoc genere animalium sit ita conuersatus , vt notes quoque ipfas cum canicula cubitauerit : hic tibi & canum naturas describet , & illorum instituendorum artes tradere potest. Erat autem is eques Neapolitanus , quem honoris gratia non nominauerim. Cumque his dictis subrisisset : Antonius indicauit , sub caniculæ nomine vxorem illius significari , mulierem omnium clamosissimam , pariter & rabiosissimam. Pontanus.

Idem.

Dicebat , sibi videri eos maximè insanire , qui vxorem fugitiuam perquirerent. Significans , magnæ felicitatis esse ab improba muliere liberari. Eras. lib. 8. apoph.

Idem.

Cum audisset , Senenses , qui à bello Italico medij extrisissent , in naturam partium inclinantes , postea sedato bello diuisorum militum prædam esse , dixisse fertur , Senensibus euenisse , quod his solet qui mediam domum incolunt , vt ab inferioribus fumo , à supernè habitantibus vrina vexentur. Panormit. libro 4. de reb. gest. Alphonsi.

Idem.

Cum à Iacobo Alamano , homine quidem Christiano , sed Iudeis parentibus nato , diui Ioannis aureum simulachrum venale exhiberetur , quingentorum aureorum pretio coëmendum : Non tu sanè ineptus es , inquit , & maiorum rerum longè dissimilis , discipuli & seruuli imaginem tantum æstimās , cum illi Ioannis ipsius magistrum & dominum , & regem Iudeorum triginta non amplius denariis vendiderint ? Panor. lib. 1. de reb. gestis Alphonsi.

Idem.

De improbo efflagitatore qui nullum petendi finem faceret : Vereor , inquit , ne vxorem etiam demum meam petiturus sit. Ibidem.

Idem.

Iocabundus quispiam , vel tentabundus potius , cum dixisset , ad Alphonsum de somniis autem erat disputatio nocte præterita somniasse , dono se ab rege accepisse sacculum aureis grauidum. Alphonsus facete respondit : An ignoras , nullam esse Christiano homini fidem somniis habendam ? Pont.

Idem.

Cum audiret Trisponium iuriconsultum , qui deformosissimam habebat vxorem , trecentos aureos furto amisisse , ad amicos dixisse fertur : Trisponio melius esset , si fures vxorem quàm pecuniam abstulissent. Panor. de rebus gestis Alphonsi. lib. 1.

Anonymus.

Coloniæ Aggippinæ pictor quidam insignis , sed prodigius ac piger , & amator vini , quàm plures Christi imagines cauponibus pignori dedit , easque hoc pacto perdere quàm vendere ma-

luit. Interrogatus autem, cur non potius venderet? Ergo, inquit, me ludæum quàm Christianum esse maulitis. *Æn. Syl. l. i. comment. de reb. gest. Alphonfi.*

Anonymus.

Alexander, qui ex ducibus Maro-
uiæ erat, egregius bibulus, cum mor-
tem obiisset Viennæ, diemque illi
(ut vocant) tricesimum in templo
diui Stephani, cui præfuerat, canoni-
ci multique viri nobiles celebrarēt,
sacerdos quidam, qui sitibundus cel-
lam vinariam Præposituræ intraue-
rat, vidisse se inter dolia deambulan-
tem asserui, & ecclesiā reuersus, cū
orātes adhuc compresbyteros inue-
nisset, Quid hic Alexandro inferias
(inquit) agitis? Ille in suo templo læ-
tus agit bibitque, vos autem siti a-
rescitis. *Æn. Syl. l. i. commēt. de reb. gest. Alphonfi.*

Anonymus.

Quidam cum in tabernam venis-
set, ibidemque hospitis vxorem cū
ancillis plus satis rixantem, in pran-
dio ferre nequiret, hospes conuersus
ad hominem. Ecqua, inquit, hæc est
tua impatientia? duos ego & trigin-
ta nunc annos huius clamores & in-
faniæ dies noctesque pertuli, tu ve-
rò ne horam quidem eam ferre po-
tes? Quo dicto & hominis impatien-
tiam leniit, & vxorē ab ira in risum
commouit. *Adrian. Barilandus.*

Ludouicus undecimus Gal. rex.

* Audiens indoctum quendam in-
struētissimam habere bibliothecam,
dixit, Eum similem esse gibboso, qui
molem in dorso portans eam nun-
quam aspiceret. Corrozetus, de dict.
& fact. mem.

De fama bona.

Socrates.

ROgatus, quo pacto quis posset
honestam assequi famam? Si ra-
lis, inquit, esse studeas, qualis haberi
velis. Veluti si quis bonus tibicen ha-
beri cupiat, ea præstet oportet, quæ
à probatis tibicinibus fieri viderit.
Quemadmodum qui medendi est
imperitus, non video medicus est,
quod pro medico ascitus est, & vul-
go medicus appellatur, ita non sta-
tim princeps est, aut magistratus, qui
populi suffragiis declaratus sit, nisi
sciat artem gubernandæ ciuitatis. *E-
rasm. l. 3. apoph.*

Idem.

* Pulchritudinem famæ dicebat ci-
tò marcescere ex inuidia, ceu mor-
bo quodam. *Stob. ser. 38.*

Epictetus.

Interrogatus, quo pacto quis ho-
nestam famam assequi posset? re-
spondit, Si bene vis audire, discito
bene loqui: & cum bene loqui didi-
ceris, rectè facere conator, & hoc
modo bonam famam acquies. *Stob. serm. 3. de Temper.*

Idem.

* Si cupis, inquit, bene audire, dis-
ce bene dicere. Doctus autem bene
loqui, da operam ut rectè agas: atque
sic perfrueris bona fama. *Stob. serm. de virtute.*

Isocrates.

* Plus tibi curæ sit ut honestam
famam, quàm diuitias ingentes li-
beris relinquant. Nam hæ mortales
sunt, illa verò immortalis. *Stob. b. serm. 46.*

Age

Agessilaus.

Interrogatus, qua ratione potissimum quis assequi posset, ut apud homines honestam haberet famam? Si loquatur, inquit, quæ sunt optima, & faciat quæ sunt honestissima. Quid dici poterat breuius? ac rursus quid absolutius? Siquidem facis parta gloria, ut nō est vera gloria, ita nec diuturna est. Plut. in Lacon. apoph.

De fama & rumore falso.

Thales.

Interrogatus ab amico quodam, quantum veritas abesset à mendacio? Quantum, respondit oculi distant ab auribus. Voluit significare, ea non semper certa esse, quæ communi fama sparguntur in hominum ceterua. Fama quippe (ut Maro ait) mobilitate viget, virēsque acquirit eundo. quo fit, ut falsa multoties veritati adiungantur. Veriora igitur sunt ea quæ præsentibus oculis intuemur, quàm quæ ab aliis falsè relata audiemus. Eras. l. 8. apoph.

Strateles.

Quum de parta quadam victoria nuntium accepisset, protinus ad populum retulit: viiq; supplicatio diis immortalibus decerneretur persuasit. Aliquanto post, quum certior nullo indignantem acceptæ cladis populo quis, inquit, vestrum quicquā damni accepit, quod totum hoc triduum me opera hilares latique fuistis? Eras. l. 6. apoph. Fulgosus li. 4. cap. 18. ex Plutar.

Phocion.

Rumor cum incerto autore obortus esset de morte Alexātri Magni,

moxque Rhetores profilirent, hortantes Athenienses ut statim bellum susciperent: Phocion expectare iussit, donec certius aliquid cognosceretur. Nam, si inquit, hodie mortuus est, cras & perendie etiam mortuus erit. Grauius admonens, ne incertis rumoribus fiderent, & se temerè in summum periculum præcipitarent, Plut. in apoph.

De fame & siti.

Socrates.

Dicere solebat, Cibi condimentū esse famem, porionis sitim. Cicero lib. 5. Tusc. quæst.

Idem.

*Arbitrari se dicebat, idcirco suos homines effectos à Circe, quod famis & sitis impatientes. vario cibo & potu nutriuisset. Vlysses autem partim Mercurij consilio, partim abstinencia sua, hoc periculo se exemisse. Xenoph. libr. 1. de dict. & fact. Socratis.

Diogenes.

In foro manibus operās, Vinam, inquit, liceret sic perfricato ventre non esurire. Brus. l. 2. c. 41

Anonymus.

Apud Laconas ius, quod nigrum vocabāt, cum maximè celebraretur, fertur Dionysius tyrānus, iuris ipsius gratia Laconicum emisse seruum. Et iussisse id sibi præparari, nulla impensa habita ratione, sed quum gustasset, indignabundus expuisse dicitur. Tum verò coquus, ô rex, inquit, hoc ius tibi sumendum est, cum te Laconicè exercueris, in Eurotāque laueris. Brus. lib. 2. c. 41. ex Cicer. l. 5. Tusc. quæst.

Antiphanes

*Dicebat famem omnia dulcia reddere præter seipsam: & paupertatem mortem esse magistram. Stob. ser. 93. vide apoph. de paupertate.

Darius.

In fuga cum aquam turbidam, & cadaveribus inquinatam bibisset, negavit unquam se bibisse iucundius. Nunquam autem, vel perraro sitiens biberat. Cicer. libro 3. Tuscul. quaest.

Artaxerxes.

Artaxerxes quum in fuga quadam directo illius comestu, aridis ficis & hordeaceo pane vesceretur: Dij boni, inquit, cuiusmodi voluptatis haec teneas in expertus fui? Plut. in Reg. & imp. apoph.

Idem.

Artaxerxi iam sit deficiente. Peribarzanes eunuchus, quum aliud non liceret, à rustico quopiam sordidum utrem detulit, putris aquae cotilas ostento continentem, eam aquam cum rex ebibisset, se nunquam vinum potasse iucundius, nec ullam aquam quamvis purissimum sibi visam suaviorem, confessus est. Eras. libro 5. apoph.

Lysimachus.

Lysimachus superatus à Dromichete in Thracia, quum seipsum totumque exercitum propter sitim tradidisset, Postquam captivus bibisset: O dij, inquit, quam parvae voluptatis causa me ipsum ex rege servum effeci. Brusl. l. 7. c. 6. ex Plut.

Ptolemaeus Lagi F.

Quum peragranti Aegyptum, comitibus non consequutis, cibarius in casa panis datus esset, negavit ullum cibum unquam sibi visum suaviorem. Aderat enim optimum condimentum, fames. Erasim. l. 6. apoph. Cicero

libro 5. Tuscul. quaest.

Stratonicus.

Ad quietem iturus, assidue iubebat puerum sibi infundere vinum: Non quod sitiam, inquit, sed ne sitiam. Athenaeus.

C. Marius.

Quum castra metatus esset adversus Teutonas, in loco qui minimum habebat aquae, militibus dicentibus se sitire, ostendit illis flumen proximè hostium vallum lambens, Illinc inquit, nobis potus sanguine venalis est. At illi iusserunt, ut se quod vellet duceret, donec liquidum haberent sanguinem, nec totus adhuc praesiti diriguisset. Plut. in Rom. apoph.

M. Cato.

In oratione quam habuit ad populum tumultuantem de frumento dividendo, ait Perdifficile esse, ad carentem auribus ventrem verba facere. Venter quippe cibi avidus, precepta non audit. Plut. in Catone.

Iul. Caesar.

Dicere solitus est, sibi idem esse consilium adversus hostem, quod plebisque medicis contra morbos corporum, fame potius, quam ferro superandi. Nam medici non nisi tentatis omnibus, ad sectionem descendunt. Hic mos & hodie manet apud Italos: adversus omne morbi genus iudicant inedia. Huic simile est, quod dicere solebat Dominus Corbulo, hostem dolabra, id est, sensim esse vincendum. Securis statim incidit, dolabra paulatim idem efficit. Eras. l. 4. apoph.

Alphonsus.

Videns rusticum quendam humi prostratum vas comedentem animal, ad suos conuersus: Vtinam mihi, inquit, isto otio comedere Dij dedissent, Panor. li. 2. de reb. gest. Alphonsi. De-

De familiaritate.

Lacides.

A Ccerfitus ab Attalo rege, respōdit, imagines eminus esse spectandas. Inquens, arctam assiduamq; familiaritatem sæpe minuere virtutis admirationem Laër. l. 4. c. 8.

Cato Vticensis.

Munatio querenti, quòd in Cypro Catonem audiens parum civiliter repulsus esset, quam nihil esset negotij sed intus cum Canidio fabularetur: sic se purgavit Cato, vt diceret, Se vereri, ne iuxta Theophrasti sententiam, nimia amicitia causam aliquando daret odio. Eras. l. 5. apoph.

De fastu.

Diogenes.

F Astus (inquit) tanquam pastor quoquo libet vulgus hominum ducit. Stob. ser. 22.

Diogenes.

Inuifens Platonem aduersa valedudine laborantem, ac visa pelui inquam vomuerat: Bilem, inquit, Platonis video fastum non video. Solebat enim quemadmodum Diogenes, Platonis arrogantiam notare. Itaque quum in pompa quadã equestri, quidam equus crebro hinnitu ferociãque spiritus excelsus testaretur, eòq; vehemēter à Platone laudaretur, verfus ad Platonem: Videris, inquit, & tu bonus equus futurus. Laër. l. 6. c. 1.

Plato.

* Dicebat, sicut aerem ex vtribus quippiã infusuri exigunt: sic exhauriendam ex animis iuuenum falsam opinionem & fastum. secus enim fastu turgētes, nihil boni aut solidi admittunt. Stob.

Demetrius Phalerens.

Hominum fastuosorum sublimitatem dicebat amputandam, & relinquendam sobrietatem. Talia enim ingenia non sunt desperanda, sed quod redundat, recidendum est. Laërtius l. 5. c. 5.

Vide apoph. de Arrogantia, & Superbia.

De fato.

Thales.

Interrogatus, quid in tota rerum natura esset robustissimum? respondit, Fatum, cuncta enim superat. Laër. lib. 1. cap. 1.

Solon.

* Dicebat, statum mortalibus adducere mortalibus mala simul & bona. Stob. ser. 9. Sacra autem philosophia asserit, mala ex peccato, bona ex Dei gratia oriri.

T. Vespasianus.

Quum à duobus clarissimi ordinis esset in ipsum coniuratum, ac facinus eò processisset, vt iam inficiari non possent, deduxit illos in spectaculum, atque inter illos medius confedit, ac petitis de industria mirilionum gladiis, velut exploraturus aciem, vnum vni, & alterum alteri commisit, rãquam prouocans ad id quod moliebantur. Illis autem perculsis, & animi præsentiã admirantibus. Videtisne, inquit, principatum fato dari, frustrãque tentari facinus potiundi spe, vel amittendi metu? Eras. lib. 8. apoph.

Ascletrario.

Ascletrario mathematicus à Domitiano imperatore interrogatus, quis exitus vitæ ipsum expectaret? firmavit, fore vt breui laceraretur à canib. Domitianus igitur è vestigio inter-

fici illum imperat, atque accuratissime sepeliri, ad artis derisionem. Sed repentina tempestate deiecto funere, semivivum cadauer canes discernerunt, Brus. l. 2. c. 38.

Cosmus Flor. duce.

Alphonso Aragonum regi male pacatus, vir, alioqui magnus & illustris, cum Alphonso dono mitteret Titi Livij libros utique præclaros; reclamatum est à medicis, qui aderant, ne per immortales deos librum attrectaret, ab hoste missum, veneni suspectum. Rex prima facie visus est, medicis assentiri, illis animo illudens. Nam cum Livius in medio constitutus esset, illum manibus accepit, legit & evolvit. Subinde medicos, qui continue aduersarentur, rogans, ut desinerent ineptire. Regum quidem animas non priuatorum libidini subiectas esse, sed sub Dei cura & tutela, sacras lætāsque agere, inquiens. Panor. l. 6. de reb. gest. Alphonfi.

De fauore.

Orontes.

ARtaxerxis regis gener, quum ab irato rege reiectus, & condemnatus esset: Quemadmodum, inquit, supputatorum digiti nunc infinitum numerum, nunc vnum tantum possunt ponere: sic regum amici nunc quiduis pollent, nunc quam minimum. Olim digitis subducebatur ratio, quemadmodum nunc calculis. Plut. in apoph. Regum.

Solon.

Suprà titulo de Amicitia regum & principum.

Iul. Cesar.

Postquam Publius Mimis in scena superasset omnes, & in his Laberium, ita pronuntiavit: Fauente tibi

Cæsare victus es Laberi à Syro. Publius enim conditione seruus, natione Syrus erat. Longè à tergo relinquitur, qui fauente iudice superatur. Eras. l. apoph.

De fauore, arte & largitionibus captato.

Dionysius iunior.

SE multos quidem alere liberalium artium doctores dicebat, non quòd illos admiraretur, sed quia per illos ipse aliis admirationi esse vellet. Seiebat, populū de illis, tanquam de viris ornatissimis, magnifice sentire, & hac persuatione callide abutebatur. ad conciliandum sibi multitudinis fauorem. Simili arte hodie fortassis principes quidā alunt in palatiis suis viros eruditionis & sanctitatis opinionione venerabiles, ut populus arbitretur horum consiliis geri pleraque. Eras. li. 5. apoph. ex reg. & imp. apoph.

Darius.

Suprà de Clementia, & infrà de regno virtute stabiliendo.

Philippus.

Alexander Magnus cum fauorem suorum ciuium sibi conciliare cuperet, largitionibus eos corrupit. Verum cum hæc fama ad Philippum parentē delata esset, filiū illico accersit, & grauiter his verbis obiurgauit: Quæ te malū, & fili, ratio in istam spem induxit, ut eos putes tibi fauere, quos pecunia tibi deuinxisti? Plut. in apoph.

Glaucia & Libo.

Celebratur Glaucia dictum in Metellum, Villam habes in Tiburte, cortem in palatio. At cors villæ solet esse contigua. Notauit autem illud, quòd multos sibi cibo largitionibusque deuinciret. Idem aliis verbis

verbis Libo obiecit Galbæ. In corte aluntur animalia domestica. Eras. li. 6. apoph.

Anonymus.

Quidam dixit, eum qui primus populo Romano dedit epulum & congiarium, exitij causam illi fuisse. Vnde Cæsar Augustus cogitavit aliquando de tollendis huiusmodi largitionibus. Insincerus fauor est, qui donis emittitur: quæ si minuas, ingens murmur: si tollas, seditio grauius oritur. Eras. l. 6. apoph.

Consule apoph. de Benignitate, & Beneuolentia, Humanitate, &c.

De feriis & diebus festis.

Diogenes.

Lacedæmone peregrinum quendam cōspiciens sese studiosè ad festam diem componentem: Quid facis, inquit? An non quilibet dies viro bono festus est? Sensit, hunc mundum esse phanum Deo dignum, in quo constitutus homo semper honestè, velut in conspecta numinis omniacernētis, versari deberet. Detorsit huc proverbium quo dicitur, Pigris semper esse festum. Laer. l. 6.

Antisthenes.

Interrogatus, quid esset dies festus? Gulæ irritamentum, & luxuriæ occasionem esse dixit. Stob. & Max. serm. 27. Antonius in Melissa, part. 1. serm. 39.

De fide seruanda.

Anaxarchus.

Cum à Nicocreonte grauius torqueretur, vt confcius proderet, post multa in tyrannum conuitia, linguam sibi ipsi dentibus abscidit,

commanducatam in tyranni faciem expuit, his prius verbis emissis: Non erit hæc corporis pars tuæ ditionis. Voluit vir constantissimus, potius sibi ipsi amputare linguam, & perire penitus, quàm non seruare silentij fidem. Laer. l. 9. ca. 10.

Zeno Eleates.

Accusatus quod in perniciē Nearchi tyranni coniurasset, ductus ad tormenta vt coniuratos proderet, indicauit eos qui tyranno omniū amicissimi erant, neglectis consciis: qui postquam pœnas dedissent, interrogatus à tyranno, num quis præterea occidendus superesset? Tu solus, inquit, Reipub. pernicies superes, quibus dictis, dentibus linguam abscidit, & in tyranni faciem expuit. Maluit enim mori quàm indicare eos qui occiso tyranno saluam cuperent esse rempublicam. Laer. li. 9. c. 5.

Eurycratidas.

Percontanti cur Ephori per singulos dies de conuentis & contractibus ius dicerent? Vt inter hostes etiam, inquit, mutuam fidem inueniamus. Maiore Reipublicæ discrimine pacta violantur in bellis: sed illic quoque violantur ab his, qui domi consueuerint fallere. Plut. in Laonicis apoph.

Alexander.

Quidam cum rupem teneret inexpugnabilem, vt putabatur, semet Alexandro dedit: at Alexāder non solum eius ditionis principem esse iussit, verum etiam addidit, dicens: Hic homo mihi videtur sapere, qui se maluit bono viro, quàm loco munito credere. Et sic fidem hosti sanctissimè seruare voluit. Plutarch. in apoph.

Hanno & Ro. Cos.

Amissa nauium classe prope Sici-

liam insulā omnium fertilissimam, Carthaginenses de pace cum Romanis ineunda consultabant. Hamilcar cum negaret se iturum esse ad consules Romanos, timens ne idem accideret ipsi à populo Romano, quod Pœni fecerant Cornelio Asinæ consuli Romano (qui contra ius gentium catenis vinctus est) Hanno fidem Romanorum considerans, profectus est in urbem ut pacem impetraret, qui dum liberius legationis suæ rationes exposuisset, à tribuno audiuit: illi posse accidere, quod accidisset Cornelio consuli. Verum cum vterque consul tribunum compescuisset, responderunt: isto metu Hanno te fides nostræ ciuitatis liberat. Eras. lib. 6. apoph.

Fabricius.

Pugnaturus contra Pyrrhum regem, à medico regis epistolam accepit, qua promittebat se regem veneno necaturū esse, si iuberet. Verum eam epistolam misit Fabricius ad hostem crudelissimum, & admonuit ut sibi caueret ab insidiis potius amicorum quam hostium. Quis non admiraretur Fabricij erga hostem immanissimum fidem, quem amicis monuit ut tutē periculum euitaret? Secus faciunt hodie duces, qui clam insidias hostibus struunt, contra iustitiam, fidem & omnem æquitatem, ut victores etiam ex coempta victoria domum gloriabundi redeant. Valerius Maxim.

Cicero.

Dicente illi Metello, plures testimonio peremisti, quam patrociniio seruasti. Nempe, inquit Cicero, plus est mihi fidei quam eloquentiæ. Plut.

Pontius Centurio.

Captus à Pompeij focero Scipione, cum isto modo ei salus daretur,

si se futurum Cn. Pompeij militem affirmasset, ita respondit: Tibi quidem Scipio gratias ago, sed mihi iniusta conditione vitæ non est opus. Maluit autem Pontius mori, quam fidem Cæsari datam frangere. Brufon. lib. 2. cap. 35.

Alphonsus.

Sæpenumero dicere solitus est: Tantum valere ad fidē debere principum verbum simplex, quantum priuatorū hominum iusiurandum. Turpissimum enim est fidem fallere, in regibus verò longē turpius. Pan. lib. 1. de Alphonsi reb. gest.

De fiducia sui.

Themistocles.

Cum Eurybiades baculum sustulisset in Themistoclem obstrepentem: Percute, inquit, sed tamen audi. Præsens animus, & suo fidens consilio. Plut. in Græc. apoph.

Epaminondas.

Postquam Alexandrorum Pheræorum tyrannum Thebanis inensum, Athenienses sibi fecissent amicum ac socium, isque polliceretur illis, se perfecturum ut minam carniū emerent semibolo: videlicet significans, se immensum numerum pecudum ac iumentorum adducturum ē præda: Epaminondas, At nos, inquit, Atheniēsis ad coquēdas istas carnes ligna gratis suppeditabimus. Nā sylvas ipsorū succidemus, si se plus satis admisceant nostris negotiis. Plut. in apoph.

Xerxes.

Cum importarentur ad eum Atticæ cariæ venales, negavit se illas efferum, donec regione potius esset, quæ

quæ illas ferret. Tam ingens erat excelsi pectoris fiducia. Plut. in apoph.

Fabritius.

Pyrrho hortanti ut apud se ageret, imperij socius futurus: Ne tibi quidem istuc expedierit, inquit. Nam si Epiroræ nostrum utrumque pernoctant, mihi regi quam tibi parere malent. Plut. in apoph.

Scipio Maior.

Cum obsideret oppidum humili locosum, prominente illinc Veneris templo, iussit illuc profiteri vadimonia, tamquam tertio post die ius ibi redditurus. Et quod se facturum prædixit, fecit vrbe capta, tanta erat fiducia victoriæ. Plut. in apoph.

Sylla.

Cum ad sociale bellum magnis cum copiis missus esset circa Limernam, è vasto terræ hiatu magnus ignis emicuit, cuius flamma ad cælum perueniens constitit. Id vates interpretati sunt, quod vir bonus, aspectu eximius & admirandus principatum adeptus, præsentibus turpis ciuitatem liberaturus esset. Hoc audito Sylla. Ille, inquit, ego sum. Nam illi erat peculiarare, comam habere auream, ignisque concolorem: nec se ait suæ virtutis pudere, qui res tam multas, tamque præclaras gessisset. Plutarch. in Sylla.

Idem.

Cum Athenienses ad eum duos tresque misissent de pace acturos, atque illi nihil adferrent quod ad incolumitatem ciuitatis faceret, sed Theseum, Eumolpum, & res aduersus Medos gestas verbis inaoibus iactarent. Abire, inquit, o beati, istasque orationes vobiscum referre, non enim discendi cupidus huc missus sum à populo Romano, sed ut rebelles subuertam. Plut. in Sylla.

M. Crassus, & Parth. legati.

Cum Parthi denuntiassent Crasso per legatos, ut suæ ætati consulens, à bello abstineret, iam sexagenarius, respondit: in Seleucia istis mandatis responsum dabimus. Hic Agidis legatorum vnus, sublata manu mediam palmam ostendens: Prius, inquit, in hac manu nascentur setæ, quam tibi Seleuciam conspiciendi sit futura potestas. Plutarchus in Crasso.

Iul. Cæsar.

Cum Romæ maximi pontificis dignitatem ambiret, competitore Qu. Catulo, primæ apud Romanos dignitatis ac potentie viro, matri ipsum ad fores deducendi: Hodie, inquit, o mater, aut pontificem maximum habebis filium, aut exulem. Excelsa indoles, omnisque repulsæ impatiens. Plutarchus in Roman. apoph.

Pompeius.

Quibusdam se videre negantibus quomodo posset Cæsaris impetum sustinere, hilari vultu vetuit illos hac de re esse sollicito. Nam simulac, inquit, solum Italiæ pede pulsauero, exilient affatim equestres pedestresque copie. Præfens quidem animus, si fortuna respondisset. Plutarch.

Anonymus.

Maximicus quum nimium fideret corporis viribus, quidam in theatro ipso præsentem Græcos versas recitauit, quorum hæc est sententia:

Elephas grandis est, & occiditur.

Leo fortis est, & occiditur.

Tigris fortis est, & occiditur.

Cave multos, si singulis non times.

Qui ab vno non potest occidi, à multis occiditur, Capitolinus.

De fiducia artis.

Antigenidas.

Cum scitè canens populo minus probaretur: Mihi, inquit, cano & Musis. admonens, prorsus esse contemnendum imperitæ multitudinis iudicium, quum artis abundè magnum præmium sit ipsa conscientia. Eras. l. 6. apoph.

Anacharsis.

Cum ex patria Athenas ideo profectus esset, ut apud Solonem philosophiæ studiis animum excoleret: reuersus in patriam, leges Scytharum iuxta consuetudines Græcorum formare voluit, ob quam causam à fratre in Venatione occisus est. Verum cum iam moreretur, in hæc verba prorupit: Ego ob eruditionem meam incolumis è Græcia dimissus sum, & nunc per inuidiam, in propria mea patria trucidor miser. Laërt. libro. 1. cap. 9.

Euripides.

Quum populus Atheniensis tumultuaretur, offensus sententia quadam in illius tragœdia, quæ tum agebatur & authorè efflagitaret ut eam mutarem, progressus in scenâ dixit, Se ut populum doceret, non ut ab eo disceret, fabulas solere componere. Eruditio sibi conscia cõtēmpsit multitudinis iudicium. Eras. l. 6. apoph.

Idem.

Apud Alcestidem tragœdiarum scriptorem aliquando questus est, quod summo tridui labore adnixus, non potuisset nisi tres versus soluere. Cõtã Alcestidi glorianti, quod ipse perfacilè centum absoluisset vno die: At tui, inquit, ad triduum modo mei in omne æuū duraturi sunt. Eras. l. 6. apoph.

Collige quedam huc spectantia, de Eruditionis fructu.

De fiducia & abusu Potestatis.

Dionysius.

Cum obiurgaret filium, quod cuiusdam Syracusani vxorem stuprasset, cum hoc tam indignum facinus à parète suo nunquam vel vidisset, vel audiuisset etiam ab aliis: respondit filius: Verum est pater, hoc abs te nunquam audiui: sed id accidit, quod nunquam patrem regem habuisti. Ad quem pater: Nec tu quidem mi fili, nisi hæc facere debueras, vnquam habebis filium regem. Quod mox contigit. Nam cum Dionysio seniori filius successisset, haud multa pòst ob indigna facinora Syracusis pulsus est. Fulgosus libro 7. cap. 2.

Antoninus imp.

Cum pecuniam multam partim à plebe, partim etiam à senatoribus minus atque vi extortam profudisset, obiurgatus à matre, quæ aliquam pecuniæ partem in alium vsum conferre conabatur: Desine, inquit, sollicita esse de pecunia, & ostendens gladium nudatum: Quamdiu hunc habebimus, nihil deerit nobis. Fretus enim sua potentia, nihil in toto imperio esse sibi ipsi persuadebat. quod armata manu rapere non posset Dion Nicæus, & Xiphilinus in Antonino.

Idem.

Idè quum propter nefaria quedam facinora se à senatu contemni animaduerneret: Certo, inquit, scio vos rebus à me gestis minimè contentos

rentos fore: propterea in armis sum, habeoque apud me milites, ut possim rumores, qui sparguntur de me, contemnere. Dion, & Xiphilinus.

*De senectutis fiducia, vide apoph.
de Senectute.*

De fiducia meritorum.

Socrates.

QUUM iudices inter se discrepant, qua poena dignus esset Socrates: Ego, inquit, ob ea quae feci dignum me censeo, qui ex publico alar in Prytaneo. Nam hoc honoris habere solebant, qui praeclare de Republica fuissent meriti. Cicero lib. 1. de Oratore.

Epaninondas,

QUUM Lacedaemone reuersus, cum suis commilitonibus capitis postularetur, eo quod praeter legem Boeotiae praefecturae menses quatuor addidisset, iussit ut duces in ipsum reiicerent crimen, tanquam vi compulsi. Ipse autem pro se dixit, non habere se sermones factis meliores. Sentiens, ipsas res gestas reo patrocinari debere. Quod si, inquit, omnino aliquid dicendum est apud iudices, peto ut cum me occiderint, columnae damnationis titulum ascribant, quo Graeci videant, quod Epaninondas Thebanos nolentes coegerit, Laconicam, quae per quingentos annos capi non poterat ac Messenam incoluerat, annis 230. igni ferroque populari: tum Arcades inter se consiliare resque illorum componere: denique Graecos libertati restituere: Haec enim omnia sub ipso gesta erant. His auditis, discesserunt iudices, & calculos de illo ferre non potuerunt. Plut. in apoph.

Scipio maior.

Scipioni Senatus decreuerat, ut pecunias sumeret ex aëario, at quum quaestores aëarii negarent se eo die aperturos, ipse (inquit Scipio) aperiam, quando mea causa clauditur, qui tanta pecuniarum vi repleuerim aëarium. Vacua non clauduntur, ideo Scipio per iocum dicebat, sibi hoc laboris suscipiendum, ut aperiret, qui fuisset in causa ut tam diligenter clauderetur, ut quaestores diei spatium quaererent ad recludendum. Exemplum ingentis fiduciae meritis quaesita. Plut. in apoph.

Idem.

Quum à Perilio & Quinto tribuno pleb. multis nominibus accusaretur apud populum Romanum, nihil ad crimina respondit, tantum hoc dixit: Hac die Quirites Hannibalem & Charthaginem deuici, proinde ascendo in Capitolium Ioui opt. maximi. sacrificaturus. Si quis de me suffragium ferre velit, ferat. Haec loquutus, ascendebat ad Capitolium, relictis accusatoribus, nondum perorata causa. Tantum ualeat egregiorum in rempublicam meritorum fiducia, ut repente iudicii vigor versus sit in orationem, & reus pro supplice egerit triumphantem Plut. in apoph. & Plin. iunior. de Viris illustribus.

De filiis, siue liberis.

Agésilaeus.

CUM miro esset affectu erga liberos suos, dicitur aliquando arundine pro equo conscensa, una cum pueris luisse domi. Id ex amicis illius quodam vidente, rogauit,

R

ne cui hoc quod viderat diceret, priusquam ipse quoque liberorum parens factus esset. Festinè subindicans, eum lusum nequaquam leuitatis, sed amoris fuisse. Plut. in Lacon. apoph.

Cræsus.

Quum Cambyfes se cum patre Cyro conferret, amicis, illum patre præstantiorem affirmantibus: Cræsus respondit, illum nondum patri æquandum, qui nondum reliquisset filium. Sentiens, & hoc esse non infimum erga rempublicam meritum, si non solum ipse te præstitieris egregium virum, sed aliquem tui similem gignas, educésque patriæ. E-rasm. lib. 6. apoph.

Cæsar.

Quum Romæ videret peregrinos quosdam locupletes, canum ac simiarum catulos in gremio circumferentes, eosque habere in deliciis, percontatus est. Num apud illos fœminæ parerēt liberos. Sentiens, nullos catulos esse iucundiores infantibus. Plut. in vita Periclis, tametsi non indicat, cuius Cæsaris hoc dictum sit: suspicor esse Augusti.

Antoninus Pius.

Biduo priusquam moreretur, admissis amicis, aperuit sententiam suam de filio, eandem quam Philippus de Alexandro, dicens: Se æquo animo mori, cum filium relinqueret. Capitolinus.

De filiorum pietate in parentes.

Thales.

Filios subinde admonerat, ut parentibus bene faceret, his verbis:

Quale præmium rependeris parentibus tuis, tale à liberis tuis expectato, Laert. lib. 1.

Putacus.

Filium admonens, ne cum patre in iudicio litigaret, his verbis usus est, Si patre iniquiora dixeris: damna beris: sin æquiora, vel ob istud daminari dignus es. Stob. ser. 177.

Telecrus.

Cuidam nuntianti, patrem de eo malè loqui: Nisi inquit, illi dicendum esset, haudquaquam diceret Maluit in se trāsferre culpam, quam committere ut pater quicquam temere loqui videretur. Habes & pietatis simul & modestiæ exemplum. Plut. in Lacon.

Idem.

Percontanti, quare mos esset apud Spartanos, ut iuvenes assurgant senioribus: Ut, inquit, assueri honorem habere nulla propinquitate iunctis, magis honorent parentes. Optima ratio consuefaciendi ad debitum officium, si vltra quam debetur doceamur præstandum. Veluti si quis assuescat cum vxore verecundè castèque conuivere, multò minus improbus erit apud alienas. Plut. in Lacon.

Agis.

Agidem vltimum regem Lacorum huius nominis, cum rogassent parentes, ut sibi in re quapiam iniuste adesset, recusauit aliis aliquandiu. Verum cum instarent, hunc in modum respondit: Donec essem apud vos, nullum omnino tenebam iustitiæ scientiam. Verum vbi me patriæ tradidistis, patriæq; legibus, conabor huic magis obtemperare quam vobis. Plut. in Laco. apoph.

Scythæ.

Dario totius regni viribus subinde im-

de impetum faciente, Scythæ paulatim cedentes, ad vltimas solitudines peruenerant. Interrogati tandem ab eo, quem fugiendi finem essent facturi? responderunt se nec agros, nec villas, nec vrbes, pro quibus dimicarent, habere: cæterum cum ad parētum suorum monumenta peruentum esset, tum deniq; scitum Darium, quomodo Scythæ solerent præliari. *Eras. 6. apoph.*

Alexander.

Cum sibi multa de matre scripsisset Antipater: Ignorat, inquit, Antipater matris vnica lachrymā multarum calumniarum epistolas delaturam esse. *Plut.*

Demetrius Phalereus.

Admonebat adolescentes, vt in solitudine seipsos, in via obuios, & domi parentes diligenter reuerentur *Laert. lib. 5. cap. 5.*

Epaninondas.

Ex omnibus quæ præclare & honestè gessisset in vita illud sibi dicebat esse iucundissimum, quod utroque parente viuo Leuctrica pugna vicisset Lacedæmonios. Vir pius non tam sibi gratulatus est eam obtigisse gloriam, quàm hanc voluptatem ex se contigisse his, quibus vitam suam acceptam ferebat. *Plutarch. in apoph.*

M. Cato.

Adolescens quidam patris vita defuncti inimicum mox in ius vocauit, vltutque est. quem Cato obuium comiter amplexus, Sic oportet, inquit. non agnis hædisve, sed è malorum lachrymis ac damnationibus parentum exequias celebrare. *Eras. lib. 5. apoph.*

Coriolanus.

Cum meritò iratus ingrato populo Romano, exitium vrbi molire-

tur, nec à legatis, nec à sacerdotibus exorari posset: Veturia mater vnà cum vxore filij ac liberis in castra venit. In cuius complexum quum accederet Coriolanus: Sine, inquit illa, prius sciam, vtrum ad hostem an ad filium venerim, & vtrum capriua an mater in castris tuis sim. Hęc aliàque quum dixisset, matrem complexus: Expugnasti, inquit, & vixisti iram meam. Patria te, quamuis mihi merito inuisam, huius precibus dono. *Liuius.*

Anton. Geta.

Quum Antonini Getae pater Seuerus destinasset omnes diuersarum partium occidere, inter suos dicere solitus est: Hostes vobis eripio, ad consentiente Bassiano, vt liberos etiam illorum suaderet necari, Geta puer interrogauit, quantus esset occidendorum numerus? eum quum pater edidisset, rogauit, num isti haberent parentes ac propinquos? quum responsum esset, Habere, & quidem multos: Plures ergo, inquit, in ciuitate tristes futuri sunt, quàm læti, quod vicinus. Valuisset corda tum pueri dictum, nisi quorundam crudelitas obstitisset. *Ælius Spartianus.*

De filiorum impietate in parentes.

Solon.

Interrogatus, cur nullas leges aduersus eos qui parentes verberassent constituisset: Quod nullos, inquit, tales existituros existimabam. *Anto. in Melissa, parte 2. ser. 11. Max. sermone 23.*

Diogenes.

Ad eum qui patrem despiciebat:

R ij

Non te pudet, inquit, eum contemnere, cui debes hoc ipsum quod tibi places? Disti gratia sita est in allusione contrariorum. Pugnant inter sese, despectui esse, & sibi placere. Laert. lib. 6.

Plato.

Videns quendam erga patrem suū fastuosius agere: Non defines, inquit, adolescens illum contemnere, cuius gratia altum sapere vis? Stob. ser. 77. & Max. ser. 33.

De filiorum abdicatione.

Aristippus.

Incusante quodam, quod filium sic abiiceret, negligeretque, quasi ex ipso natus non esset: An non, inquit, & pituitam & pediculos ē nobis natos, velut inutiles, procul ā nobis abricimus? Sensit, eos non habendos pro filiis, qui nihil haberent alioqui, quo se parentum affectui commendent, nisi quod ab ipsis progeniti sint. Ita senex in comœdia: Tantisper te volo meum, dum id quod te dignum est, facis. Laert. lib. 2.

Anonyma.

Lacœna quædam, filium qui profectus in miliitiam, in acie loco fugerat non tantum ut ignaum & inobedientem abdicauit, sed occidit penitus. De qua hoc extat apud Plutarchum in Lacænarum apophtheg. epigramma.

Germen iners ab eas ad tartara, tēque perosus

Eurotas, ceruis nec det aquam timidus.

Ignauus catulus, mala sors, hinc vade suborcum.

I Sparta indignus, quē nec ego peperī.

Damatric.

Cum filium haberet, qui se in bel-

lo non strenue gessisset, domum redeuntem non abdicauit tantum, sed occidit etiam: dicens, Nequaquam conuenire, ut ex fortissimis parentibus natus filius, ignauus superstes esset. Plut. in Lacænarum apoph.

Teleutia.

Quum Chij exules venissent Spartam, quam plurimi multis nominibus incusabant Pædaretum. Eos mater Teleutia ad se accersit, ex his ubi cognouisset, quæ filio obiicerent, videreturque filius in culpa esse, scripsit illi in hunc modum: Mater Pædaro. Aut melius viue, aut illic mane. Virago mortem minata est filio, ni mores corrigeret suos. Plutarch. in apoph. Lacænarum.

Alexander.

Reprehensus ab vxore, quod filium inutilem abdicasset, diceretque ex eo esse, cum expuisset in terram, Et hoc, inquit, ex me est, at non vtile. Max. serm. 23.

Augustus Caesar.

Iuliam filiam ac neprem relegerat: deinde Agrippam, prius adoptatum, post ob sordidum ac ferox ingenium abdicatum. Ad omnem horum mentionem solebat exclamare versu Homérico:

*αἶψ' ὅφελον ἄγανος τε μέγαν, ἀγνοῦν
δοτοῖ δαί. id est.*

O utinam cælebs vixissem orbisque perissem.

Nec aliter illos appellabat, quam tres vomicas, seu tria carcinomata sua. Suorum enim mortem leuius ferebat, quam dedecora. Quin & testamento cauit, ne si quid accidisset Iuliæ filiæ & nepti, sepulchro suo inferrentur. Erasim. li. 4. apoph. ex Suetonij Augusto.

De

De fine vbique spectando.

Agésilas.

A Vdiens quendam Persarum regis adhuc iuuenis admirari felicitatem, respondit. Nondum vitæ finis adest, vir optime. Nam ne Priamus quidem quum eius esset ætatis erat infelix, qui tamen miseriam senex in Troiano incendio extremum clausit diem. Plut. in apoph.

Epaminondas.

Interrogatus, quem arbitraretur duceem præstantissimum: seipsumne, an Chabriam, an Iphicratem? Id inquit, iudicatu perdifficile est, donec vivimus. Alludit ad Solonis dictum, qui finem hominis vbique spectabat. Quam diu enim vivit homo, potest ad meliora proficere, & ad deteriora degenerare. Plut. in apoph.

Fridericus imper.

Percoratus aliquando quid homini optimum possit contingere? respondit, Bonus in hac vita exitus. Æneas Sylvius lib. 4. commentariorum in Alphonsi res gestas.

De felicitate.

Thales.

C Vidam quærenti quis esset felix? Qui corpore, inquit, sanus est, animo eruditus, siue castigatus. Cupiditates enim animorum morbi sunt. Laërtius lib. 1. cap. 1.

Anaxagoras.

Ab homine quodam male sano interrogatus, quinam felices esset? respondit, Nemo sanè ex iis quos tu felices existimas, sed is quem tu miserum credis. Val. Max. lib. 7. cap. 2.

Diogenes.

Vnicam felicitatem esse existimabat, qua fieret ut reuera lætemur, nec unquam tristemur, quocunque in loco aut tempore. Stob. ser. 101.

Idem.

Veram felicitatem esse dicebat, quæ faceret ut mens & anima in perpetua tranquillitate hilaritatēque collocentur. Stob. serm. 101.

Ariston.

* Ut nihil iuvat (inquit) ægrum lectus quem pedes aurei fulciunt? sic neque stultum felicitas externa. Stobæus serm. 101.

Democritus.

Eum felicem esse dicebat qui cum exiguis pecuniis hilaris esset. Infelicem autem, qui inter magnas opes tristaretur. Stob. ser. 101.

Socrates.

Interrogatus quid esset felicitas? Voluptas, dixit, quem poenitudo nulla sequitur. Stob. 101.

Idem.

Interrogantibus quinam essent felices? respondit: Illi qui mentem bonam & rationem possident. Stob. ser. eodem.

Idem.

* Polus quidam ab eo sciscitabatur, utrum magnus Persarum rex felix esset? Nescio inquit, an eruditione & iustitia sit instructus. In hoc enim hominis felicitas consistit. Et miser homo est, si iniustus. Plato in Gorgia.

Plato.

Rogatus à Cyrenensibus ut ipsis leges scriberet, ac Reipublicæ statum componeret, recusavit dicens: Perdifficile esse cōdere leges tam felicibus: indicans, eos nō facile parere salubribus monitis, qui successu rerū elati, sibi felices viderentur. Laer. 1. 3.

Antisthenes.

Rogatus quid esset mortalibus beatissimum? *Fœlicem*, inquit mori. Hæc sententia consentit cum illa Solonis: Qui *fœliciter* absoluit vitã, huic nihil sinistri potest accidere, quod *fœlicitatem* ægritudine aliqua contaminet. At quibus res sunt secundæ, ij nihil magis optant quàm diuturnam vitam. Laert. lib. 6. cap. 1.

Solon.

Crœsus Lydius rex omnium ditissimus, accitum ad se Solonem, in congressu rogavit, An quis esset *fœlicior*? Cui Solon, Tellum civem suũ *fœliciorẽ*, qui filios habuerit probatissimos, & pro patria fortiter occubisset, dixit. Crœsus autem, putans Solonem omnium vrbauitatum expertem, iterum contendit: Num post Tellum, alium beatiorẽ nosset? Cleobẽ dixit, & Bitonem, Argiuos, qui mirifico inter se amore, tũ summa in matrem obseruantia se *fœliciores* esse ostenderant. At Crœsus iratus, interrogauit etiã, an in beatorum numerum non meritò reponeretur? Solon respondit: Nondum te *fœlicẽ* prædicamus. adhuc enim es in fortunæ & affectu potestate. Quã primũ autem mortuus fueris, tum demum videbimus quàm *fœlix* fueris. Plut. in Solone.

Demetrius Cynicus.

Dicere solebat, nihil sibi videri in *fœlicius* eo, cui nihil in vita accidisset aduersi. Nõ licuit enim illi se experiri vt ex voto illi fluxerint omnia vt ante votũ: malè tamen de illo dii iudicauerunt. Indignusque visus est, à quo vinceretur aliquando fortuna quæ ignauissimum quemque refugit. Senec. li. quare bonis mala accidunt,

Iamblichus.

* *Fœlicem* eum esse dicebat, qui

Deo, quatenus fieri potest, similis fuerit, perfectus, simplex, purus, & se paratus ab humana vita. Stob. ser. 101.

Sylla.

Sylla cognomento *Fœlix*, inter *fœlicitates* suas, duas præcipuas dicebat: alteram, quod Pium Metellum haberet amicum: alteram, quod vrbe Athenarum non subuertisset. Plut. in Ro. apoph.

Vide apoph. de Beatitudine vera, & Fortuna.

De fœnore.

Pittacus.

* *Q*uæsitum vbique *lucrum* inexplabile esse dicebat. Stob. serm. 10.

Periander.

* Dicebat quæsitum turpem esse *grauem thesaurum*. Eod. ser.

Socrates.

* Interrogatus, quinã *auari* essent? qui turpia venantur, inquit? & necessarios amicorum negligunt. Eo. ser.

Polianus.

* *Fœneratores* pecunias habere & non habere dicebat. Nã dum omnia ad ysuram trahunt, nihil habent, & quod habent alius habet. Ibid.

Vide apoph. de Avaritia, Iniusitiã, Lucro & Ysura.

De forma & pulchritudine corporis.

Bion.

*F*ormam dicebat esse bonum alienum. Sentiens, extra hominem esse, quod ipse sibi nec dare potest, nec tueri datũ. Animi bona verè nostra sunt. Laert. lib. 4. cap. 7.

Zeno Cittieus.

Formam aiebat esse vocis *florem*: aut contrã, quemadmodum ab aliis refer-

refertur, Vocem esse formæ florem.
Nam loquentis orationem cōmen-
dat forma, & rursus oratio compo-
sitā gratiā addit formæ. Laer. li. 7. ca. 1.

Idem.

Dicenti formoso cuidam, non vi-
deri sibi amaturum sapiētem: Nihil
ait, vobis formosis est infelicius.
Bruson. lib. 2. cap. 44.

Socrates.

Vocabat formam modici tempo-
ris tyrannidem. Bruson. lib. 2. ca. 44.

Plato.

Cū exprimere tentaret, quidnā
forma hominis esset? Naturæ privi-
legium, vocavit. Brus. lib. 2 cap. 44.

Diogenes.

Formosum adolescentem formæ
causa amari conspicatus dixit: Quin
operam das adolescens, vt corporis
amatores ad animam transferas? An-
tonius in Melissa, serm. 60. par. 1.
Hoc autem Stob. ad Æsopum refert.

Idem.

Conspecto adolescente mollius
compto, dixit: Si viris quidem re-
ornas, infelix es: sin mulieribus in-
iustus. Anto. in Melissa, par. 1. ser. 60.

Idem.

Speciosa scorta reginas appellabat,
multos enim facere, quæ percepe-
rint. Stob. ser. 63.

Aristoteles.

Aristoteles cū adolescentē se co-
mere vidisset: Non erubescis, quod
cum natura te virum fecerit, tu rei-
psum effeminas? Antonius in Melis-
sa, parte 1. ser. 69.

Idem.

Cū iuuenis quidam facie formo-
sus, sed moribus petulans, inter alia
conuria ei diceret: Si tam exosus esse
ciuibus, vt tu es, laqueo vitā finirem,
respondit: Ego verò laqueum mihi in-
ferrem, si ita me ciues amarent vt te.
Notauit autē adolescētis petulātiā

Aristoteles, cui ostendebat, quā tur-
piter ob tam insignem corporis for-
mam à ciuibus adamaretur. Anto-
nius in Melissa, parte 1. ser. 60.

Idem.

Percontanti qui fieret, vt cū for-
mosis diutius ac lubentius confabu-
lemur? respondit, eam percōrationē
esse cēci. Cæcus enim non sentit for-
mæ illecebram, nihilo magis quam
colorum gratiam. Laert. lib. 5. cap. 1.

Idem.

Pulchritudinem dicebat quauis e-
pistola efficaciorē ad commendā-
tionem. Sunt qui hoc ascribant Dio-
geni. Aristotelem verò, forma solū
appellare donum, quia gratis conti-
git à natura. Eandem Socrates appel-
lauit exigui temporis tyrannidem,
quod formæ gratia mox deflorescat
Plato naturæ prærogatiuam, quod
paucis contingat. Laert. libr. 5. cap. 1.
Sto. ser. 63. Brus. libr. 5 cap. 44.

Isocrates.

Eos qui pulchrum habent corpus
animam autem malam, dicebat, opti-
mam habere nauim, gubernatorem
aurem malum. Antonius in Melissa
parte 1. ser. 60.

Agesilaus.

Interrogatus cur aleret comā? Quo-
niam inter ornāmēta, respondit, mi-
nimo constat. Stob. ser. 63.

Carneades.

Sciscitatus, quid forma hominis
esset? Regnū sine satellitio, respōdit:
quoniam formosi impetrāt quicquid
volunt nulla vi adhibita. Laer. Stob.

Theophrastus.

Pulchritudinē nihil aliud esse di-
cebat, quā tacitam deceptionem,
aut silētem fraudem, quod absq; ver-
bis persuadeat. Laer.

Demothenes.

Æschinē & Philocratem, ex decē

illis legatis haud postremi nominis, ab Atheniensibus ad Philippum Macedoniæ regem missis & formam Philippi regis plurimum laudantes irrisit Demosthenes, dicens, Quod in Philippo admodum formam laudaris, id habet cum aliis mulieribus commune. Sensit vir prudentissimus, regis boni virtutes nequaquam in forma corporis positas esse, sed in animo recte composito. Plut.

Æsopus

Æsopus ei qui corporis forma malè utebatur: Pulchra veste (inquit) indutus, malè eam exuis. Maxim. ser.

44.

Idem.

Idem cum per concuium, facie deformi esse, ac turpi notaretur, ad eum à quo contemnebatur: Iniquus planè censores, inquit, qui de forma mea pronuntiaturus, vultum damnas, animi autem speciem non intueris. Stob. Anton. & Max.

Antisthenes.

Quidam adolescens curaret sese ex ære sculpendum, & ad eam imaginem sese conformabat. Huic Antisthenes: Si æs posset vocem edere, qua de re potissimum gloriaretur? De pulchritudine, inquit adolescens. Non inquit, igitur, erubescis, qui cum in animo gloriaris? Voluit aut significare, de forma non gloriandum esse, quæ facile variis casib. ac morbis gratiam amittit. Laërt. l. 6. c. 1.

Theocritus.

Theocritus cum diu multumque cogitasset, quo pacto ostendere hominibus posset, quidnam pulchritudo corporisq; venustas esset: Demum eburneum detrimentum esse pronuntiavit: quod grata quidem sit aspectui, sed multorum incommodorum causa. Stobæus.

Philopæmen.

In Philopæmenem cum iocaretur Titus Flaminius, deformitati corporis eius illudens, diceretq; vultu quàm maxime iocoso & hilari. Quid hoc Philopæmen, cum pulchras manus, crura etiam perquam pulchra habeas, quòd vètrém ipse non habeas? Ad ea Philopæmen: Quid, ô Romanorum imperator eximie, cum egregios pedites, strenuos maxime equites habeas, quòd pecuniã minime habeas? Nam & Flaminius persepe inopia rei pecuniariæ laborabat, quem admodum Philopæmen tenuitate ventris, ac medijs corporis gracilitatè. Pontanus ex Plutarcho.

Domicu.

Nec quicquam gratius hominibus esse dicebat, forma & decore: nec quicquam etiam breuius. Brusonius l. 2. c. 44.

L. Crassus.

Apud Perpennam iudicem defendebat Aculeonem, quem accusabat L. Ælius Lania, homo deformis. Is quum interpellaret odiosè: Audiamus, inquit Crassus, pulchellum puerum. Huic dicto quum esset arrisum: In enim, inquit Ælius, ipse mihi fingere potui, formam non porui. Tum Crassus: Audiamus igitur, inquit, disertum Multo arrisum est vehementius. Cic. l. 2. de Orat.

M. Lælius.

In Galbam oratorem eloquentia clarum sed gibbo deformem, ita lussit M. Lælius, ut diceret, ingenium Galbæ malè habitare. Nā animi domicilium est corpus. Eras. l. 6. apoph.

Cicero.

Cicero cum Voconium fortè obuium haberet cum filiabus tribus insigniter deformibus, tacitè ad amicos dixit versiculum Græcum,

per/so

φειβοῦντ' ἐν ἐδύοις ἰδὼσι περὶ τὴν α.

id est.

Phæbo aut sinente hic seminauit liberos.

Sentiens, illum inuito Apolline liberis operam dedisse: siue quòd Apollo pulcher à poetis fingitur, siue quòd oriente sole factus existiment concipi feliciores. Plutarc. in Rom. apoph.

Barth. Capranus.

Bartholomæus Capranus, Mediolanensis ecclesiæ antistes, idcirco se ministros forma præstantes quæsisse dicebat: quoniã turpes animi turpia corpora incoherent. Improbitate autem in egregia forma perrarò compertam esse. Aeneas Syl. libr. 2. comment. reb. gest. Alphonfi. Cõstat tamen Aspasio Rauennati, magistro epistolarum imperatori, Alexandri Mammeæ F. hoc etiã diæterium adscribi.

Vide apoph. de Corporis forma & pulchritudine.

De fortitudine domestica.

Zeno.

Aceusatus, quòd coniurasset in perniciẽ Nearchi tyranni, cum in ecaleo iuberetur edere nomina coniuratorum, nominauit pleròsque illi amicissimos. De his sumpto supplicio, rogatus à tyranno, num quis superesset etiã: Tu solus, inquit, Reip. pernicies. Tandem & linguam dentibus amplexatam in os tyranni, quod ob iracundiam hiabat, expuit. Laert. l. 9. c. 5.

Bion.

Frequenter dicere solebat, Senũ esse, valere prudentia: iuuenum ve-

rò, fortitudine. Laert. lib. 4. cap. 7.

Coriscus.

* Ille admodũ senex, cùm à quodam graui morbo cõualuisset: Apage, inquit, quàm inuitus reuersus sum, iam magnam partem itineris emensus, quod absoluerè omnino decet. Et sanè fortitudinis pars melior in moderato mortis contemptu consistit. Stob. serm. 7.

Bias.

Cræsus rex cùm contemptim atque minaciter Biantem allocutus esset, hominẽ in aduersis rebus infractum, iussit eum cepas edere, fletum ciuilitè indicans, quandoquidẽ harũ efus ciet lachrymas. Adeò sapientes arbitrabantur nihil esse æquẽ regium, ac virtutem, cuius instituta per totam vitam fortiter atque infractò animo sequuntur, nec imperatis aliorum terrentur. Philo Iudæus lib. Quòd omnis probus liber.

Idem.

Conseruis demisso vultu mœrentibus, eo quòd iam à latronibus capti essent, animaduertens quẽdam ex aspectu plus satis effœminatum esse, accedens inquit: Tu me emitto, viro enim opus habere videris. Sic ille pu defactus cauillo, quod non esse vanũ erat sibi conscius, in turbam se abdidit: cæteris audacem coniectorem, sed veridicum stupentibus. Philo Iudæus eod. l.

Socrates.

* Interrogatus, quid esset fortitudo & robur, dixit, Notus animæ cum corpore Stob. ser. 7. de fortitud.

Democritus.

* Quid efficeret fortitudo, sciscitatus: dispendia inquit, inquit. Item, fortis est, non qui hostes modò superat, sed & qui voluptatibus superior existit. Nam licet aliqui ciuitatib. im-

perent, mulieribus seruiunt. Eod. ser.

Theodorus Philos.

*Minabatur ei tyrannus mortē, & quidē insepultā. Habes, inquit Theodorus, cur tibi placeas: hemina sanguinis in tua potestate est. nam quod ad sepulturā pertinet, ô te ineptum, si putas interesse, supra terrā an infra putrescā Senec. l. de tranquil. animi.

Plato.

*Interrogatus, quomodo affectum esse cōueniat aduersus calamitates: ita (dixit) vt providēs aliquis non incidat in eas: si tamē inciderit, cōdemnationē etiā sui nō curet. Stob. ser. 7.

Aristot. les.

*Quid esset fortitudo, seiscitatus, Est (inquit) virtus animosi, per quam non faciliē mortis metus ingruit.

Lacones.

Apud Lacones erat orationis genus simplex & affectatū. nihil habens molle ac delicatum: nec in aliis versabatur argumentis, quā vel in laudibus eorum qui fortiter ac generosē vitam exegissent, quique pro Sparta occubissent, & ob id ab omnib. vt beati celebrabantur: vel in vituperandis his qui metu periculorum nihil egregij gessissent, & qui ob ignauiam à morte cruciabilē infeliciēq; vitā viuerēt. vel in pollicitatione, per glorię studium accedente animos ad virtutem, ad cuiusque ætatem accommodatæ. Itaque tres erant apud illos chori, iuxta triplex ætatū discrimen: quibus in festis simul constitutis, senum chorus incipiens canebat, Nos fuimus o' im strenui iuuentuli. Secundus, in quo erant viri robustæ ætatis, ita respondebat:

At nos fuimus: si vos facito periculum.

Porro tertius, qui erat puerorum, ita canebat:

Præstantiores nos futuri olim sumus.

Plut. in Lacon apoph. & Lycurgo.

Anonymus.

Lacon quidam noctu præteriens monumentum, quum videret spectrum, accurrit lancea traiecturus, & in hoc nitens: Quò me fugis, inquit, bis moritura? Plut. in Lacon.

Cleomen. s.

Cū sophistam quendam de fortitudine differentem non admodum attentis auribus audiret, & ob id à quodam reprehenderetur: Ineptum est, inquit quenquam de fortitudine magnificis vti verbis, qui ipse nil fortiter gessit vnquam. Plut. in Lacon.

Alexand. & Macedo.

*In Illo sacra facienti Alexandro, sacerdos dixit, se ostensurum Paridis Lynam. at ille, imò Achillis (ait) habes ostēde, ac ante Lynam potius hastam. Stob. ser. 7.

Socrates

*Mortī adiudicatus, & proximus quidā Apollodorus eum accedēs, ait, At istud ô Socrates, ægerrimē fero, quod te iniuste damnatū video. Tunc Socrates, An tu (respōdit) malles me iuste quā iniuste damnatū? Simulq. risisse dicitur. Cū autem Anytū falsum testem prætereuntē videret, dixit, Vir ille triumphat, quasi facinus magnum & præclarū egerit, me ita occiso. Sed quā stultus & improbus est? ignorat enim vter nostrū in omne æuum vtilior & melior extiterit. Xen. in Apol. pro Socrate.

Agessilaus.

Fortitudinis in rebus aduersis insigne dedit specimē Conō & Pharnabazus per classem regiam mari positi, obsidebant maritimas Lacedæmoniorum regiones, quum interim Atheniensium ciuitas mœnibus esset cincta. Itaque Lacedæmonij Pharnabazo donate pecuniam, pacē ineunt, cum

cum rege: mittuntque ciuem Antalcidam ad Tiribazum, Græcos Asiaticos, pro quibus bellum gesserat Agésilas, tradentes regi. unde euenit, ut huius ignominia portio recideret in Agésilau. Antalcidas enim inimicus erat Agésilao: idèò pacem quacūque occasione cōfecit, inuidēs illius gloriae, quū videbat bello crescere, reddique maximum, ac maximè celebrem. Nec tamè hæc infelicitas dedecit illius animum. quin etiam euidam dicenti, quod Lacedæmonii Medidissent, ita respondit, imò Medipossius Laconiffant: significans indolem suæ gentis corrumpi fortuna nō posse. Plut. in Lacon. apoph.

Idem.

Sciscitatus, utra virtus esset præstantior, fortitudo an iustitia? grauius respondit: Fortitudinis nullū esse vsum, nisi adsit iustitia. Quod si omnes essent iusti, nihil opus foret fortitudine. En animū summo dignum duce, qui nihil præter æquum iudicari facienda: recteq; perspexerit, plurimum interesse inter audaciā & fortitudinem. Plut. in apoph. Lacon.

Zeuxidamus.

Suprà tit. de Disputationibus, aut quæstionib. friuolis, atque inutilibus.

Alexander Mamea F.

Cū audisset Artaxerxem Persarum regem magno militum exercitu Romanum inuasurum imperium: Fortes, inquit, viros atque moderatos decet optima quidem optare, sed ferre etiā quacūq; accidūt cōtra animi votū. Fortitudinis quippe est, rebus prosperis nō extolli, infaustis nequaquā deiici animo. Herodian. l. 6.

Anaxarchus.

* Dicente ei Alexandro, suspendam te: Minare his, inquit, è vulgo: mea autē nihil interest, super terram

ne, an infra cōputrescam. Stob. ser. 7.

Anaxarchus.

Alexandro mortuo, quum Anaxarchus tempestate esset delatus in Cyprū, Niocreon memor contumeliæ philosophū arreptum in mortariū coniecit, ac ferreis pistillis cōtunditussit. Hic illam vulgò celebratam vocem emisit: αὐτὴ τὸν ἀνὰ ἄρχον δούλων: αὐτὸς ἄρχον ἢ ἐπὶ αὐτῆς. id est, Tunde Anaxarchi manticam, nam Anaxarchum non percutis. Sediens, corpus nō esse partem hominis, sed animi domicilium tantum. Animus autem non potest tundi. Laër. l. 9. c. 10.

Diogenes Cynicus.

Graui calamitate affectus dixit, Hoc vnū dij immortales queri possum, quod non antehac mihi voluntatem vestram notam fecistis. Prior enim ad ista venissem, ad quæ nunc vocatus adsum. Vultis liberos sumere? illos vobis sustuli, vultis aliquam corporis partē? sumite. Non magnā rem promitto: citò totū relinqū. Vultis spiritum? quidni? nullā moram faciam, quo minus recipiatis quod dedistis. A volente feretis, quicquid petieritis. Quid ergo est? Maluissē offere, quā tradere. Vide reliqua apud Senec. l. de prouidentia, seu quare bonis viris mala accidunt.

Paulus Æmilius.

Cn. Cornelius Lentulus in clade Cannensi tribunus militū, quū equū Paulo Æmilio in saxo sedēti, cruoreq. oppletō adduceret: Tu quidem, ait Paulus, mactē virtute Corneliesto: sed caue ne frustra miserādo, exiguum tempus è manibus hostiū euadendi absumas. Plutar. & Liu.

M. Cato.

Quibusdam efferentibus hominē inconsultè audacem, & in rebus bellicis strenuū, ait plurimum referre,

utrum quis virtutē magno æstimet, an vitam non magni faciat. sentiens, non eos statim esse fortes, qui quouis modo vitā contemnunt, sed qui tanti faciūt virtutem, ut huius gratia vitam alioqui charam negligent. Nā semet in vitā discrimen conicere, aut infœlicium est, & quos vitæ iā tædet: aut immanium, & belluis similitum. Eras. l. 5. apoph. ex Plur.

M. Crassus.

Quum Publius, Crassi filius fortissimē in bello & pugnasset, & cecidisset, hostes caput iuuenis hastæ impositum gestantes, proxime ad Romanos accedebant, insultantes, rogantesque quo genere iuuenis ille fuisset ortus, neque enim fieri posse, ut ex patre tam ignauo & imbelli talis filius nasci posset. Hoc tam tristi spectaculo nihil commotus Crassus, per omnes ordines concionatus est, clamans, Meus hic priuatus dolor est Romani, mea hæc calamitas, meus hic peculiaris luctus: cæterum publica ciuitatis salus & gloria in vestra incolumitate vestraque virtute sita est. Plut. in M. Crasso.

Scipio.

Scipio Pompeij focer, quum nauē suam teneri ab hostibus vidisset, ferro se transfuerberauit, & quærentibus ubi Imperator esset? Imperator, inquit, bene se habet. Bruf. l. 2. cap. 1. ex Appiano.

Canius Iulius.

* Cū Caio Cæsare diu altetatus, postquā abeūti Caius dixit, Ne forte tibi inepta spe blādiaris, duci (ad suppliciū) te iussi. Gratias (inquit) ago, optime princeps. Dū autē suppliciū illud Canius moratur, verisimile nō est quæ vir ille dixerit, quæ fecerit, quā in tranquillo fuerit. Ludebat latrunculis, cū Centurio agmen

periturorum trahens, & illum quosque citari iubet. Vocatus numerauit calculos, & sodali suo. Vide, inquit, ne post mortem meam mentiaris te vicisse. Tum annuens centurioni: Testis (inquit) eris, me vno antecedere. Amicis autem tristitia affectis dixit, Quid mœsti estis? Vos quæritis an immortales animæ sint? Ego iam sciam. Ad supplicij locum peruētus, à philosopho quodam percontatus quid cogitaret, respondit, obseruare, (inquit) velocissimo illo mortis momento, an sensurus sit animus, exire se, promisitque si quid explorasset, circumiturum amicos, & indicaturū quis esset animarum status. Senec. l. de tranquil. animi.

P. Thraseas Patrus.

Cū post multa crudelia Neronis facinora atq. Agrippinæ mortem, in senatu Romano de Neronis rebus ageretur, cui mirū in modum senatores assentabātur, dicere solebat: Si me tantum Nero interfecturus esset, magnam haberem adulatoribus eius gratiam: sed si eos à quibus maxime laudabatur, sustulit, sublatoꝝque est cur oportet frustra turpiter & scruiliter mori, cū munus naturæ exple re liceat, retenta libertate? De me, enim, inquit, aliquis sermo habebitur in posterum, de iis nullus, nisi tantummodo eos interfectos fuisse. Xiphil. in Nerone.

Idem.

Dicere solebat, Nero pro innata sua crudelitate occidere me potest, lædere autem non potest. Innuens, corpus quidem hominum crudelitati expositum esse, animum autē nequaquam. Xiphil. in Nerone.

Agrippinus.

* Quondam ei iamiam pransuro, superuedit qui diceret, Nero te proscrit:

scribit: tunc illic, Ergo, inquit in Arianicia prandium sumemus. Stobæus ex Epicteto.

Pertinax Imp.

Suprà apophth. de Conscientia bona, & infra tit. de Morte contemnenda.

Philo Iudæus.

Cum aliis Iudæis ex aula. C. Caligulae eiektus, eo quod Cæsari diuina nos tribuere honores recusasset, ad suos conuersus dixisse fertur: Bono animo estote viri, non deerit nobis auxilium: vbi autem humanum cessat, diuino non destituemur. Euseb. l. 2. Eccles. hist. c. 5.

Athanasius.

Quum ei indiceretur à Iuliano imperatore exilium, mœrentibus cunctis qui discessum eius grauer ferebant, inque ipsum oculis coniectis: Bono estote animo filioli, inquit, nebula est, quæ breui euanesceat. Niceph. Call. l. 10. Eccles. hist. c. 29.

D. Ambrosius.

Postquam aduersus Arianos & Iustinam Augustam in templo multa disputasset, atque orthodoxam fidem contra aliorum blasphemias fortiter defendisset, à Valentiniano Iunioris iussus templum exire, respondit: Lubens id quidē non fecero, neque enim lupis ouium caulam prodam, neque blasphemis templum diuinum concedam. Quod si necare me vis, in ipsa ecclesia in me ense aut cuspidem stringe, perlibenter enim eadem eam tulerō. Theod. l. 5. c. 13. & Niceph. scholiastes. l. 12. ca. 19. Eccles. hist.

Archemenides.

Archemenides, qui & Hormidas appellatus est, cum in Persia Christianam religionem in maxima piorum persecutione profiteretur, vocatus à Tarane rege, & obiurgatus ob

fidei confessionem, quam in homine extinguere minis conabatur: respondit. Impia atque difficilia à me petis rex, qui vniuersitatis Deum nequaquam abiuro, vt tuæ maiestatis fiam amicus. Maius enim est crimen, diuinam quam regiam lædere maiestatem. Niceph. l. 14. c. 20. Eccles. hist.

Idem.

Vestimentis quibusdam donatus à rege qui eum beneficiis vincere conabatur, excandescens, tunicam confisā abiecit, & voce magna exclamauit: Si huius, inquit, gratia religionem longè optimam mutaturum putas, en mutus tuum vnà cum impietate habe. Rex autem tam forti illum animo esse cernens, nudum regia exegit. Nicepho. eodem loco.

Ad doctrinam sticam fortitudinem spectant ea quæ sunt sub apophth. de Patientia, In iuria ferenda, Animi moderatione, Doloris patientia, Mortis contemptu, &c.

De fortitudine heroica

& militari.

Colli. Pre. S. Iu. Antisthenes.

Discere solebat, hostibus à diis omnibus aptanda esse bona excepta fortitudine: quod illa omnia aliquando futura sint eorum qui fortitudine præcellerent, non eorum qui possiderent, quod obignauiam ea tueri non possint. Sensit, frustra parari bona, si quis parauit, tueri nesciat. Laert. l. 6.

Idem.

Si quam vidisset mulierem egregie cultam, adibat ædes illius, iubebatque virum proferre arma & equum: quæ si placuissent, patiebatur mulierem indulgere deliciis, quod esset

qui defenderet: sin minus suadebat ut eum ornatum deponeret, ne præda fieret aliis. Laërt. l. 6. c. 7.

Diogenes.

*Cernens Megarenses longos muros educere, O homines nihili, inquit, non molem mororum curate, sed eos qui super muris collocabuntur. Stob. ser. 7.

Musonius.

*Dicebat mortem honestam dum licet, arripiendam esse: ne (inquit) paulò post mori quidem tibi necesse sit, at honestè non amplius liceat. Eod. ser.

Synnidas.

Ante pugnam Leuctricam quibusdam dicentibus illam ipsam diem ostensuram fortem virum: Multifaciendam, urbane inquit, diem esse, quæ virum fortè monstrare posset. Plut.

Anonymus.

Lacon quidam adhuc impubes captus, clamabat. Pugnans quidem captus sum, servire nolo. Verum cum paulò post iuberetur serviili fungi ministerio, elisum parietis caput rupit. Senec. epist. 11. Plu. autem, sed a tecto precipitem dedidit ait.

Idem.

Alius ægro corpore in aciem progrediebatur, cum autem quidam eum, quorsum ita affecto corpore proficisceretur, interrogarent, respondit: Ad inoriendum pro Reipub. nostræ salute. Max. ser. 4.

Idem.

Alius claudus ad militiam proficiscens, quum ab aliis rideretur: Non opus est fuga, sed virib. inquit, quibus milites subsistant, locumque in acie tueantur. Plutar. in Lacon. Max. ser. 4.

Lacones.

Quum quidam fortè obuij Laco-

nibus dixissent, Fortunati estis, ô Lacones: nã modò hinc latrones abire: Non nos, inquit, per Enyalum (sic enim illi Martem vocant) sed illi potius fortunati sunt, qui in nos non inciderunt. Adeò gens ea gerebat animos ad omnia impavidos: quæ vulgus hominum formidat. Plutar. in Lacon.

Anonymus.

Quum ex Atheniensium sociis quidam contumeliæ causa rogasset captivum Laconeum, num qui in prælio occubissent, fuissent strenui viri? Magni profectò, inquit Lacon, faciendum fustum (sagittam intelligens) si strenui ignauique discrimen nosset. Significans, illic ubi res sagittis aut saxis agitur, nullam esse fortis & ignavi discrimen: sed ubi comminus res geritur, ibi demum apparet, qui sint viri, qui non. Erasim. 6. a. pophtheg.

Idem.

Lacon quidam oculorum morbo laborans, ad bellum proficiscebatur, sed quibusdam dicentibus, quò abis sic affectus? aut quid facturus? Si aliud, inquit, nihil egero, hostis saltem gladium hebetabo. Plut.

Idem.

* Philippus ante Spartæ muros castrametatus, misit nuntios, multa & dira minitans, ut facerent imperata. Quidam autem ex Lacedæmoniis, minis auditis, gratiam, inquit, habemus Philippo, quod non prohibeat, id quod in pugnantium potestate situm est, mori. Stob. ser. 7.

Ariston.

Cum Atheniensis quidam apud Aristonem recitaret funebrem orationem e conscriptam in laudem eorum qui fuerant à Lacedæmoniis in bello cæsi: Quales igitur, inquit, nostros esse

esse putas, qui istos vicerunt? Plutar. in Lacon.

Anonymus.

Miles quidem Lacedæmonius, in pugna prostratus hostem eius tergo insidentē, rogauit vt se verteret & in pectus potius stringeret ensē, rogatus, Quid ita? Ne amasius, inquit, meus erubescat, si viderit auersis cōfossū vulneribus. Plutarchus in Lacon.

Androclidas.

Ad eum qui quærebat, cur breuib. Spartiatæ pugionibus in bello vteretur? Quia cū hostibus, inquit, cominus dimicamus. Plut.

Archileonda.

Hæc Braside mater, filium in prælio occubuisse audiens, nil prius interrogauit, quā an filius honestē occubisset? Thracibus illius virtutem collaudantibus, dicentibusque, Non esse apud Lacedæmonios alium illi parem: Ignoratis, inquit hospites, quales sint Lacedæmonij. Erat quidē vir bonus Brasias, cæterū Spar. ta multos habet illo præstantiores. Vtrum in hac fœmina magis admirari copuenit? animine generositatem, quæ de filij morte quod obligisset honesta, gloriandum etiam putaret, tantū abest vt muliebriter defleuerit: an modestiam, & in patriam affectū quæ non passa sit ita filium prædicari, vt reliquorum Spartano- rum gloriæ decederet aliquid. Plut. in Lacon. apoph.

Pædaretus.

Pædaretus cuidam dicenti, magnum esse numerum hostium: Tanta, inquit, plus gloriæ referemus, quoniam plures interficiemus Quod alter adferebat ad persuadēdā ignauiam, ille vertit in calcar fortius agendi. Eodem telo repelli possunt,

quicumque difficultatis causatione dehortantur ab honesto. Plutarc. in Laconicis.

Anonyma.

Lacæna filium claudum in aciem proficiscentem deducens: Fili, inquit, singulo quoque gradu fac virtutis memineris. Aliis claudicationis vitium solet formidinem incutere: at hæc monuit, vt ex ipso vitio sumeret animum ad rem fortiter gerendam: ita cogitans, nihil est in fuga præsidij claudō: aut vincendum est, aut moriendum. Plut. in apoph. Lacænarum.

Alia.

Lacæna clypeum imponens filio, sic illum adhortata est. Fili, aut hunc, aut super hunc. Laconica breuitate sentiens, sic rem gerendam in bello, vt aut victor clypeum referret, aut mortuus in clypeo domum reportaretur. Plutar. in apoph. Lacænarum. Stob. tribuit dictū illud Gorgoni, Leonidæ vxori ser. 7.

Alia.

Alia rursus filio ad bellum proficiscenti, clypeum imponens, Hunc, inquit, tibi pater semper seruauit, proinde tu fac serues eundem, aut ne sis. Ibidem.

Alia.

Alia filio dicenti, quod breuē haberet gladium: Tu, inquit, adde gradum, significans, nihil obfuturam gladij breuitatem, si propius ad hostem accederet. Ibid.

Alia.

Lacedæmonius quidam sic in bello vulneratus, vt ingredi non posset, sed quadrupedum more ambularet, quum ob id derisus erubesceret, a matre reprehensus est his verbis: Quāto præstabat fili de fortitudine gaudere, quā de stulto risu pu-

descere? Simile narrat Cicero de matre Sp. Claud. Plut. in apoph. Lacæn.

Anonymus.

Lacôn quidam in clypeo pro insigni gerens muscam, eamque non maiorem vera: quibusdam irridētibus, dicentibusque quod in studio fecisset quò lateret: Imò, inquit, ut sim conspicuus. Tam enim propè accedendo ad hostes, ut ab ipsis insigne cuiusmodi sit, videri possit. Salsissimè conuicium ignauiae vertit in argumētum fortitudinis. Plut. in Lacôn.

Antiochus.

Supra de Argutè dictis.

Leonidas.

Contra Persas propugnaturus, percontatus, quid facere statuisset? Nil aliud, ait, facturum sum, quàm reuera pro Græcis moriturus pugnando. Plutar. in Lacôn. apoph.

Idem.

Vbi peruenisset Thermopylas, sic commilitones affatus est: Aiunt barbaros in propinquo esse, nos autem tēpus terimus. Nunc enim peruenimus ad barbaros: quos aut vincamus oportet, aut victi moriamur. Plut. in Lacôn.

Idem.

Quodam ita dicente, Præ iaculis barbarorum nec solem videre licebit: An non, inquit, lepidum fuerit, si cum illis sub umbra pugnaturi sumus? Quid hoc animo fortius? Ad mortē eunti, etiam iocari libuit: sed ludens interim, metum exemit suorum animis. Hoc apophthegma refert M. Tull. Tuscul. quæst. lib. I. velut de ignoto: Equibus (inquit) vnus quum Perses hosti in colloquio dixisset glorians, Solem præ iaculorū multitudine & sagittarum umbra non videbitis: In umbra igitur, inquit, pugnabimus. Plut.

Idem.

Cum alius quidam militum de hostibus dixisset, Sunt prope nos: Et nos inquit, prope illos. significans, ob id non minus imminere discriminis hosti, quàm ipsis. Plut.

Idem.

Cuidam dicenti, Sic ne cum paucis aduersus multos belli fortunam experturus huc venisti? Si putatis, inquit, me multitudine fretum huc venisse, ne Græcia quidē omnis satis sit siquidem ea ad barbarorum multitudinē collata, exigua portio est: sin virtute, & hic numerus suffecerit. In bello indicauit plus habere momēti quales ducas milites, quàm multos. Plut.

Idem.

Quum ei Xerxes scripssisset, Mittere arma: rescripsit, Veni & cape. Maluit armis mori, quàm traditis armis turpiter de vita cum hoste pacisci. Plut. in Lacôn.

Agis Archidami F.

Dixisse fertur, Lacedæmonios non oportere percōtari quot sint hostes sed vbi sint. significans, non à militum numero pendere victoriam, sed à fortitudine. Plut. in Lacôn. apoph.

Idem.

Infrà de Urbium munitionibus.

Idem.

Cuidam sciscitanti, quot essent Lacedæmonij? Quot satis sunt, inquit, ad propulsandos malos: ostendens, referre quàm fortes viros habeat ciuitas, non quàm multos. Plut.

Idem.

Fortiter & illud dixisset fertur, Lacedæmonios non oportere percōtari quot sint hostes, sed vbi sint, significans, non à militum numero pendere victoriā, sed à fortitudine, reique gerendæ celeritate. Statim enim congregari

cōgredi vult, qui quærit vbi sint hostes. Plut in Lacon.

Idem.

Paratum cum hoste configere, belli duces admonuerunt, expectaret reliquos focios: Num adsunt, inquit qui pugnaturi sunt? An nescitis, eos solos cum hostibus pugnare, qui reges verentur ac metuant? Non putauit eos expectandos, qui ad præscriptum ab Imperatore tempus non adessent: reliquos, etiam si adsint, non pugnare. Ibidem.

Idem.

Milites sic adhortatus est: Ita prandete commilitones mei: tanquam apud inferos cœnaturi. Hæc vox ignauis ademisset animum ac viris fortibus addidit, admonens, ne cibo vinoque graues venirent ad prælium aut certe pro patriâ fortiter occumberent. Plutarch. in Lacon. Id etiam Leonidæ tribuitur.

Idem.

Damadi dicenti, quod enses Lacedæmonici ob breuitatem à circulatoribus deuorarentur: Atqui his, inquit, ensibus Lacedæmonij assequuntur hostes longioribus armato gladiis, declarans, non referre quo quid apparatu fiat, sed quantum efficiatur. Si quidem hoc specior victoris gloria, quo minus habet præsidij præter virtutem Plut. in Lacon apoph.

Cleomenes.

Percotanti cuidam, quam ob causam Spartiatæ non dicarent diis spolia ab hostibus detracta: Quoniam, inquit Cleomenes, à timidis veniunt. Porro quæ parta sunt ab his qui ob timiditatem capti sunt, nec decet intueri iuuenes, nec diis consecrata reponi. Sensit, in bello aut vincendum, aut fortiter occumbendum: adeoque rem ignominiosam

iudicabat metum mortis, vt alienæ quoque timiditatis monumenta putaret ab iuuenum oculis submouenda. Plut in Lacon.

Idem.

Quidam ei pollicitus est dono gallos qui pugnando interirent, tum vrbane respondit: Non ego istis, sed iis qui dum alios pugnando conficiunt, superstities ipsi maneant. Plut. in apoph.

Idem.

Augure illum dehortante, ne exercitum educeret ad urbem argiuorum, alioqui reditum illinc fore turpem: postquam admouisset ciuitati copias, ac portas videret clausas, & mulieres in mœnibus: Hic, inquit, reditus tibi turpis videtur, in quo viris mortuis vxores ocludere portas? Fortis animus, si cum æquo bonoque fuisset coniunctus. Plutarch. in Lacon.

Agésilæus.

Quum apud Mantineam pugnaretur fortissimè, admonuit Lacedæmonios, vt cæteris omissis omnibus in vnum Epaminondam intenderent vim prælij, dicens, Solos cordatos esse viros fortes, hosque solos esse auctores victoriæ. Itaque si hunc, inquit, cœperimus faciliè cæteros in potestatem vestram redigemus, vt pote vecordes, nulliusque pretij, quod & euenit. Nam inclinante ad Epaminondam victoria, quum nonnullorum fuga fieret, adhortanti illi suos, & à fuga reuocanti, Lacedæmonius quispiam lethale vulnus infixit. Eo prostrato, qui erant cum Agésilæo, à fuga reuersi, iam ancipiti Marte cum hoste depugnarunt, sic tamen, vt multo præstantiores Lacedæmonij viderentur. Hac arte prudentia

ducis consuluit incolumitati suorum, qui fuerat haud dubiè perituri: simul illud docuit, in bello plus habere momenti vnum verè prudentem & cordatum, quàm turbam imprudentium. Plutarch. in Lacon. apoph.

Idem.

Cùm transmissò Helleſponto iter faceret per Thraciam, nulli quidem barbarorum ſupplex fuit, vt daretur tranſitus: ſe miſſis ad ſingulos nuntiis rogabat, vtrum per hoſtium an amicorum regionem iret, ac cæteri quidem illum amicè recipiebant venientem, ac diſcedentem deducebant. Cæterum qui Troadenses appellantur, à quibus, vt fertur, Xerxes datis muneribus tranſeundi copiam emerat, tranſitus mercedem poſtulabant ab Ageſilao, centum argenti talenta, totidèmq; ſœminas. At is irridens eos, rogauit, cur non protinus veniſſent, accepturi quod poſtulabant? Admonuit exercitum, & congreſſus cum is qui ſe obiter collocauerant in acie, omnes vertit in fugam, compluribus trucidatis. Itaque ſibi ferro viam aperuit. Plut. in Lacon. apoph.

Idem.

Cùm hoſtes Ageſilai exercitum foſſa cingerent, id quod facilè poterant ob multitudinem, ac Neſtæbius, cui ſupperias ferebat, cenſeret erumpendum, & cum hoſte conferendas manus, ne inſtitutum perficerent: ille negabat impediendos hoſtes, qui pares hoſtibus eſſe ſtuderent, non ſuperiores. Siquidem foſſa vtriſque adimebat conſtigendi copiam. Porro cùm parum abeſſet quin foſſa coiret, per hoc anguſtum interuallum inſtructis reliquis mili-

bus, ac interſpares commiſſa pugna, vertit illos in fugam, hoſtiumque ingentem ſtragem edidit paucis militibus, quos ſecum habebat, atque ex præda magnam pecuniarum vim miſit Spartam. Plutarchus in Ageſilao.

Epaminondas.

Cùm eſſet ſibi nunciatum, exercitum ab Athenienſibus nouis ornatum armis in ſe miſſum: Quid igitur, inquit, Antigenidas gemit, cum Tellen, nouas tibias habeat? Hic enim malus, ille optimus erat tibi- cen. Plut.

Idem.

Cuidam obiicienti, quod Agamemnonis gloria æmulareretur. Fal- leris, inquit, nam ille, totius Græciæ præſidiis uſus, decem annis vix vnam cœpit urbem: ego vnius huius urbis præſidiis, vno die proſtigatis Lacedæmoniis, totam Græciam liberaui. Eraſ. ſ. apoph. ex Plut.

Idem.

In Mantinea pugna lethaliter vulneratus, non prius ferrum eduxit, quàm audiuiſſet Thebanos viciſſe: tum, Satis, inquit, vixi, inuiſtus enim morior: & eduſto ferro, protinus eſſe- flauit animam. Valer. Max.

Idem.

Quæſiuit, an clypeus eſſet ſaluus? vt audiuit ſaluum, rogauit, an hoſtes eſſent deuicti? Audiens penes Thebanos eſſe victoriam, ita loquutus eſt militibus: Non finis commilitones vitæ meæ, ſed melius & alius initium aduenit. Nunc enim veſter Epaminondas naſcitur, quia ſic moritur. Valer. Max.

Idem.

Pugnaturi cū Lacedæmoniis cum ſella ſuccubuit, militibus rem malè ominantibus: Imò, inquit ille, ſedere prohibi-

prohibemur, animosque militum re-
stituit. Brufon. lib. 2. cap. 43.

Dercyllidas.

*Pyrrho exercitum ducente con-
tra Lacedæmonios, & multa mini-
tante, Dercyllidas, vnus ex seniori-
bus, exurgens in concione dixit: Si
quidem Deus est qui minatur, non ti-
meamus, nihil enim iniuste egimus:
fin homo, norit quod vis minetur.
Stob. serm. de fortitudine.

Archidamus.

Vbi vidisset iaculum catapultæ
mittendum, id temporis primum ex
Sicilia aduectum, exclamans, inquit:
Hercules, periit viri virtus. Quoties
enim instrumentis bellum geritur,
quæ missio telo saxove procul fe-
riunt, minimum interest inter for-
tem virum & ignauium: verum vbi co-
minus res geritur, tum apparet qui vi-
ri sint, qui non. Plut. in Lacon.

Idem.

Cuidam quærenti quàm spatio-
sam regionem obtinerent Spartiatæ:
Quantam, inquit, hasta possunt as-
sequi. Allusum est autem ad menso-
res agrorū, qui decempedis aruorum
spatia metiuntur. Plut. in Lacon.

Idem.

In bello quod gerebatur cum Phi-
lippo, quibusdam suadētibz vt pro-
cul à patria pugnaretur: Haud istud
spectandum est, inquit Archidamus
sed bene pugnantē hostibus erimus
superiores: significans, non perinde
referre vbi configas cum hoste, vt,
quàm strenuè se gerat dux aut miles
in bello. Plut. in Lacon.

P. lopidas.

Domo egrediens, lachrymante v-
xore, ac dicente vt seipsum saluum
redderet: ô mulier, inquit, priua-

torum est hæc admonere, ducum au-
tem & imperatorum alios saluos fa-
cere. Plut. in apoph.

Brasidas.

Cum bellum aduersus Ephoro^s
susceperet, hostibus prius scripsi-
t hunc in modum: Quicquid malo-
rum vspiam erit, profligabo, aut mo-
riar. Verum cum in instituto suo
pergeret & iam Græcos Thraciam
incolentes liberaret, fortiter pu-
gnando occubuit. Plutarch. in Lacon.
apoph.

Callicrates.

Aduersus Mardonium Xerxis du-
cem pugnaturus, sagitta percussus
ac propemodum examinatus: Ego,
inquit, mortem nihil lugeo, seu quod
domo proficiscens vt pro Græcia mo-
rerer, huc venerim, sed angor animo
quod nec strenuè, nec fortiter dimi-
cans oppeto. Plut.

Agésilau Atheniensis.

* Is ad exercitum Persicum ex-
plorandum missus, comprehensus
est & ad Xerxem perductus. Cum-
que is immolaturus esset bouem su-
per aram solis, Agésilau dextram
iniecit manum: & cum sine gemitu
pertulisset angustiam illorum tor-
mentorū, dixit, Tales sumus om-
nes Athenienses: fin fidem non ha-
bes, etiam sinistram immittam. Stob.
ser. 7. de fortitudine. Eadem refert
Linius & Plutarch. de Mutio Scæuor-
la Romano.

Antigonus.

Cum circa Andrum nauale insti-
tueret prælium, dicente quodam,
multo plures esse hostium naues: Me
autem, inquit, aduersus quot oppo-
nes? Plut.

Porus.

Porus Indorum rex, inuadente In-

diam Alexandro, suadentibusque amicis, ut societatem cum regibus finitimis iniret ad propulsandum Alexandri impetum: Si mihi, inquit, tantæ vires non sunt, ut sine sociis saluusse non possim, melius profectò est omnino non regnare, & fortiter mortem oppetere pro salute meorum. Curtius & Arrianus.

Idem.

Idem suadentibus amicis, ut faceret rem diuinam, nec Alexandro, postea transitum per flumen concederet: Non est, inquit, arma tentantium supplicare. Ex iisd.

Idem.

Dicentibus amicis, si supplex Alexandro cessisses, non esses victus: respondit, si Alexandro supplex cessissem, futurum erat ut ipse me ignauum seruum: si armatus restitissem, generosum regem iudicaret. Bruso. lib. 2. cap. 43.

Lycurgus.

Roganti, qua de causa vetuisset oppugnari turres: Ne, inquit, à fœmina, puerove, aut ab alio quopiam homine puero ac fœminæ non dissimili, viri præstantiores occidantur. Non probauit prælij genus, in quo virtuti locus non esset. E turribus verò puer aut mulier deiectu saxorum potest virum quantumvis fortem interimere. Quis igitur locus viruti in bellis nostris, in quibus præcipuas partes agunt bombardæ? Plut.

Xerxes.

Cùm à trecentis Lacedæmoniis ad Thermopylas vexatus esset, tantam militum ducens multitudinem, hoc se deceptum aiebat, quòd multos quidem homines haberet, milites autem per paucos. Sentiens, non perinde referre quàm multos educas, sed quàm exercitatos. Erasim. 5. apoph.

Darius.

Missis legatis ad Alexandrum ei decem millia talentorum, cunctam Mesopotamiam, filiæque matrimonium, tum amicum se sociumque futurum pollicebatur. Literis perlectis Parmenio: Si Alexander (inquit) essem, has ego condiciones acciperem. Cui subridens Alexander: Et ego mediis fidius, ait, si essem Parmenio. Plut. Q. Curtius Arrianus.

Lacones.

Philippo, quum peruenisset in agros Lacedæmoniorum, scripsissetque, Vtrum vellent ipsum venire hostem, an amicum: responderunt, Neutrum. Vnico verbo absoluerunt sententiam, quod erat Laconum: ac simpliciter negantes regi transitum, quod erat virorum fortium. Plutarch. in Lacon.

Alexander.

Quum Darius numerosissimum exercitum instruxisset, Alexander profundissimo somno correptus est, adeò ut nec interdiu potuerit expergifci. tandem imminenti periculo amici ingressi, regem excitauerunt. Qui quum dicerent, se mirari in eorum statu tantam regis securitatem. Magna, inquit Alexander, animi molestia me Darius liberauit, qui vires suas omnes in vnum contraxit, ut liceat vno die de summa rerum discernere. Plut. in vita Alexan. Q. Curtius. Arrianus.

Idem.

Philippus Macedo, quum Alexander filio dixisset, num vellent regiam ædificare domum, ornata auro, electro. eborque: Minime, inquit Alexander, sed potius hostium spoliis. Bruson. lib. 2. cap. 43.

Idem.

Insultantibus in eum Scythis, conuiciis-

uiciisque trans Tanaim fluuiū acef-
sentibus, tranare decreuit, sed diffua-
dente Aristandro vate, qui dicebat,
prodigiis hoc prohiberi: Satiū est, in-
quit, periculo me offerre, quā tota
penē Asia subacta, Scythis ludibrio
& contemptui esse. Bruf. lib. 2. ca. 43.

Idem.

Idem cuidam ciuitati partē agro-
rum & dimidium rerum omniū pro-
mittenti: Eo, inquit, proposito in Asiā
veni, non quidem vt id acciperem
quod dedideris, sed vt haberetis quod
reliquissem. Bruf. lib. 2. cap. 43.

Idem.

Vulnerato in pectore, in expugna-
tione cuiusdā arcis, quum ab amicis
reprehēderetur, quod tam prope ac-
cessisset Seniore quendam Bœotiū
dixisse ferūt, Virorum est, ô Alexan-
der, magna facinora aggredi: sed qui
præclare quicquam facit, necesse est
& pati. Bruf. lib. 2. cap. 43.

Idem.

Eundem cum amici hortarentur,
vt noctu hostes aggredieretur: Non
est, inquit, regium victoriam furari:
Q. Curtius, Plutarchus.

Idem.

Cum vidisset quendam, idem cum
ipso nomen habentem, sed timidum,
Adolescens, inquit aut nomen, aut
mores mutato. Sensit autem, eum A-
lexandri nomine nequaquam dignū
esse nisi qui militari facinore fortem
se militem & infractum ostenderet.
Q. Curtius Max. ser. 4.

Idem.

Cum ei ad bellum gerendum pro-
fiscienti diceret Aristoteles, expe-
ctandum esse perfectam ætatem, &
tum demum bellandum esse: Vereor
inquit, ne dum perfectam ætatem ex-
pecto, audacem perdam iuuentu-
tem. Eod. ser.

Timotheus Athen.

Prospera fortuna per omnia cre-
debatur vti, dicebātque, Fortunam
rerum bene gestarū causam esse, Ti-
motheū verō nullius. Proinde picto-
res dormitantē cum in castris taxan-
tes fingeant, atque fortunam supra
caput pendentem, ciuitates quasi in
rete quodam conducere. Ælia. li. 14.
de Var. hist.

Anonymæ.

* Eubuli & Aristophantæ Siculo-
rum vxores, cum maritis adu. Phala-
riū tyrannum Agrigentinum conspi-
rauerant. Deprehensæ, tyranno om-
nia ingenuē fassæ sunt, & simul cum
maritis strenuā operam dedisse, vt eū
tollerent. Sciscitant Phalari quā ob
iniuriam, Ob nullam priuatā, verūm
ob publicam responderunt. Commu-
nem enim iniuriam esse, quod libe-
ræ ciuitates seruitute præmerentur.
Rursus eo interrogante, quo tandem
supplicio affectæ meritas poenas lue-
rent huiusce odij: capitis dixerunt,
Phalaris tanta animi fortitudine per-
motus, eas dimisit liberas. Stob. ser. 7.

Pyræhus.

In pugna Tarentina Romanorum
militum virtutem ac ducum pruden-
tiam admiratus, exclamauit, O quā
facile erat orbis imperium occupa-
re, aut mihi Roman. militibus aut
me rege Romanis! Ita Florus in E-
pit. lib. 3.

Coriolanus.

In bello aduersus Volscos, quum
rogaretur vt labore ac vulneribus e-
ger sese in castra reciperet: Non est,
inquit, victoris labore, mōxq. hostem
fugientem insectatus est. Victoriæ
dulcedo excutiebat omnem mole-
stia sensum. Eras. lib. 6. apoph.

Scipio.

Scipio, qui quinquaginta quatuor

annorum spatium emensus, neque emit, neque vendidit quicquam, quum quidam ei scutum eleganter apparatus ostenderet, dixisse fertur: Atqui Romanum ciuem par est in dextra spem ponere, non in sinistra. Innuit autem, Romanos semper cæteris fortitudinis præstantiores fuisse, qui in bellica virtute omnium paucis annis domini facti sunt. *Ælian.* libro II. de Var. hist.

Q. Fabij, & Carthagenensium.

Sagunto à Pœnis contra fœdus oppugnata, Romani legatos misere Carthaginem, in quibus erat *Q. Fabius*, exploraturos an id publico consilio factum esset. Ad id quum quidam Carthagenensium princeps fero eius respondisset, Romanus sinu ex toga facto. En inquit, vobis bellum & pacem apportamus, vtrum placet sumite, quum Pœni ferocius reclamarerent, daret vtrum vellet: Romanus effuso sinu. Bellum, inquit, damus. Responderunt Pœni se accipere, eoque animo gesturos quo ille daret. *Eras.* lib. 6. apoph.

Scipio iunior.

Postquam se intra muros vrbis receperat, Carthagenensibus ex arce sese defendentibus, ac *Polybius* suaderet vt in mari, quod interiacebat non valde profundum, murices spargeret ferreos, aut tabulas aculeatas iniiceret, ne transmissio mari hostes pro aggeribus pugnarent: aiebat esse ridiculum quum moenia tenerent, & intra urbem essent, dare operam ne cum hostibus confligerent. *Plutarch.* in Rom. apoph.

Idem.

Numantia capta, quum iterum triumphasset, incidit illi controversia cum *C. Graccho*, tum pro senatu tum pro belli fociis. Id moleste fe-

rens populus, tumultuabatur: *Scipio* verò consensu suggestu, *Me*, inquit, nec castrorum vociferatio vnquam tenuit, nec tumultus hominum terrebit, quibus Italiam scio non matrem esse, sed nouercam. Significas, eos qui publicis patriæ commodis obstreperet, non esse verè Italos, sed alienigenas. *Valerius* refert illum dixisse: Nunquam eos metuam solutos, quos huc alligatos adduxi. Denotans, eos adductos fuisse captiuos, qui in victorè ferocirent. *Plut.*

P. Licinius.

P. Licinius consul, imperator equestri pugna superatus à *Perseo* Macedonum rege, bis mille & octingentos milites amisit, partim interfectos, partim captos. Cum verò post pugnam *Perseus* mitteret oratores acturos de fœdere ac pace: *Licinius*, qui victus erat, victori præscripsit, vt si pacem vellet, quæ haberet in sua potestate, daret in fidem Romanorum. Ne calamitas quidè fortissimi viri spiritus potuit imminuere. Nec ignorauit *Perseus*, quibus cum viris ipsi res essent, eoque fecit victor quod victi solent facere. *Plut.* in Rom. apoph.

Sylla.

Apud *Orchomenum* quum milites longius euagarètur à ordinibusque per turbatis fugam caperent: *Sylla* ex equo desiliens, arrepto vexillo in hostem cõuolat, ita vociferans: Mihi quidem o Romani milites, hic pulchrum est mori: vos interrogati quo loco ducem vestrum amiseritis, meminertis, dicere apud *Orchomenum*. Hac voce suos reuocauit. *Plut.* in *Syll.*

Pomponius.

Pomponius Miles Romanus captus à *Mithridate* sub *Lucullo* imperatore, multis faucibus vulneribus, rogatus à *Mithridate*, An curatus ei foret,

ret amicus. Ero. inquit, per libenter, si tu prius Romanis amicus fueris. sin inimicus, me quoque inimicum habebis. *Brut. lib. 2. cap. 1.*

M. Brutus.

Vltimum praelium initurus: dehortantibus quibuscumque se tanto discrimini committeret: Hodie, inquit, aut recte erit, aut nihil curabo. Significans se aut victorem fore, aut non victurum. Mors autem adimit omnium malorum sensum. *Plut. in Bruto.*

Idem.

Post Caesaris caedem periculis circumdatus, scripsit ad Atticum, optimo in statu mentem suam locatam esse. Aut enim se victorem Romanam Rempublicam liberaturum, aut animam suo de corpore, *Bruto. lib. 2. cap. 43.*

Cyanienses.

Cum M. Bruto tota fere Lusitania sese dedisset: solamque vrbs Cyania pertinaciter arma retineret, tertatum est per Bruti legatos, ut data pecunia per seuerare esse sui iuris. Verum his populus Cyaniensis vno ore respondit, sibi ferrum a maioribus relictum, quo urbem tuerentur non aurum, quo libertatem redimerent. *Val. Max. lib. 6. cap. 4.*

Pompeius.

Cum Syllanae factioni se addixisset, non absque spoliis, nec sine cruenta victoria imperatori se copias exhibiturum esse dicebat. Nec prius venit ad Syllam, quam multi conflictibus hostium duces superasset. *Plut. in Roma. apoph.*

Iul. Caesar.

Post attritos Tigurinos, ad urbem quandam sociorum proficiscens, cum audisset Heluetios in itinere occurrere, in locum quandam munitum se recepit. Ibi congregatis copiis, instructaque acie, ubi equus

illius cui solebat insidere adductus est: Hoc inquit, post victoriam utar in persequendis hostibus & pedes aggressus est Heluetios. *Plut. in Caes.*

Idem.

Videns aequaliferum terga dantem hostibus, faucibus comprehensum hominem, in hostes manus conuertit, atque ait: Quorsum abis ignauissime, an non illos esse vides quibus cum dimicamus? *Brut. lib. 2. cap. 43.*

Idem.

Potentiam duabus potissimum rebus parari, pecunia scilicet & militibus, atque deinde eam potentiam eiusmodi rebus conseruari & augeri, dicere solebat. Existimauit autem, haec duo sese mutuo consequi posse, exercitum comineatu retineri, rursum comineatum armis comparari. *Xiphilinus in Caesare.*

Idem.

Dyrrachij expectabat, ut illuc e Brundusio milites mitterentur. Id cum tardius fieret, clam omnibus consensa scapha exigua, tentauit transmittere pelagus, cumque nauigium vndis obrueretur, gubernatori iam animum despondenti, quis esset aperuit, dicens: Confide fortunae, sciasque te Caesarem vehere. Tanta erat animi praestantia, quasi fortunam ac deos in manu haberet. Ac tum quidem tempestate ingrauescente, vetitus est quod instituerat peragere: Milites autem ubi rescuere factum, concursum fecerunt ad Caesarem, grauitérque ferebant si alias expectaret copias, velut ipsis diffusus. *Plut. in apoph.*

Anonymus.

Cum Antonius appararet classe cum Caesare conflagrare, quidam tribunos militum, vir fortis, & armis exercitatus Antonio praetereunti corpus

suum multis cicatricibus insignitum ostendit, dicens: O imperator cur his vulneribus, aut huic gladio parum fidis, inque lignis fragilibus spem reponis? Sine Phœnices & Ægyptij classe pugnent, nobis Romanis terram da, in qua consueuimus vel hostem vincere, vel mortem oppetere. Plut. in vita Antonij.

Turbo.

Turbo Adriani Cæsaris præfectus, admonitus ab eo, ut curâ haberet suæ valetudinis, sibi que daret vocationē à negotiis respondit. Nō decere Cæsaris profectos, nisi stantes mori. Ingenuum esse sentiens in lecto incubentem expirare. Eras. 6. in apoph.

Zisca.

Ioannes Zisca, Hussitarum dux & imperator bellicosissimus, cum in pueritia vnū oculum amisisset inter æquales ludens, altero etiam in obsidione cuiusdam castris priuatus est. Sed neque oculo utroque cassus imperio se abdicauit: Is post multa cōtra Bohemos & Theutones egregia facta, cum in morbum lethale incidisset, ac iam propē moriturus interrogaretur: quomodo sepeliri vellet? Pellein, inquit, mortuo demittere: reliquosq; feris cadauere, ex ea tympanū facite, quo in præliis utamini. Nam ut hostes viuētis aspectum nō ferebant, ita mortui sonitum non ferēt. Æn. Sylu. lib. 3. commentariorum de reb. gest. Alphonfi.

Alphonfus.

Videns naufragos auxilium implorantes, suos abhortatus est, ut illi cōsubuenirent, qui dum pertimescerent periculū maris tam horrēdum, dicentes, melius esse vnā quā vnī uersas triremes perditum iri: Res ipsēmet soluit prætoriam nauem, Satiū esse inquiens, vnā cum focis vi-

ris fortissimis occumbere, quā illos videre ante oculos. extrema pati, Panor. l. 2. de reb. gest. Alphonfi.

De fortuna.

Socrates.

* **M**aximum ceu minimam spectandā esse dicebat, & quod abest nō desiderandum: neque enim inquit, ad te pertinet, Stobæus serm 5.

Diogenes.

Solebant olim à periculis seruati in templis suspendere donaria, velut incolumitatem suam diis acceptam ferentes. Proinde quum Samotraccē profecto Diogeni ostenderentur donaria, quæ à bello, morbo, nauigatione, alioue discrimine seruari, dicārant: Atqui, inquit Diogenes: multo plura essent, si qui seruati non sunt, ista dedicassent. Sensit opinor, eos qui seruarentur, casu seruari, nō deorum beneficio. Quod si diis imputandum est si quis seruaretur, isdem imputandum est quod plures pereunt quam seruantur. Sunt qui hoc tribuant Diogeni Melio, impio. Samothracos autem magna in hisce rebus superstitione laborabant Laër. Nullā autē fortunam summi dei respectu, agnoscit vera Religio. fortuna nobis est, quæ in Deo prouidentia dicitur.

Plato.

* Dicebat Deum quidem omnia, & fortunam oportunitatēque simul cum deo cuncta humana gubernare l. 4. de legib.

Epictetus.

* Malum vinculū esse dicebat, corporis quidē fortunam, animæ autem vi-

vitium. Siquidem qui corpore quidem liber, anima verò vinctus, is seruus est. Rursum qui corpore nexus, anima verò solutus, is liber est. In Enchiridio.

Archytas Pythagoreus.

*Quæadmodum(inquit)refulgens lux perstringit aciem oculorum: sic etiam nimia fortuna intellectum animæ. Stob. ser. I.

Demetrius.

Aristophanes in comœdia Plutum inducit cæcum. At Demetrius dicebat, non solū plutum, id est, diuitias, esse cæcum, verū etiam Fortunam, Pluti ducem, vt iam sit illud prouerbij, Cæcus cæco dux. Fortuna sæpe largitur indignis sua munera. Laër. I. 5. cap. 5.

Theramenes.

Theramenes, vnus triginta tyrannorum. domo, in qua multi accumbebant, in cœnantes illapsa, solus incolumis euaserat. Hanc ob rē quum ab alijs fœlix prædicaretur, ille magna exclamans voce: O fortuna, inquit, cui me occasione seruas? Sensit vir prudens, se non esse seruaturū, sed maiori malo reseruaturū. nam aliquanto pōst interfectus est Eras. 6. apoph.

Demosthenes.

*Dicebatur enim euentus omnibus hominibus esse obscuros, & parua occasionum momēta causas existere ad res maximas: ideo in secunda fortuna moderatum animum, futuriq; prouidum esse adferendum. Orat. ad Leptinem.

Plutarchus.

*Fortuna, inquit, sagittarij more collinat, interdum in nos iaculans tanquā in scopum quendam, interdū in ea quæ nobis adherēt. Ant. & Max. ser. de fortuna bona & mala.

Vide apoph. de Fœlicitate & Infœlic.

De fortunæ inconstantia.

Thales.

Siscitatus, quemadmodum quis Scalamitatē optimè ferre posset: Si, inquit, hostes videat in maiori versari miseria. Max. ser. 18.

Chilon.

Chilonis sententia huic non abfimilis est, qui dicebat, infortunatum non irridēdum esse: fortuna cum inconstans sit, & nostræ etiam fœlicitati inuideat. Stob. ser. 109.

Idem.

Ab Æsopo interrogatus, quid ageret Iupiter? respondit: Excelsa deprimat, depressa extollit iudicans, arbutio numinis res hominum sursum deorsum volui, reuoluīque. Laër. I.

Æsopus.

Quærenti, quid dii facerent? dixit, eos alia struere, alia diruere. Stobæus ser. 103.

Bion.

Interrogatus, quis esset in vita maximè anxius? Qui in maximis, inquit, rebus cupit esse fortunatus. Is enim mille curis distorquetur, vt assequatur ardua: & assequutus, æquē torquetur ne amittat, Laër. libro 4. cap. 7.

Idem.

Dicere solebat, Fortunam diuitibus pecunias non dona dedisse, sed mutuò. Hæc enim, cum suis bonis extra omnem spem nos euehit, subque pro arbitrio mox deprimit incautos. Stob. ser. 103.

Socrates.

Dicebat, idem esse in secunda fortuna altum sapere, & in lubrica via cursu certare. Stob. ser. 103.

Idem.

*Idem est (dicebat) languenti onus

imposuisse, & indocto bonam fortunam. Stob. ser. 4.

Idem.

* In foro ignem, in vtraque fortuna mentem splendere pulchrum esse dicebat. Ant. & Max. ser. de fortuna bona & mala.

Bias

* Eum demum infortunatum esse pronuntiabat, qui infortunium suum æquo animo ferre non posset. Max. ser. 18.

Idem.

Interrogatus, quid esset difficile? Mutationem, inquit, secundæ fortunæ fortiter ferre. Max. ser. 18.

Isocrates.

Suos admonere solitus erat, ne cuiquam suam calamitatem obiicerent. Communem enim fortunam esse: nec quid futurum nobis sit, modò spectari posse. Stob. ser. 190.

Democritus.

Dicebat, nullam esse adeò unitam diuitiarum portam, quam fortunæ occasio aperire nō posset. Stob.

Teles.

* Fortunam, seu poetriam quandam, dicebat multas inducere personas naufragi mendici, exulis gloriosi, obscuri, itaque, inquit, decet, virū bonum recte agere, quacunquē ei fortuna dederit personam. Naufragus es factus? bene representato naufragum: pauper ex diuite? bene agito pauperem, &c. Sto. ser. 106.

Plutarchus.

Fortunam assimulabat malo certaminum præfidi. Nā sepe coronat illos qui non vicerunt. Anton. & Max. ser. de fortuna bona & mala.

Anonymus.

Diagoras cum Olympicis vidisset filios suos victores coronari, atq; ex filia filioque nepotes, eaq; re multū

lætaretur, Lacedæmonius quidam dixisse fertur: Nūc ō Diagora pulchrū esset moriendū tēpus. Ostendens, fieri non posse, vt tantus felicitatis cumulus, alicuius rei in felicitate ante mortem non compensaretur: & tunc moriendū esse, cum viuentem plus vita delectat, Fulgosi. l. 7. c. 2.

Leotychidas.

Roganti, quo modo quis maximè præsentia bona tueretur? Si non omnia, inquit fortunæ crediderit. Brus. lib. 2. cap. 37.

Dionysius iunior.

Amisso imperio Corinthi agens, si quis ipse molestus esset, dicebat, Quam beati sunt, qui à puero infelices fuere. Stob. ser. 109. de Insperatis euentibus.

Idem.

Conuenerant aliquando Dionysius secundus & Philippus Amyntæ. Cumque in diuersos sermones incidissent, Philippus inter alia Dionysium rogabat, Quomodo cum tantū regnum accepisset à parente, non id defendisset & conseruasset? respondens, Non mirum est, ait: quoniam quum reliqua mihi pater omnia reliquisset, fortunam solam qua ea parauerat, & tutatus fuerat, mihi non tradidit. Ælian. li. 12. de Var. hist. & Bruson li. 2. c. 37.

Democrates.

* Etiam bonum gubernatorem aliquando naufragium facere, & virum bonum vel industrium etiam infortunatum euadere dicebat. Ant. & Max. ser. de fortuna bona & mala.

Aristonymus.

* Vitam humanam theatro comparabat, vbi sæpius pessimi quique honoratissimum inter homines locum obrinent. Stob. serm. de illis qui indigne fortunati sunt.

Idem.

Idem.

* Dicebat periti naucleri esse ventorum se mutationibus accommodare: viri autem sapientis, fortunæ. Stob. ser. 3.

Pausanias.

Simonides ad conuiuium à Pausania vocatus, rogabatur inter conuiuandum, vt quidpiam ex philosophiæ arcanis in medium adferret hominibus, quòd documento esset omnibus. Is itaque respondit Pausaniæ: Memineris te hominem esse. Vidit vir sapientissimus, Pausaniam ex nimia felicitate superbientem, quem hoc dicto sui officij admonere voluit. Sed Pausanias contempsit philosophi dictum. At cum iam in Charceæco & cum fame luctaretur, iamque contumeliosissimam mortem præ oculis cerneret, in memoriam philosophi dictum reuocans: O Cee hospes, ait, magnum quiddam in tuo erat sermone: ego verò nimium fortunæ meæ fidens, eum nullius momenti esse putabam: vnde nunc miserrime interire cogor. Ælian. lib. nono de Varia hist.

Cræsus.

Consultus à Cyro de bello suscipiendo contra Tomyrin reginam, à qua tandem occisus est: Si tibi, ait, esse videris immortalis, nihil est opus vt meam tibi sententiam dicam. Si verò te quoque agnoscis hominem, illud in primis discito, talem humanarum rerum circulum esse, qui rotatus, eosdẽ semper fortunatos esse non sinit. Bruf. l. 2. c. 37. ex Herod.

Demetrius.

Illum qui sinistram fortunam ferre nequeat, ne dextram quidẽ posse ferre dicebat. Ant. in Meli. par. x. ser. 70.

Idem.

Nemo Demetrio fuit vtraque for-

tuna exercitator. Itaque frequenter solebat in fortunam illud Æschyli dicere: Tu me extulisti, tu ipsa rursus deiicis. Plut. in Demetrio.

Darius.

Darius Xerxis pater, in sui laudem dicere solebat, sese præliis æ rebus asperis reddi prudẽtiorem. Atqui talis prudentia nimio constat reipubl. Præstat principẽ philosophiæ præceptis haurire sapientiam, potius quàm experimentis miseram, vt vocant, colligere prudentiam. Eras. libro 5. ex Plut. apoph

Philippus.

Cum Philippo Macedoni nuntium esset allatum, vno die multas res feliciter ac prosperè gestas esse (nam eodem tempore vicerat in Olympiis, & Parmenio Dardanenses prælio fuderat, & Olympias ipsi masculum foetum erat enixa (porrectis in celum manibus exclamauit: Et o fortuna, inquit, pro tot tantisque bonis leui quopiam malo me affice. Vir cordatissimus, non insolenter gessit ob rerum successum, sed fortunæ indulgentiam suspectam habuit, cuius ingenium esse nouerat, vt quibus exitum molitur, his prius noua rerum prosperitate blandiatur. Huc pertinet quod de Polycrate Samiorum tyranno refert Plinius. Plutarchus in apophtheg. Fulgofus libro 7. cap. 2.

Apelles.

Interrogatus, cur sedentem fortunam pinxisset? respondit, Quia locostare non potest. Stob. ser. 103. Max. ser. 67.

Romulus.

Infelicitatẽ hominibus plurimam prodesse dicebat, eò quòd in rebus aduersis doceamur de rebus antea nobis ignotis. Multi enim, cum ra-

tione futura praevidere non possunt, patiendi res intelligunt demum. Antonius in Melissa, parte I. sermone 70.

Idem.

Eum nequaquam beatum praedicandum dixit, qui propter amicos, aut alias fortunae dotes exultaret. haec enim sunt fallacia & caduca omnia, quae fortuna in sua potestate habet. Max. ser. 18.

Fabius Max.

Cum audiret Minutium collegam ab omnibus mirum in modum collaudari, quod nonnullos hostes iam deieciisset: se magis secundam Minutij fortunam, quam aduersam pertimescere, dicebat. Non ignorabat enim quam variae essent fortunae vires, &c. Plut. in vita Fabij Max.

C. Marius.

Non sanae mentis hominem esse aiebat, qui se fortunae committeret. Brus. l. I. c. 37.

Anonymus.

De Mario tyrannorum septimo dictum est, quod vno die factus est imperator, altero visus est imperare, tertio intereptus est a milite qui percussurus illum dixerit, Hic est gladius quem ipse fecisti. Fuerat enim epifex ferrarius. Allusit autem intereptor ad illud prouerbium, Tuo te gladio iugulo. Trebellius Pollio.

Seuerus imper.

Celebratur Seueri imperat. dictum: Omnia fui, sed nihil expedit. Sentiens, sese ex humili loco per literarum ac militiae officia plurimis gradibus fauore fortunae ad imperij fastigium fuisse perductum: sed nihil feliciter celsisse, aut nulla in re sibi placuisse. Aelius Spart.

Vide apoph. de Felicitate.

De fortuna aduersa aequo animo ferenda.

Chilon.

Quum quidam propter sua mala doleret, dixit: Si aliorum omnium mala perpenderis, minus aequè feres tua. Stob. ser. 18.

Putacus.

Prudentum virorum esse dixit, ne quid mali fiat cauere: fortium autem, id quod factum est, moderatè ferre. Stob. ser. 18.

Diogenes.

In casus quosdam aduersos quum incidisset, dicebat, Bene factum est fortuna, quod tam viriliter mihi praefueris. Idem in huiusmodi casibus alta voce cantillabat. Stob. ser. 106.

Zeno.

Naufragiū passus, opibus omnia amississet, immobili vultu: Euge, inquit, fortuna quam opportunè nos ad hoc palliolū redegitisti. Max. serm. 8.

Socrates.

Xantippe dicebat, cum infinitae mutationes & Rempub. & ipsos occupassent, in omnibus se similem vidisse Socratis vultum, & exeuntis domo, & denuò redeuntis. Ad omnes enim fortunae vndique ingruentes procellas moderatè & concinns erat. Stob. ser. 106.

Idem.

* Dicebat, idem est in gymnaco certamine victum contumeliae actionem aduersario intentare: & in vita victum a fortuna, eam accusare: quasi nescias quo iure quibusque legibus in vitae certamen cum ipsa descenderimus. Stob. ser. de pusillanimitate.

Archytas Pythagoreus.

* Dicebat non difficile esse aduersam

nam fortunam commodè ferre, sed prosperum. Omnes etenim, inquit, quandiu in miseria permanent, vt plurimum moderatis modestisque moribus esse videntur in rerum autem successu elatis animis, &c. Stob. serm. de virtute.

Vide apoph. de morte suorum non desenda, de Animi moderatione, Fortitudine, Felicitate, Infelicitate, Patientia, Iniuuria, Vltione neglecta, &c.

De fratribus.

Antisthenes.

FRatres qui essent concordēs omni pariete dicebat esse fortiores. Laer. li. 6. c. 1.

Isocrates.

*Dicebat, non decere fratres, vt lances in statera, altero humiliato alterum extolli. Ant. & Max. serm. de amore fraterno.

Socrates.

*Eos qui fratribus præteritis alios sibi amicos acquirunt, iis similes esse dicebat qui relicto suo agro alienum colunt. Stob. ser. 82.

Plutarchus.

*Dicebat, nullam esse fratris amissionem recuperationem, vt neque manus ablata. Anton. ser. de amore ac odio in fratres.

Idem.

*Musas dicebat nominatas quasi *ἀποὺν ὁμοῦ*, id est, simul degentes, propter sororiam animorum coniunctionem. Stob. ser. 81.

Euclides Socraticus.

*Cum fratrem dicentem audiuisset, Dispercam nisi te vltus fuero: respondit, Et ego, nisi vt nos ames tibi persuaserim. Plutarch. libr. de fratr. amore.

Sotion.

*Fratrum amantem & pauperem dici præstat, inquit, quàm fratrum osorem & diuitem. Stob. ser. 82.

Idem.

*Fratri in fratrem insurgenti, dicebat, Canem tibi infensum mitigare conaris, vt fiat benignior: erga fratrem verò idem non facies. Eodem sermone.

Aristippus.

*Ad fratrem reconciliatum dixit, Memineris te dissentionis, me reconciliationis fuisse authorem. Ibid.

Hierocles.

*Sicut oculi manúsque, si animæ & mentis per se compotes fierent, reliquas partes omni studio curarent propter intercedentē ipsis communionem: quoniam ne ipsæ quidem functionem suam rectè administrare possunt citra præsentiam aliarum partium: ita nobis etiam, inquit, qui homines sumus, & animam habere nos fatemur, omnibus viribus annitendum est, vt fratribus decenter vtamur, &c. Stob. ser. 82.

Intaphernis uxor.

Dario permittente vt vnū ex suis eligeret, cuius vitam sibi donari vellet, fratrem elegit. demirante rege, causamque sciscitante: Alius, inquit, maritus, alij liberi, si Deus volet possunt contingere: alium fratrem parentibus vita defunctis, non est quod sperem. Eras. 6. apoph.

Eumenes.

Eumenes insidiis petitus à Perseo, credebatur extinctus. Is rumor cum Pergamū esset perlatus, Attalus eius frater imposito sibi diademate, ductaque fratris vxore, regnum occupauit. Cæterum cum audisset illum viuum: vt solebat profectus est illi obuiam, vnà cum satellitibus, hastam

gestans. Eumenes autem amanter illum amplexus, dixit in aurem, Ne festines ducere, priusquam me mortuum videris: nec præterea per omnem vitam, ullam offensi animi significatione vel edicto vel facto dedit: quin etiam moriens, fratri & uxorem & regnum reliquit. Cuius animi memor Attalus, cum multos ex se liberos haberet, nullum tamen regno educavit: sed Eumenes filio postquam adoleuisset, adhuc vivens principatum tradidit. Plut. in reg. apoph.

Antiochus.

Antiochus cognomento Accipiter, cum fratre Seleuco pro regno bellum gerebat. At ubi Seleucus à Galaris victus, nusquam appareret, sed interfectus in prælio crederetur, deposita Antiochus purpura, pullam vestem induit: rursus paulo post cum audisset illum esse incolumem, pro læto nuntio diis immolavit, fecitque ut civitates ipsi subditæ coronas gestarent, solent fratrum iræ, si quando inciderint, esse acerrimæ: solet regni cupiditas nihil impium aut nefarium ducere. At hic ea moderatione regnum ambiit, ut fratrem vellet incolumem. Plut. in regum. apoph.

Caracalla.

Bassianus præfectus suadebat Caracallæ, ut ad mitigandam invidiam parricidij, fratrem Getam appellaret diuum: Sit, inquit, diuus, dum non sit vivus. Et sic fratrem in diuos retulit. Atque ita regnandi cupiditas nescit iura pietatis. Ex Alio Spartian.

Vide apoph. de Concordia.

De frugalitate.

Crates.

Demetrio Phalereo indignatus est, quod ipsi panes ac vinu mi-

ssisset, dicens: utinam fontes etiam panes ferrent. Sentiens, Vino nihil opus esse philosopho: atque hoc ipsum esse submolestum, quod panis non æquè parabilis esset, ac potus. Laert. lib. 6. cap. 5.

Idem.

Stilpon Ceij dedit caricam, simulque proposuit quæstiunculam. Cum Cynicus protinus nucè deuorasset: Caricam, inquit, Stilpo, perdidisti hic Crates, Non caricam modò, sed & quæstiunculam cuius illa fuit arrha. Sentiens, se frustra captatum munusculo ad respondendum. Laert. lib. 2. cap. 12.

Idem.

Cum in forum incidisset, alios ementes, vendentes alios contemplatus: Illi, inquit, quod res inter se contrariam agunt, se beatos esse iudicant: at ego me, quod utriusque, tum emendi tum vendendi, sum immunis. Stob. ser. 1. de Prudentia.

Socrates.

Dicebat, eos qui frugaliter viverent, longè plus habere voluptatis, ac minus cruciatuum, quam si indulgerent genio. Laert. 1. 2. c. 5.

Idem.

Aduocarat diuites aliquot ad cenam, ob id sollicita Xantippe, quod apparatus esset perquam exiguus, Bono animo es, inquit, nam si frugitemperatique sunt, boni consulēt: si minus, nulla bonis horum cura debet esse. Hoc dilemma nobis meritò excuteret operosam & sumptuosam ambitionem in excipiendis conuiuiis, Laert. 1. 2. c. 5. Stob.

Idem.

Dicere solitus est, eum esse diis simillimum, qui quam paucissimis egeret, cum dii omnino nullius egerent rei. At vulgus diuites diis proximè existit-

existimat, quorum deliciis nihil satis est. De his enim dictum est in comœdia Terentiana, Quàm vos facillimè agitis. Hoc autè Homerus diis tribuit, quos appellat *ῥᾶν ἄγρυται*, id est, facillimè viuentes, Facillimè autem viuit, qui paucissimis contentus est. Laër. l. 2.

Idem.

Dicebat, qui suauiter ederet panem, huic non esse opus obsonio: & qui suauiter biberet quemlibet potum, hunc non desiderare poculum præter id quod adest. Fames enim & sitis optimè condit omnia. Ibid.

Idem.

Admonere solebat, quòd apud alios diceretur edere aut conuiuari, apud Athenienses dici *ἰσχεῖσθαι*: qua voce dicebat nos admoneri, eo temperamento sumendum cibum, vt nec corpus nec animus oneretur. huc opinor alludens, quod *ἰσχεῖσθαι* sonet vehi, vide *ἰσχεῖον* vehiculum, quamquam *ἰσχεῖν* dicatur & cibus: eoque additum est, ne sarcina iusta grauior imponeretur corpori. Eras. l. 3. apop.

Idem.

Xantippe eum increpante, quòd tenuiter se ad amicos accipiendos præpararet, dixit: Si nostri fuerint, nihil curabunt. sin alieni, nos de ipsis nihil curabimus. Max. ser. 13.

Idem.

Dicebat quoque optimum condimentum esse famem, quòd & optimè educaret omnia, & nullius esset impendij. Vnde ipse semper iucundè edebat ac bibebat, quia neutrum faciebat nisi esuriens ac sitiens. Laër.

Idem.

Dicere solebat, multos in hoc viuere vt ederēt & biberent: se autem contrà, ob id bibere & edere, vt viueret: quòd his rebus non ad volupta-

tem, sed ad necessitatē vteretur, quādoquidem natura paucis cōtenta sit. Eras. li. 3. apoph. ex Stob.

Idem.

Per forum obambulans, cū aspiceret mercium copiam quæ illic vdebantur, ita secum loqui consuevit: Quàm multis rebus ego nō egeo! aut alij cruciantur animo, ita cogitantes, Quàm multa mihi de sunt! Sibi gratulabatur, quòd iuxta naturā viuens, ac paucis assuetus, aurum, purpurā, gemmas, ebur, aulæa reliquasque diuitum delicias, nec cuperet, nec egeret: quas dicere solebat magis necessarias agendis tragœdiis, quàm ad vsum vitæ. Laër. l. 2.

Idem.

Quendam ex amicis conquerentem, quòd Athenis omnia magno venirent (vinū enim Chium mina, purpuram tribus minis constare, mellis heminam quinque drachmis) manu illius prehensa, dixit in forum farnarium: Obolo inquit, semisextarius venit, utilis igitur annona est. Hinc ad olearia deducens: Duobus, inquit, æreis sextarius. non magno igitur in vrbe veniūt oīa Qui paucis ac necessariis cōtētus est, sibi facit vilem annonam. Eras. l. 3. apop. ex Plut.

Idem.

Quodam pro foribus deambulanti contentius vsque ad vesperam, cū prætereuntium quispiam dixisset, quid agis Socrates? Obsonium, inquit, mihi comparo in cœnam, de fame sentiens, quam agitatione corporis excitabat. M. Tullius sic explicat: Quo melius cœnem, obsono ambulando famem. Laër.

Idem.

Ad famē ac sitim tolerandā exercuerat sese. post sudorem enim palæstra collectum, cū alij potum

vehementer appetunt, nunquam bibebat de primo cratere. rogatus quā ob rem id faceret? Ne consuescam, inquit, obsequi affectibus. Interdum enim, licet sitias, noxium est bibere. hīc cū ratio suadet abstinentiam, affectus hortatur ut bibas, magis obtemperandum est rationi. Laert. l. 2.

Diogenes.

Cū aliquando à Cratero Alexandri Magni præfecto ad cœnam inuitatus esset, respondit: se malle salem Athenis lingere quā apud Craterū adipata frui mensa. Laert. li. 6.

Idem.

Quibusdam obicientibus, quod in foro cibum caperet: Quid mirum inquit? in foro esurio. ratiocinatus à relativiè oppositis. Si fames non vrgeret hominem in foro, fortassis absurdum esset in foro vesci. Sed eodē colore se tueri potuerat, in foro deiciens aluum, aut vrinam reddens. Laert. l. 6.

Idem.

Quum aliquando vidisset puerum cāua manu bibentem: Hic puer inquit, me frugalitate superat, qui suppellectilem superfluam mecum circumferam, & eductum ē pera poculum ligneum abiecit: Nesciebam, inquiens, & in hoc nobis prouidisse naturam. Quum alterum puerum vidisset vasculo fracto, cauo panis excipere lenticulam, abiecit & catinum ligneum, ut superuacaneum. Hæc patiar videri ridicula, modò fateamur, immodicū simplicitatis exemplum in hoc esse vtile, ut nos nostri luxur pudeat. Laert. li. 6.

Idem.

Quum in publica via pranderet, multi que cingerent illum ob speculaculi nouitatem, ac subinde acclamerent, Canis canis: Imò, inquit, vos po-

tius estis canes, qui prandentem circūstatis. nam id canibus cū primis familiare est, Laert. l. 6.

Idem.

Quum primum cœpisset philosophari, ac in dolio, sicco mucidoque pane vescens solus, audiret totam urbem lætitia perstreptentē (erat enim dies festus) sensit animo nonnihil tædij, diūque secum de relinquendo vitæ instituto cogitauit. Sed quum tandem mures videret adrepentes, panisque micæ edere. Quid tibi displicet, inquit, ô Diogenes? sat magnificus es: ecce etiam parasitos alis. Laertius lib. 6.

Idem.

Panem album nactus, ē pera cibarium eiecit, hunc versus perloquens: Hospes tyrannis ē vita decedito. Sto. serm. 15.

Idem.

Quum in opiparo conuiuio videret Platonem nihil attingentem lautitiarum, sed oleis duntaxat vescentem: Quid accidit, inquit, vir sapientissime, ut cū ob huiusmodi mēsas in Siciliam profectus sis, hic à paratis abstineas? Ad hæc Plato: Athercle Diogenes, & in Sicilia huiusmodi ferè cibo contentus eram. Quid igitur, inquit Diogenes, necesse erat Syracusas nauigare? An tum Attica non ferebat oleas? Hoc dictum quidam adscribunt Aristippo. Laert. l. 6.

Timotheus Cononis F.

Omissis opiparis cœnis, & epulationibus imperatoris assumptus à Platone ad cōuiuium Academicum, & frugali modicāq; cœna exceptus, reuersus ad suos dixisse fertur: Qui cum Platone cœnant, etiam postero die bene habent. Vituperauit cœnas splendidas & onerosas, quæ omne sequentis diei gaudium & hilaritatem præscin-

præscinderent atque præriperent. Ælianus lib. 2. de Varia hist. & Plut. in Symposiaciis.

Leo Euth. F.

Interrogatus, quam quis urbem incolens tutus sit? Vbi, inquit. neque plura neque pauciora inhabitantes possideant. Plut. in apoph.

Antisthenes.

Quam Diogenes ab Antisthene peteret tunicam, iussit ut duplicaret pallium, sic eum tunicæ speciem præbiturum: ad monēs, oportere paucissimis esse contentum. Laert. lib. 6. cap. 1.

Epicurus.

Dicere solebat, ei cui pauca non sufficiunt, nihil omnino satis esse. Idem, se paratū esse de felicitate etiam cum loue certare, si aquam & offam haberet. Laudauit, frugalitatem his dictis: quo animo autem voluptatem laudauerit, ex aliis discas. Ælia. lib. 4. de Varia hist. & Stob. ser. 15.

Idem.

Gratias naturæ habendas, dixit, quod ea quæ ad vitam hominis subleuandam spectant, parabilia fecerit: difficilia autem paratu non necessaria. Stob. serm. 15.

Isæus.

Interrogatus, quis piscis, aut quæ auis esset ad vescendum suauissima? *ῥαῖς ἢ ἀνυδρίων*, inquit, id est, ista curare desij, Philostratus in sophistis.

Apollonius.

Frugalitatem non ideo commendari hominibus dixit, quod tanti rex viles ac minime sumptuosas faciamus: sed ut hoc pacto animi magnitudinem augeamus. Stob. serm. 15.

Alcamenes, Telecri F.

* Obiurgatus à quodam quod parè nimium actam frugaliter viue-

ret, cum tamen amplissimas possideret diuitias: Decet, inquit, eum qui multa possidet, pro ratione non prohibidine viuere. Plut. in Laconicis.

Idem.

Idem, percontantibus quam ob rem statuisset, ut ad ædium culmem imponendum fabri securi vteretur, ad fores verò addendas sola serra nec vllō alio instrumento? Vt, inquit, ciues mediocritatē seruent in omnibus que in eades inferunt, neque quicquam habeant earum rerum quæ apud alios sunt admirationi. Videbatur enim indecorum, si per ostium rude ac ciuile suppellex inferretur exotica, pretio cara, arte operosa, id ne fieret, ipse quodammodo fores adnonebant. Hinc aiunt accidisse, quod Leorychidas primus apud Lacones rex cum cœnaret apud quemdam, cerneretque tectū domus sumptuoso apparatu factum, ac lacunaribus ornatum, rogabat hospitem, num ligna apud eos quadrata nascerentur adeo luxum esse putabat, naturam artificis corrumpere. Plut. in. Lacon.

Agésilæus.

Thasiorum genus ut copia rerum abundabat, præcipue viui præstantia nobilis, ita deliciis erat addictior. per horum agros cum exercitu proficiscenti Agésilæo, Thasij honoris gratia miserunt farinas, anseres, bellaria, liba ex melle condita, & item omnis generis alia maximi pretij tum esculentat tum poculenta. At ille præter farinas nihil accepit: reliqua domum referri iussit ab his qui attulerunt, tanquam sibi suisque prorsus inutilia. Cæterum cum illi precibus & obtestationibus vrgerent omnino, ut acciperet xenia,

iussit ea inter Helotas distribui : id erat apud Lacedæmonios mancipiorum genus. Eius facti causam sciscitantibus, respondit: Non decere qui virtutis ac fortitudinis studio tenebantur, id genus delicias cupediâsque recipere: propterea quod istiusmodi res quibus inescarentur ingenio serui nati, oporteret à liberis procul abesse, grauitè taxans Thasiorum mores, qui dum voluptatibus seruirent, nec ingenuos se præstarent, nec liberos: & sapienter ostendens, nihil esse seruis abieciûsque, quàm gulæ ventrisque voluptatibus obnoxium viuere. Plut. in apoph.

Idem.

Cùm audiret quendam admirari cur rex cum cæteris Lacedæmoniis tam frugali cibo & vestitu vteretur: Optimam messem metimus, inquit, libertatem, quæ sine frugalitate esse nequaquam potest. Plutar. in apoph. Lacon.

Lysander.

Lysandro in Ioniam proficiscenti, hospites quos habebat in Ionia, cum aliis multis, etiam bouem & placentam dono miserunt, Qui placentam contemplatus rogabat, quidnam illud cupediarum esset? Cui cùm is qui attulerat, responderet, ex melle, caseo, aliisque quibusdam confectum esse: Sed hoc, inquit Lysander, dandum est iis qui nouerunt. Non enim hic est liberi & ingenui hominis cibus. Ælian. libro 3. de Varia historia.

Pausanias.

Quum Medos vicisset, iussit Persicam cœnam præparatam sibi apponi: in qua quidem quum magnus inesset sumptus, Per deos, (inquit)

Lurco Persa erat, qui cùm tot haberet, ad nostram venerit potentiam. Bruf. li. 3. cap. 1.

Epaminondas.

Conuiuans cum collegis ducibus, in fine conuiuij bibit acetum. Percontantibus, num id conduceret ad sanitatem? Nescio, inquit, illud scio, bonum esse ad hoc, ut quis meminerit domesticæ diætæ, siue domesticorum negotiorum. Sentiens, conducere aduersus crapulam, & conferre sobrietati: simul indicans, se domi parcissimo victu agere solitum. Plut. lib. 2. Symposiakon.

Anonymus.

Quidam ingressus diuersorium, cauponi dedit obsoniû, ut appareret, quum ille posceret caseum & oleum, Quid, inquit Lacon, si caseum haberem, iam non egerem obsonio. Caupo caseum & oleum petebat ad condiendum piscem, at Lacon id videns, cui sufficiebat victus simplex, superuacuum existimabat cibum cibo miscere, quum alter per se satis esse posset. Quantum absunt ab huius Laconis animo, qui centum rerum species in vnum miscent discum? Plut. in Lacon.

Anonymus.

Quidam Lacon cum duas amygdalas duras duplo vendi conspiceret: Sûntne hic, inquit, rari lapides? Quasi nihil interesset inter silicem & amygdalam. Adeo Lacon deliciarum erat rudis, ut nesciret, sub gemino cortice latere nucleum. Et apparet hoc genus arboris non quibuslibet regionibus fuisse notum, quando Plinius dubitat, an ætate Catonis fuerit in Italia. Plut. in Lacon.

Phocion.

Filium suum, qui plura solito obsonia coemerat, obiurgans, ita commina-

Lakolhi

minatus est ei: Si plura quam secundum naturam vesceretur, vel ingurgitaret, ipsum condignas pœnas luiturum. Docuit filium vir sapientissimus frugaliter esse viuendum, cum natura paucis contenta esse soleat: quæ si obsonio obruitur nimio, pœna statim in promptu est, quæ in variis morbis illico sese ostendit. Stobæus serm. 15. & 20.

Epaminondas.

Tam tenui victu utebatur, vt aliquando vocatus ad cœnam à vicino, quum reperisset bellariorum, obsoniorum, & vnguentorum apparatus: confestim abierit, dicens: Ego te sacrificare putabam, non deliciari. Plut. in apoph.

Idem.

Quum coquus collegis Epaminondæ de impendiis aliquot dierum rationem redderet, non alia de re indignabatur, quàm tantum fuisse consumptum olei. demirantibus autem collegis negauit se offendi sumptu, sed molestè ferre, tantum olei exceptum intra corpus hominum. Sentiens, oleum esse natum foris vngendo corpori, non inuis explendo, Inunctum reddit corpus firmitus, & iniuriæ patientius: infusum in viscera, reddit delicatius ac segenius. Plut. in apoph.

Idem.

Quum festum diem celebraret ciuitas, omnesque comotationibus & libidini indulgerent, cuidam è familiaribus factus est obuiam squalidus & cogitabundus. Admirante illo, rogantèque, quid tandem esset rei, quod solus ad eum affectus modum obambulare? Vt vobis, inquit, omnibus ebrios ac socordes esse liceat. O vocem principe dignam! Tum maxime vigilandum est prin-

cipi, quum populus maxime indulget genio. At non oportet ipsi vnquam vacare, aut genialiter viuere. Plut. in apoph.

Alexander.

Quum regina Carum Ada illud haberet studio, vt assiduò mitteret Alexandro obsonia, bellariæque per alium rerum architectos coquosque magna arte parata. Alexâder ait, se ipsum habere meliores obsoniorum artifices: ad prandium quidem, nocturnum iter: ad cœnam verò tenue prandium. Plut. in reg. & imp. apoph.

Cyrus.

Rogatus ab hospite, quid ad prandium apparari iuberet? Nihil aliud, inquit, quàm panem. nam spero me prope riuum cœnaturum, Mira frugalitas in rege barbaro, cui panis erat pro obsonio, & sitim aquæ spe deferebat in cœnam. Refert Ammianus lib. 21.

Ptolemaeus Lagi F.

Plerumque apud amicos & cœnare solebat, & dormire. Quòd si quando illos vicissim acciperet cœna, amicorum, rebus utebatur, commodato sumēs ab illis pocula, aula & mensas. Ipse verò sibi non parabat plura quàm exigeret necessitas: sed regalius esse dicebat ditare, quàm diuitem esse. Plut. in Reg. apoph.

Prodicus.

Dicere solebat, optimum condimentum esse ipsum ignem. Sentiens, bono stomacho satis esse, obsonium esse coctum, etiam si nihil accedat deliciarum. Eras. lib. 6. apoph.

Scipio minor.

Narrant eum annis quinquaginta-quatuor, quibus vixit, nihil vèdidisse, nihil emisisse, nihil ædificasse: libras autè argenti triginta treis, auri duas in ampla domo reliquisse, quamuis

eum muneribus gerendis non videri dignum, cui fideretur : lufit hominiam vocis. Fuco vtebatur in tingendis capillis, vbi non multum erat lucri : multo magis vſurus erat fuco publicis negotiis, vbi dolus interdum ingens adfert emolumentum. Plut. in apoph.

Vide apoph. de Vnguentis.

De fuga.

Diogenes.

Quam eius ſeruus Mathes quem vnicum habebat, aliquando auſuſſet, hortareturque vt reduceret, negauit : Turpe eſt, inquit, Mathen ſine Diogene viuere poſſe, Diogenem ſine Mathe non poſſe. Laert. & Stob.

Idem.

Videns ſeruum fugitiuum ad puteum ſedentem : Caue, inquit, o adoleſcens, ne incidas, ad fugam alludens. Laert. & Stob.

Ariſtides.

Themistoeli ſæpenumero dixiſſe ferunt, non eſſe ſoluendum pontem, ſed alium potius faciendum quo abiret Xerxes atrociffimus. Plut.

Ageſilaus.

Ageſilaus videns claudum quendam militem, quærentem equum quo veheretur debilis, dixiſſe fertur : An non intelligis in bello opus eſſe, non qui fugam adornent, ſed qui fortiter pugnant loco maneat ? Significare voluit via clariffimus, eos demum bello eſſe viles milites, quibus non decretum eſt ex periculo fugere, ſed aut vincere in prælio, aut oppetere mortem. Plut. in Lacon.

Callicratidas.

Quam nauali pugna eſſet conſiſturus, atque Hermon maclerus dice-

ret, bonum eſſe ab eo loco ſoluere, eo quod Athenienſium triremes numero longè plures eſſent : Quid, inquit, tum poſtea ? fugere non tantum ignominioſum, ſed damnoſum etiam Spartanis eſt, contra fortiter pugnare & vincere, honeſtiſſimum. Plutar. in Lacon. apoph.

Anonyma.

Lacæna quædam cum filios ſuos è prælio fugam adnaſſe auſiſſet, domum venientes vehementer obiurgauit, dicens ? Quod itis ignaua & fugitiua mancipia ? & oſtenſo ventre : Num hunc, inquit, denuò ſubituri unde emerſiſtis ? Plutarch. in apophth. Lacænarum.

Alcibiades.

Quum accepiſſet ſe, vna voce à populo Athenienſi morte damnatum, viſaſſeque carcerem, nam ſtatim vt accuſatus eſt, è patria auſugit) At ego, inquit, oſtendam illis Alcibiadem viuere. Bruſo. lib. 7. cap. 14.

Pyrhus.

Quibuſdam dicentibus hoſtes ita circumueniendos eſſe, vt ne fuga vitam eripere poſſent : reſpondit, Hoſtibus nequaquam intercludendam ſed aperiendam potius eſſe viam quo citius magna cum ignominia fugiant. Plutarch.

Scipio Aſſ.

Dicere ſolebat, hoſti non ſolum dandam eſſe viam fugiendi, ſed etiam muniendam. Fuga enim hoſtium paratur ſalus militum fortiter pugnantium. Plut. apoph.

Cicero.

Fabricius cum demiſſo capite à iudicio recederet, urbanè Cicero in oratione pro Cluentio ad illius fugam alludens : Reſpice, inquit, hominum fortunam, reſpice C. Fabricij ſenectutem. Bruſo. lib. 2. cap. 45.

Anonymus.

Post Mutinensem fugam, percontantibus quid ageret Antonius? Quidam è familiaribus eius respondisse fertur, id quod canis in Nilo, bibit & fugit. Constat enim in Ægypto canes in Nilo currentes bibere: nimirum metu crocodilorum eo in flumine regnantium. Macrobius libr. 2. cap. 2. Saturn.

Cornificius.

Cornificius poeta, videns milites in bello, quod inter Augustum & Antonium gerebatur, frequenter fugere, appellauit eos lepores galeatos. Eras. lib. 8. apoph.

Cicero.

Cum à Cæsaris partibus discessisset, Pompeiique ignauiam contemneret, vrbane: Quem fugiam, inquit, noui: ad quem autem fugiam, haud quaquam. Plut. in apoph.

Idem.

Quidam à Cæsare ad Pompeium transfugiens, dicebat se festinadi studio equum reliquisse. Cicero dixit, illum melius de equo quam de se stauisse. Sentiens, longè rectius facturum fuisse, si & ipse mansisset apud Cæsarem. Plut. in apoph.

Iul. Cæsar.

Pomponio militi ostentanti ore exceptum in seditione Sulpitiana vulnus, quod se passum pro Cæsare pugnantem gloriabatur: Ne vnquam fugiens respexeris, inquit Cæsar. Eras. lib. 4. apoph.

Idem.

In prælio quodam, Martiæ legionis aquiliferum iam ad fugam conuersum, faucibus apprehensum in contrariam retraxit partem, dextraque ad hostem porrecta: Quorsum, inquit, tu abis? Illic sunt, cum quibus dimicamus. At manibus quidem vnū

militem correxit, voce autem tamacri legionum omnium trepidationē discussit, vincique paratas vincere docuit. Eras. lib. 4. apoph.

Augustus Cæsar.

Militem saxo in expeditione percussum ac notabili cicatrice in fronte deformem, nimirum tamen sua gesta iactantem, sic leuiter taxauit: At tu cū fugies posthac, nunquam post te respexeris. Macrob. lib. 2. cap. 4. Saturn.

Pertinax.

Ab amicis suis admonitus, atque oratus etiam, vt militum prætorianorum crudeles insidias, qui imperatorem è vita tollere conabatur, effugeret, populique auxilium imploreret, respondit indecorum esse ac illiberale, minimèque dignū imperatoria maiestate, atque antea cta vita, latebris aut fuga salutem quærere. Herod. lib. 1.

Aurel. Probus.

Cum equus esset ipsi oblatu, qui ob miram currendi velocitatem admodum laudaretur, (centum enim ad diem millibus passuum currere dicebatur, credentibus hoc omnibus) Fugitiuo, inquit, militi potius hic equus, quam forti conuenit. Vopiscus.

Alphonsus.

Laudare eum maximò pere solebat, quicumque fugientibus hostibus argenteum pontem extruendum dixisset. Existimabat enim, vel multo optabilius esse hostes in fugam vertere, quam occidere: vel hostes pecunia sollicitandos, vt ab acie discederent. Panor. libr. 4. de reb. gestis Alph. Eras. 8. apoph.

De fuga excusata.

Demosthenes.

Demosthenes clypeo suo literis aureis inscripserat ἀγὰρ τὸ ἄνθρωπον, id est,

id est, bona fortuna. Autamē cūm ad pugnam ventum esset, ilico proiecto clypeo aufugit. Id cū illi probro daretur, quōd ἰσασις esset, elusit vulga to versiculo:

ἀλλ' οὐδὲ φεύγων καὶ πάλιν μάχισται.

Id est,

Vir fugiens, redintegabit praelium.

Indicans, vtilius esse patriæ fugere, quā in praelio mori. Mortuus enim non pugnat, at qui fuga quæsiuit salutem, potest in multis praeliis patriæ vti esse. Plut. in vita Demost.

Theodorus philos.

Interrogatus, cur Athenis profugus venisset ad Lyfimachum regem? Non profugi, inquit, sed idem mihi accidit quod Herculi: nam vt ille ob peculiare quædam virtutes ab Argonautis fuit expositus: sic ego propter magnanimitatem, quā Atheniensium rectores non valebant assequi, sum vrbe exclusus. Philo Iudæus in lib. Quod omnis probus liber.

Xenænetus.

Ciuihus exprobrantibus sibi, quōd imperator exercitus fugisset in bello: At vobiscum, inquit, o cara capita, probrum cum exprobrantibus communicans: neque enim dux persistere potest absq. militibus. Et turpiter obicit alteri vitium, à quo ipse non est immunis. Plut in Politicis.

Alcibiades.

Cūm ad causam pro capite dicendam ē Sicilia vocaretur ab Atheniensibus, obtemperare noluit: Stultum est, inquiens, iudicium quærere, non fuga sibi consulere, cūm fugere possis. Et cum quidam diceret, An non credis, te ipsum patriæ? respōdit, Imò ne matri quide in crederem. Timerē enim, ne fortē per imprudētiā, aut errore veritatis, nigrū calculū pro candido submitteret. Ælianus lib. 13.

de varia historia. Pluta. in Alcibiade. Huic aut absimile est Germanorum tritum prouerbium, *Wißder weite ist gut tadigen*. Cūm licet fugere ne queras litem.

Antigonus.

Aliquando cedens hostibus immineñtibus, aiebat se non fugere, sed oportunitatem à tergo sitā persequi. Sentiens, non esse turpe fugere quoties magis expedit hosti dare locum. quā conferere manus. Dicti gratia in hoc est, quōd cūm fugere & persequi sint contraria. ille fugiens interpretabatur, se persequi magis quā fugere. Persequimur enim hostem, & persequimur id quod studiosē expectimus. Plut. in apoph. Stob. serm. 52.

De furto & furibus.

Democrates.

FVrem ab vndecim viris abduci videns, Vah miser, inquit, cur tantula furatus es, & non potius magna, vt tute etiam abduxisses alios? Stob. ser. 11.

Zeno Cititiens.

Seruū in furto deprehensum cædi iussit: cūmque is se sic excusaret, vt diceret, sibi fuisse in fatis, vt furaretur: Et cædi, inquit. Laert. lib. 7. cap. 1.

Diogenes.

Harpalum, celebratissimū furem, contra deos testimonium dicere aiebat, quōd in illa fortuna tamdiu viveret. Laert.

Idem.

Conspicatus duci quendam, qui phialam ex ærario furatus sustulerat (ducebatur autem à magistratibus. quos illi ἱεραρχήματα appellant) Magni, inquit Diogenes, fures paruum ducant. Vtinam hoc non possit verē dici in magistratus aliquot Chri-

stianos, à quibus ad laqueum adigitur interdum, qui decem drachmas sustulit: ipsi impunè magis furtis, vel peculatu potius ditescunt. Laert. libr. 6.

Demosthenes.

Ad furem inquiringem, Nesciebam quòd tuum hoc esset: At tuū non esse satis sciebas, respondit. Stob. ser. 11.

Anonymus.

Lycurgilegibus cum furta permitterentur, solusque qui deprehenderetur, pœnas negligentiae daret: puer quidam vulpeculam furatus, aduenientibus qui amiserant ad quærendum vestibus occuluit. Feram verò sæuientē, ac pueri ipsius latus ad intestina vsque lacerantē, tantisper tolerauit. Dum autē quærentes abirent, reprehensus à pueris quibusdam, dicentibus melius fuisse manifestare vulpeculam, quàm vsque ad mortem occulere. Minimè, inquit puer: sed multo satius est mori, quam in furto deprehendi. Plut. in Lacon.

Anaxander Eurycr. F.

Roganti cuidā, cur Spartani non colligerent pecunias in ærarium publicum? Ne, inquit, corrumpantur, qui facti fuerint illarum custodes. Quàm malè consulunt integritati suæ, qui priuatim pecuniarum vim in arcam recondunt, si vir prudens ciuium suorū moribus timuit, à pecunia publica, cuius tantum erant custodes futuri, nō domini. Plut. in Lac.

Catulus.

Dicente Philippo, quid latras? Festivè, furem se videre respondit. Bru. lib. 2. cap. 40.

Anonymus.

In seruum furacem ita iocatus est, vt diceret eū solū esse, cui domi nihil sit nec signatū nec oclusū. Intellegimus autē, illi nec seras nec signa

obstare, quominus furetur. Scriinia claudimus: olim verò & cadi lagenæ quæ solebāt obsignari. Era. li. 6. apoph.

Alex. Severus.

Adeo vindex furti fuit, vt per præconem sæpe edixerit: Nemo saluet principem qui se furem esse noscet. Æl. Lampridius.

Idem.

Dicere solebat, solos fures de paupertate cōqueri, dum ita student seclera vitæ suæ tegere. Iactabat & sententiam notam furibus.

ὁ πολλὰ καὶ ψας, ὀλίγα δούει, ἐμφθίεται:

Id est.

Qui multa suratur, & pauca dat, effugit:

Notans quosdam, qui tantum furantur, vt habeant quod corrumpant iudicem, aut actorem Æl. Lamprid.

Idem.

Idem furti suspicione infames nec intueri sustinebat: adeo vt quum Septimius Arabinus, qui famosus crimine furtorum sub Heliogabalo fuerat liberatus, inter senatores principem salutatum venisset, exclamarit, O numina, ô Iupiter, ô dii immortales: Arabinus non solū viuit, sed etiā in senatum venit, fortassis de me sperat: tam fatuum, tam stultum me esse iudicat? Lamprid.

Vide plura apoph. de Peculatu.

DE GARRVLITATE ET loquacitate.

Zeno Citiens

VDIENS adolescens nimis garrulum: Aures (inquit) in linguā defluxere. Ostēdit autem adolescen-

scantis esse, audire quidē multa, lo-
qui autem pauca. Laër. li. 7. c. 1. Stob.
serm. 36.

Idem.

Alium multa garrientem, hoc di-
cto Zeno corripuit: Ob id binas ha-
bemus aures, & os vnicum, vt pluri-
ma audiamus, loquamur autem pau-
cissima. Ibidem.

Idem.

Adolescēti confidenter loquenti:
Non dixeram, inquit, ô adolescens,
quæ mihi succurrunt: Significans ex
sermonis procacia colligi morum
impudicitiam. Ibid.

Idem.

E discipulis suis aliquos dicebat
esse *φρονεῖν*, id est, variæ rerum co-
gnitionis studiosos: alios verò *λογι-
ζῆν*, id est, loquenti tantum studio-
sos. Stob. ser. 36.

Idem.

Quum percontatus esset à quodā
homine satis contentioso, An virtus
utilis esset? renuit, non volēs verbis
respondendo ei occasionem dare li-
tigandi. Eod. ser.

Idem.

Adolescenti in Academia de reb.
frivolis negotiis garrienti, dixit: Ni-
si lingua in mentem intincta disse-
rueris, adhuc multo amplius dicēdo
delinquens. Stob. eod. ser.

Clearchus.

Quæ nolis audire (inquit) ea e-
tiam ne dicito: quæ nolis dicere, ea
ne audito quidē. Aurium enim & lin-
guæ magnū est periculum. Max. ser.
de temeritate linguæ.

Plato.

Cum Antisthenes aliquādo in dia-
triba longam orationē habuisset: I-
gnorans, inquit, quod dicendi mo-
dus non penes loquentē, sed audien-
tem est? Stob. ser. 37. Max. ser. 47.

Menedemus.

Quendam frivolis nugis obstre-
pentem, rogavit, num fundum ha-
beret: Vt is respondit, sibi plurimas
esse possessiones: Abi igitur, inquit,
& illas cura, ne turpiter eas perdas.
Notavit autem hominem inaniter
garrulum, qui ad agros colēdos ma-
gis esse idoneus, quā ad dicendum.
Laër. l. 2. c. 16.

Apollonius.

Dicere solebat, Loquacitatem qui-
dem multos habere errores, silentiū
autem tutum esse. Stob. serm. 37.

Idem.

* Interrogatus, qui essent hominū
optimi? qui in dicendo (inquit) sunt
breuissimi. Linguaces autē si tantum
molestiæ caperent, quanta reliquos
afficiunt, haud sanē longos sermo-
nes facerent. Ibid.

Nicostratus.

Si continenter, inquit, multa & ce-
leriter loqui, sapientiæ signum esset,
hirundines dicerentur nobis multo
sapientiores. Max. ser. 47.

Demosthenes.

In convivio cuidā multa loquen-
ti: Si tam multa, inquit, sapuisses, nun-
quā tam multa locutus esses. Eo. ser.

Idem.

Rogatus, cur vnam habeamus lin-
guam, aures verò duas? Quia, inquit,
duplo plus audiendum, quā loquē-
dum. Eod. ser.

Eusebius philos.

* Dicebat homines magnū possi-
dere vallum dentiū ad coercēdos le-
ues sermones. Nos in omni re iudi-
cio mētis indigere, quæ si verba non
direxerit, sapius ante consultationē
effugiūt: & tāto vallo neglecto, citra
iudiciū ante tēp⁹ foras ruūt. Eod. ser.

Nicostratus.

* Si cōtinenter & multa & celeri-

ter loqui, sapiēti signum esset, hirundines (inquit) dicerentur & essent hominibus sapiētiore. Anton. & Max. ser. de temeritate in dicendo.

Lycon.

*Oratores ranis similes esse dicebat: has enim in aqua clamare, illos verò ad clepsydram. Eod. ser.

Idem.

*Dicebat, quē admodum hirundines perpetuo garritu familiaritatis voluptatē perdunt: sic garrulos perpetuo obtundentes molestos esse auditoribus. Eod. ser.

Democritus.

Auaritiam quandam esse dicebat omnia velle dicere, & nihil audire. Stob. ser. 36. & Max. ser. 47.

Isocrates.

Cum locutuleius quidam nomine Carcon, in disciplinā eius recipi vellet, duplicem mercedem postulauit. Illi verò causam interroganti, dixit: Alterā quidē peto ut loqui discas, alterā autē ut tacere. Stob. ser. 36. Ant. Meliss. part. 2. ser. 40. Max. ser. 47.

Archelaus.

Tonfori garrulo subinde roganti, Quomodo te radam, o rex? Silendo, inquit, Alter aliud responsum exspectabat, & hinc dicti lepos. Quidam sunt in curatione morosi, Archelao satis erat, si sileret. Nobis autem interdum etiam cum ebriis, pariterque loquacibus res est. Plut. in apoph.

Anonymus.

*Iurisconsulto loquaci dixit, non oportere multis verbis pauca dicere sed paucis multa. Ant. & Max. serm. de temeritate in dicendo.

Hieron.

Hieron, qui Geloni successit in regnum: neminē qui liberē apud se loqueretur, importunum aut molestū esse dicebat: ceterū qui arcanum ef-

ferrent, eos existimabant etiam illos lacerare, apud quos effutirēt, eo quòd odimus nō solū illos qui efferunt, verum etiam eos qui audierunt, quā nollemus illis audita esse. Ibid.

Vide apoph. de Lingua & Loquacitate.

De generosè dictis.

Polydorus Alcamenis F.

IN eum qui non cessabat hostibus imitari: Non intelligis, inquit, te maximam vindictæ partem frustra consumere? Nam qui cupit inimicum vlcisci, nihil aliud efficit minando, nisi ut præmonito inimico, sibi ipsi maiores struat insidias. Plutar. in Laconicis.

Astycratidas.

Postquam Agis superatus est apud Megalopolin in prælio aduersus Antigonom, cuidam dicenti, Quid nunc tacturi estis Lacedæmonij? Macedonibusne seroituri? Quid tandem, inquit? num Antigonus vetare potest, quo minus in pugna pro patria mortem oppetamus? Ibid.

Agasicles.

Cuidam dicenti, Admirari sese, quòd cum discēdi tam audus esset, tamē non adiungeret sibi Philophanem sophistam: regali prorsus indole respondit: Eorū discipulus esse volo, quorum sum & filius. Significans non minus interesse quos nactus sis parentes, quā quos informatores & educatores addiscas. Ibid.

Eudamidas.

Infrā de laudis cupiditate.

Anonymus.

Thebani cum debellatis ac fugatis apud Leuctra Lacedæmoniis, ad ipsum venissent Eurotam, & quidam gloria-

gloriabundus dixisset: Vbi nunc sunt Lacones? Spartanus ab illis captus: Non adsunt, inquit, alioqui vos huc non venissetis. Ne victus quidem & captiuus potuit indolis Laconicæ obliuisci, nec tulit victoris iactantiam. Ibidem.

Ephori.

Cum Lacedæmoniorum rex polliceretur se funditus euersurum ciuitatem quandam, quæ sæpenumero Lacedæmoniis negotiū exhibuerat, non permiserunt Ephori, dicentes: Nequaquam abolebit iuuenum cōtē. Urbē infestam appellabant cōtem iuuentutis, eō quod hostibus semper præsentibus ipsa iuuentus acueretur ad bellandi peritiam. Ibid.

Anonymus.

Mos erat apud Lacedæmonios, ut rex hostes aggrediretur, præcedere quopiam gestante coronā, qui in certamine victor aliquando tulisset coronam. Cum igitur Lacon quidam in Olympiis magnam pecuniæ vim respuisset, & coronam prætulisset, cui dā dicenti: Quid emolumenti tibi adfert victoria? ridens respondit, Ante regem, inquit, coronatus incedens pugnabo cum hostibus. Ibid.

Anonymus.

Apud Lacedæmonios duo pueri cum inter se pugnassent, & vnus alteri lethale vulnus infixisset, pueros sodales faucium iam morientem consolantur, ac pollicentur ultionem. At ille. Nequaquam, inquit, de ultione cogitandum est: quandoquidem ego idem facturus eram, quod fecit ipse, si potuisssem. Ibid.

Anonymus.

Lacon quidam sagitta percussus, cum animam ageret, dicebat: Non me mouet quod miror, sed partim quod ab imbelli sagittario, ac mu-

lierculæ simili, partim quod nullo facinore edito morior. Plutarch. in Lacon.

Paulus Æmilius.

Infrā de Hostibus non crudeliter tractandis.

Scipio Africanus.

Quibusdam calumniantibus, quod parum strenuus pugnator esset: Imperatorem, inquit, me mater, nō bellatorem genuit. Plut. in Scipione.

Agæspolis.

Suprà de Concordia.

De gesticatione.

Chilon.

Dicere solebat, inter loquendum non esse mouendum manus: id enim esse væcordiam. Laërtius libro 1. cap. 4.

Lesbonax.

Histriones ac gesticatorum appellare solebat ὀρεσσοίφους, quod manibus saperent, non lingua. Erat autem choreæ genus, quo graues historiæ citra vocem vel recitantis, vel tibicinis solo corporis gestu sic representabatur, ut spectatores prope plus intelligerent ex saltatione, quā si quis recitasset. Erasmi. libro 8. apophtheg.

Polemon.

Polemon sophista, histrionē Tragædiarum, qui in Olympiis, O Iupiter pronuntiārat, ostensa terra: O terra, manu in cælum proiecta: submouit à præmiis (præsidebat enim ei certamini) dicens, Hic manu commisit solœcismum. Ex Philostrato.

Domitius Afer.

Manlium Suram multum in agendo discursantem, salientem, manus iactantem, togam deicientem ac re-

ponentem, non agere dixit, sed latagere. Actio enim oratoris est. Satagit autem qui frustra miseréque conatur. Eras. l. 6. apoph.

Cicero.

M. Callidius Gallum accusauit, M. Tullio defendente, quúmque accusator affirmaret, se testibus, chirographis, quæstionibus probaturum, sibi à reo fuisse præparatum venenû: sed interim rem tam atrocem, remisso vultu, languida voce, ac reliquo gestu parum concitato pronunciarer: M. Tullius, Tu, inquit, nisi fingeres M. Callidi, sic ageres? Ex actione colligens, illum non ex animo loqui. Eras. l. 4. apoph.

Cæsar.

Testius Penatius in dicendo mentem intorquebat, in hunc Cæsar ita iocatus est: Dic si quid velis, ait, quû nucem perfregeris. Notauit in compositos perorantis mores, ac gestulationes parum decoras. Nam qui habet in ore nucem duram, in rumpendo mentum solet intorquere. Bruso. lib. 4. cap. 31.

Augustus Cæs.

De duobus Pantomimis inter se commissis, vt alternis gestibus certarent, alterum dixit saltatorem, alterum interpellatorem: quòd ille immodicè gesticulareretur, alter non gesticulari, sed saltantem interpellare videretur. Erasim. libro 4. apophth. ex Suetonio.

De Geometria.

Socrates.

Socrates admonebat, dandam esse Operâ Geometriæ, donec quis posset mensurâ terræ & accipere & tra-

dere. Opinor eum sensisse, moderatos agros esse parandos, quos & tibi commodum sit à maioribus accipere, & hæredibus tuis tradere. Nam immodicæ pössessiones vt non sine negotio parantur, ita non absque lite perueniunt ad hæredes. Dicti argutia est in verbo *πομπήν*, quod anceps est ad artem Geometricam, & ad agrorum mensores. Laërt. libro 1. cap. 5.

Diogenes.

Cujdam ostendenti horoscopon: Bellum, inquit, herclè instrumētum, ne frustremur cœna, sentiens, inutiles esse artes Geometricas cum cæteris. Laërt. l. 6.

De gladio, gladiatoribus, atque armis.

Agis.

Demadi dicenti, quòd enses Læconici ob breuitatem à circulatoribus ac præstigiis imitantibus deuorarentur: Agis iunior respondit, His ensibus Lacedæmonij assequuntur hostes longioribus armatos gladiis. Plut. in Lacon. apoph.

Demonax.

Videns Athenienses hoc agere, vt barbarorum exemplo, gladiatorum spectacula in urbem inducerent: Nolite, inquit, ô ciues istam crudelitatem prius admittere in ciuitatem vestrâ, quàm Misericordiæ aram sitis demoliti. Voluit autem significare, nequam conuenire in ea ciuitate, in qua Misericordia pro dea coleretur, spectari plus quàm ferinam crudelitatem. Eras. l. 8. apoph.

Antalcidas.

Suprà de Fortitudine heroica.

De

De gloria & eius amore.

Bion.

GLoriam dicebat esse matrē an-
norum ob id opinor, quòd cum
hominis vita sit brevis, honesta me-
moria in multa secula propagatur.
Laer. l. 4. c. 7.

Heraclitus.

* Viam ad gloriam maximè com-
pendiariam esse dicebat, si quis bo-
nus esse studeret. Anton. & Max. ser.
de gloria.

Socrates.

Hanc viam ad gloriam proximam,
& quasi compendiariam dicebat, si
quisque id ageret, vt qualis haberi
vellet, talis esset. Cic. l. 2. Offic.

Democritus.

Democritus fertur & illud solitus
dicere, λόγος ἔργου σκιή, id est, Oratio
operis est umbra. Significans, ex egre-
giis factis nasci laudes hominum e-
loquētium, non contrā. Primam igitur
oportet esse curam factorum,
quam gloriam consequitur vltro.
Laer. lib. 2. cap. 7.

Agésilas.

A quodam interrogatus, Qua ra-
tione perpetuam sibi gloriam para-
re posset? Si mortem contempseris,
ait. nihil enim præclaræ rei gerere
eum, cuius animum mortis metus
occupauit. Plut. in apoph. Lacon.

Themistocles.

Adolescens, in comotationibus
ac mulierum amoribus volutabatur.
At postquam Miltiades apud Mara-
thonem deuicisset barbaros, iam nul-
lus offendit illum quicquam agētem
præter decorum. Percontantibus au-
tem vnde sic esset repente mutatus?
Miltiadis, inquit, trophæum non pa-
ritur me dormire, neq; cessare, Glo-

riæ studium excussit amorem volu-
pratum: clauum, vt aiunt, clauo. Plut.
in apoph.

Idem.

Ad Olympiæ certamen profectus,
cū in stadium processisset, omnes
neglectis certaminibus oculos in ip-
sum intenderunt, in eoque comple-
xando diem totum consumpserunt,
ac Themistoclem illum cum plausu
& admiratione peregrinis ostende-
runt. Ea re vir gloriæ omnium cupi-
dissimus, dixit amicis, se eo die labo-
rum quos pro Græcia suscepisset, o-
mnium fructum amplissimum repor-
tasse. Plutar.

Anonymus.

Ex Indis quendam sagittandi arte
cū primis celebrem, adeò vt etiam
per annulum sagittam mittere dice-
retur, quum in bello cepisset, iussit
artis suæ specimen edere: recusantem,
iratus rex necari iussit. Quum
duceretur homo, dixit his à quibus
ducebatur, se multis diebus non ex-
ercuisse artem, eoque timuisse ne ab-
erraret. Id vbi renuntiatum est Ale-
xandro, quòd non contumacia, sed
ignominia metu recusasset, admira-
tus ingenium gloriæ studiosum, di-
misit illum donatum: eo quòd mor-
tem oppetere maluisset, quàm fama
sua videri indignus. Hic apparet, non
omnino vanum esse quod prouerbio
iactatum est, Simile simili esse ami-
cum. Alexander gloriæ supra modū
appetens, similem affectum in aliis
amabat. Plut.

Phryne.

Quum Alexander Thebanorum
mœnia diruisset, Phryne meretrix
pollicita est de suis impendiis repo-
situram, modò ciues paterentur hoc
insculpi elogium,

Ἄ λείψανός σου κατέσχευεν αἰτίαν σου

ἢ φρύν.

id est,

Alexander quidē subuertit, sed Phryne restituit. Hic meritō quis dubitet, vtrum sit admiratione dignus, an quoddā scortum, corporis vsura tantas opes collegerit: an quoddā tanto nominis amore teneretur, vt titulum tam carē voluerit emptum. Nam vt præclarius est restituere, quā demoliri: ita speciosior fuisset laus Phrynes scorti, quā Alexandri regis. Eras. l. 8. apoph.

Epaminondas.

Venerat Thebas, belli socius futurus. Is cū Epaminondæ egenti, duo aureorum millia misisset, non accepit, sed ipsum Iasonem intuitus: In iustis, inquit, imperas, ipse deterior. Sentiebat autem, iniquas esse opes, quæ possessorem faciliē seducunt. At viros fortes gloria, virtutis præmio, contentos esse debere putabat. Plut. in Græc. apoph.

Pericles.

Quum Thucydides vociferaretur apud populum aduersus Periclem, quoddā in picturas ac statuas summo- rum artificum profunderet rei publicæ census, ipse assurgens rogauit populum: Videreturne multum impendisse? quo respondente. Plurimū. Age, inquit, vt igitur hæc mihi impensa, & non vobis: atque ipsis donariis deorum, meū tantum nomen inscribam. Hæc vox subito mutauit animum populi, iussitque vt publicis impendiis pergeret, nec vllis parceret sumptibus. Eras. lib. 5. apoph. ex Plutar.

Idem.

*Eum iam morientem quum necessarij mœsti deplorarent, ac præteritas commemorarent, potentiam, & quæ trophæa, quas victorias vrbesq; Atheniensibus partas relinqueret:

paululum sese erigens, reprehendit eos: quoddā communes multorum, & fortunæ magis quā virtuti debitas laudes retulissent, pulcherrima, & maxima, ipsique propria hac laude prætermissa, Quoddā propter ipsum nemo Atheniensium nigram vestem vnquam sumisset. Plut.

Epaminondas.

*Meneclida quoddā oratore ipsum aliquando traducente, vt qui de se quā Agamemnone amplius sentiret: facio, inquit, hoc propter vos, Thebani, quorum solorum opera La- cedæmonium imperium vnica die e- uerti. Plut. l. de sui laude, & c.

Phocion.

*Leosthene adhuc rē feliciter gerente interrogatus, ab oratoribus quidnam beneficij in urbem contulisset? nihil, inquit, quā quoddā me prætorē vos orationē funebrem nul- lam habuistis, sed quotquot mortui sunt, in sepulchris maiorum sunt hu- mati. Plutar.

Antigonus.

Quum mitteret filium suum De- metriū cum numerosa classe, ma- gnāque militum vi ad Græcos libe- randos, dicebat: Gloriam à Græcia, velut à speculā in orbē terrarum ac- cendi, iuuenē gloriæ studio extimu- lans, vt strenuē rē gereret, quoddā eius laudis rumor non intra Græciæ fines esse continendus, sed ob Græci no- minis celebratē, per omnes mundi plagas dimanaturus. Plut. in Regum apoph.

Antigonus iunior.

*Is, cetera fastu vacuus, & princeps moderatus, in nauali quodam præ- lio amicorum quodam dicente, Non vides quanto plures sint hostium na- ues? Me verō ipsum, inquit, quot na- uibus opponis? Plut. in apoph.

Scipio

Scipio iunior.

Censor creatus, adolefcenti cui-
dam equum ademit, quòd eo tempo-
re quo Carthago oppugnabatur, splē-
didē cœnatus, libum in vr̄bis simili-
tudinem figuratum, cui Carthagini
nomen indiderat, conuiuis diripien-
dum proposuiffet. Iuvene verò cau-
sam sciscitante, cur equo priua tus ef-
fet? Quoniam, inquit Scipio, me prior
Carthaginē diripuisti. Plut. in Rom.
apoph.

Inl. Cæsar.

Postquam milites, qui Scipionem
in Africa fequebantur, fugiffent, &
Cato victus sibi necē Vtricæ conscif-
fer. Inuido, inquit Cæsar, ô Cato ti-
bi mortem istam, quando tu mihi sa-
lutem tuam inuidisti, Ibid.

Basilus.

*Si gloriam quæris, inquit, & cu-
pis superior multis videri, & in reb.
mundanis clarus fieri, sis iustus, tem-
perans, prudens, fortis & patiens in
aduersis pro religione fuscipiendis,
&c. Ant. & Max. ser. de gloria.

Vide apoph. de ambitione.

De gloriæ contemptu.

Crates.

DIcebat, se pro patria habere glo-
riæ neglectum & paupertatem,
in quæ nullum ius haberet fortuna
Laërt. l. 6. c. 5.

Democritus.

* Vnus, aiebat, mihi pro populo
est, & populus pro vno Senec. epi. 7.

Anonymus.

*Quum quæreretur, à quodā egre-
gio opifce, quo tanta diligentia ar-
tis spectaret ad paucissimos peruen-
turæ: satis sunt, inquit, mihi pauci, sa-
tis est vnus, satis est nullus. Ibid.

Diogenes.

Cum præconem in Olympiis ita
pronuntiantem audiuiſſet, Doxipp⁹
vicit viros, correxit Diogenes: Hic,
inquiens, mancipia potius vicit. O-
stendens, eos nequaquam esse viros,
qui in his certarent spectaculis, sed
mancipia potius gloriæ. Ibid.

Socrates.

Cum audiret recitare Lyſidem Pla-
tonis: Deum, inquit, immortalem,
quàm multa de me meretur adole-
ſcens, siue quòd ob modestiam non
agnosceret laudes quas tribuebat
Plato, siue quòd in dialogo multa de
Socrate fingeret. Era. 3. apoph.

Epicurus.

*Quum vni ex consortibus studio-
rum suorum scriberet: Hæc, inquit,
ego non multis, sed tibi: fatis enim
magnum alter alteri theatrum su-
mus Senec. epiſt. 7. ad Lucil.

Met. ocles.

Libros suos exulſit, dicens:

Τὰ δ' ἐγὼ οὐκ ἔχω νεότερον φανταζόμενος.

Sunt inferorum hæc ſomniorum i-
magines. Sentiens, esse nugas. ac de-
liramenta, quæ scripserat. Laërt. libr.
6. cap. 6.

Frontinus.

Vetuit sibi extrui monumentum,
his verbis: Impenſa monumenti ſu-
peruacanea est, memoria noſtra du-
rabit ſi vitam meruimus. Excelsi a-
nimi est, quò præclara geſſeris, glo-
riam contemnere. Eraſt. l. 8. apoph.

De gratitudine.

Chilon.

DIceſe ſolebat. Beneficij dati ob-
liuiſci decet, accepti meminif-
ſe. Vulgus hominum contra facit. Si
quid cui benefecerunt, ſine ſine præ-

dicant, sinéq; modo exaggerant : si quid in ipsos collocatum fuerit officij, mox aut obliuiscuntur, aut dissimulant, aut eleuant. Laert. lib. c. 4.

Diogenes.

Acceptis paucis nummis à Diotimo Carysio, homine sibi amicissimo cum non haberet vnde munus tam amplum rependere posset, ad Diotimum dixisse fertur : Dij tibi largiantur tantum, quantum animo tuo cogitas & cupis. *Ælian. libr. 4. de Varia historia.*

Democritus.

Dum quendam ad gratificandum aliis studiosissimum, vilem nihilominus, vicissim videret compensationem accipere: Ohe, inquit, qui beneficia perdideris, num te non pudet Gratias quæstus gratia prostituere, quæ virgines esse dicuntur. *Stob.*

Idem.

Dicere solebat, Si facultas adest aliis gratificandi, ne differas, nosti enim, quàm mutabilis sit rerum omnium status. *Ibid.*

Simonides.

Rogante quodam vt sibi conscriberet encomium, & gratiam se relaturum inquit, argentum autem non dante: Duas, respondit, arcas domi habeo, vnâ gratiarum, alteram argenti & cum necessitas exigit, gratiarum quidem arcam aperiens, inanem ipsam reperio, alteram verò solùm mihi commodam. *Stobæus ser. de Iniustitia.*

Artaxerxes.

Rusticus quidam videns ad legem Artaxerxē varia deferri donari, nec aliud habens quod largiretur, vtraque caua manu haustam ē proximo flumine aquam illi obtulit, vultu alacri. Rex lætatus, iussit illi dari phialam auream, ac mille Daricis dona-

uit hominem. *Plu. in Regum apoph.*

Philippus.

Hipparcho Euboico vita defuncto, Philippus præ se ferebat quàm illius mortem acerbè ferret. Itaque cuidam volenti dolorem ipsius mitigare, dicentique: Attamen ille tempestiuè decessit, iam natu grandis: Sibi quidē ipsi, inquit Philippus, tempestiuè decessit: sed mihi præpropere. Mors enim illum anticipauit priusquam à me beneficium acceperit, nostra dignū amicitia. Per quàm rarū est, principem sentire gratiarum affectus, sed amicis plerique non aliter quàm equis vtuntur. Dum vsui sunt, curant: inutiles factos abiiciant, eoque spoliant citius quàm beneficio iuant. *Plut.*

Augustus Cæs.

Veteranus quidam cum vocatus in ius periclitaretur, adiit in publico Cæsarem Augustum, rogans vt sibi veller adesse: Cæsar ē comitatu suo selectum illicò dedit, eique litigatorum commendauit. Hic miles vociferans. At non ego Cæsar, periclitante te Astiaco bello, vicarium quæsiui, sed pro te ipse pugnaui, simulque dedit cicatrices. Erubuit Cæsar, atque ipse descēdit in aduocationem veritus ne non modò superbus, verū etiam ingratus videretur. *Eraf. l. 4. apoph. ex Suet.*

Vide apoph. de Beneficiis, & Beneficentia.

De gratitudine in Deum.

Pytho.

Atheniensibus ob res feliciter agestas ipsum admirantibus, ac prædicantibus, quòd Coryn regem interemisset: Diis, inquit, habenda est

est gratia , quibus authoribus hoc facinus præclarè gestum est , nam ipse nihil aliud quàm manum & operam meam commodavi. Euentus rei in manu Dei est , & huic debetur gratia si quid feliciter cesserit. Sed interim vult nostram operam accedere. Eras. lib. 6. apoph. ex Plutarch.

Placilla.

Placilla Theodosij Romanorum Imperatoris vxor , cum videret maritum à pietatis veræque religionis studio alienum , magis esse , quàm Imperatorem deceret , subinde ad eum dixisse fertur: Considerare te oportet suauissime coniunx , quis antea fueris , & in quem locum te eue- xerit vniuersitatis huius Deus. Si enim perpetuam eius rei obtinueris memoriam , non prorsus te ob accepta beneficia erga eum ingrati præstabis: sed ex præscripto legum Dei quod ab eo accepisti , gubernabis imperium , & ita eum , qui tibi , vt fidei ministro , commisit , ritè coles. Nicephorus Callist. lib. 12. cap. 42.

De grauitè dictis.

Bion.

Requenter dicere solebat: Quem admodum proci Penelopes , quoniam cum Penelope commisceri non potuerunt , cum illius ancillis rem habuerunt : ita qui philosophiam assequi non possunt , in aliis friuolis disciplinis semet exercent. Laert. lib. 4. cap. 7.

Solon.

Percontatus , Cur in parricidas nul- lam promulgasset legem? Non expe- ctabam , inquit , hoc scelus vnquam in hac ciuitate posse committi. Laer. lib. 1. cap. 3.

Thales.

Adultero sciscitanti , an abiuratu- rus esset adulterium ? Thales Mile- sius ait , Non est peritium adulte- rio peius. Laert. lib. 1. cap. 1.

Zeno Citticus.

Dicebat , plerosque philosophos in multis sapere , sed in fortuitis vul- garibusq; rebus esse imperitos. Laer. lib. 7. cap. 1.

Democritus.

Dicere solebat: Si corpus animum in ius vocaret , handquaquam futu- rum , vt ille muneris malè admini- strati crimen effugeret. Animus in corpore veluti præsidio collocatus est , & tamen pleraque mala corpori ad animo veniunt. Laert. lib. 9. cap. 7.

Empedocles.

Videns ciues suos voluptatibus deditos sumptuosissime ædificare , dixit : Agrigentini sic indulgens vo- luptatibus , quasi postridie morituri : sic ædificant , quasi semper victuri. Idem lib. 8. ca. 2. Item de Rhodiis di- cit Plut.

Anaxagoras.

Cum absens morti addictus esset , id nuntianti: Iam olim , inquit , istam sententiam tulit natura æquè in il- los atque in me. Laert. lib. 1. cap. 10.

Antisthenes.

Infra de Inuidia , quæ plerunq; felicitatis & virtutis comes est.

Themistocles.

Simonides poeta Themistoclis prætoris operam pro amico in re iniqua petenti , respondit Themisto- cles: Nec Simonidem fore bonum poetam , nisi mensuram modumque in canendis carminibus , quæ scribe- bat , curaret: neque se bonum præto- rem habitum iri , si legibus ac insti- tiæ alicuius gratiam præposuisset Fulgosit lib. 6.

Socrates.

Grauitèr dicere solebat, nec à mortuo petendum colloquium, nec ab avaro beneficiū. Eras. lib. 8. apoph. ex Stobæo.

Idem.

Cùm Athenis causam diceret, defensionemq; ei Lyfias à se cōpositam qua in iudicio vteretur recitasset, demissam ac supplicem, imminentique procellæ accomodatam: Aufer, inquit, quæso istam. nam ego si adduci possem, vt eam in vltima Scythiæ solitudine perorarem tum meipsum morte multandum cōcederem. Spiritum contempsit, ne careret grauitate: maluitque Socrates extinguī, quàm Lyfias, supereffe. Cic. li. 1. de Orat. Laert. in vita Socratis, & Valer. Max. lib. 6. cap. 4.

Agis.

Suprà de Filiorum potestate in parentes.

Agésilæus.

Audiens scelerosum quendam hominem fortiter pertulisse tormenta, ait: Quàm miser est homo, qui tolerantiam in res flagitiosas ac turpes collocat. Plut. in Lacon.

Idem.

Allato nuntio, illustrissimos viros prælio circa Corinthum commisso occubuisse in acie, Spartiatis autem cecidisse perquam paucos, multos verò ex hostibus: nullam lætitiā præ se tulit, sed ingenti edito gemitu, Heu Græciam, inquit, quæ tot viros ipsa perdidisti, quot si incolumes sint, profligare acie cunctos queant barbaros. Plutarch. in Agésilæo.

Idem.

Iam senex, cur per hyemem solo pallio tectus obambulet absq; tunica, interrogatus: Vt, inquit, iuue-

nes hanc vitæ rationem imitètur. Ibid.

Idem.

Illud cùm primis sibi gloriæ ducere solebat, quòd cùm rex esset, ceterisque consilio prospiceret, nihilo secius in laboribus obeundis nemini cederet, quòdque sibi ipsi imperaret. Ibid.

Idem.

Notans corruptissimos eorū mores, qui Asiam incolebant, dicere solebat: inter illos qui improbi essent, eos non esse liberos: contra qui probi, eos esse seruos: quòd vbi vitis licerent omnia virtus haberetur odio. Ibidem.

Idem.

Quum secum haberet Xenophonem, iussit, vt filios suos accerteret Lacedæmonem, docendos artem omnium pulcherrimam: videlicet imperare, & parère imperio: Plut. in Lacon.

Idem.

Ostendebat quidam Agésilæo ciuitatis cuiusdam muros editos, quumque rogasset, viderentur ne pulchri? Pulchri, inquit, per Iouem, verum apparet in hoc paratos, vt mulieres inhabitent, non viri. Ibidem.

Alcámenes.

Infrà de Imperio administrando.

Agasicles.

Quum sciscitaretur, quo pacto posset quis tutò imperare, nullo stipatus satellitio? respondit, Si sic imperet suis, quemadmodum pater imperat liberis. Plut. in Lacon.

Leonidas.

Cùm proficisceretur ad Thermopylas, cùm Persis cōflictaturus, vxori interroganti, quidnam mandaret? Vt bono, inquit, nubas, & probos liberos parias. Plutarchus in Lacon.

Idem.

Idem.

Iamiam cum hoste conficturus, & admonitus vt reliquos expectaret socios, An non adsunt, inquit, qui pugnaturi sunt? An nescitis eos solos cum hostibus pugnare, qui reges videntur? Plut. in Lacon.

Theopompus.

Dicente quodam, ideo seruari Remp. Spartanum quod reges sciret imperare: Imò potius, inquit, quod ciues sciant parere. Plut. in Lacon.

Telecrus.

Suprà de filiorum pietate in parentes.

Pædaretus.

Pædaretus Spartanus, nobilitate & sanctitate præstans, in petitione magistratus victus, maximæ sibi esse lætitiæ prædicauit, quod aliquot patria sua meliores viros haberet Quo sermone repulsam honori adæquauit. Plutarch. in Lacon. Valer. Max. lib. 6. cap. 4.

Syagrus.

Legatus, quo tempore Xerxes expectabatur, ad Gelonem tyrannum Syracusanum missus, vt in eo bello opem ab eo peterent: Geloni offerenti ducentas triremes, duo equorum & octo peditum millia, & præterea grãdem pecuniam, ac vim magnam frumenti, si Græci in eo bello ducem eum creare vellent, respondit: Ad quærendos milites, & non ad sumendum ducem missus sum. Fulgos. lib. 6.

Themistocles.

Cum ad mare descendisset, vt occisorum Persarum stragem inspiceret: posteaquam vidit interfectorum sparsos torques, & armillas auræas, ad amicum conuersus ait: Tu qui Themistocles non es, ista collige. Grauiusimo verbo conditiones oltē-

dens, quibus hominum gradus discriminantur, eas esse, quæ faciant vt aliquid agere aut deceat, aut non. Fulg. lib. 6.

Demosthenes.

Lacesitus conuiciis, Committor, inquit, in certamen, in quo qui superior euaserit inferior est: & qui vice-rit, victus est. Plut.

Epaminondas.

* Quum aliàs solitus esset vincto corpore hilarique vultu prodire in publicum, postridie eius diei quo feliciter pugnatū est ad Leuctra, processit squalidus ac summissus. Amicis autem sciscitantibus, ecquid illi molesti accidisset? Nihil, inquit, sed heri sensi me plus æquo mihi placuisse: eius gaudij intemperantiam hodie castigo. Plut. in apoph.

Philippus.

* Græciæ potitus imperio, ad refrenandum animi fastum, puero delegauit hoc munus, vt singulis diebus mane ter acclamaret, Philippe, memento te esse hominem. Ælian. lib. 8. de varia hist.

Alexander.

Darius rex, cum iam ex vno atque altero prælio Alexandri regis militare virtutem esset expertus, filiam in matrimonium cum decies centum millibus talentum, ac magnam simul regni partem obtulit, Parmenione autem dicente, se, si Alexander esset, vsurum ea conditione: respondit Alexander: Et ego vterer, si Parmenio essem. Curtius lib. 4. Arrian. lib. 2. & Valer. Max. lib. 6. cap. 4.

Galli.

Gallorum legati ad Alexandrum regem profecti, vt eius pacem & amicitiam peterent, interrogati ab Alexandro, quã ob causam ipsius amici-

tiam eo tempore postulerent? putans dicturos, eius rei præpotentes ipsius vires causam esse: subridentes responderunt, Se metuere, ne in ipsorum caput cælum rueret: & tamen ingentis animi regum amicitiam magnificere. Fulgof. lib. 6.

Scip. Æmilianus.

Cùm haberet consortem censuræ Mummium, vt nobilem, ita eneruis vitæ, pro rostris dixisse fertur: Se ex maiestate Reipub. omnia gesturum si sibi ciues vel dedissent collegam, vel non dedissent. Plin. cap. 58. de Viris illustr. Val. Max. lib. 6. cap. 4.

Idem.

Seruius Sulpitius Galba & Aurelius consules in senatu contendebāt, vter aduersus Viriatū in Lusitaniam mitteretur. ac magna inter P. C. dissensio erat, omnibus quoniam eius sententia inclinaretur expectantibus, Neutrum, inquit, mitti placet. Alter enim nihil habet: alteri nihil satis est. Equè malam licentis imperij magistrum iudicans inopiam atque auaritiam. Quo dicto, vt neuter in provinciam mitteretur obtinuit. Valer. lib. 6. cap. 4.

Scip. Maior.

Dicere solebat, ij quibus sunt equi ferociore, tradunt eos domitoribus, vt his faciliore possint vti. Sic homines secundis rebus effrenatos, sibi que præsidentes, tanquam in gyrum rationis duci oportet, vt prospecta rerum humanarum imbecillitate ac fortunæ varietate, reddantur moderatiores. Plut.

Pescennius Niger.

Rogatus, quidnam de Scipionibus sentiret? respondit, illos sibi videri felices magis, quàm fortes, quòd vterque domi iuuentutem parum sanctè transsegisset. Æli. Spartianus.

Cyanienfes.

D. Brutus cum penè totam Lusitaniam subegisset, ac sola gentis huius vrbs Cyania pertinaciter arma retineret, tentata pecunia redemptione, propemodum vno ore legatis Bruti respondit: Ferrum sibi à maioribus quo urbem tuerentur, non aurum quò libertatem ab imperatore auaro emerèr, relictum. Val. Max. lib. 6. c. 4.

Manlius.

Manlio cum omnium consensu apud Romanos consulatus deferretur, oculorum aduersæ valetudinis causam prætexit, quo honorem oblatum commodè recusaret. Instantibus autem cunctis: Alium, inquit, Manlius, quærite Quirites, ad quem hunc honorem transferatis. Nam si me gerere eum coegeritis, nec ego mores vestros ferre, nec vos mecum imperium perpeti poteritis. Plin. ca. 28. de viris illustribus. Valerius Maxim. lib. 6. c. 5.

Q. Fabius.

Minutius quum gloriaretur, ipsius opera multum decessisse Fabianæ dignitatis: Fabius respondit, O Minuti, reputa tibi cum Hannibale certamen esse potius, quàm cum Fabio. Plutarch.

P. Rutilius.

Suprà tit. de Amicitia atque amico bono.

Augustus Cæsar.

Quum fortè ad ædes Catonis Vticensis venisset, ait: Quisquis præsentè Remp. mutari non vult, is & ciuis & vir bonus est. Plut. in Rom. apoph.

Demetrius.

Domitianus Romanorum imperator, cum philosophos mathematicosque omnes ex Italia pellendos statuisset, multique iam ex philosophorum schola in Lybiam Scythiamque confu-

cōfugissent : Demetrius philosophus expulsus, instituta cum Apollonio sermocinatione, dolēter dixit & grauius : Cicadis licet impunē canere, nobis autem ne mutire quidem fas est. Philostratus, & Cuspin. in Cōsul.

Frontinus Conf.

Domitiano imperante cū omnibus liceret inimicos suos accusare, Frontinus consul dixisse fertur: Malū esse imperatorem habere sub quo nulli liceret aliquid facere: sed peius sub quo omnibus omnia. Dion apud Cuspinianum in Consulibus.

Cantacuzenus magnus.

* Quum res ei foeliciter succederent, fortunam non laceffiuit, neque immodicē supercilium erexit: sed retenta animi grauitate intra modestiæ limites innotus mansit. Nunc verò, inquit, me sobrium esse oportet, cū alij non ebrij esse non possunt. Prosperi enim successus humana ingenia cum primis explorāt, & vācordes tam insolentes reddunt, quā cordatos constantiæ & grauitatis laudibus cumulant. Nicephor. Gregoras, lib. 9.

Alphonfus.

In contēntione inter Franciscum Sfortiam & Nicolaum Picininum, cū interrogatus esset à Matriciensibus legatis, utrū ex his in amicitiam admittere vellet? respondit, Vtrosque tanquam amicos habendos esse, sed ab vtrisque tanquam inimicis cauendum. Sensit autem rex prudentissimus, quā parum tutum sit, ita parare amicos, vt hostes & inimicos interim alios sibi infensos non reddas. Panormitan. libro 1. de rebus gestis Alphonfi.

Idem.

Improbo cuidam aq̃ vācordi ia-

stanti, reperisse se virum sapientem: Et quī fieri potuit, inquit, vt sapientem dignosceret stultus? Erasim. 8. apoph.

Ludouicus XII. Gall. rex.

* Quo die Carolo octauo in regno suffectus est, amicorum vni petenti sibi dono dari fortunas Aurelianensis ciuis, qui in Ludouicum hostili semper animo fuerat, strenuē id negauit, atque alia maiora pollicitus est, inquiens, meritō esset ridendus Galliarum rex, si Aurelianensis ducis (de seipso autem loquebatur, quum antea esset Aurelię dux) iniurias vlcisceretur. Fulgosus libro 4. cap. 1.

Henr. Dandulus.

Is postea dux Veneriis creatus, ad Manuelem Comnenum imperatorem Constantinopolitanum, Veneto nomini infestissimum, missus orator, cū multa alia prudenter apud eum principem locutus esse dicitur, vt illum patriæ reconciliaret: tum verò illud grauissimē addidit, vt meminisset Sibyllini carminis iam pridem vulgati: futurum non multo post, vt Adria orti Constantinopolitani imperij fasces sceptraq̃ ad se traherent. Quo tam graui dicto adeo excanduit Manuel, vt illi intra cubiculum euocato, æneum vas candens obiecerit, quod inspectare diutius voluit, vt eum oculorum lumine priuaret. Quam pœnam ita passus est, quamuis grauius laborarit, vt præcipuus ille author fuerit imperij ad Gallos transferendi. Ioannes Baptista Egnatius, libri sexti capite quarto.

Stephanus Contarenius.

Creatus hic in Petri Zeni locum, Senatus iudicio, qui maritimæ rei

rectæ peragenda in Benaco lacu præflet, quando res aduersæ nuntiarentur, statim suscepta prouincia, domum est profectus, euocatâque de superiore ædiam parte vxore: Scias inquit, me Benacensi oræ præfectum, Senatu ita iubente: tu igitur omnia domi parato, curatâque ut præstò sint, quæcunque mihi necessaria futura sunt. Atque intra paucos dies aut lætum à me partæ victoriæ nuntiū expectato (id quod campani æris sonitus ex Marciana turri tibi significauerit) aut mortis meæ literas, quibus tu cadauer hoc ipsum uitæ sepulturæ mandes. Quæ vox quæso grauior esse potuit, ad testandam suam in patriam charitatem? cuius dignitate & gloria nihil sibi charius aut iucundius esse profitebatur. Ioannes Baptista Egnatius lib. 6. cap. 4.

De gubernatione.

Socrates.

DIcebat vehementer absurdum esse, cum artes sedentarias nemo profiteatur absque dedecore, qui eas non didicerit: neque quisnam scrinium faciendum locet ei, qui rudis sit eius opificij: ad publicos magistratus admitti, qui nunquam dederunt operam disciplinis: sine quibus nemo potest rectè magistratum gerere. Cumque nemo non detestatur sit eum qui clauo assideret, ignarus artis nauticæ: multò magis detestandos, qui Rempub. capesceret ignari politicæ philosophiæ. Neque eum putabat appellandum impostorem, qui à quopiam pecuniam aut vasculum acciperet, quod non posset reddere, sed illos magis im-

postores habendos dicebat, qui docto persuaderet se idoneos gubernandæ Reipublicæ, cum sint homines nihili. Hoc dictum multo magis ad principes, magistratus & episcopos Christianos pertinet, quàm ad Erhnicos. Eras. lib. 3. apoph.

Idem.

Illum imprudenter facere dicebat, qui cum boues efficeret pauciores, postularer tamen haberi bonus bubulcus: sed multo absurdus esse, si quis haberi velit bonus Reipubl. gubernator, cum ciuium numerum imminuat. Hoc dictum torfit in Critiam & Chariclem, qui multos ciuium trucidarant, Nec illos id latuit. Critias enim illi minatus est, ni filiret, fore ut ipse quoque faceret boues pauciores? & quod minatus est verbo, re præstitit, nam huius opera Socrates periit. Laertius in vita Socratis.

Huc refer apophtheg. de Magistratu, Principatu, vel Principe, & Reip. administratione, &c.

De gula.

Anonymus.

* SYbarites quidam quum Spartæ in phiditiis conuiuaretur, Merito vitæ contemptores esse dixit Spartanos: quisquis enim sanæ sit mentis decies millies mori prius eligeret, quàm huius parcitatis esse particeps. Athen. lib. 4.

Galenus Caf.

* Quum ei relatum esset, populum Rom. indignè ferre, quod Valerianus pater eius apud Parthos seruiret, conuersus ad adstâtes: Ecquidnâ habemus, inquit, quod prandeamus? Treb. Pollio.

Augu-

Augustus Cæs.

Quum ad Augustum delatum esset, Erotem Ægypti procuratorem emisit coturnicem, in pugna superātem omnes, ac prorsus inuictū, eāque assam deuorasse: iussit accersiri hominem, & discussa causa, confessum malo naui affigi iussit: vita iudicans indignum, qui ob tantillam gulæ voluptatem non pepercisset aui, quæ pugnando diu multisque potuisset esse voluptati: præterea quæ læto quodam omine, Cæsari perperatū in bellis prosperitatem portenderet. Plut. in Rom. apoph.

*Huc refer apoph. de Deliciis, Ebri-
tate, Intemperantia Vo-
luptate, &c.*

DE HÆRETICIS FUGIENDIS.

Polycarpus martyr.



ALIOQUANDO Marcioni obuiam factus, atque oratus ut eum agnoscere vellet: Agnosco, inquit, primo genitum Satanae. Tanta tunc Apostoli atque eorum discipuli in religione cautela utebantur, ut ne verbi quidem communionem cum aliquo eorum qui à veritate declinauerant, habere paterentur. Ibidem. Eusebius libro quarto Eccles. histor. cap. 14.

Idem.

* Si fortè impia dogmata audiret, aures obturans continuo exclamabat, O bone Deus, in quæ me tempe-
~~pora~~ reseruasti, ut hæc patiar? atque

ex eo loco quo vel sedens, vel stans ea audiuisset, ex templo planè aufugiebat: Eusebius libro 5. histor. Eccl. cap. 19.

Alexander episcop. Alexandr.

* Par est (inquirebat) ut nos qui sumus Christiani, omnes qui contra Christum loquuntur, animoque sunt ab eo alienato, tanquam Dei hostes & corruptores animarum deitemus, &c. Socrat. histor. Eccles. libr. 1. cap. 3.

S. Ioannes Apostolus.

Supra de Conuictu & conuersatione.

De hilaritate.

Zeno Citiens.

ROgatus cur quum esset natura seuerus, in conuiuio tamen hilareretur? lepidè respondit: Et lupinū quum sit suapte natura amarum, tamen aqua maceratum dulcescere. naturale est, cibo potūque rigato corpore, discuti tristitiam. Laërtius libr. 7. cap. 1.

Socrates.

Iam morti addictus, carceris ministrum in populo cicutam porrigentem, interrogauit, Quomodo sumendum esset hoc, pharmacum, quod eius esset artis peritus. Alludens ad ægrotos, qui à medicis quando, & qua ratione diætā sit sumenda, discunt. Rogauit præterea an diis aliquid de suo potu libare liceat, iuxta morem conuiuiorum. quod cum negaretur, Certè, inquit philosophus, fas est, & oportet orare deos ut felix & fausta mea sit migratio. Et sic Socrates, cum aduersus omnia mala, animi fortitudine

armatus esset , in ipsa etiam morte hilaritatē ostendit. Laër. in eius vita.

Idem.

Quum puer Sacratem in ipso ferē mortis agone detexisset , quōd illi iā frigerent prae cordia : Debemus , inquit , ô Crito , gallum Aesculapio , quē persolvere ne neglexeris : perinde quasi sumpta potione medica conuulsisset . adeo inerat Socrati natua quaedam hilaritas , vt moriens etiam eam ostenderet . Hanc enim postremam vocem fuisse ferunt . Laert.

Plato.

Negabat oportere inebriari , praeterquam in festis , in quib. ipse Deus vinum porrigit . Festos dies autē decet hilaritas , ebrietas autē in his locū habere nequaquam debet . Laer. li. 3.

De historia.

Demetrius Phalereus.

PTolemæum regem adhortari solebat vt sibi pararet libros de regno , deq; militari imperio & gerendo tractantes , eosque euolueret : propterea quōd ea , de quibus amici non audent admonere reges , in libris scripta habeantur . Plut. in Græc. apoph. & Laer. l. 5. c. 5.

Theopompus.

Dicebat eum quidē optimum rerum bellicarum scriptorem esse , quā plurimorum certaminum ciuiliū particeps fuerit , & quā plurima etiam pericula coram expertus sit . Innuere autem voluit , eum tantū reuera esse bonū historicum , qui de his scribat rebus , quibus ipse interfuit . Polyb. l. 12. hist.

Virginus.

Suprà tit. de Conscientia bona.

Alphonsus.

Capuæ laborās aduersa valetudi-

ne : medicis multa medicamenta adhibentibus , in grauissimo morbo Quinti Curtij historias de Alexandri magni rebus gestis descriptas legere coepit , cuius lectione delectatus cū omnem morbi improbitatē superasset , sanitati restitutus : Valeat inquit , Auicenna , valeat Hippocrates , & alij medici : & viuat Curtius , restitutor sanitatis meæ . Anton. Panor. de reb. gest. Alphons. & Aeneas. Syl. de eius dictis.

De hypocrisi.

Diogenes.

CVidam sibi placenti , quōd leonīs exuuiō testis ingrederetur : Non tu defines , inquit , virtutis stragulas pudefacere ? Indecorū esse censuit , quod homo mollis , Herculis amictū sibi vendicaret . Idem dici potest iis , qui prodigioso amictu profitentur vitæ sanctimoniam , vita non respondent . Diogenis dictum extat apud Laër. l. 6. c. 2.

Alexander.

Nonnullis Antipatri frugalitatem laudantibus quōd alienam ab omnibus deliciis austeramque vitam ageret : fortis , inquit , Antipater albo virtitur pallio , intus verō totus est purpureus . Notans fictam illius parsimoniam , quum esset alioqui ambitiosissimus . Plut. in reg. & imp. apoph.

Fridericus I I I.

Quum audiret quendam dicentem , abiturum se aliquando in ea loca , in quibus nulli planē hypocrisæ essent , respondit : Ultra Sauromatas ergo , & glaciale oceanum tibi eundum est . Sed cū eò veneris , non omnino carebit hypocrisi locus , nisi modo & tu homo non Deus es . Inter mortales enim nemo est , qui nō

ex

ex aliqua parte fictus fucatusque sit.

Alphonsus.

Cum post Africanam victoriam in Ænariam insulam venisset, audiens Antonium Picentem, ordinis heremitarum, magnum hypocritam, iactando plurima in Christum & virginem eius matrem, vermiculis acerbissimo morbi genere absumptum, animam expuisse, dixisse fertur: propterea Deum tantopere in hypocritas scire, quod dum homines decipiunt, interponant Deum ipsum tamquam sceleris mediatorem. Ideoque ut plurimum viuentes adhuc plecti in oculis hominum, quos Dei nomine fefellissent, ut intelligant mortales, a talibus monstribus maxime cauendum esse, quod Deum ipsum non tantum post mortem, sed etiam in ipsa vita haberent indubitatum vltorem. Anton. Panorm. de rebus gestis Alphonsi, & Æneas Sylu. de eius dictis.

De homine.

Solon.

Interrogatus olim, Quid esset homo? respondit, putredo est in exortu, bellua in omni vita, esca vermium in morte. Anton.

Diogenes.

Quoties considerabat in hominum vita ciuitatum gubernatores, medicos aut philosophos, nullum animal dicebat esse homine sapientius. Idem contemplanus somniorum interpretes, coniectores, diuinos, & huius generis ceteros, aut qui gloriæ diuitiisque seruirent: aiebat, sibi nihil homine videri stultius. Indicans hominis ingenium

ad res optimas accommodum, si exerceatur. sin ad vitia degeneret, longè esse infra mutas pecudes. Laërtius lib. 6.

Periſtione Pythagorea.

*Dicebat, conditum & compositum esse hominem in hoc, ut contempletur naturæ rerum ipsiusque sapientiæ rationem: eidemque laborem esse iniunctum comparandi contemplandique rerum quæ extant sapientiam. Stobæus sermone de virtute.

Plato.

*Hominum mansuetum animal esse dicebat. Quod si recta disciplina institueretur in mansuetis. & diuinum prorsus animal euadere: sin verò non satis aut non bene esset educatus, ferocissimum omnium quæ in terris nascuntur animal reddi. lib. 6. de legibus.

Musonius.

* Quid esset homo describens, Homo solus (inquit) omnium in terra degentium Dei imago est, & similes ei virtutes habet. Nam ne inter deos quidem præstantius aliquid excogitari potest, quam prudentia, iustitia, fortitudo, & temperantia, &c. Stobæus, sermone 116.

Cyrus.

Dicebat, eos homines qui sibi prodesse nollent, cogi oportere, ut alii sint vsui. Significans, seruili animo natos, sibi que inutiles imperio adigendos, vtiliorum commodis inserviant. Plutarchus in apophthegmat.

Vide apophth. de Hominis fragilitate.

De hominibus suum officium non facientibus.

Diogenes.

Quodam tempore lucernam accensam gestans, obambulabat in foro clarissima luce: quærenti similis, Rogantibus quid ageret? Hominem, inquit, quæro. notans publicos ciuitatis mores vix homine dignos. Laërt. l. 6.

Idem.

In foro stans, clamabat, Adeste homines: veluri cōcionaturus apud populum. Quumque iam frequentes conuenissent, nec ille desineret clamare, Adeste homines: quidam indignati, En adsumus, dic aliquid. Tum Diogenes baculo illos abigens: Homines, inquit, adeste iussi, non sterquilinia. Non putauit hominis cognomen competere in eos qui non viuerent iuxta rationem. sed brutorum in mortem agerentur affectibus. Laërt. l. 6. Eras. l. 3. apoph.

Idem.

Eos qui in coquos, nepotes, scorta, & adulatores facultates suas profunderet, similes dicebat arboribus, per præcipitia nascentibus: quarum fructus nullus hominum gustaret, sed à coruis & vulturibus ederentur. quo dicto innuit, eos nequaquam esse homines, qui ventri & gulæ seruiunt. Laërt. l. 6.

Idem.

Quum è balneis redeuntem quidam rogassent, num illic, esset multum hominum? negauit esse. Rursus percontatus, an illic esset multa turba? annuit. significans vocabulum in paucos competere. Laërt. li. 6.

Idem.

Redeuntem ex Olympiis quidam interrogabant, vidissetne illic multam turbam, Turbam, inquit, plurimam, sed homines per paucos. Laërt. libr. 6.

Idem.

Conspecto adolescentulo, cultu gestuque parum virili: Non te pudet, inquit, qui peius tibi velis, quam ipsa natura voluit? Siquidem illa te virum fecit, tu teipsum refingis in foeminam. Laërt.

Stilpon.

Quum omnium oculi coniecti essent in Stilponem, quidam. Isti, inquit, Stilpon mirantur te vt belluam. Nequaquam, inquit ille, sed vt verum hominem Solent peregrinae bestiae in spectaculum produci: vulgares homines nemo mirantur. Sed philosophum plerique spectabant, non vt quemuis hominem, sed vt hominem verum: nam id spectaculum est rarissimum. Obiter notauit interpellatorem, quod ipse non esset verus homo, nec spectatu dignus. Laërt. l. 2. c. 12.

Archite.

Dicebat, Quæadmodum, si etiam summam diligentiam adhibeas: ratmen pisces, sine spinis non inuenias: sic neque hominem inueniri posse, qui non dolosum spinosumque quidam habeat admixtum. Alian. li. 10. de Var. hist.

Alphonsus.

Licet socordi & obruso ingenio homines patietur audire solitus tamen est eos tantum, quorum proba ingenia esse sciebat, homines appellare. Ennium illud leui voce submurmurans: Vulturis (sic enim in nominatio, vt nos Vultur, loquebatur) in syluis miserum mandabat hominem, Bellissime enim non homines

nes, sed homines. Ennium eos vocasse dicebat, quos vidisset ex homine nihil præter effigiem possidere. Pan. l. 1. de reb. gest. Alphonfi.

Idem.

Sepenumero dicere solebat, Si nullo aliam præter Calabriam provinciam haberet, se malle priuatam quam regem vivere, ne imperare cogere-tur, qui nihil omnino hominis haberent, præter figuram & nomen. Pan. l. 1. de reb. gest. Alphonfi.

De hominis miseria & fragilitate.

Bias.

Dicere solebat, sic metiendam esse ab homine vitam quasi & multum & parum temporis victurus sit. Max. ser. 67.

Crantor.

Senarium hunc ex Bellerophon-te Euripidis probare solebat.

Οἷμαί, τίς; τί μοι; Σικανός πένος δο-
μῆς.

Eheu, quid heu? nobis, quid hominum est, accidit:

Sensit, quicquid ulli hominum accidit, hoc unicuique posse accidere. Nihil igitur nec inexpectatum videri oportere, nec intolerabile. Laertius libro 4. cap. 5.

Anacharsis.

*Rogatus à quodam, quid hominibus esset infestum? Ipsi, inquit, sibi-ipsis. Stob. ser. 2.

Solon.

Solon legum Atticarum conditor dicere solebat. Urbes ac oppida nihil aliud esse quam humanarum ærumnarum domicilia, quibus luctus, mœrores, tristitiæ mortalium, quasi septis, includerentur. Bene quidem,

nam si iusti ratiocinatores esse volumus, & rem æqua læce perpendere, haud dubiè iudicabimus hominis vita nihil miserius, nihil calamitosius. Beroald. de Terræ motu ex Plutarco.

Socrates.

Dicere solebat, si omnes hominum calamitates in unum conferrentur, moxque singulis ex eo aceruo portiones æquè distribuerentur, ita fore, ut suas quisque calamitates recipere malit, quam æquam è communi portionem. Hoc aduersus vulgares hominum mores: qui alienæ invident, suam deplorant sortem. Eras. lib. 3. apoph.

Idem.

Interrogatus, quomodo quis sine molestia vitam ageret? negavit ullo modo id fieri posse. Non enim licet, inquit, civitatem aut domum inhabitanti, & hominibus conuersanti, sine molestiis degere. Stob. ser. 97.

Idem.

Dicebat, se putare, quod dii semper rideant, vana hominum studia inspicientes, quibus peractis perpetuo se victuros putet: cum mox hinc tamen nobis migrandum sit, omnib. relictis. Stob. ser. 96.

Zeno.

Canem eum inuadentem quum repulisset, reprehensus à quodam ob id, Perdifficile est, inquit, prorsus hominem exuere. Voluit autem ostendere, hominem nunquam esse tam cautum, quin aliquando ostendat se quoque hominem esse affectibus obnoxium. Laert. l. 9. cap. 5.

Democritus.

Interrogatus quid de hominum sorte sentiret? Miseram homini fortunam esse dixit, cum bona quærentibus vix obtingant: mala autem non tantum non exquisita, sed extra omnem

etiam expectationem. Stob. serm. 96.

Idem.

Admonere sæpenuero solitus est suos, ut humanam imbecillitatem expendere, quod ei per mediocrē possessionem prospiciatur & miseria in rebus necessariis mensuretur. Stob. ser. 96.

Aristonymus.

Hominis vitam theatro similem esse dicebat, ubi pessimi homines ferè semper primatum obtinēt. Ant. in Meliss. par. 1. ser. 7. Max. ser. 67.

Antiphon.

Hominis vitam carceri vnius diei similem esse dixit, & totum vitæ spatium vni diei æquale propemodum, per quem intuiti lucem, posteris deinde vitam tradimus. Stob. ser. 96.

Simonides, & Pausanias.

Cum Simonides conuiuio lautissimo à Pausania exceptus rogaretur, ut quippiam ex philosophorum arcanis in medium proferret: vidēs Pausaniam nimium rebus suis fidere, eo quod iam ad Medorum partes se applicuisset: respondit, Memento te in tanta rerum felicitate hominem esse. At Pausanias parum animaduertit, quod à philosopho dictū esset. Cumque iam in summo vitæ discrimine esset, & mortem præ oculis esse intelligeret atrocissimam, altissima voce exclamasse fertur: O Cee hospes, quam salutare tuum erat consilium. Ego autem ad eodē captus eram inani persuasione, ut mihi nequaquam tantam admonitionem conuenire putarem, unde miserè nunc perire cogor. Ælian. lib. 6. de Var. hist.

Neoptolemus.

Sciscitatus, quidnam ab Æschylo, aut Sophocle, aut Euripide dictum admiraretur? Nihil quidem (inquit) istorum se in admirationem trahe-

re: sed quod ipse vidisset Philippum Cleopatæ filiæ suæ nuptias magnificè celebrantem in cœna amplissima, cum tertiusdecimus Deus appellaretur, postridie in theatro iugulatum & proiectum. Stob. ser. 96.

Phaenonius.

* Homines partim esse ridiculos, partim odiosos, partim miserabiles dixit. Ridiculos quidem qui per audaciam ad maiora aspirant. Odiosos, qui ea consequuntur: miserabiles verò, qui spe frustrantur. Stobæus sermone 4.

Mercurius Trism.

* Homo (inquiēbat) animal est imperfectum, mēbris imperfectis constans, & ex multis diuersisque corporibus constitutum corpus gereas. Stob. ser. 11.

Aristoteles.

Interrogatus, quidnam esset homo? respondit, imbecillitatis exemplum, temporis spoliū, fortunæ lusus, inconstantiae imago, inuidiæ & calamitatis trutina: reliquū verò, pituita & bilis. Stob. ser. 96.

Plotinus.

Amelio roganti, ut corporis formā pateretur effingi, non passus est, Quid, inquit, an non satis est nos hanc imaginem circumferre, nisi & imaginis imaginem relinquamus posteris ostentandam? Iudicauit cum Pythagora, corpus esse thecam mentis, utcunque eam exprimentem. Minimum autem hominis videre eum, qui nihil aliud videt quam corpus. Eras. lib. 8. apoph.

Ephraim Syrus.

Amissa vxore dicebat, O philosophia, tyrannica sunt præcepta tua: amare iubes: & si quis amiserit quod amabat, dolore & mœrore affici prohibes. Stob. ser. 97.

Xerxes

Xerxes.

Cum vidisset vniuersum Hellenicorum nauibus suis constratum, omnia littora atque Abydenorum plana hominibus referta, iactauit se beatum morumque fudit lachrymas. Tam subitam mutationem admiratus Artabanus regis patruus, qui dissuaserat eam expeditionem, ausus rogare causam, Tum Xerxes, Subit, inquit, animum meum cogitatio, quam breuis sit hominum vita, quando ex tam numerosa multitudo post annum centesimum nemo superfuturus est. Plut. in apoph.

Philippus.

Postquam apud Cheroneum Artheniensem prostrauit opes, adeo ex nimia felicitate efferre coepit, ut se hominem fortunæ malis obnoxium esse non cogitaret amplius. Verum cum intelligeret, quid mali ex tanta superbia sibi immineret, ex aulicis pueris vni id muneris iniunxit, ut ad solis exortum in suum cubiculum ingressus inclamaret: Rex, memineris te non Deum, sed hominem esse multis fragilitatibus, ærumnis ac malis obnoxium & expositum. Cælius Rhodiginus l. 12. c. 33. lectionum antiquarum.

Alexander.

Cum Deus vbique ob res feliciter gestas vocaretur. Se, quod mortalis esset, duabus potissimum rebus deprehendere dicebat, somno videlicet & coitu. Hæc enim præcipue producit hominis imbecillitatem. Somnus enim quid aliud est, nisi (ut ille ait) gelidæ mortis imago: coitus item quid aliud, nisi species morbi comitalis? Plut. in Alexand.

Idem.

Dum in obsidione cuiusdam urbis infirmissima moenium quærit, sagitt-

ta grauius ictus est: nec tamen ab instituto destitit, sed mox quum represso sanguine sicci vulneris dolor cresceret, & crus equo suspensum paulatim obtorpuisset coactus quod ceperat omittere, ac chirurgum accersere: Omnes, inquit, me prædicant Iouis esse filium, sed vulnus hoc hominem esse me clamat. Plutar. & Q. Curtius in Alexandro.

Stratonicus.

Quum audisset partum matris Timothei regis: Si inquit, opificem peperisset, non deum, quales emisisset voces? Irridens quorundam fœdam adulationem, qui regum filiis tribuebant diuinitatem, quum vox parientis regem æque miserabilis sit, ac parturientis quemlibet plebeium. Ipse autem Stratonicus filius erat opificis, Athenæus.

Silenus.

A Mida captus, rogatus est quid esset homini optimum? diu silentium tenuit. tandem addactus ut diceret, respondit: Optimum esse, nunquam nasci: proximum, quam ocyssimè aboleri. atque hoc pretio dimissus est. Plutar.

Scipio Africanus.

Dicere solebat: Ut ij quibus sunt equi ferociores, tradunt eos domitoribus, quod his facilioribus possint uti: Sic homines præ secundis rebus effrenatos, sibi quæ præsidentes tantum in gyrum rationis ac doctrinæ duci oportere, ut perfecta rerum humanarum imbecillitate, varietateque fortunæ, reddantur moderatiores. Plut. in vita Scipionis.

Hadrianus imp.

Cuidam illos Vergilij versus ad Verum accommodanti, Manibus date lilia plenis, &c. Cum risu respondit: Ego mihi diuum adoptui, non

filium. Huc alludens, quòd imperatores referri soleant in numerum diuorum, sed à rogo. Dion in Hadriano.

Aeneas Syluius.

Audiens disputantes de vitæ humanæ miseria: Comœdia, inquit, est vita nostra, cuius vltimus actus in morte agitur: bonus autem poeta nemo habetur, nisi ad finem vsque actus omnes prudenter explicet. Syluius lib. 3. commentariorum de reb. Alphonfi.

De honestate.

Pythagoras.

* **F**Ac ea, inquit, quæ iudicaueris esse honesta, etiam si postquam feceris, inglorius futurus sis. Omnis enim honestæ rei malus iudex est vulgus: quorum igitur laudes contemptui haberes, eorundem virtutaria quoque sperne. Stob. ser. 44.

Plato.

* Optimum sanè, inquit hoc dictū est, eritque semper, Quod vtile, simul etiam honestum est. Stob. serm. i. de virtute.

Socrates.

* Equus generosus (dicebat) iudicabitur, non quidem sumptuosè ornatus, sed eximius natura: itidem nec vir honestus, qui opibus prædiues, sed qui anima egregius erit. Eodem serm.

Antisthenes.

Dicere solebat, ea demum honesta & pulchra esse, quæ bona sunt: turpia verò quæ mala. Laertius libr. 6. cap. i.

Lacones.

Lacones, si quando suos inuocarent Deos, nihil pretebant aliud, quàm

vt adderent dii cæteris bonis etiam ea, quæ honestissima essent. tantum valebat apud homines gentiles rerū honestas. Huius rei testis est Plut. in apoph. Lacon.

De honore virtutis præmio.

Antisthenes.

SCiscitatus, quæ res portederet ciuitatibus exitium? Quando in his, inquit, nullum esse potest bonorum ac malorum discrimen. Sētiens, eam Rempublicam non posse consistere, vbi nec esset honos virtuti, nec pœna scelerosis. Laer. l. 6.

Theophrastus.

Percontatus, quānam re communis hominū societas conseruari possit? respondit, Si pœna mali coerceantur à Republica, boni inuitentur honorum præmiis. Stobæus serm. 41.

Anaximenes.

Dicere solebat, Qui zelo affecti, rectè facta dictaq; nullo neque præconio nec honore dignantur, quem oro fructum ipsi ex suis benefactis sperare audebunt? Stob.

Q. Fabius.

Fabio iam sene, filius illius consul factus est: qui quum publicitus multis audientibus habuisset orationem, Fabio consensu equo præcedebat. Quum autem iuuenis lectorem misisset, qui patrem iuberet equo descendere, alij quidem factum hoc aduersati sunt, at Fabio ab equo defiliens, non habita ætatis ratione accurrit, ac filium complexus, Euge, inquit, fili sapiens, qui intelligas quibus imperes, & quā magnum

magistratum susceperis. Plu. in apo.

Anonymus.

Titus Labienus equiti strenuo de præda Gallica aurum donauit. Id videns Scipio, dixit equiti: Habebis donum viri diuitis. Hac voce audita, eques aurum ad pedes Labienem dicentem, Imperator te armillis argenteis donat: alacer gaudio abiit. Miles aurum contempsit, honorem amplexus est. Eras. 6. apoph.

M. Cato.

Aiebat, populum Romanum non tantum purpuræ, verum etiam virtuti plurimum conducere. Quemadmodum enim tinctorum eum potissimum colorem inducunt, quo vident homines, maxime delectari: ita iuuentus ad ea studia potissimum incumbit, quibus populus defert honores. Honos enim non solum alit artes, verum etiam virtutem. Hoc pacto monebat populum, vt magistratus his demum committerent, qui de se virtutis specimen dedissent: ita fieri, vt quam plurimi sese ad egregia studia conferrent. Erasim. lib. 5. apoph.

Idem.

Qui virtutem honore suo fraudarent, eos dicebat ipsam virtutem à iuuentute auferre. Sentiens, præmiis animos iuuenum ad virtutem accendi: quæ si detrahas, ipsa virtus elanguescit. Plut. in apoph.

Scipio Africanus.

Socraticum Xenophontem in manibus semper habebat, cuius in primis laudabat illud, quod diceret: Eosdem labores non esse æquè grandes imperatori ac militi, quod ipse honos laborem leuiorem faceret imperatorum. Cicero libro 2. Tuscul. quæstion.

Cicero.

Sibi propriè & solum honorem æstimari dicebat quem quis neque maiorum cõmendatione, neque per alterius calamitatem assecutus sit. Cicero in Philippicis.

Alphonsus.

Amico ac familiari cuidam suadenti vt tranquillè & voluptuosè, dum posset, vitam ageret, nec corpus tot tantisque periculis obiectaret, respondisse dicitur: Non temerè à Romanis, illis quidem sapientioribus, Honoris templo Virtutis templum coniunctum esse, in quod nisi per Virtutis templum introire nemini liceret. Vt intelligerent mortales, ad honoris fastigium non voluptatum via (quæ deliciis atque illecebris affluens esset) sed virtutis, illa quidem aspera & salebrosa, enitendum esse. Panorm. l. 1. de reb. gest. Alphonsi.

Idem.

Suprà apoph. de Ambitione.

De honore artibus & eruditione exhibito.

Demetrius.

Demetrius Antigoni filius, cum Rhodum obsideret, urbemque iam cœpisset, tabulam quandam Protogenis manu depictam studiosè seruari sibi præcepit, dicens: se citius parentis imagines, quam eam picturam aboliturum. Plutarch. in Demetrii vita.

Neocles.

Arato destinanti tyrannorum cõmuni odio abolere tabulam insignis artificij, quæ Aristratum in curru victorem habebat: Neocles sup-

plex intercessit, vt opus incolume seruaretur, dicēs: Cum tyrannis non cum tyrannorum imaginibus belligerandum esse. Eras. l. 6. apoph.

Scipio minor.

Vbi ciuitatē comperit statuis deorum Græcanis ac monimentis, ē Sicilia deportatis differtam. per præconem pronuntiari publicē iussit, vt qui illarum essent vrbium agnoscerent illa, ac referrent domum. Plut. in Rom. apoph.

Sigism. imp.

Suprà apoph. de Doctrina & erudit.

De honore negato.

Phauor. philosophus.

AThenienses Phauorini Æneam statuam deiecerant, vt hominis Cæsaris inimicissimi. Erant enim Athenienses vectigales Adriano Cæsari. Id posteaquam philosopho denuntiatum est, nihil commotus dixit: Vtilius erat Socrati ab Atheniensibus ærea priuari statua, quàm bibere cutam. Philostratus.

De honore ex necessitate oblato.

Paulus Æmylius.

Iterum petens consulatum, repulsum tulit: cæterum cum bellū aduersus Perseum ac Macedones, imperitia segnitiæque ducum iam longum duceretur, eidemque consulatum detulissent, negauit se illis habere gratiam, non enim se ob id tum designatum imperatorem, quod ipse desideraret imperium, sed quod ipsi imperatorem. Plutarch. in Romano. apoph.

Iul. Cæsar.

Cum triumphans subsellia tribunitia præteriret, Pontius Aquila non assurrexit vnus omnium: id adeo indignè tulit, vt proclamarit. Repete erga Aquila à me rempub. tribunus? nec deinde per cōtinuos aliquot dies cuiquam quicquā pollicitus est, nisi sub hac exceptione: Si tamen per Pōtium Aquilam licuerit. Eras. lib. 4. apoph.

De honore momentaneo.

Cicero.

IN Vatiniū, qui paucis diebus consul fuit, ita iocatus est: Vatinij anno magnum ostentum fuit, quod eo consule nec bruma, nec ver, nec æstas, nec autumnus fuisset. Nam his horis annus totus distinguitur, quarum vnaquæque tres menses occupat. Nescio an hoc ipsum sit quod aliter refert Pollio in Marino tyranno: Consul qui sex meridianis horis consul fuerat, ioco Ciceronis aspersus est: Consulem habuimus tam seuerum tamque censorium, vti eius magistratu nemo pransus sit, nemo cenauerit, nemo dormierit, nisi fortè videtur hoc magis ad Caninium Reuiliū pertinere. Macrob.

M. Voltacilius.

Cum audiret Caium Seruiliū per vnum tantum diem consulem fuisse, in Flaminum præsentia dixisse fertur: Antea Flamines, nunc verò consules diales creatos esse. Alludit autem ad Flamines Diales, à Romulo, vel, vt alij volunt, à Numa Pompilio creatos, qui à gestatione filiorum Flamines dicti sunt. Flaminii autē Diali iurare non licebat, & iniurato credebatur, &c. Macrob. lib. 2. Saturn. ca. 2.

De

De honoris priuatione.

Aristoteles.

Cum quidam ei decretum Delphis honorem eripuisset scribens de his ad Antipatrum, inquit: Ea quæ Delphis mihi decreto sunt assignata, quibûsque nunc priuatus sum, animum meum afficiunt: vt neque magnopere mihi cordi sint, neque ramen omnino non cordi sint. Sapientissimè autem putauit, non esse simile dignitatem aliquam suscipere: & cum iam acceperis, ea spoliari. Non enim graue est, non adipisci: at cum adeptus sis, rursus amittere, id satis quidem molestum est. *Ælian. lib. 14. de Varia historia.*

De honore absque
utilitate.

Alphonsus.

Interrogatus, quid sibi sine utilitate honor esse videretur: Consimile id sibi videri respondit, vt si peracutum & peracre quis cernat, sed offensus caligine aberret in tenebris. Notabat autem eos, qui ad magnos honores aspirant: quibus impetratis, non habent quo honoris titulo satisfaciant. Tales sunt hodie equites etiam aurari, qui post professionem ad diuum Iacobum, aut Dominum sepulchrum, se auratos equites nominant, ac insignia picta ostendunt, cum vix haberent viaticum ad vnum atque alterum militare, pedes ire soliti. *Paronimitus libro secundo de rebus gestis Alphonsi.*

De honoris contemptu.

Diogenes.

Athenienses per adulationem decreuerant, vt Alexander pro Libero patre haberetur & coleretur. Hunc honorem irridens Diogenes: Et me, inquit, Serapin facite. Vt enim Bacchus inter Satyros est, ira Serapis ab Ægyptiis specie bouis colitur. *Laert. lib. 6.*

Aristoteles.

Præcipuam dignitatem esse dicebat, non fungi honoribus, sed ab aliis dignum honore iudicari. *Stobæus.*

Alexander.

* Capta Petra, arce inexpugnabili in India, Alexandrum amici eius iactabant supergressum rebus gestis Herculem: Atego, inquit, res gestas meas cum imperio non existimo esse vni Herculis verbo equiparandas. *Plut. in apoph.*

Python.

* Eum, quod interfecisset regem Cotyn, magni faciebant Athenienses & honorabant: Sed ille, Deus hoc (inquit) manu vsus mea perpetravit. *Plut. in præcept. politicis.*

Agésilau.

Agésilao quum nationes, quæ id temporis Græciam incolebant, decreuissent, in clarissimis quibusque ciuitatibus honoris causa statuas erigi, rescripsit illis hunc in modum: Mei nulla sit imago, neq; picta, neq; ficta, neque vlllo alio artificio parata. At principum vulgus hoc honoris genere se diis equiparari credebat, summumque rerum bene gestarum præmium arbitrabatur. Agésilau ipso honesto contentus, negligebat eiusmodi adulationes verius quam

malens in sculpi prudentum ac bonorum hominum pectoribus, quam in foro æreus aureusve stare. Eximia virtutem sponte suum consequitur decus. Nec vlla speciosior statua quam honorifica bene actæ vitæ memoria. Plut. in apoph. Lacon.

Idem.

Quā moraretur in portu qui Menelai dicitur, mandauit iis qui aderant, ne quam statuam aut imaginem in eius honorem erigerent. Si quod, inquit, præclarum facinus gessi, hoc erit monumentum mei: sin minus, ne omnes quidem statuæ, quum sint vilium ac nullius rei opificum opera. Plut. in Lacon. apoph.

Idem.

Thasij quoniam intelligebant Agesilaum de ipsis optimè meritum, templis ac diuinis honoribus illum dignati sunt: atque hac de re legationem ad illum miserunt. Is vbi legisset honores, quos legati ad illum detulerant, percontantus est, num illorum patria potestatem habere ex hominibus faciendi deos. Quum illi respondissent, habere: Agedum, inquit, primum vos ipsos deos facite: id si præstiteritis, tum vobis credam, quòd me quoque deum facere poteritis. Vtrum hic prius admirari conuenit? animi celsitudinem, adeo contentmentis oblatum, ob quod Empedocles philosophus semet in Æt nam coniecit, quòdque tot eruditi principes tot artibus & impendiis ambierunt: an ingenij solertiam, qua Thadii vel summam stultitiam vel abiectam adulationem suam in oculos ingessit? Plutarchus in apoph. Lacon.

Anonymus.

Quidam quum in peregrinatione vidisset homines in sellis curulibus

sedentes: Absit, inquit, vt in talibus sedeam sellis, vnde non liceat assurgere seniori. In his enim sedebant delicati porrectis eruribus, ac cœlum imminens capiti prohibebat exurgere. Apud Lacedæmonios verò scelus erat, iuuenem non assurrexisse seni. Plut. in Lacon.

Theopompus.

Pylij cū decreto statuissent Theopompo summos honores, ipse renuit: Mediocres honores ipsum tempus augere, immodicos verò abolere, dicens: Quo apophthegmare, id quod alij sibi aut vendicant arroganter, aut ambiunt ineptè, ipse vltro delatum reiecit. Plutarchus in Lacon.

Pyrrhus.

Quum rebus feliciter gestis domum redisset, & à suis aquila diceretur: Per vos, inquit, aquila sum. Qui enim non essem, quum vestris armis veluti pennis subleuer? Modestissime gloriosi cognominis laudem in suos milites transferens, vitauit inuidiam. Plutarchus in Regum & imp. apoph.

Alexander.

Quum in bello crus ei esset sagitta vulneratum, multique accurreret, qui ipsum frequenter Deum appellare consueuerant, ex porrecta hilarique fronte ad Homeri carmen aludens dixit: Hic sanguis est quem videtis, liquorque, qualis diuis solet emanare beatis. Nimirum irridens adulatorum vanitatem, cum ipsa res declararet ipsum nihil aliud esse quam hominem. Plut. in apoph. regum imperatorum.

Antigonus.

Suprà de Adulatoribus non admittendis,

M. V. ar.

M. Varro.

Varro Pauli collega, quoniam ex Cannensi pugna, quæ Romanis fuerat infelicissima, superfuit, honores à populo delatos recusauit: dicens, felicioribus magistratibus opus esse Reipub. Quum animum gereret inculpatum, fortunæ suæ Reipub. ultro pœnas dare voluit, vir ob hoc ipsum fumis dignus honoribus. Eras. lib. 6. apoph. ex Plut.

Pompeius.

Quum in Lybiam aduersus Domitium transisset, cumque ingenti prælio superasset, militibus ipsum imperatoris titulo consalutantibus, negauit se eum honorem admissurum, quandiu hostium vallum staret erectum. Hoc audito, milites, licet ingens obstaret pluuia, impetu facto hostiū castra adorti expugnarunt. Recusauit honorem, nondum factis emeritum. Plut. in apoph.

Iulius Cæsar.

Populo, per adulationem Regem ipsum salutanti: Cæsar, inquit, sum, non rex. Maluit priuatum nomen, quam regium inuidiæ obnoxium. Eras. lib. 4. apoph. ex Plut. in vita Cæsar.

M. Antonius.

* Quum Rhodum insulam vi cepisset, & in ingressu salutaretur rex atque dominus: Nec rex sum, inquit, nec Dominus, sed regis ac Domini interfecto. Plutarchus in Antonio.

Tiberius.

Cuidam, à quo fuerat dominus appellatus, denuntiavit, ne se amplius contumeliæ causa nominaret. Quanta molestia in tanto principe? Nunc quidam nihil audire possunt nisi sacras maiestates, gratiosas celsitudines, & reuerendissimas domina-

tiones. Eras. lib. 6. apoph.

Maximus Senior, Cæs.

* Nunquam ad oscula pedum quenquam admisit, dicens: Dij prohibeant, ut quisquam ingenuorum pedibus meis oscula figat. Capitolinus.

Alexander Seuerus.

* Imperator creatus, quum vix annos 16. natus esset, ob virtutes eximias, titulis magnificis à Senatu decoratus, nunquam in animum induxit ut se Magnum, & Patrem patriæ cognominari pateretur: Oportere enim, aiebat, ut res gestæ maturiorque ætas ea nomina pararent. Lampridius.

Gregorius Nazianzenus.

Cum successus Gregorij in ecclesia inuidia subsequeretur, adeo ut iniquis & minus sanis proscriptionibus ei abeundum esset, iamque alius ordinaretur Episcopus, quod nemo illi palam dicere audebat, ipse verò sentiens quid fieret, dixit: Absit, ut mei causa aliqua simultas in Dei sacerdotibus oriatur. Si propter me est ista tempestas, tollite & mittite me in mare & desinet à vobis quassatio. In eius vita Gregorius Magnus, episcopus Rom. nomen Odrumenici siue omnium Ecclesiarum Episcopi constanter & semper recusauit, ut testantur eius epistolæ plurimis locis.

Alphonfus.

Neapolitani ciues, cum ob virtutem & clementiam Alphonfi regis decreuissent vno consensu omnes arcum regi triumphalem ad memoriam honorificè struere, elegerunt locum super gradus marmoreos maioris ecclesiæ. Id verò quando quidem fieri non poterat, ni magna ex parte dirueretur Nicolai Mariæ

Buxuti, magnanimi & strenui militis, domus, rex fieri omnino hoc prohibuit: Haud tanti se facere, inquiēs, huiusmodi saxorum struem ventis imbrigue obnoxiam, ut amici domū ideo euerti pateretur. Contempsit rex honorem, & laudem saxorum testimonio posteris memorandam: cū secus hodie facient ij, qui nullis virtutibus conspicui, omnibus ædificiis & parietibus nomen suum posteris celebrandum inscribunt atque insculpunt. Panor. lib. i. de rebus gestis Alphonfi.

Ioannes Picus.

* Is sæpe oblatas & sacras & profanas dignitates magno respuit animo, Deo, & studiis se addictum respondens. Cū autem vir quidā magni nominis amicorum suasu eum ad Cardinalatus dignitatem petendam, vel certe si offerretur amplectendam subtimidē hortaretur, respōdit, Non sunt cogitationes meæ cogitationes vestræ. Bona Ecclesiæ pauperum bona sunt. Io. Frācisc. Picus in eius vita.

De hospitibus.

Cleomenes.

Cum amicus quidam hospiti in phiditiis nihil apposuisse nisi vinum nigrum, & panem igni duratum, succensuit homini Cleomenes, dicens: Erga peregrinos non oportere nimium *κακότητι*. Seueritas est, si quis à seipso exigat victum duriorē: at inhumanitatis est, hospitem eodem compellere. Plut. in Lacon.

Socrates.

* Rogatus, cuius hospitium nos querere oportet? Illorum, inquit, qui bene sapiant. Stob. serm. 3.

Stratonicus.

* Quum perhumaniter quidam eum exceperet, multum recreatus est. Videns verò mox alium introire, iterumque alium: facillamus hinc, ô puer, inquit ad suum comitem. Etenim pro columba palumbum, pro hospite pandochæum inuenimus. Aelian. de varia histor. lib. 14.

Anonyma.

* Impetravit ab Athanasio episcopo Alexandrina mulier nobilis & diues, ut ex viduis quæ ecclesiæ sumptu alebantur daretur sibi vna aliqua alenda. Data est illi quædam miri & suauis ingenio, cuius facilitate auctum est matronæ studium in pauperes. Poposcit sibi alteram dari, forte data est illi peruiçax & mulier, ex qua cū expio hospitio proba reportaret: ago tibi gratias (dixit Athanasio) quodd talem dedisti, per quam patientiæ cultus à me exercetur. Sabell. lib. 9. cap. i.

Lucullus.

Quum Græcos quosdam per dies aliquot magnificè tractasset, atque illi dicerent, se mirari quodd tantum impendiorum sua causa faceret: Nō, nihil ô hospites, vestra causa, inquit, sed maxima pars Luculli gratia. Plut. in Rom. apoph.

De hostibus & inimicis.

Diogenes.

Ad salutem hominibus opus esse dicebat, aut fidis amicis, aut acribus inimicis, eo quodd illi monēt, hi redarguunt. Laert. lib. 6. Plut.

Antisthenes.

Antisthenes philosophus Atheniensis,

nienſis, frequenter dicere ſolebat, hoſtes in bello ſemper obſeruandos eſſe, quòd hi primum omnium ſentiant ſi quid delinquas. In hoc igitur utiliores ſunt nobis quàm amici, vt errata noſtra cognoſcamus, & cognita corrigamus. Laertius libro 6. capite 1.

Ariston.

Cuidam laudibus vehenti dictum Cleomenis, qui interrogatus quid oporteret bonum regem facere? reſpondit, amicis benefacere, inimicis verò malè. At quanto præſtantius, ait, amicis benefacere, & ex inimicis reddere amicos? Plutarchus.

Onomademus.

Postquam aduerſam factionem ſuperafferet, quibuſdam conſentibus, omnes diuerſæ factionis vrbe pellen- dos, negauit expedire, dicens, ſe vere ri, ne omnibus inimicis ad vnum eie- ctis, inter amicos exiſterent diſſidia. Sentiens, ſic eſſe multorù ingenium, vt ſi deſint inimici, in quos naturæ malitiam exerceant, amicos imperant. Eraſt. 6. apoph.

Xenophon.

Xenophon dicebat. eſſe prudentis cordatiquè viri, etiam ab inimicis vtilitatem capere. Vulgarum eſt, neque ſolem, neque aquam, neque ignem magis vtilem eſſe hominibus, quàm amicos. Sed ingenij philoſophici eſt, quemadmodum periti medici ex beſtiis ac ſerpentibus noxiis vtilia quædam remedia colligunt, ita ex inimicorum odio decerpere aliquid, quod verat in ſuum bonum. Eraſm. 7. apoph.

Chabrias.

*Optimos imperatores eſſe dicebat, qui res hoſtium notiſſimas haberent. Stob. ſer. 52.

De hoſtibus, aſtu ac dolo vincendis.

Agesilau.

Cum adu. Teſſaphornem, hominem fœdifragum belligeraret, eiùſque vrbes quamplurimas variis inſidiis ac dolis cœpiſſet, amicis dixit: Fœdera quidem violare, præter cauſam impium eſt: cæterùm hoſtibus imponere, non modò iuſtum eſt. ac laude dignum verùm etiam & iucundum & lucroſum. Nec enim turpe putauit, dolis in illum vri, qui violato fœdere, periurio ſefelliſſet & deos & homines. Plut. in Lacon.

Anonymus.

Apud Spartanos cùm in luſtandi genere, quod chirapſiam appellât, iſ qui collum alterius vrgebat, fruſtra præterque legem palæſtræ pulſaret vndique, & in terrâ detraheret, poſteaquam corporis viribus deſtitueretur, qui inhærenti cedere cogebatur, brachium vrgentis momordit, cùmque alter diceret, Mordesô Lacon, fœminarum more? Non, inquit, ſed more leonum. Vt ſolenter obiectam ignauiam detorſit in laudem fortitudinis. Nullû enim probrû apud illos deteſtabilius, quàm muliebris imbecillitatis. Iure autè morſu liberauit, qui præter ius certaminis vrgebatur à victo. Plut. in Lacon.

Agis.

Cuidam conſulenti Agidem regem, vt hoſtibus fugientibus daret tranſitum: Et quomodo, inquit, pugnabimus cum his qui ob fortitudinem manent, ſi non pugnamus cum fugientibus? Exiſtimabat vir animoſus, aduerſus hoſtes nullam prætereundam occaſionem. Plut. in Lacon. apoph.

Antigonus.

Interrogatus, quomodo oportet hos aggredi? dixit, Aut dolo, aut vi, aut aperte, aut per insidias. Stobæus serm. 52.

Xenophon.

* Neque vel amicis (inquit) beneficium maius præstiteris in bello, quam si inimicus ipsis esse videaris: vel magis hostibus vltimo pacto nocueris, quam si amicitiam ipsorum simules. Stob. serm. 52.

Herennius Pontius.

Samnitibus consultantibus quid de legionibus Romanis apud furcas Caudinas inclusis fieri deberet: Herennius Pontius suavit: ut inuiolata dimitterentur. Postero die eadem de re consultus, respondit, ad vnum vsque delendas. Sentiens, aut clementer magno beneficio demerēdos hostes, aut irreparabili iactura illorum vires communiendas. Neutrum sequutus est exercitus: sed sub iugum missos, contumelia magis illos in se prouocauit. Eras. lib. 6. apoph.

De hostibus contemptis.

Ag. filaus.

QUum edixisset Agesilaus rex ut captiui nudi venderentur: Laphyropolē, quorum munus erat res prædatitias diuendere quod erant iussi faciebant, ac vestium quidem, quoniam iuxta barbaricum morem erant splendidae, multique pretij, complures extiterunt emptores: cæterum ipsa corpora candida, prorsusque tenera ac delicata, nec quicquam virile præ se ferentia (quippe in umbra, otio ac voluptatibus educata) adeo

concupiuit emere, ut deriderent etiam hoc mercium genus, velut inutilium, nec vllius omnino pretij. Id animaduertens Agesilaus qui auctioni præsidebat, & hunc casum torfit ad animandos ad fortitudinem milites: Hæc, inquit, sunt pro quibus pugnatis (ornamenta captiuorum ostendens) hi, quibus cum pugnatis: nuda captiuorum corpora demonstrans. Duplici nimirum argumento addidit suis animos: amplissima spe præmiorum, & hostium imbellium extremo contemptu. Plut. in Lacon.

Anonymus.

Spartanus interrogatus, num tutum esset ad Spartam iter? Refert, inquit, qualis eo descendas. Nam leones illic euntes plorant, lepores autem in umbraculis venantur, significauit, ferocibus ac violentis esse tutum proficisci Spartam, nec mollibus & effeminationis: quod hostili animo illic proficiscentes male acciperentur à fortibus delicatos homines illic non sineret lasciuire in tenebris. Plut. in Laco.

Antigonus.

Antigonus quum in parauulo quodam castello Græci obsiderentur, ac fiducia loci contemnentes hostes, multo in deformitatem Antigoni locarentur, & nunc staturam humilem, nunc collisum nasum deriderent: Gaudeo, inquit, & aliquid boni spero quando in castris meis Silenū habeo. Cū hos dicaces fame domuisset, quod captis facere mos est, videlicet ut qui bello sunt utiles in cohortes describantur, cæteri præconio subiciantur: negauit se vel id facturū fuisse, nisi expediret his dominum habere, qui tam malam haberet linguam. Plut. & Seneca.

Cicero.

Post Pharalicum conflictū, cū fugis.

fugisset Pompeius, Nonius quidā dicebat septem adhuc aquilas superesse, proinde bono animo essent hortabatur: Rectē, inquit Cicero, hortaris, si nobis cum graculis bellum esset. At ille aquilas dixit, vela Romana aquilis insignita. Plut. in Ro apop.

Romani.

Cū in pugna adu. Tigranem, hostium peditum centum millia trucidassent, pauci equitū fuga seruatis & ex ipsis non amplius centum essent vulnerati, interfecti quinque dicebat, sese erubescere, quod in tam vilia mancipia strinxissent ferrum. Plut. in Ro. apoph.

De hostibus non crudeliter tractandis.

Socrates.

Cū Cræsum interrogasset, quid esset maximum & pretiosissimum ex regno consecutus: illēque respondisset, Vt hostes vlcisceretur, & amicos beneficio afficeret: Multo, inquit, melius fecisses, si & illos tibi amicos adiuuasses. Max. ser. 6.

Agessilaus.

Solebat adiuuare milites suos, ne captiuos vt facinorosos cruciarent, sed vt homines seruarent. Infantibus etiam in bello capris prouidit, vt in vnum locum comportarentur, ne mutatis castris relictis perirent. Eandem curam impendit senibus captiuis, ne quoniam sequi non possent, a canibus lupisve discerperentur. Hæc autē humanitas illi nō solum aliorū, verū etiā captiuorū mirā beneuolentiā conciliauit. Et nūc homines sibi videntur, qui trucidatis infantibus ac senibus, eā aetatem abducunt, quæ vel libidini apta est, vel labori, vel vtriq;

Quo progressa est immanis illa feritas Plut. in Lacon. apoph.

Ariston.

Cū ex quodam audiuisset, amicis benefaciendum, inimicis autem malefaciendum esse: imo, inquit, præstantius est amicis benefacere, & ex inimicis reddere amicos. Plut.

Xerxes.

Cū Græcorum exploratores in exercitu suo deprehendisset, nullo malo affecit, sed circumdixit, vt omnem viderent exercitum, & illæsos dimisit. Nolu it vir bellicosissimus crudeliter grassari in hostes perniciosissimos, quos non iam manu, quā beneuolentiā & clementia vincere cupiebat. Plut. in reg. & imper. apoph.

Paulus Æmilius.

Perseo sese ad victoris pedes abiciēti, vocēsque degeneres emittēti: Cur, inquit, fortuam crimine liberas, sic te gerens, vt superiore etiā fortuna videaris indignus? Cur meā dedecoras victoriam, ac rerum à me gestarum gloriam obscuras, tam abiectum te demonstrans, vt indignus appareas, quem populus Romanorū haberet hostem? Plut. in eius vita.

Fabius Maximus.

Dicebat absurdum videri, si cū equos & canes venaticos familiaritate cibōque cicuremus, potius quā catenis ac verberibus, homines feroces animo non humanitate ac beneficiis nobis conciliemus, sed asperiores in illos simus quā agricolæ sunt in capris ac malos syluestres & oleastros, qui has non protinus excidunt, sed incisione docent mitescere. Plut. in Rom. apoph.

Fabritius.

Fabricio iam consuli misit epistolam Pyrrhi medicus, qua promittebat se regem veneno necaturum,

si iuberet. At eam epistolam, auctore non prodito ad Pyrrhum remisit, iubens illum sibi cauere qui pessimus esset index cum amicorum tum hostium. Sentiens, eum habere pro hostibus eos quos amplecti debebat, si satis nouisset: & hos pro amicis ducere, qui peius illi vellent quam hostes. Plut. in Rom. apoph.

Sigismundus. imp.

Laurentius Hungariae Palatinus, cum diceret imprudenter agere Sigismundum imperatorem, qui victis hostibus non solum vitam & opes relinqueret, sed etiam eos inter amicos reciperet, extolleretque. Tibi, inquit Sigismundus, videtur vtile inimicum occidere, neque enim mortuus bellum excitat: At ego inimicum occido, dum parco: & amicum facio, dum extollo. Ostendit autem, pulchrius esse benefaciendo, quam potentia inimicos vincere. Æn. Syl. lib. 3. commentariorum de reb. gest. Alphonfi.

Alphonfus.

Alphonfus Aragonum rex cum expugnatis urbibus, humaniter hostes omnes dimittendos mandasset, reprehensus à suis ducibus qui omnes interficiendos putabant, respondit, Nihil magis aduersariorum animos flectere atque conciliare, quam placabilitatis & mansuetudinis nomen. Panor. li. 3. de rebus gestis Alphonfi.

Idem.

Idem cum Caietam urbem obtineret coacti sunt oppidani ob famem, qua grauiter vexabantur, ad bellum inutiles è ciuitate expellere, in quo cum incidisset rex, adhortatus ut ferro trucidaret omnes Nequaquam, inquit bellum contra puellas, foeminas, fenes, ac innocentem iuuentutem su-

scipimus: sed contra viros armatos, de victoria manu nobiscum concertantes. Et sic pepercit rex imbelligati, ab hostibus ciuitate pulsæ ob famem, Alphonsum sanè, & Agesilaum, qui similem pietatem hosti praestitit, nostra tempora desiderarent. Si quidem nunc de magna gloriantur animi fortitudine, qui trucidatis infantibus ac senibus, eam ætatem abducunt, quæ vel libidini apta est, vel labori, vel utrique. Alphonfi dictum recitat Panor. l. 1. de reb. gest. Alphonfi

Huc refert titulum de Victoria moderatione.

De humanitate.

Agesilaus.

Hydricus cum quendam coëcisser in carcerem, Agesilaus humaniter veniam pro capriuo deprecatus est, hunc in modum scribens: Si nihil peccaui, oro ut hominem dimittas: si peccauit, mihi dimitte: sed omnino dimitte. Innocentem punire, scelus est: culpam interdum condonare in gratiam honesti deprecatoris, humanitas est. Plut. in apoph. Lacô.

Xerxes & Arimanes.

Inter Xerxen Darij filium & Arimane fratre, de regno erat contentio. Itaque quum Xerxes intellexisset, fratre ex Bactrianorum regione descendere, misit illi munera, & iis quibus ea maderet perferenda, iussit ut ipsius verbis illi dicerent. His in praesentia te honorat frater tuus Xerxes quod si rex fuerit declaratus, eris apud ipsum omnium primus. Hac humanitate delinitus Arimanes cōtentionem remisit, ac fratri regnum adepto protinus adorationis honorem exhibuit, eiq; diadema imposuit. Xerxes autem illi

illi proximum ab se locum dedit. Erasmi. s. apoph.

Philippus

Filium Alexandrum admonere solebat, ut cum Macedonibus comiter haberet consuetudinem, vulgi conciliata benevolentia vires ac robur sibi parans, dum liceret alio regnante esse humanum, prudenter colligans, ut nulla re melius constabatur imperium, quam civium, benevolentia, ita difficillimum esse iam regnum administranti, erga quoslibet esse humanum, non solum quod regia potestas opposita sit invidiæ. verum etiam quod Respublica non possit esse incolumis, nisi scelera suppliciis coercantur. Regibus enim hæcenus temperanda est humanitas erga ciues, ut interim regiam teneantur auctoritatem. Nam immo-dica bonitas sæpe contemptum parit. Plut. in apoph.

Plura pete. ex apoph. de Clementia.

Diogenes.

Plato laudante quendam hoc nomine quod erga omnes humanissimus esset. Quid, inquit Diogenes, illi tribuendum est, qui nullum unquam affecit dolore? Quod dicto docere voluit nimiam humanitatem obesse rei publicæ. Laër. l. 6.

Agessistrata.

Quum Agidem filium exanimem iacentem videret, exosculata facie dixit, Nimia tua, ô fili, bonitas, nimia mansuetudo & humanitas, te simul & nos perdidit. Moliebatur enim Agis facinus sanè præclarum, sed invidiosum, nimirum ut degenerantes Lacedæmoniorum mores ad priscam illam severitatem reuocaret. Interim dum studet offendere neminem, & gratificari omnibus, semetipsum in exiliū coniecit. Plut.

in Lacæm. apoph.

Vide apophthegm. de Indulgentia & Licentia.

Turbo.

Quum adhuc nihil aliud esset quam centurio, & ante præfectos à Cæsare vocaretur in consilium: Turpe est, inquit, ô Cæsar, exclusis præfectis cum centurione agere. Erasmi. lib. 6. apoph.

Anonymus.

Quidam videns Faunium, quum nulli adessent famuli, Pompeio per omnia inservientē, usque ad pedum lotionem, pronunciauit Græcum verficulum,

φδ' τοῖσι ἑταιροῖσι ὡς ἀπαι καλὸν.

id est.

Claris viris ut est decorum quilibet?

Erasmi. libro 6. apophthegm. ex Plutarch.

Plotina.

Plotina Traiani imperatoris vxor, cum post Traiani electionem primum in Capitolium iret, multique essent qui imperij felicitatem omnibus modis precarentur: adhuc in gradibus, conuersa ad multitudinem: Talis, inquit, huc ingredior qualem me exire cupio. Quo dicto innuere voluit, se non minus in imperio, quam cum extra imperium esset omnibus optimè velle. Vnde sic se in principatu gessit, ut omnino iusta reprehensione caruerit. Xiphilinus in vita Traiani.

Huc refer apoph. de Gloria & honoris contemptu.

De humilitate.

Vide apophthegmata de Moderatione animi, de Modestia, de Arrogantia, Fastu & Superbia.

DE IACTANTIA.

Diogenes.

PVERO cuidā, qui vellet se recipi in numerum discipulorum Diogenis, ac diceret se excellere ingenio, respondit Diogenes: Si adeo excellis ingenio, optimisque moribus præditus iā es, non est quod me præceptore ad vitam necessaria discas. Notauit autem inanem adolescentis iactantiam, & indignum putauit ut in philosophiæ studio educaretur. Bruf. l. 3. ex Laertio.

Aristoteles.

Admonebat suos, ne nimium se laudarent ipsos, nec vituperarent etiā. Laudare enim seipsum, vani: vituperare, stulti est. Bruf. l. 3. ex Stob.

Phocion.

Laosthenes quum Athenienses ad inferendum reliquæ Græciæ bellum assiduis stimulis concitaret, ac de se multa variāq. iactaret, Phocion ait: Cupressis sunt planè similes sermones tui illi enim magni sunt, nec tamè vllos ferunt fructus. Plut. in Pho.

Anonymus.

Peregrinus quidam Sparre crepidatus altero pede stans rectus, ad Laconem dixit, Nequaquam puto te ô Lacon, tantum temporis, quantum ego, in pede perstare posse: Urbanè excipiens Lacô, Minime (inquit) sed ex asneribus nullus est, qui hoc non possit. Plut. in Lacon.

Lacones.

Philippus cum minaretur Lacedæmoniis per literas, diceretque se omnia quæ conaretur prohibitorum: Lacedæmonij iactantiam eius irridentes, interrogarunt Philippū, num

mori etiam eos esset prohibitorum? Plutarch.

Fabius Maxim.

Quum M. Liuius sibi postulari acceptum ferri, quod Fabius cepisset Tarentum, videlicet quod in arce præfidiū habuisset. cæteris iactantiam hominis deridētibz, Vera (inquit Fabius) narras: nam nisi tu ciuitatem amisisses, nequaquam ego recepissem. Plut. in apoph.

Varinius.

Ciceroni iactanti apud Varinium, quod humeris Reipubl. de exilio aduectus sit, urbanè inquit: Vnde tibi varices? Bruf. l. 3.

Iul. Cæs. r.

Sylla factus prætor, quū indignabundus Cæsari sua in se illum potestate vsurus esse dictitaret, rides Cæsar: Rectè, inquit, tuū putas esse magistratum, quem tuis habes pecuniis comparatum Plutar.

Augustus Cæsar.

Augustus quempiam saxo in expeditione percussum, ac notabili cicatrice in fronte deformē, nimium tamē sua opera iactantē, sic leuiter urbanèq. castigauit: At quum fugeres, inquit, nunquam respexisti? Bruf. l. 3.

Vide apoph. de Ostentatione.

De ignauia.

Diogenes.

QVibusdam admirantibus carmen illud Hesiodi,
 ἔδ' αἰ βροτὸς ἀτόλμωτ', εἰ μὴ γέ τιν' κερὸς
 εἴη. id est,
 Ne bos quidem pereat, etiam si vis inus
 sit malus.

atqui Messenij, inquit, simul cum nobis perire, vobis vicinis. Exprobrauit Athoniensibus ignauiam, qui Messeniis vicinis aduersus Lacedæmoniorum

niorum vim non fuerint opitulati. Erasim. l. 8. apoph.

Democritus.

Interrogatus, qua re industrij ab inertibus differrent? respondit, Qua impij à pijs? spe nimirum bona. Laboribus quippe incumbens, suæ industrij sperat præmium amplissimum, ignavus autem desperans, nullam habet bonorum futurorum spem qua fulciatur. Max. ser. 32.

Antalcides.

Infrà de Salsè dictis.

Lysander.

Lysander Lacedæmoniis segniter Corinthiorum murum oppugnantibus, quum leporem fossa vidisset exilientem: Eos, inquit, timetis hostes, quorum ignavia lepores in muris dormiunt. Plut. in apoph.

Theristocles.

Hieronem cum equitatu venientem ad ludos Olympicos, vetuit certamen spectare. Interrogatus autem, cur hominem excluderet: Non æquum esse respondit, ut is qui maximi periculi se socium non præbuisset, ad communem conventum ludicràque spectacula admitteretur. Notavit autem hominis in rebus præclarè gerendis ignaviam & oscitantiam. Ælian lib. de Var. hist.

Scipio.

Cum in Alexandriam venisset, pedesque urbem accederet: rex autem cum alijs propter ignaviam corporisque mollitiem vix incederet: Scipio ad Panætium ait, Iam Alexandrini aliquid voluptatis & fructus ex nostra peregrinatione perceperunt. propter nos enim regem suum ambulantem viderunt. Bruf. lib. 3.

Idem.

Neuius quidam, cum iners socorsque esset, festinè per anominatione Sci-

pio in illum iocatus est: Quid, inquit, hoc Neuius est ignavius? Bruf. lib. 3. cap. 12.

Q. Metellus.

Dicere solebat, nescire se, an sua victoria plus boni an mali Reipublicæ attulisset. Notavit autem Romanorum post partam victoriam ignaviam, quæ multis malis ianuam aperuit. Bruf. l. 4.

M. Cato.

Eius perfrequens fuit sententia Nihil agendo, homines malè agere perdiscere. Quo dicto execratur omnem ignaviam, quæ multorum malorum sæpenumero causa est. Columella lib. 12.

Sigismundus Imp.

Cum ignavus ac otiosus homo faceratores eo nomine plurimum laudasset, quod dormientes etiam pararent ex rebus lucrum: At tu, inquit, Imperator, vigilando omnia consumis. Æn. Sylv. lib. 4. comment. in res gestas Alphonfi regis.

Vide apophth. de Otio, Pigritia, & Segnitiè.

De ignobilitate & obscuritate generis.

Bion.

Percontanti Antigono Homérico versu,

Τὶς πῶθεν εἶς ἀνδρῶν; πόσοι τοὶ πόλις, ἢ δὲ τοκῆες;

Sentias, se traductum de generis ac gentis ignobilitate, respondit ingenue. Pater meus libertus erat, cubito sese emungens, significans, eum fuisse falsamentarium. addebat, illum Borysthenitem fuisse genere, non facie, sed in fronte gestare scripturam amari domini, matrè fuisse è lupanari, cum

cetera item nudè commemorasset, adiecit versum Homericum.

Ταύτης τῆς γὰρ τῆς, τοῦ τοῦ πατρὸς ὁ ἄλλος
ἐν αἰ. Laër. l. 4. c. 7.

Antisthenes.

Dicebat, generis obscuritatem esse bonum par labori. Aduersus illud Epicuri, *ἀδὲ βιωστας*. Multi student ignoti esse, quo uiuant in otio. At ignobilitas quoniam pater quorumlibet contemptui, non minus adfert negotiorum, quàm famæ claritas. Diogen. Laer. lib. c. i.

Idem.

Cuidam opprobranti quòd esset hybrida, hoc est, non è duobus ingenuis natus, sed ex patre Atheniensi, matre Phrygia: Nec è duobus, inquit, luctatoribus natus, & tamen luctator sum. Sentiens, non tam referre vnde natus sis, quàm sis. Is verè liber est, quem philosophia liberum facit: & is verè Græcus est, qui Græcorū disciplinis institutus est. Laert. lib. 6. cap. i.

Socrates.

Malè audiens à quodam Atheniensi, quòd ex matre obscura natus esset, respondit: An putas virum præclarum non ex obscuris parentibus procreari posse? Innuit autem, non ex parentibus, sed ex rebus gestis veram nobilitatem iudicandam. Ibidem.

Anonymus.

Menedemus Eretrienfis, cùm aliquando decretum tulisset ad populum, quidam ita tetigit illum, vt diceret, non esse sapientis neque tabernaculum consue, neque decretum scribere. Subnotans, quòd ex patre eoriarario natus esset, ipse quondam eiusdem opificij. Nam olim tabernacula è pellibus caprarum consuebantur. Laer. l. 2.

Sofratus.

Cuidam obiectanti, quòd ex ignobilibus prognatus esset parentibus: Atqui, inquit, ob id ipsum debuit magis laudari, & in admiratione esse, quòd à me genus initium cœpit. Anton. in Melissa, par. 2. ser. 79.

De ignoscencia.

Pittacus.

TYrrheum Pittaci filium Cumis in constrina sedentem, faber quidam ærarius impacta securi occidit. Cumani homicidam vinctum miserunt ad Pittacum, vt de eo supplicium sumeret. At ille cognita causa, dimisit hominem, dicens: Ignoscenciam esse potiore pœnitentia. Sentiens, vtilius esse condonare, quàm meminisse iniuriæ, & vlcisci. Laert. l. 1. cap. 5.

Huc referenda sunt apoph. de Patientia iniuriæ, Humanitate, Lenitate, Mansuetudine, Victoriæ moderatione, Vindictæ neglectu, &c.

De ignorantia.

Vide apoph. de Cognitione sui.

De imitatione.

Pylades.

HYlam, negligenter saltantē Oedipodem, hac voce castigauit, *οὐ βλάπτεις*: id est, tu vides: quum ille Oedipodem iam cæcum exprimere debuerit. Eras. l. 6. apoph.

Apelles.

Alexander quum apud Ephesum conspectam effigiem sui corporis ad viuum magna arte expressam admiraretur, atq. interim fortè equus inductus picto in eadem tabula equo hinni-

hinniret, deceptus imitatione: Apelles, Equus (inquit) ô rex, multo melius expressus est quam tu. Erasmi. li. 8. apoph.

Cicero.

Pompeio vitio dabat, quod ciuitate deserta Themistocle potius quam Periclem fuisset imitatus: cum illis res nequaquam pares essent, his essent. Themistocles enim fugit ad Persas, Pericles mansit Athenis. Plutarch. in Rom. apoph.

Hadrianus sophista.

In conuiuiis sophistarum, ad quos adhibitus erat tanquam egregij cuiuspiam arcani confors futurus, quum sermo fuisset ortus de characteribus dictionis, & in quo quisque præcelleret, & quid in quoque potissimum imitandum esset: At ego, inquit, describam characteres, haudquaquam recensens incisionculas, intellectuales membra aut rhythmos: sed me ipsum mihi imitandum proponens: omniumque inuenta ex tempore proferens, flexu quodam orationis ac linguae permittam hæc omnia. Quid de hoc Hadriani dicto iudicandum sit, viderint Critici, illud scio, Horatium, non temerè exclamasse, O imitatores seruum pecus. Et hodie videmus quosdam, qui se totos addixerunt exprimendo Ciceroni, frigidos & clibes euadere. Quod si quos delectat illud orationis genus leue & *μαρφε*, equidè nec obsto cuiquam, nec inuideo. At ipse malim Epicteti rudem & indolatam phrasim, sed naturalem, quam Isocratis omni flosculorum genere picturam. Huius Hadriani dictionem Herodes sophista solebat appellare *κατὰ τὸν Ἰσοκράτη*, id est, colossi magni fragmenta: simul in iuvene notans orationem nondum satis compositam,

simul laudans & vocis & animi magnitudinem. Verba sunt Erasmi. Rot. li. 8. apoph. ex Philostrati sophistis.

De Imperatoris, seu belli Ducis præstantiss. & numeris omnibus absoluti officio: item de imperio rectè administrando.

Pericles.

Quotiescunque belli dux creatus esset, chlamydè induens, apud se dicere consuevit: Attēde Pericles, quod gesturus es imperium in liberos, in Græcos & in Athenienses. His dictis se vir cordatissimus hortabatur, ut moderatè gereret principatū. Magni ingenij est, imperare liberis: at Græci plus quam liberi tum erant: postremo inter Græcos liberrimi Athenienses. Plut. in apoph.

Plato.

Rempub. saluam esse putabat, in qua aut philosophi imperarent, aut principes sapientiæ studio incumbere, lib. de rep.

Timotheus.

Quærenti quid inter imperatoriā artem & oratoriā discriminis esset? Idem respondit, quod inter bellū & pacem Stob. 52.

Plistarchus Leonidæ F.

Plistarchus Leonidæ filius cuiusdam roganti, quam ob causam reges Lacedæmoniorum non à priscis regibus cognomen sortirentur? Quoniam, inquit, illi ducere quam regnare maluerunt, Posteriores illis nequaquam. Primus omnium regum Lacedæmoniorum Agis dictus est, & hoc nomē in aliquot posteriores de-

manauit. Agidis autem nomen dictū est à ducendo, quoniam clementer imperabat: & regum est persuadere potius, quàm imperare. Plistarchus autem sonat, plurimis imperantem. Plutar.

Theopompus.

Inf. de patria fortiter propugnāda.

Solon.

Infrā de Regno & regibus.

Iphicrates.

Suprà de bono belli duce.

Apollonius.

Rogatus à Babylonīæ rege, quomodo tutò regnare posset? Si multos, inquit, honoraueris, paucis verò credideris. Bruf. l. 3.

Alcamenes Telecri filius.

Cuidam percontanti, quo pacto quis optimè regnum seruare posset? Si lacrum, inquit, non magni fecerit. Longè latèque dissentiens à vulgo principum, qui non alia magis ratione principatum constabilire student, quàm attenuandis ciuium suis augēdis opibus: quum iustitia & æquitas maximè reddant diuturnum imperium. Plut. in Lacon.

Agis.

A quodam interrogatus, quod disciplinæ genus potissimum exercitur apud Spartanos? Scire, inquit, imperare, & ferre imperium. Ibid.

Idem.

Apud Mantinæam quibusdam dissuadentibus, ne cū aduersariis, quòd numero plures essent, confingeret Agis senior: Cum multis, inquit, pugnet oportet, qui multis vult impetare. Ibid.

Agésilas.

Interrogatus, quas res Imperatorem habere oporteat? dixit: Aduersus hostes audaciam, erga subditos beneuolentiā, in opportunitate ve-

rò rationē & consilium. Stob. ser. §. 2.

Cyrus.

Dicebat, neminem debere suscipere principatum, nisi esset melior his in quos susciperet imperium. Sedit vir prudentissimus, hoc esse principis munus, ut aliis prospiciat, & publicis commodis consulat. id autem fieri nequaquam potest, nisi ab eo qui sapientia, vigilantia, animiq; integritate cæteris antecellit. Plut. in apoph.

Idem.

Dicere solebat, principem non debere inferiorē esse intelligendo quæ opus sunt, cæteris. Xenophon. in Pædiæ Cyri.

Idem.

Idem à Clearcho, ne se in pugna periculum admitteret admonenti, respondisse dicitur: Iubēsne regnum appetentem, regno me indignum ostendere? Bruf. l. 3.

Hieron.

Infrā tit. de Regno, & regibus.

Cato.

Quum Eumenes rex Romam venisset, & à senatu honorificè exceptus, clarissimorum ciuium frequentia stiparetur, Cato non dissimulabat, tantum Romanorum erga illum studium sibi suspectum esse, ipse vitans regis consuetudinem. Hoc quibusdam admirantibus, ac dicentibus, Eumenein esse virum probum, ac amico in populum Romanum animo: Sint ista vera, inquit: attamen illa belua, natura ferox canis est. Sentiens, omnes reges, utcumque pro tempore simulent, natura tyrannos esse, ac Democratix infensos. Romæ autem regis nomen erat inuisissimum. Eras. l. 5. apoph.

Antiochus.

Antiochus quum à L. Scipione vltra

tra Taurum montem, submotis imperij finibus, Asiam prouinciam, vicinasque ei gentes amisisset, gratias egit populo Romano, quod magna parte curarum per eos liberatus esset. Intellexit vir prudens, vnius hominis animum, quamuis vigilantem, non posse tot negotiis parem esse. Erasmi. li. 5. apoph.

Vide Magistratum curae.

Antigonus.

Videns filium suum violentius & immodestius se gerere erga subditos: An non, inquit, nouisti fili, nostrum regnum esse nobilem seruitutem? Atque haec Antigoni verba, quibus filium alloquutus est, maximam mansuetudinem & humanitatem pre se ferunt, qui id non approbat, is vere mihi videtur neque regem neque ciuem nosse, sed tyrannicam vitam potius agere. Aelian. l. 2. de Var. hist. ex Plutar.

Scipio Africanus.

Quibusdam calumniantibus, quod parum strenuus bellator esset: Imperatorem, inquit, me mater, non bellatorem genuit. Significans in imperatore plus habere momenti solertiam ac prudentiam in consiliis, quam vires in praелиis. Plut.

M. Cato.

Seniorem imperatorem laude dignum, & ab omnibus extollendum putauit, qui sibi ipsi imperare posset. Plut in apoph.

Cicero.

In summo imperatore bellique duce quatuor res debere inesse dicebat, Scientiam rei militaris, virtutem, auctoritatem, & facilitatem. Cicero in oratione pro pompeio.

Alexander Seuerus.

Quinius Camillus, antiquae familiae senator, homo delicatissimus, re-

bellionem moliebatur, tyrannidem affectans Id quum Alexandro renuntiatum esset, statimque probatum. ad palatium vocato gratias egit, quod reipublicae curam, quae bonis viris recusantibus imponi solet, sponte reciperet. Mox ad senatum processit, ac tanti sceleris conscientia trepidum, consortem imperij appellauit, in palatium recepit, ornamentis imperialibus, & melioribus, quam utebatur ipse, decorauit protectionis comitem adhibuit. Cumque imperator ipse pedibus iter faceret, inuitauit & Quinium deliciis assuetum ad laborem, quem post quinque millia passuum cunctantem equo sedere iussit. Quumque post duas mansiones equo etiam fatigatus esset, carpento imposuit. Hoc quoque respuentem, ac imperium taedio laborum recusantem, denique & morti paratum dimisit, ac militibus a quibus Caesar praecipue diligebatur, commendatum, ad villas suas tuto abire iussit. Sic illi commonstrauit, quid esset gerere imperium. Lampridius.

Salurninus.

Hortantibus militibus, ut imperium susci-peret, ait: Nescitis: o milites, quantum mali sit imperare: gladij vicinibus imminant, hastae undique, spicula, ipsi custodes timentur, ipsi comites formidantur, non ciuibz pro voluntate, non iter pro auctoritate, non bella pro iudicio. non arma pro studio. Branson. libr. 3. cap. 13.

Iul. Caesar.

M. Tullius li. de Officiis 3. scribit, Caesarem hos versus ex Euripidis Phae-nissis semper habuisse in ore:

*Nā si violandū est ius, regnandi gratia
Violandū est, alius rebus pietatem colas.*

Augustus Caesar.

Postquam Iulio auunculo crudeliter in senatu interfecto successisset in administratione imperij, ac nequaquam placeret Acciæ matri Philippoque vitrico, adiri nomen inuidiosæ fortunæ Caesaris, respondit: Nefas esse, quo nomine Cæsari dignus esset visus, semetipsum videri indignum. Contemnēs humana consilia, & cum pericula potius summa quàm turō humilia sequi proposuit. Velleius Patereulus, & Cusp. in Con-
sulibus.

Mecænas

Augusti temporibus quum esset consultatio de imperio iterum abrogando, in ea deliberatione interrogando, in ea deliberatione interrogatus Mecænas, quid sibi videretur, respondebat: Regnum iustum & legitime recuperatum in primis conducere rerum magnitudini. Quo dicto consulebat, iustius esse ut imperium deponeret Augustus, ac rem publicam restitueret in statum pristinum, Dion Nicæus in Augusto.

Augustus Cæs.

Admonebat Romanos, ut tempus committerēt iis, qui usu & experientia rerum plurimū possent nec eam finerent illo tempore pēdere ex cuiusquam voluntate: ne forte is in regni cupiditatem veniret, aut mortuo eo res publ. periclitaretur. Idem.

Idem.

Consulebat præterea, ut contenti rebus præsentibus, augere & dilatare imperium nollent: quod futurum esset, ut id tuerentur difficilius, immineretque periculum, ne ea quæ iam parta essent, admitterentur. Idem.

Fronto.

Cum sub Nerua Cocceio, Romæ impromiscue omnes ab omnibus levissimas ob causas accusarentur, at-

que inde magnus tumultus exortus esset, Frontonem consulem dixisse ferunt: Malum quidem esse, imperatorem habere, sub quo nemini licet quicquam facere: sed multo peius esse, cum omnia licent omnibus. Xiphilinus in vita Neruæ, & Fulgof. li. 2. cap. 2.

Domitianus.

Paucis notum esse dicere solebat, quàm misera & æruinosa sit imperantium conditio, qui à tyrannidis falsa suspitione tum demum liberantur, cum diem iam extremum claudunt, Suet. in Domitiano.

Diocletianus.

Adhuc priuatus dicere solebat, nihil esse difficilius quàm bene imperare. Id Flavius Vopiscus in Aureliano tradi se audiuisse à patre suo, & addit causam: Colligunt, inquit, se quatuor aut quinque, simul consilium ad decipiendum imperatorem capiunt. dicunt, quid probandum sit. Imperator qui domi clausus est, vera non novit: cogitur hoc tantum scire, quod illi loquuntur: facit iudices, quos fieri non oportet. amouet à republica, quos debebat retinere. Ita, bonus, cautus, optimus venditur Imperator. At vulgus ad Imperatoris titulum satis esse putat nasci, aut eligi: nasci ut cunque, eligi emptis suffragiis, ac solennibus ceremoniis confirmari. Vopiscus.

Partinax.

Cum possessionibus imperatoris nomen suum inscribi prohibuisset, dicere solebat, illas nequaquam imperantium proprias, sed communes Romanorum, & publicas esse. Herodianus.

Traianus.

Iustitiæ & æquitatis amantissimus, talem Imperatorem priuatis & ciuibus

bus se esse dicebat, qualem sibi ipse
imperatorē priuatus optasset. Ioanni.
Lagus in Nicephori annotationibus.

Idem.

Aliquando in conuiuio proposuit
amicis, vt decem nominarent, qui-
bus crederent rerum summam rectē
delegari posse. Cū illi silerent: De-
cem, inquit, à vobis posco, ego vni-
cum habeo Seuerianū. Solum illum
imperio dignum iudicans. Dion
Cassius.

Idem.

Licio Surā (quem quidā vt Cæ-
saris insidiatorem iudicauerant) gla-
dium nudum porrexit, atque: Acci-
pe, dixit gladium, quem pro me, si
bene atque cum ratione imperaue-
ro, distringes: sin minus, eo ad interi-
um vttere. Dion Nicæus atque Xi-
philinus in Traiani vita, Plin. in Pa-
negyrico, & Niceph. lib. 3. cap. 23.

Hadrianus.

Dicere solebat miseram esse im-
perantium conditionem, quibus de
affectu tyrannidis, nisi occisis, non
deditur. Volcatius.

Valentinianus.

Sollicitus à militibus, vt ubi im-
perij socium deligeret: Vestrum qui-
dem (inquit) fuit, vt priuatum me ad
imperialem extolleretis dignitatem:
res autem administrare, non iam ve-
stri, sed principis ipsius arbitrij esse,
vos ipsi quoque dixeritis. Itaque
vos deinceps imperata facere, &
quietos esse: me autem, quid facto
opus sit, curare decet. Niceph. Cal-
list. lib. II. cap. I. Eccl. hist.

Antoninus Pius.

Reprehensus, quod nonnullos ac-
cusatos absolueret, respōdit, Princi-
parum non à poenis aut suppliciis,
sed à mansuetudine potius auspican-

dum esse. Dion Nicæus, & Xiphili-
nus in Antonini vita.

M. Antoninus Verus.

Dicere solitus erat, Neque pecu-
niæ vim tyrannidis luxuriam exple-
re posse, aut stipantia satellitum
agmina tueri principem, nisi ipsi
quos regit, animum imperanti bene-
uolentiāque accommodent. Quip-
pe ijdemum diu tutōque imperant,
qui non metum ex crudelitate, sed
amorem ex bonitate ciuium suo-
rum animis instillant. Neque enim
quos sœuire necessitas coegit, sed
quos obtemperare sua quæque vo-
luntas adegit, ij sunt in agendo pa-
tiendōque à suspitione omni assen-
tationēque vacui: nunquāque im-
peria detrectant, nisi violenter con-
tumeliosēque sint habiti. Herodianus
lib. I.

Faustus Quintillus.

Iulianus cū senatum Romanō-
rum rogaret, vt virgines Vestales &
cæteri sacerdotes cum senatu ob-
uiam exercitui Seueri prodiret, præ-
tentis insulis: * Faustus Quintillus
consularis augur contradixit, asse-
rens, non debere imperare eum qui
omnis aduersario non posset resiste-
re. Spartianus in Iuliano, & Cuspi-
nians in Consulibus.

Ionianus.

Cū post Iulianum apostatam,
qui aliquot Christianorum millia
interfecerat, ad imperium rapere-
tur, clamabat, Nolle se infidelibus
imperare, cū ipse esset Christianus
Cui responsum est à militibus omni-
bus, sese quoque Christi fidei esse ob-
noxios. Cuspin. in Coss.

Alex. Seuerus.

Vigilanter prouidit, ne tribuni
ducēque quicquam fraudarent de
stipendiis militum, dicēs: Miles non

timet nisi vestitus, armatus, calceatus, & satur, & habens aliquid in zona Sentiens, militem cum aliquid habet, metueret ne perdat: sed mendicatas ad omnem desperationem vocat armatum. Lampri.

Pescennius Niger.

Rogatus, quid sentiret de Scipionibus? Respondit: Illos sibi videri felices magis quam fortes: quod vterque domi iuuentutem parum sancte transegerat. Sentiens, imperatorem per omnem vitam in reipublice negotiis versari debere, nec a domesticis ad imperium accersiri. Spartianus.

Otho.

Sæpenumero dicere solebat ad suos: Nescitis amici, quid sit, Romanorum gubernare imperium: mihi credite iam experto, qui iam mori malo, quam imperare. Sueton.

Sugimundus.

Rogatus, Quem virum regno dignum aptumque existimaret? Eum, inquit, quem neque secundæ res extollerent, neque aduersæ deprimerent. Æneas Syl lib. 4. comment. de reb. gest. Alphonfi regis.

Idem.

Regnandi artis imperitum esse dicebat, qui simulare nesciret. Inuit autem, multa regibus simulanda, multa dissimulanda esse, quo suos in dubito officio retineant, extra omne vitæ periculum. Æneas Sylaius lib. 4. commentariorum de rebus gestis Alphonfi.

Æneas Syluius.

Principes priuatis hominibus multo meliores fore dicere solebat, si re ges electione, & non successione fierent. Improbauit vir clarissimus successionem regum, quam vsus, haud vbiq; meliora secutus, recepit. Regem enim nasci nihil magni est. At

regno dignum se præstitisse, maximum est. Æneas Syl lib. 4. comment. in res gestas Alphonfi.

Huc refer apophth. de Principe & regno, item de administratione reipub. &c.

De imperio difficulter administrando.

Alphonfi.

Sæpenumero peroptare solebat, Vt popularium suorum vnusquisque rex extitisset, quo demum illi, utpote experti, cognoscere principum occupationes & curas. Hoc vnico forsam modo fieri posse, vt desinerent molesti & importuni esse. Notabat autem, quam difficile esset imperare, cum tam diuersa sint hominum ingenia, diuersi mores, quibus principes se accommodare necesse habent. Panor. lib. 3. de reb. gest. Alphonfi.

Idem.

Magnum quidem esse dicebat, aduersus hostem ducem esse: sed & illud maximū, ad omnem virtutem ciuib; ducem esse. Pan. libr. 4. de Alphon. reb. gestis.

Idem.

Eundem affirmare solitum accepimus, si nullum omnino aliud regnum, nullam prouinciā præter Calabriam aut haberet, aut habiturus esset, illam protinus se relicturum, priuatūque & ciuem viuere potius velle quam illorum, qui nihil hominis habent præter figuram, ineptias tolerare. Hoc autem dominum aut regem. Hoc autem dicto ostendere voluit, quam graue sit imperare iis, qui omni humano ingenio exuti, nil norūt aliud, quam luxu-

*luxuriantes, ferarum more, in omni
victorum sorde se inuoluere. Panor.
lib. 1. de reg. gest. Alphonsi.*

De imperitia.

Socrates.

* Intuitus adolescentulum diuitem
ac imperitum: En, inquit, aureum
mancipium. Stob. ser. 4.

Idem.

* Vt Proteus formam, ita imperi-
tus (inquit) animum vbique mutat
& variat. Eod. serm.

Idem.

* Dicebat imperitos in rebus er-
rare. quemadmodum peregrini in
viis. Eod. serm.

De impietate.

Bion.

* Impietatē dicebat malam esse con-
tubernalem fiducia, & adiecit ver-
ficulum Euripidis:

δουλοῖς δ' ἀνδρα, καὶ θεοῦς ὁ μὸς τις ἴσῃ.
id est,

Seruum facit, quamuis feroculum
virum.

Sensit, ibi non esse libertatem, vbi
est mala conscientia: nec eum posse
liberè loqui, cui crimen impietatis
verè potest obiici, nec frui tranqui-
litate animi, qui numen habet ira-
tum. Laertius lib. c. 7.

Agésilau. Ephorus.

Agésilau Ephorus, cum ipſus
suasu actum esset, vt fieret omnium
debitorum solutio: iamque tabulis
in forum Clarium comportatis, ignis
esset iniectus, ac flamma exurgeret,
ceteris creditoribus mœstis impro-
bè insultabat, dicens, se nunquam

clarius lumen, aut ignem vidisse pu-
riorem. Extrema impietatis est linea,
etiam illudere iis quos affligeris. Plu-
in Lacon.

Julianus Apostata.

Contra Persas exercitum ducens,
grandem multam Christianis in-
tulit, qui grauius à Paganis tractari,
sæpius pro auxilio Imperatorem ac-
cesserant. Quibus impiè respondit,
Æquum est vt mala sustineatis, cum
hoc sit præceptum vestri Dei, Tripar-
tita hist. lib. 6. cap. 19.

De imprudentia.

*V*ide apoph. de Arrogantia. Audacia,
Cognitione sui, stultitia, &c.

De impudentia.

Zeno.

*A*D adolescentem instantius im-
pudentiusque quàm per æta-
tem conueniret quiddam inquiren-
tem, accepto speculo: Contemplare
(inquit) teipsum, & dic deinde, num
ei faciei congruant tales quæstiones?
Bruf. lib. 3. cap. 16.

Caligula.

Dicebat, se nihil magis in sua na-
tura probare, quàm ἀδαντος φίας, hoc
est, innerecundiam. Pudor enim vt
multis ad honestas actiones obstat,
ita nunquam improbæ mentis ho-
mines à turpibus reuocat. Vox car-
nifice quàm imperatore dignior.
Eraf. lib. 6. apoph.

Anonymus.

Quum testis, qui se dicebat à reo
vulneratum, interrogaretur, an ci-
catrices haberet: ingentem in fe-

more cicatricem ostendit, tum aduerfarius: Latus, inquit, erat opportunus, significans, illum vulnere lethaliore dignum. Idem.

Vide apoph. de Lascinia & libidine.

De impudicitia.

Milues Cæsaris.

IN Gallico triumpho, milites hos versiculos iactabant in Cæsarem:

Urbani seruate vxores, mœcaum caluum adducimus.

Auro in Gallia stuprum emisti, hic sumpisti mutuum.

Notabāt, quòd in prouincia agens, alienas vxores auro corruperit: Romæ non emerit, sed mutuum sumpserit, quòd vxor ipsius malè audiret de Claudio. Nisi fortè quiddam obscœnius intelligi voluerunt. nam Suetonius aliquanto pòst commemorāt, quod Curio pater in oratione quadam appellat illum omnium mulierum virum, & omnium viro- rum mulierem. Eras. lib. 6. apoph.

Vide apoph. de Libidine & Lascinia.

De impunitate.

M. Cato.

DIcere solebat, Iniuriam, etiam si facienti nihil adferat periculi, vniuersis tamen periculosam esse. Sentiens impunitæ iniuriæ exemplum omnibus minari iniuriam. Et tenim si liceat impunè ledere, nullus erit tutus ab improborum violentia. Plut. in Rom. apoph.

Idem.

Exhortans magistratus ad sumendas pœnas de his qui delinquerent, dicebat: eos qui maleficos prohibere possent & tamen impunitate donarent, lapidibus obruendos esse

Sentiens, eos reipublic. perniciosissimos esse, qui permitterent impunè contra iustitiam, æquitatem, & vrbis leges agere. Plut.

Idem.

Addebat, se malle pro collato beneficio nullam reportare gratiam, quàm pro maleficio perpetrato non dare pœnam. Significans, nihil esse periculosius impunitate, quæ semper ad deteriora inuitat. Ibidem.

Vide apoph. de Licentia.

De incesso.

Solon.

EIus apophthegma celebratur, in via non properandum esse. Ex incesso enim colligitur animus: præceps arguit præcipientem, nimium lentus ignauum. Laert. lib. 1. cap. 4.

Cicero.

Cùm Tullia Ciceronis filia concitatus incederet quàm deceret sceminam: contrà verò Piso gener lentius quàm deceret virum, Cicero ambos eodem dicto taxauit, filia præfente genero dicens: Ambula vt vir. Eras. lib. 4. apoph.

De inconstantia & leuitate.

Cleanthes.

CVidam reprehendenti Arcefilauum, quòd officia vitæ tolleret: Desine, inquit, hominè vituperare. Nam ille, licet dictis tollat officia, tamè factis cõmendat. Id audiens Arcefilaus: Nò moueor, inquit, Adulatione. Hic Cleanthes, Scilicet, inquit, adulator tibi, diceps te aliud loqui, aliud facere. Cleanthes mitigauit dictum obrectatoris, sed ita vt à crim-

crimine inconstantia non liberaret Arcefilam. Turpissimum enim est philosopho, secus docere quam viuit. Si vita proba est cur docet diuersa? Si doctrina sana est, cur eam secus viuendo refellit? Laert. lib. 7. cap. 2.

Leotychidas.

A quodam, quasi minus constans esset, notatus. Mutor, inquit, sed pro temporum ratione, non vt vos. Prudentis enim est, pro re nata mutare consilia: sine causa autem subinde alium fieri, inconstantia vitium est. Plut. in Lacon.

Cicero.

Metellus Diodoro, quo Rhetorices magistro fuerat vsus, defuncto, sepulchro eius coruum lapideū imposuit: iustum, inquit Cicero, premiū retulit, nam volare ipsum docuit, nō dicere. notans Metelli leuitatem & inconstantiam. Plut. in Rom. apoph.

Scipio Maior.

Cūm traiecisset in Africam, ac terra poritus hostium castra concremasset. Carthaginenses missis legatis fœdus cum Scipione pepigere, pollicentes se elephantos, camelosque, & naues ac pecunias duros. Cæterū postquā Annibal abnauigasset ex Italia Carthaginē cœpit illos conuenire pœnitere, eo quōd iam animū receperant. Id audiens Scipio negauit se etiam si ipsi vellent, pacta seruaturū, nisi prius imperatis adderent talentorū quinq. millia, hoc nomine, quōd Annibalem accersissent. Plut. in Rom. apoph.

Cicero.

Supra tit. de Exercitatione ingenij & de ambigūe dictis.

De incontinentia & libidine fœda.

Xanthus.

A Dulterum quandam videns pro foribus formosā mulieris: Ille

inquit, breuem voluptatem magno emit periculo. Maximus serm. 3. de Castitate.

Menedemus.

Cūm adolescens quidam dixisset, magnum esse, si quis quæ concupisceret, assequeretur: Multo, inquit, maius est, nihil eorum quæ non decet, concupiscere. Maxim. eod. ser.

Vide apoph. de inhonesto, Meretricibus, scortatione & Scortis.

De indoctis & insipientibus.

Beseleel rhetor.

* Dicebat animo puerum seu indoctum & insipientem nihil ab ætate puero differre. Stob. ser. de imprudentia.

Socrates.

* His dictis indoctos & insipientes perstringebat, fugientes nulla persequente sibi metuūt: insipientes autē, licet nihil aduersetur ipsis fortuna, perturbātur. Neq; musices ignari instrumenta cōcinnare, neque indocti infortuna sibi accōmodare possunt. Idem est languenti onus imposuisse, & indocto bonam fortunam. Stob.

De indole excelsa.

Alexander.

P Ver etiamnum, cūm vidisset quā feliciter parēs bella gereret, nequaquam gaudebat, sed ad pueros æquales dicebat, Pater nihil mihi relicturus est, Illis contrā dicentibus, Imō ea omnia quæ bello iam subegit. Quid profuerit, inquit Alexander si multa hæreditario iure possideo, ego autem nihil habeam quod agā, & militē patri similem me esse

ostendam? Vides, indolem in puero ad imperium planè pronam? Plut. in apoph.

Scipio.

Super cœnam interrogatus, quem egregium imperatorem habitura esset respu. si quid ipsi humanitus accidisset? Vel hunc, inquit, Marium intuens, iam tum in illo perspicies ingenium maximis rebus natum. Eutropius lib. 5. Plut. in Mario.

Cassius.

Etiannum puer, Faustum Syllæ filium inter æquales de patris monarchia gloriantem non tulit, sed ei colaphos impexit. Eius rei cognitionem cum Pompeius ad se recepisset, accitis ambobus pueris Cassius ausus est dicere: Eia Fauste, aude rursus coram hoc ea verba proferre, quibus irritatus in te fui, vt rursus percellam os. Inerat Cassio natiuum quoddam odiû tyrannidis, vt iam tum apparet, illi non defuturum animum ad interficiendum Cæsarem. Plut.

Pompeius.

Tam charus fuit populo Romano, quàm pater fuerat inuisus. Is etiamnum adolescens, totum se Syllæ factioni addixit: cumque nec magistratus esset, nec senator, magnum tamen ex Italia contraxit exercitum. Hunc cum Sylla ad se venire iussisset, Nô absque spoliis, inquit, nec inercuas Imperatori copias exhibebo, Nec prius ad illum venit, quàm multis conficiibus hostiam duces superasset. Iam tum egregij principis, & ad res magnus nati, specimen dedit. Noluit adducere numerum, sed militem virtute spectatum. Plut. in Rom. apoph.

Iul. Cæsar.

Cum Syllam fugeret, etiamnum adolescens, incidit in pyratas Cilices:

ac primùm vbi pro redèptione summam, quam ab eo peterent pronuntiasent, derisit prædones velut ignaros quem cœpissent, seque duplum daturum pollicitus est. Deinde quum asseruaretur, donec adferretur pecunia, imperauit illis vt silerent, nec sibi dormienti obstreperent. Eisdem orationes & carmina quæ scriberet recitare solebat, quæ quum illi non satis probarent, stupidos ac barbaros appellabat: cumque risu minitabatur, se illos acturum in crucem, quod & perfecit. Apportatis enim pecuniis quas piratæ pro redempcione pacti fuerant, dimissus, contractis ex Asia viris ac nauibus comprehendit eisdem prædones ac suspendit: sed prius iugulatos, ne seueritas careret clementia. An non hic statim agnoscis indolem Alexandri Magni cui nihil mediocre satis esse posset? Erasmi. ex Plut. in Rom. apoph.

Tiberius.

Tiberius per spectro Caligulæ ingenio, fero ac malefico, subinde prædicabat, se natrixcæ reipub. & Phaethontem orbi terrarum educare. Natrix serpentis genus est. Erasmus libro 6 apoph.

Vide apoph. de Ingenio.

De industria.

Cleantes.

Collectâ pecuniolam aliquando proiecit coram familiaribus dicebat Cleantes alterum Cleanthæ alere posset, si veller. Laer. lib. 7. cap. 2.

Nic Stratus.

Quum ob artem musicam diffideret à Laodoco citharædo dixit illum in magna arte exiguum esse, se verò in exigua magnû. Non igitur solum lauda-

laudabile est, rem familiarem & opes amplificare: sed etiam artem, studio & industria. *Æli. l. 4. de Var. uult.*

Lacones.

Commune hoc prouerbum semper in ore habuerunt, Ad nota manu fortunam esse implorandam. Quo inuere voluerunt, frustra inuocari deos, nisi addens industriam, manum rotæ admoueris etiam. *Plut. in Laco.*

Sal. Iulianus.

Saluius Iulianus solitus est dicere: Si alterum pedem in sepulchro habere, adhuc tamen addiscere vellem.

Maximus.

Accepta legatione nullum omnino laborem fugere solebat, quum autem tribuni quidam eum reprehenderent, dicerentque, cur tantopere laborarer, cum eius loci esset, ut ducatum accipere posset: Ego, inquit, quo maior fuero, hoc magis laborabo. *Ex Ælio Lampridio.*

Vide apoph. de Discendi studio & labore.

De infamia.

Pericles.

ARiphroni volenti publico præconio queri Alcibiadem, qui adolescens clam domo egressus ad amicum Democratem se contulerat obstitit dicens: Si fortè nobis insciis periret, præconio nihil aliud agetur, quam ut vno tantum die citius manifestum fiat illum interisse: sin saluus ne per omnem quidem vitam saluus esse poterit. Cuiusmodi exclusit Pericles adolescentis infamiam, quam nunquam potuisset eluere. *Plut.*

Claudius Cas.

Infra titulum de memoria.

De inferno.

Bion.

Dicere solebat, facilem esse ad inferos viam: nam illuc homines abire clausis oculis. Morientibus enim clauduntur oculi. *Laert. libro 4. cap. 7. Vnde Virgilius,*

Facilis descensus auerni.

Noctes atque dies patet atri ianua Diis, &c.

Demonax.

Demonax interrogatus olim, qualisnam esset inferorum conditio? Expecta, inquit, & simul atque illuc venero per literas tibi significabo omnia. Sentiebat autem nullos esse inferos. *Eras. lib. 8. apoph.*

Bion.

In fabulis est, Danaïdas puellas apud inferos huic addictas esse supplicio, ut pertusis vasis deferant aquam in dolium pertusum. Bion dicebat, grauius fore supplicium, si integris vasis, ac non pertusis idem facerent, tum enim irent onustiores. *Laert. lib. 4. cap. 7.*

De infelicitate.

Bias.

Evm demum infelicem esse distabat, qui infelicitatem suam æquo animo ferre non posset. Sedit vir prudētissimus, eam infelicitatem hominibus nocuimento esse, quæ ratione gubernari non ita possit, ut utilitatem aliquam patientia inde capias. *Laert.*

Chilon.

Admonebat Chilon Lacedæmonius, secundis rebus elato non applaudendum nec arridendum. Infelix felicitas est, quæ hominem reddit insolentior: eoque non plausum meretur, sed lachrymas, Grauiusque

peccant, qui docent insolentiā quā qui ea vtuntur. Sæpe populus clamat in auaritiā ac tyrannidem principum, quum ipse doceat illos hæc vitia, Laert. l. 1. c. 4.

Epicletus.

Non omnino diis exosos esse dicebat, qui in hac vita cum ærumnarum varietate luctantur. Sensit philosophus, infelicitatem prodesse hominibus, quibus si pro votis animi res procedant, adeo furis agitantur, vt ex rebus prosperis iratos sibi deos faciant. In Enchirid.

Diogenes.

Alexander Macedo ad Antipatrum literas Athenas deferendas Athliæ euidā tabellario dederat. Diogenes autem cum adesset, ad vocabulū aludens (Athlios enim infelix dicitur) Athlius, inquit, ad Athlium, per Athlium. Intellexit autem, omnia in hac legatione esse infelicia. Bruf. l. 6.

Demetrius Stoicus.

Dicere solebat, nihil sibi videri infelicius eo, cui nihil in vita accidisset aduersi: quod oporteat talem hominem aut sibi ignotum esse, aut qui nunquam sui periculum fecerit: aut diis inuisum, vt quem præterierint velut ignaum, nec idoneum ad fortunæ conflictum. Eras. li. 8. apoph. ex Seneca.

De ingenio.

Isocrates.

Pveros candidos, ac felici ingenio natos appellare solebat *θεῶν υἱοί*, id est, deorum filios: eo quod hominis mens diuinæ sit originis, qua qui præcellit, deos parentes referre videtur. Prisci dæmonibus attribuebant corpora, eosque deorum filios

appellabant. Dæmones autē à scientia dicti sunt, quasi *δαιμόνες*. Idem de duobus auditoribus sui Theopompo & Ephoro quorū prior erat acerrimo ingenio, alter leni dicere solebat, se alteri adhibere calcaria, alteri frenos. Præcipuum est, vt doctor animaduertat ingenium ac naturā discipulorum. Meminit M. Tullius lib. de claris oratoribus.

Demetrius Phalerens.

Hominum fastuosorum sublimitatem dicebat amputandam, sed relinquendam sobrietatem. Talia enim ingenia nō sunt desperanda, sed quod redundat recidendum est. Laertius li. 5. c. 5.

Cicero.

De C. Cæsare dicere solebat, Quoties huius astutiæ & ambitionē video sub humanitatis specie latitantē, me tuo reip. tyrannum: rursum quum comes molliter fluentes, & ipsum vno digito scalpentem caput intueor, vix animū inducere possum, vt tantū facinus animo concipiat. Eras. l. 4. apoph.

Vide apoph. de Indole.

De ingratitudine.

Antisthenes.

Avdians Platonem de ipso male loqui: Regium est, inquit, cum benefeceris, audire malē. Excelli profecto animi est, ingratitudine hominum non deterreri à studio bene merendi de omnibus. Laert. li. 6. c. 1.

Diogenes.

Querēti quid apud homines celerius senesceret? Beneficiū, inquit. Dici enim vix potest, quanta accepti beneficii apud plerūq; sit obliuio. Sto.

Themistocles.

Atheniensibus ipsum contumelia affi-

afficientibus : Quid tumultuamini, inquit, aduersus eos, à quibus sæpe numero fuistis affecti commodis? Aiebat autē se similem platanis, sub quarum vmbra accurrūt homines afflicti tempestate, & easdem simul vt rediit serenitas vellunt, conuiciisque petunt. Sentiens, hunc esse populi morem, vt in belli periculis implorent opem fortium virorum, in pace contemnunt ac vexent eosdem. Plutarc. in apoph.

Plato.

Nominare solebat Aristotelem, mulum. Quid autem hoc sibi nomen voluerit, ex eo liquet: Quod mulus cum saturatus est lacte materno, calcibus petit matrem. Significabat igitur Plato, inuoluto quodam sermone, ingratitude Aristotelis. Etenim cum maxima philosophiæ semina & accessus à Platone accepisset, suffartus optimis quibusque, aduersatus, scholam contra Platonem aperuit, & in Peripato cum suis familiaribus & discipulis aduersus eum pugnavit. Platonis perpetuus aduersarius esse cupiens, Ælian. l. 4. de Varia historia.

Idem.

Cum accepisset Xenocratem discipulum multa in eum impiè dixisse: Non esse credibile, circumstantibus dixit, vt quem tantopere amaret, ab eo inuicem non deligeretur sed sugillaretur etiam. Sensit ingratitude nem nequaquam locū habere apud eos qui sapientiæ studius se dederunt. Brus. l. 3. c. II.

Aristoteles.

Cuidam interroganti cur reliquisset Athenas? respondit, quoniam nolisset committere, vt Athenienses bis peccarent in philosophiam. Notauit autem magnam Atheniensium

ingratitude, qui philosophos de patriæ salute plurimum sollicitos, ac de Atheniensem Republica bene meritos, non accusarunt tantum, sed damnarunt etiam. Subobscurè taxās Socratis mortem, & suum quoque periculum. Ælian. 6. de Varia historia.

Idem.

Cum iudicium metu Athenis profugisset, interroganti cuidam, qualis esset ciuitas Atheniensium? respondit, pulcherrima quidem est, sed in ea pyrus super pyrum, & ficus super ficum consenscit. Notans Atheniensium contra benemeritos ciues calumnias ac crudelitatem. Ælia. l. 3. de Varia historia.

Idem.

A quodam interrogatus, Quid omnium velocissimè senesceret? Gratia, inquit, Sensit vir prudentissimus breuissimam esse apud homines beneficij memoriam. Laër. l. 5. c. 1.

Demosthenes.

Inter fugiendum fertur subinde respiciens ad arcem Palladis, sublati manibus dixisse: O Pallas, vrbium domina, cur tribus infautissimis bestiis delectaris, noctua, dracone, & populo? Noctua, quum sit auium inauspicatissima, tamen Palladi sacra est: quemadmodum & draconem habet pro gestamine: populus autem bellua est multorum capitum, pessimam gratiam referre solita optimè de se meritis: velut Socrati, Phocioni, Scipioni & aliis compluribus. Plutar.

Hippocrasidas.

Acceptis literis à Cariæ satrapa, in quibus continebatur, Lacedæmonium quendā quum fuisset conscius insidiarum, quas quidam ipsi struxerant, non indicasse rem, sed silentio

texisse: simulque rogabat quid de illo facturus esset? respondit hunc in modum: Si quo magno beneficio illum affecisti, interfice: sin minus, e-
iice e regione, vt ad virtutem formidolosum. Ingratitudinem erga bene-
meritum censuit morte plectendam. Cæterum quod esset non per mali-
tiam, sed per formidolositatem com-
missum, ei satis supplicij iudicabat
exilium. Non enim ipse struxerat
insidias, sed sibi metuens non prodi-
dit. Plut. in Lacon.

Epaminondas.

Epaminondas reuersus e Laconia
accusabatur, quod Boeotarcham qua-
tuor integros menses contra leges
gessisset. Collegas igitur iussit, vt in
iptum culpam deriuarēt, quod se in-
uitos coëgisset. Ipse verò in curiam
ingressus, non meliores rebus gestis
rationes se habere dicebat. Sin mi-
nus, se quidem interfici postulabat:
verum inscribi columnæ, quod no-
lentes repugnantēsque Thebanos Epa-
minondas coëgisset, vt Laconiam
quingentis ante annis intactam ab
hostibus incendio ferroque vastaret,
& vt ædificarent iterum Messianam
330. annis desolatam, quod Arcades
bello in societatem perstraxisset, &
Græcis libertatem restituere coëgis-
set. His auditis, pudore affecti iudi-
ces, liberum pronuntiarunt. Cùmque
regrederetur e curia, & Melitensis
catellus blandiretur cauda, dixisse
fertur ad præsentem, Hic mihi pro be-
nificio gratiam reponit: at Thebani,
de quibus sæpe multumque sum præ-
clare meritis, mortem mihi iudicio
pœnam constituerunt. *Ælian. l. 13. de
Var. hist.*

Philippus.

Cùm Athenienses, quotquot apud
Chæronein capti fuerant, gratis di-

misisset, illi verò etiam vestes fra-
gulāsque reposcerent, atque hac de
causa Macedones in ius vocarent, ri-
sit Philippus, dicens: Quid? nonne vi-
dentur Athenienses arbitrari, se a no-
bis in talorum ludo victos esse? Tam
ciuilitè tulit victor victorum ingra-
titudinem, qui nō solum gratias non
agerent, quod ipsi & incolumes &
gratias fuisset demissi: verum etiam
criminarentur, quod non solum & a-
mixtus & stragulas redderent, quasi
nescirent quale esset ius belli: quasi
que nihil aliud esset certare armis,
quàm certare talis, qui ludus est pue-
rorum. Plut. in apoph.

Cato.

Multis P. Sulpitij ingratitudinem
incusantibus, quod Catoni de se o-
primè merito opposuisset competi-
torem, Cato sic excusauit, dicēs: Mi-
nimè mirandum, si quod quis maxi-
mum bonum duceret, id alteri nol-
let concedere. *Eras. l. 5. apoph.*

Domitius Afer.

Quum haberet ingratum litigato-
rem, ipsius conspectum vitantem, ne
cogeretur agnoscere patroni benefi-
cium, in foro per nomenclatorem il-
li dixit: Amas ne me, quod te non vi-
di? Teste exprobrans ingratitudinē,
cui gratum esset non videri a bene-
merito, ne cogeretur illi gratias a-
gere. *Eras. l. 7. apoph.*

Anonymus.

Cæsar Augustus æs alienum cu-
iusdam senatoris, quem charum ha-
bebat, uō rogatus dissoluerat, ac pro
eo numerarat quadragies nummum.
Senator autem eare cognita, pro gra-
tiarū actione nihil aliud scripsit Cæ-
sari, quàm, Mihi nihil. Ioco velut ex-
postulans etiam, quod quum nume-
rasset omnibus creditoribus, ipsi ni-
hil numerasset. *Stob.*

Pompeius.

Pompeius.

Quum iam detecta esset Pompeij cum Casare simultas, ac Marcellinus (ut Plutarchus aliorum iudicio Marcellus) unus ex eorum numero, quos Pompeius euexisse putabatur, à Pompeio ad Casarem transtulisset animum, adeo ut non verius sit in senatu multa in Pompeium dicere. hunc ira compescuit Pompeius: Non te pudet, inquit, Marcelline ei maledicere, cuius beneficio ex mato factus es facudus, ex famelico eo productus, ut vomitum non teneas? Gravior obiecit ingratitudinem homini, qui hoc ipso, quod habebat dignitatis, authoritatis & eloquentiæ, abutebatur in eum qui debebat acceptum ferre. Nam hoc ingratitudinis genus est, sed tamen heu nimium vulgare. Plut. in apoph.

Alphonsus.

Suprà apophth. de amicitia falsa, & de Aulica vita.

Idem.

Cum obiurgaretur, quod in Aluarum Lunam, hominem sibi planè ingratorum, tanta contulisset beneficia, quorum ne memor quidem esset: An ignoratis, inquit rex, ingenti beneficio, non nisi ingenti ingratitudine satis semper fieri? Panorm. libr. de rebus gestis Alphonsi.

De initiatione & promotione ad sacra, ut vocant.

Diogenes.

Athenienses cum hortarentur Diogenem Cynicum, ut mysteriorum initiationem, addentes, quod apud inferos principatum tenerent hi, qui

sacris initiati essent: ille, Perquam ridiculum est, ait, si Agesilaus & Epaminondas, fortissimi duces, in cœno degunt: & Paterion fur, & vilissimi quique homines, quod initiati sint, summo apud inferos gaudio fruuntur. Peristi inquit nefandam vulgi superstitionem, qui putat initiationem cōferre hominibus ad salutem, post hanc vitam. Laer. lib. 6.

Antisthenes.

Suprà apophthegm. de Beatitudine.

Ludovicus xij. Gall. rex.

* Cum audisset galero Cardinalis titi donatum indoctum quendam ab Alexandro pontifice. Verè, inquit, ille Pontifex est summus histrio, qui nobis in purpura simias, asinos in pelle leonis exhibeat. Annal. Franciæ.

Idem.

* Solitus etiam est dicere: deterio rem esse conditionem equorū quam asinorum. Quippe equos cursu fatigari & disrumpi, ut asinis sacerdotia præfecturas Ecclesiasticas Romæ referant. Significans insulsis & hominū imperitiis, nullo delectu habito, ut quisque citius numerata pecunia per equos celeres Romam adcurrit, beneficia vacantia, ut aiunt, conferri. Annal. Fr.

De iniuria.

Solom.

I^Nterrogatus, quid fieri posset, ut quàm minimum iniuriarum existeret inter homines? Si inquit, qui iniuria affecti non sunt, æquè doleant, atque hi qui affecti sunt. Quisquis enim violat leges, nō vnum ciuem lædit, sed totam rempub. quod quidem

in ipso est. At nunc dum aliis læsis aut quiescimus, aut gaudemus etiam, impunitas improborum audaciam in plurimos inuitat. Laërtius libro 1. cap. 3.

Socrates.

Frequenter dicere solebat, peius esse iniuriam facere, quàm accipere. Brus. lib. 3. c. 4. ex Xen.

Aristoteles.

Interrogatus, quid citò senesceret, quid item tardè? respondit, Gratia & iniuria. Sensit philosophus sapientissimus, iniuriæ memoriam esse tenacissimam, beneficij verò longè breuissimam. Laërt. lib. 5. c. 1.

Theopompus.

Cuidā sciscitanti, qua via quis regnum tutò tueri posset: Si (inquit) amicis tribuat iustam libertatem, pro viribus interim vigilans, ne subditi aficiantur iniuria. Plut. in Lacon.

Marcus Cæsar.

Quum Marcianus dixisset Marco, Cæsar, vim nullam feci, respòdit: Tu vim putas esse solum, si homines vulnerentur? Callistratus libro 4. digestorum.

M. Cato.

Iniuriā, etiā si faciens nihil adferat periculi, vniuersis tamen periculosa esse dicebat, sentiens impunitate iniuriæ exemplum omnibus minari iniuriam. Etenim si liceat impune lædere, nullus erit tutus ab improborum violentia. Plut. in apoph.

De iniuria a quo animo ferenda. consule apophth. de Patientia iniuriæ, & Visione negligenda. item de Moderatione animi.

De iniustitia.

Aristoteles.

Dicebat, iniustitiam esse vitium animi, quo amplius quàm par

est homines sibi sumunt. Stobæus serm. 10.

Idem.

* Iniustitiæ effecta dicebat esse, patria violare & instituta & iura, nec parere legibus, nec magistratibus, mentiri, peierare, transgredi cōuentiones & fidem fallere. Comites autem iustitiæ sunt calumnia, iactantia, inhumanitas, simulatio, malignitas, calliditas.

Plato.

* Summam esse iniustitiam dicebat, iustum velle videri, si sis iniustus. Eod. ser.

Socrates.

* Omnium morborum turpissimum iniustitiam esse dicebat, & ideo quoque pessimum quod incommodum & dolorem maximum homini iniusto inferret. Stobæus sermone 41.

Ægyptij.

* Ægyptiorum reges legem suam quandam seruant, qua iuramento obstringunt iudices, ut rege ipso iniustam flagitante sententiam, ei morem non gerant. Plutarchus in apophth.

Antigonus.

* Scribebat ciuitatibus, si quid iniustum & legibus contrarium per epistolam mandaturus esset, ne parrerent, sed ipsum ignoracione lapsum censerent. Plutarchus ibidem.

Themistocles.

* Postulanti à se. Simonidi, ut sententiam quandam iniustam ferret: Neque tu, inquit, Poeta bonus esses si præter numerum caueres, neque ego princeps probus si contra leges iudicarem. Plutarchus.

Lysan-

Lyfander.

*Culpantibus ipsum, quod multa per dolum agendo indignum Hercule se gereret, dixit, vbi Leonina pellis non sufficit, ei adsuenda est vulpina. Plut. in Lyfandro.

Idem.

*De agro controuerso, cum viderentur Argiui iustiora quam Spartani afferre argumenta, stringens gladium, hunc (ait) qui tenet, is optime de agrorum finibus disputat. Plutar. in apoph.

Demaratus.

*Defecerat quidam Persa à rege suo eique Demaratus persuaferat vt ad regem rediret, quem cum deinde rex necare intenderet, Demaratus, turpe, inquit, est ò rex, à quo cum inimicus esset pœnas sumere defectiones non potuisti, eum nunc amicum factum abs te occidi. Plut.

Ludouicus XII. Gall. rex.

*Cum sæpe repeteret edictis suis Iulius Pontifex, Ecclesiæ seruandæ gratia bellum Ludouico indictum, dixit, at verissimum esse comperio illud sapientis dictum capitalem esse iniustitiam eorum, qui eum maxime fallunt, id agunt, vt boni videantur. Annal. Franciæ.

Vide apoph. de Iustitia, de Legib. &c.

De innocentia.

Bion.

OLim cum scelerosis nauigans, incidit in prædones. Illis dicentibus, Actum est de nobis, si agnoscamur: Et de me, inquit, nisi agnoscamur. Bonis innotuisse, salus est. Laer. l. 4. c. 7.

Socrates.

Morti destinatus, de cunctis rebus

magis quam de se defendendo, cogitare videbatur. Quare Hermogenes Hipponici filius, Socrati familiaris: Atqui, ait, par erat ò Socrates de tua defensione curam habere, Nonne, ait Socrates, tibi videor ò Hermogenes hoc ipsum facere, dum quemadmodum vixerim imitor? Putabat autem Socrates sapientissimus, omnem defensionem superuacaneam esse apud eos, qui ex vita bene transacta suam innocentiam non agnoscerent. Brus. l. 2. c. 1. ex Xenophontis apologia.

Idem.

Iam ad mortem damnatus, Apollo doro comploranti, dicentique, Innocens morieris? Quid, inquit, num me nocentem mori mallet? Ea igitur mors libenter subeunda est, in qua criminis innocentia homo excusatur. Xen. in Apologia pro Socrate.

Idem.

Cum iudices inter se disceptarent, qua pœna dignus esset Socrates: Ego, inquit, ob ea quæ feci, dignum me censeo, qui publicitus alar in Prytæneo. nam hoc honoris haberi solebat iis qui præclare de Republ. fuissent meriti. M. Tullius hoc refert libr. de oratore primo: Erat, inquit, Athenis reo damnato; si fraus capitalis non esset, quasi pœnæ æstimatio. hæc sententia: quum iudicibus daretur, interrogabatur reus, quam quasi æstimationem commeruisse se maxime confiteretur? quod quum interrogatus Socrates esset, respondit, Se meruisse vt amplissimis honoribus & præmiis decoraretur, & vt ei victus quotidianus publice in Prytæneo præberetur: qui honos apud Græcos maximus habebatur. Cuius responso iudices sic exarserunt, vt capitis hominem innocentissimum con-

demnarent. Erasim. lib. 3. apoph.

Xenocrates.

Passerem, qui fugiens imminen-
tem accipitrem, se in sinum suum
cōiecitset, textit, fouitque, ac demul-
cens dimisit, dicens: Innocentem &
supplicem non esse prodendum. La-
ertius l. 4. c. 2.

Plato.

Quum quidam Platoni narraret,
nonnullos esse, qui ipsum maledictis
infectarētur: At ego, inquit, sic viuā,
vt illis non habeatur fides. Ant. par. 2.
Melis. ser. 69.

Telesmenes.

Innocenter ab Ephoris damnatus
abiit rideus. Rogantibus autem iis qui
aderant, an contemneret Lacedemo-
niorum leges? Nequaquam, inquit:
quō gaudeo potius, quōd hæc mihi
mala soluenda est, cum eam nec
indixerim cuiquam, nec à quopiam
mutuo acceperim. Quo disterio fe-
licitatis esse putabat, quōd mori iu-
beretur, cum neminem vquam of-
fendisset sua innocentia. Plut. in La-
con. apoph.

Anaxandridas Leontis F.

Cuidam acerbè ferenti, quōd co-
geretur vrbe exulare: Ne, inquit, vir
optime exhorreicas exulare ciuita-
te, sed à iustitia exulare horrendum
est. Sensit, non esse miseros quibus
præter meritum, incolumique inno-
centia, accidit aliqua calamitas: sed
eos verè deplorandos, qui sua sponte
discesserunt ab honesto, etiam si nul-
la sequatur calamitas. Plut. in Lacon.
apoph.

Agis.

In carcerem detrusus (qui Dechas
dicebatur, in quo morti addictis strā-
gulari fuit consuetudo) quum lieto-
rem plorantem, & circa opus titu-
bantem animaduertisset, Omitte, in-

quit, pro me has lachrymas amice:
sic enim iniuste, contrāq; ciuitatis le-
ges moriēs, lōgè melior sum quā qui
nuper me morte damnarunt. Plut. 3.

Aristophon, & Cephalus.

Aristophontem Æschines tradit
apud Athenienses gloriari solitum,
quōd quum nonagies quinquies esset
vocatus in ius, semper fuisset abso-
lutus. At Cephalus homo popularis,
iustius gloriabatur, quōd quum plu-
ra decreta scripisset quā alius suo-
rū temporum quisquā orator, tamen
nunquam coactus esset causam dice-
re. Certius innocentia signum est,
ita rem gerere, vt nemo velit accu-
sare, quā si postulatus elabaris è iu-
dicio. Elabuntur interdum & nocen-
tes. At qui absolvitur, licet pœnam
effugiat, cicatricem tamen criminis
circumfert. Erasim. l. 8. apoph.

Phocion.

Ex his qui cum Phocione erant
morituri, quidam indignabundus de-
plorabat sortem suam. Quem ita cō-
solatus est Phocion, Non tibi, inquit,
Euippe (siue, vt quidam legunt, Thu-
dippe) satis est, cum Phocione mori?
Phocion non tantum innocens, ve-
rum etiam præclare de Repub. meri-
tus, ducebatur ad mortem. Magnum
itaque solatium oportebat esse, cum
Phocione innocente mori innocentem.
Plut. in apoph.

Anonymus.

Quū censoris munus gereret Au-
gustus, eques quidam Romanus apud
illū delatus est, quasi facultates suas
imminuisset. At ille citatus probatum
se se auxisse. Mox eidem obiectum
est, quōd legibus contrahere matri-
monium iubentibus non paruisset.
Ille docuit, se ex vxore trium libero-
rum esse patrē. Nec satis erat equi-
ti dimitti, sed Cæsari crudelitātē ex-
probrans

probrans addebat: Posthac Cæsar in honestos viros inquirens, honestis viris hoc munus mandato, Satis aperte pronuncians, eos non fuisse viros bonos, qui manifestò falsa ad ipsum detulissent: obiter & ipsum criminans, qui vices suas mandaret syco-phantis. Et hanc libertatem innocentie condonauit Cæsar. Erasim. l. 4. apoph. ex Suet.

Titus Vespasianus.

Audiens, suos antecessores in imperio multis iniuriis à subditis affectos: Nemo, inquit, me iniuria afficere, aut contumelia potest: quia nihil ago, quod alios lædere possit. Quo dicto ostendere voluit, vitæ innocentiam certissimum esse corporis præsidium. Xiphil. in vita Vespas.

Idem.

Quæ febre correptus, lectica à loco in quo tum erat transferretur, dimotis plagulis cælum suspexit, questusque est, sibi immerenti vitam eripi, quum nullum per omnem vitam exaret factum cuius pæniteret, vno duntaxat excepto. Id cuiusmodi fuerit, nec ipse prodidit, nec quisquam coniectare potuit. Suet.

Antoninus Pius.

Reprehendenti cuiquam eum, quod in hostes mitis esset, atque in coniuratos quos vicerat, ac dicenti Quid si hostes vicissent? Grauius respondit, Nos non sic Deos colimus, nec sic viuimus, vt illi nos vincant. Brul. libr. 3. cap. 26.

Alphonsus.

Percontatus à suis, cur sine satellitibus sæpenumero incederet? Se innocentia comitatum incedere, respondit. Innuit autem rex prudentissimus, eum demum bene munitum esse ab iniuria, qui propriam innocentiam habet comitem: eos verò nul-

libi esse tutos, qui malè sibi conscij, etiam pericula sibi fingunt, vbi plane nulla sunt. Panor. l. 2. de Alphonsi reb. gest.

Huc referri possunt quedam ex apoph. de Conscientia bona.

De incitia.

Diogenes.

Diogenes percontanti quæ tellus grauiorē gestaret molem? Quæ hominem, ait, rudem, & à bonarum artium studio alienum. Stob.

Plato.

Eo differri doctum ab indocto dicebat, quo bene valentem ab ægroto videmus. Mentis enim sanitate ac lumen à doctrina persæpe, ab ignorantia autem ægritudinem manifestis rationibus proficisci. Fulg lib. 7. cap. 2.

Huc refer quedam ex apoph. de Eruditione & Doctrina.

De integritate vitæ.

Cleomenes.

Menander Samiorum tyrānus, ob Persarum incursiones ad Spartanos confugerat: ostendebatque quantum pecuniæ secum tulisset, & quantum præterea Cleomeni dare vellet, at Cleomenes vir integer ipse quidē nihil accepit, sed veritus ne quid aliis pecuniæ daret ciuibus, adiit Ephoros, dixitque: Satis esse si hospitem suam Samium à Peloponneso submonerent, ne cui Spartano persuadeat, vt malus fiat. Plut. in Lacon.

Gorgo.

* Cleomenis regis filij à Gorgo, cū pa-

trem Aristagoras Milesius magnæ pecuniæ pollicitatione ad bellum pro Ionibus contra regem Persarum suscipiendum hortaretur, ac quanto magis repugnabat verbis, tanto plura adderet: corrumpet te, dixit, mi pater, homo hic peregrinus, nisi eū quā primū domo exturbas. Plut. in Lacæn. apoph.

Eudamidas.

Quum quidam laudaret Atheniensem rempublicam tam bene institutam, Eudamidas, vir integer & apertus: Quis, inquit, eam meritò laudet ciuitatem, quam nemo vnquam dilexit, factus seipso melior? Sensit vir prudentissimus, integritatem nequaquam locum habere apud eos, qui ita viderent, vt meliores esse nequaquam cuperent. Plutarchus in Laconicis.

Alexander.

Vide suprā apoph. de Furto.

Alcmenes.

Percontatus, cur a Messeniis oblata munera respuisset? Quoniam, inquit, si recepissem, cum legibus pacem habere non potuissem. O mentem integram, & regia maiestate dignam. Plut. in Lacon.

Epaminondas.

Artaxerxes Persarū rex, cum misisset ad Epaminōdam Thebanorum ducem tria Daricorum milia, Diomedontem Cyzicenum regium legatum vehementer increpuit, quod tam periculosam nauigationem suscepisset, nullam aliam ob causam, quā vt homines pecunia corrumpere: iussitque vt vrbe excederet quamprimum regi suo munera referret, his verbis: Si fauet commodis Thebanorum, habiturus est Epaminondam amicum, non pecunia coemptum, sed gratis: sin minus, habe-

bit hostem. Plutar. in Græc. apoph.

Lycurgus.

Lycurgus orator obiciente quodam, quod se pecunia redemisset à calumnia: non est inficiatus, sed clarissima voce populum appellās: Bene habet, inquit, viri Athenienses, quandoquidem tot annos in Repub. versatum dedisse me, non accepisse pecuniam criminantur obiectores. Eras. l. 6. apoph.

Alexander.

Philoxenus classis præfectus cum Alexandro scripsisset, Tarentinum quendam Theodorum esse apud se pueros habentem insignioris formæ venales, si vellet emere, Alexander indignè tulit, apud æquales subinde clamitans: Quid in me Philoxenus tam obscœnum animaduertit, vt mihi tantum probri conciliaret? Plut.

Antigonus.

Quibusdam admirantibus quamobrem tanti faceret Zenonē, respondit, Quoniam cum multa à me acceperit, nunquam tamen emollitus est. Eius mortem cum audisset, ingemuit dicens: Quale theatrū perdidit? Erat enim Zeno innocentis vitæ, acerrimi iudicij, & ab assentando alienissimus. Laër. l. 7. c. 1.

Pescenius Niger.

Consiliariis suis addidit salaria, ne grauarent eos quibus assidebant, dicens, Nec dare eos debere, nec accipere, Et sic suorum iudicium consuluīt & consiliariorum integritati. Ex Ælio Spartiano.

Alphonsus.

Suprà de Affectibus frenandis & de Discordia.

Huc præcipuè referenda sunt ea, quæ suis locis annotata sunt de Iudice incorrupto, Munerum contemptu, Iustitia, &c. De

De intemperantia.

Diogenes.

QUum adolescentem quendam insigni forma plurimi intueretur, Diogenes incuruato corpore suum lupinis implebat. Ad hoc spectaculum conuersis omnium oculis dicebat: Mirari se, cur adolescentulo dimisso, sese intuerentur, obiter notans illorum intemperantiam. Laert. lib. 6.

Idem.

* Dicebat plerosque viuos quidem seipso putrefacere balneis humectantes, & re venerea tabefacientes. Morientes autem demum mandare corpus in suffimentis aromaticis recondi, alios etiam in melle necito computrescerent. Stob. serm. de intemperantia.

Idem.

* Earum ædium in quibus copia est alimentorum, dicebat multos esse mures & feles: sic etiam corpora intemperantium hominum morbos quoque multos asciscere. Eod. serm.

Idem.

* Ridebat eos qui cellas promptuarias obserant vestibus, feris & signaculis: corpus autem suum multis fenestris & ianuis aperiunt, per os, pudenda, aures & oculos. Ibid.

Plato.

* Dicebat difficile esse inuenire intemperantibus quidem bonam voluptatem, ægrotantibus autem salubrem. Ibid.

Demetrius Phaleræus.

Conspicatus iuuenem intemperantia deditum: Ecce, inquit, quidatrus Mercurius, habens syrma, ventrem, pudenda, & barbam. Sentiens,

illum non esse hominem: sed statuatam, qualis in viis solet poni Mercurio: hoc illi dissimilem, quod effœminatorum more traheret vestem, quod deditus esset ventri ac libidini: quodque barbatus esset, cum nihil horum habeat Mercurius. Laert. lib. 5. cap. 5.

Anonymus.

Chrysippi discipulus, medicus non ignobilis, hominem quendam ex nimia intemperantia grauiter decumbentem, non sanari posse putauit. Verum alius medicus cum eundem accessisset se sanaturum pollicitus est, responditque, Chrysippi discipulos respicere morbum, se verò animum. Voluit autem significare, tum demum hominem morbo liberari commodè posse, si intemperantiæ studio penitus valedixisset, & eius radices ex animo abiecisset. Ex Celsi lib. 3.

Aristoteles.

* Dicebat, intemperantiam esse vitium partis concupiscibilis, quo homines frui voluptatibus illicitis appetunt. Stob.

Diogenes.

Phrine scortum cum Venærem auream Delphis obrulisset, eam Diogenes Cynicus ita inscripsit, Ex Gregorum intemperantia. Brus. recitat lib. 3. cap. 23.

Eusebius Philosophus.

* Sicut, inquit, ventri nauem correptam huc illuc ferentes quassant & inobedientem efficiunt gubernatori: itidem animam agitans & menti immorigeram esse cogens intemperantia, tranquillam esse & in portu quiescere non permittit. Stob. sermon. 6.

Vide tit. de Libidine, Scortatione, Luxuria, Gula, Voluptate.

De interrogatione absurda & inepta.

Thales.

Percontanti vtrum fuisset prius: nox an dies? Nox, inquit, vno die fuit prior. Elusit ineptum percontatorem. Si nox vno die præcessit diem: dies genuit ante noctem. Nox enim finis est diei. Laert. lib. 1. cap. 1.

Anonymus.

Inter falsa commemorat & illud M. Tullius ex Neuio, apud quem filius dicit patri: Quid ploras pater? isque respondet, Mirum ni cantem, condemnatus sum. Indignatur senex submorsus, rogari cur ploret, quasi damonatus magis cantare debuisset. Perinde quasi, si quis interrogaret ægrotum: Cur suspiras, aut cur decumbis? Eras. lib. 6. apoph.

De Inuidia, felicitatis & virtutis vmbra.

Cleobulus.

Interrogatus quænam præcipuè cauenda sint? respondit: Amicorum quidem inuidiam, inimicorum autem insidias. Antoninus in Melissa, parte 1. ser. 62. Max. ser. 54.

Periander.

* Dicebat, Nemini esse inuidendum. Et quemadmodum rubigo propria est frumenti ægritudo, sic inuidiam amicitiae esse morbum. Item, sicut ærugo ferrum, sic inuidiam inuidi animam conterere. Et, Quo magis utique inuidebis, tanto maiorum fies causa bonorum illi cui inuides. Stob. serm. de Inuidia.

Bion.

Conspiciens quendam tristi vultu

qui habebatur inuidus: Nescio, inquit vtrum tibi aliquid acciderit mali, an alteri boni quippiam. Inuidus enim non minus discruciat aliena felicitate, quam suo infortunio. Laert. lib. 4. cap. 7. Stob. ser. 36.

Bias.

Admonebat eos qui laborabant vt cauerent lassitudinem: qui autem bona fortuna fruerentur, inuidiam. Est enim felicitatis comes vbique terrarum inuidia. Stob. sermone de Prudentia.

Thales.

Sciscitatus, quo pacto aduersæ fortunæ ictus quispiam ferat facilime? inimicos, ait, videat deterius affectos. Tanta enim est inuidiæ vis: vt omne nobis malum extinguat si inimicum perius habere intelligimus. Bruf. lib. 3. cap. 7.

Antisthenes.

Absurdum esse dicebat, triticum repurgare à lolio, bellum ab inutili milite, & à Repub. non secernere inuidos. Significans, inuidos tam esse inutiles ciuitati, quam lolium est tritico, & ignauus bello. Laert. lib. 6. cap. 1.

Idem.

Dicere solitus est, non aliter ac ferrum absimitur rubigine, ita inuides suo ipsorum vitio contabescere. Ferrum enim etiam si nemo lædat, ex se gignit vnde corrumpatur. Ibid.

Crates.

Dicebat, se pro patria habere gloriæ contemptum & pauperatatem, in qua nullum ius exerceret fortuna. Aiebat item, se Diogenis Cynici ciuem esse & discipulum, qui nullis inuidiæ patebat insidiis. Diuitiæ enim, opes, honores, plerumque conciliant hominū inuidia. Laert. li. 6. c. 5.

Demo.

Democritus.

Dicebat, leges non prohibuisse singulos pro arbitrio suo viuere, nisi alter alteri fuisset inuidus & iniurius. Etenim inuidia seditionis parit initium. Stob. ser. 36. Max. ser. 54.

Anacharsis.

Bonum esse dicebat, si penitus à rebus humanis inuidia exularet, quo liberius vsque ad honesti studium accingerentur. Stob.

Idem.

Percontatus, cur homines subinde tristentur? respondit, Quia non solum propria mala eis molesta sunt, sed etiam aliena bona. Ant. ser. 62. parte 1. Melissæ. Maxim. ser. 54.

Idem.

Inuidiam dicebat esse vlcus, quod passim verum sua vi contraheret, Equidem luido in primis prodest, boni eius, cui inuidet, obseruatio, citra tamen illius offensam. Vnde perspicuum est, inuidum haudquaquam in leges delinquere, quæ suo quemque more viuere sinunt, dummodo alium non offendat. Stob.

Socrates.

Cum inuidiæ naturam exprimere conaretur, animæ vlcus & ferram appellauit. Antonius in Melissæ, parte 1. ser. 62. Stob. ser. 36.

Idem.

Considerans quid inuidia esset, dolorem quandam reperiēbat eam esse: non tamen nec in aduersa amicorum, nec in secunda fortuna inimicorum: sed illos inuidere aiebat qui in amicorum prosperitate doleant. Xenophon libr. 3. de dictis & factis Socratis. Stob. ser. 36.

Idem.

Cum quidam mirarentur, cur quis alterum amans, eiusdem prosperitate doleret: ostendebat, multos esse

ita erga quosdam affectos, vt eos aduersitate laborantes non possent negligere, sed pro virili succurrerent, successu verò eorum dolerent: hoc autem prudenti viro minimè, sed stolidis contingere asserebat. Xenophon libro 3. de dictis & factis Socratis. Stob. ser. 36.

Idem.

Interrogatus, quid bonis viris molestum esset? dixit, Malorum felicitas. Quid malis? bonorum prosperitas. Antonius in Melissæ sermon. 70. par. 1.

Aristoteles.

Ostendere volens quid esset inuidia, Antagonistam fortunatorum esse dixit, Antonius in Melissæ, parte prima, serm. 62.

Idem.

Dicebat inuidiam colluctatorem esse ex aduerso bonorum virorum. Æmulatio enim bona est, & bonos potissimum decet: Inuidia contrà turpis est, & à fœdo hominum genere occupata. Atqui videas bonos ita se comparare, vt æmulatione, honestiq; studio, quæ sunt optima sectentur. Inuidos autem contrà, per liuorem bonos, quatenus, possunt, ab instituto suo arcere. Stob.

Theophrastus.

*Dicebat Inuidos reliquis hominibus infeliciores esse, in eo quod alijs suis solum calamitatibus dolent: Inuidi verò præter sua mala, bonis etiam alienis contristari pergunt. Stob. serm. de inuidia.

Idem.

* Improbos homines dicebant, non tam propriis bonis gaudere, quàm alienis malis. Stobæus eod. serm.

Aristonymus.

* Iter facientes per solem ne

cessariò comitatur ymbra, inquit : & incedentibus per gloriam comes est inuidia. Ibid.

Idem.

* Dicebat Inuidiam tanquam malum demagogum (id est ambitiosum reipub. popularis administratorem) honestis actionibus obfistere. Eod. serm.

Philo.

* Honeſta, inquit, etiam ſi per inuidiam ad tempus obſcurentur, tamen ſuo tempore ſoluta iterum ſplendent. Anton. & Max. ſerm. de Inuidia.

Epiſtetus.

Rogatus, quomodo quis hoſti dolorem excitare poſſet? Dixit, ſi quis ita cõparet ſeipſum, vt optima quæque faciat. Antonius in Meliſſa, par. 1. ſerm. 72.

Euagoras.

Inuidos reliquis hominibus diuerſi vitiis laborantibus multò infeliciores eſſe dicebat: quòd alij ſuis tantùm calamitatibus dolent: inuidi verò, præter ſua mala, bonis etiam alienis contriſtentur. Stob. ſerm. 30.

Hippias.

Dicebat duplicem inuidiam eſſe: Iuſtam quidem, cū quis inuidet improbis honoratis: Iniuſtam verò, cū bonis. Et inuidos duplo magis, quàm cæteros eſſe calamitoſos. Non enim ſolùm propriis malis grauantur, vt alij, ſed alienis quoque bonis. Stob. ſerm. 36.

Apollonius.

Prorſus hominibus non inuidendum dicebat. Boni enim, quibus bona eueniunt, digni ſunt vt his fruantur feliciter, flagitioſi autẽ, in quantis uis proſperitate, ſunt infelices. Stob.

Agathon.

Malos homines non tam lætari

propriis bonis dicebat, quàm alienis malis Anton. in Meliſſa, par. 1. ſer. 62. Theophrasto autem hoc adſcribit Maxim. ſer. 54.

Themistocles.

Adhuc adoleſcens, nihil dum præclari ſe feciſſe dixit, Nondum enim inuideri ſibi. Nam ſicut cantharides vegeto maxime tritico innascentur, & roſis pulchrè florentibus: ſic inuidia maxime inuadit bonos viros, & in virtute proficientes, ac ingenij perſonæque gloriam ſuſtinentes. Antonius in Meliſſa, par. 1. ſer. 62.

Idem.

Ob honores Miltiadi collatos, quòd barbaros in Marathone ſuperſaſſet, tanta inuidia correptus eſt, vt noctes inſomnes conſumeret: rogatusque, quam ob rem tam ſæpe excitaretur? Miltiadis, inquit, trophæis ſubinde excitor. Plutarch. *Æmilius Probus.*

Herodes sophista.

Videns Quintilius Troianos quidem eſſe, cæterùm à Cæſare plurimifieri, dixit: Ego etiam Iouem Homericum odi, quòd Troianis fuit amicus. Nimium liberè proſitens, ſibi moleſtum eſſe, quod imperator tantum honoris haberet Quintiliis. Philoſtratus in ſophiſtis.

Eusebius Philosophus.

* Vir (inquebat) multis quidem ſcientiis eruditus, ſed ob animi malitiam inuidiamque nolens aliis deſiderantibus communicare, ſimilis eſt malo vaſi, quod in ſe multa & bona recondit, ſed antequam uſum ſui præbeat, corrumpit. Stob. ſerm. de inuidia.

Seneca.

* Inuidiam (dicebat) effugies, ſi te non ingeſſeris oculis, ſi bona tua non iactaueris, ſi ſciſeris in ſinu gaudere.

dere. Epist. 105. ad Lucill.

Agas.

Dicente aliquo, nonnullos sibi invidere. Igitur & sua, inquit, mala, & tum mea tum amicorum bona illos cruciant. Invidus enim, ut verissime Flaccus canit, alterius rebus macrescit opimis. Bruson. lib. 3. cap. 7.

Idem.

Quum quidam apud Agidem dicerent, esse nonnullos alienæ familiaræ, qui ipsi inviderent: Geminam igitur, inquit, habebunt molestiam, quos & sua ipsorum mala discruciabunt, atque insuper tum meis, tum amicorum meorum bonis torquebuntur. Magnifica vox, declarans, eos quos habet invidia, magis esse misericordia dignos quam ira: propterea quod invidus abunde dat poenarum, etiam si nemo viciscatur. Plutar. in Lacon.

Alexander.

* Dicebat invidos homines nihil aliud esse quam ipsorum tormenta. Curtius lib. 8.

Dionysius Senior.

Expostulantibus quibusdam, quod honore dignaretur, cæterisque præferret hominem improbum, ac civibus inuisum: Volo, inquit esse quem me magis oderint. Agnovit ingeniû multitudinis: si sit in quem invidiam odiûque derivent, mitiores sunt in principem. Eoque videas nonnullos monarchas, quibusdam, quos tamen ex animo non ament, plurimum dignitatis & autoritatis permittere, ut ipsi tutiores sint à furore multitudinis: qui si extiterit, habent victimam, qua civium iram mitigent. Plut. in apoph.

M. Cato.

Eos qui fortuna moderatè sobrièque vterentur, dicebat minimè peti invidia. Non enim, inquit, nobis, sed

bonis quæ non circumstant, invident homines. Externa bona extra hominem sunt, at insolenter utenti vitium intra hominem est: qui eo sibi constant invidiam, verè sunt invidiosi. Plut. in apoph. Stob. ser. 36.

Idem.

Dicebat, ideo sibi ab inimicis constari invidiam, quod quotidie noctu surgens, rei familiaris, rationibus neglectis Reipubl. consuleret, notans ingratitudinem populi. Eras. libro 5. apoph.

M. Crassus.

Quum animo augeretur ob honores in Pompeium collatos, audiuit à quodam, mox Magnum aduenturum Pompeium. Arridens igitur inquit, Quantumnam est? Invidit Pompeio nomen, quod ob felicitàtem, & egregiè rebus gestis ab aliis datum erat honoris gratia. Et sic plerumque felicitatis comes est invidia. Bruson. lib. 3. cap. 7.

Publius.

Mutium hominem invidum, & in primis malevolum, solito tristiorem vidēs: Aut Mutio, inquit, nescio quid incommodi accessit, aut nescio cui aliquid boni. Macrobi. li. 2. c. 2. Satur.

Asinius Pollio.

Ciceronis gloriæ vehementissime inuidebat. Quum ergo Sextilius pœta Cordubensis in domo Messalæ Corvini recitaturus, Polliônè aduocasset & principio pœmatis cœpisset.

Deslendus Cicero est, Latineque silentia lingua.

Statim consurrexit Pollio, atque ait, Messala, tu quid tibi liberû sit in domo tua, videris: ego istum auditurus non sum cui ego mutus videor, atq. sic abiit. Offensus est autem his verbis, *Latineque silentia lingua:* & c. Brus. lib. 3. cap. 7.

Furius.

E seruitute liberatus, quum in paruo admodum agello largiores multo fructus acciperet quàm ex amplissimis agris vicini, in inuidiam incidit hominũ accusantium, ceu veneficiis fruges pelliceret alienas. Quamobrem à Spurio Albino Curuli die dicta, metuens damnationem, quum in suffragium tribus oporteret ire, instrumentum rusticum omne in forum attulit: adduxitque etiam filiam robustam, bene curatam & vestitam, ferramenta egregiè facta, graues ligones, vomeres ponderosos, & boues saturos, & dixit: Hæc sunt ô Quirites mea veneficia, nec possum præterea vobis ostendere labores manuum mearum, multasque meas vigilias & sudores. Quod ubi audiissent iudices, intellexerunt ex sola inuidia Furium accusatum esse, quem dimiserunt absolutum. Meminit huius & Plin. lib. 18, cap. 16.

Basilius Magnus.

* Ut vultures, inquit, ad maleolentia cadauera præteritis pratis & multis aliis locis amœnis & odoriferis, feruntur: itẽmque muscæ quæ sana sunt præteruolantes ad vlcera festinant: sic inuidi splendida, & magna, & præclarè facta ne intuentur quidem, sed putria inuadunt. Anton. & Max. ser. de Inuidia.

Chrysostomus.

* Inuidet quidem dæmon, inquit, sed hominibus: tu verò cum sis homo hominibus inuides, & quomodo consequeris veniam? Eod. serm.

Actius Sincerus.

Actius Sincerus, rari vir ingenij, magnæque nobilitatis, cum in conspectu Friderici regis esset inter physicos quæstio, quid præcipue conferret oculorum perspicuitati,

aliique sceniculi afflatum dicerent, alij vitri vsum, aliique aliud: At ego, inquit, Inuidiam aio. Obstupuerunt hoc dicto adeò medici, vrab auditoribus derisui haberentur: Tum ipse: Annon inuidia maiora & pleniora omnia videre facit? Quid autem oculis magis præsentaneum, quàm vt vis ipsa aspiciendi maior reddatur, atque vegetior? protulitque statim Ouidianos illos versus:

*Fertilior seges est alienis semper in agris,**Vicinumq. pecus grandius uber habet.*

Pontanus.

De iocosè dictis.

Diogenes.

PERcontanti, quidnam vellet vt colaphum acciperet, Galeam, inquit. Et hic locus est ab inexpectato. Nam ille expectabat, quid mercedis peteret pro colapho. Laert. lib. 6. dictum illud Socrati tribuitur à Seneca, lib. 3. de ira cap. 11.

Idem.

A lethali somno experrectũ medicus interrogauit quomodo se haberet, Rectè, inquit, nam frater fratrem amplectitur. Alludens ad Homerum, qui δεινότερον & ὕμνον germanos finxit, quòd somnus mortis sit imago. Laert. lib. 6.

Idem.

Mulierem aniculam se curiosius exornantem intuits: Si viuos ait, lenocinio allicere voles, plurimum falleris: sed si defunctorum vmbas, oro, ne diu cuncteris. Stobæus.

Idem.

Didymus, qui vulgò audiebat adulter, curabat oculum virginis. Ei Diogenes dixit, Vide ne corrumpas

pas pupillam. Hoc dictum apud nos non est adeo iocosum, ut apud Græcos, apud quos *κῆρυξ* & virginem sonat, & oculi pupillam Laër. l. 6. c. 2.

Theocritus.

Quum duceretur ad Antigonum regem atque hi qui ducebant, iuberent hominem bono esse animo: forte enim incolumem simulatq; venisset ad oculos regis: Omnem, inquit, spem salutis mihi adimitis, mordens regem, quod luscus esset. Rex audito ioco, iussit hominem agi in crucem, Eras. l. 6. apoph. Nuge seria duxerunt in mala.

Socrates.

Iam cicutam bibere volens, interrogavit hilari vultu, quomodo sumendum esset hoc medicamen, ut cito sanaretur? rogavit præterea an liceret inde aliquid libare, ut mos erat in conuiuiis. Tanta in homine fuit iocandi consuetudo, ut etiam in morte præsentanea iocaretur. Erasim. l. 3. apoph.

Idem.

Cicuta epota puer illum detexit & cum præcordia iam frigere inciperent, Offeras, inquit, Æsculapio gallum, nam ex sudore illo conualescere incipio. Erasim. l. 3. apoph.

Anonymus.

Apud Æginetas lex erat, ut si quis Atheniensis Æginam venisset, capitale esset. Huc quum esset deductus Plato ut venundaretur, capitis postulat us est à Carmenio, qui legem eam rulerat: sed tempestiuo cuiusdam ioco liberatus est. Ait enim, legem habere, si quis homo: at hunc esse philosophum. Laër. l. 3.

Stratonicus.

Quendam imperitè iaculantem, abiens ad ipsum scopum, constitit. Et cum quidam interrogaret causam, respondit, Ne feriar. Anton. in Melissa.

par. 1. ser. 54. Idē Diogene dicitur.

Anonymus.

Lacon quidā gymnasiarchā ligna *ἀγρία* exhibentem facetissimo ioco incusauit, dicens, quod per eum ne la chrymas quidem illic effundere daretur. Fumus enim excutit la chrymas oculis. Acapna ligna inde dicta sunt, quod fumo careant. Eras. l. 8. apoph.

Polemon.

Quum articuli morbo lapidesceret, medicos admonuit ut effoderent inciderentque Polemonis lapidicinas. Dicebatq;: Comedendum est, manus non habeo: ambulandum est, pedes non habeo: dolendum est, & manus & pedes habeo. Ex Philostrato.

Hippomachus.

Quibusdam laude, vehentibus procerū quempiam, ac prælongis manibus hominem, tanquam ad pugilum certamē idoneum: Sanē, inquit, si pēdens ex alto corona esset detrahenda. Erasim. l. 6. apoph. ex Plut.

Archidamus.

Corinthiorum urbem quum obsideret Archidamus, vidit è solo mœnibus proximo exilire lepores, mox quē versus ad commilitiones: Habemus, inquit, hostes expugnatu faciles, quod fortuito acciderat. veluti in omen rapiens. Molles enim ac parū viros Græci leporis vocabulo notare solent. Plut.

Brasidas.

Brasidas cuidam percontanti, quomodo vulnus accepisset, iocosè respondit. Prode me scuto. Ita crebrò malū per illos venit, quorū præsidio credim⁹ nos esse tutos. Plut. in Lac.

Antigonus.

Quum accepisset literas prægrandibus literis scriptas: Hæ, inquit, vel cæco perspicuæ sunt iocans.

in vitium oculorum: erat enim luscus. Idem alius magno capitis sui periculo dixisset, quod visu venit Theocrito. Chio. Plut. in apoph.

Iuba rex.

Quidam querenti, quod ab ipsius equo esset aspersus: Quid tu, inquit, an me Hippocentaurum esse putas? Iocosè deridens eum, qui equi morositatem inscribebat ei, qui equo infidebat. Brusl. 3.

Philippus.

Quum esset Philippo Macedoni clauicula in bello fracta, ac medicus à quo curabatur, in singulos omnino dies aliquid posceret: Sume, inquit, quantum voles: nā clauem habes, ludens anticipi voce *καὶ* enim Græcè & clauem sonat, qua aperitur scrinium aut ostium, & commissuram humeri cū pectore. Quid hoc animo ciuilius, cui & in dolore, & erga avarum medicum iocari libuit? nec ob cruciatum morosior, nec improbitate postulantis offensior. Plut. in apoph.

Idem.

Suprà de Ambiguo dictis.

Anonymus.

Quidam imperatorem suum incusauit, quod illius infidiis & otio & somnio fuisset priuatus: videlicet quod illius benignitate è paupere factus esset diues. Plut. in Sympo. li. 1.

Appian.

Infrà de Respōso ab inexpectato.

Scipio Nasica.

Cum ædilitatem curulem adolescens peteret, ac (vt candidati solēt) manum cuiusdam opere duratam prensaret, rogauit hominem. Num manibus ambularet? Hoc dicto rusticanae tribus suspicantes sibi improbratam paupertatem, effecerunt vt repulsam ferret. Adeo obfuit iocus intempestius. Erasmus li-

bro 6. apophthegm.

Cicero.

Suprà tit. de Alea.

L. Portius Nasica.

Quum ex more conceptis verbis à Catone censore rogaretur, Habesne vxorem ex animi tui sententia? Habeo, inquit: at herclè nō ex animi tui sententia. Verum ob eum iocum intempestiuum multa illi dicta est. Erasl. 6. apoph.

Domitius Afer.

Didio Gallo, qui prouinciam ambitiosissime petierat, mox impetrata ea querebatur, quasi coactus esset. Age, inquit, aliquid, & pro Rep. elabora locus est ab ironia: simulque illud est, quod magistratum magno studio ambisset. Erasl. Rot li. 6. apoph.

Cauius.

Cum vidisset quendam ex iudicibus, quos Claudius donis corruerat, ait: Quamobrem praesidium à nobis postulatis? An ideo, ne dona nobis eriperentur? Cicero ad Atticum. Plut. in Catone Vticensi.

Idem.

Cuidam oratori malo, qui in epiloquio misericordiam se nouisse putaret, postquam assedit rogati videre turne satis misericordiam mouisse? At magnam quidem inquit: nemi enim puto tam durum, cui non oratio tua miseranda visa sit. Cic. lib. 2. de oratore.

Anonymus.

Cum Siculo cuidam, familiaris alius gemebundus diceret vxorē suā suspendisse se de fico: Amabo te) inquit) da mihi ex ista arbore, quos ferā furculos Cicero li. 2. de Oratore.

Cicero.

Obiurgantibus, quod homo sexagenarius puellam virginem duxisset: Cras, inquit, mulier erit locans. hoc

hoc probum mox eluendum. nam postridie non poterat obiici, quòd virginis esset sponsus, Erasim. libr. 4. apophth.

Idem.

Quidam candidatus, qui coco patre natus credebatur, coram Cicero-
ne suffragium ab alio petebat: Ego quoque, inquit, tibi fauebo. Ex quo colligitur, coce à coco, & quoque conuictionem, aut eodem, aut simili-
lino fuisse sono, Eras. li. 4. apoph.

Aug. Cæs.

Herennium adolescentem moribus corruptissimis vitiatum, castris excedere iussit, quumque illi dimissus, ignominia reditus sui apud Augustum deploraret his verbis: Quo ore redibo ad meos, quid dicam parentibus me inculantibus? Dic inquit Cæsar, me tibi displicuisse. Et sic iocose docuit, qua ratione reditus sui ignominiam diluere posset. Sueton. in Augusto.

Anonymus.

Quemadmodum Augustus gaudebat iocis liberalibus in alios ludere, ita in se iactos aut retortos interdum liberius, patientissime tulit. Adolescens quidam provincialis Romanam venerat, oris similitudine tam mirifice referens Augustum, vt in se populi totius oculos conuerteret, Cæsar hoc audito, iussit ad se perducere: eumque contéplatus, huc in modum percontatus est: Dic mihi adolescens fuitne aliquando mater tua Romæ? Negauit ille: ac sentiens iocum, retorsit, adiciens: sed pater meus sæpe. Augustus ludens suspicionem intendebar ad matrem adolescentis, veluti ab ipso stupratam: adolescens protinus eam suspicionem retorsit in matrem Cæsaris, aut in sororem. Nam oris similitudo non magis ar-

guebat illū esse Cæsaris filium, quam fratrem aut nepotem. Suet.

Aug. Cæs.

Augustus Cæsar plurimum affectauit iocos, saluo tamen maiestatis pudorisque respectu, nec vt caderet in scurrām. Scripserat autem Aiacem tragœdiam, eandemque, quòd sibi displicuisset, deleuerat. Postea verò cū Lucius grauis Tragœdiarū scriptor eum interrogaret, quid ageret Ajax suus? respondit, In spongiā incubuit. Macrob. lib. 2. c. 4. Sat.

Idem.

Cū ei quidam libellum trepidus offerret, & modò proferret manum modò retraheret: Putas, inquit, te assem elephantō dare? Macrob. li. 2. c. 4. Satur.

Idem.

Cū ab eo Pacuuius Taurus congiarium peteret, diceretque iam hoc homines vulgo loqui, non paruam ab illo sibi pecuniam datam: Sed tu, inquit, noli hoc credere. Macrob. li. 8. cap. 4. Sat.

Idem.

Aliam præfecturam equitū summorum, & insuper salarium postulante, dicentemque. Nō lucri causa dari hoc mihi rogo, sed vt iudicio tuo munus videat impetrasse, & ita officium deposuisse: hoc dicto repercussit, Tu te accepisse apud omnes affirma, & ego me dedisse non negabo. Ibidem.

Idem.

Alium saxo in expeditione percussus, ac notabili cicatrice in fronte deformem, nimium tamen res fortiter à se gestas iactantem, sic per iocū castigauit: At tu, cū fugies, inquit, nunquam post te respexeris. Ibidem.

Idem.

Galbæ, cuius informe gibbo erat

corpus, agenti apud se causam, & frequenter dicenti, Corrige in me si quid reprehendis, respondit, Ego te monere quidem possum, corrigere non possum: ad gibbum alludens. Macrobius.

L. Manlius.

Apud L. Manliū, qui optimus Romæ pictor habebatur, Geminus Seruilius fortè cœnabat, qui cū filios eius deformosissimos vidisset: Non similiter, inquit, Manli fingis, & pingis. Cui Manlius: Non mirum est, respondit, in tenebris enim & luce subobscura fingo, luce autem ac sole splendenter pingo. Macrobius. l. 2. c. 2. Saturnus.

Nero.

In Claudij stultitiam subinde iocabatur productione syllabæ, quum diceret, Posteaquam desit inter viuos morari, prima syllaba producta. Moros enim Græcè fatuum sonat: inde finxit morari, pro stultum agere, quemadmodum nos à poëta poëtari, à iuvene iuuenari. Suetonius.

Caligula.

Suprà apoph. de Auaritia.

Anonymus.

De Vespasiano patre narrat Suetonius, quum scurram multa in alios iacientem prouocasset vt in se quoque diceret aliquid: Dicam, inquit, vbi ventrem exonerare desieris. alludens ad formam Cæsaris, qui faciem habebat cacaturientis. In cuiusmodi hominem locus exstat Martialis,

Vtere laeticijs, ac mollib. utere maluis:

Non faciem durum Phæbe cacantus habes.

Ti. Vespasianus.

Cū morbo grauissimo decumberet. quotidieque morbus ingrauesceret dixit, Puto deus fio: significās se moriturum. Suetonius.

Iulius Cardinalis.

Cū amicos ad cœnam vocasset, intèrque conuiuandum, vbi in Basiliensis consilij mentionem incidisset, terra commoueretur: Bono animo estote, inquit, de synodo Basiliensi loquuti sumus, quæ omnem ecclesiam tremefecit, non tamè illisit. Æneas Syluius libr. commentariorum de Alphonso reb. gest.

Fridericus imp.

Fridericus imperator, eos qui iocos moderatè ferrent, sapientes: qui autem promptissimè iocarentur, ingeniosos esse dicebat. Habet autem iocus inter seria suum etiam locum: qui vbi erumpit, vtriusque ingenium facile declarat. Æn Sylu. l. 4. commentariorum in Alphonso res gestas.

Ludouicus xij. Gall. rex.

* Vnus ex stipatoribus eius cum aulico magnæ nobilitisq; familiae primario exarserat iracūdia. cū stipator nobilitate generis non se esse inferiore aulico iactitaret: erantque eo nomine in certamen vēturi. Hos ante se iubet sitti Ludouicus, rogātque stipatorē vnde ei genus, qui ita se cōferret nobilitis domini Tūi le, eo se genere natū ait, quò nullum sit nobilius. Id quidē fateri, ortum regem ex stirpe Noæ: sibi verò genus esse ac gentilitatē ex quopiā illorum qui cū Noa fuissent tēpore diluuij. Cachino sublato, rex conuersus ad aulicū, despicisne eum, inquit, cui genus regium & tibi æquale est? Eoque ioco vtrumque placuit, & ambobus porrexit dexteram. Ex Annal. Franciæ.

Idem.

* Baionensem Centurionem & Le mouicensem superbius de exitu & ordine cuiusdam prælij differentes hætenus tulit, vt Baionensi diceret, Cū te rogabo pernas quomodo fa-

do salire oporteat: Lemouicensi autem, cum te rogabo, Castanea qua in terra, & quo pacto repastinata ferenda, & quibus campis rapa & napus latentur: tum demum respondeto. Silente utroque, conuersus ad Lemouicensem. Nostin', inquam, in alio solo rapam biennio satam conuertere in napum, in alio napum raporum accipere speciem? ita & tu haufisti à Baionensi superbiam, ille verò à te ignorantiam quæ te adeo turgidum reddit. Ex iisdem Annalibus.

Carolus Quintus.

* Admonitus aliquando in castris vt leges Germanis militibus deuitanda ebrietate ferret: respondit id perinde fore, ac si Hispanis interdiceret ne furarentur. Chytraeus, orat. de Carolo 5. imperat.

Plura sub apoph. de Facetè dictû.

De ira.

Plato.

Sapienter auditores admonebat, vt iratos se in speculo contemplarentur. Nam cum faciem suam furibundam per omnia phrenetico similem viderent, eo dedecore territi, in posterum ab ira sibi facile temperaturos. Fulg. lib. 7. cap. 2.

Aristoteles.

Alexandrum ira excandescens placare volens, & sedare summam indignationem, hæc ad eum scripsit: Excandescencia & ira non in pares, sed in meliores existere solet. Tibi verò nemo par est. Ælian. libr. 12. de Var. histor.

Epicurus.

* Quid ira efficeret, sciscitatus, respondit, Immodica ira gignit in-

saniam. Seneca epist. 18. ad Lucill.

Isocrates.

* Praua ingenia, inquit, eadem solent esse ex contentiosa, vt non prius finem faciant pugne & contentionis, quam lethalem acceperint plagam, & supplicio memorabili afficiantur. Anton. serm. de odio, &c.

Herodotus.

* Dicebat hominum animos in auribus habitare: bonis enim auditis corpus gaudio repletur: contrariis autem, inflatur ira. Stobæus sermone 18.

Democritus.

* Iram, quemadmodum canes, cæcas criminationes parere dicebat. Antonius & Maxim. sermone de ira.

Macarius.

Interrogatus, quid ira iniuriarum erga homines memoriam tenentes, vim & animæ reminiscendi enecaremus: aduersus dæmones autem, cum acceptorum ab eis malorum reminiscimur, detrimentum nullum sentiremus? respondit: Propterea quod prior illa affectio præter naturam, posterior autem secundum naturam esset. Nicephor. Callistr. lib. 11. Eccles. hist. cap. 43. ex Euagrio.

De ira seu iracundia cohibenda.

Bias.

Bono consilio duo maximè contraria esse dicebat: Festinationem scilicet, & iracundiam: homo enim iracundus cum extra seipsum sit, vacuus est omni consilio. Laërt. in eius vita.

Chilon.

Docebat vincendam iram, quòd is affectus sit cæteris potentior : quàm superare fortius est, quàm hostem armatū deicere: nec minus exitij mortalib. sit ab ira, quàm ab hoste. Laert.

Aristippus.

Cùm videret succensere quēdam, ac verbis indignari: Ne verba, inquit, per irā proferamus, sed verbis iram cōpescamus. Stob. ser. 18. Max. ser. 19.

Diogenes.

De non irascendo accuratè disserenti, adolescens quidam proteruus, veluti periculum faciens, an re præstaret ea quæ docebat, inspuit illi in faciē, Tulit hoc leniter ac sapienter: Non quidē, inquit, irascor, sed dubito tamen an irasci oporteat, Laert. l. 6.

Zeno Eleates.

Cùm maledictis laceffitus incandesceret, reprehensus quòd philosophus verbis improborum commouetur: Si conuitia, inquit, æquo animo admisero, ne laudes quidem sentiā. Lapidis est, non sentire discrimen inter laudantem & vituperantem: sed philosophi est, non ita commoueri, vt ab honesto recedat. Laert. l. 9. c. 5.

Architas.

Cùm in agro cōperisset quosdam è famulis admisisse quiddam, sentiens se commotiorem in illos nihil quidem tum fecit, tantum abiens: Fortunati, inquit, estis quòd irascor vobis. Cic. lib. 4. Tuscul. quæst. Bruson. lib. 3. cap. 19.

Pythagoras.

* Prodest (aiebat) cum muliere iracunda consuetudinem habere exercitationis causa: vt equites decet ferocibus assuescant vti equis, quos si domuerint, aliis etiam facilius vtentur. Anton. & Maxim. sermone de ira.

Socrates.

Iratus filio aliquid delinquenti, nihil aliud dixit, quàm, Ipse te coërce. Laert. in vita Socratis.

Idem.

* Seruo delinquenti, Cæderem te, ait, nisi irascerer. Admonitionē serui in sanius tempus distulit, illo tēpore se admonuit. Senec. l. 1. de ira.

Democritus.

Ad quendam flagris sauientem seruum, Desine, inquit, te seruo tuo similem ostendere. Seruus enim est qui suis cupiditatibus imperare non potest. Eras. l. 8. apoph.

Xenocrates.

Ingratitudinis vitij à Platone philosopho infimulatus, nunquam iracundia & indignatione se vinci passus est, sed animo immoto illi qui hoc indicauerat, ac ad vltionem, instigarat: Hoc, inquit, quod nūc facio, mihi bonum atque commodum est. Quo dicto indicare voluit, non minus se curare propriam salutem, dū iræ frænum iniiceret, quàm Platonis maledicentiam, fortassis ab aduersario confictam. Ælian. libro 4. de Var. hist.

Plato.

Interrogatus, per quid cognosceretur sapiens? respondit: Sapiens cū vituperatur, non irascitur: cū laudatur, non extollitur. Laert. in eius vita.

Idem.

Iratus seruo, cū eū castigare pararet, & fortè interueniret Xenocrates, Flagella, inquit, hunc puerū: nam ipse sum iratus. Sibi diffusus est homo philosophus, sentiens animi commotionem. At vulgus hominum tū maxime punit, cū irascitur. Laert. lib. 3. Ant. in Mel. par. 2. ser. 53. Val. Max. l. 4. c. 1. Vide Senec. de ira, li. 3. c. 12.

Idem.

Idem.

Idem præterea famulo sic comminatus est, Loriste cæderem, ni iratus essem. Nihil iræ fidendum, Sapuit Syrus ille Terentianus, qui se coniecit in angulum, edormiturus quod biberat vinum. At ira minus sui compos est, quàm ebrietas. Laert. 3. Valer. Max. li. 4. c. 1. Plutarch. de educandis liberis.

Anonymus.

* Apud Platonem educatus puer, cum ad parentes relatus, vociferantem videret patrem: nunquam, inquit, hoc apud Platonem vidi. Senec. libr. 2. de ira.

Sotion.

* Ut naues, inquit, egregiæ sunt, non quæ sereno cælo naugant, sed quæ tempestatibus resistunt, & seruantur: sic homines resistentes iræ, magni sunt & fortes. Anton. & Maxim. ser. de ira.

Aristoteles.

Dicebat, perinde atque fumus oculos commouet, & aspectum ita conturbat, ut neque ea nobis videndi potestas fiat, quæ sunt ante pedes: ita oborta ira rationi caligo suffunditur, ut se delinquere nulla cogitatione deprehendere possit. Stob. ser. 18.

Idem.

* Iracundiam describens, Est, inquit, perturbatio ferina, dura & violenta potentia, cedium causa, calamitatis socia, iacturam concilians & dedecus, pecuniarum perniciēs, & perditionis origo. Stob.

Apollonius.

Iræ affectum ait, nisi diligentia, ac verbis placidis temperetur, in gremium quandam morbum excrefcere. Stobæus.

Idem.

Quisquis erga leuia errata vehem-

entius quàm par est irascitur, is delinquentem non finit inter culpam extremam & mediocrem quid inter sit dignoscere. Stob.

Theano.

Mulier ex Pythagorea philosophorum cohorte, excandescens aliquando in ancillam; Vapularēs iam, inquit, nisi irata essem. Stob.

Naucrates.

Iracundis simile quid accidere dixit, quod lucernis, quæ copioso oleo magis inflammantur. Sto. ser. 18. Max. ser. 19.

Demonax.

A quodam, cui imperator exercitum commiserat, interrogatus, quo pacto delegatam prouinciā quā optimè gerere posset? Si, inquit, iracundia vacaris Iram sensit vir prudentissimus ad omnem functionem inutilem esse. Eras. l. 8. apoph.

Idem.

Subinde suadebat, non facile irascendum esse hominibus, si delinquerent: sed potius corrigenda esse vitia, medicorum exemplo, qui non indignantur egrotis, sed morbum sanant. Eras. l. 8. apoph.

Pylager.

Rogatus quamobrem non delectaretur educandis pueris? Quoniam, inquit, nec in ipso delector. Agnoscebat naturæ suæ vitium. Erat enim iracundus & morosus, eoque nec appositus ad teneram ætatem instituendam: cum hodie stulti parentes nullis libentius committant liberos suos, quàm huiusmodi truculentis & asperis. Philost. in sophist.

Pyrrius.

* Pyrrhum maximum præceptorum certaminis gymnici solitum aiunt his quos exercebat, præcipere, ne irascerentur. Ira enim perturbat artem,

& quā noceat, tantum, non quā ca-
ueat, aspiciat. Senec. de ira l. 2.

Antiochus sephista.

Cum malè vulgò audiret, veluti
formidolosus, quòd nec prodiret in
concionem, nec Reipublicæ munia
capesseret, Non vos, inquit metui,
sed meipsum: agnoscens bilem suam
vehementiorem, quàm vt cohiberi
posset. Sensit idem Plato, qui sunt i-
racundioris ingenij, ad disciplinas
quidem esse idoneos, ad gerendam
Rempub. non item. Philo. in sophi.

Anonymus.

Quidam iratus Agasoni, volebat eū
percutere, cūque is clamaret, Athe-
nienis sum: ad asinum versus: At tu
(inquit) Athenienis non es: eique
multas plagas infixit. Meminit Plut.
in libello de Cohibenda ira.

Melanhius.

Negabat eam iram videri grauē,
quæ mentē cogat emigrare, sed quæ
prorsus excludat domo. Sētiens, pro-
bis etiam ingeniis adiunctam esse ira-
cundiam: sed hoc vitium esse tolera-
bile, si celeriter animus ad se redeat,
& pro ira rationem in consilium ad-
hibeat. At si perturbatio penitus in-
fideat animo, ira vt excussa ratione
feratur effreni impetu: certa perni-
cies est. Eras. li. 8. apoph.

Charilaus.

Seruo cuidā audacius agenti cum
ipso, Ni iratus essem, inquit, occide-
rem te. Adeo putabat nihil rectē di-
ci fieri ab irato, vt ne in seruum
quidem animaduertere voluerit cō-
motior. Plut. in Lacon.

Cotys.

Erat natura celer ad iram, sæuū-
que castigatorem eorum qui in ministe-
rio deliquissent. hospes quidam ad
illū detulit vascula fragilia, tenuia-
que, sed scitè curiosèque celte tor-

nòque elaborata. At is hospiti quidē
dedit munera, cæterum vascula om-
nia confregit. demirantibus cur id
faceret: Ne, inquit, sæuitem in eos
qui fracturi erant. Prudentis est, na-
turæ suæ morbum agnoscere, & vi-
tio materiam præripere. Plutarc. in
apoph.

M. Cato.

Iratum ab infano nulla alia re dif-
ferre dicebat, quàm mora temporis,
sentiens, iram esse breuem insaniam.
Plut. & Stob. ser. 18.

Idem.

* Eum in balneo quidam percussit
imprudens: postea satisfaciendi Ca-
to, non memini (inquit) percussum
me. Melius putauit non agnoscere,
quàm ignoscere. Senec. lib. 2. de ira.

Cato Vticensis.

* Huic causam agenti, in frontem
mediam, quantum poterat attracta,
pingui salua, inspississet Lentulus,
absterfit faciē, & affirmabo (inquit)
omnibus, Lentule, falli eos qui te ne-
gant os habere. Seneca libro 3. de ira
cap. 38.

Athenodorus.

* Ei ob senectutem flagitanti vt si-
bi liceret redire domum, Augustus
concessit. At cū ille Cæsari dixisset
Vale, volens aliquod philosopho di-
gnum monumentum apud illum de-
ponere, adiecit. Cæsar, cū fueris i-
ratus, nequid dixeris fecerisve, prius
quam Græcarum literarum xxuij.
nomina apud te recensueris. Cæsar
autem philosophi dexteram ample-
xus: Adhuc, inquit, te præsentem mihi
opus est, totūque etiam annum a-
pud se detinuit, dicens illud Græco-
rum prouerbum, Silentij sunt tuta
fidi præmia, siue approbans philoso-
phi dictum, quòd tutum esset iram
premere, ne prorumpat in verba: si-
ue

ue sentiens, philosopho profuturum fuisse, si hoc dictum non addidisset iam abiturus. Plut. in apoph. Fulgof. lib. 7. cap. 2.

Anonymus.

Aegyptius quidam monachus interrogatus, cur adeo se omnibus corporis voluptatibus subtraheret? respondit, Vt hac ratione omnem iræ causam & occasionem præcidam. Ira quippe vt de voluptatibus belligeratur, ita etiam voluptatum suppressione sopitur. Nicephor. Call. l. II. Ecclesia. histor. c. 43. ex Euagrio.

De irrisione.

Ag. silaus Epbormus.

Cum Agidis suasu factum esset, vt fieret omnium debitorum solutio, iamque tabulis in forum Clarium comportatis, ignis esset iniectus, ac flama exurgeret, cæteris creditoribus mæstis insultabat dicens: Se nunquam clarius lumē, aut Ignem vidisse priorem. Debebat enim ipse plurimū, & erat agrorum prædiues, nihil tamen cuiquam soluere habebat in animo. Extrema improbitatis est linea, etiam illudere iis quos afflixeris Plut. in Lacon.

Thrachalus.

Cuidam inter argumentandum dicenti, Si hoc ita est, is in exilium. ridens subiecit. Si non est, redis. Eras. l. 6. apoph.

Argens.

Faciens iter per Selinuntem, cum in monumento quodam hoc Elegiacum carmen vidisset inscriptum, Hos restinguentes Mars fortet tyrannida
seus
Pone Selinuntis mænia stravit humi.
Iure peristis, inquit, qui tyranni-

dem ardentem conati sitis extingueret: contrā oportuit illam finire, donec tota deflagraret. Arripuit locum ex occasione verbi Extinguere. Extinguitur enim, quod opprimitur: & extinguitur incendiū. Plut. in Lacon.

L. Crassus.

Apud Perpennam iudicem defendebat Aculeonem, quem accusabat Aelius Lamia, homo omnium deformissimus. Is cum interpellaret odiose: Audiamus, inquit Crassus, pulchellum puerum. Huic dicto cum esset arrisum, iterum ait: Audiamus etiam disertum. & multo arrisum est vehementis: parum enim facundus erat. Eras. li. 6. apoph.

M. Cincius.

Quo die legem de donis ac muneribus tulit, C. Centoni prodeunti, ac satis cōtumeliose interroganti, quid fers Cinciole? Irridens hominem, Vt emas, inquit, si vti velis. Ridiculē autem notauit hominem quod donatis & commodaritiis rebus vt gauderet. Eras. li. 6. apoph.

Cicero.

Quum M. Appius in procœmio diceret, se magnopere rogatū ab amico, vt in causā clientis adhiberet curam, eloquentiam & fidem: hic Cicero, Adeone ferreus homo es, inquit, vt ex tā multis quæ rogauit amicus, nihil præstes? Plut. in apoph.

M. Lælius.

Suprà apoph. de Fortuna & pulchritudine corporis.

Vide apoph. de facetè & iocose dictis.

De iudice bono & incorrupto.

Bias

Dicere solebat, se malle inter inimicos quā amicos iudicare. Nā

ex amicis alterum prorsus futurum inimicum, ex inimicis autem alterum amicum fore. Bruson. libr. 3. cap. 10.

Democritus.

*Optimus (inquit) iudex esse iudicatur, qui citò intelligit, & lentè iudicat. Alterum quidem est benevolentia, alterum autem diligentie exquisita. Ant. ferm. de incorruptis iudicibus.

Idem.

*Addebat, nihil inconsideratè agendum in iudicio, sed prius deliberandum: nec cogitatione festinandum: ut aliquid plus quàm liceat dicatur: sed lentè & cunctanter appetitio accuratè exercenda est. nec ad gratiam immutanda: nam inconstans inconsulto, & levis temerario deterior est. Eod. ferm.

Themistocles.

Oratus à Simonide poeta, ut amicum non adeò iustā causam habentē quàm cōmendatissimum haberet: respondit, Nec Simonidē fore bonū poētā, nisi mensuram modūque in canendis carminibus, quæ scribebat, curaret: Neque se bonum prætorem habitum iri, si legibus ac iustitiæ, alicuius gratiam præposuisset. Fulg. li. 6, c. 4. & Plut. in apoph.

Archytas.

Dicebat iudicem & aram idem esse: pariter enim ad utrumque confugiunt, qui iniuria afficiuntur. Sentiens, tales oportere iudices esse, ut oppressis sint præsidio. Refert Aristot. Rhetor. 3.

Aristides.

Quum inter duos priuatos causam cognosceret, & alter quò Aristidem irritaret in aduersarium, extra causam multa commemoraret, quibus ille læsisset eum: Aristides inter-

pellans hominem, Ista nunc, inquit, missa fac bone vir, & si quid te læsit eloquere: tibi enim in præsentia, non mihi iudex sedeo. Plut. in Aristide.

Alcámenes

Cuidam ab Alcamente sciscitanti, quàm ob rem seniores apud Lacedæmonios plures dies sumeret ad cognoscendum in causis capitalibus: & si quis fuerit absolutus, nihilominus obnoxius sit legi: Ideo, inquit, pluribus diebus cognoscunt, quoniam si in capitis discrimine errauerint, non est corrigendi consilij potestas, oportet autem à causa liberatum, obnoxium manere legibus. quòd sit, ut secundum eandem legem liceat aliquid rectius de reo statuere. Hoc temperamento prouisum est, ne vel occidatur innocens, vel effugiat nocens: qui quamuis errore iudicum sit absolutus, potest eadem lege denuo conueniri, pœnasque dare legibus. Plut. in Lacon.

Lysias.

*Dicebat iudices eadem mente præditos esse debere, qua legislatores. Stob. ser. de magistratu.

Idem.

Interrogatus, cur munera à Melfenis oblata nō accepisset? Quoniam in leges iustitiæ grauitèr peccassem, inquit. Maluit vir prudentissimus bona conscientia iudicare, quàm propter munuscula à iustitiæ tramite turpiter discedere. Plut.

Agésilas.

Cum in causa quadam iudex esset, & is qui accusabat rectè dixisset: patronus verò malè, qui tamen subinde repeteret, Agésilauum decere, ut legibus opitularetur, perinde ac si optimā haberet causam: hominis improbitatem reprehendens, ait: Si quis domum tibi oppugnet, aut vestem arriperet,

arriperet, num expectares vt architectus aut sartor tibi esset auxilium laturus? Quo dicto indicabat, iudici nequaquam conuenire, vt opituletur illis qui contra leges aliquid delicti admisserunt. Plutarchus in Lacon. apoph.

Hippodromus Sophista.

Clementi tragœdiarum actori longè præstantissimo, quum apud Amphictiones optimè re gesta negata esset victoria, quod Byzantium esset, atque id temporis Byzantium à Romanis obsideretur, profiliens clamauit: Valeant applaudentes, ac perperam de re iudicantes: Ego, inquit, Clementi victoriam decerno. Quum alter histrion appellasset Cæsarem, obtinuit Hippodromi suffragium. Philostratus in sophistis.

Epictetus.

* Nihil est, inquit, quod eum qui præest magis deceat, quàm vt neminem vel superbè contemnat, vel indecorè admiretur, sed ex æquo omnibus præsit. Anton. serm. de iudicibus incorruptis.

Idem.

* Sequentia dicta etiam eius sunt. Sicut vera trutina, neque à bona & concinna corrigitur, neque per falsam examinatur: sic etiam iustus iudex, neque à iustis castigatur, neque apud iniustos iudicatur. Minime in iudiciis delinques, si ipse in vita tua delicta caueris. Melius est, sententia iustè pronuntiata reprehendi ab eo qui merito suo damnatus est: quàm si iniuste iudicaueris iure à natura vituperari. Quemadmodum Lydius lapis indicat aurum, non auro qui iudicandi facultate pollet. Turpe fuerit iudicem ab aliis iudicari. Stob. serm. 9.

Machetas.

Philippus Macedo Machetæ cuiusdam pro tribunali sedens causam cognouit, sed dormitabundus, nec satis attentus ad iuris æquitatem: itaque sententiam tulit aduersus Machetam. Verùm quum is exclamasset, se ab ea sententia appellare, rex iratus, ad quem? inquit, nam appellandi verbum monarchis est inuisum. Hic Machetas: ad te ipsum, ô rex, inquit, si expurgiscaris, & attentius audis causam. Ac tum quidem surrexit rex. Cæterum posteaquam causam apud se melius perpendisset, intelligeretque Machetæ factam iniuriam, iudicata quidem non rescidit, sed pecuniam quæ damnatus fuerat Machetes ipse persoluit. In vno facto, quot regiarum virtutis argumenta? Non perseuerauit irasci & prouocanti, & somnolentiâ publicè obliuienti: sed per otium remanimo accuratius considerauit, iam ab ira liber. Si hoc ciuilitatis, regiarque moderationis: illud verò prudentiæ, quod ingenioso commento sic damnatum exemit damno, vt regiam tamen in iudicando auctoritatem non proderet, multam priuatum perinde quasi ipse damnatus esset, dissoluit. Plutarch. in apophtheg.

Idem.

Harpalus pro Cratete propinquo ac familiari suo, qui iniuriarum postulabatur, petiit à Philippo, vt reus multam quidem solueret, sed à causa liberaretur, nec damnatus hominum maledictis exponeretur. Hic verò Philippus: Præstat, inquit, vt ipse malè audiat, quàm vt nos propter illum. Indulgebat amicis, sed quatenus licebat, integra iudicis opinione. Plut.

Idem.

Duo pariter scelerosi sese inuicem accusabant, cognoscente Philippo: rex audita causa pronuntiavit, ut alter exularet Macedonia, alter illum insequeretur. Hoc Græcè sonat iucundius, quod φιλῆν & ad fugientem pertineat, & ad exulantem, fugientem autem insequimur. Neutrum igitur absoluit Philippus, sed utrumque damnauit exilio. Plut.

Anonyma.

* Cùm anus quædam præsidente Philippo causam diceret, ipsūq; ad ea quæ præponenda erant somnulosum, videret, rogabat ut sibi liceret prouocare. Et cum ille quæreretur, ad quemnam Ad Philipum, respondit, vigilantem. Stob. ser. 13.

Alexander.

Orante accusatore, altera manu aurem solebat occludere. Interrogatus, cur id faceret, respondit: Defensori etiam dandus est audiendi locus. Antonius in Melissa, parte 1. sermo. 53. Plutarchus sic recēset, Initio quum in causis capitalibus federe iudex, accusatori alteram autem occludebat: rogatus, cur id faceret? Alteram, inquit, integram seruo reo.

Antigonus.

Frater Antigoni Marfis litem habebat: sed à rege postulabat, ut causa domi cognosceretur. Cui Antigonus. Si nihil inquit, præter ius agimus, melius fiet in foro, cunctisque audientibus. Non impetrauit hoc à rege. fraternus affectus, ut vel tantillum de iure concederet. Ipsum autem hoc dilemmate constrinxit. Si iniustam causam habere te scis, cur litigas? Sin iustam, cur fugis hominum conscientiam, & ad domesticas latebras rem fori pertrahis?

non cariturus sinistra ciuium suspicionē, etiam si ob bonam causam uiceris. Plut. in apoph.

Anaphon.

* Si peccandum sit in iudicando, præstat (inquit) accusatum absoluerē iniuste quam iniuste perdere. Illud enim quidem peccatum est, hoc verò impietas Stob. serm.

Scipio minor.

* C. Liuium prætereuntem cū vidisset: Hunc, inquit, virum scio peccasse: verum quoniam nullus illum desert, non possum simul & accusator esse, & iudex. Sit hoc in censore moderationis & iustitiæ exemplum. Plut. in apoph.

M. Antonius.

Dicere solebat, priuatos quidem homines multos habere iudices: principi autem nullum esse alium iudicem quam Deum. Dion Nicaeus, & Xiphilinus in eius vita.

Vide apoph. de Insuperbia.

De iudice malo & corrupto.

Pythagoras.

* **Q**ui de malis, inquit, poenas non sumunt, bonos affici volunt iniuriis. Stob. serm. de magistrat.

Philippus.

Quendam ex Antipatri amicis in iudicum numerum ascripserat. Verum post, ubi cognouit illum tingere barbam & capillos, submouit eum, dicens: Qui in capillis fidus non esset, eum in rebus gerendis non videri dignum cui fideretur. Fuego utebatur in tingendis capillis, ubi non multum erat lucri: multo magis vsurus erat fueo in publicis negotiis, ubi dolus

dolus interdum ingens adfert emolumentum. Et hanc oportet regum præcipuam esse curam, vt cognoscendis causis viros præficiant incorruptos. Id quæ fieri potest, vbi venduntur iudicandi munia, & is designatur iudex, non qui vir melior est, sed qui addandum prior, aut largior? At apud Philippum nec Antipatri tantum valebat autoritas, quin suspectum è iudicum ordine moueret. Plut. in apoph.

Democritus.

* Damnandi sunt (aiebat) nec absoluedi, qui aliquid dignum exilio, aut vinculis, aliæ pœna committunt. Si quis verò temere absoluerit, lucri aut voluptatis gratia, iniuste facit, & iniustitiam ei cordi esse necessarium est. Stob. serm. 44.

Iamblichus.

* Malum iudicium omnis mali causam esse dicebat. Stobæus eod. serm.

Q. Flavius.

Apud populum reus actus, accusante C. Valerio, quum quatuordecim tribuum suffragiis damnatus esset, proclamauit, Se innocentem opprimi. cui Valerius æquè clara voce respondit: Nihil sua referre, nocens an innocens periret. Ea vox tam violenta, reliquis tribus reo conciliauit: itaque reus, quem prostratum credebatur, absolutus est. Erasim. lib. 6. apoph.

Q. Calpurnius.

Ex prætura Hispaniensi accusatus à Gallis, quum sensisset iudicibus pecuniam contra se datam in eos iudices qui paruo pretio corrupti eum damnauerant, exclamauit: Idoneam mercedem pro meo capite pacisci debuistis. Brufon, lib. 3. cap. 10.

Cicero.

Infrà, de Victoria.

Vide apoph. de Iniustitia.

De iudice incauto.

Ptolemaus rex.

CUm alea luderet, assistens quidam, condemnatorum ipsi nomina recitabat, & crimina in eos collata referebat, vt ille, quinquaginta mortis supplicium commeruissent decerneret. Berenice verò vxor eius accepto libello è pueri manibus, non permisit vt ad finem vsque legeretur, dicens: Non sic obiter aduertendum animum esse, cum de hominis salute disceptaretur: sed cogitandum, & relinquenda ludicra. Non enim similem esse casum talorum, & corporum. His auditis, delectatum Ptolomæum ferunt, neque postea vnquam inter ludendum de capitalibus causis audiuisse. Ælianus libro 14. de Varia historia.

De iudicio nimis exacto.

C. Lucilius.

Dicere solebat, nolle se sua scripta legi, nec à doctissimis, nec ab indoctissimis: quod hi nihil intelligerent illi plus scirent quam vt posset illorum iudicio satisfacere. Id exprimebat huiusmodi versu trochaico.

Persium non curo legere: Lælium Decimum volo.

Erat Persius illius ætatis omnium doctissimus habitus: Lælius erat vir bonus, & non illiteratus, sed nihil ad Persium. Refert M. T. cum aliis aliquot locis, tum lib. de Oratore secundo,

M. Antonius orator.

Rogatus quam ob causam nullam vnquam orationem scripto mandasset? Vt, inquit, inficiari queam à me dictum esse, si quid fortè aliquando dixi, quod opus non erat. Labilis est hominum memoria, vt ægrè repe-rias duos, qui quæ simul audierunt, eodem modo referant. Hinc parata tergiuersatio, Non dixi aut non sic dixi: aut dixi quidem, sed hoc adieci. Eras. lib. 8. apoph.

De iudicio iusto non temerè mutando.

Boso rex Arelatenfis.

QUum ob alapam episcopo suo inter sacrificandum illatam, accusatus apud Othonem primum Romanorum imperatorem, capitis damnaretur, archiepiscopus verò vnà cum reliquis episcopis, abbatibus, principibus intercederent, vt hoc sanguinis iudicium suspenderetur. Rex hoc audiens: Non æquum est, inquit, vt rectum imperatoris iudicium executioni non mandetur, cum non cōueniat vel vllum verbum à principis ore frustra egredi. Munsterus recitat lib. 2. Cosmograph. vbi de Arelato.

De iudicio in re ignota non ferendo.

Diogenes.

CVIDAM ad ostentationem ingenij multa de rebus cœlestibus differenti: Quam nuper, inquit, de cœlo venisti? Socratem in hoc retulit, cuius ad illud: Quæ suprà nos: nihil ad nos. Laert. lib. 6.

Anacharsis.

Admirabatur, quæ conueniret, vt artifices apud Græcos certarent, sed de his iudicarent artis expertes? Sentiens, de arte quacunque neminem melius ferre iudicium posse, quam ipsum artificem. Certabant in theatro histriones, cantores & gladiatores, quorum artes populus nequaquam intelligebat: nihilominus tamen aliis applaudebant, alios explebant. Laert. lib. 1. cap. 9.

Stratonius.

Ptolomæo rege de musica cum ipso differente: Aliud est, inquit, ô rex sceptrum, aliud plestrû. Significans non esse regium de musica cum musico disputare. Eras. lib. 6. apoph.

Idem.

Idem Minnacô fabro, secum de musica disceptanti: Non animaduertis, inquit, te supra malleum loqui? Castigauit hominem de rebus sibi ignotis & incognitis loquentem. Idem.

Idem.

Idem in eum, qui quum prius fuisset olitor, postea factus musicus, de arte secum contenderet, pronuntiauit senarium Græcum. vulgò celebrem.

à δὲ οὐκ ἔστιν ἡ ἀρχὴ τοῦ ἐν τῷ χυλῷ.

id est,

Quam quisque nouit artem, eam canat licet.

Idem.

Zetho de musica differenti, Ne vnum, inquit, nequaquam oportet de musica loqui, qui tibi nomen omnium à Musis alienissimum elegeris, te ipsum pro Amphione appellans Zethum. Amphion, vt est in fabulis, cantu citharæ cōdidit Thebas, at Zethus frater rusticus fuit. Apparet illū sibi mutasse nomen. Eras. lib. 6. apoph.

Anony-

Anonymus.

Psaltes quidam apud Antigonum artis suæ specimen edebat. Quum verò sapius Antigonus diceret: Constringe netem & rursus mediam: indignatione commotus, respondit, Avertant, ô rex, à te dii malum hoc, ut me melius atque exquisitius hanc artem teneas. Inique tulit musicus eius reprehensionem, qui à musicis studio planè alienus erat, indignum esse putans, artificem reprehendi ab eo, qui manus fidibus nunquam admouisset. *Ælian. libr. 9. de Var. histor. & Plu. in apoph. de Philippo regeidem recenset.*

Hippomachus.

Hippomachus pugiladi magister, quum athleta quidam ex eius discipulis specimen exhiberet artis, & circumstantis multitudo vniuersa acclamaret, percussit eum virga Hippomachus, iniquiens: Sed tu perperam, neque sicut oportebat fecisti, quod melius fieri debebat. Nam si quid artificiosum præstitisses non hi te collaudarent. Innuens, eos qui vnumquodque ritè gerunt ac administrant, non multitudini, sed iis tantum, qui rei notitiam aliquam haberent, placere oportere. Videtur & Socrates populi iudicium repudiare in collo, qui ad Critonem, cum Crito, veniens ad eum in carcerem, suaderet ut effugeret & Atheniensium contra se iudicium corrumperet. *Ælian. lib. 2. de Var. histor.*

Apelles.

Tabulas in pergula proponere solebat, postque eas latitans, quid prætereuntes reprehenderent auscultabat. Sutor quidam reprehendit, quod in crepidis pauciores vna intus fecisset ansas, tulit hoc tacitus Apelles potestrie quam idem circa crura aliqui

notaret Apelles indignatus prospexit, denuitians illi ne furor ultra crepidam iudicaret. Quod & ipsum in prouerbum abiit. *Brufon. libro 1. cap. 10.*

Idem.

Alexander Ephefi suam ipsius imaginem, quam Apelles finxerat, contemplatus, non laudauit pro dignitate picturæ. Quum autem introductus equus hinniret equo picto, perinde atque vero: Atqui ô rex, inquit Apelles, hic equus in discernendis picturis longè te meliore iudicio præditus esse videtur. *Ælianus lib. 2. de Var. hist.*

Nicostratus.

Infrà de Oratione nimis elaborata.

Zeuxis.

Megabyzus quum aliquando picturas tenuiter & ruditer confectas laudibus extolleret: alias verò cum summa industria elaboratas reprehenderet: pueri Zeuxidis eum deridebant. Zeuxis itaque: Cum taces, inquit, Megabyze, nescio quid magni de te sibi pueri hi pollicentur, respiciunt enim ad vestem & cultum tuum. Simulac verò quid artificiosum vis dicere, te contemnunt. Parcior igitur & consideratior sis in laudandis compefcens linguam, neque cuiusquam, quæ nihil ad te attinent, opera vel artem collaudes. *Ælianus lib. 2. de Varia histo. Sed hoc ipsum. Bruf. li. 3. ca. 16. & Eras. lib. 6. apoph. Apelli ascribunt: Plinius autem pro Megabyze ponit Alexandrum magnum.*

Polycletus.

Polycletus insignis statuarius, eodem tempore duo simulachra fecit: alterum ad arbitrium plebis, alterum iuxta peritiæ artisque normam. Gratificatus verò plebi hoc modo

est. Ad singulorum accessum transposuit & commutauit aliquid, morē gerens vniuscuiusque voluntati & enarrationi. Itaque proposuit vtrunque. Et alterum quidem omnes admirationi, alterum ludibrio ac risui habuerunt. Respondens autem Polyclethus: At hoc, inquit, quod vituperatis & reprehenditis, à vestra arte profectum est: quod verò suspicitis, ego mea facultate sum fabricatus. *Ælia. lib. 14. de Var. hist.*

Anonymus.

Romæ in foro pendebat tabula quædam, habens imaginem pastoris vetulicum pedo: de hac Teutonum orator rogatus, quanti eam æstimeret? satis Germanicè respondit: Se nolle sibi dono dari talem viuum, aut verum. Non spectauit artificium pictoris, sed formam tantum, nec potuit etiam iudicare de re sibi ignota melius. *Eras. lib. 8. apoph.*

De iuramento vel iureiurando.

Thales.

Adultero sciscitanti, An abiuraturus esset adulterium: Non inquit, est periurium adulterio peius. Significare voluit vir sapientissimus, illum stultè dubitare de peierando, qui facinus periurio par non dubitasset committere. Eoque in atrocioribus sceleribus nihil ponderis habet iusiurandum. Quisquis enim audet dare venenum, audebit & cum periurio inficiari. *Thaletis dictum recitatur à Laertio lib. 1. cap. 1.*

Solon.

Tantā morum probitatem inesse hominibus oportere dicebat, vt non opus esset ligare iuramento. Maxi-

mus sermone 33.

Socrates.

Socrates bonos viros decere dicebat, vt eos mores ostenderent hominibus, qui essent iureiurando firmiter. *Antonius in Melissa par. 2. sermo 63.*

Cleanthes.

* Dicebat iurantem eo ipso quo iurat tempore verè iurare aut peierare, nam si ita iuret, tanquam facturus, quod iusiurandum attinet, verè sanctèque iurauit: sui proposito dissentiente, tanquam non facturus, peierauit. *Stob. ser. 28.*

Cleomenes.

Cum Argiuis septem dierum pactus inducias, cum obseruans deprehendisset illos tertia nocte indulgere somno, fiducia videlicet induciarum adortus est eos, & alios interfecit, alios abduxit captiuos. Cæterum quum illi probro daretur violata iuriurandi fides. De diebus, inquit, pactus sum, noctes non additæ sunt iureiurando. Quanquam & alioqui, quicquid mali quis fecerit hostibus, id & apud deos & apud homines habetur iustitia præstantius: verum huic magnificæ voci non respondit euentus. Nam & vrbe, cuius gratia violarat conuenta, frustratus est, eo quod mulieres detractis è templis deorum armis, illum vtræ sunt: perinde quasi diis ipsis, quos contempsit, pœnas de ipso sumentibus. Postremo versus in dementia, ipse sibi gladiolo quodam fodit & incidit corpus à talis vsque ad loca vitalia, itaque vitam finit, ridens ore diducto. In hoc apophthegmate nihil habes imitatu dignum, vtile tamen exemplum ad vitandam iuriurandi violationem. *Plut. in Lacon.*

Agessio

Agessilaus.

Barbaros, qui iurisiurandi religionem violassent, ita laudare ac probare solebat ut diceret eos nulla re magis deos sibi infestos reddere, quam si sacrosanctum iusiurandum temere violarent. *Ælian. libro 14. de Varia hist.*

Pericles.

Amico roganti, ut pro se falsum diceret testimonium, cui adiunctum erat iusiurandum, hoc est per iurium: respondit: Se quidem amicum esse, sed vsque ad aram. Sentiens, aliquotque gratificandum amicis, sed citra iuramenti violationem. *Plutarchus in apoph.*

Isocrates.

Iusiurandum oblatum duabus de causis fide firmandum esse suadebat. Vel ut ipsum turpi suspitione liberet, vel ut amicos ex magnis periculis eripias. Pecuniarum verò gratia, etsi iustam causam haberes non per deos iurandum dicebat. *Stob. sermone 25.*

Lycurgus.

Eatenus amicis & familiaribus auxiliandum esse dicebat, ut inter per iurium non admitteretur. *Idem.*

Lysander.

Dicere solebat, pueros tesseris, viros iuramentis oportere circumvenire. Quidam tamen hoc dictum Philippo Macedoni etiam ascribunt. Vter verò, dixerit, mea sententia longè à recto iustoque aberravit. Neque verò absurdum est, si dissentiam à Lysandro. Nam ille tyrannidem exercebat. Ego verò quo animo sum, ex eo manifestum est, quòd minime mihi hoc dictum probatur. *Ælianus libro 7. de Varia histor. Plutar. in Lacon.*

Anaximenes.

Alexander statuerat Lampisacum diruere. Ad id tendenti cum Anaximenes veniret obuiam extra muros, deprecaturus suæ ciuitatis perniciem, Alexander suspicans quid esset periturus: Iuro, inquit, me non facturum quod petet Anaximenes. Tū Anaximenes: Peto, inquit, ut Lampisacum diruas. Captus erat Alexander, & iureiurando compulsus est seruare quos demoliri statuerat. *Erasim. lib. 6 apoph.*

Populus Rom.

Populus Rom. Carbone pollicente quippiam, & addēte iusiurandum cum execratione: populus vicissim iuravit, se illi non credere. Probis viris & iniuratis habēda est fides: leuibus, ne iuratis quidem. Refertur ad id versus Menandricus.

τὸ πῶς ἐὰν ὁ ἀπειθῶν τὴν λέγοντα, καὶ λόγῳ,

Suadet loquentis vita non oratio.

Erasim. lib. 6. apoph.

De iurisprudētia.

Ser. Scæuola.

Serbidius Scæuola, vir tū iurisprudētia tū M. Antonini imperatoris amicitia celebris, dicere solitus est: Ius ciuile vigilatibus scriptum esse, non dormitantibus. Sentiens, Iurisprudētia non sine summo studio percipi: quemadmodum Aristoteles sic edidit libros Naturalium ut non essent editi, nisi viuæ vox doctoris accederet. Refertur libro Pandectarum 42. tituli. Quæ in fraudem credi l. Pupillus. Verum ex Scæuola merito requiritur studium ac vigilantiam à iurisprudētiæ candidatis: ita nemo non improbat sententiam Iodoci, qui Me-

Aa iij

chliniensis senatui præcedit. Nusquā enim non magna contentioneuebatur: neminem posse, vel vnus legis intelligentiam consequi, qui quicquam sciret in bonis literis. Et cum in conuiuio quodam mecum disputans incaluisse, addebat, vix esse treis in orbe, qui leges Cæsareas intelligerent. Aderat huic conuiuio Ioannes Syluagius, Caroli tum regis cancellarius, Georgius ab Halonio, Blasius iureconsultus, & alij nonnulli. Fatebatur tamen, Bartolum leges ad plenum intellexisse, cum constet, illum tot loci hallucinatum esse. Eras. Rot. l. 8. apoph.

Vide apoph. de legibus.

De iustitia.

Thales.

THales Milesius interrogatus, Quo pacto quis optimè iustificimèque viueret? Si, inquit, quæ in alijs reprehendit, ea ne faciat ipse. In alienis enim erratis perspicaces sumus, ad sua quisque lusciosus est. Laërtius li. i. c. ii.

Pythagoras.

*Dicebat peregrinum virum iustum non modo ciues sed etiam consanguineo maioris esse faciendum. Stob. ser. 9.

Bias.

Damnaturus quempiam ad mortem, lachrymatus est miseriam hominis, & meritò deplorandam fortunam. Verùm cum dixisset quidam, Quid est quod desistas, cum in tuo sit arbitrio, condemnare aut liberare hominem? respondit Bias: Necessarium quidem esse, naturæ condolore: à lege autem & iustitiæ regula discedere, magis pernicio-

sum est. Stobæus sermone 44.

Zeno.

Cum ex eo quidam familiarium quærerent, qua possent ratione iustitiam colere, nihil que iniuriæ facere? Si semper, inquit, me vobis adesse existimabitis. Max. ser.

Antisthenes.

Negabat sapientem virum obstrictum esse legibus ab hominibus promulgatis: intellexit vir prudentissimus, sapientem obligatum esse virtuti, iuxta cuius normam vitam instituit. Leges enim non omnia præscribunt, sed ipsa ratio docet quid turpe quidque honestum, & virtutis regula vbique ostendit, quid viris bonis agendum sit, Laër. l. 6.

Idem.

Frequenter dicere solebat virum iustum pluris faciendum, quàm conatum. Arctiora enim sunt vincula virtutis, quàm sanguinis. Et omnis bonus bono proximo cognatus est, propter animorum similitudinem. Laër. l. 6. c. i.

Idem.

Aiebat, homines virtute præditos sibi parare defensores non fortes tantum, sed etiam æquos & iustos. Nollunt enim defendi, si contra iustitiæ leges aliquid admittant. Eras. Rot. li. 7. apoph.

Democritus.

*Bonum est (dicebat) non iniuriā non facere, sed non velle quidem. Stob. ser. 9.

Aristides.

Quendam reum egerat, at cum iudices post Aristidis accusationem nollent audire reum, sed protinus ad suffragia, quibus eum damnaturi erant, properarent; Aristides supplex pro reo intercessit apud iudices, vt eum iuxta legum præscripta dili-

diligenter audirent. Tanta erat in viro legum æquique obseruātia. Plut. in vita Aristidis.

Idem.

Interrogatus, quid iustum esset? Aliena non concupiscere, respondit. Stob. ser. 9. Phauorinus 14.

Idem.

Cum Athenienses eò deuenissent, ut Aristidē ostracisino (id erat damnationis genus, quod testulis peragebatur) in exilium agerent, ac rusticus quidam illiteratus testulam ad eum deferens iussisset, ut Aristidis nomē inscriberet? Nostine, inquit Aristides, Aristidem? Cum ille negasset se nosse, molestè tamen ferret, quòd iustus cognomine diceretur: filium Aristides, & nomen suum inscripsit testulæ, ac reddidit. Tam leni animo ferebat iniustam damnationem. Grauißimum autem vitæ innocenter ætæ testimonium est, è tanta multitudine neminem extirxisse, qui aliquid obliiceret, quàm Iusti cognomen, quod ipse tamen sibi non imposuerat. Plutar. in Aristide.

Pericles.

Ab amico rogatus, ut pro re causæque eius falsum peieraret: respondit, Oportet me amicis accommodare, sed vsque ad aras. Gell. li. 1. ca. 3. Plut & Eras. in prouerbio, Vsque ad aras amicus.

Plato.

Eam scientiam quæ à iustitia remotior est, calliditatem, potius quàm sapientiam appellandam, dicere solebat. Cicero lib. 1. Officiorum. Stob. ferm. 9.

Philemon.

Eum virum iustum esse pronuntiabat, non qui iniurius non esset, sed qui cum esse possit, ne sit cauet: neque qui parua non accipit, sed

qui magnis cum potest, abstinere: neque qui omnia hæc seruauerit, sed qui incorrupta legitimæque natura iustus esse mauult, quàm videri. Phauorinus.

Phocion.

Ab Antipatro rogatus, ut nescio quid iniusti faceret: Non potes, inquit, simul me amico & adulatore uti, Amicus enim eo vsque obsecundat amico, quousque iustitia & aequitas patitur. Plut. in apoph.

Demosthenes.

Eos homines in primis laude dignos pronuntiauit, qui nullam anteponerent iustitiæ utilitatem. Pecunias enim quisque possidere potest, ac iustitiæ gloria pecuniis non emittitur. Phauorinus. Verum Stobæus id Isocrati ascribit.

Isaon Thess.

Celebratur Isaonis Thessali dictū, quo se purgare solebat iis quib. molestiam aut vim attulisset: Qui magnis in rebus se iustitiæ cultorem haberi velit, eum in paruis interdum illam violare oportet. Velut in bello, quo tuta sit respublica, agri aut ædificia quorundam ciuium interdum perduntur. Eras. l. 1. apoph.

Agis.

Suprà tit. de Conscientia bona.

Acrotatus.

Parentibus postulantibus ut sibi in re quapiā iniusta adesset, recusauit illis aliquandiu. Ceterum cum instarent, hunc in modum respondit: Donec essem apud vos, nullam omnino tenebam iustitiæ sciētiā: verum vbi me patriæ tradidistis, patriæq; legibus, insuper & iustitiam & honestatem pro viribus docuistis, conabor huic magis obtemperare quàm vobis. Et quandoquidem hæc est vestra volūtas, ut quæ sunt optima faciam:

optima verò sunt, quæ iusta sunt, cum homini priuato, tum præcipue principatum gerenti: quæ vultis faciam quæ dicitis negabo. Plutarch. in Lacon.

Agis.

Quibusdā Eleos hoc homine prædicantibus, quòd in certaminibus Olympiacis essent iusti iudices: Quid, inquit Agis, magni mirive faciunt, si intra quinque annos vno tantū die se iustos præstant? Pergentibus autem laudare qui cœperant: quali verò, inquit, mirum sit si re pulchra, nimium iustitia pulchrè vtuntur. Non putabat vir sapientissimus, in eum competere iustitiæ laudem, nisi qui per omnem vitam in omnibus actionibus iustitiam coleret, nam ludī Olympiaci semel tantū intra quinquennium celebrabantur. Plutarch. in Lacon.

Agésilas.

Sciscitatus, Vira virtus esset præstantior, fortitudo an iustitia? grauius respondit: Fortitudinis nullum esse vsum, nisi addit iustitia. Quòd si omnes essent iusti, nihil opus fore fortitudine. Quo responso nihil præter æquum, faciendum vbiq; putauit? Plutarch. in Lacon. apoph. Stob. serm. 7.

Idem.

Cum cæteris in rebus esset rigidior, & exactè iusti legūque tenax: tamen in amicorum negotiis existimabat, inhumanitatis ac sæuitiæ prætextum esse, nimium aduersus illos esse iustum. Huius rei testis est epitola quædam perbreuis, quæ fertur ad Hidiræum Carem scripta, qua quidam amico veniam deprecatur in hunc modum: Nicias si nihil peccat, dimitte hominem: si peccat, mihi dimitte, sed omnino dimitte. Innocen-

tem punire, scelus est: culpam interdū condonare in gratiam honesti de precatoris, humanitas est. Cum enim iustitiā semper oporteat esse clementiam temperatā quoties nacta est gratiam interpellatorē, & minus habet inuidiæ, & plus impetrat gratiæ. In plerisque igitur amicorum negotiis ad eū modum se gerebat Agésilas: interdum tamen magis sequebatur reipub. vtilitatem per occasionē oblatam, quā indulgebat amicitia. Plut. in Lacon. apoph.

Idem.

Cum adortus quidam eum esset, qui cupiebat vt suis eum literis apud Asiaticos commendaret, respondit: Nō opus est vt à me literas accipias, quoniā hospites quæ iusta sunt sponte faciunt in Asia. Ibidem.

Idem.

Cum à quodam diceretur, Decet reges præitare, quicquid capite annuerint: Nihilo magis, inquit, quā eos qui reges adeunt, decet ea petere & loqui quæ iusta sunt. Plutarch. in Lacon. apoph.

Idem.

Cum vrgeretur improbè à quodā, vt promissum præstaret, atque idem crebrò repeteretur, quasi fas nō esset negare: Rectè sanè, inquit. Si quidem iustum est, faciam: sin minus, nequaquam faciam, non enim promisi, sed dixi. Plut. in Lacon.

Callistratus.

A Lyfandri amicis sollicitatus, vt vnum quandam ex inimicorum numero permetteret ipsis interimere, & acciperet talenta quinquaginta. Tamen pecunia egeret, vt solueret nautis promissum stipendium: non tamen hoc fieri concessit, cum videret cōtra omnē hoc esse iustitiam. At cum Cleander regius consiliarius dixeret,

xisset. Ego profectò hoc accepiſſe, ſi fuiſſem Callicratidas: Et ego, inquit Callicratidas accepiſſem, ſi fuiſſem Cleander. Idem.

Leo Eurycratidis F.

Cuidā percontanti, in qua demum ciuitate tutò viuere poſſet? In ea, ait, quam qui incolunt, neque plus poſſident, neque minus: & ubi iuſtitia viget. Grauius admonuit, eam ciuitatem tutò habitari poſſe, in qua iuſtitia cura habetur. Plut. in Lacon.

Idem.

Cū videret in Olympiis curſores ſolicitos de emiſſione, vt aliquid lucri haberet ad occupandā victoriā: Quanta maior eſt, inquit, cura curſoribus de celeritate, quā de iuſtitia? Vir integræ mētis etiam in ludis volebat haberi rationē iuſtitia, nec tantū agendū vt prior quis ad metam pertingeret, ſed vt iuſte vinceret. Ib.

Leonidas.

Xerxes Leonidæ ſcripſerat: ſi deſinas cum diis bellare, & meis te copiis adiunxeris, potes fieri Græciæ monarchia. Huic ita reſpondit Leonides: Si noſſes quæ in vita mortaliū eſſent iuſta & honeſta, abſtinuiſſes iamdiu à concupiſcendis rebus alienis. Ego malim potius pro Græcia mori: quam contra iuſtitia leges in populares meoſtenere monarchiā. Plutarch. in Lacon.

Ageſipolis.

Quum quidam Ageſipoli dixiſſet, ipſum, licet rex eſſet, cum æqualibus fuiſſe obſidem, non liberos aut vxores eorū: velut hoc eſſet regi decoroſum, dari in manus ac ius aliorum. quum alij reges ſoleant vxorem ac liberos pro ſe dare obſides? Et quidem iure, inquit, optimo: par eſt enim, vt nos noſtra ipſorum feramus errata. Subindicans, ſi quid cala-

mitatis accidit in bello, aut in Republica, regum vitio accidere: eòq. iuſtum eſſe, vt hi potiſſimū puniantur, per quos venit calamitas. Ceterum, morem iniquum eſſe, quo receptum eſt, vt coniuges ac liberi qui nihil commuerint, dedantur obſides. Idem.

Cleon.

Postquam reipub. adminiſtrationē capeſſere deſtinaiſſet, teſtatus eſt, ſe iā omniū amicitiarum vincula velle ſoluere, quod amici plerunque obſtant ne liceat vbique rectum tenere clauum. Eraſt. l. 6. apoph. ex Plut.

Anaxandridas.

Cuidam ab ipſo ſeiſcitanti, cur ſeniores in Lacedæmoniorum republ. plures dies ſumerent ad cognoscendū in cauſis capitalibus: & ſi quis fuerit abſolutus nihilominus obnoxius ſit legi? Ideo, inquit, hoc faciunt, quoniam ſi in capitis diſcrimine fortè errauerint, non eſt corrigendi conſilij poteſtas, oportet autem à cauſa liberatum, obnoxium manere legibus: quod fieri poteſt, vt ſecundū eandē legem liceat aliquid rectius de reo ſtatueri, vt vbique in ſuo vigore maneat iuſtitia. Plut. in Lacon.

Artaxerxes.

Cū Satibarzanes Artaxerxis regis cubicularius, quiddam minus iuſtum à rege peteret, ſentirétque illū Artaxerxes hoc facere ſolicitatum triginta Daricorum millibus, quaſtori ærarij ſui mandauit, vt Daricorum triginta millia ad ſe deferret, & allata ea dedit Satibarzani, dicens: Accipe, nam hæc tibi cum dederò, non ero pauperior: iniuſtior autem futurus, ſi illa quæ petebas, nunc dediſſem. Cōmentus eſt rex egregius, vt nec amicum contriſtaret, nec à iuſtitia deſlecteret. Plut. in apoph.

Antigonus.

Infrà de Regno & regibus.

Q. Scauola.

Quum postulasset vt fundus, cuius emptor erat, sibi semel adiudicaretur, idque fecisset venditor, dixit se pluris æstimare, & adiecit pretio centum millia. Exemplum integritatis, vix hoc seculo credibile. Erasmi. lib. 6. apoph.

M. Cato.

Magistratum iudicem dicebat nec pro iustis orandum, nec pro iniustis exorandum. Sensit, culpam esse iudicum si vt iustis æqui sint, orandi sunt, quum oporteat vltro fauere bonis. Pro iniustis orare, fortassis humanitatis est: at exorari, est à iustitia deflētus. Plut. in Rom. apoph.

Idem.

Cum partes in conuiujs fortirentur, nec illi fauisset fors, amicis hortantibus vt primus omnium caperet: Non decet, inquit, inuita Venere. Tā natura iustus erat, vt contra sortem amicorum fauore noluerit vti. Plut. in eius vita.

P. Rutilius.

P. Rutilius amico cuidam rem iniustam petenti, pernegabat, quumq. is commotus per summam indignationem diceret: Quid ergo mihi opus est tua amicitia, si quæ abs te rogo, non facis? Imo, inquit Rutilius, quid mihi opus est tua amicitia, si me vrgere cupis, vt in iustitiæ leges tua causa peccem? Erasmi. Rot. lib. 8. apophth.

Pompeius.

Phraati Parthorū regi qui legatos postulanti, vt Euphratē, Romanæ ditionis terminum esse veller: Imò, inquit, illud magis postulandum est, vt Romanorū fines à Parthorum regno iustitia dirimat. Plut. in Rom. apoph.

Idem.

Quum composito Siciliae tumultu ac ciuitatibus quæ defecerant placidè receptis, soli Mamertini postularent audiri, recitantes leges quasdam ipsis olim à Romanis concessas: Non desinetis, inquit, nobis accincti gladij recitare leges? Significans iure agere volentibus non opus esse armis. Plutarch.

Liberius epis. opus.

Respondit Constantio imperatori, suadenti vt subscriberet in excommunicationem Athanasij: O Imperator, iudicia ecclesiastica decet cum maxima proferri iustitia. Tripart. hist. l. 5. c. 17.

Traianus.

Traianus imperator iustitiam & æquitatē in principe plurimum commendare solebat qui his potissimum virtutibus principes cæteros homines excellere debere dictitabat, quorum & ipse dum Rom. gubernaret imperium, studiosus adeo fuisse fertur, vt aliquādoensem strictum præfecto vrbi in conspectu omnium dedisset atque dixerit: Cape ferrū hoc, & siquidem rectē imperium gesserō, pro me: sin aliter, contra me hoc vtere. Nicepho. Callist. lib. 3. Ecclesiast. hist. cap. 23.

Hadrianus.

Cum in spectaculo populus clamore flagitaret, vt aurigam qui placuerat, liberum esse iuberet: per tabellam respōdit, iniquum esse quod peterent, & contra leges iustitiæ. Si enim seruum alienum libertate donaret, fieret iniuria domino. Ex Dione Cassio, & Spartiano.

Fridericus imperator.

Cum Ladislaum Hungariæ ac Bohemiæ regem educaret, nō defuerūt qui perdendum suaderent puerum, cuius

culus vita ingentes molestias Cæsari.
mors regna & opes maximas allatu-
ra esset. Ad quos ille: Ergo me, in-
quit, opulentum magis regem, quàm
pium, quàm iustum cupitis. At ego
iustitiam bonumque nomen diuitiis
cunctisque rebus antepono. Æneas
Syl. libr. 3. commentario. in res gestas
Alphonfi.

Rodolphus.

Ad Rodolphum imperatorem cum
quidam venisset, qui Othaccarum Bo-
hemie regem, atrocem hostem, in ve-
natione se occisurum promitteret,
si facto præmium esset: Rodolphus,
Etsi noster hostis est Othaccarus, in-
quit, non tamé id efficiet, ut iustitiæ
& moderationis fines transeamus.
Æneas Syluius libr. 3. Commentario-
rum de reb. gest. Alphonfi.

Ioannes imper.

Inter Ioannem Caroli quarti eius
nominis patrem, & Henricum Carin-
thiæ ducem, de regno Bohemie lon-
ga & difficilis fuit contentio. Verum
cum quidam ad Ioannem veniens, ve-
neno se hostem occisurum promit-
teret, si præmium speraret: Ioannes
iustitiæ & integritatis amator, Si me
nescio Henricum, inquit, interemis-
ses, & ad me fugam adornasses, erax
tibi præmium futurum erat, qui te
regio sanguine commaculasses: & tu
me modò authorem tanti sceleris
petis? Idem.

Alphonfus.

Alphonfus Aragonum rex, eos
principes qui iustitiam non colerent,
persimiles sibi videri dicebat iis, qui
morbo caderent comitiali. Nam cum
animæ materia sit sola iustitia, qua
tenditur ad vitam: qui restat princi-
pibus, sublata iustitia, quæ est vitæ
quasi nutrimentum & cibus? Anto.
Panorm. de rebus gestis Alphonfi, &

Æneas Syluius de eius dictis.

Idem.

Cum Stephanus eques Neapolita-
nus poculo amatorio insanisset, tene-
retque oppida & nonnulla regia of-
ficia ab Alphonso Aragonum rege
tradita, fuerunt qui ab Alphonso il-
la bona postularent: absurdum esse
dicentes, a deméte huiusmodi bona
possideri. Quibus rex respondit, Sibi
inhumanissimum videri, iis se etiam
substantiâ auferre, quibus fors men-
tem & cerebrum abstulisset. Innuit
autem calamitatem non esse adiun-
gendam calamitati. Idem lib. 4.

De iuuenib. & iuuentute.

Democritus.

* Robur & pulchritudinem iuuen-
tutis bonum esse, ut senectutē
prudentiæ florem esse dicebat. Man-
serm. de senect. & iuuentute.

Simonides.

* Dicebat hominem, quandiu viu-
it iuuenis & vegetus, animo leui esse
præditum, multa irrita cogitare, ne-
que senectutem sibi affuturam, neque
mortem expectare, indulgere otio,
nec intelligere quàm breue sit iuue-
tutis ac vitæ tempus datum homini-
bus. Stob. ser. 96. ut paucis omnia, iu-
uenis ab Horatio descriptus est, Ia-
uidus, iracundus, iners, vinosus, a-
mator.

Eratosthenes.

* Iuuentutem veri comparabat, de
elimantem ætati & autumno, senec-
tam hyemi Stob. ser. 115.

Lucius philosophus.

* Iuueni multa eximia dona tum
in anima tum in corpore Deum con-
tulisse dicebat, quæ semper augerentur,
nempe magnitudinem, robur, for-

nam, gratiam refulgentem, metem confirmatam, prudentiam & orationem animi bonorum nunciam. Multa ex artibus & scientiis lucratur. Quod si infortunium aliquod ei inferat morbus, aut paupertas, aut ignominia, singula perferre potest: & tanquam bonus athleta quemvis casum superat. Stob. eod. ser.

Solon.

* Lege sanxit, ne quis admodum iuuenis ad magistratum aut consultationes admitteretur, quamvis prudentissimus esset visus. Stob. ser. 112.

Plutarchus.

* Iuuenes hortabatur, ut hæc tria habere curarent: in animo temperantiam, in lingua silentium, in ore pudorem. Anton. ser. de iuuenib. virtute præditus.

Idem.

* Decet iuuenes (inquit) æmulari seniores, ut lactens pullus equæ cursum comitatur, & ut Plato dicebat de mero aquæ miscendo, furentem à sobrio temperari. Stob. ser. 112.

Aristoteles.

* Laudabiliorem & magis necessariam temperantiam in iuuenibus quam senibus esse dicebat. Nam iuuenes plus quam senes cupiditatibus tentantur. libr. 3. Topicorum: & libr. 3. Ethicorum.

Athenienses.

Scitu dignissimum est iuramentum quod Ephebi Atheniensi reipublicæ præstare solebant. His verbis autem fuit conceptum. Non ignominia afficiam arma sacra, neque deferam meum commilitonem, quo cum iunctus fuero. Dimicabo pro aris & focis, & solus & cum multis. Patriam non derelinquam in deteriori statu, sed ampliori meliorisque quam acceperim. Semper magistratui præfecto

prudenter obediām, & legibus constitutis parebo, atque aliis quibuscumque plebiscitis. Quod si quis leges vel irritas facere, vel eis non obtemperare velit, non concedam: sed vlciscar & solus & cum pluribus. Sacra quoque patria colam. Horum dii mihi testes, & conscij sunt. Stob. serm. 41. de Republ.



DE LABORE.

DEMOCRITVS.

DICEBAT, omnes labores otio iucundiores esse, quando illa consequitur homines quorum gratia laborant, aut consecuturos se sciunt. Frustrationi verò, cum spei non respondet euentus, vnum est remedium, si omnia reliqua similiter ærumnosa sint, & laboriosa. Stob. ser. 29.

Idem.

* Voluntarios labores in voluntariorum patientiam leuiorem efficere, & laborem continuum consuetudine fieri seipso leuiorem dicebat. Stob. ser. eod.

Idem.

Idem cum interrogaretur à quodā, quomodo laboriosi ac industrii differrent à desidiosis: Quo, inquit, impij à piis: spe nimirum bona. Sperant quippe, qui corpus laboribus exercent, pingua laborum præmia, desidies autem semper presentem in tumentur paupertatem. Max. ser. 32.

Idem.

Adolescentem conspicatus industriū, optimum, inquit, senectuti condidit obsonium. Sensit fructum laborum senectutis esse falcimentum & obso-

obsonium: quo si destituantur homines. quis negarit miseras senum esse conditiones? Max. ser. 32.

Pythagoras.

*Familiares suos hortabatur, ut optimum viuendi genus sibi deligerent, quamuis enim laboriosissimum esset, consuetudine tamen fore iucundum. Stob. ser. 30.

Cleantes.

Suam vitam diuitum vitæ solebat hoc nomine præferre: Du illi, inquit, pila ludunt, ego fodiens dura humum exerceo. Sensit vir sapiētissimus, hominem nō ad otium & desidiam, sed ad laborem a Deo conditū esse. Laert. lib. 7. cap. 11.

Idem.

Cum audisset à Lacone quodā probari laborē, delectatus eo dicto, subiecit hemistichium Homericum.

Αἰσῆτος ἔσ' ἀποδῶντα φίλον τέκος. id est, *Sanguine præclaro factus es, carissime fili.* Laert. l. 7. c. 11.

Diogenes.

Cum Philippus Alexandri Magni pater expeditionē & bellum in Corinthum apparare diceretur, Corinthij trepidi, rerūque suarum satagentes, ad opera certatim incumbere coeperunt, hic arma sibi comparabat, ille lapides congerebat, alius muros in altitudinem substruebat, nonnulli propugnacula firmabant, alij aliud agebant quod ad munitiones pertineret. Eorum itaque studium Diogenes cum cerneret, nihil habēs aliud commodius quod ageret, exemplo philosophico pallio succinctus dolium suum subuoluere & hinc inde vertere cœpit. Admirante autem quodam eius amico, ac percunctante cur hoc ageret? respondit Diogenes, Ideo volo, ne vnus inter tot aperi intentissimos, cessator esse vi-

dear. Guido Bitur. tit. de Desidia.

Idem.

*Nullum bonum dicebat esse laborem, cuius finis non esset magnanimitas, & intentio firmitasque animæ, non autem corporis. Stob. ser. 7.

Idem.

Cuidam admonenti, ut iam senex quiesceret a laboribus. Quid, inquit, si in stadio currere, vtrum oporteret iam metę vicinum, cursum remittere, an magis intendere? Rectē sensit, virtutis studium hoc magis intendendum, quo minus superest vitæ: quod turpe sit, tum ab honesto instituto refrigescere. Laert. li. 6.

Socrates.

Cuidam cupienti quidem ire ad Olympiam, sed itineris labore deserrito: Cum, inquit, domi sæpenuerō totum prope diem ambules, ante prandium, rursus ante cœnam, si domesticas ambulationes proferas ad quinque sexve dies, facile peruenies Olympiam. Docuit vir ingeniosus, id quod terret in adeundis laborib. imaginationem esse potius, quam ipsum laborem. Si quid honestæ rei gratia periculi, dispendij, aut laboris suscipiendum est, excusamus, detrectamus, horremus: cum frequenter vitio in rebus nihili (non enim dicā turpibus) plus impendamus. Ita quidam inuitati ad studia literarum, excusant valetudinem, insomniam, impendia librorum: cum interim totam noctem ludant alea, potatione contrahant febrim, podagram, hydropem & lippitudinem, scortatione paralyim, aut scabiem nouam, quam Gallicam appellant. Eras. Rot. l. 3. apoph.

Idem.

*Tantum laboris quantum animus libenter suscipit exequendum esse

dicebat Xen. libro. 1. de dict. & factis eiusd.

Idem.

Asserebat, operari esse utile ac bonum homini : otium verò esse damnosum ac malum. Xenoph. & Stob. ferm. 27.

Idem.

Præterea boni quippiā facientes, operari dicebat, & opifices bonos esse : aleatores autē aliūdve quippiam prauum & noxium agentes, otiosos nominabat. Xenophon, & Stobæus ferm. 27.

Idem.

* Dicebat quem admodum nec mulier sine viro, sic nec bona spes absque labore quicquam parit. Stobæus ferm. 108.

Pythagoras.

Familiares suos hortabatur, vt optimum viuendi genus sibi deligerent: Quāuis enim laboriosissimum esset, consuetudine tamen iucundum fore Stob. ser. 27.

Aristoteles.

Frequenter dicere solebat, artium radices satis quidem esse amaras, sed dulcissimum adferre fructum. Sensit vir sapientissimus, nihil absque duro labore ab homine parari posse, attamen postquam requies sequitur, homo multis refocillatur bonis. Dictū philosophi extat apud Laërt. libr. 5. cap. 5.

Ptolemæus sophista.

Heracles scripserat libellum, cui titulum indiderat πόνυ εὐκλείμων, id est laboris laudatio. Eum cum Ptolemæus sophista fortē obuius, videret habētē præ manibus rogabat, quid moliretur? Cum ille respondisset πόνυ εὐκλείμων: Ptolemæus accepto co dice, deleuit, & adiecit, Tempus est vt legas titulum encomij, reperit-

que scriptum πόνυ εὐκλείμων, Ptolemæus huc alludit, quod si labor meretur laudem eadem opera laudandus esset asinus, animal labori natum. Philost. in sophist.

Dion sophista.

* Animi & corporis remissiones ad nouos labores nos preparare dicebat: & vt arcus & lyra, sic homines quiete vigere. Stob. ser. 60.

Lacones.

Apud Lacones prouerbio celebratum est, Admota manu fortunam esse inuocandam, que significabant, sic esse inuocandos deos, vt simul & manum apponamus & nostram addamus operam, alioqui frustrari inuocari. Vanum est, numini acceptum ferri oportere, si quid in actionibus hominum prosperè cedit, sed non fauet numen otiosis ac pigris. Vult suam munera ad nos per nostram venire industriam, ne stultum videatur, si faueat ipsius dona contemnentibus. Plut. in Lacon.

Anonymus.

Dionysius emptum Spartanum cum parare iussit Laconicum iusculum, paratum autem non comedit: sed interrogauit, quidnam eius delectaret Lacones, cum insuauissimum esset? Tum cocus, hoc iusculum non habere cōdimenta illa dicebat, quod Laconicum habet. Interrogauit Dionysius, quænam essent illa? respondit cocus: Huiusmodi condimenta apud nos sunt ante cibum, nempe labores, sudores & balneum in Eurota flu mine. Stob. ser. 27.

Apelles.

Apelles nunquam tam occupatus fuit, vt diem prætermitteret, in quo nihil omnino pingeret, artem exercens. Vnde subducēs sese à negotiis, diceret solebat, Hodie nullā lineam duxi.

dux. Quæ vox abiit in prouerbium, de quouis officio prætermisso. Plin. lib. 10. cap. 35.

Musonius.

* Ducis bellici & priuati hominis corpora dicebat iisdem laboribus non semel affici. Honos enim, inquit labores duci leuiiores efficit, præsertim quod intelligit in hominum esse oculis quicquid exequitur. Stob. serm. 46.

C. Furius.

Suprà de Inuidia, quæ felicitatis & virtutis comes est.

Pompeius.

Lucius Lucullus cum post obita militiæ munia, otio se & voluptatibus dedisset, ac Pompeium, quod multis se implicaret negotiis, reprehenderet: Magis, inquit Pompeius, præter ætatem est senem deliciis vacare, & otio, quam imperium gerere. Grauius taxans illorum sententiam, qui putant senibus nihil agendum: quum decorum sit, Rempubl. gubernantem: vel stantem mori. Otium enim, vt in iuuenibus stultitia est: ita profectò in senibus crimen. Plut. in apoph.

Papyrius.

A Papyrio Cursore, viro impigro, equites ausi sunt petere, vt pro re bene gesta relaxaret aliquid laboris. Quibus ille: Ne nihil, inquit, remissum dicatis, remitto, ne vtrique dorsum demulceatis, quum ex equis descenderitis. Hoc non erat remittere laborem, sed equo curando aliquid adimere. Nisi fortè sensit, quosdam milites delicatiores, post equitandi laborem iubere solitos sibi defricari tergum. Hoc operæ Papyrius suis remisit, Eras. lib. 6. apoph.

Seuerus imp.

Seuerus imp. symbolum tribuno dari iussit. Laboremus. Pertinax ad imperium ascitus dederat, Militemus. Illi placuit belli omen, huic pacis. Sublato namque bello, reditur ad agricolationem & opificia. Otium in pace delicias alit, & omne flagitiorum genus. Ælius Spart.

Vespasianus.

Vespasianus quum vehementer augetur vitiatis intestinis nihilo secius imperatoris muneribus fungebatur, adeò vt lecto decumbens audiret legationes & amicis hortantibus vt sibi parceret, respondit, Imperatorem stantem mori oportere. Sueton.

Hadrianus.

Florus hos versiculos scripserat in Cæsarem Hadrianum,

*Ego nolo Cæsar esse,
Ambulare per Britannias,
Scythicas pati pruinas.*

Cui Cæsar respondit,

*Ego nolo Florus esse,
Ambulare per tabernas,
Latitare per popinas,
Culices pati rotundos.*

Sentiens, se honestas occupationes præferri inuiti turpique otio. Suetonius in vita Hadriani.

Probus imp.

Non patiebatur militem esse otiosum sed multa opera militari manu perfecit, dicens, Annonam gratuitam militem comedere non debere, Flauius Vopiscus.

Maximianus.

Suprà tit. de Industria.

Alphonsus.

Cum reprehenderetur à Matheo Siculo, eximia sanctitatis viro, quod propriis manibus laborasset: Sub-

ridens Nunquid, inquit, Deus & natura nequicquam regibus manus dederunt? Panormit. libr. 2. de reb. gest. Alphonfi.

Idem.

Senex quidam multo vino repletus, cum suam apud Alphonsum ebrietatem excusare conaretur dicendo: lac fenum esse vinum, respondit, Sed regū cibus est honos, quem dij immortales non otio aut luxu, sed improbis laboribus, multisque sudoribus hominibus vendunt. Pan. lib. de reb. gest. Alphonfi.

Dorotheus monachus.

Quotidie lapides ad mare colligebat, annuatimque fabricabat hospitium pro ægrotis. Huic laboranti quidam dixit: Cur ita conficis corpus tuum? cui ille: Quia me, inquit, illud occidit. Sozomenus in Tripartita histor. lib. 8. cap. 1.

Vide apoph. de Assiduitate.

De lasciuiā.

Pericles.

Postquam cum Sophocle poeta nauigasset, ac Sophocles conspecto formoso puero dixisset, En quā speciosus puer! Decet, inquit, ō Sophocles prætorem non tantum manus, sed linguam etiam habere continentem. Sensit vir prudentissimus, non turpe tantum esse, si reipsa ab omni lasciuiā facti abstinemus, verum etiam si impudicē & lasciue de rebus loquamur. Plut.

Hieron.

Epicharmo comico poetæ, quod præsentē ipsius vxore dixisset quiddam inhonestum, malētā dixit. Epicharmus Siculus erat, iuxta regionis naturam plurimi iocn. At rex

tantum iudicauit esse tribuendum reuerentiæ coniugio, vt crimen extimaret, audiētē vxore iocari lasciuius Plut. in apoph.

Vide apoph. de Impudicitia, Libidine & Impudentia.

De Latrocinio.

Probus imp.

Quum multa barbarorum loca purgasset Latrocinii, vbi peruenisset ad Isauros, dixit, ab illis locis facilius arceri latrocinia, quā tolli. Sentiens, esse dandam operam, ne latronibus illuc esset aditus, ne iuuenes latrocinari discerent. Itaque loca omnia quæ angustum haberent aditum, veteranis concessit: addens, vt eorum filij ab anno decimo octauo ad militiam mitterentur, ne antequam latrocinari discerent, quā militare. Hoc tum rectē Probus, quum multum interesset inter militiam & latrocinium: nunc friuolum est, Vopiscus.

De laude, virtutis stimulo.

Anaximenes.

Dicebat, si ij qui bono zelo ducti, bene rectēq; hominum facta nulla omnino laude digna putāt, quem quæso fructum & vtilitatem ipsi ex suis egregiē factis sperare audebunt? Stob.

Democritus.

* Rectē facta collaudare, honestum esse dicebat: mala verō laudibus vehere adulterini ac impostoris animi esse indicium. Stob. ser. 14.

Licurgus.

Fortē obuius Xenocrati, quā Telone

Telone obtorto collo pertrahebatur in merocium, quo in loco carcer erat Athenis, fustem iniecit in caput Telone, ac Xenocratem quidem liberavit, Telonem vero, tanquam indigna patrantem, in carcerem coniecit. Id Lycurgi factum ab omnibus collaudabatur. Itaque post aliquot dies Xenocrates factus obuiam Lycurgi liberis: Citò, inquit, ô puer, retuli gratiam patri tuo, qui vulgò laudatur, quòd in re difficili tulerit auxilium. Sentiens laudem esse præmium rectè factorum. Fuste enim illi patrocinator est, non oratione. Nimirum hoc est, *ἄνθρωπος οὐκ ἔστιν ἄνθρωπος*. Erasim. 2. apoph.

Socrates.

*Thus diis, inquebat, Laus verò bonis viris tribuenda est. Item: Defendendi sunt, qui immerentes accusantur iniuriarum: laude ornandi, qui ob bonum aliquid cæteris præstant excelluntque. Stob. serm. 1.

Anaxandridas.

Quidam quum dixisset, gloriam ac celebre nomen nocere, eoque felicem esse qui illud effugerit: Ergo (inquit Anaxandridas) si vera loqueris, qui nefaria perpetrant, felices erunt. Nam qui fieri potest, vt qui sacrilegium committit, aut aliud iniustum facinus perpetrat gloriæ curam habeat? Notauit eos, qui sic contemnunt laudem, vt interim per ignauiam nihil gerant laudabile: quum eximiam virtutem honesta fama comiteretur vltro ac generosis animis amor laudum veluti stimulus ad præclara facinora sit innatus. Plut.

Pescennius Niger.

Cum Pescennio Nigro imperatori creato, quidam panegyricum recitare vellet, Imperator dixisse fer-

tur, Scribe laudes Marij, vel Hannibalis, vel alicuius ducis optimi vita functi, & dic quid ille fecerit, vt cum nos imitemur. Nam viuentes laudare irrisio est: maximè Imperatores: à quibus speratur, qui timentur, qui præstare publicè possunt qui possunt necare, qui proscribere: se autem viuum placere velle, mortuum etiam laudari. *Æli. Spart.*

Anonymus.

Dignus erat nominari, qui de quodam illaudato veluti laudans dixit: Quid huic abest, nisi res & virtus? Similis iocus hodie apud Gallos vulgarissimus fertur, quum aiunt: Sum totus tuus, excepto corpore & bonis, Erasim. 6. apoph.

De laudis cupiditate.

Socrates.

Expedita & compediaria via eos ad gloriam peruenire dicebat, qui id agerent, vt quales videri vellet, tales etiam essent. Quæ quidem prædicatione apertè monebat, vt homines ipsam potius virtutem haurirent, quàm umbram eius sectarètur. Val. Max. lib. 7. cap. 2.

Themistocles.

Theatrum petens, cum ex eo quidam percontaretur, cuius vocem libentius audiret? Eius, ait à quo sua virtus prædicaretur. Brus. lib. 3. cap. 36. ex Plut.

Eudamidas.

Interrogatus, quum ob causam Lacedæmonij, priusquam irent in prælium, Musis immolarent, cum Musis nihil videretur cum Marte esse commercij? Vt rebus, inquit, fortiter gestis, contingat honesta commemoratio. Bene gerendæ rei laudem sibi

tribuebant: vt autem egregia gesta splendidis verbis celebrarentur, hoc à Musis eloquentiæ præsidibus petendum iudicauerunt, eò quòd ipsi negligenter eloquentiæ studium. Simul admonebat non expetendam, honorificam memoriam, nisi rectè factis promeritam. Plutarch. in Lacon.

Alexinus Sophista.

Inter ambulandum multa mala dixit in Stilponem Megarensē. Cæterum vbi quispiam eorum, qui aderant, dixisset, Atqui ille te nuper laudauit: Per Ioanem, inquit, vir optimus est, ac præstantissimus. Tam facile ex obrectatore factus est laudator, non ob aliud, nisi quòd ab eo laudatus esset. Erasim. lib. 6. apophtheg. ex Plutarcho.

Alexander.

In Phrygiam vectus, Achilles sepulchrum nactus, coronis ornauit, felicemque Achillem vocauit, quòd viuo quidem tam fidum amicum, mortuo autem tam magnum contingerit habuisse præconem, Homerum scilicet. Bruson. libr. 3. cap. 36. ex Plutarcho.

Vespasianus.

Vespasianus imperator triumphi die defatigatus tarditate & tædio pompæ, non reticuit: meritò se plecti dicens, quòd triumphum quæstam maioribus suis debitam, aut speratum vnquam sibi tam ineptè senex concupisset. Brus. lib. 3. cap. 36.

Ioannes Pont.

Cum immodicè à quodam laudaretur, ad suos conuersus ait: Licet multa gloriosè à me facta fingat, nihilominus tamen hac laude plurimum oblector. Sunt autem multi qui hodie regum, principum, pōtificum, cardinalium, episcoporum, aliorum-

que eius notæ hominum laudes decantant, non quidè (vt de seipso Magnus ille Roterodamus testatus est) quòd tales sint, sed quòd his virtutibus præditi meritò esse deberent, quæ de eis prædicantur. Ioannis dictum recitat Æneas Syl. lib. 1. de rebus gestis Alphonfi.

Vide apoph. de Ambitione.

De laudis contemptu.

Democritus.

Rectè facta collaudare honestum mala verò laudibus vehere adulterini animi & impostoris, esse, dicere solebat Stob. ser. 21.

Diogenes.

Quidam adduxit puerum ad Diogenem, vt illius doctrinæ fieret particeps, vt autem illum philosopho commendaret, dixit eum excellenti ingenio, optimisque moribus præditum esse. Hic Diogenes: Quid igitur eget mei? Notauit immodicum laudatorem, qui hoc tribuerat adolescenti, cuius adipiscendi gratia solent pueri tradi philosophis. Satis erat, probam indolem bonamque spem in puero prædicare. Laetius lib. 6.

Lysander.

Cuidam apud Lysandrum iactanti, quòd ipsum & laudibus veheret, & aduersus obrectantes tueretur: Duo, inquit, mihi sunt boues ruri: & tacentibus ambobus, tamen certò noui vter sit ignauus, vter ad laborem strenuus. Sensit veram virtutem non egere laudibus humanis, cum ipsa secum ducat suam laudem ac decus. Cæterum qui nihil gerunt præclari, his opus est præconibus. Plat. in Lacon.

Amal.

Antalcidas.

Cum sophista quispiam appareret recitare librum, & Antalcidæ percō tanti quod esset argumentum, respon- disse, Herculis encomium: Quis, in- quit, illum vituperat: Superuacaneū existimans, in eo laudando sumere operam, quem vno ore prædicarent omnes, Hercules autem apud Spar- tanos religiosissime colebatur. Plut. in Lacon. apoph.

Antagoras.

Dicebat, ita viuendum esse homi- nibus, vt viui laudabiles sint, mortui autem beati iudicentur. Anto. in Me- lissa, part. i. ser. 51.

Idem.

Cum audisset, quantum ab homi- nibus subinde laudaretur: dixit, Cum multi me laudant, tum me nullius pretij esse iudico: eum pauci, bonum & egregium virum me esse puto. An- tonius in Melissa, part. i. serm. 54. & Max. serm. 43.

Hippodromus.

Quum Hippodromo sophistæ ve- hementer à Græcis applauderetur, multaque magnifica acclamarentur, in quibus illum æquabant Polemoni. Homérico versu respondit.

ἢ μ' ἀθανάτων ἐστις οὐκ ἔστι.

Quid me immortalibus æquas.

Simul & candidi hominis laudem re- portans, qui Polemonem tam præ- claro testimonio ornari: & mode- stia, qui laudem inuidiosam repule- rit. Philost. in sophist.

H. rodes Sophist.

Atheniensibus sic admirantibus e- ius eloquentiam, vt diceret illum ef- se de numero decem oratorum, ni- hil elatus est hac laude, quæ videba- tur maxima: tantum respondit, Cer- te Andocide sum melior. Is, vt opi- nor, fuit sophista quispiam notæ vul-

garis. Philost. in sophistis.

Pindarus.

Pindarus cuidam commemoran- ti, quod ipsius laudes vbique prædi- caret. Ego, inquit, pro isto officio bo- nam repono gratiam, efficiens vt ve- ra prædices. Vera virtus nihil mora- tur hominum laudes. Eas qui prædi- cant, plus debent iis quos laudant, quam ipsis debent qui laudantur. E- rasim. lib. 8. apoph.

Pescennius.

Supra de Laude virtutis stimulo.

Vide apoph. de gloria & hono- ris contemptu.

De laude à bonis vi- ris profecta.

Dionysiodorus.

GLoriari solebat, quod nemo pul- sus suos audisset, neque in trire- mi, neque ad fontem, quemadmo- dum Ismenia. Sentiens se nunquam captasse plausus sordidorum & im- peritorum: sed sat habuisse, probari paucis eruditis. Ita Laertius in Cra- tete. Eras. lib. 8. apoph.

Agestus.

Dicebat, sibi iucundum esse lauda- ri ab his, qui non vererentur & vitu- perare, si quid displicenisset. Tales e- nim si quid laudant, iudicio laudant, non metu aut adulatione. Plutarc. in Lacon.

Hector.

A patre laudatus ob singulares a- nimi virtutes: Læus sum, inquit, lau- dari me ab te pater, laudato viro. A malis enim laudari, non laus, sed de- decus esse putatur. Cicero.

Alphonsus.

Lucas Medicus, vir disertissimus, cum orationem apud Alphonsum

Aragonum regem eloquentissimam habuisset, eumque exquisitis & heroicis laudibus extulisset: rex hæc audiens dixisse fertur, Si vera sunt Lucas quæ de me prædicas, Deo optimo maximo gratias ago: si aliter, vera ut isthæc faciat, oro atque obsecro. Innuens maximè decere reges, ut laudibus dignos ubique se præberent. Panor. lib. 1. de reb. gest. Alphonsi.

De laude à malis hominibus profecta.

Antisthenes.

Audiens ab improbis quibusdam se laudatum esse: Vereor, inquit, ne quid imprudens fecerim mali. Sentiens, à talibus neminem laudari, nisi ob insignia malefacta. Laër. lib. 6. cap. 1.

Antagoras.

Dicebat, Dum me laudant multi, agnosco planè quantum veræ mihi desit gloria. Cæterum si pauci, iam me studiosum, diligentemque existimo virum Stob.

Socrates.

Socrates, cuidam moleste ferenti, quod negligeretur quo tempore triginta tyranni Rempubl. occupant: Nunquid est, inquit, cuius te poenitet? Sentiens, non esse moleste ferendum, si quis contemnatur ab improbis, nec hoc nomine sibi quenquam oportere displicere: sed si quid commisit, ob quod meritò & sibi & aliis bonis displiceat. Malis enim displicere, laus est. Eras. lib. 3. apoph.

Phocion.

* Quum aliquando apud populum suam dicens sententiam, videret ab vniuersis eam accipi, & se lau-

dari, conuersus ad amicos, Numnam ait, aliquid imprudens malè dixi? Plut.

Menedemus.

Quum audiuisset, se frequenter ab Alexino laudari: At ego, inquit, illi semper vitupero, declarans, se non posse corrumpi laudibus, quo minus eum reprehenderet, qui reprehensione dignus erat. Eras. lib. 6. apoph.

Agésilas.

Dicebat, non minus laudatoris inspicieundos esse mores, quàm eius qui laudatur. Significans, pererrare contingere, ut aliquis quæ moribus suis contraria sint, laudare velit: Forsitanque, etsi aliter videretur, per sæpe ex laudationis ingenio posse eius quoque mores, qui laudatur, agnosci. Fulg. lib. 7. cap. 2.

Anonymus.

Lacon quidam cum Charislaus rex laudaretur: Quoniam, inquit, modo bonus esse vir potest, qui ne in malos quidem acerbus est? Plutarchus in apoph.

Phauorinus.

* Eam laudem, qua quis alium, sui commodi gratia prosequitur, nollam fidem mereri dicebat. Stobæus ser. 14.

Polyenus.

Audiens quendam laudare præsentem, clam obiurgauit laudatorem: Præsentem nec vituperandum, nec laudandum esse dicens. Quandoquidem illuc inimicitiam gerit, hoc assentationem. Max. ser. 43.

Demetrius Phalereus.

Quodam dicente, quod à multis laudatus esset, respondit, Num aliquid mali commissi? Brufon. libro 3. cap. 3.

Plutarchus.

Cuidam referenti, ipsum à male-dico

dico quodam laudari: Demiror, inquit, si quis illi dixit, me mortuum esse. Nā ille de viuo bene loqui possit nomine. Non delectatus est vir generosus laude, quæ à viro illaudato proficisceretur. Plut.

De laude ab inimico & hoste profecta.

Alphonsus.

Avdians se à Nicolao, Cardinali Capuensi, inimico capitali, plurimum laudari: Si mei omnes, inquit, ita de me sentiant, ut inimicus hic & sentit & prædicat. bello certè me nequaquam lacerarent: sed, quo mihi nihil antiquius est, sinerent pace me atque otio perfrui. Panorm. libr. 2. de reb. gestis Alphonsi.

De laude à seipso profecta.

Aristoteles.

DE semetipso in neutram partem loqui debere prædicabat: quoniam laudare se, vani: vituperare, stulti esset. Cuius diæterium in morum puerilium institutionibus etiam hoc carmine apertissimè expressum est,

*Nec te collaudes, nec te culpaueris ipse.
Hoc faciunt stulti quos gloria vecat inani.*

Aristotelis dictum recitat Valer. Maxim. lib. 7. cap. 2. & Laetius lib. 5. cap. 1.

Xenophon.

*Dicebat unicuique laudem ab aliis profectam suauissimam esse auditui: aliis autem eā esse molestissimam quam sibi quis ipse tribuit. Plut. de

sui laude. &c. Quod tamen non sine exceptione intelligendum est ut eodem libro variis argumentis & exemplis Plutarchus demonstrat, & sequentia dicta luculenter probant.

Pericles.

*Atheniensibus in eum iratis quòd res pro voto non succederent, ille bona conscientia fretus, At (inquit) mihi quidem vos irascimini, ei viro, qui nemini vestrū cedo vel peritia rerum, vel elocutione intellectarum, vel amore patriæ, vel pecuniæ despicientia. Non modò crimen arrogantia, vanitatis & ambitionis effugit tunc de se magnificè loquendo sed & altitudinem animi, & virtutis declarauit magnitudinem, eo ipso inuidiam oprimentis, quod deiici se & frangi non est passa. Plut.

Epaminondas.

*Thebanis, eum ob Boeotarchiam prorogatum cum Pelopida multari volentibus, in comitiis dixit, Paratus sum mori, si fateri velitis, me vobis repugnantibus hostilem regionem vastasse, Messenem condidisse & Arcades in vnum corpus condidisse. Tempestiua sui laus Epaminondam absoluit: admiratione enim præstantissimi ducis Thebani suffragiis relictis oborto risu discesserunt. Plut.

Themistocles.

*Quum in actionibus suis nullum dictum aut factum molestū adhibuisset, ab Atheniensibus se ob satietatem fastidiri ac despici animaduertens, non abstinuit dicere, Quid, ô felices, defatigamini sæpenumero beneficiis ab eodem accipiendis? & tempestate oborta sub arborem hanc confugitis, serenitate reddita inter digrediendum frons-

des eius stringitis: Plut.

Agathocles.

*Multi paupertatem, imperitiam, atque adeo ignobilitatem inter suas laudes dum confitentur, inuidiam retūdunt. Sic Agathocles aurea pocula & cæolata præbibens adolescentibus, iussit etiam fictilia proferri: & Talis (inquit) res est assiduitas laboris ac tolerantia & fortitudo, nos olim lutea, nunc aurea facimus pocula. Etenim Agathocles, qui ob obscuritatem generis & egestatem credebatur in figuli officina educatus, postmodo regnum totius propè Sicilia obtinuit. Plut.

Cato Vticensis.

*Fiducia sui elatus, ut hostes reip. coerceret aliquoties seipsum laudabat. Inuideri sibi dicens, quod suis rebus neglectis noctes patriæ causa vigilaret. Plut.

Lacones.

*Ut se suosque ad virtutem laborarent, laudis aculeo sæpius utebantur: præcipuè autem in solēni illa chorea publica, ubi senum chorus cantabat, Nos fuimus olim iuuenes valde strenui: iuuenum, fortes sumus nos, fac (si vis) periculum: puerorum, Nos erimus olim fortiores plurimò. Plut. in Lacon apoph.

Agésilas.

*Cuidam Persarum regem magnū appellanti, dixit, Ni iustior, non maior me est. Plut. eod. lib.

Vide apoph. de Conscientia, de Fiducia sui, de grauter discis, &c.

De laude propter utilitatē.

Diogenes.

Taxabat hominum vulgus, quod bonos viros hoc nomine lau-

darent, quia pecunias contemnerent, nec interim imitarentur quod laudibus extollerent vehementer: sed pecuniosos magis sequerentur, quos vituperabant. Laërt.

Simonides

Quum cæteros laudando veniretur, ut aliquid darent, interrogatus cur Thessalos non captaret? Stupidiores sunt, inquit, quàm ut à me falli possint. Qui quærunt cui imponant ad stupidos eunt. At qui tam erant stupidi, ut non sentirent ingenium poematum illius, nec tangeretur amore nominis in posteros transmittendi, nec poterant ab illo falli. Eras. Rot. l. 6. apoph.

Phocion.

*Leosthene adhuc rem feliciter gerente, interrogatus ab oratoribus quidnam beneficii in urbem contulisset? Nihil, inquit, quàm quod me pretore vos orationem funebrem nullam habuistis, sed quotquot mortui sunt, in sepulchris maiorum sunt humati. Plut. Idem in Pericle dictum est supra.

Demosthenes.

Vnus fuerat ex decem, quos Athenienses legatos ad Philippum Macedonem miserant. Itaque posteaquam Æschines & Philocrates, quos præcipuè fuerat complexus Philippus, à legatione reuersi, aliis multis nominibus prædicarent regem, tum his præcipuè, quod esset formosus, facundus, & ad bibendum strenuus: Demosthenes ita cauillatus est, ut diceret, in his laudibus nihil esse dignum rege: nam primam esse forminarum, alteram sophistarum, tertiam spongiarum. Pluta. & Eras. li. 4. apoph.

Idem.

*Cuidam eum celebranti ob res ge-

gestas & merita erga reipub. Atheniensem, respondit, Non lapidibus ego, non latere cocto urbem munivi: sed si meas munitiones considerare velis, arma inuenies, equos, atque socios. Plut.

Epaminondas.

* A Sycophâta quodam traductus, quod seipsum impensius laudaret, facio (inquit) hoc propter vos, Thebani, quorum solorum opera, Lacedæmonium imperium vnica die eueriti. Plut.

Agésilæus.

Quoties audiebat aliquos ab aliis laudari, aut vituperari, existimabat non minus discendos eorum mores, qui loqui ebantur, quam eorū de quibus loquebantur. Sensit vir prudentissimus, eos qui alios contemnunt & vituperant, magis proderere morbum suum, quam deregere morbos alienos. Et qui ob res parum honestas laudant quempiam, aut ob laudabiles vituperant, indicare stultitiam suam, & peruersum iudicium. Plut. in Lacon.

De lautitiis.

Socrates.

IN conuiuio videns adolescentem lautè comedentem, & subinde panem in ius tingentem, ait: Quis vestrum pane vitur pro obsonio, obsonio pro pane? Laër. in eius vita.

Aristippus.

Obiicienti quod cibus lautioribus vteretur, hac ratione oclustos: Tu, inquit, hos cibos triobolo non emeris? cūmque is qui volebat lautitiarum videri contemptor, annuisset: Ergo, inquit, non tam ego voluptati studeo, quam tu auaritiæ. Siquidem

vsurus erat & ille lautitiis, si gratis aut minimo contigissent. Laër. lib. 2. cap. 8.

Antisthenes.

Quodam predicante lautitias: Hostium, inquit, filiis contingat, de deliciis viuere. Ut rem pestilentem detestans, quod plerique pro summo bono amplectuntur. Laër. l. 6. c. 1.

Huc refer apoph. de Deliciis, Intemperantia, Voluptate, &c.

De lectionis delectu, vbi multa de Homero & aliis.

Zeno Cittieus.

D Icitur consulisse oraculum, quod pacto posset vitam optimè instituere? respondit Deus Si concolor fies mortuis. Ille sentiens, se vocari ad lectionem veterum, sese ad philosophiam contulit. Laër. l. 7. c. 1.

Diogenes.

Ab Hegesia rogatus, ut ipsi libros aliquot commodato daret: non sapiens, inquit, Hegesia, qui quum caricæ non pictas, sed veras eligas, vera exercitatione neglecta, ad scriptam te conseras. Hoc dicto notauit eos, qui per omnem vitam nihil aliud quam legunt philosophorum libros rectè viuendi præcepta continentes, cūm virtus magis vsu discatur, quam lectione *γερπεν* Græcis anceps vox est, significans scribere & pingere. Itaque virtus libris expressa, quodam modo picta virtus est. Absurdum autem videtur, in caricis habere delectum, in virtute non item. Laërt. li. 6.

Arcesilaus.

* Homerum omnibus præferebat, eūmque amasū suum vocabat, noctu semper & summo mane aliquid in-

eo legens. Pindarum autem dicebat imprimis idoneum esse ad verborum nominumque copiam comparandā, Laert. l. 4.

Aristippus.

Cuidam iactanti se, quod esset πολυμαθής, hoc est multiplicis eruditio nis, quasi nihil non didicisset: Quem admodum, inquit, non hi qui plurimum edunt, excernuntque, melius valent his qui sumunt quantum opus est: ita non qui plurima, sed qui vtilia legerunt, studiosi & eruditi sunt habendi. Graviter taxavit eos, qui tumultuaria immodicāque lectione semet ingurgitant: nec ea quę legunt traiciunt in animum: sed tantum reponunt in memoria, quare nec doctiores euadūt, nec meliores. Laert. l. 2. c. 8.

Anonymus.

Socratis sermones doctrināque Pausonis pictoris quidā cōparabat. Pausonē enim pictorē, aiunt, cū quidā iussisset sibi voluntatē equum pingere, currentem pinxisse. Cūque qui tabulā illi tradiderat, indignaretur, quod contra pactum fecisset picturam: respondisse pictorem, Verte tabulā, & volutabitur equus, qui nunc currit. Ita quoque Socratem, non explicatē planēque differere: Quod si quis ea vertat, planissima promptissimaque esse. Noluit enim auditorum inuidiam sibi consiliare, atque ob eam causam obscuras & quasi obliquoas dissertationes proposuit. Ælia. li. 1. de Var. hist.

Demetrius Phalereus.

Ptolemæum regem adhortari solebat, ut sibi pararet libros de regno deque militari imperio gerendo tractantes, eosque diligenter euolueret: propterea quod ea de quibus amici non audēt admonere reges, in libris

scripta habeantur. Laert. libr. 5. cap. 5.

Agathon.

Sæpe multumque suis Tragediis antithera intextebat, & quum quidam, velut emendaturus, ex dramaticis ipsi⁹ tolleret, Quid, inquit bone viri? Quomodo tui ipsius oblitus es, ut Agathonem ex Agathone reicere atque delere coneris, Ad eō his delectabatur, ut ea suam Tragediam efficere putaret. Ælianus lib. 14. de Var. histor.

Plinius maior.

Dicebat, nullum esse librum tam malum, qui nō aliqua parte prodesset. Verum dixit de his, qui norūt ex quibuscunque libris, si quid inest frugiferum, excerpere. Sed sunt qui in libro quantumvis bono nihil venantur, nisi quod reprehendant. Erasmi. li. 8. apoph.

Plato.

Tantum tribuebat Aristoteli, ut cū ille fortē fortuna nō adesset in Academia, exclamarit, ἀπὸ τοῦ ἐν τῇ σχολῇ φιλόσοφος, id est, abest veritatis philosophus. Rursus cum alio tēpore abesset dixit, οὐδὲς ἐν τῇ σχολῇ: Non venit intellectus. Innuens, se ab illo vno intelligi. Erasmus libro sexto apoph.

Alphonsus.

In oppugnatione Caietæ, cū aliquando defecissent ad tormēta ænea portentosa illius amplitudinis saxa, nec aliunde habere facilius possent, quā ex villa, quæ ab incolis inueterata opinione adhuc asseritur Ciceronis fuisse, ut aliunde disquirerent istiusmodi saxa, rex iussit: Ciceronis verō (cuius admiraretur in dicendo lacteā eloquentiam) villā, si saperēt, iniunctā seruarent. Malle enim tormenta & machinas amittere, quā iniuria afficere saxa tantū illius viri, qui

qui tot tantisque homines ab iniuria & capitis periculo vindicasset suo patrocinio. Panorm. libr. 1. de reb. gest. Alphonfi.

Idem.

Audiens à quibusdā Caietanis male literatis, M. Tullij sepulchrum extare adhuc iuxta Formias (ibi enim villa Ciceroniana insignis cūm fuit, nunc autem Mola vocatur) in via Romana vetustis literis inscriptum: eius rei visendæ percupidus, statim eum locum accessit, & sentibus rubisque primò tumulum purgans, mōxque legere inceptans, non M. Tullij, sed M. Vitruvij inscriptionem inuenit, qua lecta, vultum risu soluens dixisse fertur, Caietanos ex Minerua oleum quidem accepisse, sed sapientiam amisisse. Constat autem Alphonsum Ciceronianæ lectionis tam studiosum fuisse: vt perrarò eius tædio affici potuerit. Panor. li. 1. de rebus gestis Alphonfi.

Æschines.

Cūm Æschines iam damnatus ab Atheniensibus, Rhodi exularet, recitauit coram amicis orationem suam contra Demosthenem habitam. Verum cūm hanc admirarentur Rhodij, & diceret, mirum esse, quòd post tantam orationem non esset absolutus: At desineretis, admirari, si audissetis quæ ad hæc respondit Demosthenes. Rhodij igitur cūm recitatam Demosthenis orationem multo magis admirarentur, Quid, inquit Æschines, si ipsam bestiam audissetis, sua verba resonantem? Sentiens in Demosthene magnam Demosthenis partem deesse, si quæ ipse scripsit, ab alio recitarentur. Philostratus in sophistis.

Bion.

Cūm diceret impietatem esse ma-

lam fiduciæ contubernalē, non erubuit hunc Euripidis versiculum adiciere:

δουλοῖ γὰρ αὐδ' οὐ καὶ ἐπ' αὐτῷ σῶμας τις ἦ.

Id est,

Seruum facit, quamuis feroculum vitum.

Laërt. lib. 4. cap. 7.

Chrysippus.

In quodam opere toties citarat versus Euripidis ex Medea, vt ibi tota fabula fuerit inspersa. Hunc librū quidam portans, & rogatus quid ferret, Chrysippi, inquit, Medeam.

Cleomenes Anaxandr. F.

Dicebat, Homerum esse poetam ciuium Lacedæmoniorum, Hesiōdum verò Helotum, hoc est seruorum: quòd illic docuisset, quomodo cum hostibus configendum sit: hic, quomodo agri colendi. Lacedæmonij enim cūm bello assiduo sese exacercent, humiliores operas, artes manuarias, & agriculturæ studium, seruis committebant, quos Helotas vocabant. Plut. in Lacon. Ælian. l. 13. de Var. hist.

Alcibiades.

Aliquando in ludum literarium ingressus, petiit à ludimagistro Homeri Iliadem, cuius lectionem plurimum admirabatur. Ac ludi moderator cūm se nihil Homeri operum habere affirmaret, inflixit ei pugnum satis durum, dicens: Imperitus es præceptor, & tibi similes discipulos facies. Ælia. l. 13. de Var. hist. & Plut. in apoph.

Plato.

Ad tragicum certamen paratus, audito Socrate mutans consiliū, poemata sua exussit, præfatus Homericò carmine.

ὁ παῖς πορεύσθαι, σκιά τινι νύπτι χαρίζεσθαι.

Huc ades ô Vulcanè, Platonì nunc opus est te.

Refert Diogenes Laër. lib. 3.

Aristoteles.

Calisthenem discipulum, liberioris linguæ hominem, Homérico versiculo admonere voluit:

τὸ αὐτὸ μᾶλλον δὲ μοι τέκος ἔσται, ὅτι ἀγορεύεις.

id est,

Talian te loquens, haud multo tempore viues.

Laert. lib. 5. cap. 5.

Polemo.

*Is Homerum appellabat epicum Sophoclem, & de Sophocle dicebat eum esse Homerum tragicum: Laër. libr. 4.

Anaxarchus.

Cum videret ex Alexandri vulnere, quod ictu sagittæ acceperat, manare sanguinem, dixit versu Homérico,

Τὸ πὶ μὲρ αἷμα, καὶ ἐκὶ χῶρ' οἱ ὀστέα τ' ἐρεῖ
μακρῶς σὺ θεοῖσι.

Id est, Hic quidem sanguis est, non ille liquor, qualis diuis solet ire beatiss. Admonens regem suæ conditionis, qui pro Deo affectabat haberi. Quamquam hoc quidem non ab Anaxarcho, sed ab ipso Alexandro dictum tradunt. Laërtius libro 8. cap. 10.

Pyrrho, de eodem.

Pyrrho Eliensis philosophus, admirari solebat illum Homeri versiculum:

Οἴκαρ φύλλον ἔχον, τοῖδε καὶ ἄνθρωποι,

Tale quidem genus est hominum, quale est foliorum.

Laert. libr. 9. cap. 11.

Isæus, Sophista.

Lacedæmoniiis periclitantibus ac de ciuitate mœnibus cingenda consultantibus, Homericum carmen recitauit,

ἀαῖς ἀρ' ἀαῖς δ' ἐπεὶ δὲ κέρυ, ἀνέχε
δ' ἀνὴρ. id est,

Scutum hæsit scuto, galea galea, atque viro vir.

Et adiecit, Sic mihi fate Lacedæmonij, & muris cincti sumus. Philost. in sophist.

Hippodromus Sophista.

Homerum appellare solebat vocem sophistarum, Archilochum spiritum: quod ille suppediret verba splendida, hic acrimoniam & vehementiam. Philost. in sophistis.

Idem.

Quodam tragœdiam appellante sophistarum matrē correxit dictum: Ego, inquit, dico Homerum esse patrem. Siue quod nimia sit tragicorum grandiloquentia: siue quod fons tragœdiarum sit Homerus. Pulchrius autem est ex ipso haurire fonte. Philost. in sophistis.

Idem.

Suprà de laudis contemptu.

Philoxenus.

Apud Pythōnem prandens, appositis oleis, cum paulo post inferretur patina pisciū, percussio vasculo quod habebat oleas, Homericum hemistichium dixit, μᾶστιξεν δ' ἑλάν, id est, scutica incitauit vt traherent. Nam de auriga dictum est. Sensit autem Philoxenus, oleas quamprimum auferendas, alludens interim ad Græcam vocem ἑλάν, quæ sonat olearū, & ἑλάν, quod sonat trahere currū, aut aliquid simile. Erasmus libro 6. apophth.

Alexander.

Præter modum delectatus est Homero, adeo vt illū ad verbum edidicerit, ac dormiens etiā æruicali suppositum haberet. Eum aliās summū virtutis præconē, interdū poetam & σπλιον appellare consuevit: cuius carmina

mina censebat non ad citharam, vt aliorum, sed ad tubam potius esse canenda. Addebat illud, se malle Homeri Therfiten esse, quàm Cherilli Achillem. Cherillus erat Alexandri poeta non satis felix, qui cum fertur ita pactus, vt pro quoquo bono versu acciperet Philippeum aureum, pro malo colaphum. Idem cum in Sigeo ad Achillis tumulum astitisset: O fortunatus, inquit, adolescens, qui tuarum virtutis præconem Homerum inuenieris! Cicero in oratione pro Archia. Plut. in Alex.

Idem.

Quum nuntius quidam gaudio gestiens, porrectaque manu ad Alexandrum accurreret, rem prosperè gestum narraturus: Quid mihi bone vir magni nuntiabis, nisi nunties Homerum reuixisse? Significans, omnium rerum gestarum gloriam abolendam, nisi contingeret talis præco, qualis fuit Homerus. Plut. in apopht. Reg. imp.

Idem.

Cum ad Alexandrum Magnum scriptum delatum esset, in quo omnes ferè Darij regis opes seruatae erant, & quaereretur, in quemnam usum destinandum posthac esset, aliis aliud suadentibus, Alexander ait: Huic optimè seruandus Homerus dabitur. Sentiens, nullum esse thesaurum illo pretiosiores. Adeo enim Homerica lectione delectabatur Alexander, vt rarò deposuerit e manu eius poemata, testante Plut. in eius vita.

Eudamidas.

Suprà de Honoris contemptu.

Idem.

Si quando in colloquiis aut conuiujs incidisset contentio de carminibus Homeri, aliis alia præferentibus, hoc vnice probauit Alexand. Iliad. 7.

ἀμφοτέρων, βουλαίς τ' ἀγαθῆς, κακῶν τ' ἀχύντης. Id est,

Dux bonus atque idem validus pugnat in armis.

Addebat, Homerum hoc versu virtutes Agamemnonis prodidisse, Alexandri vaticinatum esse. Plut. in Alex.

Theocritus.

Suprà tit. de Dialectica.

Scipio Africanus.

*Socraticum Xenophontem in manibus semper habebat: cuius in primis laudabat illud, quod diceret eosdem labores non æquè esse graues imperatori & militi, quod ipse honos laborem imperatorum faceret leuiorem. Cic. l. 2. Tusc. quæst.

Virgilius.

*Ennij opera diligenter & sæpius euoluens, ac rogatus quid ageret, Aurum, inquit, lego ex stercore. Sabell. lib. 2. cap. 7.

Vespasianus.

Vespasianus in quendam proceræ staturæ, sed improbius natum torfit illud carmen Homericum,

μακρὰ βίβας κραδίεν, δδνι χόσμιον ὄϊος.

Id est,

Longam hastam quasiens diductis passibus ibat.

Eras. Rot. lib. 6. apoph.

Alphonsus.

Alphonsus cum inter peregrinandum fortè ad eum locum, vnde Sulpicio poterat despici, peruenisset: agea Ouidij (cuius poemate mirum in modum afficiebatur) patria esset, interrogauit: quumque intellexisset natale Nafonis solum esse, urbem salutauit, gratiasq; genio loci egit, in quo tantus olim poeta genitus esset de cuius laudibus nemo satisfacere possit. Ego sanè, inquit, huic regioni, quæ non parua regni Neapolitani nec contemnenda pars est, libèter cesse-

rim, si temporibus meis datum esset, hunc poetam vt haberē: quem mortuum pluris ipse faciam quā Aprutij dominatum. Pontanus, & ex eodē Spigelius in lib. I. Panor. de reb. gest. Alphonfi, cap. 47.

Antimachus.

Quum conuocatis auditoribus recitaret ingens volumen quod conscripserat, & ab omnibus esset destitutus, excepto Platone: Legam, inquit, nihilominus, Plato enim mihi instar est omnium. Tullius li. de Claris oratorib. Brus. l. 2. c. 23.

Gorgias.

Cū fortē fortuna legisset Platonis dialogū sui cognominis qui Gorgias inscribitur, dixisse fertur: *ὅς κεν λὺς οἷς πλάτων ἰουκίλειον*. Vt pulchrē nouit Plato iambillare, hoc est mōdere. Nam is pes primū ab Archilocho, ni fallor, repertus est ad maledicendum: vnde & nomen habet, vel à muliere petulāte & baccha, vel à mittendis iaculis. Si quidem in eo dialogo proscindit sophistas, id quod nusquam non facit. Eras. li. 8. apophr.

Theocritus.

* Ad ludimagistrum quendam malē pronuntiantem accedens, rogauit, Quī sit, quod Geometriam non doceas? is cū respondisset, Quoniam ignoro. quid tum? dixit: nam legere quoque nescis? Stob. ser. 4.

Alphonfus.

Quum opera philosophica Senecae legendo euolueret, rogatus à Dauolo aulicorum præcipuo, Cur animus mortalium ita immensus atque insatiabilis foret? respondit rex: Animū hominis à Deo profectum, non prius conuiescere quā eō rediret, vnde profectus esset. Esse proculdubio animū nostrum Dei & æternitatis pacem, propterea neque impleri, ne-

que satiari posse iis rebus, quæ fluxæ & incertæ essent: sed Deum ipsum veluti naturalē sedem, & suum quodammodo perfectum bonum appetere, hoc est, solidum & perfectum bonum. Panorm. l. 1. de reb. Alphonfi.

Id. m.

* Gloriabatur, quaterdecies vtrūque Testamētum cum cōmentariis à se perlectū. Ant. Pa. l. 1. de reb. Alph.

Hadrianus.

Hadrianum imperatorem Virgiliana lectione inde mirū in modum delectatum legimus, quōd mortem suā Vergiliano carmine prædixerit.

Ostendunt terris hunc tantūm satū, ne.

Esse sinent, &c.

(que vltimū)

Dion Cassius. in vita Hadr.

Alphonfus.

Alphonfus Aragonū rex, cū arcem Neapolitanam instaurare decreuisset, Vitruuij de Architectura librū afferri ad se iussit. Verū cū sine ornatu, sinēque asseribus allatus esset: Non decere, inquit, hunc potissimū librū, qui nō quomodo contegamur tam bellē doceat, detectum incedere. Librum igitur egregiē ad vsum parari mandauit, & omnibus semper ædificiis adhibuit. Panorm. l. 1. Idem Q. Curtij lectionem à qua in morbo mirificē fuerat recreatus, medicorū pharmacis longē prætulit.

D. Cyprianus.

* In Tertulliani lectione tam fuit assiduus, vt nullum diem absque eius lectione prætermitteret: & notario Paulo sæpe diceret, Da magistrum, nempe Tertullianum. Hieron. in catal. viror. illustr.

De leg. tione & legatis.

Ugu Archidami F.

Cū ad Philippum regem legatus mitteretur, solus regem suū comitatu

comitatu accessit. Verum cum rex admiraretur: Veni, inquit vnus ad vnum. Quo dictorio taxauit superuacaneum legatorum aliorum sumptum, quo æraria plerunque exhauriuntur, quum Reipublice negotia per vnicum se penumero expediri possint. Plut. in Lacon. apoph.

Anonymi.

Lacedæmones vnum legatum ad Demetrium regem miserant. Stomachante autē tyranno, ac vociferante, Vnum ne Lacedæmonij legatum ad me? Satis, inquit legatus, vnum ad vnum. Plut.

Anonymi.

* Lacones olim quum ad Lygdamum tyrannum issent legati, atque ille congressus sapientius differret, dicēs se moliter habere: Dic, inquit legati, per deos non venisse nos cum illo colluctaturos, sed collocuturos. Plut.

Poly. raudas.

Infrā apophth. de Patria fortiter propugnanda.

Hyperides.

Legatus ab Atheniensibus ad Rhodios fuit. Eo cum adessent ab Antipatro legati, qui Antipatrum vt benignū celebrarent, occurrens eis, Noui (inquit) benignū esse: verū nos ne benignū quidē quærimus dominum. Plut.

Gobrias.

Darius rex ingressus in Scythiam, inopia laborabat. Scythæ autem legatos ad eum miserunt cum muneribus: aue videlicet, mure, rana, & quinque sagittis. Darius pro mure terrā, pro rana aquas, pro aue equos. pro sagitta seipsum tradere interpretatus est, Gobrias autem hoc dicere dona coniectabat: O Persæ, nisi vt aues aduolatis, aut vt mures subeatis terram, aut vt ranæ insiliatis in paludes, non remeabitur, his sagittis confecti. Brulib. 3. cap. 30.

M. Cato.

Quum tres essent designati, qui legati proficiscerentur in Bithyniā: quorum vnus podagra teneretur, alter caput haberet vulneribus confossum, tertius vecordia laborare videretur: Cato ridēs dixit, Pop. Rom. legationē nec pedes habere, nec caput, nec cor. Plut.

Megacles.

* Messanę, quę in Sicilia est, is ciuis fortissimus Agathocli tyranno eam inuadere conanti modis omnibus aduersabatur. Ideo tyrānus Messanam oppugnare parauit, missūq; Præcone, Megaclem à ciuib; exposcebat, Megacles vltro se ad tradendum tyranno obtulit, si legatus mitteretur. Decernentibus hæc Messeniis, accedens ille ad Agathoclem, Ego verò inquit, & legatus ciuitatis nomine venio, & moriturus. Sed ante de legatione audias. Consilio conuocato, addidit Megacles, Si ad excidendas Syracusas expeditionem Messenij suscepissent, vtrum pro Syracusiis, an pro Messeniis omnia faceres? Subridens Agathocles, relicto bello Megaclem incolumem domum remissit, amicitiamque iniit cum Messeniis. Polyænus lib. 5.

Popilius.

* A Senatu literas Antiocho attulit, quæ eum iubebant exercitum ex Ægypto abducere, neque regnum pupillorum Ptolemæi vita defuncti usurpare. Accedens, eminusq; ab Antiocho comiter salutat, non reddita salute epistolam tradidit. qua lecta cum deliberatione habita responsurum se rex diceret, bacillo Popilius orbē circa eum descripsit, inquit, Hic ergo stans delibera & responde. Omnibus magnanimitate legati perclusis, cum Antiochus se ex Romanorum sententia acturum profiteretur.

tur, ita demum regem salutauit, amplexusque est, Pupilius. Plutarch. in apoph.

De legibus.

Diogenes.

Dicebat, nec legem esse sine ciuitate, nec ciuitatem sine lege. Laer. l. 6.

Archytas Pythagoreus.

* In legibus fanciendis dicebat ea primū fancienda esse quæ deos, genios & parentes spectant, & in summa quæ honesta egregiæque sunt. Secundo loco, vitia. Decere autem in animis ciuium potius quàm in scriniis & tabulis cõditas esse leges. Stobæus ser. 41.

Idem.

* Leges regionum & locorum rationem habere debere dicebat. Quū nec omne solum ferat omnia, nec omnium hominum animi earundem virtutum capaces sint. Stob. ser. eod.

Zaleucus.

* Is inter laudabiles leges Locrensis hanc tulerat, si quis voluerit leges fancitas mouere, aut nouam statuere, is collo in laqueum immisso de lege verba faciat. Et si per suffragia videtur legem veterem esse tollendam, aut eam quæ noua infertur bonam esse, indemnitas maneat: contrā, si prior lex melius habere videatur, aut quæ noua proponitur iniusta sit, is qui mouet infertur legem, laqueo attracto moriatur. Stob. serm. 41.

Antisthenes.

Negabat sapientem viuere iuxta leges, sed iuxta normam virtutis. Sentiens, non ideo quid vitari à iusto quod hoc agere legibus interdictum

fit: sed quod ipsa hominis ratio hoc dissuadeat, quæ docet hominem, hoc esse honestum, illud turpe. Nec leges omnia præscribunt: at virtutis regula docet vbique, quid sit honestum, quid turpe. Idem.

Plato.

* Dicebat necesse esse leges hominibus ponere, vt secundum eas viuāt, alioquin nihil à feris discreparent. Huiusque rei causam esse, quod nullius hominis ingenium ita natura institutum est, vt quæ ad publicum humanæ vitæ bonum conferunt, sufficienter cognoscat: & si cognouit, vt optimum id quod nouit semper agere possit ac velit. lib. 4. de legib.

Demades.

* Necessitatem dicebat esse seruorum legem: legem verò liberorum esse necessitatem. Anton. & Maxim. ser. de lege.

De legum authoritate & obseruatione.

Heraclitus.

Dicebat, ciues non minus oportere pugnare pro legibus, quàm pro mœnibus. Quod absque legibus nullo pacto possit esse ciuitas incolumis, absque mœnibus possit. Laer. lib. 9 cap. 1.

Solon.

Percontatus, quo pacto salua posset esse res publica? respondit: Si ciues quidem magistratui obediant, magistratus autem legibus. Sensit vir sapientissimus, eam ciuitatem conferuari nequaquam posse, vbi ex vtriusque parte legum sit neglectus. Stob. ser. 41. Anton. in Melissa, part. 1. ser. 67. & Max. ser. 50.

Cleobus.

Cleobulus.

Bene compositam reipub. putabat, vbi magistratus magis infamiam quàm leges metuunt. Stob. serm. 41.

Bias.

Eam Rempublicam saluam fore existimabat, in qua leges perinde ac tyrannum omnes metuant. Idem.

Idem.

Damnaturus quempiam ad mortem, lachrymatus est. Et cum dixisset quidam, Quid est quod fies, cum penes te sit, vel absolvere, vel condemnare hominem? respondit, Quia necessarium est, naturę quidem condolere, legi autem suffragari. Stob. ser. 43. Maximus ser. 6.

Chilon.

Eam ciuitatem saluam iudicabat, in qua maximę leges, Rhetores verò nequaquam obseruarentur. Stob. ser. 41.

Idem.

Monuit, obtemperandum esse legibus. Hoc ad principes præcipue pertinet, qui se credunt non teneri legibus, Nec aliunde magis florent Republicæ, quàm si legem vigeat autoritas. Nec ibi tyrannis oriri potest, vbi ex arbitrio præscarum legum geruntur omnia. Laert. lib. 1. cap. 4.

Pittacus.

Cræso percontanti, Quod esset maximum imperium? inquit, *πολιτεία* id est, varij ligni. leges innuens. Nam olim in tabulis ligneis leges inscribebantur. Porro vbi summa est legem autoritas, ibi est minimum tyrannidis. Laert. lib. 1. cap. 5.

Themistocles.

Cum ei prætori hominem non vsque adeo bonam causam habentem Simonides summo opere commendaret eius fauorem petens: The-

mistocles respondit: Nec Simonidem poetam fore bonum, nisi mensuram certam in carmine obseruaret: neque se bonum prætorem, si ob fauorem aut gratiam amici à legibus vel tantillum declinaret. Plut.

Demosthenes.

Ciuitatis animam esse leges dicebat. Vt enim corpus anima carēs cadit, sic ciuitas nullis administrata legibus eueritur. Max. ser. 68. & Stob.

Socrates.

Interrogatus, Quæ ciuitas optime administraretur? Quæ, inquit, ex lege viuunt, & iniustos punit. Maxim. serm. 68.

Epicurus.

* Leges sapientum causam positas esse dicebat: non vt iniuriis abstineant, sed ne eis afficiantur. Stob. serm. 41.

Plato.

Rogatus à Cyrenensibus, vt ipsis leges scriberet, ac reipub. statum componeret, recusauit dicens: Perdifficile esse condere leges tam felicibus. Indicans, non facile obedire legibus eos, qui nimium se felices esse putarent. Laert. lib. 3.

Arcepsilus.

Dicere solitus est, quemadmodum vbi multi essent medici, ibi multi sunt morbi: ita vbi permultæ leges essent, ibi plurimum esse vitiorum. Laert. lib. 4. cap. 6. Max. ser. 58.

Cleon.

* Multo meliorem dicebat esse statum ciuitatis, quæ licet deterioribus: firmis tamen legibus utitur: quam illius, quæ bonis quidem: sed irritis. Thucyd. lib. 3.

Aristides.

Cum quedam rerum egisset, & iudices, post eius accusatione reum

audire nollent, sed protinus ad suffragia, quibus eum damnarent, properarent: Aristides supplex pro reo intercessit apud iudices, ut eum iuxta legum præscripta diligenter audirent. Tanta erat in viro legum auctoritas & obseruatio. Plutarchus in apoph.

Lycurgus.

Inter leges quas Lycurgus Rhetor tulisse fertur: hæc erat vna: Ne qua mulier maritata profiscisceretur Eleusinem. Id statuit, veritus, ne à diuitibus dato pretio corrumpere-
tur, addita est poena, drachinarum sex millia. Ei legi cum vxor Lycurgi non obtemperasset, sycophantis, qui deprehenderant ac detulerant, dedit talentum. Ea res quum illi postridie vitio daretur apud populum: Atqui ego, inquit, dare conspectus sum, non accipere. Quidam ferunt leges ad quæstum. Hanc notam à se depulit, qui nec in vxoris gratiam voluit abrogare legem, sed multam de suo dependit. Eras. lib. 8. apoph.

Alcamenes.

Alcamenem Telecri filium quum quidam interrogasset, cur seniores apud Lacedæmonios plures dies sumerent ad cognoscendum in causis capitalibus: & si quis fuerit absolutus, nihilominus sit legi obnoxius? Ideo, ait, tam diu de rebus iis consultant, ut si in capitis discrimine errassent, emendent, ne de legum auctoritate quid decederetur Plutarchus in Lacon.

Idem.

Fundem cum quidam interrogasset, quam ob rem munera à Messeniis oblata ita recusasset: Quoniam si recepissem, inquit, cum legibus pacem habere non poteram, Omen-

tem rege dignam, quæ magno obuioque lucro legum auctoritatem anteposuit! Improbat eos qui clament, quod principi placuit, legis vigorem habere: & principem dare quidem leges, at non tenei legibus. Plut.

Acrotatus.

Quum parentes eum rogarent, ut in re parum honesta ipsis obtemperaret, respondit, Donec essem apud vos, nullum omnino tenebam iustitiæ & æquitatis scientiam: verum ubi me patriæ dedistis, legibusque subiecit, conabor his magis obtemperare, quam vobis. Quo dicto innuere voluit, quam plurimum quidem filios debere parentibus suis: verum ita tamen, ne leges saluberrimè latas transgrediamur. Plut. in Lacon. apoph.

D. maratus.

Cuidam percontanti, cur exularet Spartà cum esset rex? Quoniam, inquit, leges sunt in ea potentiores. significans, regem apud Lacedæmonios esse principem ciuitatis, at non legum dominum, sed his non minus obnoxium regem quam ciues. hoc ipsum laudabat in suæ gentis institutis, per quod cogebatur exulare. Dedit interim insigne moderationis specimen, æquo animo ferens exilium, auctoritate legum indictum, nec de patria male loquens, nec de legum iniquitate querens. Idem.

Pausanias Plistonactis F.

Cuidam roganti, Quam ob rem apud Spartanos nefas esset, villam priscarum nouare legum? Quoniam, inquit, legibus conuenit auctoritas in homines, non hominibus in leges. Plut. in Lacon.

Archidamus Zenxidami F.

Roganti, quoniam essent Spartanæ ciui-

ciuitatis præfecti? Leges, inquit, ac legitimi magistratus. Grauius censuit, in reipubl. bene instituta supremam auctoritatem esse legibus deferendam, nec ulli magistratui fas esse quicquam contra leges publicas tentare. Plut.

Charilaus.

Infratit. de lingua, garrulitate & loquacitate nimia.

Agésilas.

In pugna Leuctrica, quum Lacedæmoniorum multi fugissent, iique legibus poenas dare deberent. Ephori reputantes, ciuitatem viris desertam, egere militibus, cupiebant eam ignominiam militibus remittere, si mulque seruire leges. Deligunt igitur Agésilas nouarum legum conditorem. Is prodiens in suggestum: Ego, inquit, alias leges haudquam laturus sum, neque enim his quas habetis, aut additurus sum aliquid, aut detractus, neque quicquam omnium mutaturus. Sed mihi rectum videtur, vt leges quas habetis, à die crastino robur habeant, & auctoritatem. Eo commento vir solers simul & præfenti ciuitatis necessitati consuluit, & periculosum mutandarum legum exemplum, ex cludit à Republica, vno tantum die legibus abrogatis. Plutarch. in Lacon. apoph.

Idem.

Quum haberet apud se Xenophontem illum sapientem, eumque plurimi faceret, iussit vt filios suos arcesset Lacedæmonem, docendos artem omnium pulcherrimam, videlicet imperare, & parere imperio. Athenis florebat omnium liberallium disciplinarum genus: sed hanc cæteris omnibus præstantiorem, existimabat nusquam melius disci, quam

apud Lacedæmonios, vbi non verbis disputabatur de bene administranda reipubl. sed ciuium moribus honestissimæ rei exemplum exprimebatur. Simul indicans, eos non esse gerendo magistratui idoneos, qui legibus ac magistratui nescirent obsequi. Proinde rogatus abs quoquam, quam ob rem Spartanorum reipublica præ cæteris, secundis rebus floretet? Quoniam, inquit, plus cæteris in hoc sese exercent, vt pariter & imperare & parere sciant, Quæ duæ res à ciuibus excludunt seditiones, & tumentur concordiam. Idem.

Idem.

Cum in causa quadam sederet iudex, & is quidem qui accusabat rectè dixisset, patronus contra malè subinde tamen repeteret inter dicendum, Agésilas, decet regem opitulari legibus: perinde quasi bonam haberet causam, & ab ipso starent leges: hominis improbitatem interpellans Agésilas. Si quis, inquit, tibi domum perfoderit, aut vestem abstulerit, num expectaturus esses, vt architectus, aut qui vestem contexit, tibi sit auxilio futurus? Subindidicabat, regem esse veluti legum architectum: nec conuenire vt opituletur ei, qui contra leges aliquid admiserit. Plut. in Lacon. apoph.

Idem.

Sciscitante quodam ab Agésilao Lacedæmoniorum rege, quid Spartæ attulissent Lycurgi leges? Voluptatum, inquit, contemptum. Videlicet indicans, eam denique Reipublicam esse saluam, in qua leges sub optimo principe omnes voluptates arcent. Plut. in apoph. Lacon. Erasim. lib. 1. apoph.

Idem.

Quum Diphridas Agésilao è pa-

tria nuntium attulisset, ut omiffis quæ tum agebat, protinus in Bœotiam irrumperet: quam destinarat hoc ipsum postea maiore aggredi apparatu, tamen magistratibus obtemperans, accersitus ad se viginti millibus eorū qui apud Corinthum militabant, inuasit Bœotiam ac iuxta Coronam congressus cum Thebanis. Atheniensibus Argiuis & Corinthiis ambas acies superauit, licet ipse multis acceptis vulneribus, corpore esset grauiter affectus. Quæ pugna quum esset inter res ab illo gestas omnium maxima, quemadmodum scripsit Xenophon, tamen domum reuersus, nihil de pristino victu vitæque modestia mutauit, ob tantos rerum successus, totque victorias. Multo dignior erat triumpho victoria, qua vir ille primū suis consiliis anteposuit legum autoritatē, deinde tot egregiis facinoribus nihilo factus est insolentior. Plutar. in Lacon. apoph.

Idem.

Quum maximam Asiæ partem armis sibi subegisset, constituerat ad ipsum regem Persarum proficisci, ut eum compesceret, qui sic erat quietus à bello, ut interim Græcorum duces pecunia corrumperet. Cæterum reuocatus domum ab Ephoris, ob Spartam Græcorum obsidione cinctam (nam id rex Persarum pecuniis missis effecerat) paruit, dicēs: Bonum Imperatorem legum imperatis parere oportere, citræque cunctationem soluit ex Asia, magno sui desiderio relicto Græcis Asiaticis. Offerebatur rei bene gerendæ occasio, inuitabat illum Græcorum affectus, ut instituta perageret: sed rex à tyrannide alienissimus, legum autoritatem existimabat omnibus

anteponendam. Idem.

Cyrus.

Interrogatus, quosnam putaret esse iniustos? Lege, inquit, non videntes. Max. ser. 58.

Antiochus tertius.

Scripserat ciuitatibus, ut si quid per literas iuberet fieri, quod adueraretur legibus, ne curarent, perinde, quasi ipso nescio scriptum esset. Interdum enim principes, dum metuunt quosdam offendere, scribunt quæ fieri nollent. Quicquid autem pugnat cum legibus, hoc velut insciente principe scriptum esse putandum est: quippe legum defensores, non oppugnatores esse debent principes. Eras. lib. 5. apoph. ex Plut.

M. Cato.

Ad tribunal plebis, qui veneficii infamia laborabat, inique ferentem legem: Adolefcens, inquit Cato, nondum scio vtrum haurire quod temperas, an approbare quod scribis, deterius sit. Eras. lib. 5. apoph.

Sulp. Gallus.

Infrà de Zelotypia, & de Seueritate.

Augustus Cæsar.

Legem tulerat de adulteris, quomodo iudicandi essent de hoc crimine delati, & quomodo puniendi conuicti. Paulò post iræ impatientia irruit in adolescentem delatum, quocum Iulia Augusti filia commercium habuisset, eumque manibus verberauit. At quum adolefcens exclamasset, Legem tulisti, ô Cæsar: ad eò facti pœnituit Cæsarem, ut eo die recusaret cœnam capere. Crimen per se graue erat, tum admissum in Cæsaris filiam. Quis princeps ibi doli suo temperaret? Aut quis ibi legum iudiciorumque moras expectaret? At tantus princeps sibi adeò displi-

displeuit, vt à seipso pœnas sumeret
quod legi, quam aliis prodiderat, nō
per omnia paruisset. Plutarchus in
apoph.

Epictetus.

* Multa extant ab eo de legibus
scite dicta. Inter hæc, legis scopus
est bene mereri de vita hominum:
non potest autem cuius benefica es-
se cum ei beneficiorum accipere li-
buerit: solis enim obedientibus
suam virtutem declarat. Ægri serua-
tor est medicus: iniuriam passi, lex.
Leges verissimæ sunt, quæ iustissimæ
legi, & principi & sapientiori cede-
re decorum est. Anton. & Max. serm.
de lege.

Theophrastus.

* Dicebat bonos non multis ege-
re legibus. non enim res ipsæ legum
causæ, sed leges rerum causæ, ponun-
tur. Eod. serm.

Alphonsus.

Improbè agere principes dicebat,
qui aliis honestè decorèque viuendi
legem præscriberent, ipsi verò nihi-
lo temperantiores sese præberet. In-
nuir autem non satis esse promulga-
re leges, etiam saluberrimas, nisi sint
qui promulgatas defendant, & vitæ
etiam innocentia cæteris præcedât.
Panormitanus libr. 5. de rebus gestis
Alphonfi.

Vitoldus Lit. dux.

Vitoldus Lituaniæ dux (qui adeo
differentem, moribus & habitu à
suis popularibus sese præbuit, vt il-
los tonderi edicto iusserit, sibi tan-
quam maiestatis insigne barbam in-
tonsam retinuerit, at quum id non
succederet, caput ipse, genasque ra-
sit: capitalem pœnam in eos commi-
natus, qui suo exemplo barbam aut
comam deponerent) dicere solebat
Plebem legi, legem autem principi

subiectā esse oportere. Tyrannica fa-
nè vox. Magistratus enim quum le-
gum custos sit, primū imperatis pa-
rere decet, vt subditi habeant exem-
plum, quod honestè intueantur, &
ad legum obseruationem incitentur.
Æneas Syl. libr. 4. Comment. in res
gestas Alphonfi.

Ludovicus XI. Gall. rex.

* Subpræfectum Aurelianensem,
quo familiariter erat vsus, sæpèque
iniustitiæ reum liberarat, quum in
eo essent omnia ad perniciem proflī-
gata damnari passus est: id adiiciens.
Contendi priuatus pro amico: Re-
gnum autem adeptus, leges mihi tu-
endæ sunt. Annal. Franciæ.

De legum neglectu.

Aristoteles.

CRebrò taxabat Athenienses, quod
cum duas res, frumenta ac leges
inuenissent, frumentis vterentur, le-
gibus nequaquam. Alludens ad Tri-
ptoleum Atheniensem, cuius mini-
sterio Ceres vsa est in ferendis legi-
bus ac tritico. Laert. lib. 5. cap. 1.

Anacharsis.

Anacharsidi illud tribuitur mul-
tò vulgatissimum, quod etiam & So-
loni, leges aranearum telis esse simi-
les, in quibus infirmiora animalia
hærent, valentiora perrumperent.
Ita leges humiles ac tenues constrin-
gunt, à potentibus impune violan-
tur. Valerius lib. 7. cap. 2. Laert. lib. 1.
cap. 3.

Agis.

Quum è senioribus quidam, vi-
dens priscas leges & instituta vetera
aboleri & alia praua succedere, at-
que ob id res Spartanorum inuerti,
& conteri: id, inquam, cum apud A-

gidem iam senem deploraret, ioco respondit, Si sit, inquit, quod narras, recto ordine res procedunt. Siquidem ego puer à patre audiui quod iam tum illis temporibus res inuertentur. Itaque si rursus inuertuntur, redierunt in locum pristinum. Hoc quidem ille ludēs, cæterum seriò dicebat, se puerum hoc quoque accepisse à patre, nihil esse mirum si præsentibus succedant deteriora; sed mirandum, si succedant meliora, aut similia. Notauit peculiarem senibus querelam, de rebus in deterius prolapsis, simulque rerum humanarum hanc esse naturam, ut usque in peius degenerent.

Demonax.

Iurisperito dixit, leges prorsus videri inutiles, ut quibus boni non egerent, mali nihilo fierent meliores. Erasim, lib. 8. apoph.

Zaleucus.

Vt & Anacharsis & Solon dicebāt, leges aranearum telis similes esse, nam si musca & culex inciderit, retinetur: si verò vespa, aut apis, disrumpit tela auolant. Stob. ser. 431. De potentibus iniquitare. Antonius part. 1. ser. 67. Plut. in Solone.

M. Cato.

Sæpenumero magistratus adinungere solebat, ut sumerent pœnas de his qui in leges aliquid peccarent. Plut. in apoph.

Vide apoph. de Pœna neglecta.

De legum renouatione & abrogatione.

Lycurgus.

CVidam percontanti, quam ob causam non videretur legibus scriptis? Quoniam, inquit, eruditi qui sunt, recteq; educati probāt quid pro

ratione tēporis expediat. Significans, scripturā non mutari cum pro varietate occasionum vir probus & sapiēs sæpenumero cogatur mutare consilium. Ea res nominatim præscribi nō potest. Satis est ciues honestē fuisse institutos, hi sua sponte videbunt quid pro tempore facto sit opus. Plutarc. in Lacon.

De lepidè dictis.

Socrates.

CVM Xantippen diu rixantem tulisset in ædibus, ac tandem festus consedisset ante fores, illa magis irritata quiete viri, de fenestra perurit eum lotio, ridentibus qui præteribant, & ipse Socrates arridebat, dicens: Facile diuinabam, post tantum tonitru sequuturam pluuiam. Laert. in eius vita.

Diogenes.

Cum diutissime legens tandem eo venisset, ut videret chartam vacuum: Bono, inquit, animo estote viri, terram video. Alludens ad longa nauigatione fessos, qui recreantur animo, si portus procul appareat. Laert. lib. 6. cap. 2.

Idem.

Cum in dolio suo, sicco mucidoque pane vescens solus, alios lætitiā perstrepētes audiret (erat enim dies festus) tædiosus factus, diu secum de relinquendo vitæ instituto cogitauit. Sed cum tandem mures videret abreptentes, panis micas edere: Quid tibi displices, inquit, o Diogenes? Iam magnificus es: ecce enim parasitos alis. Idem.

Aristippus.

Ei cum à Dionysio tres puellæ oblatae essent, ut optionem eligendi, quam vellet, haberet, omnes domum duxit,

duxit, dicens: ne Paridi quidem fuisse tutum, vnam cæteris præferre. Laer. lib. 2. cap. 8.

Idem.

Cuidam qui proposuerat enigma, vt solueret: Quid ô stolide, inquit, vis soluiam, quod nobis etiam ligatum exhibet negotium? Idem.

Idem.

Cuidam interroganti, Num tu es vbique? ridens: Naulum, inquit, non perdo, si sum vbique. Elusit autem Aristippus sophisticâ quæstionem, an idem corpus possit esse in multis locis: dum respondit, non esse periculû ne perdat naulum. Perdit enim naulum, qui dato pretio non peruchitur eo quo cupiebat Idem.

Idem.

Concubinæ dicenti, Sum ex te gravis, respondit: Istuc nihilo magis scire possis, quàm per dentissimas spinas ambulans dicere, hæc me spina pupugit Idem.

Anonymus.

Lacon quidam cum duras amygdalas duplo vendi conspiceret: Sûntne hic, inquit, rari lapides? Quasi nihil interesset inter silicem & duram amygdalam. Plut. in Lacon. apoph.

Alius.

Alius quidam Lacon, cum se voto obstrinxisset, quod se de Leucare præcipitè daret: conscendit in montem: & conspecta altitudine, sese auertit. Id cum illi probro obiiceretur: Non putaram, inquit, illi voto maiore voto opus esse. Idem.

Pausanias Cleombroti F.

Cum post victoriam à Medis apud Plateas reportatam præcepisset suis, vt apponerent cœnam Persicâ, quam sibi barbari prius apparauerât: ea cû esset sumptuosissima: Lurco, inquit, eras ô Persa, qui cum tantas haberes

delicias, ad nostrâ veneris mazâ. Erat autem maza, panis genus contemptum. ac vulgare. Plut. in Lacon.

Leorychidas.

Cum portæ illi proximæ clauem draco circunvolutus esset cõplexus, idq; augures affirmarent esse portentum: Mihi, inquit, nequaquâ videtur: sed si clavis fuisset cõplexa draconem, portentû erat. Lepidè hominû superstitione irritis, qui sæpenumero terrentur his quæ casu aut fortè fortuna eueniunt. Plut. in Lacon. apoph.

Agathocles.

Ithacenses cum nautas apud Agathoclem accusassent, quod ad insulâ appellentes, pecora quædam abegissent: Agathocles, Vester, inquit, rex cum venisset ad nos, non tantum pecudibus abreptis, verum ipso etiam pastore exoculato recessit. Alludens ad fabulâ Homericam de Vlysse, qui Polyphemum Cyclopem excæcauit. Plut. in apoph.

Augustus Cæs.

Cum ab eo Pacinnius Taurus munus peteret, diceretque populari rumore sparsum, pecuniam haud parua ipsi à Cæsare datam: Sed tu, inquit, noli id credere. Lepidè significans, se nequaquâ id daturum, quod apertè petere non auderet. Suetonius in eius vita.

Idem.

Supra de Ambiguè, faceret & ioco sè dictis.

V. cæsar. ian. ian.

Infra, tit. de Curiositate.

Ludovicus xij. Gall. rex.

*Extant eius lepidè dicta collecta & edita libro peculiari ex annal. Frâciæ descripto. Hæc autem quod grauiâ & memoranda esse videantur ad peculiare suos locos retulimus, vt ex indice constat.

Vide apoph. de Ambiguè, argutè, faceret & iocose dictis.

Cc iiii

De liberalitate.

Bion.

Semper dicebat esse optabilius, suam messem alteri largiri, quam alienam decerpere. Sensit felicius esse dare, quā accipere. Laër. li. 4. ca. 7.

Diogenes.

Cū à Platone petiisset paululum vini, simulque caricas, Plato misit lagenam plenā vino. Cui Cynicus hūc in modum gratias egit: Cū interrogaris, Quot sint duo & duo? respondes viginti. Ita non secundum ea quę rogaris das, nec ad ea quę interrogaris respondes. Laër. l. 6. c. 2.

Idem.

Si quando egebat pecuniis eas ab amicis accipiebat. at suggillantibus eum quōd præter philosophi dignitatem peteret, quod esset mendicorum: Imo, inquit, non peto, sed repero, *ὡς ἀντὶς, ἀλλ' ἀπαρτῶ*. Repetimus enim mutuū, aut depositum. Amicus autē egenti, amico dans, non donat, sed reddit quod debet, quisquis enim in tali casu pecuniam seruat, rem alienam detinet. Ibidem.

Idem.

Illi etiam tribuitur hoc ænigma, manus non esse porrigendas amicis complicatis digitis. Innuens, non satis esse, si comes nos præbeamus, sed comitati comitem adiungendam benignitatem. Qui comiter tractant amicos dicuntur *ἀντὶς ἀντὶς*, quasi dicas dextrare. Laër.

Aristoteles.

Cuidam increpanti, quod homini malo dedisset eleemosynam: Non mores, inquit, sed hominem commiseratus sum: Etiam improbis in necessitate luceat vir bonus. Debetur enim hoc officium, si non meri-

tis illius qui iuuatur, certē naturæ. Et bonus fieri potest, qui malus est. Laër. li. 5. cap. 1.

Demosthenes

Interrogatus, quid Deo simile haberent homines? respondit, Benignè facere. Max. ser. 8.

Xenophon.

Dicere solebat, multò præclarius ac laudabilius esse beneficiorum, quā trophæorum multitudinem post se relinquere. Stob. ser. 46.

Arcefilas.

Quum Apellem Chium ægrum inuisens, etiam egere sensisset, postridie remisit illum, decem drachmas secum adferens, & proximè assidens: Hic nihil est, inquit, præter Empedoclis elementa. Deinde sub cervicali clam deposuit drachmas, ab ancilla paulò post repertas. Tunc æger, hic est, inquit, Arcefilai ludus. Erasmi. l. 6. apoph. en Plut.

Arcefilas.

Sibi multò iucundius esse dicebat, si milites suos ditaret, quā si ditesceret ipse. Plutarchus in Lacon. apoph.

Anaxilais.

Interrogatus olim, quid in tyrannide omnium esset felicissimum? respondit, In conferendis beneficiis nunquam vinci. Stob. ser. 46.

Timandridas.

Quum peregrinationem suscepisset, familiæ procurationem filio delegauit. Deinde reuersus postquam rem multis partibus auctiorem reperisset, quā antea fuisset, multos dixit ab illo deos, & familiares atque hospites iniuriis affectos. Etenim quæ in facultatibus supererant, ea in illos à liberis ciuibus erogari. Verū dum (inquit in viuus agis, pauper atque egenus videris. At quum eris vita de-

functus opes & diuitiæ rei familiaris deprehensa, turpitudinem tuam aperient. *Ælianus libro 14. de Var. histor.*

Cyrus.

Cum quidam ad eum misisset ornamenta multa, ea distribuit amicis. Quidam verò quærente, Cur sibi nihil reliquisset? Quia, inquit, corpus meum his omnibus ornari non potest: amicos autem his ipsi ornatos intuens, maximum mihi ipsi ornamentum aptum esse putabo. *Max. serm. 6.*

Artaxerxes Longimanus.

Dicere solebat, Regalius esse addere, quàm adimere. Sentiens, princepe dignius esse, honores & opes eorum quibus imperant, augere potius, quàm imminuere. *Plutarc. in reg. apoph.*

Dionysius senior.

Quum ad filium ingressus conspexisset vasculorum aureorum & argenteorum magnam vim, exclamās: Non est, inquit, in te regius animus, qui his poculis, quæ à me tam multa accepisti, neminem tibi amicum feceris. Sentiens, absque ciuium beneuolentia regnum nec parari, nec tene-ri. Beneuolentiam verò maximè conciliat liberalitas. At iuuenis, rerum imperitus, putabat esse felicius, habere argentum & aurum, quàm amicos. *Plut. in apoph.*

Dionysius iunior.

Quum sæpe pecuniam Platoni daret, atque is nunquam acciperet: Aristippus, qui aderat, Turo, inquit, liberalis & munificus est Dionysius. *Brusson. lib. 2. cap. 21.*

Artaxerxes.

Quum Satibarzanes Artaxerxis à cubiculis, quiddam minus iustum ab eo peteret, sentiretq; rex illū hoc fa-

cere sollicitatum triginta Daricorum millibus quæstori ærarij sui mandauit, vt Daricorum triginta millia ad se deferret, eaque dedit Satibarzani, dicens, accide o Satibarzanes: nam hæc tibi cum dederō, non ero pauperior. *Plut. in apoph.*

Alexander.

Quum 200. eris alieni talenta sibi cōflasset, non antè nauē conscendit, quàm rebus amicorum pensatis huic quidem agrum, illi villam, alteri domorum prouentum, alteri portoria elargitus est. Absumptis igitur ad distributis ferè regijs opibus omnibus rogatus à Parmenione, quid regi superesset? respondit Alexander, Super est mihi spes acquirendi maiora. *Plutarchus.*

Idem.

Dotibus plurimis cōmilitones donauerat: æsq; alienū militibus, quod conflauerat, quum dissoluere vellet, ac propterea vt darēt nomina iussisset, multis ex illis, ne apud regem intemperantiæ vitium subirent, nomina sua dare noluerunt. Id quum Alexander innotuisset, increpata illorum diffidentia, Non decerè, ait, ementiri in populares suos. *Q. Curtius.*

Idem.

Interrogatus à quodā vbinā suos thesauros haberet? amicos ostēdens, ait: In scriniis. Summa enim liberalitate suos amicos semper ornauit. *Max. serm. 6.*

Orsines.

Quum Alexandrum & eius amicos muneribus amplissimis honorasset, Bagoæ eunuchō nihil dedit: sed admonitus ab amicis, quod is Alexander cum primis esset charus, respondit, se regis amicis honorem habere, non scortis: nec apud Persas esse moris, vt viri mares ducant. Agnoscas in

hoc satrapa mētem Cyro generis auctore dignam. Honorare nouerat, adulari nō poterat: quū hodie quoque cernantur in aulis, qui scortis, morionibus ac leonibus principum plus deferant honoris, quā genere ac virtute præcellentibus viris. Eras. li. 8. ex Q. Curtio.

Alexander

Anaxarcho philosopho iusserat quæstorē dare quantumcunque ille postulareret: cūmq; quæstor audita postulatiōe turbatus, Alexandro indicasset philosophum petere centū talenta: Rectē, inquit, facit, sciens se amicum habere, qui tantum dare & possit & velit. Hic dubites, vtrum potius admirari oporteat, regiāne liberalitatem in donando, an philosophi improbitatem in postulando: nisi malumus hāc vocare fiduciam. Plut. in apoph.

Idem.

Quum quidam urbem donaret, dicente eo cui donabatur, Non conuenire fortunæ suæ: Non quæro, inquit rex, quid te accipere decet, sed quid me dare. Seneca.

Idem.

Perillus, vnus ex amicis Alexandri filiabus suis ab Alexandro dotem petiit. Iussit rex, illum capere talenta quinquaginta, cūmq; is respōdisset, Decem satis esse: Tibi quidem, inquit, satis est tantū accipere, mihi verò non satis est tantū dare. Præclare dictum, nisi virtutis indolem ambitio vitiaffet. Plut. in apoph. Seneca.

Idem.

Xenocrati philosopho quinquaginta talenta dono misit: ea quum ille recusasset accipere dicens sibi non esse opus: interrogauit, an ne amicū quidē vllum haberet, cui esset opus? Nam mihi, inquit, vix Darij opes in

amicos suffecerunt. Hic vtrius animū magis admirari conueniat, nondum statui: regisnetam ad liberalitatem propensum, an philosophi qui tantum munus à tango rege vitro de latum remiserit. Plut. in apoph.

Ptolemæus Lagi F.

Maxima cum voluptate amicos suos locupletes fecit. vnde à quibusdam ob id reprehensus, Melius est, inquit, ditare quā ditescere, Ælian. l. 13. de Var. hist.

Antigonus.

Aristodemo, qui vnus ex amicorū regionū numero fuit, è coquo vt putabatur prognatus, suadēti vt impendiis ac largitionibus aliquid detraheret: Verba tua, inquit, Aristodemus olent. Subindicans, coquorum esse parsimoniam, non regum, proinde illum tali concilio non meminisse, cuius esse amicus, sed quo esset patre natus. Plut. in apoph.

Scipio Nasica.

Cū ad poētā Ennium venisset, eique ab ostio quæretī Enniam, ancilla dixisset, eum domi non esse: Nasica sensit illam hoc domini iussu dicere, & illum intus esse. Ac tum quidem dissimulās abiit. Ac paucis post diebus, cū ad Nasicam venisset Ennius, eūmq; à ianua quæreret, exclamat ipse Nasica, se domi non esse. Tum Ennius: Quid? tamen ego vocem tuam audio, & agnosco. Hic Nasica: Nā tu homo es impudens? ego cū te quærerem, ancillæ tuæ credidi: tu mihi non credis ipsi. Eras. li. 6. apoph.

Lucullus.

Cū ob nimiam liberalitatem reprehenderetur ab amico, respondisse fertur: Benemeritis semper parem remeriendam esse gratiam. Plutarchus.

Galba.

Galba.

Delectatus inter cœnandum tibi-
cine Cano, iussit loculum ad se affer-
ri, & acceptos nummos in Cani ma-
nus imponens, dixit: Non ex publi-
cis, sed ex priuatis te dono pecuniis.
Sueton.

M. Antonius.

Filium habebat ex Fulvia, Is puer
Philotæ dederat ingentem vasorum
vim: quæ cum ille recusaret accipe-
re, metuens ne pater tantam filij libe-
ralitatem non probaret, Quid times,
inquit, puer accipere? An nescis, eum
qui dat, filium esse Antonij? Plut. in
Antonio.

Idem.

Prodigiosè profusus, dicere sole-
bat, Amplitudinem imperij Romani
non per ea quæ acciperet, sed per ea
quæ daret illustrari. Ea vox excelsi a-
nimi videri poterat, nisi ab Antonio
fuisset profecta. Plutarchus in An-
ton.

T. Vespasianus.

Interrogatus, cur tam multa pol-
liceretur amicis? respondit, non o-
portere quemquam à Cæsare tristem
discedere. Sueton.

Alex. Severus.

Ei qui nihil petebat, Quid est, ait,
quod nihil peris? an me tibi vis fieri
debitorem? Pete, ne priuatus de me
queraris. Voluit autem indicare Im-
perator prudentissimus, subditorum
esse, vt ita gerant se erga superiores,
vt petentes aliquid, digni sint qui ex
principis liberalitate amplissima ac-
cipiant munera. Lamprid.

Constantinus Chlorus.

* Vtilitati ac commodis prouin-
cialium & priuatorum studuit. Ac
sicut quondam Cyrus dixit, se the-
sauros sibi parare, dum amicos diui-
tes redderet: ita Constantinus in ore

sæpe habuisse fertur, Melius esse o-
pes publicas à priuatis haberi, quàm
intra vnum ærariū possideri. Eutrop.

Alphonfus.

Ei cum à quodam deferrentur au-
reorum decem millia, dixissetque
qui fortè aderat, ea duntaxat summa
se diuitem & beatum fore: Accipe,
rex inquit, quantacunque ea est, &
beatus esto. Panor. lib. 4. de reb. gest.
Alphonfi.

Idem.

Cum audisset Vespasianum Cæsa-
rem, eam diem se perdidisse solitum
dicere, in qua nihil quicquam alicui
donasset: egisse gratias dicitur Deo
optimo max. quod eo modo nec diè
ipse perdidisset. Panor. lib. 1. 2. de reb.
gestis Alphonfi.

Sigismundus imp.

Promissa veterano militi exigen-
ti, cum diceret, At immoderata fuit
tua petitio: respondit miles, Pote-
ras negare cum peterem, non au-
tem sine turpitudine quod promissum
est, rescindere nõ poteris. Tum
Sigismundus, Si ex duobus alterum
me ferre oportet, leuius rerum, in-
quit, quàm famæ iacturam subibo.
Fuit enim in Sigismundo tanta libe-
ralitas ac munificentia, quanta in nul-
lo antea principum. Æneas Syluius
lib. 3. commentariorum de reb. gestis
Alphonfi.

*Vide apophth. de Beneficentia, & Mu-
nificentia.*

De liberè dictis, seu de lo-
quendi libertate.

Bias.

N Auigans cum hominibus impiis
tempestate correptis, aliis ad

deos clamantibus, Bias: Silete, inquit, ne Dij vos homines scelerosos hinc nauigare sentiant. Laert. l. 1. c. 6.

Idem.

Alcibiadem hoc elogio taxauit, quod adolescens viros abduxisset ab vxoribus, iuuenis verò factus vxores à viris. Laert. l. 6. c. 7.

Crates.

Alexandro percontanti, num cuperet restitui patriam suam? Quid opus est, inquit? Fortassis alius Alexander restitutam diruet. Laertius libro 6. cap. 5.

Aristippus.

Percontatus à Dionysio, cur in Siciliam venisset, relicto Socrate? Vt inquit, quæ habeo impartiam: quæ non habeo, accipiam. Laert. l. 2. c. 8.

Idem.

Iussus aliquando ex sua philosophia nonnihil proferre quumque detrectantem vrgeret Dionysius: Ridiculum: inquit, si quidem me vt de Philosophia loquar rogas, & quando oporteat me loqui duces. Laert. libro 2. cap. 8.

Idem.

* Sciscitatus, quem fructum percipisset ex philosophiæ studio? Quod cum quibuscumque (inquit) liberè loqui possim. Laert. Ibidem.

Zeno Cittieus.

Dionysio cuidam dicenti, cur me vnum omnium non corrigis? Non enim, inquit, tibi credo. Subindicans, sibi non esse spem, illum, si corrigeretur, fore meliorem. Laert. libro 7. cap. 1.

Idem.

Accusatus quod in perniciem Nearchi tyranni coniurasset, & in quaestionibus iussus edere nomina coniuratorum, nominauit plerosque illi amicissimos. De his cum tyrannus

sumpsisset supplicium, rogarèque num quis superesset? Tu solus, inquit, Reipublicæ perniciēs. Laert. lib. 2. cap. 5.

Pythagoras.

Cum quidam ad Pythagoram dixisset, Nimium me irrides: Atqui, inquit, lienosis acria & acerba profunt, dulcia verò nocent. Max. ser. 31.

Democritus.

Libertatem in dicendo, ingenuitatis signum esse dicebat: sed occasio- nis diuersitatem, habere periculum. Stob. ser. 11.

Idem.

Quum pro Atheniensibus apud Philippum legatione fungeretur, liberèque loqueretur. Philippus, Metuisne, inquit, ne tibi caput iubeam amputari? Non, inquit, nam hoc si mihi abstuleris, patria ipsa mihi immortale pro hoc reponet. Maximinus serm. 31.

Idem.

Quum apud Dionysium quæreretur, quod æris genus esset omnium optimum? Ex quo, inquit, Athenienses statuas fecerunt Harmodio & Aristogitoni. nimium liberè significans, tyrannos è medio tollendos. Nam obiectos tyrannos Athenienses illis statuas erexerunt. Item Antiphonti & Diogeni tribuitur tum à Plutarcho, tum à Laertio. Laert. lib. 2. cap. 7.

Democrates.

Furè ab undecim viris abduci videns, Vah, miser, inquit, cur tantula furatus es, & non potius magna vt tute etiam abduxisses alios? Stob. ser. 11.

Anaxarchus.

Inuisum habuit Nicoereontè Cy- pri tyrannum. Itaque quum in cœna quadam Alexander rogasset, qualis illi videretur? Præclara, inquit, sed oportuit

tuit & satrapæ cuiusdam caput apponi, oculos detorquens in Nicocreontem, qui aderat, à quo etiam postea crudeli mortis genere è medio sublatus est.

Empedocles.

Ad quendam dicentem quòd nullum sapientem reperire posset: Non mirum est, inquit. Oportet enim, ut ille primum sapiat, qui sapietè quærit. Laer. l. i. c. Anton. in Meliss. par. i. ser. 50.

Aristippus.

Socrate perstringente vnguentis delibutos. Phædon quæsiuit, quis esset ille vnguentis delibutus? Ego, inquit, Aristippus infelix, & me multò infelicior Persarū rex. Laer. l. 2. c. 8.

Plato.

Diu in Sicilia commoratus, cum à Dionysio cui semper familiarissimus fuerat, vocatus esset ad cœnam, & inter alia, quæ cœnantes fabulantur, Dionysius interrogaret, num etiam apud Athenienses in philosophorum conuentu Dionysij mentionem facerent? Plato subridens, respondit: Nūquam philosophos, qui Athenis viuunt, ita vacare, aut de tam vili materia inter eos tractari posse, ut loqui de Dionysio valeant. Liberè & apertè vitam eius, ut dignus erat, reprehendens. Plur.

Idem.

Cum Dionysio Hermocratis filio de tyrannide differens, ait, nō statim esse præstantius, quod vni tantum sit vtile, nisi & virtute cæteris antecelleret. Offensus tyrannus dixit, *οὐχ ὅτι σοὶ μόνον* id est, verba tua sapiunt seniu. Contrà Plato, *οὐδ' ὅτι σοὶ μόνον* id est, tua verò tyrannidem sapiunt. Laer. l. 3.

Socrates.

* Dicebat opportunā occasionem

linguæ liberæ, ut tempori, maiorem conciliaret gratiam. Item, Neque gladium obtusum, neque loquendi libertatem infructuosam esse debere. Item. Ut minimè solem è mundo, ita neque dicendi fiduciam à recta institutione tollendam. Item. Sicut pallium sordidum non obstat corpori, quo minus sanum & quadratum sit: ita paupertas nihil orationis fiduciā prohibet. Stob. serm. de fiducia & libertate dicendi.

Diogenes.

Aliquando in Antisthenem incidens, reprehendit ipsum ut in dicendo remissiorem se multò, & qui vix etiam altum clamās exaudiretur. Sed ipsum verò tubam conuiciorum appellabat. Cui verbis se vlciscens Antisthenes, pro tuba se similem esse respondit vespis, quæ sonū quidem alis haud magnum edant, centrum tamen habeant acerrimū. plurimum verò libera Diogenis linguæ promptitudine delectabatur. Stobæus sermone 11.

Idem.

Dicere solebat: Canes quidē mordent inimicos, ego autem pro libertate mea amicos, ut incolumes seruem. Stob. ser. 11.

Idem.

Idem ab Eritio petiit quiddā magni, qui quum ex more his verbis negaret: Faciā, si mihi persuadere possis. Si possim, inquit Diogenes, iā pridem tibi persuasissem, ut te suspenderes. Laer. l. 6.

Idem.

Quum in publica via pranderet, multique cingerent illum ob spectaculi nouitatem, ac subinde acclamarerent, Canis Canis Canis: Imò, inquit, vos potius estis canes, qui prandentem circumstatis. Ibidem.

Idem.

Inuitatus vt ad Alexandrū regem veniret, recusauit. At Perdiccæ præfecto minitanti necem, ni veniret: Nihil, inquit, magni feceris, siquidem & cantharis & phalangium idem possunt. Laer. l. 6. c. 2.

Idem.

Cum captiuus in castra ad Philippum Macedoniæ regē deduceretur, ac à rege interrogaretur quisnam esset? respondit, se exploratorem esse ad ipsum profectum, vt insatiabilem eius rapacitate videret. Qua loquendi libertate victus Philippus, statim eum dimitti iussit. Plur.

Idem.

Spartanus quidam hoc Hesiodi carmen laudibus in cœlum efferebat, quod ira habet,

Οὐδ' αἰ βόες δ' ἀνθρώποι, εἰ μὴ γαίτων κενὸς εἴη.

Non vel bos pereat, etiamsi vicinus malus adsit.

Idque audiente Diogene: Atqui, inquit, Messenij cum bobus suis perierunt, & vos illorum estis vicini. Notauit autem liberè turpissimos Spartanorum quorundam mores. Ælian. l. 9. de Var. hist.

Aristoteles.

Calisthenem discipulum liberius multa dicentem apud Alexandrum, Homérico carmine admonuit,

ἀνέμω εἰς δὲ μοι τὴν ἐλευθερίαν, ὅς τις ἀγορεύῃ.

Talia nate loquens, haud multo tempore viues.

Nec malè diuinavit, nam libertas illi fuit exitio. Laer. l. 5. c. 1.

Cleanthes.

Inconstantiam Arcefilai præsentē rege adeò liberè reprehendit, vt diceret hominem aliud loqui, aliud facere. Laer. lib. 7. c. 2.

Aristides.

Cum liberius quædam in Dionysium seniore dixeret, res ad regem delata est. vocatus igitur Aristides à rege irato, mortemque minitanti, cum interrogasset an facti poeniteret: Nequaquam, inquit, vlla poenitētia tangor. Brus. l. 2. c. 1.

Aristonymus.

* Dicente quodam, plus satis ab ipso illudi sibi: At etiam Ilenosis, inquit, acris & amara salubria, dulcia verò noua sunt Stob.

Idem.

* Perinde facere dicebat, qui ex oratione libertatem tollit, ac si ex absynthio tolleretur acrimoniam. Anton. & Maxim. sermon. de libertate reprehendit.

Menedemus & Asclepiades.

Menedemus Eretriensis à Nicocreonte Cypri tyranno vocatus ad solenne conuiuium cum Asclepiade amico, cæterisque philosophis, dixit: Si honestum est tales conuocare viros, oportuit id quotidie fieri: sin minus, etiam nunc frustra fit. Ad id quum tyrannus respondisset, diem illum esse sibi festum, eoque singulo quoque mense vacare audire philosophos: liberius respondit Menedemus, Hoc postulare sacrificium, vt per omne tempus audiret philosophos. Quid multis? Eò processit hominis libertas, vt nisi tibicen fuerint. In naui quum periclitarentur, Asclepiades dixit, Tibicinis modulatio seruauit nos, Menedemi libertas perdidit. Laer. l. 2. c. 18.

Phocion.

Cum per totā urbem disseminatum esset, à Delphico oraculo responsum esse, Vnum Athenis virum esse, qui aduerso omnibus aliis ciuibus animo

animo esset : & qui præsentium rerum administratio inuisa esset , ac cum hinc inde quærerent , quisnam is esset? Ego sum , inquit , cui planè nihil placet eorum quæ id tempus in administranda vestra republica geruntur. Plutar.

Demosthenes.

Ingenus hominibus nihil infelicius accidere posse dicebat , quàm si dicendi libertatem amittant. Stob. serm. II.

Phocion.

Cum aliquando Athenis non ad gratiam , sed ad utilitatem concionaretur , ei Demades orator dixisse dicitur : Si populus insanierit , te occidet. Cui Phocion : Te verò , si sapiet , Maxim. ser. 31.

Simonides.

Pausania Lacedæmoniorum regi subinde de rebus à se gestis gloriānti , tandem & Simonidem per irrisionem hortanti , ut aliquid sapienter ipsum admoneret. Moneo , inquit , ut te memineris esse hominem. Eras. li. 6. apoph.

Lycurgus.

Ob generis nobilitatem liberior erat in dicendo , quàm ut populus interdum ferre posset. Itaque cum aliquando populi strepitu exploderetur , è suggestu , exclamavit. O Corcyrae scutica , quàm multis talentis digna es ! Notans populum , à quo eiiciebatur , magnæ quidem autoritatis ac nominis esse , sed inutilem rebus gerendis. Erasim. lib. 8. apoph. ex Plutarch.

Theocritus.

Quendam ineprum poetam recitantem carmina auscultans , interrogatus ab eo , quænam ei placerent respondit , Quæ omisisti. Antonius in Melissa , par. I. ser. 50.

Philoxenus.

Suprà titulo de Constantia.

Timotheus Cononius F.

Aristophontem Atheniensem , eloquentem quidem illum , sed luxuriosum hominem , acerbissimè increpauit hisce verbis : Cui satis esse nihil potest , ei ne turpe quidem videtur esse quicquam. Stob. ser. II. ex Ælian.

Hippocrates.

Hippocrati quidam persuadere conabatur , ad Xerxem proficisci , bonum dominum appellans. At ille : Ne bono quidem domino mihi opus est. Stob. ser. II.

Anonymus.

Cum iuuenis in theatro gloriaretur , & sapientem se prædicaret , ut qui cum multis sapientibus conuersatus esset , respondit quidam , Et ego multis diuitibus conuersatus , non tamen diues sum. Anton. in Melissa , par. I. ser. 50.

Lasus.

Cum indoctus quidam pictor ei diceret , Opere rectoria illine domum tuam , ut ipsam depingam , respondit , Minimè : sed tu prius eam depinge , ut illinam postea. Anton. par. I. Melissa , ser. 50.

Anonymus.

Tarentini iuuenes cum multa de Pyrrho rege securius inter cœnâ locuti essent , & istam facti rationem reposceret , posteaquam res neque negari , neque defendi posset , unus ex his est , Imò , respondit , nisi lagena defecisset , occidissimus te : qua loquendi libertate rem seriam cum in iocum vertisset , tota inuidia criminis dissoluta est. Quintil. lib. 6. capit. de Risu. Plutar.

Theodorus philosoph.

Fertur , cum Theodorus , qui certas ob causas impius cognominatus

est, Athenis profugus, venisse ad Lysimachum, & quidam ex optimariis eam fugam exprobrasset, simulque fugę causam, quod negaret deos & iuventutem corrumpere, respondisse: Non profugi, sed idem mihi accidi quod Herculi. Nam & ille ab Argonautis fuit expositus, nō ob crimen vllum, sed quod vel solus esset iustum onus navis, & ceteri vectores vetererentur ne pręgrauata subsideret: Ita ego, quoque migraui propter magnanimitatem, quā cū Atheniensium rectores non valerent assequi, inuidere maluerunt. Philo Iudæus lib. Quod omnis probus liber.

Idem

*Lysimacho minitante ei necem, Ignorabam, inquit, te non regis, sed cicutę vim habere, Stob. ser. 2.

Demades.

In pugna ad Chæroneum à Philippo captus, eique commendatus, cū Philippus inter pocula hæc verba iactaret: Vbi nunc est nobilitas & præstantia ciuitatis Atheniensium? Cognosceres, dixit, ô rex, ciuitatis vim, si Philippus Atheniensibus, Chæres autem Macedonibus imperaret. Stob. ser. 52.

Anonymus.

Lacon quidam audiens à quodam Pindaro scriptum esse, Græciæ fulcimentum esse Athenas? Ruituram mox Græciam dixit, si tali futura niteretur. Plutarchus in Laconicis.

Idem.

Lacedæmones cū vnam tantum legatum ad Demetrium regem potentissimum misissent, rex contemptum se arbitratus, interrogauit, cur solus in regis conspectum prodire auderet. Cui legatus, an non satis est,

(inquit) vnum ad vnum? Bruson. libr. 2. cap. 1.

Pelopidas.

Ab Alexandro Phereō captus, cū haud arcta custodia teneretur, per id tempus populos Alexandro subditos sollicitare non desinebat, monerēque breui Alexandrum pœnas daturum. Quod cū Alexander rescivisset, misissetque qui Pelopidam monerent, nisi linguam compesceret, fore vt ei mortis causam afferret: nuntio respōdit, Alexādro referret, Pelopidam mirari, quod tam diu distulisset, cū ipse adeo in eum hostili animo esset, vt si vnquam eandē facultas daretur, ad dandas pœnas pro eis quę impiē in populos suos nulla eorum culpa ederet, ipsum coacturus esset. Paulo post Pelopidæ opera Alexander à suis interemptus fuit. Fulgosius libro 6 ex Plutarcho.

Idem.

Ab Alexandro captus, tyranni nūtiavit, absurdum esse vt alij interficerentur, ipse autem solus superstes esset. Alexander igitur re intellecta, interrogat, cur mortem optaret? Respondit Pelopidas, Tu diis omnibus inuisus cū sis, cur non prius mori optas? Brusonius libro 2. cap. 2. ex Plutarcho.

Idem.

Infra de morte contemnenda.

Idem.

Thebe Alexandri Pheræi vxor, cū ad visendum Pelopidam, qui ad Alexandro in vinculis tenebatur, descendisset, ac dixisset Pelopidæ, Miseret me tuę vxoris: & me (respondit Pelopidas) tui, quod libera cū sis, Alexandrum feras. Plut. in apoph.

Philotes.

Cum à Lysandro, qui cum bello cœperat,

coeperat, interrogaretur, quid is meritus esset, qui de Lacedæmoniis tantum, ut ei vitio dabatur, oblocutus esset: Interitus respondit, O Lysander, noli eum accusare qui iudice careat, sed iam tandē aduersum me id exequere, quod ipse iam in te fecissem, si tam tu in mea manu esses, quam ego in tua sum. Quamobrem eum Lysander occidi iussit. Fulgosi lib. 6. ex Plut.

Philoxenus.

Cum Dionisij carmina paulo liberius reprehendisset, ob eam causam lapidicinis adiudicatus est. Deinde reuocatus, ac iterū ad eius carminum recitationem admissus, non multum immoratus surrexit. Quærenti autem Dionysio, quonam abiret? Ad Latumias respondit. Stob. serm. 11.

Themistocles.

Puer adhuc cum quodam tempore è ludo literario rediret, obuiam Pisistrato tyranno factus, de via decedere noluit. Vnde cum grauitèr à pædago obiurgaretur, liberè respondisse fertur: Nunquid hæc via ei non sufficit? Ælianus de Varia historia lib. 3.

Demaratus.

Improbo quodam intempestiuo cum interrogationibus cauillante, ac idem sæpius iam rogante, quis optimus esset Spartanorum? Qui tibi, inquit, longè dissimillimus est. Plut. in Lacon. Bruf. lib. 3. cap. 16.

Idem.

Eo tempore quo Philippus Macedonum rex ortis discordiis cum vxore & filio dissidebat, interrogatus à Philippo, quam bene inter se Græciæ ciuitates conuenirent? Liberè respondit, Magnæ sanè tibi curæ est, Philippe, ut de Græcorum

concordia certior fias. Siquidem id ad te pertinet, postquam cum coniuge tua ac filio tam concorditer, tantoque in amore viuisti. Fulgosi lib. 6. ex Plutarcho.

Anonyma.

Macedonica quædam vetula ad Demetrium regem veniens, ut quid mali accidisset indicaret: audiensque à rege, iam otium sibi non esse, respondit, Noli igitur rex esse. Fulgosi lib. 6. ex Plut.

Chereas.

Cum ei aliquando iratus Ptolemæus rex atrociter minaretur, suam libertatē non minoris faciens quam potentiam regiam respondit: Ægyptiis impera, ego te tuamque iram nil moror. Habent enim regiū quidam generosæ animæ, quarum splendorem nec fortunæ obscurat iniuria, quod decet opponi amplis dignitatibus, ad retundendam liberis dictis superbiam. Philo Iudæus lib. Quod omnis probus liber.

Demonax.

Proteo cuidam obliuienti, quod morderet omnes, nec tamen Cynicum viueret: Amice, inquit, non vis uis hominem. Eras. lib. 8. apoph.

Dercillidas.

Missus à Spartanis ad Pyrrhum regem legatus, cum Pyrrhus grauib. verbis eum vrgeret, ut Lacedæmonij Cleonymum regem, quē pepulerant, in regnum reciperent: nulla regiæ dignitatis ratione habita respondit, Si Deus es, Pyrrhe, nobis minime timendum à te ducimus, nam cum iustam habeamus causam, Deus qui iustus est, nihil aduersus nos molietur: quod si non Deus, sed homo es, melior profectò non es, & propterea tantopere nobis formidandū non est. Fulgosi lib. 6. ex Plut.

Lyfander.

Megarensi cuidam in publico cōuentu liberius aduersus ipsum loquenti: Tua verba, inquit, amice opus habent ciuitate. Plut.

Theodorus. philof.

Lyfimachus Macedo cū mortem ei minatus esset. Theodorus ad regem ait, Istis purpuratis & aulicis tuis mortem tam crudelem minare, qui digni sunt, vt inhonesto mortis genere claudant diem extremum. Bruson. lib. 2. cap. 1.

Eteocles.

Antipater, post Agin bello superatum, cū obsides petiisset pueros quinquaginta, Eteocles Ephorum omnium nomine liberè respondit. Si acerbiora more imperaueris, citius moriemur. Plut. in Lacon.

Anonymus.

Antipater cuidam rustico librum de felicitate exhibenti, non otium sibi esse dixit. Cui ille, Ne regnato quidem igitur, si non fueris otio. Stob. serm. 11.

Demades.

Videns Philippum multo vino madidum, cum amicis saltantem, regem accedens, ait: Non pudet te o rex cū fortuna tibi Agamemnonis personam induerit, te factis agere Therfiten? Fuit autem Therfiten omnium Græcorum deformosissimus. Eras. lib. 6. apoph. ex Plut.

Idem.

Infrà de Regnandi libidine.

Epicharmus.

Hiero tyrannus cū aliquot è familiaribus occidisset, paucis post diebus Epicharmum vocauit ad cœnam, cui ille nimium liberè: At nuper, inquit cū immolares amicos, non me vocabas. Solent, qui sacrificant, splendidum epulum apparare,

adque id rogare amicos. Periculosa libertas, quæ plus laudis adfert ferenti, quàm dicenti. Plutarhc. in apophtheg.

Zeno Cittiens.

Dionysio cuidam dicēt, Cur me vnum non corrigis? Zeno Cittiens respondit: Quia tibi non credo. Subindicans, sibi planè nullum spem esse resipiscentiæ. Laert. lib. 7. cap. 1.

Anonym.

Syracusanicum Dionysij tyranni exitium, propter nimiam morum acerbitatem exoptarent: mulier quædam sola deos quotidiana orabat, vt superstes esset. Quam cū interrogasset Dionysius, cur rā assidue pro tyranni vita preces funderet? Liberè respondit: Ne multo deterior tibi succedat. Cū enim antè te grauem tyrannum haberemus carere eo cupiebam, quo interfecto, tu qui multo deterior es, eius successor factus es. Ita etiam timeo, ne te mortuo deterrimus regnum occupet. Val. Max. lib. 6. cap. 2.

Anonyma.

Suprà de Ebrietatis variis affectibus.

Diogenes.

Quum Alexāder Magnus ad Diogenem venisset, cūque salutasset, percontatus est Diogenes: quidnam esset? quūque ille respondisset, ego sum Alexander ille rex: At ego, inquit, Diogenes ille canis. Non minus superbiens sua libertate quàm Alexander suo regno. Interrogatus autē, cūnam canis vocaretur? Quoniam, inquit, dentibus blandior, non dentibus oblatro, ma los etiam mordeo. Iterum Alexandro quærente, num quid vellet? Secede paulisper inquit, nec mihi vimbram facito, Laert.

Laertius libr. 6. capite 2. Seneca, Plutarchus.

Antagoras.

Suprà de Conuitiis in ipsum auctorem retortis.

Paulus Aemilius.

Consul aduersus Perseum Macedoniae regem creatus, cum mos esset in eiusmodi rebus popul. Rom. gratias agere: ut suam in dicendo libertatem seruaret, virtute & innocentia sua fretus, ad populum dixit de duobus consulatibus, quos erat adeptus: Primum se sui ipsius gratia petiisse, hunc autem secundum ab ipso populo delatum esse. Huius igitur potestis causa gratias non agere. Quin potius si quem meliorem ad eam expeditionem populus inueniret, eum eligeret. Verum si quid in eius virtute spei reposuisset, sine verbis dicto eius audiens esset. Plutarch. in eius vita.

Scipio Africanus.

Interrogatus quid de Tiberij Gracchi morte (cuius sororem in matrimonio habebat) sentiret? Iure casum, respondit. Cuius dicto cum concio tribunitio furore instincta violenter succlamasset, Taceant, inquit, quibus Italia nouerca est. Orto deinde murmure: non efficietis, ait, ut solutos verear, quos alligatos adduxi, Paterculus & Plut. item Valer. Max. l. 6. c. 2.

Q. Flaminius.

Cum aduersus Philippum Macedoniae regem bellum gereret, & in tractanda pace delectus ad colloquiū locus esset: Philippus fraudem veritus, obsides à Flaminio petiit, affirmans Romanis multos esse Flaminius, sed apud Macedones esse vnum Philippum. Ad quem Flaminus statim respondit, ipsius Philippi culpa

accidere, qui amicos & propinquos omnes interemisset. Romano, id est libero verbo crudelitatem atque perfidiam Philippo impropertavit. Plutarchus.

C. Fabricius.

Suprà tit. de Auaritia & de fide seruanda.

L. Crassus.

Cum in curia à Philippo consulis listoribus caperetur, reiecto listore. Non es, inquit, mihi Philippe consul, quia nec ego tibi senator sum. Cic. l. 3. Offic. Val. Max. l. 6. c. 2.

Granius.

M. Druso tribuno plebis homini potentissimo, ed multa in Rempub. molienti, quum ab eo, ut sit, salutareretur his verbis, Quid ais Grani? Imò verò, inquit, Tu Druse, quid agis? Vtrumque refertur à M. Tullio in oratione pro Cn. Plancio. Eras. lib. 6. apoph.

Idem.

Quum P. Nasica tum consul, cuius iussu iustitium in medio foro edixerat præco Granius, rogaret eum domum descendentem, quid tristis esset? an quoddam auctiones essent? Imò verò, inquit Granius, quoddam legiones. notans eum, quoddam armis rem gereret. Libera sanè vox præconis in consulem, sed eximia moderationis exemplum, hoc impune licuisse præconi. Eras. l. 6. apoph.

Catulus.

Infrà apoph. de Oratione incomposita.

Iulius Cæsar.

L. Sylla sedente pro tribunali, cum prætor esset, atque Cæsari adhuc priuato iratus dicere, se officio suo versusurum: respondit Cæsar, Rectè tu appellas officium, quod pecunia tua comparasti. Neque enim magistratus

maiestate deterritus est, quin ei qua arte magistratum esset assecutus coram exprobraret. Plutarc.

Q. Catulus.

Suprà tit. de Crudelitate.

Priuernatum legati.

C. Plautius consul de Priuernatibus, qui à Romanis descuerant, ad senatum retulit: ac variantibus sententiis quidam Priuernatum legatos percontatus est, quam pœnam viderentur meruisse? Eam, inquit, è legatis vnus, quam merentur qui se libertate dignos censent. Hic consul: Quid, inquit, si vobis pœnam remittimus, qualem vobiscum pacem habituri sumus? Si bonam dederitis, inquit, & fidelem & perpetuam: sin malâ, haud diuturnam. Eras. li. 6. apoph.

Diphilus.

Suprà tit. de Audacia.

L. Philippus.

Quum in Sertorium in Hispaniam Pompeium proconsulem mitti orasset, admiratûsque quispiam è patribus interrogaret Philippum, an dignum existimaret Pompeiû pro consule in Hispaniam mitti: Non procōsule, inquit, sed pro consulibus. Apertissimè indicans, vtrumque consulem esse ad hoc munus subeundum inutilem. Plut.

Cn. Piso.

Cn. Piso, iuuenis etiamnum. Manilium Crispum reum egit, euidenter nocentem: eumque licet præpotentem multis ac magnis criminibus vrgebat, quod videret illum eripi gratia Pompeij, qui Manilio reo aderat. Itaque quum Pompeius velut exprobrans iuvenilem temeritatem Pisoni, qui non vereretur nobilem & opulentum, atque ipsi cum primis amicûm, ad iudices pertrahere dixisset, Quin eadem opera me

quoque accuses: intrepide respondit Piso, Da vades Reipub. te si postulat fueris ciuile bellum non excitaturum, tuum nomen prius quàm Manilij deferam hic elegans epiphonema subiicit Valerius Maxim. Eodem inquit, iudicio duos sustinuit reos, accusatione Manilium, libertate Pompeium: & alterum lege peregit, alterum professione. Valer. Max. li. 6. cap. 2.

Cn. L. Catulus.

Infrà de Potestate & potentia.

Pompeius.

Partisiam multis victoriis, cum iam triumphum peteret, Sylla dictator restitit. contra legem id fieri ac consuetudinem receptam dicēs. Cui Pompeius ait, se ab incepto non discessurum, cum plures essent qui orientem, quàm qui occidentem solem venerarentur. Quo dicto Syllæ senio iuuentam suam præposuit. Plut. in Pompeij vita.

Cato Vtiensis.

Laudatus à senatu, quod populi tumultum oratione sua prorsus sedasset: At ego, inquit, vos P. C. nequaquam laudo, qui me prætorem in tanto periculo deseruistis. Plut. in eius vita.

Idem.

Quum in senatu pro victoria, quam Cæsar ex Vspetis Tenetherisq; Germanis retulerat, de supplicatione discernēda, ageretur, sententiam dixit, Cæsarem hostibus esse dedendû, quo Romana ciuitas à præsidio expiaretur, deinde execrationes in authorem verterent. Idem.

Lælius.

Suprà de Cōiitiis in ipsum authorem retortis, & tit. de Generatione.

Cicero.

In Pompeium multa liberrimè dixit

dixit. Cuius hæc de iis dicta referuntur: Ego quem fugiam quidem, habeo: sed quem sequar, non habeo. Macrob. li. 2. Satur. Et cum ad Pompeiū venisset, dicentibus cum seriō venis-
se: respondit. Minimè serō veni, nam nihil adhuc paratum video. Macrob.

Idem.

Interroganti Pompeio, ubi gener eius Dolabella esset: respondit, Cum in socero tuo. Et cum donasset Pompeius transfugam ciuitate. O hominem bellum, inquit, Gallis ciuitatem permittit alienam, qui nobis nostram non potest reddere. Macrob. l. 2. cap. 3. Satur.

Geminus,

Suprà de Castigatione modesta.

Petronius.

Cum Catonem sibi obstrepentem in carcerē esset coniecturus, & multi essent quibus hoc factum maxime displiceret, inter alios M. Petronius increpatus à Cæsare, quòd senatu nō demisso abiret: Malo, inquit Petronius, in carcere cum Catone, quàm hic tecum esse. Quo audito, Cæsar statim Catonem, affectus pudore, dimisit. Dion Nicæus in Pompeio.

Laberius.

Ex equite Romano factus mimus, annos iam natus sexaginta, huc adigente Nerone, in actione quadam induxit habitum Syri, qui veluti flagris cæsus, ac proripienti se similis exclamabat.

Porro *Quirites libertatem perdidimus.*

Ac paulò post adiecit:

Necesse est multos timeat, quem multi timent.

Ad has voces populus vniuersus oculos & ora conuertit in Cæsarem: intelligens, illius impotentiam his dictis lapidatam. Hoc modo, quo li-

cuit, Laberius vltus est sortem suam. Eras. l. 6. Apoph.

Anonymus.

Suprà de Innocentia.

Antistius.

Cum Romæ haberetur in senatu sermo, vt senatores Augustum (qui multis senatoriam dignitatem ademerat, ac quosdam vt sibi ipsis manus inferrent coegerat, alios tractarat contumeliosissime) vicissim custodirent, repugnare multitudini non ausus: Sterto (interrogantibus ait (quamobrem neque apud Cæsarem excubare. Dion Nicæus in Augusto.

Anonymus.

Tiberio Cæsari contanter & ægrè suscipienti delatum imperium, quidam in os ausus est dicere: Cæteri quod pollicentur, tardè præstant: tu quod præstas, tardè polliceris. Ex Suetonio.

Marcellus.

Tiberius imperator cum in edito quodam verbo parum Latino esset vsus, interrogauit Latinæ linguæ peritos, num in Latinæ linguæ puritatem peccasset? Cui respondit Ar-
teius Capito: Quanquam hoc verbo nemo vsus est ante hac, tamen id tua causa recipiemus in posterum. Marcellus autem quidam respondisse dicitur, Hominibus quidem potes dare ciuitatem Romanam, Cæsar, Latina verba non potes. Hunc Tiberius, quanquam liberè locutum, nullo tamen damno affecit. Dion.

Barto.

Dalmatis sæpenumero defectio-
nis author fuerat & Romanis magna damna attulerat. A Tiberio interrogatus, cur ei deficere, tamque diu contra Romanos bellare visum esset? Vos, inquit, causam dedistis,

Dd iij

qui ad greges vestros custodiendos non mittitis canes aut pastores, sed lupos. Dion in Augusto.

Clemens servus Agrippæ.

Is, domino quantum ad lineamentum oris attinet, planè persimilis, cum se Agrippam esse diceret, atque eo pacto magnam pecuniam constaret, comprehensus tandem à Cæsare Tiberio interrogatusque, quomodo Agrippa factus esset? Eodem (respondit) modo factus sum Agrippa, quod tu Cæsar Romanus, significans Tiberium fraude imperatoriam dignitatem esse nactum. Dion in Tiberio.

Subrius Flavius.

Is, tribunus stipatorum militum apud Neronem interrogatus, cur ceteris in Imperatoris sui mortem cōspirasset ad Neronem dixisse fertur: Quia te & dilexi, & odio persecutus sum supra omnes homines. Dilexi autem, quod te sperabam bonum principem fore: odi autē, quod tyrannum te esse satis sum expertus quo factum est, ut aurigæ atque citharædo servire noluerim. Xiphilinus in Nerone Tacitus.

Sulpitius Aper.

Eadem dignitate qua Flavius, & item pari culpa in simulatus, cum similiter, qua re motus conspirasset, rogaretur? respondit, non minus liberē: Se non aliam rationem finiendorum eius inmensorum scelerum inuenire potuisse. Suetonius in vita Neronis.

Burrus.

Cum intellexisset, Neronem imperatorem Octaviam Augustam, propter Sabinam pellicem repudiasset, ad Neronem dixisse fertur: Si repudiasti, redde etiam dotem, hoc est principatum. Xiphilinus in Nerone.

Idem.

A Nerone interrogatus, utrum de iisdem rebus sententiam diceret, planè & apertè respondisse fertur? Ne me, de quibus rebus semel dixero, bis interroges. Xiphilinus.

Pythias.

Nerone regnante: cum omnes famuli, præter Pythiam, unā cum Sabina pellice, Octaviam Augustam inuaderent, quod eam contemnerent afflictam fortuna, & illi, cuius magna potestas erat, assentarentur, sola Pythias, licet acerrimis tormentis coacta, noluit in dominam mentiri, eumque Tigellinus Sophronius, homo petulantissimus, atque homicida crudelissimus, instaret vehementius, faciem eius conspuit: Mundior est (inquit) Tigelline, vulva Octaviæ dominæ meæ, quam os tuum impudentissimum. Xiphilinus in Nerone.

P. Thraseas.

Suprà de Fortitudine domestica.

Anonymus.

Gallus quidam sutor cum vidisset Caligulam imperatorem nunc deorū, nunc mulierū vestitu turpiter incedentem, atque in folio eminentissimo tanquā Deū sedentē, Iovis chlamyde amictum, tantā insolentiā irrisit. Qua re animaduversa, Caius ad se vocatū hominē, rogavit quid sibi videretur? respondit Gallus, Hanc magnam demetiam videri. Sed imperator, eo quod sutoris dictum satis liberum esset, æquo animo tulit. Xiphilinus in Caligula.

Anonymus.

Græculus quidā causam agēs apud Claudium Cæsarem, inter altercandū cōmotus hanc vocem in illū emisit, *καὶ αὐτὸς ἴσους ἢ καὶ μάλας*, id est, & tu senex

nex es, & stultus. Vsq̃ue eo summa potestas ob stultitiam & passim & propalã euiluerat, vt hoc in os dixerit, non senator, sed ignotus Græculus, & dixerit impunẽ. Eras. lib. 6. apoph.

Anonymus.

Quidam bubulcus seruus, senio penẽ confectus, cùm iam assumpto ad imperium Vespasiano domino, propter nouæ fortunæ felicitatem meritum se putaret, quem dominus munere dignaretur, venienti in urbẽ Vespasiano se obtulit, & libertate se donari petiit. Cùm autem minimẽ asfentiri Vespasianum videret, cõtinẽre se seruale pectus nequiuir, quin vt poterat dominum vlcisceretur. Magna enim voce exclamauit, verò adagio dici, Vulpem pilos quidem mutare, sed mores nequaquam. Ita enim veteris domini auaritiã natura insitam exprobrauit. Fulgos. lib. 6.

Iun. Mauricus.

Nerua Cocceius in cœna, cui assidebat Veiento, qui sub Domitiano consulare dignitatem fuerat adeptus, sed multos clam apud illum detulerat, quum orta Catuli mentione, qui caluniator insignis fuerat, diceret, Quid faceret Catulus, si Domitia no superuixisset? Iunius Mauricus respondit, Nobiscum, inquit, cœnaret. Satis liberẽ submonens imperatorem, quod Veientonem haberet familiarem, simillimum Catulo, quem vt calumniatorem execrabatur. Eras. lib. 8. apoph.

Fronto.

Is consul Romanus post Domitiani pessimi principis mortẽ, de Cocceio Nerua, principe optimo, atque eodem patientissimo, pari libertate locutus est. Nam cum videret nimium populo indulgeri, permittique vt in

eius esset manu vel accusare vel occidere, quẽ Domitiani ministrũ fuisse sciret, clara voce dixisse fertur: Malũ esse sub principe viuere, qui nihil agi permetteret: sed longẽ deterrius, sub eo, qui fieri nihil prohiberet. Quod cùm Nerua audiuisset, modum accusationibus imposuit. Fulgos. lib. 6.

Traianus dux.

Traianus Valentis, crudelissimi in Christiano omnes imperatoris, dux cõtra Gotthos missus, cùm post male in eo bello res gestas rediret domũ atque obiurgaretur ab imperatore, qui grauiter hominis ignauiam accusabat, respondit: Non ego õ imperator victus sum, sed tu potius. qui contra Deum inuictum bellum suscipis, atque tua impietate à te ipso omnem victoriam reiicis. Nicephorus Callistus lib. 11. Eccles. histor. cap. 49.

Val. Homulus.

Ab Antonino imperatore (quẽ ho spitio acceperat) interrogatus, vnde porphyreticas illas columnas accepisset, ad tantũ ædium splendorẽ dixisse fertur, Cùm in domum alienam veneris, mutus & surdus esto. Liberẽ indicans, non opus esse vt bonorum suorum rationes omnibus, imò imperatori etiam redderet. Iulius Capitolinus, & Cuspinianus in Consulibus.

Papinianus.

Bassianus Antoninus imperator magna laborabat inuidia, quod fratrem occidendũ curasset. Eoque Æmylio Papiniano prætorij præfecto, ob eximiam iuris prudentiam summæ apud Romanos authoritatis negotium dederat, vt hoc facinus apud senatum defenderet. At is respondit: multò failius parricidium perpetrari, quàm defendi ob hanc liber-

ram vocem Bassianus occidit virum immortalitate dignum. Erasmus 8. apoph.

Geta.

Bassiano tum ioco tum seriò dicenti, omnes cum liberis occidendos: Geta puer dixit, Tu qui nulli parcis, potes etiam fratrem occidere. Id dictum tunc contemptum est, post cognitum est fuisse vaticinium, nam parricidium postea commisit, Spartianus.

Helvius Pertinax.

Quum Antoninus Caracalla ambitiosè sibi multa cognominia assereret, Germanici, Bartici, Arabici, & Alemanici. Helvius Pertinax, bellè iocatus fertur: Adde etiam, inquit, si placet, Geticus Maximus, quòd Getam fratrem occidisset. Aelius Spartianus

Anonyma.

Adrianus Romanorum imperator cum fortè in foro esset, audiuit mulierem clamantem, Audi me Cæsar. Verùm is quum respondisset, Non est otium modo: illa altiùs clamauit, Noli ergo imperare. Ad hanc igitur vocem restitit, & mulierem audiuit. Ex Dione Cassio.

Apollodorus.

Apollodorus insignis architectus, cum Romæ præclara quædam ædificia erigeret. Atque Adrianus imperator ineptè hominem nescio qua in re reprehenderet, respòdisse fertur: Abi imperator, ac cucurbitas pinge, nam quidem ædificandi artem planè ignoras. Quam loquendi libertatem adeò sinistrè interpretatus est Imperator, vt statim cogitaret quo mortis genere hominem interficeret. Dion Nicæus, & Xiphilinus in vita Adriani.

Pollenius Sabinius.

Is homo omnium mordacissimus, cum audiisset Seuerum imperatorem adscriptum esse Marci familiae: Gratulor tibi, inquit, Cæsar inuicissime, quòd patrem demum inuenireris, quasi antea patrem nò habuisset, propter ignobilitatem & obscuritatem generis. Xiphilinus in vita Seueri.

Anonymus.

Galienus iunior patris mortem ultam reliquit. Itaque quum rex Persarum quasi captiuus per pompam duceretur, quidam scurræ miscuerunt se Persis diligentiùs scrutantes omnia, & cuiusque vultum diligenter contèplantes. Qui interrogati quid agerent? Patrem inquit, principis quærimus, norantes, à Galieno neglectum fuisse. Id vbi delatum est ad principem, scurras viuos exuri iussit. Exemplum impietatis in Cæsare, periculosa libertatis in scurris. Trebellius Pollio.

Mares episcopus.

Julianus imperator cum Constantinopoli in Fortunæ sacello sacrificaret, palà à Mare episcopo Chalcedonensi apostata & à deo vocatus est. Is autem debilitatus visu, alterius ducebatur manu. Volens igitur imperator lacerare blasphemis Deum còsuetè dixit, Neque Gallilæus tuus curare tibi visum potest, Cui respondens Mares, dixisse fertur, Ego Deo meo pro cæcitate gratias ago: quia hoc ideo factum est, ne te videā pietate omni nudatum. Sozomenus lib. 6. Ecclesiastica histor. cap 6.

Terentius.

Is ducum omnium fortissimus, & pietate simul, ac rerum còtra Armenios gestarum gloria in primis insignis, cum ad Valentem imperatorem contra Gottos iam belligèrantem

rantem venisset, atque optionem imperator obtulisset, vt à se quicquid vellet peteret: nihil aliud petiit, quàm vt Antiochiæ vnâ saltem Ecclesiæ Catholicæ propugnatoribus concederet Ecclesiâ. Quod cum Valens audiisset, petitionis libellum (vt homo erat impius, atque Christianæ religioni infensissimus) iam lectum lacerauit, atque aliud illum petere iussit. Tum Terentius libelli partibus recollectis: Habeo, inquit, ô Imperator, & donum teneo: neque aliud petam. Consilij enim mei iudex erit, qui iudex est omnium. Nicephorus Callistr. lib. 11. Ecclesiasticæ histor. cap. 49.

Sigismundus imp.

Cùm dixisset aliquando, assentatores se veluti pestem odisse: Imò, inquit Brunorius Veronensis, nullum genus hominum magis amas, nam qui apud te possent M. Banus, Laurentius Palatinus, Vrsatius, & alij, nisi assentando, tuam gratiam meruissent? Cum Sigismundus, Brunori, ait, sic comparatū est, cum vitandos esse adulatores dicimus, tum maximè illis aures damus Nec enim tu mecum tam diu fuisses, nisi mihi blandiri assueuisses. Aeneas Syluius libro tertio commentariorum de rebus gestis Alphonsi.

Anastasius episcopus.

Interrogatus à quodā, cur ita profusè pecuniam sacram dilapidaret, & non potius in vsus decentes eam impendens; ita vt opus esset dispergeret, liberè respondit per cauillationem: Ideo consumo, ne à comuni pernicië Iustino auferatur. Nicephorus Callistr. lib. 17. cap. 36. hist. Ecclesiast.

Hormisdas.

Achemenides, qui & Hormisdas

dictus est, cùm in Persia fidem Christianam profiteretur, vocatus à Varane rege, atque abnegare Christum iussus, respondit: Imperata tua, rex potentissime, nō solum iniqua sunt, sed incommoda etiam. Cui enim ea necessitas imponitur, vt facillimè vniuersitatis huius Deū abiuret: huic longè facilius fore puto, regem despicere, atque ad alium transire, Rex namque etiam, homo cùm sit, satis subiectus est: cùm Deus nullis rebus planè subiectus sit. Magis igitur est crimen, diuinam quàm regiam lædere maiestatem. Nicephorus lib. 14. cap. 20. Eccles. histor.

Isacius monachus.

Cùm Valentem imperatorem vnâ cum exercitu contra Gothos, qui Christianum religionem acceperant, exeuntem vidisset, manu frenum equi, quo ille vehebatur, arripiens, voce magna dixisse fertur: Quonam, ô Imperator, proficisceris, qui aduersus Deum bellum geris, neque illius opem tecum trahis? Nam ille quodammodo contra te hostem excitauit, quoniam tu aduersus illum impiorum hominum peregrinas & blasphemias linguas exacuisti, & Catholicos ex sacris ædibus eiecisti. Plura leges apud Nicephorum libro 11. cap. 50. Ecclesiast. histor.

Agapethus Rom. Episcopus.

A Theodato, qui in Italia Gothorum rex erat, Constantinopolim placandi Iustiniani gratia missus, cùm Imperatorem Eutychiana hæresi laborantem, frustra reprehendere se intellexisset: Ad Iustinianum Christianissimum imperatorem me venisse arbitrabar, inquit, sed quantum intueri possum, ad Diocletianum me venisse video. Fulgos. lib. 6.

Ioannes Capotius.

Cum dissidentibus inter se Orthone quarto & Friderico secundo imperatoribus, Innocentius pontifex nunc Orthoni, nunc Friderico assentiret, & discordias subinde multas fereret, verbis aliud ostēdens, quā factō, Ioannes Capotius Romanus, Verba tua, inquit, pater sanctissime, Dei sunt: cæterum facta, quæ verbis longē contraria sunt diaboli esse videntur. Ibidem.

Iulianus Card.

Libros veterum cum in bibliotheca lectitasset accessit quidam qui diceret: Quid tu hīc inter mortuos latitas? ad nos tandē qui viuimus exi. Ei Iulianus, Imo, inquit, ij fama viuunt, tu neque nomine neque re viuīs. Æneas Syluius li.3. Commentariorum Alphonſi.

Anonymus.

Coloniensium episcopus & dux, cum iter armatus per Grmāniā faceret, multis stipatus equitibus, incidit in bubulcum quendā, tantum deridentem exercitū. At vbi hominem interrogasset, cur tantopere rideret? respondit bubulcus, Miror sanē Petrum Apostolum, vestri ordinis principem, in tanta inopia mortuū esse, vt posteros in eo ordine tātopere locupletaret. Dicēte verō episcopo, se simul & ducem esse, & episcopū: respondit bubulcus, Vellem equidem declarari mihi, cum mortuum hunc ducem cuius personam modō geris, in inferno esse contigerit, quō putes episcopum esse iturum? Libello autem respōso ostendit, quā stultum sit, in eodem subiecto duas diuersæ professionis personas agere velle. Et si in altera peccaret, putare se in altera pœnas errati non sensurum. Fulgus lib.6.

De libertate.

Pythagoras.

* **N**eminem liberum esse dicebat, nisi qui sibi imperaret. Stob. serm.6.

Bion.

* Bonos famulos libertate frui dicebat: at malos liberos, multarū cupiditatū seruos existere. Stob. ser.2.

Aristippus.

Dionysio recitanti versiculum ex Sophoclis Tragedia,

αὐτὸς τὸν τυραννὸν ὅς τῃς ἐμπερδύται,
κεῖν δὲ δουλῶ, καὶ νῦν ἐλθ' ἐπ' ἐμῶν:

Id est,

Quisquis tyranni ad te elase contulit,
Fu seruus illi, liber es si venerit.

Aristippus correcto posteriore versiculo respondit,

ἐγὼ δὲ δουλῶ ἀλλ' ἐλθ' ἐπ' ἐμῶν. Id est,

Haud seruus est, si liber illuc venerit.

Significans non esse verē liberū, nisi cuius animum spe metūque liberauit philosophia. Etenim verē liber est, quisquis ingentius natus est. Quidam hoc dictum ascribunt Platonī. Laer. lib.2. cap.8

Idem.

Quum Dionysius Aristippo exprobraret, quod nihil utilitatis ab eo cæpisset. Sanē, inquit: nam si quid tibi profuissem, non secus à tyranni de quā à comitali morbo liberari voluisses Stob. serm.47.

Dogenes.

Inter Aristippum & Diogenem Cynicum nonnulla fuit contentio ob diuersum vitæ institutum. Diogenes Aristippum appellabat, ob diuenditam Dionysio libertatem, cauenit enim vicissim Aristippus: Si Diogenes sciret vti regi-

bus

būs non vesceretur crudis oleribus. Contrā Diogenes : Si Aristippus didicisset esse contentus crudis oleribus, non esset canis regius. Laert. lib. 1. cap. 8.

Idem.

Interrogatus, quid esset in vita optimum? respondit, Libertas. hæc enim semel amissa, non facile recuperatur. Laert. lib. 6.

Idem.

Cū Xeniadæ seruiret, amici agebant de eo redimendo. At ille: Nequaquam, inquit, an nescitis leones non iis seruire à quibus aluntur, sed altores potius seruire leonibus? Nam leo ubique est, semper leo est. Laert. lib. 7.

Idem.

Craterus Alexandri Magni præfectus, homo prædiues, inuitarat Diogenem, ut ad se commigraret, cui respondit, Malle Athenis sale m lingere, quàm apud Craterum opipara frui mensa: sentiens, libertatem quamuis inopem, omnibus diuitum delitiis præferendam, ubi minuitur libertas. Laërtius libro 6. cap. 2.

Idem.

Prædicantibus beatum Callisthenem philosophum, quod apud Alexandrum apparatu splendido exciperetur: Imò, inquit infelix est, quod illi prandendum cœnandumque sit, cū Alexandro visum fuerit sentiens, nihil esse beatum, si absit libertas. Hic est Callisthenes, Aristotelis discipulus, quem Alexander tandem coniecit in carcerem, ubi & periiit. Quidam pro Callisthene supponunt ipsum Aristotelem, cuius felicitatem prædicantibus, quod cum regis filio viueret: Aristoteles, inquit, prander cū vult Alexander,

Diogenes cū vult Diogenes. Laert. lib. 6. cap. 2

Timon Nicaus.

Suprà tit. de Adulatoribus non admittendis.

Simon Athen.

Simonem Atheniensem Pericles ad se inuitauit, pollicens sese omnia necessaria præbiturum. At Simon negauit se venditurum libertatem. Delectauit hunc imago maris syluestris paruo viuientis, potius quàm domesticæ in summis deliciis, sed perpetua cum solitudine versantis. Laert. lib. 2. cap. 14.

Anonymus.

Lacon quidam interrogatus, quid artis sciret? Liber, inquit, eise. Ea gēs nec disciplinis philosophorum, nec opificiis exercebatur: tantum iniusti animi libertatem tuebatur, nec hominibus nec vitis seruire docilis. Plutarch. in Lacon.

Anonymus.

Quidam captiuus cū venderetur, ac præco diceret se mancipium vendere: Scelestè, inquit, non tu dicēs captiuum? Non puduit duræ conditionis, sed puduit tituli seruilis. Tantus erat libertatis amor. Plut. in Lacon.

Theopompus.

Suprà de iniuria.

Agésilæus.

Cū quendam admirari videret, quod rex cum cæteris Lacedæmoniis tam frugali cibo vestituque vteretur: Atqui, ait, pro hac frugalitate optimam inesse metimus, libertatem videlicet. Sapienter admonēs, nullam esse voluptatem viris ingenuis libertate suauiore nec ibi diu libertatem esse posse, ubi luxur regnat. Plut. in Lacon. apoph. & Erasmo lib. 1. apoph.

Cleomenes.

Quum ē carcere elapsus ad occidendum Ptolemæum plebem sollicitasset, neminemque inueniret: Non mirum est, ait, si talibus viris, qui libertatem negligunt, mulieres etiam dominantur. Plutarch.

Buris & Spartes.

Ij spōte profecti sunt ad Xerxem regem Persarum, daturi pœnas, quas Lacedæmonij iuxta oraculum pendere debebāt, eo quod oratores Persarum occidissent: quos cū Xerxes vidisset, interficere noluit, sed apud se manere iussit. Cæterum quum regis dux instaret rogans, diceretque fore, ut in pari honore haberentur cū his qui inter regis amicos primastenebant, hunc in modum respōderunt: Scimus quā ingens bonum sit libertas, quam nemo sanus vel cū Persarum regno commutarit. Plut. in Lacon.

Anonymus.

Quum Philippus in agros Lacedæmoniorum duxisset exercitum, resque in eo esset statu, ut probabile esset eos ad vnum omnes interituros, rex dixit cuidā Spartiatæ: Quid nunc facietis Lacedæmonij? At ille, Quid, inquit, aliud nisi quod fortiter moriemur, quando nos soli Græcorum liberi esse, nō aliis parēre didicimus? nemo seruire cogitur, qui mori paratus est. Quā dulce bonum est libertas, quæ morte emitur? quā misera res seruitus, cui mors antepōnitur? Quid igitur mentis dicemus his esse, qui se sponte dedunt in eam seruitutem, vnde nec dato peculio possunt rediri, nec gratuita manumissione liberari? Plutarch. in Lacon.

Arenius.

A Cyro captus, quum ab illo ro-

garetur, cur tributum non tulisset, vrbemque muro cinxisset? Libertatem, inquit, cupiebam. Pulchrum enim mihi videbatur, & me liberum esse, & liberis meis libertatem relinquere. Xenophon.

Stilpon.

Quum Demetrias abductis omnium Megarensium seruis Stilponi diceret. Ciuitatem vestram liberam vobis relinquo: Recte, inquit, Stilpon nullum enim in ciuitate seruum relinquis. Plut. in Demetrio.

Hegesippus.

Quum Hegesippus cognomento Crobilus, Athenienses in Philippum irritaret, quidam ē concione succlamauit, Itāne bellum nobis inuehis Hegesippe? Næ per Iouem, inquit, & pullas vestes, & publicas exequias, & orationes funebres si victuri sumus liberi, nec imperatis Macedonū parebimus. Significans, libertatem bene emi magno, nec sine negotio posse seruari. Eras. l. 5. apoph.

Eusebius philosophus.

*Eorum, inquit, qui fœdis voluntatibus dediti sunt, nullum tu liberum ducas. Hi enim multo seruioribus dominis quā villia mancipia seruiunt. Stob. serm. 6.

Epicletus.

*Dicebat nullum esse seruum, qui animo sit liber. In Enchirid.

Pyrhus.

Cū Athenas veniens, in arce Paladis rem diuinam fecisset, eodem die descendens ex arce, Atheniensium erga se animum & fiduciam vehementer laudauit: & admonuit, si famperent, ne posthac cuiquam regum portas (si modō patriæ libertatē tueri vellent) aperirent. Significās regiibus, imperatoribus ac principibus semper inuisā esse libertatē: omnēque

que conatus ac vires eò intendere, vt libertatem extinguentes, ex liberis seruos sibi faciât. Eras. l. 4. apoph. ex Plutarch.

Meton.

Quo die decretum de Pyrrho vocando sanciri per populum Tarentinum debebat, & multitudo in concione federet, accepta corona & lâpade, quasi ebrius, tibicine ducente ludibundus in concionem peruenit: & vt fit, in turba populari aliis applaudentibus, aliis ridentibus, vtque procederet in medium inuitantibus, processit ille. & quasi cantaturus astitit. Sed vbi silentium nactus est: Viri inquit, Tarentini benefacitis, quòd iocari & ludere volentibus, dum licet, permittitis: si tamen sapitis, cuncti ac ludorum libertate fruamini. an requam Pyrrhus adueniat, hanc & aliam omnem libertatem aboliturus. Nec fuit mendax. Nam quâprimùm aduenit Pyrrhus, ludis & tripudiis Tarentinis interdixit. Bruf. l. 3. c. 32. ex Plutarch.

Brutus.

In Tarquiniorum electione dicebat, ex duobus alterum esse eligendum, aut vitam liberam, aut mortem gloriosam. Brufon. libr. 3. cap. 32. ex Liui.

Cicero.

Duo semper sibi contingere optabat: primum, vt moriens populû Romanum liberum relinqueret, quo nihil à diis immortalibus maius dari posse dicebat. Alterum, vt ita cuique eueniret, vt de rebus. esset meritis. Cic. in Philippicis.

idem.

Ab Androne quodam Laodiceo salutaris, quum aduentus causam percontatus intellexisset illum pro patriâ libertate legatum ad Cæsarem

venisse, Græcis verbis expressit publicam seruitutem, ἐὰν ὁμιλήσῃς, καὶ ἀντὶ τούτου σβούσῃς: id est, si impetras, etiâ pro nobis legatus esto, siue pro nobis orato. Eras. l. 4. apoph.

De libertate nimia.

Secrates.

Dicebat, sororem libertatis esse pigritiam, testésque huius rei fortissimos, maximæque libertatis populos adducebat Indos & Persas, qui vtrique segnissimi essent ad laborandum: Phrygas verò & Lydos, ad opus faciendum promptissimos esse, qui cum seruitute degerent. Aelianus l. 10. de Var. histor.

Plato.

* Nimiam libertatem tum in privato homine, tum in ciuitate, non in aliud quàm nimiam seruitutem euadere dicebat. l. 8. de Repub.

Appianus Claudius.

Dicere solebat, populo Romano melius negotium quàm otium committit. Sensit vir sapientissimus. populum Romanum laboribus & bellicis rebus plurimum incrementi semper accepisse. nimio otio autem & pigritia omnia deinceps in peius ruisse. Valer. Max.

Vide apoph. de Indulgentia, Impunitate, Ignauia, Otio, Licentia, &c.

De libidine fœda.

Bion.

Alciadem hoc elogio taxauit, quòd adolescens viros abduxisset ab vxoribus, iuuenis factus vxores à viris. Laert. l. 4. c. 7.

Diogenes.

Animaduertens Olympionicem

quendā oculos defigere in scortum, adeo vt prateritum capite reflexo intueretur. Ecce, inquit, vt aries Martius à puella publica, obtorto collo victus abducitur. Ridiculum existimabat certare cum electis viris, & à vili puella veluti captiuum trahi sine fanibus. Laert. l. 6.

Stratonicus.

Quum egrederetur Heraclea ciuitate, portas ac mœnia circumspectabat. percontanti verò cuidam, quid circumspectaret? Pudet, inquit, si videar exire è lupanari. notans corruptos eius ciuitatis mores. Sunt eius nominis ciuitates multæ, sed de Heraclea Thasiæ sensit opinor. Erasim. l. 6. apoph.

Marius.

Lusius, Mario ex sorore nepos, quū Marius iterum consul esset, vim admouit militi cuidam adolescenti nomine Trebonio: at is Lusium interfecit. Id factum multis inculantibus, non inficiatus est adolescens se ducē suum interfecisse: sed causam addidit, ac probauit. Marius itaque quum iussisset afferri coronam, pro facinore in bello præclarè gesto dari solitam, Trebonio imposuit: graui exemplo monens cæteros, ne simili modo tentarent adolescentum pudicitiam: quando non solum absoluit. verum etiam coronauit eum, qui & imperatoris cognatum & ducem suum ferro necasset. Plutar. in Rom. apophthegm.

Anonymus.

Nero puerum Sporum exectis testibus in muliebrein naturam transfigurare conatus est. Addita dos, additum flammeum addita celeberrima nuptiarum solemnitas. Quid multis? palā pro vxore habuit. Hinc fertur cuiusdam non incitus iocus: Be-

ne agi potuisse cum rebus humanis, si Domitius Neronis pater talem habuisset vxorem. Sentiens, exitio totius orbis natum Neronem. Is nunquam fuisset natus, si pater Sporis similem habuisset vice coniugis.

Huc refer apophth. de Iniemperantiâ, Scortatione, Volutate, &c.

De librorum fiducia & multitudine.

Socrates.

Interrogatus, quare non scriberet libros: Quoniam, inquit, chartæ iis qui scripturi sunt, plaris essent emendæ. Nihil scripsit in vita, iudicans librorum copiam officere studiosis sapientiæ. Erasim. l. 6. apoph.

Antisthenes.

Amico cuidam deploranti, quòd cōmentarios suos perdidisset: Oportuit, inquit, ista animo potius quàm chartis inscribere. Sensit vir prudentissimus librorum fiduciam plerumque in causa esse, vt minus exerceamus memoriā: in tuto enim est, quod animo insculptum est: cætera pereunt faciliè. Laer. l. 6. c. 1.

Oenipedes.

Cū videret adolescentem multos libros conquirere, dixit, Non citæ, sed pectori. Sensit autē, non eruditos esse eos qui librorum copiam habent, sed qui ex libris omnia in memoriæ thesaurum reposuerunt. Ant. in Meliss. part. 1. ser. 30.

De licentia.

Anonymus.

LAcò quidam cū venisset Athenas, vidissetque illic præcones qui

qui muriam promitterent, qui obsoniū, qui publicanos & lenones, aliāque parum honestas functiones profiterentur, neque quidquam sibi turpe ducerent: ubi reuersus est in patriam, ciuibus percontantibus quomodo se res haberent Athenis? Omnia, inquit, honesta: per ironiam innuens, Athenis omnia haberi honesta, turpe nihil. Argutia dicti est in ambiguo sermonis. Plut. in Lac. apo.

Ephori.

Supra tit. de Contumelia.

Agésilauus.

Notans præposterā licentiam eorum qui Asiam incolebat, eius gentis corruptis morib⁹, dicere solebat: Inter illos qui improbi essent, eos esse liberos. contra qui probi, eos esse seruos, quod ibi licerent omnia, virtus odio haberetur. Idem.

M. Cato.

Studiosè magistratum semper admonere solitus est, vt delinquentes in Repub. grauius castigarent. Sentiens, nihil perniciosius esse in Republica, quàm licentiam, quàm adeò non ferendam in ciuitate putauit, vt iudicaret magistratum lapidandum, qui coercere posset, non tamen faceret. Plut. in Rom. apoph.

Neron.

Infrà de Tyrannide.

M. Antonius Verus.

Dicebat, difficile esse, in maxima licentia moderari sibi, & cupiditatibus quasi frenos imponere. Hierodiana. lib. i.

Antonius Caracalla.

Eius nouerca, cum esset pulcherrima, veluti per impudentiam corpus magna ex parte nudauit. Cumque dixisset Caracalla: Vellem, si liceret: Si liber, inquit illa, licet: An nescis te Imperatorem esse, & leges

dare, non accipere? Ea mulieris vox Caracallam imperatorem ad detestabile facinus pertraxit. Ex Ælio Spartiano.

Vide apoph. de Impunitate, Licentia nimia, & Pœna neglecta.

De lingua, garrulitate, & loquacitate nimia.

Thales.

Dicere solitus est, Multa verba nequaquam arguere hominem sapientē. Sapiens enim, non nisi cum res postulauerit loquetur, & paucis suam absoluet sententiam. Stultus autem, non habita vlla ratione loci, temporis, personarum, &c. sua loquacitate omnia effutiet. Erasmi. li. 7. apoph. ex Laert. lib. cap. i.

Idem.

Subinde admonere solitus erat, ne ita loquamur cum amicis, vt sermo nos in lus vocet. Quo docere voluit, cautè de absentibus etiam corā amicis loquendum esse, ne nos apud alios deferant, & nostra loquacitas vergat nobis in magnum malum. Laertius lib. i. cap. i.

Pythagoras.

*Gladij plagā quam linguæ leuiorem esse dicebat: ille enim corpus, hæc animus vulnerat. Anto. & Max. ser. de loquacitate.

Chilon.

Non committendum esse dicebat, vt lingua præcurreret animum. Admonens, prius cogitandum quid loquaris, quàm lingua prorumpat in verba. Nescit enim vox missa reuer- ti. Laert. lib. i. cap. 4.

Idem.

Præcipiebat, linguam cum aliis semper, tum præcipuè in conuiuio

continendam, quòd illic cibus & potus inuitet ad intemperantiam. Porro ubi plus est periculi, ibi maior est adhibenda cautio. Laërt. lib. i. cap. 4.

Idem.

A quodam interrogatus, quidnam apud homines omnium esset difficillimum? Retinere, inquit, ea quæ cupimus esse arcana. Quo dicto innuit, quanta hominum sit linguæ licentia, qui etiam quæ in cordibus recondita esse deberent, liberiùs loquendo effutiant. Laërt. lib. i. cap. 4.

Bias.

Adolescente quodam intempestivas nugas crebro iactante, adeò vt neque modum esset habiturus, neque finem. Qui factum est, inquit, vt à quo scatere verbis didicistis, filere non didiceris? Stob.

Bion.

Cuidam immodicè loquaci, vt sibi subueniret oranti, respondit: Abundè tibi morem geram, si aduocatos miseris, non venias ipse. Laërtius lib. 4. cap. 7.

Timon.

Antisthenes, qui quoniã multa conscripserat volumina, Timon appellare solebat *αδικοῦν φιλίστα*, id est, ingeniosum nugatorem. Non tamen dixit *αδικοῦν*, sed *παιδοῦν* quòd ingenio ad quicuis versatili varia tractaret argumenta, & in his quædam digna philosopho. Laërt. lib. 6. cap. i.

Diogenes.

A Platone petierat vini paululum, tunc & caricæ. Plato misit lagenam, cui Cynicus hunc in modum gratias egit: Cum interrogaris quot sint duo & duo? respondes, viginti: ita nec secundum ea quæ rogaris das, nec ad ea quæ interrogaris respondes. Notauit Platonem vt immodicè loquacem, quòd idem in illius scriptis no-

tauit Aristoteles. Laërt. lib. 6.

Anacharsis.

Interrogatus quid esset in homine pessimum, & quid optimum? respondit, Lingua. Sentiens, idem membrum plurimam adferre vtilitatem, si recta ratione gubernetur: pestilentissimum esse, si secus. Laërt. lib. i. cap. 9.

Heraclitus.

Interrogatus aliquando, cur filaret, Vt vos, inquit, loquamini. Laërt. lib. 9. cap. i.

Zeno.

Adolescentulo plurima effluentimmoderatiùs quàm par erat: idcirco, inquit, aures habemus duas, & os vnum: vt plura audiamus, loquamur perpauca. Laërt. lib. 7.

Idem.

Audiens adolescentem plus satis loquentem in conuiuio, ait: Aures in linguam defluxere. Alludit autem naturæ artificium, quæ hominibus duas aures fecit, linguam autem vnamtantum: vt disceret, plura quidem audienda esse, non autem temere effutienda omnia. Laërt. lib. 7. cap. i. Maximus serm. 60.

Idem.

Dicere solebat, satius esse labi per dibus, quàm lingua: eo quæ conuiuia quantùm poterat, vitabat, quod ibi solutus vino, & aliorum fabulis provocatus, facilius labi posset. Laërt. lib. 7. cap. i.

Idem.

Ad Aristonem discipulum multa temerè garrientem, quædam etiam præcipitanter confidenterque: Fieri, inquit, nõ potest, quin te pater ebrius profeminarit. oderat futilem loquacitatem, ipse in dictis tum brevis, tum grauis. Idem.

Democritus.

Quum indoctum quandam verbis inanibus

inanibus obstrepentem diu tulisset: Ad blaterandum, inquit, satis mihi instructus videris, ad silendum verò impos.Stob.

Æsopus.

* Quid esset in hominibus bonum & malum sciscitatus, linguam esse dixit. Anton. & Max. serm. de loquacitate.

Pericles.

Cum publicè dicturus prodiret, in primis se optare dicebat, ne infolens verbum excideret, quod populum piàsve aures lædere posset, aut suæ etiam voluntati contrarium esset. Non ignoravit sanè vir prudentissimus ac eloquentissimus, quàm labilis lubricaque sit lingua, quæ sepenumero limites suos egressa, in multa rerum pericula hominem etiam nolentem rapit, ac in mortem quoque aliquando præcipitat. Ælian lib. 4. de varia hist.

Theocritus Chius.

Cum veniret Byzantium, & verborum prodigos homines inueniret Rectè (inquit) de vobis dicitur, quòd in ore omnis vobis suppellex est, & vnicum domicilium. Stob.

Idem.

Anaximene dicturo, ita præfatus est: incipit verborum flumen, mentis gutta significans, habere multum loquentiæ, sapientiæ parum. Stob. ser. 34.

Idem.

Ineptum quendam poetam recitantem auscultans, & interrogatus ab eo, quænam ei placarent respon-dit: Quæ omisisti, erat enim ingrata nimis prolixa illa loquacitas. Antonius in Melissa. par. 1. ser. 50.

Crates.

* Videns adolescentulum secretò ambulantiem, interrogavit, quid illic

solus faceret: Mecum, inquit, loquor, cui Crates, Caue, inquit, rogo & diligenter attende, ne cum homine malo loquaris. Seneca. epist. 10.

Xenocrates.

Quum maledico sermoni quorundam summo silentio interesset, vno ex iis quærente: cur solus linguam suam cohiberet: Quia dixisse me aliquando poenituit, tacuisse nunquam. Laert. Stob.

Aristoteles.

Garrulus quidam, ubi multa nugatus esset apud Aristotelem, tandem dixit, Fortassis obstrepo tibi nugis meis: Non herclè, inquit, neque enim aduerti animum. Laert. lib. 5. cap. 1.

Idem.

Callisthenem adolescentem coram Alexandro multa indecenter & liberius loquentem, Homérico carmine castigavit, dicens:

Talia si loqueris, non multo tempore viues.

Laert. lib. 5. cap. 1.

Solon.

Cuidam dicenti, illum ideo non loqui, quia insanus esset: Nullus, inquit, stultus tacere potest. Nimia enim loquacitate stultitia hominum proditur. Brus. lib. 3. cap. 25.

Thiophrastus.

Ad quendam, qui in conuiuio perpetuò filebat: Si indoctus & imprudens es, inquit, prudenter facis: si doctus. imprudenter. Sic refert Laertius lib. 5. cap. 2. Sed Plotarchus hunc in modum dixisse scribit, Si stultus es, rem facis sapientem, si sapiens, stultam. Est enim non minima sapientiæ pars, tegere silentio stultitiam.

Idem.

Dicebat, potius esse fidendū effre-

Et

ni equo , quam verbo incompósito. Nemo non metuit insidere equo infreni, at plus est periculi à lingua effreni. Laert. lib. 5. cap. 2.

Menedemus.

Quendam friuolis nugis obstrepentem, rogauit num fundum haberet? vt is respondit, sibi plurimas esse possessiones: Abiigitur, inquit, & illas cura, ne tibi eueniat, vt & illa perdas, & facultates amittas. Notans, illum ad dicendū non esse idoneum, sed magis ad agriculturam Laer. lib. 2. cap. 18.

Demosthenes.

In conuiuio audiens hominem loquaculum, dixit, Si multum scires, non multa loquereris. Stob.

Idem.

Sciscitatus, quæ causa esset vnius tantum linguæ, & geminarum aurium? Quoniam, respondit, duplo magis audire homini expedit, quam loqui. Idem.

Agis.

Peculiaris erat Lacedæmoniis verborum paucitas, vnde & ab ea regione breuiloquentia Laconismus dicitur. Quum igitur Abderitarum legatus apud Agidem multa locutus, vix tandem dicendi finem fecisset, rogarétque quid ciuibz suis esset renunciaturus? Agis, Illud (inquit) renuntia, quātum temporis tibi fuit opus ad dicendum, tantum me silentem audisse. Hoc dicto exprobrauit stolido oratori inanem loquacitatem, responso indignam. Plutarch. in Lacon. apoph.

Lacones.

Ctesiphontem eiecerunt, qui se prostrebat de re quauis totū diem posse dicere, dicentes: Boni oratoris esse, sermonem habere rebus parem.

Nulla in re iustius putarunt adhibendam frugilitatem quā in oratione, quam Hesiodus non aliter quā pretiosum thesaurum parcissimè censet esse depromendam ad vsum, non ad ostentationem. Plut. in Lacon. apoph.

Idem.

Samiorum legatis prolixiore oratione vtentibus, dixerunt: Mediusumus oblii, postrema non intelleximus, quia prima non meminimus. Quo dicto docuerunt, nimiam loquacitatem vbique fugiendum esse. Idem.

Labotus.

Cuidam apud ipsum prolixiore vtenti sermone: Quid mihi, inquit, de re pusilla, lingua tēis proemia? Quanta res est, tantam oportet & orationem esse qua vteris. Est hoc omnibus Spartanis peculiare, offendi sermone causa quā postulat longiore: adeo nusquam non placebat frugalitas. Nam ad causam non magnam, adhibere superuacuum verborum copiam, luxuriæ genus est. Idem.

Anonymus.

Lacon quidam, cum in lusciniæ plumis reuulsis minimum reperisset carniū: Vox, inquit, tu es, præterea nihil. In eos dici potest, qui præter garrulam linguam ac magnifica verba nihil habent. Idem.

Idem.

Quidam interrogatus de re quāpiam, respondit: Non. Verum vbi percontator dixisset illum mendari: Non vides igitur, inquit Lacon, te stultum esse, qui scisciteris de his que noueris? Salse taxauit in illo vitium garrulitatis, qui de nihilo quæstium fabulandi materiam. Plutarch. in Lacon.

Idem.

Idem.

Alius, quum audiret rhetorem magnos sermonum circuitus connectentem. Per Geminos, inquit, fortis sane homo: qui quum nullum habeat argumentum, tamen egregie voluit linguam. Lacedæmoniis nulla placebat oratio, nisi brevis & vera, & ad rem seriam pertigens. Proinde ridiculum existimabat, quod orator in ficto themate tantam verborum profunderet. *Idem.*

Charillus.

Interroganti, quam ob causam Lycurgus tam paucas leges tulisset Lacedæmoniis? Quoniam, inquit, paucas, loquentibus, paucis etiam legibus est opus. Sensit nimirum, pleraque mala ex multiloquio nasci. Laconibus autem peculiaris erat breuiloquentia. Plut. in Lacon. qui eundem in Lycurgo Charilaum vocat.

Cleomenes.

Venerunt ad Cleomenem Samiorum oratores, hortaturi ut cum Polycrate tyranno bellum susceperet. Id cum fecissent oratione plus æquo proluxa, respondit in hunc modum: Quæ primo loco dixistis, non memini, & ob id ne media quidem intelligo: quæ verò dixistis omnium postrema, non probo. Admonet, multiloquium non solum molestum esse auditori, verum etiam ad persuadendum inutile, præsertim apud principes, tum variis curis occupatos, tum auribus fastidiosos. Plut. in Lacon. apoph.

Idem.

Sophista quodam de fortitudine multa differente, risit Cleomenes. At sophistæ dicenti: Quid ridēs Cleomenes, audiens de fortitudine differentem, præsertim quum sis rex? Quoniam, inquit, ô amice, si hirundo

de fortitudine loqueretur, idem facerem quod nunc facio: sin aquila, magno silentio auscultarem. Visum est ineptum, quenquam de fortitudine magnificis uti verbis, qui ipse nihil fortiter gessisset unquam, nec aliud posset, quam in hirundinis morem garrere. *Idem.*

Demades.

Tibiis Athenienses comparare solebat: ex quibus si linguam detrahas, reliquum inutile erit. [Maximus serm. 60. Stobæus serm. 2. de imprudentia.

Agis.

Cum sophista quispiam apud Agidem dixisset, orationem esse rerum omnium præstantissimam, videlicet prædicans artem quam profitebatur: Ergo, inquit Agis, tu cum taces, nullius es pretij. significans, multo præclarius esse res magnificas gerere, quam habere linguam ad magnificè loquendum expeditam. Plut. Lacon. apophth.

Idem.

Perinthiorum orator in Lacedæmoniam missus, cum apud Agidem dixisset admodum prolixè: ubi perorasset, rogavit eum, Quid esset Perinthiis renuntiandum? Quid aliud, inquit, nisi quod tu vix dicendi finem feceris, ego verò tacuerim. *Idem.*

Idem.

Quum de Græcorum libertate quidam in medium adduxisset magnifica quidem, sed factu perquam difficilia: Tua, inquit Agis senior, verba hospes opus habent viribus & pecunia. Perquam seire declarans, frustra de his verba fieri, ad quæ perficienda non suppetit facultas. In consultationibus enim non solum spectandum est quid sit factu pulcherrimum, sed quid fieri possit. *Idem.*

E c ij

Idem.

Abderitanorum legato, qui multa locutus, rogarat, Quidnam ciuibus suis renunciaturus esset? Te, inquit, mihi tacenti tantisper auditum fuisse, quantisper dicendo consumpsisti. Simile ei, quòd de Perinrhiorum oratore paulò suprà ex Plutarcho retulimus.

Anaxandridas.

Cùm Ephoris opportuna quidem, sed pluribus quàm sat erat, quidam loqueretur, Anaxandridas: Hospes, inquit, re necessaria in non necessario vteris. Significans, quod per se rectum est, & vtile, non egere proluxa oratione: quòd ipsa causæ bonitas facile seipsam commender. Quòd si vsquam locus est loquacitati, eam oportet ad inhonestas causas adhibere. Plut. in Laco.

Agésilas.

Cùm rhetorem eo nomine apud Agésilauum Lacedæmoniorum regem laudasset quidam, quòd res specie exiguas magno verborum ornatu amplificare posset: Ego, inquit rex, ne futorem quidem arbitror bonum, qui paruo pedi magnos calceos inducat. Quo innuit, inanem loquacitatem nullibi probandam esse. *Idem.*

Idem.

Megarensi cuidam multa iuueniliter de sua ciuitate aduersus Agésilauum iactanti: Adolescēs, inquit rex, tui sermones opus habent magnis viribus. Significans, indecēter eum magnifice loqui, cui vires non suppetunt orationi pares.

Demonax.

Audiens quendam imprudentius de rebus loquentem: Maiore, inquit, studio auribus quàm lingua vteris. Stob.

Antipater.

De Demade oratore iam grande uo dicere solebat. Demadi, vt immolatae victimæ, nihil superesse præter linguam & ventrem. Nam venter ex hostia abiiciebatur, & lingua dabatur præconi. Ita senex orator, tantum loquebatur. Loquacitas enim crescit cum ætate. Tradunt autem, Demadem luxui & gulæ fuisse deditum, vnde & Phocionis reprehendit frugalitatem. Plutarch. in apoph. & in Phocione.

Epaminondas.

Spartiat, qui multis magnisque in rebus Thebanos accusauerat, per iocum: Hi nempe vos, inquit, à breuiloquio desistere coegerunt. Plut. in apoph.

Archelaus.

Loquaci tonfori, dicenti. Quomodo te tondebo? vrbane, Silens, inquit, plut. lib. de curiositat.

Alexander.

Epistolam à matre missam, quæ occultas accusationes & calumnias in Antipatrum continebat, legens, Ephestionem quidem amicum simul, vti consueuerat. eandem legere passus est, sed ea lecta anulum ipse digito detraxit: & ori illius sigillum, veluti reticentiæ symbolum impressit, dicens: Contine hæc, & ne quid eorum effutias. Plutarch. in Alexandro.

Idem.

Cùm silentium suorum maxime probaret: quisquis, inquit, secretò commissum diuulgauerit, is certe aut nimium immodestus: & si quidem lucri studio id egerit, improbus rectè dicitur: aut si nulla spe quæstus allicitur, æquè profectò iniquus est. Stob.

Gna-

Gnathena.

Venerat ex Helleſponto ad Gnathenā amator quidā eius fama & nomine permotus. Cū itaque inter pocula plurima effutiret, & importunus eſſe videretur, reſpondens Gnathena: Nunquid, inquit, te ex Helleſponto venire dixiſti? Cūque annuiſſet: Cur igitur, inquit, primariam inibi ciuitatem ignoras? Qui cūm diceret, *Quenam tandem eſt illa?* Siſteum, reſpondit. Atque ita artiſcioſe hoc nomine, futilem eius loquacitatem coërcuit: *οἴη* enim ſilentium & taciturnitas apud Græcos appellatur. *Ælianus lib. 2. de Varia hiſt.*

M. Cato.

Lurconi cuidam ambienti inter Catonis familiares recipi negauit, dicens: Se cum eo non poſſe viuere, qui plus ſaperet palato, quā corde. *Eraſ. lib. 5. apoph.*

Idem.

Dicere ſolebat, eum nequaquam tacere poſſe, quem morbus loquendi teneret. Ea enim eſt linguæ licentia, vt ſemel limites ſuos egreſſa, vix intra ſepta contineri poſſit. *Brufon. lib. 3. cap. 25.*

Romani.

Iunium Baſſum, hominem cū primis dicacem, Romani aſinum album appellabant, quòd feliciter eſſet ſtupidus ac ridiculus. Alba enim, veteres felicia vocabant. *Eraſinus libro 6. apoph.*

Anonymus.

Rhodium quidā miniſtro Romani Imperatoris multa vociferanti ferociter: Non curo, inquit, quid tu dicas, ſed quid ille taceat. Loquacitas caret affectu, taciturnitas habet certiora concilia. *Plut.*

Pompeius.

Impatiens Tullianæ dicacitatis,

inter amicos dicere ſolebat: Cupio ad hoſtes tranſeat Cicero, vt noſtimeat. Notans illius ingeniū, quo dicitur hoſtibus fuiſſe ſupplex, in amicos contumax. Hoc Pompeij dictum ita reſert *Quintilianus*: Trāſi ad Cæſarem & me timebis.

Cicero.

P. Sextius Ciceronem cum aliis aliquot ad cauſæ patrociniū adhibuerat, cūque ipſe vellet omnia dicere, nec quicquam dicendi locum daret, vbi iam conſtaret illum à iudicibus abſoluendum, ferreturque ſententia: Vtere, inquit, Tullius, hodie tempore, nam cras priuatus eris, notans hominem, quòd in cauſa ſuo arbitratu ſolus egiſſet omnia. *Eraſ. lib. 4. apoph.*

Valerius Homulus.

Cūm hoſpitio Pium Antoninum imperatorem excepiſſet, atque is interrogaret, vnde porphyreticas columnas accepiſſet, quibus tam egregiè domum ſuam ornafſet? reſpondiſſe fertur, Cūm in domum alienam perueneris, & mutus & ſurdus eſto. Oſtendens, nequaquam cōuenire, vt alterius bonorum rationes intempeſtiuius quā decet exigamus. Iulius Capitolinus, & Cuſpinianus in conſulibus.

Alphonſus.

Homines quos vanis ſermonibus impleri, & penè diſtendi intueretur, modò vtres, modò veſicas vocitabat. Quemadmodum enim vtres & veſicæ infuſis humoribus extenduntur, & tumescunt, donec humorem infuſum reſpuant: ſic homo loquaculus inflatur, donec audita, garriendo effutiat. *Paſormitanus libro 4.*

Hieron. Carbo.

Loquaculus quidam Hieronymus
Ec iij

Carbonē: suauissimi ingenij virum, obtundebat, atque cum ingentem iam verborum cumulum congefisset, petebat sibi ab eo ad singula responderi. Verum cum ille siluisset diu, conuersus tandem ad astantes: Magnum inquit, ranarum prouentum attulit, Pontanus.

Ennius Senensis.

In Petrum de monte Licino, non incelebrem astronomum, podagra laborantem. incidit: atque ab eo, dum alteram post alteram fabulam recitasset, diu retentus cum transeuntem notum quendam vidisset: Age, inquit, o amice, ausculta hunc podagricum. Nam aures meae audiendo ambae obtusae sunt. Notauit autem hominis vanam & nimium molestam loquacitatem. Aeneas Syluius libr. 2. Comment. de rebus gestis Alphonfi.

Aen. Syluius.

Dicere solebat, Sapientius esse agere, quam fari. Nunquam enim, nisi cum necessitas postulat, sapiens loquitur: neque vana, sed ponderata profert. Stulto autem nullum est tempus sermoni clausum: facileque verba iactitat, qui sine consideratione profatur. Syluius libr. 1. Comment. de rebus gestis Alphonfi.

Vide apophth. de Garrulitate, Loquacitate, Silentio, & Taciturnitate.

De lite & contentione.

Chilon.

EIus tria praecepta aureis literis Delphis consecrata sunt: Nosce

teipsum; Ne nimium cupias, & Aries alieni atque litis miseriam fac effugas Bruti lib. 3. cap. 27. ex Stob.

Zenon.

Cum cæteris virtutis admiratoribus fortiter pronuntiavit, non oportere malos viros cum probis contendere, cum diceret: Annon plorabit malus si bono auersabitur: Ergo nulum ius finit malum probo contradicere. Philo Iudæus libr. Quod omnis probus sit liber.

Alcibiades.

Suprà apoph. de Fuga excusata.

Ludouicus XI. Gall. rex.

* Cum per Lutetiam obambulans obuios haberet quosdam e senatu qui raptim ad Curiam properarent: Annon, inquit, hi ad nundinas videntur proficisci? Annal. Franciæ. Allosit ad illud Stratoclis & Dioclis (quorum meminit Plutarchus) qui sese mutuo inuitabant ad messem auream: ita enim curiam & tribunal vocabant.

Idem.

* Valde laudabat auguris cuiusdam responsum, qui consulenti quid oculis maxime prodesset? respondit, si pragmaticum & causidicum rarissime videris. Annal. Franc.

Idem.

* Ipse persæpe cum in Curia parlamenti Galliarum supremi Luteriæ interesset, patronosque causarum insertos non illibenter audiret, eos tamen Sutoris partes impudenter sibi vindicare dicebat. Namque quod Sutoris est proprium alutam producere dentibus, hoc causidicos in dilatandis scriptis, prudentum responsis & Caesarum legibus facere affirmabat. Annal. Franc.

Liti-

Litigare, contendere, aut
ludere cum poten-
tioribus pericu-
losum.

Socrates.

Dicebat, Aut quàm rarissimè, aut
quàm grauissimè cum proceri-
bus conuiuandū esse. Non ignorauit
enim vir sapientissimus, quàm cautè
cum potentioribus agendum sit, ne
horū potestas nos, qui longè inferio-
res sumus, opprimat. Stob. serm. i. de
Prudentia.

Phocion.

Demostheni conuicianti in Ale-
xandrum, iam Thebis imminentem
dixit, ex Homeri Odyssea.

*Ἰδὲ τὰς πῆλ' ἱδρυμένης πόλιν ἑλπίσιν ἀγροῦ
αἰσθάνει.*
Id est,

Cur libet irruare virū, miseran le feruicem.

*Et ingēti gloriæ cupiditate feruē-
tem? Vis-ne vicino rege tam magno
urbem nostram iniicere? Nos qui-
dem, qui ob salutem ciuium ma-
gistratum gerimus, nunquam pa-
tiemur nostros se in apertum exi-
tium præcipitare. Diruris Thebis,
cū oratores aliquot Athenienses
Alexander sibi dedi posceret, & in
Phocionem oculos intēdisset con-
cio, ac sæpe nominatim vocaret,
surrexit, ac iuxta se constituto Ni-
cocele amicorum præcipuo: Eo, in-
quit, infortunij urbem nostram isti
perduxerunt, vt etiam si hunc Ni-
coelem meum dedi Alexander po-
scoat, dedi iussurus sim. Et verò bea-
tum me putauerim, si mihi pro vobis
omnibus sit moriendū. miseret me, o
Athenienses, etiam eorū qui Thebis
huc confugerūt: sufficit tamen, solos
Thebanos apud reliquos Græcos fle-

re. Itaque & pro nobis, & pro illis de-
precari apud victorē quam pugnare
præstat. Plut. in Phocione. Eximia sa-
nè vox sapientissimi Græcorū, à po-
steris, & sequentium seculorū, nostri
præcipuè, turbonibus, minimè obser-
uata: vnde innumeræ clades & ruine.

Phanorinus.

Cū in disputatione quadam Ha-
driano principi, cui infensissimus e-
rat cessisset. admiratibus aliis cur id
faceret: Nonne cedam inquit, ei qui
viginti habeat legiones? Æli. de Var.
hist. & Volat. libr. 16. Vrbatorū com.

Artaxerxes.

Acidæ Iapsoni multa in eū licen-
ter dicenti respondit: Bicere quidē il-
li, quæ vellet in regē dicere: sibi verò
non licere tantum, sed etiam facere.
Eras. lib. 5. apoph.

Alexander.

Dion in dialogo Philippi & Ale-
xandri ait. Philippū ad Alexandrū di-
xisse, Atqui poetas bonos, ac graues
rerū scriptores offendere nō debe-
mus, quod nobis dicendi quæ volunt
facultatem habent? Non omnem, in-
quit Alexander: nā Stesichoro, quod
de Helena mentiretur, non fuit vtile.
Brufon. lib. 4. cap. 4.

Idem.

Alexander quū leuitate & cursu
plurimum præstaret, hortatus est à pa-
tre Philippo vt in Olympiis curre-
ret, recusauit autem dicēs: Facere e-
quidē mi pater per libenter, si cum re-
gibus currendum foret. Plutarchus.

Phocion.

Quū Alexander ab Atheniensi-
bus posceret sibi triremes exhiberi,
ac populos nominatim flagitaret ad-
esse Phocionem vt quid consuleret,
proferret: surgens, inquit: Consulo
igitur, vt aut armis superetis eos, aut
superantium amici sitis. Compē-

Ee iiii

dio suasisit, nihil Alexandro negandū, nisi considerent se iratum posse armis opprimere. Quibus si ille videretur superior, non esse prouocandū animosum iuuenem, & repulsæ impatientissimum. Plutarchus in apophtheg.

Sylla.

Cn. Pompeium à victoria reuersum, Sylla cum aliis honoribus excepit, tum magni cognomen ipse primus illi detulit. At cum Pompeius his non contentus, vellet triumphum agere, non passus est Sylla, eo quod nondum esset ordinis senatorij. Cæterum quum Pompeius iis qui aderant dixisset, ignorare Syllam, quod plures adorarent solem orientem, quam occidentem: Sylla exclamauit. Triumphet. Horruit iuuenis animus, & in dies crescentem gloriam: nec dubitauit illi cedere, quem videbat nemini cedere posse. Plutarchus in Rom. apoph.

Iul. Caesar.

Quum Pompeius rediisset Roma perfugisset ad mare, Metellus ærarij præfectus Cæsari volenti illinc pecunias tolere, obstitit, & ærarium clausit. At Cæsar illi mortē minatus est. Ea vox quum Metellum reddidisset attonitum. Hoc inquit, o adolescens dictu mihi difficilius fuit quam factu. Sentiens, se, vel nutu posse quem vellet occidere, quum secum duceret armatos cohortes. Idem

Pollio.

Temporibus triumuiralibus, quū Octavius. Lepidus & Antonius rerū potirentur, Augustus in Pollionem scripserat Fescenninos, ludibrij causa. Tum Pollio, At ego, inquit, taceo, non est enim facile in eum scribere, qui potest proscribere. Notans Augusti tyrannicam potentiam: nec ea

libertate offensus est Augustus. Eras. l. 4. apoph. ex Suetonio.

De loco, & de locatione, seu locorum & sedium varia distributione.

Anonymus.

Philosophus quidam priscus, sed *ἀνώνυμος*, huiusmodi sermone Arfinoës regines luctum compescuit: Quum Iupiter, inquit, inter daemones rerum faceret partitionem, luctus non aderat, sed distributione iam peracta venit. Huic igitur quum Iupiter aliquid honoris tribuere vellet, nec esset quod daret, quippe iam consumptis omnibus, tandem assignauit illi honorem qui mortuis impenditur, veluti lachrymas & mœrores. Quemamodum igitur, inquit, cæteri daemones bene volunt iis à quibus coluntur, itidem & Luctus. Quod si fuerit abs te contemptus, o mulier, haudquaquam venturus est. ad te: contra si diligenter abs te colatur honoribus illi designatis à Ioue mœroribus ac lamentis. diliget te semperque tibi suppeditabit aliquid earum rerum quibus abs te perpetuo possit honorari. Plut. in consolatione ad Apollonium.

Thales.

Interrogatus, quid esset in omnium rerum natura maximū? respondit, Locus, capit enim omnia. Laer. l. 1. c. 1.

Diogenes.

Obiurgatus, quod intraret loca spurca, ac parū honesta: Et sol, inquit, subit latrinas, nec tamen inquinatur. Sēsit, probū virum: non fieri deteriorem ob loci infamiam. Laer. l. 6.

Damonidas.

Quum à chori magistro postremū in choro iocum accepisset: Euge (inquit)

quit) chorage, reperisti quo pacto & hic locus, cum per se sit inhonoratus, fiat honorificus. Generosus adolescentis animus, qui fiducia sui non metuit ne locus abiectior esset decori: sed citius futurum arbitrabatur, ut per ipsum locus fieret honoratior. Id enim sæpenumero factum legimus, ut hominis virtus inagistratu per se contempto & humili dignitatem conciliarit. Plutarchus in Laconicis.

Agésilas.

Cum adhuc puer esset Agésilas rex, & ageretur ludus solennis, quo peritia tum exercebatur, atque his qui negotio præfectus erat, statuisset illi in loco parum honorifico: paruit quidem, tamen si iam rex designatus, ac dixit: Bene sanè habet: ostendam enim, non locum viris, sed viros loco conciliare dignitatē. Nimirum ea vox declarabat in puero miram animi celsitudinem cum pari moderatione coniunctam. Plut. in Lacon.

Aristippus.

Dionysius rex quum offensus esset ab Aristippo philosopho, hominem ad cenā vocavit, & iussit eum in conuiuio infimum omnium accumbere. Aristippus nihil offensus, Huic, inquit, locum o rex, illustrare vis, ac honorificum reddere: significans, non locum reddere hominem viliozem, sed ex dignitatem homini honorem addi loco. Laër. libr. 2. cap. 8.

De lucro.

Thales.

Nolebat homines per iniuriam ditescere, quod lucrum fraude

partum, damnum sit, non lucrum. Laër. lib. 1. c. 1.

Chilon.

Dicere solebat, damnum turpi lucro semper præferendum esse. Illud enim semel dolere, hoc autem semper. Iactura facta sarciri commodè potest, addita industria: fama autem mala ex lucro inhoneste profecta, nunquam apud bonos viros diluitur. Et sic lucrum scelere parum, damnum est, non lucrum. Laër. li. 1. c. 4. Stob. serm. 1. Antonius part. 1. serm. 31. Melissæ.

Anonymus.

Pythagoricus quidam philosophus à sutore emerat calciamenta, non prompta pecunia. Paucis post diebus rediens ad tabernam, redditurus pretium, audit sutorem defunctum esse se. His auditis, nummos non inuita manu domum retulit: subinde manum concutiens, gestiensque veluti de lucro ex morte calceatoris sibi facto. Paulo post verò cum hunc animi affectum reprehendisset: redit ad tabernam, & ait sibi: Ille tibi viuit, tu redde quod debes, simulque per clostrum, qua se commissura laxauerat, nummos in tabernam immisit, pœnas à seipso exigens improbæ cupiditatis, nec assuesceret aliena. Eras. apoph. ex Seneca. lib. 6.

Anonymus.

Quoniam ex annonæ caritate quidam ditescabant aulici, multum & hinc inuidiæ Neroni conflatum est: cum itaque forè accidisset, ut in publica fame diceretur Alexandrina nauis appulisse, quidam dixit, est, illam aduexisse puluerem luctatoribus aulicis. Quo dicto simul notatum est, in Cæsare rerum scenicarum studium, & monopolia quorundam per Cæsaris fauorem publico dam-

no lucrantium Suetonius.

Vide apoph. de Fautore & Vsur.

De luctu.

Solon.

Cum ex amicis quendam graui-
ter mœrentē videret, in arcein
perduxit, hortatūque est, ut per om-
nes subiectorum in vrbe edificiūrum
partes oculos circumferret, quod ut
factum animaduertit: Cogita nunc
tecū: inquit, quā multi luctus sub
his testis olim fuerint, hodiēque ver-
sentur, insequentibusque seculis sint
habitaturi: & mitte mortalium incom-
moda, tanquam propria deslere. Qua
consolatione demonstraui, vrbes ni-
hil esse aliud, quā humanarum cla-
dium concepta misera. Valerius
Max. l. 7. c. 2.

Idem.

Aiebat, si in vnum locum cuncti
mala sua contulissent, futurum ut
propria sua quisque deportaret do-
mum, prius quā ex omni miseria-
rum aceruo vllam aliam porcionem
ferre mallent. Quo colligebat, non
oportere quenquam, quæ fortuito
patiat, tanquam præcipue & intol-
erabilis amaritudinis mala iudica-
re. Idem.

Lucius sophista.

Herodes sophista vxoris Regillæ
mortem luxit impotentius, adeo ut
picturas & ornamenta domus colo-
ribus atraret, velis pullis regeret, ac
lapide Lesbio obscuraret omnia:
nam is funestus ac niger est. Quo-
dam igitur die cum Lucius, qui fru-
stra conatus fuerat Herodi persua-
dere, ut lugeret moderatius, pueros
videret in fonte ædibus vicino la-
uantes raphana, rogabat cui parare-

turea cœna? qui responderunt, He-
rodi Tum Lucius: Iniuriam fa-
cit Regillæ, qui albis radiculis ves-
catur in atra domo. Id ubi renun-
tatum est Herodi, amouit ab ædi-
bus funestam speciem, ne apud pro-
bos viros traduceretur. Philostrat. in
Sophist.

Sextus philosophus.

Dolorem ex prioris filia Panar-
thenaidis obitu conceptum, vtrun-
que lenierant Athenienses, intra vr-
bem eam sepelientes: & obitus diem
cœu funestum ex anno sustollentes.
Cæterum cum Elpinicen alteram fi-
liam exanimem indecore lugeret,
proiectus humi ac vociferans: Quas
inferias tibi faciam filia? quid tecum
sepeliam? superueniens sextus philo-
sophus: Maximum, inquit, munus
dederis filie, si moderatē lugeas. Phi-
lostratus.

Demonax.

Herodem sophistam immodicē
ludentem Pollucis obitum præma-
turum, cum vellet illi currus & e-
quos velut ascensuro iungere, atque
etiam cœnam apparare, adiit Demo-
nax: En tibi, inquit, à Polluce lie-
ras, exhilarato Herodi, & quid vel-
let Pollux sci scitanti: Lucusat, inquit,
te, quod cunctis ad ipsum venire: si-
gnificans, Pollucem ad ipsum non
rediturum, sed rectē parari currum,
si vellet sequi defunctum. Erasmi. l. 8.
apoph.

Quirinus Sophista.

Amicis eum de morte filij conso-
lantibus: Quando, inquit, potius ap-
parebo vir, quā nunc? Sentiens, do-
lorem quidem esse acerbum, sed hoc
fortitudinis laudem fore splendidio-
rem. Philostratus.

Anonymus.

Hominē Spartanū, sed ruri agen-
tem,

tem quidam obiurgauit, quòd prorsus fieri & lachrymis ex intimis visceribus manantibus indulgeret. At is libere, reiectaque animi dissimulatione, respondit: Quid facerem, inquiens? nò enim ego, sed natura mea mihi luctum excutit. *Ælian. lib. 8. de Var. hist.*

Amasis.

Ad quendam filio priuatum dixit: Si non tristatus es, cum nondum filius esset, ne nunc quidem dolere debes, cum non amplius est. *Stobæus serm. 121.*

Demonax.

Quendam filij mortem inconstabiliter lugentē, & in tenebris additum, adiit, certò promittens se filij ymbra ab inferis reuocaturum, si tres ex hominum numero sibi nominare posset, qui nullius luxissent obitum. Cùmque is cogitationem per omnes notos circumferens, ne vnum quidem reperisset luctus expertem: Quid igitur, inquit, te ipsum discernias homo, quasi nouum aliquid acciderit? *Eras. l. 8. apoph.*

Antonius.

Suprà de affectibus humanis.

De lusu.

Socrates.

Cùm luderet supposita cruribus Caruadine, cùm pueris, ab Alcibiade irrisus: Noli, inquit Socrates, cuiquam dicere, quod modò à me videris, donec ipse tibi etiam liberos procreaueris. Sensit Socrates, paternum in filios suos affectum, quo eò ductus est, vt cum filiis ludere nequaquam erubuerit, vir alioqui sapientissimus. *Bruson. libr. 3 cap. 38. Plutarchus & alij idem Agesilao ascribunt.*

Demonax.

Senex quidam Romanus, bene robusto corpore, qui armatus sese ad palum exercuerat, rogauit Demonactem, num magna vehementia videretur depugnasse: Nimium, inquit, aduersus hostem ligneum. Innuens, illum in vera pugna fore meticulosum. *Eras. l. 8. apoph.*

C. Cæsar.

Pila ludens cum Cæcilio, acceptis ab eo quinquaginta festertiis, cùm collusoribus aliis centum dedidit: Quid, inquit, num ego vna tantum manu lusi? *Brus. li. 3. c. 38.*

Caligula.

Caligula alea ludens, plas mendacio, atque etiam periurio lucrabatur, & quodam tempore proximo collusori demandata vice sua, progressus in atrium domus, cùm prætereuntes duos equites Romanos locupletes, sine mora corripere confisarius iussisset, exultabundus in domum rediit, glorians se nunquam prosperiore alea vsum. *Erasim. libro 6. apophth.*

De luxu & luxuria.

Pythagoras.

Dicebat, in ciuitates primùm irrepsisse delicias, mox saturitatem, deinde violentiam, postremò exitium. *Laert. l. 7. c. 1.*

Aristippus.

Cùm quidam Aristippum vidisset eminentem perdicem quinquaginta drachmis, & ob id philosophicum luxum improbareret: Tu, respondit Aristippus, si obolo venalis esset, non emereres? Quum is respondisset, se empturum: Et mihi, inquit, tanti sunt quinquaginta drachmæ. *Laert. lib. 2. cap. 8.*

Idem.

Quum quidam illi probro darent, quòd splendide exquisitèque viveret philosophus: Ia, inquit, si vitium esset, in celebratibus deorum nequaquam fieret. In his enim & magnificè vestiri, & lautissimo ciborum apparatu solent uti. Porro cum dii sint insensis vitiis, non placarentur, sed irritarentur eiusmodi magnificentia, si ea cum vitio esset coniuncta. Sic ille quidem elusit conuicium non ostendit quid esset optimum. Laër. Ibid.

Zeno Cittieus.

Quendam audiēs, luxuriam suam sic coram bonis viris excusantem, ut diceret, se ex eo quod superfluum sibi esset sumptum facere, argutissime respondit: Age dic, dares etiam veniam coquo tuo, si cum obsonia plus æquo falsa daret, diceret sibi copiam falis esse? Sensit vir prudentissimus, nequaquam ex multa rerum copia victum moderandum esse, sed ex necessitate naturæ, quæ paucis contenta esse solet. Laër. lib. 7. c. 1. Maximus ferm. 61.

Architas.

Nullam pestem in mundo capitaliorem esse dicebat, quàm corporis voluptatem. Hinc enim patriæ prodiciones, hinc rerum publicarum euerfiones, hinc cum hostibus clandestina colloquia nascuntur. Nullum denique scelus, nullum magnum facinus est, ad quod suscipiendum non libido voluptatis impellat. Stupra verò & adulteria, & omne flagitium: nullis aliis illecebris excitantur, nisi voluptate. Cicero in Catone maiore.

Cratæ.

Quendam deliciis luxuque deditum, ita per iocum admonuit, Ne

pro lenticula semper augeas patinam, ne in seditionem nos conicias. Sentiens, à luxu cupidisque plerunque nasci dissidia. Lenticula philosopho cibus est. ὀπάει: carnes habet, & in diuitum mensis circumfertur. Laër. l. 6. cap. 6.

Idem.

Conspicatus adolescentulum athleticum, vino, carne & exercitatio ne corpulentio rem fieri: O miser, inquit, desine aduersus temetipsū carcerem munire. Maximus monachus ferm. 27.

Antisthenes.

Antisthenes, quodam prædicante delitias: Hostium, inquit, filius contingat in deliciis vivere: ut rem pestilentem detestans, quod plerique pro summo bono amplectuntur. Laër. li. 6. cap. 1.

Diogenes.

Diogenes inuiserat Lacedæmonē: inde Athenas reuersum quidam percontabantur, ut sit, Quòd iret, & vnde veniret? A viris, inquit, ad fœminas: notans Atheniensium deliciis effeminatos mores, quum Lacedæmonij durè instituerentur. Laër. l. 6.

Idem.

Quum videret mulierem in lectica, dixit: Caueam non conuenire ferre. Significans tam efferum ac noxium animal ferrea cauea coercendum. Lectica verò sellæ genus est cancellatæ, ut aliquam caueæ speciem præbeat: in hac diuites ac delicati sedere, atque etiam gestari solebant. Laër. lib. 6.

Idem.

Videns delicatum quendam hominem à seruo calceari: Nondum, inquit, sat beatus es, nisi te etiam abstergeat, id autem erit: si mancus fueris. Laër. l. 6.

Idem

Idem.

Luxuriosum quempiam in diuersorio conspiciens, vefcentem oleis: Si sic prandisses, inquit, non ita cœnares, sentiens, non esse frugalitatis, quod ederet oleas: sed quod stomachus nimis lauto prandio grauatus, nihil appeteret in cœna. vel potius quod ingenti opum vi prodigaliter absumpta, tenuiter viuere deinceps cogeretur. Nā tenuē prandium optime condit cœnam. Laërt. l. 6.

Idem.

Ad eum qui obsoniis ac luxui plus æquo indulgebat, illud Homericum accommodabat:

ἀνὴρ ὡς ἐστὶν ὁ χρόνος ὁ ἀνθρώπου id est, Nate, mihi fueris brevis æui: significans, illum sibi luxu mortem acceleraturum. Laërt. lib. 6.

Idem.

Eos qui per luxum in coquos, nepotes, scorta & adulatores, facultates suas profunderent, similes dicebat arboribus per præcipitia nascētibz, quarum fructus homo non gustaret, sed à coruis & vulturibus edentur, sentiens, eos qui gulæ ventrique seruiunt, non esse homines. Laërt. Idem Crateri tribuitur à Stobæo.

Idem.

Infrà de Prodigalitate, profusione & largitione.

Idem.

Stomachabatur in eos, qui pro bona valetudine diis munera offerrent, & in ipso sacro omnibus voluptatibus se obruentes perderent. Laërt. lib. 6.

Idem.

Dicebat se non parum mirari seruos, qui cū viderent dominos plus æquo voraces, non illis eriperent cibos. Nam hoc esse, dominorum valetudini consulere. ibid.

Idem.

Aiebat, faciles esse deos ad donādam hominibus vitā, cæterū hanc ignorari ab his qui quærunt dulcioria vnguenta, aliāsque hoc genus delicias. His enim qui fruūtur, credunt viuere: quum veram vitam tranquillam ac suauem sola præstat sapientia. Non igitur dii sunt incusandi, sed homines, qui per stultitiam non postulant ab illis vitam, sed voluptates, Laërt. l. 6.

Idem.

Qui scopum non attingunt, hi vulgo *ἀτυχῆν*, id est, frustrari dicuntur. At Diogenes negauit illos frustrari, qui aberrarent à scopo: sed eos, qui curas suas ad voluptatem velut ad scopum dirigerent. Nam ab iis petunt beatitudinem, cū per eas deueniant in summam miseriam. Laërt. libr. 6.

Idem.

Dicere solebat, in quibus ædibus magna esset ciborum copia, in iisdem multos mures esse & feles solere: sic ea corpora quæ multum cibi caperent, multos morbos cōtrahere solere. Maximus monachus ser. 27.

Heraclitus.

In seditione rogatus, vt apud populum sententiā diceret, quo pacto ciuitas redigi posset in concordiam consensu suggestu, poposcit calicē aquæ frigidæ, & paululum farinæ insperfit, mox de glechone admiscuit, quid est vel pulegij syluestris, vel leguminis genus. Dein epoto calice, discessit, nec verbum addidit: hoc pacto innuens, ita demum ciuitatem carituram seditionibus, si repudiatis deliciis, assuescerent, paruo contenti esse. Et hic Heraclitus suo responderet nomini. Nam *σκιερός* dictus est, id est, tenebrosus. Refe-

ratur & hoc inter ἀφ᾽ αὐτῶν apop. Eras.
8. apoph. ex Plutar.

Empedocles.

Suprà de Grauitur dictis.

Socrates.

Dicebat, eos qui se ad continen-
tiam ac frugalitatem exercuissent,
& longè plus habere voluptatis, ac
minus dolorum, quàm qui summa
cura vndique pararent oblectamēta:
quòd voluptates intemperantiam,
præter animi sibi malè conscij cru-
ciatum, præter infamiam ac pauper-
tatem, frequenter ipsi etiam corpori
plus adferant molestiæ, quàm dele-
ctationis. Contrà, quæ sunt optima,
eadem sunt iucundissima, si quis af-
fueuerit. Laër. li. 2. c. 5.

Idem.

Suprà de Lautitiis.

Idem.

Aiebat esse turpe, si quis sua spon-
te seruans voluptatibus, talem se fa-
ceret, quales nemo domi suæ vellet
habere seruos. Talibus autem nullā
salutis spem reliquam esse, nisi si pro
eis deos comprecarentur alij, vt bo-
nos dominos nancisci possent, quan-
do prorsus decretum esset seruire.
Existimabat autem, nullos fœdiorem
miserioremque seruire seruitutem,
quàm qui & animo & corpore serui-
rent voluptatibus. Laerius libro 2.
cap. 5.

Idem.

Idem eo die quo bibiturus esset ve-
nenum, quum detractis compedibus
ex frictu sensisset voluptatē, dicebat
amicis: Quam mirè hoc natura com-
paratum est, vt hæ duæ res sese inui-
cem comitentur, voluptas ac dolor,
nisi enim præcessisset molestia, non
sentirem hanc voluptatem. Laër. li. 2.

Idem.

Monebat, voluptates non aliter

quàm Syrenas esse prætereundas ei,
qui properat vt virtutem veluti pa-
triam conspiciat. Allusit ad Vlyssēm,
qui cera obturatis auribus præterna-
uigauit Sirenas, vt Ithacæ fumum
subsilientem cerneret. Laër.

Idem.

Dicebat etiam, multos in hoc vi-
uere vt ederent biberētque, se con-
tra ob id edere ac bibere vt viueret:
quòd his rebus non ad voluptatem,
sed ad naturæ necessitatem vteretur.
Hanc sententiam retulit Satyricus:

*Non viuas ut das, sed das ut viuere
possis.*

Eras. lib. 3. apoph.

Plato.

Generosum conspicatus adolescē-
tulum, patrimonio consumpro ad fo-
res pandochij panem edentem, & a-
quam bibentem. Si, inquit, sic mode-
ratè prandisses, nunquam sic cœna-
res. Max. ser. 61.

Idem.

Conspiciens Agrigentinos magnis
impensis edificare, eodémque modo
cœnare: Agrigentini, inquit, ædificāt
quasi semper victuri, & comedūt qua-
si semper morituri. Dicit autem Ti-
meus, eos lecythis argenteis & strigi-
libus vfos esse, mēsas totas eburneas
habuisse. Ælianus libr. 12. de Varia
historia.

Aristoteles.

Suos discipulos admonebat, vt vo-
luptates contempleremur, non venien-
tes, sed abeuntes: hoc est, non à fron-
te, sed à tergo. Venientes enim fuca-
te, sed à tergo. Venientes enim aucta
specie blandiuntur, abeuntes au-
tem pœniteciam ac dolorem relin-
quunt. Laër. li. 5. c. 1.

Aristippus.

Sophista Polyenus ingressus ædes
Aristippi, quum videret illic mulie-
res

res pulchrè ornatas, ac magnificè in-
structum cōuiuium, cœpit reprehē-
dere tantum in philosopho luxum.
Aristippus dissimulata obiurgatione
aliquanto: potēsne, inquit, hodie no-
biscum esse? Cū ille non recusaf-
set: Quid igitur, inquit incusas? Vi-
deris enim non lautiozem mensam
reprehendere, sed impendium. Nam
si cōuiuiū ob hoc ipsum displicuif-
set quod esset lautius, recusasset esse
cōuiuiū. Porro probare quidem ap-
paratum, sed offendi sumptu, nō fru-
galis, sed auari hominis esse videtur.
Laer. l. 2. c. 3.

Men. demus.

Antigono consulenti, deberētne
ad comestrationem quandam adire:
pōst silentium nihil aliud respōdit,
quā, Regis filius es. Subindicans,
luxum in decorum esse regno natis:
nec potentibus licere quod libet. La-
ertius l. 2. c. 18.

Dionysius sophista.

Familiaribus dicere consuevit, mel-
summo digito, nō cauā manu gu-
standum esse. Sentiens, voluptates
quā pareissimè admittendas. Phi-
lostratus in sophistis.

Arcefilaus.

Arcefilaus Scythia percontantiquū
fieret, vt ab aliis sectis multi defice-
rent ad Epicureos, ab Epicureis nulli
desciscerent ad alios: Quoniam, in-
quit, ex viris Galli sunt, ex Gallis vi-
ri nequaquam. Sentiens, homines es-
se prouiores ad voluptatē, quā ad
virtutē, Gallos dixit, sacerdotes Cy-
belis euiratos. Porro voluptatem am-
plecti, fœminarum est potius quā
virorum Laer. l. 4. c. 6.

Isæus sophista.

Isæus sophista Assyrius, cū pri-
mū ætatem dicasset voluptatibus,
simul vt ad virilem peruenit, veluti

alius subito factus mirā induit mo-
rum seueritatem. Itaque percontanti
cuidam, Num illa (fœminam osten-
dens) videretur formosa? *πέτασμα*, in-
quit, *ὀφθαλμῶν*, id est, desij laborare
ab oculis. Ab altero quopiam inter-
rogatus, quis piscis, aut quæ auis ef-
set ad vescendum suauissima? *πέτασμα*,
inquit, *ταῖς συνδράζειν*, id est, ista
curare desij. Et adiecit: *ἐλπίσκει γὰρ τὸ
παντὶ καὶ καὶ τοῦ περὶ γὰρ*, id est, sensi e-
nim me ē Tanti hortis fructus col-
ligere. Subindicans, omnes eiusmodi
voluptates, quibus iuuentus capitur,
nihil aliud esse quā vmbras ac so-
mnia, qualia de Tantalo fabulantur
poëtæ. Philostratus.

Polemon.

Occurrens alij sophistæ cuidam,
intestina, mēnides pisces, & alia quæ
dam vilia portanti obsonia: O vir e-
gregie, inquit, non potest Darij &
Xerxis animum rectè actione expri-
mere, qui talibus vtitur cibis. Idem.

Theocritus.

Posteaquam Diocli lurconi peris-
set, vxor, & in funebri cœna, quam il-
li parabat, nihilo secius obsonia vo-
rarer, siens interim: Desine miser, in-
quit, nihil profeceris obsoniis indul-
gens. Sentiens, illi semper siendi fo-
re materiā, si pergeret delitiri, Olim
vesci piscib. pro delitiis habebatur,
& infami vocabulo dicebatur opso-
phagi. Nunc ea res magna est sancti-
monia. Eras. 6. apoph.

Siratonicus.

Rhodos cū videret delitiis dis-
solutos, & calido potu vtētes, appel-
lauit albos Cyrenæos, & ciuitatem,
illorum appellauit procorum ciui-
tatem, quod colore quidem differret
à Cyrenæis qui nigri sunt, luxu & vo-
luptatū studio similes. Sic hodie qui-
dā appellabāt olbos Mauros. Athen.

Idem.

Cùm Rhodi ageret, taxans eius gentis luxum deliciâsque, dicebat illos edificare vt immortales, obsonare quasi breue tempus victuros. Audiens enim fruitur his quæ brevisciimus auferenda. Erasim. 6. apoph. ex Plutarcho.

Idem.

Cùm in Maronia potaret cum quibusdam, dicebat se posse scire ad quæ locum spectaret ciuitatis, si tecta facie ipsum ducerent. Cùm duxissent, rogassentque quod spectaret: Ad cauponam, inquit. Sentiens, totam ciuitatem nihil aliud esse quàm cauponam. Itaque quocunque verteretur rectis oculis sciebat se spectare cauponam. Maronia porro Ciconum ciuitas est, negotiationi dedita. Erasim. 6. apoph. ex Athenæo.

Philoxenus.

Is fuit insignis ganeō, qui cùm in caupona ollam vidisset, in qua delitiæ coquebâtur: odore captus, iussit filium ollâ emere. Filio dicente, eam ollam magno pretio vendi: Hoc suauior, respondit, & iucundior erit, quo maiori pretio eam emero. *Ælianus* lib. 10. de *Varia histor.* *Idem* collum longius sibi quàm grauibis fieri exoptabat, vt in gustu magis oblectaretur. *Aristot.* in *Ethicis*, & *Bruson.* lib. 3. cap. 1.

Alexis.

Alexis poëta *Callimedomem* rhetoricorem, vt delitiis deditum, taxauit his versibus:

ὡς ποίητος ὡς ποίητος ὡς ποίητος
ὡς ποίητος ὡς ποίητος ὡς ποίητος
Propatria vel quislibet velit mori:

At matre amore Callimedo solus cupit.
Perit Latinis ioci gratia, nam *πατὴρ* patriam significat: *μητὴρ* non matrâ, sed vuluam aut piscem sonat. *Pisces*

olim erant in delitiis. Erasim. lib. 6. apoph.

Ischomachus.

Medico perconante rusticum, qui ob ingurgitationem malè habebat, num ad vomitum cœnasset? Nequaquam, inquit, sed in ventrem. Iocus Græcis festiuor, quod eis sonat pariter & in, & usque ad, eis ἐμωτορ eis καὶ ἰδω. *Brasim.* l. 6. apoph.

Gorgo Cleomemis filia.

Cùm pater aliquando mandasset, vt cuidam mercedis nomine daret frumentum, & elogium addidisset, Docuit enim me vinum reddere suauius: Ergo, inquit, ô pater, & vini plus bibetur: & qui bibent, delicates, deterioresque reddentur. Quis satis prædicet hanc puellam, & sene & viro seueriores? Atqui solet hic sexus maximè capi rebus suauibus. *Plutarchus* in *apophthegmat. Lacænarum.*

Eudamidas.

Cuidam laudes Athenarum prædicanti. Quis (inquit) eam ciuitatem meritò laudet, quam nemo dilexit factus seipso melior? Non iudicauit eam urbem esse dignam vlla laude, quæ sic esset corrupta delitiis ac vicis, vt nullus in ea libenter viuens euaderet melior, sed deteriores omnes. Tacitè præferens Spartam Athenis, in qua qui vixisset, efficeretur melior. *Plut.* in *Lac.* apoph.

Lycorgus.

Cùm statuisset inuadere delicias, luxumque, & in his quoque tollere diuitiarum admirationem, instituit sylsitia, hoc est cœniua publica. Percontanti verò, cur ea constituisset, sic vt in singulis conuiuiis pauci cū armis discumberent: Vt, inquit, expediti sint ad parendum imperatis, & si quid tumultus inciderit, penes paucos

paucos sit delictum , sitque inter omnes potus ac cibi æqua portio : denique non solum in esculentis ac poculentis, verum ne in stratis quidem, aut vasis, aut alia re quacunque plus haberet diues quam pauper. His rationibus cum diuitiis detraxisset admirationem, postquam nemo erat, qui vel vti posset illis, vel ostentare, dicebat amicis : Quam præclarum est, ô amici, ipsa re declarasse cuiusmodi sint diuitiæ, si quando cæcæ sunt, caréntque spectatoriibus & admiratoriibus. Interim observabat, ne quis prius domi sumpta cœna veniret ad publica conuiuia, expletus aliis cibis, alióve potu. Quod si quis cum cæteris non biberet, ederétve, cum vituperabant, vt qui aliis eduliis delinquit, abhorreret à victu communi. Porro qui palam conuietus esset id fecisse, ei multa dicebatur. Vide Agis, qui multo post Lycurgum tempore rex fuit, debellatis Atheniënsibus domum reuersus, cum vellet quadam die cœnam capere cum vxore, à sylitiis poscenti, præfecti militiæ non miserunt. Ea res cum postero die innotuisset Ephoris, multam illi dixerunt. In eodem facto geminum exemplum nobis est proditum : primum frugalitatis, deinde seueritatis, cum in causa non graui leges nec regi pepercerint. Plut. in Lacon.

Agisilau.

Sciscitante quodam ab Agesilao, Quid Spartæ fructus attulissent Lycurgi leges? Voluptatum, inquit, cõtemptum, videlicet indicans, non aliam magis ex re nasci reipubl. corruptelam, quam ex deliciis. Plutarch. in Lacon.

Idem.

Cum audiret quendam mirari, cur

rex cum cæteris Lacedæmoniiis tam frugali cibo vestitûq; vteretur? Pro hac frugalitate, inquit, optimã messem metimus libertatē. Quo dicto ostendere voluit, nihil æquẽ libertati contrarium esse, ac voluptatem. Plut. in Lacon. apoph.

Idem.

In Asia domum contignationem ex quadratis trabibus factam aspiciēs, ædium herum rogauit, num apud illos quadrata nascerétur ligna? eo negante, sed rotûda dicere : Quid igitur, inquit, si quadrata essent, rotunda faceretur? Notauit autem luxum, & pretiosam illam in ædificandis ædibus solertiam. Plut. in apoph.

Idem.

Thasiorum gens cum Agesilao Lacedæmoniorum regi cum exercitu per eorum agros proficiscēti, honoris gratia mitterent farinas, an feres, bellaria, liba ex melle condita, omnis generis alia maximi pretij tum esculenta tum poculenta : præter farinas nihil accepit, sed reliqua auferri iussit, vt inter Helotes & mancipia distribuerentur. Sciscitantibus autem, cur id faceret? respondit : Non decere, qui virtutis studio tenerentur, id genus delicias recipere. Sapienter ostendens, nihil serilius & abiectius esse, quam gulę vtrisque voluptatibus obnoxium viuere. Plut. in apoph. Lacon.

Lyfsmachus.

Suprà de Fame & siti.

Lyfander.

Cum filiabus suis non permitteret, vt vestes à Dionysio datas induerēt: interrogatus : Quamobrem hoc faceret? Ne, inquit, luxuria conspicuæ, turpiiores videantur, quam fuerunt antea. Brus. lib. 3. cap. 33.

FF

Epaminondas.

Epaminondas, à quodam ad cenam inuitatus, quum bellariorum, obsoniorum & vogaentorum apparatum inuenisset, caestigio abiit, dicens, Ego te sacrificare, non lasciuirescere putabam. Plut. in apoph.

Idem.

Quum coquus impensæ rationem collegis redderet, maximum olei sumptum duntaxat ægrè tulit: sed collegis admirantibus, impensam quidē sibi non displicere, dixit, sed quòd tantum olei intra corpus ipse accepisset. Damnavit autem luxuriam in nullo magis, quàm in semet ipso, quē adeò prodigum olei fuisse in victione corporis fatebatur, ut hac in re omnes faciliè superarit. Plutarch. in apoph.

Cyrus.

Persæ, quoniam regionem habebant montuosam asperamque, cupiebant eam campestri ac molliore commutare. Id non passus est Cyrus, dicens: Quemadmodum plantas ac semina, sic hominum mores ad regionis habitum immutari. Sentiens, se velle duos homines & laboribus accommodos. Nam mollis ac fertilis regio, molles & ignavos gignit homines. Plut. in apoph.

Xerxes.

Iratus Babylonis, quòd à se defecissent, postquam illos in potestatem suam redegit, interdixit ne ferrent arma, sed psalteriis tibisque canerent, scorta alerēt, cauponas haberent, ac sinuosis tunicis uterentur: quo voluptatibus molliori non molirentur denuò defectionem. Plutarchus in apoph.

Demetrius Phalerens.

Conspicatus iuvenem luxuriosum, Ecce, inquit, quadratā statuam,

habentem syrma, ventrem pudenda & barbam. Stob.

Alexander.

Darij regiam ingressus, quum vidisset subline cubiculum, & in costratum, mensas, cæteraque omnia mirifico ornatu instructa: Hocine inquit, erat imperare? Sentiens non esse regium, huiusmodi delitis indulgere. Plut. in Alex. vita.

Idem.

Lectum ingressus, excussis accuratè stragulis, dicere solebat: Num quid hîc delicatum aut superfluum mater addidit? Adeò abhorrebat à muliebribus deliciis. Ibid.

Crassus.

Brutus quidam quū balneas patri moniūmq; omne penè vèdidisset, pecuniāque luxuriosè dilapidasset, diceretq; se sudare, Crassus orator respondit, Non mirum est (inquit) quòd ita sudas, modò enim existi de balneis. Notavit autem hominis luxum, qui in causa erat, ut balneum, & alia diuèdere coactus esset. Brut. lib. 3. cap. 33.

Scipio minor.

Cum non ignoraret luxuria & voluptatibus militum enervari vires, omnem luxum & voluptatem è castris suis amoveri iussit, voluitque, ut milites stantes cœnarent obloquium, non igni coctum. Plutarchus in apoph.

Idem.

Audiens iuvenem quendam placentiam ex melle vrbis similitudinem compactam, Carthaginēque nuncupatam, conivis diripiendam dedisse, equo privavit: rogatus autem, cur militem equo indignum iudicaret? Quia, inquit, me prior Carthaginem diripuit. Quo dicto militem damnavit ignavum, qui gulæ

gulæ deditus, cum placentis potius melle conditis, quàm contra hostes pugnaces, bellum suscipiebat. Plut. in apoph.

Idem.

Quum Memmij cuiusdam tribuni militum iumenta intercepisset, vasis lapideis refrigerando vino paratis, ac poculis Thericlis, hoc est, operosè factis onusta: Mihi quidè, inquit, ac patriæ dies triginta, tibi ipsi vero per omnem vitam, cum talis sis teipsum inutilem reddidisti. Significans, bellum quòd pro patria gerebatur, mensem fortasse duraturum. Parum autem esse, quòd tum militem præstaret inutilem: sed multò gratius, quòd si pergeret esse talibus moribus, perpetuò civis inutilis esset futurus. Ibid.

M. Cato.

Albidium quendam, qui omnia sua bona dilapidauerat, audiens conquirentem, domum sibi incendio consumptam esse: Proteruia, inquit, fecit. Erant autem Proteruia apud veteres ethnicos sacrificia, in quibus mos erat, ut si quid ex epulis superfuisset, igne consumeretur. Brut. lib. 3. cap. 1.

Idem.

Iam rempublicam nequaquam saluam fore dicebat, in qua piscis, pluris quàm bos venderetur. Sensit autem vir prudentissimus, nihil æquè in republica pestiferum esse, quàm si ciues luxu & deliciis distinuat. Præcipuus olim luxus erat in piscibus, unde legimus nullum sex nummum millibus emptum. Plut.

Idem.

Quendam qui agros mari vicinos ob luxum vendere coactus est, aiebat se mirari, quasi plus nosset quam ipsum mare. quod enim illud vix

paulatim assuebat, ille facile deuorarat. Eras. lib. 5. apoph. ex Plut.

Cicero.

Faustus Syllæ filius, consumptis paternis bonis suppellectilem propter æris alieni magnitudinem proscripsit. Cicero hominis miseriam irridens, Hanc, inquit, magis amo quàm patris eius proscriptionem. Proscriptio quippe Fausti, sibi soli nocumento erat, qui solus non habebat unde post hæreditatem paternam iam consumptam, commodè viveret. Parentis autem crudelis proscriptio, infinitis ciuibus & Reipublicæ damno fuit. Plut. in apophtheg.

Pompeius.

Ægrotanti Pompeio medicus præscripserat, ut turdis vesceretur. Quumque hi quibus datum erat negotium, negarent inueniri (non enim erat tempus: quo genus hoc auium capi solet) admonuit aliquis apud Lucullum inueniri posse, qui turdos toto anno alere solitus esset. Itane, inquit Pompeius, nisi delitiis deditus esset Lucullus, nequaquam viveret Pompeius? Contemptoq; medico, cibis parabilibus usus est. O verè masculum animum, qui ne vitam quidem delitiis acceptam ferre sustinuit! Plut. in apoph.

Lucullus.

Quum æconomus Lucullo cœnam modestam apparasset, accersitum obiurgauit: illo dicente, Non putabam sumptuoso apparatu opus esse, quum solum esses cœnaturus, Quid ais, inquit Lucullus, an ignorabas apud Lucullum hodie cœnaturum Lucullum. Plut. in apoph.

Gallus.

Testis cōtra Pisonem repetunda-

rum rerum, cum magnam pecuniam dixisset datam Magio præfecto à Pifone, ne provincialium iniurias à se delatas aperiret, Scaturusque Magij tenuitatem inopiamque redargueret. Festiue inquit, erras Scaure: ego non magnam conseruasse dico, sed tanquam nudus nuces legeret, in ventrem coniecisse. Notauit autem hominis luxuriam, qua ad summam adactus inopiam erat. Bruf. lib. 3. cap. I.

Tiberius Cæs.

Attilio Butæ viro prætorio, quum ad inopiam per luxum ac socordiam redactus, fateretur ac deploraret paupertatē suam. Serò, inquit, expectatus es. Dormiunt temulentie ac luxui dediti, verius quam viuunt, nam vita vigilia est. Seneca in epistolis.

Caligula.

Luxu prodigioso vtens, vt calidis rigidisque vnguentis lauaretur, pretiosissimas margaritas aceto liquefactas sorberet, conuiuuiis ex auro panes & obsonia apponeret, nummos non mediocris summae è fastigio basilicæ Iuliæ per aliquot dies spargeret in plebem, Liburnicas naues gemmatis puppibus, & versicoloribus velis fabricaretur: subinde dicebat, Aut frugi hominem esse oportere, aut Cæsarem. Erasmi. lib. 6. apophth. ex Suetonio.

Helioabalus.

Adhuc priuatus, cum luxuriosus omnibusque voluptatibus deditus esset, reprehensus à quodam, qui dicebat: Ah non times vir luxuriosissime, ne post tot delicias pauper fias? Quid melius, inquit, quam vt ipse mihi hæres sim, & vxori meæ? Rom. histor. Scriptores.

Idem.

Dicere quoque solebat, se nolle filios, ne quis frugi sibi nasceretur. Idem.

Anonymus.

Monachus quidam Ægyptius, interrogatus cur toties voluptates sibi subtraheret? Ideo subtraho, respondit, vt iræ causam & occasionē præcidam. Scio enim, illam semper de voluptatibus belligerari, mentēque meam perturbare, & cognitionem ipsam fugare. Nicephor. libr. II. cap. 43. Ecclesiast. historię ex Eua-grio.

Alphonsus.

Suprà apophth. de Honore virtutis præmio.

Idem.

Eques quidam ingēs patrimonium per luxum ac libidinem abforbuerat, atque insuper magnam æris alieni vim contraxerat. Pro hoc intercedentibus quibusdam apud Alphonsum regem, ne saltem, quæ debebat, corpore luere cogeretur. Alphonsus respondit: Si tantam pecuniam vel in sui regis obsequium, vel patriæ commodis, vel subleuandis propinquis impendisset, audirem. Nunc quoniam tantas opes impendit corpori, par est vt luat corpore. Erasmi. lib. 8. apoph.

Ludonicus XII. Gall. rex.

* Cuidam referenti, solitos olim & canibus & capellis abstinere sacerdotes, vt non modò attingere, sed ne appellare quidem liceret: At, inquit, pessimè hoc obseruatur à Cardinali Albretio, qui caprinis carnibus haud illibenter vescitur, & canum agmina pro venatione habet in deliciis. Annual. Franciæ.

Hæc

Huc aliqua ex parte pertinent apoph. de Prodigalitate, Crapula, Lautitiis, Intemperantia, Ebrietate, &c.
Vide item apoph. de Voluptate.

DE MAGISTRATU ET GOVERNATIONE REIPUBLICÆ.

CLEOBVLVS.

EAM Rempubl. bene compositam existimabat, ubi magistratus magis infamiam quam legem metuunt. Plutarchus in conuiuio septem sapientium, & Stob. ser. 41.

Bias.

Optimam esse rempublic. dixit in qua legem omnes perinde ac tyrannum metuunt. Ibid.

Thales.

Eam rempubl. saluam esse putabat, quæ ciues neque prædiuites nec admodum pauperes contineret. Ibid.

Pittacus.

Laudabat eam rempubl. in qua malis imperandi non daretur facultas. Ibidem.

Chilon.

Optimam pronuntiavit rempubl. quæ maximè leges, minimè autem Rhetores audiat. Ibid.

Periander.

Periander felicem fore eam rempubl. putabat, in qua cum reliqua æqualia existimentur, virtute quod melius, vitio autem quod deterius est, designatur. Ibid.

Idem.

Interrogante quodam cur imperium nõ deponeret? dixit, Quoniam, per vim imperanti, etiam vltro desistere periculosum est. Stobæus. Ibidem.

Solon.

Suprà apoph. de Legum auctoritate & obseruatione.

Idem.

Eam item reimp. in primis probabat, in qua viri boni honoribus afficerentur, mali pœnis coercerentur. Stob. ibid.

Idem.

Interrogatus quānam ratione ritè respub. gubernari possit? respondit, Si tam indignarentur illi quibus non est facta iniuria, quā quibus facta est. Stob. ser. eod.

Heraclitus.

Rempubl. vt deploratam contempsit, ei que dare leges quum rogaretur, recusauit. Secessit autem in templum Dianæ, ibique cum pueris ludebat talis. Circumstanti & admirandi populo: Perditi, inquit, annon præstat hoc agere, quā vobiscum Rempubl. administrare? Laërt. lib. 9. cap. 1.

Antisthenes.

Rogatus, quomodo ad Rempublicam capescendam sit eundum? Velut, inquit, ad ignem, ne nimis admotus exuraris, procul amotus frigescas. Stob. ser. 43.

Bion.

Dixit, oportere bonum virū à magistratu discedentem, non ditiores, sed clariorem euasisse. Stob. ser. 43.

Pythagoras.

Dicebat primū luxuriam ciuitates ingredi, deinde saturitatem, postea contumeliam, postremò exitium. Stob. ser. 41.

Idem.

Eam civitatem optimam esse dixit, quæ viros bonos habet. Ibidem. A Socrate idem dictum est sæpius.

Idem.

Principes constitui iussit illos, qui à teneris bene educati sint, & iam adulti ætatem suam lucri gratia non prostituerint. Ibid.

Idem.

Dicere solebat, beatas esse respub. quæ ab illis regerentur, qui aut ipsi saperent aut sapientiæ incumberent. Cicero ad Quintum fratrem.

Zeno.

Solitus est dicere decorandas esse vrbes non pretiosis ornamentis, sed inhabitantium virtutibus. Stobæus serm. 41.

Socrates.

* Felicem illius Reipub. constitutionem esse ducebat, in qua præfecti & magistratus societate coniungerentur. Eam item in qua plurima viruti præmia proposita sunt. Præterea, eam optimè habitari, quæ secundum leges viveret, & iniustos puniret. Stobæus ser. 41.

Chrysippus.

Rogatus cur non administraret Rēpublicam, dixit. Quia si quis male rexerit: displicebit diis; sin bene, ciuibus. Stob. ser. 43.

Aristoteles.

* Dicebat prudentes magistratus debere non propter officium aut imperium, sed virtutis causa admirationem sui parere: vt etiam immutata fortuna eisdem laudibus digni censerentur. Stobæus eodem sermone.

Epictetus.

* Quemadmodum, inquit, facies in portu sublata, magna flam-

ma in paucis cremis excitata, nauibus per mare errabundis multum auxilij ferunt: sic & vir splendidus (i. prudens magistratus) in vrbe periclitante, paucis ipse rebus contentus, magnis beneficiis ciues afficit. Stob. eod. ser.

Theophrastus.

Percontatus, quidnam rempublicam conseruaret? respondit, Præmium & pœna. Stobæus sermone 41.

Epaminondas.

Quum Epaminondæ per inuidiam & contumeliæ gratia sordidus quidam & contēptus magistratus delegatus esset à populo Thebano, non aspernatus est, dicens: Non solum magistratum ostendere virum, sed virum vicissim ostendere magistratum. Itaque se gessit, vt deinceps tanquam honestum munus à multis ambiretur, quum antea nihil fuerit, quam cura, sordes & stercorea ex angiporthe euicendi. Eras. lib. 5. apoph. ex Plutarcho.

Phocion.

Capitis iam damnatus cum esset, atque huius amici cæteri qui simul cum illo damnati fuerant, scētes ducebantur, ex inimicis quidam obuiam factus, post multa conuicia in faciem Phocioni expuit. Tum Phocion ad magistratum clamans, Non hunc, inquit, compescet aliquis indecorē se gerentem, Ita vir sanctissimus, etiam moriturus publicæ disciplinæ curam habere voluit. Plutar. in Phocione.

Agasicles.

Interrogatus, quonam pacto magistratus nullo stipatus satellitio, imperare suis posset, respondit, Si ita imperet suis, vt pater filiis. Quo inuinit, si magistratus beneuolentia & bene

bene factis adiungeret sibi ciuium animos, non opus esse barbarico conductioque satellitio, cum nullos haberent corporis custodes tutiores quam ciues, erga quos patri gererent affectum. Plut. in Laco.

Agesilaus.

Magistratus officium esse dicebat, Erga rebellantes audacia, erga subiectos beneuolentia vri. Plut. in Lacon. Vt postea dixit Virgilius principis artes esse, Parcere subiectis, & debellare superbos.

Idem.

Rogatus à quodam cur Spartano- rum Respub. prae ceteris secundis rebus floreret: Quonia, inquit, plus ceteris in hoc sese exercent. Vt pariter & imperare & parere sciant. Sensit vir prudentissimus, ciues disciplinae capaces, causam esse incolumitatis publicae. Plut. in Lacon apoph.

Themistocles.

Cleon cum primum statuisset Reipubl. capessere, amicis in vnum locum convocatis, eam quae ei cum illis intercesserat: amicitiam dirupit tanquam quae in administratione ciuitatis rectum ac iustum institutum emoliat, & transuersum agat. Themistocles contra, qui, cum quidam moneret vt praeclare magistratu fungeretur: nequaquam, inquit, in eo sessurus sum throno, in quo amici non meliore sunt futuri conditione, quam inimici. Non enim ciuitas homines amicis & sodalibus carentes, sed commodos & temperantes requirit. Antonius in Melis par. 2. ser. 1.

Agathon.

Dicere solebat, magistratuum debere meminisse. Primum, quod imperet hominibus: deinde, quod secundum leges: tertio, quod non semper imperet. Stob. ser. 43.

Apollonius.

Cum vidisset in Domitiani aedibus, quendam senio iam confectum magistratum inhiater affectare, atque imperatori ceu seruum se submittere: Huic, inquit, o Damis, non persuasit Sophocles, vt agrestem dominum furiosumque aufugeret. Bruf. libr. 5. cap. 5.

Fabius. Max.

Fabio iam sene, filius illius consul factus est, qui cum publicitus multis audientibus habuisset orationem. Fabius consensu equo praecebat. Quum autem iuuenis lictorem misisset: qui patrem iuberet equo descendere, alij quidem factum hoc auersati sunt. At Fabius ab equo desiliens, non habita aetatis ratione, accurrit, ac filium complexus: Euge, inquit, fili, sapis: qui intelligas, quibus imperes, & quam magnum magistratum susceperis. Plutar.

Scripto minor.

Quum in censura Muminum collegam haberet, festiue grauiterg; pro rostris dixit, se ex maiestate Reipub. omnia facturum, si sibi Quirites collegam dedissent, siue non dedissent, Plin. in l. de Viris illustribus cap. 58. Val. Max. l. 6. c. 4.

M. Cato.

Exortans magistratus ad sumendas poenas de his qui delinquerent, dicebat eos qui maleficos prohibere possent, nec facerent, lapidandos esse. sentiens illos, de vniuerso populo pessime mereri, quod ad scelera licentiam inuitarent improbos. Plut. in apoph.

Alex. Seuerus.

Honores iuris & gladij nunquam videri passus est, dicens. Qui emit & vendat necesse est. Hoc ethnicus, & iuuenis: quid iam decet principes Christianos? Lampridius & Bruf. lib. 4. c. 5.

Alphonsus.

Dicere solebat, eos, qui aliis præessent, tanto priuatis hominibus meliores esse oportere, quanto honoribus & dignitate antecellerent. Sentiens, tum demum subditorum mores rectè formari posse, si hi quibus reipublice gubernatio commissa est, vitæ inculpatæ exemplo præcedant, vt vinum sint exemplar omnis virtutis. Panormit. lib. 6. de rebus gestis. Alphonsi.

Idem.

Magistratum, cotem appellare solitus est, quo hominum ingenia probarentur. Quemadmodum enim argentarij ad aurum atque argentum probandum cote iudice vtuntur: sic magistratibus se vri, rex docere voluit, quo ciuium mores atque animos exploraret. Magistratus enim, vt cõmuni prouerbio celebratur, virum iudicat: quod quidem Pittaco Mitylenæo & Soloni alij tribuerunt. Quãquam Aristoteles l. 5. Moraliũ, Bianthis nomine citarit. Est autem sensus, vix satis perspici posse mores & ingenium in vita hominis priuata. Alphonsi dictum recitat. Panormit. libr. 3.

Vide apoph. de Principatu & Principe.

De magistratuum delectu.

Socrates.

Dicere solebat absurdũ esse, cum artes manuaris nemo exerceat qui eas non didicerit: neq; quisquam aliud faciendum locet ei qui eius officij sit planè ignarus: ad publicos magistratus admittite eos, qui rerum omnino rudes essent. Erasmi. lib. 3. apophthegm.

Plato.

*Censebat publico munera nemini esse cõcedenda, quòd nominatus ad ea capeffenda diues esset, aut huiusmodi quicquam possideret, vt robur, magnitudinem generis claritatem: sed ei qui legibus pareret maxime, & hac re cæteris in ciuitate præstaret. l. 4. de legibus.

Chilon.

Fratri quærenti, quòd Ephorus ipse non crearetur, quum ille esset: Ego, inquit, iniuriam ferre noui, tu non: significans neminem esse idoneum magistratui, qui nõ possit dissimulare multa præter equum & bonum facta, iuxta illud *αὐτὸν δὲ νομίζω* & *δυσκώλως* & *ἀδύνατος*, id est, Princeps æqua & iniqua pariter audias. Laër. in Chilone.

Antisthenes.

Admonuit Athenienses, vt asinos æquæ atque equos deligerent ad agriculturam. Quum illi dicerent hoc animal esse alienum ab aratione: Quid refert, inquit, quum in vestra republica duces sint, qui nunquam didicerunt administrandi rationem: sed hoc satis est, quòd a vobis delecti sunt? Sentiens, multò absurdius esse, ei cõmendare rempub. qui gubernandi artē nõ tenet, quàm si alinum pro equo adhibeas aratro. Laër. l. 6. c. 1.

Carneades.

Cum in senatu dixisset, neminem consulem, neminem prætorem aut imperatorem esse, nisi sapientem: Albino, qui tum prætor erat, audiente, subridens ait: Ego igitur tibi Carneades prætor esse non videor, quia sapiens non sum? Brusonius libro 4. cap. 5.

T. Manlius.

Suprà de Consolatione.

M. Cato.

M. Cato.

Ciues inculabat, quod semper iisdem committerent magistratum. Videmini enim, inquit, aut vllum habere magistratum, aut indicare paucos esse dignos magistratu. Quorum alterum erat malè sentire de publicè potestate: alterum, de ciuibus. Plut. in Ro. apoph.

Idem.

Censuram petens, quum ceteros competitorum videret supplices, populoque blandientes, ipse clamabat, populo opus esse medico austero, validisque remediis: proin eligendum non qui iucundissimus esset, sed qui inexorabilis. Atque hæc dicens, ante omnes censor creatus est. Agnouit populus morbum suum: eoque Cato plus valuit obiurgando, quam ceteri blandiendo. Ibid.

Saturninus.

Quum milites illi peplum imperiale imposuissent, aduocata concione de seipso dixit: Commilitones, bonum ducem perdidistis, & malum principem fecistis. Ante fuerat egregius sed quoniam in imperio fuerat seuerior, ab iisdem à quibus imperator factus fuerat, interemptus est. Non quiuis ad quoduis munus idoneus est. Trebellius Pollio.

Augustus Cæs.

Romanum admonuit magistratum, ut Rempublicam committerent iis qui usu & experientia rerum plurimum possent, nec eam sinerent pendere ex cuiusquam voluntate. Nihil enim in Repub. perniciosius esse putauit, quam si magistratus rerum imperitus dominium obtineat. Xiphilinus Dionis abbreviator, in Augusto.

Idem.

Cum egre ferret, quod Caius, quem Agrippa eius filius susceperat, non

dum adolescens consulatum periisset: graui dolore affectus, precatus est, ne vnquam inciderent in huiusmodi tempora, in quæ ipse olim inciderat, ut minor x x i. annis consul fieret. Cumque adhuc instaret, respondit: id imperium deferendum esse ei, qui nihil peccaret, quiq; posset studiis populi Romani obistere, deinde ut eos modestiores faceret. Dion. Nicaeus in August.

De magistratum molestiis ac variis sollicitudinibus.

Democritus.

Democritus dicere solebat, melius esse regi ab aliis, quam regere homines malos. Stob.

Chrysippus.

Rogatus, quare ad Rempublicam non accederet? Quia, inquit, si malè administruero, deos: si bone, ciues habebo iratos. Laërt.

Alcibiades.

Dicere solitus est de suis factis, se Dioscurorum vitam viuere. Nam dum populi gratiam obtineret, diis parem se videri: cum verò illam amisisset, nihil à mortuis discriminis habere. Ælian. l. 13. de Var. hist.

Themistocles.

Audiens quosdam ambire magistratum: Si mihi, inquit, duas ostenderetis vias, quarum vna ad sepulchrum, altera ad tribunal duceret, multò libentius ingrederer eam quæ rectè ad sepulchrum duceret. Non ignorauit sanè vir sapiētissimus, quante curæ, molestiæ, vexationes, circueuniant eos, qui in magistratu constituti, omnib. expofiti esse coguntur,

Ælianus lib. 6. Variar. Historiar. .

Demosthenes.

Ad iuvenes quod habebat familiares, dicere solebat: Sibi gnaro iam quantum inuidie, metus calumnie ac discriminis sit expectandum ad Rem pub. accedenti, si ex duobus alterum sit eligendum citius in exiliū iturum, quam ad suggestum aut tribunal. *Eraf. l. 4. apoph. ex Plut.*

Sel. acus.

Frequenter dicere solitus est, paucis notum esse, regum aut magistratum quantæ sint curæ. Alioqui nulum inuentum iri, qui regium diadema humi proiectum tolleret. *Eraf. l. 8. apoph. Stob. ser. 46. Antigono ascribit, cuius dicti meminit etiam Val. Max. l. 7. c. 2.*

Antigonus.

Cum regium sibi traditum accepisset diadema priusquam capiti imponeret, dixisse fertur: O nobilem magis quam foelicè pannum! quem si quis penitus cognoscasquam multis solitudinibus, periculis & miseriis sit refertus, ne humi quidē iacentem tollere vellet. *Val. Max. libr. 7. c. 2. Stob. ser. 46.*

Pompeius Magnus.

Quum ex literis senatus intellexisset, omnia quæ Sylla armis obtinuerat, in ipsius potestatem esse tradita populi suffragiis ceteriatis, percussio fœmore dixit, Proh, nuunquam finienda pericula! quanto satius erat obscurum nasci, si à militaribus curis nonquam dabitur recedere: nec hac exuto inuidia, licet cum vxore ruri vitam degere? Magnam potentiam ambit inexpertus, odit expertus, sed deponere tutū non est. *Plut.*

Alphonsus.

Cœnam senex quidam importunus & garrulus quum sine fine ob-

reperet, exclamasse fertur, & dixisse, Asinorum conditionem esse potiore in quàm regum. Nam illis dum nascuntur, dominos parcere: regibus neminem. *Antonius Panorm. & Æneas Syluius de dictis & falsis Alphonsi.*

Idem.

Infrà tit. de Otio honesto.

De magistratu momentaneo.

Cicero.

Cum Caninium consulem postremo anni die à Cæsare factū videret, qui tamen postero die consulatum pro more alteri tradere cogebatur, iocosè de breui eius magistratu iudicans. Cōsulem, inquit, habuimus vigilantissimum & fortissimum, qui in toto suo consulari somnum non vidit. *Xiphil. Nicæi abbreviator in Cæsare.*

Idem.

De Caninio Reulio cum paruo tempore consul fuisset, sex videlicet meridianis horis, idem dixit, Consullem habuimus tam seuerum, tamque censorium, vt in eius magistratu nemo pransus sit, nemo cœnauerit, nemo dormierit. *Eraf. l. 4. apoph.*

Idem.

Suprà de Honore momentaneo.

Idem.

Vatinius cum morbo laboraret, & eo nomine in Ciceronem inueheretur, quod ægrotantem non accessisset: Volebam, inquit Cicero, in tuo venire consulari, sed me nox occupauit. *Ibidem.*

Idem.

Ad hunc consulem congratulandi ac associandi gratia pluribus euntibus: *Matu-*

Maturemus, ait, vt hominem ante sui consulatus, exitū praeueniamus. Plutarch. Talis fuit autem sub Galieno imperatore postea Marius tyrannus, vt scribit Trebellius Pollio, qui vna die factus est imperator, altera visus est imperare, tertia interemptus est.

M. Voracillus.

In C. Seruiliū, qui vno tantum die consul fuit, ita lufit: Ante Flamīnes, nunc consules diales fiunt. Abusus est voce, Diales: quasi à die deducta sit, ac non magis à Ioue, cui Flamīnes instituebantur. Macrobi, libr. 2. cap. 2. Saturn.

De magnanimitate.

Democritus.

* Cisciratus, quid esset magnanimitas? respondit, Leuiter ferre frustrationem. Stob. ser. 106.

Socrates.

* Quidam ei cum alio quodā colloquenti filium eius mortuum esse nūcupauit, ille verò colloquio abfoluto. Nunc, inquit, abeamus, Sophronisci funus curaturi. Eod. ser.

Diogenes.

* Aduersis quibusdam casibus pressus, dixit, Euge, ô fortuna, tu viriliter mihi præs. Eod. ser.

Phaenias.

* Dicebat, virum in vera magnanimitate & philosophia educatum, ante quam calamitates ingruant, animi tranquillitatem intra se reconditam habere. At, inquit, in rebus aduersis aliena consolatione opus habere, id tranquillitatis animi modum excedit. Ibidem.

Aristoteles.

* Magnanimitatem describens dicebat esse virtutem, per quam vtra-

que fortuna honor & ignominia feruntur. Item, Magnanimitatis esse decenter ferre & felicitatem & infelicitatem, & honorem & ignominiam, non admirari delicias, neque clientelas, neque potestates, neque victorias publicorum certaminum, & simul habere mentē immotam & excellentiam. Magnanimus autem est, qui neque vitam amat aut magnificat, simplex moribus & generosus, qui iniuria lacessiri possit, nec pronus sit in vindictā. Sequitur autē magnanimitatem simplicitas, ingenuitas, & veritas. l. de virtutibus.

Xantippe.

* De Socrate marito suo dicebat, cum infinitæ mutationes & rempub. & ipsos occupassent, in omnibus similem se vidisse Socratis vultum, & exeuntis domo, & domum redeuntis. Ad omnia enim cōcinnus & magnanimus erat: quamobrē nihil vnquam ipsum tristitia affecit. Stob.

Anonymus.

* Magnanimus est, inquit, qui omnia facile fert: pusillanimus verò, qui ne parua quidem. Stob. ser. 7.

Epicletus.

* Dicebat esse quosdam leuiter magnanimos, qui tranquillē facerēt absque iracundiæ motu æquē magna atque alij vehementer impetuosij & iracundi. Arrian. in disert.

Vide apoph. de Constantia, Fortitudine, Prudentia, Moderatione animi, Fortuna. &c.

De magnificentia.

Nicias.

Cum inter Græcos præcipuus esset qui magnificentia excelle-

ret, ideo à populo in iudicium vocatus, ait: Sint mihi ipsi, non populo Atheniensi tati sumptus facti, meumque operibus ipsis nomen inscribā. Pontan. cap. 12. de Magnificentia ex Plutarch.

Plato.

Videns Agrigentinos magnis impensis multa ædificia extruentes, dixisse fertur: Agrigentini quasi semper victuri ædificant, & comedunt quasi semper morituri. Notauit autem vanam illam ædificiorum condendorum magnificentiam, cum homo fragile & caducum animal, facile tugurium habere possit, in quo ad paucos annos, quibus in hoc mundo quasi in alieno solo obambulat, à tempestatis intemperie se defendat. Ælian. l. 12. de Var. hist. Idem de Rhodiis dixit Stratonicus apud Plutarchum.

Augustus Caesar.

Cum urbem Romam multis modis & ornasset & communisset, atque etiam in posterum (quod quidem in ipso fuit) tutam reddidisset, non sine causa glorians dicere solebat: Romam lateritiam accepi, marmoream relinquo. Nihil principi magnificentius, quam si ditionem, quam acceperat, reddat statu meliorem. Sueton. in eius vita. Pontanus, cap. 32. de Magnificentia. Erasim. Rot. lib. 4. apophthegm.

De maledicentia, ac mordacitate.

Pythagoras.

Quodam dicente, Numium mihi maledicis ac plus satis derides: Atqui, inquit, spleneticis etiam acria & amara prosunt, dulcia nocent. Ant.

in Melissa, parte 2. sermone 78.

Aristippus.

Audiens quendam temere hominibus maledicentem. Vtinam, inquit, tu linguæ tuæ, sicut ego aurium mearum, dominus esses. Laert.

Empedocles.

Interrogatus, cur cum mala audiret, tam indignanter ferret maledicta? Quia, inquit, ne laudationes quidem mihi iucundæ forent, nisi maledicta mihi molesta essent. Max. ser. 16. de Admonitione.

Diogenes.

Cuidā conuiciatori, At nec mihi, inquit, credit quisquam, te laudanti: nec tibi, me vituperanti. Ant. in Meliss. parte 2. ser. 19.

Idem.

Suprà apoph. de adulatione & asensatione.

Isocrates.

De Atheniensium ciuitate dicere solebat, eam scortis simillimā esse. Et enim qui illarū venustate caperentur, velle quidē omnes eū cum ipsis habere: neminem tamen tam sui ipsius contemptorē, qui matrimonium cum illis iungere dignetur. Ita Atheniensium ciuitatē ad peregrinandum in ea iucundissimā esse, omnibusque totius Græciæ ciuitatibus præstantiorem: ad inhabitandum verò nō item securam ac tutam esse. Innuat autem, domesticos in ea sycophantas, conuiciatores & obrectatores, atque eorū qui se populares videri vellent, insidias. Ælian. l. 12. de Var. hist.

Zoilus.

Zoilus Amphipolitanus, Polycratis auditor, qui canis Rhetoricus nominatus est, homo studiosus male loquendi, cum non solum in Homerū, Platonem, aliosque præclaros ac magnos viros stylū stringeret, sed ubique libris

litibus & perniciosis etiam contentionibus operam daret, rogante quodam erudito viro, quamobrem omnibus malè diceret? Quoniam, inquit, malè facere cum velim, non possum. Exprimit autem omnium maledictentium & detrectantiū personam Zoilus, qui dum non inueniunt qua ratione factō lædant, dentibus caninis & lingua amarulenta in bonos inuehuntur. *Ælian. l. 11. de Var. hist.*

Socrates.

Ei cum nuntiatum esset, à quopiā eum maledictis incesse: Bene, ait, loqui non didicit Lært.

Plato.

Quodam narrante nonnullos esse qui ipsum maledictis insectarentur: At ego, inquit, sic viuam, ut illis fides non habeatur. *Anton. par. 2. serm. 69. Melissæ.*

Aristoteles.

Cum ab imprudente quodam malè audiret: Tu, inquit, & conuicia facile audis, & libenter dicis: mihi autem & dicere non est consuetum, & audire iucundum. *Ant. in Meliss. par. 2. serm. 72.*

Melissus.

Quum probro illi daretur, quod maledictis indignaretur: Si maledicta, inquit, æquo animo admitram, ne laudes quidem sentiam. *Brus. lib. 1. cap. 16.*

Philostratus.

Ælianus quum Philostrato rogāti, quid operis cuderet, dixisset se opus in tyrannū nuper mortuum cedere: Admirarer, inquit Philostratus, si viuentem accusasses. Superstitem siquidem tyrannum inceslere, viri opus est: mortuum verò cuiusque. *Brus. l. 1. c. 16.*

Lysander.

Cum in publico quodam conuen-

tu quēdam audiuisset, liberius quā par videbatur, contra ipsum loquentem: Tua, inquit, verba ciuitate opus habent. Quo dicto notauit eius in dicendo libertatem, quæ quidē in conuentu facile fertur, sed alio loco non itidem. *Plut. in Lac.*

Cleomenes.

Cleomenes maledicenti ait: An propter hoc tu omnibus maledicis, ne tempus de tua loquendi malignitate habeamus? *Plut. ibidem.*

Agésilas.

Quoties audiebat aliquos ab aliis laudari aut vituperari, existimabat non minùs esse dicēdos eorum mores qui loquebantur, quā eorum de quibus loquebantur. Sensit vir prudentissimus, qui auidē obtrectantes alienæ laudi, magis prode morbum suum, quā detegere mores alienos: & qui ob res parum honestas laudant quēpiam, aut ob laudabiles vituperant, indicare stultitiam suam, per uersumque iudicium. *Plut. in Lacon. Eracl. 1.*

Alcibiades.

Canem miræ magnitudinis absceisa cauda per urbem dimisit: hoc quū multis stultum atque ineptum visum esset monentibus eum amicis: ac sermones qui de eo circumferebantur enarrantibus, ridens Alcibiades, Sic inquit, res, ut intenderam, successit. Hoc enim Atheniensibus loquendū volui præbere argumentum, ut eos à peioribus, quæ de me & aliis quoque hominibus conuiciose loquuntur, nouis his auerterem. *Plutarch. in Alcibiade.*

Chabrias.

Ab improbo quodam multis conuiciis affectus: Bene, inquit, fecisti, quod nihil eorum quæ iasant prætermisisti. *Ant. in Meliss. par. 2. ser. 69.*

Memnon.

Quo tempore bellum gerebat aduersus Alexandrum pro Dario rege, militem quendam mercenarium multa conuicia perulenter iacentem in Alexandrum, hasta percussit. Ego, inquiens, te alo ut pagnes adu. Alexandrum, non ut illi maledicas. Plutarch. in apoph.

Demochares.

Significare volens se nihil pendere obrectationes vulgi, cum videret multos obrectatores vnâ sedentes in conuictina, & malè loquendi omnino cupidos: Quid loquimini (inquit) vos Dysmenidæ? simul hoc nomine ingenium, naturamque ipsorum innuens, & detegens. Ælian. lib. 3. de Varia hist.

Pisistratus.

Cum conuiuia bene potus ei maledixisset, irritantibus amicis ad pœnas de conuiuia sumendas dixisse fertur, Non aliter illi succenseo, quam si quis obligatis oculis in me occurrisset. Sensit maledicendi ansam dedisse vinum, & ignouit errorem. Ælian.

Idem.

Dicenti cuidam, quod à maledico laudaretur: Miror, inquit, nisi quis illi dixit me mortuum esse. nam viuētem ille posset laudare neminem. Stobæus.

Hieron.

Xenophanes Colophonius Homeromastix, quum apud Hieronem Siciliæ regem lamentaretur paupertatem, quod vix à se duo famuli possent nutrirî: At Homerus, inquit Hieron, cui tu assidue maledicis, plusquam decem millia hominum alit, vel mortuus. Reprobauit autem innatam homini maledicentiam, quæ paupertatis & inopiæ suæ non mini-

ma causa erat, Plutarch. in apoph.

Philippus.

Philippum Alexandri patrem conuicio afficiebat quidam effreni lingua præditus, cumque amici hortarentur, ut conuiciatorem reprimeret: Non est hoc, inquit ille, faciendum, ne amplius effectus & implicatus plura in nos iaciat maledicta. Anton. part. 2. Meliss. ser. 69.

Idem.

Dicebat, se suis conuiciatoribus gratiam habere, quod se meliorem redderent. Ego, inquit, studeo illos mendacij conuincere, & si quid improbè fecerim, muto consilium, & pœnitentia emendo factum. Anton. in Meliss. par. 2. ser. 69.

Idem.

Maledictis à Nicandro lacessitus, pluribus cœpit illum donis honestare: quibus acceptis cœpit Nicander eum laudare. Ad amicos igitur conuersus Philippus, Viderisne ergo, inquit, & nostrum esse, bene & malè audivere, & à maledicentia morbo affectos sanare. Plutarch.

Antigonus.

Milites quum in illum probra iactarent, ac ignorarent Antigonum tam propè adesse, prodiens rex ait: Flebitis, nisi longius amoti maledicatis mihi. Sic enim recitat Plutarchus in apoph. Seneca verò libr. 3. de ira, ait illum dixisse: Longius discedite, ne audiat rex.

Idem.

Quum per noctem milites omnia sibi mala imprecantes audiret, quod rex eos in illud iter intricabileque lutum adduxisset: accessit, ignorantesque à quo adiuuarentur, explicuit. Non, inquit, maledicite Antigono, cuius vitio in has calamitates incidistis: Sed ei bene optate, qui ex hac miseria

miseria vos abduxit. Plutarchus & Seneca.

Pyrrhus.

A quibusdam rogatus, ut maledicere quendam ex Ambracia pelleret: respondit, Potius apud paucos, illic manens, quam apud multos de nobis obloquatur. Plut.

Idem.

Quum audisset, sibi à quopiā maledictum, conuiciatorem ad se duci iubet, ac interrogat, num dixisset ea propter quæ accusatus erat: respondit, Dixi, ó rex, & dicturus plura eram, si plus vini appositum mihi fuisset. Quo audito, Pyrrhus ridens, hominem impunè dimittendum mandauit. Plutar.

Cicero.

Seruilia M. Bruti mater, cum pretiosum ære paruo fundum à Cæsare emisset, subiciente haste bona ciuiū, non effugit tale Ciceronis dictum: Equidem quo melius emptum sciatis comparauit Seruilia hunc fundū Tertiam deducta. Filia autem Seruiliæ erat Lulia Tertia, eadēque C. Crassī vxor: lasciuiente dictatore tam in matrem quam in puellam. Macrobi. l. 2. c. 2. Saturn.

Sicinius.

Cum leui momento amorem simul & odium permutaret, eorundemque hominum & patronum & accusatorem se præberet: Sicinius homo maledicus, qui multa in quoscunque probra iacere consuetus erat, aliquando rogatus, cur soli Crasso non malediceret, cum maledicendi materiā haberet amplissimā? non facio, inquit: forum enim habet in cornu. Plutarch.

M. Cato.

Cuiusdam, qui multis intemperantiæ notis iniustus erat, probris vexa-

tus: Impar mihi tecum, ait, certandi conditio est. nam ut malè audire & maledicere, tibi facillimum simul & promptissimum est: sic & mihi maledicere insuauè est, & insuetum. Eras. l. 5. apoph.

Valerius.

P. Clodius cum iratus esset Valerio, eò quòd mutuum ei petenti non dedisset: Quid amplius, inquit Valerius, mihi facturus es, nisi ut Dyrrachium eam, & redeam deinceps? Mordaciter ad Ciceronis exilium alludens, à quo tamen gloriose reuocatus est. Macrobi. l. 2. ca. 6. Saturn.

Orbilus.

In reum testis prodicens, cum à Galba, oratore eloquentissimo quidem, sed corpore deformi, interrogaretur. Quamnam artem exerceat? Nullam, inquit, sed in sole gibbos fricare soleo. Macrobi. lib. 2. cap. 6. Saturn.

Cicero.

Suprà apoph. de Honore & magistratu momentaneo. & apoph. de faceret & iocosè dictis.

Cicero.

In C. Cæsarem mordacitas Ciceronis dentes suos strinxit. Nam primum post victoriam Cæsaris interrogatus Cicero, cur in electione partis errasset? respondit, Præcinctura me decepit. notans Cæsarem, qui ita toga præcingebatur, ut trahendo laciniam, velut mollis incederet: adeò ut Sylla tanquam prouidus dixerit Pompeio, Caue tibi illum puerum malè præcinctum. Macrobi. lib. 2. c. 3. Saturn.

Idem.

Deinde cum Laberius in sine ludorum annulo aureo honoratus à Cæsare, euestigio quatuordecim gradus ad spectandum transisset,

violato ordine, & cū detractus esset eques Romanus, & cū Mimus remissus, ait Cicero prætereunti Laberio, & sedile quærenti: Recepissē te, nisi angustē federem, simul & illum respuens, & nouum senatū mordaciter taxans, cuius numerum Cæsar supra fas auxerat. Macro. lib. 2. cap. 3. Saturn.

Idem.

Aliàs facilitatem Cæsar in eligēdo senatum irritum, palām mordaciterque irritit. Nam cū ab ipso hospite suo P. Mallio rogaretur, vt Decurionatum priuigno eius expediret, assistente frequentia hominum, respondit: Hoc fieri sanē nequit, si Romæ imperabit Pompeius. Macr. l. 2. c. 2. Saturn.

Idem.

Nec intra hæc mordacitas stetit, quippe ab Androne quodam Laodiæno salutatus, cū causam aduentus requisuisset. cōperissetque (nam ille se legatū de libertate patriæ ad Cæsare venisse respondit) ita expressit publicam seruitutem: *εἰ αὖ ἐστὶν ἡμεῖς, ἀπὸ τοῦ ἑαυτοῦ*. Si obtinueris, & pro nobis intercede. Macro. lib. 2. c. 3. Saturn.

Idem.

Cū Lepidum audiuisset in senatu ad patres conscriptos dicentem, Ego non tantifecissem simile factū: Cicero respondit, Nec ego tantifecissem. Macro. l. 2. c. 3. Saturn.

Plancus.

Infrà de Mortuis non lædendis.

Augustus Cæsar.

Indignantī Tiberio, ac per epistolam etiā conquerenti apud eum de conuiciatore, respondit: Ætati tuæ, mi Tiberi, noli in hac re indulgere, & nimium indignari, eo quod sint qui malè de me loquantur. Satis est

enim, si hoc habemus ne quis malè facere possit. Sueton.

Tiberius.

Ab initio sui principatus, in conuiciatores & maledicos dicere solebat, in ciuitate libera, linguam quoque liberam esse debere. Suet. Tacit.

Domitianus.

Cū homines mordaces atq; maledicos haberet odio, semper tamen eos dicere solebat peiores esse, qui maledicis aures præberent, neque reprehenderēt, quām ipsos maledicos. Sueton.

Fl. Vespasianus.

Infrà tit. de Malitia.

Idem.

De Licinio Muriano notæ impuditiæ viro clām apud communem amicum conquerens, addidit clausulæ: Ego tamen vir sum. Notans, obrectatorē esse parum virum. Simile est illud Maronis,

Parcius ista viris tamen obicienda memento. Suetonius.

Sigismundus imp.

Cū accusassent purpurati apud Sigismundum imperatorem maledicentiam Germanicæ multitudinis, quæ de suo principe passim obloqueretur, subridens Imperator: An vobis, inquit, graue videretur illos malè loqui, cū nos malè agamus? In dicauit autem, in nobis ineti p̄tis situm esse, quòd bene vel malè audiamus. Æneas Syluius li. 2. comment. de reb. gest. Alphonfi.

Sfortia.

Quum transfuga Nolanus eques, ingenio infami, vt sibi gratiam cum Sfortia cōpararet, Tartaliā omnibus maledictis in conuiuio Sfortiæ famam lacerasse, detulisset: deque ea re, vt fides sibi haberetur: iureiurare, vt sepius affirmaret: Non opus est, inquit,

inquit Sfortia, vt multum tu persua-
dendo mecum labores, quum Tar-
talia nunquam verbum de quoquam
sit eloquutus, quin male dixerit. Pau-
lus Iouius de dictis & factis Sfortiæ,
cap. 8.

Vide apoph. de delatione.

De malignitate maledica.

Chilon.

Mortuis nequaquam maledi-
cendum esse dicebat, quando-
quidem ignauum esse videretur eos
lingua in cessere, qui respondere non
possent. Laert. lib. 1. cap. 4.

Idem.

Idem docebat, neminem conui-
ciis lacessendum, ne si dixerimus
quæ libent, audiamus vicissim quæ
dolent. Habet enim & maledicendi
morbus suam voluptatem, sed quæ
plerumque malè audiendi summo
dolore pensatur. Huc allusit M. Tul-
lius. Salustio comminans, fore, vt si
quam voluptatem malè dicēdo cœ-
pisset, eam malè audiendo amitteret.
Laertius,

Socrates.

Cuidam admiranti quod nihil in
eum commoueretur à quo conuiciis
incessabatur: Mihi inquit, non male-
dicit, quandoquidem ea quæ dicit
mihi non adsunt, nec in me hærent.
Atqui ob hanc causam hominum
vulgus magis commouetur, si quid
dicitur in immerentem. Boni quum
malè audiunt, sibi gratulantur, quod
puri sint ab his malis quæ ipsis im-
pinguntur, nec in se dici interpre-
tantur: nihilo magis quàm si quis o-
culorum errore Platonem appelleret
Socratem, & in Socratem congerat
maledicta. is non maledicit Platoni

sed ei quem existimat esse Platonem.
Eras. lib. 3. apoph,

Idem.

Vetus comœdia solebat nomina-
tim in ciues maledicta iacere. Ho-
rum libertatem quum plerique me-
tuerent, Socrates dicebat, Expedire,
vt quis semet. illis sciens ac volens
subiiceret. Nam si quid, inquit, dixe-
rint in nos meritò reprehendendum
admoniti corrigemus, & profuerint:
sin falsum conuicium in nos iacula-
buntur, nihil ad nos. Erasim. libro 3.
apoph.

Aristippus.

Quum à quodam conuiciis incef-
feretur Aristippus, tacitus abiit. at
quum maledicus insequeretur. ab-
euntem, dicēs, Cur fugis? Quoniam,
inquit, tibi quidem potestas est ma-
lè loquendi, mihi verò non audien-
di. Salustissimè notauit hominis impu-
dentiam, qui quum sibi ius sumeret
mè loquendi, non saltem hoc iuris
concederet alteri, vt subduceret se-
se, desineretque malè audire. Nam
vox hæc, Cur fugis? erat velut ex-
postulantis de iniuria. Laert. libro 2.
cap. 8.

Diogenes.

Cum adolescentem natura ma-
lum lapides in cœlum iactantem vi-
deret: Euge, inquit, scopum non at-
tinges. Innuit autem, eos cœlestium
bonorum nequaquam hæredes esse,
qui malitiosam agerent vitam. Laer.
lib. 4.

Idem.

Corinthum profectus, ludum in-
gressus est, quem ibi Dionysius re-
gno pulsus aperuerat. audiuitq; pue-
ros malè canentes. Interim ingres-
sus Dionysius, quoniam putabat Dio-
genem cōsolandi gratia venisse, Hu-
maniter, inquit, facis Diogenes

Gg.

hæc est rerum humanarum volubilitas. Imò (inquit Diogenes) miror te etiamnum viuere, qui tantum malorum in regno patraris: & video nihilo meliorem esse ludi magistrum quam fuisti rex. Laert. & Erasim. lib. 3. apoph.

Idem.

Eunuchus quispiam contaminatæ famæ, inscripserat, ædibus suis, *μὴ εἰσέλθῃς*, Nequid ingrediatur mali. Id videns Diogenes: Ædium, inquit, dominus quā ingreditur? Eunuchus boni ominis gratia posuerat titulum, ne quid infelicitatis attingeret domum, id Diogenes detorsit ad mala animi, quæ sola vera mala sunt. Laert. lib. 6. Bras. lib. 4. cap. 11.

Antisthenes.

Eos qui nos maledictis incesserent, magis tolerandos dicebat, quam qui nos lapidibus impeterent. Verba enim non lædunt, si quis contemnat. Laert. lib. 6. cap. 4.

Demosthenes.

A caluo quodam maledictis aspersus: Ego quidem, inquit, tibi nullam facio iniuriam: quin potius laudo capillos tuos, qui malam caluariam effugerint. subnotans, illum nō iudicio, sed cerebri vino maledicum esse. Eras. 8. apoph. ex Stob.

Diogenes.

Hospitibus quibusdam celebrem illum Demosthenem videre cupientibus, porrecto medio digito: Hic est, inquit, ille Demosthenes Atheniensem orator. Digitus pollicis proximus, index dicitur, quod hunc intendentes solent aliquando cōmonstrare. Digitus autem medius apud priscos infamis habebatur ob causam hinc non referendam. Porro Demosthenes vulgò malè audiebat, quasi parum vir esset. Id significans

Diogenes, maluit illū medio quā indice demonstrare. Laertius libro sexto.

Timon Atheniensis.

Interrogatus cur omnes homines odio prosequeretur? Malos, inquit, meritò odi: ceteros ob id odi, quod malos non oderint. Sentiens, non esse verè probos, qui non detestantur improbos. Erasim. libro sexto apophthegm.

Pytheas.

Pytheam orationem quidam criminabatur, quod malus esset. At ille non inficias ibat: hanc enim illi cōfictia necessitatem imponebat. Sed respondebat se minimo tempore omnium qui reipub. Atheniensium administrassent minimè malū fuisse: nempe in hoc sibi placens, quod non perpetuò fuisset eiusmodi. Putansque se non iniuriam facere, si nō cum pessimis compararetur. Stolidum hoc sanè Pytheæ. Non enim solum qui iniuriam infert, malus est: verum etiam qui iniuriam inferre in animum inducit. Alianus lib. 14. de Varia historia.

Heredes sophista.

Proteo Cynico sine fine ipsum conuiciis incessenti: Consenuimus (inquit) ambo, tu quidem malè loquens, ego malè audiens. Sensit, immedicabile malum esse, cui ille tam diu assueuerat: & se moderatius ferre, quod iam nouum non esset. Philoſt.

Anonymus.

Ad eum qui maledicta in alios per calumniam iactata facile solebat admittere, Lacon: Desine, inquit, aduersum me præbere aures. Sensit, nō solum eos vituperio dignos qui calumniarentur alios, verum etiam qui

qui calumniantibus accommodarent aures. Et iniuriæ genus est, aduersus nihil malè meritum, audire maledicam linguam. Non enim essent maledici, si nullum inuenirent auscultatorem. Proinde Lacon expostulauit etiam cum illo, qui præbuerat aures de ipso malè loquenti. Plutare. in Lacon.

Nicander.

Cuidam dicenti, quòd Argiui malè de ipso loquerentur: Num igitur, inquit, dant pœnas qui de bonis loquantur malè? significans, Rempubl. malè moratam, vbi liceret impunè maledicere nihil malè commeritis. Plut. in Lacon.

Cleomenes.

Cùm improbus quidam Cleomenem conuictis incesset: Num id eo, inquit, tu maledicis omnibus, ne si velimus respondere, otium habeamus vicissim de tua dicendi malitia? Vtè sublimi cōtempnit, maledicum, nec villo responso aut alia pœna dignum iudicauit nebulonem, cui nihil esset præsidij præter maledicam linguam, Plut. in Lacon.

Idem.

Argiuis nonnullis Cleomenem conuicio lacescentibus, vt periurum & impium: Vobis, inquit, potestas est, mihi maledicendi, at mihi potestas non esse tutum eos maledictis irritare, quibus in manu est, cùm velint, re ipsa lædere. adhæc, non oportere potentes humiliorum dictis admodum commoueri. Satis enim vindictæ est, quòd licet, cum liber, vlcisci: cùm illis nihil aliud reliquum sit, quàm malè loqui. Plutare. in Lacon. apophth.

Leorychidas Aristonis F.

Cuidam ipsi dicenti, quòd Demarati amici malè de eo loquerentur: Per deos, inquit, nihil miror, quandoquidem nullus illorum de quouam bene loqui posset: Docuit contemnendam esse maledicetiam, quæ nõ à iudicio, sed ab animi morbo proficiscitur. Qui verò passim maledicunt omnibus, eos palàm est id naturæ vitio facere, non ex eorum merito quibus obtrestant. Plutar. in Lacon.

Artaxerxes.

Quum Aclides Iapson multa id Artaxerxem regem licenter & contumeliose diceret, hæcenus quidem vltus est maledicum, vt per tribunal militum denuntiaret, ei licere in regem quæ vellet dicere, sibi verò in illum licere quæ vellet & dicere & facere. Eras. lib. 5. apoph.

Dionysius sen.

Quibusdā eum accusantibus quòd hominem improbum, ciuibûsque odiosum honoraret, atque proueheret: At volo inquit, aliquè esse, quem maiori, quàm me, odio prosequantur. Bruf. lib. 4. cap. 11.

Philippus rex.

Bonos ac malos sibi conciliandos dicebat: vt bonis quidem vteretur, malis verò abuteretur. Brufon. lib. 4. cap. 11.

Idem.

Smicythus Nicanorem deferebat apud regem Macedoniæ Philippum, quòd sine fine de ipso malè loqueretur, quumque suaderent amici, vt hominem accersi iuberet, deque eo supplicium sumeret: Philippus ita respondit: Nicanor non est Macedonum pessimus: videndum est igitur, necubi nos cesserimus in officio. Vt igitur cognouit vehemen-

Gg ij

ter afflictum inopia, & tamen à rege neglectum fuisse, iussit donum aliquod ad illum deferri. Hoc facto, quum rursus Sincyrus diceret regi, Nicanorem apud omnes sine fine prædicare laudes ipsius: Videris igitur, inquit, in nobis esse situm, vt bene aut malè audiamus. Immane quantum absunt ab huius principis ingenio, qui nunquam sibi videntur satis laudari, quum nihil faciant laudandum: nec student beneficiis sibi conciliare beneuolentiam hominum, sed metui malunt quàm amari: cùmque sæpenumero faciant detestanda, idque palam, tamen periit quisquis ausus est hircere. Plut.

Idem.

Quidam petulantioris linguæ maledicta conicere solebat in Philippum: hunc amici horrabantur, vt eiceret in exilium. At ille negauit hoc se facturum. Quærentibus, Quid ita? Ne, inquit, oberrans inter plures malè de me loquatur. Quòd maledicum non egit in crucem, vel clementiæ erat quòd ignouit, vel magnanimitatis quòd contempsit: quòd noluit expellere, prudentiæ, plus enim nocuisset. Plutarch. in apophthegmat.

Idem.

Peloponnesij cùm Philippum Macedoniæ regem, à quo multa beneficia acceperant, in ludis Olympicis sibilis derisissent: rex admonitus ab amicis vt eam iniuriam rependeret, negauit se id facturum: si tam prauo, inquit, sunt ingenio, vt eos irrideant qui de ipsis bene meriti sunt: quid tum fiet, si quid mali sentirent? Sensit vir prudentissimus, maledicos non ultione prouocandos esse, vt magis maledicerent. Plut. in apoph.

Antigonus.

Quum aliquando tempore hyberno compulisset castra transferri in locum vbi non erat rerum necessarium copia, atque hac de causa milites quidam in regem maledicta congererent, ignari ipsum esse in proximo, virga tentorij vela deduxit, Flebitis, inquit, ni longius semoti de me malè loquamini. Quid hac facetia clemētius? aut quid hac clementia facetius? Simulabat se non indignari quòd malè de ipso loquerentur: sed quòd tam vicini, vt exaudiri possent ab eo, cui maledicebāt. Plutarchus in apoph.

Idem.

Cùm nocte quadam quosdam militibus suis exaudisset omnia imprecantes regi, qui ipsos in illud iter & inextricabile lutum induxisset, accessit ad eos qui maximè laborabant: eosque quum ignorantes à quo adiuuarentur explicuisset: Nunc, inquit, maledicite Antigono, cuius vitio in has miseras inciditis: sed ei bene optate, qui vos ex hac voragine eduxit. Hac vindicta contentus erat regis verè excelsus animus. Eras. Rot. lib. 4. apoph.

Scip. Æmilianus.

Apud Numantiam iratus C. Metello, dixit, Si quintum pareret mater eius, asinum fuisse parituram. Tarditatem mentis, ac deformitatem corporis illi fratribusque eius exprobrans. Eras. Rot. lib. 6. apoph.

M. Pinarius.

M. Seruilius dissuasurus legem quam ferebat M. Pinarius: Dic mihi M. Pinari, inquit, si contra te dixerim mihi maledicturus es. vt extenum mihi maledicturus es. vt ceteris soles? Vt sementem, inquit Pinarius, feceris, ita & metes. Per allegoriam munitans, illum malè audierum,

rum si malè diceret. Eras. libro 6. apophtheg.

Pompeius.

Suprà apoph. de Ingratitudine.

Augustus Cæs.

In cognitione quadam, cum Æmilio Æliano Cordubensi inter cætera crimina illud vel maxime obiiceretur, quod malè loqueretur de Cæsare: conuersus ad accusatorem Cæsar Augustus, Velim (inquit) hoc mihi probes: efficiam vt Ælianus sciat, me quoque linguam habere, plura enim vicissim de eo loquar. His minis contentus, nihil postea de illo inquisiuit. Suetonius.

Tiberius.

Suprà apoph. de Clementia.

Fl. Vespasianus.

De iurgio quodam inter senatorem & equitem Romanorum ita pronuntiavit, vt diceret, Non oportere maledici senatoribus: re maledici verò, & ciuile fasque esse: prærogatiuam enim dignitatis ipse sibi ademuit, qui laceßiuit. Suetonius.

*Huc refer apoph. de Conuiciis, In-
iuria patientia, & Detre-
ctatione.*

De malitia.

Thales.

O Vid nocentissimum esset interrogatus malitia dixit. No-
cet enim illa bonis etiam, si attige-
rit. Stobæus.

Democritus.

* Malitia, inquit, res est quæ fa-
cile capitur. Nam dum in solum lu-
crum intenta est, incircumspectè
obuiam se quæstui præbet, & reinere
persuadetur. Stobæus sermone 2. de
malitia.

Socrates.

* Hominem cui ex malitia spes
dependet, similem esse dicebat illi
qui nauim infirmæ anchoræ com-
mittit. Idem.

Epicletus.

* Quemadmodum, inquit, vipe-
ram, aut aspidem, aut scorpionem in e-
burneo aureo vel scrinio inspiciens,
non propter materiæ pretium ipsa
diligis aut magni facis tanquam fe-
licia animalia, sed potius propter na-
turæ ipsorum exitialem vim abhor-
res ac detestaris: sic etiam in diuitiis
& fastu fortunæ malitiam videns in-
esse, nõ ad materiæ splendorem ob-
stupeſce, sed morum prauitatem
contemne. Stob. ser. 5.

*Vide apophth. de vitiis variis hoc
volumine suo ordine de-
scripta.*

De malo & malis.

Plato.

* **E**A quæ mala dicuntur, malis
bona, iustis verò mala esse di-
cebat. Bona rursus, bonis quidem ve-
rè esse bona, malis autem mala. Stob.
serm. 2.

Dion philosoph.

* Res malas seu improbas dice-
bat nunquam in eodem statu mane-
re, sed subinde moueri & in maio-
rem crescere petulantiam, nec vl-
lum certum modum assequi. Stob.
eod. ser.

Hyperides.

* Incipientibus malis obstruen-
das esse vias dicebat. Nam cum se-
mel (inquit) radices egerit, & in-
ueterata fuerit malitia, tanquam

congenita ægritudo, difficultas extingui. Stob. ser. 44.

Socrates.

* Injuriam, inquit, facere, & non obedire meliori, siue Deo, siue homini, malum ac turpe esse scio. Nunquam enim vel metum, vel fugiam illa, de quibus an bona sint incertus sum, magis quam mala, quæ mala esse non dubito. Plato in apol. Socratis.

Democritus.

* Malum, inquiebat, etiam si solus fueris neque dixeris, neque feceris. Disce autem te ipsum multo magis quam alios reuereri. Stob. ser. 37.

Pythagoras.

* Vir malus plus mali patitur afflictus conscientia, quam ille qui in corpore castigatur & flagris cæditur. Stob. ser. 24.

Idem.

* Qui de malis, inquit, pœnas non sumunt, bonos affici volunt iniuriis. Stob. ser. 44.

Epictetus.

* Si cupis, inquit, bonus fieri: primum crede quod malus sis. In Enchirid. & Stobæus ser. de virtute.

Iamblichus.

* Dicebat, quemadmodum supputato satius est vri quam ita manere: sic etiam malo viro mori, quam vivere. Stobæus ser. 44.

Archytas Pythagoreus.

* Semper, ait, infelicem oportet esse malum, siue adsit materia, malè enim ea vitur: siue ea careat. Sicut cæcus, siue lumen habeat, & claritatem visibilem: siue in tenebris degat. Stobæus sermone de virtute.

Vide apophth. de Improbitate, & reliquis vitiis quæ toto hoc opere perstringuntur.

De mancipiis.

Diogenes.

Græci mancipia, præcipue fugitiua, vocant *αιδοεινους*: quæ dictio videtur composita ex viro & pede, cuius Grammatici variam reddant etymologiam. Cum igitur quidam improbus Diogenem interrogasset, quare mancipia fugitiua dicerentur *αιδοεινους*? Quoniam, inquit, pedes habent virorum, animum autem qualem tu nunc habes, qui hoc percontaris: sentiens, illi esse mentem non hominis, sed pecudis. Laert. lib. 6.

Idem.

Iactante se quodam, ac dicente: Viros supero in pythiis: Imò, respondit, potius vincis mancipia. Lulit ad vocum cognationem, *αιδοεινους*. Mancipia autem appellabat omnes eos, qui cupiditatibus propriis ferirent. Idem.

Aristippus.

Suprà, de educatione & institutione liberorum.

Vide apophth. de Seruis.

De mansuetudine.

Chilon.

Docuit, potentiam adiungendam mansuetudini, ut à suis princeps non tam metum extorqueat, quam impetret reuerentiam. Reuerentiæ comes est amor, metus odium. Amari autem non solum honestius est, verum etiam tutius. Latius

ætius libro 1. cap. 4.

Xenocrates.

Cum passer futurus accipitri præda in finem Xenocratis philosophi volasset, eum humaniter defendit, dicens: Nô oportere supplicem prodere, Plutarch.

Archidamidas.

Cuidam Charilaum regem laudanti, quod pariter erga cunctos fuisset mitis ac mansuetus: Et qua fronte laudetur aliquis, respondit qui erga sceleratos semitem præbebat? Perspexit vir egregius mansuetudinem cum iustitia coniunctam esse oportere. Alioqui principis in facinorosos lenitas, quid aliud est, quam in bonos crudelitas? Plut. in apoph.

Cleomenes.

Cum è ciuibus quispiam apud Cleomenem diceret, bonum regem omnino erga omnes mitem & placidum esse oportere: Sed hastenus, inquit: ne sit contemptui. Significans erga improbos mansuetudinem nimiam esse inuilem ciuitati: notansque quorundam mores, qui principes vehementer bonos & clementes, cum impensus amare debuerint, habent contemptui. Est quidem præcipua virtus in principe comitas ac mansuetudo. verum ob malorum ingenium hæc ita temperanda est, vt principi sua constet autoritas. Plut. in Laconicis apoph.

Aristoteles.

* Mansuetudinem describens, dicebat virtutem esse animosæ facultatis qua prædiri ægrè mouentur ad iram. Mansuetudinis autem esse posse moderatè ferre obiecta crimina

& contemptus, nec celeriter rapi in ultiones, nec facile moueri ad iras: sed moribus comem esse ingenioque quieto & stabili. lib. de virtutibus.

Titus Vespasianus.

Suprà de Clementia.

Vide apoph. de Clementia &

Id humanitate.

De mathesi.

Aristippus.

Cum ciuibus suis nauigans, naufragio eiectus in littore maris vidit figuras mathematicas in harena depictas. Salua, inquit, res est, hominum vestigia conspicio. Voluit ostendere vir sapientissimus, eos demum esse homines, qui cognitione diuersarum artium à cæteris animalibus differrent. Vitruuius lib. 6. de Architectura, & Erasmi. lib. 3. apoph.

Diogenes.

Reprehendebat mathematicos, quod solem, lunam & stellas intrerentur, ea autem non viderent, quæ essent ante pedes. Laertius libro 6. apoph.

Ariston.

Eos qui encyclopediæ & mathematicis disciplinis vacarent, neglecta philosophia, similes dicebat esse procis Penelopes, qui cum ipsa potiri non possent, ancillis miscebantur. Stobæus sermone 2. de Imprudentia.

Hadrianus imp.

Hadrianum Romanorum imperatorem ferunt ex matheseos peritua

Gg iij

præsciuisse futura, ac Varum non fore longæuum dixisse ex Virgiliano carmine:

Ostendent terris hunc tantum fata neque ultrà

Esse sinent, &c. Dion Cassius.

De matrimonio.

Thales.

* **R**oganti matri ut matrimoniū iniret, nondum esse tempus, dixit: deinde maior natu, non amplius esse tempus. Plutarch. & Stobæus.

Idem.

* Interrogatus, cur in vigore ætatis liberos non procreasset, respondit, Quia nolui sponte negotium vitæ facessere, & eius tranquillitatem turbare. Stob. ser. 66.

Lycurgus.

* Dicebat cum semel vxor benevolentia in maritum priuata est, minime vitalem ei reliquam vitam esse. Stob. eod. ser.

Epaminondas.

* Interrogatus, quidnam vtilitatis caperet vir inuuptus? respondit pro patria mori non dubitare. Ibid.

Vide apophth. de Coniugio, & infra de nuptiis.

De medicina.

Diogenes.

Cum consideraret hominum vitam, videns medicos & philosophos, dicebat nullum animal homine sapientius esse. Verum cum videret coniectores, & huius generis alios, aiebat, sibi nihil homine videri stultius. Laer. li. 6.

Nicocles.

Medicos felices nominabat, quoniam successus quidem ipsorum solus intueretur, errores autem tellus operiret. Anton. par. i. ser. 56. Melissæ. Max. ser. 50.

Stratonicus.

Ad medicum quendam dixisse fertur, Laudo tuam experientiam, quia non finis infirmos computrescere, sed statim eos à vita liberas. Anton. in Meliss. par. i. ser. 56. Sed hoc Nicocli ascribit. Max. ser. 50.

Didymus.

Didymus perfectum medicum esse dicebat, non quidem qui omnino curaret, sed qui nihil eorum, quæ ad vtilitatem ægri, & curam pertinent, omittit. Ant. in Meliss. par. i. serm. 56. Max. ser. 50.

Trophilus.

Interrogatus, quis perfectus medicus fieret? dixit. Ille qui possibilis & impossibilis discernere potest. Stob. ser. 100. Max. ser. 50.

Philotimus.

Cuidam ostendenti digitum exulceratum, qui hepar haberet tabidum (id enim ex coloreprehendit) Nô est tibi, inquit, ô bone, periculum ab vnguini vitio. Idem ferè fit ab omnibus: ut de leuioribus malis querantur, grauiora dissimulent, Erasimus libro 6. apophtheg. ex Plutarcho.

Anonymus.

Medicus quidam ægrotanti dederat pharmacum, eoque sumpto conuuluit ægrotus. Euenit, ut aliquanto post idem morbus recurreret, ægrotus cum ad idem pharmacum, quo prius conuuluerat, confugeret, nec sentiret remedium, accersit medicum, admiratus qui factum esset, ut eadem medicina quæ prius depulisset morbum, postea

postea magis aggravaret? Huius rei causam sciscitari, medicus facete respondit: Fateor idem fuisse pharmacum, sed ideo non profuit, quia ego non dedi. Sentiens, medicorum esse dare pharmaca, qui norunt quando & quomodo danda. Quæ profunt iuveni, nocent seni: & contrà quæ iuuant cælo tepido, lædunt frigido. Hoc refertur ab Augustino.

Pausanias & Socrates.

Eum medicum censebat optimum Pausanias, qui non sineret ægrotos extabescere, sed quamprimum sepe- lleret. Inhumanior quidem videretur hæc sententia, sed tamen à Socratis opinione non multum abhorrens: qui vult, admodum valerudinario nec vlla iam ex parte viles reipubl. æquo animo debere è vita decedere: sit tamen, ut nemo sibi vim adferat, sed honestis actionibus immoriatur. Certè nō appareret quid magnificiaret, cum quatuordecim medici multo tempore immodicis impendiis adnuntur, ut anui iam præmortuæ vitam in vnū alterumve mensem proferant. Quid enim aliud agunt, nisi quòd arte sua mortem reddunt longiorem: quasi hoc cuiquam sanò sit optabile, diu mori? At viri sapientes mortem inopinatam ac breuem iudicant optimam. Plutarchus in Lacon.

Demades.

Maiorem gratiam medicis debere dixit, qui morbum ingruentem arceant, quam qui iam præsentem expellerent. Magis quippe optandum est, omnino non pati, quam à passionibus liberari. Anto. in Meliss. par. 1. ser. 56. Max. ser. 50.

Hieron.

Medicum tum demum ægroti amicum esse dicebat, cum in extre-

ma necessitate se diligentissimum ostendit. Ant. in Meliss. par. 1. serm. 56.

Dionysius sen.

Post alia multa sacrilegia in Epidauro, Æsculapio barbam auream detraxit, quod negaret conuenire, cum Apollo Æsculapij pater imberbis fuisset, ut filius barbâ aleret. Finxit autem ideo antiquitas Æsculapium barbatum, innuerent, in medico multarum rerum vsum & experientiam requiri. Val. Max.

Tiberius Cæs.

Dixisse fertur, eum hominem sibi videri ridiculum, qui sexagesimum prætergressus annum, manum porrigeret medico. Sentiens, hominẽ tam grandem natu scire oportere, quomodo iam sibi mederi debeat. Porrigunt manum medico, qui consulunt illum, explorantem pulsus venarum. Erasl. 6. apoph.

De medicina contempta.

Diogenes.

Videns quendam medendi artem iam profitentem, qui prius fuerat palæstrites, sed ignauus: dixit illi, An eos qui te hactenus deiecerunt, nunc vicissim deiicias? Deiicit luctator, quem superat: & deiicit medicus, quos in luctum coniecit, autem in sepulchrum. Similis iocus est apud Martialem, de eo qui ex medico factus est hoplomachus. Laertius libr. 6.

Idem.

Didymon, qui vulgo audiebat adulter, curabat oculum virginis. Ei Diogenes dixit: Videne corrumpas pupillam. Hoc dictum apud nos perdit suam gratiam. Apud Græcos autem *νέπν* & virginem sonat, & oculi

pupillam. Lufit igitur ex ambiguo
Diogenes. Laër. l. 6.

Nicocles.

Quum malus quidam medicus diceret, se magnam habere potestatem: Quidni inquit, ista dicere liceat, qui tam multos impunè sustuleris. Max. serm. 50.

Anonymus.

Sapiens quidam, cum imperitus medicus ei dixisset, Senex factus es? respondit. Bene quidem, & satis feliciter: medico enim non usus sum, Antonius in Melissa parte 1. sermone 56.

Aristoteles.

Cum morbo teneretur Aristoteles & medicus ei præceptum quoddam iniungeret: Ne inquit, me cures, vel ut bubulcum, vel ut fossorem, sed prius causam ediffere: sic enim facili persuasione me morigerum reddideris. Docens, his nihil sine causa temerèque proferendum esse. Ælian. li. 9. de Var. hist.

Arcefilus.

Dicere solitus est: Quemadmodum ubi multæ leges, ibi plurimum vitiorum: ita quoque ubi multi sunt medici, ibi etiam sunt multi morbi. Laërt. lib. 4. cap. 6.

Pausanias.

Medicus quidam inuisebat Pausaniam, dicebat, Nihil habes mali: Non enim, inquit te medico vtor. Hoc ipsum quod nihil habebat mali. adeo non acceptum ferebat medicis ut eos solos iudicaret prospera esse valetudine, qui medicis non vterentur. Id ut perpetuò verum non sit, tamen extra controuersiam est, maximam malorum partem à medicis proficisci vel quia sint imperiti, vel quia negligentes, vel quia ambi-

tionem quæstivè corrupti. Plutarchus in Lacon.

Idem.

Quum ab amico argueretur, quod de medico quodam malè loqueretur à quo nec vlla re læsus esset, nec cuius fecisset periculum: Si fecissem (inquit) periculum nequaquam viuerem. Plut. in Lacon.

Agæsilas.

Quum medicus quidam Agæsilao regi præscriberet curationem nimis exactam, minimèque simplicem, qualis esse solet apud Lacedæmonios: Per Geminios, inquit, sumnam quæ præscribis, si mihi prorsus est in fatis ut non viuam: etiam si non omnio sumpsero. Significabat, eiusmodi curationes citius acceleraturas mortem, quàm depulsuras morbum. Nec tam operosa pharmaca sumenda, nisi ei qui destinavit mori. Omnibus in rebus ei gentis placuit frugalitas ac simplicitas. Plutar.

Philippus.

Suprà de iocosè dictis.

Menechmus.

Rogatus à medico, qui putabat eum insanire, Dic mihi hoc, Solentne tibi vnquam oculi duri fieri? Urbanè respondit: Quid? Num me locustam esse censes, homo ignauissimè? Bruson. ex Pluto.

Hadrianus imp.

Hadrianus imperator moriens, dixit illud vulgatum: Turba medicorum Cæsarem perdidit. Arbitror illud huc detorsisse Græcum proverbium, πολλοὶ ὄντατοι καὶ δὲ ἀσθενέστεροι, πολλοὶ δὲ ἰατροὶ τὸν βασιλῆα ἀσθενέστερον. Quæquam & hodie verum est, turbam medicorum multis causam esse mortis. Dion Cassius.

De

De mediocritate.

Philoxenus.

Dicebat esse iucundissimas carnes, quæ carnes non sunt: & suauissimos pisces, qui pisces non sunt, quemadmodum amœnissimam esse nauigationem iuxta terram, & ambulationem iuxta aquam. Eras. lib. 6. apoph. ex Plutarch.

Lycurgus.

Interrogatus, quâ ob rem statuisset, ut ad ædium culmen imponendum fabri securi vterentur, ad fores verò addendas sola serra, nec vllò alio instrumento. Ut inquit, ciues mediocritatem seruent in omnibus quæ apud alios sunt admirationi. Videbatur enim parum decorum esse, si per ostium rude inferrentur exorica pretio chara, arte operosa, &c. Plutarch. in Lacon.

Seneca.

Nero sibi comparârat aulæum quoddam insigne, tum pretio, tum pulchritudine. Id videns Seneca, Declarasti, inquit, te esse pauperem. Causam rogante Nerone: Quoniam si illud amiseris, inquit, non poteris aliud parare simile. Euenit ut illud aulæum naufragio periret. In hoc autem profecerat Senecæ admonitio, ut Nero iacturam adamatæ rei ferret moderatius. Qui nummum habet vnicum, quo amisso non queat alterum promere, pauper est. Tutissimum igitur est, mediocribus ac parabilibus delectari. Eras. lib. 6. apophthegm.

Alphonsus.

Optimum factum sibi mederi dicebat, si voluntas nostra inter amorem ac metum media intercederet. Ut quantû amor ad excessum impel-

leret tantum timor illam è diuerso retraherent. Sensit autem mediocritatem in omnibus esse optimam, & hominum actiones media voluntate temperandas. Panor. l. 4. de reb. geit. Alphonsi.

Vide apoph. de Temperantia.

De memoria.

Socrates.

Socrates literas, quas vulgus putat repertas iuuandæ memoriæ causæ, dixit vehementer officere memoriæ. Olim enim homines si quid audissent dignum cognitu, non libris, sed animo inscribebant: hac exercitatione confirmata memoria, facile tenebat quicquid volebant: & quod quisque sciebat, habebat in promptu. Post. reperto literarum vsu, dum libris fidunt, non perinde studuerunt animo insigere quod didicerant. Ita factum est. ut neglecto memoriæ cultu, minus viuida esset rerum cognitio, & pauciora quisque sciret: quandoquidem tantum scimus, quantum memoria tenemus. Eras. lib. 3. apoph.

Antisthenes.

Suprà de Librorum fiducia & multitudine.

Themistocles.

Ludum præteriens, in quo diceretur esse professor, rogauit quid is profiteretur: cùm responsum esset, artem memoriæ hîc doceri, contempsit, dicens: At ego mallem artem obliuiscendi. Verùm hæc vox digna fuit eo qui linguam Persicam intra annum potuit ediscere. Plutarch. in Græco apoph. Meminit Cicero lib. 2. de oratore.

Idem.

Cum Themistocli Simonides, aut quis alius, artē memoriæ polliceretur: Oblivionis, inquit, mallem. Nam meminī eorum quæ volo, obliuisci non possum quæ volo. Cicer. lib. 2. de Finibus bonorum & malorum, & 5. Academicarum quæst.

Polemon.

Proconsul torquebat prædonem quendā: cumque dubitaret quod supplicij genus esset de illo sumpturus, superueniēs fortē fortuna Polemon, iube, inquit, illum ediscere veterum scripta. Ipse quidem Polemon multa edidicerat, sed in exercitatione nihil ducebat laboriosius ac molestius, quā ediscere: eoque Fabius iubet hoc tædium protinus à pueris deuorari. Philostr. in Sophist.

Appianus Claudius.

Cum apud Scipionem iactaret, se omnes Romanos posse memoriter nominatimq; salutare: ille, Bene, inquit, narras. Ego enim non vt multos cognoscerem, sed ne ab vllō ignoraret, adnexus sum. Bruf. l. 4. c. 4.

Cass. Severus.

Cum ex Senatus consulto libri illius exureretur: Nunc, inquit, superest vt ipse viuus comburatur, qui illos edidici. Quod animo insculptum est, nisi cum vita eripi non potest. Eras. l. 8. apoph.

Claudius Cas.

Cum cuidam notam appositam, deprecantibus familiaribus ademisset: Litura, tamen, inquit, extat. Sentiens, etiam remissa culpa, manere tamen infamiæ prioris vestigium. Aludens ad scripturam, quæ licet spongia deleatur, aut graphio radatur, relinquitur tamen lituræ vestigium. Erasmus. libro 6. apophthegm. ex Suetonio.

De mendacio.

Thales.

A Quodam rogatus, quantū à vero Falsum abesset? Quantum, inquit, oculi distant ab auribus. Sensit autem, eos plerunque mentiri, qui audita, non visa referunt aliis. Max. ferm. 35.

Aristoteles.

Interrogatus, Quid lucri facerent mendaces? Vt vera, inquit, loquentibus non credatur. Laertius libro 5. cap. 1.

Anacharsis.

Aiebat se mirari, quī fieret, vt Athenienses qui prohiberent mentiri, tamen in cauponum tabernis palam mentirentur. Qui vendunt merces, emuntque, lucri causa fallunt quemcunque possunt: quasi quod priuatim esset turpe, fiat honestum, si publice facias in foro. At in contractibus maxime fugiendum erat mendacium. Sed cum maxime mentiuntur homines, cum maxime negant se mentiri. Apud Athenienses lex erat, quæ iubebat *ἐν ἀγορῇ καὶ ἐν ἐνδοξοῖς*. Laer. l. 1. c. 9.

Æsopus.

Sciscitatus, quid lucri accederet mendacibus? Vt eis, inquit, etiā cum vera dicunt, fides non habeatur. Maxim. 35.

Archidamus.

Chius quidam iam senex in Lacedæmonem peruenit, qui quidem alioquin erat arrogans, sed senectutis suæ ipsum pudebat: quare canos tinctoria obliterare conabatur. Progressus autem in publicum, de rebus orationem habuit quarum gratia venerat: tum surgens Archidamus, dixit: Quid ille tādē rectum diceret, qui mendacium non in anima solum, sed

sed capite quoque circumferret? Sto.
ser. 10. ex Theophrasto.

Anonymus.

Laconi cum quidam dixisset, Mé-
tiris:urbanè Lacon, Quia(inquit) libe-
ri sumus: sed alij, si quando vera non
dixerint, flebunt. Plut.

Epanetus.

Dicere solitus est, mendaces om-
nium scelerum & iniuriarum autho-
res esse. Plut. in Lacon.

Anonymus.

Quidam mirantibus, quòd humi-
le candelabrum emisset: Pransorium
erit, inquit. Eludens iocoso menda-
cio: ne parcus videretur. In conuiuiis
vtimur humilioribus candelabris, vt
exactius peruideamus quæ sunt ap-
posita. Eras. 1. 6. apoph.

Persa.

Inter peccata, duo grauissima nu-
merabant. Prius esse debitorem: alte-
rum, mentiri, quòd oberari plerunq;
mentiuntur, dum pollicentur in diè,
nec præstant quòd pollicentur. Ex
Herodoto.

Cyrus.

Dicere ad Armenium solebat: O-
mnino non mentiendum esse. Aper-
tum enim mendacium hominib. ma-
ximè impedimento esse ad veniam
consequendam. Danda est quippe his
venia, qui ex inscitia vel errore men-
tiuntur: verum hi qui data opera a-
peritè nugantur, nulla venia digni
sunt. Xen. lib. 2. Pædiæ.

Galba

Galba, quodam iactante, quòd in
Sicilia murænam quinque pedes lon-
gam emisset: Nihil, inquit, mirum,
nam ibi tam longæ nascuntur, vt his
piscatores pro retibus cingantur. Mé-
dacium euidentiore mandacio deri-
sit. Fulgosit lib. 4. cap. 18. Eras. Rot.
lib. 6. apoph.

Cicero.

Fabiæ Dolabellæ dicenti, se trigin-
ta annos habere. Verum est, inquit,
nam hoc iâ viginti annos audio. Vo-
lebat ille iunior videri, quàm erat. I-
taque Cicero elusit illam simulata af-
fensione, significans interim illam es-
se quinquagenariam. Eras. libro 4.
apophth.

Idem.

Obiicientibus, quòd à reo pecu-
niâ accepisset, qua magnificas quas-
dam ædes esset empturus: Fatebor,
inquit, accepisse me, si emero. Eas
quum esset mercatus, exprobrantib.
vanitatem: An nescitis, inquit, boni
patris familiâs esse, dissimulare si
quid constituerit emere? Eras. li. 4.
apophth.

Idem.

Iulium Curtium, quo iunior vide-
retur, multa de annis ætatis suæ mē-
tiente, ita redarguit: Ergo, inquit,
quum vna declamabamus, non eras
natus. Eras. 4. apoph.

Augustus Cæs.

Iulia Cæsaris Augusti filia, cum
maturè canos habere capillos cœ-
pisset, habebat comprices quæ ca-
nos capillos sublegebant. Verum
quum Augustus pater interuenisset
clâm, canos capillos super vestes fi-
liæ vidit, quos euulserant. cum au-
tem, aliud agens, rem dissimulasset,
demum post multa interrogauit fi-
liam, Vtrum post aliquot annos cana
esse mallet, an calua? Quinque il-
la respondisset se canam esse malle:
Cur ergo, inquit, tuo iussu & insti-
ctu istæ ante tempus caluam te face-
re student? Et sic prudenter menda-
cium in filia deprehendit ac corrige-
re studuit. Eras. lib. 4. apophth. ex
Sueton.

De mendacio urbanè excusato.

Plato.

Dicebat mendacium concedendum esse medicis, aliis verò minime. Medici quippe, ut ægrotantiū animos consolentur, promittunt sapienter sanitatem, etiam in ipso mortis agone, ne animum despondeant. lib. 3. de Repub.

Phocion.

Aristogiton sycophanta in sermonibus nihil nisi arma bellæque sonabat: quum verò intellexisset delectum militum haberi, simulata valetudine crux obligabat, baculoque innixus ceu vulneratus, claudicās prodiit in publicum, cūm Phocion à tribunali prospiciens, ait: Scribe Aristogitonem claudum, & eundem improbum atque mendacem. Plut.

Stratocles.

Superatis pugna navali Atheniensibus, summa celeritate coronatus, factum victoriæ nuntium attulit, unde supplicationes decretæ, epulūque per vnamquamque tribum constitutum. Sed biduo post, cūm verus nuntius calamitatis afferretur, vniuersus populus in Stratoclem exarsit. Tum ille: Quid, inquit, viri Athenienses vobis molesti intuli, duos dies summa estis ea causa in volupate versati? Fulgo. lib. 4. cap. 18. & Eras. lib. 4. apoph. ex Plut.

Philippus rex.

Ab hospite quodam inuitatus ad cenam, inter eundem fortè obuios secū adduxit umbras. Vbi sensit hospitem turbari, quòd tam multis non sufficeret apparatus, præmissis ad singulos amicos puero, inssit ut placentes seruarent locum: illi persuasi, dum

placentiam expectant, paululum edebant, ita factum est, ut cœna sufficeret omnibus. Faceto ioco simul & elusit amicos, & hospitii pudori subuenit. Plut. in apoph. Reg. & Impp.

Augustus Cæs.

Herennium adolescentem vitii corruptum Cæsar castris excedere iusserat: quūque ille dimissus simplex ac plorabundus, apud Augustū hac deprecatione vteretur, Quo ore redibo in patriam? quid dicam patri meo? Dic inquit, me tibi displicuisse. Quoniam pudebat adolescentem fateri, quòd ipse Cæsari displicisset: Cæsar permisit ut sermonem inuenteret, culpā in ipsum conferret. Suet. in August.

De mendicitate, & mendicantibus.

Diogenes.

Quiusdam Diogeni probro tentibus, quod peteret, cūm id Plato non faceret: Imò, inquit, petiit & ille, sed

Ad moto capite, ut ne quisquam audiat alter.

Abusus est Homericæ carmine quod est Odyss. a. quo significauit Platonē non minus esse petacem, nisi quòd ille clam peteret, ipse palam. Laër. l. 6.

Idem.

Postea quair inopia compulsus coepisset mendicare, his verbis solebat aggredi: Si cui alteri dedisti, da & mihi, si non inferiorem ceteris mendicis: itaque ut qui daret quibuslibet, daret & Diogeni: qui verò tam parcus esset, ut nemini quicquam daret, huic tempus esse, ut aliquando dare inciperet. Laër. li. 6.

Idem:

Idem.

A prodigo petebat minā, ille admiratus improbam postulationem, interrogabat, Cur ab aliis obolum petere soleret, à se autē minā? Quoniam, inquit ab aliis iterum me accipiturum spero, à te autem fortassis nunquam, Laer. l. 6.

Aristoteles.

Obiurgatus à quodam, quod dedit ser eleempsynam homini malo: Nō mores, inquit, sed hominis miseriam respexi. Laer. l. 5. cap. 1.

Idem.

Ab alio, eadem de re castigatus, Non homini dedi, inquit, quicquam, sed humanæ sorti. Laer. l. 5. c. 1.

Syratonicus.

Cuidā laudanti ipsum, vt aliquid acciperet: Ego, inquit, maior mendicus sum. Sentiens, non esse molicorū dare laudanti, sed accipere à laudatis. Athen.

Anonymus.

Lacedæmonius quidā vidēs quendam Diis corrogātem: Nihil, inquit, moror deos, qui me sint pauperiores. Hinc liquet, vetus esse, sub obtentu religionis exercere mendicitatē: quum plerumque tales collectæ non impendantur diuis, qui nullius rei sunt egeni, sed improborum luxui ac libidini Plut. in Lacon.

Idem.

Mēdicus quidam petiit aliquid à Lacone. at ille: Si quid, inquit, dederō, magis es futurus mendicus. Verum istius probrosæ vitæ tuæ fuit author, qui tibi primus dedit, teque fecit inertē. Apud Lacedæmonios probro dabatur mēdicitas, quod & otii odissent, & minimo essent contenti. Benignitas autem in medicos, speciem habet magnæ virtutis: sed ea piorum hominum bonitas, alit plu-

rimorum malorū luxuriosam ignauiam. Idem.

Antigonus.

Thrasillo Cynico petēti drachmā non est, inquit, munus regium. Cynico subiciente, Talentum igitur da: At non est inquit, Cynicum tale munus accipere. Vtroque cornu repulit: postulatoris improbitatem, quem exstimabat nullo dignum beneficio. Plut. in. Reg. & imper. apoph.

Demente.

Thales.

Lim interrogatus, quid in tota rerū natura esset velocissimū? respondit, Mens humana. Discurrit enim per vniuersa hominis cogitatio. Laer. l. 1. c. 1.

Pittacus.

* Quærenti, quid in minimo maximum esset? respondit, bona mens in corpore humano. Stobæus ser. 3. de prudentia

Anonymus.

* Mens est hominibus magnū animæ frenum. *ἡ ψυχὴ ἡ μάχη τοῦ ἀνθρώπου* Stob. ser. eod.

Cercidas.

* Mentis, inquit est videre, mentis audire. Sed quomodo viderēt sapientiam, licet propinquam, viri quorum mentem tutum repleuit? Stob. ser. 4.

Rheginus.

* Dicebat mentem infirmam veritatis non esse capacē, sicut solare lumen imbecillius & impotens visus aspicere nequit. Ibid.

Socrates.

* Sicut ex ciuitate, quæ bonis legibus administratur, seditiosū hominē expellere oportet, ita inquit, ex homine quem saluum cupimus, malam mentem. Stob. ser. de prudentia.

Phocion.

Semper admonere homines solebat, ut mente vigilarent, cuius somnus veræ mortis finitimus esset. Stob. ser. de Prudentia.

Alphonsus.

Cum pro more lectioni Senecæ (quem præcipue semper coluit) incumberet, Interrogatus à Daualo, purpuratorum humanissimo, cur animus mortalium ita immensus, atque insatiabilis foret? respondit rex: animum hominis à Deo profectum, non prius cõquiesceret, quam eò rediret, unde profectus esset. Esse proculdubio animum nostrum Dei & eternitatis capacem, & propterea neque impleri, neque satiari posse iis rebus quæ fluxæ & incertæ essent. Pan. lib. 1. de Alphonsi rebus gestis.

De mercedis cupiditate.

Antisthenes.

Interrogatus, cur tam paucos haberet discipulos? inquit: Quoniam depello illos virga argentea. Sentiens ideo paucos venire, quod magna mercede doceret: vulgus autem magis amat pecuniã, quam sapientiam, & hinc Satyricus exclamat:

Scire volunt omnes, mercedem soluere nemo.

Dictum Antisthenis extat apud Laertium lib. 6.

Aristippus

Suprà de educatione & institutione liberorum.

Polemon.

Zeno Criticus, ubi iam in philosophicis aliquantum profecisset, non tamen contentus esse voluit: sed ad Polemonem, ut in Dialecticis exerceretur, commeabat. Unde Polemon

dicere solitus est: Sat scio ô Zeno, te per posticum irripere, & furari dogmata, quibus Phœnicum more indutus es. Notauit hoc dicto Zenonem, qui furtim & gratis à præceptore discere volebat, ut aliis postea multa mercede venderet. Laertius lib. 7. cap. 1.

Isocrates.

Sæpenumero dicere solitus est, se quidem discipulos decem docere minis, cæterum qui ipsum docuisset audaciam & vocalitatem, mercedis loco daturum decem millia, vocis enim exilitas, animique timiditas, reddebant Isocratẽ inutilem ad dicendum. Eras. Rot. l. 8. apoph.

Simonides.

Rogante quodam ut sibi conferberet encomium, & gratiam se relaturum inquit, argentum autem non dante: Duas (respondit) arcas domi habeo: vnã quidem gratiarum, alteram argenti. Et cum necessitas exegit gratiarum quidẽ arcam aperiens, semper vacuam inuenio: alterã verò solum commendam mihi ad re vitę necessariam. Notabat autem hominis sordidissimi tenacitatem, qui cupiebat multo studio ac labore philosophi, suas decantari laudes, nullum laboris præmium aliud offerens quam gratiarum actionem, quæ trib. verbis absolvitur: cum interim philosophus rem ad victum & amictum necessarium non verbis, sed propriis nummis coemere cogatur. Stob. ser. de Iniustitia.

Anonymus.

Philosophus quidam dicebat, magistros à discipulis magnam mercedem exigere debere: Ab ingeniosis quidem quod multa discant: ab hebetibus, quod multum molestiæ exhibeant. Max. ser. 17.

Phani-

Phœnicides.

Cum apponeret pisces in conui-
tuo, sed his duntaxat qui dedissent
symbolum, dixit, Mare quidem esse
commune, sed pisces in eo natos eo-
rum esse qui emissent. Erasmus lib. 6.
apoph.

Timotheus musicus.

Cum duplicem mercedem exi-
geret ab eo, qui sub alio præceptore
musicæ operam dedisset, interroga-
tus cur hoc faceret? Quia, inquit,
duplex etiam labor mihi subeundus
est. Primò quidem dedocendi vete-
ra, deinde docendi noua. Bruso, lib. 2.
cap. 23.

Corax.

Corax primus apud Syracusas,
mortuo Hierone, Rethoricen insti-
tuit mercede profiteri. Lysias autem
adolescens pactus est cum eo, vt
tum solueret, cum optimè Rhetori-
cam calleret. Verùm vbi artifex iam
factus, præmium cunctaretur, à præ-
ceptore in ius vocatur. Sed cum quæ-
reretur, qui finis litis esset futurus?
Lysias ait: Si persuasero iudicibus,
me nihil debere, non tradam præce-
ptori quicquam, quia iam vici: sin
non persuasero, etiam non dabo,
quia artem persuadendi à te non di-
dici. Tum Corax: Imò, inquit, si
persuaseris, dabis: quia artem calles:
sin minus, dabis etiam, quia non vi-
cisti. Et tum iudices subiecerunt,
κακὴν καὶ καλὴν εἶναι: id est, mali cor-
ui malum esse ouum. Vide Prole-
gomena in Hermogenis rhetoricem:
Gellium libro quinto, capite deci-
mo: qui simile quiddam de Prota-
gora sophista, & huius discipulo Eu-
athlo, narrat. L. Apuleium in Flori-
dorum libris: Erasmus Roteroda-
mum in prouerbio, Mali corui ma-
lum ouum.

Catherius.

Sabinus Clodius cum vna die &
Græcè & Latine declamasset, q ui-
busdam quærentibus, quòd pusillam
mercedem acciperet ex duabus de-
clamationibus: Catherius ait, nun-
quam magnam mercedem accipere
eos qui breuia pneumata docerent,
Bruf. lib. 4. cap. 31.

De metu & timore, vel
timiditate.*Socrates.*

Socrates Alcibiadem adolescen-
tem, primùm ob imperitiam tre-
pidantem, vt sit, apud tantam multi-
tudinem verba facere lepida *εὐταγέ-
ως* animauit: An non putas, inquit,
ô Alcibiades contemnendum furo-
rem? Annuit. An non præconem? quū
& hic annuisset: an non contemne-
res, inquit, tabernaculorum opifi-
cem? Quum similia quædam pro-
posuisset, & is fateretur hos esse con-
temnendos, tunc Socrates: Atqui, in-
quit: ex his constat Atheniensium
populus, quem tu vereris. Quorum
si singulos putas contemnendos, qui
minus etiam contempnas condensa-
tos? Sed sit, non referre apud quàm
multos dicas, sed apud quàm corda-
tos. Fit enim hoc miro modo, vt
quos singulos despicias, congrega-
tos reuereris. In conuiuio Platonis
Socrates admiratur Agathonis auda-
ciam, qui coram tot hominum mil-
libus præsentianimo recitasset suam
tragœdiam: cui quum Agathon re-
spôdisset, se citius velle coram mul-
tis hominum millibus dicere quàm
apud vnum Socratem: Atqui in illis,
inquit, millibus & Socrates erat. Fit
enim & illud miro modo, vt quem

unum reuereare, in turba mixtum
contemnas. Eras. lib. 8. apoph.

Diogenes.

Suprà de Argutè dictis.

Isocrates.

Cùm intelligeret, quantum sibi a-
nimi obesset timiditas, sapenume-
ro dicere solitus est se suos quidem
discipulos docere decem minis: ver-
rùm qui ipsum docuisset extra om-
nem timiditatem in concione lo-
qui, mercedis loco daturum decem
millia. Sola enim timiditas & vox
exilis reddebant hominem inutilem
ad dicendum. Eras. lib. 8. apoph.

Cleanth.

Cuidam illi probri causa obiicien-
ti, quòd esset timidus: Ideo, inquit,
minimum pecco. Bona est timiditas,
quæ deterret à turpibus, & reddit ho-
minem circumspectum. Laert. libr. 7.
cap. 1.

Xenophanes.

Quum ipsi Hermoneus timidita-
tem obiiceret, quòd noller secum
tesseris ludere: Fateor, inquit me nò
solum meticulosum, verum etiam
vehementer meticulosum, sed ad-
uersum in honesta. Honestam timiditas
est, quæ deteret à turpibus. Plut. de
vitiosa verecundia.

Cleomenes.

Cleomenem cùm quidam inter-
rogasset, cur Spartiatæ non conse-
crarent diis spolia ab hostibus detra-
cta? Quoniam, inquit à timidis ve-
nerunt. Porro quæ parata sunt ab his
qui ob timiditatem capti sunt, nec
debet intueri iuuenes, nec diis conse-
crata reponi. Plut. in Lacon. apoph.

Anonymus.

Quidam Metapontinus Laconi
obiicienti ignaviâ: Atqui, inquit, non
parum alienæ regionis possidemus.
Ergo, inquit, Lacon non solum igna-

ui estis; verum etiam iniusti. signifi-
cans non posse fieri, vt quis meticu-
losus & in bellis multum teneat a-
lienæ ditionis, nisi fraude partum,
Plut. in Lacon.

Vibius Crispus.

Cuidam qui in foro Romæ lor-
catus ambulabat, prætens id se
metu facere, perquam scitè dixit Vi-
bibus Crispus, quis tibi sic timere
permisit. Ludeus ex inopinato. Ex-
pectabatur enim, vt obiurgaret ho-
minem, quòd præter consuetudinem
Romanam armatus iocederet. At il-
le increpuit hominem, quòd sic ti-
meret, quum liceret inanere domi, si
quid timeret. Eras. Rot. lib. 6. apoph.

Themistocles.

Quum Græcos ad naualem pu-
gnam hortaretur, incitarèque, Ad-
mantus abhorrrens à pugna, ita ad
Themistoclem ait: Atqui in certa-
minibus ante alios profiliunt, flagris
cæduntur. Bene quidem, respondit
ille: sed nec ij coronantur, qui se,
dum pugnandum est, subducunt.
Plut. in apoph.

Idem.

In Eretrienses ita canillari solebat,
vt diceret eos similes piscium, qui
gladioli vocantur: quippe qui gla-
dium quidem haberent, cor autem
non haberent. Notans illorum igna-
uiam, quòd armatis non adesset ani-
mus. Plut. in apoph.

Philippus.

Cùm subactis Græcis, quidam au-
thores essent, vt ciuitates præsidis
contineret, ne deficerent: Malo, in-
quit, diu bonus ac commodus, quàm
breui tempore dominus appellari:
sentiens, regnum, quod beneficiis ac
beneuolentia teneretur, esset perpe-
tuum: quod vi metùque, nò esse diu-
turnum. Plut. in apoph.

M. C.

M. Cato.

Suprà de authoritate.

Cicero.

Suprà de Fuga.

Augustus Caesar.

Suprà de Iocosè dictis.

Caligula.

Caligula illud è tragœdia subinde iactabat. Oderint, dū metuant. Hanc ne quis miretur, eiusdem vox fuit, Vtinam populus Romanus vnicam ceruicem haberet. Hanc emisit, infensus turbæ, fauenti Veneræ aurigarum factioni, quum ipse faueret Prafinæ. Eras. lib. 6. apoph.

De militia & militibus.

Iphicrates.

Iphicrates censebat, militem & diuitiarum & voluptatum auidum esse oportere: Dicens, illum audacius pericula subiturum, quo suis cupiditatibus suppeditaret. Plut.

Phocion.

Quum Laosthenis ducis milites concinne ornatos aspexisset, rogatus, qualis sibi ille exercitus videretur? Bellè me hercule inquit, ad stadium decurrendum instructus. Plut.

Epaminondas.

Epaminondas dicere solebat, militum quibus arma gerenda sunt, corpus exercitatum esse oportere, non solum athleticè, verum etiam militariter. Nam athletæ tantum hoc agunt, vt corpore sint robusto: at militem oportet corpus habere expeditum & agile. Vnde & vehementer obefis infensus erat, adeo vt huiusmodi quendam expulerit ab exercitu, dicens: Quod vix clypei tres quantumve tegerent ipsius ventrem, per quem nunquam vidisset sua puden-

da. Plut. in apoph.

Archidamus.

* Videns filium suum nimis temere contra Athenienses pugnantem: aut vires tibi sunt augendæ, dixit, aut minuenda audacia. Plutar.

Agésilas.

Quidam conspiciens Lacedæmoniorum quendam claudum ad bellum exeuntem, quum ei equum veluti debili necessarium quæreret: Non intelligis, inquit Agésilas, in bello opus esse manentibus, quibus decretum est in prælio aut vincere, aut mortem oppetere, non autem fugientibus. Plut. in Lacon. apoph.

Phocion.

Quum Macedones irrupissent in Atticam, ac maritima illius depopularentur, Phocion eduxit iuuenes ætate florentes, quorum multis ad ipsum concurrentibus, hortantibusque vt colle quodam occupato ibi collocaret exercitum: O Hercules inquit, quàm multos duces, milites verò perpaucos! Notans iuuenilem temeritatem, quæ duci præire conaretur, quum militis sit, non dare consilium, sed vbi res postulat, bonam nauare operam. Attamen commisso prælio vicit, & Nicionem Macedonum ducem superauit. At non multo post tempore, bello deuicti Athenienses ab Antipatro acceperere præsidium. Plut. in Græc. apoph.

Aratus.

* Laudante quopiam virum desperatum & audacem, ad idcirco & in bellis eximium: differre dixit magnifacere virtutem, & vitam nihili facere. Stob. serm. 31.

Atas.

Hunc in modum scripsit Philip-po: Tu quidè imperas Macedonibus

Hh ij

bellandi peritis, at ego Scythis, qui & cum fame & cum siti pugnare valeant. Significans, hac parte Scythas ad bellum esse magis idoneos. Plut. in apoph.

Antiochus.

Ostendebat Hannibali in campo copias quas bellum contra Romanos suscepturus comparauerat, nempe exercitum insignibus argenteis aureisque florentem, inducebatque etiam currus cum falcibus, & elephantos cum turribus, equitatumque frenis, ephippiis, phalerisque præfulgentem. Atque ibi rex tanto tamque ornato exercitu gloriabundus, Hannibalem aspicit: & Putasne satis, inquit, esse Romanis hæc omnia? Tum Pœnus ignauiam vanumque apparatus militum irridens: Planè, inquit, satis esse credo hæc, Romanis, etsi auarissimi sint. Brufon. libro 2. cap. 32.

Pescennius.

Interrogatus, cur omnia vasa argentea à castris amouisset, Quia inquit, potuisset fieri ut sarcinæ militares in potestatem hostium venirent, fierentque barbari argento nostro gloriosiores. Bruf. lib. 2. cap. 32.

M. Cato.

Videns quendam vehementer obesum, mirabatur cui vsui tale corpus esse posset Reipubl. cuius inter guttur & inguen omnia venter occuparat. Eras. lib. 5. apoph.

Anonymus.

Multis Othonem imperatorem rogantibus, ne deposito imperio exercitum ac Rempublicam desereret: quidam è gregariis militibus sublato ense dixit, Scito Cæsar sic pro te omnes animatos esse: moxque seipsum iugulauit. Sueton.

Alex. Seuerus.

* Miles, inquebat, non timer, nisi vestitus, armatus, calceatus, satur, & habens aliquid in zonula, Lamprid.

Vide plura in apoph. de bello.

De militum in rebus agendis ignauia.

Timotheus.

A Vdace quodam milite vulnus Atheniensibus ostentante, Et me, inquit Timotheus, pudit, quod cum ego in Samo dux vester essem, catapultæ telum prope me ceciderat. Significans, hoc vulnus illi non factum in prælio cominus pugnanti, sed procul. At bono duci adeo cauedum, ut ne prope quidem iaculum vulnus possit accidere. Vulnus gladio factum, fortitudinem arguit: telo factum catapultæ, indiligentiæ signum est. Plut. in apoph.

Empedocles.

In eum mirmillonem, qui retiarium insequabatur, nec feriebat armis, hunc in modum iocatus est: Viuum capere vult, timet igitur ne lethale homini vulnus infligat. Bruf. li. 5. cap. 12.

Lysander.

Suprà apoph. de Ignauia.

Cyrus minor.

* Aiunt ipsum dicere solitum, quod oporteat militem magis metuere dum quam hostes, si talis sit futurus, ut custodias seruet, amicis abstineat, & hostes citra tergiversationem aggrediatur. Xen. lib. 2. expedit. Cyri.

Danatria.

Suprà de Filiorum abdicatione.

Anonyma.

Lacæna quædam, cum filium in strage quadam loco cecidisse animadu-

verteret, domum redeuntem occidit curauit, ne posthac ignauia exemplum cæteris esset. Plut. in apoph. La-
canarum.

Antalcidas.

Suprà apoph. de Ignauia.

Phoion.

Cùm militem è suis relicto ordine in hostes prodire conspexisset, eundemque conspecto Macedone pedem retrahere: Te, inquit, hominum ignauissime, num bis iam deserti ordinis pudet? Nam & quem Imperator tibi decreuerat, & quem tu tibi locum delegeras, reliquisti. Plutarch.

Xerxes.

Cùm Xerxi nuntiatum esset, quàm fortiter, quàmque etiam feliciter Artemisia rem gessisset in pugna nauali, dixisse fertur: Sibi foeminas fuisse viros, contra viros fuisse foeminas, quòd parum dextrè se gessissent. Herodotus lib 8.

Myronides.

Creatus dux exercitus aduersus Bæotos, edixit vt Athenienses exirent, Cùm autem adesset congregandi tempus, ducèsque monerent, nondum omnes adesse: Ad sunt, inquit, qui pugnaturi sunt. Hos itaque cùm videret promptos, hostem aggressus vicit. Sic interpretans, eos qui ob ignauiam non studuissent tempestiuè adesse, ne in pugna quidem bonam operam nauaturos. Plut. in apoph.

Therycion.

Therycion Delphis rediens, cùm Philippi castra in Isthmo esse, angustiasque occupatas vidisset: O malos, inquit, ianitores vos Corinthij, quorum ignauia Peloponnesus facile peribit, Bruf. lib. 3. cap. 12.

Marcellus.

Quò ob turbatos ordines in Mar-

cellis copiis victor Hannibal exstitisset, reuersus in Castra Marcellus cõuocato exercitu, ait, Se quidẽ multa Romanorũ arma & corpora, Romanum verò videre neminem. Plutarch.

Scip. Africanus.

Militi, cui scutum erat elegantius ornatum: Non miror, inquit, quòd scutum tãta cura ornaris, in quo plus habeas præsidij quàm in gladio. Significans, illum ignauum militem. Clypeus tuetur, sed gladius fortitudinis organum est. Idem.

Hannibal.

Gisconi nuntianti, sibi admirabilem videri Romanorum instructorum ad pugnam numerũ? Imò aliud inquit, mirabilius te fugit. Quidnam hoc esset, sciscitanti Gisconi: Quòd ex tam numerosa, inquit, hominum multitudine nullus appellatur Gisco. Is ducis iocus multum timoris detraxit, multumque alacritatis addidit militibus. Idem.

Fabius Maximus.

Salinator, quum ob eius ignauiam & incuriam Tarentũ à Romanis defecisset, arcem tamen retinuit: quum verò aliquot post annos Fabius Maximus oppidũ pulso Hannibale recepisset, rogarètque eum Salinator, vt meminisset, opera sua se Tarentum recepissee: Quidni? inquit Fabius. Nunquam enim ego recepissem, nisi tu amisisses. Notauit tacitè Liuij ignauia. Plutarch.

C. Crassus.

Militem videns sine gladio currentem: Heus, inquit, commilito: pugno bene vteris, festiuiter taxans inermem militem, cui pro gladio pugno sit vtendum. Eras. 6. apoph.

M. Cato.

Dicebat sibi inuisum esse militem, qui ambulans moueret manus, pu-

Hb iij

gnans moueret pedes, clariùsq. steret quàm inclamaret: pessimum autem imperatorem, qui sibi non posset imperare. Plut. in apoph.

Cicero.

Pompeij ignauiam Cicero vrbaniſſimè taxauit. Dicentibus enim, se serò ad Pompeium venisse, respondit, Minime serò, nam nihil hic paratum video. Quem fugiam igitur, satis video (Cæsarem intelligens.) sed quem sequar fortiter pugnâtem non habet. Plutarchus in apoph.

Huc refer etiam apoph. de Fugitiuis.

De militari disciplina.

Anonymus.

Quidam in acie, quum strictum iam ensẽ in hostem esset infixurus, quoniam interim signum datum est receptui canens, non infixit. Roganti verò euidam, cur hostem quem in potestate habebat, non occidisset? Quoniam, inquit, melius est parere Imperatori, quàm hostem occidere. Exemplum disciplinæ militaris, à qua immane quantum recesserunt, qui sub belli titulo mera exercent latrocinia. Olim non licebat ferrire hostem, nisi tuba dedisset signum: eadem simulatque cecinerat receptui, homicidij crimen erat hostem interemisse. Plut. in Lacon.

Clearchus.

Militum auribus subinde solebat inculcare: Militi magis esse metuendum imperatorem, quàm hostem, quæ vox mortem minabatur militi, qui parum grauitè se gessisset in prælio. Honestius autem est cū laude vitā impendere patriæ, quàm cū dedecore pœnæ. Hoc dictum non quiuilites laturi sint: sed hi facile ferebant,

quibus matres domi solebant edicere, vt aut victores cum armis rediret aut mortui in armis referrentur. Valer. Max. lib. 2. cap. 8. & Frontin. lib. 4. cap. 1.

Epaminondas.

Quum studeret Epaminondas Bœotos, otio dissolutiones, continenter in armis habere, simul vt Bœoti de belli duce creando cogitarèt, his verbis illos adhortabatur. Posthac consulatione viri, nam si ego militiæ præfectum agam, vobis militandum est, adimens illis spem otij sub tali imperatore. Plut. in Græc. apoph.

Idem.

Idem scutatum militem senserat à captiuo quodam magnā pecuniarum vim accepisse. Huic Epaminondas: Mihi, inquit, redde clypeum: tibi verò cauponam emitto, in qua vitam degas. Posthæc enim noles eodem modo subire periculum. quippe iam vnus de numero diuitum ac beatorum rectè iudicauit, timidum (vt est in prouerbiis) esse Plutum. Magis enim metuit mortem, qui dum habet vnde possit suauiter viuere. Plutarch. in Græc. apoph.

Lamachus.

Lamachus castigauit quendam educibus, qui deliquerat, & quum ille dixisset, In posterum isthuc non committam: Nō licet, inquit, in bello bis peccare. Error enim in bello mors est. Plut. in apoph. Stob. ser. 52. Ant. in Melis. par. 1. ser. 67.

Lysander.

Infrà de Suspicionẽ vitanda.

Brasidas.

* In milite tria requirebat, velle, vereri, ducibus obedire. Thucyd. lib. 5.

Pyrrhus.

Pyrrhus ei cui delectum militum com-

commiserat, dixisse fertur: Tu grandes elige, ego eos fortes reddam. Si gnificans, institutione fieri bonum militem. Fertur autem Pyrrhus discipulus militaris optimus fuisse magister. Plut. in apoph. Frontinus l. 4. ca. 1. stragematum.

Hannibal.

Quum Romanorum legati conditiones pacis retulissent apud Carthaginenses, & Gisco quidam ausus esset suadere bellum cum Romanis redintegrandum: Hannibal indignè ferens, hominem imbellem de rebus arduis loqui, adhuc dicentem è suggesto deturbauit. Hoc factum tam violentum in libera ciuitate demirante & indignante multitudine, Hannibal conscenso suggesto dixit, neminem mirari debere, si qui à primis statim annis Carthaginem reliquisset, interim aetatem omnem in bellis & armis transegisset, minus nosset urbanas consuetudines. hoc præfatus, pacè suadere coepit & persuasit. Plut. in Hannibale.

Scip. Maior.

Percontanti cuidam in Sicilia, quare fretus classem educere pararet in Africam? ostendit viros armatos trecentos, sese exercentes, præterea turrim excelsam mari imminentem, & ait: Nullus horum est, qui non conscensa turri semet in mare præcipitatus sit, si iussero. Sentiens, non perinde referre quàm, numerosam educas multitudinè, modò fortis dux educat exercitato, & dicto audientes. Plut. in Rom apoph.

Scipio Minor.

Postquam venit in castra, multamque illie licentiam, lasciuia in superstitionem ac luxum offendisset diuinis ac sacrificis cum lenonibus promittens eiecit: quin & vasa omnia ius-

sit amoliri, excepta olla, veru & poculo fictili. Ex argenteis, poculum librarum non amplius duarum permisit si quis habere vellet: balneis uti vetuit. Qui vngerentur, iussit ut ipsi sese fricarent, iumentis enim, qui manibus carent, opus esse alio à quo fricentur. Edixit, ut milites stantes pranderent obsonium non igni coctum: cœnarent autem discumbentes. panè, aut pultè solam, & carnes assas, siue elixas. Ipse verò sago circumtectus, obambulabat per exercitum, dicens, Se lugere exercitus de decora. Plut. in apoph.

Paulus Æmilius.

Quum Paulus Æmilius in exercitu multam confidentiam ac loquacitatem comperisset militum, officia ducum sibi vindicantium, resque non necessarias curantium: iussit illos quiescere, nec aliud quicquam agere, quàm ut enses suos acuerent, cætera sibi fore curæ. Nocturnas autem excubias iussit illos sine lanceis, sed cum gladiis agere quo nimirum adempta spe depellendi hostem, tanto acrius pugnarent cum somno: Plutarch. in apoph.

Idem.

*Militi dicebat hæc tria esse curanda: corpus, ut quàm validissimum & perniciosissimum haberet: arma apta: animum ad subita imperia paratum: cætera diis immortalibus & Imperatori curæ esse. Liuius li. 44.

M. Attilius.

Quum exercitus Romanus terga daret Samnitibus. M. Attilius consul equo præteruentus ad portam castrorum edixit, ut quicumque miles ad vallum tenderet, siue Samnis esset, siue Romanus, pro hoste haberetur. Quò pergis, inquit, miles? Hic arma & viros inuenies nec viuo con-

sule tuo nisi victor castra intrabis. Proinde elige, cum ciue an cum hoste pugnare malis. Eras. l. 6. apoph.

Scip. Africanus.

Africanus censor tribu mouebat centurionem, qui in Pauli pugna non adfuerat, ille quum diceret, se custodiæ causa in castris remansisse, rogaretque cur ab eo notaretur: Non aino, inquit Africanus, nimium diligentes. Dissimulauit centurionis ingnauiam, & accusauit nimium diligentem custodiam. Eras. l. 6. apoph.

Serg. Galba.

In grauissimis bellis seuerissima disciplina habuit milites suos: adeo vt simulatque venisset in castra, protinus vulgaretur ille Trochaicus: Disce miles militare: Galba est, non Getulicus. Eras. li. 6. apoph.

Alexander Seuerus.

In expeditionibus, si quis de via in alicuius possessionem deflexisset, pro qualitate loci fustibus, aut virgis cedebatur, aut alioqui condemnabatur. Si dignitas personæ tales pœnas non recipiebat grauissimis contumeliis afficiebatur, quum diceret: Vellēsne hoc in agro tuo fieri, quod facis in alieno? Clamabat sæpius, quod à Christianis audierat, idque per præconem, quoties aliquid emendabat, dici iubebat: Quod tibi fieri nolis, alteri ne feceris. Quid nunc dicemus de militibus Christianis, qui siue quod eant, siue redeant, furantur, rapiunt, constuprant, pulsant, abigunt pecora, pertusis vasibus sinunt effluere vinum? Quid multis? Crudelius tractant suos quam hostes. Et hoc hodie, si superis placeat, appellatus ius militare, & ad hæc conuiuent principes. Erasim. ex Æmilio Lampridio.

*Quibus hæc addemus etiam ex-

probatihistoricis, Liliuo, Tacito, Curtio, & aliis collecta, & ad nostris seculi militiam disciplina exutam accommoda. Emunt duces militem, non legunt. Pecuniola proponitur, tympanum strepit: & ecce coeunt aliquot ignoti inter se, ignorantésque purgamenta vrbium suarum, quibus ob egestatem & maxima flagitia peccandi necessitudo est, assueti latrociniis, bellorum insolentes, quorum lingua vana, manus rapacissimæ, gula immensa, pedes fugaces, quæ honestè nominari non possunt inhonestissima, nullam disciplinæ formam nec extrema quidem eius lineamenta seruantes, lasciuientes certatim, inter quos omnia indispofita, temulenta, peruigiliis Veneris ac Bacchanalibus quàm disciplinæ & castris propiora. Hi nec in procinctu & castris habentur, sed per municipia desides, hospitibus tantum metuendi, effundant se in luxum, epulas & nocturnos coetus: Ibi circumferri merum largius iubent, debellaturi super menta Alexandrum: suas vires extollere docti, hostium paucitatem contemneret: cæterum galeati lepores, & quibus vt ad populandos finitimorum agros, testæque vrenda, & capienda pecora aliquid vis sit, ita in acie & signis colatis nulla vis est. ne in victoria eis decus, nec in fuga flagitium. Vt omnia paucis: Exercitus lingua quàm manu promptior, prædator è lociis, & ipse hostium præda.

Idem.

Quum Antiochiam venisset, ac milites qui lauacris ac muliebribus delitiis vacauerant, in vinculis ducti iussisset, orta seditione ab ea legio-

legione, cuius socij erant in vinculis: tribunal ascendit: ac victis omnibus ad tribunal adductis, circumstantibus militibus, & quidem armatis, grauiter illos admonuit, vt meminissent Romanæ disciplinæ. Quum loquentem milites tumultu interpellarent, nihil conterritus, iussit vt tales voces ederent aduersus hostes, non aduersus Imperatorem: minatus exaurationem, nisi quiescerent. At hæc, quum vehementius etiam frement, ac ferro quoque minarentur: Deponite, inquit, dextras, contra hostem erigendas, si fortes estis, me ista non terrent. Quum non desinent fremere, exclamauit: Quirites discedite, atque arma deponite. Mox omnes non armis tantum, sed & sagulis militaribus depositis recesserunt, non in castra, sed in varia diuersoria. Post tamen eius legionis militibus fidelissimis vsus est. *Ælius Lampridius.*

Idem.

*Disciplina maiorum, inquit, rempublicæ tenet, quæ si dilabatur, & nomen Romanum & imperium amittemus. *Lamprid.*

Auid. Cassius.

*Solebat dicere, Miserum esse cum exerceantur athletæ, venatores, & gladiatores, non exerceri milites: quibus minor esset futurus labor, si consuetus esset. *Vulcat.*

Theodericus rex.

*Extat eius insigne dictum in formula ducatus Retiarum libr. 7. Variarum Cassiodori, demilitum disciplina. Milites, inquit, tibi commissi viuant cum prouincialibus iure ciuili, nec insolescat animus qui sensit armatum: quia clypeus ille exercitus nostri quietem debet præstare Romanis.

Aurelianus.

Cum à vicario suo literas accepisset, quibus efflagitabat vt rescriberet, quomodo res gerenda esset, statim rescribit hunc in modum: Si vis tribunus esse: imò si vis viuere, manus militum contine: nemo pullum alienum rapiat, quem nemo contingat, quam nullus auferat. *Vopiscus, in Aureliano.*

De minis.

Chilon.

Dicere solebat, nulli minandum esse, non solum quod mulierum videatur esse potius quam virorum, verum etiam quod minitari ei cui velis nocere, est inimicum admonere vt sibi caueat, tibi que ipsi lædendi facultatem adimere. Amicis autem minari, parum est humanum. Rectè tamen minamur, quoties aliquem hoc remedio correctum esse cupimus, & hæc poena decreuimus esse contenti. *Laer. l. i. c. 4.*

Socrates.

* Vt tonitrua pueros imprimis, ita minas stultos territare dicebat. *Stobæus, sermone. 4. de Imprudentia.*

Diogenes.

Dicente ei quodam valde iactanter, vno ictu caput tibi perfringam: At ego, inquit, à sinistris astans te tremere faciam. *Laer.*

Agatocles.

Infrà de Vltione & vindicta.

Polydorus Alcamenis. F.

Cum audiret quendam in hostes minas effundentem: Non intelligis, inquit, te maximam vindictæ partem frustra consumere? Qui enim

statuit inimicum vlciſci, minis nil aliud efficit, niſi vt præmonito inimico, ſibi minuat lædendi oportunitatem. Plutarchus in Laconicis.

Dercyllidas.

Orator miſſus ad Pyrrhum Epirotarum regem, qui iam exercitum in regionem Spartanorum induxerat, vt cognoscere, quid ſibi veller: cùm Pyrrhus diceret, vt regem ſuum Cleonymum reciperent, hunc in modum reſpondit: Si Deus eſt Cleonymus, non timemus ipſum, nihil enim ſcleris in eum commiſimus: ſin homo eſt, proſectò nihilo nobis præſtantior & bellicoſior. Quo dilemmate irriſit ſuperbas regis minas. Qui enim ſuperbè minantur alijs, videant ne id quod alijs minantur in ipſos recidat. Plutarch. in Lacon.

Epictetus.

*Si quem, inquit, cum minis & impetu volueris aggredi, memento præmeditari humanum eſſe tibi manſuetumque ingenium, & quod poenitudo damnūque te ſequutura ſint, ſi quicquam immane commiſeris, Stob. ſer. 20.

Philippus.

Multa quæſtus apud Romanorum legatos de moribus & calūnijs Theſſalorum, tandem elatus ira, hanc vocem adiecit, Nondum omnium dierum ſolem occidiſſe. Hic ſermon nō Theſſalis modò, verū etiam Romanis ſuſpectus, vtriuſque gentis fremitum excitauit. Tit. Liū. 4. Decadis. lib. 9.

C. Caſar.

Vide ſuprà Litigare, contendere, aut ludere cum potentioribus periculolum.

De miſericordia.

Phocion.

*Nec ex templo aram nec ex humana natura miſericordiam tollendam eſſe dicebat. Stob. ſer. 1. de virtute.

Demosthenes.

*Iuſtum eſt, inquit, miſereri, non improborum hominum, ſed eorum qui immerito infelices ſunt. Stob. ſer. 44.

Xerxes.

* Videns Hellespontum nauibus ſuis conſtratam omnia litora atque Abydenorum plana hominibus reſerta, iactauit ſe beatum, moxq; miſericordia ductus fudit lachrymas, Artabano cauſam huius mutationis querenti dicens, ſubiit animum meū cogitatio quā breuis ſit hominum vita, quando ex tam numeroſa hominum multitudine poſt centeſimū annum nemo ſuperfuturus eſt. Herod. lib. 7.

Agſilaus.

*Audiens, in bello ciuili Græcorū multos hinc inde cæciſſe in pugna, & Spartanos eſſe victores nullo lætitiæ ſigno dato, ſed miſericordia ductus, ingēti edito gemitu, Heu Græciam, inquit, quæ tot milites bello inſteſtino perdidit, quot ei ſi incolūmes ſint ad debellādos barbaros ſint ſatis. Plut. in apoph.

Senatores Conſtantinopolitani.

*Leo, Baſilij Macedonis Imperatoris filius, per calumniam in carcerem coiectus fuerat. In palatio Pſittacus ſolita ſuſpēſa degebat, vociferari ſolitum, heu, heu: domine Leo. Quodam die Baſilius Senatores quosdā ad cōuiuium vocauit, qui quum auem cantum illū ſæpius repetentem audirēt, miſeri

miseriçordia & mœstitia oborta, cibo potuque omisso assederunt, lacrymantes. Sciscitatus causam Imperator, Qui (inquiunt) cibum capiamus, voce huius auis obiurgati nos qui rationis compotes & dominorum studiosi credimur? Bruta hæc auis domini sui nomen inuocat, nos luxui dediti infontē obliuioni mandamus. His verbis mitigatus Imperator, Leonem carcere eductum pristinae dignitati restituit. Cedrenus in Annal.

De moderatione animi.

Chilon.

Eius dictum est, ita moderandam esse vitam, vt nec inferioribus sis terrori, nec superioribus despectui. Meiui à subditis, tyrannicum est: negligendæ verò est, sic agere, vt à maioribus contemnaris. Hoc & ad ætatem referri potest. Sic temperadi mores, vt à iunioribus ameris potius quàm timearis à maioribus non contemnaris. Immodica seueritas parit terrorem: somnolentia, violentia, incogitantia, similiâque vitia gignunt contemptum. Potes & ad fortunam accommodari. quæ si sit vehementer ampla, parat qui metuât citius, quàm qui ament aut reuercantur: siu humilior, patet contemptui. Mediocritas igitur hîc quoque est optima. Aufonij carmen sic habet:

Nolo minor me timeat, despiciat maior,
Eras. ex Laer. lib. 1. c. 4.

Socrates.

Quum ei relatum esset, Quidam de te malè loquitur: Verberet me etiam, inquit, modò absentem. Maxim. serm. 10.

Idem.

Quidam à Socrate salutatus, non

resalutauit, sed hoc nequaquam molestè tulit Socrates: amicis autem admirantibus, & ob hominis inciuilitatem indignantibus dixit: Si quis nos præteriret, peius affectus corpore quàm nos sumus, nequaquam illi succenseremus: cum igitur illi succenseam, qui peius affectus est animo, quàm nos sumus? Eras. l. 3. apoph.

Idem.

* Aiunt eum, colapho percussum, nihil amplius dixisse, quàm molestū esse, quod nescirent homines quando cum galea prodire deberent. Seneca l. 3. de ira, cap. 11.

Diogenes.

A caluo quodam conuitiis affectus: Tibi contumeliam, inquit, non dico, sed capillos tuos laudo, quòd malam effugerint caluam. Maxim. serm. 10.

Idem.

Proditori cuidam ei maledicenti, Gaudeo, inquit, me facturū inimicum tuum. non enim inimicis, sed amicis malefacis. Max. ser. 10.

Zeno Cititiens.

Cum esset à quodam interrogatus, quomodo affectus esset erga conuitia? Perinde, inquit, atque si legatus absque responso dimittatur. Significans, eos qui non habent, quod respondeant, ad conuitia solere confugere: eaque non pluris oportere fieri, quàm si nihil esset responsum planè, Laert. l. 7. c. 1.

Cleanthes.

Sofitheus poëta coram populo Cleanthem præsentem hoc carmine proscidit,

ὁ κλειίδης ποιεῖα βονατῆι.

Id est,

Quos Cleanthis fatuitas agitat.

Tanto conuitio tactus, nil quicquā mutauit de vultu. Qua patientia

delectati auditores, applaudētes philosopho, Sōsithēum eiecerunt. Cūm Sōsithēus diceret, se pœnitere quòd illum aspersisset: respondit Cleanthes, Absurdum fore, si cūm poētæ frequēter illudāt Libero patri & Herculi, nec illi succenseant, si ipse ob leue cōiucium indignaretur. De diis enim multa probrosa scripsere poētæ, vti cūm Bacchum faciunt mollem timidum ac temulentum: Herculem faciunt seruientem Omphalæ, vsque ad sandalia coniugatum caput, Laer. lib. 7. cap. 1.

Aristippus.

Confutatus in disputatione à quodam audacissimo homine, furioso & stolido, cūm videret illum inflatum ac gestientem ob partam victoriam: Ego quidā, inquit, redargutus ab eo, sed suavius dormiturus te, qui redarguisti. Laer. l. 2. cap. 8.

Antigonus.

* Nihil facilius fuit Antigono, quā duos manipulares duci iubere, qui incumbentes regio tabernaculo faciebant quod homines & periculossimè & libentissimè faciunt, de rege suo malè existimantes. Audierat omnia Antigonus, vtpote cūm inter dicentes & audientem palla interesset: quā ille leuiter commouit, & longius (inquit) discedite, ne vos rex audiat. Idem quadam nocte cūm quosdam ex militibus suis exaudisset omnia mala imprecantes regi qui ipsos in illud iter & inextricabile lutum deduxisset, accessit ad eos qui maximè laborabant, & cūm ignorantēs à quo adiuuarentur explicuisset. Nunc (inquit) maledicere Antigono, cuius vitio in has misérias incidistis: ei autem bene oprate, qui vos ex hac voragine eduxit. Idem, tam miti animo hostium suorum maledicta

quā eiuiū tulit. Itaque cūm in paruo quodam castello Græci obsiderentur, & fiducia loci contemnentes hostē, multa in deformitatem Antigoni iocarētur, & nunc staturā humilem, nūc collisum nasum deriderēt: Gaudio (inquit) & aliquid boni spero, in castris meis Silenum habeo. Cū hos dicaces fame domuisset, captis sic visus est, vt eos qui militiæ viles erāt, in cohortes describeret, cæteros præconi subiiceret: id quoque se negauit facturū fuisse, nisi expediret his dominum habere, qui tam malām haberent linguam. Senec. li. 3. de ira, c. 22.

Isocrates.

Cūm quidā apud eū obtrectatoris sermonē referret, ac diceret, me præsentē ille hæc in te maledicta spargebat, Nisi tu, inquit, libenter audisses, nunquā cōiuciatu esset. Max. ser. 10.

Xenocrates.

Ingratitudinis à Platone insimulatus, nunquā indignatione iræ commotus est, sed & illi qui ipsum ad respondendū Platoni instigaret: Hoc, inquit, quod nunc facio, mihi bonum atque commodum est. Et prudentissimè homini silentium imposuit. Aelian. lib. 14. de Var. hist.

Chrysippus.

Quodam ei dicente, Amicus clanculum te mordet, & cōiuciatu: Hominem, inquit, ne arguito, quoniam idem palām facturū est. Max. serm. 10. & Anton. ser. 53.

Idem.

A quodam improbo multis affectus conuiciis: Optimè, inquit, fecisti, quòd nihil eorū quæ in te sunt, præterieris. Max. serm. 10.

Philemon.

Nihil neque suavius, neque muscæ cōuenientius esse dicebat, quā posse conuiciantem ferre. Etenim conuiciu

uicium facientem, si qui conuicio afficitur dissimulet, in ipsum conuiciū redundat. Max. ser. 10.

Demonax.

Sophista quidā cūm Demonactem accusaret, dicerētque, Cur me toties tā acerbè calumniaris? Quia, inquit, Demonax, non contemnīs malè loquentes. Max. ser. 10.

Moschion.

Multorum improborum calumniis peti, neque indecorum neque detrimentosum esse dicebat. At ab vno aliquo bono vituperari, & decorum & commodum esse iudicabat. Max. ser. 10.

Agésilas.

Cūm honestos viros ad cœnam inuitasset, accumbentibus omnibus, & cibum iam gustare volētibus, videns abesse panem. Quā, inquit, res est apta cōiuiis apprandis, esse sapientem. Dedit vir prudentissimus philosophicæ moderationis exemplū, qui non incandescibat iis, qui pro officio mensam necessariis rebus ornare debebant. Laër. l. 4. ca. 6.

Agésilas.

Eos à quibus odio prosequeretur clandestino, in duces belli eligebat, magistratus factos euehebat, si quid in eo improbè ageretur, patrocinebatur, atque hac arte reddebat eos ex clandestinis hostibus amicos. Quid hac animi moderatione pulchrius fuit? qua mederi maleuolis maluit quā vlcisci. Plut. in apophth. Lacon.

Idem.

Cūm quidam Agésilam Lacedæmoniorum regem interrogasset, quid apud Spartanos Lycurgi leges promouissent? moderatè respondit, Omnium voluptatum docuerunt contēptum. Plut. in Lacon.

Idem.

Cūm Persarū nummi sagittarium haberent insculptum, Agésilas ex Asia soluens ait, se triginta sagittariorum millibus fugari, tot enim Daricorum aureorum millibus Athenas ac Thebas deportatis, ac in plebis moderatores distributis. Timocrates effecerat, vt omnes hostilem animum aduersus eum milites susci-perent. Plut. in Lacon.

Idem.

Postquam Agésilas ingenti strage fecisset Corinthiorum vires, cōsque intra mœnia compulisset, multis hortantibus vt urbē oppugnaret: negauit id suæ virtuti conuenire, quī peccantes ad officium cogeret, non qui nobilissimas Græciæ vrbes subuerteret. Et hoc est vt eximiae cuiusdam moderationis, ita quod adiecit, admirabilem viri prudentiam arguebat: Si inquit, eos extinguere vulerimus, qui nobiscum aduersus barbaros steterunt, ipsi nos expugnauerimus vel quiescentibus hostibus, qui subuersis focis, nullo negotio, quando volent, nos oppriment. Plutar. in Laconicis.

Agis.

Quodam dicente, Philippum effecturū ne Lacedæmoniis patēret iter in Græciam: Nobis, inquit, Agis senior, ô hospes nostra patria sufficit ad illic viuendum. Pectus ad vtrumque paratum, & ad proferendum imperium si contingat, & ad boni consulendū fortunā licet mediocrem: cūm principum vulgus nec quod obtingit sapienter administrent, nec vllis satientur ditionis accessionibus. Plut. in Lacon apophth.

Agésilas.

Lyfandro defuncto, Agésilas numerosam sodalitatem aggregatam

comperit, quam ille ex Asia donum reuerſas, ſtatim contra Ageſilaum inſtituerat. Id primum indignè ferēs Ageſilaus, deſtinarat omnibus oſtendere, cuiuſmodi ciuiſ Lyſander, dum uiueret, fuiſſet, ac perlecta oratione quadā quā moriens Lyſander poſt ſe reliquerat de rebus nouandis, & mutatione rerum in Republ. quoniā arguebat Lyſandrum pernicioſum fuiſſe ciuem, ac ſeditionis auidum, euulgare uoluit. Attamen cū ab Ephoro quodam ſene ac rerum perito intellexiſſet, hoc non bonum fore, ait: Nolumus reſodere Lyſandrum, ne in mortuos ſauire videamur fruſtra. Plut. in Lacon.

Pelopidas.

Cū fortis quidam miles per calumniam apud ipſum deferretur, vt qui ei conuiciatus eſſet: Equidem dixit, facta eius reſpicio, uerba autem non audiui. Stob. ſer. 40. Ant. in Meliſ. par. 1. ſer. 53. Max. ſer. 10.

Hippocrtidas.

Suprà de Ingratitudine.

Polydorus.

Suprà de Bono belli duce.

Demaratus.

Cū Perſa quidam crebris muneribus puerum, quem amabat Demaratus, tandem abduxiſſet, atque id iactitans apud illum dixiſſet, ô Lacon, uenatus ſum amaſtum tuum: Per deos inquit, non tu ſanè uenatus es, ſed mercatus. in iocum uertens contumeliam. Plut. in Lacon.

Theopompus.

Vxori obiurgāti, quòd regnum humilior ac minus eſſet filius traditurus quā accepſſet: Haſtenus igitur, inquit, maius, quod diuturnius. Quæ moderata ſunt. in longum tempus durant, & hæc ipſo meliora ſunt. Plut. in Lacon.

Philippus.

* Demochares ad illum Parrheſiaſtes, ob nimiam & procacè linguam appellatus, inter alios Athenienſium legatos uenerat. Audita benignè legatione, Philippus, dicite mihi, inquit, facere quid poſſū, quod ſit Athenienſib. gratū. Excepit Demochares: Te, inquit, ſuſpèdere. Indignatio circumſtantiam ad tam inhumanum reſpoſum exorta eſt: quos Philippus conticeſcere iuſſit, & Therſitè illum ſaluum incolumemque demittere. At vos cæteri legati, inquit, nunciate Athenienſibus, multò ſuperbiores eſſe ſe qui iſta dicunt, quā qui impune dicta audiunt. Senec. l. 3. de ira, c. 23.

Pſammetychus.

Quum uideret Cyri milites per urbem captam diſcurrentes, percontatus eſt Cyrum, quid agerent? Quūque iſ reſpondiſſet, Diripiunt urbem tuā, opèſque tuas populatur: Nequaquam, inquit, ô rex, nihil iam hic meum eſt, tuum eſt quod diripiunt. Ea vox commouit Cyrum, vt ſuos à direptione reuocaret. Eraſm. libro 6. apophth.

Pompeius.

De ſe liberè proſitebatur, quòd omnem magistratum quem geſſerat, & citius eſſet naſtus quā ipſe expectaſſet, & citius depoſuiſſet, quā ab aliis expectatum eſſet. Quòd citò fuiſſet imperiū, uel fortunæ fuiſſet, uel præmaturæ uirtutis: quod maturè depoſuit, animi moderati erat, non ad tyrannidem ſpectantis, ſed ad reipublicæ commodum. Plutarchus in Rom. apoph.

Auguſtus Cæſ.

* Timagenes hiſtoricus multa cōuicia in eum & eius domum uoce & ſcriptis effuſiuerat deinde apud Aſinium Pollionem diuerſerat, ubi de Cæſare

Cæsare Augusto historias scriptas in ignem posuit. In vrbe Roma Cæsar maledicum homuncionem tulit patienter, & duntaxat Pollioni, dixit, *Spemnepeis*, id est, feram alis. Paranti demum excusationem obstitit. Fruere, inquit, mi Pollio, fruerere. Et cum Pollio diceret, si iubes Cæsar, statim illi domo mea interdicam. Hoc me, inquit Augustus, putas facturum, cum vos in gratiâ reduxerim? Vides quid potentissimus monarcha fecerit, & quanta animi moderatione sit usus. Senec. li 3. de ira, cap. 23.

Fl. Vespasianus.

Sylvius liberalis, quum in defensione diuitis rei oblique mordens dixisset, Quid ad Cæsarem, si Hipparchus sestertium millies possideret? Notans Vespasianum, velut inhiantem rei facultatibus: Cæsar nō modò, non offensus est, verum etiam dictum approbavit, quasi simpliciter prolatum. Sueton.

Alex. Severus.

Epigramma quod in laudem Persceni Nigri fuerat adscriptum illius statuae ad viuum effictæ, quum præfecti suaderent eradendum Severus noluit, dicens: Si talis fuit, sciant omnes qualē vicerimus: si talis non fuit, putent nos omnes talem vicisse. Aelius Spartanus.

Otho imp.

Iam moriens, vocavit ad se Cocceium fratris sui filium, quem sic admonuit: O fili, habuisse te patrum Cæsarem nec prorsus obliuiscaris, nec admodum memineris. Docere autem voluit adolescentem, ubique moderandum esse animum: ut si cogitaret se patrum habuisse imperatorem, virtutē amplecteretur, ne de honestamento esset antecessoribus: & interim tamen non adeò superbi-

ret, ut alios præ se contēneret. Suet.

Idem.

Vbi iā mori destinasset, sensit eos qui ab ipso deficere & abire cœptabant, pro desertoribus corripere ac detineri. Itaque veruit ne cuiquam fieret iniuria, dicens: Adiciamus vitæ & hanc noctem, & in profundam vespeream usque patente cubiculo, si quis adire vellet, potestatem sui conueniendi fecit. Sueton. in vita Othonis Syluij.

Huc aliqua ex parte pertinent apophthegmata de Clementia, Ira remittenda, Humanitate, Mansuetudine, Patientia, Iniuria, Victoria moderatione, Vitio ne neglecta, &c.

De modestia.

Socrates.

* I N nauigando gubernatori, in viuendi ratione melius ratiocinati parendum esse dicebat. Ant. & Max. ser. de animi humilit.

Liuius.

Liuius Augusti Cæsaris vxor, interrogata quibus rationibus Augustum sibi subiecisset? respondit, Multa modestia quod ea quæ placerent Augusto, faceret libenter: quodque se scire dissimulareret, quibus ille rebus domi frueretur. Dion. in Tiberio.

Alphonsus.

Lucas Medicus, orator omnium clarissimus, cum oratione membrorum omnibus absolutissima, Alphonsi regis innatas virtutes decantasset, rex hæc audiens: Si vera sunt quæ de me prædicasti, inquit, diis immortalibus meritò gratias ago: sin minus, ut isthæc faciant, oro & obsecro. Laudanda principis honestissimi modestia. Panormit. libro 1. de rebus gestis Alphonsi.

De modestè dictis.

Pythagoras.

Postquam venisset Phliuntem, & cum Leonte Phliafiorum principē doctē & copiosē quædam disse-ruisset, Leo ingenium & eloquentiā hominis admiratus, quæsiuit ex eo, Qua maxima arte confideret? cui Pythagoras respondit: Se nullam quidē artem scire, sed esse philosophum, id est, sapientiæ studiosum huius verecundia, sapientis cognomen arrogās, quo se prius vendiderant σοφοι, vertit in titulum modestiæ. Erasim. libr. 7. apophth.

Socrates.

Socratis illud omniū maximè celebraretur, quod dicebat, Se nihil scire, nisi vnum, quod nihil sciret. Inquirebat enim de singulis, tanquam ambigens, non quod reuera nihil haberet certò cognitum: sed hac ironia & suā declarabat modestiam, & aliorum redarguebat arrogantiam, qui se profitebantur nihil nescire, cum reuera nihil scirent. Sophistæ quidā publicè profitebantur, sese ex tempore responsuros ad omnē propositam materiam: horum arrogantem inscientiam sapienter confutabat Socrates. Atque ob hoc ipsum, ut ipse quidem interpretatur, ab Apolline iudicatus est sapiens: quod quamuis omnium rerum ignorantiam cum ceteris haberet communem, eo nomine tamen illos superaret, quod suā inscientiam agnosceret, cum illic hoc quoque nescirent, se nihil scire. Erasim. li. 3. apophth.

Anonyma.

Quum se contulisset Corinthum, anicula quædam diu attentè illum inspexit, nec dimouebat ab illo ocu-

los, admiranti similis, quumque ille dixisset, Quid vis mater & quam ob causam me sic aspicias? Demiror, inquit, si te mater decem menses per- tulit in utero, quum hæc ciuitas vici- cum tantum diem habens te doleat. Erasim. li. 6. apophth.

Arcefilaus.

Si quando probabat aliquid dicere solitus est, *φύσις ἵκετο*, id est, aio, siue mihi videtur, siue fateor. Si quid displicebat, dicebat, *ἡ συνήθεια δὲ οὐκ ἔχει τὸ πείθειν*, id est, his non assentietur ille, nominato quopiam: simul & in asseuerando seruans modestiam, & in contradicendo fugiens inuidiā. Lactius li. 4. c. 6.

Aristoteles.

Admonebat, neminem de se debere prædicare vel in laudem vel vituperationem: quod illud esset hominis vani & inanis, alterum stulti ac vecordis. Lactius li. 5. c. 1.

Agésilæus.

Cum ex Ægypto in patriam proficisci vellet, in portu Menelai morbo lethali correptus est, verum cum iam mortis hora instaret, suis prohibuit, ne corporis sui imaginem vel statuam in honorem eius erigerent. Si quod inquit præclarū facinus igessit hoc erit monumentū mei, sin minus, ne omnes quidem statuae illustrabunt mei memoriam. Plutarch. in Laconicis.

Idem.

Audiens Megarensē adolescentem multa iuueniliter de sua ciuitate iactantem: Sermones, inquit, tui opus habent magnis viribus. Modestè reprehendit adolescentē, qui magnificè quidem loquebatur, viribus autem careret. Plutarch. in Lacon.

Antalcidas.

Cum in Samothracia sacris initiaretur,

retur, interrogatus à sacrorum anti-
stite, quidnam præclari gessisset in
vita? Si quid, inquit, feci quod laude
dignum est, deos nequaquam later.
Et sic modestè racuit, ne se vel im-
modicè laudare, aut turpiter vitupe-
rare diceretur. Plut. in Lacon.

Theopompus.

Suprà de Ambiguè dictis.

Alexander.

Videns diuinos sibi honores tri-
bui, vulneratus in bello ait, Cur
me deum vocatis, qui me videtis san-
guinolentum ac vulneratum sentire
humanam imbecillitatem? Plutarc.
in apoph.

Augustus. Cæs.

Si quando filios suos dimitteret
ad peregrinos, modestè eos sic ho-
minibus commendauit, vt beneface-
rent, si mererentur. Sueton.

De modo & medio- critate.

Pittacus.

A iunt dicere solitum, Dimidiū
plus esse toto, de quo dicto
multa Erasinus in Chiliadibus. Hoc
dictum autem extat apud Laert. lib.
2. cap 5.

Solon.

* Eius item dictum nobile, & sin-
gulis momentis repetendum dictū
celebratur. *Μὴν ἀγῶν*, i. Ne quid ni-
mis, quo mediocritatem auream, in
omnibus seruandam esse iubet. Laer.
& Stob. ser. 3.

Cleobulus.

* Nec minus celebre est illud Cleo-
buli, *Μέτρον ἀριστόν*, i. Modus optimus:
Eandem mediocritatem commen-
dans. Laert. & Stobæus.

Socrates.

Percontatus quænam esset potis-
sima iuuenum virtus? Vt, inquit, ne
quid nimium tētent. Calor enim æ-
tatis vix finit illos seruare modum.
Laert. in Socrate.

Democritus.

* Si quis modum (inquit) exce-
serit, iucundissima quæque iniucun-
dissima fient. Stob. ser. 17. Idem ab e-
picteto dictum est. Ariano teste.

Vide apoph. de Temperantia.

Aristippus.

Aristippus Aretam filiam salubri-
bus præceptis, instituebat, consuefa-
ciens, vt vbique quod immodicum
esse contemneret, quòd mediocri-
tas in omni re sit optima: & in fœ-
mina maximæ virtutis sit, tempera-
re cupiditatibus. Laert. lib. 2. cap. 8.

Diogenes.

Cùm multis videretur immodicè
philosophus, respondit, sese imitari
chori magistros, qui tonum legiti-
mum excedere solent, vt alij con-
gruum arriperent. Quod enim exce-
dit modum, tametsi vitiosum est, ta-
men ad excitandam aliorum socor-
diam conducibile est. Ita pallium ac
dolum Diogenis diuitibus suas de-
licias exprobrabāt. Laert. lib. 2. cap. 8.

Theopompus.

Suprà de Ambitione.

M. Cato.

Qui magistratum eundè frequen-
ter ambirent, dicebat velut ignaros
viæ, ne aberrarent, lictores qui præ-
cederent semper quærere. Solebāt e-
nim lictores præire, non vt viam o-
stenderent, sed honoris gratia. Vo-
luit autem indicare vir prudentissi-
mus, modum etiam in petendo ma-
gistratu obseruari oportere. Erasim.
lib. 5. apoph.

De molestia.

Socrates.

* Interrogatus quomodo quis sine molestia vitam ageret? negavit id villo modo fieri posse. Non enim licet, dixit, ciuitatem aut domum inhabitanti & cum hominibus versanti, sine molestiis degere. Stob. sermone 97.

Idem.

* Interrogatus quid bonis molestum esset? respondit, Prosperitas impiorum. Anton. & Max. serm. de Dolore.

De mollitie.

Bion.

C Vidam obiiicienti, quod adolescentem quendam ad se nō pellexisset: Tenellus, inquit, caseus non attrahitur hamo. Significans, pueros delicatos non esse ad philosophiam accommodos. Laert. lib. 4. cap. 7.

Zeno.

Cum mollis adolescens lutosam viam lentè seignitèrque transcendere: Meritò, inquit, suspectum habet lutum, non enim in illo, veluti in speculo licet se intueri. Laert.

Plato.

Discipulo nimium effœminato molli, curandæque cuti deditissimo subridens, Quousque, ait, tibi carcerem ædificare perges? Stob.

Diogenes.

Suprà de Generatione.

Idem.

Videns adolescentem quempiam sese ornantem molliter: Si ad viros, inquit, frustra: si ad fœminas iniuste, Laert. lib. 6.

Idem.

Diogeni Cynico cum à compione adolescente ac molli proposita esset quaestio, vt eius nodum solueret: Non tibi prius respondendum esse puto, inquit Diogenes, quam sublatis vestibus ostenderis, vtrum vir sis, an fœmina. Notauit autem ex cultu virili hominis molliuē. Laert. lib. 6.

Idem.

Quum adolescentuli circumstantes Diogenem acclamassent, Canis, canis, at mox territi fugere cœpissent, rogatique cur fugerent, dixissent, ne mordeas nos canis: Bono, inquit Diogenes, animo sitis, filioli, canis non edit betas. Te & illis exprobrans molliciem Laert. lib. 6.

Idem.

Speusippus quum vehiculo ferretur in Academiam, obuium habuit Diogenem: cui cum Salue dixisset: At tu, inquit nequaquam salue, quia eiusinodi cum sis, non diu viuere cupis. Notauit autem molliciem hominis, quæ plerunque multorum morborū causa est, vt labor & exercitium sanitatis. Laert.

Arceſſaus.

Diuitem quendam immodicè mollem ac delicatum, capillitio arte composito, oculis volubilibus ac lubricis, quum is aliqui castus & integer haberetur, ita perstrinxit. Quid refert, inquit, aduersi an auersi cinæditis? Sensit autem, mentis integritati corporis etiam habitum & cultum oportere congruere. Laert. li. 4.

Anonymus.

Sybarita quidam iter faciens per agros, quum videret quosdam foedientes, dixit, se spectando illos foedientes rupturam capere. Adhanc vocem

vocem auditam quidam ita respondit: At mihi te audienti latus dolet. Tanta erat Sybaritarum mollities, ut nullum opificium in ciuitatem admitteret, quod cum strepitu exerceretur, quod genus sunt fabrorum ferrariorum & lignariorum. Atque adeo ne gallum quidem gallinaceum in ciuitate fas erat alere, ne quid esset quod illis somnum interrumperet. Iocus autem in hoc erat, quod agricola probabilius dixit, sibi ex tam stulta voce dolere latera, quam Sybarita dixerat, se ex fossorum ligone sentire rapturam. Latera dolent loquenti, non audienti: & rapturam patitur grauiter laborans non spectator. Athenæus lib. 12.

Cleomenes.

Nicagoras Messanus, quum in Ægyptum venales equos optimosque adduxisset, factus obuiam Cleomeni Lacedæmonio, antè sibi cognito salute data, interrogauit: Cur in Ægyptum profectus esset? Quum ille equos optimos, belloque idoneos se adduxisse, responderet: subridens Cleomenes, Mallem (inquit) mimos & cynædos adduxisses. Notauit autem eo dictorio Prolemæum, qui mollis & effæminatus inter mulieres vivebat. Plut.

Anonymus.

Recitanti quod scripsit Pindarus, Græciæ fulcimentum esse Athenas, Lacon dixit: ruituram Græciam, si tali fultura niteretur. Taxauit Atheniensem mollitiem, quæ poetæ elogio non responderet: aut certè poetæ vanitatem, qui tali præconio celebrasset indignos. Plut. in Lacon.

Demonax.

Proconsul Cynicum quendam, à quo publicè erat proscissus ob molitiam, ad supplicium abripi iussit.

Huic deprecator erat Demonax, dicens, homini ignoscendum esse ob sectæ vitium. At cum proconsul non denegaret veniam, rogat tamen quo afficiendus sit supplicio, si in eodem peccato porro deprehenderetur? Demonax, hominem totum inungi, ac forcipe velli oportere, pronuntiabat. Notans libertatem castigandi in Cynico, & mollitiem accusari, vnguētis enim semper delectabatur. Eras. lib. 8. apoph.

Hu cognata sunt apophthegmata de Vnguētis & Ignauia.

De Monitione.

Vide Admonitio, Castigatio, Reprehensio, &c.

De Monarchia.

Alexander.

Darius obtulit has condiciones Alexandro, ut ab ipso acciperet talentorum decem millia, & insuper Asiam secum ex æquo partiretur. Id cum recusaret Alexander, Ego, inquit Parmenio, accepissem, si Alexāder essem: Et ego, inquit Alexander, si Parmenio essem: Dario autem hunc in modum respondit: Neque terram duos soles, neque Asiam duos reges ferre posse. Et hic animi celsitudinem probare possis, nisi dictum impotentiam quandam dominandi saperet. Sic Plutarchus in apophthegmat. regum & imperatorum. Verum hoc paulo aliter recitat Serinus in Commentariis, cuius hæc sunt verba: Cum Lydis Cræsus imperaret, fratrem in consortium imperij assumpsit: tum quidam

li ij

ex Lydis accedens, dixit, Omnium in terra bonorum, ô rex, maximum est sol: neque quicquam extaret in terra, sole non illustrante. At si gemini soles forent, periculum immineret, ne omnia conflagrantia pessum irêt. Ita & regem vnum quidem accipiunt Lydi, & seruatore esse credunt: duos verò simul tolerare non possunt, &c. Stob. ser. 45.

Socrates.

* Ei qui anima nesciret vti dicebat melius esse vt seruus vitam duceret quam liber. Esse autem hoc animi, tanquam naui, gubernaculum tradendum alteri cuiuspiam, qui didicerit gubernandi homines artem, quam ciuilem quoque, & iudicalem, & iustitiam, vt est, sæpius appellabat. Stob. serm. eod.

De morbis animi.

Democritus.

Dicere solebat, si corpus animi in ius vocaret, haudquaquam futurum vt ille muneris male administrati crimen effugeret. Animus in corpore veluti præsidio collocatus est, & tamen pleraque mala corpori ab animo veniunt.

Anonymus.

Chrysippi discipulus medicus non ignobilis, Antigoni regis amicum quendam ex nimia intemperantia morbo laborantem, negauit posse sanari, quumque alter medicus Epirotes Philippus, se sanaturum polliceretur, respondit, illum ad morbum ægri respicere, se autem ad animum. ex Cels. lib. 3.

De morbis corporis.

Socrates.

* Interrogatus, quid morbus esset? respondit, Perturbatio corporis. Stobæus, serm. 98.

Plato.

Dicere solebat, si me interrogares, quo præsentem vel absentem melius habeant corpora? responderem vtique, sanitate præsentem morbo remoto. Ficin. lib. 5. de hominis natura.

Philotimus.

Empyone quodam grauiter excinore laborante atque exulceratum digitum ostendente? O bone, inquit, vir, tantumne tibi superest otij vt de vngularum vlcere sollicitus sis? Plut.

Alcmaeon.

* Rogatus, unde morbi accideret? respondit, alios ob efficientem causam, propter excessum caloris aut sic citatis: alios materialem ob causam, abundante aut deficiente alimento alios veluti in aliquibus vasis, vt in sanguine, medulla, aut cerebro: aliquando autem ab externis causis nasci, propter quasdam aquas, regionem, lassitudinem, rerum penuriam, aut his similia. Stob. ser. 98.

Diogenes.

Earum domorum, in quibus reperitur copia alimentorum, multos esse mures & feles: sic etiam corpora quæ multum cibi caperent, multos quoque morbos aspicere dicebat. Stob. ser. de Intemperantia.

Anisphon.

* Dicebat morbum esse timidus & ignauis loco festi: quippe qui ægrotautes ad laborem prodire non cogantur. Stob. serm. 8.

Ion sophista.

Dicebat, rem morosam esse ægro-
tationem. Nam ægrotis & vxor mo-
lesta est, & medicum incusant, & le-
ctulum molestè ferunt. Ex amicis au-
tem, & qui accedit grauis est: & qui
discedit, molestus. Sic animus ægro-
tus & lætis & tritibus offenditur.
Philosstratus.

Epaminondas.

Tempore belli Leucrici, quò ac-
cepisset quendam strenuum virum
periisse morbo, per iocū dixisse fer-
tur: Vnde fuit illi moriendi otium
in tantis negotiis? Frequenter autem
non minima morbi pars est, imagi-
natio morbi, metusve. Hunc lango-
rem, solet excutere negotiorum ar-
dor. Erasmi. lib. 5. apoph.

Polemon sophista.

Suprà de iocose dictis.

Cicero.

In Vatiniū, qui serophas habe-
bat in ceruice (id est morbi genus)
quum causam quandam ageret: Tu-
midum, inquit, habemus oratorem.
Asiatici autem dicti sunt tumidi. E-
ras. Rot. lib. 4. apoph.

Vide Ægrotatio, Sanitas.

De moribus.

Socrates.

Dicere solebat, Neque vinum au-
sterum aptū esse potioni, neque
mores agrestes hominum conuersa-
tioni. Stob. ser. 4. de Imprudentia.

Diogenes.

Musicos in ius vocabat, dicēs, quòd
lyræ chordas congruè aptarent, ani-
mi mores negligerent. Laert. lib. 6.

Aeschylus.

Aliquando spectans Isthmia certa-
mina, quòd alter pugilum esset cæsus,

totūque theatrum exclamaret, O,
Chium Iouem fudisti! vide, inquit,
cuiusmodi sint hominum mores: cæ-
sus filet, & spectatores vociferantur.
Solent isti ob dolorem exclamare.
Hic contrà, qui dolebat, filebat: qui
læsi non erant, exclamabant. Eras. li.
6. apoph.

Augustus Cæs.

Liuiā & Iulia Augusti Cæsaris fi-
liæ, in gladiatorum spectaculo cum
omniū formosissimæ essent, omnium
oculos in se conuertebant, comita-
tus dissimilitudine. Liuiā quippe cin-
gebant viri graues, Iuliam verò iuue-
nes lasciuientes & luxuriosi. Augu-
stus igitur pater cum hæc vidisset, in-
tellexit demum quàm diuersis mori-
bus filias haberet. Eras. lib. apoph. ex
Suet.

Alphonsus.

Cum Syracusanum quendā equi-
tem truculentis moribus, hominem
barbarum appellasset, atq; ille quòd
præclara patria Græca origine esset,
nomen barbari abhorrēs, iniquo ani-
mo ferre iniuriam videretur: Ego, in-
quit rex non à patria soleo, sed à mo-
ribus barbaros definire. Docuit autē
non ex patria vel parentibus, sed ex
moribus, ceu leonē ex vnguibus, iu-
dicandum esse. Panorm. lib. 1. de reb.
gest. Alphonsi.

De morum diuersitate.

Socrates.

Ephorus Cumæus, Theopompus
Chius, cum diuersis moribus es-
sent, Socrates de his dicere solebat,
alterū freno egere, alterum calcaribus.
Quintilianus lib. 10. cap. 1. & Ci-
cero lib. 1. de Oratore.

Aristippus.

Vterque Dionysium coluit, Ari-

stippus & Plato: sed Aristippus à deliciis aulicis, quum adessent non abstinebat. Plato, etiam inter regalem luxum, frugalitatem seruare nitebatur. Itaque quum Plato reprehenderet Aristippum, quòd adeò lautitiis indulgeret: rogauit, quid sentiret de Dionysio, num vir bonus videretur? quum respondisset, Videri bonum: Atqui ille, inquit, me multò viuere lautius. Proinde nihil verat, eundem & lautè viuere, & bene viuere. Laërt. li. 2. cap. 8.

Philippus.

Duo erant fratres, quorum alteri nomen Amphoterus, quod Græcis sonat ambo: alteri Hecateros, quod illis sonat vterque Philippus animaduertens Hecateron esse cordatum, ac gerendis rebus accomodum, contra Amphoteron ineptum ac degenerem, inuerti illis nomina, dicens Hecateron esse Amphoteron, Amphoteron autè esse Vdeteron, id est, neutrum. Significans alterum fratrum, videlicet Hecateron duorum in se virtutes complecti, alteri nihil relictum. Itaque ei qui Amphoterus dicebatur, mutauit nomen in contrarium, vt *Isidorus* diceretur, quasi nullius pretij. Plut. in apoph.

Antipater.

Dicere solebat, quum duos haberet Athenis amicos: neque Phocioni vnquam persuasisse posse, vt acciperet, neque Demadem vnquam dando expleuisse. Plut. in apoph.

De moribus in melius mutatis.

Agis.

Historici narrant, Agidem puerum in summis deliciis esse educatum,

sed simulatq. adolescens ad Reipublicæ gubernacula adnotus est, incredibili mutatione, reiectis pristinae vitæ voluptatibus, huc totum animum adiecit, vt Spartā barbarorum ac Græcorum moribus corruptissimā ad pristinam frugalitatem reuocaret: quæ res illi fuit exitij causa. Vtinam autem ceteri principes, quorum prima ætas ferè luxu deliciisque corrumpitur, saltem cum Agide tuum animum vertant ad bonam frugem, cum regni habenas accipiant. Plut. in Lacon.

Isæus sophista.

Suprà de Luxuria, luxu & voluptate.

Cleomenes.

Diutino morbo vexatus, expiatoribus ac diuinis cum auscultaret, antè non solitus id facere, quodam id admirante. Quid miraris, inquit? Nō enim idem sum nunc, qui tunc eram. Cum autem non sim idem, nec probo eadem. Elusi quidem ille instantiæ reprehensionem: verum tamen est, non eadem placere seni, quæ iuueni placuerant. Plut. in Lacon.

Idem.

Argiuis profitentibus, se prioris conflictus fortunam, in qua victi fuerant, iterato prælio sarcire velle: De miror, inquit, Cleomenes, si duarum syllabarum accessione facti estis meliores, quā eratis prius. Huius apophthegmatis argutia Latine reddi non potest. nam Græcis *μᾶλλον* pugnare est, *αὐτὰ μὲν χεῖρας* redintegrare pugnam. Inter hæc duo verba nihil interest, nisi quòd posterius superat prius duas syllabas *αὐτὰ*. Plut.

Themistocles.

Adolescens in comportionibus ac mulierum amoribus volutabatur. Ac postquam Miltiades factus imperator apud Marathonem deuicisset

cisset barbaros, iam nullus offendit illum quicquam agentem præter decorum. Percontantibus autem, cur mores tam repente mutasset? Militia (ait) nunc me non patitur cessare atque dormire. Plutarchus in Themistocle & in apoph.

De moribus mutatis in peius.

Hybreas,

EVthydamos rhetor cum aliquando ob oratoriam clarus atque uti lis Reip. esset, ad tyrannidem postea inclinabat. Eius amicus Hybreas, illo mortuo, Euthydame ait, Malum est ciuitatis pernecessarium. Nam nec tecum viuere possumus, nec sine te. Bruf. lib. 4. cap.

Theodorus Gadareus.

Tiberij in rhetoricis præceptor, animaduertens in puero sanguinariū ingenium sub specie lenitatis latitans subinde inter obiurgandum appellauit illum *παιδὸν αἷματι συμπεφυκότον*, id est, lrum sanguine inaceratum Hic initio principatus miram lenitatem præ se tulit, sed progressu temporis ad immanem crudelitatem deuenit. Bras. 6. apoph.

De morionibus ac stultis.

Fridericus imperator.

Interrogatus an moriones in conuiuium intramittendi essent? Neque stultis, inquit, delectari possum, neque superbis esse amicus. Non intelligunt hodie principes Friderici dictum, qui hac hominum facie ita

delectantur, ut omnes aulae stultorum & morionum sint plenae. Aeneas Syluius lib. 2. Comment. de rebus gestis Alphonfi.

Alphonfus.

Quancum esset liberalissimus, stultos tamen & moriones perraro admisit, huiusmodi homines cisterinae rimose per similes esse dicēs, quas ut nullus impleret imber, sic hos nulli quamuis magni prouentus rerumque compendia exsatiarent. Pontanus de liberalitate.

De morte.

Thales.

Dicebat nihil interesse inter vitam & mortem: ob id opinor, quod utraque res æque esset secundum naturam: nec mortem malam esse magis, quam natiuitatē. Cuidam verò obstrepenti, Cur igitur tu non moreris? false respondit: Ob hoc ipsum, quia nihil refert. Potius enim habetur quod accersitur. Laer. lib. 1. cap. 1. Stobæus adscribit Pyrrhoni, ser. 120.

Bias.

Cuidam mortem aduocanti in liberorum amissione: Cur homo, inquit, ipsam vocas? non etiam si non vocaueris, veniet? Maxim. sermone 36.

Idem.

Percontatus, quod genus mortis malum esset? Quod, inquit legibus constitutum est. Sensit autem vir prudentissimus, eam mortem hominibus nequaquam formidandam, quæ secundum naturæ leges inuadit mortales, sed eam potius, quam delictis turpiter & ignominiose promeriti sunt, qui debitum licitori ac car-

nici officium præstant. Maximus sermone 36. & Stobæus.

Socrates.

Critoni vehementi studio suadenti, ut si vitam ipse suam negligeret, certè liberis etiãnum paruulis, & amicis ad ipso pendentibus se seruaret incolumem: Liberi, inquit, Deo, qui mihi eos dedit, curæ erunt: amicos hinc discedens inueniam vobis aut similes, aut etiam meliores: ne vestra quidem cõsuetudine diu cariturus, quãdoquidem vos breui eodem estis commigraturi. Eras li. 3. apoph. ex Platone & Xenophonte.

Idem.

* Animaduertens amicos qui eum in carcerem, sequebantur lugere, Quid hoc est? inquit, Nonne iam dudum sciebatis me, ex quo genitus eram ab ipsa natura morti fuisse datum? Atqui bonis aduentantibus præripi è vita, mihi nimirum meisq; beneuolis lugendum foret. Si verò malis impendentibus diem obo, arbitror tanquam pro felicitate quadã à vobis omnibus esse lætandum. Xenophon in apol.

Idem.

Cuidam dicenti, Athenienses te morti adiudicaretur, Et illos, inquit, natura, Sentiens non esse magnũ malum, si quis adigatur ad mortem, paulo post moriturus, etiamsi nemo interficiat. Quanquã hoc dictũ quidam ad Anaxagoram referunt. Eras lib. 3. apoph.

Idem.

* Dicebat rectè philosophãtes mortem meditari, quæ eis minimè terribilis erat. Plato in Phædone.

Musonius.

* Scitis dictis mortem tãdã sibi & aliis proponere, quæ & hæc

occurrūt. Virtute præditi homines inquit, siquidẽ cõducat, cũ paupertate manent in viuus: Sin minus, facile emigrant, tanquã ex solenni conuẽtu ac celebri, ita etiã è vita. Non aliter quã è domo, inquit Bion, exigimur, si locator nõ accepto pretio locationis fores reuellat, regulã adimat, puteum obstruat: ita etiã hoc corpusculo relegor, quãdo quæ locauit natura oculos ademerit, aures, manus, pedes, non moror amplius. Sed sicut è conuiuio discedo, nihil indignũ sit idem è vita. Sicut bonus histrio bene prologũ, bene medium fabulæ, nec non bene etiã catastrophem agit: ita bonus vir quoq; primordia vitæ rectè, & media probè, finẽque cõgruentem his administrat. Et ut palliũ vbi detritum fuerit depono, ita non pro crastino, nec vitæ tuendæ desiderio stragor: sed & cum liceret adhuc feliciter degere, morior, &c. Stob. ser. de virtute.

Anaxagoras.

Absens morti addictus est. Id nuntianti, Iam olim inquit, istam sententiam tulit natura æquẽ in illos, atque in me. Sentiens, Athenienses non minus addictos morti, quàm esset is quem damnarent. Alii aliud mortis genus obtingit, sed omnibus eadem est moriendi necessitas. Laertius libro 2.

Idem.

* Duas esse mortis doctrinas dicebat: alteram, tempus antequam nati sumus, alteram somnum. Stob. serm. 119.

Diogenes.

Rogatus num quid mali esset mors? Quo, inquit, pacto malum, cùm præsentem non sentiamus. Quòd autem abest, nulli malum est: Dum

Dum sentit homo, viuit: nondum igitur adest mors, quæ si adsit, abest sensus. Malum autem non est, quod non sentitur. Hanc ratiocinationem quidam tribuunt Epicuro. Mors quidem mala non est, sed iter ad mortem miserum est. Id si metuiamus tota hominis vita quid aliud est, quam iter ad mortem? Laert. lib. 6.

Idem.

Ei ex vulnere humeri grauiter laboranti, vehementique dolore affecto, quidam ex amicis insulabat dicens, Quin igitur mortem obis, ô Diogenes, & te ipsum his damnis liberas? tû ipse respondit: Eos qui scirêt, quæ in vita fieri dicique conueniret, in vita manere æquum esse. In quo genere hominum seipsum etiam numerabat. Verum tibi, inquit, qui neque quid agendum, neque quid dicendum sit, noueris, opportunum moriendi tempus est. Me verò qui sciam illa, pars est in viuis agere. Ælian lib. 10. de Var. histor.

Antisthenes.

Audiēs Diogenes Antisthenē grauius ex morbo decumbere, qui amore huius vitæ morbum molestius ferebat, cū sica ad decumbentem ingressus est ad quē cū Antisthenes dixisset, Quis me his doloribus liberabit? Diogenes prolata sica, Hæc, inquit. Contra Antisthenes: Doloribus, inquit, dixi, non vita. Laert. lib. 6.

Epicurus.

Dicere solebat, contra cætera omnia aliquid tutum inueniri posse. at contra mortem omnes nos inhabitare vrbe immunitam. Maxim. serm. 36.

Idem.

*Ridiculum esse dicebat, currere ad mortem tædio vitæ: cū genere illo vitæ quod elegisti, vt currēdum

esset ad mortem effeceris. Itē, Quid tam ridiculum, inquit, quam appetere mortem, cum vitā tibi inquietam feceris metu mortis? Senec. epist. 24.

Aristippus.

Interrogatus, quomodo Socrates obisset diē? vt ego, inquit, optarim. Significans, talem mortem quamuis vita optabiliorem, nec potuit breuius facilem obitum describere. Dicti tamen argutia in hoc est, quod Philosophus aliud respōderit, quam expectabat percontator. Ille quærebat de genere mortis, morbo perisset, gladio, veneno, an præcipitiā? Ille putans id nihil referre, respondit, illum feliciter esse mortuum. Laert. lib. 2. cap. 8.

Idem.

Cū aliquando Corinthum nauigaret, & orta tempestas naufragium minaretur, expalluit: id animaduertens ē vectoribus crassus quispiam miles, ac philosophorum osor, sedata tēpestate cœpit ei insultare: Cur, inquiens, vos philosophi, qui prædicatis mortem non esse formidandā, expallescitis in discrimine, nos indocti non timemus? Quoniam, inquit Aristippus, non de pari anima tibi mihiq̃ cura ac metus est. Aul. Gellius hoc addit: Ego timeo animæ aristippi, tu non times animæ nebulonis. Rebus vilissimis minimè timeamus. vnde prouerbiū, Hydria in foribus. Hinc lusit Aristippus, illū non expalluisse, non quod esse fortior, sed quod, quum esset homo nihili, haberetq̃ animum omni virtute vacuum, minimum erat detrimenti si perisset. Vir eruditus, ac sapientia præditus non perit, nisi graui Reipublicæ dispendio. Laert. lib. 2. cap. 8.

Silenus.

A Mida captus cū esset, hoc ei pro

sua missione dedisse scribitur, Non nasci homini longè optimū est, proximum autem quāprimum mori. Cic.lib.1. Tusc.quæst.

Musonius.

Musonius interrogatus, quis optimè extremū diem claudere posset? Qui semper respondit, postremum vitæ diem sibi instare proposuerit. Max.ser.36.

Idem.

* Mortem honestam, dum licet, arripiendam esse dicebat: ne paulò post mori quidem necesse sit, & honestè non amplius liceat. Stob.ser.7.

Idem.

* Dicebat non posse qui multorū cum utilitate vixit, digna morte cadere, nisi plurimorū cum fructu & vsu etiam moreretur. Eod.ser.7.

Antiphanes.

Solitus est dicere, mortalia præcipuè hominibus cogitanda esse: quandoquidē omnibus hominibus sit moriendum. Stob.

Arctifilaus.

* Mors, inquit, quæ mali nomine censetur, hoc vnum habet peculiare ex omnibus quæ mala iudicantur, quod præsens neminem vnquam affecit molestia: absens, & dum in expectatione est, molestiam adfert. Plutarch.de consolat.ad Apol.

Theramenes.

Quum in quadam domo versatus, inde prodiiisset, illa subito lapsu corruit. Atqui cum reliqui Athenienses alij aliunde ad eum confluere, & inopinatæ salutis congratularentur, ille præter omnium opinionem respondit: Nescitis, viri, ad quænam tempora & pericula Iupiter me seruare voluerit. Intellexit vir sapiētissimus, se à mortis improbitate nequaquam tutum esse: quæ licet conuiueat in

summo vitæ periculo, attamen paulo post cumulatīs malis hominē arripuit in portu quasi nauigantē. Nec seipsum quidam fefelicit: nā non multo post à triginta tyrannis de medio sublatus est, cicutam bibere coactus: nempe qui ex ruinis domus liberatus, veneno turpiter perire coactus est. Ælia.9.de Var.hist.

Ægyptij.

Olim in diuitum epulis apud Ægyptios, vnus cadauer ligneum, sed quam proximè ad verum effictū, ostendebat singulis dicens: In hunc intuens pota, & oblecta te, talis post mortē futurus. Dubites, quo animo id fecerint virū vt moderatius fruerentur voluptatibus, conditionis suæ memores, an audius, vtpote mox abituris. Herodot.lib.3. Plutarch.

Secundus philosophus.

Ab Adriano imperatore Secundus philosophus interrogatus quid esset mors? respondit, Æternus somnus, dissolutio corporū, diuitum pauor, pauperum desiderium, inuitabilis euentus, incerta peregrinatio, latro hominis, somni pater, fuga vitæ, viuorum discessio, resolutio omnium. Laërtius.

Pyrro.

Aiebat, nihil interesse inter vitam & mortem. Et cū quidā ad eum diceret, Cur igitur tu non moreris? Quia nihil interest, respōdit. Stob.ser.120.

Heraclitus.

* Mortem in omnibus hominibus perpetuò latere dicebat: idem enim est, inquit, viuus ac mortuus, vigilās & dormiens, adolescēs & decrepitus: quia hæc in illa, viscis inque mutantur. Plut.de Consolat.ad Apoll.

Anonymus.

Lacon' quidam ad Rhodium Diagoram, qui in Olympiis & filiis, & ex filio

ex filio filiâque nepotes vidisset coronari: Morere, inquit, Diagora, nam in Olympum ascendes, sentiens, tum optimū exire de vita, quum res sunt prosperime. Ita Plut. in Vitis. Meminir & Cicero in Tusculan. quæst. lib. 1. Lepos est in ambiguo. nam Olympus mons est, in quo singulis lustris peragebantur Olympica certamina: & pro cælo accipitur. Plut. in Laco.

Anaxagoras.

* Cū rerū naturalium causas autoribus explicaret, intē que differendū de filij morte nunciū sermone cuiusdam acciperet, paululu oratione inhibita, dixit iis qui vna aderant, sciebam filium me genuisse mortalem. Plut. de consolat. ad Apoll.

Xenophon.

† Ei sacrificanti quū nuntiātū esset Grylli filii in pugna periisse, serū capiti detraxit, & quæsiuit quonā modo cæcidisset: cūq; respondere tur, eum generosē fortiterq. præ cæteris præliantem, multis hostiū interfecit oecubuisse, ex quo admodum temporis sumpto intervallo, dum ratione motū animi cōpesceret, rursus imposita capiti corona reliquum sacrificium absoluit, nunciisq. respondit, Non vt immortalē aut longævū filium meum redderēt à diis postulavi (cū incertum sit an hoc expediat) sed vt probum ac patriæ amantem: cuius quidem voti nunc sum factus particeps Plutarch. eod. lib.

Lochadus.

Cuidam nuntiantī quod ē filiis ipsius alter interfisset: Olim sciebam, inquit, illi moriēdum esse: Nihil illi visum est novæ rei, si mortalis natus moreretur: nec magni referre, paulo serius an citius vita decederet, cui omino breui foret decedēdum. Plut. in Lacon.

Cicero.

Audito falso rumore de Vatinij morte, quum Quinium libertum eius interrogasset, Rectēne omnia? atque ille respondisset. Rectē. Mortuus est, inquit? Significans, non omnia rectē habere, si ille viveret. Erasmi. lib. 4. apoph.

Iul. Cæs.

Quum inter cœnandum ortus esset sermo, quod genus mortis esset optimum? inconstanter respondit, Inopinatum, & quod optimum iudicavit, ipsi contigit. Plut. in apoph.

Seneca.

* Tantam quorundam hominum imprudentiam esse dicebat, imò demeritiam, vt quodam timore mortis ad mortem cogerentur. Epist. 24. ad Lucill.

Quintilius Plantianus.

Cū iam grandis natu viveret ruri, nec quicquam quæreret aut faceret curiosius, attamen à Severo infidiis circumventus, vt ad mortem raperetur, paulo antequā moreretur, postulavit, vt ea quæ ad sepulturam suam iamdudum comparauerat, ad se perferretur. Quæ postquam vidit vetustate consumpta: Quid hoc rei est, inquit? Itāne cunctati sumus? Deinde facto sacrificio, Idem, inquit, peto à Diis immortalibus, quod Adriano Seuerianus optavit. itaque interiit. Xiphilinus in Seuerio.

Hormisdas.

Constantius imperator, cū Hormisdæ Persæ vrbis Romæ magnitudinem atq. hominum ædificiorūque magnificentiam ostendisset, peteretque vt quid de ea sentiret, paucis enuntiaret, respondit, ex tanta re, quanta ei ostēdebatur, nihil eū delectasse magis, neq. esse ex quo maio-

rem fructum consequi posset, quàm quòd ex iis quæ videret verum esse cõprehenderet. In vrbe quoque Roma, quanquam amplitudine opibûsque alias antecederet vrbes, tamen, sicut in cæteris orbis terrarum locis, homines etiam mori. Breui responso rerum humanarum vanitatem ostendens. Fulgos. lib. 7. cap. 2. ex Am. Marcellino.

Fridericus imp.

Iis principibus qui immites & erudeles erga suos fuissent, mortem nimis extrinsecãdam esse dicebat. Nam quales se dum vixerunt, aliis præstiteret, tales, cùm moriantur, in se iudices inuenturos esse. Ostendere autem voluit, iis mortem esse amarã, qui mala antea vitæ conscientia premuntur. Æneas Sylu. libro 2. commentarior. de rebus gestis Alphonfi.

Messodanus.

Iam senex, cùm ab amico in crastinum vocaretur conuiuium, Cur me vocas in crastinum, inquit, qui à multis annis crastinum non habui, sed mortis aduẽtum in singulos dies expectaui: quæ nobis nunquam non infidiatur donec nos incautos etiam interdum opprimat? Guido Bituric. ex hist. Eccl.

D. Hieronymus.

Edicere & scribere solebat, ab eo omnia facillè contemni, qui assidue se moriturum cogitauerit. Paucis verbis humanæ vitæ fragilitatem ostendens. Fulgos. lib. 7. cap. 2.

Alphonfus.

Interrogatus, quæ res reges ac priuatos, diuites ac pauperes claros & obscuros, denique omnes prorsus exæquaret, respondit, cinis. Indicans, post mortem, regis à priuato, diuitis à paupere, formosi ab infor-

mi, personam nequaquam discrepare. quis enim ex cineribus aut ossibus humanis terra erutis differentiã vllam videre potest? li. 4. de reb. gest. Alphonfi.

De morte contemnenda.

Chilon.

Dicere solitus est, ita esse contemnendam mortem, vt nihilo secius curam habeas incolumitatis. Non enim est fortitudinis, sed amenitiæ, semet temerè in vitæ discrimen coniicere: sed quoties aut ineuitabilis necessitas vrget, aut grauis honestaque causa suadet, mortem contemnere, fortis animi est. In morbo non est metuenda mors, sed interim adhibenda curatio mediocris. In bello sumendus est animus ad mortem paratus, sed interim fortiter pugnandum est pro victoria. Ausonij carmen sic legendum arbitror.

Vive memor mortis, ut sis & memor salutis.

Potest autem & hic accipi sensus: Haftenus memineris te moriturum, vt abstineas à vitiis, curisque superuacaneis: sed interim perinde quasi diu victurus sis, ea cures quæ ad honestam beatamque vitam pertinent. Multos mortis consideratio deterret ab honestis actionibus, contra obliuio mortis multos inuitat ad licentius peccandum. Potest & sic intelligi: Ne sic metuas mortem, vt viuas anxius ac tristis, sed vitæ spes mortis horrorem temperet. Hunc sensum indicat carmen quod sequitur:

Tristitia cuncta recuperans aut animo, aut amico.

Hæc vita præterquam quòd multis miseriis exposita est, nihil habet tristius

tristius, quàm quòd mortem habet
certissimam diem mortis incertissi-
mum. Sed omnia superanda sunt, aut
animi fortitudine, aut amicorum al-
loquiis. Nullum enim in dolore re-
mediù præsentiùs, quàm curas æstus-
que animi in amicorum sinum effun-
dere, quorum & consolatio & com-
munis dolor maximam mali partem
tollit. Chilonis porro dictum extat
apud Laërt. lib. 7. cap. 4.

Bion.

Conspecto ense proieccto dixit:
Quis te perdidit aut quem tu? Anto.
part. 1. Melis. ser. 58.

Diogenes.

Lugente quodam, quòd in peregri-
na terra moriturus esset dixit: Quid
luges, ô stulte? Undecunque eadem
est via ad sepulchrum. Ant. in Melis.
part. 1. serm. 58.

Idem.

Cùm Speusippus, paralyti resolu-
tus, vehiculo deportaretur in acade-
miam, ac Diogeni fortè obuiò dixit:
Quid respondit, At non tu sanè,
qui cùm ad istù sis affectus modum,
fultineas viuere. sentiens, esse veri
philosophi, sponte mortem asciscere
posteaquam desit esse vsui ad vitam
humanam. Idque fecit postea Speu-
sippus. Eras. lib. 3. apoph.

Socrates.

Decrepitam agens vitam, in mor-
bum cùm incidisset, & quidā interro-
garet, quomodo sese haberet? Rectè
inquit, vtroque modo. Nam si fuero
superstes, plures æmulatores habe-
bo. Sin vitam excessero, plures lauda-
tores. Alian. lib. 2. de Var. hist.

Idem.

Quodam dicente, Athenienses te
morte efficiendum decreuerunt: Et
antè eos, inquit, natura. Maximus ser-
mon. 36.

Idem.

Audiens se morte mulctatum, Ma-
gna me spes, inquit, tenet, Iudices, be-
ne mihi euenire, quòd mittar ad mor-
tem. Sed tempus est iam hinc abire
me, vt moriar: vos, vt vitam agatis.
Cic. lib. 1. Tusc. quæst..

Idem.

* Ad suos iudices conuersus, Mor-
tem, inquit, metuere, aliud nihil est,
quàm falsò putare se esse sapientem,
Qui enim mortem metuit, videtur i-
gnorare quid scit, &c. Plato in Apo-
logia.

Idem.

Iam ad mortē damnatus ab Athe-
nienensibus, cùm forti & constanti vul-
tu potionem veneni è manibus car-
nificis accepisset: admoto iam labris
poculo, vxori Xantippe inter fletum
& lamentationem vociferanti, inno-
centem eum perimi: Quid ergo, in-
quit Socrates, nocenti mihi mori sa-
tius esse duxisti? O immensam illam
sapientiā ac constantiam, quæ in ipso
quidem vitæ excessu obliuisci sui po-
tuit. Laërt. in vita Socratis. Val. Max.
lib. 7. cap. 2. Xenophon in Apologia
pro Socrate, Stob. ser. 1.

Idem.

Carceris ministrum porrigentem
in poculo cicutā, interrogauit, quo-
modo sumendum esset hoc pharma-
cum, quòd eius artis esset peritus, al-
ludens ad ægrotos, qui à medicis di-
scunt, quando & quomodo oporteat
sumere, quod ab illis temperatū est.
cùmque puer respondisset semel to-
tum haurièdum, si posset: deinde tan-
tis perambulandum, donec senti-
ret grauedinem in cruribus: post in
lecto decumbendum supino corpo-
re, ibi pharmacū effecturū quod so-
let. Socrates rogauit, liceretne inde
aliquid libare (quòd in conuiujs mos

fit effusa vini potiuncula, nominatim alicui deo libare) minister respondit se tantum miscuisse, quantum opus esset, hoc sermone innuens, nihil esse quod effunderetur. Tum Socrates: Sed & fas est. & oportet orare deos, ut felix faustaque sit hæc mea migratio. Eras. lib. 3. apoph.

Idem.

Puero illi regente, quod iam frigerent præcordia, ad Critonem adstantem conuersus, Debemus, inquit, ô Crito, galli Æsculapio, quem persolvere ne neglexeris, perinde quasi sumpta potione medica conualuisset. Nam Crito hoc summis viribus egerat, ut Socrates vitæ suæ consuleret. Adeo inerat illi viro natiua quædã vis vrbانيتatis, ut iroriens etiam iocaretur. Nam hanc ferunt illi fuisse supremam vocem. Ibid.

Plato.

Medicus Platoni consilium dabat, ut relicta Academia, loco pestilentissimo, in Lyceum scholã se transferret nequaquam autem ille obtemperauit, dicens, se producendæ vitæ causa, ne in Atho quidem summitatem transmigrare velle. Ælianus lib. 9. de Varia histor.

Aristoteles.

Dicere solebat, ea quæ longissimo tractu à nobis absunt, nemo metuit. Nam, cum moriturum sese nemo ignoret, mortem tamen quam prope esse non suspicamur, minimè expauescimus. Stob.

Zaleucus.

*Proœmio legum suarum Locre sibus latarum scitu digna hæc apposit, Morituros omnes, iniuriarum quas commiserunt memores, poenitentia inuadit, & vehemens cupiditas qua vellent exactam sibi vitam omnem fuisse iustam. Quamobrem sin-

gulos oportet semper in singulis actionibus illud tempus adeo suis cogitationibus familiare facere, ac si præsens esset. Ita enim maxime honesti iustique cura vrgebit. Sto. ser. 42.

Idem

Dicebat sæpenumero, è vita migrare esse optimum, veluti è conuiuio, non sitibundum nec temulentum. Stob.

Democritus.

Ægrotans cum in lethargum incidisset, & postea rediisset ad se: Non me decipiet, dixit amor vitæ, & seipsum è vita eduxit. Ant. in Melissa, part. 1. serm. 58.

Idem.

* Mortem ideo contemnendam esse dicebat, quod frustra vitetur. Dum enim, inquit, mortem homines fugiunt sequuntur ipsam. Stob. ser. 4.

Aristippus.

Cum nauis uetus Aristippus, procellis impetentibus supra modum perturbaretur, quidam ex iis qui simul nauigabant: Numve, inquit, etiã tu metu percelleris, quemadmodum vulgus? tum ille: Prorsus, ait, neque iniuria. Vobis enim de vita scelerosa infelicique labor est, & præsens periculum: mihi verò de felicitate & beatitudine. Ælianus lib. 9. de Varia histor.

Aristides philos.

Interrogatus, quatenus deceat hominem vivere? Tantisper, ait, dum deprehendat emori præstare, quam in tot calamitatibus vivere. Stob.

Aristides L. crentis.

Morsus à mustella Tartesia, iam moriens dixisse fertur, multo sibi inuicendiorē mortem futuram fuisse si vel ex leonis, vel ex pardalis morsu obtegisset (quandoquidem necesse fuerit aliquando mortis occasionem

nem existeret) quàm ab eiusmodi cõ-
tempta bestiola. Vnde apparet eum
acerbius ignominiam morsus, quàm
ipsam mortem tulisse. Ælian. lib. 14.
de Var. hist.

Anaxarchus.

*Dicente ei Alexandro, suspen-
dam te: Minare his, inquit, è vulgo:
mea autem nihil interest, super terrâ
ne an infra terram computrescam.
Stob. ser. 7.

Epictetus.

Dicere solebat, magis necessariũ
esse animæ quàm corpori mederi,
quum præstet mori, quàm malè viue-
re. Anton. in Melissa, par. 1. ser. 58.

Æschines.

Mortem nequaquam terribilem,
sed violentâ affectionem circa mor-
tē horrendâ esse dicebat. Sto. ser. 117.

Idem.

Gloriosè mori summam felicita-
tem esse dicebat, cum omnibus ex
æquo sit fatalis. Stob. ser. eod.

Epicharmus.

Emori nolo, inquit, sed me esse
mortuum nihil æstimo. Cicer. lib. 1.
Tusc. quæst.

Theodoricus Macedo.

Audiens Lyfimachum mortem si-
bi minitantem crudelissimam: Hæc
inquit, aulicis tuis potius minitare
Ego enim parum curo, humine, an
sublime in cruce putrescam. Cicero
lib. 1. Tusc. quæst. Valerius Maximus
lib. 6. cap. 2. Seneca de Tranquillitate
vitæ, cap. 14.

Gorgias.

Rogatus, an libenter obiret: Mini-
mè, inquit, sed ex hoc domicilio pu-
trescente libenter ab eo. Bruto. Stob.
serm. 117.

Theodorus philosophus.

*Lyfimacho tyranno minitante ei
nece, non deprecatus est, sed mor-

tem contemnēs, Ignorabam, inquit,
te non regis, sed cicutæ vim habere,
Stob. ser. 2.

Demosthenes.

Dum pro Atheniensibus & liber-
tate verba faceret, & Philippus dice-
ret, Num times ne caput abste auferri
præcipiam? Non, inquit, nam et si ipsũ
loco moueris, patria immortalitate
donabit, Stob.

Coriscus.

Admodum senex, cum difficili ad-
modum morbo liberatus esset: Apa-
ge, inquit, quàm molestè reuersus
sum, iam aliquantulum vitæ progres-
sus, quam ingredi omnino necesse
est. Max. ser. 4.

Agis.

Interrogatus, quo pacto quis liber-
tatem suam tueri possit? Si mortem,
inquit, contempserit. Hic metus, qui
cadere dicitur in constantem virum,
multos deterret à pulcherrimis faci-
noribus: hoc qui caret, potest ubi-
que quod rectum est sequi, nec est
quòd timeat improbos: qui vt extre-
ma moliantur, nihil aliud possunt,
quàm occidere, Plut. in Lacon.

Idem.

Idè per insidias captus ac præter
meritum ab Ephoris condemnatus,
quum ad laqueum duceretur, conspi-
ceretque quendam ex lictoribus flen-
tem, ob indignitatem rei, cuius coge-
batur esse minister: Desine, inquit, ô
homo, vicem meam flere. Nâ sic mor-
iens præter ius & æquum, melior fe-
liciorque sum his qui me occidunt.
Hæc loquutus, vltro collum laqueo
induit. Quo nemo Stoicorum docuit
quid fortius, hoc ille iuuenis non ver-
bis, sed re præstitit, felicitatē omnem
solo honesto metiēs: eosque iudicans
infeliciores, qui faciunt iniuriam,
quàm qui patiuntur. Plut.

Idem.

Cum ab Ephoro interrogaretur, num pœniteret eorum quæ gessisset, respondit, se nulla plane tangi pœnitentia consilij, cum prudentia honestoque coniuncti: tamen si non ignoraret, mortem se præmij loco relaturum. Plut. in Lacon. apoph.

Hippodamus.

Quo tempore Agis aduersus Archidamum aciem instructam habebat, simul cum Agide iussus ire Spartam, curaturus illic ea quibus erat opus: An non, inquit, honestius est vt pro Sparta fortem bonumque virum præstans, mortem oppetam? Ac post sumptis armis, stansque regi ad dextram, pugnando interiit. Consultum volebant illius senectuti, quæ viribus defecta in bello non ita multum esset habitura momenti, in patria futura nonnulli vsui (excesserat enim annum octogesimum) at ipse sibi non indulsit. Plut. in Lacon.

Astycratidas.

Infrà de patria fortiter propugnâda.

Agisilaus.

Percontanti cuidam, qua ratione sibi pararet exiniam gloriâ? Si mortem, inquit, contempseris. Nihil enim in bello præclaræ rei geret, cuius animû mortis metu occupauit. Idem affectus in omni vita mortaliû, à pulcherrimis facinoribus reuocare solet. Plut. in Lacon.

Alcámenes.

Cuidâ percontanti, quàm ob causam Spartam impauide semet exponerent periculis? Quoniam, inquit Alcámenes, pro vita timere consuefcimus, non aliorum more expauescere. significâs, moderatam vitæ curam addere calcar ad fortiter agendum immodicum mortis pauorem ab egregijs factis detertere. Plutar-

chus, in Lacon. apophtheg.

Thestámenes.

Postquam Ephori capitis sententiam in ipsum pronunciaissent, abiit ridens, rogantibus qui aderant, antiam contemneret Spartanorum leges? Nequaquam, inquit: quin gaudeo potius, quod hæc mihi multa soluenda est, cum eam nec induxerim cuiquam, nec à quopiam mutuo acceperim. Vir innocens, non accusauit patriæ suæ leges, sed hoc felicitatis esse iudicabat, quod mori iuberetur, qui neminem ad mortem adgissset, nec cuiquam deberet vitam nisi sibi. Facere mortis pœnam vocauit multam, rem atrocem molliori vocabulo signans. Iure autem cogitur soluere pecuniam, qui eam vel extorsit ab alio, vel mutuo sumpsit. Plut. in Lac. & Cic. quæst. Tusc. lib. 1.

Theramenes.

Quum iussu triginta tyrannorum Atheniensi mortis adiudicatus, porrectam veneni portionem fortiter hausisset, quod ex ea superfuerat, sic illi sit solo, vt clarum sonum ederet, redensque seruo publico, qui eam tradiderat: Critiæ, inquit propino, vide igitur, vt hoc poculum continuo ad illum perferas. Erat is Critias, è triginta tyrannis crudelissimus. Erasim. lib. 6. apophth.

Pythagoras.

* In ædibus Milonis cum familiaribus suis assidens, accidit vt ædes ex inuidia succenderentur à quodâ, qui in eum cœtum receptus non fuerat. Alij dicunt ab ipsis Crotoniatis id esse factum, metu tyrannidis. Pythagoras egressus, cum ad agrû fabis plenû peruenisset, restitit, ac dixit, Capi præstat quàm calcare: interfici quàm loqui. Et sic à persequentibus iugulatus est. Suidas.

Cleomenes.

Cleomenes.

Percontatus à quodam, cur Spartani Diis spolia hostium non etiam dicarent? respondit, Quia timidis detracta sunt. Sensit vir fortissimus, in bello fortiter occumbendum esse, potius quàm hostibus præbenda arma: cum honestè mori non solum laudabile, sed salutare etiam sit. Plutarchus in Laconicis.

Callistratidas.

Apud Arginusas, quum esset naturali pugna conficiendus, atque Hermon nauclerus diceret, bonum esse ab eo loco solvere, quòd Atheniensium triremes numero longè plures essent: Quid, inquit, tum postea? Atqui fugere ignominiosum est Spartæ, ac damnosum: contrà, manentem aut mori, aut vincere, honestissimum. Gloriam vitæ anteposuit, sed publicam gentis, non priuatam suam. Plut. in Lacon. apoph.

Idem.

Ante confictum peracto sacrificio, quum aruspex nuntiaret ex incelsis, exercitui quidem portendi victoriam, sed imperatori mortem: nihil expanefactus, Haud penes vnum (inquit) sunt res Spartæ, me siquidem mortuo, nihilo deterius habitura est patria: sed si cessero hostib⁹, aliquid decederet patriæ pro qua lubens moriar. Itaque quum Cleandrum pro se duces designassent, naualem pugnam aggressus est, ac pugnando interijt. Plut. in Lacon. apoph.

Idem.

Percontanti quam ob causam fortes viri gloriosam mortem in gloria vitæ anteponant? Quoniam, inquit, alterum naturæ proprium, alterum peculiariter suum esse ducunt. Nam naturæ beneficio viuunt & ignauissimi: at honestè mori, non contingit

nisi virtute præditis. Plut. in Lacon.

Leonidas.

Leonidam quum Ephori percontarentur, si quid præterea rei facere statuisset? Nihil aliud, inquit, quam verbottenus impediturus barbarorū transitum, sed reuera pro Græcis moriturus. Egregium imperterriti ductoris documentum, in causâ honesta piâque nec certam mortem horrescere. Plut. in Lacon.

Zeuxidamus.

Ætolo quodam dicente, quòd qui studerent probitatem cum fortitudine coniungere, iis bellum esse potius cum pace: Non per deos, inquit, sed his mors vitæ potior esse debet. Correxerat Lacon dictum Ætoli. Non enim optandum bellum: sed nec in bello nec in pacè libertatem tueri licet, nisi mortis terrorem abieceris. Plut. in Lacon.

Anonymus.

Quidam Lacòni sagitta percussus, cum animam ageret, dicebat: Non me mouet quòd morior, sed partim quòd ab inbelli sagittario, ac mulierculæ simili, partim quòd nullo facinore edito morior. Victis solet esse solatio virtute præstantis viri dextra cadere. Lacedæmonij verò, quoniâ ensibus pugnare solebant comminus, non putabant esse virtutis, procul missa sagitta quempiam interficere: quod idem possunt & feminæ. Tum iniquiore animo decedunt è vitâ, qui rectè factorum post se relinquant memoriâ. Plut. in Lacon.

Spartanus.

Insidiis circumseptus ab Iphierate Atheniensium duce quum illius milites rogarent, quid in eo rerum statu esset faciendum? Quid aliud, inquit, nisi vt vos seruemini, ego pugnando moriar? Talis erat animus Catonis

Vticensis, qui cæteris suasit vt suæ salutis consulerent, ipse spontanea morte turpem effugit seruitutem. Plut. in Lacon.

Damidas.

Cùm Philippus irrupisset in Peloponnesum, & quidam ita loqueretur, periculum est ne acerba patiantur Lacedæmonij, nisi Philippo reconcilientur: O semiviri, inquit, quid nobis poterit acerbi accidere, qui mortem contemnimus? Plutar. in Lacon. apoph.

Anonymus.

Apud Spartanos cùm mos esset, vt quod quisque posset suffurari auferret, modò in furto non deprehenderetur: puer quidam, cùm viuum vulpeculam, quam sodales erant furati, sibi ab eis traditum seruaret, venissentque qui perdiderant, inquirendi gratia, vulpeculam sub veste abditam tenebat, verùm cùm efferata bestia latus pueri vsque ad intestina corroderet, dissimulauit tacitus dolorem, ne proderet furtum. Mox verò cùm obiurgaretur à consodali bus cur fecisset: Præstabat, inquit, fortiter immori, quàm hac nota traduci, vt ob mollitiem diceret lucrifecisse vitam ignominiosam. Plut. in Lacon.

Cercidas.

* Incidens in morbum periculosissimum, libenter se moriturum esse dicebat: post mortem enim se visurum ex philosophis Pythagoram, ex historicis Hecataëum, ex poetis verò Homerum. Ælian. lib. 13. de varia hist.

Eteocles.

Suprà de Consolatione.

Pelopidas.

Pharfali congressurus cum Alexandro Pheræorum tyranno, milites

admonuerunt, duplo plus Thessalorum esse cum Alexandro, quàm ipse Thebanos haberet: Tanto, inquit, melius nobis erit, plures enim vincemus. Hoc & alteri cuidam adscribitur. Eras. lib. 5. apoph.

Item.

Ab Alexandro Pheræorum tyranno præter fœdera captus ac victus Pelopidas, conuicia congestit in fœdi fragum, vt autem iratus ille dixit, Mori properas: Admodum, inquit, quo magis in te exasperentur Thebani, tûque citius des poenas violari fœderis diis pariter atque hominibus inuisus. Eras. lib. 5. apoph. ex Plut.

Alcibiades.

Dicebat, nihil nouum esse, & Lacedæmonij intrepidè in bellis occumberent. Defugere enim eos hoc modo legum seueritatem & cruciatum, atque labores alacriter promptèque cum morte commutare. Ælian. lib. 13. de Varia histor.

Chrabrias.

Proditionis accusatus est vnà cum Iphicrate. Cùm autem ab Iphicrate obiurgaretur, quòd cùm esset in periculo, tamen ad gymnasium itaret, solitæque pranderet hora: Ergo, inquit, si quid secus de nobis statuerint Athenienses, te squalidum ac famelicum, me verò pransum ac vinctum occideant. Plut. in apoph.

Phocion.

Cum aliis bonis viris ab Atheniensibus damnatus ad mortem, cùm carnifex cicutam apportaret & bibissent omnes, solusque Phocion subisset, consumpto ab aliis veneno, peresset, negabat se daturum, nisi numerarentur duodecim drachmæ: tanti enim vniure cicuta vnciam. Phocion itaque ne per illius contentione mora fieret morti, accito ad se euidam

euidam ex amicis: Quandoquidem inquit, Athenis me mori quidē gratis licet, quæso dato huic pretium. Plut. in apoph.

Pelopidas.

Postquam Epaminondas Pelopidam liberum reduxisset, aiebat se gratiam habere Alexandro, per quē experimento comperisset, se non tantum ad bellū, sed etiam ad mortem bene animatum esse. Plutarch. in apoph.

Dionysius senior.

Infrā, de regnandilibidine.

Alexander.

Calanus ille Indicus gymnosopista cum sibiipsi manus adferre vellet, struem lignorum struxit: eamque incendens, se in ignem, contemnens mortis durum supplicium, præcipitavit, quod cum Alexander vidisset, admiratus hominis audaciam, dixisse perhibetur, Calanum potentiores se hostes bellasse ac vicisse. Alexander enim cum hominibus pugnans victor euasit, Calanus verō cum laboribus ac morte. Ælianus lib. 5. de Varia histor.

Corn. Scipio.

Cum in Africa Pompeij partes sequutus, res parum prosperē gessisset, & Hispaniam petens intellexisset nauim, qua vehebatur, ab hostibus captam, gladio præcordia sua transfuerberauit. Deinde Cæsarianis militibus quærentibus, ubi est imperator? Imperator, inquit, bene habet. Suprema vox morientis declarauit animū meliorem fortuna dignum. Appian.

Gr. Petronius.

Vnā cum naue in qua vehebatur captus, Scipioni incolumitatem pollicenti, respondit, Cæsariani milites non ab aliis accipiunt, sed præ-

stare solent salutem: quo dicto, se pugione confecit. Erasim. lib. 6. apophthegmat.

M. Cato.

Aiebat plurimum referre, vtrum quis virtutem magni æstimet, an vitam non magni faciat. Sentiens, non eos statim esse fortes, qui quouis modo vitam vel mortem contemnunt: sed qui tanti faciunt virtutem, vt huius gratia vitam alioqui charam negligant. Nam semet in vitæ discrimen conlicere, aut infeliciū est, & quos vitæ iam tæderet: aut immanium, & beluis similium. Plutarch. in Catone.

Bassus.

Si quid incommodi aut metus in morte esse diceretur ab aliis, morientis hoc vitium esse dicebat, non mortis. Mors enim nihil incommodi hominibus adfert, sed ab omnibus, incommodis ac fortunæ miseræ procellis liberat. Senec. epist. 30.

C. Mænius.

C. Mænius Augusti centurio, cum in bello ab Antonio captus esset, interrogatus ab Antonio, quomodo secum agi vellet? Occidi me iube, inquit: mori enim malo, quā tuō beneficio viuere. Appian.

Tiberius.

Audiens quendam ē reus nomine Caruiliū sibi mortem conscisse, priusquam esset damnatus, exclamauit: Caruilius me euasit. Ad eō leue supplicium esse iudicabat mortem. Sueton.

Galba.

* Pisone à Galba adoptato, conspiratione facta prætorianorū Otho Imperator salutatū est. Galbæ ad tumultum sedandum in lectica delato milites infensi occurrentes ingesserunt vulnera. Ille iugulum

offerens, Agite dum, inquit, si hoc ex Repub. est. Cruribus igitur & brachiis foedè laniatis iugulum hausit, vt crebrior fama est. Camurius xv. leuius miles. Plut. Galba.

Caius Iulius.

* Mori iussus, quod Caium Cæsarem verbis offendisset, ad necem vocatus à centurione latrunculis ludebat. Tum numeratis calculis dixit sodali, vide ne post mortem meam mentiaris te vicisse: & simul centurioni annuens, Testis, inquit, eris, vno me antecedere. Cervicem inde percussori præbuit intrepide. Seneca.

Hadrianus.

Sub mortem his versibus luisse dicitur Hadrianus imperator.

Animula, vagula, blandula,

Hospes comesque corporis,

Quæ nunc abibis in loca,

Pallidula, rigida vndula,

Nec ut soles dabis iocos?

Dion Cassius.

Seuerianus.

* Adriani iussu moriens, eò quod Commodum successorem parum prudenter designatum ab Imperatore dixisset, ignem petiit, & accenso thure: vos, inquit, dii, testes estote nihil à me morte dignum esse commissum. Tàtùm hoc precor, ne quum mori velit, posset. Dion Niceus.

Rubrius Flavius.

Cùm à Nerone defecisset, caprius abductus, & mox ad mortem datus est. verum cùm à lictore admoneretur, vt fortiter cervicem præterderet, Vtinam, ait, tu tam fortiter ferias Senec.

Anton. Pius.

Quodam die dixit amicis: Quid me fletis, ac non magis de communi

morte pestilentiaque cogitatis? Philosophia docuerat hominem & mortem contemnere, & res humanas ridere. Parantibus autem abire dixit, Si iam me dimittitis, vale vobis dico, vos præcedens. Facetè petiit ab amicis discedendi veniam, ac veluti peregrè profecturus iussit illos valere, submonens interi n fore, vt illi præcedentem sequerentur. Capitolinus.

M. Antonius.

Cleopatra metuens Antonij salutem, confugit in monumentum demissis cataractis: misitque qui dicerent, illam spontanea morte petiisse. Id credēs Antonius, & ipse sibi parans adferre vim, dixit, ô Cleopatra non doleo quod te caream, nā mox vnā futuri sumus: sed quod ego tantus imperator, fortitudine victus sum à foemina. Victum se putabat, quod illa prior spontaneæ mortis gloriam occupasset. Plutarc. id Antonio.

Pertinax imp.

Conspicatus milites prætorianos in se irruere. Me, inquit, milites si occiditis, neque ipsi rem magnam facitis, neque mihi sanè grauem homini huius ætatis & gloriæ, cùm humanæ vitæ finis aliquis sit necessarius, Non ignorauit imperator, semel esse moriendum: & sic non referre, quo mortis genere vltimum vitæ diem claudimus. Herodianus lib. 2.

Idem.

Cùm intellexisset tumultuari quosdam ob interfectum Commodum imperatorem, dixisse fertur: Si doletis Commodi mortem, nihil profecto noui fuit: quandoquidem homo natus fuerat. Herod. lib. 2.

M. auricius.

* Quū Phocæ tyranni iussu Mauricij

ricij Imperatoris quinque filij mares
spectante patre , necarentur, inuicto
animi robore hanc calamitatem per
tulit subinde hæc verba repetēs. Iu-
stus es domine , & iudicia tua iusta
sunt. Intrepidè tandē etiam ipse cer-
uicem præbuit. Cedren.

Andronicus Comnenus.

* Ab Isaacio angelo imperio euer-
sus , atque innumera ab insana plebe
mala perpeffus , tandem pedibus fu-
ne alligatis suspensus, generoso ani-
mo illata opprobria tolerabat , ac
mente integra ad confluentem tur-
bam & ferocientem conuersus, hæc
dixit. Domine, miserere mei: & quid
calamum contritum infringitis? Ni-
ceras, lib. 2.

Ignatius Martyr.

Ad bestias damnatus, cū iam ad
supplicium duceretur. Non curo, in-
quit, quo supplicij genere moriar.
Frumentum autem Dei cū sim, be-
stiarum dentibus comminui atque
subigi delector, vt panis fiam mundus
Christo, qui mihi panis est vitæ. Eu-
feb. lib. 3. cap. 36.

Anonymus.

* Quum patris mors ei significare-
tur, respondit, desine loqui blasphemias.
Nam pater meus immortalis
est, Socrat. hist. eccle.

Alphonsus.

Alphonsus Aragonum & Siciliæ
rex, quum familiares, quos ipse a-
lumnos suos appellaret, visitarer in-
firmos & ægrotantes, pro more au-
diens Gabrielem Surrentinum sua-
uissimum & splendidissimū adoles-
centem ægrotare ad mortem, homi-
nem acceffit, quem cū à mortis di-
ro aspectu abhorre intellexit: Non
est, inquit, cur tantopere mortem
timeas, quum hæc bene purèque
morientibus sit vita, æque eius vitæ

principium quæ neque doloribus
neque metu, neque inuidiæ, neque
ærumnis vllis subiecta est, &c. Anto.
Panor. de reb. gest. Alphonsi, & Æn.
Syl. de dictis eius.

De morientium moni- tis & doctrinis.

Cyrus.

* SI quæ sunt hominum dicta
memoranda, ea certè viden-
tur quæ paulò ante excessum ab hu-
ius corporis ergastulo prolata sunt.
De Cyro autem Xenophon ait eum
moribundum, quum de sua felicita-
te, deque filiis duobus pronuntiasset,
Cambysi commendasse amicos his
verbis: Te quoque, mi Cambyses,
scire velim, non aureum hoc sce-
ptrum esse, quod regnum tibi con-
seruet: sed amici fideles regibus &
verissimum & tutissimum sceptrum
sunt. Cōparandi autem hi non natura
nec vi, sed potius beneficentia. Filiis
autem, Corpus meum, ait, ô filij,
quum diem in terris supremū clau-
sero, nec in auro condite, nec in ar-
gento, nec vlla in re alia: sed terræ
quàm primū reddite. Quid enim
beatius quàm in terra abdi, quæ om-
nia præclara. bona omnia profert &
nutrit? Postrema hæc eius vox fuit,
Si benefici in amicos fueritis, etiam
in hostes vobis animaduertendi fa-
cultas erit. Valete filij clarissimi, atq;
idem matri meis verbis renuntiate.
Itidem omnes amici qui adestis &
abestis saluete. Xenophon.

Augustus Cæsar.

* Supremo die amicos percuncta-
tus est his verbis, An num vobis

videtur me mimum vitæ humanæ sat commodum egisse. Deinde adiecit hanc clausulam.

Δὲτι χρὸναι καὶ πάντας ὑμῶν μετὰ χαρᾶς κτυπῶσαι.

Vitæ tragicomædiam ita à se ætam putans vt spectatorum posteritatis plausum sibi promeruisse videretur. Sueton.

M. Antoninus Philosophus.

* Moriens risit res humanas, & mortem contemnens ad amicos conuersus dixit, Quid me fletis, & non potius de pestilentia & communi morte cogitatis? Et quum illi vellet recedere, ingemiscens ait, Si iam me dimittitis, vale vobis dico, vos præcedens. Et cum ab eo quæreretur, cui filium commendaret, ille respondit: vobis si dignus fuerit & diis immortalibus. Iulius Capitolinus.

Seneca.

* Eius nouissima verba hæc fuerunt. Turbatam Rempublicam vbi que accepi, pacatam etiam Britannis relinquo, senex & pedibus æger: firmum imperium Antoninis meis relinquens, si boni erunt: imbecillum, si mali. Tandem subiecit.

πάντα ἔργον, καὶ ἂν ἐν ἑμὶ λυσιστλή.

Id est,

Omnia fui, sed nihil prodest.

Ælius Spartan.

Phocion.

Iniuste damnatus, quid filio dici vellet percontatus respondit, Ne me mor sit iniuriæ qua ab Atheniensibus pater est affectus. Plutarch.

Socrates.

* In extremo vitæ suæ momento, has voces protulit. Scio etiam interfectores testimonio mihi futuros quod nullum vnquam hominem

læserim, sed potius operam dederim, vt discipulos meos meliores efficerem. Et ad Critonem conuersus, Liberi Deo qui mihi eos dedit curæ erunt: amicos hinc discedens inueniam vobis aut similes aut meliores, ne vestra quidem consuetudine diu cariturus, quandoquidem eodem vos breui estis commigraturi, Xenophon.

Theophrastus.

* Iam moribundus interrogatus à discipulis, num quidpiam mandare vellet, respondit, Nihil quidem quod imperaret se habere, nisi quod multa dulcia gloriæ obtentu vitæ mentiatur: nos verò quum viuere incipimus tum mori: & nihil inanius esse amore gloriæ. Deinde subiicit, sed este felices, studia ista, vel omittite, grandis enim eorum labor est: vel ea prosequimini, magnam enim gloriam pariunt. Porro maior est vitæ huius vanitas, quam vtilitas. Verum non conceditur iam vt vobis consilio adsim: vestrum iam est quid facto opus sit deliberare. Laertius.

P. Thraseas.

* Accepto mortis decreto, Heluidium & Demetrium in cubiculum inducit, porrectis vtriusque brachij venis, postquam cruorem effudit, humum super spargens, propius vocato quæstore. Libemus, inquit, Ioui liberatori. Specta iuuenis (ad Demetrium conuersus) & omen quidem Dij prohibeant: cæterum in ea tempora natus es, quibus firmare animum expedit constantibus exemplis. C. Tacitus.

Othon imp.

Iam destinata morte, Cocceium fra-

fratris filium ad se vocatum sic ad hortatus est extremis verbis : ô fili habuisse te patrum Cæsarem nec prorsus obliuiscaris, nec admodum memineris. Noluit illum prorsus obliuisci, ne desereret curam suorum, rursus noluit valde meminisse, ne mortem patris vlcisceretur. Sueton. in Othone.

Commodus.

M. Antonini filius, quum in extremis à parente moneretur, ne barbarosiam attritos sineret vires recipere: respondit. Ab incolumi quæuis paulatim negotia perfici posse, à mortuo nihil. Vera quidem sententia: sed impia vox erat, parentis extrema monita contemnens, ac morienti velut insultantis. Sex. Aurel. Victor.

D. Ambrosius.

* Quum Stilico comes & multi nobiles eum ægotantem hortarentur, vt boni publici causa vitæ spatium sibi prorogari à Demonio peteret, respondit. Non ita inter vos vixi, vt pudeat me viuere: nec timeo mortem, quoniam bonum Dominum habemus Paulum in eius vita.

Vide seq. apophthegmata de morientium monitu.

D. Bernardus.

* Egrotans, suos fratres admonuit, vt in tuto diuinæ clementiæ sinu, spei anchoram fideique suæ per inconuulsibilem charitatem firmius radicaret. Addidit. Quia non arbitror me magna vobis religionis posse relinquere exempla, tria vobis imitanda commendo quæ in studio quo cucurri me pro possibilitate mea meminî obseruasse. Minus sensui meo quàm alterius credidi. 2. Legus de sadente vindictâ nō expetui. 3. Nemini scandalū facere volui: &

si quando incidit, sed aui vt potui. Autho vitæ.

De mortis & somni cogitatione.

Socrates.

Dicere solebat, mortem esse similem profundo somno, aut diutinae peregrinationi. Somnus profundior adimit omnem sensum: & animus à corpore digressus, aliquando in suum domicilium rediturus est Eras. lib. 3. apoph.

Anaxagoras.

Aiebat, duas esse mortis doctrinas: alteram tempus, antequam nati sumus, alteram somnum. Stob.

Diogenes.

Lethali somno experrectus cum esset, ac medicus interrogaret, quidnam ageret: Rectè, inquit, habeo, Nam frater fratrem amplectitur: aludens ad Homerum, qui *δευατος & ὄππες* germanos finxit. Laertius libro 6.

Gorgias.

Iam vicinus morti, viribus deficiens, sensim in somnum delapsus iacebat. Et si quis ipsum ex familiaribus interrogaret quid ageret? respondit: Iam somnus incipit me fratri suo tradere Stob.

De morte generosa.

Anonyma.

LAcæna quædam, vt audierat filium incolumem, sed fugisse ab hostibus, scripsit illi: Malus rumor de te sparsus est: aut hunc dilue, aut ne sis. Præstabilius iudicauit mori, quàm cum ignominia viuere. Plot. in apoph. Lacæn.

Phocion.

Iam damnatus, cum videret eum lare eos qui vna morte multandietiam erant: An non, inquit, ô Tuddippe, pulchrum tibi ducis cum Phocione mortem oppetere? Alia. l. 13. de Varia hist. Plutar.

Epaminondas.

Dicere solebat pulcherrimum esse genus mortis in bello mori: quod hæc mors primum cum laude fortitudinis coniuncta sit, modò bellum geratur pro patria: deinde brevis, nò diu cruciâs hominem, aut paulatim extabefaciens. Plut. in apoph.

Idem.

Cum grauitè & ad mortem usque in clade cruentissima vulneratus esset, prostratus humi, interrogauit milites, an clypeus suus adhuc saluus esset, ut audiuit saluum, rogauit præterea, an hostes deuicti esset: cum & hoc audiisset, Nunc finis, inquit, vitæ meæ: sed melius & altius initium aduenit. Nunc Epaminondas nascitur, quia sic moritur. Valer. Max.

Idem.

Suprà de Fortitudine heroica, & militari.

De morte generosa, non deslenda.

Socrates.

Critonem orabat, ne præceptorem defunctum deploraret. Male dictum enim non solum in hoc ipso delinquere, sed etiâ animus non nihil hoc officere. Xen.

Idem.

Vxori muliebriter comploranti, dicentique, Mi vir: innocens morieris, Quid (inquit) vxor, num me nocentem mori malles? Mors honorum

ob hoc ipsum minus deslenda est, quòd præter meritum & occiduntur. bis verò deplorandi sunt, qui ob malefacta dant pœnas: sed longè miserius est, meruisse pœnas, quàm dedisse. Eras. l. 3 apoph.

Idem.

Præclarum esse dicebat, in bello fortiter occumbere. Etenim qui sic è vita migrat, funere & sepulchro magnificentiſſimo honoratur. Et siue pauper quisita decedat, laudatione non caret: siue etiam vilis quispiam & ignauus, rursus à sapientibus viris extollitur, qui non temere, sed multo tempore composita & consultà oratione egregiè laudant. Plato in Menexemo.

Polyenus.

Polyenus non dolendum esse propter mortuos dicebat: quandoquidè melius sit mori, quàm misèrè viuere. Max ser 35.

Anonyma.

Lacæna quædam quum audisset, quòd filius fortiter in prælio se gerens occubuisset: Nimirum, inquit, meus erat. Non deplorauit mortem filij, sed de virtute sibi gratulata est. Contrà, quum de altero audisset, quòd ob timiditatem prælium detrectâs, saluus esset: Nimirum, inquit, non erat meus, sentiens, non esse habendos pro liberis, qui à parentum institutione degenerassent. Plut. in Lacænarum apoph.

Alia.

Quum audisset, filium in prælio cæsum: Deponite illum, inquit, ut erat in ordine locatus, eiusque locum expleat frater. Talerobur animi, quale in paucis reperias viris. Non metuit orbitatem, modò vitæ patriæ impenderetur. Plutar. in Lacænarum apophtheg.

Alia.

Alia.

Quum in publica solenniq; pompa audisset filium in prælio quidem tulisse victoriam, sed ex vulnerum multitudine mori, coronam nõ deposuit, sed gloriã comitibus dixit: Quanto pulchrius est, amica, in acie victorẽ occumbere, quàm in Olympiis parta victoria vivere. Quantum hæc virago dissensit, à ceteris mortalibus, quibus persuasum erat, diis proximum esse, in Olympiis ferre palmam, quum ibi non ageretur certamẽ virtutis, sed artis & impendiorum: tum nihil esse terribilius morte: neque quicquam esse tanti, quod vitæ iactura sit emendum? Hæc nullam existimavit victoriæ speciosiores, quàm quæ patriæ quæreretur: nec vllum morrem optabiliorẽ, quàm quæ cum hac laude contigisset. Ibidem.

Alia.

Quum quidam sorori suæ narret, quã fortiter ipsius filius in prælio occubuisse: Quantum, inquit illa, de filio cœpi voluptatis, tantum tuum doleo vicem, qui à tam honesta societate defeceris. Ibidem.

Archileonida Brasida mater.

Post obitum filij, cum Amphipoliræ quidã venissent Spartam. eamq; inuiserent, percontata est, nũ honeste, & vt Spartano dignum erat, occubuisse? illis iuuentis virtutem amplificantibus, ac dicentibus, eum in bellicis negotiis Lacedæmoniorum omnium esse præstantissimum, respondit, O hospes, honestus quidẽ ac strenuus erat filius meus, sed multos illo præstantiores habet Lacedæmon. Plut. in Lacon. apoph.

Anonyma.

Quidam cum Lacænæ matri di-

xisset, quàm fortiter frater in bello occubuisse: Nõ pudet te, inquit, non fuisse in morte tam generosa comitem? Adeo hæc mulier non molestè mortem filij tulit, vt reprehenderet ignauiam alterius filij, qui honestam mortem subire non voluisset. Plut. in Lac. apoph.

Alia.

Lacæna quædam cum filium audisset in acie cecidisse, ait:

Plorentur timidi, mi infletus humabere nate.

Et matre hac vere dignus es, & patria.
Plutarch. in apoph. Lacæn.

Demetria.

Suprà de Generatione.

Anonyma.

Quedam filiũ, qui deserto loco fugerat, hostis crudelitatem metuens interemit dicēs: Haud meum est hoc germen, quod adeo à vita abhorret, semel admittenda. Plutar.

Gyrtias.

Cũ Acrotatus nepos in puerorũ pugna plagis ferè examinatus esset, plorantibus aliis: Tacebitis, inquit: factum enim ostendit, cuius sanguinis esset. Aludat aut Lacedæmoniorũ fortitudinẽ, qui mortẽ cõtinentes, omnib. vitæ periculis sese obiciebant. Ibidẽ.

Eadem.

Eidem cum è Creta nuntius esset allatus de morte Acrotati: Cum ad hostes, inquit, proficisceretur, nonne futurum erat, vt aut ipse moreretur, aut illos occideret? Iucundius autẽ est audire, quod mortuus est, vt & ipso & ciuitate & progenitorib. dignum erat: quàm si iners & imbellis per omne æuũ viueret. Solent auia tenerius & impotentius amare nepotes suos: quàm ipsæ matres. Et vbi nunc sunt, quæ in morte liberorum

confugiunt ad laqueum : cū Gytias nepotem & seminecem lugeri vetuerit : nec eundem flendum putarit , quod fortiter pugnas interisset ? Plut. Ibid.

Anonyma.

Quædā sepeliebat filium , ad eam cū vilis anicula accessisset , dicens , Heu fortunam ô mulier ! illa subiecit. Per Geminos (inquit) bonam equidem arbitror. Siquidem cuius gratia filium peperit videlicet ut pro Sparta moreretur , id mihi contigit. Fortissima mulier , aniculæ deplorationem vertit in gratulationem. Cic. Tusc. quæst. l. 1. Plut. in Lac. apophthegm.

M. Crassus.

Cū Publius Crassi filius fortissimè in bellò cecidisset , hostes caput iuuenis hastæ impositum gestantes , Romanis magno cum contemptu ostenderunt. Quo tam tristis spectaculo nil commotus Crassus pater , qui belli dux erat ait : Hic meus priuatus dolor est , mea hæc calamitas , cæterum publica ciuitatis salus & gloria in vestra incolumitate sita est. Plut. in Crasso.

Seneca.

Paulina vxor Senecæ , cū mariti mortem ita imminentem adeo grauiter ferret , Seneca , Caue , ait , hanc meam mortem amplius ut contumeliosam desideas , ne vel te minus amasset vel gloriæ meæ inuidisse videaris. Ex vita Senecæ.

Antigonus.

Quum renuntiatum esset , filium Alcyonæum in acie cecidisse , demisso vultu paulisper apud se cogitauit , mox erupit in hanc vocem : O Alcyonee , serius quàm oportuit vitam morte commutasti , qui tam audacter in hostes insilieris , neque tuæ

salutis , neque meorum monitorum ullam habens rationem. Putauit non esse descendendum , qui sua culpa perisset , sibi que calamitatem accersisset ex Plutare.

Gaius Iulius.

Cū patrem Valerium audisset extinctum , vocem laudatissimam sine laude usurpauit , dicens Sciebam patrem meum esse mortalem. Trebell. Pollio.

De morte suorum æquo animo ferenda.

Plato.

Dicebat , in mortem amicorum quiescendum esse , partim eo quod nondum liqueret bonum esset an malum quod accidisset : partim quod acerbè ferenti , nihil à luctu esset commodi. Tollitur enim dolor , si quis secū cōsideret , quale sit quod euenit. Laër. l. 3.

Anaxagoras.

Cū in exilio agentinuntiata esset mors filiorum , Sciebam , inquit me genuisse mortales. Laër. l. 2. c. 3. Cic. l. 3. Tusc. quæst. Ælian. l. 3. de Var. histor.

Xenophon.

Cū filium suum corruisse percepisset , ne lacrymans quidem , ait : Sciebam me genuisse mortalem. Laër. l. 2. cap. 6.

Lochades.

Nuntian i quod è filiis ipsius alter interiisset : Olim sciebam , inquit illi moriendum esse. Nihil illi visum est nouæ rei , si mortalis natus moreretur. Plutarch. in Lacon. apophthegm.

Telamon.

Telamon.

Audiens filium sibi charissimum morte surreptum esse, vultu immobili, vir aduersus omnem iniquam fortunam infractus, dixisse fertur, Bene se res habet, ego enim quem genui, moriturum sciui. Cic. l. 3. Tuscul. quæst.

Julianus.

Cum iam extremum traheret spiritum, audiens suorum lachrymas, ait, Nolite deplorare ac lugere principem iam quidem moribundum, sed cælo disque recôciliatum. Pontanus lib. 2. cap. 7. de domestica fortitudine.

De mortuis non lædendis.

Chilon.

Vt abat de mortuis malè loqui, quod ignauū videretur eos incesse lingua, qui respondere non possunt: ac turpe esset, cum umbris ac laruis luctari. Nam id est, quodammodo sepultum refodere. Laër. lib. 1. cap. 4.

Philostratus.

Ælianus sophista scripsit in Gymnidein tyrannum Hunc quum Philostratus Lemnius offendisset lugentem indignabundò & concitato similem, percontatus est, quid argumenti esset præ manibus. Scribo, inquit, Gymnoidis accusationem. Laudarem, inquit Philostratus, si viuentem accusasses. Id enim erat viro dignum, nam lacerare defunctum, cuius in promptu est. Eras. lib. 1. apoph. cap. 16.

Agessilaus.

Cum Lyfandri literas & oratione de nouandis rebus, deque mutando

reipublicæ statu, coram exercitu legere vellet, & Lyfandrum defunctū esse audiret, noluit defuncti aperire improbitatem militibus: indecorum esse putans, simultatem exercere cū sepulto. Plut. in Lacon. apoph.

Plancus.

Postquam animaduertisset, inuectiuas quasdam orationes ab Asinio Pollione scriptas esse, quas tamen ante mortē edere uollet, ne responderetur maledictis, dixisse fertur, Cum mortuis non nisi laruas luctari. Quo dicto partim repercutit illas Pollionis orationes, ut apud eruditos nihil impenduntius, teste Plin. iudicaretur: partim etiam docere voluit, mortuos ne maledictis quidem lædendos, qui iam in terra quiescant, nec audiant amplius: neque maledictis respondere possint. Plin. & Cuspin. in Consulibus.

De muliere, tū mala, tum forti, temperanti & sagace.

Crates.

Mundū muliebrē dicebat esse, quod ornat fœminam, ornat autem id, quod eam reddit compositiorem ac modestiorem. Verum id non præstat, inquit, neque smaragdus, neque purpura, sed quacunque adderent vim ac speciem honestatis ac verecundiæ. Græcis κομὴ & mundum sonat, & ornamentum. Inde κομῆν ornare. Laërtius libro 6. cap. 5.

Diogenes.

Côspicatus mulieres garrulas inter se colloquentes, Aspis, inquit, & vipera venenum mutuatur. Anton. in Melissa, part. 2. ser. 34.

Idem.

Inuitus mulierem in lectica, in secundum feram ait esse caueam. Al ludit autē ad ferociam ac rebellionem mulierum, qua adeo excellunt interdum, ut nō mulieres sint, sed in feras transmutentur, digne igitur que non vehantur lecticis, sed cathenis ligentur, quo viris sint mansuetiores. Laërt.

Sextus Philo.

* Mulierem malam, inquit, decet sigillum. Maxim. sermon. de mulieribus.

Pythagoras.

* In mulierem & in ignem incidere, æquale esse dicebat. Eodem sermone.

Solon.

* A quodam rogatus, an vxor esset ei ducenda? Si turpem duxeris, inquit, habebis poenam: si pulchram, habebis communem. Eodem sermone.

Aristippus.

* Mulierem parua, sed pulchram conspicatus: Paruum quidem pulchrum, inquit, magnum autem malum. Anton. serm. de muliere forti, &c.

Protagoras.

* Vxorem temperantem quærare iubebat nec formosiorē. Illud enim, inquit, est thesaurus qui furripi non potest, hoc autem animi opinio siue persuasio. Eodem sermone.

Philo.

* Dicebat Physicos narrare mulierem nihil aliud quàm imperfectū esse marem. Infirmiora item quodammodo esse mulierū consilia, nec extra res quæ sub sensum cadūt quic

quam posse eas comprehendere. Eodem serm.

Philonis vxor.

* In complurium foeminarum cœtu interrogata, cur sola ex omnibus aureo non vteretur ornatu? Satis, inquit, vxori magnus ornatus viri sui virtus est. Ibidem.

Pericles.

Quum deuictis Samiis Athenas reuersus, pro concione laudasset eos qui in bello ceciderant, cæteræ matronæ redeuntē concione coronis ac vittis decorarunt. Elphinice verò Cimonis soror propius accedens, dixit illi, Præclara sunt ista quæ gessisti, & coronis decoranda: qui nos tot fortibus viris spoliasti. Ad hæc aliæque conuicia nihil commotus Pericles, tantum arrisit: nec aliud respondit, quàm versiculum Archilochi.

in αἰ μὲν γὰρ γυνὴς ἰοὺς ἀνέσθιο.

id est,

Vnguento, anus cūm sis, cauto inungier.

Significans, publica negotia non esse curanda vetulæ. Tam enim hoc indecorum, quàm turpe foret eam vnguentis vti. Plutarchus in Pericle.

Aristippus.

* Mulierem os exornantem animū deformem indicare dicebat. Antonius sermone de mulieribus improbis.

Philoxenus.

Suprà de argutē dictis.

Democritus.

* Sciscitatus, cur cūm magnus esset, paruam duxisset vxorem. Ego (inquit) in malo eligendo, quod minimum erat, elegi. Eodem sermone.

Socra-

Serates.

* Dicebat, Quū diligere & appetere te dixerit mulier, tū ab illa magis metuendum tibi est quā cūm cōiuitiatur, solitus etiā est dicere, tria se mala affecutū, grāmaticā, paupertatē & perniciosam vxorē: quorū duo effugissent, perniciosam verō vxore mīnime. Adolescentulis eū de matrimonio cōsulentib⁹. Quēadmodū pisces, inquit, qui nōdum intra nassas sunt, volunt intrare, qui autem iam intus sunt volunt exigere: sic & vos ne idē vobis accadat videte. Item Xanthippen ornatā & ad spectacula euntem conspicatus: Non, inquit, vt spes, ō vxor, proficisceris, sed vt specteris. Eodem ser.

Protagoras.

* Interrogatus quā ob causam inimico filiam nuptam duxisset? Quia (inquit) nihil ei dare poteram detentius. Eod. ser.

Idem.

* Anum exornatā conspicatus: Si (inquit) viris, falleris: si sepulchro, ornata es. Ibid.

Secundus philosophus.

Interrogatus, quid esset mulier mala? respondit: Viri naufragium, domus tempestas, quietis impedimentum, vitæ captiuitas, quotidianum damnum, voluntaria pugna, sumptuosum bellum, belua cōiuga, sollicitudo confidens, leæna complectens, exornata scilia, animal malitiosum, malum necessarium. Maxim. ser. 9.

Anonymus.

Lacon quidam cūm vxorem satis pusillam duxisset, rogatus cur hoc fecisset: E malis, inquit, quod minimum est, elegi. Plutar.

Gorgo.

Dicente hospite quodā, Solæ vos Lacenæ viris impetatis: respondit,

Non vidē solæ viros parimus. Idē.

Cyperia mulieres.

Quū Cyperij aduersus Astyagem Medorum regem infelicitè pugnasent, mulieres in vrbem fugientibus obuiam ierunt ac nudatis ventribus: Quò, inquit, ignauissimi ruitis? An nescitis, vos huc iterum intrare non posse, vnde semel naturæ lege egressi fuistis? Inuerso ordine matres animant mares, quæ solent à periculis auocare. Eras. Rot. l. 6. apoph.

Alexander.

Antipater constitutus ab Alexandro Macedoniæ præfectus, quum ad Alexandrum scripsisset Olympiadis matris ineptias atque importunitates commotus Alexander, ait: Grauem pensionem pro decem mensibus, qui bus in vtero eius fuisset, matrem à se exigere. Plutarch.

M. Cato.

Illud sepe in vita se poenituisset dixit, si quid arcani fœminæ credidisset. Est quippe loquacissimum animal mulier, non facilè retinens ea quæ in aurem dicta sunt. Plutarch. in Catone.

Idem.

Obiurgans aliquādo mulierum impotentiam: Omnes, inquit, homines vxoribus dominantur, non omnibus hominibus, nobis autem vxores. Hoc modo colligens, mulieres rerum omnium esse dominas. Plut. in Ro. apoph.

Cleopatra.

Cūm Augustus Cleopatram inuideret, exigeretque ab illa rationes: Seleucus, vnus ex procuratoribus ipsius, indicauit aliquid esse subtractū ab ipsa. Illa in procuratorem insiliit, & arrepto hominis crine crebris ictibus pulsauit os. Hæc quum Augustus, ridens conatus esset inhibere, illa. An

non, inquit, permolestum est, o Cæsar, quum tu me digneris inuifere: ser uos in eos heram incusare, quod non nihil muliebriū ornamentorum subtraxerim, non ea quidem mihi, sed vt Octauiae & Liuiæ munuscula dem? Hoc commēto persuasit Cæsari, sed de vita cogitare quum mori decreuisset. Plat. in Anton.

Julia.

Julia Augusti Cæsaris filia à parēte castigata, quod cum adolefcentibus luxuriosissimis procacius ambularet, respondit: Hi mecum senes fient, licet modò sint iuuenes. Erasim. l. 4. apoph. ex Sueton.

Poppea.

Poppea, quæ postea Neronis vxor fuit, quærens sibi matrimonium, & Octauiae dissidium fieri, quod fieri non speraret incolumi Agrippina, crebris in eam criminibus vsa, & aliquando per facietas principem Neronem pupillum vocabat, qui iussis alienis obnoxius, non modò imperij, sed etiam libertatis indigeret. Tacitus.

De multiloquio.

Vide apophth. g. de Cavillitate.

De munere exiguo non contemnendo.

Aristippus.

Reprehensus à quodam, quod Socratis discipulus, contra Socratis morem pecuniam acciperet: Merito, inquit, hoc facio, num Socrati plurimi diuites amici mittebant triticum & vinum, è quibus pauca in vsus necessarios referuans, remittebat reliquum. Nimirum habebat il-

le dispensatores Atheniensium primores: ego verò Eutychidē, seruū meū emptitium. Significabat, se nihilominus contemnere pecuniam, quā Socratē: sed illi fuisse largiores amicos. Laërt. l. 2. c. 8. Hoc colore se possent & hodie quidam excusare, profitentes summum pecuniae contemptum, quum apud amicos habeant depositam pecuniam, quod olim habeant benignos peni curatores, nunc esurituros satis, si nihil sit alicubi repositum nummorum. Erasim.

Diogenes.

Cuidam exprobranti, quod à Philippo rege pallium accepisset, Homericō versiculo respondit:

Οὐ τοι δοτὸς ἐστὶν ἄνθρωπος ἐξ ἐξουσίας δόξα,
id est,

Non sunt reiicienda insignia munera diuinum.

Quod Homerus de forma corporis, quæ Deorum munus est, scripsit, hoc Diogenes detorsit ad pallium à rege datum. Laërt. l. 6.

Artaxerxes.

Artaxerxi, iam siti deficiente, Peribarzenes eunuchus, cum aliud non liceret, à rustico quopiam sordidum utrem depulit putris aquæ cotylas octo continentem. Eam aquam cum rex totam ebibisset, rogatus, Eequid illi placuisset ille potus? deos testatus est, se nunquam vinum potasse iucundius, nec vllam aquam quamuis purissimam, sibi visam suauiore. Ac post nactus eum hominem, qui eunuchus aquam dederat, è paupere diuitem fecit. Tanti refert in tempore dare minus. Erasim.

Id m.

Suprà de Agricultura & beneficentia.

De

De munerum corruptela.

Socrates.

Dicebat, Archelaum quadraginta minas in domū suam impendisse, cōducto mercede Zeaside Heracleota, qui picturis eam exornaret. in seipsum verò nihil. Et ob hanc causam multos è longinquis terræ partibus, magno studio contemplantæ domus causa venire: ipsius verò Archelai gratia, neminem in Macedoniam proficisci, nisi si quem forte persuaderet, pecuniis & muneribus inescaret: quibus tamen honesti bonique viri capi non possent. *Ælian. l. 14. de Varia hist.*

Corydus.

Cum Demosthenes ab Harpalo poculum ingens dono accepisset: Hic inquit Corydus, alios Acrocothonas, hoc est bibulos appellat, cum ipse magnam pateram attraxerit. Cothonyathus est fictilis, attrahit qui accipit donum, & attrahit vinum qui bibit. *Eras. l. 6. apoph.*

Call. ravidus.

Suprà de Hostibus non crudeliter tractandis.

Ag. filius.

Quoniam Persarum numisma sagittarium habebat insculptum, ex Asia discedens Agesilaus rex, aiebat, Se triginta sagittariorum millibus à rege Asia depelli, tot enim Daricorum aureorum millibus Athenas ac Thebas deportatis, & in plebis moderatores distributis, Timocrate effecerat, ut populus hostilem animum aduersus milites susciperet. *Plut. in Lacon. apoph.*

Cyrus iunior.

Lacedæmoniis ut secum societa-

tem inirent: potius quàm cum fratre, hac oratione sese commédauit, Aiebat sibi cor longè grāuius esse, quàm fratri: plus illo meri bibere, meliùsque ferre quàm illum. Nam illū vix in venatu posse in equo sedere, ut non excutiat: in reb. acerbis, ne in sella quidem. Sciebat enim, Lacedæmoniis inuisos esse molles ac timidos. Horrabatur insuper ut viros ad se mitterent: pollicens, se peditibus daturum equos, equitibus curas: agrum possidentibus, se daturum vicos: vicos qui haberent, eos se facturum urbium dominos, cæterum auri argentique vim tantam, ut non possent numerare, sed pendere cogerentur. Nimirum hoc erat quod dixit Artaxerxes, regalius esse addere quàm adimere. *Plutarch. in Reg. apophthegm.*

Xerxes.

Suprà de Humanitate.

Philippus.

Idem Alexandrum filium obiurgans, quod largitionibus Macedonum benevolentiam consecraretur: Quæ te malum, inquit, ratio in istam spem induxit, ut eos tibi putes fore fideles, quos pecunia corruperis? An tu id agis, ut Macedones te non regem suum, sed præbitorem putent? *Cicero lib. 1. Oficiorum. Val. Max. li. 7. c. 1.*

Idem.

Cum arcem quandam valde munitam capere destinasset, atque exploratores retulissent prorsus esse difficile, atque adeo etiam impossibile, percontatus est, num vsque adeo difficile esset ut nec asinus auro onustus posset accedere? Significans, nihil esse tam munitum, quod auro non expugnetur. Quod ipsum poetæ significarunt fabula Danaes, à Io-

ue stupratae, sed deo in aurum ver-
so. Flaccus,

Aurum per medios ire satellites

*Et perumpere a nat castra potentius
Ferro.*

Plutarchus in apoph. item Cicerō in
epist. ad Attic.

Bias.

Suprà de Beneuolentia.

Phocion.

Harpalus, ab Alexandro fugiens,
magno cum auri pondere Athenas
venit, ibique cum multis muneribus
ad se allexisset, ad Phocionem
etiam septuaginta talenta destinat.
Phocion verò ad nuncios conuersus:
Auferte isthæc (ait) hominum im-
probissimi, meoque nomine mœrorem
luctumque renuntiare Harpalo,
nisi à corrumpenda ciuitate manum
abstineat. Phocion.

C. Potitius.

Audiens Romanos acceptis mu-
neribus pristinum nomen & decus
amississe: Vtinam, inquit, ad illa tem-
pora me fortuna seruasset, & nunc es-
sem natus, quando Romani dona ac-
cipere cœpissent. Non profectò pas-
sus essem eos imperare diutius. Cic.
l. 2. Offic.

M. Cintius.

Legem cum tulisset, qua causi di-
co munera ob agendam causam per-
cipere prohibebantur: hancque rem
C. Cento molestè ferret, prodissér-
que, ac satis contumeliosè dixisset,
Quid fers Cintiole? Vt emas, inquit,
Cai, si vti velis. Quasi dixisset: Quia
accipere munera gratis prohiberis.
Bruto. l. 2. c. 1.

C. Caesar.

Sylla præturam adeptus, commi-
natus est Caesari, se sua, in illum po-
testate vsurum: Iure, inquit Caesari
ridens, tuam potestatem appellas, quā

tuo ære mercatus es. Notans Syllā,
quòd eum magistratum largitioni-
bus sibi parasset. Eras. l. 1. apoph.

Iugurtha.

Suprà de Avaritia.

Alphonsus.

Magnopere laudare solebat dictū
nescio cuius, hostibus fugientibus
pontem argenteum extruendam es-
se: quòd putaret, hostes pecunia so-
licitandos, vt ab acie discederent. E-
ras. l. 8. apoph.

De munerum contemptu.

Socrates.

Alcibiades ambitione quadam
munificus, cum plura magnā-
que munera Socrati dono misisset,
& Xantippe admiraretur donorū am-
plitudinem, eaque cuperet eum ac-
cipere, Socrates dixisse fertur: Imò
nos certemus liberalitate cum Alci-
biade, & ea quæ mittuntur ab ipso
non capiamus, quadam munificen-
tia. Aelian. l. 9. de Varia histor.

Idem.

Cum quis Socrati diceret, magnū
esse compotem eorum fieri, quæ quis
cuperet: respondit. Sed multo maius
est, ne cupere quidem ab initio. A-
elian. l. 6. de Var. hist.

Idem.

Cum Alcibiades spatiosam aream
dono offerret Socrati, in qua sibi do-
mum ædificaret: Quid, inquit, si mi-
hi calceis opus esset num corium mi-
hi dares, vnde mihi calceos confice-
rem? Et si dares, an non ipse ridicu-
lus essem si acciperem? Hæc similiter
l. 3. apoph.

Idem.

Obiurgatus ab vxore Xantippe
quod,

quòd multa missitantibus amicis, nihil acciperet, dixit: Si omnia quæ dantur, statim acciperemus, ne si peteremus quidem in posterum, vt darent, habituri essemus. Stob. serm. de Prudentia.

Idem.

Archelaus rex Socratem ad se vocarat, multa pollicens: Socrates respòdit, se nolle ad eum venire, à quo acciperet beneficia, cum illi reddere paria non posset. Hoc dictum improbat Seneca: quòd philosophus persuadens auri argentique contempum, plus dat, quàm si det aurum & argentum. Eras. Rot. lib. 3. apoph.

Idem.

Cùm Aristippus, Socratis discipulus, ex quæstu quem Socraticorum primus facere instituit, præceptoris misisset viginti minas, remisit illicò Socrates ad illum pecuniam, dicens: ipsius genium hoc nequaquam permittere. Dicebat enim Socrates, sibi peculiarem esse dæmonem, à quo prohiberetur arcano signo, si quid tentaret parum honestum. Genium autem illum, opinor fuisse rationem. Atque interini ciuilitè indicauit Aristippo, sibi non probari, quòd philosophiam doceret mercede, eoque donum ceu sacrilegio partum reiecit. Eras. lib. 3. apoph.

Aristoteles Cyren.

Oblata ab hominibus munera nò accipienda esse putauit: Et eam quidem ob causam, quòd munerum acceptorum molestias habiturus sit, vt rependat: aut si omnino non referat, in ingratitudinis reprehensionem facillimè incidat. Ælian. lib. 10. de Varia histor.

Demetrius Cynicus.

Quum Cæsar ducenta talenta ei attulisset, ridens reiecit: Si tentare,

inquit, me constituerat, toto illi fui experiendus imperio. Brus. lib. 1. cap. 9. ex Sen. de benef. lib. 7. cap. 11.

Ephialtes.

Pauperrimus fuit, attamen quum amici decem talenta ipsi dono darent, non accepit: Hæc, inquit, me cogent, siquidem reuerenter vos haberem, aliquid præter ius concedere: sin minus vos obseruarem, ingratissimum haberi. Ælian. lib. 11. de Var. hist.

Iulius Græginus.

Pecuniam ab amicis ad ludorum impensam conferentibus acceperat, sed magnam pecuniam missam à Fabio Persico non accepit. Obiurgantibus autem, quòd non accepisset: Ego, inquit, ab eo beneficium accipiam, à quo propitiationem accepturus non sum? Quinque illi Rebilis, consularis homo, eiusdem infamix maiorem summam misisset, & instaret vt acciperet, Rogo, inquit ignoscas: à Persico enim non accepi. Seneca.

Andreon.

Posteaquam à Polycrate tyranno quinque talentorum acceperat munus, insomnes duas egit noctes, indeque cogitatione sollicitus. reddidit ea, dicens: Non tanti ea sibi esse, vt tâta cura vexari vellet. Ælia. & Stob.

Lycurgus.

Suprà tit. de Integritate vitæ.

Agésilæus.

Cùm in Lydia Tissaphernen fugasset, ac quâplurimis interemptis, iam in agros regio fecisset incursionem, rex Persarum per legatos, quorum præcipuus Titraustes, ingentem pecuniarum vim vltro ad illum misit, petens vt à bello desisteret. Agésilæus præta pecunia respondit, Pæis quidem tempore Reipu-

blicæ vigere auctoritatem, ut ius habeat decernēdi, quod ad tuendam ciuitatis tranquillitatem censuerit conducere. belli verò tempore non item. Sibi verò iucundius esse, si milites suos ditet, quàm si ditescat ipse, præterea se pulcherrimum ducere, si Græci non munere caperent ab hostibus sed armis pararent spolia. Vox excellentis animi, qui non aliud virtutis præmiū ambiret, quàm gloriam: nec pacem hosti venderet, fraudato milite. Plutarch. in apoph. Lacon.

Alcemenes.

Alcemenem Telecri filium quum quidam interrogasset, Cur munera à Messeniis oblata non accepisset? respondit: Quoniam si accepissem, cum legibus pacem habere non potuissem. Quo dicto docuit, munera nequaquam esse accipienda, quæ legibus & Reipub. aliqua saltem ex parte obesse possunt. Plut. in Lacon.

Cleomenes.

Mæander Samiorum tyrannus ob incurfionem Persarum profugerat Spartam, ostenditque quantam pecuniarum vim secum apportasset, & quantum Cleomeni vellet largiri. At Cleomenes ipse quidem nihil accepit, sed veritus ne quid aliis ciuibus donaret, adiit Ephoros, dixitque, fatius esse si hospitem suum Samium & Peloponneso submonerent, ne cui Spartano persuadeat inquit, ut fiat malus. Ephori verò Cleomenis consilio parentes, eodem statim die promulgarunt edictum, ut Mæander Peloponneso decederet, Quantus in hoc homine diuitiarum cōtemptus, à quibus non secus atque à præsentissimo veneno timuit ciuibus suis, cum plerique non aliter exultarent beatas ciuitates, quàm si quàm ma-

ximè abundant opibus. Hunc Mæandrum Herodotus lib. 3. Mæandrium appellat. Plut.

Gorgo Cleomenis filia.

Quum Aristagoras Milesius Cleomenem ad bellum pro Ionibus aduersus regem Persarum suscipiendum hortaretur, magnam pecuniarum vim pollicens, quantoque magis ille recusabat, tanto plus adderet promissæ summæ: Pater, inquit, corrumpet te hic peregrinulus, ni ocyus cum ædibus extraferis. Plutarch. in apoph. Lacon.

Callicratidas.

Cum Cyrus stipendium misisset militibus, Callicratidi seorsum xenia, amicitiae monumenta: stipendium quidem accepit, xenia verò remisit. negans sibi cum ipso priuatam habendam amicitiam, sed quam haberet publicam cum Lacedæmonis omnibus, eadem illi secum quoque intercedere. Quid hoc animo incorruptius, quitorus ad Reipubl. com-moda spectabat? Idem.

Pelopidas.

Cum obiurgarent eum amici, quod pecuniariae rei ad vitam tuendam conferentis nullam curam gereret: Et, inquit, meherculè res vtilis est: verum huic Nicomedi. intento digito in hominem quendam claudum & mutilum. Ælianus lib. 11. de Variis hist. Plut.

Epaminondas.

Pauper quidem erat, sed quum Iason ei quinquaginta auri talenta mitteret: Iniuriam, inquit, mihi facis. Sed quinquaginta drachmas à me mutuatus, ut esset pro viatico, profectus est in Peloponnesum. Cum verò nuntium allatum esset, satellitem eius pecunias à captiuis capisse, Mihi, inquit, da scutum: Tu verò tibi

tibi cauponam eme, in qua viuas. Non enim vltcrius pericula subire voles, cum diues sis factus. Plut.

Idem.

Suprà de Diuitiarum contemptu.

Idem.

Cum legati venirent ferentes muna ana animo corrumpendi, ad prandium eos venire iussit prius, vt in eodem causam aduentus explicarent. Apposita est igitur mensa vilis, bibebantque vinum acidum. Subridens igitur Epaminondas, ad legatos ait: Abite, & domino vestro mea prandia narrate: quibus me contentum, non facile suis muneribus ad proditorem alliciet. Stobæus serm. de Prudentia.

Idem.

Cum Artaxerxes Persarum rex ipsi tria Daricorum millia misisset, Diomedontem Cyzicenum asperius increpauit, si tantam nauigationem suscepisset, corrupturus Epaminondam, eumque iussit hæc verba ad regem referre: Si fauet commodis Thebanorum, habiturus est Epaminondam amicum gratis: sin minus, hostem. Plut. in apoph.

Phocion.

Cum à Menillo oblatam pecuniã contempsisset, rogatus ab illo causam, cur saltem filio sumendam non permitteret? respondit. Si filius vitam morẽque composuerit, viuet ille quidem paterna hæreditate contentus: Si verò prodigus & immodestus fuerit, ne argentum quidem hoc satis futurum est. Plut.

Idem.

Alexander Macedonum rex centum talenta dono miserat Phocioni. is verò percontatus est eos qui pecuniam adferebant? Quid ita, quum essent Athenienses permulti, sibi vni

illa mitteret Alexander? Illis respondentibus. Quoniã vnum te iudicat vtrum & honestũ & bonum, Ergo finat, inquit, me talem & haberi & esse. Vt scitẽ arreptũ ab illis argumentũ torfit ad occasionẽ recusandi muneris. Iam quis hĩc non admiretur incorrupti pectoris sinceritatẽ? Pauper erat Phociõ, nec domi magnitudine quicquã mouebatur. Simul autẽ indicat, illos qui quum Rempub. administrarent, tamen à capiundis muneribus non temperant, nec bonos esse viros nec tales haberi debere. Plutarch. in apoph.

Alexander.

Ciuitas quædam vt ab armis Alexandri quietem haberet, obtulit illi partem agrorum, & præterea rerum omnium dimidium. Cui sic respondit: Hoc animo veni in Asiam, non vt acciperem quod dedissetis, sed vt vos haberetis quod reliquisset, Plut. in Alexandro.

Xenocrates.

Quum Xenocrati Chalcedonensi ingentem pecuniarum summam misisset, ex ea philosophus tres tantum minas recepit, & reliquũ referri iussit, dicens: Ipsi pluribus esse opus, qui plures aleret. Laërt. lib. 4. cap. 2. Stob. sermone 3.

Idem.

Alexander ad Xenocratem legatos misit cum aliquot talentis, quos ille in Academiam perductos parca tenuique cœna excepit. Postmodum interrogantibus, cui vellet adnumerari pecuniam? Quid, inquit, Irãne vos ex hesternæ cœnæ non intellexistis, me pecunia non indigere? Philosophus ethicus reiecit à diuissimo liberalissimoque rege vltro delatam ingentem pecuniæ summam: & nunc pro sanctis haberi volunt,

Ll ij

qui extremam professi paupertatem in tantum vt horreant etiam aerei nummi contactum, non aliter quàm viperæ, non referendis artibus veniuntur diuitum ac pauperum liberalitatem. Laert. lib. 4. cap. 2. Cicero lib. 5. Tuscul. quæst.

Dionysius senior.

Corinthiorum legati cum ad Dionysium seniore missi essent, & is pro more amplissima dona obtulisset, recusarunt plane. eo quod lex esset apud ipsos vetans ne legatione fungentes munera acciperent a principe. Quibus Dionysius respondit, Rem profecto absurdam facitis qui, quod vnum bonum habet tyrannis, hoc tollitis, dum doceris, etiam beneficium à tyrannis accipere periculosum esse. Grauem rex iudicabat contumeliam esse, oblata recusare munera, cum hac vnica re tyranni aliis se commendare possint. Plut. in apoph.

Cimon.

Quendam barbarum è Persis Athenas aiunt cum magna auri copia venisse, Cimonisque domum adiisse, & ob tutelam phialas duas, alteram Daricis, alteram argenteis plenas obtulisse. Conuersum verò ad eum Cimonem subrississe rogasseque barbarum, mercenariumne an amicum Cimonem habere vellent? cum autem respondisset, amicum: Abi igitur, inquit, tuæque isthæc tecum munera defer. Ego enim amicicia tua fretus, hisce cum opus fuerit liberaliter utar. Plut.

M. Curius.

Samnites, posteaquam à M. Curio deuicti essent, venerunt magnam ei vim auri offerentes, verum Curio cum forte ad focum sederet, & ex cado ligneo rapas comederet, Samni

tum legis respondit: Nihil opus est auro, talem cœnanti cœnam. Alij autem respondisse scribunt: Ego malo aurum habentibus imperare, quam vt alij mihi aurum accipienti imperent. Plutar. in Rom. aphoph. Plin. de Viris illustr. cap. 33. Cicer. in Catone maiore.

C. Fabricius.

Samnites cum ad C. Fabricium imperatorem populi Romani venissent, grandem offerentes pecuniam: Fabricius planas manus ab auribus ad oculos, & infra deinceps ad nares, & ad os, & ad gulam, atque inde porro ad ventrem imum deduxit, & legatis ita respondit: Dum illis omnibus membris, quæ attigi, obfistere & imperare possum, nunquā quicquam deerit. Propterea pecuniam, cum nihil mihi vsui sit, non accipiam ab iis, quibus eam vsui esse scio. Higinius lib. de vita, rebûsque illustrium virorum. Gellius lib. 1. cap. 4. & 14.

Idem.

Fabricio eū Pyrrhus pro redimendis captiuis multum auri misisset, aurum, quidem non accepit. Postridie verò Pyrrhus maximum elephantum emisit, qui ignaro Fabricio à tergo subito barriens appareret. Idem vbi factum est, respiciens Fabricius, ac ridens: Me, inquit, nec aurum heri, nec hodie belua fecit attonitum. Sensit, Pyrrhum hoc de industria egisse, vt quoniam auro bonisque verbis deliniri non poterat, immani voce beluæ terreretur. Sed expertus est Pyrrhus, animum vndeque inexpugnabilem. Plut. in apoph.

Idem.

Cynæ Pyrrhi legato, magnam auri vim dono offerenti, respondit: Scilicet malle imperare aurum habentibus, quam habere aurum. Erasmi. libro 6. apoph.

apophtheg Simile cum eo, quod Curio ab aliis attributum, paulò antè retulimus.

Cyanienſi.

M.Bruto cum tota ferè ſeſe dediſſet Luſitania, ſola vrbs Cyania pertinentiſſe arma retinuit. Verùm cum tentaretur per Bruti legatos, vt data pecunia ſe darent Bruto, Cyanienſis populus vno ore reſpondit: Sibi ferrum eſſe à maioribus relictum, quo libertatem patrie tuerentur: non aurum, non munera, quibus ab hoſte ſe redimerent. Recitat Eraſ li.8.apop.

Vide de Diuitiarum contemptu.

Spartacus.

Spartaco in Crasſum omnes morientis copias, quidam equum dono obtulit. At ille: Si vicero, inquit, plurimos ex hoſte equos habiturus ſum ſi victus fuero, nec hic mihi futurus eſt vſui: ſimulque cum diſto, equum gladio tranſuerberatum interemit. Eraſ lib.6.apop.ex Plutarcho.

Alphonſus.

Suprà de Belli ſtudio.

De mundo.

Thales.

Interrogatus, quid omnium eſſet pulcherrimum? reſpòdit, Mundus, eſt enim opus Dei, quo nihil pulchrius eſt. Eraſ 7.apop.ex Laert.lib.1.

Demonax.

Cum quidam exquirerent, an mundus eſſet animatus, & rurſus angeloſus? Vos, inquit Demonax, de mundo ſolliciti eſtis, ad veſtram ipſorum immundiciem non curatis. Anton. part.2.ſer.77.Meliſſæ.

De muſica.

Socrates.

Natuam grandior, cum inter pueros fidibus canere diſceret,

obiurgantibus reſpondit: Nequaquam abſurdum eſſe diſcere ea, quæ prius neſciuiſſet communi vitæ tam vtilia & neceſſaria eſſe. Tanti fecit muſicæ vir ſapientiſſimus, vt iam grandæuus diſcere nequaquam erubeſceret. Eraſm.lib.3.apoph.

Solon.

Cum eius nepos ex fratre inter pocula carmen quoddam Sapphus ceciniſſet, delectatus eſt illa cantilena, & iuſſit adoleſcentem vt eam ſe doceret, Cum autem quidam interrogaret, quâ ob cauſam hoc deſideraret? reſpondit, Vt poſtquam ipſam didicero moriar. Eliau de Var.hiſt.

Antiſthenes.

Quum in conuiuio quidam diceret Antiſtheni, Cane tibiis: Tu mihi eas inſta, inquit, Non recuſauit obsequium, ſi ille viciffim obſequeretur. Sed interim indicauit, non eſſe philoſopho decorum, tibiis canere. Laert. lib.6.cap.1.Bruf.lib.4.cap.17.

Stratonicus.

Aliquando trophæum quum erexiſſet, hunc inſcripſit titulum: Aduerſus malè canentes cithara. Notans, tales vbique quàm plurimos eſſe, quos ipſe viciffet. Eraſ 6.apop.ex Athen.

Ageſilaus.

Cuidam Ageſilaum roganti, quam ob cauſam Spartiatæ ad tibiârû cantum inituri prælium exercerentur? Vt quum ad numerum, inquit, incedant, appareat qui formidoſi ſint, qui fortes. Nam anapaſtorum iſtus ſtrenuus addebant animum, vehementer meticuloſis pallorem ac tremorem incutiebant. Itaque quum pes non reſponderet ad modulos tibiârû, prodebatur ignauorum imbecillitas. Magni ſiquidem refert, vt dux perſpectos habeat militum ſuorum animos, quo norit qui ſint à

prælio submoüendi, aut qui qua parte exercitus collocandi. Plut. in Lacon. apoph.

Alexander.

Quum Alexander etiamnum pubescens citharæ daret operam, & preceptor artis subinde moneret quam chordam quomodo pulsare deberet: & puer parum obsequens doctori dixisset, quid si hanc pulsarem? Citharædus lepidè respondit: Si isthuc queris, tanquam mox rex futurus, nihil refert: si ut artifex futurus, plurimum interest. Erasim. lib. 8. apoph.

Nero.

A Mathematicis audierat, fore ut aliquando deiiceretur imperio, eoque Græcum Iambicum dimetrum idem tidentem usurpabat.

τὸ τίχων πᾶσι γὰρ τέρπει:

Terra quæuis artem alit.

Putans, se tantum profecisse in arte canendi, ut etiam si exigeretur, in quavis ratione ob musicæ peritiam posset haberi in pretio. Quumque imminentibus qui illum insequerentur, de salute desperans, cogitaret sibi vim adferre, subinde dicebat: Quæ tus artifex pereō. Suetonius.

De musica contempta, & Musicis, tum peritis tum imperitis irrisis.

Antisthenes.

Quibusdam admirantibus Ismeniam, quod esset insignis tibicen: Nequam, inquit, hominem esse oportet, nam si bonæ frugis esset, non esset egregius tibicen. Iudicabat eos non posse bonos viros euadere, qui

tantum operæ eiusmodi artibus impendissent. Plut. in vita Periclis. Pontan. lib. 5. cap. 1. de Prudentia.

Atas.

Quum Ismeniam tibicinem optimum in bello coepisset, iussit illum canere, ac cæteris admirantibus, ipse iuravit per ventum acinacen, sibi iucundius esse, audire hinnitum equi. Plut. in apoph.

Ismenias.

Canebat in sacrificio, quumque non litaretur is qui conductus fuerat arreptistibiis canebat ridiculè, & hoc canente litatum est. Inculantibus autem iis qui aderant: Diuinitus, inquit, contingit venuste canere. Hic Ismenias ridens: At me (inquit) canente dii voluptate capti commorabantur: te verò festinante illos abigere, arripuerunt hostiā. Refert Plutarchus Symposiacōn libro secundo. Conductitius ille sibi laudem arrogabat, quod ipso canente litatū sit, quasi dii magis delectati sint ipsius cantu quam Ismenia. Id lepidissime retorfit Ismenias: ideo non fuisse litatum, quod dii gaudentes erudita musica, diutius amarent adesse sacrificio. At quum ille tam ridiculè caneret, quasi ltuderet deos abigere, ne vacui recederent, arripuerunt victimam.

Diogenes.

Suprà de Doctrina factis dissentanea.

Idem.

Citharædum imperitum, obesoque corpore, & ab omnibus vituperatum, solus Diogenes laudabat. Admirantibus quam ob rem id faceret: Laudo, inquit, quod quū talis sit: maluerit se cithara, quam latrocinii exercere, significans illum corpore validum, ingenio rudem, latrocinii aptiorem esse quam musicæ. Iocus est

ab inexpectato. Laert. lib. 6.

Idem.

Alterum citharœdum, quo quoties caneret, ab auditoribus deserebatur, obuium ita salutabat, Salue galile. Quum ille offensus salutationis nouitate, diceret, Quid ita? Quoniam inquit, cantu tuo excitas omnes. Iocum captauit ex ambiguitate verbi Græci. *αἰσχροπρεπὴς* enim dicitur, & qui excitat dormientem, quod solent galili gallinacci malè canentes: & qui se dentem excitat vt furgat, quod ille solebat. Laert. lib. 6.

Idem.

Cuidam iactanti musices peritiam respondit,

Ἰσχυρίζῃς γὰρ εἰς ὅσον μὲν εἰκαυῶται πόλεις, εὖ δ' οὐκ ἔστι καὶ ψαλμοὶ καὶ περιπλοκὴ.

Id est.

Prudentia res bene gubernat: te domus

Ne cantilenis, nec modis regitur probe
Eras. lib. 3. apoph.

S. tyrus.

Is egregius tibicen per sæpe Aristonis philosophi disputationibus intererat, & his quæ diceretur mirè affectus, aiebat: Cur ergo ego non ignitrado hoc telum, ad nihil vile? Subobscurè referens tibiam, & quodam modo suam artem ad philosophiæ studium comparatam extenuans, & nihil estimās. Athen. li. 3. de Var. hist.

Aristoteles.

Interrogatus, quid de musica sentiret, respondit, Iocum neq; canere, neque citharam pulsare. Sensit nimirum hoc studium parum vile hominibus esse, quod dii non etiam delectarentur. Brus. lib. 4. cap. 17.

Stratonicus.

De Phaone malo tibicine dicebat, quòd non caneret harmoniam, sed Cadmum. Phaon autem, quum se ge-

reret pro tibicine, iactaretq; se Megaris habere chorum: Nugaris, inquit, Stratonicus: nò habes, sed haberis. Significans illū discipulum esse potius quàm magistrum, aut chorum ipso doctiorem esse. Eras. lib. 6. apoph.

Idem.

Quum vidisset Propin citharœdū Rhodium, corpore quidè inagnum, sed arte pusillum, percontātibus qualis videretur? respondit prouerbiali dicto: Nullus, malus, magnus, piscis. Singulis verbis hypostigme separatis alium efficiens sensum. Athenæus. Vide prouerbium etiam apud Erasim. Nullus, magnus, &c.

Idem.

Quum in sacrificio malus quidam tibicen esset cantaturus: Bene ominandum est, inquit, libātes precentur deos. Significans, opus deorum auxilio, vt bene caneret. Athenæus.

Idem.

In citharœdum imperitum, cui nomen erat Cloon, sed vulgò dicebatur bos: Olim inquit, asinus lyra dictum est, nunc bos est ad lyram. Athenæus in Dipnos.

Idem.

Rhodi quum artis suæ specimen edidisset, neq; quisquam plausu aliòve gestu signum fauoris dedisset, abscessit illinc dicens: Quum id quod nullo constet impendio, non præstetis, quī sperem me à vobis præmiū ac cepturū? Athenæus, & Eras. li. 6. apop.

Idem.

Citharœdus quidā malus eum excipiebat cōuiuio, atq; super cœnā ostētabat illi artem suam. Erat autē apparatus splendidus. Itaq; Stratonicus quū illo canēte non haberet qui cū loqueretur, confregit poculū & poposcit mai⁹. Id quū accepisset cū multis cyathis, soli calicē ostendit, mōxq; sese

vino ingurgitauit, & obdormiuit. Quum autem fortè superuenissent aliquot commessabundi, cantori, qui conuiuium exhibebat, noti. Stratoniceus expurgatus factus est ebrius. At illi quum intellexissent, quod multum assidueque bibendo fuisset inebriatus. Stratoniceus compendio respondit: Hic insidiator & sceleratus cantor, me veluti bouem ad præseppe, dum cœnam accipit, occidit. Bonus multo cibo saginatur, priusquam mactentur. Athenæus.

Anonymus.

Xenophantus certis modis Alexandrum ad arma solebat concitare. Eam Musices vim admirantibus cunctis, quidam ait: Si tantus artifex est, incinat modulos quibus illum à bellis reuocet. Sentiens, non esse magnæ artis hominem eò percellere, quò suapte natura pronus est. Erasmi. li. 4. apoph.

Demosthenes Mitylen.

Pulsauit fores hominis musicæ ac citharæ dediti, quumque is audito pulsui iussisset illum introire: Faciam, inquit, si prius alligaris citharâ. Subnotans illum nihil aliud quam cithara canere. Plut. Symposiacion. li. 2.

Anonymus.

Citharædus quidam cum apud quempiam caneret, pollicitusque esset is apud quem cantabat, quanto melius cantaret, tanto se plura daturum quum promissa postridie reposceret, ei dulce quid occinens, subiecit, Voluptatem tibi reddo (inquit) pro voluptate. Ex Aristotelis libr. 9. Ethicorum recitat Bruson. libr. 4. capit. 17.

Anonymus.

Lacedæmonius quidam, quum super conuiuium esset illata lyra: Non est, inquit, Laconicum nugari, longè

dissentiens à cæteris Græcis, quibus nullum conuiuium suaue videbatur absque musica. Id Lacon inutile iudicabat, lauius existimans honestis ac festiuis fabulis condire compositionem, quam inani lyra strepitu. Plut in Lacon.

Agésilæus.

Rogatus, ut vellet audire quendam, qui mira similitudine lasciniae vocem imitabatur, recusauit: Frequenter (inquiens) ipsam audiui lasciniam, significans, ineptam esse voluptatem, magis delectari ipsa simulatione quam natura. Plutarchus in Lacon. apoph.

Cleomenes.

Quidam ut Cleomeni cantorem quendam commendaret, quum aliis multis nominibus prædicabat hominem, tum illud in primis affirmabat eum esse cantorem inter Græcos præstantissimum. At Cleomenes, ostenso quodam ex his qui aderant. At per deos hic, inquit, est apud me itris condiendi artifex. Contempsit autem ad solam delectationem utilem. Plut.

Demaratus.

Demaratus cum audiret cantorem quendam ostentantem artem suam, nihil aliud laudis illi tribuit, tantum ait: Mihi videtur non male nugari. Tantus erat contemptus artium: quæ licet essent operosæ, tamè solummodo delinirent aures, nullam seriam utilitatem adferrent Reip. Plutar. in Lacon. apoph.

Archidamus.

Quum quidam prædicaret citharædum, eiusque in canendo facultatem admiraretur: Heus, inquit, vir optime, quid honoris ac præmij ab te ferent boni viri, quum tanto pe-

re prædices citharædum ? Rectè taxavit nô vulgi modò, verùm & principum præpostera iudicia, qui plerunque pluris faciunt mimum aut morionem, quàm sapientem, fidique consilij virum: citharædum verò, cuius ars non Reipub. sed voluptati seruit, adeò non iudicauit prædicandum, vt nec inter bonos viros habendum duceret. Plut. in Lacon.

Idem.

Adeum qui ipsi cantorem commendare volens, dixit, Hic est bonus cantor: At apud nos, inquit, hic est bonus condimentorum artifex: perinde quasi nihil referret, vtrum quis musicorum instrumentorum sono, an obsoniis & condimentis voluptatem adferret. Apud Athenienses cantores erant in summo pretio, quò coquis non haberetur idem honos: Lacedæmoniis verò nihil placebat artium, quod ciuium animos efforminaret magis quàm ad virtutem accenderet. Plut.

Alcibiades.

Imbutus philosophiæ præceptis, voluptates ac artes indecoras aspernatus est, disciplinas liberas semper amplectebatur. Lyræ hoc argumento reiciebat, quòd vocem hominis imitaretur (ex quo colligere licet, olim qui lyra canebant, simul & voce cecinisse) plectrum, quòd habitum formamque liberalem immutaret in illiberalem, tibiæ duplici nomine damnabat: & quòd sic mutaret oris habitum, vt vix à familiarissimis agnosceretur qui caneret: & quòd homini propriam adimeret vocem, loquendique facultatem eriperet. Nemo enim potest simul & inflare tibiæ & loqui. Cantentigitur, inquit, Thebanorum filij, qui dicere nesciunt, nobis autem

Atheniensibus, vt à maioribus accepimus, gentis princeps est Pallas & Apollo: quorum illa fistulam confregit, hic tibia cinem excoriat. Proditum est priscorum fabulis, Palladè ad sepulchrum tibiæ canentem, offensam oris deformitate, proiectam comminuisse tibiæ. Apollo Marsiam canendo victum excoriat. Eras. s. apoph. ex Plut.

Endamidas.

Rogatus de cantore quodam, qui feliciter cecinerat; qualis ipse videtur: Magnus, inquit, in re parua delinitor. contempsit operosam artem, cuius nullus erat fructus præter inanem ac temporariam delectationem aurium. Plut. in Lacon. Bruso. lib. 4. cap. 17.

Gelon.

In conuiuio quum lyra circumferretur, ceterique ordine canerent (nam id apud Græcos honestum habebatur) Gelon equum iussit adduci in conuiuium, facileque ac leuiter illum insiliit, significans, hoc esse regalius, quàm lyra canere. Plutarch. in apoph.

Pyrrhus.

Suprà de Artium contemptu.

Philippus.

Cum audisset filium suum quodam in loco scitè cecinisse, ciuilitè obiurgauit, dicens, Non te tui pudet, qui noris tam bellè canere? significans, alias artes esse rege digniores. Plutarchus in Pericle, & in regum imperatorumque apophth. Fontanus libro 1. capite 5. de Prædientia.

Alexander.

Cum transmissò Hellespòro Troiam inuiseret, veterum heroum res gestas animo reuoluens, quidam, si vellet, pollictus est se Paridis lyram

daturum Hic Alexander: Minime, inquit, illa mihi est opus, cum Achillis lyram habeam. Hac vir strenuus fortium virorum laudes canere consuevit, cum Paris sua lyra molles ac lasciuos modulò occineret. Plutarchus in reg. apophtheg. Ælianus lib. 9.

De mutationibus.

Lycurgus.

Interrogatus cur Spartani toties pugnaturi contra hostes castra mutarent? respondit: Vt eo magis lædamus hostem. Plutarchus in Lacon apophth.

Augustus Cæs.

Quodam die venit in aedes, in quibus habitarat Cato Uticensis. hic cum Strabo, quo Cæsari adularetur, Catonis peruiaciam accusaret, quod sibi manus adferre, quam Iulium victorem agnoscere, maluisset: Quisquis, inquit Augustus, præsentem Reipubl. statum mutari non vultis & ciuis & vir bonus est. Vnico dicto & Catonis memoriam tutatus est, & sibi consuluit: deterrens, ne quis in posterum affectaret res nouas. Nam præsens status non is tantum dicitur, qui tum erat, cum hæc loqueretur Augustus: sed is quoque, qui fuerat tempore conspirationis in Iulium. Si quidem hæc dictio præsens apud Latine loquentes, ad tria tempora pertinet, præteritum, præsens & futurum: vt, Præsentibus non erat contentus: & præsens vira, quæ nunc agitur: & præsens in tempore emittat, id est, in futuram opportunitatem. Eras. Rot. li. 4. apoph. ex Suetonio.

Tiberius.

Cum ab amicis interrogaretur, cur non tam facile magistratus & præfecturas suas mutaret? Respondit se data hoc opera semper fecisse. Natura enim omnes, qui rerum administrationi præsent, pecuniæ esse cupidos, plurimumque studij ad rem magis magisque agendam eos collocare. Cæterum, si diutius in magistratu versentur, segetiores ad quæstum faciendum fieri. muscas enim, si longius corporum vlceribus infideant, minus graues & molestas fieri quippe sanie vlcerum ad saturationem usque refectas: & eum qui vlceribus scateat, durius acceptum afflictumque iri, si saturis iam repulsis, famelicis alias ad vulnera admittere velit. Nicephorus Callistus Ecclesiastica suæ historiæ libro primo, capit. 17.

Sophronius.

Is Pompeiopoleos Paphlagonie episcopus, cum audisset in synodo Seleucia Acatij opiniones & dogmata recenseri: Si per singulos dies, inquit, propriam edere fidem licebit, veritatis integritas non diu manebit. Socrates libr. 2. Tripartitæ histor. cap. 34.

Vide apoph. de Legum abrogatione, & nouitatis studio.

De mutuo.

Anonymus.

Quidam miserrimos homines esse dixit, qui modò rubros, modò pallidos habeant dentes. Notabat autem eos, qui mutuo acceptabatur ab aliis: qui, dum mutuum repetitur, erubescunt: dum verò creditorem viderint, pallescunt, ne cogantur ad

tur ad soluendum. Recitatur hoc dictum apud Suidam.

Lycurgus.

Dicebat, Dignitatē quidem istam, qua mouemur ad facilius mutuo dandum a liquid, in opibus hominum sitam esse: illam verò, quæ nos ad facilius fidem habendam inducit, in moribus. Stob. ser. 35.

Perseus.

Quum cuidam noro daret pecuniam, cautionem fecit in foro apud mensarium. Hanc diligentiam quum amicus admirans diceret, Adeone legatiter Persee? Scilicet, inquit, ut amanter recipiam nec largiter reposcam. Fit enim sæpenumero, ut qui cum amico bona fide, sine testibus, ac syngraphis agunt, post cogantur cum eo legibus agere. Plutarc.

Gelon.

Exigebat pecuniam à suis ciuibus, quos ubi videret tumultuantes, ait se petere mutuo: quippe redditurum. Ita volentes dederunt, atque ille peracto bello reddidit. Hoc artificio perfecit, ut pecunia non deesset ad bellum necessaria, nec ciues haberet minus beneuolos. Plutarc. in apoph.

Galba.

Quum penulam mutuo à quopiam rogaretur, festiuè respondit: Si non pluit, non est opus tibi: si pluit, ipse utar. Brufon. libro 4. capite 22.

Idem.

Cuidam qui cœnaculum perpluebat commodato roganti penulam, dixit: Non possum commodare, nam domi maneo. Significans, domi maxime opus esse penula. Solent alij se excusare, Non possum commodare penulam, ipse exeo. Erasmi. libr. 6. apoph.

DE NATANDI

PERITIA.

Aristippus.

Nam quandam sibi vehementer placentem audiuisset, eo quod egregie sciret natare, irrisit hominem dicens: Non te pudet, tam insolenter de his rebus iactare te, quæ & delphinū & ranarum sunt propria? Laer. l. 2. c. 8. & Eras. l. 3. apoph.

De natiuitate omnibus hominibus communi.

Stratonicus.

AVdiens, quàm difficulter Timothei regis mater partum edidisset. Si, inquit, opificem peperisset, nõ Deum, quales emisisset inter parientium voces? Irrisit vir sapientissimus hominum stultitiam, qui regibus ac potentioribus diuinos ascribunt honores, cum ex communi illa natiuitate appareat, æquè homines esse ut nos, qui infima forte viuimus. Non minus enim (si non durius) ægrè pariunt regum & principum matres, quàm subulcorum princeps æquè vitam clamore & eiulatu auspicatur, ut alij qui eius imperio subiecti sunt. Athenæus.

Vide apophth. de Hominis fragilitate & miseria.

De natura.

Socrates.

Dicitur eum execrari solitus, qui primò utilitatē à natura se iuxit.

set. Naturam appellat honesti rationem, homini à natura insitam. Eras. lib. 6. apoph.

Aristoteles.

Tria ad solidam parandum sapientiam præcipue necessaria esse dicebat, Naturam, doctrinam, & exercitationem. Inuita enim Minerva, & ingenio refragante, frustra etiam in rebus minimis laborabis. Laer. li. 5. ca. 1.

Isocrates.

Inter familiares dicere solitus est, se quidem docere decem minis: ceterum qui ipsam docuisset audaciam & vocalitatem quæ natura illi denegarat, mercedis loco daturum decem millia. Hæc autem quoniam naturæ sunt (quæ non facile mutari potest) non artis, à præceptoribus dari non possunt. Eras. li. 8. apoph.

Phocion.

Phocioni filius plura solito obsonia coëmerat. Pater cõtaminatus est, si plura quàm secundum naturam per incontinentiam ingurgitaret, ipsum pœnas luiturum. Sensit autem Phocion, naturam paucis contentam esse, multis autem corrumpi & deprauari. Stob. ser. 15.

Dionysius sen.

Matri, quæ quamuis anus marito tradi vellet: Ciuilia, inquit, iura violari possunt, naturæ non possunt. Bruns. lib. 4. cap. 1.

De nauigationis periculo.

Pittacus.

Roganti cuidam. Quid fidum esset? respondit, terra. Quid insidum? mare. Plut. & Laër.

Bias.

Nauigans cum scelerosis & impiis hominibus cum periclitarentur in

summa maris tempestate, aliis deos implorantibus: Bion, Silete (inquit) ne vos hic nauigare sentiat Dij. Laer. lib. 1. cap. 6.

Bion.

Nauigans cum pessimis hominibus, in piratas incidit. Dicentibus illis: Peribimus, si agnoscamur: At ego, inquit, nisi agnoscamur, peribo. Laer.

Plato.

Affidue monebat fugiendum esse mare, perinde ac improbitatis magistrum. Bruns. l. 4. c. 25.

Aristoteles.

Dicebat, per omnem vitam triumphum se poenituisse. Quod mulieri secretum aliquid commisisset. Quod eò nauigasset, quod pedibus ire licuisset. Quod vnum diem intestatus mansisset. Anton. in Meliss. par. 1. serm. 17. Hoc autem Stob. ascribit. Plutar. M. Catoni.

Glaucan Comicus.

* Dicebat iucundius esse in mari peditem agere, quàm in terra nautam. Stob. ser. de naufragio.

Anacharsis.

Percontanti, quæ naues essent tutissimæ? Quæ, inquit, in sicco tractæ sunt. Solebant enim olim naues iis mensibus, quibus mare nauigabile non est, machinis quibusdam in sicco pertrahi, Anacharsis sensit omnem nauigationem esse periculosam. At ille de genere nauigij percontabatur. Sunt enim liburnicæ, onerariæ, actuariæ quæ naues, aliæque diuersi generis, in quibus alia est alia aduersus tempestatem instructior. Laër. lib. 1. cap. 9.

Idem.

Quum rogasset quendam, quanta esset spissitudo tabularum nauicarum? isque respondisset, quatuor digitorum; Tantillum, inquit, absunt à morte qui

te qui nauigant? Notauit negotiatorum auaritiam, qui lucri gratia semet in manifestum vitæ discrimen coniciunt. Scythæ nesciunt nautica commercia, sed pascuis ac venatu viuunt. Laër. lib. 1. cap. 9. Alludit ad huius philosophi dictum. Iuuent. sat. 12. ita scribens:

I nunc, & ventis animum committe dolato

Confusus ligno, digitis à morte remotus Quatuor, aut septem, si sis latissima sada, &c.

Idem.

Cuidam roganti, vtrum arbitraretur plures esse mortuos, quàm viuos? Nauigantes, inquit, in viro numero ponis? Dubitans, an hi essent intra viuos habendi, qui vitam vndarum ac ventorum arbitrio cômiserat. Laër. lib. 1. cap. 6. Sed Dioni hoc ascribit. Stob. ex Plut. Laconi cuidam.

Laodamas.

Laodamas ille Homericus nihil miserius esse dicebat, quàm virû fortē ponto exagitari. Bruson. lib. 4. cap. 27.

Anonymus.

Lacon quidam glorianti mercatori, quòd multas naues in omnem oram maritimam demisisset: Num sanè optabilis ista est, inquit, rudentibus apta fortuna? Plut.

Dionax.

Quum legatus nauigaturus in Asiam, nauem conscendisset, & à quodam interrogaretur, num metueret, ne naufragio eiectus à piscibus deuoraretur? Quid, inquit, metuam à piscibus, qui tot pisces deuorant? Eras. 1.8. apoph.

Callimachus.

Dicebat, incundissimum esse mare, sed si quis de terra contempletur, Huius dieterii æmulatus Horat. ait,

Neptunum procul à terra spectare suu- ventem.

Bruson. lib. 4. cap. 15.

Anonymus.

Siculus quidam cùm ficos vehens, procella correptus naufragium fecisset, ac mox sedens in littore, mare tranquillum videret, vrbane inquit ad mare: Noui quid velis, ficos nimirum. Brus. 1. 4. c. 25.

Aubigenus.

Sæua tempestate iactatus, cùm omnes suos in eadem naui haberet, præcepisse liberis dicitur, vt & ipsi meminissent, & posteris proderent, ne quis in rebus tam dubiis periclitaretur. Brus. 1. 4. c. 25.

P. Syrus.

Dicebat, eum hominem Neptunū improbè accusare, qui iterum naufragium facit. Notabat autem eos, qui cùm semel nauigationis periculo expositi fuerunt, obliui malorum se mari credunt, mox penitus perituri. Brus. 1. 4. c. 25.

De necessitate.

Pittacus.

Tantam necessitatis viam esse dicebat, vt nec dii ipsi reluctari possint. Laër. li. 1. c. 5.

Thales.

Interrogatus, quid esset in tota rerum natura robustissimum? respondit, Necessitas: superat enim omnia. Laër. li. 1. cap. 1.

Archytas.

Cùm Erasthotenis Mercurium legisset, hunc versum protulit: Necessitas omnia docuit, quid enim illa non inueniret. Stob. ser. 93. ex Plutarcho recitat.

Plato.

Necessitatis leges tā duras esse di-

cebat, vt ne quidē Deus ipse eas violare posset. Brusl. li. 4. c. 29. ex l. Platonis de legibus.

Phiraulas.

Apud Xenophontem, Nullum ait præstantiorem doctorem esse necessitate. Brusl. l. 4. cap. 26.

Vectius Messius.

Necessitatem appellare solebat, Vltimum & maximum telum. Bruson. lib. 4. cap. 26.

Atis Cræsi F.

Is natura mutus, captum Susis patrem cum Cyrus cōficere vellet, vocē tū primū emisit: Parce patri meo Cyre, & te hominē esse vel casib⁹ discenostis. Ex Solino recitat Bruson. lib. 4. cap. 26. Valerius verō lib. 5. cap. 4. & Herodotus libro 1. Persæ euidā dixisse aiunt, non Cyro. Vide etiam ea de re Strabonem lib. 13. Cæli Rhodig. l. 11. cap. 15.

De negotiorum multitudine, qua in diuersa distrahitur homo.

Thales.

FRequēter dicere ad suos solebat: Vnum eligite præclarum, vnum quiddam diuinitate præclarum. Putauit vir sapientissimus, satius esse ad parandam honestam famem, vnum quiddam insigne prædicere, quā diuinare de rebus friuolis: & præstare vno labore parare famam & existimationem, quā minus accuratē implicari multiuariis rebus: Erasmi. l. 7. apoph. ex Laër. l. 1. c. 1.

Phocion.

Dicere solebat, Difficile esse multas vitæ vias ingredi. Voluit autem indicare vir sapientissimus, non fa-

cile præclari quiddam præstare posse hominem, qui simul multis rebus ac negotiis sit intentus. Huius dictū extat apud Stobæum sermone de Prudentia.

De nobilitate generis.

Socrates.

OPes & generis nobilitatem non solum nihil in se habere honestatis, verum etiam & malum omne exiis oboriri dicebat. Laër. l. 2. cap. 5.

Diogenes.

Nobilitatem atque hoc genus fortunæ bona, nihil aliud quā velamina malitiæ esse dicebat. Nobiles enim cum aliis nihilo sint meliores, tamen peccant licentius, iuxta Horatij dictum,

Et quicquid volet, hoc veluti virtute peractum,

Sperauit magna laudi fore.

Laër. lib. 6.

Herodes sophista.

In accusatorem, qui in lite exigua de generis sui claritate multa iactarat: Tu, inquit, nobilitatem habesitalis. Romani siquidem nobilitatis signum gerebant in calceis. Id erat eburneum additamentum, tali specie. Ita Plinius notat quosdam, qui nihil haberent nobilitatis præter imagines. Rursus quum aduersarius gloriaretur, quod in vnam quandam Italiæ ciuitatem multa beneficia contulisset Idem ego, inquit, de me prædicare possem, si in vniuersa terra causam dicerem. Significans, se de innumeris ciuitatibus fuisse præclare meritum. Philostratus.

Thomas Sarzan.

Cum quæreret aliquis ex Thomas Sarzanensi (qui postea maximū pontificatus

tificatum adeptus, Nicolaus quintus appellatus est) qualis esset Eugenius Papa quartus? At, inquit, hoc facile cognitu est: qualis familia est, talem & principem inuenias. Innuere autē volebat, nimirum obscurum ac vinctum esse hominem. Fuit enim loco adeo humili natus, vt ab oppido patriæ Sarzanæ admodum frigido. Lucensis agri cognomentum acceperit. Volaterranus etiam hoc in eo reprehendit, quod nimio bibendi studio teneretur, perquisitis vndique vinorum generibus: quod virium à parentibus fortassis, vt hæreditarium, animo insitum fuit. Aeneas Syluius lib. 4. commentariorum de reb. gest. Alphonfi.

De nobilitate vera.

So rates.

Nobilitas quid esset sciscitanti? Animæ, respondit, & corporis bona temperies. Stob. ser. 84.

Id. m.

Frequenter dicere solebat: Neque frumentum optimum iudicamus, quod in pulcherrimo agro natū est. sed quod commodè nutrit: neque virum bonum & studiosum, aut amicū beneuolum, qui genere clarus, sed qui moribus egregius fuerit. Stobæus serm. 84.

Democritus.

Interrogatus, in quibus nobilitas consisteret: respondit: Pecudum nobilitas in bono validoque corporis habitu sita est. hominum autem in bonitate inorum. Stob. ser. 84.

Diogenes.

Interrogante quodam, qui hominum nobilissimi essent? Contempto-

res (dixit) opum, gloriæ, voluptatis & vitæ: contrariis autem, paupertate, obscuritate, fame, labore, ac morte superiores. Stob. ser. 84. Max. serm. 63.

Antisthenes.

Virtute præditos eosdem & nobiles dicebat, Habent enim inquit, id, vnde vera nascitur nobilitas. Aduersus eos, qui maiorum imaginibus, aut diuitiis, metiuntur nobilitatem. Laër. libr. 6.

Anacharsis.

Cum per conuicium Scyrha, propter generis ignobilitatē nominaretur, respondit: Genere quidē Scyrha sum, ingenio autem & moribus nequaquam. Voluit autem ostendere, eam nobilitatem veram esse, quæ ex virtute, non ex parentibus originem ducit. Stob. ser. 84.

Theocritus.

Audiēs quendam ob parentum nobilitatem plurimum laudari à quodam: Heus, ait, vir bone, Generosos arbitreris esse, non eos qui ex bonorum & illustriū stirpe prognati sunt, sed qui honestatem omnibus rebus præposuerunt. Stob.

Theopompus.

Generosos iudicandos dicebat, nō qui à bonis & probis procreati sunt. sed qui bonitatē & probitatem profitentur. Max. ser. 63.

Sostratus.

Suprà de Ignobilitate & obscuritate generis.

Lycurgus.

Studens ciues suos à moribus præsentibus ad temperatiorem viuendi rationem traducere: Ne nobis, inquit, ô ciues, nobilitas & ductū ab Hercule genus proderit, nisi omni studio & opera illa ipsa gesserimus, per quæ ille mortalium omnium clarissimus

ac generosissimus extitit, ac per omnem vitam quæ honesta sunt & discamus & exerceamus. Reperit vir ingeniosus viam, qua multitudini philosophicis rationibus non satis idoneæ, virtutis imaginem ob oculos poneret: magis enim mouent ac penetrant in animos, quæ cernuntur, quæ quæ audiuntur. Quod autem ille fecit in ciuitate, hoc cuique patrifamiliâs in sua domo cuique moderatori in suo grege faciendum est. Plutar. in Lacon.

Iphicrates & Cicero.

Harmodius, prisci illius Harmodij abnepos, cum Iphicrati, qui patre futuro natus erat, generis obscuritatem obiceret: Meum, inquit, Iphicrates, genus habet à me originem, tuum verò in te desit. Simile autem extat Ciceronis dictærium, qui dicebat se sui tam præclari generis & nobilitatis initium esse. Hæc enim reuera est nobilitas, quæ non à maiorum nostrorum, sed à nostris virtutibus proficiscitur. Plut. in apoph. & in Cicerone.

Bion.

Antigonus rex Bionem philosophum de ignobilitate criminatum, interrogauit. Quis & cuias es? vbi tua ciuitas est: vbi sunt tui parentes? Cui Bion respondit: Atqui ô rex bene facis, cum indiges sagittariis, quod non interrogando genus, sed scopum proponendo, optimos illorum tibi deligis. Sic igitur amicos explora, non vnde nati, sed qui & quales sint. Sensit vir sapientissimus, veram nobilitatem nequaquam ex patria & parentibus, sed ex virtute & vitæ innocentia metiendam esse. Stob. ser. 84.

Scipio.

Ap. Claudio, qui Scipioni in ambienda censura competitor erat, ia-

stante se, quod ipse, citra nomenclatorem, ciues omnes nominatim salutaret, quum Scipio propemodum nosset neminem: Vera narras, inquit Scipio, nam mihi studio fuit, non vt nossem multos, sed ne cuiquam essem ignotus. Nomenclatorum laus est, quàm plurimos nosse: at egregij durcis est, ob egregia in reipub. merita, nulli ciuium ignotum esse. Plutar. in Rom. apoph.

Cicero.

Quum ob Ciceronis cognomen dictæriis incessetur, ab amicis admonitus vt aliud sibi cognomen ascereret, respondit: se Ciceronis nomen illustrius effecturum, quàm esset Catonum, Catulorum, aut Scaurorum. Nā hæc familiæ cum primis illustres erant apud Romanos, quum Tullius esset nouus homo. Cognomen autem ideo patebat cauillis, quod à cicere vilissimo legumine dictū videretur. Quasi verò non & Fabij à fabis & Lentuli à lente cognomen habuisse videretur. Parum illustre est, qui præter imagines & cognomen nihil habet nobilitatis, pulcherrimū autem nobilitatis genus est quàm sibi quisque propriis virtutibus conciliat. Nec fefellit. M. Tullius Ciceronis enim nomen hodie decantatius est, quàm Catuli aut Scauri, cum suis stemmatibus, statutis & imaginibus, Plut. in apoph. Rom.

Idem.

Ciceroni cum generis ignobilitas obiceretur: Satius est, inquit, meis genis florere, quàm maiorum opinione viui: & ita viuere, vt sim posteris meis nobilitatis initium, & virtutis exemplum. Cicero in oratione contra Salustium.

Seneca.

*Bona mens, inquit, omnibus patet.

tet. Omnes ad hoc sumus nobiles. Nec eiicit quenquam philosophia, nec eligit: omnibus lucet. Patricius Socrates non fuit. Cleanthes aquam traxit, & rigando hortulo locauit manus. Platonem non accepit nobilem philosophia, sed fecit, &c. Epist. 44. ad Lucill.

Idem.

* Nemo dicebat, altero est nobilior, nisi cui rectius ingenium, & artibus bonis aptius. Qui imagines in atrio exponunt, & nomina familiarum suarum lingo ordine ac multis stemmatum illigata fluxuris in parte prima ædium collocant, noti magis quam nobiles sunt. Vnus omnium parens mundus est, &c. lib. 3. de beneficiis, cap. 28.

Silius Bassus.

* Quidem, inquit, auitas pater-nasque flagitiis obruerunt imagines. quidam ignobiles mari fecere posteris genus. In illis non seruasse quod acceperant, maximum dedecus: in his quod nemo dederat fecisse, laudabile. M. Senec. controuers. lib. 1. controuers. 6. ubi multa de nobilitate.

Alphonfus.

Cum aliquis Alphonsum, Aragonum regem clarissimum, à nobilitate maxime laudaret, quod scilicet esset rex, regis filius, regis nepos, regis frater: rex hominem interpellans dixit, Nihil esse quod in vita minoris ipse duceret, quam quod ille tanti facere videretur. Laudem enim illam non suam, sed maiorum suorum esse: quippe qui iustitia, moderatione, atque cum excellentia sibi regnum comparassent, successoribus quidem oneri regna cedere. Et ita demum honori, si virtute potius quam testamento illa suscipiatur. A se

itaque, si qua modò extant, elicerent ornamenta, non à patribus iam mortuis extorqueret. Innuir autem rex prudentis multo gloriosius esse à se inclarescere, quam nisi auitis imaginibus: regnumque propria virtute partum, clarius habendum, quam quod hæreditate obuenit. Panor. lib. 2. de rebus gestis Alphonsi.

Ioan. Humades.

Cum misisset ad Huldricum Ciliæ comitem, ut ad se veniret in castra, hoc facere planè noluit, & ad se missis respondit. Ego comes & princeps, & tam nobili familia natus, ad te veniam, hominem nouum, & nostra ætate nobilitatum! quod cum accepisset Ioannes: Non ego (respondit) tuis maioribus sed tibi me comparo: quanquam neque illis cedam, qui pugnando pro Christiana religione nobilitatus, maius lumen posteritati meæ comparauit: atque ut in te Ciliensis comitatus turpiter extinguitur, ita in me domus Nistricensis exornatur. Aneas Syluius de dictis Sigismundi & Friderici imperatorum.

De nominum varia interpretatione & mutatione.

Chrysippus.

Chrysippo Solèsi erat statua pro corporis modo tenuis ac pusilla, quam eques vicinus fere occultabat. Unde Carneades per iocum dicere solebat, eum non esse Chrysippum, sed *χρύσιππον*, nam Chrysippus ab aureo equo dicitur: Chrysippus à *χρύσιππος* quasi dicas, ab equo occultatum. Laert. lib. 7.

Min

Antagoras.

Cum Thebaidos librū apud Bæotos recitaret, nec quisquam recitanti applauderet, complicato volumine: Meritò inquit, vocamini Bæoti, quia boum habetis aures. Max. ferm. 15. de doctrina & sermone.

Stratonicus.

Quum doceret in ciuitatula perquam exigua, iocatus est mutatione literæ, non est πόντις, sed πόλις, id est, non est ciuitas, sed vix Sentiens, vix dignam nomine ciuitatis. Athen.

Gnathæna.

Quum Pausanias quidam nomine Laccus, saltans in cadum incidisset: Laccus, inquit, in cadum incidit. Nam Græci laccum vocant, quod nos lacum. Cadus in lacum incidere solet. lacum in cadum incidere absurdum est. Erasim.

Faustus Syll. F.

Suprà tit. de Adulterio & facetè & iocose dictis.

Cicero.

In nomen Verris iocatus est. quasi sic dictus esset quòd omnia verteret: hoc est, nihil reliqui faceret, homo furax. Quo genere iocandi quidam furem pro Tullio Tullium dixit: nec defuerunt qui pro Tiberio, dixere Biberium, Erasim. 4. apoph.

Idem.

Eidem cum Crasso similtas erat. Cum igitur alter è Crassi filii non dissimilis cuidam nomine Digno, atque hinc populi suspicio in Crassi uxorem, quasi cū Digno rem habuisset, in senatu præclaram habuisset orationem, rogatus Cicero, qualis ei videretur? Dignus, inquit, Crasso, testè alludens ad nomen Digni. Iocus lepidior est, si more Græcorum dicas dignus Crassi: vt intelligas duos esse Crassos, alterum adulte-

rum, alterum illi similem Crassi filium. Erasim. lib. 4. apoph.

Idem.

M. Aquilium duos habentem generos, sed ambos exules, Adrastum appellauit, quòd solus locum tueretur, alludens ad Græci nominis etymologiam. Erasim. lib. 4. apoph.

Antonius imp.

Cum Sextus Tirus se Cassandram esse diceret, ob coniecturam opinor, quòd illa esset fatidica: Multos, inquit Antonius, posses Aiaces tuos Oileos nominare, notans illius impudicitiam, nam Ajax Cassandram de templo Palladis raptam constuprauit. Erasim. lib. 6. apoph.

Caius.

* Non oportet, inquit, ex significatione nominum de moribus iudicare quandoquidem non pauci hætenus, qui infames nomenclaturas habebant, ingenio præditi fuere non malo. Alij rursum, honestis à natura nominibus ornati, animis dissimilibus ad opera accedunt. Stob. ser. 67.

L. Crassus.

In Cn. Domitium, Sexti Neronis atauum, cui cognomē fuit Anobarbo, L. Crassus orator dicebat, non esse mirandum quòd æneam haberet barbam, cui os ferreum, cor plumbeum esset. Os ferreum obiciens, propter summam impudentiam: cor plumbeum, ob ingenij stuporē. Qui illum pro Nerone Anobarbum dam illum pro Nerone Anobarbum appellauerunt, atque hoc erat vnum è duobus conuiciis quæ indignissimè tulit: alterum erat, quòd increpitus esset malus citharædus. Erasim. lib. 6. apoph.

Fl. Vespasianus.

Vespasianus in Cerylum libertū, sed prædiuitē, qui vt aliquando subterfugeret ius fisci imperialis, cœpit se pro-

se pro ingenio ferre, eoque mutato nomine pro Cerylo dici voluit Laches, torlit versiculos ex fabula quam, ut opinor:

ὦ Λάχης Λάχης,

ἐπ' αὖ δ' ὀπιδανὲς αὐτῆς ἑσθ' κ' ἡρὺλ'.

O Laches Laches,

Vbi mortem obieris, rursus eris tum Cerylus.

Significans, illi nihil profuturum immutatum nomen. Suet.

De nominis immortalitate.

Antisthenes.

Is, qui appetere immortalitatem, unicam viam ostendit, ut iuste pieque viverent. Sed vulgus hominum est structuris, statuis, trophæis, ac libris sibi promittit immortalitatem. Laert. lib. 5. cap. 1.

Bion.

Gloriam dicebat esse matrem annorum, ob id opinor, quod cum hominis vita sit brevis, honesta memoria per multa secula propagatur. Laert. lib. 4. cap. 7.

Plato.

Rogatus, ecquid esset futurum ipsius monumentum, quemadmodum superiorum? Primum, inquit, parandum est nomen, ita monumenta futura sunt multa. Sensit, hominis memoriam optimè servari in mentibus hominum, optimèq; propagari scriptis virorum eloquentium. Laert. 1. 3.

De nocte.

Scopelianus.

Quoniam somni parcissimus, noctem existimabat studiis & ex-

xercitationi mentis accommodam, subinde solitus est exclamare, ὦ νύξ, σὺ γὰρ δὴ κλείεις τὴν σοφίαν μὴ γὰρ μέλλεις διαβῆναι. id est, O nox, nam tu sanè maxima ex parte confors es sapientiae deorum. Habet enim hominis mens in alto illo silentio, corporis sensibus iam feriatis, aliquid diuinitatis, si sese intenderit ad ferum sublimium speculationem. Eras. 8. apoph.

Antyllus.

* Mediam noctem hyemis imaginem esse dicebat: tunc enim Sol, ut hyeme, remotissimus a nobis est. Itaque dolores aegrotantium, vehementiores merito tunc fiunt, ut potè cute propter frigus densata & intercepta transpiratione insensili. Stob. serm. 99.

De nuntiis.

Philippides.

Dictus est ἡμερόδρομος, quoddam die mille quingenta stadia cōficiens, Lacedæmonem peruenit. Idem, ni fallor, cum victoriam Atheniensium adversus Medos in Marathonem partam, senatui, de pugna exitu sollicito, nuntiaret, μέγα χαίρετε, inquit, νικᾶτε: id est, multum valete, vicimus, mōxque expiravit. Erasim. lib. 6. apophtheg. ex Plin. lib. 7. cap. 20. & Colini cap. 6.

De Nuptiis.

Musonius.

* Cum quidam dixisset, Nuptias sibi videri impedimento esse ad philosophandum, respondit se aliter sentire, quā non fuerint impedimento Pythagoræ, neque Socrati, neque

Mm ij

Crateri, quorum vnusquisque vxori cohabitauit: nec vllos, inquit, alios nominare possis, qui melius sint philosophati. Stob. sermon. 65. vbi egregia multa à Musonio dicta in laudem nuptiarum.

Herocles.

* Vniuersum humanum genus ad societatem natum esse dicebat. Prima autem, inquit, & præcipua societas est, quæ per nuptias initur. Nam ciuitates sine familiis esse non possunt: & familia inapti manca est: integra autem & perfecta illius qui coniugatus fuerit. Stob. eodem ferm.

Plato.

* Ex nuptiis hanc consolationem oriri dicebat, quod naturæ perpetuitas inde promoueatur, & quod filios filiorum relinquendo semper Deo ministros pro nobis relinquimus, vitam ceu lampadem alii post alios tradentes. libro 6. de legibus.

Chilon.

* Eius dictum celebratur. Nuptias frugales & æquales opibus celebrato. Stob. ferm. 68.

Eusebius philos.

* Dicebat optimum esse consensum nuptiarum, si coniuges temperantiam exerceant. Stobæus sermone 72.

Anonymus.

* Lacon quidam diues bono & pauperi adolescenti filiam elocauit quæ de re cum à cognatis reprehenderetur, dixit, Ego mihi generum comparauit, quem diuitem potius quam pauperem futurum expectem. Stob. ferm. 70.

De nuptiis secundis.

Martia Catonis F.

Cum rogaretur, cur post amissum maritum, denuò non nubere? respondit, se non virum inuenire, qui magis eam vellet, quam sua. Quo dicto ostendere voluit, diuitias magis in vxoribus ducendis eligi solere. quam pudicitiam, & morum honestatem: ac multos non oculis, sed digitis vxores ducere. Autor est Hieronymus.

Dionysius sen.

Cum videret matrem ætate confectam, secundò nubere velle, & eam ob causam à multis malè audire, ait: Ciuitatis legibus vim quidem posse afferri, naturæ verò nequaquam posse. Plut.

Vide apoph. de Coniugio iterato.



DE OBEDIEN-

TIA.

Solon.

PERCONTATVS, quæ ratione salua possit esse ciuitas? respondit: Si ciues obtemperent suis magistratibus, magistratus autem legibus. Stob. ferm. 41.

Zeno Citriens.

Celebratissimam Hesiodi sententiam solebat inuerrere. Cum enim ille primas tribuat ei qui per se sapiat, secundas qui rectè admonenti obtemperet, Zeno ordine inuerso sic pronuntiabat,

κεῖνος ἰδὼν πατέρα, ὃς οὐ εἰπόντι πείνη-
ται

ἐὼς ὃς καὶ κεῖνος, ὃς αὐτὸς πείνηται
νοήσῃ.

Optimus ille quidem, qui paret recta
monenti.

Sed probus ille quoque est, qui nouerit
omnia per se.

Addebat causam: quòd qui ex se nos-
set omnia, nihil haberet præter intel-
ligentiam: at qui rectè monenti pa-
reret, præter intelligentiam haberet
etiam effectum. Nam parère dicitur,
qui quod didicit optimum esse, facit.
Laërt. lib. 7. cap. 1.

Pericles & Demosthenes.

Dicebat, Samios esse similes pue-
ris, qui porrectam ossulam recipe-
rent quidem, sed interim plorantes:
eo quod illi parèrent imperatis, sed
non sine tædio & querimonia. Simi-
liter Demosthenes dixit, populum
Atheniensem esse similem iis qui in
naui nausant. Siquidem ij cum ma-
gno tædio laborant, tandem eò per-
uehantur, quò tendit naus.

Musonius.

Interrogatus, an parentibus obe-
diendum esset in omnibus? respon-
dit, Obediendum quidem esse, sed
honestum iustumque imperantibus.
Stob. ser. 77.

Aristonymus.

* Dicebat, nauigando gubernato-
ri esse obediendum: viuendo, illi qui
plus ratione valeret. Stobæus ser. de
prudencia.

Theopompus.

Infrà de Principe bono, ac eius in
regni administratione officio.

Anonymus.

Eretrius adolescens quidam in pa-
triam post longam peregrinationem
reuerfus, rogatus à patre quid disci-
pline tanto temporis interstitio asse-

cutus esset? se breui ostensurum esse
pollicetur. Verberibus igitur paulò
post cæsus propter delictum admis-
sum, patri nequaquam inobediens
fuit: & ait hoc edoctum vt parenti ca-
stigati obediret, eiúsque indignationes
ac pœnas æquo animo ferret. Brus.
li. 4. cap. 30. ex Æliano.

Scipio Africanus.

Cùm in Africa bellum gereret, o-
stendit viros armatos quos secum ha-
bebat, & turrin præterea excelsam
in mari, & ait: Nullus horum omniū
est, qui non conscensa turri, semet in
mare præcipitaturus sit, si ego iusse-
ro. Dictu profectò mirum est, in tan-
to exercitu militum nullum fuisse,
qui etiam in mortis periculo impera-
tori suo obedire recusaret. Plutar. &
Eras. lib. 5. apoph.

M. Curius.

Adolescentis qui in delectu non
paruerat bona primùm hastæ subie-
cit: ipsūque postea ad tribunos ap-
pellantem vendidit, dicēs, Non opus
sibi esse eo ciue, qui parere nesciret.
Brus. lib. 4. cap. 30.

De obesis, vel pin- guedine.

Pythagoras.

C Onspicatus quendam è discipu-
lis attentiores curando corpo-
ri, idque agere vt obesus esset, ac ni-
tida cute: Hic, inquit, non desinit sibi
carcerem molestiorem struere. Sen-
sit hominem esse animum corpori
seu carceri inclusum, quod quo red-
das habitus, hoc magis grauat an-
imi vis. Eras. l. 8. apoph.

Diogenes.

Anaximenes rhetor obeso aqua-

liculo erat onustus. hunc adiens Diogenes, ita loquutus est: Impartire nobis tenuibus, & ventrem. Nam & ipse leuaberis onere, & nobis commodabis. Laert. lib. 6.

Epaminondas.

Vehementer infensus obesis, dice-re solebat, militum quibus arma gerenda sunt, corpus exercitatum esse oportere, nō solum athleticē, verū etiam militariter. Vnde cū obesum militem vidisset in suo exercitu, expulit e castris, dicens, Quod vix clypei tres quatuorve tegerent ipsius ventrem, per quem nunquam vidisset sua pudenda. Plut. in Græc. apoph.

Phocion.

Polyeuctus Sphætius, quum longam haberet orationem de suscipiendo in Philippū bello, atque præ pinguedine, præque ætatis æstu sæpius aquam biberet, vrbane Phocion: Dignam, inquit, rem, viri Athenienses, ut huic de gerendo bello credatur. Quantum enim illum in medio Marte sua galea & thorace facturum existimatis, quem ipse loquendi labor in animæ exhalendæ discrimen impulerit? Plutarch.

M. Cato.

Videns quendam vehementer obesum, mirabatur, cui vsui tale corpus esse posset Reipublicæ, cuius inter guttur & inguen omnia venter occuparet. Plut. in Catone.

Anonymus.

Vespasianus imperator Romanus ventre obeso fuisse dicitur, vnde quidam homo facetus, petenti, ut in se aliquid diceret: Dicam, inquit, sed tum demum, quum ventrem exonerare desieris. Brusonius libro 7. cap. 5.

De obiurgatione.

Diogenes.

AD salutem opus esse dicebat, aut fidis amicis, aut acerbis inimicis: eò quod illi monent, hi redarguunt: utrique diuersis quidem modis, sed partes profunt, dum per eos vitia nostra discimus. Hoc Laert. lib. 6. tribuit Antistheni. Plut. Diogeni.

Antisthenes.

Interrogatus, quam obrem tam seuerus esset discipulorum obiurgator: Et medici, inquit, erga ægrotos: significans, se vitia obiurgare, non homines. Laert. lib. 6. cap. 1.

Vide apophth. de Castigatione, & Reprehensione.

De obliuione.

Themistocles.

LVdum præteriens, in quo dicere-tur esse professor, rogauit quid is profiteretur. quūque responsum esset artem memoriæ, contempsit, dicens, At ego malim artem obliuiscendi. Vox hæc digna fuit eo qui linguam Perficam intra annum potuit ediscere. Et sunt, quorum obliuio nobis gravior sit quàm memoria. Facile meminimus quæ volumus, at non licet obliuisci quæ volumus. Plutarch. in Themistocle.

Euripides.

* Absurdarum rerum obliuionem sapientiam nominabat. Stobæus sermone 18.

Plato.

* Obliuionem, exitum memoriæ esse dicebat. Stob. serm. 26.

Augustus Cæs.

Habebat Augustus nomenclatorem obliuiosum, eum hoc genus hominum

minum oporteat in primis valere memoria. Is ad forum iturus, rogat Cæsarem, nunquid eo manderet: Accipe, inquit, commendatitias, nam illic neminem nosti. Atqui hoc est proprium nomenclatorum munus, omnium nomina, cognomina, titulosque dignitatum tenere, quo heris, quum opus est, suggerant. Vnde illis etiam nomen est inditum, à Græco Latinoque constatum. Sueton. in Augusto, Eracl. Rot. lib. 4. apoph.

De occasione non negligenda.

Themistocles.

Antiphates adolescens, qui prius Themistoclem amantem fugerat ac fastidierat, ubi vidit illum gloria celebrem potentiâq; magna polentem, ultro adiit illum blandiens. cui Themistocles: O adolescens, serò quidem ambo, sed tamen sapere cœpimus. sentiens, illum non arripuisse occasionem sese offerentem, sibi verò nunc non vacare per negotia talibus affectibus indulgere. Plutar. in Græco apoph.

Antigonus.

Quum Antigonus in arduis ac præruptis locis planiciei imminentibus exercitum haberet, Pyrrus positus circa Napham castris, postridie percaduceatorem, ut in campum descendens Martem experiretur, provocavit. Antigonus verò respondit, suam militiam non magis armorum quam temporum esse. Pyrrho, si illum suæ vitæ tadium corpisset, satis multas ad interitum vias patere. Pla. in Pyrrho.

Annibal.

Post calamitatem à Romanis apud

Cannas, acceptam, Fabius Max. creatus est imperator cum Claudio Marcello, viro audaci, semperque gestienti cum Annibale configere. Fabius potius sperabat futurum, ut si pugna abstineret, Annibalis exercitus ductu temporis deficeret. Id sentiens Annibal, dixit se magis formidare Fabium à pugna quiescentem, quam Marcellum pugnantem. Plut. in Rom. apoph.

C. Domitius.

Vbi contemplatus esset hostium phalangem, exercitus præfests hortantibus ut confestim aggredieretur, negavit tempus sufficere ad hoc, ut tot millibus trucidatis, ac direptis impedimentis, in castra reuersi, sua curarent corpora. Sed hoc ipsum postridie se tempestive facturum dixit: Ac postero die congressus, quinquaginta millia trucidavit. Vir strenuus non dubitavit de victoria, spatium modò temporis gerendæ rei par eligebat. Plut. in apoph.

Scipio Africanus.

Cum hoste dicebat non esse confingendum, nisi aut innitaret occasio, aut urgeret necessitas: quòd incogitantis sit, opportunitatem oblatam negligere: & extremæ ignaviæ sit, tum non præstare fortem animum, cum audacia spem præbet incolumitatis, formidolositas nihil aliud quam certum promittit exitium. Plut. in vita eius. Valer. Max. lib. 7. cap. 2.

Scipio Minor.

Cum videret hostes despondere animum, aiebat sese, ut uto veniret, mora temporis emisse, addens, Bonum ducem perinde ut medicum, non nisi in extrema curatione ferrum adhibere. Nihilominus per occasionem adortus Numantinos, terga illos

dare compulit. Plut. in Rom. apoph.

C. Marius.

In bello civili . cum fossa cinctus obfideretur ab hostibus, continuit sese, tempus expectans opportunum. Popedio autem Siloni dicenti. Si magnus es imperator, ô Mari, descende in conflictum: Iunò tu, inquit, si magis es imperator, coge me nolentem ad certamen venire. Plutarch. in apoph.

De otio honesto.

Chilon.

Dicebat, adamandam esse quietem, quoties datur honestiū otium: iuxta illud, ὅτι οὐχὶ καλὸν. Nihil enim vel tutius, vel iucundius. Nul- lum autem negotium periculosius, quam bellum. Laërt. lib. 1. cap. 4.

Socrates.

Otium possessionem omnium optimam dicebat. Otium autem sensit, non ignaviam: sed è tumultuosis negotiis & à cupiditatibus animi tranquillitatem vitiantibus esse quietum. Eras. lib. 3. apoph.

Nicander.

Ad Nicandrum cum Atheniensis quidam dixisset, nimium ô Nicander amplectimini otium: Verum, inquit, prædicas: sed non quemadmodū vos, quocunque modo illud nobis parare studemus. Sensit otium, honestis rationibus partum non esse reprehendendum: sed eos vituperio dignos, qui per fas nefasque sectarentur otium. Otium autem Atheniensis dixit, non exercere sordidas artes. Plu. in Lacon.

Scip. Afric.

Si quando vacans à negotiis bellicis, in literis versaretur, dicere sole-

bat, se nunquam minus otiosum quàm cum esset in otio. Sensit, se id temporis non dare animum otio aut voluptatibus, sed reipub. commodis multa suo cum animo tractare. Plut. in apoph. Cicer. lib. 3. Offic.

Ennius.

Dicere solebat, qui nesciret otio uti, plus negotij habere, quàm cum est in negotio. Bruf. lib. 4. cap. 28.

Attilius.

Satius otiosum esse dicebat, quàm nihil agere, Refert Plinius Iunior ad Minutium Fundanum: Satius est enim inquit, ut Attilius noster eruditissimè simul & facetissimè dixit otiosum esse quàm nihil agere. Quam hoc dictum adscribitur Cato- ni seniori. Otiosus est, qui vacat ab externis actionibus: nihil agit, qui negotiis infrugiferis, nihil ad beatè vi- uèdū conferentibus occupatur. Què- admodum, qui moluntur, nec satis succedit quod agunt, satagere dicuntur: ita nihil agunt, qui frustraneis actionibus tumultuantur. Plinius enim putat, eos qui militaribus negotiis distrahantur, nihil agere: contra qui se philosophiæ dedunt, otiosos esse: Eras. in apoh.

Alphorsus.

Familiares Alphôso regi rusticum quandam, velut ignaviæ exemplum, ostenderunt, qui porrectus humi ve- scabatur vuis. Hic rex: Vtinā (ait) mihi sic per otium comedere datu esset à superis. Simile quiddam narratur de Ptolemaeo rege: cum antea se iz- ctaret reperisse immortalitatem, tan- dem podagra discrutatus conspicie- bat Aegyptios aliquot plebeios sic temerè apud flumen discumbentes: Vtinam, inquit, saltem ex istis v- nus essem. Erasmus libro 8. apoph- thegmat.

De

Deturpi otio fugiendo.

Diogenes.

Otiosorum negotium amorem esse dicebat, quod hic affectus potissimum occupet otio deditos. Ita enim fit, ut dum otio vacent, in rem negotiosissimam incidant. Laërtius lib. 6.

Socrates.

Supra de Libertate nimia.

Idem.

Audiens quosdam de otio disputantes, ut plurimum se dicebat deprehendere, omnes aliquid facere. Etenim qui tesseris, quique risui excitando vacant, aliquid faciunt: nihilominus huiusmodi omnes otiosos dicebat. Liceret namque eis istis dimissis, meliora agere: à melioribus verò ad peiora migrare, nulli otium esse. Siquis autem migret, hunc id malè facere negotiis implicuit Xenophon libro 3 de dictis & factis Socratis. Stobæus sermone 28.

Idem.

E priscis authoribus selegerat versiculos aliquot, quos prouerbiorum vice frequenter vsurpabat, quorum est ille Hesiodi,

ἔργον γὰρ αὐτῶν ὄρεται, ἀπράγμῳ δὲ τ' ὄρεται. id est,

Non probrum est operari, ast est cessatio probrum.

Quo dehortabatur iuuenes non solum ab otio, verum etiam ab actionibus infrugiferis. Siquidem eos appellabat otiosos, qui alea, computationibus & scortis ætatem absumerent. Eras. lib. 3. apophth.

Plato.

E disputatione discedens, solitus est admonere discipulos, Videte

pueri, ut otium in re quapiam honesta collocetis. Significans, otium omnia mala docere adulescentes. Laërtius lib 3.

Lycurgus.

Cuidam percontanti, quā ob rem virginum corpora cursibus, luctis, discorum ac telorum iactibus fatigaret? Ut, inquit, foetuum profeminatio ab ista statim radice, validum in validis corporibus initium sumēs, rectè germinet: simul ut ipsæ in perferendis partibus facile simul & generosè certent aduersus pariendi nixus doloresque: postremò, si qua incidat necessitas, ut possint & pro se, & pro liberis, & pro patria pugnare. Intellexit vir prudens, quanta rerum publicarum pestis sit otium atque ignauia: contrā, moderatos labores etiam corpora reddere tum firmitiora, tum salubriora. Vnde nec virginibus permisit in otio viuere, sed has quoque masculininis exercitus quodammodo vertit in masculos, cum in plebisque ciuitatibus per delicias ac luxum masculi transformarentur in foeminas. Plut. in Lacon.

Herondas.

Quum esset Athenis, audissetque quendam iudicem sententia damnatum de crimine otij qui mæstus incederet, & ab amicis mæstis deduceretur, iussit sibi demonstrari eum qui in causa liberali reus perageretur. Lacedæmonij, quicquid erat fordidarum artium, non per ciues, sed per Helotas mancipia exerceri volebant: eoque mirabatur Herondas, ob id quenquam vocari in ius, quod seruilium nō exerceret: ibique pro crimine haberi, quod Lacedæmone iudicaretur honestum ac liberale. Plutarch. in Lacon.

Cleomenes

Quodam interrogante, cur Argivos cum Lacedæmoniis bellum gerentes, & sæpius victos, non deleuissent, Ne optauerimus quidem, inquit Cleomenes, illos deletos, ut habeamus qui iuvenes nostros exercent, Perispexerat egregius dux, corrumpti iuuentutem, si permittatur otio, luxus ac malorum omnium magistro. Plut. in Lacon.

Anonymus.

Thessalus quidam interrogatus, quinam essent Thessalorum deterimi? Qui, inquit, à bellicis negotiis otium agunt. Barbari nesciunt vti pace. Erasim. 6. apoph.

Dionysius sen.

Cuidam percontanti, num esset otiosus? Absit, inquit, ut hoc mihi unquam accidat. Sensit turpissimum esse regi vacare unquam à reipub. negotiis. Vbi sunt igitur, qui bonam diei partem alea nugisque transigunt. Plut. in apoph.

Scipio Nas.

Quibusdam dicentibus rex Romanastiam in tuto esse, extinctis Carthaginensibus, & Græcis in seruitutem redactis: Imò, inquit, nunc demum summo in periculo sumus, postquam nulli supersunt, quos vel timeamus vel reueremur. Sensit, inimicos per occasionem utiles esse nobis, per quos non licet impunè securèque negligentes esse. Erasim. lib. 8. apoph.

Q. Metellus.

Suprà de Ignauia.

Ap. Claudius.

Dicere solitus est, populo Romano longè melius committi negotium, quàm otium. Sentiens multitudinem bellis excitari ad virtutem, in pace defluere ad voluptates ac luxum, ex quibus nascitur rerum pu-

blicarum ac regionum exitium. Valerius Maximus.

Seneca.

Seruilius Vacia, vir prætorius æ prædiues, odio negotiorum abdiderat se in villam suam, quam habebat non procul à Cuma: nec alia re notus fuit, quàm eius villæ ocio. Itaque qui negotiis premebantur, exclamare solebant, O Vacia, solus scis viuere. Huius tamem ignauum & sine literis otium damnans Seneca epist. 51. negat illum scire viuere, sed latere. Eoque nonnunquam villam præteriens ioco dicere solebat, Hic situs est Vacia. subindicans, nihil interesse inter mortuum, & inerti otio abditum Erasim. lib. 8. apoph.

Galba parasitus.

Obiicientibus quòd in otio viueret: Nemo, inquit, cogitur ad reddendam otij sui rationem, inuens nullotutius viuere quàm otiosos. Nam rerum gestarum rationem poscuntur qui tractant negotia: at ab otiosis ea ratio non potest exigi. Erasim. lib. 8. apoph.

Augustus Cæs.

Insulam quandam Capreis vicinam, in quam è comitatu Cæsaris secedere solebant, qui cuperent otuari, solitus est *ἀνεργία* appellare. *ἀνεργία* enim sonat negotiorum vacuitatem. Suet. in Augusto.

Vibius Crispus.

Domitianus Cæsar initio sui principatus nihil planè agebat, sed quotidie sibi secretum horarium sumebat, nec faciebat aliud quàm captare muscas, easque stylo præacuto configere. Vnde quidam cum quæreret, Vnum quis intus esset cum Cæsare? Vibius Crispus lepidè respondit: Ne musca quidem. Stob.

Probus

Probus imp.

Non patiebatur armatum militem esse otiosum, dicens: Annonam gratuitam militem comedere non debere. Jacob. Spic. in lib. 2. Æn. Sylu. de reb. gest. Alphonfi.

De odio.

Timon Atheniensis.

Timon ille, cui ab odio hominū Misanthropos Græcis vocabatur, interrogatus cur omnes oderet homines? Merito, inquit, improbos odi: reliquos autem, quia improbos non oderunt. Max. ferm. 6.

Pisistratus.

Thrasylbulus Pisistrati filiam amabat: eamque quum haberet obuiam, in publico osculatus est. ob id vxori maritum in Thrasylbulum irritanti: Si illos, inquit Pisistratus, qui nos amant, habemus odio, quid faciemus iis qui nos oderunt? Ac virginem adamatam Thrasylbulo dedit vxorē. Plut. in apoph.

Annibal.

Adhuc puer, quum quæreretur de finiēdo odio inter Romam & Carthaginem, pedem infixit solo: ac puluere suscitato, tum demū finem bellifore dixit, quum altera pars in habitum pulueris esset redacta. Agnosceas ingenium exitio Romanæ gentis natum. Plut. in Annibalis vita.

Idem.

Haustrus venenum, quod in eum vsu paratum habebat, dixit. Soluamus ingenti cura populum Romanum, aut, vt Liuius refert: Soluamus diutina cura populum Romanum. quando mortem senis expectare longum censet. id postremo malē habebat hominem, quod Romanus iam nō pos-

set aliquo pacto molestus esse. Plut. in Annib. vita.

Vide apoph. de Similitate.

De œconomia.

Thales.

Eam familiā probabat, in qua domino plurimū otij agere liceat. Stob. ferm. 83.

Chilon.

Admonebat, vt suæ quisque domui bene præesset. primam enim curam debemus familiaribus: nec idoneus videretur administrandæ Reipublicæ qui priuatam rectē gubernare nescit. Domus enim nihil aliud est quàm parua ciuitas. Laertius libro 1.

Idem.

Dixit, Oportere domum maximè similem fieri ciuitati, quæ regno gubernatur. Stob. fer. 83.

Cleobulus.

Optimum œconomum inde iudicabat, si plures haberet sui amantes. quàm metuentes. Ibid.

Bias.

Dicere solitus erat, eam familiam esse optimam, in qua dominus sponte sit huiusmodi, qualis propter legem foris est. Stobæus eodem sermone.

Pittacus.

Optimè constitutam esse domum pronuntiauit, cui superfluum nihil abundet, & necessarium nihil desit. Stob. fer. eod.

Solon.

Optimum œconomum esse dixit, in cuius familia pecuniæ non iniuste possideantur, nec difficulter custodiantur, neque propter sumptus paternitudinem adferant. Ibid.

Theano.

Cuidam percontanti, quānam ratione celebris euasura esset? respondit: Contexens telam, & meum curans coniugium. Sensit autem mulier ornatissima, tum demum claram se fore, si amaret maritum, probè educeret filios: & rem domesticam sedulò curaret. Stobæus ferm. 72.

Lycurgus.

Audiens quendam, qui Democratiā mirum in modum probabat, Quin tu, inquit, primū domui tuæ democratiā, hoc est, commune imperium institue? Docuit autem compendiosissimè, eam gubernationem Reipub. perniciosam fore, quam nemo vellet esse in sua familia. Plutar. in Lacon.

Themistocles.

Cū ex duobus filiam suam amibentibus bonis moribus præditum diuiti prætulisset: Virum se quærere dixit potius sine pecuniis, quā pecunias sine viro. Sensit autem vir prudentissimus non obstare paupertatem hominum vitæ, si quis rem domesticā, pro viribus curare, cum tota sua familia cupiat. Stobæus.

M. Cato.

Cū ex Catone quæreretur, quid maximè in re familiari expediret? respondit, Bene pascere. quid secundū? satis bene pascere. quid tertium? bene vestire. quid quartum? bene arare, Cicero lib. 2. Offic.

De officio bene collocando.

Thraceas.

Dicere solitus est, suscipiendas esse causas amicorum, aut desti-

tutas, aut ad exemplum pertinentes: amicorum, quòd ex lege Gratiarum, amicorum communia sunt omnia: destitutas, quòd in his potissimū & constantia agentis & humanitas cerneretur: ad exemplum pertinentes, quia plurimū referret, bonum an malum ducem haberent. Frequenter enim bonæ causæ vitio patronorum vincuntur. Expedit autem ad bonos mores, ut in iudiciis succumbat prauitas, superet innocentia. Plinius in epistola ad Quadratum.

Sigismundus Cas.

Coram Sigismundo Romanorum imperatore, quum gloriabundus quidam eques, vrbanos magistratus parui faceret, tribunosque militum laudibus in cælum tolleret: Tace, inquit imperator, nulla nobis, & Thraso, militia opus esset, si suas quique ciuitates prætores, ceterique magistratus moderatè iustèque gubernarent. Sensit autem, si magistratus pacem tum fore, si magistratus leges defenderent, & omni loco ac tempore diligenter suum expedirent officium. Æneas Sylu. lib. 4. Commentar. de rebus gestis Alphonfi.

Æneas Syluius.

Legens Ennium vetustissimum poëtam, homines stupidos, non homines quidem, sed homines appellasse, dixisse fertur: Ennius certè si plerisque nostri seculi reges complatus esset, credo non reges, sed regones appellasset: Ecclesiæ quoque prælatos, prælatones vocitasset, qui præter coronas & insulas, dignitat: quod respondeat, nihil ostendunt, Æneæ dictum leges in libro eius Comment. 1. de rebus gestis Alphonfi, sectione 54.

De

De ominibus.

Dionysius.

Cum magistratus per literas forte crearentur, & ipsi contigisset litera μ , dicenti cuidam per iocum $\mu\alpha\theta\eta\lambda\omicron\gamma\iota\varsigma$, id est, italta efferes, Dionysius. Imò, inquit, $\mu\omicron\nu\alpha\rho\chi\iota\sigma\omega$, monarcha ero. Et adeptus magistratum, protinus magistratum, protinus imperator electus est à Syracusanis. Magni erat animi, quòd illo ioco non offenderetur, contentus omen literæ secus interpretari. Plutarch. in Reg. apophtheg.

P. Æmilius.

E foro domū reuersus, cum filiam puellam nomine Tertiam reperisset lachrymantem, rogauit quid haberet? illa respondente, Perseus, nobis interijt (id erat nomen catelli, quem puella habebat in deliciis.) Sirfex, inquit, ô filia, omen accipio, moxque in bellum profectus, pulcherrimum de hoste triumphum egit. Plutarch. in apophth.

M. Crassus.

Infrà, de Superstitione.

Nero.

In Oedipode fabula, quam Nero nouissimam recitauit, in hoc versu decidisse legitur,
 $\Sigma\upsilon\upsilon\epsilon\iota\tau\ \mu\epsilon\ \alpha\iota\omega\gamma\epsilon\ \sigma\upsilon\gamma\lambda\alpha\mu\epsilon\theta\epsilon,\ \mu\epsilon\tau\epsilon\rho\ \pi\epsilon\iota\sigma\tau\eta\rho.$

Id est,

Insuper mori me mater, vxor & pater.

Nam & Oedipus patrem occiderat insciens, matrem vxorem duxerat: Ita Nero sciens Claudiū patrem occiderat, matrem constupratam interfecerat, & Octauiam vxorem indignis tractarat modis. Suet. in Nero.

Otho imperat.

Cum in augurando tempestas esset orta, atque ipse grauiter esset pro-

lapsus, identidē obmurmurasse dicitur, $\tau\iota\ \mu\omicron\iota\ \kappa\alpha\iota\ \mu\epsilon\tau\epsilon\tau\epsilon\sigma\iota\varsigma\ \alpha\iota\omega\lambda\omicron\iota\varsigma$: id est, quid mihi cum longis tibiis? Sentiēs, se frustra sacrificiis & piaculis conari placare manes Galbæ. Suet. in eius vita.

De opinione.

Socrates.

Inanes vtres ventus inflat, inquit: sic stultos homines, opinio. Max. ser. de inani gloria.

Heraclitus.

*Dicebat opinionem esse impedimentum profectui Eod. ser.

Iphicrates.

Cum in amicorum & sociorum agris suum haberet exercitum, nihilominus tamen vallum facere, & fossam fodere voluit, quam ob causam cum à quodam parum fortis & animosus iudicaretur esse, respòdit. Pessimam ducis esse vocem dicere, Non putaram. Significans, in rebus tranquillis interdum existere periculum, quod nullus expectasset. Aduersus inopinatos igitur casus prospexit suis copiis, ne si quid accidisset, dicere cogeretur, Non putaram. Hoc verò Latini adscribunt Scipioni. Ad Iphicratem autem refert Plutarch. in Græcor. imper. apoph.

Epicurus.

*Si ad naturam viues, inquebat, nunquam eris pauper: si ad opinionē, nunquam eris diues. Seneca. epist. 16. Exiguum enim natura desiderat, opinio immensum.

Sphærus philosophus.

Suprà de Argutē dictis.

De oraculis.

Epaminondas.

Cum Lacedæmonij copias in Thebanos educerent, variâque The-

banis ferrentur oracula, quorum alia victoriam illis pollicebantur, alia diuersa prædicebant, Epaminondas iussit, bene promittentia ad dextrā tribunalis poni, contraria ad læuam. Atque omnibus hunc in modum dispositis, surrexit, dixitque: Si volueritis parēre ducibus, & conglomērati in hostem tendere, hæc vobis sunt oracula, ostēsis melioribus, quod si ad conflictum segnes timidae fueritis, hæc oracula vobis reddita sunt: ostēsis deteriora pollicentibus. Mirē, nec oraculorum contempsit auctoritatem, nec animos militum his deici passus est: sed interpretatus est, Deū prospera polliceri strenuis, infausta timidis, quasi à nobis pendeat rerum euentus. Plut. in apoph.

Alexander.

Delphos profectus, cū sacerdos negaret se cōsultarum Deum, quod dies essent nefasti, quibus ne oraculis quidem loqui fas esset: vi pertracta secum sacerdote, templum ascendit, cūque illa importunitate victa diceret: Inuictus es, o fili: Satis, inquit Alexander oraculi est, mulieris vocem responsi loco ducens. Plutarch. in Alexandro.

De orationis vehementia.

Zeno Citteus.

Dicere solebat, Formam esse vocis florem, Nam loquentis orationem forma commendat. & rursus oratio composita gratiam addit formæ. Laert. lib. 1. cap. 1.

Idem.

Eleganter ac politē loquentiū sermones aiebat esse similes pecuniæ Alexandrinæ, oculis blandienti, atque vndique scripturā habenti more

numismatis, nihilo tamen esse meliorem. Rursus qui magis studerent vtilia dicere quā nitida, similes esse dicebat tetradrachmis, temerē ac ruditer percussis, quæ sæpe picturatis illis numis præponderarent. In nummo non spectatur elegantia sculpturæ, sed pondus ac materia: ita nō refert, quā sit elegans oratio, sed quā grauis & vtilis. Laert. lib. 7. cap. 1.

Scopelianus.

Scopelianus Herodis Attici prætor, Polemoni obliuienti, quod intēter dicendū pulsaret tympanū: Tympanyzo, inquit, sed Aiæcis clypeo haud inficians, se in agendis causis interdum vti verbis ac figuris vehementioribus: at non inani strepitu, sed ad causæ patrociniū accommodis. Philost. in Sophittis.

Demetrius Phaler.

Quantū in bello valeret ferrum, tantum dicebat in Repub. valere orationē. Illic enim res geritur viribus, hic persuasione. Laert. lib. 5. cap. 5.

De oratione elaborata.

Pericles.

Quotiescunque verba facturuss in concionem prodiret, optabat vt sibi nullum eiusmodi verbum excideret quod populum exasperare atque irritare posset, aut quod illi contrarium esset, aut cum ipsius voluntate pugnare videretur. Vnde liquet, quā præmeditatus Pericles orationem habiturus, in publicum venerit. Ælia. lib. 4 de Var. hist.

Plato.

Polus sophista reperisse dicitur quasdā orationis delitias, veluti contraria inter se reddita, membra composita similiter delinquentia, quibus immodicē putatur vsus. His ornamentis

tis cum se iactaret insolentius. Plato, sic hominem taxauit : ὁ πολέ, ἵνα πορσίπω σὲ κατὰ σέ : id est, O Pole, ut te tuo alloquar modo. Polus Græcè sonat pullum equinum : ipso itaque statum nomine tetigit hominis arrogantiam. Imitatus est & ὁμοίωπτων, ἡγάγε σὲ κατὰ σέ. Laërt. lib. 3.

Nicostratus.

Zeuxis pictor insignis cum Helenam pinxisset, Nicostratus pictor stupefactus imaginē intuebatur, sic ut manifestum esset, eum picturam admirari. Accedens itaque quidam, rogabat, quidnam tantum artem admiraretur? At ille, Non, inquit, id me rogares, si meos oculos haberes. Ego verò idem de oratione dixerim, nisi qui eruditas habeat aures, non tanto iudicabit iudicio. Ælian. lib. 14. de Varia histo.

Demonax.

Phauorini dictionem ut nimium compositam, ac mulieri congruentiorem quam philosopho, solebat disteriis incescere. Id indignè ferens Phauorinus, adiit Cynicum, percontans quis esset ille à quo derideretur? Homo, inquit, cuius auribus difficile est imponere. Philosophum, ut vestis neglectior, ita & oratio decet in affectata. Eras. lib. 8. apoph.

Antigonus.

Quendam rhetorem audiens ita loquentem, Hora nimium iaculatrix audiens, regionem herbis defectam reddidit: Non desines, inquit, necum ut cum turba agere? Offensus est rex oratione putida, cuiusmodi verborum apparatu solent se venditare nugatores apud imperitā multitudinē. At idem apud regē facere, erat ninicē impudentiæ. Plut. in apo.

Cicero.

Cum M. Lepidus in senatu dixisset,

Patribus conscriptis, ne dicam circumscriptis: Ego, inquit Cicero, non tanti fecissem ὁμοίωπτων. Affectauit Lepidus schema vocum similiter desinentiū, quod rhetores ὁμοίωπτων, vocant. At satius erat schema perdere, quam senatum offendere. Quamquam in his verbis non tantum est ὁμοίωπτων, verum etiam πορσίπω, ἡγάγε schema priore iucundius. Eras. lib. 4. apophtheg.

Augustus Cæs.

Mecœnas, vir aliàs laudatus, in stylo lasciuiabat, verbis affectatis & compositioni insolenti frequenter indulgens: Augustus contra, verbū insolens quasi scopulum fugiendum esse dicebat. Ad alios itaque scribēs, stylo simplici consuevit vii: Mecœnati verò, quem familiariter amabat, scribens, Mecœnatem imitari solebat adeò ut in quadam epistola, multa liberius ac dissolutius iocatus, hanc adiecerit clausulam: Vale mel gentium, ebur ex Etruria, laser Aretinum, adamas Supernas. Tyberinū margaritum, Cilneoram smaragda, iaspis singulorum, berille Porfennæ, carbunculū habeas, ἵνα σιωπήμην πέντα, μέλασμα mæcharum. Sic irrisit parum viriles amici in scribendo delicias. Eiusdem cincinnos iocis exagitare cōsuevit, voces ac sententiās ineptas fœtores appellare solitus. Sermonē amabat purū & elegantē, qui sententiā quam apertissimè declararet. Nec Tiberio peperdit interdū reconditas & exoleras voces aucupanti M. Antonium increpabat, velut ea scribentem, quæ homines mirentur potius quam intelligant. Quin & Agrippinæ neptis ingenium collaudans, hoc adiecit: Sed opus est dare te operam, ne molestè loquaris. Eras. lib. 4. apoph. ex Suetonio.

Pacatus.

Oscus rhetor cum eloquentissimus esset, illius tamen orationē nil aliud vitiabat, quā affectatio: nihil enim sine schemate dixit unquā. Ideoque cum Pacatus rhetor Massiliæ ei obuiam factus esset: Poteram, inquit, dicere, Aue Osce. Affectatorem affectata salutauit oratione. vsus enim est ironica occupatione, præter omnem necessitatem, vt irrideret hominem semper affectatē loquentem. Eras. Rot. lib. 8. apoph.

De oratione incomposita.

Themistocles.

Postquam Themistocles primū Athenis, mox tota Græcia depulsus ad Persarum regem confugisset, admissus, iussus est dicere. At ille respondit, orationem similem esse picturatis stragulis. nam quemadmodum, inquit, illæ dum extenduntur, ostendūt imagines: dum contrahuntur, celant easdem, & abolent. itidem fit in oratione. Plut. in Græc. apoph.

Antiochus.

Hoc dicto taxauit Hermogenem, vt diceret illum inter pueros esse senem, inter senes puerum: siue ob valetudinem ante tempus imbecillem, siue ob dictionis genus neglectius. Alij per iocum dicebant, illius verba planē, iuxta Homerum esse *ἡσέβηται* quod ea veluti pennas abiiceret. Philostratus in Sophist. & Volat. lib. 15. Urbanorum com.

Iulius Florus.

Quum aliquando adolescentem tristem eundemque scholasticum vidisset, interrogauit: Quæ causa frontis esset tā deductæ? Quia triduo, inquit adolescens, materiæ ad scriben-

dum destinatæ non inuenio exordium. Tum Florus, Nunquid tu melius dicere vis, quā potes? Ita res se habet. Curandum est, vt quā optimē dicamus: dicendum tamen pro facultate. Ad profectum enim opus est studio, non indignatione. Quintil. lib. 12. cap. 3.

Porcius Latro.

Latro Porcius, cuius ingenium supra modū miratur Seneca (fuit enim illi condiscipulus) cum Maxillus rhetor exilitatem orationis suæ imputaret cōtrouersia, diceretque. Necesse est me per spinosum locum ambulātem suspensos habere pedes: Non meherculē, inquit, tui pedes spinas calcant, sed habent. Eras. Rot. lib. 8. apophtheg.

Catulus.

Quum orator, quidam malus, qui in epilogo se putabat mouisse misericordiam, postquam assedit, rogaret Catulū, Videretūne mouisse misericordiam? Ac magnam quidem, inquit: Neminem enim esse puto tam durum, cui non oratio tua miseranda visa sit. Cicero lib. 2. de oratore. Eras. lib. 6. apoph.

De oratione inepta.

C. Iulius.

Cirtio orator, præterquā quod in cogitando esset tardus, in instruendo dissipatus, parūque rerū propositarum meminisset, in vtraque etiam parte toto corpore vacillabat in oratione. In hunc urbanē C. Iulius iocatus est: quæsiuit enim quis loqueretur è lintre? Cicero de Claris oratoribus.

Fl. Virginius.

Urbanē antisophistam quendam suum

suum interrogauit, Quot millia passuum declamasset? Taxans eum, quod in declamando discurreret, nimiumque crebras, longas ac tumultuarias haberet ambulationes: cum M. Tullius oratori non concedat procursiones, nisi raras, moderatas ac breues. Eandem ob causam Sura Manilius Domitio Afro dictus est non agere, sed satagere. Vtrumque refert Fabius, capit. de pronuntiatione.

Cassius Senerus.

Salsum est illud Cassij Seueri, qui aduersus patronos immodice discurrentes, ut interdum se proriperent in aliena tribumalia, poposcit lineam, alludens ad certamina cursus, in quibus vna linea designabat vnde cursus inciperet, altera vbi desineret. Idem accommodari potest in eos, qui digressionibus immodicis diuertunt ab instituto. Eras. lib. 8. apoph.

De oratione aliena.

Antigonus.

Adolescens quidam Anaximenis rhetoris discipulus, orationem a preceptore meditatam, & a se recitandam, subornatus coram Antigono habebat, quumque is inter audiendum quiddam scire cupiens sciscitaretur, moxque adolescens reticisset, Quid ais, inquit Antigonus: dum ista tibi sunt in tabulis descripta? Quod ille in adolescente indicauit absurdum, hoc hodie magnificum habetur, ut senes etiam apud principes orationem a rhetore quorundam conducto sex mensibus elaboratam ediscant, eamque psittacorum more reddant. Nec raro fit, ut nemi- ne etiam interpellate, excidant, eun-

ctisque ridiculi sint. Plutarch. in reg. apoph.

Aeschines.

Cum propter ignominiam iudicii cessisset Athenis, & se Rhodum contulisset, rogatus a Rhodis fertur legisse orationem illam egregiam, quam in Ctesiphontem contra Demosthenem dixerat, qua perlecta, petiit ab eo postmodum, ut legeret illam etiam, quae erat contra a Demosthene pro Ctesiphonte edita: quam cum suauissima & maxima voce legisset, admirantibus omnibus: Quanto, inquit, magis admiraremini, si audissetis ipsum? Quo satis indicauit, quantum esset in actione situm: cum orationem eandem aliam esse putarent, auctore mutato. Cic. lib. 3. de Orat.

De oratione extemporanea.

Pericles.

Ad perorandum a populo saepe laceffit, negauit: quia imparatum se esse diceret. Plut.

Chrysippus.

Dicere solebat, cogitationem orationis esse fontem. Nihil autem aliud hoc dicto voluisse videtur, quam negotium omne prius probe examinandum esse de quo dicturus es, & tum demum orationem neruis omnibus absolutam struere te posse. Stob. ser. de Prudentia.

Demosthenes.

Epici opprobianti, quod semper dicturus meditaretur: Erubescerem, inquit, optimo iure, si tantae multitudini consulens, dicerem extempore. Quod alij praclarum esse dicunt, subito ex imparato dicere, id

Na

vir cordatus iudicabat esse temeritatis. Eras. lib. 8. apoph.

Idem.

Quum postridie concionem ad populum habiturus esset, totam noctem præcedentem vigilabat: scilicet ad meditando & ediscendum, quæ dicturus erat. Hanc igitur ob causam Pythias torquebat in ipsum scomma, sententias eius elychnia redolere dicens. Ex Ælianô recitat Stob. serm. 27.

Demades.

Iocari solebat in Demosthenem, quod cæteri quidem oratores dicerent ad aquam, ipse verò & scriberet, taxans eum, quod nunquam nisi de scripto diceret, tū esset *u' spononius* Contra Demades, ut largius bibebat, ita valebat extemporali dictione.

De orationis habitu, pro re & tempore variando.

Socrates.

Lysias quum Socrati orationem, quam in eius defensionem composuerat, recitasset. Præclara, inquit, & elegans est oratio, sed non convenit Socrati. Erat enim forensi instituto aptior, quàm philosopho. Rursus Lysiae percontanti, cur si bonam iudicaret orationem, putaret sibi non convenire? Nōne, inquit, fieri potest, ut amictus aut calceus elegans sit ac pulcher, qui tamen alicui non conveniat? Quo dicto ostendit, eam orationem gratam esse, quæ suo loco suisque personis convenit. Cicer. lib. 1. de Orat.

Agésilas.

Apud Agésilauum Lacedæmonio-

rum regem, cum quidam rhetorem laudasset, quod mirifice res exiguas verbis amplificaret, Ego, inquit rex, ne suturem quidem arbitrarer bonum, qui paruo pedi magnos inducat calceos. Sensit vir prudentissimus, eum demum bene dicere, cuius orator rebus convenit, ex quibus orationis qualitas potius quàm ex artificio petenda est. Plut. in Lacon.

Archidamus.

Cum Græci nollent rescidere pacta, quæ cum Antigono & Cratæo pepigerant, & amplecti libertatem, quam offerebat Archidamus, veritine grauiores essent habituri Lacedæmonios quàm Macedones: Ouis, inquit: semper eandem edit vocem: cæterum homo multas ac varias emittit voces, donec quod decreuit confecerit. Hoc dicto significans, fallendam esse fidem si qua magna inuiter utilitas. Nullum autem est animal, cui tam varia vox sit, quàm homo. Hoc apophthegma videri possit indignum Lacone, nisi post integritas eius gentis, barbarorum cōmercio degenerasset. Dicti potest honestus aliquis vsus esse: veluti si quis admoneat, pro tempore, proque re nata variandum esse sermonis habitum. Est vbi loquendum si seuerius, est vbi blandius: est vbi magnificentiùs, est vbi submissius: est vbi iucundius, est vbi durius: id si fiat citra perfidiam, prudentia est, porro ouilli mores dicuntur hominum stupidorum, qui sese nesciunt rebus ac personis accommodare. Græcorum igitur constantiam Archidamus stultitiæ tribuit, qui proposita libertate nollent mutare vocem. Plut. in Lacon.

De

De oratoribus.

Diogenes.

ORatores carpebat, quodd stude-
rent iusta dicere, sed eadem fa-
cere negligerent. Laert. lib. 6. Erasim.
Rot. lib. 3. apoph.

Idem.

Oratores, qui summo in pretio ha-
beantur Athenis, dicebat turbæ mi-
nistros, quodd ad gratiam loqui cog-
rentur, & serviliter adulari stolidæ
multitudini. Coronas autem dicebat
esse gloriæ pustulas, *ἐκασθῆμα*, qua-
lia nonnulli progerminant in naso,
vultuque ex bile. Laert. lib. 6.

Idem.

In caupona prandens, Demosthe-
nem fortè prætereuntem inivitavit
ut accederet. Id cum ille pudore re-
cusaret: Erubescis, inquit, Demo-
sthenes cauponam ingredi? at qui hîc
herus tuus quotidie versatur. Innuit,
oratores nihil aliud esse, quàm mæci-
pia populi, nec esse par, ut illic pu-
deat serum populi videri, ubi popu-
lus assidue viueret. Erasim. Rot. lib. 8.
apoph.

Idem.

Oratores ac cæteros omnia ad
gloriam facientes appellabat *τρίτοι*-
αποφροισ, id est, ter homines, ancipiti
dicto. Nam ut vulgus hominem esse
negat, qui nec doctus est, nec huma-
nus? ita philosophus hominem voca-
bat miserum, qui nihil haberet su-
pra hominem. Siquidem iuxta Ho-
merum, nullum animal homine mi-
serius. Proinde ter homines dixit, ter
miseros, qui sua studia omnia confer-
rent ad rem immanissimam, ac po-
pulari multitudini, multorum capi-
tum beluæ, servirent servitutem,
Laert. lib. 6.

Demosthenes.

Interrogatus, quomodo orator fa-
ctus esset? Respondit, Dum plus o-
lei quàm vini absumerem. Ex Dio-
mede. Meminit etiam Brason. lib. 4.
cap. 31.

Idem.

Phocion Atheniensis breui ora-
tione utebatur, cæterum gravissima,
quem cum surgentem vidisset De-
mosthenes: Ecce, inquit, meæ oratio-
nis culter surgit. Plut.

Pyrrhus.

Dicere solebat, plures vrbes suo
imperio additas oratione Cyneæ o-
ratoris ac legati, quàm suis armis,
Val. Max. & Bruf. lib. 4. cap. 31.

Vide apoph. de Eloquentia.

De ordine.

Astilius.

Dicere solebat, sic adolescentes
in foro auspicari à causis cen-
tumviralibus, ut pueri solèt in scho-
lis ab Homero, quod vtrunque sit ma-
ximum: cum oporteat paulatim per
gradus ad id quod summum est per-
uenire. Plin. ad Maximum.

De ornatu.

Crates.

* **D**icebatur ornamentum esse id
quod ornat. Ornat autè, quod
honestiorem mulierem facit: talem
verò præstat non aurum, non sma-
ragdus, non coccus, sed quæcunque
gravitatis, moderationis & pudoris
specimen adhibent, Stob. serm. 72.

Hyperides.

* Domi, inquit, coram viro liceat
uxori ornare se ut libet: ornamenta
autè quæ summe regressura domi non

ad maritum, sed ad alios spectant.
Stob. eod. ferm.

Democritus.

* Sermo parvus mulierem ornat,
& ipsius ornamenti paritas (inquit)
ei decora est. Ibid.

Theophrastus.

* Mulier, inquit, nec alios videre,
nec ipsa videri debet, præsertim quæ
elegantè ornata fuerit, vtrunque e-
nim ad adæ inhonestas incitamentum
est. Ibid.

Diogenes.

* Ad quendam iuuenem supra mo-
dum sese ornantem: si quidem, inquit,
ob viros, infelix es: siu ob mulieres
iniurius. Stob. ferm. 78.

De osculo.

Maximinus imp.

NVnquam ad oscula pedū quen-
quam admisit, dicens: Dij pro-
hibeant, vt quisquam ingeniorū pe-
dibus meis oscula figat. Et vbi sunt
interim, qui non solum ingenuos, ve-
rum etiam summos monarchas ad o-
scula non pedum, sed calceorum, nō
dicam admittunt, sed inuitant, & quo-
dammodo cogunt? Hæc Erasmi. Rot.
lib. 6. apoph. ex Capitolino.

De ostentatione.

Aristippus.

QVendam sibi vehementer pla-
centem de natandi peritia non
tulit Aristippus: Et non te pudet, in-
quit, tam insolenter his de rebus ia-
ctare te, quæ delphinum sunt pro-
pria? Lepidius erat si dixisset, rana-
rum. Decet hominem gloriari super
his quæ sunt hominis propria. Nihil

autē magis conuenit homini, quàm
ratione pollere. Nullus tam peritus
natator est, quin à delphinis supere-
tur. Laert. lib. 2. cap. 8.

Idem.

Suprà de Ebrietate & vinolentia.

Antalcidas.

Cùm Atheniensis quidam Lace-
dæmonios appellaret indoctos: Soli
igitur nos, inquit Antalcidas, nihil
mali à vobis didicimus. Sensit, artes
quibus se iactabāt Athenienses, ma-
gis id ostentationem, otium ac volu-
ptatem esse accommodas. quàm ad
rempubl. gubernandam, ad quod nul-
la disciplina deerat Lacedæmoniis.
Plur. in Lacon.

Augustus Cæs.

Miles quidam in expeditione sa-
xo percussus, notabilique in fronte
cicatrice deformatus, quoniam ho-
nesto vulnere erat insignis, immodi-
cè sua facta iactabat: eius insolentiam
Augustus leniter castigauit. At tu, in-
quit, caue ne quando fugiens post te
respexeris. Subindicans fieri posse,
vt vulnus de quo nimium se vendi-
tabat, non in prælio, sed in fuga acce-
pisset. Macrobius. 2. Saturnal. Erasmi. lib. 4.
apoph.

Ludouicus XI. Gall. rex.

* Audiens Bearnenses & Picto-
nes quosdam, ignauos & imbelles
homines, de nobilitate sua, cum aliis
verè nobilibus, gloriari: atqui (ait)
decem istiusmodi nobilibus, vnicus
ensis satis superque fuerit. Annal.
Franciæ.

De ostentis.

M. Cato.

QVidam manè surgens, reperit
caligas à foricibus arrosas, hoc
osten-

ostento turbatus, consuluit Catonē, quid mali portenderetur? Ille verò: Non est, inquit, ostētum, quòd sorices arrosentur caligas: sed si caligæ arrosissent sorices, id demum fuisset ostentum. Plutarch.

Sylla.

Carens rebus necessariis, quum cogeretur etiā diis dicata tangere, Caphim amicum Delphos miserat, ut pecunias ac donaria ad se perferret. Quibusdam verò dicentibus, intra templum auditum citharæ sonitum: quod ostentū interpretabantur, quasi Apollo citharædus indignaretur, Caphis audita præscripsit Syllæ, cui faceret rescripsit Sylla, Quin tu potius interpretaris istud esse signum gaudentis & exultantis Dei, potius quàm indignantis? Itaque perinde ut Deo hilariter tribuente, tu quoque bono animo pecunias accipe. Plutare.

Vespasianus.

Vespasianus quum Cæsareū mausoleum repentē patuisset, tum stella crinita apparuisset, aliis interpretantibus, Cæsaris interitum portendit: ille facietē interpretatus est, prius ostentum ad Iuliam Caluinam pertinere, quòd ea esset de gente Augusti posterius ad Parthorum, siue ut Aurelius Victor tradit, Persarū regem qui capillatus esset. Suetonius.



DE PACE.

Cræsus.



CYRO captus, hoc argumento pacem bello prætulit, quòd pacis tempore filij sepelirent patres, in bello contrā, patres sepelirent li-

beros, Eras. l. 6. apoph.

Epaminondas.

Meneclides inuidens Epaminondæ gloriæ, suavitati populo, ut pacem haberent bello potiozem. Cui Epaminondas: Fallis, inquit, ciues tuos, qui otij nomine eos ad seruitutem vocas. Pax enim bello paratur: nec eam tueri licet, nisi ciues sint ad bellum instructi. Plut.

Pomponius Atticus.

In funere matris, quam extulit nonagenariam, ipse natus annos sexaginta septem, gloriatus est, quòd nunquam cum matre in gratiam redisset, nunquam cum sorore fuisset in similitate, quàm propè æqualem habuit. Hanc vocem se ab ipso audisse scripsit Cornelius Nepos. Plus autem est: non redisse in gratiam: quàm non fuisse in similitate. Matrem non quam offenderat: inter ipsum & sororem, etiam siquid incidit offensarū, nunquam exierunt in similitatem: quæ tamen inter fratres & sorores frequentèr acerrimè solent existere. Eras. lib. 6. apoph.

Probus Imp.

Dixisse fertur, Breui milites necessarios non habebimus. Sperabat tantam pacem, ut nihil opus esset exercitu. Hanc mentem utinam Deus immittat omnibus nostri seculi principibus. Flavius Vopiscus.

Philo.

* De pace, huius scitè dicta sunt hæc. Pax vel cum magno damno coniuncta utilior bello Ex recta præfectorum administratione nascitur. Maximum bonum est, & diuinum: quòd nullus mortalium præstare potest. Anton. sermon. de caritate & pace.

Antonius Pius.

Adamabat illam Scipionis celebratissimam sententiam, subinde dicens, Se malle vnum seruare ciuem, quàm mille hostes occidere: Panem videlicet bello præferens: & in ipso bello sentiens hanc oportere primam esse ducis curam, vt quàm minima ciuium iactura paretur victoria. Iulius Capitolinus.

Otho imp.

Cùm videret aut deponendum imperium aut magna ciuium strage tuendum, statuerat spòte mori, & amicis ac militibus hortantibus, ne tam citò de belli euentu desperaret: negauit sibi suam vitam esse tanti, vt hac de causa bellum ciuile nasceretur. Quis non miretur hunc animum in principe ethnico, eoque triginta-tres annos nato? Erasmi Rot. lib. 8. apoph.

Alphonfus.

Ludouico Podio (quo propter eius singularem diligentiam ad fidem, perpetuò ferè oratore in Italia vsus est) renuntiante, pro pace, quam Venetis & Florentinis daturus esset, plus quàm ducenta milia aureorum extorqueri posse, respondit, Pacem dare se, non vendere solitum esse. Panormitan. libro 3. de rebus gestis Alphonfi.

Idem.

Quum esset Valentia: appulerunt eò loci Caroli Francorum regis legati, magnopere eum rogantes, ne per id tempus, quo rex eorum bello Britanico implicitus esset, contra se bellum aliquod suscitaret (quàm maximè enim verebatur Carolus, ne Alphonfus captato tempore & occasione, cum armis lacefferet, propterea quòd ius aut titulum prætenderet in eam partem Gallia: Narbonen-

sis, quam incolæ sua lingua Occitanam vocant) respondit rex: Et si certò scio, plures Narbonensis Gallia: ciuitates ad Aragonia: regnum pertinere, quas Carolus rex iam pridem occupatas detineat: nihilominus tamen hoc tempore, quo illum intelligo bello superatum, & à Britannis protritum esse, nequaquam me arma contra profligatum regem sumpturum esse vobis affirmo: neque eo animo esse, vt quod maiores mei in Caroli prosperitate non petierunt, ego in eius repetam calamitate. Anton. Panor. de rebus gestis Alphonfi, & Æn. Syluius de eius dictis.

Vide apoph. de Concordia.

De pallore.

Diogenes.

Physicus quidam cùm Diogenem interrogasset, quam ob causam aurum palleret? Quoniam, inquit, plurimos habet sibi insidiantes. Laer. lib. 6.

M. Cato.

Non probabat adolescentes, qui castigati palleferent: sicut enim rubedo bonum in adolescente signum est, sic pallor pessimum. Plut. in Ro. apoph.

De parasitis.

Vide apoph. de Adulatione, & assentatione.

De parentum amore in filios.

Socrates.

Fortè cū Lamproclo filiolo pueriliter ludens ab Alcibiade deprehens-

prehensus & vehementer derisus est. At ipse: Non est, inquit, ut me parentem cum filio ludentem rideas immoderatus, qui ignoras parentum in filios affectum, tacebis itaque, donec & ipse liberos generis similia tentaturus, & fortasse magis puerilia. *Æl. lib. 12 de Var. hist.*

Ageſilaus.

Quam miro esset affectu erga liberos suos dicitur aliquando arundine pro equo conscensa, una cum pueris luisse domi. Id cum forte vidisset ex amicis quidam, rogabat, ne cui diceret quod videret priusquam ipse quoque liberorum parens esset factus. Festiue subindicans, eum lulum non esse leuitatis, sed pietatis: nec hoc quod agebat, videri posset ineptum ei, qui modo expertus esset, quam ingens sit affectus charitatis parentum erga filios. *Plutarchus in Laconicis apophthegmat. & Ælianus libro 12. Varia histor. Simile cum superiore Socrati attributo.*

Anacharsis.

* Interrogatus qua de causa operam non daret proli, respondit, quia nimis amaturus essem liberos. *Stob.*

Socrates.

* Frequenter ad suos discipulos conuersus dicebat, eos qui filiis de multis opibus prospiciunt, ut autem boni & egregij euadant negligunt, simile quid ageret equos alentibus, quos belli disciplinam non docent, multum vero pabuli exhibent. Sic enim equos habituri sunt pinguiiores, sed rerum, quas præstare oportebat imperitos. Nam equi laus non in corpulentia, sed in audacia peritiæque bellica sita est. Eodem modo (inquit) peccant illi,

qui filiis multos agros comparant, ipso finet verò negligunt. Possessiones enim magni precij æstimationem habebunt, ipsi autem viles erunt: cum contra oporteret custodientem re possessa preciosiorem esse. Itaque si quis filium suum magni pretij hominem effecerit, quamuis paucas opes ei relinquat, multa tamen largitus est, &c. *Xenoph. Hæc scitè dicta ostendunt qualis parentum amor erga liberos esse debeat.*

Epictetus.

* Liberos doctiores quam ditiores relinquendos esse dicebat. in *Enchirid.*

Isocrates.

* Liberis pudorem magis quam aurum consulebat esse relinquendum. In admonitionibus ethicis.

Demetrius.

Cum *Erasistratus* *Demetrio* Antiochi filij mentem qua mori destinaret indicasset, simulque fassus esset, huius affectionis causam esse amorem: *Demetrius*, qui adulescentem vnicè adamabat: per omnia multis cum *lachrymis* cepit obtestari, ut illius incolumitati consuleretur, cum *Erasistratus* addidisset, inmedicabile malum esse, quod in ipsius uxorem deperiret, hoc audito, *Demetrius* multo vehementius cepit obtestari, ut ob salutem filij cederet illi suam coniugem. *Ista*, inquit, ô pater: tibi facile dicuntur: sed aliud diceres si tua coniugem *Stratonicem* adamaret. Hic cum rex deos cōprecaretur, ut liceret amorem filij commutare, & a medicis coniuge in suam transferre, nihil se non facturum, si modò liceret seruare filium: *Erasistratus* patris de xtram amplexus, Nihil est (inquit) ô rex, in quo iam *Erasistrato* indigeas. Etenim cum & pater sis & maritus

Non iiii

& rex, optimus eris tuæ familiæ medicus. Non enim in coniugē meam, sed in Stratonicem tuam Antiochus deperit. Post hæc Demetrius edixit, ut Antiochus rex, Stratonice, quam filio cessit, regina nominaretur. Plu.

Cesetius.

Cesetius eques Ro. cum à Cæsare filium abdicare iuberetur, quod is tribunus pl. cum Marulo collega ei inuidiam mouisset regni affectati: Citius, inquit: Cæsar, tu mihi omnes filios meos accipies, quam ego ex his vnum domo expellam mea. Erasmi. l. 6. apoph.

De parentum seueritate in filios.

Damatia.

Quum accepisset filium ita se gerere in bello, ut tali matre videretur indignus, domum redeuntem interemit. maluit filium habere mortuum quam bello inutilem. Qua de re hoc fertur epigramma:

Transgressum leges mater Damatia natum.

Ipsa lacena necat; non Lacedæmonium.

Hoc facinus propius accedit ad barbaricam immanitatem, quam ad fortitudinem: utile tamen exemplum est, ad exprobrandam vulgò matrum nimiam in liberos indulgentiam, quæ ob hoc ipsum sæpe impotentius amant eos, quod sint nequitia corruptissimi. Plut. in apoph. Lacænarum.

Teleucia.

Chij exules cum Spartam venissent: multis modis Pædaretum incubabant. Eos Teleucia mater cum vocasset ad se, explorans ea quæ in filio reprehensione digna essent, scripsit hunc ad modum filio, ut aut ignomi-

niam omnem ablueret, aut in patriâ incolumis non veniret. Ibidem.

Anonyma.

Filio iniuriarum postulato: Aut crimine (inquit) fili, aut vita te ipsum libera. Mater in filium seuerior, quam iudex: quæ extinctum mallebat, quam cum ignominia viuum. Ibidem.

Alia.

Lacæna quædam filium, qui in acie loco cesserat domum reuertentem occidit: noluit enim alere filium, qui in bello cæteris ignauitæ exemplum esset. Plut. in apoph. Lacænarum.

Alia.

Quum accepisset quod filius peregre agens, inhonestè se gereret, scripsit illi: Malus rumor de te sparsus est: hunc tollito, aut non esto. Plut. in apoph. Lacænarum.

Tennes.

*Is rex Tenediorum cum legem promulgasset, ut si quis adulterum deprehendisset, securi trucidaret, intellexit mox filium in hanc legem peccasse. Vnde cum rogaretur quid faciendum esset? Lege vitandum, inquit: securi percutiatur. Paus. l. 10. Erasmi adagio. Tenedia bipennis. De eadem seueritate Zaleuci Locrensis erga filium ob adulterium altero oculo priuatum. vide Cicero nē lib. 2. de legib. Stob. ser. 42. Alian. var. hist. l. 2. Valer. Max. l. 6. c. 5.

Socrates.

*Obiurgationem à patre factam, suauē medicamentum esse dicebat: plus enim inquit prodest quam mordet. Stobæus.

Idem.

*Ab uxore reprehensus quod filium immorigerum & inutilem non admitteret, & cum illa subiecisset, atqui ex te est: in terram despuens, & hoc subiecit, ex me est, at non vitile. Max. ser. de honore parentum.

Dionys.

Dionysius philosophus.

*Ridiculum esse dicebat, eum qui suis parceret alienos liberos castigare velle. Anton. serm. de parentibus liberorum educationem neglectam curantibus.

L. Iunius Brutus.

*Filios suos tyrannidi fauentes, comprehensos, ipsemet pro tribunali sedens interrogavit, dicens, Quid vos ad crimina hæc. Vbi iter interrogati nihil responderunt, tum ad lectores conuerso vultu: Iam reliquæ, inquit, vestræ partes sunt. Eorum deinde supplicia fixis oculis est intuitus. Exiit patrem, ut consulem ageret: orbisque vivere quam publicæ vindictæ deesse maluit. Liu. li. 2. Val. Maxim. l. 5. c. 8.

M. Scaurus.

* Audiens filium cum aliis ab hostium exercitu fugatis urbem repetere, misit qui dicerent libentius se in acie eius interfecti ossibus occisurum, quam ipsum tam deformis fugæ reum visurum. Itaque, si quid modò reliquum in pectore verecundiae superesset, conspectum degeneri patris vitaret. Filius audito nuncio seipsum interfecit. Valer. Max. Ibidem.

Manlius Torquatus.

Cum è Macedonia venissent legati, graues querelas deferentes de filio eius Decio Syllano, qui eam provinciam obtinuerat, à senatu petiit, ne quid ea de re statuerent, priusquam ipse causam cognouisset. Cum senatus illi cognitionem detulisset, domi sedit, solusque utrique parti per totum biduum vacavit, tertio die pronuntiavit in hanc formam: Quum Syllanum filium pecunias à sociis accepisse probatum sit, & Republica eum, & domo mea indignum iudi-

co, protinusque è conspectu meo abire iubeo. Eras. Rot. lib. 6. apoph. ex Val. Max. lib. 5. cap. 8.

A. Fulvius.

Filium ingenio, literis & forma florentem, quoniam in Catilinæ castra properabat, ex itinere retractum occidit, dicens: Ego te non Catilinæ aduersus patriam, sed patriæ aduersus Catilinam genui. Eras. l. 6. apoph. ex eodem.

Augustus Cæs.

Suprà de Facetè & iocosè dictis.

De parentum obscuritate, vide apoph. de Ignobilitate.

De parentibus pie colendis, vide suprà de Filiorum pietate in parentes.

Pär pari relatum.

Socrates.

Socrates cum in quædam amicum vehementius esse inuectus: Nonne præstabat, inquit Plato, ô Socrates, priuatim te hominem monuisse? Et Socrates: Et tu nõ fecisses melius, se priuatim seorsumque monuisses? Brusl. 5. c. 16.

Diogenes.

Midia cum impacto Diogeni colapho dixisset, tria millia tibi in mensa sunt posita. per ludibrium illi gratulans, quòd pro colapho tantum nūmorum ex multa ad ipsum esset redditurum si lege ageret. At Diogenes postridie sumpto pugilum loro, eoque impacto Midia, totidem verbis dixit: Tria millia tibi in mensa sunt posita. Laer. lib. 6. cap. 2. Brusl. 5. cap. 16.

Dion.

Exul, cum Pteodoti Megarensis opera opus haberet, & ad ædes illius veniens, videret illum ob negotio-

rum magnitudinem ægrè quendam admittere, amicis ob id indignantibus, dixit: Quid hunc incusamus? Nonne & ipsi, cum Syracusis essemus, eadem faciebamus? Erasim. libr. 5. apoph.

Agathocles.

Suprà de lepidè dictis.

Apollonius.

Medorum rex cum ad Brachmanas philosophos Indos accessisset, essetque ibi Apollonius Tyanaus, præter cetera inepta, quæ rex dixerat, dixit etiam Apollonio: De me dic quæso, qualis apud Græcos est sermo? Idem, inquit Apollonius, qui apud vos de Græcis habetur. Nulla igitur, inquit rex, apud Græcos mentione sum dignus? At ego, inquit Apollonius, de te nuncium feram, ut in Olympiis te coronent. Bruson lib. 5. cap. 16.

Hircanus.

Ptolemæo cœnante, cum vnà cœnaret Hircanus Iosippi filius, missus à patre ad congratulandum Ptolemæo, ob filij natiuitatem, proiciendis ossa ante illius pedes, Triphon scurra: Rex, inquit, omnia Hircano anteposita ossa sunt. Ex quibus coniice, patrem eius omnē Syriam denudasse. Ridente rege, & interrogante Hircanum, Cur tot ossa ante se haberet? respondit: Canes semper ossa cum carnibus deuorant: homines verò canes comedunt, ossa iaciunt. Ibid.

Dionysius sen.

Egregium quendam citharædum magnificis promissis ad se pellexit, iubens ut quàm optime caneret. Nam quod diutius caneret, hoc plus latum præmij. Cū ille per dies aliquot accuratè cecinisset, nec quicquā daret rex, cœpit flagitare mercedem.

Tū Dionysius asseuerabat, se mercedē quam pollicitus fuerat, bona fide soluisse. Qui, inquit ille, ne nummos quidē mihi datus est. At dedi, inquit Dionysius, voluptatem pro voluptate. Neque enim ego te minus delectavi spe, quàm tu me cantu. Erasim. Rot. l. 5. apoph.

Pyrrhus.

Cū Pyrrhus rex falsas aduentus sui causas prætexens, Laconiam inuasisset, diripuissetque, Lacedæmoniarum legatis expostulantibus quòd non indicto bello Laconiam inuasisset: Nec vos, inquit, Spartanis, quod facturi estis, prius aliis denunciatis. Plut. in vita Pyrrhi.

Antigonus.

Demetrius, cū bello nauali Prolemæum vicisset, misit ad patrē Antigonom quēdam Aristodemum Milesum, ad nuntium referendum, qui relicta in anchoris naue, scapha in portum delatus, multis quid noui afferret rogantibus, semper non sine magna Antigoni sollicitudine continebat. Ingressus regiam porrigensque Antigono dexteram, alta voce inclamauit: Salue rex Antigone, pugna nauali regē vicimus Prolemæum, Cyprumque teneamus. Exhilaratus Antigonus: Et tu per Iouem, inquit, salue: sic enim nos torquere voluisti Milefie. Par profectò referam pari: serò enim præmio donaberis. Plut.

Cotys.

Ei qui dono miserat pardalim, viciissim dono misit leonem: malā bestiam æquē mala repensans. Plut. in apoph. reg.

Scip. Nasica.

Cū ad poetam Ennium venisset, eisque ab ostio quærenti Ennium, ancilla dixisset, eum domi non esse: Nasica scosuit, illam hoc domini iussu di-

fu dicere, & illum intus esse. At cum quidam dissimulans abiit. At paucis post diebus, cum ad Nasicam venisset Ennius, eumque a ianua quæreret, exclamat ipse Nascia, se domi non esse. Tum Ennius: Quid? ego, inquit, non agnosco vocem tuam? Hic Nascia, Næ tu es impudens: ego cum te quærerem, ancillæ tuæ credidi: tu nisi non credis ipsi? Eras. l. 6. apoph. ex Cic. 2. de Oratore.

M. Pinarius.

Cum legem ferret annalem, dissuasor & intercessor Seruilius, Dic mihi, inquit, Pinari, Num, si contra dixerò, mihi maledicturus es, ut cæteris fecisti? Facetè Pinarius: ut semetem feceris, ita quoque metes, inquit. Brus. l. 3. c. 56.

Laberius.

Cum à Cæsare in senatu ascitus esset, nec à Cicerone ad concessum reciperetur, qui dicebat, Reciperem te nisi angustè sederemus, respondit Laberius: atqui solebas duabus sellis sedere, obiciens Ciceroni, parum firmam in rebus fidem & integritatem. Sed id quod Cicero dixit, Nisi angustè sederemus, scomma fuit in Cæsarem, qui in senatū passim multos admittebat, ut quatuordecim gradus non caperent. Brus. lib. 5. c. 16. ex Plutarch.

Diogenes grammaticus.

Cum sabbati diebus Rhodi disputaret, Tiberium venientem ut se extra ordinem audiret, non admisit, & per seruulum suum in septimum diē ut differreret admonuit. Sed hunc postea Romam profectum, ante fores salutandi eius causa astanem, nihil amplius quàm ut post septimum annum rediret admonuit. Bruson. libr. 3. cap. 16.

De parricidio.

Solon.

* Interrogatus, cur nullas pœnas aduersus eos qui patres verberassent constituisset? respondit, Quoniam nullos tales extituros existimabam. Anton, ser. de liberis parentes honorantibus.

Bellus.

* Is necauerat patrē, Quod cū diu clam fuisset, post cœnās apud extraneos milites, hirundinum nidum lancea fodit: eoque deiecto, pullos occidit. Cum dicerent autem qui aderāt, Quæ (malum) res te mouit ut in aui-culas facinus tam durum ederes? Nonne iam pridem hæc, inquit, falso testimonio suo, quasi parentem interfecerim, infamem me faciunt? Re ad magistrum delata, ac facinore deprehenso, Bellus supplicia pependit. Plut. de sera Numinis vindicta.

Papinianus.

Bassianus Cæsar cum magna laboraret inuidia, quod fratrem occidendum curasset, eoque Papiniano prætorij præfecto, ob eximiam iuris prudentiam summæ apud Romanos auctoritatis negotium dedisset, ut hoc facinus apud senatū defenderet: respondit Papinianus, Multo facilius est parricidiū perpetrare, quàm defendere. Eras. Rot. l. 8. apoph.

De parsimonia.

Socrates.

A Eschinem, qui premebatur inopia, solebat admonere, ut à seipso sumeret mutuū, siue usuram, ~~ut si iuri daretur~~ & addit modum, sibi ipsi subtrahendo cibaria, iuxta illud. Magnum vestigal parsimo-

nia. Expeditissima ratio est augendum censum, detrudere sumptibus. Eras. 3. apoph.

Democritus.

* Qui parci præter modum sunt, instar apicularum, inquit, operantur, tanquam perpetuò victuri. Stob.

Idem.

* Parsimoniam & esuriem bonam esse dicebat: suo autè tempore sumptus etiam. Porro (inquit) vir bonus hæc discernet. Stob.

Idem.

* Stolidos parcorum filios, ubi quid à patria illa consuetudine tenaci & exquisita deciderint, perire dicebat: non secus quàm qui inter gladios saltant, si vel semel aberrauerint in vnicuique gladio, ubi, pedibus niti debebant, intereunt. Stob. ser. 16.

Idem.

* Vitam nimis parcam & sine festiuitatibus, longam viam sine diuersoriis esse dicebat. Eod. ser.

Diogenes.

Suprà de Facetè & iocosè dictis.

Theocritus.

Multos diuites non dominos rerum suarum, sed tutores esse dicebat. Tales autem sunt, qui cum amplissimas opes possident, ad usum vitæ nequaquam conferunt. Stob. ser. 16.

Stratonicus.

Stratonicus musicus interrogatus, quinam essent in Pamphilia miserissimi? Phaselitæ, inquit: sed addebat, in toto orbe miserimos esse Sideras. Vtraque gens est in Pamphylia. Phaselitarum fordes prouerbio notæ sunt, Phaselitarum sacrificium: quòd falsis pisciculis sacrificaret. diis Miseros dixit parcos.

Alcamenes.

Suprà de Diuitiarum usu.

Alexander.

Cum hyeme frigidòque cælo apud amicum quendam conuiuio exciperetur, videretque foculum exiguum, & ignis pusillum: Aut ligna, inquit, inferre, aut thus, Subnotans, conuiuatore lignis suis parcere, perinde quasi thus essent, simul satis esse ignis ad faciendum suffitum diis, at parum ad depellendum frigus. Plutarch.

Bithis parasitus.

Quum Lyfimachus rex vestis ipsius curasset affigendum scorpionum ligneum, aut (vt Plutarchus ait) rubetam, pulchre assumulatum vero, perturbatus resiliit. Ridentibus omnibus, ubi dolulum sensit: Et ego, inquit, te vicissim terrebo rex. Quum ille dixisset, Fac: Da mihi, inquit, talentum, exprobrans regi fordes & parsimoniam. Eras. l. 6. apoph.

Gnathena.

Quum quidam vini paulum infundisset in psyceterium (id est vasculum) genus refrigerando vino paratum) diceretque, hoc vinum sedecim annorum est: Pusillum est, inquit, pro tot annorum ætate Hoc ipsum ascribitur Phrynæ. Eras. l. 6. apoph.

Anonymus.

Seruus quidam ab Hero Chionegotiatore profugerat. Rogatus cur fugisset? Quoniam, inquit, quum adfuerint bona, mala querit. Soler enim herus ille vinum mustum, primæque suauitatis vendere, ipse interim non bibens nisi subacidum ac vapescent. Eras. l. 6. apoph.

Antiphon.

* Multos inueniri dicebat, qui præsentem vitam non viuunt, sed magno studio se parant, ceu vitam quandam aliam victuri. Interea tempus ipsos deserit. Stob. serm. 16.

Eusebius

Eusebius philos.

*Virum inquit, qui magnas opes reconditas habuerit, nec aliā ob causam, quā ut reponat, conquirentem quo semper aliquid præsentibus addat, & si locupletem, nihil tamen neque sui, neque alterius utilitatis gratia insumentem, nequaquam diuitem esse dixerim, sed custodem & alienis pecuniis cōparandis natum, qui sæpe numero sibi labores creet, & res nihil ad se pertinentes augeat. Stob. eod. ser.

Idem.

*Vir cui magnæ sunt opes reconditæ, quibus pro suo arbitrio ad res necessarias uti non audeat, similis est ærario quæstori publicū thesaurum suum esse persuaso. Quantum enim ad opinionem, ex æquo uterque diues est. Vsum verò diuitiarū, qui propius est possidenti, non hīc magis quā ille habet. Eod. ser.

Anonymus.

Græculus quidam Cæsari Augusto descendenti à palatio, honorificum aliquod epigramma porrigebat, remunerationem tanti principis expectans. Verū cū id sæpe frustra fecisset, nec destitutum videret Augustus epigramma bene Græcum manu sua descripsit. & Græculo ad se venienti obuiam misit, veluti carmina carminibus pensaturus. Græcus acceptum legit: ac non solum voce, verū etiam vultu gestūque corporis laudauit carmen, miratūque est. Deinde sellam accedens quæ Cæsari vehebatur, demissa in pauperem eromenam manu, pauculos obolos protulit, & Cæsari obtulit, his verbis non iuxta fortunam tuam Auguste: si plus haberem, plus darem. Eras. l. 4. apoph. ex Suet.

De partis probè custodiendis.

Xenophon.

Xenophontis sententia vulgò celebratur: Non tam graue esse bona non accipere, quā acceptis priuari. Stob. ser. 13.

Demothenes.

Dicere solebat plurimos hominū parare quidem diuitias bene consulendo, nihilque contemnendo: sed non iisdem artibus ipsas conseruari posse. Stob. eod. ser.

Augustus Cæs.

Deridere solebat Alexandri Macedonis dictum, qui ad consodales suos frequenter dictitabat, nihil sibi à Philippo patre relinqui quod ageret: Nec quidem immeritò derisit adolescentis stultitiam, qui non contentus erat regionibus à patre subactis, sed ipse quoque bello plures sibi parare studebat: ignorans præcipuam curam eò referendam esse, nō ut multa possideamus, sed ut iam parta tueamur. Non minor enim (ut ille ait) vir tus est, quā querere, parta tueri. Plut. in Rom. apoph.

De patientia doloris.

Bion.

Alebat magnum malum esse, nō posse ferre malum: absque hoc enim nulli potest esse vita suavis. Lært. lib. 4. c. 7.

Democritus.

*Dicebat, si quæ sunt perpetienda discere liceret: & nō perpeti. bonū esset discere: sed si perpetiēda sunt omnino, quid discere iuuat? perpeti enim necesse est. Ant. & Max. ser. de patiēt.

Diogenes.

Adolescens conuenienti, quod à

multis turbaretur, Desine, inquit, & tu perturbationis indicia præ te ferre. Significans nulla re melius improbitatem lædentium finire. quã si qui læditur dolorẽ dissimulet. Etenim quod id incesunt hominem, ut illũ dī crucient, desinent, si viderint illum nihil commoueri. Laer. l. 6.

Anonymus.

Quidam cū videret Diogenẽ cognomento canem in vehemēti frigore statuat æream amplectentem, rogauit, num algeret? illo negante: Quid igitur, inquit Lacon, magni facies? Philosophus, gloriæ mancipiũ, hoc ipsum existimabat magnificum, quod sic haberet corpus ad omnes iniurias duratum, ut in rigore frigida statua complexum ferre posset absque dolore. Id Laconi nihilo pulchrius videbatur, quã si quis in estate simile quippiam amplecteretur, nullo suo incommodo. Plut. in Lacon.

Idem.

Adolescens quidam postquam Zenonem aliquandiu audierat, domum reuersus, à patre rogatus, quod tandem operæ pretium fecisset in philosophiæ studio: Ostendam, inquit. Quum nihil aliud diceret, pater iracundus, existimans impendium perisse, coepit flagris cedere filium. Eam parentis sæuitiam adolescens æquissimo animo tulit. Ac rursus efflagitati patri, ut aliquod specimen profectus ederet, expectanti egregium aliquod sophisma: Hoc, inquit, est philosophia fructus retuli, ut patris iram possum commodè perpeti. Erasim. l. 8. apoph. ex Aliano.

Anaxarchus.

Dicebat, virtutẽ sibi sufficere ad felicitatem, nec vlla re opus habere nisi robore Socratico. Socrates autẽ ad omnium rerum patientiam ob-

duruerat. Imbecillitas verò corporis impedit frequẽter vsum virtutis. Laert. lib. 6. cap. 1.

Anaxarchus.

Suprà de Constantia, & de fide seruanda.

Agésilas.

Quũ arderet podagra doloribus, eũque Carneades inuississet, atque exiret tristis. Mane, inquit, Carneade, nihil enim illinc huc peruenit: ostensis pedibus & pectore. Sentiens, pedes quidem dolore, sed animum dolore vacuum esse Plut. in Lacon.

Idem.

Quum verò narraretur apud Agésilam maleficum quempiam ac scelerosum hominem constanter pertulisse tormenta: Ut insigniter, inquit, miser est homo, qui tolerantia ac patientiam in res flagitiosas ac turpes collocet. Apud Lacedæmonios admirabilis erat malorum tolerantia: quæ si suscipiatur ob res honestas, magnã promeretur laudẽ: sin ob turpes, non solum non meretur fortitudinis laudem, qui tolerat sed hoc miserior est vir peior, quo constantius se gesserit: *nonne* enim Græcẽ & malum sonat, & translato tono laboriosum siue calamitosum. Dolebat egregio duci, tantum animi robur ac naturæ vim in re turpi consumptam, quam si attulisset ad res honestas magno vsui poterat esse Reipub. Plut. in Lacon. Erasim. l. 1.

Anonymus.

Suprà de morte contemnenda.

Anonymus.

Lacæna quædam, quam illi filius rediisset ex acie, atque ex vulnere indidit vehementer doleret. Si virtutis, inquit, meminueris, ô fili, non solum nõ dolebis: verum etiam bono futurus es animo. At vulgus matrum solet filiorum

liorum dolorem suis querimoniis & lachrymis exasperare, hæc animauit ad doloris tolerantiam. Plut.

Æd. f. m.

* Is mercaturæ gratia in Græciam à patre Cappadoce ablegatus, philosophiæ dedit operam. Reuersus & à patre plagis affectus dolores tulit patientissime. Et quærente patre, quid in philosophorum schola didicisset? Hoc, inquit, ut patris iram commode perpeti possim. Eunapius.

Dionysius Heracleotes.

Laborans ex renibus, in ipso ciuilatu clamitabat, falsa esse illa, quæ antea de dolore sensisset. quem cum Cleanthes discipulus eius rogaret, quænam ratio eum de sententia deduxisset? respondit, Quia cum tantum operæ philosophiæ dederim, dolorem ferre non possum. Brufon. lib. 2. cap. 28.

Philippus.

Suprà de iocosè dictis.

Alexander.

* Grauius vulneratus in expugnatione verbis Oxydracarum, chirurgos consilij inopes ac morantes insectatus ac manus admonere vulnere iubens, ad amicos conuersus dicebat, Nemo sit ne mei quidem causa meticulosus. Nemini probò non formidare me mortem, si mea vos formidatis. Plutarch. libr. 2. de fortuna Alexan.

C. Marius.

Cum in utroque crure varices haberet, nullis vinculis alligatus, præbuit sese secundum: ac nec suspirio emisso, nec adductis superciliis, chirurgi curationem pertulit. Cæterum cum medicus ad alteram cruram transiret secundum, veruit, dicens curationem non esse tanto dignam cruciatu. Plut. in Rom. apophth.

Possidonius.

Pompeius è Syria Rhodum veniens, Possidonium quamuis ægrum reuifere voluit. data acceptaque salute, cum dixisset Pompeius se grauius ferre, quod eum non posset audire. Tu verò, inquit, potes. neque committam ut dolor corporis efficiat, ut tatus vir frustra ad me venerit. Cum verò inter narrandum quasi faces ei doloris admouerentur, sæpe dixisse fertur: Nihil agis dolor, quamuis sis molestus, nunquã te tamen esse confitebor malum. Bruf. l. 2. c. 1.

Burus.

Nero in magna erat inuidia, quod Burum principem virum crederetur occidisse, veneno faucibus illito, quasi remediũ adhiberetur. Ad hunc cum Nero visendi gratia venisset, auersatus est illum Burus, cui scelus iam erat intellectum: multaque percontanti nihil aliud respondit, quã, Ego bene me habeo. Mira etiam in moriente lenitas. Sueton.

Lygus.

* Hec mulier, memoria inter multas dignissima, quã metu militum filium occultasset, & illi percruciatum interrogaret, ubinam occuisset? iterum ostendens, respondit, Ibi latet, nec vllis tormentis cogi potuit, ut constantiã vocis egregiæ mutaret. Corn. Tacit.

Anonymus.

* Propriũ esse insignis stultitiæ dicebat, dolores & aduersas res parui facere: & nolle quum accidit pati. Ant. ser. de non patientib. & c.

De patientia iniuriæ.

Pythagoras.

* Magna peritia eum præditum esse dicebat, qui aliorum imperitiam ferre posset. Stob. ser. 19.

Lycurgus.

* A ciue quopiam iuvene altero oculorum orbatus, illū à populo accepit, vt quo liberet modo puniret. Quod minimè fecit, sed optimè institutum, bonique viri moribus præditum, in theatrum produxit, Spartanis rem mirantib. dixit, Istum antehac iniuriam & violētum, qualem, à vobis accepi, iam frugi & populari rem restituo. Plut.

Zenon Eleates.

Conuiciis lacesitus cū incandesceret, reprehensus, quod philosophus verbis improborum commoueretur: Si cōuicia, inquit, æquo animo suscipio, an ne laudis particeps ero? Lapidis & trūci est, inter laudē & vituperium nullū planè habere discrimē. At philosophi, ita cōmoueri, vt nihilominus ab honestatis tramite non recedat. Laer. l. 9. c. 5.

Idem.

Cuidam percontanti, quo pacto esset affectus erga conuicia? Perinde, inquit, atque si legatus absque responso dimittatur, significās, eos qui non habent quod respondeant, ad cōuicia solere confugere: eaque nō plaris oportere fieri, quàm si nihil esset responsum. Laer. l. 7. c. 1.

Pisistratus.

* Memoriae proditur, cū multa in crudelitatem eius ebrius conuiuia dixisset, nec deessent qui vellent ei manus commodare, & alius hinc, alias illinc faces subderent, eum placidio animo tulisse, & hoc irritantib. respondisse, non magis illi se succedere, quàm si quis obligatis oculis in se occurrisset. Senec. lib. 3. de ira. c. 11.

Plato.

* Quodam ei maledicente: Perge, inquit, maledicere, vt qui bene nunquā didiceris. Stob. ser. de Patientia.

Aristippus.

* Contumeliis à quodam petrus dixit: Penes te est maledicere: penes me autem rectè audire. Sto. eod. ser.

Demosthenes.

* A quodam conuiciis lacesitus: nolim, tecum, dixit, in hoc genus certaminis descendere, in quo qui vincitur ipso victore est melior. Sto. ibi.

Dion philosophus.

* Eum cōuiuio redeuntem, quidam maledictus insectabatur, nullas non blasphemias eructans, tacenti & iam domum ingressuro dixit conuiciator, Nihil verò respondes? Cui Dion, Negry quidem. Plut. & Stob.

Philippus.

Aiebat, se his qui in Reipublica Atheniensiū administranda primores essent, plurimā habere gratiā, quod suis conuiciis efficerent, vt ipse tum oratione, tum moribus euaderet melior: Dum conar, inquit, illos dictis pariter ac factis mendacij conuincere. O verè philosophicum principis animum, qui nouit etiam ex inimicis capere vtilitatem: nec quod vulgus solet, hoc tantum spectare, vt maledicos afficeret malo, sed vt ipse minas malus redderetur, illorum male dictis admonitus. Plut. in apoph.

Nestor.

Nestor apud Sophocle, ad Aiace maledicentem ita loquitur:
ὦ μέγας Αἴας, ὅπως γὰρ δὲ κακὰ λέγεις.

De te queror nil, malè loquēs facis bene.

Aliquid concedendum est viris fortibus, deque Republica bene meritis: & bene pensat linguæ virium, qui factis egregius est. Eras. 6. apoph.

Fabius Maximus.

Quoniam cum Annibale confingere derectabat, sed mora copias illius & pecuniarum & comineatus egentes attenuabat, sequens illum per

per aspera montuosâque, ac subinde obiter sese opponens, à nonnullis per ludibrium dicebatur, Annibalis pædagogus, hoc conuicio nihil commotus, pergebat suum institutum sequi, dicens apud amicos: Qui dictæria conuiciaque metuat, eum sibi videri timidiorē his qui fugiunt hostes. Sensit, hoc turpius esse timiditatis vitium, quo leuius est periculum. Nihil autem leuius distis: quæ qui formidat, quō modo sustinebit impetum hostium? Plutarc. in Rom. apoph.

L. Sylla.

Cum dictaturam præstantissimam dignitatem omnium deposuisset, ut eorum quæ fecisset, si quis exigeret, reddere orationem sciret: ab adolescente quodam conuiciis lacessitus, dixisse fertur, Adolefcentis docebit, ne quis deinceps Dictaturam sponte ponat. Tanta patientia, adolescentis insolentiam pertulit Plut. Appianus, & Cuspius in Cols.

Tiberius Cæs.

Laudatur in hoc potissimum Tiberius Cæsar, quod honores sibi de latos semper recusauerit, adulatores suffugerit, conuiciâque patienter concoxerit, dicens in liberaciuitate liberas etiam linguas esse debere. Suetonius.

Titus Vespasianus.

Cum de crimine impietatis nunquam cognouisset, neque aliis ut cognoscerent permitteret: Nemo, inquit, iniuria me afficere, aut insequi contumelia potest, propterea quod nihil ago quod reprehendi mereatur. Ea verò quæ falsò de me dicuntur, prorsus negligo. Porro principes, qui mortem cum vita commutauerunt, ipsi se, verè heroes sunt, aut si quicquam possunt, vlciscerentur,

si quis eis iniuriam faciat. Xiphili-
nus in eius vita.

Cæs. Senerus.

Quum obiurgaretur à prætore, quod eius aduocati L. Vario Epicureo Cæsaris amico conuicium fecissent: Nescio, inquit, qui conuiciati sint, & puto Stoicos fuisse. huc alludens, quod inter Epicureos & Stoicos maximum dissidium est. Nam Epicurei felicitatem hominis voluptate metiuntur. Stoici præter honestum nihil ducunt in bonis. Eras. lib. 6. apoph.

Alexander Imp.

Alexander Romanorum post interfectum Antoninum imperator, cum audisset Barbaros magno cum exercitu aduētare, ut Romanum inuaderent imperium: Decet, inquit, viros fortes atque moderatos optima quidem optare, sed ferre quæcunque incidunt. Ut enim is qui prior lacessit, ipse sibi iniurius videtur: ita qui propulsat iniuriam, confidentior ex conscientia fit, atque ex iustitia spem bonam mutuatur. Herodianus lib. 6.

Huc refer apoph. de Moderatione animi de Vindicta, vel Vltione negligenda.

De patriæ obscuritate.

Anacharsis.

EXprobrâti cuidam Attico, quod Enatus esset in Scythia: Mihi, inquit, probro est patria, tu patriæ. Egregie inculpatus est: cui nihil potest obici præter patriam. At quemadmodum laudi est, apud barbaros natum, Græcorum disciplinas scire: ita turpe est, apud Græcos natum, ad Barbarorū mores degenerasse. Laer. lib. 1. cap. 6.

Antisthenes.

Cum Antistheni quidam obiecisset, quod matrē haberet Phrygiam: Et deorum, inquit, mater ē Phrygia est. Ridiculum arbitrans, cuiquam probro dari patria, quum in damnatissimis regionibus interdum nascatur omnium felicissima ingenia. Laert. lib. 6. cap. 1.

Aristoteles.

Cuidam glorianti, quod esset ortus magna celebrique ciuitate, dicebat hoc nihil referre: sed, an celebri patria dignus esset. Laert. libro 5. cap. 5.

Themistocles.

Seriphius quidam quum patriæ gloriam Themistocli obiecisset, diceretque eum nequaquam sua, sed patriæ gloria splendorem assecutū: Nec herculē, inquit Themistocles, si ego Seriphius essem, ignobilis essem: nec si tu Atheniensis, clarus unquam fuisses. Cicero in Catone Maiore. Plut.

De patria, quæ forti viro est vbique.

Socrates.

Rogatus, cuiatem se esse diceret? mundanum se esse pronuntiavit, totius enim mundi se incolam & ciuem arbitrabatur. Cicero lib. 5. Tusc. quæst.

Idem.

* Communem omnium hominū patriam dicebat. esse ipsum mundum. Musonius, apud Stob. serm. 38.

Diogenes.

Interrogatus à quodā, cuias esset? respondit *κοσμοπολίτης*, id est, ciuis mundi significans, forti viro omne solum esse patriam. Laert. lib. 6.

Solon.

Anacharsidem Hermippus scribit mox, ut Athenas venerat, adisse Solonis ædes. Percōtanti famulo, quis & vnde? iussisse, renuntiaret adesse Anacharsidem: qui & Solonem videre, & si fieri posset, etiam hospes fieri cuperet. Solon per puerum respondit, in patria solere fieri hospites, significans, inter Græcos & Scythas non esse ius hospitij. Ad hæc verba, quibus abigebatur Anacharsis, perinde quasi iussus esset introire, ingressus est ad Solonem, dicens se iam esse in patria, & æquum esse ut hospitio iungerentur. Huius responsi dexteritate delectatus Solon, lubēs recepit hominem ad intimam familiaritatem: ex primo statim sermone deprehendens animum philosophicū, qui indicaret esse patriam, vbicunque bene est homini. Ciues enim mundi sumus omnes. Laert. lib. 1. cap. 9.

Tener.

Audiens quosdam de patriæ dulcedine differens: Patria est (ait) vbicunque est bene. Sunt enim multi patria exclusi, ac in exilium missi, qui apud exteros multo felicius viuunt, quàm si assidue apud lares paternos essent. Meminit huius dicti Cicero lib. 5. Tusc. quæst.

Philemon

* Cum aliquando vertisset solum, quidam occurrentes ei dixerunt, heus Philemon. an bene tibi successit? Vos quidem, inquit, non putatis, non rectè rein contemplati. Atqui ego bonus semper perseuero. Stob. serm. 38.

Aristo.

* Natura, inquit, patriam nullam cuiquam fecit, ut neque domum, neque agrum, neque ærariam, neque medicam officinam: sed sit, aut porius
no mi-

nominatur horū vnumquodq; quouis tempore ab eo qui possidet & vitur. Plut. lib. de exilio.

De patriæ amore.

Pythagoras.

Interrogatus, quomodo oporteat se gerere erga patriam ingratham? Ut erga matrem, respondit Stob. ser. 37. ex Platonis Critone.

Solon.

Postquam vidit rerum summam esse penes Pisistratum, arma deposuit ante curiam, dicens: O patria, tibi & dictis & factis sum opitulatus. Hoc pacto testatus, sibi non defuisse voluntatem consulendi Reipublicæ in Ægyptum nauigauit. Laert. lib. 1. Plut. in Solon.

Boris & Spartis.

Spontè profecti sunt ad Xerxem regem Persarum, daturi pœnas quas Lacedæmonij iuxta oraculum pendere debebant, eo quod oratores à Persa missos occidissent. Hi quum venissent ad Xerxem, iusserunt, ut ipsos quoeunque modo videretur interficeret pro Lacedæmonijs. Cùmque rex admiratus & pietatem in patriam, & animorum fortitudinem, liberasset illos à pœna, peteretque ut apud se manerent: Quí possumus, inquiunt, hîc viuere relicta patria, patriisque legibus ac viris, quorū gratia tantum iter suscepimus morituri? Herod. libro 7. Plut. in Lacon. Stob. ser. 37.

Hierocles.

*Est, inquit, patria velut alter quidam Deus, & primus maximusque parens. Quare qui nomen ei imposuit à re ipsa, non temerè patriam nominauit, vocabulo quidè à patre de-

ducto, pronuntiato tamen scemina terminatione, ut ex vtroque parente mixtum esset. Atque hæc ratio insinuat patriam vnam ex æquo ut vtrūque parentem colendum esse, &c. Stob. serm. 37.

Anonymus.

Lacon in bello captus, cum sub hasta veniret, ac præco diceret, Laconem vendo: obturauit illi os. Captiuum (inquit) prædica te vendere. Suā conditionem æquo animo tulit, patriæ ignominiam ferre non potuit in auctione traducenda. Plutarch. in Lacon.

Demosthenes.

Quum ab Areopagitis damnatus, elapsus è carcere fugeret, & haud procul ab vrbe obuios habuisset aliquot diuersæ factionis homines, primum abdere sese voluit, sed quum illi nominatim Demosthenem appellantes, iuberent esse bono animo, & viaticum insuper offerrent, grauitè ingemuit, dicens; Quí possum hanc urbem relinquere, in qua tales habeo inimicos, quales amicos vix in alia sum inuenturus? Plut.

Aristides.

Suprà de Exilio fortiter ferendo.

Phocion.

Cùm iam poculum veneno temperatum præberetur, interrogatus est à quodam, num quid filio suo, qui aderat, præcipere vellet? Ego, inquit mi fili, te obnixè rogo, ne quid ob iniuriam mihi nūc factam Atheniensibus malè velis, qui infontem me damnarunt. Maluit vir prudentissimus in patriam, quàm in patrem, pietatem seruare filium. Plutarch. in apoph.

Aristides.

Quum ab Atheniensibus mitteretur in exilium sublatis in cœlum ma-

nibus, Deos comprecatus est, vt fides Atheniensium prosperarent, vt illis Aristides nunquam veniret in mentem. Tanta fuit in viro isto pietas in patriam, cui etiam post dira sua fata incolumitatem precabatur. Plut. in vita Aristidis.

Timotheum imperat.

Cum audisset vnum ex collegis dicentem, An putas, ô Timothee, gratam nobis futuram patriam? Modò nos (respondit) patriæ dignas referre gratias queamus. Stobæus sermon. 37.

Thrasybulus.

Quum vellet parua manu triginta Atheniensium tyrannos confodere, dicenti cuidam, Quantas Athenæ libertatem assecutæ gratias illi essent habituræ? Dij, inquit, faciant, vt quanta ipse illis debeo, videar retulisse. Erasmus libro 6. apophthegmat.

Cotys rex Thracia.

Vbi cognouit, quòd Athenienses honoris gratia ciuem ipsum suæ ciuitatis declarassent, pro auxilio quod illis aduersus Dorienfes impenderat, gratiam reponere studentes: Per Iouem, inquit, & ego illis vicissim meæ gentis ius dabo. Sentiens, nihilominus honorificum esse, Thracem, quàm Atheniensem appellari. Erasmus libro quinto apoph.

Sertorius.

Sæpe victor, ad Pompeium Mellumque misit, offerens se paratum recire in urbem, si sibi permitteretur: dixitque malle se Romæ ignobilissimum ciuem, quàm exulem omnium aliarum ciuitatum imperatorem nominari. Plut. in Sertorio.

Vide apoph. de exilio.

De patria fortiter propugnanda.

Demosthenes.

Demosthenes quum exularet in Arcadia, Pytheasque pro Macedonia dixisset, Vt domum in quam lac venale importatur, aliquid habere mali suspicamur: ita ciuitatem esse morbidam, ad quam mitteretur Atheniensium legatio: Demosthenes eam sententiam ita retorsit, vt lac pro sanitate ægrotantium importatur, ita Athenienses pro salute ciuitatum adesse dicens. Id ubi rescituit populus Atheniensium, protinus illum ab exilio reuocarunt. Plut. in vita Demosth.

Leo Byzantius.

Leo Byzantius quum à ciuibus accusaretur, adhortantibus nonnullis vt ad hostes confugeret, in concione prodians: Ego, inquit, à vobis ciues mei, quàm vobiscum interfici malo. Eras. lib. 6. apoph.

Agésilæus.

Interrogatus, cur Spartanorum Respub. præ cæteris floreret? Quoniam, inquit, plus cæteris in eo se exercent ciues, vt pariter & imperare, & parere sciant. Quæ duæ res concludunt seditiones, & tuentur concordiam. Plut. in Lacon.

Idem.

Ei ostendebat quidam ciuitatis eiusdem muros bene tutos, validèque extructos, cumque rogasset, viderentur pulchri? Pulchri, inquit, per sortem: verum apparet in hoc paratos, vt mulieres inhabitent, non viri. Sentiens, non aliis mœnibus rectius communiri ciuitatem, quàm strenuis ciuibus. Plut. in Lacon.

Idem.

Idem.

Interrogatus, cur Sparta mœnibus cincta non esset? ciues armatos ostendit, innuens, eam demum ciuitatem munitam esse, in qua ciues de fortitudine certarent. Plut. in Lacon.

Idem.

Alius quidam cùm eundem interrogasset illud ipsum: Non saxis, aut lignis, non mœnibus & vallis ciuitatem, sed ciuium fortitudine muniri, respondit. Plut. in Lacon. apoph.

Antalcidas.

Muros Spartæ dicebat iuuenes esse Spartanos: fines autem Spartanæ ditionis, esse lancearû cuspides. Sentiens ciuitatem non egere mœnibus, quæ iuuentutem alat bellis idoneam: & eousque porrigi ditionē Lacedæmoniorum, quousque pertingerent armis. Significans, virtute, non dolis aut pecunia propagandū imperium. Plut. in Lacon.

Polycratidas.

Cum cæteris missus orator ad duces regios, quum ab his interrogaretur, vtrum priuatim venissent, an publice missi? Si impetramus, inquit, publice, sin minus, priuatim. Vox pij eandoris in patriam index. Si cessisset ex sententia legatio, gloriam volebat Reipublicæ cadere: sin minus, ignominiam repulsæ ad patriam non pertinere. Plut. in Lacon.

Asticratidas.

Postquam Agis superatus est apud Megalopolin in prælio aduersus Antigonum, cuidam dicenti. Quid nunc facturi estis Lacedæmonij? an Macedonibus seruituri? Quid tandem, inquit, num Antigonus vetare potest, quo minus in pugna pro patria mortem oppetamus? Generosa vox, sentiens libertatem vrbis esse ita chariorem: nec turpiter occumbere, qui

pro patria pugnans moritur. Plut. in Lacon. apoph.

Leonidas.

Cùm ad Therinopylas proficisce retur, cum Persis conflictaturus, vxori Gorgoni roganti, si quid ipsi manderet? Vt bonis, inquit, nubas, bonosque liberos parias. Hæc vox testabatur, illum animo præfagisse interitum, nec hac præfensione deterritus est ab expeditione: pulcherrimū esse ducens, pro patria pugnantem occumbere. Plut. in Lacon.

Brasidas.

Contra Ephoros bellum patriæ nomine cùm susceperet ciuibus hunc in modum scripsit: Quicquid malorum erit in bello profligabo, aut pro patria moriar. Verum cū multa iam egregia facinora pro patria edidisset & Græcos Thraciam incolentes liberasset, fortiter occubuit. Cuius deinde mors cùm Archileonidæ matri nuntiaretur, interrogauit nil prius, quàm, An fortiter filius occubuisset? Thracibus autem eius virtutem laudantibus, eius mortem non tantum æquo animo tulit, sed probauit etiā: quia pro salute patriæ interfectus esset. Plut. in Lacon.

Theopompus.

Ad Theopompum cùm quidam dixisset, ideò seruari Spartanorum Rempubl. quòd reges scirēt imperare: Imò potius, ait, quòd ciues sciunt parère. Multum quidem momenti habet principis integritas: sed multò plus ciuium recta institutio. Plut. in Lacon. apoph.

Callicratidas.

Suprà de Morte contemnenda.

Anonyma.

Lacæna, cùm filium in prælium misisset, & interfectum audiisset: Idcirco, inquit, genueram, vt esset

qui pro patria morte non dubitaret occumbere. Cicero lib. i. Tusc. quest.

Alia.

Quædam alia filium ad se venientem conspicata, percontata est quid ageret patria? is cum respondisset, Periere omnes: laterem coniecit in illum, occiditque, dicens: Te igitur nobis misere mali nuntium? Vita putavit indignum, qui cum suis perire non sustinuisset. Plut. in apoph. Lacænarum.

Alia.

Lacæna quædā filios, quos habebat, quinque in bellum emissos, ante sub urbiū stabat expectans, quis esset belli exitus. Ut accessit quispiam nuntians, filios illius omnes occubuisse: Non istud percontabar, ignauū mancipiū, sed quid ageret patria? Is cum respondisset, à patria stetit victoriam: Libenter igitur, inquit, accipio filiorum interitum. Egregia mulier, priuatum in liberos affectum publicæ in patriam pietati posthabuit. Plutarch. Lacon.

Themistocles.

Cum Eurybiadi non persuaderet, ut in angustiis committeret nauale prælium, clam ad barbarum misit, qui illum hortaretur, ne formidaret Græcos fugam adornantes. Persuasus rex, prælio superatus est: nimirum pugna commissa loco Græcis commodissimo. Post hæc denuo misit ad illum, qui monerent, ut quàm posse ocysimè fugeret ad Hellespontum, Græcos enim de soluendo ponte cogitare, hæc callidè, quò, cum hoc ageret, ut Græcos seruaret, regis incolumitati prospicere videretur. Hoc ingenio Græciam à barbaris liberauit non minore gloria, quàm Miltiades retulerat ex Marathonis victoria. Plut. in apoph.

P. Æmilius.

Paulus Æmilius ex quatuor liberis masculis quos susceperat, duos antea dederat in adoptionem. Ex duobus autem qui remanserant in familia, alter quinque ante triumphum diebus interiit, annos natus quatuordecim: alter, quinto post actum triumphum die, annos datus duodecim. Ob id populo luctum ac mœrorem cum illo agente, ipse prodians ad multitudinem, dixit: Se post tam continuos rerum successus aliquid magni mali à fortuna expectasse: nunc verò de patriæ incolumitate securū esse factum, nihilque timere periculi, posteaquam fortuna prosperè gestarum rerum inuidiam in suam domum impingente, ipse pro omnibus dependisset. Plutarch. in apoph.

Pomponius.

Multis vulneribus in bello acceptis cum ad Mithridatem adductus, ab eo quæreretur, an, si curaret eum, vellent sibi esse amicus? Si tu, inquit, Romanis amicus fueris, me quoque amicum habebis. Eras. 6. apoph.

Anonymus.

Sylla cum Præneste oppidum armis cepisset, decreuissetque, quicquid erit ciuium trucidare, hospitem suum iussit excipi, hoc beneficio persuadere volens hospitij communicati gratiam. At ille contra liberè debere vitam, simulque turbæ ciuium sese admiscuit, & cum illis trucidatus est. Plut. in Sylla.

Sthenius.

Pompeius Magnus Mamertinos, quod hostium partibus adhæsisset, vniuersos interficere statuerat. At Sthenius, eius ciuitatis princeps, Pompeium adiit his verbis: Non æquum facis Pompei, qui propter unum

vnum noxium, multos innoxios occidere paras. Atqui ego ipse sum ille, qui & amicis persuasi, & inimicos coegi Marianas sequi partes. Hic Pompeius viri fortem animum admiratus, dixit se agnoscere Marmertinis, à tali persuasus viro, qui patriam suam ipsius vitæ antetulerit: simul & civitatem & Sthenium liberauit. Plut. in Rom apoph.

Pompeius.

Cum ingens rei frumentariæ Romæ esset penuria, Pompeius titulo quidem annonæ procurator, re autem vera maris terræque dominus declaratus, in Africam, Sardiniam ac Siciliam nauigavit: multaq; frumenti vi collecta, properabat ire Romam: verum cum ingenti tempestate oborta naucleri detrectarent navigationem, ipse primus navim ingressus, iussit anchoras tolli, clamans: Ut nauigemus, vrget necessitas: ut vivamus, non vrget. Significans, patriæ pereclitantis habendam rationem potius quam priuatæ incolumitatis. Si quidem reipubl. subleuandæ curis immori, pulchrum est: at patriam in extremo discrimine nostra cessatione deserui, turpissimum est. Plut. in apo.

Alphonsus.

Interrogatus, quos è civibus suis haberet charissimos? Qui magis inquit, pro me metunt, quam me. Sen sit, illos reuera amandos esse ciues, qui principem magis amant, quam timent. Si amant, nihil erit tam arduum, nihil tam difficile, quod principis causa subire non cupiant: si timent, aut cum insidiatoribus coniurant, aut ipsi in eius perniciem coniurant. Eras. l. 8. apoph.

Michael Maurocenus.

* Ex Syria, vbi amplissimas opes compararat, in Rhodum insulam appellens,

vbi accepit Venetos Genuensi bello. Clodia accepta, in summo positos esse discrimine, neque ullam eius seruandam spem superasse, multis adhortantibus, ut mercibus diuenditis, & thesauro confato alio se reciperet: Egone, inquit, tam graue facinus & scelus hoc tempore ausim, ut desum patriæ tam grauius laboranti? Quin diuendam omnia, & quicquid inde conflauiero pecuniæ, id totum in patriæ salutem impendam. Ergo vbi Venetias venit, in curia pecuniis omnibus profusus, merito Andreæ Contareno duci subrogatus est. Egnatius lib. 6. cap. 5.

Vide titulum de Morte generosa.

De patriæ neglectu.

Crates.

Alexandro percontanti, num curperet restitui patriam suam? Quid opus est, inquit: Fortassis eam alius Alexander restitutam diruet. Laert. lib. 6. c. 5.

Theopompus.

Suprà de Argutè dictis.

De impietate in patriam.

Agus Archid. F.

Nihil illis planè fidendum esse dixit, qui in natale solum & patriam impij essent. Plutar. in Lacon. apoph.

Catilina.

Quum M. Tullius in senatu dixisset, incendium à Catilina excitatum: Sentio, inquit Catilina, idque si aqua non potuero, ruina extinguam. Vox non hominis, sed furiae. Eras. 6. apoph.

Tiberius.

In eam incidit insaniam, ut non

patriæ solùm, sed totius etiam vrbis interitum optaret. Sæpe enim dixisse fertur, Me mortuo terra misceatur incendio: & Priamum fuisse fortunatissimum, quòd ei cum patria & regno perire licuisset. Dion in Tiberio.

Nero.

Suprà de Crudelitate.

De patriæ impietate in suos.

Pausanias Cleombroti F.

QUum Delij de insula cum Atheniensibus haberent controuersiam, arque inter cætera dicerent, quòd ex more regionis neque mulieres in insula parerent, neque mortui sepelirentur: Quomodo, igitur, inquit, hæc insula erit vobis patria, in qua neque fuit quisquam vestrum, nec futurus est. Argutè notauit ineptam Deliorum consuetudinem, qui suos in patria, neque nasci sinerent viuos, nec humari mortuos: quum vt mulier, ita nec regio mater sit, nisi gignat. Alienum autem sit à matre pietate, nolle sepeliri quos genuit. Plut. in Lacon.

Anacharsis.

Suprà de Fiducia artis.

Theodorus Atheus.

Suprà de Fuga excusata, & de Libere dictis.

Idem.

Eundem quum rex Lysimachus interrogasset, num è patria excidisset per inuidiam ciuium, respondisse ferunt, Nihil minus, sed propter excellentiam ingenij, quod non capiebat patria. Sicut enim Semele Baccho grauida, cum non potuisset perferre vterum, Iupiter eam miseratus abor-

tium ambussit, & inter deos retulit. Sic cum patria mea minor esset, quàm vt caperet philosophum, bonus quispiam siue Deus, siue genius, Athenas in locum fortunatiorem commodiorémque me trāstulit. Philo, lib. quod sapiens sit liber.

De patronis.

Phocion.

PHocion, quum à suis reprehenderetur, quòd hominem improbum in iudicio defendisset: At nemo bonus, inquit, patricinio indiget. Plut.

Anonymus.

Siculo cuidam Scipio prætor patronum causæ dederat hospitè suum, hominem nobilem, sed egregie stultum. Hic Siculus: Quæso, inquit, prætor aduersario meo da hunc patronum, deinde mihi neminem dederis. Sentiens, illum tam insigniter stultum, vt illo diuersam partem adiuvante vincere. Bruf. l. 5. c. 18.

Idem.

Veteranus ob diem sibi dictam periclitans accessit in publico ad Augustum, rogauitque vt sibi patronus & defensor assisteret. Ille aduocatū ex comitatu sine mora dedit, commendauitque ei litigatorem. Quo viso, exclamauit ingenti voce veteranus. At non ego Cæsari periclitante te in bello Actiaco vicarium quæsiui, sed pro te ipse pugnaui detexitque impressas cicatrices: quibus visis, erubuit Cæsar, venitque ipse in aduocationem. Bruf. l. 5. c. 1.

Pigulus iurifcon.

Postidie eius diei quo consulatus repulsam acceperat, quum multi ad eum consulendi gratia venissent, omnes inconsultos dimisit, dicens: Omnes

Omnes consulere scitis, consulem facere nescitis. Brusonius libro quinto capite 18.

Granius.

Cum patrono malo, qui vocem in dicendo obtulerat, suaderet, ut multum frigidum biberet, simulac domum redisset, Perdam vocem, id si fecero, cum patronus dixisset, urbanissime Granius respondit, Melius est, inquiens, ut vocem perdas, quam reum. Brus. l. 5. c. 18.

De paupertate.

Democritus.

Avidens quendam de paupertate sua conquerentem: Si non multa, inquit, desideres, pauca tibi multa videbuntur. Desiderium enim contractum, paupertatem diuitiis æquipolentem reddet, Anton. in Melissa, part. 1. serm. 33.

Idem.

Dicere solebat, pauperis conditionem deuitiis multo beatior em esse. Pauperes quippe maximis malis non infestantur, ut insidiis inuidia & odio, quibus diuites expositi sunt quotidie. Antonius in Melissa, parte 1. serm. 33.

Socrates.

Ab Archelao vocatus, ut qui ipsum ditare vellet, ei renuntiari iussit. Quod farinae chœnice quatuor obolo venirent Athenis, & fontes aquam funderent. Nam si res mearum, dicebat mihi non sufficiunt, at ego ipsis sufficio, & sic etiam ipsæ mihi. Stobæus ser. 95. ex Arrianis scriptis recitat.

Idem.

* Paupertatem aiebat esse μικροδυναμίας, id est, parvam tem-

perantiam. Stobæus.

Idem.

* Charmidi de paupertate non conquerenti dixit, Recte facis, est enim res gratiosa paupertas, minime inuidiosa, & de ea æquirenda minime certatur, sed licet incustodita seruetur, & neglecta augetur. Stob.

Aristides.

Aristides ille iustus, cum diues quidam paupertatem ei obiiceret, dixit: Mihi quidem nihil adferet mali paupertas, tibi verò diuitiarum non paucas perturbationes. Anton. in Melissa, part. 1. ser. 33.

Epicurus.

* Paupertatem ad legem naturæ compositam dicebat summas esse diuitias. Senec. epist. 27.

Sextus.

* Paupertatem ferre non cuiusvis, sed sapientis esse dicebat. Anton. ser. de egenis.

Diogenes.

Desertus ab omnibus hominibus, solus relinquebatur, cum neque propter egestatem ipse quenquam reciperet, neque ipsum hospitio quisquam acciperet. Omnibus enim inuisa erat eius in reprehendendo acrimonia, deinde in agendo loquendoque acerbitas. Proinde tristitia plenus, summas foliorum extremitates manducabat. Illæ enim suppetebant, quominus famæ periret. Mus verò accedens, decidentibus frustulis volvebatur. Diogenes igitur, cum diligenter rem inspectasset, subridens, animo recepto: Mus hic, inquit, nihil indiget Atheniensium lautitia. Et quid tu, ô Diogenes, ægrè fers, te cum Atheniensibus non cœnare? Ælianus l. 13. de Var. hist.

Idem.

Suprà de Doctrina & eruditione,

quæ ut semper incolumis est, ita etiam ubique habetur in pretio.

Idem.

Cum Diogeni paupertas à quodā vitio daretur: Infelix, respondit, quid ais? At ego neminem vidi tyrannidē gerere propter paupertatem, omnes verò propter diuitias. Stob. ser. 95.

Idem.

*Anaximenis seruos conficatus multa vasa ferentes, cuius ea essent interrogauit. Cum autem illi Anaximenis esse respondissent, An non pudet eum, inquit, tam multa habere, cum seipsum non habeat? Max. ser. de diuitiis & paupertate.

Idem.

Idem paupertatem appellabat virtutem *αὐτὸ δίδακτον*. Id est, quæ per se discitur. Diuitibus opus est multis præceptis, ut frugaliter vivant, ut corpus exerceant laboribus, ne corporis ambitioso cultu delectentur, &c. omnia autem docet paupertas. Stob. serm. 95.

Idem.

Solitus est ioco dicere sibi tragicas execrationes occurrisse, quod esset, *ἀνὴρ ἰσθμίου, ἀπὸ τοῦ ἰσθμοῦ, ἀπὸ τοῦ ἰσθμοῦ, ἀπὸ τοῦ ἰσθμοῦ, ἀπὸ τοῦ ἰσθμοῦ*, id est, domo, ciuitate, patriâque carens, pauper & erro. Laër. lib. 6. Alludens ad locum aliquē ē tragicædiis. De Oedipi execrationibus vide in Chiliadibus Erasini.

Idem.

Paupertatem dicebat esse subsidium ad philosophiam. Nam quæ philosophia verbis persuadere conatur, ea paupertatem reipsa cogere. Stob. ser. 93.

Arcefilaus.

*Paupertatē aiebat asperam quidem esse, quemadmodum & Ithacā, sed bonā prolis nutricē, ut quæ assuefaciat frugalitatis & abstinentiæ, & in

uniuersum efficax virtutis gymnasiū sit. Stob. ser. de laude paupertatis.

Hylsem.

*Animæ timiditari medendū esse dicebat, tūc, inquit, non metues paupertatem Stob. eod. ser.

Idem.

*Non paupertatem sed iniustitiā fugiendam esse dicebat. Nullus enim quod pauper esset, sed quia iniustus, supplicio affectus est. Neque vitā laudabilē aliquis degit, quatenus diues, sed quatenus iustus: Stob. in cōparat. paupertatis & diuitiarum.

Ariston.

Dicere solebat, paupertatē esse lucernam, quæ omnia mala demōstrat. Stob.

Aristoteles.

Paupertatem dicebat multis rebus indigere, avaritiam autem omnibus. Anton. par. 1. ser. 33. Melis.

Idem.

*Si non multa, inquit cōcupiscas, pauca etiam multa videbuntur: exigua enim apperētia paupertatē opulentiae parem efficit. Max. serm. de diuit. & paupertate.

Xenophon.

*Paupertatem per se doctam philosophiā esse dicebat: quæ enim hæc verbo suadet, illa opere cogit. eo. ser.

Aristonymus.

*Vitam pauperū similem esse dicebat nauigationi iuxta litus: diuitum autē ei quæ in profundo pelago sit. Illis enim facile est funē eiicere, appellere, & nauim extrahere: diuitibus non item. Stob. in cōpar. paupertatis & diuitiarum.

Ephialtes.

Cuidā ei paupertatē exprobranti, Cur nō, inquit, etiā alterū dicis, quod iustitiam colam? Ostēdit autē vir sapientissimus, paupertatē, etiā si multarum

tarum virtutū nutritrix sit, cunctis exo-
sam esse. *Ælian. l. 13. de Var. hist.*

Apollonius.

Solitus est dicere paupertatē secū-
dum naturam nequaquam turpem es-
se: turpi autem de causa pauperē esse
dedecus & flagitium esse indignissi-
mum. *Anton. par. 1. ser. 33 Melissæ. A-
lij sic referunt. Eam paupertatē quæ
secundum naturam esset, non turpē
fore: illam autem quæ propter turpē
causam accidit, infamiā inurere ho-
minibus. Stob. ser. 93.*

Lycurgus.

Lycurgus, percontāti quam ob rē
hostiū casorū cadauera spoliare ve-
tuisset: Ne, inquit, dū spoliis incum-
bunt, pugnam negligant, sed paupertate
vna cum ordine seruent. Vt vir ille
sapiens vbique ciuibus suis metuit à
diuitiis, tanquam à fonte plurimorum
malorum! cum apud hominum vul-
gus nihil exspectatur auidius, quasi in
his sint præcipua felicitatis humanæ
præsidia. *Plut. in Lacon. apoph.*

Idem.

Ciuibus quibuslibet interrogatibus,
quomodo liceret hostiū insulū effu-
gere? Si inquit, pauperes fueritis, nec
alius alio plus requirat. Ad opulētos
& onustos prædæ spes inuitat hostē,
nec facile potest elabi, qui sarcinis &
impedimentis retardatur: ad hæc tu-
tiores sunt ab hostiū incursu, inter
quos est æqualitas, & ex æqualitate
concordia. *Plut. in Lacon.*

Anonymus.

Quidam imperatorem incusauit
quod illius insidiis, & otio & somno
fuiſſet priuatus: videlicet, quod illius
benignitate è paupere factus esset di-
ues. *Plut. in Sympof. l. 2.*

Mofchion.

* Si, inquit, in Persia natus esses, nō
curares Græciam habitare, sed cum

Persis feliciter versari stunderes. Cur
igitur in paupertate natus contendis
diteſcere, & nō in eadem permanens
feliciter vitam degere? *Max. serm. de
diuit. & paupertate.*

Hieron sophista.

* Vituperatus, quod cum multis
rhetoricari docuisset, ipse egeret: At
qui, inquit, diteſcere non docui eos,
neque pecuniæ studere. *Eod. ser.*

M. Cato.

Cato dicebat, honestam pauper-
tatē impiis diuitiis longè præfere-
dam esse. Hoc enim opprobriū, illud
miserationis causā fieri solet. *Ant. in
Meliss. serm. 33. par. 1.*

Bulas.

Bulas, famosissimus latro, qui sub
Seuero imperatore per totam Italiā,
comparata manu sexcentorum latro-
num, biennio maximas prædas fecit,
postquam Centurionē vitæ insidia-
torem cæpiſſet, raso capite ad Seue-
rum imperatorem remisit, cumque
interrogaretur, quid imperatori vel-
let nuntiari? Nuntia, inquit, dominis
tuis, ipsos seruos suos alere, ne la-
trocinentur. Habebat enim Bulas
multos apud se Cæsarianos, partim
exigua mercede conductos, partim
nullo certo stipendio. Xiphilinus in
vita Seueri.

Idem.

Cuiusdā mulieris, cum qua scorta-
batur, ope deprehensus, & à Papinia-
no præfecto prætorio interrogatus,
cur latrocinium fecisset? respondit: Et
tu dic, cur præfectus sis. Erat nimirū
Papinianus homo prædiues, & ma-
gnæ apud Cæsarem existimationis
& propter opum suarum splendorem
in aulam admissus. Bulas verò penu-
ria rerumque egestate vexatus, latro-
cinio victum quærere cogeatur. I-
dem Xiphilinus.

De peculatu.

Diogenes.

Diogenes Cynicus cum vidisset magistratus, qui Hieronemones dicebantur, quendam deprehensum, quod ex ærario phialam furatus esset, adducentes: Magni, inquit, fures paruum ducunt. Laërt.

Anaxander.

Suprà de Furto.

M. Cato.

Dicebat, priuatarum rerum fures in compedibus vitam agere, publicarum in auro & purpura cōspicuos incedere. Olim simplex furtum non puniebatur capite, sed vincti compedibus præstabant operam. At longè grauius crimen est peculatus, quàm furtum. Et tamen qui fiscum principis, qui Rempub. compilant, magnates sunt. Plut.

Scauola.

Septumuleio Agnanino, cui pro capite C. Gracchi aurum erat repensum, rogante vt se in Asiam præfectum duceret: Quid tibi vis, inquit, insane? tanta malorum est multitudo ciuium, vt tibi hoc confirmem si Romæ manseris, te paucis annis ad maximas pecunias esse peruenturum. Non auit avaritiam hominis præfecturam non ob aliud ambientis, nisi vt spoliaret prouinciales, ac ludens finxit, id citius consecuturum Romæ. Hoc dictum Fannius in annualibus ascribit Africano Æmyliano, qui dictus fuerit Iron. Erasim. l. 6. apoph.

Aufidius Modestus.

L. Quintium in morbo sibi dicentem manus esse frigidas, hoc scommate taxauit: Atqui calidas, inquit, è prouincia extulisti, notans eum,

quod proconsul administrans prouinciam, multa furatus esset. Meminit Plutarch. in Symposiacis libr. 2. cap. 40.

Claudius Cæs.

Narcissum ab epistolis, & Pallan-tem à rationibus sic adamauit, vt eos non solum amplissimis præmiis, verum etiam quæstoriis prætorisque ornamentis decreto senatus ornari libenter passus sit, ad hæc, tantum rapere & acquirere, vt illi quærenti de fisci exiguitate quidam non absurde dixerit, Abundaturū fiscum, si à duobus libertis in consortium recipere-tur. Hos Plinius fatetur Crasso fuisse ditiores.

Traianus imp.

Initio procuratores habebat rapaces, qui prouinciales calumniis expilabant. Quorum vnus fertur, vnumquemque diuitem sic conuenire solitus: Quid habes? Vnde habes? Hæc vbi didicerat, addebat tertium, Pone quod habes. Sed admonitus à Pompeia Plotina vxore, cohibuit eiusmodi vexationes prouinciarum, addens vocem optimo iure laudatā: Fiscum esse lienein, quod eo crescentes, reliqui artus contabescant. Sensit optimus princeps, iniquum esse, sic explere fiscum vnum, vt nihil habeat subditi: præsertim quum boni principis sit, quicquid habet populus. Eras. lib. 8. apoph.

Sigismund. imp.

Interrogatus, cur apud liberas ciuitates peculatus crimen adeo frequentius inueniretur? Idcirco, respondit, quod nudos honores ciuibz cōmendant, populus autem ad lucrum inhiat. Indicat autem, magistratum ipsum in causa esse, quod peculatus crimine tum multi hodie infimulentur. Cum enim tam varia Reipublice sint

sint officia, singulis certa & sufficien-
tia stipendia deberent assignata esse,
quo hi qui ad huiusmodi honores &
officia vocantur, haberent unde viue-
rent, sine vlla vel furti vel peculatus
suspicionē. Verum cum desunt hæc
stipendia, vel nimis sunt tenuia, fit vt
plerique ex publico thesauro sibi per
nefas prospiciat, & pauperes primum
ad amplissimas opes veniant. Aeneas
Sylu. lib. 2. commentariorum de reb.
gest. Alphonsi.

De pecunia.

Timotheus.

Pecunias sanguinem animarumque
mortalibus esse dicebat: quibus
qui careat, mortuus inter viuos viuit.
Brusl. lib. 5. c. 10.

Democritus.

* Nimiam pecuniarum collectionem
pro liberis, prætextum auaritiæ
esse dicebat, proprium ingenium ar-
guens & detegens. Stobæus serm. de
iniustitia.

Diogenes.

Suprà de Diuitiis ac opibus.

Bion.

Suprà, de Diuitiarum vsu.

Demades.

Suadentibus Demadi Atheniensibus
& iubentibus vt deductas trire-
mes nautis militibusque compleret,
cum pecunias nullas haberent: Om-
nino: inquit Demades, primum pecu-
niis opus est. Brusl. ibid.

T. Quintus.

Infra, de Salsæ dictis.

Iul. Cesar.

Potentiam duabus rebus, pecunia
scilicet & militibus parari, conserua-
ri atque augeri, eaque se mutuò con-
sequi dicere solebat. Exercitum com-

meatu retineri, rursum commeatum
armis comparari, non tantum dice-
bat, sed sentiebat etiam. Xiphilinus,
in Cæsare.

Vide apoph. de Diuitiis, & de Munerum contemptu.

De peregrinationibus.

Socrates.

Quum quispiam vitiorum vitan-
dorum gratia peregrinatus es-
set, nihilque profecisset, post reditum
Socratem rogauit, Cur ita euenerit?
Quoniam, inquit Socrates, eadem
causa te premit, quæ expulit. Laërt.

Idem.

Cuidam quærenti, quòd peregrina-
tiones sibi nihil profuissent, Non
immerito, inquit Socrates, tibi istud
euenit, tecum enim peregrinabaris.
Multi putant longinquis peregrina-
tionibus colligi prudentiam, quum
Horatius clamet:

*Cælum non animum mutant, qui trans
mare currunt.*

Congressus sapientium confert pru-
dentiam non mōtes, aut maria. Eras.
ex Laërtio.

Aristippus.

Percontanti Dionysio, cur Aristip-
pus venisset in Siciliam, relicto So-
crate? Vt, inquit Aristippus, quæ ha-
beo impertiam, quæ non habeo acci-
piam. Sunt qui narrent illum sic re-
spondisse: Quum egerem sapientia,
adij Socratem: tunc quoniam ego
pecunia, ad te veni. Laërt. l. 2. c. 8.

Antisthenes.

Putauit omnia mala pro peregrini-
nis habenda esse. Vulgus hominum
ea tantum probat, quibus assuevit, ab
exoticis autē abhorret: non quidem

quodd per se mala sint, sed quia peregrina. Verum sapienti viro nil peregrinum est, nisi quod cum vitio coniunctum est. Laër. l. 6. c. 1.

Democritus.

Interrogatus, ad quid peregrinatio prodesse respondit: Vitae frugalitatem docet. Offa quippe & thorus herbaceus famis ac laboris dulcissimae medullae sunt. Stob. ser. 38.

Idem.

* Quamlibet terram homini sapienti peruiam esse dicebat: animae namque fortis vniuersus mundus patria est. Eod. ser.

Lacones.

Laconibus peregrinari concessum non erat, ne morum peregrinorum vitaeque incompolitae contagium attraherent. Quin & peregrinos vrbe exigebant, ne paulatim inundantes, mali cuiuspiam ciuibus existerent magistri. Quisquis autem ciuium non tulisset liberorum suorum iuxta patrios ritus institutionem, iure ciuium priuabatur. Rursus narrat quidam, quicumque peregrinus Spartanae ciuitatis institutis sustineret exerceri, eum ex Lycurgi sententia admitteri in eam ciuilitatis portionem quae fuerat à priscis ordinata. Ceterum vendere ius ciuitatis nulli fas erat. Perspexerat vir ille prudentissimus, commerciis exterorum ac negotiatorum, ciuitates quamuis bene institutas corrumpi: quodd ad nequitiam omnes sunt magis dociles, quam ad virtutem. Sed nulla mixtura perniciosior, quam quae per imperij translationem prolationemve inuehitur. Sic influxu Graecarum nationum effoeminata est Roma: sic barbarorum commercio tandem & Sparta ex sanctissima facta est corruptissima. Plut. in Lacon.

Idem.

Lacones adolescentem ex eorum numero qui exercebantur, increpuerunt, quodd viam nosset quae ducit in Pyleam, adeo studebant suos à peregrinationibus ac rerum exoticarum cognitione seruare alienos, ne per occasionem à patriis institutis degenerarent: praesertim cum Arcadia, cuius est Pylea, luxu deliciisque barbaricis esset corrupta. Plut. in Lacon.

Pausanias Plistonaeus F.

Quum Lacedaemonios Tegea, vbi exulabat, laudaret, atque quidam dixisset, Cur igitur Spartae non manebas? Quia, inquit, non apud sanos, sed vbi sunt aegroti, medici versari consueuerunt. Pausan.

Anonymus.

Arguius quidam cum Eudamidae dixisset, Lacedaemonios peregrinationibus reddi deteriores, quodd interim degenerent à maiorum legibus & institutis: At vos, inquit, quum Spartam venitis, non deteriores, sed meliores euaditis. Dictum retorsit in Argium: hoc enim dicens, magis suam gentem vituperauit, quam Lacedaemoniorum. Plutarch. in Lacon.

Vide apoph. de exilio.

De perfectione.

Crates.

Impossibile esse dicebat, quenquam inueniri, qui nunquam lapsus sit: sed veluti in malo punico, granum quoque aliquod putrescere. Laër.

Apelles.

Apellis aetate complures erant in arte pingendi nobiles, quorum opera quum suo candore miraretur, collaudatis omnibus, dicebat illis deesse

se vnam illam Venerem, quam Græci *χρεία* vocant, ingenuè profitens, cætera omnia illis contigisse, in hac vna neminem ipsi parem esse: Simile quiddam est in phrasi, quæ allicit ac remoratur lectorem aut auditorem, quum tamen non habeat nomen, nec arte præcipi possit. Eras. Rot. libr. 8 apoph.

De perfidia.

Themistius.

* Vllam malitiam magis alienam esse à conuersatione hominum esse dicebat quàm perfidia. Aduersus quam nulla custodia dari potest. Nam (inquit) quod unicuique habeamus confugium, nempe iurandum, hoc ipso maxime abutitur vir perfidus, quod cômisit malum facinus inficiando. Stobæus sermone 12.

Ludouicus xij. Gal. Rex.

* Cuidam referenti, Valentinum Borgiam à Consaluo quodam Hispano, violato iure iurando, perfidè retentum & ad Ferdinandum Hispan. regem missum esse, respondit, Ergo posthac pro Punica fide Hispanicam celebraturi sumus. libr. de eiusdem Lud. scitè dictis, Alphonfi regis apophthegmarum libris adiuncto.

De periculo vitando.

Alciad. s.

A Ccitus ab Atheniensibus è Sicilia, vt diceret causam capitis, abdidit sese, dicens: Eum esse fatuum, qui vocatus in ius non quærat elabi, quum liceat vitare ne eat. Sentiens, consultius esse non committere se

periculo, quàm dare operam, vt ingressus periculum temet expedias. Dictum Græcis sonat iucundius, ob vocum affinitatem, *φύγειν* & *ἀποφύγειν*. Græcis autem *ἀποφύγειν* dixisse dicitur, qui iudicum sententiis absoluitur; *φύγειν* qui vitat aut fugit. Plut. in vita Alcibiadis.

Antigonius.

Suprà de Morte generosa non deslenda.

Hæc refert apoph. de Fuga excusata.

De perseuerancia.

Chilon.

D Icere solebat, tardè quidem aggre dienda esse omnia: verum cum semel iam incœperis cōstantissimè in agendo perseuerandum esse. Stob. ser. de Prudentia.

Agri.

A Leonida in carcerem coniectus, quum multa in illum couicia iactasset, rogatus num pœniteret rerum actarum? Non pœnitet, inquit, Plut.

Demosthenes.

Quum Antipater intra Lamiam à Græcorum copiis esset conclusus, ac velut ob res feliciter gestas, Athenienses diis immolarent victimas: Demosthenes ad quendam amicorum nomine Agelistratum ait, sibi non eandem esse cum cæteris sententiam. Noui enim, inquit, Græcos stadium pugnare & scire & posse, Dolichon autem non item. Dolichus autem continet viginti quatuor stadia Norauit suos, quòd protinus vna contenti victoriola, deponerent bel-landi studium, quum oporteat eiusmodi successibus non frui sed vi ad maiorum rerum occasionem. Eras. lib. 8. apoph.

Brutus.

Suprà de Munerum contemptu,
Cyanensium.

Vide apoph. de Constantia.

De perseuerantia & constantia piorum in cruce.

Basilii Magni.

Cum à Valère Cæsare in exilium pro fide cogeretur, exhibitus est ad tribunal Præfecti, terroribusque & minis maximis actus, ut nisi præceptis principis obediret, sciret sibi impendere interitum. Tum ille intrepidus, atque absque vlla animi perturbatione respondit Præfecto: Atque vtinam aliquid mihi esset digni muneris, quod offerrem huic qui maturius Basilium de nodo foliis huius absolueret. Cumque daretur ei nox, quæ erat media, ad deliberandum, denuò respondit: Ego crastinò idem ero qui nunc, tu te vtinam non mutares. Ecclesia. histor. libr. 11. cap. 9.

Athanasius.

Cum sub Iuliano Apostata crudelissimo imperatore, in maximo esset vitæ periculo, & populus mirum in modum contristaretur, alta voce clamans: Bono estote animo, inquit, nubecula tantum est, quæ mox euanesceat splendente sole. Sozomenus lib. 6. Tripart. hist. cap. 26.

Ignatius.

Suprà de Morte contemnenda.

Eusebius Samosatensis.

Cum noller Cæsari Constantio mittere decretum Arrianorum contra Melitum factum: Cæsar minatus est, se abscissurum dextrâ eius manum, quo audito, Eusebius ambas porre-

xit, inquit, Decretum non dabo, clarum Arrianæ pestis indicium. Theodoretus in Tripartita histor. cap. 49. libro 5.

Polycarpus.

Cum fidei rationem redderet, atque constantem perseueraret, Herodi proconsuli ignem minitanti respondit: Ignem minaris hunc, qui ad momentum incenditur, & paulò post extinguitur. Verum ignoras futuri iudicii ignem æternum fore, qui ad perpetuas poenas præparatus est impiis. Euseb. lib. 14. cap. 5. Ecclesia. hist.

Idem.

Ab Herode proconsule admonitus, ut iuraret fortunam Cæsaris, & conuicia diceret in Christum, respondit: Octoginta & sex annis seruo ei, & nihil me læsit vnquam: qua igitur conscientia maledicerem, & blasphemiam regem meum, qui salutem mihi dedit? Cumque rursus vehementius vrgeretur, ut fortunam Cæsaris iuraret: Si hanc, inquit, iactantiam quæris, ut ego fortunam Cæsaris iurarem, & quis sum ego ignorare te similes, audi à me: Sum Christianus: Si vero eam rationem vis Christianæ religionis accipere, statue diem & audi. At cum proconsul diceret, Suade hoc populo: respondit Polycarpus, Tibi quidem respondi, quandoquidem principibus & potestatibus à Deo datis in primis honos debeatur, modò religioni non sit Deo contrarius: Populo autem furenti satisfacere, non sit possibile. Eusebius lib. 4. Ecclesia. hist. cap. 15.

Sanctus, martyr.

*Diaconus quidam Ecclesiæ Viennensis, nomine Sanctus, tanta animi celsitate & constantia carnificibus eum horrendis tormentis à Christiana fide auertere conantibus resistit, ut

Une nomen quidem vel suum , vel gentis, vel ciuitatis unde fuit , neque vtrum seruus an liber illis vellet dicere, sed ad omnia rogata latino sermone responderet, Christianus sum: istudque pro nomine , pro ciuitate, pro genere , & denique pro re quaque iterum ac sapius est eloquutus: nec aliam vocem ethnici ab eo elicere non potuerunt. Euseb. lib. 5. hist. Eccles. cap. 1.

Lucius Sophista.

Lucius quidam ob religionis confessionem ab Urbicio damnatus cum iam ad supplicium duceretur : Gratiago , inquit , quod me nequissimis dominis absolutum , ad summum cœli terręque regem remittas. Eusebius libro quarto Ecclesiasticę hist. cap. 17.

Artalus.

Cum in sella ferrea prunis subteriectis torreretur, voce magna ad plebem clamauit: Ecce hoc est homines comedere , quod vos facitis , qui a nobis velut occultum facinus inquitritis , quod vos aperta luce committitis ? Nos enim neque comedimus homines , neque aliud quid mali fecimus. Euseb. 5. Eccles. hist. cap. 3.

Sylvanus.

Constantiam tyrannum ad fidei orthodoxę defectionem eum hortantem, sibi mortem etiam minitantem audiens: Potestatem quidem habes, inquit, nos puniendi : nos autem patrum statuta non ideo destruemus. Theodoret. lib. 5. Eccl. hist. c. 24.

Mares episcopus.

Oculis ob senectutem orbatus, audiens Iulianum apostatam in Sacello Solis sacrificare diis gētilium, palam imperatorem obiurgauit , ad quem conuersus imperator cum dixisset , Abi tu potius ad Galilæum

tuum (Christum intelligens) ac iube, tibi aperire oculos , tum Mares respondit : Deo meo gratias pro cecitate ago , qui ideo visum ademittit. ne te apostatam , in Deum blasphemum, & omni planē pietate nudatum , coram videre cogar. Sozomenus in Tripartita histor. libro. 6. cap. 6. Alij hoc dictum Eguinario episcopo (quem Fulgofus lib. 6. cap. 2. Inarium appellat) ascribunt.

Romanus.

* Quum iā carnifici ceruices porrexisset, nuntiusque subito accurrisset , qui veniam ipsi ab imperatore Iuliano afferebat , id ægerrimo animo tulit : atque his verbis vsus est: Scilicet indignus erat Romanus qui Christi martyr appellaretur. Theodoret. lib. 3. hist. Eccles. cap. 16.

Theodorus martyr.

* Immanes cruciatus minantibus carnificibus , nisi fidem Christi abiuraret , in hanc præclaram vocem erupit. Pro fidei Christianę confessione qui vulnerat , incidat , & qui verberat laceret: & qui cremat flammam adiiciat : & qui his verbis offenditur linguam eximat. Nyss. in vita Theodori.

Victor.

Victor proconsul Carthaginis, vir diues & clarus , ad veritatis negationem sollicitatus a rege, & promissionibus multis ad defectionem inuitatus : respondit : Dicite regi vestro vt subiiciat me ignibus , adigat bestiis, excruciet omni genere tormentorum. Si consentio , frustra sum in ecclesia baptizatus catholica. Nam si hæc præsens sola vita fuisset , & aliā, quę verē est, non sperarem æternam, nec ita fecissem ad modicum , atque temporaliter gloriarer , & ingratus

ei existerem, qui per fidem meam
omnia sua mihi contulit, Victor. lib.
3. Vandalicæ historiæ.

D. Ambrosius.

*Calligonus, cubiculi præpositus, mandare aliquoties Ambrosio ausus est, Me vivo tu contemnis Valentinianum? Caput tibi tollo. Ambrosius respondit, Deus permittat tibi ut impleas quod minaris. Ego enim patiar quod episcopi: tu facies quod Spadones. Ambros. epist. 33.

Theodulus.

Cum ob fidei confessionem sub Iuliano apostata craticulis impositus esset, ut in omnium conspectu assaretur, ad præfectum in mediis cruciatibus dixisse fertur: Si assas carnes degustare cupis Amachi, in alterum latus me verte, ne semicrudus ad edendum parum suavis tibi reddar. Idem de Laurentio, Macedonio, atq; Tatiano martyribus, alij etiam scribunt. Nicephorus libro 10. & 25. Eccles. histor.

Dionysius episcopus Alexandr.

Cum à tortoribus vehementer vregeretur: respondisse fertur, Quid insectando laboratis? Caput meum, pro quo magnopere fatigamini, auulsum cervicibus sumite, & donum magnum ad tyrannum referte. Eusebius lib. 6. Eccles. histor. cap. 30.

Dionysia.

Matrona nobilis Hunerichi regis tortoribus turpiter denudata gra uiter virgis cadebatur. Interictus verò virgarum, dum riuuli sanguinis toto iam fluitarent corpore, libera voce dixit: Ministri diaboli, quod ad opprobrium meum facitis, ipsa est laus mea. Victor in hist. Vandalica, lib. 3.

Elogius.

Valens imperator per præfectum Edessæ, orthodoxos LXXV. cogere volebat, ut veritatem abnegaret. Præfectus itaque cum diceret ad Elogium, Communica possidenti regnum: respondit benigne, Et mihi regni quoq; ac sacerdotij cõsortium est. Tripart. hist. lib. 7. cap. 33.

De persuasione.

Bion.

Dicebat, superbiam studiosorum esse profectus obstaculum. Indocilis enim est, qui inani persuasione eruditionis delusus, mauult doctus videri quàm esse. Laert. libro 4. cap. 7.

Crates.

Cum Crates apprehenso Zenonis pallio, cum à Stilponte retrahere niteretur: Commodissimè, inquit, Crates philosophum auribus teneas: nam si per vim egeris, corpus erit apud te, animus apud Stilpontem. Laert. lib. 7. cap. 1.

Socrates.

*Qui per vim, inquit, coacti sunt, libertate ceu magna re priuati, odio prosequuntur illos qui coegerunt: qui verò suadela inducti sunt, ceu cum gratia inuitati amant. Xenophon lib. 1. commentar.

De pertinacia.

Annibal.

Cum Marcellus aliquot diebus continenter cum Annibale confluxisset vario Marte, dixit Annibal, sibi rem esse, cum hoste, qui nec vitus,

Etus, nec victor nosset quiescere. Plutarchus.

Eusebius philos.

*Plurimi, inquit, cum velint haberi quam consultissimi, si qua in re familiares & beneuoli ipsis homines eos dehortentur, nolunt à confirmato semel intra se proposito recedere: sed ne redarguantur à consilio suo tanquam prauo desistere, permanent in proposito, donec tandem inde perfecta incommoda sentiant. Stob. ser. mon. 23.

Pertinacia licet in mediam partem plerumque sumatur, huc tamen quædam referre licet, quæ sunt sub apophthegmat. de Constantia, & Perseuerantia.

De petitionibus honestis, & parum honestis.

Thales.

Sciscitanti quid esset dulcissimum? Potiri, inquit Nam ea demum delectant, quæ contingunt expetita. Quæ vltro obiciuntur, non perinde iuuant. Laërt. lib. 1. cap. 1.

Socrates.

Dicebat, à diis nihil petendum, nisi bona simpliciter: cum vulgus petat bene dotatam uxorem, opes, honores, regnum, longam vitam, quasi præscriptibentes numini quid oporteat facere. At Deus optimè nouit, quod nobis bonum sit, quid non. Eras. lib. 3. apoph.

Epicurus.

Dicere solebat, Breui temporis spatio omnes homines perituros esse, si hominum preces sequeretur Deus. Nam subinde multa & acerba alij in alios precantur. Max. ser. 14.

Epicetus.

* Ad conuiuium, inquit, inuitati præsentibus utimur. Quod si quis iuberet apponere sibi pisces, aut placentas, absurdus videretur. At nos in mundo petimus à diis, quæ non danti cum multa interim sint quæ exhibuerunt. Stob. ser. 4.

Anonymus.

Poëta quidam dum amicos suos videret & egentes, & petentes à diis quæ illis minimè conducerent, cum tamen vtilia viderentur, pro omnibus sic ait: Iupiter rex, optima quidē nobis & vouentibus & non vouentibus tribue. Mala autem poscentibus quoque abesse iube. Cuius poetæ piā sententiam ex Platonis lib. 6 sub persona Socratis, Erardus Schöberger, præceptor meus, in omni scientiarum genere doctissimus, dum bonas literas in celeberrimo Heydelbergenfium Gymnasio profiteretur, foribus habitationis suæ affixam, suis (quos priuatim docebat) discipulis semper inculcare solebat, his verbis descriptam.

QVID PAUCIS ORANDVS DEVS.

Dabona, siue petare Deus, seu nulla petare.

Et procul à nobis mala quæque petentibus aufer.

Et mala, siue petare nega, seu nulla petare.

Leges autem hanc platam & Christianam poetæ sententiam apud Bruf. quoque lib. 5. cap. 24. & Val. Max. lib. 7. cap. 2.

Agésilauus.

Agésilauus Lacedæmoniorum regem, cum quidam vrgeret improbe postulando, vt promissum præstare: Rectè sanè, inquit, siquidem iu-

stum est quod petis, promisi: sin minus, non promisi, sed dixi. Quo dicto elusit flagitatoris improbitatem. Verum cum efflagitandi finem nequam faceret, sed subiiceret. Atqui decet reges præstare quicquid vel capite annuerint: Nihilo magis inquit, quam eos qui reges adeunt, decet ea petere, loquique, quæ iusta & honesta sunt, spectantes simul & opportunitatem, & quid regibus conueniat. Plut.

Cambyfes.

Dicere solebat, haud fas esse à diis petere victoriam in equestri pugna, eos qui equitare non didicissent: neque sagittæ ignaros superare illos sagittando, qui huiusmodi peritiam callent: neque eos qui frumenta non ferunt, precari triticum pulcherrimum nasci: neque salutem petere, qui sibi in bello non cauere. Ex Xenophonte & Brufon. libro quinto cap. 24.

Diogenes.

Quum aliquando stipem posceret, ita *ἐρωαίχων*, id est, eum qui stipibus erogandis erat præfectus. Homericò carmine compellauit:

Τὸς ἀγροὺς ἐν ἐλὶ δὲ ἱερῶν ἔχοντες. id est,

Despolia reliquos, teneas sed ab Hectore dextram.

Dixi festiuitas in hoc est, quod pro *ἐγναίχῃ* dixit *ἐναίχῃ*: quorum prius est, da stipem: alterum armis spolia, se Hectoris nomine signans. Spoliatur autem qui negat egenti. Et solet hoc hominum genus esse furax. Laërt. lib. 6.

Themistocles.

Cum prætoris Themistoclis operam pro amico in re iniqua peteret, respondit Themistocles, nec Simonidem fore bonum poetam, si men-

suram modumque in scribendis carminibus non obseruaret, nec se bonum esse prætorem, si alicuius gratiam legibus aut iustitiæ præponeret. Plut.

Pericles.

Ab amico rogatus, ut pro se causaque eius falsum deiceret: Oportet me, inquit, amicis accommodare, sed usque ad aras. Plut. in Gregor. apoph. Gell. lib. 1. cap. 3. Erasim. in prouerb. Usque ad aras.

Zeno Citienus.

Quum Cynicus quispiam dicens, in lecytho suo nihil esse olei. peteret à Zenone, Zeno negauit se daturum: sed tamen abeuntem admonuit, expenderet vter ipsorum esset impudentior. Postulatoris impudentiam impudeti negatione pensabat. Laërt. lib. 7. cap. 1.

Phocion.

Antipater cum à Phocione petisset, ut nescio quid iniusti suo nomine faceret. Non sum, inquit, tibi simul adulator & amicus. Amicus enim, quæ iusta sunt, efflagitat ab amico: & is qui reuera amicus est, non obsecundat amico, nisi in his quæ cum iustitia & æquitate coniuncta sunt. Plutar. in apoph.

Epaminondas.

Cum hominem nequam ob mediocrem scelus in vincula coniecisset, Pelopidi efflagitanti, non dimisit, sed amicæ supplicanti concessit, dicēs, Scorta decere, non imperatores eiusmodi dona accipere. Plut.

Plato.

Quum populus Atheniensis flagitaret, ut Phocion copias in Beotiam educeret, eamque rem Phocion non fore è repub. indicaret, edixit, ut quotquot essent in ciuitate ab ephebis usque ad sexagenarios, se sequerentur.

rentur. His reclamantibus senioribus, & ætatem excusantibus: Nihil, inquit, absurdi meo edicto continetur, quàm ipse natus annos octoginta, vnà cum ipsis dux profecturus sim. Hac arte temporarium multitudinis calorem retulit. Plut. in apoph.

Clisophus.

Clisophus Atheniensis adulator, Philippo increpanti, cur semper aliquid peteret: Obluiscor, inquit. Lepidus iocus, sed pugnans cum laudatissima sententia: beneficij accepti meminisse, dati obliuisci oportet. Eras. l. 6. apoph.

Antigonus primus.

Cùm frequenter Biantem molestè beneficia flagitantem tulisset, tandem victus tædio: Date, inquit, Bianti talentum, vel vi. Sentiens, beneficium non impetratum, sed improbitate extortum. Eras. lib. 4. apoph.

Anonymus.

Quidam Antigoni amicus, cùm ab eo petiisset talentum, nec accepisset, postulauit ab eo deductores, ac corporis custodes. Rogatus, quam ob rem? Ne inquit, insidiis imperar. affingens, se talentum humeris ferre. Eras. l. 8. apoph.

Antigonus.

Thrasyllus Cynicus cùm ab Antigono drachinam petiisset. Antigonus ait: Petis munus non regium. Cui cùm respondisset, Da igitur talentum: Nunc, inquit rex, non petis munus Cynicum. Et sic vtroque cornu reputat postulantis improbitatem, quem existimabat nullo omnino beneficio dignum esse. Plut. in apoph.

Timotheus citharædus &c.

Archelaus.

Suprà de Conuicijs in ipsum authorem retortis.

Scopas.

Cùm quispiam familiaris ab eo assequi quicquam contenderet, quod neque illi necessarium, neque satis commodum esset: Huiusmodi, inquit, rebus & felix sum, & locuples. Bras. lib. 1. c. 1.

Scipio Africanus.

Quum à Scipione Africano quidam vetus affectator ex numero amicorum, non impetraret vt se præfectum in Africam duceret, & id ferret molestè: Noli, inquit, mirari, si tu à me hoc non impetras. Ego iam pridem ab eo cui notam existimationem charam fore arbitror, peto, vt mecum præfectus profisciscatur & adhuc impetrare non possum. Cic. in Verrem.

P. Rutilius.

Suprà de Amicitia atque amico bono, & de Iustitia.

Cato Vticensis.

Catulus censor Catonem sibi arctissima iunctum necessitudine rogauit, vt quendam ipsius iudicio obnoxium (erat enim quæstor) missum faceret. Ille hunc in modum respondit: Turpe est nos, qui inuentuti rectè instituendæ authores esse debemus, à licitoribus irrideri nostris. Negauit asperius, quòd iniuste petebatur. Plutarch. in Cato. vita.

Augustus Cæsar.

Quum Galli donassent Augusto torquem aureum, centum pondo, ac Dolabella per iocum tentans illum, tandem huc produceret iocum, vt diceret, Imperator torque me dona. Malo te, inquit, ciuica donare. Festi¹ter submouit postulatoris impudentiã, qui nunquam in bello fuisset: eoque magis illi conueniebat corona ciuica, quæ ex quernis ilignisque frondibus fieri consuevit, quemadmo-

dum triūphalis ex auro. Quanquā & castrensis, & muralis, & naualis ex auro fieri solebat. Qua de re vide A. Gellium lib. 5. cap. 6. Ciuicam autem Augustus, vt honorificentiorē, per iocū obtulit. Nam Suetonius refert, eum inter dona militaria aliquādo facilius phaleras & torques, & quicquid auro argentōque constaret, dare solitum, quā vallares ac murales coronas, quae honore præcellerent. Hoc nisi scias, friget Augusti iocus. Tamen si de materia coronarum variant Gellius & Sueton. Eras. Rot. lib. 4. apoph. & Brufon. lib. 3. cap. 16.

Anonymus.

Græculus quidam ita captare solitus est Cæsarem Augustum descendenti à palatio, honorificum aliquod epigramma porrigere. Id cum frustra sæpe fecisset, nec destitutum videret Augustus, epigramma bene Græcum manu sua descripsit, & Græculo ad se venienti obuiam misit, veluti carmina carminibus pensaturus. Græcus acceptum legit, ac non solum voce, verum etiam nutu gestūque corporis laudauit carmen, miratusque est. Deinde cum accessisset ad sellam qua Cæsar vehebatur demissa in pauperem crumenam manu, pauculos denarios protulit, Cæsarique obtulit his verbis: *ὁ γὰρ τὸ χέλω τῆς σὸν σελᾶς, εἰ πλεον εἶχεν, πλεον εἰς δίδυ.* Id est, non iuxta fortunam tuam Auguste, si plus haberem plus darem. Sequito omnium risu, dispensatorem Cæsar vocauit, & sestertium centum millia Græculo numerari iussit. Bene cessit Græculo palam exprobrata principi parsimonia. Sueton. in eius vita.

Augustus Cæsar.

Cum à Cæsare Augusto Romæ

Pacinnius Laurus munus peteret, diceretque populari rumore sparsum, pecuniam haud paruam ipsi à Cæsare datam: Sed tu inquit, noli credere. Lepido ioco significans, se non datum. Alter expectabat, futurum vt Cæsar ipse pudori succurreret, ne si compertum esset rumorem esse verum, ipse ludibrio haberetur. Cæsar aliud indicauit remedium: sineret homines loqui quae vellent, modo ne ipsi quod erat falsum persuaderent. Macrobius lib. 2. Saturn.

Idem.

Præfectura equitum quidam submotus, insuper & salarium ab Augusto postulare est ausus: hoc colore, vt diceret se non lucri causa salariū petere: sed vt tuo, inquit, iudicio videar impetrasse munus, & ita credat non ab officio submotus, sed officiū deposuisse. Tu, inquit Augustus, apud omnes prædicare accepisse, ego non negabo. Si nihil mouebat petitorē nisi metus ignominiae, via communistrata est, qua nihilo minus honori suo consulere posset, quā si pecuniam accepisset. Macrobius.

Idem.

Liuiæ uxori pro quodā Gallo petenti ciuitatem negauit, ac immunitatem obtulit, dicens, se facilius passurum sisco suo detrabi, quā honorem ciuitatis Romanæ vulgari nimium Reipub. dignitatem antefereus priuato commodo. Suet.

Idem.

Cum miles quidam ab Augusto Cæsare impudenter peteret, ac Martianum videret accedentem, quum & ipsum aliquid improbè petiturum suspicabatur: Non magis, inquit, faciam commilito quod petis, quā quod Martianus à me petiturus est. Ibid.

Fl. V. effa-

Fl. Vespasianus.

Quum quidam ē charis ministris munus ab eo pro quodam, quem fratrem esse assimulauerat peteret, rem distulit, donec ab eo pro quo petebatur, pecuniam extorqueret, quam cum ministro fuerat pactus. Qua accepta interpellanti ministro vrbansime respondit: Alium tibi quære fratrem: hic, quem tuum esse putas, meus est. *Bruf. lib. 2. cap. 5.*

Hadrianus imper.

Romæ cum in spectaculo populus clamorē flagitaret, vt aurigam qui placuerat, liberum esse iuberet, perturbellam respondit. Iniquum esse quod peterent. Si enim seruum alienum libertate donaret, fieret iniuria domino. Dicas hunc abhoruisse ab omni violentia. *Dion.*

Sigismundus Cæs.

Infrà de Proditione.

Alphonfus.

Eques quidam, Ioannes Calaguritanus nomine, ab hostibus captus, & ab iisdem emissus carcere, Alphonsum regem adiit & in solatium calamitatis multa postulauit ab eo, & impetrauit. Quo digresso, rex dixit ad familiares: Dispeream, inquit, nimmerui ne vxorem etiam meam deposceret eques meus. *Panormitanus libro 2. de Alphonfi rebus gestis, & Erasim. lib. 8. apoph.*

Idem.

Alius Eques cum subinde ab Alphonso Aragonum rege munera peteret, & acciperet, omnia profudit, & alia deinde petiit. Cui rex ait: Si pergam tibi dare quæ petis, citius me pauperem effecero, quàm te diuitem. *Panor. libro 2. de rebus gestis. Alphonfi.*

Friedericus Cæs.

Iacobus de Sirck, episcopus Treuerensis, princeps elector, vir industrius, ac magni consilij, sed multum cupidus, & ad extollendam ecclesiæ suæ potentiam nimis attentus. *Friedericum Cæsarem* apud nouam ciuitatem cum adiiisset, & alia atq; alia petens impetrasset, sed plura tamen petendo instaret: Si nō facis, inquit, imperator, petendi finem, ego certè negandi finem facile inueniam. Quo dicto perquàm lepidò improbum petitozem compescuit. *Æneas Syluius lib. 2. Commentariorum de rebus gestis. Alphonfi.*

Ludouicus Bauarus.

Albertus marchio Brandenburgensis, cū ex Ludouico seniore Bauariæ duce (quem captiuū habebat) iniqua petiisset, ac neganti grauiores durioresque carceres minitasset *Ludouicus*, Quæ poteris (inquit) ex me libero impetrare, eadem modo ex capto petito. Innuit autem, iniusta nec à capto, nec homine libero petenda esse. *Æneas Syluius libr. 3. Commenta. de rebus gestis Alphonfi.*

De philosophiæ vsu & vtilitate.

Thales.

FAcillimum esse dicebat philosopho ditari: idque tali facto probauit. Omnem oleam antequam florescere cœpisset, in agro Milesio cœmit. Animaduenerat enim præscientia quadam, oleatum vbertatem fore. Hoc pacto os obturauit iis, qui iactabant, in philosophis paupertatem nō esse virtutis, sed necessitatis. *Cic. lib. 1. de Diuinat.*

Bion.

Cum malè audiuiſſet, quòd adoleſcentem quendam mollem in diſciplinam non recepſſet: Tenellus, ait, caſeus non attrahitur hamo. Significans, pueros delicatulos ad philoſophiæ ſtudia nequaquam eſſe idoneos. Laër. l. 4. c. 7.

Idem.

Dicere ſolitus eſt, Quemadmodum proci Penelopes, quoniam cum Penelope commiſceri non potuerunt, cum illius ancillis rem habuerunt: ita qui philoſophiam aſſequi non poſſunt, in aliis friuolis diſciplinis ſemet exercent. Ibidem.

Idem.

Rhodi cum Athenienſes darent operam rhetoricis, ipſe philoſophiā docebat. Ob id reprehenſus, ita reſpondit: Triticum aduexi, & hordeū vendo. Sentiens, abſurdum eſſe ab ipſo requiri deteriora, cum attuliſſet meliora. Nam philoſophia: veluti, triticum, cibus eſt hominum: hordeum, equorum. ſimul innuens ſolum philoſophum loqui, rhetores hinniſſe potius. Ibidem.

Pythagoras.

Dicebat, vitam humanam eſſe ſimilè panegyri, hoc eſt, ſolenni hominum conuentui, ad quem alij conueniunt certaturi, alij negotiaturi, nonnulli ſpectatores modo futuri. Ac cæteros quidem omnes eſſe ſollicitos, ſolum ſpectatorem tranquillum frui celebritate. hūc ſpectatorem aiebat eſſe philoſophum, qui non ob aliud in hoc mundi theatro prodiſſet, quā vt naturas rerum, ac mores hominum cōtemplaretur. Laërt. libro 8. cap. 1.

Diogenes.

Negabat illos debiles ac mancos appellandos qui furdi eſſent, aut

cæci, ſed qui peram non haberent. Luſit autem affinitate vocum, nam *μῶννεος*: Græcis dicitur mancus, aut inutilis: *ἀννης*, qui pera caret Innuēs opinor, hominē ad omnem vitæ functionem inutilem eſſe, qui expers ſit philoſophiæ. Pera enim Cynicorum penus erat. Ibidem.

Idem.

Suprà de Diſcendi cupiditate.

Idem.

Suprà de Animi bonis ac cultu.

Idem.

Dicenti cuidam, quem ad ſapientiæ ſtudium hortabatur, Non ſum idoneus philoſophiæ. Quid igitur viuuis, inquit ſi tibi nulla rectè viuendi cura eſt? Non enim in hoc viuut homo, vt viuut tantum, ſed vt diſcat rectè viuere. Natura dat viuere, philoſophia dat rectè viuere. Natura gignit ad virtutem dociles, doctos non gignit Laër.

Idem.

Suprà de Exilio fortiter ferendo.

Idem.

Percontanti, quid lucri caperet ex philoſophia: Vt nihil inquit, aliud, certè hoc, quòd omnem fortunam paratus ſum. Laër. l. 6.

Idem.

Aliquando vocatus ad cœnam, negauit ſe venturum. Roganti cauſam: Quoniam, inquit, heri mihi non ſunt actæ gratiæ. Vulgus hominum poſtulat qui veluti pro magno beneficio gratias agi, ſi quem admiferint ad conuiuiū. At Diogenes, licet pauper exiſtimabat ſibi deberi gratiam, quòd non grauaretur intereſſe conuiuiū, quia nuſquam iret a ſymbo-
lus, ſed lautius philoſophiæ ſermō-
nibus paſceret conuiuatores & con-
uiuorum animos, quā illi corpus, e-
pulis. Laër. lib. 6.

Idem.

Idem.

Suprà de Doctrina & eruditione
quæ vt semper incolumis est, &c.

Idem.

Interrogatus à quopiam, cuias es-
set? respondit. *κοινοπολίτης*, id est, ciuis
mundi. Significās, philosophum, vbi-
cunque locorum agat, in sua patria
viuere. Laër. l. 6.

Idem.

Dixisse fertur, quòd fortunæ ap-
poneret animi fiduciam legi naturā,
affectibus rationem, eò quod his tri-
bus paratur ac seruator hominū trā-
quillitas. Aduersus fortunæ procel-
las tuetur sapientem animus impa-
uidus, naturam pro lege sequitur cui
si repugnet lex, contemnit eam, por-
rò cupiditatum tumultus ratione
compefcit.

Idem.

Cùm Plato laudaret quēdam hoc
nomine, quòd erga omnes esset hu-
manissimus: Quid, inquit Diogenes,
illi tribuendum est, qui tot annos in
philosophia versatus, nullum hactē-
nus affecit dolore? Sentiēs, proprium
philosophi munus esse, inderi viti-
is hominum, id autem fieri non
posse, nisi metu ac dolore: metu
probrī, dolore præsentis ignominie.
Ibidem.

Idem.

Inuitatus vt ad Alexandrum veni-
ret, recusauit. at Perdiccæ præfecto
minitanti necem, ni veniret: Nil, in-
quit, magni feceris, siquidem & can-
tharis & phalangium idem possunt.
Cantharis pusillum est insectum, non
dissimile scarabeo, sed præsentaneū
habens venenum: phalangium, ara-
nei genus & nocentissimū. Nec du-
bitauit vicissim minitari Perdiccæ,
se feliciter victurum, si sine illo viue-
ret. Indicans, infelices esse, qui cum

Perdicca viuerent. *Ibidem.*

Idem.

In dolio habitans, accessit eum A-
lexander rex, & hunc in modum ait:
Adsum ô Diogenes, tibi subuēturus,
quandoquidem video te multis egē-
tem, cui Diogenes: Vter nostrum plu-
ribus eger? ego, qui vltra peram
& pallium nihil desidero: an tu, qui
non contentus patrio regno, tot pe-
riculis temet obiciis, vt latius impe-
res, ad eò vt vix totus orbis tuæ cu-
piditati videatur satis futurus? *Ibi-
dem.*

Zeno Cititiens.

Cùm consulisset oraculum, quò-
nam pacto vitam optimè instituere
posset? respondisse fertur: Si concò-
lor fieret mortuis. Ille igitur sentiens
se ad veterum incitari lectionem, a-
nimum ad philosophiæ studium ad-
iecit. Laër. lib. 7. cap. 1.

Idem.

Ascendens in theatrum, cithara ca-
nēte Amœbeo, versus ad discipulos,
dixit: Eamus, vt pernoscamus quam
vocem, quémque concentum edant
intestina, nerui, lingua, & ossa, qui-
bus adest ratio, numerus & ordo. Si
in rebus inanimis tantum valeant illa,
quanta plus valebunt, si in omni ho-
minis vita seruantur? *Idem libro 9.
cap. 5.*

Idem.

Negotiator purpurā vehens, nau-
fragium fecit iuxta Pircum, atque
hac occasione sese contulit ad philo-
sophiam. Itaque solitus est dicere,
Tum bene nauigavi, quum naufra-
gium feci. Alij narrant, eum cùm A-
thenis esset, audissetque merces pe-
risset naufragio, dixisse: Bene facis
fortuna, quæ me ad philosophiam
(alij ad pallium) appellas. Laër. lib. 7.
cap. 1.

Anonymus.

Adolescens quidam, qui apud Zenonem philosophiæ operâ dederat, domum reuersus, cum à patre iuberetur specimen suæ eruditionis edere, ait: Ostendâ paulo post quid incrementi fecerim. Verum cum nihil diceret, pater iracundus, existimâs impendium peritisse, cœpit loris verberare filium. Eam parētis seueritatem quum equo animo tulisset, ac rursus effligitanti patri, ut profectus documentum daret: Hoc, ait, ex philosophia didici, ut possim iram & verbera patris equo animo perperi, cum secus faciant alij. Eras. l. 8 apoph. ex Ælian. l. 9. Var. hist.

Crates.

Rogatus, qui illi est philosophiæ studio accessisset emolumentum? respondit,

ἀριμον τὸ χορῖνξ, καὶ τὸ μανθρὸς μῆλεν:

id est,

Chœnix lupini, & absque cura viuere.

Sentiens, se minimo contentum, ob libertatem suauiter viuere. Laert. l. 6. cap. 5.

Idem.

Rogatus, quoad esset philosophandum? Donec, inquit, exercituum duces qui sunt, videbuntur esse agastones. Sentiens opinor, ibi maxime opus esse philosophia, vbi qui populo præfunt, stolidi sunt & indocti: & homines, quibus imperant, habent pro asinis. Ibidem.

Idem.

Dicebat, philosopho nulla re opus esse. Eoque pecuniam deposuit apud trapezitam hac conditione, ut si liberi essent idiote, traderet eam illis: sin philosophi nummos distribueret in plebem, quod indoctis opus esset pecunia: philosopho, nec opus, nec vtilis. Ibidem.

Aristippus.

Rogatus, quid differrent docti ab indoctis? Quod, inquit, equi domiti ab indomitis. Quemadmodum equus indomitus ad omnem vsum incommodus est ob insentiam ac ferociam: ita qui rapitur affectibus quos sola domat philosophia: ad omnem vitæ consuetudinem inutilis. Laert. lib. 2. cap. 8.

Idem.

Rogatus, quid fructus cœpisset ex philosophiæ studio? Quod cum quibusslibet, inquit, liberè loqui possem. Nec enim metuebat potentes, nec fastidiebat humiles. Quoniam animum habebat spe pariter ac metu liberum, nemini seruiebat, neque cuiquam assentabatur. Ibidem.

Idem.

Iussus est aliquando è sua philosophia nonnihil dicere, cumque detraçantem vrgeret Dionysius: Ridiculum, inquit, siquidem me ut de philosophia loquar, rogas, & quando oporteat loqui ipse me doces. Sensit, hoc ipsum esse philosophi, scire quando loquendum sit, quando tacendū, at qui petit ut audiat aliquid ex philosophia, declarat se philosophiam à philosopho velle discere. rursus qui cogit ad loquendum, is videtur ipso philosopho doctior, ut qui melius norit loquendi tempus, quàm philosophus ipse. Ibidem.

Idem.

Aristippus percontanti Dionysio, quid eximium haberent philosophi præ cæteris hominibus? Ut, inquit, etiam si omnes leges aboleantur, rationem æqualiter victuri simus. Vulgus legum præscriptis arcetur peccando: Philosophus rationem habet pro legibus, non ideo quod rectum est faciens, quia lex iussit: nec à scelere tempe-

temperans, quia lex vetuit: sed quia mouit illud per se rectum esse, hoc per se turpe. Ibidem.

Idem.

Percontanti Dionysio quâ fieret, vt philosophi diuitum limina tere-
rent, non contrâ? Quoniam, inquit,
philosophi norunt quibus egeant, il-
li nesciunt. Philosophi sciunt absque
pecunia viuui non posse: itaque petunt
ab eis qui quod opus est dare pos-
sunt. Quod si diuites æquè intellige-
rent se egere sapientia, multo magis
tererent philosophorum limina. Mi-
serior enim est egestas animi quàm
corporis: atque hoc miscrius egeni
sunt diuites, quod non intelligant,
quàm preciosa, quàmque necessaria
re careant. Ibidem.

Idem.

Petiit, talèrum à Dionysio, quum-
que rex redarguèdi nactus occasio-
nem, diceret, Nonne tu prædicabas
philosophum non egere? Da, inquit,
& postea de hoc disputabimus. Cum
accepisset pecuniam: Annon, inquit,
rectè dixi, philosophum non egere?
Non eget, qui quum opus est, habet
vnde accipiat. Ibidem.

Idem.

Quidâ multa debacchatus in phi-
losophos, etiâ hoc adiecit. quod con-
spiceret illos semper obsidere fores
diuitum, cui Aristippus: Et medici, in-
quit, ægrotantium domos frequen-
tant, nemo tamen ægrotus esse mal-
let, quàm medicus. Scitè retorfit con-
uitium. Philosophi prædicant felici-
tatem quam vni sapienti vindicant:
& tamen assidue versantur apud di-
uites: aliquid venantes ab aliis. vnde
colligebat, diuites esse beatiores
quàm philosophos. Sed ille interpre-
tatus est, philosophos ideo potissi-
mum colere diuites, quod ob luxum

ac delitias cæteris mortalibus & stul-
tiores & corruptiores magis egerent
præceptis sapientiæ, philosophus autè
animorum malè habentium medicus
est. Porro beatius est esse medicum,
quàm ægrotum. Laer. l. 2. c. 8.

Idem.

In Asia comprehensus est ab Artapherne satrapa. Id tēporis quum qui-
dam eum interrogaret, num & illic
haberet solitā animi fiduciā: Inepte,
inquit, quasi vnquā fuerim fidentio-
ri animo quàm nunc, alloquuturus
Artaphernem. Nimirū hoc illi præ-
stabat philosophia, ne quem hominē
metueret, sed cum omnibus liberè
ageret. Ibidem.

Idem.

Orator quidam Aristippum reum
defendit in iudicio, vicitque litem. Is
cū velut aitem suā præferens phi-
losophiæ, diceret, Quid tibi profuit
Socrates, Aristippe? Hoc, inquit,
quod oratio quā pro me dixisti, vera
fuit. Defenderat vt virū bonum & in-
nocentem. Vt autem talis esset, qual-
is ab oratore prædicabatur, Socrates
præstiterat, à quo philosophiam didi-
cit. Orator non id efficit vt quis sit
vir bonus: sed vt talis videatur iudici-
bus, etiamsi non sit. Præstantius igitur
est quod præstat philosophus, quàm
quod orator. Ibidem.

Idem.

Cuidam exprobrati, quod in pro-
pria causâ oratore conductitio fuisset
vsus: Nil mirum, inquit, & cœnam
apparaturus coquum conduco. Alter
videri volebat, ob hoc oratorem præ-
stantiorem philosopho, quod eius o-
peram cōduceret, ille retorfit in di-
uersum, innuens, inferiorem esse qui
conducitur: oratoris enim munus in-
ferius est, quàm vt philosophia con-
ueniat. Ibidem.

Idem.

Eos qui liberalibus imbuti disciplinis philosophiam negligerent, dicebat esse similes procis Penelopes: quòd hi cum Melanthe & Polydora ancillis rem habuerint, & omnia potius se habituros sperauerint, quàm dominæ nuptias. Sensit, liberales disciplinas esse velut pedissequas philosophiæ morali, quæ comprimis sit adhibenda, & cuius gratia reliqua discuntur omnia. Simile quiddam dixisse fertur & Aristo de Ulyssæ, qui quum descendisset ad inferos, ait illum cum omnibus ferè manibus fuisse colloquutum. cum ipsam reginam ne videre quidem potuerit. Laër. lib. 2. cap. 8.

Antisthenes.

Suprà, de doctrina & eruditione.

Idem.

Suprà, de Eo quòd conuictus malorum non semper obfit.

Socrates.

Physiognomon Zopyrus, qui se profitebatur ex habitu corporis & oris lineamenti posse hominis ingenium certò deprehendere, inspecto Socrate pronuntiavit, illum esse hominem bardum ac stupidum, tum mulierosum ac puerorum amoribus impurum, vinolentum, & intemperantem. Quum amici vehementer indignati minarentur homini, Socrates illos cohibuit, dicens: Nihil, inquit, mentitus est: omnino talis eram futurus, nisi me philosophiæ gubernandum tradidissem. Eras. l. 3. apoph. ex Cic. 3. Tusc. quæst.

Plato.

Tum demum bene cum rebus humanis agi dicere solebat, quando vel philosophi regnarent, vel reges philosopharentur. Polybius libr. 12. Histor.

Timotheus Cononis F.

Quum floreret omnino rebus secundis, & facillimè vrbes caperet, se felicem ac beatum esse prædicabat. Verum cum in Platonem philosophum fortè incidisset, hominemque philosophantem diu audiisset omnia contemnens, in quibus felicitatem consistere, vana opinione ductus, putauerat, proclamasse dicitur post Platonis disputatione: O vitam verè beatam ac felicem? Audiuit Platonem differentem non de diuitiis, non de triremibus, aut nauticis rebus, neque de supplementis, aut quæ admodum auxilium esset ferendum, nec de tributo sociorum, siue insulanis, neque de similibus nugis ac næniis: sed de illis quæ profitebatur Plato, quibus veram felicitatem (contemptis omnibus) ascribebat. *Ælian.* l. 2. de Var. hist.

Aristoteles.

Percontanti, quid lucri cepisset ex philosophia? Vt ea, inquit, nullo imperante faciam, quæ vulgus facit metu legum. Idiota à furto abstinere, quia lex minatur poenam: philosophus abstinere, quia per se turpe est, etiam si liceat impune. Laertius libro 5. capite 1.

Ariston.

* Eos qui mathematicis disciplinis vacarent, neglecta philosophia, similes esse aiebat procis Penelopes: qui cum ipsa potiri non possent ad ancillas eius se conuertebant. *Plut.* l. de virtute morali. Idem dictum est à Bione & Aristippo.

Lacones.

Lacedæmonij literas quidem disciebant ad vsum, cæteras verò disciplinas exoticas eiiciebant: nec minus homines harum professores, quàm ipso

ipſos libros. Hęc autem erat illorum eruditio, bene parere magiſtratibus, patientem eſſe laborum, & in prælio aut vincere aut mori. Hoc animo fuerunt olim & Romanorū quidam, qui philoſophos Græcos vrbe pepulere, quod curioſis diſciplinis auerterent iuuentutem ad otium & ignauiam, redderentque ad diſſerendū quidem inſtructos, ad agenda verò reipubl. munia inutiles. Quid illi dixiſſent, ſi ſophiſtarum gryphos, ſi nominalium & realium frigidiffimas argutias audiiſſent. Eraſ. ex Plut. in Lacon.

Demonax.

Rogatus à ſophiſta quopiā. Quod viaticum attuliſſet ad philoſophiam? Admodum Cynicè reſpondit, *ὀψῆς* id eſt, reſtes. Significās, ſe nudum acceſſiſſe. Eraſ. 8. apoph.

Idem.

*Indoſtos, tanquam piſces captos, dum trahuntur, ſilere dicebat. Anto. & Maxim. ſerm. de diſciplina & philoſophia.

Hieron.

*Interrogatus, quid eſſet à philoſophia adiutus? reſpondit, vt libenter & iniuſſus faciam quæ cæteri legum metu faciunt. Eod. ſer.

Dionyſius iunior.

Poſteaquam regno fuit expulſus, cuiſdā dicenti, Quid tibi Plato & philoſophia profuit? Vt tantam, inquit, fortunæ mutationem facile feram. Neque enim ſibi manus admouit, quod alij ſolent: ſed Corinthi ludum literarium aperuit. Plut.

Demetrius Phal.

Cū exularet, ac Thebis inglorius humiliſque viueret, audiſſetque Cratem philoſophum, qui ipſum inuiſeret, multa placide prudenterque de moderatè ferendo exilio diſſerentem. Male ſit, inquit, negotiis & oc-

cupationibus, per quas hætenus talē virum non licuit cognoscere. Laert. lib. 5. cap. 5.

Philippus.

Alexandrum filium hortabatur, vt auſcultaret Ariſtoteli, cui traditus erat inſtituendus, darētque operam philoſophiæ: Ne, inquit, multa committas, quæ me feciſſe nunc poenitet. Perſpexit egregius princeps, neminem philoſophiæ expertem regno idoneum eſſe, nec puduit fateri, ſe multa per errorē feciſſe perperam, quod à teneris vnguiculis philoſophiæ præceptis non fuiſſet imbutus. Nam qui experimentis diſcunt adminiſtrare regnum, licet ingenio feliciffimo nati ſint, tamen & ſeriò & magno Reipub. malo tandem euadūt boni reges. Atqui philoſophiæ præceptis præmunitus accedit, ſi adſit mens integra, vix poterit ab honeſto deſiectere. Plut. in apoph. regum & impera.

Alexander.

Cū eſſet Corinthi, adiit Diogenem pro dolo ſedentem, cūmq; eo multa collocutus eſt: à quo digreſſus, indignantibus amicis, quod rex illi cani tantum habuiſſet honoris, qui tanto principi nec aſſurgere dignaretur: Imò, inquit, ni Alexander eſſem. Diogenes eſſe vellē. Adeò deſecutus eſt animum illum liberum, ac rebus humanis omnibus ſuperiorem, vt nihil regno ſimilius eſſe iudicaret. Præcipua regum felicitas eſt quod nulli ſeruiant: ſed quicquid volunt, facile efficiunt: tum quod nullius egeant, atqui hoc ipſum homini præſtat philoſophia multò verius, quàm regnum monarchis. Quanquā Alexandrum eſſe, Alexander maius quiddam exiſtimabat quàm regem eſſe. Laert. lib. 6.

Polycletus.

Dicere solebat, eorum opificum esse molestissimum, quibuscunque lutū perueniret ad ungues. Plastas opipor, ac figulos notans. Admonuit autem, eas artes exercendas, vnde nō conspurcarentur opifex. Tale nimirū est philosophiæ studium. Eras. lib. 6. apoph.

De philosophis.

Zeno Citticus.

Dicebat, plerosque philosophos in multis ἀσέβειαι εἶναι, id est, nō sapere: sed in fortuitis vulgaribusque rebus esse imperitos, & adiciebat illud Scaphei, qui cū animaduerneret quendam ē discipulis vehemēter infiatum, percussio illo dixit: Bonum nō est in magno, sed in bono est magnum: ἡ ἐν τῷ μεγάλῳ τὸ δὲ καὶ τὰ, ἀγαθὸν ἐν τῷ δὲ τὸ μέγα. Magnū enim est, quicquid rectē fit: at non statim bonum est, quod magnum. Laertius libro 7. cap. 1.

Aristippus.

Postquam Aristippus magnam pecuniarum vim sibi cōparasset, & admiratus Socrates diceret, Vnde tibi multa? Vnde, inquit, tibi tam pauca: Non enim minus admirandum arbitrabatur, quod Socrates tantus philosophus, & qui tantos haberet amicos, pauper esset, quā quod ipse diues Idem.

Idem.

Interrogatus, cur sic ipsum argueret Dionysius? Eandem, inquit, ob causam, ob quā ceteri. Significans, philosophi libertatem omnibus esse molestam. Laer. 1. 1. c. 8.

Diogenes.

Cuidam procaciter interroganti,

cur quū nihil sciret, se philosophum prouenteretur? Si philosophum, inquit, timulo, hoc ipsum est philosophari. Subnotās philosophiam rem esse vsque adeo difficilem, vt eam vel simulare, magna sit philosophiæ pars. Quemadmodum multum regis habet, qui scire regis personam possit genere. Et qui simulat, imitatur: at imitari philosophos, est philosophari, hoc est, philosophiæ studium esse. Laert. 1. 6.

Idem.

Suprà de Morte contemnenda.

Idem.

Quodam die cū populus theatrum ingrederetur, ipse aduersus populum nitens ingrediebatur, interrogatus, cur id faceret? Hoc, inquit, in omni vita facere studeo. Senties, hoc esse philosophari, in omnibus actionibus quā maxime à multitudine dissidere: propterea quod vulgus hominum cupiditatibus agitur, non ratione. Laer. 1. 6.

Idem.

Percontanti, cur ceteris mendicis benignē largirentur homines, philosophis non item. Quoniam, inquit, sperant citius futuram vt claudi cæcificent, quā philosophi. Qui misentur a filictorum, quales ferē sunt medicī faciunt hoc contemplatione cōmunis hominum sortis: ita cæco opitulantur, cogitantes, hoc ipsum mihi poterit accidere. de philosopho non item cogitant. Dictum festiuus est, ob abuium verbi, sperant, vt philosophus has, sperari potest: cæcitatem aut claudicationem nemo sperat. Laert.

Idem.

Interrogatus an philosophi placētis vescerentur? Omnibus, inquit, vt ceteri homines. Rursus hic aliud respondit,

spondit, quàm interrogabatur. Quæ-
rebat percontator, an cōueniret phi-
losophis, frugalitatem profitētibz,
vesci placentis, cibis delicatorum?
Diogenes εἰρωνδῶν ita respondit, qua-
si philosophi non essent homines, &
tamen vescerentur cibis humanis, Si
quidem animalia bruta non vescun-
tur quibzlibet: bos comedit fœnū,
canis nequaquàm, aues amant fron-
des salicum, equi auenam. Quædam
aues pascuntur granis iuniperi, quæ-
dam carniuoræ sunt, quædam vescū-
tur piscibus. Huc allusit Diogenes.
Ibidem.

Demonax.

A quodā interrogatus, cuiusnam
sectę philosophus esset? Quis, inquit,
tibi dixi me philosophum esse? &
sic ridens abiuit. Sed cū iterum ro-
garetur, cur risisset? respondit: Cur
non riderem, cū tu me ex barba
philosophum esse iudicas, ipse autē
barbam non habes? Erasim. libro 8.
apoph.

Epietetus.

Eos qui barba & pallio, verbisq;
magnificis philosophos agebant, di-
cere solebat esse philosophos οὐδὲ τί
μεγίστην, μέγιστον δὲ λόγον: id est, factis
procul, verbis tenuis. Gellius libr. 17.
cap. 19.

De physiognomia.

Zeno Citriens.

Videns adolescentem: Animi tui
vestigia, inquit, satis explorata
sunt mihi. Notās hominis lasciuia.
in Græco autem plusculū est gratiæ:
Ζῴος enim non tantūm animū si-
gnificat, sed animi enim concitatio-
nes. Laert. lib. 7. cap. 1.

Diogenes.

Interrogatus de quodā adolescē-

te qualis videretur? Arcadem esse re-
spondit. Siue significans, illum esse
stupido ingenio: siue, vt eruditi qui-
dam malunt, mollem & pathicum,
quod Arcades feruntur glandibus vi-
ctitare, teste epigrammate,

Πολλοὶ ἐν ἀρχαῖα φανδροπαζοὶ ἀδ' ἔρε
ἐλασσιν

Glans autem apud Latinos interdum
obscœnam habet significatio-
nem. Eras. Rot. l. 8. apopoph.

Socrates.

Suprà de Philosophiæ vsu & vtilit.

Stratonicus.

Statonicus musicus cū esset Pel-
læ, & in puteum descendisset, roga-
uit, nū esset aqua potabilis? cū di-
xissent, qui aquam hauriebant, Nos
istam bibimus: Non est igitur, in-
quit, potabilis, quod illos videret pal-
lidos, luridósque. Nā id interpretaba-
tur malæ valetudinis argumentum,
quam ex aqua contraxerant. Athen.

Cleanthes.

Hominis mores ex conspectu de-
prehendi posse dicebat. Verū cū
philosophum (qui hoc audierant)
cuperent, hominem cinædum, sed
multis laboribus ab ineunte ætate
exercitatum adducunt, vt artis suæ
specimen ederet. Cleanthes igitur,
cū hominis faciem, itē manus cal-
lotus, & sole adustas vidisset, & ali-
quandiu siluisset, iussit hominē abi-
re foras. Ille cū discederet, sternu-
tamento concussus est, Quo audito,
Cleanthes ait, Satis naturam homi-
nis intelligo, mollis est. Non enim fa-
cilē sternunt, qui sub dio laborant.
Laert. lib. 7. cap. 2.

Anonymus.

Chalcidensis quidam, qui cū Oro-
bazo descenderat, Syllæ vultum sæ-
pius contemplatus, & ingenium mo-
tūque corporis inspiciebat: Nece.s-

se est, ait, hunc fieri magnum virum, minorque quod omnium adhuc primus non sit. Plut.

De pictura & pictoribus.

Diogenes.

Conspiciens duos centauros pugnares in tabula pessime pictos Vter, inquit horum deerior est? Notans pictoris imperitiam: quasi dubitaret vter esset deterius pictus. Vfus est autem voce ambigua. nam *χείρω* & peior dicitur & in pugna inferior. Laer. l. 6. Brus. l. 5. c. 23.

Anonymus.

Quidam conspecta tabula, quæ picturam habebat quomodo Lacedæmonij trucidarentur ab Atheniensibus, dixit Fortes Athenienses. Id Lacon audiens, subiecit: in tabula. Significans, ridiculum esse de pictura gloriari, quod ea non minus mentiri soleat, quàm poetæ. Plut. in Lacon.

Apelles.

Videns tabulam à Protogene pictam, quam Demetrius in bello seruauerat deprecantibus Rhodiis aliquandiu præ stupore tacitus eam est contemplatus, tandem in hanc vocem erupit: Ingens labor, ac mirandum opus: desunt tamen Gratiae, quæ hoc aliâque eiusdem auferant, atque in caelo reponant. eam tabulam Protogenes nondum absoluerat. Erasim. l. 6. apoph.

Idem.

Tempestatis vi Alexandriam delatus, quidam eius æmuli subornarunt planum, hoc est scurrâ regium, qui eum vocaret ad cœnam. Is non suspicatus dolum, venit. At quum rex, qui illi erat infensus, indignaretur, & ostensis vocatoribus iuberet indi-

cari à quo vocatus esset: Apelles arrepto carbone extincto foculo, imaginem delineauit in pariete, ut rex protinus ex inchoato opere agnosceret planum suum. Eadem opera & artis suæ & ciuilitatis suæ specimen dedit. Sit hoc, si libet, apophthegmatum. Bruson. l. 5. c. 25. ex Plinio & Luciano.

Idem.

Alexandrum Fulminiferum pinxit, adeo expressè, ut diceretur: deorum Alexandrorum, alterum Philippi nullis viribus vincibilem, alterum Apellis nullo artificio imitabilem. Bruson. ex Plutarcho.

Idem.

Suprà de ignoscencia.

Anonymus.

Pictor quidam interrogatus, quem habuisset artis magistrum? digito populum ostendit Sentiens, sed multitudinis iudicium pingere: & obseruantem, quid quisque probaret aut improbarer, artem fuisse consequutum. Idem ab Apelle fastitatum legimus, qui post tabulam latitans, subauscultabat spectatorum censuras. Erasim. l. 8. apoph.

Zeuxis.

Certamen artis exercuit cum Parrasio. Quum enim Zeuxis tam scitè effinxisset vuas, ut in scenam aues aduolarent, Parrasius detulit linteum pictum, ita veritate representata, ut Zeuxis alitum iudicio tumens, flagitaret, tandem remoto linteo ostendit picturam. Mox intellecto errore: Vicisti, inquit, Parrasi, Nam ego aues fefelli: tu artificem. Bruson. lib. 5. capit. 23. ex Plinio.

Idem.

Postea pinxit puerum vuas ferentem, ad quas quum aues aduolassent processit iratus operi: Vuas, inquit melius

melius pinxi quàm puerum. Nam si hoc consumassem, aues puerum timere debuerant. Ingenuitatis exemplum. At aues viderunt in puero nullum esse motum: itaque aut mortuum, aut dormientem arbitratae sunt. Plin.

Idem.

Agatharcho se laudante quòd animalia facile celeritèrque pingeret, damnans celeritatem: Ego verò, inquit, diu. Plin.

Protopogenes & Apelles.

Protopogenes Rhodi viuebat. Eò Apelles videndi eius gratia profectus est: continuòque petit officinam, in qua tabulam magnae amplitudinis in machina aptatam picturæ, anicula quædam custodiebat. Ea Protopogenem negauit esse domi, rogauitque à quo quæsitum diceret reuerso? Ab hoc inquit Apelles: arreptòque periculo, lineam ex colere duxit summæ tenuitatis, per tabulam. Reuerso Protopogeni quæ gesta erant anus indicauit. Ac lineam ille contemplatus, continuò dixit. Profectò Apelles Rhodum venit: nec enim in alium cadit tam absolutum opus. Mox induxit alio colore lineam illa subtiliorem: auuque mandauit, vt si rediret hospes, diceret ostensa linea hic est quem quæris. Reuersus Apelles & vinci erubescens, tertio colore lineas seecuit, nullum relinquens amplius subtilitati locum. Protopogenes victum se confessus, in portum acuolet, hospitem quærit, domumque ducit victus victorem. Ex minimo vestigio artifex agnoscit artificem. Plin.

Demetrius.

Quum Rhodum obsideret, & in suburbio cœpisset tabulam quædam, protogenis clarissimi pictoris opus,

in qua pinxerat Ialysum, id est Bacchum, Rhodiis per caduceatores obsecrantibus vt tabulæ parceret, respondit: Se citius patris imagines quam eam picturam aboliturum. Tantum honoris habuit arti rex, Plut. in Demetrio.

Lafus.

Suprà de liberè dictis & loquendi fiducia.

Anonimus.

Romæ in foro pendeat tabula quædam, habens imaginem pastoris vetulicum pedo, de hac Teutonum orator rogatus, quantiam æstimaret? satis Germanicè respondit, se nolle sibi dono dari talem viuum ac verum. Barbarus non agnouit artificium, tantum spectabat formam. Atqui quæ natura deformia sunt, plus habent & artis & voluptatis in tabula. Eras. lib. 8. apoph.

Nealces.

Arato destinanti tyrannorū comuni odio abolere tabulam insignis artificij, quæ Aristratum in curru victorem habebat: Nealces supplex intercessit, vt opus incolume seruetur, dicens, cum tyrannis, non cum tyrannorum imaginibus belligerandum esse. Eras. lib. 6. apoph.

De pigritia, ignauia, atque desidia.

Thermistocles.

Pigritiam hominis viui sepulcrum vocauit qui cum expletis centum & septem annis se mori videret dixisse fertur, se plurimū dolere, quòd de vita tunc egrederetur, quando sapere cœpisset Plut.

Democritus.

* Perpetuam cunctationem acti:

omnes imperfectas reddere dicebat.
Stob. serm. de assiduitate.

Eusebius Philosophus.

* Ignauia, inquit, corpus tabefacit, animam socordia. Exercitatio verò ad speciem Deo simillimam, ipsam euehit. Stob. serm. de Otio.

Anaxarchus.

* Dicebat, si quis alterum auderet imprecantem sibi manus & pedes inutiles, iratum illi proculdubio fore: diuites autem cum re ipsa manus suas pedesque faciant inutiles, interim ob hoc ipsum se beatos existimare. eod. serm.

Vic apoph. de Assiduitate, diligentia, labore & otio.

De podagra.

Anaxarchus.

Dicebat, si quis alterum audiret imprecantem sibi manus & pedes inutiles, iratum illi proculdubio fore. Diuites autem, cum re ipsa manus suas pedesque faciant inutiles, interim ob hoc ipsum se beatos existimare. Notauit autem vir prudentissimus eos qui ex otio variisque delitiis podagram sibi ipsis parant. Stob. ser. 28. de Otio.

Publius Cyrus.

Cum esset orta iocosa quaestio, quòdnam esset molestum otium, & alius aliud opinaretur, respondit, podagra. Otium ut rem suauissimam expetunt omnes, sed otium podagrici cum summo cruciati coniunctum est. Pontanus. Erasmus libro 6. apoph.

Cicero.

Cicero in Vatinius, qui cum pedibus æger esset volebat tamen vi-

deri commodioris valetudinis factus, dicebátque iam se bina millia passuum ambulare. Dies enim, inquit, longiores sunt. Hoc Fabius tribuit Ciceroni Macrobius libro 2. capit. 4. Saturn. Augusto. Narratur & hodie quiddam non minus facetum, si modò accederet verustatis commendatio. Miles quidam in conuiuio iactabat sibi balistam esse, quæ iaculum excuteret ad spatium nulli credibile. Reclamantibus conuiuiis omnibus, affirmabat famulum suum id vidisse factum. Accersito famulo percontatus est illum, an non ipse vidisset quod narraret: Tum famulus, Verum, inquit, narras, here, sed tum vento secudo miseras sagittam. Erasmi. Roterod. lib. 4. apoph.

Alphonfus.

Interrogatus, cur podagrici loquaciores cæteris essent? respondit, podagricos pedum vitio afflictos, ambulare non posse: ideòque lingua, velut ambulatione quadã, eos crebrius uti solere. Panor. lib. 3. de rebus gestis Alphonfi.

Pet. Fundanus.

Audiens quendam familiarem de pedum dolore eiulatus emittere, nec posse illos compescere, accurrit ad clamores: Ecquid, inquiens, alij de itinere queruntur assiduo, laboribûsq; quàm plurimis: de perpetua negotiorum inquietudine alij: tu de quiete quereris atque otio: quod si tibi molestum est, exurge parum, & peregrè proficiscere. Pontanus.

De pœna malis infligenda.

Socrates.

Ciuitates optimè gubernari dicebat, cum iniusti dant pœnas, Plato

Plato libro secundo de legibus.

Solon.

Percontatus, Quid magis ad reipub. salutem prodesse respondit: Si boni præmiis inuitantur, mali autem pœnis coercentur. Cicero ad Brutū, & Stob. ser. 41.

Idem.

Interrogatus, quānam ratione nulum in vrbe scelus perpetraretur? dixit: Si tam indignarentur illi, quibus non est facta iniuria, quā quibus facta est. Sensit autem vir prudentissimus, tum demum saluam esse rempublicam, cum qui boni viri sunt, malos pœnis coercent, ne insones afficiant contumelia. Stob. serm. 41.

Antisthenes.

Suprà de Honore virtutis præmio.

Pythagoras.

Ciuitatum optimam esse dixit, quæ postquam malos pœnis coëceret, viuos tantum bonos admitteret. Stob. ser. 41.

Theophrastus.

Seiscitatus, quidnam vitam humanam conseruaret? respondit: Beneficentia, honor & pœna. Stob. 41.

Lycurgus.

Dicere solitus est, duabus potissimum rebus contineri Rempublicā: Præmio scilicet & pœna. Quo dicto eam demum rempublicam saluam esse putauit, in qua boni præmiis inuitantur, flagitiosi verò pœnis afficiuntur. Cicero in epist. ad Brutum, & Eras. lib. 1. apoph.

Lysander.

Rogatus, quam rempublicam maxime probaret? Eam, inquit, in qua fortibus viris ac malis congrua redduntur. Quo dicto ostendere voluit, eam rempublicam probandam esse, in qua boni præmiis ornantur, mali

autem pœnis damnantur. Plutarch. in Lacon.

Agessipolis Cleombroti F.

Quum quispiam ei dixisset ipsum cum æqualibus obsidem fuisse, filios verò, eorūmq; vxores minimè: Merito, inquit, decet enim nos nostra peccata nostrasque pœnas ferre. Bruns. lib. 5. cap. 12. ex Plut.

Anonymus.

Chius quidam ira contra seruum incensus: Non, inquit, in pistrinum ego te detrudam, sed Olympiam ducam. Rectè autem ille putabat, multo durius esse supplicium, si Olympie in conspectu à radiis solaribus coqueretur, quā si in molam ad molendum dederetur. Ælianus lib. 14. de Var. hist.

M. Cato.

Dicebat, se omnibus peccantibus ignoscere, præterquā sibi ipsi. Multum dissimilis illi Mevio, cui carpens alios, sibi condonabat omnia. Sibi ignoscit, quem non pœnitet admissi: de se pœnas sumit, qui cura pensat, quòd incogitantia commissum est. Plut. in apoph.

Idem.

Frequenter dicere solebat, se male pro collato beneficio nullam repectare gratiam, quā pro maleficio pdrpetrato non dare pœnam. Significans, nil esse magis perniciosum quā si improborum mores pœna non coercentur. Plut. in apoph. & Eras. lib. 5. apoph.

Idem.

Solitus est dicere, iniuriā etiam si facienti nihil adferat periculi, vniuersis tamen periculosam esse. Quid aliud dicere voluit, quā pœnam delicti non negligendam esse, ne ex vnius iniuria multi porro con-

Qq ij

tumeliis afficiantur ab improbis?
Plut. in Rom. apoph.

Idem.

Præterea dicebat, eos magistratus qui maleficos poenis non coacererent, non tantum non ferendos, sed lapidibus obruendos esse, ne ex poenæ neglectu salus Reipublicæ labeficeret. Plut. eodem loco.

Alphonsus.

Cum equitem luxuriosum, & bonorum suorum decoctorem punire vellet, quibusdam à rege obnixè petentibus, ne in corpus lueret debita, quæ ille plurima per luxum libidinemque contraxerat: respondit, Equitem hunc neque sui regis gratia, neque patriæ commodo, neque propinquorum & amicorum ære alieno suscepto tam grande patrimonium profudisse, sed omnem suam substantiam corpori indulgisse. In corpore igitur luere æquius esse, ut poena malefactoris ex æquo respondeat. Panormit. lib. 1. de rebus ab Alphonso rege gestis.

Manes.

Manes Florentius cum meretrice deprehensus, cum pro more in perpetuam facti ignominiam (nam in Anglia, qui extra matrimonium mulieribus commiscetur, in conspectu populi, retentis tantum fœmoribus, nudi ecclesiam circumire cogebantur) exueretur à sacerdotibus, fœmorali tantum concessio, omni parte nudus esse voluit, verum cum interrogaretur, an non puderet coram virginibus, mulieribus, omnique populo virilia ostentare? Minime, inquit, gentium. Nam pendenda hæc, quæ peccauerunt, ea potissimum dare poenas decet. Aeneas Sylvius lib. 1. de dictis & factis Alphonsi.

Vide supra de Disciplina & Impunitate.

De poena mitigata.

Alexander.

Quum Græci qui apud hostes stipendium faciebant, venissent in potestatem Alexandri, Athenienses quidem iussit Alexander in compedibus servari: quod quum ex publico stipendium haberent, tamen apud hostes meruissent. similiter & Thessalos, quod regionem opimam nacti, non eam colerent. Thebanos verò dimisit dicens: His per nos nihil est reliquum, neque ciuitas, neque agri. Ita moderatus est poenam, ut mortem commeritis non indiceret, nisi vincula: & culpam eorum qui necessitatem excusare poterant, in se transtulit. Plut. in apoph.

Sylla.

Milites in bello sociali quum Albinum virum prætorium fustibus mactassent, Sylla tam atrox facinus impunitum reliquit, dicens, se illis posthac promptioribus vsurum in præliis, dum peccatum, fortiter gerendo rem, studebunt pensare. Plutar. in Sylla.

M. Cato.

Cato ipso die comitiorum quendam è sponsoribus damnauit, ac pecuniam illi traditam in alium transtulit. At populus admiratus Catonis iustitiam damnato poenam remisit, dicens satis dedisse poenarum, quod à Catone damnatus esset. Erasmi Rot. lib. 5. apoph.

Fronto.

Supra de Indulgentia & impunitate.

Hic

*Huc refer apophth. de Clementia,
Humanitate, Indulgentia.
Venia, &c.*

De pœnitentia.

Pausanias.

Cum in conuiuio quodam Simonidem philosophum orasset, vt aliquid ex sapietia arcanis in mediũ adferret: Simonides dixisse fertur, Memento te hominem esse. Sed Pausanias in summa tum felicitate constitutus, non magnopere philosophi dictum curauit. Cum verò postea in Chalceœco cum fame luctaretur, iamque mortem omnium miserrimam ob oculos videret, magna voce exclamasse fertur: ô Cee hospes, magnum quiddam in sermone tuo inerat: ego verò inani persuasione sum adductus, vt eum nullius momenti putarem. *Ælianus libro 9. de Var. hist.*

Isæus sophista.

Isæus sophista cum primos pueritiae suae annos in omnibus voluptatibus contriuisset, vir factus in melius vitam instituit. Cum igitur forte eum amico deambulasset, qui ei formosam ostenderet puellam, interrogassetque vtrum formosa videretur, respondit Isæus: Nihil hîc iudico, quandoquidem desij laborare ab oculis, *Philostatus in sophist.*

Theodosius Imp.

Dicere solebat, Nihil esse noui, si quis homo cum sit, è vita excedat. Vnius autem Dei esse, eum qui semel mortuus sit, per pœnitentiam ad vitam reuocare. *Nicephorus Callist. libro 14. cap. 3. Ecclesiasticar. hist.*

De poesi.

Gorgias.

Dicebat, tragœdiâ esse deceptionem, qua qui alterũ decepisset iustior esset eo qui non decepisset: & qui deceptus esset, sapientior foret eo qui nõ esset deceptus. Fallit enim tragœdia tractans argumenta conficta, sed adeò scitè, vt vera credantur. Iustior autem ille videtur, qui fallendo prodest: & sapientior est, qui per fictas fabulas discit quid sit turpe: quid sit honestum. *Plutarch. de poetis audiendis.*

Lacones.

Nec comœdias nec tragœdias poetarum audiebant, vtpote in quibus contra omnes leges, stupra, incestum adulteria, iniurias, furta: cœteraque flagitia exprimentur. Nec placuit his quorundam excusatio, qui fabulas ad voluptatem fingi, non ad fidem veri, dicunt: cum hæc voluptas imbecillum animos corrumpat. Hanc ob causam Archilocum poetam cum venisset Lacedæmonem; ea hora expulerunt: quòd intellexerant ab illo scriptum, satius esse abiicere arma, quàm mori. *Plut. in Lacon.*

Anonymus.

Lacedæmonius quidam percontanti, quid ipsi videretur Tyrtæus poeta? Bonus, inquit, ad deprauandos iuuenum animos. Quemadmodum Plato iudicabat Homeri poësim inutilem esse reipub. qualem instituere volebat: ita Lacedæmonij non recipiebant poëtas, qui blanda scriberet potius quàm salubria. *Plut. in Lacon.*

Cleomenes.

Suprà de Lectionis delectu.

Demonax.

Admeto poeta insulso, iactanti
Qq iij

epigramma monostichon, quod testamento mandasset suæ addendum statuat (carmen erat,

Corpus humi tegitur, Admetus ad astra volauit.

Respondit, adeò sibi placere carmē, ut magno emprum cuperet, si iam nunc esset ascriptum. Teste oprans illi mortem, qui vita erat indignus. Eras. lib. 8. apoph.

Pausanias Cleombroti F.

Interrogatus, cur Tyrtaeum poetam Spartæ ciuem fecisset? Ne quis, inquit, externus dux nobis fuisse videretur. Poetæ enim apud Lacedæmonios in nullo planè erant pretio, sed ob lasciuia ex vrbe eiecerunt. Plut. in Lacon.

Philoxenus.

Dionysium sua carmina recitantem quum alij per assentationem laudarent exclamauit, Abducite me in latumias. Subindicans hoc esse tolerabilius, quàm audire laudareque tam mala poemata. Nam antea rex offensus, miserat illum in lapidicina. Eras. lib. 6. apoph.

Sylla.

Quum ipsi libellum malus poeta de populo subiecisset: quòd in eum epigramma fecisset, tantummodo versibus alternis longiusculis, statim ex his rebus quas tum vendeat, iussit ei præmium tribui, sub hac conditione, ne quid postea scriberet. Existimabat ille etiam mali poetæ operam aliquo dignam præmio. Simul autem & silētium redemit ab eo qui scribere nesciret: quemadmodum facetus quidam apud nos, si quando incidisset in malum tonsorem, dabat duplum pretium, hac lege, ne rediret. Erasmus libro 6. apophthegmat.

De poetica fictione.

Aelius poeta.

Interrogatus cur non ageret causas, quum in tragædiis optime tractaret argumenta? Quoniam, inquit, in tragædiis ea dicuntur, quæ ipse volo: in foro aduersarij dicerent, quæ minime vellem: Idem fit in dialogis ubi qui scribit opus vnicuique tribuit orationem, qualem putat esse commodam in iudiciis secus fit. Eras. lib. 6. apoph.

Euripides.

Cuidam dicenti, Carmen condidisti ex modis ad tripudium accommodis: alio dictum hoc ridente, Ni stupidus esset, inquit, nō risisset. quòd res serias Lydiis modis temperarim. Lydij modi lasciuiores sunt. Porro quæ per se tristia sunt, ea decet arte exhilarare. Refert hoc Plutarchus in libello *τῶν τῆς ἀνθρώπου*. Quum Euripides choream agentibus succinuisset, cantionem quandam modulatam vnus illorum risit. Cui Poeta: Nisi stupidus esses, & expers affectuum, haud quam risisses me canente mixolydiū. Eras. 6. apoph.

Pinarius.

Montanus Attilij Butæ carmen recitabat. Quumque quidam indignaretur, quòd toto die recitasset, negaretque ad illius recitationē accedendum, Maeste Pinarius ait: Nunquid possum liberalius agere? paratus sum illum audire ab exortu solis vsque ad occasum. Gaudebat enim is casus descriptionem. Notat autem & Horatius eos, qui ornatus gratia vel immodicè, vel non suo loco affectat tales descriptiones: Aus

Aut flamen Rhemi, pluuius describitur arcus

Eras. Rot. lib. 8. apoph. ex Seneca.

Varus.

Quum à Montano recitarentur versus, quib. exortatus solis describebatur, Varus eques Romanus dixit: Incipit Buta dormire. Rursus quum succederet descriptio occasus: Qui dicit, inquit, iam nox est? Ibo, & Butam saluabo, eodem scommate raxans & affectatum carminis decus, & Butę præposteram vitam. Erasim. ex Seneca

Iabolenus.

Passienus Paulus eques Romanus, sed dubiæ senitatis, quum recitans elegias suas, sic auspicaretur, Priscie iubes: Priscus Iabolenus qui tū aderat, ego verò (inquit) non iubeo. Propterea ingens omnium risus exortus est. Fingunt enim poëtæ suo arbitrio quicquid libet. At priscus non tulit poëticam fictionem. Erasimus libr. 8. apoph.

De populo.

Epicurus.

* Dicebat se nunquam voluisse placere populo. Nam quæ ego scio, inquit, nō probat populus: quæ probat populus, ego nescio. Seneca epist. 21. ad Lucill.

De potestate & potentia.

Diogenes.

Interrogatus, quomodo quis viuere debeat sub potestate: Perinde atque igni vtendum esse dicebat: neque nimis propè accedendum, ne exuraris: neque nimium procul, ne rigeas. Antonius in Melissa par. 2. serm. 1. Stob.

serm. 43. idem apoph. tribuitur Antistheni.

Chrysippus.

Rogatus, cur potestatem omnem in Repub. adeo fugeret? respondit: Quia si quis male rexerit diis pœnas dabit. si bene, odio à ciuib. habetur. Stob. ser. 43.

Demosthenes.

Audiens quosdam in Repub. euehi cupere: Omnium difficillimum esse dixit, vt hi qui potestatem habent in multos, multis placeant. Stob.

Idem.

Dicere solebat, duabus viis propofitis, quarum altera ad pulpitum oratorium, altera ad inferos duceret: prudentem virum præoptaturum esse eam quæ ad inferos ducit, potius quàm quæ potestate hominem subleuaret. Stob.

Eumenius.

Fratribus suis crebrò dicere solebat: Si me vt rege vfi fueritis, vobis tanquam fratribus gratificabor: sin autem tanquam fratre, ego vobis vt rex. Antonius in Melissa parte secunda, sermone 1.

M. Cato.

* Dicebat potentes parcere vti potestate debere, vt semper vti possint. Stob sermone de magistratu.

Licin. Varus.

Cum Africano illi maiori corona sapius in conuiuio imposita rumpe-retur, Licinius Varus accommodanti dixit, Noli mirari si non conuenit, caput enim magnum est, Scitens, hominem esse præpotentem, cui non quævis corona congrueret. Eras. libr. 6. apoph.

L. Crassus.

Lucius Philippus consul L. Crasso, summæ dignitatis & eloquentiæ viro, manum iniici iusserat, eo

quòd vocem illius indignè ferret, qua dixerat, sibi alio senatu opus esse. At Crassus reiecto liſtore: Nò es, inquit, mihi tu Philippe consul, quando ego tibi non sum senator. Erasmi, lib. 6. apoph.

Cn. Lentulus.

Cn. Lentulus Marcellinus consul in concione grauior questus est de Magni Pompeij immodica potentia. Huius orationem cùm populus clara voce acclamans approbasset: Acclamate, inquit, acclamate, Quirites dum licet. Tam enim vobis impune facere non licebit. Significans, illius potentiam breui magnitudinis euasuram, vt nulla in re tutum esset villo pacto resistere, si quid illi collibuisse. Erasmi. l. 8. apoph. Val. Max. lib. 6. cap. 2.

Anonymus.

Cùm Pompeius graui laboraret inuidia propter immodicam potentiam, & ob vulnus fascia linea tibiā vinctam haberet, dixit aliquis: Quid refert vbi gesserit diadema, in capite an in crure? nam candidum amiculū olim erat insigne regum. Erasmi, lib. 6. apoph.

C. Caesar.

Proferentibus in medium, quòd Sylla dictaturam deposuisset. Caesar perpetuam gereret, quod minimum aberat à tyrannide, respondit Iulius Caesar: Syllam nescisse literas, eoque dictaturam deposuisse. Dictant grāmatici discipulis, cùm praeunt aut recitant scribenda. huc alludens, dixit illum nescisse literas. Erasmi 4. apoph.

Plutarchus.

* Ne puero gladium, prouerbio dicitur, Ego verò dixerim, inquit: Ne puero diuitias nec viro doctrinæ experti potentiā. Stob. ser. de magistr.

De potestate breui.

Cotys.

THebanis gloriantibus quòd Lacedaemoniis imperarent. Vidi, inquit, torrentes perennibus fluminibus maiores factos, sed ad breue tēpus. Antonius in Melis. par. 2. ser. I.

Nerui.

Ad quandam ipsū consolari volentem hoc argumento, quòd diceret, genesin Veri non esse rectè collectam, eoque spem esse illum diu victurum: Istud, inquit, tu facile dicis, qui patrimonij tui non Reipub. quæris hæredem. Sētiens magni referre, vt bonus princeps quàm diutissime viuat. Ex Dione Cassio.

Fel. Verus.

Morbo grauatus saepe dicere solebat, principem sanum mori debere, non debilem: quòd superiores imperatores plerique violenta morte perissent: eamque mortem vt breuem simul & inexpectatam, Caesar optauit, & obtinuit Spartianus.

Vide supra de Consulatu breui.

De præceptore bono ac fideli.

Socrates.

CUm Xenophontem obuuium interrogasset, vbinam locorum variae venderentur merces, quibus vulgò vtuntur homines? & promptè ad hoc respondisset Xenophon interrogauit iterum, Vbinam homines fierent meliores? at cùm adoleſcens respondisset se id nescire: Me sequere, ait Socrates, & hoc ex me

me discas. Absurdum est, scire ubi ea quæ ad victum sunt venalia reperias: ubi autem doctus & probus euadas, negligere. Eras. l. 3. apoph.

Idem.

Cum Æschines ambiret esse de numero discipulorum Socratis, excusaretque verecundè paupertatē suam, ac molestè ferret, quod cum Socr. ceteri amici diuites multa largirentur, sibi nihil esse quod daret, præter se ipsum: Annò intelligis, inquit, quā magnū munus mihi dederis? nisi fortè te ipsum paruo aestimas? Itaque mihi curæ erit, ut te tibi reddam meliorem quā accepi. Alij Sophistæ cum meras nugas docerent, nullū admittebant discipulum, nisi magna mercede. Socrates nihilominus libenter recepit inopem quā opulentos. Eras. l. 3. apoph. ex Seneca.

Antisthenes.

Rogatus, cur esset discipulos tā severus? Et medici, inquit, ægrotos suos simili modo obiurgant. Significans, se in vitia sequi, & non in homines aut discipulos nec vitia sanari blandiendo. Laer. l. 6. c. 1.

Agasicles

Cum Agasicles Lacedæmoniorum regi diceret quidā, admirari se, quòd cum esset avidus discendi, non ad iungeret sibi Philophanē sophistam. regali prorsus indole, respondit: Eorum, volo esse discipulus, quorum sum & filius significans, non minus interesse quos nactus sis parentes, quā quos adsciscas præceptores. Etenim ut liberi ferme referunt maiori, unde prognati sunt, ingenium: ita præceptorum vitia demigrant in eos quos instituunt. Et honestæ vitæ institutio potissimum ab illis petenda est, qui virtutem ipsis factis præstiterunt, non ab iis qui compo-

fitis arte verbis de virtute nugantur. At nunc summi orbis monarchæ futuri, Deum immortalem, quibus interdum viris à teneris annis formandi instituendique creduntur? cum principi non minus tum perniciosum sit, tum indecorum, ab inhonestis institui, quā nasci. Nec quælibet artes discendæ sunt principi, sed hæc duntaxat quæ tradunt rationem rectè administrandi regnum. Erasim. ex Plutarcho in Lacon.

Anonymus.

Lacon quidam pædagogus pueri cura suscepta, cum interrogaretur, quid esset illum docturus? Efficiam, inquit, ut honestis delectetur, turpibus offendatur. Nihil efficacius ad veram felicitatem, quā amare virtutem propter se, odisse vitium propter se. Plut. in Lacon.

Alius.

Spartanus quidam interrogatus, quid conferrent utilitatis pueris adhiberi pædagogis? Efficiunt, inquit, ut quæ sunt honesta. eadem pueris fiant etiam iucunda. Plut. in Lacon.

Alexander.

Aristotelem, cui puer formandus fuerat traditus, summa veneratione prosequabatur: dicēs, se illi non minus quā patri debere, quòd à patre viuendi à præceptore bene viuendi initium accepisset. Plut. in eius vita.

M. Antonius.

Suprà de affectibus humanis.

De præceptoribus malis & indoctis.

Diogenes.

O Lim in scholis pingi solebant Musæ, ceu studiorum præfides ingressus igitur scholam Diogenes

cum videret multas Musas, discipulos admodum paucos, dixit præceptor: Cum diis multos habes discipulos. Ludens ex ambiguo sermonis. Nam Græci cum diis dicunt, pro eo quod nos dicimus, fauentibus diis. Interdum *συν* id est, cum, significat comitem. Cum multis te defendi, id est, multi mecum te defenderunt. Laer. lib. 6.

Idem.

Puerum conspiciens indecorè se gerentem, pædagogum illius baculo percussit, dicens: Cur sic instituis? Indicans, primæ ætatis formatoribus potissimum imputandum esse, si adolescentes euadâ malè morati, aut secus. Aphthonius & Priscianus.

Alcibiades.

Ludum literarium ingressus, poposcit Iliadem Homeri: cumque ludi magister negasset sibi esse quicquam Homeri, impegit illi pugnum, & abiit: declarans, impudenter eum docere literas, qui non semper Homerum haberet in sinu. Eracl. l. 5. apoph. ex Plut. apoph.

De præconibus laudum.

Themistocles.

Sciscitatus, vtrum Achilles esse mallet, an Homerus? Dic ipse prius, inquit, vtrum malles esse victor in Olympiis, an præco, qui victores pronuntiat. sentiens, multo præstantius esse re-segregias gerere, quam gestas celebrare. Homerum præconi conferens. Plutarch. in Græc. apoph.

Stratonicius.

Apud Abderitas agens, conspicatus illic singulis ciuium singulos es-

se præcones, adeò vt propemodum maior esset præconum numerus quam ciuium, à cæna cœpit per ciuitatem sumis pedum digitis ingredi, demissis in terram oculis. percontantibus autem Abderitis, quid mali repentè accidisset illius pedibus, ita respondit. Cæterum quidem belè valeo toto corpore, & ad cœnam curro celerius ipsis adulatoribus, illum vnum metuo, ne ingrediens præconis pedem offendam. Sentiens, illic præconum plena omnia. Athen.

Alexander.

Cum nuntius quidam gaudio gestis, porrectaque manu accurreret, rem prosperè gestam ei narraturus. Quid mihi bone vir magui nunciabis, nisi nuncies Homerum reuixisse? significans, omnium præclarè gestorum gloriam abolendam, nisi contineret talis præco, qualis fuit Homerus. Plutar.

Idem.

Ilium profectus, & Achillis statuam coronans: O te felicem, inquit, Achilles, cui viuo talis amicus, mortuo talis contigerit præco. De Patroclo loquens, & Homero: quorum ille fidissimus Achilli fuit amicus, hic defunctum Iliade tota celebravit. Plut. in vita Alexandri, & Cicero pro Archia.

De præda militari.

Themistocles.

Qum aliquando ad mare visentis cadauera gratia accessisset, ac torques armillasque passim distetas videre, ipse quidem præterit, sed amico qui sequebatur dixit: Collige tu tibi, nam tu Themistocles

Stocles non es. Ne tam obuia quidem præda commoueri potuit, ut quicquã ageret indignum egregio duce, cui gloria debet esse satis magnum virtutis præmium. Plut. in vita Themistoclis.

Alexander.

Quum in Arbelis de rerum summa periclitatus esset, conficiendus cum mille hominum millibus ad pugandum instructis, adierunt illum milites aliquot ipsi bene volentes, deserebantque ceteros, quod in castris inter se miscerent sermones, conspirarentque ne quid prædæ in regiũ tentorium deportarent, sed ipsi totum in suum verterunt lucrum. His auditis subrisit Alexander: Fauſta, inquit, nuntiatis. Siquidem audio sermones virorum ad vincendum, non ad fugiendum animatorum. Nec illum fefellit diuinatio: plurimi namque milites regem adiere, dicentes: Bono animo esto rex, neque metuas hostium multitudinem, qui ne pudorem quidem nostrum ferre poterunt. Plutarch.

Annibal.

Profugus, apud Antiochum regem agebat. Is ostendit illi suum exercitum barbarico apparatu magnifice instructum, sed ad prædam magis quam ad bellum. Hæc omnia quum diligenter esset contemplatus Annibal, rogauit Antiochus, num hæc omnia satis essent futura Romanis? Tum Annibal, Planè satis arbitror, etiamsi auarissimi sint Romani. Lufit Pœnus ab inexpectato rex de prælio sciscitabatur, iste respondit de præda. Quid enim aliud est miles imbellis, auro, argento, cæterisque rebus ad prædam inuitantibus instructus? Plur.

De præmio virtutis.

Socrates.

Interrogatus, quamnam ciuitas ritè gubernari possit? respondit, Cum boni inuitantur præmiis, iniusti dant pœnas. Ex Platone recitat Brus. libr. 5. cap. 8.

Idem.

Præmia decreta iis qui in Olympiis aut Nemeis vicissent, contraxit, eaque maiora decreuit iis qui in bello pro patria fortiter occubissent, dicens, illos & dum exercentur, magnis impendiis exerceri: & si vicerint, magis aduersus patriam quam aduersus hostes coronari: & quam senuerint, ad nihil utiles euadere, haud aliter quam detrita pallia: ut, qui nec bello sint utiles, nec gerendæ Reipub. accommodi. Laër. l. r.

Solon.

Interrogatus, vnde Respublica maxime vigeret? Si boni, respondet, præmiis incitantur ad virtutem, mali autem ad virtutem negligentes, coercantur pœnis. Stob. ser. 41.

Tritantæchmes.

Quum post cladem acceptam à Persis, quidam ab Arcadia transfugissent auxilia pollicentes, producti sunt in conspectum Xerxis. Ibi Persis percõtantibus, quid agerent Græci? respõderunt, eos celebrare Olympiæ, ac gymnasia equestriæque certamina spectare. Rursus percontantibus, quod esset certaminis præmiũ? responderunt, coronam oleaginam. Hic Tritantæchmes Artabani filius, versus ad exercitus præfectum: Pæpæ, inquit, Mardonii, in eiusmodi viros nos incitasti ad pugnandũ qui nõ pecuniarũ gratia certamina agitant, sed virtutis ac laudis? Bz vox cum

visa est timida, vt sæpenumero prudentia habetur pro ignauia. Herodotus in Vrania.

Lycurgus.

Suprà de pœna malis infligenda.

Lysander.

Interroganti Persæ, quàm Remp. maximè probaret? Eâ, inquit, in qua fortibus viris ac meticulosis congrua vtrisque redduntur. Sensit virtutem inuitari præmiis, ignauos excitari ignominia. Nimirum hoc est quod apud Homerum stomachatur Achilles, tantum honoris haberi ignauis ac fortibus. Ea sententia non solum habet locum in Repub. verum etiam in priuatis familiis. Sunt enim hæc duo præcipua ad conseruandam cuiuslibet gregis disciplinam. Honos enim non solum alit artes, vt habet proverbum, verum etiam virtutem. Nec tam refert, monarchia sit, an aristocratia, an democratia, an aliqua Reipubl. forma ex his tēperata, quā, vt in quacunque gubernatione discrimen habeatur publicum inter viros vtilis Reipub. & suo viuentes abdomini. Plut. in Lacon.

Idem.

Suprà tit. de Laudis contemptu.

Agis ultimus.

Cùm iam ad dirum mortis supplicium duceretur, interrogatus ab Euphoro, num quid pœniteret eorum quæ fecerat? Nequaquam pœniter, respondit, nil enim aliud feci, quàm quòd prudentiam cū honestate semper coniunxerim. Sciuit nimirum vir ille bonus, ipsam virtutem abundè magnum esse sui præmiu: quicunque sequatur euentus. Plut.

Galienus imp.

Taurum ingentem quum in arenâ emisisset, prodissertque ad eum ferendum venator, neque productum de-

cies potuisset occidere, Cæsar coronam venatori misit, mussitantibus cunctis, quid rei esset, quòd homo ignauissimus coronaretur? Galienus per Curionem dici iussit, Taurum toties non ferire difficile est. Ludës significauit, graue discrimen esse toties tauro occurrere, etiam si non ferias. Trebellius Pollio.

De præfagiis.

Vest. Valens.

Quum à Claudio Cæsare immineret periculum, atque interim Silius cū Messalina domi vindemiæ simulachrum omniū lasciuiarum genere celebrarent, conscendit præaltam arborem, & in ea prospectantis specie stabat: interrogantibus quid aspiceret? respondit, Tempestatem ab Ostia atrocem. Id siue ioco dixit, siue fortè lapsa vox est, in præfagium vertit. Mox adsunt à Cæsare nuntij qui vindictam parant. Is Silius erat adulter, cui palam nupserrat Messalina, quam Cæsar dissimulantem confirmatis nuptiis supplicio affecit. Eraf. l. 6. apoph.

Vide titul. de Divinatione & Omenis.

De precatione, siue oratione hominis ad Deum.

Socrates.

Nihil vltra petendum à Diis immortalibus arbitrabatur, quàm vt bona tribuerent: quoniam ij demū scirēt quid vnicuique esset vtile. nos autem plerunque id votis expetere, quod non impetrasse melius foret. Etenim dēssimis tenebris inuoluta mortua-

mortalium mens, in quam latè paten-
tem errorem cæcas preces tuas
spargis. Diuitias appetis, quæ multis
exitio fuerunt: honores concupiscis,
qui plures pessum dederunt: regna te-
cum ipsa voluis, quorum exitus sæ-
pè numero miserabiles cernuntur.
Splendidis coniugiis iniicis manus: at
hæc ut aliquando illustrent, ita non-
nunquam funditus domos evertunt.
Desine igitur stulta futuris malorum
tuorum causis quasi felicissimis reb.
inhare, tæque totum cœlestium arbi-
trio permitte: quia qui tribuere bona
ex facili solent, etiam eligere aptis-
sima possunt. Valerius Maxim. libr. 7.
cap. 2.

Bias.

Eos qui sibi mentem à Deo bonā
largiri precarentur, nec tamen disci-
plinam capefferent, parum cordatos
esse dicebat. Quādo neque ut pictor
quisque bonus euadat, dari sibi à Deo
bonos colores & lineā exoptat, quin
magis artem perdiscit: Sicut nec vo-
tis proficit, qui musicus esse cupit, ni-
si artem confectetur. Aded nihil pro-
dest, circa preces occupari nisi rectè
viuendi studio tenearis. Sto.

Idem.

Aliquando cum impiis ac scelero-
sis hominibus naui uehebatur, & quū
omnes periclitarentur, impiis deorū
opem implorantibus: Silete, inquit
Bias, ne dii vos nebulones hīc nauig-
are sentiant. Deus autem impiorum
precibus irritatur magis à vindictā,
quā ad opitulādum flectitur. Laer.
lib. 1. cap. 6.

Diogenes.

Suprà de Decoro vbique in omni-
bus obseruando.

Epicurus.

Dicebat, Si mortaliū omnem votis
Deus responderet, propè futurū esse,

ut vniuersum genus hominum pe-
reat. Quandoquidem videre est, tan-
tas, tāmque diras & exitiales impre-
cationes vicissim hinc inde vulgò ef-
fundi Stob.

Athenodorus.

Multum eos damnari debere aie-
bat, qui longis orationibus Deum fa-
tigarent, eaque peterent, quæ peti ab
eis homines scire nollent. Rogan-
dūque solū de eis Deum esse, quæ
minimè molestè homines ferrent, et-
iamsi ab omnibus intelligantur. Ad-
debat etiam, ita cum hominibus ho-
mines viuere debere, non secus ac si
Deus eorum semper actiones intue-
retur. Hoc autem modo illos carpe-
bat, qui iniusta à Deo peterent: & ipsi
sibi, quò minus exaudirentur, impedi-
mento essent. Fulgos. lib. 7. cap. 2. ex
Seneca, cuius verba hæc sunt epist. 10.
Tunc scito (inquit Athenodorus) esse
te omnibus cupiditatibus solum, cum
eò perueneris, ut nihil nisi Deū
roges, nisi quod rogare possis palā.

Lacones.

Si quando diis supplicarent, sum-
ma deprecationis hæc erat, ut dii im-
mortales bonis nil aliud adderent,
quā honesta, præterea nihil. Non
aliud petebant virtutis præmium,
quā honestam famam, cum multa
alia sint aliarum gentium vota: non
solū multiloquia, verū etiam in-
utilia, nonnunquam & turpia à diis
postulantium. Plut. in Lacon.

Vide apoph. de Petitione.

De principe bono, ac eius
in regni administra-
tionis officio.

Solon.

Dicebat, eum principem meritò
laudandum esse, qui Democra.

riam ex monarchia ciuibus constitue-
re. Stob. ser. 46.

Idem.

Tum primum imperiū gerendum
esse suadebat, si quis prius ferre im-
perium didicerit. Quomodo enim
aliis imperare poterit is, qui ipse im-
perium non est passus? Potest autem
hoc apophthegma referri ad eos, qui
prius alieno parēdo imperio, discunt
imperium in alios gerere. Vel qui
prius cupiditatibus imperant suis,
quā in alios exerceant imperium.
Neque enim idoneus est ut aliis do-
minetur, qui ipse seruit affectibus:
neque rex alius esse potest, nisi quem
prius ratio rexit. Diogenes Laer-
tius in eius vita, & Erasinus in pro-
uerb. Non bene imperat, nisi qui pa-
ruerit imperio: & Antonius parte 2.
serm. 1.

Pythagoras.

Ita imperandum esse principi di-
cebat, ut veneretur magis quā me-
tuatur. Reuerentiam enim admira-
tio, timorem odium comitatur. Stob.
serm. 46.

Cleobulus.

Felicē existimabat principem qui
nemini conuersantium sibi credide-
rit. Stob. ser. eod.

Pittacus.

Eum demum principem laude di-
gnum existimabat, qui efficit, ut sub-
diti metuant, non ipsum, sed pro ipso.
Ibidem.

Bias.

Optimum principem pronuntia-
bat esse, qui utatur patriæ legibus. I-
bidem.

Chilon.

Optimum esse regem dixit, qui o-
peram dat, ut non metuatur. Eo. ser.

Thales.

Pronuntiavit, principis felicitatem

existimare se, si vitam obiret,
postquam consueuisset iuxta natu-
ram. Ibidem.

Socrates.

Dicere solebat, eum esse optimū
regem & principem, qui à propriis
affectibus temperaret. Phauorinus.

Plato.

Tum demum beatum terrarū or-
bem futurum prædicauit, cum aut sa-
pientes regnare, aut reges sapere cœ-
pissent. Plato ipse epist. 7. Cicero e-
pist. 1. ad Quintum fratrem. Valerius
Max. lib. 7. cap. 1. Agapetus ad Iustini-
anum Cæsarem.

Idem.

Principem laude dignum esse exi-
stimabat, qui sibi ipsi prius, deinde a-
liis commode imperare possit. Ant.
in Meliss. par. 2. ser. 1.

Isocrates.

Dicebat, optimum principem sem-
per imitari eum, non qui maximum
imperium acquisierit, sed qui optime
præsentibus usus sit. Anton. in Meliss.
par. 2. ser. 1.

Anacharsis.

Bonum principem iudicabat eum
esse, qui non solus prudēs sibi videre-
tur, sed bono & iusto aliorum consi-
lio ludens acquiesceret. Stob.

Philon.

Eius dictum est, Si vis bonus esse
rex, cum fortitudine benignitatem
& mansuetudinem serua, ut non for-
midolosus, sed reuerētia dignus tuis
subditis videaris. Phauorinus.

Bion.

* Oportere bonum principem à
magistratu discedentem, non dirio-
rem, sed clariorem euasisse dicebat.
Stob. ser. de magistratu.

Agathon.

* Dixit, principem oportere trium
meminisse: primum quod imperet

hominibus, deinde quòd secundum leges, tertio quòd non semper imperet. Eod. ser.

Musonius.

Dicebat, conandum esse principi ut verendus potius subditis sit, quàm metuendus: illum enim gravitas sequitur, hunc inhumanitas. Stobæus.

Xenophon.

Suprà de Liberalitate.

Archidamidas.

Suprà de Mansuetudine.

Agis.

Ad Agidem Archidami filiū quum quidam dixisset, Philippum effecturum, ne Lacedæmonius pateret iter in Græciam: Nobis, inquit, ô hospes, nostra patria sufficit ad illic viendum. Pectus ad utrumque paratum: & ad proferendum imperium, si contingat: & ad boni consulendum fortunam licet mediocrem, cum plerunque principes id quod obringit malè administrant, nec vllis satientur ditionis accessionibus, Plutar.

Agésilas.

Licet Lacedæmoniorū rex esset, post multa egregia facta, nequaquam sibi principatum, sed tum Reipublicam, tum sociis & amicis Reipublicæ gerere dicebat. Quo dicto docere voluit, ita demum qui potitur imperio, verè legitimèque imperare. cum & ipse paret imperio legum, & eorum, qui in Republica magistratu funguntur. Plutar. in Lacon. apoph.

Idem.

Illud assidue in ore habuisse fertur: Principis esse, non mollicie delicie, sed temperantia ac fortitudine privatis hominibus antecellere. Plut. in apoph. Lacon.

Idem.

Celebratur & hoc illius dictum, principibus potissimum ediscendum. Imperatoris officium esse, erga rebellantes audacia, erga subiectos benevolentia uti, quod idem Maro nobili carmine docuit:

Parcere subiectis, & debellare superbos.

Neque enim verè victor est, qui iracundiæ vindictam flagitanti frænum nescit imponere. Plutar. in Lacon. apoph.

Idem.

Illud sibi cum primis ducere solebat gloriæ, quòd cum rex esset, cæterisque consilio prospiceret, nihilo secius in laboribus obeundis nemini cederet: quòdque sibi ipsi imperaret, sui que (vrita loquar) rex esset. id pulchrius esse iudicabat, quam quòd regnum obtineret in alios. Plutarchus.

Idem.

Cum Spartanos pecuniæ deficerent ad bellum, eo quòd alerent externum militem, Agésilas in Ægyptum profectus est, ab Thaco Ægypti rege accitus stipendio. Cæterum Agésilas ob corpus incultum, ac vestis utilitatem, venit in contemptum eius gentis hominibus, qui sperarent se visuros Spartanum regem talem, qualis esset rex Persarum, corpore decentissimè ornatum: perperam sanè de regibus sentientes, quos externo cultu putabant æstimandos potius, quàm animi virtutibus. Nihil ille quidem de cultu ac victus simplicitate mutavit, sed interim ostendit, maiestatem dignitatè inque regiam non vestium splendore, sed prudentia ac fortitudine parari oportere: graviterque taxavit vulgares monarchas,

quibus si diadema, purpuram, aurum, & gēmas detrahas, nihil videas prætereā regium. Plutarchus in Lacon. & Athenæus.

Idem.

Quum à rege Persarum essent allatæ literæ, de hospitio, deque amicitia tractantes, non recepit, sed iussit illos regi renuntiare: Nihil esse necesse priuatim ad ipsum literas mittere: cæterum si perspicuum foret illū bene velle Lacedæmoniis & Grecis, ipsum quoque illi pro viribus futurum amicum. Quod si deprehenderetur insidias tendere, ne putet, inquit, quod me sit habiturus amicum, etiā si multas ab eo recepero epistolas. Quid hoc animo sublimius, cui in omnibus rebus gerendis hic vnicus erat scopus, consulere Reipublicæ commodis. Plut. in Lacon. apoph.

Idem.

Si quid esset quod per milites celesiter cōfici vellet, primus ipse sub oculis omnium operas aggrediebatur, quo vel pudore ad industriā extimularentur. Efficacissimum exhortationis genus, principem hoc facere, quod ab aliis fieri velit. Erasim. ex Plutarcho.

Idem.

Cū parum instructus esset equitatu, Ephesum sese recepit: ibi opulentis denuntiavit, vt quicunque pro se virum & equum præberet, à militia esset immunis. Hac arte factum est vt pro ignavis, ac timidis diuitibus, breui colligeret & equos & viros strenuos, ac bello idoneos. Quia quidem in re dicebat sese Agamemnonis exemplum retulisse, quod is accepta equa generosa, virum diuitem, sed ignauum militia expulisset. Hæ sunt artes excellenti principe dignæ, quibus efficitur, vt quod ad rei-

pub. dignitatem incolumitatēve necessarium est, non per violentiam inuidiosam extorqueat, sed ea dextertate impetret, vt nec tenues grauet, & à ditioribus etiam gratiam ineat. Plut. in Lacon.

Anaxilaus.

Anaxilaus rex percontatus à quodam, quem principem Reipub. salutarem pronuntiaret? respondit: Qui beneficiis se à ciuibus vinci nequam patitur. Phauorinus.

Agasicles.

Cuidam ab eo sciscitanti, quo pacto posset aliquis tutò imperare nullo stipatus satellitio? respondit, Si, sic imperet suis, quemadmodum pater imperat liberis. Nemo plura dixit vnquam maiore compendio Domini tantum timentur à seruis, & mali metu coercentur, quos non corrigit pudor. Pater quoniam liberis contulit potius quàm sibi, diligitur ab illis, sic vt auctoritatem comitetur reuerentia. Aduersus hos adeò non est opus stipatus satellitio, vt non aliud sit satellitium fidelius illorum stipatu. Quod si rex beneuolentia ac benefactis adiungeret sibi ciuium animos, non esset opus barbarico conductitioque satellitio: sed nullos habere corporis sui custodes tutiores quàm ciues, erga quos patris gereret affectum. Porro quibus placet hoc dictum, Oderint, dum metuant, nullos magis habent suspectos, quàm quibus oportebat maximè confidere: ac multos metuat oportet, quem metuant multi. Plutarchus.

Ariston.

Suprà de Hostibus, & inimicis, & de Hostibus nō crudeliter tractandis.

Eusebius philos.

* Illum qui aliis præest & præcipit non potestate solum regendi & imperandi,

perandi, sed dignitate prudentiâque subditi antecellere debere dicebat. Item, Boni principes hoc vnum proprium esse lucrum, & instar infinitorum aliorum, omnia sic facere, vt & in ipso imperij tempore, & post id, iustitiæ & bonorum omnium à subditis testimonium habeat. Stob. serm. 44.

Epictetus.

* Multa extant de principe, & eius officio, scitè dicta ab Epicteto. Inter cætera hæc occurrunt. Quem admodum si gubernare nauem conareris, omnino prius artem gubernandi perdisceres: ita ciuitatem reaturus regendi disciplinam discito. Vt enim illic naui vniuersa tuæ fidei committitur, ita hic tota respub. gubernanda tibi est. Si proposueris ornamenta quædam ciuitati consecrare te ipsum pulcherrimo mansuetudinis, iustitiæ & beneficentiæ ornamento primum decores. Beneficiis ciuitatem obstringe, non testis in sublime structis, sed animis promotis. Prestat enim in paruis domiciliis magnos animos habitare, quàm in magnis ædibus humilia mancipia latere, ceu feras in suis lustris. Quem admodum sol non expectat preces & incantationes vt exoriatur, sed illico fulget ac salutatur ab omnibus: ita neque te (princeps) expectaueris plausus, strepitus: & laudes, vt benefacias: sed sponte confer beneficia, & æque ac sol amaberis. Stobæus, eod. serm.

Leonidas.

Xerxes Leonidæ scripserat, si de finas *δοῦναι*, id est, cum diis bellare, sed meis te copiis adiunxeris, potes Græciæ fieri monarcha. Huic respondit Leonidas: Si nocuisses quæ

sint in vita honesta, abstinuisses à concupiscendis alienis. Mihi verò potius est pro Græcia mori, quàm in populares meos gerere monarchia. Quid iam impium est quod mortaliū vulgus non admittat amplius principatus gratia? At hic prius duxit honestam mortem pro amicis liberandis oportere, quàm monarcha factus eos seruitute premere, à quibus venerat depulsurus seruitutem barbarorum Plut. in Lacon.

Theopompus.

Interroganti, quo pacto quis regnum tutò possit tueri? Si, inquit, amicis concedat iustam libertatem, pro viribus interim aduigilans, ne subditi afficiantur iniuria. Multis principibus exitio fuit, quòd amicis nihil non permitterent, ciues iniuria affectos negligerent. Hic temperantia adhibenda est, vt princeps nec amicos alienet tyrannica sauitia, nec patiatur illos regia familiaritate abuti ad quiduis audendum præter ius aduersus plebeios: qui nimium irritati, sæpe reges suos excusserunt. Plut.

Idem.

Theopompo Lacedæmoniorum regi cum dictum esset, eo tempore bene Lacedæmoniis esse, quòd bene regere reges didicissent: respondit id potius accidere, quòd subditi parere didicissent. Ostendens, bonam popularium urbium administrationem, non tam in principum regimine, quàm in populorum obedientia consistere. Nam si populi in diuersum à principibus traherent, difficillimum arbitrabatur esse, vt principes optime gubernare possent. Plut.

Cyrus.

Dicebat, Neminem debere impe-
Rr

rare, qui subditis suis non esset melior. Principemque non decere esse inferiorem neque intelligendo, quæ opus sunt, neque gerendo quæ tempus ex postulat. Plut.

Pythagoras.

*Dicebat principes magis metuere debere, ut subditi eos vererentur quam timerent. Reuerentiam enim admiratio, timorem odium comitatur. Stob.

Idem.

Dicere sæpenumero solitus est, similia esse boni pastoris & boni regis opera. Boni igitur pastoris cum sit bene pascere gregem, omniæque mala ingruentia auertere: sic ad bonum regem spectat, ut diligenter gubernet ciues sibi à Deo concreditos, omniæque legibus prohibeat, quæ in Reipubl. perniciem ingruere videntur. Xenophon.

Xenophon

*Istud (inquit) opinor magnum esse argumentum virtutis in principe, si subditi ipsum libenter sequantur, & in periculis vnâ perseuerent. In Oeconomico.

Plato.

*Scribens ad Dionem, inter cætera dicit, Nolo teignorare, quod obsequendo & placendo hominibus, rerum gerendarum commoditas acquiritur: austeritas verò solitudinem parit. epist. ad Dionem.

Ausonius.

*Dicebat Conandum esse principi ut verendus subditis potius esset quam metuendus. Illum enim grauitas sequitur, hunc inhumanitas. Stobæus serm. 46.

Dionysius iun.

Dicere solebat, se multos alere sophistas, non quod illos admiraretur, sed quod per illos admirabilis esse

studeret. Sciebat populum de illis tanquam de viris doctis magnifice sentire: hac persuatione callide abutebatur ad consiliandum sibi multitudinis fauorem. Eadem arte fortasse principes quidam alunt in palatiis suis viros eruditionis & sanctitatis opinione venerabiles, ut populus arbitretur horum consiliis geri pleraque Plut in Regnum apoph.

Philippus.

Aiebat, oportere meminisse principem, quod homo existens potestatem adeptus sit diuinam, ut res honestas & diuinas instituat, sermone autem humano vratur. Stob. ser. 46.

Anonymous.

Philippum Macedoniae regem cum anus accessisset, ut causam ipsius cognosceret: respondit, sibi nequaquam esse otium. Cumque anus inclamasset, Proinde nec rex quidem esse velis: Philippus admiratus ancilæ liberam vocem, non illi solum præbuit aures, verum & aliis quoque. Plutar. in apoph.

Idem.

*Aiebat oportere meminisse principem, quod homo existens potestatem adeptus sit diuinam, ut res honestas & diuinas instituat, sermone autem humano vratur. Stobæus. sermone 46.

Alexander.

Interrogatus, quis optimus princeps esset: Qui, inquit, amicos donis retinet, & inimicos beneficiis amicos facit. Anton. in Melis par. 2 ser.

Alex. Seuerus.

Aurum & argentum raro cuiquam nisi militi diuisis: nefas esse dicens, ut dispensator publicus in delectationes suas suorumque conuerteret, id quod prouinciales dedissent. Lampridius.

Idem.

Idem.

Cum ab amicis reprehenderetur, quod immemor maiestatis imperatoriae, non pretioso vestitu, auro, gemisque corpus etiam ornaret, respondit: Principatum ac imperium in virtute esse, non in corporis decore. *Ibid.*

Philiscus.

Ad Alexandrum aliquando dixisse fertur: Ad gloriam incumbere, verum ea condicione, ne sis pestis, vel magnus aliquis morbus, sed pax & sanitas. Affirmans per vim & scitiam expugnare ciuitates, populos excindere pestilentiam esse. Sanitatis verò, salutisque, subditorum rationem habere: ea enim sunt pacis commoda. *Ælian.* libro 14. de Var. histor.

Anaxilæus Rhegi princeps.

* Interrogatus, quid in principatu felicissimum esset, respondit, nunquā beneficia conferendo vinci. *Stob.* serm. 46.

Agrippinus.

Conabatur eis quos damnabat, persuadere, quod ipsis expediret damnum, non enim tanquam inimicus (ipsis niebat) nec ut latro, sententiam contra eos fero: sed veluti tutor & curator ipsorum. Quemadmodum & medicus hominem secundum consolatur, & seipsum exhibere persuadet. *Stob.* ser. 46.

Plutarchus.

* Tot (inquit) tantorumque bonorum & munerum, quæ diis largiuntur, nullus est fructus, aut usus relictus sine lege, iure & principe. Ius finis est legis: principis opus lex: princeps autem imago Dei cuncta administrantis, lib. ad princip. indolentum.

Sthenius.

Pompeius Magnus, cum Mamertinos, quod hostium partibus adhæsisset, interficere omnes statuisset: Sthenius eius ciuitatis princeps. Pompeiū adiit, & his verbis affatus est: Non æquum facis Pompei, qui propter unū noxium, multos innoxios occidere paras. Quo audito, Mamertinis pepercit Pompeius, ciuitatēque & Sthenium liberauit. Habes autem hic in Sthenio exemplum, quem animum erga Rempubl. oporteat habere principē si in periculum incidat: in Pompeio autem placibilitatis argumentum, qui viri boni maluerit habere rationem, quā indulgere iræ. *Plutarch.* in apophth.

Liuiā.

Augustus imperator cum apud Liuiam uxorem solus conquereretur de hominum insidiis, quæ hinc inde etiam vigilantissimo struerentur: Mirum non est, respondit Liuiā quod tibi parentur insidiæ, partim quod id non sit alienum à natura partim quod magno imperio multa facias, ex quibus par est plerisque molestiam capere. Princeps enim non potest omnibus placere: sed etiam quantumvis recte imperet, ei multis irasci necesse est. *Dion* in Augusto.

Tiberius.

Præsidibus onerandas tributo provincias suadentibus, rescripsit: Boni pastoris est, tondere pecus, non deglubere. *Sueton.* *Dion.*

Alex. Severus.

Eius vltima verba dicuntur hæc fuisse, Turbatā Rempub. vbiq. accipi, pacatam etiā Britannis relinquo, Senex, & pedibus æger, firmum imperium Antoninis, meis relinquens,

Rr ij

si boni erunt: imbecillum, si mali. Ælius Spartianus.

Fl. Vespasianus.

Grauitè febricitas, cùm increparetur à medicis, quòd morbo correptus, nihil de quotidiana victus ratione immutaret, faceretque omnia quæ ad principatum spectarent, respondit: Imperatorem stantem mori oportere. Xiphilinus in eius vita. Idem etiam Turbo præfectus prætorio dixisse fertur, apud Xiphilinum in vita Adriani.

Traianus.

Optimo iure laudibus vehitur illa vox Traiani, qui amicis incusantibus, quòd parum memor imperatoris maiestatis nimium esset omnibus expositus, respondit: Talem præstabo imperatorem priuatis, qualem optarem ipse priuatus. Erasmi. lib. 8. apoph.

Anonyma.

Hadrianum transeuntem mulier quædam appellauit, Audi me Cæsar, Is cùm respondisset, Non est otium: illa clamauit, Noli ergo imperare, Ad hanc vocem restitit, & audiuit mulierem. Hoc & aliis tribuitur, vt paulo ante Philippo: neque quicquid verat, idem à pluribus vel dici vel fieri. Dion. in Hadriano.

Hadrianus imper.

In senatu frequenter dicere solebat, se sic gesturum principatum, vt sciret rem populi esse, non suam priuatam. Nimirum attigit hoc, quod vnum distinguit regem à tyranno. Dion.

Idem.

Dicere est solitus, sibi molestum esse, si quem videret tristem: cùm tamen omnes doctos vexaret quæstiunculis, sed vexatos donauit aliquo munere. Dion. Cassius.

Placilla.

Theodosij imper. vxor, subinde admonere maritum solebat, vt consideraret, quisnam ante imperium fuisset, & in quem locum ab vniuersitatis huius Deo esset electus. Reuocare autem in memoriam voluit, olim hominem fuisse priuatum: nunc autem ideo vocatum ad imperium, vt eius gubernatione, non tantum Romana in ciuilibus res publica sed diuinus etiã cultus probe institueretur, atque conseruaretur posteris. Nicephorus Callistus. lib. 12. cap. 42.

Constantinus Chlorus.

Suprà de Eo, quòd à subditis amari melius sit quàm metui.

Fridericus.

Tum demum saluam Rempubl. fore dicebat, si senatores de rebus consultaturi, in vestibulo curiæ simulationem ac dissimulationem deponerent. Sic enim & ipsi rectè consulerent, & iudici inter consilia dissulare non difficile esset. Æneas Syl. lib. 3. Commentar. de rebus gestis Alphonfi.

Idem.

Interrogatus, quisnam sibi charissimè essent? Qui inquit, me non magis quàm Deum ipsum timent. Deprompra sanè ex Christiano pectore sententia in primis enim timendus Deus, rex regum, & dominus dominantium. Æneas Syl lib. 4. commen. in res gestas Alphonfi.

Otho Syluius.

Cùm videret aut deponendū imperium, aut magna ciuium suorum itrage tuendum, statuerat spontè mori: verum dehortantibus amicis negauit se tanti facere vitam suam, vt ob hanc quenquam suorum interire cuperet. Erasmi. lib. 8. apophtheg. ex Plutarcho.

Alphon-

Alphonfus.

Eos demum principes magnificiendos dicere solebat, qui iustitiam probè excolerent: hæc enim in quo fuerit, eius imperium æquo omnes animo patiuntur, illiusque moderationi sese etiam sponte subiiciunt. Vt de Cyro illo legimus, quem non iustitiæ solum, sed omnium etiam regiarum virtutum exemplum fuisse apud suos, creditum est. Panor. lib. 1. de reb. gest. Alphonfi regis.

Idem.

Eum principem mirum in modum probabat, cuius simplex verbū tantum ad fidem valeret, quantum priuatorum hominum iusiurandum. Sensit autem, non vulgarem principis virtutem esse, stare verbis, & factō præstare id, quod verbo semel promissit. Ibidem.

Idem.

Illud quoque assidue in ore habuisse fertur: Tanto priuatis hominibus reges meliores esse debere, quanto honoribus & dignitate antecellerēt. Panorm. libro 4. de rebus gestis Alphonfi.

Idem.

Apud Alphonfi aulicos, cum de gerendo principatu esset contentio, rex perdifficilem rem sibi principatum videri, vel eo maxime dicebat, quod principum vita popularibus exemplo cedat, illis quidem ad vitia quam ad virtutes procliuioribus. Panor. lib. 2. de Alphonfi reb. gest.

Idem.

Cum præterea de principū vita & moribus disceptassent, dixisse fertur: Principibus nō modò sua causa à peccato abstinendum esse, sed multò etiam magis, ne sua vitia infundantur in ciues suos. Quanto enim flagitium conspectius, tanto offendiculum gra-

uius. Panorm. libro 2. de rebus gestis Alphonfi.

Idem.

Præterea cum de subitorum moribus disputaretur, Alphonfus respondisse dicitur: Veluti ad solis motum ita populares semper in principum mores verri atque formari. Vulgus enim imitatur, quod à principibus conspicit facit. Ibidem.

Idem.

Regem illiteratum ac indoctum, nil aliud nisi asinum coronatum esse dicebat. Æn. Sylu. lib. 1. comment. in Alphonfi res gestas.

Idem.

Commemorantibus quendam ex Hispaniæ regibus dixisse, non decere principes viros scire literas: exclamauit, Eam vocem bouis esse, non hominis. Non omnes literæ conueniunt principi: sed ea quæ politice tradunt, aut ethice, quæque rectè ac secus gestorū exempla commonstrant id quod facit. histor. Ibid.

Idem.

Audiens ab agricultoribus, mala punica, quæ natura acria essent, arte & diligentia fieri dulcia: Cur non etiam nos, inquit, ciues & populares nostros ingenio malo, prauoque præditos, industria & labore meliores reddimus? Innuit autem, populi mores vix esse tam prauos, quin ritè gubernantis studio, labore & industria meliores reddi queant. Panor. lib. 4. de reb. gest. Alphonfi.

Idem.

Alphonsum quum adissent legati Matricenses, in quorum agris tum agebat, consulentes ytri iuberet ipsos gratificari, Nicolaone Picinino: an Francisco Sfortiæ? respondit, ambos pro amicis habendos: sed nihilo secius ab ambobus, tanquam ab i-

inimicis cauendum. Id temporis inter Nicolaum & Franciscum simultas intercedebat: ac rex nondum statuerat, utrum vellent in societatem recipere, cum utrumque ob dissidium non posset. Eras. lib. 8. apoph.

Idem.

Reprehensus, quod parum regaliter incederet, respondit, Malle se moribus & autoritate regem videri, quam diademate aut purpura. Anto. Panor. de reb. gest. Alphonsi, & Æn. Syl. de eius dictis.

Æneas Syluius.

Audiens Alphonsum Aragonum regem neminem ex suis lædere, respondit: Iusti principis esse, non solum afficere neminem iniuria, sed & eos qui damna quibusvis hominibus sine iusta causa inferunt, si possit, prohibere. Nam teste Cicerone, qui aut non obstitit si potest, iniuriæ tam est in vitio quam si patriam aut parentes deserat. Æn. Syl. lib. 1. comment. de reb. gest. Alphonsi regis.

Cæsar Zehlick.

Is, trium Cæsarum cancellarius, optare se dicebat, Omnes reges aliquando priuatos, pauperesque fuisse. Neque enim satis miseretur, qui nunquam fuit miser. Ibidem.

Otho imp.

Boso, Arelatensium rex ultimus, episcopo Arelatensi in vigilia natalis Christi, ne officium in ecclesia nocturnum celebraret, nisi ipso præsentem mandauit. Episcopus autem quum aliquandiu cum sacerdotibus aduentum regis frustra expectasset, ultra horam consuetam, prosequutus est sacra. Superueniens autem rex cœpit expostulare cum episcopo, cur non expectasset? commotusque dedit episcopo alapam in medio

populi. Episcopus autem quum regem apud Othonem primum Romanorum imperatorem accusasset, mandauit Otho, ut ob tantum facinus decollaretur. Archiepiscopus verò cum reliquis episcopis & principibus cum intercederent apud imperatorem, ut hoc sanguinis iudicium suspendere-tur, ait rex: Non est æquum ut rectum Imperatoris iudicium executioni non mandetur, cum non conueniat vel vllum verbum ex principis ore frustra egredi. Munsterus libro secundo Cosmograph.

Plurapote ex apophtheg. de Magistratu, de Republicæ gubernatione, de Regno, &c.

Principum clementiam, liberalitatem, iustitiam, mansuetudinem, castitatem, &c. vide propriis locis.

De principe malo.

Alexander.

Cinesias videns Alexandrum Magnum à pharimaco, quod sum-pserat, vehementer turbatum: Quid, inquit, nobis faciendum est, cum vos dii talia patiamini? Alexander autem ægrè attollens oculos: Quales, inquit, dii sumus? metuo, ne diuinis si. Eras. lib. 6. apoph.

Antiochus.

Cum in venatu quodam feram insequeretur, aberrans ab amicis ac famulis, in casam pauperum quorundam, quibus ignotus erat, introiit: atque inter cœnam iniecta mentione regis, audiuit, quod cætera quidem probus esset, sed plerâque functiones mandaret amicis improbis, ipse ad eorum facta conuiuens: tum quod immodico venandi studio, frequenter necessaria negligeret. Adhæc tunc

temporis nihil respondit, nec quis esset prodidit : verum ubi diluculo satellites venissent ad casam , iamque agnosceretur , allata purpura simul eum diademate ? Age, inquit, ex quo vos indui, heri primum vera de me ipso audiui. Nam ferè hoc studio est his qui viuunt in aulæ principum , ne quid audiant nisi blandum auribus. Plut. in apoph.

Cato Maior.

*Pessimum dicebat esse principè, qui imperare sibi ipsi nequiret. Stob. serm. 44.

Plutarchus.

*Potestas malitia coniuncta, neruos (inquit) ac robur effectibus addit. Et verum est illud Dionysij dictum, qui se tum imperio frui maxime dixit, cum quod libèret confestim exqueretur: Ingens autem periculum est, ne is mala facere deliberet, qui facere potest quæ voluerit. Si malitia potestatis cursum adipiscatur, celeriter affectum quemuis promouet : ex ira eadem, ex amore adulterium , & ex auaritia publicationem faciens , nisi rationis grauitas & pondus coerceat reprimatque potestatem libr. ad principem indotum.

Hadrianus Imper.

Commodum Ælium Verum iterum consulem fecerat, eumque imperio destinauerat: quem quum cerneret nec animo nec corpore satis validum, dicere solebat, In caducum parietem non inclinauimus, ac perdidimus quater millies H. S. quod populo ac militibus pro adoptione dedimus. Verè præsensit, Commodum inutilem imperio, sed serò. Dion, in Madr.

Galenus Imper.

Prouinciarum defectione m , quasi

leuissimarum rerum iacturam , ioco solebat eludere. Cum enim nunciatum esset Ægyptum defecisse: Quid, inquit, sine ligno Ægyptio esse non possumus? Quum vastatâ Asiâ Scytharum incurfionibus accepisset: Quid, inquit, sine aphronitro esse non possumus? Perdita Gallia, arrisit, dixitque : Non sine trabeatis sagis tanta Respublica est? Pessimi principis voces , cui quicquam potius est Repub. Trebellius Pollio.

Vide apoph. de Tyrannide.

De principio rerum agendarum duro.

Socrates.

DIcebat, Bene incipere, non esse pusillum, sed iuxta pusillum, Græca sic habent, *ὡς ἀρχὴν, μικρὸν ὅσον μὴ τίς, ἀλλὰ μὲν πρῶτον*. quod Laërtij interpretis ita reddidit, Bene incipere paruum non esse, sed maximum. Quamquam aliud exprimunt verba Socratis. sed sentit, ni fallor, bene incipere, non esse quidem paruum, sed parui fieri, aut rectè incipere, non esse pusillum, sed iuxta pusillum. Paulatim enim incipiendum, eo quod qui initio præproperi sunt : serius perueniunt ad finem. vt alludat ad Mesiodum iubentem, vt pusillum pusillo addamus. Dicti argutia est in Græcis vocibus, eaque Latine reddi vix potest. Laër. in eius vita.

Pittacus.

Illud decantatissimū frequenter dicere solebat, Dimidium plus esse toto. Quo vir prudentissimus innuere voluit, omne quidem principium satis esse durum : verum si rem

Rr iiij

aggrediamur serio facile nos peruenire ad rei finem. Laert. l. i.

Stratoniscus.

Byzantij, cùm citharædus quispiā bellè cecinisset proœmium, cætera minus feliciter, surrexit ac præconis in morem pronuntiavit: Quisqui indicarit citharædum qui bene cecinisset proœmium, drachmas accipiet mille. Eras. l. 6. apoph.

De probitate.

Anonymus.

Adolescens quidam cùm venderetur, rogatus à licitatore. Erisne frugi, si fuero mercatus? Etiam si non fueris mercatus, respondit. Ne fortuna quidem seruilis docere potuit illum seruilis loqui. Qui enim natura probus est, vbique & apud omnes probus est. Plutarch. in apoph. Lacon.

Aeschylus.

Cùm hi versus, quos de Amphirao scripsit Aeschylus, in theatro recitarentur apud Athenienses,

ὁ γὰρ δὴ καὶ ἀπὸ τοῦ θεοῦ ἔστιν ὁ δίκαιος.

βαδίζων αὐτὰρ ἐπεὶ διὰ φρεσὶν καὶ πνεύματι
αἶψ' ἦν τοι κατὰ βλαπτοῦντι βουλόμενος.

Id est, Neque enim videri, at esse studet vir optimus.

Seg-tem profunda mente studiosa colēs,

Consilia quādo hinc germināt salubria.

Totus populus in Aristidem vertit oculos, agnoscēs hoc laudis in eum competere. Plut. in Græc. apoph.

De probitate damnata.

Aristides.

Creatus procurator fisci, quod munus sanctissimè gesserat, ta-

men à Themistocle delatus est. ac re petundarum damnatus. Sed optimatum fauore non solum illi multa remissa est, verum etiam eodem redditus est muneri: quod per simulationem sic administravit, ut omnia pristina seueritate, lenem se facillèque præberet iis qui publico malo gaudent ditescere. Horum opera factum est, ut populus tertio munus summis fauoribus eidem deferret Aristidi. Tum ille: Obintegre gestum munus damnastis: nunc quoniam præter æquum multa concessi ciuitatis expiatoribus, honore dignum iudicatis. Hoc igitur honore delato, plus mihi dedecoris afferri puto, quā damnato ac multato irrogastis. Norat quibus artib. posset fieri gratiofus apud populum, nisi maluisset iustus esse. quam plausibilis. Hoc dicto norauit vulgi peruersum iudicium, quod ea, quæ profutura essent Reip. vbique damnat: quæ nocent summis euehit laudibus. Plut. in Themist.

*Vide apoph. de Innocentiā,
& ingratitudine.*

De prodigalitate, profusione & largitione.

Crates.

Divitum opes dicebat esse similes ficis arboribus in præruptis locis, è quibus ut homines nihil caperent fructus, sed corui tantum, ac milui. ita ex illorum facultatibus tantum alerentur scorta & adulescentes. Refert Plutar. Laer. lib. 6. cap. 5. Stob. ser. 14. Alij hoc Dioni & Socrati ascribunt.

Chilon.

Cùm videret adolescentem liberā liter,

liter, vel profusè potiùs, suum patrimonium alijs largientè, ait: Si sumptus magnos ubi non decet feceris, ubi decet mox exiguos facies. Max. serm. 61.

Bion.

In quendam qui prædia sua deuorarat: Amphiaræum, inquit, terra absorbit, tu terram. Laër. l. 4. c. 7.

Zeno.

Suprà de Luxu & Voluptate.

Anaxagoras.

Verissimè dicere solebat: Magno cum negotio pecunias comportari, sed multo maiore opera conservari ac custodiri. Cui & poëta Ouid. astipularur qui ait:

Non minor est virtus, quàm querere, parta tueri.

Quenadmodum enim echinum, sic etiam nummos capere facilius est, retinere verò difficile. Sæpe enim pecunias, quas multo cum labore quis viciatim vix comparserit, iuxta Archilochum, eas vniuersas semel in vnius scorti marsupii effundit homo ignauus, prodigus, & inutile terræ pondus. Ælian. lib 4. Var. hist.

Socrates.

Socrates videns quendam facilè omnibus gratificari, nullòque delectu suppeditare: Malè pereas, inquit, qui Gratias virgines vt scorta profstiruiisti Stobæus sermon. 14. Hoc autem Maximus serm. 8. ascribit Democrito.

Plato.

Suprà de Luxu & Voluptate.

Aristoteles.

Suprà de Auaritia.

Diogenes.

Suprà de Luxu, & Voluptate.

Idem.

A prodigo petebat minam. Ille miratus improbam postulationem,

rogabat, cur, quum ab alijs obolum petere soleas à me minam peris? Quoniam, inquit, ab alijs iterum me accepturum spero, à te verò an vnquam post hac accepturus sim, *ὅστις ἐκ γούνατι καίεται*, id est, in deorum genibus situm est, attexit enim hoc Homeri Hemistichium. Significauit autem, homini profuso periculum imminere, ne breui redigeretur ad extremā inopiam, vt ne obolum quidē haberet reliquum. Laërtius libro 6. Stobæus sermone 13. Maxim. sermone 61.

Idem.

Præteriens prodigi cuiusdam ædes, inscriptionem habentes, Venales: Facile, inquit, diuinabam fore, vt præ immodica crapula domum euomeret. Iam enim domum assumpserat antequā venalē proscriberet. Vomitus igitur erat ille verius, quàm venditio. Laërt. l. 6.

Plutarchus.

* Luxuriosorum vitā quasi quotidie morientem efferri dicebat. Anton. & Maxim. ser. de prodigalitate.

Idem.

* Diuitem prodigum contemplatus oliuas edentem, & aquam bibentem: Si sic, inquit, prandisses, non sic cœnares. Eod. ser.

Timotheus.

In Aristophontem prodigum grauissimè inuehebatur, inquiens: Cui nihil satis, est eidem etiam nihil turpe. Ælian. l. 13. de Var. hist.

Epicurus.

Dicere solebat, Cui pauca non sufficiunt ei nihil satis esse. Alludens ad eos, qui cum habent quæ ad vitam sustentandam necessaria sunt, non tamen sua sorte contenti, amplissimas diuitias ac opes petunt: quas si possiderēt, laborarēt diebus ac noctibus,

quo parta, leuiter, otiose, ac prodiga
liter deglutirent ac concoquerent.
Ælian. l. 4. Var. hist.

Alexander.

Alexandro puero diu largius fa-
cienti suffritū, ac subinde ad thus ac-
currenti: Leonides illius pædagogus,
qui tū aderat, Heus, puer, inquit, tum
largè facies suffritum, cum regionem
deuiceris quæ thus gignit. Post eum
eam regionem obtinisset, memor
eius dicti, hac sententia scripsit illi li-
teras. Mitto tibi thuris & cassiæ talē-
ta aliquot, ne posthac parcus sis erga
deos: quō nō ignores nos potitos re-
gionē odores gignēte. *Plut. in apop.*

M. Cato.

Cato in Albidium, qui luxu facul-
tates prodegerat, denique & ædes de-
norarat, nouissimè consequutum in-
cendium, quod reliquum erat, ad-
sumpsit, ita iocatus est, vt diceret eū
fecisse proteruiam. Id erat priscum
sacrificij genus, in quo si quid super-
fuisset, seruari religio erat, sed igni
cremabatur. *Plut. in eius vita.*

Augustus Cæs.

Suprà de Fauore, arte & largitio-
nibus captato, Anonymo tribuitur.

Sigismundus

Suprà de Ignauia.

Heliogabalus.

Suprà de Luxu & Voluptate, & de
Pœna malis infligenda.

Alphonsus.

Equiti subinde aliquid flagitanti,
sed mox quod acceperat profunden-
ti: Si pergam, inquit, tibi dare quæ pe-
tis citius me pauperem efficeſco,
quàm te diuitem: nam qui tibi do-
nat, nihil aliud quàm aquam infert
pertuso dolio. *Panor. de rebus gestis*
Alphonſi lib. 2.

Idem.

Suprà de Luxu & Voluptate.

De proditione.

Agésilau.

AD Agésilau regē quum quidā
venisset efflagitans vt id quod
promississet, præstaret ad regiā enim
fidem pertinere, non verba inodō,
verum capitis etiam nutus seruare:
rex, quia res parum honesta videba-
tur, & propterea fidem in eo præsta-
dam esse ratus, respondit: Scito tu
quoque, neminem à rege iniustam
rem petere debere. Acuto responso
ostendens rem honestam, quæ im-
portunitate promissa: aut concessa
videatur, laudabilius reuocari, quā
vt constantia famæ paretur, mala
quæ promissa sunt præstari. *Fulgos.*
lib. 7. cap. 2.

Agia Archidani F.

Cum Ephori dicerent, Proficisce-
re, iuuentutem tecum ducens ad hu-
ius patriam, nam is ipse te perducet
in arcem. Et qui conuenit, inquit, ô
Ephori, tot iuuenes ei credere, qui
suam ipsius patriam prodidit? graui-
ter admonens, nihil illis turō credi,
qui in patriam perfidi fuerint. *Plut.*
in Lacon.

Therycion.

Delphis rediens, quum videret in
Isthmo angustias à Philippi copiis
occupatas: Malos, inquit, ô Corinthij
portarum custodes vos habet Pelo-
ponnesus. Allusit eo, quod grauius
animaduerti solet in ciues, quibus
vrbs portæ commissæ sunt, si eas in-
diligenter custodierint. Multo ma-
gis accusari merebantur Corinthij,
qui totius Peloponensi portas Philip-
po prodidisset. *Plut. in Lacon.*

Theagenes.

Cilicon quidam sine Achæus, Mi-
letum patriam prodiderat Pirienē-
sibus

libus. Quo nomine meritò habebatur omnibus exosus, cuius perfidiam lanius quidam Theagenes sic vltus est. Cilicon adiit Theagenem, in macello empturus carnes. Lanius diffimulato odio, porrigit carniū partem, veluti refecturus quod superesset. Cilicon profert dextram, ex aduerso retenturus carnes: Theagenes machæra sublata, proditoris manum amputauit, ac ne id videretur errore factū, addidit: ista saltem manu posthac non proditurus es vllam ciuitatem. Applaudebatur lanio quòd impium pro dignitate tractasset. Hinc adagium, Cilicontis exitium: quod in Chiliadibus recitat. Eras. l. 5. c. 6.

Nicostratus.

Cū ab Archidamo multis præmiis pollicitationibꝯque ad prodicionem tentaretur, respondit Archidame, te ab Hercule genus non duere, satis intelligo. Hercules enim malos pœna affecit: Archidamus verò, eos qui probi sunt, malis afficere solet. Notabat autē Archidami fraudes, qui prodicionem hostibus imponere tentabat. Plut.

Philippus.

Interrogatus quos amaret præcipuè, & quos maximè odisset? respondit: Prodituros quidem in primis amo: eos verò qui iam prodiderunt, odi maximè. Stob. ser. 52.

Augustus Caesar.

Quin in conuiuiū Rhymitalces Thracum rex, qui ab Antonio ad Augustum descuerat, insolentius iactaret sua erga Cæsarem merita, ac sine fine exprobrans belli societatem molestus esset: Cæsar dissimulata illius petulantia, alteri cuidam reguin propinans dixit, Proditionem amo, proditores non laudo. Significans, his qui prodicione profuerunt, nihil

deberi gratiæ, licet enim officium quod præstant pro tempore gratum est, ipsi tamen habentur pro malis ac foedis fragis. Plut. in apoph.

Sigismundus imp.

A Sigismundo cū miles veteranus efflagitaret, vt promissum præstaret: Immoderata, inquit, tua fuit petitio. At miles quum respondisset, Poteras tamē negare, cū peterem: nunc autem sine turpitudine, quod promissum est, rescindere non poteris. Sigismundus, Si ex duobus alterum me ferre oportet, malo facultatum mearum quàm famæ subire iacturam. Æneas Syluius libro 3. commentar. de rebus gestis Alphonfi regis.

Alphonfus.

Quum quidam ad Alphonsum Aragonum regē dixisset, decere principē non ea tantū quæ verbis promissit præstare, sed ea etiam quæ nū tantum affirmauit: Alphonfus respondit, Rectè sanè dicis: sed decet etiam petentes, vt ea tantū à principibꝯ efflagitent, quæ sunt iusta & honesta: sin minus, satius est promissis non stare, quàm peccare in leges iustitiæ. Panoim. lib. 3. de dictis & factis Alphonfi.

De promissionibus.

Pythagoras.

* **A** Ge, inquebat, res præclaras, nihil magnifici interim promittens. Stob. ser. de virtute.

Antisthenes.

Adolescens quidam Ponticus pollicebatur se rationē Antisthenis habiturum, si naus ipsius quæ falsa enta vehebat, appulisset. Antisthenes accepto nouo vase, vnā cum adole-

sciente ibat ad mulierem quæ vendebat farinam : & impleto vase , cæpit onustus discedere. Mulieri verò poscenti farinæ pretium , commonstrato adolescente , Hic (inquit) dabit, si naus cum salsamentis appulerit. Significans inanes esse in diem pollicitationes , quum farina quotidie sit præsentī pecunia emenda. Laërt. lib. 6. Brusl. lib. 2. cap. 2.

Alcibiades.

Apud Platonem in Symposio ait, se, quoties Socrati occurrat, verecundia affici, quia promissa non seruauerit : atque cupere Socratem ob id è vita excedere.

Agefilam.

Quum inducias per tres menses pactas Tissaphernes non seruasset, oratores ad eum misit , qui agerent gratias illi , quod promissio non seruato , Deos sibi hostes reddidisset. Plutarchus.

Idem.

Agefilam Lacedæmoniorum regem quum quidam vrgeret improbè postulando , vt promissum præstaret, atque hoc ipsum crebro repeteret: Rectè sanè, inquit, rex. Siquidè iustum est , quod petis, promissi, sin minus, dixi , & non promisi. Quo dicto ostendit , promissum nequaquam præstandum esse , quo is cui promissum est, lædi possit. Plutarch. in Lacon.

Phocion.

Dicere solebat, Non magna quidem hominibus promittèda, sed magna facienda esse. Verùm eius dictū inuertunt hodie , qui aureos montes ac Cræsi opes pollicètur hominibus, cum ne gry quidem præstent. Stob. ser. de Prudentia.

Idem.

Quum Leosthenes ciuitatē Athe-

nienstem ad bellum pepulisset , magnificis spebus ad nomen libertatis ac principatus erectam : Phocion illius verba dicebat esse cupressis similia, quæ sublimes quum sint , ac pulchra, fructum non habent. Nihil potuit dici accommodatius in sermonem splendide magnificèque pollicentem, sed infrugiferum: quemadmodum cupressus arbor sublimi compositoque in conum vertice , procul egregium quiddam polliceri videtur, ac vix vlla est sterilior. Plutar. in apoph.

Scipio minor.

Cum C. Lælio consulatum petenti suffragaretur, Pompeiusque , qui tibicinis filius putabatur, suffragaturum se esset pollicitus, atque longa expectatione Scipionem frustraretur (suam enim rem curabat) indignantibus cæteris , quod delusi essent, Scipio subrideas : Stultitia (inquit) est nostra, tanquam non homines simus rogaturi , iam diu tempus terimus, tibicinem expectantes. Plutarchus.

C. Cotta.

Dicebat sese operam suam , in eo quod non contra officium peteretur, solere polliceri omnibus, sed impertire iis apud quos optimè poni arbitraretur. Sensit, nulli promittendum quod esset præter honestum: nulli tamen negandum, quod non contra ocium peteretur. Comitatis est benignè polliceri : sed quoniam omnibus opera præstari non potest, eligendi sunt quibus eam impertias. Vt eunq. refert Q. Cicero ad fratrem, de petitione consularis , & Brusson. lib. 1. cap. 15.

Cicero.

Suprà de Conuiciis.

Vide apoph. de petitionib. parum infra. De

De pronuntiatione.

Theocritus.

Theocritus ad Grammaticū quēdam ludimagistrum malē pronuntiantem accedens, rogauit, Qui sit quod Geometriam non doceas? Is quum respondisset, Quoniam ignoro. Quid tum? dixit. Nam legere etiam nescis. Notauit autem pronuntiationis vitium in Grammatico, qui non tantum ipse lingua promptus esse debet, sed aptus etiam ut aliorum verba & voces formet. Stob. ser. de Imprudentia.

Demoſthenes.

Cuidam percontanti, quid esset in eloquentia præcipuum, respondit. Actio. Roganti, quid proximum? respondit, Actio. Roganti, quid tertium? nihil aliud respondit quam Actio, tantum tribuens pronuntiationi, ut in ea totum situm existimaret. Actio autem multa complectitur, vocis modulationem, oculorum vigorem, vultus habitum, & totius corporis gestum Erasim. lib. 4. apoph. ex Quintiliano.

Pausanias sophista.

Quoniam more suæ gentis crassa lingua sonabat, confundens consonantes, breues producens, productas corripuens, vulgò dictus est coquus, qui pretiosa obsonia malē condiret. Philost. in sophist. & Volat. lib. 12. Urban. com.

Anonymus.

Illaudatus rhetor, cū causam ageret pulchrè vestitus, sed tumultu irruens in tribunalia, voce semimuliebri, lingua supina, quouis potius spectans, quam ad ea quæ agebantur: auersatus dicentem imperator stuluit illi os occludere, totaque actio-

ne aquam intercipiebat, breues subinde percotatiunculas obiciens. Ad quas cū parum appositè respondisset Philiscus: Virum, inquit, imperator, arguit cæsaries, rhetorem vox. Græca plusculum habent leporis, & *ἄλλοι αἰσπὰ δίκτυον ἔκαστον, τὸν δὲ ἰσχυρὰ φωνήν.* notans illum, quòd attonsa cæsaries declararet virum, sed oratio nō declararet esse rhetorem, sed fœminam potius. Philost.

Æschines.

Suprà titulo, de Oratione aliena.

C. Cæsar.

Celebratur C. Cæsaris dictū, quod prætextatus adhuc deprompsisse fertur in quandam modulatus orātem: Si legis, cantas: si cantas, malē cantas. Quidam latrant orantes, verius quam loquuntur. Sunt qui rhetoricam pronuntiationem affectantes, medij sunt inter canentem & loquentem. Meminit huius Quin. Fabius, & Erasim. l. 8. apoph.

De prosperitate.

Socrates.

* Sciscitatus quid bonis viris molestum esset? respondit, malorum prosperitas. Ant. & Max. ser. de fortuna bona & mala.

Diodorus philos.

* Felicioris ingenij esse dicebat infortunia cum dexteritate ferre, quā ingentem prosperitatem regere prudenter. Eod. ser.

Epicturus.

* Humilis, inquit, & parvus animus prosperitatibus effertur, aduersis autem rebus deprimitur. Ibid.

Epiclemus.

* Hæc eius sunt de prosperitate scitè dicta. Stultus prosperitatis tanquā

ebrietatis voluptate nimium fruens, stultior euadit. Eorum qui prosperè agūt antagonista est inuidia. Prosperitate, tanquam fructibus Autumnii, dum adest, frui debemus. In enchiridio & dissertationibus.

Phauorinus.

* In prosperitate, inquit, ne superbias: & inops ne deicias animū. Fortunæ vices fortiter ferre scias. Ant. & Max. ser. de fortuna.

Vide apoph. de Fortuna.

De prouidentia Dei.

Socrates.

* Dicebat, si quid cura potest, illud cures: at si Deus ipse te curat, cur tu sollicitus tibi sis? Anton. & Max. ser. de Prouidentia.

Plato.

* Virtus, inquit, nec sub doctrinam cadit, nec est naturalis, sed diuino facto inest iis qui eam habent. Eod. ser.

Idem.

* Deus omnia, inquit, & secundum Deum fortuna & occasio humana gubernant vniuersa. Ibid.

Alphonfus.

Cosmus Florentinus Alphōso Aragonum regi malè pacatus, vir alioqui magnus & illustris cum dono mississet regi Titi Liuij libros utique preclaros, reclamatum est à medicis regiis, qui aderant, ne librum attrectaret ab hoste missum, quem veneno infectum in regis interitum putabant. Verum Alphonfus cum aliquādo videretur medicis assentire, demum Liuium manibus attrectans, hinc indeque legens & relegens quasdam historias, ad suos conuersus, ait: An ignoratis, regum animas non priuatorum libidini subiectas esse, sed sub cura Dei securas & lætas agere?

Sensit vir prudentissimus, diuina prouidentia cum regantur omnia, cor regis (qui est Dei, vt Paulus ait, minister) semper esse in manu Domini, qui regit & flectit quod vult, contra omnia nostra consilia. Anton. Panor. mit. de reb. gest. Alphonfi, & Eneat Syluius de eius dictis.

De prouidentia hominum in rebus agendis.

Chilon.

F Requenter dicere solitus est, Caue tibi ipsi, & caue tui ipsum. Quorum primò admonuit, caute agendū esse cum hominibus, ne fraude circumuenti decipiātur. Deinde vnumquēque sibi suspectum esse oportere. Omnes enim ferè cauent sibi ab aliis: tamen interdum nemo magis hostis est homini, quā homo sibi ipsi: quo fit, vt cum aliis imponimus, nosmet ipsos perdamus. Laërtius in vita Chilo.

Thales.

Suprà de Philosophiæ vsu & utilitate.

Antisthenes.

Dicere solebat, sapienti nihil esse nouum aut subditum: eo quod quicquid homini potest accidere, sit tam præmeditatus, vt nunquam dicat, non putaram. Laer. l. 6. c. 1.

Agésilus.

Tissaphernes Persarum dux cum Agesilao foedus non ex animo, sed metu percussisset, hac lege, vt Græcas ciuitates fineret liberè suisque viuere legibus, mox ingentibus copiis à rege suo accersitis, bellum illi denuntiavit, ni Asia decederet. Hoc foedus violatum libenter arripuit Agesilaus, legatis hilari vultu respondens: Se magnam habere gratiam

Tissaph.

Tissapherni, quod periurio suo & deos & homines sibi infensos reddidisset, aduersæ verò parti propitios. Rectè sensit, absque providentia Dei nihil geri in rebus mortalium: magis quæ fidendū diuino fauori, quàm humanis consiliis aut viribus. Plu. in La.

Iphicrates.

Contemnebatur ab aliis, eo quod ex patre sutore natus esset. Verum tum primum nomen sibi & existimationem, fecit cum vulneratus, hoste armatum in nauem suam portasset. Is igitur cum in amicorum suorum agris haberet exercitum, & nihil minus vallum iaceret, fossasque probe foderet cuidam dicenti, Quid metuimus? respondit: Pessimam esse ducis vocem, haudquaquam putaram. Significans, rebus prosperis sæpè numero imminere pericula nō exigua, quæ nullus expectasset. Aduersus inopinatos igitur casus cautè omnia esse munienda. Plut. in Græc. apoph.

Epaminondas.

Sub Epaminonda Thebano duce nunquam euenit, vt exercitum inuaderet tumultus Panicus, qui subitò præter causam interdum oboriri solet: propter summam præstantissimi huius ducis providentiam. Plutar. in Græc. apoph.

Persens.

Suprà de Mutuo.

L. Sylla.

Infra de Regnandi libidine.

M. Antonius.

Suprà de iudicio nimis exacto.

Cato Uticensis.

Cum Cæsar Ariminum occupasset, & ad Pompeiôm summa rerum in verbe translata esset, Cato dixit: Simi huius prædicenti credidissetis, P. C. nec vnum nunc timereimus, nec ab vno spes nostræ penderent. Plut.

Alphonsus.

Suprà de Principe bono, & eius in regni administratione officio.

De prudentia.

Socrates.

Interrogatus, quid esset prudentia? Animæ (respondit) concinnitas. Stob. ser. de Prudentia.

Idem.

*Vt nauis vacua, inquit, instrumentis convenientibus sic vita prudentiæ effectibus munienda est atque instruenda. Stob. ib.

Idem.

*Nec equo, inquit: sine freno, neque diuitiis sine prudentia tutò quis vti poterit. Eod. ser.

Idem.

*Soli prudentiæ, tanquam consultißimo tutori, vt vitam omnem, ita maximè iuuentutem credere conuenire dicebat. Eod. ser.

Idem.

Sciscitatus. Quinam prudentes essent? Qui non facile delingant, respondit. Eod. ser.

Idem.

Adhortabatur subinde suos discipulos, vt hæc tria in omni vita sibi pararent: Vt in animo scilicet haberent prudentiam in lingua silentium, & in vultu verecundiam. Max. ser. 41.

Bia.

*Confidera, inquit, & postea rē aggredere Irē. Aggredere tardus age da, aggreditus age constans. Laert.

Pertander.

*Ea facito, inquit, quorum non te poeniteat. Laert.

Democritus.

*Dicebat sapientiam aut prudentiā quæ nihil admiraretur, omnium rerum esse dignissimam & præciosissimam. Stob. ser. 3.

Periander.

*Quærenti quid in minimo maximum esset, respondit, prudentes cogitationes animæ in corpore humano Stob. Ibid.

Iamblichus.

*Prudentia, inquit, virtutum princeps est, reliquisque omnibus vitur, atque ipsarum ordinem, modum & occasionem in præsentia, tanquam oculus quidam mentis vndeque lucidissimus, ostendit, &c. Tandem addit, Prudentia sui possessores efficit duo similes, Stobæus, serm. 3. de prudentia.

Criton.

Prudens vir, inquit, ad vitam, quasi ad viam quandam, non preciosius viaticum, sed quod magis necessarium est, comparat. Eod. ser.

Bion.

Dicebat, prudentiam tanto cæteris virtutibus antecellere, quanto cæteris sensibus præstaret visus. Nam oculi prælucent toti corpori, nec ulla est virtus absque prudentia. Nam quomodo iustus reddet cuique suum, nisi prudentia commonstret quid cui debeatur? Laer. l. 4. c. 7.

Antisthenes.

Dicere solebat, Tutissimum esse murum prudentiam, quod is nec collabitur nec proditur. Nulla quippe incœnia sunt tam munita, quin machinis aut suffossionibus, aut vallorum prodicione capiantur. Prudentis autem decreta sunt inexpugnabilia. Laer. lib. 6. c. 1.

Isocrates.

Dicebat, virum frugi & prudentem debere præteritorum meminisse, agere præsentia, futura cauere. Stob. ser. 1.

Agésilæus.

Cum pugnaretur apud Mantineam,

admonuit Lacedæmonios, ut cæteris omiſſis omnibus in vnum Epaminondam intenderent vim prælii, dicens solos cordatos milites au hores esse victoriæ. Quod cum fecissent, victoriam naſti ſunt. Hac voce conſuluit Agéſilaus incolumitati ſuorum, qui fuerant ſine dubio manu hoſtium perituri. Simul illud docuit, in bello plus habere momenti vnum verè prudentè, quàm turbam imprudentum. Plut. in Lacon apoph.

Archidamus.

Cum bello Arcadas ſuperafferet ob id laudatus à quodam: Præſtantius erat, inquit, ſi illos prudentia quàm viribus ſuperafſemus. Plut. in Lacon.

Scipio Minor.

Iuuenis etiamnum, tantam habebat opinionem fortitudinis & prudentiæ, ut Cato ſenior interrogatus de his qui apud Carthaginem militarent, in quibus erat & Scipio iunior, Homericò verſu reſponderit, *Ille ſapit ſolus, volitant alij velut umbrae.* De Tireſia dictum eſt apud Homerum Odyſſ. x. Plut. in apoph.

Euripides.

Celebratur illud Euripidis dictum, Vnicum conſilium rectum magnam militum manum vincere. Quo prudenter admonuit non perinde referre quam numeroſum educas exercitum, ſed quàm cordati ſint exercitus duces. In bello ſiquidem longè plus habent momenti prudentia. ſolertiæque, quàm vires conſilij expertes. Erat. l. 8. apoph.

Gregorius Theolog.

*Qui ſerpentis prudentiam in malis columbinæ ſinceritat icirca bona miſcuerit, is neque prudentiam ſinet malignam fieri, neque ſimplicitatem ſtolidam. Stob. ſer. de prudentia.

Vide apoph. de Sapientia.

De

De prudenter dictis.

Lycurgus.

Lycurgus Lacedæmoniorum rex, percontanti quam ob causam vterentur legibus scriptis : Quoniam inquit, eruditi qui sunt, benèque educati, probât quid pro ratione temporis expediat. Plut. in Lacon.

Agésilæus.

Agésilæus Lacedæmoniorum rex quoties audiebat aliquos ab aliis laudibus commendari, aut vituperari, dicebat non minus animadvertendos esse eorum mores qui laudant, aut vituperant, quàm eorum qui laudantur aut vituperantur : vt intelligamus, ex vtraque parte hominum morbos, & animorum (quibus laborant affectiones. Plut. in Lacon.

Idem.

Interrogatus à quopiam, cur Spartiæ ad tibiarum clangorum prælia inirent ? Vt tum ad numerum, inquit ingrediuntur, appareat qui sint fortiter periculum subituri, & qui sint effœminati. Ibidem.

Idem.

Cùm iam Corinthiorum vires pugnando fregisset, exhortantibus amicis, vt urbem eorum quoque oppugnaret: negavit, id suæ virtuti conuenire, qui peccantes ad officium cogeret, non qui nobilissimas Græciæ vrbes subuerteret. Plutarch. in Lacon.

Leotichidas.

Rogatus à quodam quo pacto quis bona quæ sunt, tueri valeret ? Si non omnia, inquit fortunæ crediderit Plut. in Lacon.

Cato Vticensis.

Cùm in senatu Pompeio, cui pa-

rum aliqui fauebat, decerneret imperium dixit: Talium virorum esse, ingentia Reipublicæ inferre mala, eadèmq; depellere, tēpori consilium accommodans. Plut in Catone,

M. Antonius Verus.

Iam moriturus, cùm amicos affici dolore sentiret: Humanum est, inquit, humanis rebus affici & ingemiscere. Quo dicto ostendere voluit, hominem non esse saxum, aut ferrum: sed animal, quòd faciliè in aduersis potissimum afficiatur, aliorumque doloribus ingemiscat. Herodianus lib. i.

Seneca.

Videns Neronem imperatorem infinitos variis mortis generibus occidere, quos cogitare de imperio existimabat, dixisse ad imperatorem fertur: Licet plurimos occidas, attramen non potes successorem tuum occidere. Xiphilin. in Nerone.

Ludouicus XII. Gal. rex.

* Quom Pontifex in eum diras euomeret: Atqui, ait, precandi ille, non imprecandi causâ pontifex est constitutus. Annal. Franc. Repetit laudatam eam vocem sacerdotis quæ adduci non potuit vt Alcibiadem excrearetur, Plutarcho teste in Alcib. vita.

Idem.

* Relatum est Iulium Pontificem regio honori inuidere, & multa moliri vt Gallico regno crearet pericula: atqui, inquit Ludouicus non tantum otij superfuisset. Petro Apostolo, vt res Claudij Cæsaris, aut Domitij Neronis, quæ ad se nihil attinebant, curaret. Ibid.

De publicis negotiis, priuatis anteponendis.

Aristides.

Aristidi erat similitudo cum Themistocle. Huic quum delectus esset collega ad peragendum legationem: Vis, inquit, Themistocle, ut in his montibus similitudinem deponamus? Nam si videbitur, reuersi illam resumemus. Priuatos affectus publicæ posthabuit utilitati. Ex his enim ferè omnis humanæ vitæ perniciēs nascitur. Plutarch. in Græco. apoph.

Idem.

Aristidis vxor administranti Rempublici dixit. Utinam priuatas quidem res putares esse publicas, & contra publicas priuatas. Notauit autem hominis improbitatem, qui sua negotia Reipublice anteponebat. Stob. ser. 37. ex Serino.

Demaratus.

Cuidam percontanti, quā ob causam apud Spartanos qui scutum abieciissent, notarentur ignominia, & infami vocabulo Ripsaspides appellarentur, qui galeas aut thoraces, nō item: Quoniam, inquit Demaratus, hæc sua ipsorum causa gerunt, scutum verò communis exercitus gratia: significans vnicuique plurius esse faciendam communem utilitatem, quā propriā. Qui galeam aut thoracem abiecit, seipsum prodit tantum, & exarmat: qui scutum abiecit, prodit vniuersam phalangem. Nam obtentu clypeorum tota acies tuta est aduersus hostium iacula. Plut. in Lacon.

Pompeius Crassus.

Marcello ac Domitio Pompeium in senatu rogantibus, num proximis

comitiis periturus esset consulatum: Fortè, inquit, petam: fortè non petam. Rursus idem percontantibus: A bonis, inquit, ciuibz petam, à malis nequaquam. Quum hæc responsa ut ambigua ac superba multos offenderent, Crassus idem percontantibus respondit, Si è Repub. fore iudicauero, petam: sin minus, à petendo abstinbo. Plut. in Crasso.

Cato Vticensis.

Pompeius quo suam factionem redderet firmiorem, per Munatium petiit, ut Cato neptium duarum alteram sibi, alteram filio suo daret, Cato iussit reuersum Munatium Pompeio renuntiare: Se quidem per mulieres capi non posse, beneuolentiam tamen illius sibi gratam esse: amicitiam, etiam quæ quauis affinitate firmior esset, polliceri, si quæ Reipublici conducerent, sequeretur. Cæterum aduersus Rempublicam nunquam datum obsides. Neptes in Matrimonium datas, obsidium nomine signans. Sunt qui narrent, non neptes, sed filias in matrimonium à Pompeio petitas. Eras. lib. 5. apoph.

Alexand. Seuerus.

Amicos & cognatos, si malos comperisset, puniebat. Id si vetus amicitia aut necessitudo non patiebatur, à se dimittebat, dicens: His charior est mihi tota Respublica. Significans, priuatos affectus utilitati publicæ posthabendos. Lamprid.

De pudicitia.

Phocias.

Phocias in Ionia, parentibus honestis orta, ingenuæque educata, ad Cyri regis cœnam cum alijs mulieribus admissa, ceteris regios iocos ac lu-

ac lusus hilariter excipientibus, nec refugientibus ab illo tangi, sola tacite ingressa ad lectum contitit, nec vocanti Cyro paruit. Cubiculariis autem tentantibus illam adducere. Flebit, inquit, quisquis horum mihi manus adinuerit. Ob hæc, quum à cæteris agrestis & incomis haberetur: Cyrus gaudens, & cum risu versus ad illum qui mulieres adduxerat: Non intelligis, inquit, te hanc vnam ingenuam & incorruptam adduxisse? Postea ad hanc in primis adiecit animum, vnicæque adamauit, sapientem appellans. Apud barbaros; mulieres attigisse, constuprasse erat. Plut. in apoph.

Anonyma.

Suprà de Dote.

Vide apoph. de Castitate & Continentia.

De pudicitia coniugali.

Anonyma

Quidam Lacenam misso nuntio sollicitauit, num assentiretur, ut ipsi faceret copiam? Cui illa respondit: Quum essem puella, parenti obedire didici, idque feci: mulier autem facta, viro. Itaque si me inuitat ad honesta, viro meo primum rem aperiam. Plutarch. in Lacenarum apoph.

Alia.

Lacena rogata, num ad virum accessisset? Non, inquit, sed ille ad me. Significans, sese non libidinis causa commercium habere cum viro, sed parentibus ac legibus obtemperare. Turpissimum enim esse feminæ, si virum ad coitum sollicitet. Plutarch. in Lacen apoph.

Hieron.

Hieron quidam exprobrabat oris

grauolentiam. At ille cum vxore exposculauit, quod id sibi nunquam indicasset. Tum illa: Putabam, inquit, viros omnes ad eundem olere modum. Eximium pudicitiae argumentum, quæ nulli viro tam vicina fuerit, vt oris halitum sentire posset, præterquam vni marito. Plut. in apoph.

Euboidas.

Audiens à quibusdam prædicari vxores alienas, non approbauit id factum, dicens: De moribus ingenioque vxorum apud exteros nullam omnino faciendam esse mentionem. Qui non tulit laudari coniuges aliorum, quid faceret vituperantibus? Prima laus pudicitiae matronalis est, nulli notam esse præter quam suo viro. Eras. in apoph.

Argem.

Quibusdam non suas, sed aliorum quorundam vxores prædicantibus: Per deos, inquit, de bonis & honestis mulieribus nihil temerè loquendum est, sed in totum quales sint oportet ignorari, præterquam solis maritis, quibuscum viuunt. Tam insignis erat apud præcos virginum & vxorum pudicitia vt eas ab aliis quam parentibus aut suis maritis conspici, gradus aliquis ad impudiciam haberetur: tantæque cautione consulebatur illarum famæ, vt parum publica videretur, de qua rumor quamuis vanus oriri potuit: sed ea deum summa matronalis pudicitiae laus haberetur, si mulier adeo domi conclusa viueret, vt nullus esset qui de ea vel bene vel male loqui posset: propterea quod hoc ipsum, matronam versari in fabulis, trahique per ora hominum, prostitutionis genus putaretur. Etenim qui laudat alienam vxorem, videtur habere cognitam cuius laudes

prædicat, quod ipsum aliquid detrahit pudori fœmineo. Quid igitur vir ille præclarus sentiret de matronis, quæ sine maritis interesse gaudent iuuenum conuiujs, quæ cursitant ad alienarum ciuitatum dies festos & emporia, quæ ducunt choreas ex viris ac fœminis alternè mixtas, quæ in balneis corpus nudum ostendunt quorumlibet virorum oculis? Erasmi. Rot. lib. 6. apoph.

Canna.

Canna Sinorito Galatæ nupserat. eam Sinorix iuuenis præpotens adamabatur: & clam interfecto Sinorito, de nuptiis Cannam sollicitare cœpit. Illa, quo coniugis mortem vlcisceretur, dissimulauit dolorem, & coniugij spem præbuit. Tandem Synorigem ad se venire iubet in templum Dianæ, cui erat dicata, quasi vellet hanc esse coniugij testem, & astans altari, ceu deæ libatura, è poculo bibit toxicum: moxque tradidit Synorigi, qui simulatque reliquum ebibisset, venerata deam: Te inquit, Dearum præstantissima testor, me huius tantum diei gratia hætenus Synorito fuisse superstitem. Erasmi. lib. 6. apoph. ex Plutarchi lib. de mulierum illustr. rebus gestis.

Chiomara.

Cum misso pretio à suis reduceretur, ac tributus illam officij gratia ad flumen prosequeretur, clam mandauit vni seruorum, vt Romanum illum se prosequentem occideret. Is vbi caput præscissum Chiomarae dedisset illa sub veste relictum ad maritum detulit, & ad illius pedes abiecit. marito admirante, dicentisque, num præclarum duceret, seruare fidem? præclarum inquit: sed hoc præclarius, vnum duntaxat qui mecum cœcubuerit viuere. Fœmina aliquan-

to prudentior Lucretia, quæ non sira sed stupratoris nece, testata est suam pudicitiam, Plutarch. cap. 21. de Claris mulieribus, Liuius lib. 38. Plin. cap. 55. de Viris illustribus.

Lucretia.

Cum Collatinus cum paucis familiaribus ad Lucretiam venisset Sexto Tarquinio vi stupratam, quaerenti viro ex more, Satin' salua? Minime, inquit Lucretia, quidenim salui mulieri amissa pudicitia? Vestigia alieni viri Collatine in lecto sunt tuo. Sed corpus tantum violatum est, animus insons est, mors testis erit. His dictis, cultrum quem abditum habebat, in corpore infixit, & collapsa est moribunda. Erasmi. 6. apoph. ex Liui.

Bilia.

Duellius, qui primus Romæ è naturali pugna triumphum obtinuit, iam senex, tremuloque corpore in iurgio quodam audiuit exprobrari sibi graueolentiam oris, rediit domum tristis, & expostulauit cum Bilia vxore, quam virginem duxerat: cur huius vitij nunquam admonuisses, quo licuisset mederi? Admonuisses, inquit illa, nisi putassem omnibus viris ad eundem modum olere animam. Si Bilia, verè sensit, quo dixit, argumentum est insignis pudicitia: sin hixit, magna item tolerantia, quæ tamdiu pertulerit hoc incommodum absque fastidio. Erasmi. lib. 8. apoph. Simile est ei quod paulo supra de Hierone retulimus ex Plut.

Depudore & verecundia.

Diogenes.

A Dolefcenti cuidam erubescenti, atque ob id perturbato: Bono

no animo es, inquit, fili, istiusmodi est virtutis tinctura. Laertius in eius vita.

Democritus.

Eius præclara sententia hæc est: Malum, etiam si solus fueris, neque dixeris, neque feceris: Disce autem, te ipsum multo magis quam alios reuereri. Stob. serm. 29.

Solon.

Dixit, Hospitalem Deum inter homines, qui iusti pudoris participes sunt versari. Bruf. lib. 5. cap. 21.

Musonius.

Infrà de Reuerentia.

Pythias.

Infrà de Rubore.

Demetrius Phal.

Admonebat adolescentes, ut domi parentes in via obuios, in solitudine reuererentur seipsos. Pudor teneram aetatem optimè deterret à peccando: qui nusquam non adest, si quis reueatur seipsum. Laert. lib. 5. cap. 5.

Hippocratis.

Suprà de Cōiuctu & cōuersatione.

Demades.

Aiebat, pudorem in muliere, pulchritudinis arcem esse. Stob. ser. 72.

M. Cato.

Aiebat, sibi magis placere iuuenes qui rubescerent, quam qui pallefcerent, quòd rubor arguat probam indolem, pallor non itè. Plut. in apoph.

De pudore præpostero.

Lycurgus & Gorgo.

Qum essent qui vitio darèt Lycurgo, quòd virgines in pompis ac ludis solennibus nudas exhiberet oculis omnium, causamque cur id instituisset requirerèt: Vt itidem, inquit, cum masculis rationibus institu-

ta, nihilo sint illis inferiores, vel robore, vel salubritate corporum, vel animorum virtute ac generositate, studioque veræ laudis, vulgarem autem gloriam contemnant. Vnde tale quiddam fertur de Gorgone Leonidæ vxore. Cùm quædam extera mulier illi dixisset, Solæ Lacænæ viris imperatis: respondit, Nimirum solæ viros parimus. Hoc exemplum nec in masculis nec in puellis imitandum censuerim: hætenus tamen conducit ut stupidum pudorem qui frequenter obstat honestis actionibus, ab ætate tenera excutiamus: statumque discat, nihil esse verè pudendum, præter turpitudinem: Innumeras verò reperias, quæ nudatæ vehementer erubescant: si quid præter honestum dixerint, fecerintve, non mutant colorè. Sunt item innumera quibus amictus vilior, cultusque simplicior, genas rubore tingat, contrà gloriosum esse ducant, si splendido vestitu prodeant in publicum, negligentes earum rerum quæ verum probum, veramque laudem adferant. Eras. ex Plu. Lacon.

De pudore inutili.

Diogenes.

C Vidam ambienti à Diogene in philosophiæ disciplinam recipi, admissio explorandi gratia pernam in via ferendam dedit, seq. iussit sequi. Ille præ pudore, abiecto quod gestabat, furtim se subduxit. Aliquando post forte fortuna illi factus obuius, ridēs Tuā (inquit) ac meam amicitiam perna diremit. Indicans, illum non esse idoneum philosophiæ discipulum, qui stupidum pudorem non posset contemnere. Neq. enim turpe est gestare pernam: sed ab honesto recedere

re turpe. ita Laert. lib. 6. Diocles hoc ipsum paulo secus narrat. Quum quidam ambiens esse Diogenis discipulus dixisset illi, Impera mihi Diogenes: admissio in famulitium, casei frustum portandum dedit. Id quum ille ob pudorem recusaret: Nostram inquit Diogenes, amicitiam paululum casei diremit. Bruson. libr. 5. capite 11.

Idem.

Cuidam exciderat panis, eumque reliquit, quod puderet recipere. Hunc castigare volens Diogenes, iniecto fune collo, traxit vrceum per Ceramicum: hoc faciens in poculo, quod ille in pane facere erubescibat. Laert. lib. 6.

Antisthenes.

Suprà de Argutè dictis.

Agésilas.

Cum apud Spartanos Palladi rem diuinam faceret, ac pediculus eum momordisset, rex non auersus, arreptum coram omnibus occidere non erubuit, sed insidiatorem etiam in ipsa ara cōfodiendum esse dixit. Plut. in Lacon.

Brutus.

Dicebat, sibi videri eum ætatis florem malè collocasse, qui nihil negaret. Inutilis est verecundia, quæ obstat quo minus negemus obsequium ad inhonesta vocanti. Plutarchus in Bruto.

De pueritia insigni.

Cato Uticensis.

Cum puer adhuc à Druso auunculo educaretur, Latinique Romanam ad Drusum tribunum plebis eo tempore venissent, de Ciuitate imperanda acturi: Q. Pompeius Latino-

rum princeps Catonē orauit vt pro sociis apud auunculum intercederet, vt id quod peterent facilius impetrarent. Verum Cato puer se facturum hoc negauit, cumque semel iterumque interpellatus eadem de re, omne denegasset officium, demum Pompeius in excelsam domus partem eleuatum se præcipitaturum minatus est, nisi precibus & toties efflagitatis obtemperaret. Verum cum ciues inteligerent, nec sic puerum moueri potuisse, egregiam eius indolem laudantes altissima voce clamarunt. Gratulemur Latini nobis, hunc esse tam paruum, quo senatore, ne sperare quidem ciuitatem licuisset. Historiam recitat Plutarchus in Catone vbi Pompeium Syllonem vocat, quem alij Popedium.

Vide apophth. de Ambitione, in dole excelsa, & ingenio.

De pulchritudine.

Agésilas.

* Sciscitatus, cur Spartani comam Salerent? Quoniam inter ornamenta dixit, minimo constat. Stob. ser. 63. de Pulchritudine.

Aristoteles.

* Dicebat pulchritudine homines quauis epistola magis commendari. Stob. eod. serm.

Idem.

* Interroganti cur quæ pulchra sunt amarentur? Cæci, dixit, hæc interrogatio est. Ibidem.

Xenophon.

* Ignis, inquit, tangentes solum vrit: pulchri verò etiam procul distantes inflammant. Visus enim veluti ansa est capiendi amoris. Plut. libr. de amore, apud Stobæum.

Plutar-

Plutarchus.

* Nonne, inquit, hominum natura ex corpore & anima composita est? Anverò alterutrum nobis sufficit? Sed quomodo id fieri posset? Corpus enim nisi anima vteretur, non viveret: neque anima existeret, nisi haberet cui inniteretur. Cum igitur utraque cognatis sibi virtutibus ornentur, anima quidem, iustitia, temperantia, prudentia: corpus autem viribus, forma, sanitate: an non admiratione dignum fuerit, corporis neglectis, solius animæ bona recensere? Stobæus, sermone 63.

Idem.

* In speculo, inquit, te contemplare: & si pulcher appareas, ea fac quæ decent pulchrum: sin deformis, id quod faciei deest, honestate morum supple. Anton. & Max. serm. de pulchritudine.

Leucippe.

* Pulchritudo, inquit, acutiùs telo vulnerat, & per oculos in animum defluit. Eod. ser.

Diogenes.

* Pulchros & eosdem imperitos alabastris acetum continentibus similes esse dicebat. Ibid.

Eteocles.

* Cuidam ob pulchritudinem glorianti, dixit, Non pudet te superbire ob speciem pulchram, tibi ad exiguum tempus commissam. Ibid.

Isocrates.

* Si pulchrum tibi corpus est, inquit, & anima mala, bonam navim habes & malum gubernatorem. Eod. serm.

Vide apoph. de forma corporis.

DE QUIETE.

Chilon.

Quædam esse quietem, quoties datur honestum otium. Nihil enim est, quod assiduum laborem perferre possit. Laert. lib. 1. cap. 4.

Dion.

Dicere solebat, oportere moderatè dominari, & recreari cupientibus id permittendum esse. Remissiones enim & ab exantlatis laboribus quies, ad novos labores homines præparant. Et sicut arcus & lyra, ita & homines quiete vigent Stob. ser. De Dominis ac servis.

Vide apoph. de Otio honesto, Recreationes, & Tranquillitate.

DE RAPACITATE.

Plato.

Quædam res, inquit, pecuniarum, inquit, res illiberalis est: rapina verò impudens. Stob. ser. 40.

Nero.

Nero nunquam cuiquam officium delegavit, nisi hæc adiiceret: Scis quibus mihi est opus, & hoc agamus, ne quis quid habeat. Vox prædone, quæ principe dignior. Eras. 6. apoph.

C. Caligula.

Suprà de Lusibus.

Fl. Vespasianus.

Vespasianus, quoniã rapacissimum quemq. promovere solebat, ut mor

ditatos condemnaret, vulgò dictus est officarios suos habere pro spongiis: quòd (veluti spongias) & siccos madefaceret, & humentes exprimeret. Sueton.

De ratione.

Socrates.

DIcebat, in nauigando gubernatori auscultandum esse: in vinèdo aurem illi, qui plus ratione valet. Stob. ser. de Prudentia.

Idem.

Eiusdem dictum est, Nec equo sine freno, neque diuitiis sine ratione tutò quis vti poterit. Stob. ser. 3.

Diogenes.

Dicere solitus est, sæpius in vità parandum λόγῳ ἢ βελῶν, id est, sermonem quàm laqueum. Qui desponderunt animum, ad laqueum confugiunt: quum ad consolatorium sermonem potius sit confugiendum. Nam animo ægrotanti medicus est oratio. Nec absurdus fuerit sensus, si λόγῳ accipias pro ratione: quasi diceret, qui desponderunt animum, confugiant ad rectam rationem. Diogenis dictum extat apud Laër. l. 6. c. 2.

Phocylides.

*Rationem homini telum ferro acutius esse dicebat. Stob. ser. 3.

Aristoteles.

*Dicebat rationem recedere ab omnibus quæ per iram committuntur, eamq; fugere iracundiam tanquam acerbum tyrannum. Stob. ser. 20.

Epicletus.

Eius dictum est, Turpe esse muneribus apum potione edulcare: Ratio nem autem deorum munus, non adhibere ad malitiæ dulcendam amaritudinem. Stob. ser. 13.

Idem.

Quemadmodum, inquiebat, si conceptus aut natus esses in naui, non indeo statim eius gubernator fieri velles, neque enim natura ad te naui pertineret: sic neque opum abundantia, sed ratio. Id igitur quod tibi naturale & cognatum est, videlicet rationem, proprium tibi censere, & eius curam suscipere debes. Eod. ser.

Idem.

*Non paupertas, inquit, molestum facit, sed an mi cupiditas. Neque diuitiæ à metu liberant, sed ratio. Si tibi rationem igitur comparaueris, neque diuitias desiderabis, neque paupertatem accusabis. Ibid.

De ratione reddenda.

Alcibiades.

QUum aliquando periclem inuiseret, & accepisset illi tum non esse otium, propterea quòd perenderet quo pacto posset Atheniensibus reddere rationem. Nonne satius fuerit, inquit, cogitare, qui fieri possit, vt non reddat rationem? Notans, ita re gesta, vt nõ facile possit reddi ratio: procluius esse in totum effugere rationem, quàm reddere. Plut.

De reconciliatione.

Euclides.

EVelidi cum fratre simulas erat. Is quum minitans dixisset, Disperam ni te vltus fuero: Euclides contrà, Disperam (inquit) ni tibi persuaserò, Hoc dicto soluta est simulas, & reditum est in gratiam. Erasmi lib. 6. apoph.

M. Craf-

M. Crassus

Quum Pópeius & Crassus in consularu collegæ decessuri essent magistratu , Cn. Aurelius quidam subitò in forum procurrens, clamavit, sibi visum in somnis, Iouē iussisse ne prius se magistratu abdicaret, quàm in gratiam redissent. Idem flagitante populo, Pópeius nihil motus est: at Crassus surgens, viro collegæ dexteram porrexit dicens: Nihil, ô Quirites, me indignum facturum mihi videor, si prior cum Pompeio in gratiam rediero, quem vos etiamnum impuberē Magnum cognominastis: cuique prius triumphum decreuistis, quàm in senatum allectus esset. Plut. in Crasso.

Cicero.

Crassus in Syciam profecturus, malens Ciceronem amicum quàm inimicum relinquere, officiosè salutato dixit, se apud illum velle cœnare: quē in Cicero alacriter excepit. Post aliquot dies quidam amicorum egerunt apud Ciceronem, ut cum Vari-
nio quoque rediret in gratiam. Nū, inquit, & Vatinius mecum cœnare vult? Significans, illum cœnam ambire potius quàm amicitiam. Eras. 4. apoph.

Ludouicus xij. Gall. Rex

* Anna regina eius vxor, acrius & sape apud eum instabat, & tãdem se adepturam sperabat, ut Claudiam filiam (postea Francisci Valesij coniugem) desponderet Carolo quinto, Maximiliani Cæsaris nepoti. Sed rex sapientissimus, veluti præsagens inter Hispanos & Gallos nullam posse iniri reconciliationem, immo discordes perpetuò fore: Tu vis, inquit, fœdus ferre inter feles & mures. Ex lib. faceret dictorum à Ludonico, qui commentariis Aenæ Syl-

uij de dictis & factis Alphonfi adiunctus est.

De Recreatione, vel Relaxatione.

Anaxagoras.

Publicè decretis honoribus animo magno repudiariis. Id sibi omnino postulasse commemoratur, ut quo die mortē obiret, pueris, qui disciplinis & artibus operam darent, permitteretur feriatos otia & ludere. Sensit enim vir doctissimus, ingenia adolescentum nimio studio frangi, refocillatione autem aut recreatione ad nouos labores agiliores fieri. Plut. in Polyticis. Vel potius hac ratione sibi famā cōparare curauit.

Diogenes.

Suprà de Lepidē dictis.

Amasis Egypti rex.

Ab amicis reprehensus, quòd perfunctus negotiis forensibus potaret, omnique voluptatum genere solueretur, respondit: Qui arcus habent eos non intendere nisi quum opus est: quos si semper intendant, rumpēdos esse: ac ne tum quidem fore vsui, quum exigit vsus. Ita qui nulla relaxatione curas suas soluunt, aut mente captos, aut corpore malè affectos euadere. Brus. l. 4. c. 28.

Vide apoph. de Otio Honestò, & Quiete.

Deregno & regibus.

Solon.

AVdiens quosdam principū mores iniquè reprehendentes, In reb. magnis administrandis difficile

dicebat esse, omnibus posse placere. Neeesse enim est, vt qui multis imperat, non paucos offendat. Laër.

Diogenes.

Suprà de Argutè dictis.

Plato.

*Neminem regem dicebat non ex seruis esse oriundum: neminem non seruum ex regibus. Seneca epistol.

44.

Xenophon.

* Dicebat honestius esse regi beneficiorum quàm trophæorum numerum relinquere. Stobæus sermo ne 46.

Socrates.

* Optimum regem esse dicebat, qui suis affectibus moderari posset. Eod. ser.

Cotys, rex Thraciæ.

* Acriter in subditos animaduertebat. Cum igitur amicorū quidam ad ipsum dixisset, Hoc furor est, non regnum: respondit, At meus hic furor subditos temperantes efficit. Plutar. in apoph.

Leonidas.

Cuidam dicenti, Excepto regno nulla re nobis præstas; At, inquit, ni vobis fuisset melior, nō essem rex. Moderatissimo dicto & refellit conuicium, & suam dignitatem defendit. Etenim vbi reges non nascuntur, sed ciuium suffragiis eliguntur, hoc ipso publicis calculis princeps iudicatus est cæteris melior, quòd ad regnum ascitus est. Plut. in Lacon.

Ariston.

Cuidam laudibus vehenti dictum Cleomenis qui rogatus, quid oportet bonum regem faceret? respondit, Amicis benefacere, inimicis malè: At quanto præstantius est, inquit, vir optime, amicis benefacere, & ex inimicis reddere amicos? Hanc senten-

tiam citra controuersiam primus omnium Socrates prodidit, & ad illū refertur, Plut.

Philippus.

Alexandro filio suadebat, vt eos qui in Republica pollerent auctoritate, tum bonos, tum malos sibi conciliaret amicos: ac bonis quidem vteretur, malis verò abuteretur. Præcipua regum ars est, nullum reicere, sed ad publicam vtilitatem omnium operam accommodare. Què admodum Deus vnicus totius mundi monarchia, malis geniis ac impiis hominibus abutitur ad vtilitatem Ecclesiæ: ita principes cordati norunt & probis & improbis vt: non quòd ipsi per malos mali quippiam faciant, sed quòd per malos puniant malos. At multi sunt principes, qui præposterè bonis abutuntur, malis vtuntur. Ad tyrannica negotia viros adhibent sanctitatis opinione celebres, quòd vulgus esse rectum ac pium quod agunt existimet. Plutarchus.

Idem.

Suprà de Amico castigatore.

Alexander.

Habebat secum Eudemonicū philosophum, qui cum aliquando tonaret vehementer a deò vt omnes expauescerent, dixit etiam Alexandro, Quin tu tale quippiam facis Alexander? At illi non ferens philosophi vocem, ridens, ait: Nolo meiformidabilis esse, vt tu me doces, qui satraparum & regum capita me iubes super cœnam apponere. Athenæus, & Plut. in eius vita.

Idem.

Quum leuitate corporis, ac pedū celeritate polleret, patri hortanti vt in Olympiis stadium decurreret: Facerem, inquit, si reges habiturus essem

sem cōcertatores. Et hic agnoscas animum excelsum, nec cuiquam facile cessurum in certamine laudis & imperij. Nondum erat rex, & tamen non dignabatur nisi cū regibus committi. Plut. in apoph.

Idem.

Porus rex ab Alexandro deuictus, quum ab eo post pugnam rogaretur, dicente, Quomodo te tractabo? Regiè, ait. Rursus subiicienti Alexandro, Num quid etiam aliud? Omnia, inquit Porus, complectitur hoc verbum, Regiè. Alexander & prudentiā & fortitudinem viri admiratus, latiore ditione illi addidit ea quàm prius obrinuerat. Supplici, & ad pedes abiecto minus concessisset. Adeo diligebat animosus iuuenis impavidos animos. Q. Curtius aliquando secus narrat. Interrogatus Porus, quid ipse victorem statuere debere censeret? Quod hic, inquit, dies tibi suader, quo expertus es quàm esset caduca felicitas. Submonuit regem, vt modeste sua fortuna vteretur, memor ipsi posse accidere, quod acciderat Poru. Historiam recitat Plutarch. in apoph.

Meton.

Quum in concione Tarentini tractarent de bello suscipiendo, & de Pyrrho asciscendo, sumpta corona & face ardere, præcedente tibicine, veluti ebrius, venit in forum: atque, vt fit, aliis applaudentibus, aliis ridentibus, nonnullis etiam ad canendum hominem inuitantibus, processit in concionem, ac tanquam cantaturus astitit. Silente verò turba, dixit: Rectè facitis viri Tarentini, qui iocari ludereque dum licet, qui velint, perimititis. Atqui si sapitis, omnes hac ludendi libertate fruemini, priusquàm Pyrrhus adueniat. Nam tum non no-

stro, sed illius arbitrio viuendum erit. Plut. in Pyrrho.

Pyrrhus.

Pyrrhus rex, quum Athenas venisset, & ingressus arcem Palladis, rem diuinam fecisset: eodem die descendens ex arce, collaudauit quidem Atheniensium erga se fiduciam: cæterum admonuit, si scirent, ne post hac cuipiam regum portas aperirent. Significans, omnibus regibus natura inuisam populi libertatem. Erasmus libro 4. apophthegmat. ex Plutarch.

Hieron.

Hieron Sicilia tyrāno, cū quidam dixisset, potiore esse regum vitam, quàm priuatam, vtpote quæ singulis sese expleat voluptatibus, Hiero respondit, voluptates ipsas melius sentire in vita priuata. Nam vt de libidiosa voluptate prius dicitur, ostendit maiorem voluptatem, concipi à priuatis: si quando potiuntur amica, quia spontaneus sit atque mutuus amor, non coactus, quàm tyrannorum, qui coactus aut empro potiuntur amore. De voluptatibus ciborum ait, regibus nullam vnquam esse famem præ ferculorum multitudine, & ob id semper acidis vesci. In vita verò priuata semper subesse famem delectationemque. Addidit præterea multa incommoda, quæ regnantes circunueniunt, à quibus priuati sunt planè immunes. Xenophonem hac de re lege copiosius.

Antigonus.

Quodam dicente, omnia regibus honesta iustaque esse: Sunt per Iouem, inquit, barbarorum dumtaxat regibus, ac nobis ea dumtaxat honesta sunt, quæ honesta sunt, & ea tantum iusta, quæ iusta sūt. Grauius re-

tudit adulatricem vocem, volentis omnia licere regibus. Non enim rex est honesti iniusti que regula, sed honesti iusti que minister est. Atque utinam similes voces non audiant Christianorum aures: aut si audiant, simili seueritate reiciant. Quid enim aliud dicunt, qui occinunt: Quod principi placuit, legis vigorem habet: qui negant principem teneri legibus: qui tribuunt illi geminam potestatem, ordinatam & absolutam, quarum altera possit quod leges, pacta & fœdera postulant, altera quod cunque libuit? Eras. l. 4. apoph. ex Plutar. in apoph.

Idem.

Suprà de Imperio administrando.

Theopompus.

Infrà de Sapienter dictis.

Scipio minor.

Iam tertium à senatu emissus, ut gentium ciuitatum, ad regum inspector esset, postquam peruenit Alexandriam, nauique egressus, capite pallio tectus incederet, Alexandrini undique accurrentes, flagitabant ut caput nudaret, faciẽmque id desiderantibus ostenderet. Quum se nudasset, clamore & plausu testati sunt gaudium suum: quumque rex Alexandriæ vix interim ob delicias ac molliciem corporis æquaret Romanos incedentes. Scipio voce submissa Pannetio insusurravit in aurem: Iam, inquit, Alexandrini nonnihil ex nostra peregrinatione fructus caperunt, quibus per nos contigit videre regẽ ambulantem. Nam Athenæus ex autoritate Posidonij scribit, Ptolemæum perquam obeso corpore nunquam antea pedibus ambulasse. Plutarch. in apoph.

Saturninus.

Suprà de Imperio administrando.

Pylades.

Pylades histrio Augusti temporibus celebris. quum Hylas discipulus, quem ad æqualitatis contentionem prouexerat, in scena canticum quoddam saltaret, cuius clausula erat, *μὲν ἀγαμέμνονα*, id est, magnum illum Agamemnonem, ac sublimem veluti metiretur, è cauea proclamauit, *οὐ μακρόν, ἀ μὲν ποιεῖς*, id est tu longum facis, non magnum. Tunc populus efflagitauit, ut Pylades idem canticum saltaret iterum. Quumque ad locum venisset, quem reprehenderat, expressit Agamemnonem cogitabundum: nil magno duci iam conuenire ratus quàm pro omnibus cogitare. Ea res magnum ducem facit, non proceritatem corporis. Eras. l. 6. apoph.

Alexand. Seuerus.

Cum obiurgaretur à matre & uxore, quod contemptibiliorem relinqueret imperij potestatem, quàm ab antecessoribus suis acceperat: respondit, Sed securiorem & diuturniorem. Bruf. l. 3. c. 13. Simile est ei quod Theopompo attributum, paulo superà recensuimus.

Vide apoph. de Magistratu, Reipubl. gubernatione, Principe, &c.

De regnandi libidine.

Agis sen.

Cum legationem suscepisset, solus ad Philippum profectus est: Isybi admirans dixisset, Quid hoc, rei est? Vnus venisti, Agis. Quid ni inquit, ad vnum? Grauius taxauit aliorum principum ambitionem, qui sumptuosius ac splendidis legationibus exhauriunt ærarium, quum vnus vir cordatus possit totum hoc præstare quod Reipubl. interest. Eras. in apoph. *Cyrus.*

Cyrus iunior.

Cyro conficturo. cum hoste loco qui dicitur Cunax, Clearchus suafit, vt se post Macedones contineret, nec sese in belli discrimen coniecisset. Quid ais, inquit, Clearche? vidēsne vt quum regnum appetam, regno me indignum ostendam? Plut. in apoph.

Dionysius senior.

Quum in initio regni regia ipsius obsideretur, coniuratis in illum ciuibus: & amici authores essent, vt imperium deponeret, ni mallet captus interfici: ille conspiciens bouem à coquo mactatum illico, concidere, dixit: Quum mors, adeo brevis sit, an non absurdum sit, nos metu mortis talere regnum relinquere? Quanta regnandi libido pectus illius occuparat qui principatum morte benè emi putaret. Plut. in apoph.

Diogenes.

Suprà de belli studio.

Philippus.

Philippus Macedonum rex in palatra prolapsus, quò surgens in puluere vidisset corporis vestigium, Pappè, inquit, vt minimam terræ partem natura sortiti, orbem appetimus vniuersum? Vtinam hoc dictum inhæsisset animo filij, cuius ambitioni orbis fuit angustus. Eras. ex Plut.

Alexander.

Puer adhuc, cum parentis sui fortia facta intueretur, nequaquam tamen iis gaudebat: sed inexplebilis, ad pueros æquales dicere solebat: Pater nihil quicquā mihi relicturus est. Illis verò contradicentibus, Imò hæc omnia parat tibi vt hæredi: Quid tum postea, inquit? Ego interim nil habeo, quod agam. Quis non miraretur tantam regnandi cupiditatem puero inuisse, qui præter naturam eius ætatis, non fuit contentus impe-

rio patris sui? imò ab ipsis statim cunabulis animum in id intendit, vt multorum dominus solus esset. Plutar. in apoph.

Idem.

Suprà de Adulatione & assentatione.

Idem.

Suprà de Lectionis delectu.

Idem.

Quum audisset Anaxagoram disferentem innumerabiles esse mundos, illachrymasse dicitur. Rogantibus, num quid accidisset lachrymis dignum? An non videor, inquit, meritò flere, qui quum mundi sint innumera biles, nondum vnus dominus factus sum? Plut. in vita Alexandri.

Idem.

Miserat epistolam ad Antipatrum per quēdam nomine Athliam, quum que id temporis fortè adesset Diogenes, Cynico more dixit: Athlius ab Athlio per Athliam ad Athlium. Porro Athlius Græcè miserū sonat, multisque laboribus afflictum: vnde & athletes nomen. Sensit philosophus, principes ob ambitionem assiduis bellis tumultuantes, verè miseros esse: æquè autem miseros, qui illorum cupiditatibus inferuirent. Laert. li. 6. & Erasim.

Idem.

Alexandro Magno Corinthij per legatos ius suæ ciuitatis detulerunt. Hoc officij genus quum risisset Alexander, quidam è legatis: Nulli, inquit, ciuitatem vnquam donauimus, præterquam tibi & Herculi. Hoc audito lubens accepit oblatum honorem, quem illi commédabat, partim raritas, partim cum Hercule laudatissimo viro societas. Plut. in Alexan.

Idem.

Edictū vetuit, ne à quodam pin-

geretur, præterquam ab Apelle: aut à quoquam ere in sculperetur, præterquam à Lyfippo, artificibus illius ætatis præstantissimis, nam hoc quoque indicabat ad principis dignitatē pertinere. Cum Cherylo poeta pactus erat, ut pro vnoquoque bono versu Philippicum acciperet aureum, pro malo colaphum. Erasmus libro 4. apophth.

Demades.

Quum Athenienses vellent Alexandro diuinos honores decernere, Videre, inquit Demades, ne dum cœlum custoditis, terram amittatis. Alexander enim ambiebat monarchiā. Absurdum autem erat, eos sic alium donare cœlo, ut ipsi terra sua pelle rentur. Erasmus libro sexto apophtheg.

Cyneas.

Pyrrhum Epirotarum regem cum Italico bello imminere cerneret, fretus ingenij dexteritate posse Pyrrhum de sententia deduci. Nosti, ait, Pyrrhe, Romanos imperio potentes, animo corporeque pollere, multatque feras gentes domuisse. Si autem Diij fauerent nobis adeo, ut victoria potiremur, quid quaeso tibi ultra agendum putares? respondente Pyrrho, secum Romanis militibus in Siciliam tum traiecturum, tum Cyneas, His etiam deuictis, ait, quid ultra agatur? Aphricam traiciemus, inquit Pyrrhus. Cui Cyneas, Sed his demum partis, quibus rebus tempora nostra transigemus? Tum Pyrrhus: Latī vnā inter festos dies, ludōsque agemus. Cyneas autem: Quis prohibet, si ne tantis laboribus ac periculis, quin vel hac ipsa hora, cum tu magnus, atque opulentus rex sis, lætē simul viuamus? Argutē simul, sapienterque hominum inexplēbile cu-

piditatem ostendens, quæ incognita, eos ad infinita pericula deducit. Huic si Pyrrhus obtemperasset, neque in Italia vulnus accepisset, neque ab Argis postea oppressus vitā amississet. Si alij quoque, quos orbis terrarum habet principes ista quæ Cyneas sapienter Pyrrhum monebat, metiri vellent, ambitiosas curas magis frenarent, atque sibi, terrarūque orbī ad quietioris vitæ cursum rectius cōsulerent. Nunc prauos maiora habēdi impulsus sequentes, non modō id assequuntur: ut anxij semper viuant: verū etiam ut in grauissimas calamitates, atque in ipsam mortem siue vllius remedij spe, cum populorum perturbatione incurrant. Ex Plutar. in vita Pyrrhi.

Annibal.

Inter Scipionem Africanū & Annibalem ortus est sermo de præstantia ducum. Quūque Scipio rogasset, quem primum cēseret? respondit, Alexandrum Magnum, quem secundum? Pyrrhum Epirotarum regem, quem tertium? seipsum nominauit. At quid, inquit, Scipio, si me vicissēs? Tum, inquit, me neque secundum, neque tertium, sed omnium primum ceuisssem. Plut. in Annib.

Pompeius.

Phreati Parthorum regi per legatos postulati, ut Euphratem Romanę ditionis terminum esse vellet? Imo, inquit, illud magis postulandum, ut Romanorū fines à Parthorum regno iustitia dirimat. Significans, Romanis non esse præscribendum quousque debeant proferre imperium, à quo pagando non montes aut flumina debeant arcere: sed ibi demum fore fines Romanę ditionis, vbi ius non esset ulterius procedere. Plutarch. in apoph.

L. Sylla.

L. Sylla.

Quā cogitaret de occidendo Cæsare, amicis ne id faceret dehortantibus, indignum enim esse talem necare puerum: Desipitis, inquit, si in hoc puero non videtis multos inesse Marios. Deprehendit in eo ambitionem insatiabilem, ut qui vix dum pubescens sacerdotium ambierit. Idem populū Romanum subinde monere solebat: cauerent puerum malē præcinctum. *Eras.* in apoph.

Cæsius.

Suprà de Indole excelsa.

Cicero.

Pompeio ac Cæsare inter se dissidentibus, Cicero: Quem fugiam, inquit, scio: quem sequar, nescio. Sentiens, ambos non pro Reipublicæ liberrare, sed pro principatu dimicare. *Plutar.*

Iul. Cæsar.

Quum ex Gallia prouincia aduersus Pompei. in tenderet, Rubicone amne transiisso, dixit: Omnis iacta sit alea. significans, se de summa rerū velles periclitari. Is enim fluuius Gallia ab Italia dirimit. *Plutarchus* in apoph.

Idem.

Alexandri Magni res gestas legēs, non tenuit lacrymas, atque ad amicos: Hoc, inquit, ætatis qua nūc sum, Alexander deuicit Dariū: mihi verò ad hunc vsque diem nihil præclari facinoris gestum est. *Suetonius* tradit id accidisse, quum prætor iare dicundo conuectus obiens apud Gades in templo Herculis vidisset Alexandri Magni statuam. Vtinam hoc ingeniū ad moderati potius quàm ad maximi principis emulationem properasset. *Plut.* in apoph.

Idem.

Quum Africam petens, in egressu

navis prolapsus esset, omē sinistrum vertit in melius, dicens: Teneo te Africa, *Frontinus* id factum putat in consensu navis, eūque dixisse, Teneo te terra mater. Huc opinor alludens, quòd cum quodam somnio perturbatus, quòd sibi visus esset constuprare matrem, coniectores interpretati sunt, portendi totius orbis imperium. *Eras.* lib. 4. apophtheg ex *Plutarcho.*

Augustus Cæs.

Audiens, quòd Alexander natus annos triginta duos, postquam pleraque mundi regiones peragrarat, dubitasset quid in reliquum vitæ tempus esset facturus: demirabatur, si Alexander nō iudicasset maius opus, bene gubernare partem imperium, quàm amplam ditionem comparasse. Rectè notauit inexplebilem Alexandri ambitionem, qui nullam aliam functionem regi dignam exiitmasset, quàm proferre ditionis terminos: quum multo tum pulchrius tum difficilius sit regnum quod contigit, rectis legibus, sanctisque moribus exornare, quàm armis regno regnum addere. *Plutarchus* in *Rom. apophthegm.*

Agrippina.

Quum genethliaci Agrippinæ matri Neronis respondissent, imperatorum quidem filium, sed occisurum matrem, Occidat, inquit, modò imparet. Tam impotens erat in fœmina dominandi sitis: & habuit quod optauit. *Suet.*

Alex. Severus.

Senio iam confectus, cum vnam sibi præparasset, ut in ea mortuus sepeliretur, paulò antè quàm decederet e vita eandem ad se perferri iussit.

fit, manibúsque contrestauit: Tu, in-
quiens, virum capies, quem totus or-
bis terrarum capere nunquam po-
tuit. Dion Nicæus, & Xiphilinus in
eius vita,

Rodolphus Cas.

Interrogatus, Quí fieret, vt homi-
nes eas quas non didicerunt artes o-
mnes recusarent, imperij autem gu-
bernationem oblatam nemo? Non
mirum, inquit: stultos enim putant,
qui regnare nesciunt: stultum autem
nemo sese iudicat. Æneas de dictis
Friderici imp.

Alphonfus.

Aiebat, olim inter Iouem, Neptu-
num & Plutonium omnium rerum
partitionem trifariam esse factam, &
horum vnumquemque sua sorte con-
tentum esse, nec occupare aliena: at
inter homines, neminem sua portio-
ne contentum esse, nec vllam parti-
tionem esse stabilem, sed omnes
πλοῦς τε ἐν. Notabat autem ambitio-
nem principum, & regnandi nun-
quam satiendam libidinem, Quis e-
nim hodie regum & principum est,
qui sua sorte contentus, non cogitet,
quo iure quæue iniuria suis dirioni-
bus plura adiiciat? Panor. lib. de reb.
gest. Alphonfi.

De regno virtute parando.

Agess'aus.

QUum aliquando quidam percon-
tatus esset Agessilaum, quinam
essent fines Laconicæ ditionis: vibra-
ta lancea: Quousque, inquit, hæc va-
leat pertingere. Vox egregio duce di-
gna, qui bellum non nisi iustum su-
sciperet, imperiúmque virtute par-

tum virtute tueretur. Plutarchus in
apoph

Dionysius iunior.

Cuidam percontanti, quí factum
esset, vt cum pater ipsius tenui fortu-
na ac priuatus sibi Syracusanæ ciui-
tatis principatum parauerit, ipse re-
gis filius regnum hæreditate acceptu
amiserit? Quoniam, inquit, pater re-
rum potitus est, quum iam in odium
venisset popularis gubernatio: ego
quum inuidia laborare tyrannis prin-
cipatum suscepi. Plutarchus in apo-
phthegm.

Idem.

Amico, id ipsum percontanti, cõ-
pendio respondit: Pater, inquit, mihi
regnum suu relinquit, non fortunam.
Non omnia omnibus æquè feliciter
cedunt. Plut.

Philippus.

Vbi rescivit Alexandrum filium
conqueri, quod pater ex pluribus foe-
minis gigneret liberos, sic illum hor-
tatus est: Ergo quam plures habeas
regni cõpetitores, da operam vt ho-
nestus ac probus euadas, vt non per-
me, sed per te ipsum regnum obti-
nuisse videaris. Vir prudentia verè re-
gia præditus, non consolatus est si-
lium, sed metu illius auxit, quò ma-
gis extimularet ad virtutē. Iudicans,
illi non aliter sperandum paternum
regnum, nisi se successionē dignum
præberet: nec tam magnum esse re-
gnum adipisci, quàm regnum pro-
meruisse. Plut. in apoph.

Idem.

Suprà de Beneuolentia,

Agathocles

Figulo patre natus, quū Sicilia po-
titus esset, rexq; declaratus, solebat
in mensa, fætalia pocula iuxta aurea
ponere, eaque iuuenibus ostendens
dicere: Quum antea talia fecerim
(common-

commonstratis fictilibus (nunc per vigilantiam ac fortitudinem talia facio: commonstrans aurea. Non pudit pristinae fortunae: sed gloriosius existimauit regnum virtute partum, quam si hereditate obuenuisset. Nam regem nasci nihil magni est, at regno dignum se praestitisse maximum est. Plut. in regum apoph.

Pyrrhus

Quum à filiis etiamnum pueris interrogaretur, Cui nostrum relinqueres regnum? Quicumque, inquit, vestrum acutiorē habuerit ensē. Significans, se non aetati daturum principatus successionem, sed virtuti. Hoc stimulo liberos omnes ad certamen fortitudinis excitauit. Plutarch. in apoph.

De responso ab inexpectato.

Diogenes.

Percontanti, Quidnam vellet, ut colaphum acciperet? Galeam, inquit. Responsum ab inexpectato datum. Ille enim querebat quid mercedis peteret pro colapho. Laert. lib. 6. cap. 2.

Xenocrates.

De obscenitatis quibusdam rebus, à quodam percontatus, tacuit: verum cum vrgeretur responsum, De talibus, inquit, rebuste hominem vanum interrogare decet, me autem respondere nequaquam. Maximus ferm. 31.

Stratonicus.

Interrogatus, quod nauigiorum genus esset tutissimum, longorum, aut contrā? respondit, Ea quae subdita sunt. Significans, tum demum nauigantes in tuto esse, cum nauis in sic cum protracta fuerit. Athenæus.

Demonax.

Interrogatus, quidnam sentiret de conflictu duorum, quorum alter ineptè proponebat, alter absurdè respondebat? respondit, sibi videri, alterum inulgere hircum, alterum supponere cribrum. Plut. in apoph.

Archidamus.

Quidam cum Archidamum intempēstius rogasset, quot essent Spartanorum? Tot, inquit, sunt o hospes, qui malos sufficiat arcere, ut tuti sint ab omni hostium periculo. Plut. in apoph. & Bruf. lib. 3. cap. 16.

Anonymus.

* Sciscitatus ab importuno quodam & loquace viro, Quis esset Spartanorum omnium optimus? Qui tibi (respondit) minime similis est, Plut. in apoph. Lacon.

Pontidius.

Interrogatus, quid sentiret de eo qui fuerat in adulterio deprehensus? Tardus, inquit, mihi fuisse videtur. Ludens ab inexpectato: significansque, quod non fugisset in tempore. Erasim. 6. apoph.

Diogenes.

Suprà de Belli studio.

Mania.

Rex cum Lamiam meretridem parum sobriè amaret, eaque iam senex in conuiuio tibiis cecinisset: Demo, quae & mania dicta est, interrogata à Demetrio, Quid videretur Lamia? Aous, inquit, Aliud respondens, atque expectabat rex. Nam ille sciscitabatur, quam scitè videretur canere? Erasim. lib. 6. apoph. ex Plut.

Appius.

Quum in senatu ageretur de agris publicis, ac premeretur Lucilius ab his qui à pecore eius depasci publicos agros dicerent: Non est, inquit,

Tt

Lucilij pecus illud; erratis. Haftenus defendere videbatur, sed adiecit: Ego liberum puto, quā lubet pascitur. Locus est ab inexpectato. Expectabatur enim, ut probaret hoc pecus non esse Lucilij, sed alterius cuiuspiam, ac reum subleuaret. nūc irrisum grauat. Eras. lib. 6. apoph.

M. Scipio M. iugimensis.

Cū ex sua centuria renuntiaret Accidinum consulem, & præco dixisset, dic de L. Manlio: Ego, inquit Scipio, virum bonum, egregiumque ciuem esse arbitror. Præco expectabat suffragium pro Manlio: Scipio respondit, quasi de moribus interrogatus. Nescio an hic Accidinus, nomine & prænomine dictus sit L. Manlius, quumque Scipio postreimum nomen tantum expressisset, præco admonuit, & illa addenda. Hinc Scipio iocandi occasionem arripuit. Eras. lib. 6. apoph.

Fab. Maximus.

Salinator, cū Tarento amisso, arcem tamen retinisset, multaque ex ea præclara fecisset: cum aliquot post annos Maximus id oppidum cepisset, rogarēque eum Salinator, ut meminisset opera sua se Tarentum recepisse: Quid nī, inquit, meminero? Nunquam, ego recepissem, nisi tu perdidisses. Cic. lib. 2. de Oratore, & Plut.

Lepidus.

Suprà de Excusatione.

C. Julius Helio.

Mancipio sæpius obstrepenti sibi, dixit: Etiam ostendam qualis sis. & instanti, ut ostenderet qualis esset, Iulius digito demonstrabat Gallum in Mariano seuto Cimbrico depictum, labiis distortum, eiecta lingua, buccis fluentibus, cui mancipium tum simile est visus. Taberna

autem erat apud forum, ac scutum illud signi gratia positum. Ingens omnium risus consecutus est. Expectabant enim, ut aliquid in mores illius obiceret. Eras. lib. 6. apoph.

Domitius Afer.

In quendam patronū imperitum, sed splendido vestitu se veditantem, litigatoribus lepidè dixit: Homo in agendis causis bene vestitus. Ludit ab inexpectato. Nam auditor pro vestitus expectabat instructus, aut exercitatus. Ibid.

Vibius Crissus.

Suprà de Metu & timore.

Crassus.

Quum Silus testis læsisset Pisonem reum, cui Crassus aderat pro lato crimine, quod se in eum dictum audisse dicebat: Potest fieri, inquit Crassus, ut is vnde te audire dicis, iratus dixerit. Annuit Silus: Potest etiam, inquit, fieri, ut tu non rectè intellexeris. Quum id quoque toto capite annuisset Silus, ut se Crasso daret, subiecit Crassus: Potest etiam fieri, ut omnino quod audisse dicis, nunquam audieris. Hoc adeo præter expectationem, ut Silum testē omnium risus obrueret. Eras. Roterod. lib. 6. apoph.

Cicero.

Cū testis Sexti Annalis reum legisset: & instaret identidem accusator rei. Dic Marce Tulli, siquid potes de Sexto Annali: protinus recitare cepit versus ex sexto Ennii annalium libro:

*Qui potes ingentis causas euoluere belli,
&c.*

Scripsit enim Ennius annales: & accusator vocabatur Sextus Annalis, Eras. lib. 4. apoph.

Cesellius.

Consultori dicenti, Nauim diuidere

dere volo: Perdes, inquit. Ille de pretio nauis mercibusque consulebat, hic aliud respondit. Nam ipsam diuidere nauim, est nauim perdere. Macrobius ita refert: Si diuidis, nec tu nec focus habebitis. Erat autem duorum negotiatorum communis nauis. *Erasm.*

Apollonius.

Nero cum in Gymnicis decertasset, rogatus à Tigillino Apollonius, Quid de Nerone sentiret? Melius, inquit, sentio quam vos. Cantare enim vos illum dignum putatis, ego autem tacere. *Bruf. lib. 3. cap. 13.*

De regno virtute stabiliendo.

Themistocles.

Facilitate morum multos ciues sibi conciliabat, vt hinc popularē potentiam adipisceretur. Itaque cui-dam ipsum admonenti, Bene principatum gerēs Athenis, si cunctis communis esse velis, & mansuetus: respondit, Nunquam ei sellae infederim, unde nihil plus à me ferrent amici, quam alieni. *Plut.*

Theopompus.

Suprà de Principe bono, ac eius in regni administratione officio.

Darius.

Quum tributum indixisset, subditis, accersitos prouinciarum praefectos percontatus est, cum aliis de rebus, tum de tributis, essentne grauias: quum illi respondissent, esse mediocria, iussit vt singuli dimidium exigèrent. Quod praefectis moderatum videbatur, regis æquitati visum est dimidio plus satis. Maluit enim suos beneficiis sibi conciliare, quam exarmatos subigere. Huius facti autem gra-

tia in eo sita est, quod duplum imperauit triburi quod destinarat accipere. Si dimidium imperasset, nec quicquam remisisset, latuisset benignitas: media parte autem demissa, effecit vt omnes sentirent beneficium. *Plut. in apoph.*

Apollonius.

Rogatus à Babyloniarum rege, Quo modo tutò regnare posset? Si multos, inquit, honoraueris, paucis verò credideris. Indicare autem voluit tutò regnare volentibus, duo obseruanda & praestanda esse: primum vt beneficiis multos sibi concilient: deinde, ne facile delatoribus obrectatoribus ac assentatoribus credant. *Philost.*

Antigonus.

Quum omnes admirarentur Antigoni regem, quod quum initio regni durior fuisset, senex factus, elementer ac placide regnum gubernaret. Prius, inquit, opus erat regno, nūc gloria & beneuolentia. Sentiens, regnum armis & austeritate frequenter parari, sed non nisi honesta opinione, ciuiumque beneuolentia retineri. *Plut. in apoph.*

Idem.

Amicis suadentibus, vt si Athenas caperet, validis illam praesidiis communiret, ne quando deficeret, summamque cura vt totius Graeciae basim custodiret, respondit: Se semper in hac fuisse sententia, vt crederet, nullum esse regni praesidium firminus, quam ciuium beneuolentiam. *Eras. lib. 4. apoph.*

Philippus.

Quum subactis Graecis, quidam ipsi authores essent, vt ciuitates praesidiis contineret, ne deficeret. Malo, inquit, diu bonus & comodus, quam breui tempore dominus appellari.

Tt ij

Sentiens, regnum quod beneficiis ac benevolentia teneretur, esse perpetuum: quod vi metūque, non esse diurnum. Plut. in Regum apophth.

Cicero.

Suprà de Clementia.

Ludovicus XII. Gall. rex.

* Gloriabatur cum sollicitum suspicionibus regnum, suspensum metu, perturbatum novis consiliis Carolus VIII. tradidisset, id se Frâncisco Valesio tranquillum relicturum. *Annal. Franciæ.* Pacem verò & felicitatem: prudentiam item & regias alias virtutes Dei est Regibus & cunctis aliis hominibus dare & relinquere.

De religione seruata.

Diogenes.

QUum in phano cœnaret, ei que panes sordidi essent apposti, abiicit illos è phano: dicens: In te nihil oportero ingredi sordidum. Laert. lib. 6.

Lycurgus.

Percontanti, cur instituisset ut minutis ac vilibus rebus sacrificaretur? Ne vnquam, inquit Lycurgus, deficiat nos quo numen honoremus. Quis non diceret, in solenni deorum cultu magnificentiam ac splendorem adhibendum? At vir prudens intellexit, numen magis delectari frugalitate, quàm optimis victimis, ne sub religionis obtentu luxus irreperet, aut certè rerum penuria. Deus enim non eger nostris impendiis: amat autem homines, quorum necessitati poterat illis impendiis succurri. Plut. in Lacon.

Demonax.

Cum apud Athenienses audisset, præfatione solenni à sacris submoue-

ri barbaros, rogabat, quam ob rem id facerent? cum ea sacra tradidisset i-
psis Eumolpus, natione Thrax, nimirum Barbarus. *Erat. lib. 8. apoph.*

Agésilas.

Athenienses ac Boeotios apud Coroneam cum suis sociis iter eius impedire conatos, graui prælio vicit, ei victoriæ per se magnificæ multum laudis apposuit, religionis exemplo. Multi è prælio confugerant ad templum Mineræ, de his rogatus, quid vellet fieri Agésilas? vetuit illos violari, cum in eo prælio vulnera aliquot accepisset: videreturque vehementer iratus omnibus, qui tum arma aduersus ipsum tulerant: tamen plus ad illum valuit religio, quàm ira. Neque hoc solum in Græcia fecit, ut templa deorum haberet sancta: verum etiam apud barbaros summa religione simulachra arâtque consecrauit, quasi in hæc nullum esset ius belli. Itaque præclare solitus est dicere, se vehementer admirari, eos non haberi sacrilegorum numero, qui læderent ipsos supplices, ac per deos obtestantes: nec grauiores sumi pœnas. de his qui religionem minuerent, quàm qui templa spoliarent. Rectè iudicans, diis esse chariorem hominum salutem, quàm multa templorum ornamenta. *Æmylius Probus, & Bruson. libro quinto cap. 26.*

Alexander.

Consulto oraculo monitus est, ut eum qui sibi portam egresso, primus occurrisset, interfici iuberet. occurrat agaso, iussus est arripi. Roganti, quo commeruisset? responsum est, ita iussisse Deum. Si ita est, inquit, ô res alius designatus est ab oraculo, nã alius tibi prior occurrat. Agaso enim sequitur alium, ut impellat alioqui non

non secuturum. Alexander delectatus hoc commento asinum pro homine occidit. Eras. lib. 6. apoph.

Idem.

Idem inter sacrificandum cum utraque manu thura ad euaporandum assumpsisset, à Leonida ob id reprehensus est. Dicebat enim Leonidas: Cum ferentibus aromata terris imperaueris, copiose tunc thura adolebis, nunc uero utere parcus. Victa autem Saba, Alexander Leonidæ scripsit, Ad te thus, myrrhāque abunde transmissimus, ut cum deis pareus esse definas. Plut.

Antiochus.

Cum urbem obsideret Hierosolyman, Iudæis ad maximum illud festum celebrandum septem dies petentibus, non solum eos concessit, verum etiam tauros auratis cornibus adornatos, magnamque thymiamatum & aromatum vim usque ad portas urbis cum pompa solenni deduci iussit: traditæque illorum sacerdotibus hostia, ipse in castra rediit. Iudæi uero regis benignitatem admirati, protinus à festo peracto, in fidem illius sese dederunt. Plut. in apoph.

Valerius Publicola.

Valerio Publicolæ Iouis ædem dicanti, iamque ex more postem tenenti, Marcus illius frater derepentē funestum nuntium ingessit, dicens: O consul, filius tuus morbo periit in castris. Ob eum nuntium mœstis omnibus, Publicola nihil commotus: Cadauer, inquit, quò liber abiicite simulque dedicationem solenni ritu peregit. Nec tamē verum erat, perisse filium: sed data opera factum est, ut à dedicatione reuocaretur, atque is honor ad alium transiret. Quanquā Liuius libro ab Urbe condita secundo, hoc aliquanto diuersius narret.

De religione neglecta.

Demonax.

Cum ob id accusatus esset, quòd Mineræ nūquam sacrificasset: Nunquam, respondit, putavi meis sacrificiis opus fuisse. Erasmus lib. 8. apoph.

Augustus Cæs.

Suprà de Adulatoribus non admitendis.

Vide apoph. de Sacrilegio.

De reprehensione.

Demothenes.

* **C**vidam sciscitanti, quo tandem modo aliquis sibi præceptor fieri posset? respondit, si quæ in aliis reprehendit, in se maxime reprehendat. Anton. & Maxim. sermo. de admonitione.

Eusebius philos.

* Hostis, inquit, vera dicens, amico ad gratiam simulanti omnino proponendus est. Anton. & Maxim. sermo. de libertate reprehendendi.

Idem.

* Propter quæ alios (inquit, magistratum alloquens) alios, ut mala, reprehendis, ea tūmet facere caue. Sto. sermo. 44.

Vide apoph. de libertate loquendi, oratione, &c.

De Republica.

Thales.

* **O**primam esse pronuntiavit Remp. quæ ciues neque prædiuites nec admodum pauperes contineret. Plut. in cōuuiuo septē sapientum.

Tt iij

Solon.

* Reipublicæ, inquit, is optimus status mihi esse videtur, & Democra-
tiam in ea servari maximè, in qua ini-
uriarum auctorem ad ius trahunt, ac
citant, & puniunt: non minus illi qui
iniuriam passi non sunt, quàm is qui
passus est. Ibidem.

Bias.

* Dixit optimam esse Rempublicam in qua legem omnes perinde ac ipsum dominum & regem metuunt. Ibid.

Periander.

* Eam iudicant laudatissimam esse Rempublicam in qua cum reliqua æqualia existimentur, virtute quod melius, vitio autem quod deterius est, definiatur. Ibid.

Cleobulus.

* Illam Rempubl. maximè dixit bene compositam esse, vbi ciues magis infamiam quàm legem metuunt. Ibid.

Pittacus.

* Ea est, inquit, Respublica bene instituta, à cuius gubernaculis mali remouentur. Ibid.

Chilon.

* Optimam asseruit esse Rempublicam, quæ maximè leges, minimè autem rhetores audit. Ibid.

Solon.

* Illam ciuitatem optimè habitari dixit, in qua viros bonos honoribus affici, contrà autem, improbos pœnis mos fuerit, Stob. ser. 41. de Republ.

Pythagoras.

* Dicebat primum luxuriam ciuitates ingredi, deinde saturitatem, postea contumeliam, postremò exitium. Eod. serm.

Socrates.

* Interrogatus, quænam munitif-

YCOSTHENTIS
fima ciuitas effet? respondit, quæ bo-
nos viros habet. Idem, felicem illius
Reipublicæ constitutionem esse di-
xit, in qua præfæti societate coniun-
guntur. Pronuntiavit item optimam
eam esse, in qua plurima virtuti præ-
mia proposita sunt. Eod. serm.

Plato.

Plato.
* *Respublica, inquit, est hominum
conuersatio: honesta quidem bono-
rum, inhonesta verò malorum. In
Menexemo.*

Zeno.

Zeno.

* Decorandas dicebat esse Res-
pub. non preciosis ornamentis, sed
inhabitantium virtutibus. Stob. serm.
41.

Solon.

Solon.
* Rogatus, quomodo civitas in
optimo statu degeret, dixit: si ci-
ues quidem magistratui obediant,
magistratus autem legibus. Eodem
serm.

De repulſa.

Pædareius.

Padareus.
Cum in trecentorum virorum
 ordinem non esset scriptus, qui
 honos apud Spartanos primam di-
 gnitatem obtrinebat, repulsus disces-
 sit hilaris ac ridens: reuocantibus au-
 tem Ephoris, quidque rideret per-
 contentantibus? Gratulor, inquit, huic
 Reipub. quæ trecentos habeat ciues
 multo me meliores. Quid hoc pe-
 ctore magis philosophicū? Nec mo-
 lestè tui repulsam, nec questus est
 de Ephorum iudicio: sed plus vo-
 luptatis capiebat ex publico Reipu-
 blicæ bono, quam sensurus erat ex
 honore impetrato. Plutarchus in La-
 conicis apophthegmat. Valerius Ma-
 ximus

imus libro 6. capite 4.

Themistocles.

Athenienses cum Themistoclem aliquando publice infamia notassent, rursūq; deinde ad imperium gerendum reuocarent: Non, inquit, laudo eos homines, qui eodem vase pro matula, & ad infundendum vinum vtuntur. *Ælianus libr. 13. de Variâ histor.*

C. Marius.

C. Marius obscuro genere natus, facinorum militarium commendatione ad Rempubl. accessit. Ac primum maiorem petiit ædilitatem. Vbi sensit ea spe frustrari sese, eodem die minorem ambiit: & hac frustratus, haud tamen desperauit, se Romæ ciuitatis primum fore: docens, quantum in rebus humanis valeat audacia. *Plur. in Rom. apoph.*

C. Figulus.

Infra de Vltione & Vindicta.

Tacitus. Imper.

Fratri petierat consulatum, nec impetrauit, ea repulsa adeò non fuit offensus, vt vehementer etiam lætatus sit: dicens, Scit senatus, quem principem fecerit. *Vopiscus.*

De responso duro & absurdo.

Bias.

Cum patriam suam obsidione liberasset, rex Alliattes intellexit ea viri prudentia, proutinus eum ad se accersit. At is respodit, *ἐγὼ ἀλλὰ τὴν κορυβὴν κροῖμα καὶ ἰδιὸν*: id est, Ego Alliatten iubeo cepas edere: quod perinde est ac si dixisset, iubeo illum plorare: extremum regis contemptum professus. *Laert. lib. 1.*

Diogenes.

Cum à Platone philosopho paulum vini petiisset, ipse autem lagenā vino planā misisset, Cynicus hunc in modū gratias egit: Cum interrogaris, quot sint duo & duo, respondes, sunt viginti: & ita nec secundum ea quæ rogaris das, nec ad ea quæ interrogatus fueris, respondes. *Laer. li. 6. cap. 2.*

Domitius Afer.

Dispensatori, qui cum ad reliqua non responderet, dicebat subinde, Pannem non comedi, & aquam bibo: Passes, inquit, & redde quod debes. Non agebatur quid edisset, aut bibisset, sed quid deberet. Permisit igitur, vt se quomodo vellet pasceret, modò solueret quod debebat. *Eras. lib. 6. apoph.*

De responso repentino.

C. Popilius.

Suprà de Animose dictis.

De reuerentia.

Musonius.

Dicebat, eum apud omnes maxima verecundia dignum iudicari, qui seipsum primò, & deinde alios reuereri didicisset. *Stob. serm. 29. de Verecundia.*

Demetrius phal.

Honestos adolescentes domi parentes reuereri debere dicebat: in via autem, omnes, vt quisque se obtulerit: in solitudine autem, seipso: *Stobæus.*

Huc refer apoph. de filiorum pietate in parentes, discipulorum in præceptores, de Senectutis reuerentia, & de Verecundia,

Tt iij

De Rhetorica, & Rhetoribus.

Diogenes.

IN caupona prandens, Demosthenē fortē praterēuntem inuitauit, vt accederet id cū ille pudore recusaret, Erubescis, inquit, Demosthenes, cauponam ingredi? Atqui hīc herus tuus quotidie versatur. Inuit autē, Rhetores nihil aliud esse quā populimāncipia: necesse esse par, vt illic pudeat seruū populi videri, vbi populus assiduē viuere. Eras. lib. 8. apoph.

Demosthenes.

Interrogatus, quid pręstare posses professoribus suis Rhetorica? Ho mini, inquit, perditō, pręsentem potest ferre opem. Stob.

Isocrates.

Sciscitatus quid esset Rhetorica? Ex paruis, inquit, facere magna, ex magnis parua. Est enim hęc nonnulla Rhetorices pars: amplificare & extenuare, quā de re diligenter pręcepit Fabius. Sed pręstigiū genus est, quod respōdit Isocrates. Quin illud potius artis est, quę magna sunt, ita tractare, vt auditori quoque magna videantur, & contrā. Eras. l. 8. apoph.

Anonymus.

Cuidam iactāti de arte Rhetorica: At per Geminos, inquit, Lacon, ars nisi verum attingerit, nec est, nec vquam erit. Notauit Rhetores, qui se profitentur verisimilia dicere, licet vera non sint. Plut. in Lacon.

Vide apoph. de Oratoribus.

De risu.

Diogenes.

DIcente quodam, Hi te risu prosequuntur. At ego, inquit, mi-

nime ridiculus sum. Bruson. libro 5. cap. 27.

Ayson.

Mortales odio infectatus, in solitudine sese abdiderat, deprehēsus autem à Lacone quodam ridens, rogatus ab illo, cur solus rideret? vrbane ad mores suos respiciens: Ob hoc ipsum, ait, rideo. Bruson. libro 5. capit. 27.

Plato.

* In risum nimium profusos dam-nabat. Nam effusum risum, inquit, vehemens mutatio sequitur. libro 3. de Repub.

Epicetus.

* Risus, inquit, neque multus sit, neque ob multa, neque solutus. In enchiridio.

Dion philos.

* Risus continuus, & intentus est deterior (inquit) iracundiā. Ideirco maximē viget in scortis & pueris stolidioribus. Mihi sanē facies magis ornari videtur lachrymis, quā risu. Lachrymis enim vt plurimum bona aliqua doctrina coniungitur: risui verò lasciuia. Et flendo quidem nemo sibi concitauit autorem cōtumelię, ridendo autem spem dedecoris auxit. Stob. ser. 72.

Philemon.

Ficus Philemoni paratas, in conspectu eius positas, asellus comederat, puer inclamatus vt asinum abigeret, serō venit. Itaque consumptis omnibus: Quoniam, inquit, tardus fuisti, da nunc merum asello. Interim risus obortus hominem senem pręfocauit. Erasmus libro 6. apoph. Verū alij hoc Chrysippo ascribunt.

Plistarchus.

Causidico quodam ridicula semper

per dicenti : Non cessabis, ait, à ridiculis continuè dicendis, ne ridiculus fias: vt qui assidue luctantur, luctatores. *Brusl. l. 5. cap. 27 ex Plut.*

Cato Vticensis.

Cicero consul, quum L. Murænam à Catone accusatum defenderet, variis modis Stoicos (quorum sectator erat Cato) philosophosque illudens, multum risum iudicibus iniecit. Et ipse quoque Cato subridens: *Dij boni*, ait, quàm ridiculum habemus consulem. *Bruson. libro 5. cap. 27. ex Plutarch.*

De robore corporis.

Diogenes.

CRates Thebanus cum nudatus in certamine, ob corporis deformitatem, derideretur. De oculis, inquit, ô Crates, reliquòque corpore bono animo esto. Nā istos qui nunc te derident, mox conspiciēs morbo contrahi: omnibusque viribus destitui. Significauit, formā nihil omnino facere ad victoriam: sed robur, & laborum tolerantiam, qua cæteros antecedebat. *Laërt. lib. 6. cap. 5.*

Isocrates.

* Dicebat, robur prudentiæ iunctum conducere, sine ipsa verò plus lædere possidētes. Idē robur corpora quidem exercentium se ornare, animi verò studia obtenebrare. *Stob. serm. 51.*

Archidamus.

* Quum vidisset filium suum nimis temerè contrā Athenienses pugnantē, Aut vires tibi augendæ sunt, dixit: aut minuenda audacia, *Plut. in apoph. Lacon.*

Aratus.

* Laudante quopiam virum despe-

ratum & audacem, ac idcirco & in bellis eximium? deferre dixit magni facere virtutem, & vitam nihili facere. *Plutar.*

Eusebius philos.

* Animi præsentiam in periculis cum ratione coniunctam, laudato, inquit: impetum verò ad ea sine ratione, audaciam vocato, & odoris *Stob. ser. 51.*

Anonyma.

Anus quædam videns Iouianū Romanorum imperatorem, corporis proceritate atque mole excellētem, sed mente captum: O crassam atque pinguem stultitiam, proclamasse fertur. *Niceph. lib. 19. ca. vlt.*

Anonymus.

Ex plebe præterea quidam in Hipodromo dicacitate eundem Iouianum perstrinxit, & risum ingentem omnibus mouit. Inanem enim & frigidam proceritatem esse dixit. *Ibid.*

Maximus.

Maximinus exercebat lucta milites suos, multos ad terram prosterrens. Itaque cunctis inuidentibus, tribunus quidam vasti corporis, noteq; virtutis, atque ob hoc ferocior, dixit: Quid magni facis, si tribunus tuos milites vincis? Tum Maximinus: Vósne congregiamur? Quum prodisset, palma pectori impacta supinum reiecit, continuòque dixit: Date alium, sed tribunum. *Claudianus.*

De rubore.

Theophrastus.

Adolescentem erubescētē conspicatus: Confide, inquit, talis enim virtus habet colorem. Antiochus in *Melis. part. 2. serm. 71.* Sed Maximus

hoc Catoni ad verbū ascribit, ferm.
40 Alij ad Diogenē quoq; referunt.

Pythias.

Aristorelis filia, quum à quodam interrogaretur, quis colorū omniū esset præstantissimus? Is, inquit, quem in ingenuis gignit pudor. Est autem rubor pudoris & verecundię signum in homine certissimum. *Erasin. lib. 8. apoph.*

M. Cato.

Sibi magis placere iuvenes dicebat, qui rubescerent, quā qui pallescerent: quod rubor arguat probam indolem, pallor autē non item. *Plut. in apoph.*

Vid. apoph. de Pudore, & Verecundia.



DE SACRIFICIIS.

Socrates



SACRIFICIA volebat quam minimis impendiis constare: Quod dii, ut non egent rebus hominum, ita magis spectant affectus immolantiū, quā diuitias. Alioqui cū improbitissimi quique maximē abundēt diuitiis, actum esset de rebus humanis, si maiorum potius quā bonorum victimis delectarentur. Eoque versum hunc magnopere probare cōsuevit. *καὶ δὲ ὡς αὖτε οἱ θεοὶ οὐκ ἐν ἰσὶ ἀδυνατοῖσι θεοῖσι.* Hoc dictum & ad nos Christianos pertinet, qui immodicis impendiis ornatus templa, peragimus sacra & parentalia: gratius facturi Deo, si quod ultra frugalem mundiciam superest, fratribus egenis erogaremus. Eandem frugalitatem adhibendam docuit in excipiedis hospitibus, eodērens versiculo *καὶ δὲ ὡς αὖτε οἱ θεοὶ οὐκ ἐν ἰσὶ ἀδυνατοῖσι θεοῖσι.*

Deu, &c. Erasim. lib. 3. apophthegm. Gelo.

Debellatis apud Himeram Carthaginensibus, in pacis fœdere compulit illos & his acceptis conditionibus subscribere, ne posthac filios suos Saturno immolarent. Solebat enim ea gens infantes suos æneæ Saturni statuę cauē, & intus incensæ, in sinum ponere, qui velut in Dei complexu enecabantur. Id Saturno gratū putarent, effecit fabula, quæ narrat illi omnes vxoris filios deuorare solitum. Nam & Iouem deuoraturus erat, nisi pro puero saxum supposuisset. *Plut. in apoph.*

De sacrilegio.

Diogenes

CEernens quendam malē audientem, quasi monumētra spoliaret, Homericarum compellauit,

--- πῆτι οὐδ' ἄρ' ἔστις ὁμῖνος

ἢ πῶς σὺ λῆσας ἔκ' αὖν κατὰ θεοὺς νεώτερον,

Id est,

Quid tu huc venisti, vir præstantissimè nūm fors

Ut spoliēs aliquem horum quos mors occupat atra?

Laert. lib. 6.

Agessilaus.

Præclarè dicere solitus est, se vehementer admirari, eos non haberi in sacrilegorum numero, qui læderent eos qui diis supplicarent, vel deos venereretur. Quo innuit viro prudentissimus, eos non tantum sacrilegos esse, qui deos ipsos aut templorum ornatum spoliarent: sed eos maximē, qui deorum ministros & præcones contumeliis afficiunt. *Æmil. Probus.*

Dionysius senior.

Sacrilegia sua solebat facietis dicti obtegere. Locis Proserpinæ templum

templum spoliarat, mox quum clas-
sis illius secundo vento nauigaret:
Videris inquit, quàm prospera nauig-
atio à diis immortalibus detur sa-
crilegis. Ex hoc colligens, aut non es-
se deos, aut illis non esse molesta sa-
crilegia. Iustin. lib. 21. Val. Max. libro
1. cap. 2.

Idem.

Epidauro Æsculapio barbam au-
ream detraxit: quòd negaret decorũ.
patrẽ Apollinem imberbem, ipsum
verò barbatus conspicitur. Æscula-
pius fingitur Apollinis filius, Apolli-
nem autem semper imberbem facit
theologia poetica. Æsculapium bar-
batũ. Significans, in medico requiri
multarum rerum vsum. Valer. Max.
libr. 1. cap. 2.

Idem.

Ioui Olympio detraxit magni pon-
deris aureum amiculum, quòd eum
Hieron è manubiis Carthaginensium
ornauerat: pròque detracto aureo la-
neum illi pallium iniecit, ita cauil-
lans: Aureum amiculum æstate gra-
ue est, hyeme frigidum: Laneum ad
vtrumque anni tempus accommoda-
tius est. Valer. Max. ibid.

Idem.

Mensas aureas atque æreas diis di-
caras è phanis sustulit. Has inscri-
ptio ex more Græcorum testabatur
esse bonorum deorum, ne quis manũ
admoliretur. At illi cauillatus est, se
deorum bonitate vti. Nam boni dij
dicuntur, quòd omnibus benefician-
t. Ibidem.

Idem.

Idem victorias aureas, pateras &
coronas, quæ simulachra porrectis
manibus sustinebant, velut offeren-
tia tollebat, dicens, se oblata accipe-
re, non eripere: addens, per absurdũ
esse, quibus quotidie bona flagita-

mus, ab his vltro porrigentibus nol-
le accipere. Ibidem.

Ludovicus XI Gall. rex.

* Quum Iulius pontifex sacrilegi-
eum insimularet: atqui, inquit, abfur-
dissimum est, vt qui donaria diuũ
ipse manibus gerit, alios sacrilegi
arguat. Anna. Franciæ.

De sagittandi peritia.

Diogenes.

A Nimaduertens quendam impe-
ritẽ iaculantem, proximẽ sco-
pum confedit: cur id faceret, interro-
gantibus: Ne fortẽ, inquit, me feriat.
Significans, illum quiduis percussu-
rum citius, quàm scopum. At alij spe-
ctatores quàm possunt longissimẽ se
se à scopo se mouent, ne feriantur.
Laërt. lib. 6.

Cambyses.

Suprà de Castigatione iniquo ani-
mo lata.

De falsè dictis.

Thales.

Thales Milesius, cuidam inter-
rogati, vtrum fuisset prius, nox
an dies? respondit, Nox vno die fuit
prior. Si enim nox vno die præcessit
diẽ, dies igitur fuit ante noctem: nox
quippe finis est diei. Laërtius libro 1.
cap. 1.

Bias.

Impio cuidam sciscitanti, quid-
nam esset pietas? nihil respondit, Ro-
ganti autem, cur fileret? Quoniam,
inquit, interrogas de rebus tibi ni-
mium difficilibus. Laërtius libro 1.
cap. 6.

Bion.

Damnabat homines, qui sic exure-

rent quasi sensu vacarent, sic adurent quasi sentirent. Ob id, ni fallor, quod in bellis exurantur omnia. Rursus si leuiter attingantur ab igni, offendentur. Id enim appellat adurere. Ibid. lib. 4. cap. 7.

Antisthenes.

Dicere solebat Athenienses, quod essent Autochthones, hoc est indigenæ, eo quod non aliunde eò commigrassent, nec vnquam solum mutassent: dicens, hoc laudis illis esse cum testudinibus & cochleis commune. Nam hæc quoque animantia nunquam domicilium mutant, in quo nascuntur. Laërt. l. 6. c. 1.

Zeno Citieus.

Seruus in furto deprehensus virgis emendari iussit, verum cum is se excusare niteretur, dicens, sibi in fatis esse ut furaretur: Si igitur, inquit philosophus, etiam in fatis, ut delicti des poenas. Laërt. l. 7.

Anacharsis.

Infrà de Spectaculis.

Diogenes.

Percontanti, quam ob rem aliis mendicis liberaliter darèt homines, philosophis autem non item? Quoniam, inquit sperant citius futurum, ut claudi cæcive fiant, & mendicare cogantur, quàm ut philosophi, de sapientia plurimum disputantes. Laërt. lib. 6.

Idem.

Interrogatus à quodā, quare mancipia fugitiua dicerentur, *αὐτοπάροδα*: Quoniam, inquit, pedes habent virorum, animum autem, qualem tu nunc habes, qui me hac de re interrogare audes. Laërt. l. 6.

Idem.

Citharædum quendam, qui quoties fidibus luderet ab auditoribus deserebatur, obuuium ita salutauit:

Salve galle. Cum illè offensus salutationis nouitate, diceret: Quid ita? Quoniam, inquit, cantu tuo excitas omnes. Salsissimè autem iocum captauit ex ambiguitate verbi. Græcis enim *αὐγέλπην* dicitur, is qui dormientem è somno excitat, quod galli galinacei malè canentes facere solent: & qui sedentem monet, ut surgens abeat. Laërt. l. 6.

Idem.

Percontanti, quo pacto Dionysius amicos suos tractaret? Ut vitres, inquit: plenos enim suspendit, inanes autem abiicit. Notauit autem falsissimè Dionysij crudelitatem, non in ignotos tantum, sed amicissimos etiā. Diuites enim interficiebat: negligebat pauperes. Laërt.

Idem.

Adolescentes quidam cum in foro circumstarent Diogenem, canem hominem appellātes, ac fugientes: Diogenes interrogabat, curnam aufugerent? qui cum dixissent, Ideo fugam adornamus, ne mordeas nos canis: Nequaquam, inquit Diogenes, vos mordeo quandoquidem canis non edit berulam. Salsè autem notauit eorum molliciem, à quibus canis erat vocatus. Laërt.

Idem.

Lyfias interrogabat Diogenē Cynicum num crederet etiā esse deos? Cui Diogenes: Qui conuenit, inquit, ut non credam, cum persuasum habeam te diis inuisum esse? Salsè notauit hominis impietatem à quo ipse falsò impius iudicabatur. Laërt.

Aristoteles.

Crebrò Athenienses reprehendebat, quod eum duas res, frumenta & leges inuenissent: frumētis quidē vtebantur, legibus autē nequaquam. Aluduit autem philosophus ad Triptolemaum

lemum Atheniensem cuius ministerio Ceres vsa est in ferendis legibus, ac tritico ferendo Laer. l. 5. c. 1.

Socrates.

Acrius quendā in conuentu aliorū obiurgāti, Plato dixit: An non melius fuisset, si domi vel priuatim homini hæc dixisses? Cui Socrates falsè respondens, ait: Cur non tu quoque clā hæc mihi dixisti? Laer. l. 2.

Idem.

Euripides quum Socrati obtulisset librum ab Heraclito scriptum, vt legeret, post aliquot dies sollicitauit hominem, vt ferret de lecto libro suum iudicium. Socrates igitur: Per Iouem (inquit) quæ intellexi, satis mihi præclara videntur: qualia & ea esse puto, quæ non intellexi. Salsè autem notauit hominem nimis obscure de rebus scribentem. Laer. l. 2.

Xenophanes.

Audiens Empedoclem dicentem, Sapientem inueniri non posse: Merito, inquit, Oportet enim eum sapientem esse, qui sapientem agnoscere velit. Laer. l. 9.

Nicetus sophista.

Cuidam in iudicio grauiter irascēti, ac dicenti, Desine toties latrare in me, admodum falsè respondit: Faciā quidem, si tu desinas mordere me. Vtrumque enim est canum. Ex Philostrati sophisticis.

Polemon.

Timocrati philosopho apud Polemonem sophistam dicenti, Phauorinum esse multorum verborum hominem: Et omnis, inquit, anus. Notās falsissimè in Phauorino corporis habitum, erat enim castratus. Ex Philostrato.

Agésilas.

Agésilas quum in quadam causa esset iudex, ac is qui accuſabat, rectè

dixisset, patronus autem malè: subinde tamen inter dicendum repeteret, Agésilae, decet regē defendere leges quasi bonam haberet causam, & leges essent contra aduersarium: Si quis, inquit, Agéſilaus, tibi domum perfoderit, aut vestem surripuerit, num expectaturus esses architectum, aut sartorem, vt ferret tibi auxilium? Plut. in Lacon.

Antalcidas.

Idem quum assidue dimicaret cōtra Thebanos, ac in conflictu quodā vulneratus esset, Antalcidas, Præclara, inquit, doctrinæ tuæ præmia recepisti à Thebanis, ô Agésilae, ab iis enim grauiter vulneratus est quos bellicas artes docuerat. Plut. in Lacon, apoph.

Agésilas.

Quodam laudante Rhetorem hoc nomine, quòd mirificè res exiguas amplificaret: Agésilas, inquit, Ego ne sutorē quidem arbitrōr bonum, qui paruo pedi maguos inducat calceos. Plut. in Lacon.

Agis.

Sophista quidam cum ad Agidem seniore dixeret, orationem esse rerum omnium præstantissimam, videlicet artem quam profitebatur adeo extollens: Ergo, inquit Agis, tu cum nihil dicis, nullius omnino es pretij: Sentiens, pulchrius esse magnificas, & cum virtute coniunctas res gerere, quàm egregiè de his rebus loqui posse. Plut. in Lacon.

Idem.

Præteriens Corinthiorum moenia excelsa & munita: Quæ sunt, inquit, mulieres quæ hîc habitant? Existima uir autem viros non esse qui potius munitione, quàm animi viribus freti, patriam defendere cupiunt. Plut. in Lacon.

Agessipolis.

Suprà de Clementia.

Pausanias Cleombroti F.

Ad quendam adhortantem, vt cū hostibus terra marique belli fortunam tentaret: Vis tu igitur, inquit, depositis vestimentis te ipsum ostendere qualis sis, qui ad bellum suscipiendum alios stimulas? Salsè autem notauit hominem, alios ad fortitudinē stimulantem, eū ipse esset omnium effeminatissimus. Ibid.

Pausanias Plistonactis F.

Cuidam roganti, cur Tegeæ exulans, tantopere laudaret Lacedæmonios, à quibus vrbe eiectus esset? Quoniam, inquit, medici frequentius laudant ægros, quàm sanos. Ibidem.

Antalcidas.

Atheniensis quidam cū gloriaretur apud Antalcidam, quòd Lacedæmonios sæpius à Cephiso fugassent: sed nos, inquit Antalcidas Spartanus, vos nunquam ab Eurota submouimus. Notauit autem Athenienses Antalcidas, qui nunquam ausi essent accedere ad Eurotam Spartę fluuium. cū Lacedæmonij sæpenumero vsque ad Cephisum flumen essent progressi Plut. in Lacon.

Idem.

Cū sophista quispiam laudaret librum apud Antalcidam, miro artificio conscriptū, interrogatus quòdnam argumentum libri esset? respondit encomium esse Herculis. Tum Antalcidas: Quis quæso, inquit, Herculem vnquam vituperauit? superuacaneum existimans, tam doctè scribere iis de rebus, quæ omnibus sint notissimæ. Ibidem.

Demonax.

Admeto poëtę satis imperito epigramma iactanti, quod testamento mandasset suæ addēdum statuae: car-

men autem erat huiusmodi, Corpus humo tegitur, Admetus ad astra volauit: Demonax respondit, adeò sibi placere carmen, vt magno emptum euperet, si iam nunc esset ascriptum. Testè optans illi mortem, qui vita indignus videbatur. Erasmus libr. 8. apoph.

Anaxandridas.

Suprà de Laude, virtutis stimulo.

Anonymus.

Atheniensis quidam conspecta tabula, quæ picturam continebat, quomodo Lacedæmonij trucidarētur ab Atheniensibus, gloriabatur. At Lacon, Bene quidem, inquit, sed in tabula. Significans ridiculum esse de pictura gloriari, quum pictores non minus quàm poëtæ mentiantur, & quælibet audendi semper his fuerit æqua potestas. Plutarchus in Laconicis.

Alius.

Lacon quidam in bellum profectus, pro insigni in clypeo militari habebat mulcā, eāque non vera maiorem, quibusdam igitur irridentibus, & interrogantibus, cur animalculum in clypeo haberet, quòd conspici nequaquam posset? Ideo, vt ego magis, inquit, conspicuus sim, quàm clypeus: nihilominus tamen tam propè hostem accedo, vt cuiusmodi sit insigne, satis videri possit. Ibidem.

Alius.

Quum Alcibiadi Atheniensi balnearior plurimum administraret aquæ: Lacon id videns, Quid hoc rei est? inquit, plus aquæ infundit, quasi non puro, sed sordido. Plutarch. in Lacon. apoph.

Alexander.

Quum quidam ex numero amicorum qui summe beneuoli videbantur,

tur, ei diceret: Ciuitate subiectas maiora posse pendere tributa, respondit Olitorem odi, qui radicatus euellit olera. Max. ferm. 13.

Stilpon.

Cum abductis omnium ciuium serui Stilponi diceret, Ciuitatem vestram liberam vobis relinquo: Rectè, inquit Stilpon: nullum enim in ciuitate seruum relinquis. Plutar. in vita. Demetrii.

Scipio Afr.

Cum castigaret militem, quod in pugna non fuisset: ille verò diceret, se custodiæ causa in castris mansisse, Non amo, inquit Africanus, milites nimis diligentes. Erasmi. libro 6. apophtheg.

Cicero.

Metello percontanti quis esset Ciceronis pater? Ad istam, inquit, percontationem vt respondere sit difficilium, mater effecit tua. Notauit autem falsissimè Metelli matrem, quæ parum pudica fuisse dicitur. Retorsit autem culpam omnem à patre in matrè. tum enim incertus est pater, quando mater cum multis viris haberet cõsuetudinem parum honestam. Plut. in apoph.

T. Quintius Flaminius.

In Philopœmenè Achæorum ducem, qui multos quidem habebat equites ac pedites armatos, sed opes nullas, ita ludebat: Philopœmen manus quidem habet & crura, ventrem aurem non habet. Appellabat autem duces belli, manus ac pedes: sed quoniam nõ haberet vnde tot aleret milites, negabat illum habere ventrem. Vel alludit ad pecunias, quæ bellorũ nerui sunt. Plutarchus in Roman. apophthegm.

Diogenes.

*Cum quidam ei diceret, Isti de-

rident te. Ego enim verò, inquit, non derideor. Illos derideri solos existimans quos obstupescerent & terrent ista. Plut. de ira. Cuidam dicenti, Multi te derident, ô Diogenes: Et illos, inquit, fortassis asini. Altero subiciente, sed illi non curant asinos. Nihil magis, inquit, ego ipsos. Asinis irrisionem tribuit, quod subinde nudatis dentibus irrisionis speciem præbeant. Quin & deridentes quempiam homines, mota ab aure manu imitantur asininas aurículas. Etsi igitur videtur asinus motis auriculis irridere homines nemo tamen offenditur. Laër. l. 6.

Antigonus.

*Vno de eius amicorum grege, Aristodemus, qui patre cõquo prognatus dicebatur, consulente ei, vt impensas & dona præcideret: Oratio tua, inquit, Aristodeme, olet ius. Plut. in apoph.

Cleomenes.

*Cuidam eum probris laceissent dixit, Ideòne tu omnes probris exagitas, vt non suppetat nobis innocentiam nostram tuentibus oriũ de tuis vitiis verba faciendi? Plut. in apoph.

Epaminondas.

*Callistrato Atheniensi qui Thebanis & Argiis exprobrabat Oedipodis parricidium patris, & Orestis genetricis: Atqui hos respondit parricidas nos exterminauimus, vos recepistis. Plut. in apoph.

M. Cato.

Suprà de Legatione.

Mancias.

Quum audisset Antonium censorum, cui malè volebat, à M. Duronio de ambitu postulatam: Aliquando, inquit, tibi tuum negocium agere licebit. Censores in aliorum mores inquirunt: at qui reus est, habet ex se

quod agat. *Erasm. lib. 6. apoph.*

Cicero.

Quum ad Pompeium venisset, ac iam venisse poeniteret, percontatus vbinam locorū reliquisset generum? Apud tuum, inquit, focerum: Cæsare notans, qui cum proprio focero bellum parum iustum gereret. *Plutar. in Rom. apoph.*

Porcius Latro.

Audiens Maximillum Rhetorem perorantem, & dicentem, Oportere eum qui per spinosum orationis locum ambularet, suspensos habere pedes: Non mehercule, inquit, tui pedes spinas calcant, sed habent. *Eras. lib. 8. apoph.*

C. Cæsar.

Audiens hominem gloriantem ob bellicam fortitudinem, ostendentemque vulnus facie exceptum, ait: Caue vir bone, ne posthac fugiens resperxeris. Notauit autem hominis arrogantiam, qui vulnere ostenso, suam probaret fortitudinem, cum vulnus fortasse fugam adornaus accepisset: sed respiciens, an ab hostibus insequeretur. Simile quiddā Macrobius adscribit Cæsari Augusto: sed *Quint. C. Cæsari.*

Idem.

Cum testis ad exaggerandam iniuriā diceret, fœmora sua à reo ferro petita: Quid enim faceret, inquit, quum tu galeam & lorica haberes? Non ignorabat, cur illam partem potissimū vulnerare voluisset: sed hoc dissimulato, falsè iocari maluit. Galea & lorica omnia tegit, præter fœmora. *Plutar.*

Crassus.

* Crassus censor murenę extinctę lacrymauit. Qui cum ei diceret Domitius collega, An non tu murenā mortuam luxisti? occurrit: Nōne tu,

qui tres extulisti vxores, nullam lacrymam effudisti? *Plutar. De Animateum comparat.*

Demosthenes.

* Ille qui fur habebatur, cum irrideret ipsius lucubrationes, Nō ignoro, inquit, Lucernam meam tibi esse molestam. Et Demadi clamanti, Demosthenes me corrigere vult, Sus Mineruam: atqui hæc Minerua dixit, nuper in adulterio est deprehensa. *Plut. in præcept. politicis.*

Augustus Cæs.

Tyriā purpuram empturus, de obsecrante querebatur, quumque veditor diceret, Erige altius, & suspice: Egone, inquit Cæsar, vt me populus Rom. dicat bene cultū, in solario ambulaturus sum? *Plut. in Rom. apoph.*

Iulia Augusti F.

Licentiori quàm par erat vestitu ædes paternas ingressa, cum parentē grauiter offendisset, postero die mutato vestitu, iterū Augustū salutauit: quam vbi vidisset, ait: Quanto probabilior est hic cultus, tam honestus, in filia Augusti? Cui respōdit: Hodie me parentis, heri verò mariti mei ornaui oculis. *Macrobi. l. 2. c. 6. Saturn.*

Flauius.

Occiso Nerone imperatore, cum decretum esset, vt Piso quoque interficeretur, & mox imperiū deferretur. Senecę Flauius dicere solebat. Ad decus nihil referre, si citharæ dus dimoueretur, & tragædus succederet. Nero enim cithara ludere solebat, Piso tragico incedebat ornatu. *Suet.*

Cassius Senevus.

Cuidā obicienti, quòd Proculus ei domo interdixisset: Nunquid, inquit, ego illuc accedo? Elusit obiectionē. Nā in ius vocari solēt. qui contra prætoris interdictū adeunt locū: non is qui patet interdicto. Simul inueniens,

nuens, se nequaquam teneri domus illius desidero. Eras. lib. 6. apoph.

Anonymus.

Suprà de Imprudentia.

Afer orator.

Egerat causam auerfus libertum Claudij Cæsaris. Quidam ex aduerso conditionis eiusdem cuius erat litigator, cui aduersabatur Afer, exclamauit: Itane tu semper in libertos Cæsaris dicis? videlicet illi metum iniicere cupiens, ex nomine Cæsaris. subiicit Afer, Nec me hercule quicquam proficio. Notans illum, post alios libertos existere, contra quem dicere cogeretur, Eras. lib. 6. apoph.

Nicephorus Phocas imper.

* Is ob auaritiam & socordiam Reipublice malè consulens frumenti & annonæ caritatem in prouinciis inuexerat. Cùm aliquando ad milites exercendos in campum progressus cano cuidam qui inter milites se adscribi petebat, diceret. Ecquid homo prouectæ ætatis in militiam allegi peteret? falsè respondit, Multo nunc validior sum quàm adolescens fui. Olim vno aureo emto frumento duos onerabam asinos: te autem imperante, quantum duobus aureis emitur frumenti, haud grauati humeris porto. Imperator dictorium sentiens, abiit: nihil perturbatus. Cedrenus.

Rodolphus imp.

* Cùm corpus haberet procerum & faciem regiam, naso aquilino magno, in decliui semita obuium habuit dicaculum, qui principis facit clementiam norat. Is ex angustia semita regi cedere à satellitibus crebro iussus, Principis, clamat nasus viam implet vt præterire ne-

queam. Subridens Rodolphus, flexo in alterum latus naso, Progredere fili. inquit: namque nasum digitis meis amoui ne te impediat. Cuspinianus.

Sfortia.

Quum insidiis armisque Pauli Vrsini exterritus excessisset vrbe Roma, & in Algido castra posuisset: ad eum Cardinalis à Pontifice missus, vt fidem interponeret, ac in urbem reduceret: An Sfortia Vrsum timebis, ait Cardinalis, cùm sis sub Columna tutissimus? Cui Sfortia, An non insanus tibi videor, si dum frustra à furdo marmore opem implo-ro, bellua ingens, dente & vnguibus ferox, ac humano sæpe gressu incedens, mihi minime sit formidanda? Non illepidè, remota & parum expedita Columniorum auxilia designans: & Pauli Vrsini ingenium, præsentèsque vires aptissimè depingens. Paulus Iouius de rebus Sfortiæ, capite 81.

Ludouicus XII. Gall. rex.

* Aulicis, quibus studiis adolescentiam suam traduxissent, ex condito narrantibus. Antonio Viuonio quodam dicente se pelle vituli contentum, in aucupium, quo aues falleret, descendere solitum: Tu verò, ait, haud omnino adhuc vitulinam pellem exuisse videris. notans in eo ignauiam & stultitiam. Nam galli væcordes & stultos vituli nomine designare solent. Annal. Franc.

Carolus V. imp.

* In Anglia cùm nobilissimum iuuenem, sententia Cardinalis Eboracensis, qui iudiciis præerat, damnatum interfici audiret: Indignum est, inquit, à Cane lanij tam pulchram damam deuorari. Nam Cardi-

nalis ille qui lanienam hominum per multos annos in Anglia exercuit lanij filius erat. Chytræus, orat. de Carolo quinto.

De saltatione.

Lesbonax

Histriones ac gesticulatores appellare solebat *χερσοποις*, quod manibus saperent, non lingua. Erat enim saltationis genus: quo graues etiam historiae citra vocem vel recitantis vel tibicinis, solo corporis gestu sic repræsentabantur, ut spectatores propè plus intelligerent ex saltatione, quàm si quis recitasset Erasmi. lib. 8. apoph.

Demetrius Cynicus.

Damnabat artem saltatoriam, velut inutilem gesticulationem ad tibie modos. Cui gesticulator quidam non imperitus, cupiens artis suæ vindicare gloriam, iussit ut submotis tibicinibus spectaret ipsum saltantem. Assensus est Demetrius. Ille saltauit Homericam fabulam, adulterium Veneris ac Martis, ambos Vulcani vinculis irretitos adamantinis, ac sole prodente, diis cæteris exhibitos, Venerem erubescen-tem, varias deorum astantium affectus, Mercurium optantem talia vincula, Martem damnatum ut penderet mœchagria, ac præterea quicquid ad eam fabulam pertinet. Ibi Cynicus artem admiratus, dixit: Audio homo quæ facis, non video tantum, sed mihi manibus ipsis loqui videris. In huius artis laudem scripsit Lucianus. Plato non probat, & tamen apud Christianos saltatur ineptius. Cœlius Rhodiginus lib. 5. cap. 3. Eras. lib. 8. apoph.

Hegeſianax.

* Apud Antiochum regem, non amici solum regis pyrrichiam saltabant in cœnis, sed ipse etiam rex. Quum verò ad Hegeſianactem historicum ordo choreæ peruēisset, assurgens dixit, Nunquid, ô rex, me malè saltantem mauis aspicere, an potius mea quædam scripta bene pronuntiantem audire? Qui cum dicere ius esset, ita regi placuit, ut inter eius amicos & familiares cooptaretur. Athen. lib. 4.

Dionysius.

Quum Dionysius in conuiuio iussisset ut singuli in veste purpurea saltarent: purpura verò tum regum erat gestamen, nunc tutoribus etiam communis: id Plato facere recusauit his trimetris è fabula quapiam.

*ἢν αἱ ἐνταῖπλον θῆται ἐν δ' ὀνειρόντων,
ἀπὸ πῶς αἱ περικρατὲς, ὅπως ἰὲ ἀπὸ πῶς.*

id est,

*Multæ ego hæc quaquam indom-
quem stola*

Vir natus ipse, ex virili germine.

Aristippus verò non recusauit, sed indutus purpura saltaturus, hos versus recitauit ex tempore,

ἢ γὰρ ἐν βακχίδιον

ὁ νῦν ὁ δ' αἰσχροῦ καὶ διαφθορῶντος. id est,

Nam in Liberi patris sacro

Mens quæ pudica est, nesciret corrumpi.

Laertius lib. 2. cap. 8.

Clisthenes.

Quum nobilem filiam haberet, per præconem edici iubebat in Olympiis, qui se dignum esse Clisthenis generum putasset, ad sexagesimum diem ad Sicyonem veniret. Qui quum multi proci conuenissent, ex omnibus videbatur magis idoneus Hip-

Hippoclidēs Atheniensis, Tisandri filius: sed cū suprà mensam Laconicos Atticōsque modos ad tybias saltasset, cruribūque ac brachijs modulatus esset, stomachatus Clithestes: Tisandri (inquit) fili, desaltasti matrimonium. Bruto. lib. 3.

Albertus imperat.

Dicere solebat, venationem esse exercitationem virilem, saltationem autem muliebre. Notauit autem mollitiem quorundam principum, qui quum se Hercule fortiores esse iactitent, & Hannibalis scientiam militarem sibiipsis ascribant, maiorem tamen vitæ partem, Sardanapalum imitantes, in conuersatione nobilium matronarum virginūque aulicarū inueniuntur ludentes, molliterque saltantes. Æneas Syl. lib. 4. Commēt. in res gestas Alph. regis.

Fridericus imperator.

Eum sæpenumero dicere solitum accepimus: Malle se febris teneri, quàm saltationi operam dare. Æneas Syl. lib. 1. Comment. de rebus gestis Alphonsi.

Alphonsus.

Gallōs potissimum leues esse dicebat, qui quo magis ætate prouecti essent, eo magis saltationis infania se oblectarent. Antonius Panormit. lib. 1. de rebus gestis Alphonsi, & Æneas Syluius de eius dictis.

Idem.

Cū fortē mulierem quandam impudentius saltantem aspexisset: Expectate, inquit, mox Sibylla edet oraculum. Sentiens, saltationem infantiæ genus esse. Sibylla enim vates non edebat oraculum, nisi furore correpta. Panor. lib. 2.

Idem.

Audiens, Scipionem saltatione animum relaxasse, Saltatorem ab in-

fano nihil differre dixit, nisi quod hic dām salrat ille autem dum vinit, infanus est. Panormit. lib. 1. de rebus gestis Alphonsi.

Idem.

Cū argueretur, quod cū à saltatione tantopere ipse abhorreret in aduentu tamen Friderici imperatoris tertij, cum ipso imperatore & Leonora Augusta saltitare palam visus esset, respondit, Eum quidem qui luxuriæ causa salter, stultum & infanum meritò esse: sed si honoris aliquis gratia fieret, reprehensionem aliqua ex parte effugere, quandoquidem cum magnis viris insanire aliquando decorum videtur. Panorm. lib. 2. de rebus gestis Alphonsi.

De sanitate, & bona valetudine.

Pythagoras.

Dicere solebat, tria à diis præcipue petenda: formam, diuitias & bonam valetudinem, eò quod homo cætera sibi præstare posset Quāquam videretur non tam ad animi sanitatem, quàm ad corporis, referri possit. Eras. Rot. lib. 8. apoph.

Idem.

* Ad sanitatem corporis tria necessaria esse dicebat, videlicet, ne famem, ne sitim, ne frigus patiatur. Stobæus.

Thales.

Interrogatus olim, quisnam felix esset? respondit, Qui corpore sanus est, animo autem eruditus. Lactius lib. 1. cap. 1.

Crates.

Suprà, de Deo dona sua inæqualiter distribuyente.

Socrates.

*Monebat, ut cauerent sibi homines à cibis, qui non esurientes ad edendum; & à potibus, qui non sitientes ad bibendum alliciunt. Stob. ser. 99. de sanitate, &c.

Gorgias.

*Interrogatus, quoniam usus genere victus in tantam senectutem esset progressus? Nihil vnquam voluptatis gratia se aut comedisse aut fecisse dixit. Eod. serm.

Hippocrates.

*Querenti consilium de sanitate tuenda respondit, *Σηρία, μόρα, σωφροσύνη, μέτρον, πάντα μέτρα.* i. Cibi, potus, somni, Venus, omnia modera sint. Eod. serm.

Alcmeon.

*Asserebat continentem sanitatis causam in æqualitate facultatum inesse, nempe humidi, sicci, calidi, avari, dulcis, & reliquorum. Vna autem ex ipsis præpollente, morbum fieri. Stobæus ibid.

Plutarchus.

*Optimè dictum est, inquit, non satiari cibo, non refugere laborem, feminis substantiam conseruare, hæc tria saluberrima esse, &c. In præceptis de sanitate.

Diogenes.

Stomachabatur in eos, qui pro bona valetudine sacrificarent, & in ipso sacro epulis immodicis semet ingurgitantes, faceret bonæ valetudinis iacturam. Laert. lib. 6.

Idem.

Dicebat se mirari seruos, qui quæ viderent dominos plus æquo voraces non illis eriperet cibos. Nam hoc esset dominorum valetudini consu-

lere; & seruis magis conuenit edacitas. Laert. lib. 6.

Democritus.

Dicere solebat, homines precari quidem à Deo valetudinem, cuius tamen vim in semetipsis nesciant. Dū enim inordinate viuunt, suæ ipsi valetudinis sunt proditores. Maximus serm. 27.

De sapientia.

Pythagoras.

Diligenter hoc perpèdendum esse dicebat, Quòd cū homines omnes maximum esse bonum in sapientia situm asserant, perpaucitamen interim ad possessionem eius annitantur. Stobæus sermon. de prudentia.

Archytas Pythagorem.

* Appello, inquit, Sapientiam cognitionem numinis rerūque diuinarum, ac prudentiam humanarum rerum & eorum quæ vitam spectant. Stob. ser. i. de virtute.

Thales.

Hominem ex sermonis serie iudicandum putauit sapientem, cū dicere solitus sit: Multa verba nequaquam arguunt sapientem. Sapiens enim non nisi quum res postulat loquitur, & perpaucis ad interrogata responderet. Eras. lib. 6. apoph. ex Laertij lib. i.

Solon.

* Sapientiam aiebat tantum cæteris virtutibus ante stare, quantum visus reliquos sensus excellit. Anton. serm. de sapientia.

Bias.

*Eos qui inani sapientiæ vacant, similes esse noctuæ oculis dicebat. Huius enim oculi noctu quidē valēt: sole

sole autem splendente cæcutiunt. Et illorum mens acutissima quidem est in vanitate contemplanda; ad veri autem luminis obiectum mortem obsecratur. Stob. ser. 3.

Diogenes.

Dicebat, faciles esse Deos ad donandam hominibus vitam: cæterum hanc ignorari ab his, qui quærunt vñ guenta & delicias. his enim qui fruuntur, credunt se viuere: quum veram vitam, tranquillam & suauem præstet sapientia. Laert. lib. 6.

Idem.

Sapienti nihil deesse colligebat hoc syllogismo: Deorum omnia sunt. deorum autem amici sunt sapientes & amicorum cõmunia sunt omnia, sapientum igitur sunt omnia. Sed eodem syllogismo reiici poterat, petens aliquid: Cur petis habens omnia? At respondisset, Non peto, sed repeto. Laert. lib. 6.

Antisthenes.

Antisthenes Atheniensis negabat sapientem viuere iuxta leges ab hominibus conditas, sed iuxta normam virtutis. Sapiens enim non ideo declinat à malo, quod legibus prohibitum sit: sed quod ipsa ratio dissuadet hoc agendum esse. Laert. lib. 6.

Xenophanes.

Empedocle dicente, sapientem inueniri non posse. Et meritò, inquit, nam sapientem esse oportet qui agnoscat sapientem, notans illum qui hoc dicebat, suo vitio non inuenire sapientem. Laert. lib. 9. cap. 1. Auto. in Melis. parte 1. ser. 90.

Perictione Pythagorea.

* Geometria, inquit, & Arithmetica, reliquæque in speculatione sita & scientiæ sunt, & circa entia versantur. At sapientia circa omnia genera entium. Etenim occupata

est sapientia circa omnia quæ sunt: cœvis visus circa omnia visibilia, & auditus circa omnia audibilia. Stob. ser. de virtute.

Aristarchus.

Infrà de Sophista.

Aristoteles.

Dicebat, sapientem sibi sufficere, eo quod omnia quæ sunt aliorum, sunt, & huius qui cum omnibus habet amicitiam, & amicitia facit omnia communia. Laert. lib. 6.

Idem.

Dicere solebat, tria ad parandam sapientiam potissimùm necessaria, naturam, doctrinam, & exercitationem, Inuita Minerua frustra laboratur, rectè dicitur à doctis, exercitatio consummat eruditionem. Laert. lib. 5.

Alexander.

In Callisthenem nequaquam sese accommodantem aulæ regiæ moribus, sed & dictis & gestu præ se ferentem nihil sibi placere pronuntiauit hunc versiculum:

Μισῶ σοφιστῶν, ὅτις ἐν αὐτῷ σοφός.

Id est,

Sapientem ego odi, qui sibi sapit nihil.

Idem.

Videns Diogenem in dolio decumbentem: O vas, ait, sapientia referunt, At philosophus assurgens: Regum, inquit, omnium maxime, vñam abs te fortunæ guttam expeto, vt vel dolium hoc (quod vocas) sapientiæ, illæsum mihi permaneat, sine quo parum feliciter cum sapientia agitur. Stob.

Dionysius.

Dionysius dicere solebat, se à sapientibus amicis sibi cauere, quando certum haberet ex his esse neminem, qui non imperare mallet, quàm seruire. Erasinus libro 5. apophth.

Cicero.

Lusit in quendam, qui quum prius habitus esset stultissimus, post adeptam hæreditatem primus rogabatur sententiam: Cuius, inquit, hærediras, quam vocant sapientiam. In versu, pro facultas, mutauit hæreditas. Apud poetam enim versus sic habet: Cuius facultas, quam vocant sapientiam. Significauit autem, hæreditatem illi pro sapientia contigisse, & ob hæreditatem iam habitum sapientem. Eras.lib.4.apoph.

Seneca.

* Sapientiam describens dicebat, esse idem velle atque nolle: perfectum item bonum mentis humanæ: à rerum natura non aberrare, & ad illius legem exemplumque formari. In epistolis, & libro de vita beata.

Alphonsus.

Ab Alphonso Aragonum rege cum quidam sciscitaretur, quomodo in tot diuitis pauper effici posset: respondit, Si sapientia venditaretur. Quo dicto ostendere voluit, se pluri sapientiam rerumque cognitionem facere quam diuitias & regnum. Panor. in præmio libr.3.de rebus gestis Alphonsi.

Idem.

Idem sapientiam Dei filiam appellare solitus est, eamque solam rerum omnium esse immortalem, atque ex omni genere animantium soli homini concessam. Pan.in proœmio .lib.3 de reb.gest.Alphonsi.

De sapienter dictis.

Solon.

IAm annis grandior, suspectum habere cœpit Pisistratum, tyrannidis

affectedatæ nomine. Cum autem progrediretur in concionem Athenienium, & postulare præsidium a populo, videns Athenienses negligentiores, & parum attentas aures sermonibus suis præbere, Pisistrato verò animum adesse, dixisse fertur: Eū aliis callidiore, aliis fortiozem esse. Callidiorem quidem is, qui non intelligerent ipsum tyrannide positurum, quàm primum corporis latellitium accepisset: fortiozem autem is qui tametsi intelligerent, tamen subitescerent. Ælian.li.8.de Var.hist.

Idem.

Neminem, dum adhuc viueret, beatum dici debere arbitrabatur: quod ad vltimum vsque fati diem accipiti fortuna subiecti essemus. Felicitatis igitur humanę appellationem rogus consummat, qui se incurso malorum obiicit. Plut.in Solone, & Val. Max.lib.7.cap.2.

Idem.

Dicere solebat, Si in vnum locum cuncti mala sua contulissent, futurum vt proprium portare damnum, quàm ex omni miseriarum aceruo portionem suam ferre malent. Quo ostendere voluit, non oportere nos, quæ fortuito patimur præcipuæ & intolerabilis amaritudinis iudicare. Valer.Max.

Chilon.

Sapientissimè dixisse putatur, cum monuit hominum bonitatem ita auro probari, quemadmodum aurum Lydio lapide. Ostendit enim permultos, qui aliis vitiis restiterint, spum desiderio multoties à virtutis tramite deduci. Et qui aduersus opum improbitatem constans fuerit, cum facile de cæteris vitiis victoriam reportaturum. Fulgos. libro 12. capite 2.

Thales.

Thales.

Sciscitatus, quo pacto optimè iustissimèque quis viuere posset? Si inquit, quæ in aliis reprehendit, ea ne faciat ipse. Laer. l. i. c. i.

Aristippus.

Suprà de Animi bonis ac cultu.

Socrates.

Interrogatus quomodo nominis immortalitatem honestissimamque apud homines famam parare quis posset? Si talis, inquit, esse studeat, qualis haberi cupit. Valerius Maxim. lib. 7. cap. 2.

Diogenes.

Diogenes interrogatus, Quo quis modo sibi ipsi præceptor foret? respondit: Si de quibus alios reprehendit, se ipsum in primis increpet. Sto. fer. de prudentia.

Id. m.

Musicos, dicere solebat, se admirari, quod cum tantum operæ conuenientiæ vocum impenderent, ut mores prauos, penitusque à ratione discordes ad rectam viuendi normam redigerent, negligere penitus viderentur. Laer. lib. 6. Fulgosius libr. 7. cap. 2.

Aristoteles.

Subinde dicebat, nequaquam decere ut quis se laudet, vel etiam vituperet. Quod illud videlicet sit hominis vani & inanis, alterum verò stulti. Laer. lib. 5. cap. i.

Athenodorus.

Suprà de Deo & omnipotente & vidente omnia.

Pericles.

Dicebat, non oportere in vrbe nutrire leonem: si autem iam sit alitus, obsequi ei conuenire. Sapientissimè admonens, ut præcipuè nobilitatis & concitatis ingenij iuuenes refrenentur: nimio verò fauore & profusa in-

dulgentia pasti, quo minus potentiam obtineant, ne impediuntur. Quod stultum & inutile sit eas detrectare vires, quas ipse foueris. Est autem de Alcibiade hoc dictum apud Aristophanem, qui in comœdia Periclem hæc vaticinantem introducit. Recitatur etiam apud Val. Max. lib. 7. cap. 2.

Demades.

Suprà de Regnandi libidine.

Agesilaus.

Suprà de Continentia.

Idem.

Mirabantur quidam Agesilaum paucis admodum contentum esse, ad quos Agesilaus: Pro hac mea continentia, inquit, optimam mihi messem, libertatem scilicet, paro. Sapienter admonens nullam esse voluptatem ingenuis hominibus iucundiores. Plut. in Lacon.

Idem.

Interrogatus, qua ratione potissimum quis assequi posset, ut apud homines honestam haberet famam? Si loquatur, inquit, quæ sunt optima, & faciat quæ sunt honestissima. Plut. in Lacon.

Idem.

Sciscitatus, cur Spartanorum ciuitas non cingeretur mœnibus? respondit, Vrbes non saxis aut lignis, sed in colentium viribus seruari. Plutar. in Lacon.

Pausanias Cleombroti F.

Quibusdam in spoliis barbarorum demirantibus pretiosas vestes: Præstiterat, inquit, illos ipsos esse multi pretij, quibus datum est ut tam pretiosa possideant. Plutarchus in Lacon.

Leonidas.

Interroganti cui fortes viri gloriosam mortem in gloriæ vitæ antepo-

nant: Quoniam, inquit, alteram naturæ proprium alterum peculiariter suum esse ducunt. Plut. in Lacon.

Anaxandridas.

Suprà de Innocentia.

Charilaus.

Infrà de Virtute.

Antalcidas.

Suprà de Comitæte.

Polydorus.

Suprà, de Eo quod à subditis amari melius sit quàm merui.

Theopompos.

Vxori conquerenti quòd regnum humilius ac minus esset filius traditurus, quàm acceperat. Sed, inquit, maius, quò diuturnius. Quæ moderata sunt, diu durant. Plutarch. in Lycurgo.

Idem.

Theopompo Lacedæmoniorum regi cùm quidam dixisset, tum saluam Lacedæmoniorum Rempublicam fore, si reges imperare rectè didicissent; respondit, Imò, si populi obedire. Sentiens, Reipubl. salutem non minus in subditorum obedientia quàm imperantis studio & industria consistere. Fulgofus libro 7. cap. 2.

Dionysius sen.

Cùm filium reprehenderet, quòd Syracusani cuiusdā cuius vxori vim intulisset, atque inter alia quæreret, An vnquam audiuiſſet à se rem similem factam fuisse? Filius ex tempore respondit: Id accidit, quòd nunquam patrem regem habuisti. Ad quem pater: Ne tu quidem fili, nisi hæc facere desieris, filium vnquam habebis qui regnum obtineat. Cuius verbum res ipsa verum ostendit: nam cùm Dionysio seniori filius successisset, haud multò pòst ob prauam vitam Syracusanus pulsus fuit, Fulgof. li.

bro septimo, capite secundo.

Pyrrhus.

Cùm vouisset Palladi. in Athenienses liberè eam in urbem atque arcè receperunt. Verùm postquàm vrbe egressus fuit, dixisse fertur, Mirum in modum gratam extitisse fidem, quam sibi Athenienses habuissent. Cæterùm si sciperent, in posterum regi nemini portas aperturos esse. Quo dicto ostendit, non esse ex re liberæ ciuitatis, in cuiusquam principis manu libertatem suam credere. Cuius consiliū non secuti Athenienses, cùm pòstea Cassandrum quoque in urbem receperant, magna atq; innumerabilia mala ex eo tulerunt: re ipsa experti se à Pyrrho sapientissimè monitos esse. Fulg. l. 6. c. 2.

Scipio Afric.

Negabat aliter cum hoste configi debere quàm si aut rei opportunitas obuenerat, aut dira postularer, necessitas. Nam & prosperam gerendæ rei facultatem omittere, maxima demencia est: & in angustias ytiq; pugnandi compulsū, abstinere se prælio, pestiferæ ignauie affert exitium: eorūque, qui ista committunt, alter beneficio fortunæ vii, alter iniuriæ nescit resistere. Val. Max. l. 7. c. 1. Brufon. lib. 2. cap. 32.

Idem.

Infrà de Temeritate.

Q. Metellus.

Deiūctā iam Carthagine, in senatu sapientissimè nescire se dixit, plūsne boni vel mali Reipublic. illa victoria attulisset. Quoniam vt pacē restituendo profuisset, ita Annibalem submouendo nonnihil nocuisset. Eius enim transiū in Italiam dormientem populi Romam virtutem excitatam: metuque debere

ne

ne acri æmulo liberata , in eundem
solum reuolueretur. Valer. Max. l.
6. cap. 2.

Appius Claudius.

Appium Claudiū crebrò solitum
dicere accepimus , Negotium popu-
lo Rom. melius quàm otium cõmit-
ti. Non quòd ignoraret, quàm iucun-
dus tranquillitatis status esset : sed
quòd animaduerneret , præpotentia
imperia agitatione rerum ad virtu-
tem capessendam excitari, nimia au-
tem quiete in desidiā resolui. Val.
Max. lib. 7. c. 2.

M. Cato.

Semper se harum rerum pœnituis-
se dixit: Si mulieri arcana detexisset,
aut si mari profectus esset, quum ter-
restri itinere eundi facultatem habe-
bat: aut si per negligentiam diem fru-
stra elabi permisisset. Plutar. & Ful-
gos. lib. 7.

Idem.

Affirmare solebat, insanos pruden-
tibus longè vtiliores esse , quàm in-
sanis sapientes. Quippe qui sapiētes,
cum stultorum errata inspicerēt , ob
id in melius vitam mutare solerent:
at amentes, cū discendi capaces non
sint, ex sapientiū benefactis fructum
percipere nullum possunt. Fulgos. l.
7. c. 2. & Eras. l. 5. apoph.

Augustus Cæs.

In omni verbo prudentissimus,
eos qui leues ob causas se periculis
exponerent, similes esse dicebat iis
qui aureo hamo pisces capere tenta-
rent. Hi enim amisso semel hamo,
plus damni accipiant, quàm ex mul-
torum piscium captura lucri. Fulgo.
lib. 7. cap. 2.

L. Passienus.

Is Neropis vitricus à, quo & Nero
maximè diratus est, dicere solebat, se
malle quorundam iudiciū quàm

beneficiū , & quorundam benefi-
ciū quàm iudiciū. quod Seneca
asseruit. se nihil subtilius atque infi-
gnius cognouisse in distinguendis
maximè vitis, atque curandis.

Claudius Imp.

Admonitus , vt à suis libertas ca-
ueret : respondit, Non eodem modo
à publico, vt à fera bellua cauēri pos-
se. Xiphilinus in Claudio.

Ant. Pius.

Cū postulatis quibusdam ad sup-
plicium, neminem puniret, eamque
ob causam à suis reprehenderetur:
respondit, Non oportere principem
à suppliciis imperij exordium face-
re. Dion Nicæus & Xiphilinus in e-
ius vita.

Val. Homulus.

Antoninus Pius, cū in domū Va-
lerij Homuli venisset, porphyreticā-
que columnas non tantū vidisset,
sed requisisset etiam vnde eas habe-
ret? Homulus respōdisse fertur: Cū
in domum alienā veneris , & mutus
& surdus esto. Capitolinus, & Cuspin.
in Coss.

Theodosius.

Dicere solebat, non mirum esse, si
homo, creatura adeò caduca, moria-
tur. Vnius autem Dei esse semper e-
xistere , qui semel mortuos ad vitam
reuocaret. Niceph. Callistus lib. 14. c.
3. Ecclesiast. hist.

Placilla imp.

Suprà, De Eleemosyna.

Alex. Mamma F.

Solitus est dicere , decere bonos
atque fortes viros , optima quidem
optare, sed ferre quęcunque incidat.
Herodianus lib. 6.

Pescennius Niger.

Suprà, de Laudis cupiditate.

Antonius heremita.

Cū aliquando literis à Constan-

tino Imperatore inuitaretur, vt ad se veniret, detrectauit primum, dicens: Siquidem ad Imperatorem venero, Antonius ero: sin minus, abbas Antonius. Niceph. Callist. lib. 8. Eccles. hist. cap. 40.

Macarius.

Interrogatus, cur homines iniuriarum quas ab hominibus acceperant, minus obliuiscerentur, quā earū quæ essent à diabolo inflictæ? respondit: Quia prior illa affectio præter naturam, posterior autē secundum naturam iræ esset. Niceph. Callist. lib. 11. cap. 43. Ecclesiast. hist. ex Euagrio.

Leontius.

Sentiens grauissimā illā dissensionem apud Antiochenos, de fidei negotio, multorū malorum causam futuram, caput canis florescens manu demulcens, dixisse fertur, Niuem eā solutam, lutū multum subsecutorum esse. Idem lib. 9. cap. 24. Eccle. histor.

Anonyma.

Abhorrens ab omni mulierū aspectu, cum aliquādo fœminā obuiam haberet, quæ aperto supercilio eum intuebatur, increpans eam, in terram prospicere iussit. Illa autem respondens, ait, Quomodo tandem ego intuear? cum æquius sit te eam inspicere, qui ex ea conditus sis, quam me, ex te ortum habentem? Idem lib. 9. cap. 16. Eccles. hist.

Pambus.

Cum apud Athanasium esset Alexandriæ, & videret mulierem theatralem, fleuit. Interrogatus à presentibus, quare flieret? Dux, inquit, meretrices, vnā, quæ est illius perditio: altera verò, quod ego non tantum studeo placere Deo, quantum hæc, vt turpibus placere possit hominibus. Tripartita histor. libro nono, capite primo.

Franciscus Foscarus Venetorum dux.

Quū à Francisco Carmaniola in interrogatus esset, quā ob causam per totam noctem senatus habitus esset? respondit: Equis alius in causa fuit, quā tu ipse? Sed cum statim cognouisset, potuisse illū suspicari de suo interitu actum (qui secutus mox est.) Egimus, addidit, de tuis laudibus, deque tuo augendo stipendio, donādo quo tibi oppido, ubi manes. Ita igitur nil amplius suspicatur mali Carmaniola, à satellitibus, qui iam conueniant, retentus est, carcerique incensus, nec multo post supremo supplicio affectus, Ioannes Baptista Egnatius lib. 7. cap. 11.

Cosmus Medices.

A Strossianis quandoque in exiliū pulsus, ad Benacū, à misso ad se nuntio interrogatus, quid ageret? prudentissimè sane respondit, sese Galliæ incubanti frequentē adesse, vt eius potestea fructu potiretur. Cuius responsus ille in risum conuersus, non animaduertit viri prudentissimi responsum eò tendere, vt de reditu in patriam assiduè cogitaret, quem non multo post senatus Veneti ope cōsequutus est. Ioannes Baptista Egnatius lib. 7. cap. 2.

Saladinus.

Fuit Saladinus princeps Ægyptius (id quod vix alicui persuaderi possit) dū vixit longè clarissimus. Namque imperij sui fines in primis auxit: & felicissimè diu rerum potitus, Christianorum quoque opes ita in Orientem attriuit, vt Hierosolymis capitis, Christianū nomen in hunc usque diem ex Syria eiecerit. Ille verò moriens in summa rerū felicitate testamento suo precipuè cavit, vt inter tunicam lineam, quam gestare solebat, vertici

vertici prælongæ haltæ affigeretur: exclamarétque assiduè, qui lanceâ gereret, hanc vnam esse reliquam tuni-
cam, quæ illi ex tantis opibus, tantò-
que imperio superfuisset. O vocem
præclaram, dignamque in primis,
quam insolentissimi principes fre-
quentissimè in animo repetant, no-
bis omnibus vita functis, nihil omni-
no superesse, nisi quid bene sanctè-
que gesserimus. Ioannes Baptista Eg-
natus lib. 7. cap. 2.

Ludovicus xij, Gall. rex.

* Narrante quodam, ex veterum
monumentis, augures, si vlcus habe-
rent, inaugurandi gratia sedere pro-
hiberi: quasi hoc esset signum non
oportere, qui vlcus aut perturba-
tionem animo habeat tractare res
diuinas: tunc Ludovicus, Felix est
(inquit) Roman. Pontifex, qui in ea
tempora non incidit: nunquam enim
inaugurandi potestatem habuisset.
Annal. Franciæ.

Carolus V. imper.

* Multa extant sapienter ab eo di-
cta. Inter hæc sequentia occurrunt.
Anno 1540. ineunte, per Gallias in
Belgium contendens, Lutetiam Pa-
risiorum ingressus, graui & celebri
oratione exceptus est, exquisitas o-
mnium virtutum summi Imperato-
ris laudes ei tribuente. Oratori pau-
cis verbis respondens, dixit, Gratam
sibi esse regis affinis erga se beneuo-
lentiam, sed laudes illas sibi tribu-
tas arbitrari tot esse cômonefatio-
nes. Qualis esse deberet. * Antonio
Lene & aliis ducibus Iulij Cæsaris &
Alexandri exempla laudantibus, nec
Carolus vti suis victoriis ad poten-
tiæ & magnitudinis suæ amplifica-
tionem, quantum & posset & debe-

ret, quærentibus: respondit, Alexan-
dro & Iulio in bellis gerendis vnum
fuisse finem, honorem & gloriam:
Christianis autem Principibus duos
esse propositos, honorem & animæ
salutem. * Ipse in comparando e-
xercitu, se caput sumere ab Italis,
brachia & manus ab Hispanis, pe-
ctus à Germanis, ventrem & pedes à
reliqua gentium colluue dicebat.

* Item. Nervos belli esse pecuniam,
commeatus, milites. Verùm si ex
iis aliquo carendum esset, militem
veteranum se electurum esse, cuius
industria & fortitudine, reliqua duo
se ex hoste comparaturum confide-
ret. * In castris ad VVitebergam
cùm de Hispanorum crudelitate &
libidinibus enormia quædam ipsi si-
gnificata essent: Profectò, inquit,
si quod aliquando mihi accideret in-
gens infortunium, propter istorum
nebulonum scelera accideret. * In
postremo ex Germania discessu, V-
lissingæ ventos nauigationi idoneos
expectās, & in multam noctem cum
Seldio fratris Ferdinandi legato lo-
catus: cùm ex familia in atrio par-
tim dilapsa, partim dormiente, da-
to nola signo, nullus appareret, Ca-
rolus ipse lychnum Seldio quātum-
uis recusanti præfert, eique per gra-
dus deducto, Hoc tibi monumentum,
ait, Cæsaris illius Caroli habeto, Sel-
di, tot exercitibus & excubiis quon-
dam stipati, quem nunc solum & à
familia etiam desertum videt: & cui
tu tot annos seruiisti, is nunc tibi
etiam seruiit & lumen prætulit. Di-
xit etiam in postremis illis congres-
sibus Seldio, se in hac mutatione
suæ fortunæ agnoscere potentiam
Dei, cui nequaquam velit repugna-
re. D. Chytræus orat. de Carolo V.
Imperatore.

Vide apoph. de argutè graniter & prudenter dictis.

De satellitio principum.

Agasicles.

* **D**Icebat posse quemvis principem & regem sine satellitio regnare, qui sic subditis imperaret, ut filiis pater. Plut. in apoph.

Sigismund. imp.

Albertus Austriae dux (qui mortuo Sigismundo Caesare, cuius erat gener, regnum Hungariae ac Bohemiae cum Romano imperio suscepit) cum diceret principes amore citius cautos esse oportere, Sigismundus respondit: Et fida custodia infortunium excludit. Docuit autem imperator potentissimus, non satis esse ut principes fidos habeant subditos: sed addendos etiam esse satellites, & corporis custodes, praesertim in florentiore aetate. Aeneas Sylvius libro commentariorum de rebus gestis Alphonfi.

Alphonfus.

Castigatus ab aulicis suis, quod regiae maiestatis oblitus, sine satellitibus & satrapis prodiret in publicum: Non opus est, inquit, ut ipse multum sibi timeat, qui neminem habet quem ita laeserit, ut aliorum etiam manu sit defendendus. Ostendit autem, superuacaneam esse satellitum turbam, si quis ita se erga subditos gerat, ut ubique sine iniuriae timore solus esse possit. Panorm. li. 2. de Alphonfi rebus gestis.

Thomas Pontanus.

Subinde dicere solitus est: Amorem quidem inermem incedere, dormire autem lorica tum. Notabat autem principes, qui licet beneuolen-

tiam & amorem suorum non ignorent, habent tamen nocturno precipue tempore, qui armati prope custodias agant, ut extra omne periculum somnum dulcissimum capiant. Iacobus Spieg. in secundum Aeneas Syluij librum de rebus gestis Alphonfi.

De scortationis detestatione.

Antisthenes.

Antisthenes Atheniensis cum his mulieribus consuetudinem habendam dixit, quae beneficium beneficium pensent, & quae gratiam habiturae sint. Sentiens, abstinendum a meretricibus, quae pretio & pecunia vendunt inhonestam voluptatem, nec pariunt, nec amant mutuum: aut a valetudinariis, deformibus & male moratis, quae gignunt foetus poenitentis. Eius dictum extat apud Laert. lib. 6. cap. 1.

Diogenes.

Diogenes scorta dicebat esse regum reginas, quod ab his quicquid collibisset peterent & impetrarent. Nam ideo regum reginas appellabat, non quod essent pares vxoribus: sed quod in ipsos reges regnum exercebant. Reges a populo non semper obtinent quod exigunt, ac scorto nihil negatur. Laert. l. 6.

Idem.

Formosa scorta similia dicebat multo lethalibus venenis temperato quod adferrent quidem initio voluptatem, sed quam perpetuus dolor consequeretur. Laert. l. 6.

Idem.

Idem conspiciens quendam meretrici

erici supplicem, vt impetraret quod petebat: Quid, inquit, tibi vis miser? præstat non impetrare quod rogas, A scorto reiici præstat, quàm admitti. Et tamen plerique animi & corporis iacturam ambiunt instanter, & magno emunt. Laer. l. 6.

Idem.

* Irridebat eos, qui cellas propturias obserant vestibus, seris & lignaculis: corpus autem suum multis fenestris & ianuis aperiunt, per os, pudenda, aures & oculos. Stob. serm. de intemperantia.

Socrates.

* Nec ignem vestimento occultere possibile esse dicebat, nec scortationem fœdum peccatum tempore. Eodem serm.

Musonius.

* Extremæ dicebat esse impudentiæ in subeundis vel instituendis laboribus meminisse imbecillitatis corporum, erga voluptates autem (id est crapulam & scortationem) obliuisci. Ibidem.

Crates.

* Visa aurea imagine Phrynes scorti Delphis, erecta, exclamauit. Ex Græcorum incôtinencia trophæum. Plutarchus.

Plutarchus.

* Scortationem detestatus, appositè dicebat, Scortationem veluti alloquens: An coram omnibus scortaris? imò tutè ipsum etiam reueritus fugis, nocti solùm & tenebris sine testibus contumeliam & libidinè committēs. nemo quippe honestis actionibus caliginem obtendit, lucem earum testem reformidans. Immo totum mundum solem esse optaret, erga ea quæ præclare agit. Vnū quoduis autem crimen nudum conspici cauet, prætexens affectus. Iis ergo

amputatis, nudas intueamur voluptates. Sunt ebriæ ad stuporem, scortantur perpetuò, dormiunt ad negotia, ciuitates negligunt, non curam gerunt parentum, non verentur leges. Ex libro contra voluptatem, apud Stob. ser. 6.

Demosthenes.

Fertur, aliquando Corinthum nauigasse Demosthenem, illectum fama nobilissimi scorti Laidis, vt & ipse famoso amore potiretur. At quæ illa pro nocte stipularetur drachmarum decem millia, deterritus magnitudine pretij, mutauit sententiam, dicens: ἐν ἀρχαῖς τοῦτο τὸν μετανοῶσα, Nō emò tanti pœnitere. significans, inhonestæ voluptati paratam esse comitem pœnitentiam. Erasim. lib. 4. apophtheg.

Demetrii legati.

Quum legatis à Demetrio ad Lyfimachum missis, Lyfimachus per otium narraret, aliquando quomodo coactus ab Alexandro cum ferocissimo leone colluctatus fuisset, & cicatrices ostenderet in cruribus ac brachiis è feræ ungulis relictas, legati dixerunt: Et noster rex graues fere Lamia morsus in collo gestat. Notantes suauiorum amatoriorum vestigia, simul alludentes ad lamiam belluam. Plutar.

De securitare.

Socrates.

* Interrogatus, qui securè viueret, Qui, inquit, nihil sibi consciat mali. Anton. & Max. ser. de curiosit.

Euagrius.

* Præstat, inquit, in Storea, securè agere, quàm in lecto aureo perturbari. Ibid.

Pyrrho.

In tempestate conspiciens ceteros animo esse deiectiones, cum ipse nihil moueretur: ostendit porcellum in naui securè edentem, dicens, oportere sapientem eam animantis imitari securitatem. Laër. l. 9.

Bion.

Dicere solebat, impietate malam esse contubernalem fiducia, & adiciebat versiculum Euripidis,

Seruuum fari quamuis feroculum virū.
Sedit autem philosophus clarissimus, nullam omnino securitatem habere locum, ubi malè sana sit conscientia: nec apertè posse loqui, cui reuera impietatis vitium potest obici: nec frui tranquillitate animi, qui deos sibi non habeat proprios. Laert. l. 4. c. 7.

Vide apoph. de Conscientia, Quiete, & Tranquillitate.

De seditione.

Democritus.

*Seditionem intestinam vtrique nocere dicebat: etenim tum victoribus tum victis perniciēs est aqualis. Stob. ser. 41.

Plato.

*Remedium aduersus seditionem illud esse dicebat, vt nec extrema in aliquibus ciuium inopia sit, nec ingentes diuitiae. Eod. ser.

Secundus sophista.

Cum tale argumentum esset propositum: Qui seditionem mouerit, moriatur: qui sedauerit, praeui ferat. Quidam & mouerat & sedauit, peti praeuium. Hanc questionem paucis absoluit: Quod est prius? mouisse. Quod posterius? sedasse. Itaque prius da poenas motae seditionis, ac deinde

si potes, accipe praeuium rectè factorum. Philost.

De senectute.

Solon.

*Ege sanxit, ne quis admodum iuuenis ad magistratum aut consultationes admitteretur, quamuis prudētissimus esset visus. Stob. ser. 112.

Bion.

Senectutem dicebat portum esse malorum: quod omnes huc confugerent, sperantes miseriarum finem. Mori autem vnicuique in promptu est. Id ethnici quidam existimabant esse praeclarum: Christiana pietas docet esse nefarium scelus. Erasmi ex Laertio libro 4. capit. 7. Ceterum Antonius in Melissa, par. 2. Sermonem 17. & Maximus sermonem 41. aliique, Soloni adscribunt.

Idem.

Docebat, nulli exprobandam esse senectutem, ad quam omnes notant peruenire. Absurdum enim est aliis probro dare, quod quis optat sibi contingere. Laert. l. 4. c. 7.

Zenon.

*Dicebat turpe esse seni aut prospectanti senectutem, ex commentario sapere. Seneca, epist. 33. qui alibi ait, turpis & rideula res est elementarius senex.

Cleanthes.

Interdum, cum foderet, solebat seipsum increpare. Id fortè admiratus Ariston: Quem, inquit, increpas? Tum Cleanthes ridens: Senem, inquit, qui canos quidē habet, sed mentem non habet. Seipsum innuens. Laert. lib. 7. cap. 2.

Eratothenes.

Vigentem aetate veri comparabat declinantem aestati & autumnio, senectutem hyemi. Stob. ser. 113.

Alexis.

Alexis.
Infrà de Senectute imbecilla.

Metrodorus.
Neminem beatum esse dixit, nisi qui absolutum habere bonorum operum numerum. Nihil enim ætati per se tribuendum est. Stob. ser. 113.

Democritus.
Senectutem omnimodam imperfectionem esse dicebat, eo quòd omnia habeat, & omnibus indigeat. Stobæus ser. 115,

Idem.
* Robur, inquit, & forma corporis bona sunt: senectus autem flos est temperantiæ & prudentiæ. Item Senex fuit iuuenis aliquando: an verò iuuenis futurus sit olim senex, incertum est. Perfectum igitur bonum futuro, præsertim incerto, præstantius est. Stob. ser. 112.

Diogenes.
Percontanti quid esset in vita miserissimus: Senex, inquit, egenus. Si quidem ubi naturæ præsidia destituunt hominem, extraneis rebus fulcenda est ætatis imbecillitas. Laër. l. 6.

Idem.
Anum comptam conspicatus: Si, inquit, ad viuos, falsa es: sin ad mortuos, ne cunctare. Anton. ser. 18. part. 2. Melis. Max. ser. 41.

Phavorinus.
* Dicebat Pythagoram & Platonem sensisse, senectutem non esse finem curriculi huius terreni appelladam, sed potius beatæ vitæ initium. Stob. ser. 114.

Idem.
* Beatus quidam cum iam annos natus plus quam septuaginta, thesaurum reperisset, sublato crure ipsam contempsit, & præteriiuit, ut qui non amplius vsui sibi futurus esset. Ita (inquit) senectus animum &

tranquillum reddit, & multæ pecuniæ studium ac impensas adimit. Stob. ser. 112.

Theodectes.
* Dicebat senectutem & nuptias res esse similes. Vtramque enim (inquit) cõsequi desideramus: postquam verò nacti sumus, tristamur. Stobæus ser. 66.

Euripides.
Archelaus rex opiparum lautumque conuiuium amicis suis paraue- rat, cumq; in eo conuiuium Euripides proximè sibi assidētē Agathonē tragicum poetam iam senē, se plurimū amare diceret, Agesilao interrogāte cur amandus esset homo senex? Per Iouē, inquit, Ver non solum est bonorum optimum, verum etiam autumnus. Comparat autē florētem iuuetutem verno tempori, quo omnia sunt in herba: senectutem autē autumno fecundissimo. Ælian. lib. 13. de Var. hist.

Agesilaus.
Agesilaum regem cum quis interrogaret, cur per acrem hyemem solo pallio tectus obambulare absque tunica, homo tam prouectæ ætatis? Vt, inquit, iuuenes hanc vitæ rationē imitentur, cum exemplum habeant & extremæ senectutis hominem, & principem. Sapienter admonens, senibus ita viuendum esse, ut adolescentibus exhibeant recte viuendi formam: & vulgus nihil imitari libentius, quam quòd à viris principibus conspexerint factitari. Plutarch. in Laconicis.

Alexander.
Cum senem quendam capillo insufficientem vidisset, dixit: Non capillos sed genas tinge. Max. ser. 41.

M. Cato.
Cum senectuti adsint multa pro-

bra, dicebat non esse addendum malitiæ dedecus, sentiens, senectutem multis nominibus vulgò malè audire: veluti cùm audit, deformis, edentula, lusciosa, imbecillis, obliuiosa, indocilis. Hæc ferre satis est, vt non accedat crimen improbæ vitæ, quòd omnibus quidè fœdum, sed seni fœdissimum. Alij narrant hoc ab illo dictum in senem obuium vitæ contaminatæ: Ne ætatis tuæ malis addas turpitudinem. Plot. in Rom. apoph.

Idem.

Hortante Scipione Africano, vt Achæorum exulibus opitularetur, quo illis in suam patriam redire liceret: simulabat eius rei sibi nullam esse curam. Cæterum in senatu cùm hac de re multa verba fierent, assurgens ait, Perinde quasi nihil habeamus quod agamus, sedemus de seniculis aliquot Græcis disputantes, vtrum à nostris an illius regionis vespillionibus efferantur. Plut. in Rom. apoph.

Fridericus imper.

Cùm in vrbe quadam præfectum, senem admodum, & ætate iam imbecillem dedisset, non defuerunt adulescentes qui sibi præfecturam loci committi peterent: cùm igitur senem admouendum dicerent, Fridericus dixisse fertur: Senem amicum oppido, non amico oppidum commendamus. Sentiens, dignum esse, vt senex iam à ciuibz ad mortem vsque foueretur. Æneas Syluius, lib. 4. de reb. gest. Alphonfi.

De senectute viuida & animosa.

Chilon.

A Vlonius Chiloni hanc tribuit sententiam: Optabilem esse se-

nectutem iuuenilem, molestam verò iuuentutem senilem. Maxima malorū pars, ob quæ malè audit senectus, à vicijs hominū proficiscitur: habet autem ex sese nonnulla comoda, plurimarum rerum vsum, ac memoriam, consulendi facultatem, reuerentiam, & auctoritatem, hæc si adsint comoda, absintque incommoda, ea senectus optabilior est multorum iuuentute, vitijs & inertia marcente. Videas autem in nonnullis iuuenib. senilem imbecillitatem, senilem somnolentiam, senilem ignauiam, senilem morositatem: horum iuuentus peior est senectute. Nā cùm senectū careant, senio tamen abūdant. Aufoniani versus sic habent:

Grata senectus homini, quæ parili iuuentate:

Illā iuuentus gratioꝝ, quæ similis senectæ.
Cleantes.

Ad quandam cōtumeliæ causa obficiētem senectutem: Et ego, inquit, abire cupio: verū vbi reputo me omni ex parte sanum, siue lugendum est, siue scribendum, rursus maneo. Significans, se quidem haudquaquam esse vitæ cupidum: verum ob senectutem neminem debere ē vitæ decedere, donec vires suppetunt ad vitæ munia Laer. l. 7 c. 2.

Gorgias.

Centesium septimum agens annum, rogatus quare tandiū velleret vita manere? Quia nihil, inquit, habeo quod accussem senectutem. Cic. lib. de Senectute.

Sophocles.

Iam extremæ senectutis, à filiis accusatus est dementia. At is pro apologia iudicibus recitauit tragediam, quā proximè scripserat, rogans, num ea videretur deliratis. Fertur & hoc dixisse: Si sum Sophocles, non deliro: si

si deliro, non sum Sophocles. Sētiens in eruditis ac sobriis animi vim non elāguescere, sed reuigescere potius vlt & exercitatione. Eras. Rot. lib. 8. apoph. ex Cicerone.

Cyrus.

Cyrus apud Xenophontem moriens extrema iam senectutis, negabat, se vnquam sensisse senectutem factam imbecilliozem, quā fuisset adolescentia. Maxima pars incommoꝝum, ob quē vulgō malē audit senectus, ab intemperantia vitē proficiscitur. Brus. lib. 6. cap. 7.

Sylla.

Cū post occupatam Rempubl. senatum coegisset, sententiāsque rogaret, vt Marius hostis Reipub. iudicaretur, nullis audentibus obuiam ire, solus Scæuola sententiam dicere voluit: quin etiam truculentius minitanti Syllæ, Licet, inquit, mihi agmina militum, quibus curiam circum sedisti, ostentes: nunquam efficies tamen, vt propter exiguum senilemque sanguinem meum, Mariū, à quo vrbs & Italia cōseruata est, hostem iudicem. Brus. lib. 2. cap. 1.

M. Crassus.

Suprà de Auaritia.

Idem.

M. Crasso quum Parthi per legatos renuntiassent, vt suæ ætati consulens à bello abstineret, insolenter respondit: In Seleucia istis mandatis responsum dabimus. Hic Agis, legatorū vnus, sublata manu mediam palmam ostendens: Prius, inquit, in hac manu nascentur setæ, quā tibi Seleuciam cōspiciendi sit futura potestas. Plut. in Crasso.

Idem.

Crasso conflictato cū Parthis, extra ē mauius deciderunt. hoc cæteris, vt inauspicatum ostentum in-

terpretatibus, ac prælium dissuadentibus: Huiusmodi, inquit, incommoda multa nobis senectus adfert. At arma mihi nunquam ē manibus cadent. Plut.

Confidius.

Cæsare consulatum assequuto, adiuuāribus Pompeio & Crasso, quum omnia pro libidine gererentur, ac pauci senatores in curiam conuenissent, Confidius quidam natu prægrandis, idcirco non venisse senatores dicebat, quoniam illius arma militesque pertimescerent. Cui Cæsar: Quin tu, inquit, hoc quoque reformidans domi te non contineres? At Confidius: Senectus, inquit, me facit intrepidum. Quum enim vitæ paucillum super sit, non est cur magnopere sum sollicitus. Eras. lib. 4. apophtheg.

Pollio Romulus.

Pollio Romulus, qui centesimum exceſſerat annū, Augusto percontāti qua tandem ratione illum corporis animique vigorem seruasset? Intus, inquit, nullo, foris oleo. Tradit Plinius, naturam hominibus duos dedisse liquores optimos, oleum foris adhibendum corpori, vinum intus. Mel autem ob humidam calidāmq; vim, admodum senibus accommodum est. Nunc mel in rotum à mensis submouimus, & oleum corpori infundimus. Eras. lib. 8. apoph.

De senectute imbecilla.

Diogenes.

Quærenti, quid esset senectus? respondit Ætas brumalis, tempestatibus obnoxia. Stob.

Solon.

*Quærenti cuidā, quid esset senec-

Stus? respondit, vitæ hiems, Idem dictum est à Patrocle & Eratosthene philosophis Stob. serm. 115.

Democritus.

* Senium, omnimodam imperfectionem appellabat, quæ omnia haberet & omnibus indigeret. Item, Augescente corpore, simul (inquit) & mens augetur, & illo senescente vnâ senescit, ac in omnibus rebus fit obtusior. Stob. eod. serm.

Isocrates.

Senectus ait, adeo morosa & querula est, & pro minimis rebus anxia, vt iam sæpius meam ipse naturam culpauerim, quam aliorum nemo contempsit. Eod. serm.

Demonax.

Demonasti seni crura intumuerant, id videns quidam, Quid isthuc, inquit, mali est Demonax? Tum ille: Charon, inquit, me momordit. Pro cane dixit Charontem, innuens, senectutem morti vicinam. Erasim. lib. 3. apoph.

Alexis.

Cuidam videnti ipsum iam senio fessum ægrè lentèque incidere, ac roganti quid ageret? Paulatim, inquit, morior: siue pedetentim morior. Significans, senes non viuere, sed lente mori. Stob. serm. 115.

Iosephus.

Ptolemæo Oniam accusanti: Veniam, inquit, quæso præsta: non enim te latet, senes, puerosque eandem mentem habere. Brus. lib. 9. cap. 7.

Milo Crotoniates.

Quum iam consenuisset, videns athletas in certamine exerceri, suos lacertos intuitus iam senio defectos, illachrymassè fertur, ac dixisse, At hi quidem iam mortui sunt. Cor-

poris vigorem à dimittas, animi vis ad extremam vsque durat ætatem. Erasim. lib. 8. apoph.

Cicero.

Cæsar statuerat agros Campanos militibus diuidere, id quum complures in curia molestè ferebant, tum L. Gellius, homo extremæ senectutis, dixit, Hoc non futurum se viuo. Expectemus igitur, inquit Cicero: non enim postulat longam dilationem. significans illum esse morti proximum. Erasim. Rot. lib. 4. apoph.

De senectute honoranda.

Chilon.

Dicebat, honorem à iunioribus habendum senectuti: vt ipsi facti senes ab aliis habeantur in pretio: Ea res geminam habebat utilitatem. Si quidem vt senum autoritas ac reuerentia temperabat ætatem ac lasciuam à peccando: ita senes cauebant, ne quid committerent, quo iuuenibus vel ob ineptiam ludibrio possent esse, vel ob turpitudinem perniciosi: sed inter omnes iuuenes, omnesque senes ea esset reuerentia, quæ inter parentes ac liberos. Laert. lib. 1. ca. p. 4.

Anonymus.

Quidam profectus Lacedæmonem, quum vidisset honorem quem iuniores præstant senioribus: In sola, inquit, Sparta expedit senescere. Paupertas onus est & miserum & graue, vt ait Comicus: sed in hac molestiarum maxima pars est, quod homines facit etiam ridiculos, vt ait Satyricus. Sic inter incommoda quæ fert ætas ingrauescens, non minima pars est, quod senes ferè contempti sunt, ac ludibrio. Proinde Sparta visa est

sa est multis honestissimum virtutis
domicilium. Plut. in Lacon.

Anonymus.

Senex in Olympiis cupidus erat
spectandi certaminis, quod agebatur.
Sed quum nulla vacaret sedes, ad va-
ria loca sese conferens, ludibrio e-
rat, ac scommatis petebatur, quod
nullus eum exciperet. vt verò per-
uenit ad Lacedæmonios, ibi non so-
lùm pueri omnes assurrexerunt, ve-
rùm etiam viri multi cesserunt illi
locum. Id factum quum cæteri Græ-
ci, quotquot aderant, plausu com-
probassent, patriumque morem su-
pra modum collaudassent: senex

*Concutiens canasque genas & tempo-
ra cana,*

Ac fuscis lachrymis.

Heu miseriam, inquit, vt omnes Græ-
ci norunt quid sit honestum, sed eo
soli vtuntur Lacedæmonij. Erasim. ex
Plut. in Lacon.

Lysander.

*Eum dicere aiunt solitum, Lacedæ-
mone esse honestissimum domi-
cilium senectutis: nusquam enim tan-
tum tribuitur ætati, nusquam est se-
nectus honoratio. Cicero, lib. de se-
nectute.

Alexander.

Quum hyeme duceret exercitum,
affidens igni, recognoscere præter-
euntes copias cœpit. quumque vide-
ret senem quendam horrentem fri-
gore, & ad ignem stantem, confidere
loco suo iussit. dicens: Si in Perside
natus esses in regia sella sedere tibi
capitale foret: in Macedonia nato,
conceditur. Erasim. lib. 4. apoph. ex
Curtio.

De senectutis fiducia.

Solon.

Q Vum Pisistratus occuparet Rē-
publicam, resque videretur ad
manifestam spectare tyrannidem,
neque quisquam auderet illius cona-
tibus obsistere, Solon productis ar-
mis, & ante ædes positus, cœpit in-
clamare ciues. at vbi Pisistratus ad
illum mitteret, qui percontarentur,
quare fretus hoc auderet, Senectute,
inquit. Alios senectus reddit formi-
dolosiores: illi conciliauit audaciam,
quod parum vitæ superesset, etiamsi
nullus occideret. Ita Plutarchus in
commentario. An seni sit gerenda
Respubl. Diogenes Laërtius rem a-
liquanto fusius narrat lib. 1. meminit
& Cicero in Catone Maiore.

Cesellius.

Cum triumuiris non obtempera-
ret, & multa liberè de C. Cæsaris
temporibus loqueretur, admonenti-
bus amicis vt sibi caueret: Duæ, in-
quit, res sunt, quæ cæteros reddunt
formidosos, mihi autem maxi-
mam suppeditant fiduciam, senectus
& orbitas. Senex citò periturus est,
etiamsi nemo occidat. Et orbus nec
habet quos curet, nec habet pro qui-
bus timeat. Solet enim vltio in libe-
ros propagari. Valerius Max. lib. 6.
cap. 2.

M. Cæstrinus.

Placetiæ magistratum gerens, Cn.
Carboni consuli iubenti decretum
fieri, quo sibi obsides à Placentiis
redderentur, non paruit, atque adeò
minitanti dicentique, Multos habeo
gladios: respondit, Et ego annos, De-
clarans, senectutis præsidio fretum,
non metuere gladios. Valer. Maxim.
lib. 6. cap. 2.

De sepultura.

Socrates.

Cicutam bibiturus, à quibusdam interrogatus, quomodo sepeliri vellet? Eo modo dixit, quo vobis facillimum fuerit. Stob. ser. 160.

Idem.

* Athenienses, ridens qui de sepulchris maiorum & ducum suorum gloriarentur, dicebat, Duces & plerosque maiores de quibus superbiebant extra fines suos sepultos esse, probra verò popularis Reipubl. in publicis sepulchris. Teles de exilio, apud Stob. ser. 38.

Diogenes.

Prolici se inhumatum iussit. Tum amici: Volucrisne & feris? Minime verò, inquit: sed bacillum prope me, quo abigam, ponitote. Quis poteris? Illi aiunt: non enim senties. Quid igitur mihi ferarum, ait, laniatus oberit, nihil sentienti? Laertius. Cicero lib. 1. Tusc. quæst.

Idem.

Rogatus à Xeniae, quomodo sepeliri vellet? In faciem, inquit. Percontanti causam: Quoniam, inquit, paulò post futurum est, ut inferiora fiant superiora. huc alludens, quòd id temporis Macedones rerum potirentur, atque ex humilibus fierent excelsi: quòd si inuenteretur omnia, fore ut cadaver etiam ex prono fieret supinum. Fortassis illud sensit, nihil referre quo statu corpus exanimè sepeliatur: qua in re magna erat vulgi superstitio, porrectis enim in portam pedibus efferebantur, stantes cremabantur: & hodie stantes, ut audio sepeliuntur Iudæi, certè supini sepeliuntur omnes Christiani. Erasmus. Diogenis dictum extat apud

Laert. lib. 6. & Brus. lib. 4. cap. 10.

Idem.

Dicebat, si canes cadaver suum lacerarent, Hircaniam sepulturam fore: si vultures, Iberiam. At si nulum animal accederet, ipsum tempus pulcherrimam sibi fore sepulturam, corpore pretiosissimis rebus, sole, inquam & imbribus, absumpto. Stob. ser. 120.

Idem.

Interrogatus, num servum ancillamve haberet, negavit. Cùmque percontator adiecisset: Quis igitur te efferet, si moriaris? Cui domo, inquit, erit opus. Multi superstitiosè solliciti sunt quomodo, & per quos efferantur. Hac cura prorsus vacabat Diogenes, non dubitans, quin futurus esset aliquis qui cadaver eiceret, vel ob id, quòd domum faceret vacuum. Quamquam illi contigit honorifica sepultura. Laert. lib. 6.

Anaxagoras.

Cùm Lampfaci moreretur, querentibus amicis, vellène Clazomenas in patriam afferri, ibidemque sepeliri? Non necesse est, inquit. Vndique enim ad sepulchrum eundem viæ est. Cicero in Tusc. lib. 1. Laertius lib. 2. cap. 3.

Anonymus.

* Quodam exili Atheniensi cuiusdam exprobrante ac dicente, In patria ne sepulchro quidem dignaberis, sed instar impiorum Atheniensium in Megarica: Immo (inquit) quemadmodum pij Megariensium in Megarica. Teles, de exilio apud Stobæum, serm. 38.

Euripides.

* Dicebat mentes hominum insanire, cùm sumptus inutiles pro mortuis profundunt. Stob. serm. 121.

Lycurgus.

Lycurgus.

Lycurgus sepulchrorum vniuersam superstitionem, sustulit, permittens vt non solum intra ciuitatem humarentur cadauera, verum etiam vt monumenta templis vicina haberentur. Submouit & funebres expiationes: nec concessit vt quicquam vnâ cum cadauere sepeliretur (nam aliae nationes, si quid fuisset vino charissimum, id mortuo addebant in sepulchro, damnoſa simul ac ridicula superstitione: quasi mortui sentiant aliquid) sed in puniceo amictu, & oleae foliis ex æquo posito omnes sepeliri iussit. Vetuit etiam titulos & inscriptiones addi monumentis præterquam eorum qui in bello cecidissent. Sustulit autem & luctus & funebres nœnias, quas reliquorum hominum vulgus incredibili sumptu & apparatu, etiam per conductos ploratores celebrare consuevit, magna specie dementiae, quasi manium sit vllus sensus, aut si quid sentiunt, iisdem rebus delectentur, quas in vita non iudicio, sed animi vitio dilexerunt. Erasim. ex Plutarcho in Lacon.

Socrates.

Eo die quo Socrates bibiturus erat venenum, Apollodorus ei pallium multi pretij ad solatium obtulit, vt eo indutus moreretur. At ille recusans donū: Quid, inquit, hoc meum pallium, quod viuenti conuenit, mortuo non conueniet? Damnans quorundam ambitionem, hoc miro studio providentium, vt quam honorificentissime efferantur, ac sepeliantur. Erasim. lib. 3. apoph.

Cyrus.

* De sepultura sua cum ita statuisse ferant. Meum corpus, ô charissimi filij, cum moriar, neque in auro condite, neque in argento, neque

in alia re prorsus vlla, sed illud terræ reddite quamprimum. Quid enim hac re beatus, quam terræ misceri, quæ pulchra & bona omnia gignit atque nutrit? Xenoph. de Cyripædia, lib. 8.

Semiramis.

* Constructo sibi monumento, inscripsit, Quicumque rex pecuniis indiguerit, aperto sepulchro quantum opus est, capiat. Darius autem cum aperuisset, pecunias quidem non inuenit, sed in huiusmodi scripta incidit, Nisi vir malus esses, & pecuniarum inexplibili desiderio flagrares, haud sanè loculos mortuorum commouisses. Plutarchus.

Demonax.

Demonaxem morientem amici rogabant, quomodo vellet sepeliri? Ne quid, inquit, ista res vos habeat sollicitos: fœtor me sepeliet. Et dicentibus, Indignum facinus si talis viri corpus laceraretur à canibus: Quid, inquit, incommodi, si & mortuus alicui sim vsui? Erasim. lib. 8. apoph.

Olympias.

Alexandri mater Olympias, quum audiuiſſet filii cadauer insepultum fuisse abiectum, inter lamenta dixit hoc quoque: O fili, tu qui studebas cœli particeps esse, huc toto impetu properans, ne iis quidem potiri valuiſti, quæ sunt mortalium omnium communia, terra ac sepultura. Alexander viuus ambiebat diuinos honores: defuncto nec vltimus ille contigit honos, quem quatuor homo perſoluit homini, quamlibet humili. Narrant enim Q. Curtius, & Plutarchus, Alexandri corpus multis diebus insepultum iacuisse.

Xx iij

euiffè, ob graues procerum concer-
tationes de fuccellione principatus.
Fuit & alter Alexâder Epiri rex, O-
lympiadis frater, cuius corpus amne
in hoftium castra deuectum eft, ita-
que ab his fœdè laceratum. Vnius ta-
men mulieris opera fepultum eft, li-
cet mutilum. Refert Titus Liuius De
cadis primæ libro octauo,

Nero.

Neronem imp. in fuga quum Pha-
on libertus hortaretur, vt in specum
egreffa harena conderetur: negauit,
fe viuum fub terram iturum. Sueton.
in vita Neronis.

Zifca imp.

Zifca Hufitarum dux & impera-
tor fortiffimus, iam moriturus, cum
à militibus interrogaretur, quomo-
do fepeliri cuperet poft mortem?
Pellem, inquit, mortuo mihi detra-
hite, relictoque feris cadauere, ex
cute tympanum facite, quo in præliis
vramini. Et fic, vt hoftes noftri viuen-
tis afpectum non ferebant, ita mor-
tui fonum, fugam adornantes, audire
nequibunt. Aeneas Sylu. libr. 3. com-
mentariorum de rebus gefit. Alphon-
fi regis.

De Seriis negotiis in vino- lentis conuiujs non tractandis.

Geminus,

A Romanis in Afiam ad Antoniū
legatus miffus, vt omnia tenta-
ret per quæ cum Octauio redinte-
grari communis amicitia poffet: vo-
catus in cōuiuium ab Antonio, præ-
fente Cleopatra monuit, vt mandata
profferret. Cui Geminus poft falu-
tem dictam, ait, Quæ tibi dicere An-

toni iuffus fum, cum sobrio, & alio
loco quàm vbi nunc fumus tractanda
funt. Oftendens, feria negotia non in
in conuiuio vinolento, nec quouis lo-
co, nec præfentibus omnibus tractan-
da effe. Plut. in vita Antonij.

Berenices.

Ptolemæo regi ad talos fedenti, vt
alea luderet, affiftens quidam, con-
demnatorum nomina recitabat, vt
ille, quoniam mortis fupplicium pro-
meruiffent, decerneret. Berenice ve-
rò vxor regis hoc videns, ac audiens,
arrepto è pueri manibus libello, pro-
hibuit, ne ad finem vfque tunc lege-
rentur, dicens: Non fic obiter aduer-
tendum animum effe in re tam feria,
vbi de hominis falute agendum eft:
fed ftudiofè, relictis alijs omnibus
negotijs cogitandum, ne noftro of-
fcitantia noceamus alijs. Non enim
fimilem effe cafum talorum & cor-
porum. Aelianus libro 14. de Var. hi-
ftor.

De fermone, animi spe- culo ac indice.

Solon.

Sermonem operum fimulachrum
effe dicebat. Ea quippe quæ in o-
pus proruant, prius animo cōcepta,
verbis indicantur. Maximus fermo-
ne 14.

Thales.

Dicere solebat, Multiloquium nō
oftendere hominem fapientem. Sa-
piens enim non nifi quum res exigis,
loquitur, & pauciffimis fuum osten-
dit animum. Stultus autem, etiam ne-
ceffitate non efflagitante, loquendi
finem non facit. Erafl. lib. 7. apoph. ex
Laert. lib. 1. cap. 1.

Pytha-

Pythagoras.

* Optabilis (inquebat) sit tibi lapidem temerè proicere , quàm sermonem ociosum. Stobæus sermone 34.

Demetrius.

Sermonem *ἡ δὲ αἰσίνη* , id est, vitæ simulachrum , quandâmqve velut umbram esse dicebat. Quâ quidem sententia nihil dici potuit verius. Nam nullo in speculo melius expressusque relucet figura corporis, quàm in sermone pectoris imago representatur. Neque homines ex sermone secius, quàm ærea vasa tinnitu dignoscuntur. Laert.

Idem.

Audiens a dolescente variis de rebus assidue loquentem, ait: In speculo faciei figura, in verbis autem animi qualitas vniuscuiusque hominisprehenditur. Stob.

Zeno Citicæus.

Adolescenti cõfidenter loquenti: Non dixerim, inquit, ô adolescens, quæ mihi succurrunt. Subnotavit vir prudentissimus, è sermonis procacia ærimari morum impudicitiam. Laertius lib. 7. cap. 1.

Musonius.

* Fontem & originem malè viuendi esse dicebat, non refugere obscœna & turpia loqui. Stob. ser. de intemperantia.

Cleostratus.

* Sermonem faceto, tanquam sale, parçè vtèdum esse dicebat. Stob. ser. 34.

Diogenes.

Aiebat, sibi videri mirum, quòd quum ollam aut operculum non emerent homines, nisi pulsu aut tinnitu exploratum, in einendo homine solo aspectu essent contenti. Significans hominem nulla ex re melius

cognosci, quam ex oratione. Vt igitur qui vas fictile teruntio parant emere, digito pulsant, atque ex tinnitu reddito dignoscunt, sitne integrum, probe argillæ ac bene coctum: ita priusquam minis aliquot einant hominem, oportebat ad dicendum pronocare, atque ex orationeprehendere qualis sit. Laert. lib. 6.

Socrates.

Dicere solebat, qualis homo est, talis etiam eius erit oratio, orationi autem facta simillima, factis vitam. Cic. lib. 5. Tus. quæst.

Idem.

* In bello quidem ferrum dicebat auro præstare ad defendendum se, in vitâ autem, sermo eruditus diuitiis. Stobæus serm. de literis.

Idem.

* Sermonem eruditum, tanquam bonum figulum eleganti specie annam ornare dicebat. Eodem sermone.

Idem.

Quum diues quidam filium adolescentem ad Socratem misisset, vt indolem illius inspiceret: ac pædagogus diceret, Pater ad te, ô Socrates, misit filium, vt eum videres: tunc Socrates ad puerum, Loquere igitur, inquit, adolescens, vt te videam. Significans, ingenium hominis nō tam in vultu relucere, quàm in oratione: quòd hoc sit certissimum minimèq; mendax animi speculum. Erasmus libro 3. apoph. ex Apuleio, Florid. lib. 1.

Chrysippus.

Interrogatus, quid esset mens hominis? sermonis fontem esse, respondit quemadmodum enim riuli ex fonte fluunt, sic sermo ex corde & mente hominis procedit. Stobæus serm. 1.

illius morbi sunt, quam huius, gratiores. Laërtius addit, quum à præcone rogaretur, quo titulo vellet prædicari? isque respondisset, scire imperare liberis: ubi vidisset prætereantem quendam bene cultum, Hic, inquit, me vende: nam is eget domino.

Idem.

Dicebat, inter seruos ac dominos malos præter vocabula nihil aliud interesse, nisi quod mancipia serui- rent dominis, domini cupiditatibus. significans, utrosque esse seruos: mi- serio rem seruitutem seruire domi- nos, quam mancipia, si sint improbi. Nam qui dueitur affectuum arbitrio, & multos habet dominos, & turpes, & inelementes. Laer. l. 6.

Metrodorus.

*Seruum necessaria quidem pos- sessionem esse dicebat: sed non iucū- dam. Stob. ser. 60.

Antigonus.

Quum Athenienses seruum Anti- goni, honoris gratia, perinde ut inge- nium in ciuium numerum ascrip- sissent: Nequaquam, inquit Antigonus rex, velim vnum Atheniensem à me- loris cedi: significans, per illos factū, ut vnum ciuem Atheniensem posset loris cadere, quippe seruum: sed A- thenis esse plures vno commeritos, ut à rege loris caderentur, qui ser- uum alienum, quod in ipsis fuit, manu mitterent. Plutarchus in a- pophth.

Julianus imp.

Cum eunuchis & coquis seruos e- tiam ex palatio eiecit. Rogatus ve- rò, cur id faceret? ait: His non opus esse cum minori sumptu viuere pos- set. Eras. l. 8. apoph.

Hadrianus imp.

Quum seruum suum videret inter

duos senatores ambulante, misit qui illi colaphum impingeret, diceretq: Noli inter eos ambulare, quorū ad- huc potes esse seruus, simul senato- riæ dignitati cōsulens, & serui casti- gans insolentiā, quam de Cæsare he- ro sumpserat. Ex Dione Cassio.

Alex. Seuerus.

Nunquam utebatur cursore, nisi seruo suo: dicens, ingenium currere nisi in sacro certamine non debere. Ælius Lampridius.

De seruo fideli.

Bion.

*Dicebat bonos seruos esse libe- ros: improbos autem liberti- nos multis cupiditatibus seruire. Sto- bæus ser. 2. & 60.

Anonyma.

Ex his militibus qui sub Lysima- cho stipendium faciebant quidam quum ab eo rogaretur, nū esset quis- piam ex Helotum, id est seruorū La- conicorum numero: Tu ne, inquit, existimas Laconem ad te venturum, ut abs te ferat quatuor obolos? Ma- luit se fateri seruum, quam hoc pro- bari admittere in nomen Lacedæmo- nicum. Plut. in Lacon.

Callicratidas.

Interrogatus quod genus homi- nes essent Iones? Liberi, inquit, mali, sed serui boni: significans illo nesci- re imperare, ac libertate uti, sed ser- uitutem equo animo ferre: videlicet referendos ad secundum hominum genus, iuxta distinctionem Hesiodi, qui per se quidem non sapiūt, sed pa- rent recte sapienti. Plut. in Lacon.

Anonyma.

Lacena quedā captiua, quū inter- rogaretur, quid sciret? probè inquit regere domū. Et hæc nō vulgaris ars

est in muliere. Plut. in Lacænarum apophthegm.

Alia.

Quædam à licitatore interrogata, num esset futura proba, si ipsam emeret? etiam, inquit, si me non emeris. Plutare.

Alia.

Quum in auctione præco rogaret illam, quid sciret? Libera, inquit, esse significans, sese captivam quidem esse, cæterum ad illiberalia iussa non parituram. Itaque quum emptor imperasset quædam non convenientia liberae. Plorabis, inquit, qui tibi ipsi talem inuideris possessionem, moxque sibi necem consciuit. Plut. in apoph. Lacænarum.

Anonymus.

Puer Spartanus captus ab Antigono rege, ac sub hasta venditus, in cæteris omnibus, quæcunque putabat ab ingenuo decenter fieri posse, obsequens erat ei qui ipsum fuerat mercatus: cæterum iussus adferre matulam, haud sustinuit: dicens: Non seruam. At quum instaret herus, puer consensu recto, dixit, Senties cuiusmodi mereatur feceris: moxque sese è sublimi præcipitem dedit, ac periit. Captiuus esse poterat, seruilis facere non poterat, ac semet in libertatem more asseruit. Plut. in Lacon.

Idathyrsus.

Idathyrsus Scytharum rex, in quem arma mouit Darius, suasit Ionum regibus, ut Histrici pontis iunctura soluta, fugientes sese in libertatem vindicarent: qui quum id facere recusarent, ne violarent fidem, qua Dario erant obstricti, vocauit illos frugi mancipia, & ἀσπρα, hoc est, qui fugere nollent. Nam hæc non minima laus est seruorum, nolle fugere, si liceat: at nolle tyrannicam seruitutem

commutare libertate, si detur opportunitas, animi seruilis est. Plutare. in apoph.

Antigonus.

Conspiciens filium suum eos, in quos habebat imperium, ferocius trāstantem, atque insolentius: An igne-
ras, inquit, fili, regnum nostrum esse splendidam seruitutem? Nihil dici potuit cordatius. Nam princeps non minus obseruire cogitur populo, quam populus principi: nisi quod princeps id facit cum dignitate, alioqui reuera mutua seruitus est. Plutarch.

Anonymus.

Quidam in seruum furacem ita incatus est, ut diceret, eum solum esse cui domi nihil esset nec signatum, nec occlusum. Id si de frugi seruo dicas, laus est: si de furaci, iocus. Intelligimus enim, illi nec seras nec signa ob stare, quo minus furetur. Scinia claudimus: olim & eadi lageneq; solebant ob signari. Erasmus libro 6. apophthegm.

De seruorum multitudine & turba.

Anonymus.

A Etoli quondam ingressi regione Laconicam, abduxerunt quinquaginta seruorum millia, unde Lacon quispiam senior festiuitate dixisse fertur: Magno bono fuerunt hostes Laconicæ, quam tanta turba leuarunt, Plut. in Lacon.

Anonymi.

Cum Thebani irrupissent in Laconicam, & inter captiuos captiuasque multos etiam abduxissent helotas, iusserunt illos Terpandri, Alcmanis ac Spondonis Laconica carmina canere.

canere, illi recusarunt, dicentes, id nolle filias heriles: adeo plus apud illos valuit concaptiuarum puellarum autoritas, quam iussa victoris. Hinc probarunt quidam, esse verum quod vulgò diceretur, liberum Spartæ maximè liberum esse, contrà seruum maximè seruum. Plutarc. in vita Lycurgi.

Alcamenes.

Percontanti cuidam, cur Lacedæmonij Helotibus committerent colendos agros, ac non ipsi potius eos colerent? Quoniam, inquit, nō ipsorum causa, sed nostra, Helotas nobis comparabimus. Videlicet stultitiam eorum taxans, qui mancipia ad ostentationem, alunt otiosa, & seruos socios ac ministros voluptatum habere malunt, quàm frugiferis operibus occupatos. Plut. in Lacon.

M. Crassus.

M. Crassus ille diues, magnam seruorum turbam domi alebat, quorum præcipuam agebat curam, discantibus adstans interdum, & ipse docens eos, dicens: hāc oportere præcipuam esse patris familiæ sollicitudinem, nosse quot sint rei familiaris animata instrumenta.

De seruorum ministerio.

Diogenes.

Conspicatus delicatum quēdam, à seruo calceari: Nondum, inquit, sat beatus es, nisi te etiam abstergat. id erit, si mancus fueris. Laertius libro 6. Visum est Diogeni non multo minus absurdum, in calceatu abuti opera famuli, si quis ipse sibi hoc prestare valeat, quàm si post exoneratum aluum adhibeat famulum abstergendo podici. Quanquam in-

telligi potest & de abstergēdo naso. Philosopho ethnico prodigiosæ delitiæ videbantur, ethnicum calceari à famulo (inquit Erasmus:) At ego, novi Christianum sacerdotem, ac theologum, cui cū nullum esset membrum mancum, tamen aditurus latrinam, famulos accersebat, qui soluerent ligulas: item reuersus qui alligarent. Id ego videns, sic mecum cogitabam, Vtinam adesset spectator Diogenes.

Demonax.

Videns quendam, seruum suū crudeliter verberantem, Desine, ait, ne seruo tui similis fias. Iudicauit vir prudentissimus, reuera seruum esse, qui affectibus suis imperare non possit. Eras. l. 8. apoph.

Gorgo. Cleomenis Filia.

Cū videret Aristagoram à quopiam è famulis calceari: Quid, inquit, pater? Hospes iste manus non habet? Existinabat, non ferendas viri delicias, qui in eo abutebatur famuli opera, quod ipse suis manibus facere sibi poterat. Et nō pudet quosdam, quibus vestiendis comendisque vix decem famuli sufficiunt. Opus est famulo, qui ventrem exoneraturo soluat ligulas, qui fœnum aut lanam porrigat extersuro, ac minimo minus, qui abstergat. Eras. ex Plut. in Lacon.

Gillias.

Hospitio exceptus apud hominem durum & vndecunque facientem quæstum, qui ne dormire quidem famulis permittebat, sed alius aliud operabatur noctu: eundem & ipse postea, quum Agrigentū venisset, suscepit, & conuocatis famulorum pueris (qui permulti erant) nuces & carycas distribuit. Interrogante autē hospite, vnde tot pueri? A famulis

meis, dixit, mihi generantur. Voluit autem ostendere, ita tractandos esse feruos, vt ad procreandos etiam liberos legitimè sint apti. Stob. ser. 60.

De seueritate.

M. Cato.

CAto senior millia quinque famulos habebat, quorum vnus tria captiua corpora emit. Quod vbi sensit rescisse Catonem, priusquam in eius conspectum veniret, seipsum laqueo præfocauit. Ad eò quæstum oderat in milite, adeò veniam desperabat qui peccauerat.

Antisthenes.

Suprà de præceptore bono ac fidei.

Parysais.

Suprà de Adulatione & assentatione.

T. Manlius.

Suprà de Grauius dictis.

C. Sulpitius Gallus.

Vxorem repudiavit, quòd aperto capite fuisset foris: Lex, inquit, tibi meos vnus præfinit oculos, quibus formam tuam approbes: his ornamenta comparato: his esto speciosa, aliis velle videri formosam, in suspitione & in crimine hæreat necesse est. Eras. l. 6 apoph.

Pescennius Niger.

Palæstinis rogantibus, vt ipsorum cæsus leuaretur, eo quòd regio esset grauata, satis inclementer respondit: Vos terras vestras leuare vultis, ego etiam aërem vestrum censere cuperem. Aelius Spart.

Alphonsus.

Admonitus ab amicis ne nimium leuis erga suos esset, & ob id in contemptum apud suos incideret. Ma-

gis, ait, hoc cauendum mihi est, ne nimia mihi seueritas conciliet inuidiam. Eras. l. 8. apoph.

Vide apophthegm. de Disciplina militari, & de Parentum seueritate in filios.

De seuerè dictis.

Gorgo.

CVM hospes quispiam molliter ac ægrè vestem prælongam attraheret, Gorgo Cleomenis filia protrusit hominem dicens: Non tu, hinc abis, qui nec ea possis quæ sunt fœminarum? Mulierum est, laciniosis, & in humum defluentibus vti vestibus: quin & caudas admodum longas interdum trahunt, nec tamè grantur onere, aut succingunt. Plut. in Lacon. apoph.

Anonymus.

Lacon cum in peregrinatione vidisset homines in sellis curulibus sedentes: Absit, inquit, vt in talibus sedeam sellis, vnde non liceat assurgere seniori. Ibidem.

Antigonus.

Suprà de Iudice bono & incorrupto, & apophthegm. de seruis ac famulis.

Paulus Aemilius.

Cùm Perseus captiuus deprecaretur, ne in triumpho duceretur: Istuc, inquit, in te situm erat. Significans illi licuisse in bello perire. Plut. in vita Aemyl.

Telencia.

Suprà de Filiorum abdicatione & de Parentum seueritate in filios.

Vide apoph. de grauius, prudenter & sapienter dictis.

De

De sexu.

Antisthenes.

Dicebat, viri ac mulieris eandem esse virtutem. Idem sensit Socrates, sexum muliebrem non minus esse docilem ad omnia virtutis munia: quàm virilem, si pariter instituatur. At vulgus sexum incusat, quasi ad virtutem indocilem, Laer. l. 6.

De silentio.

Pythagoras.

Eius de silentio scitè dicta sunt hæc. Aut sile, aut affer meliora silentio. At silentium tempestivum, aut orationem vtilem habeas. Verba silentio, silentiū tempestiuitate claudas, Stob. ser. 3. 4.

Socrates.

Admonebat suos discipulos, ut tria præcipuè in omni vita haberent: In animo prudentiam, in vultu verecundiam, & in lingua silentium. Maxim. serm. 12.

Pittacus.

Præcipiebat, ut ea quæ facturi sumus non aperiāmus loquaciter aliis: ne si malè perfecerimus, dignè derideamur. Max. ser. 20.

Thales.

Suprà de Lingua, Garrulitate & loquacitate nimia.

Solon.

* Inter pocula tacitus, interrogāti Periandro, an propter verborum inopiam aut ob stultitiā taceret, respondit, Atqui nullus stultorum in conuiuiō silentium præstare potest. Stob.

Idem.

* Sermone silentio, silentium autem temporis occasione obsignandū

esse dicebat. Stob. serm. 3.

Chilon.

Rogatus, quid esset difficile? Arcanum, inquit, reticere. Tanta est linguæ, omnium maximè volubilis, incontinentia, cum alioqui nihil videatur facilius quàm silere. Laer.

Bias.

Apprimè decorum illis esse silentium dicebat, quibus indecora impuræque esset vita. Stob.

Democritus.

Cum animaduertisset quendam multa imperitè disputantem: Hic, inquit, non dicendi peritus mihi videtur, sed omnino tacendi imperitus. Max. ser. 20.

Diogenes.

Ad quendam, qui se contentiosè philosophum profitebatur: Vah miser, inquit, cum id quod optimum est in vita philosophi corrumpas, verbis tamen audes te philosophum iactare. Est autè philosophi etiam munus silere, cum res responsione digna non est. Stob. ser. 31.

Idem.

Adolescens quidā ex illis qui cum Diogene versabatur, interrogatus ab ipso, tacebat. Tum Diogenes: Non putas, inquit, eiusdem esse, quæ dicenda sunt scire, & quando: & quæ tacenda sunt, & apud quem. Stobæus serm. 32.

Cleanthes.

Cuidam ab eo petenti dictum aliud quod, quod crebrò occineret filio suo, protulit ex Electra, σῆα σῆα λέγειν ἱχθυόω, id est, Tace, tace, tenue vestigulum. Innuens pueris maximè conuenire silentium. Laer. l. 7. c. 2.

Idem.

Cum quidam ad tacentem Cleunthem dixisset, Tu quid taces? atqui iucundum est cum amicis confabu-

Iari. Iucundū quidē respondit Cleanthes: sed quo iucundius est, eo magis in hoc amicis oportet cōcedere. Sto. serm. 31.

Zeno Citieus.

Prolemæi legatis, qui multos eruditos ad conuiuium inuitarant, percontantibus, quid de ipso regi suo essent renuntiaturi? ait, Vidisse vos senem, qui in conuiuio tacere nouerit. Cū enim ceteri ad ostentationem multa dixissent, vnus Zeno perpetuū tenuit silentium. Laer. lib. 7. c. 1. Stob. ser. 32. Max. ser. 20.

Simonides.

Dicere solebat, nunquam se poenituisse silentij, sermonis autē sæpius. Anton. in Meliss. par. 1. serm. 73. Max. ser. 20.

Idem.

Dicebat, eorum hominum, quorū indecora vita est, maximum decus esse silentium. Anton. in Meliss. par. 1. serm. 73.

Xenocrates.

Cū in conuiuio ceteris multa garrientibus, solus nihil diceret, interrogati, cur vnus omnium sileret? Quoniam, inquit, loquutum fuisse poenituit aliquando, siluisse nunquā. Hoc Plut. in libello *de ei qđ vixit* tribuit Simonidi. Sed Laert. 4. cap. 2. Xenocrati tribuit, & Valer. Max. etiam, lib. 7. cap. 2.

Idem.

Singulas diei partes diuidens in actiones certas, suam etiam silentio partem reddebat. Docens, silentij rationes vtique adhibendas esse. Max. ser. 20.

Heraclitus.

Rogatus à quibusdam, cur taceret: Vt vos inquit, loquamini. Bruns. Cont. libro sexto capit. 6. exemplorum.

Anacharsis.

A Solone exceptus conuiuio, cū se cubitum recepisset, sic composuit erat, vt sinistra manus ad pudenda appposita esset, dextra autem ori. Interrogatus autem, quā ob rem id faceret? Continentiori freno linguam indigere dixit, ne secreta proferret. Max. ser. 20.

Anaxarchus.

Multarum rerum cognitionem homines aut valde iuuare, aut valde lædere dicebat. Iuuare enim virum dextrum & commodum: lædere vero illum, qui faciliē quemuis sermonē & apud quosuis eloquitur. Oportet autem occasionis modum nosse, is enim sapientis terminus est. Qui verò intempestiue cantilenam multam quāuis doctē cecinerint, illi non approbantur, sed crimen stultitiæ subeunt. Stob. ser. 32.

Idem.

Cū à Cypriorum tyranno Nio creonte torqueretur, vt cōscios produceret, post multa in regem dicta conuicia, tandem per iracundiam & linguæ amputationem minanti: Non erit, inquit, effæminate adolescens, hæc quoque corporis mei pars tuæ ditionis. simulque dentibus abscissam, & commanducatam linguam in os eius ira patens expuit. Laer. 1. 9. cap. 10.

Theophrastus.

Suprà de Lingua, garrulitate & loquacitate nimia.

Aristoteles.

Callisthenem, auditorem suum ad Alexandrum mittens, monuit, vt cum eo quā rarissimē, aut quā iucundissimē loqueretur. Quo scilicet apud regias aures vel silentio tutior, vel sermone esset acceptior. Plut. in Alex. Laer. in Arist. Val. Max. 1. 7. c. 2.

Idem.

Idem.

Cum percontaretur, quid esset in vita difficillimum? Tacere, inquit, quæ loqui non decet. Max. ser. 20.

Idem.

Dicere solitus est: Qui filere non nouit, is neque loqui admodum scit. Nam quærente quodam, quæ res homini in vita esset difficillima? ait, Silere tacenda. Stob.

Idem.

Interrogatus, quam ob rem, cum alios doceret loqui, ipse taceret? respondit: Cos quidem ipsa non scindit, cultros autem acuit. Ant. in Meliss. part. 1. ser. 63. Verum hoc Isocrati adscribit Max. ser. 20.

Idem.

Interrogatus à quodam, quis arcænum sermonem continere posset? respondit: Qui carbonem quoque igni tum lingua retinere potest. Ant. eod. serm.

Dion.

Naturâ probè egisse dicebat, quæ geminas aures, & linguam vnicam nobis fabricarit: quo ad audiendum essemus quàm ad loquendum promptiores. Stob.

Isocrates.

Duo dicendi tempora statuenda dicebat: Vel de iis quæ certò nouimus, vel de quibus dicere est necessarium. In his enim solis oratio silentio præstat, in aliis melius est silere quàm loqui. Max. ser. 20.

Idem.

Dicere solebat, improbi hominis, quasi taciturni canis silentium magis quàm vocem timendam esse. Ibidem.

Demosthenes.

Cum adolescens quidam inter potula multas nugas effutiret, & tacere noller. Adolecens dixit, quomodo

non didicisti tacere ab illo, à quo didicisti loqui? Antonius in Meliss. par. serm. 75.

Idem.

Cum quis ei obieceret oris fœtorem? Bene dicis, respondit: multa enim secreta in eo computruerunt. Ibidem, & Max. ser. 20.

Apollonius.

Summo studio aduereudum dicebat, ne temerè nobis verba parum decentia elabantur. Cõstat enim quàm inurbanum sit silere non posse: tum effutire palàm cum turpitudine, quæ honestius obticuisse. Stob.

Idem.

Dicebat, cum in alios atque alios errores & pericula homines labi palàm sit: mirum, quantam securitatem præstare queat taciturnitas. Stobæus.

Theocritus.

A blaterone quodã interrogatus, vbi cras visurus esset ipsum? Illic, respondit, vbi te ego non videam. Stob. serm. 31.

Euripides.

Cuidam opprobianti graueolentiam oris: Multa, nimirum, inquit, in illo occulta computruerunt. Significans, se posse continere arcana. Solẽt autem res in occulto congestæ computrescere. Erasim. l. 8. apoph. Idem. Demostheni ab aliis attributũ, paulo ante recensuimus.

Epicletus.

*In omni negotio nihil adeò prospiciendum esse dicebat, quàm vt tutum securumque sit quod agitur. Est autem tutius, inquit, tacere quàm loqui. In Enchiridio.

Demetrius Cynicus.

Cum post ex Italia proscriptos à Domitiano mathematicos & philosophos, ad Apollonium venisset, &

fortunæ suæ iniquitatem deplorasset. Cicadis, inquit, licet impunè canere, nobis Romæ ne mutire quidem fas est. Philostratus, & Cuspin. in Coss.

Isocrates.

Careo loquaculus volebat ab Isocrate oratore erudiri. Sed is, duplicè mercedem mihi dari, inquit, posco: alteram, ut loqui, alteram, ut tacere discas. Stob.

Plutarchus.

*Verborum, rei leuissimæ, inquebat, grauissima pœna, & apud Deum & apud homines, comes esse solet. Silentium verò cum vbique culpa vacet, tum maxime in aliorum conuictis, nescio quid egregium, Socraticū, aut potius Herculeum præ se fert. Siquidem & Hercules, ne gry quidē odiosa verba curabat. Libr. quomodo quis ab hostibus inueter.

Lacones.

Apud Lacedæmonios, ad publica conuiuia ingredientibus, qui natus erat maximus, singulis ostendebat fores, dicens: Per has nullus egreditur sermo. Admonens, nihil effutendum, si qui liberius dictum est in conuiuio. Hunc morem instituit Lycurgus. Plut.

Demaratus.

In cōcessu quodam rogatus, vtrum ob stultitiam, an ob sermonis inopiam fileret? Atqui stultus inquit, ne possit quidem filere. Quidam hoc præclarum existimant, si nunquam fileant, quum id sit certissimum fatuitatis argumentum: ut contrā silentium, vbi loquendi tempus non est, prudentiæ signum est. Plutarch. in Lacon. apophthegm.

Demonax.

A quodam interrogatus, quānam ratione delegatam provinciam ritē

administrare posset? respondit: Si quam minimum loquens, plurima audieris. Erasmus libro octauo, apophthegmar.

Philippides.

Philippidi Atheniensi, qui ob virtutem charus ac per quam familiaris Lyfimacho regi erat, Lyfimachus cū dixisset, Num quid rerum suarum expeteret? respondit: Solū, o rex, ut arcanorum tuorum quidquam mihi credas. Plut.

Epaminondas.

Audiendi potius quā loquendi cupidum esse hominem debere putabat: Quod sciret, ex audiendo doctrinam, ex loquacitate autem pœnitentiam nasci. De eo etiam dictum, Neminē vnquam visum esse qui plura sciret & pauciora loqueretur. Plutarch.

Hieron.

Arcana enuntiantes iniuriam facere dicebat, eis etiam quibus enuntiarent. Odimus enim non solum eos qui effutierint, verum eos etiam, qui quæ nolumus audierint. Maxim. serm. 20.

Alexander M.

Suprà de Lingua, garrulitate & loquacitate nimia.

Antigonus.

Filio Philippo multis præsentibus percontanti, ac dicenti, Quando castra mouebimus? Quid, inquit, num metuis, ne solus tubam non audias? Notās adolescentis imperitiam, qui hoc patrem multis audientibus percontaretur, quum in bello celanda sint consilia principum: sed quoties castra mouenda sunt, tum omnibus tuba dat signum. Plutarchus in apophthegm.

Cacilius Metellus.

Quum in bello omnia proprio & subito

subito cōsilio ageret, amico cuidam interroganti, quidnam iam acturus esset, post Arbachos in Macedonia subactos: Tunicam, inquit meā exuerē si eam cōsiliū meū scire existimarem. Quo dicto docuit, non temerē animi nostri propositū effutiēdū esse omnibus, sed silendū ad suū usque tempus. Plin. cap. 61 de Viris illustribus. Plut. in apoph. Rom. Front. lib. & cap. 1.

Cato Vticensis.

Quum Catoni, qui post dictus est Vticensis, etiamnum puero, vitio daretur taciturnitas (nec enim cum pueris exercebatur, nec a quoquam audiri volebat) ait: Carpāt taciturnitatem, modō vitam probent. Et addidit: Tum demum abruptam hoc meum silentium, cum ea loqui poterō, quæ sunt indigna silentio. Plut. & Brul. lib. 9. cap. 6.

Tiberius.

Cum aliquando percontaretur, cur sua consilia non cum aliorum quoque, cui ei non malē vellent, cōsiliis communicaret? respondit: Principis animum aut nemini, aut paucis cognitum esse oportere. Sensit autem, non omnia credenda iis qui se amicos esse venditant: quibus quum aliquid secreti commiseris, temerē rimarum pleni effutiant: non cogitantes, principes loquaculorum garrulitate sæpenumero aut periclitari, aut prodi prorsus. Dion.

Vide apophr. de patientia, prudentia, animi magnitud. Contumeliis, maledictentia. Conuiuiis, &c.

De similitudine formæ.

Anonymus.

Proconsul quidam Romanus in Sicilia, cōspicatus quendam ado-

lescētem admodum sui similem; rogauit similitudinis causam: num pater suus nunquam adisset Siciliam? At meus, inquit, Romam frequenter accessit. Iocum retorfit Siculus, nihil veritus secures ac virgas proconsulis. Brul. lib. 6. cap. 20.

Anonymus.

Augusto Cæsari perquam similis Romam venerat, & ita similis, ut omnium ora in se conuerteret. Produci ergo Cæsar hominem iussit, visumque interrogat: Dic (ait) adolescens, fuitne aliquando mater tua Romæ? Excepit adolescens, & hunc in modum Augusto respondit: Mater mea nunquam fuit Romæ, sed pater persepe. Macrob. Plut. in Rom. apoph. Eras. lib. 4. apoph.

De simulatione & dissimulatione.

Charondas.

***I**Nter leges quas tulit Catanēnsibus, hæc reperitur scitu digna. Vanus quisque ciuium se temperantem potius quam sapientem videri studeat. Nam simulare sapientiam magnum est imperiti & vilis animi signum. Temperantiæ autem simulatio debet esse vera: neque vllus egregia facta simulet, qui re ipsa & mentis & actionum bonarum nihil habeat. Stob. ser. 42.

Diogenes.

Cum in conuiuiō placentiam ederet, dicerētque conuiuarum quispiam. Quid comedis Diogenes? Suspicans Cynicum philosophum nescire, quid esset placenta. Panem, inquit, bene pistum. Dissimulans se

scire, quid esset aliis placenta. Laert. lib. 6. cap. 2.

Polydorus.

Quum in Messeniensium regionem eduxisset copias Polydorus, roganti cuiusnam, Num aduersus fratres essent pugnaturi: Non, inquit, sed in eam agrorum partem proficiscimur, quæ nondum sortito diuisa est. Elusit percontatorem, dissimulans consilium suum. Plut. in Lacon. apoph.

Demosthenes.

Postquam Demosthenes metu Antipatri profugisset in Calauriam insulam, sequens in Neptuni templo contereret, & Archias ex tragicædiarum histrione potens, illi blandis sermonibus persuadere conareretur ut sese in Antipatri fidem committeret, non modò nihil passurum mali, verum etiam amplissimis muneribus honorandum: In scena, inquit, mihi nunquam placuisti histrio, neque nunc persuadebis orator. At ubi commotus Archias minaretur, se detracturum illum è templo: Tandem, inquit, oracula Macedonica aperuisti, nam prius histrionum more simulabas Plut. in Demosth.

Metellus.

Cum Scipioni viuenti fuisset inimicus mortem tamen illius grauius tulit iussitque filiis, ut subeantes pheretrum, funus Scipionis efferreret: addens, se Romanæ ciuitatis nomine gratiam habere diis, quod Scipio apud alios non esset natus. Sentiens, Romam non futuram fuisse incolumem, si talem ducem habuissent hostes. Simultatem oportet morte finire, amicitiam non item. Plut. in Rom. apoph.

Cicero.

L. Cotta censor, qui vini audissimus

habebatur, quum Cicero consulatum petens fuisset, bibissetque, septus undique amicis: Rectè, inquit, timeris ne censorem habeam infensum, quod aquam bibo. Simulauit Cicero se credere, ob id circumstare frequentes amicos, ne censor videret illum bibentem aquam: Simile enim simili amicum. Eras. lib. 4. apoph.

Domitius Afer

Dum causam ageret, & is quis diuersam agebat partem, subinde repeteret Celsinam hoc dicere: cum probè nouisset foeminam præpotentem, simulans se credere Celsinam virum esse, rogauit quis esset ille Celsina? Obiter notans ineptiam illorum qui tantum authoritatis opum gratia tribuerent foeminae, ut illius dicta toties citarent pro testimoniis. Eras. lib. 6. apoph.

Iulius Cæsar

Cum testis ad exaggerandam iniuriam diceret, foemina sua à reo ferro petita. Quid enim faceret, inquit, quum tu galeam & loricaam haberes? Non ignorabat, cur illam partem potissimum vulnerare voluisset: sed hoc dissimulato, iocari maluit. Galea & lorica omnia tegunt, præter foeminam. Eras. Rot. lib. 4. apoph.

Anonymus.

Tiberio Cæsari contanter & agere suscipienti delatum imperium, quidam in os ausus est dicere: Cæteri quod pollicentur tardè præstant: tu quod præstas, tardè polliceris. Notata est illius simulata contatio, detrectantis quod cupiebat. Erasim. lib. 6. apoph.

Fridericus imp.

Posteaquam senatores omnes in curiam vocasset, optauit, ut antequam ingrederentur, duas res deponerent, & tum

& tum fieri posset vt iudicio nemine fallerent. Percontatus autem, quænam res illæ essent? Simulatio & dissimulatio, respondit. Nam quæ res est, quæ homines decipiuntur magis, quam si aliud cogites, aliud dicas? Æneas Syl. de dictis Friderici imp.

Sigis imp.

Dixisse memoratur, ignarum esse regnandi, qui simulare nesciret. Innuat autem, præcipuam principum virtutem esse clementiam, quæ docet, simulanda interdum esse ea, quæ non magni sunt momenti, commodi maioris gratia. Æneas Syl. l. i. commet. in res gest. Alphonsi.

Romanus.

* Is, Hispanorum rex mirè fuit probus & in moribus simplex. Ob eam rem cum irrisui aulicis esset, & disteriis identidem peteretur, ad extremum exarsit, & undecim viros nobiles ad se vocatos in Osca vrbe gladio peti iussit, addito dicto, Nescit vulpecula cum quo ludat. Reipsa scilicet ostendit periculosum valde, leonem vellicare. Histor. Hispaniæ.

De similitate, reipub. perniciæ.

Chilon.

Chilonis disterium est: Sic ama, tanquam osurus: sic oderis, tanquam amaturus. Hoc dicto admonuit, nec similitates tam acriter exercendas, vt præcludatur omnis in gratiam reditus: nec amicis adeo fidendum, vt illis committas, quod si fiant inimici, possint te perdere. Gell.

Aristippus.

Helicon Cyzicenus, vnus ex Platonis æqualibus, solis defectum prædi-

xerat: qui posteaquam accidit, quemadmodum ille prædixerat, à Dionysio argenti talento donatus est. Tum Aristippus ad reliquos Philosophos: Et ego rem miram habeo, quam possum prædicere. Orantibus vt proferret: Prædico, inquit, breuiter Platonem ac Dionysium futuram similitatem. Senserat enim, regem animi suum iamdudum dissimulare. Laërt. lib. 2.

Idem, & Æschines.

Quum inter Aristippum & Æschinem incidisset similitas, quidam autem diceret, Vbi nunc illa vestra amicitia? Dormit, inquit, sed eam excitabo. Itaque similitatem Aristippus comoda liberæque appellatione, facile sustulit. Ne silentio malum, vt solet, in crudelesceret. Vltro adit Æschinem: Num, inquit, quamprimum redibimus in gratiam, ac nugari desinemus? an potius expectabimus, vt scurris inter pocula de nobis loquendi materiam præbeamus? Cui cum Æschines respondisset, se lubenti animo rediturum in gratiam: Memeto igitur, inquit Aristippus, quod cum essem natu maior, prior ad te venerim. Tum Æschines: Næ tu profecto vir me longè melior es. Siquidem à me similitatis, abs te sarcinæ gratiæ fuit initium. Hoc pacto redintegrata est inter illos amicitia. Laërt. lib. 2.

Aristides.

Cum inter Aristidem & Themistoclem magna esset similitas, tamen legati simul missi vt Reipublicæ negotia expedirent, Vis, inquit, Themistocles, vt in his montibus inimicitias relinquamus? Nam si videbitur, cum reuerfi fuerimus, illas resumemus. Docuit vir prudentissimus, omnem similitatem deponendam esse

iis, qui Reipubl. vtilitatem promouere cupiunt. Plut. in apoph.

Idem.

Aristides è concione quadam, in qua frustra Themistocli obstiterat, discedens, clara voce testatus est, res Atheniensium incolumes esse non posse, nisi & ipsum & Themistoclem in barathrum conicerent. prius habens, morte affici, quam ob duorum similitudinem minus rectè consuli publicis commodis. Plutarchus in Aristide.

Cratides.

Lyfandro defuncto, cum de societate belli nata esset controuersia, Agesilaus adiit Lyfandri domū, inquitur super hac re literas, quas Lyfander apud se detinuerat. Reperit autem præterea librum Lyfandro conscriptum de nouando Reipubl. statu, quod oporteret regnum ab Eurytionidis & Agide ablatum (nam ex his tantum familiis fas erat creare reges) in commune ponere, ac regem eligi ex optimis: quo videlicet hoc honoris decerneretur non his qui genus duxissent ab Hercule, sed iis qui tales essent virtute, qualis fuisset Hercules: quandoquidem virtute, non generis commendatione, & ille ad diuinos honores subuectus est. Hanc orationem Agesilaus nitebatur apud ciues euulgare, cupiens per eam ostendere, qualis ciuis clanculum fuisset Lyfander, non si ne calumnia eorum qui Lyfandro fuerant. Sed ferunt Cratidem, qui tum inter Ephoros primas tenebat, veritum ne lecta oratio persuaderet, reuocasse ab eo concilio Agesilaum, ac dixisse: non solum non esse refodiendum Lyfandrum, sed ipsam potius orationem cum illo defodiendam, quod callide & ad

persuadendum accommodatè composita videretur. Hoc factum declarat Lyfandri peruersam ambitionem, qui nihil intentatum reliquerit ad regnum adipiscendum: sed idem arguit Agesilai moderationem, qui priuatam similitudinem posthabuit vtilitati Reipubl. Plutarch. in Lacedaemoniis.

Bibulus.

Cum Pōpeio esset inimicus, prius tamen in senatu rogationem tulit, ut vnicus consul Pompeius decerneretur: Aut enim (inquit) Reipubl. ab imminente procella per illum liberabitur, aut optimo parcendum erit. Egregius animus, qui priuatam similitudinem posthabuit Reipubl. comodis. Eras. Rot. lib. 6. apoph.

Fridericus imp.

Suprà de Simulatione.

Alphonfus.

Suprà de Affectibus frenandis & de Discordia.

Vide apoph. de Odio.

De sobrietate.

Diogenes.

Quum Diogeni quispiam probri vice obiecisset, quod in caupona biberet: Et in tonstrina, inquit, tondeor. Significans, nihilominus esse honestum bibere, quam tonderi aut radi. Quemadmodum nemo reprehendit, in tonstrina radi, quod is loc⁹ ei rei paratus sit: itaq; turpe videri non debet, si quis bibat in caupona, modò bibat modicè. Nam immodicè bibere, quouis loco turpe est. Laert. lib. 6.

Musonius.

* Delicatus picam expertis mulieribus non dissimiles esse aiebat. Nam & ipsi, inquit, velut illae fami-

familiarissimos cibos fastidiunt, ore ventriculi corrupto. Itaque ut ferrum inutile acie noua semper eget, similiter & illorum stomachi inter edendum acui nunquam non postulant, siue mero, siue aceto, siue acerbo aliquo condimento lib. de alimentis, apud Stobæum.

Anonymus.

* Lacon quidam conspiciens quendam preciosam auiculam sibi appositam præ fastigio renuere: at mihi, dixit, etiam vultur & hircus sapiunt. Stob. serm. 17.

Zeno Citicius.

* Ne per morbum quidem cibo magis delizioso uti voluit. Igitur me dico columbinum pullum consulente, ipse consilij impatiens, non secus quam mancipium nomine Manem, si ægrotaret, curari se iussit. Si enim inquit, absque sumptuosis alimentis recuperare sanitatem seruus potest, quid idem mihi futurum prohibet? Laert.

Archidamus.

Quodam Archidamo pollicente vinum suauē: Quorsum, inquit, opus? quandoquidem & plus absumentur: & quæ fortes decent viros, ea reddet inutiliora. O verè masculum animū, & omnium deliciarum contemptorem. Plut. in Lacon.

Demades.

Prandens apud Phocionem, cum apparatus admodum tenuem videret: Demiror, inquit, ô Phocion, te Rempubl. administrare, cum possis ad istum prandere modum. Bis errans, & quod lucri tantum causa putaret ad eundem Rempubl. & quod luxum probaret in eo, cui maxime conueniebat sobrietas: Sed Demades alios è suis moribus estimabat: Erat enim & pecuniarum auidus, & luxui,

deditus. Eras. lib. 6. apoph.

Leotychidas.

Percontanti cuidam, quamobrem Sparciatæ parcissime biberent. Ne inquit, Leotychidas, pro nobis alij, sed nos potius pro aliis consultemus. Salustissime notans, vinosos non esse ad consultandum idoneos, at salubrium consiliorum parens est sobrietas. Plut.

Cyrus maior.

Cum ad hospitem diuertisset, rogareturque, Quid sibi cœnæ vellet apponi? respondit: Panem tantum, & sperare se prope fluentem aquæ riuulum cœnaturum. Hic suos etiam monere solebat, ut aquam bibere consuescerent, & fierent Hydropotæ, quod vinum omnibus bonis rebus inimicaretur. Xenophon.

Romulus.

Legitur vini fuisse parcissimus. Is ad cœnam vocatus, cum ibi minimū bibisset, eò quod postridie negotium haberet, dicunt illi familiares: Si ad istum modum bibant omnes homines, vinum esse vilius, ille respondit: Imò verò carius, si quantum quisque volet bibat, nam ego bibi quantum volui. Eras. lib. 6. apoph.

Epaminondas.

* Legati venerunt à Persarum rege ferentes auram, animo corrumpendi muneribus Epaminondam. Inuitati sunt igitur ad prandium ab ipso: intelligebat enim qua gratia appulissent. Iussit verò à prandio ut causam aduentus explicarent. Apposita est mensa vilis, bibebant vinum acidum neque habebant quod ad hæc dicerent. Tum ille subridens: Abite, inquit, & domino vestro mea prandia narrate, ut intelligat iis me contentum non facile ad proditorem allici posse. Æmyl. Probus, Stobæus, ser. 1. Idem de Xenocrate Alexandri Macedonis

quingenta auri talenta recusante refertur.

Peseennius Niger.

Militibus vinum ab eo petentibus: Nilum habetis, inquit, & vinum quæritis? Doquit autem, vinolentiam militibus eeu pestem fugiendam esse, qui tū demum ad res gerendas proprii sunt, cum ratio mero non perueritur. Bruf. Spartianus.

Idem.

Romanis à Saracenis victis dicensque, Vinum non accepimus, pugnare non possumus: idem inquit, Errubescite, nam qui vos vincunt, nil aliud quam aquam bibunt. Spartia.

Fridericus imper.

Studiofissimus temperantiæ ac sobrietatis cultor fuisse dicitur. Is cum audisset, Leonoram vxorem (quæ paterna in domo nunquam vinum gustauerat) facile filios parituram, si in Germania, tam frigida regione, vinū biberet: dixisse fertur, malle se sterilem vxorem habere, quam vinosam. Non ignorauit autem imperator fortissimus, quam multa vinolentiam mala comitentur: & tum præsertim, cum fœmineum genus nimio vino obruitur. Æn. Syl. l. 2. Comment. de reb. gest. Alphonfi.

Alphonfus.

Cum interrogaretur, cur vini expers viueret, aut vino dilutissimo contentus sitim expleret, contra omnium regum & aulicorum morem? respondit, Vino sapientiam obscurari: idèoque non decere regem, vt hoc immodica computatione in animo extinguat, sine quo imperatoris ac regis nomē ritè tueri non possit. Antonius Panorm. libro 2. de reb. gest. Alphonfi.

Idem.

Interrogatus, quid sibi vellet quòd

vinum aqua dilueret? Ne ebrius fiam, respondit, nō enim ignoro, quantum vini intemperantia Alexandri Macedonum regis gloriæ obfuerit. Panorm. lib. 2. de dictis ac factis Alphonfi regis.

Idem.

Ab amico etiam perconratus. Cur adeò ebrietatis vitium damnetur? Ideo inquit, quia furorem & libidinem ebrietatis filios esse haud ignoro. Panorm. lib. 2.

Vide apoph. de Abstinētia, continentia, temperantia, Ebrietate, incontinentia, intemperantia, &c.

De Solæcismo.

Pausanias.

Pausanias Cappadox, cum inter perorandum confundens consonantes, breues producens, productas verò corripiciens auditus esset: vulgò dictus est malus coquus, qui pretiosa obsonia malè condiret. Philostratus recitat in sophistis, & ex eodem Raphaël Volaterranus lib. 8. Vrbanoz com mentarior.

Cass. Suerius.

In aduocatione quadam, cum M. Pomponius Marcellus Latini sermonis molestissimus exactor, solæcismum ab aduersario factum arguere perseveraret, interpellatis iudicibus dilationem petiit, vt litigator suus alium grammaticum adhiberet: quòd diceret sibi cum aduersario non de iure, sed de solæcismo controuersiam futuram. Eras. l. 8. apoph.

De solerter dictis.

Antisthenes.

A Dolefcentes Socratem videre cupientes, philosophorum omnium

nium sapientissimum, duxit ad Anytidomum, dicens illum Socrate multo esse sapientiore, ut qui Socrate accusasset. Et hoc dicto reuocatum est ciuibus extincti Socratis desiderium. & Anytum expulerunt. Laërt. lib. 6. cap. 1.

Idem.

Suprà, de eo quòd conuictus maiorum non semper obfit.

Leo Byzantius.

Suprà, de Concordia.

Agésilauus.

Agésilauus Lacedæmoniorum rex in computatione quadam sortibus ex more conuiuij dux factus, cum percontaretur à pincerna, quantum unicuique vini apponere deberet? Si multum, inquit, vini paratum est, dato cuique quantum postulat: sin parum, cunctis diuidito æquis portionibus. Et hac solertia mirè prospexit, ne vel parata vini copia deesset, quibus largior placeret poratio: vel ad bibendum vrgerentur, quibus grata esset sobrietas. Plut. in Lacon.

Idem.

Suprà, de Hostibus non contemnendis.

Agis primus.

Vicerat Argiuos prælio, qui post redintegratis virib. rursus ferociores illi occurrebant. Agis autem videns multos è sociis turbari: Sitis, inquit, bono animo viri, quum enim nos, qui vicimus, trepidamus, quid facere censetis eos, qui à nobis victi sunt? Et ea solertia addidit animum suis. Plut. in Lacon.

Brasidas.

Quum muem in caricis comprehendisset, morsus ab eo dimisit caprum, moxque ad eos qui aderant: Vt nullum, inquit, est animal tam minutum, quin seruari possit, modò au-

sit vlcisci inuadentes. Et hoc dicto fortis & animosus dux, suis animum contra hostes addidit. Plutarchus in Lacon.

Gelo.

Suprà, de Mutuo.

Pisistratus.

Cum multi ab eo defecissent qui Pylen occupant, venit ad illos, stragulas in sarcinam colligatas ipse portans. Cæterum illis, quid sibi vellet, percontantibus: Vt, inquit, si persuasero, reducam vos: si non persuasero, maneam vobiscum. Erasmus libro 5. apoph.

Agaso Alex.

Alexander consulto oraculo, monitus est, ut eum qui sibi primum portam ingresso occurrisset, interfici iuberet. occurrit igitur Agaso, iussusque est arripi. Roganti, quid commeruisset? Responsum est, ita iussisse Deum. Ille, si ita est, inquit, alium designauit oraculum. Nam asinus prior occurrit: deinde is qui asinum verberat, est secutus. Eras. l. 6. apoph.

Julia. Augusti F.

Infrà de Sumptibus superuacuis.

Vide apoph. de Argutè, lepidè, grauitè, prudenter, & sapienter dictis.

De solertia animalum.

Alphonsus rex.

* QVam essent apud Alphonsum Aragoniũ qui causam bestiarum contra homines defenderent, & modò turturis castitatem, modò cornicis (quæ mortuo comparare nouè hominum ætates vidua perdurat) modò formicarũ prouidentia, modò canũ sagacitatẽ, modò ciconiarũ pietatem, modò apũ in regem obseruatiam, & id genus multa pro animali-

bus (è Plinio, Plutarcho, Æliano & aliis petita) afferrent in medium: Alphonfus, siue, inquit, id brutis inclinatione naturæ, siue dei dona datum sit, certè nō alia de causā concessum esse existimo, quā ut homines turpiter nequiterque viuentes, erubescant à brutis & à rationis expertib. superari. Panorm. lib. 3. de reb. gestis Alphonfi.

De solitudine, & vita solitaria.

Cleanthes.

Conspiciens quendam solitariū, ac secum loquentem: Haud, inquit, loqueris cum homine malo. Quidam ita referunt: Vide, ne cum homine improbo loquaris. Malis enim periculosa est solitudo. Laert. 1. 2. cap. 2.

Pyrrho.

Deprehensus aliquando solus, ac secum loquens, rogatus quid solus ageret. Meditor, inquit, esse probus. Sentiens, ad id vtilem esse solitudinem inutilem turbam. Laert. libro 9. cap. 11.

Antisthenes.

Ridere solebat Athenienses, subinde gloriantes, quod essent autochthones, hoc est, indigenæ: eo quod non aliunde eò commigrassent, nec patriam sedem mutassent vnquam, dicens, hoc laudis illis esse cum testudinibus cochleisque commune. Nā & hæc animantia nunquam mutant domicilium in quo nascuntur. Laert. lib. 6. cap. 1.

Idem.

Rogatus, quid emolumenti cœpisset ex philosophia? Vt mecū, inquit, loqui, siue vivere possim. Doctus, etiam si solus sit, non sentit tædium

solitudinis: sed multa præclara suo cum animo versans, quasi secum loquitur: indoctis molestissima est solitudo, atq; etiam inutilis. Laert. 1. 6. c. 1.

Myson.

Myson incertæ patriæ, *modi spartes* fuisse traditur, non alienus à moribus Timonis Atheniensis. Hunc quidam fortè deprehendisset in solitudine ridentem, rogabat quid rideret, quum esset solus? Atqui ob hoc ipsum, inquit, rideo, subindicans sibi gratissimam esse solitudinem. Laert. lib. 1. cap. 10.

Antonius.

Antonius, magnus ille Ægypti monachus, quem ob insignem pietatem Constantinus imperator plurimum amasse fertur, adeo vitam solitariam dilexit, ut frequenter dicere solitus sit: Quod piscis in arido, hoc monachus in oppido. Putauit autem lethalem esse piscibus extra vndas cōuersationem: nec minus monachum in periculū cœlestis vitæ & profectio- nis sanctioris amittēdæ venire, si moras in vrbibus trahat. Nicephor. Callistus lib. 8. c. 4. Eccles. hist.

De somno.

Diogenes.

Conspiciens adolefcentem quendam neglectius dormientem, baculo pungens illum, dixit carmen Homeri,

Ἐγείρεο, Μένος οὐκ ἴδδον παραπρίναι
δῶκεν νύξην

Id est,

Surge,

Ne quis dum dormis, à tergo infixerit hastam.

Laert. lib. 6.

Idem.

Suprà de mortis & somni cognitione.

Demo.

Domocritus.

*Diurnum somnum aut corporis molestiam aliquam, aut animæ anxietatem, aut segnitiam aut imperitiam arguere dicebat. Ant. & Max. ser. de somno.

Æschines.

* Somnum diuturniorem quam deceat, dicebat, mortuis potius quam viuis conuenire. Eod. ser.

Philo.

* Sciscitatus, quid esset somnus? respondit, imago mortis, & cessatio sensuum. Ibid.

Plato.

* Somnum multum, neque corporibus, neque animis, neque rebus gerendis conducere affirmabat. Nemo enim dū dormit alicuius precij est, non magis quam si nō viueret. Quare quocunque viueret & sapere cupit maximè, quàm longissimo tempore vigilet, sola sanitatis commoditate seruata. lib. 7. de legibus.

Gorgias.

Extremæ iam ætatis, quum sentiret somnum lethalem obrepere, amiceo qui assidebat percōtanti, Quo pacto haberet? Somnus, inquit, iam incipit me fratri suo commendare. Homerus, eum somni fratrem appellat mortem: Ælian. l. 2.

Epaminondas.

Quempiam è vigilibus somno oppressum quū offendisset, gladio hominem transfixit. Obiurgatus autem ob tantam seueritatem: Talem, inquit, eum reliqui, qualē inueni. Sensit autem imperator bellicosissimus, hominē somno oppressum, ac mortuum, in eadem esse sorte ac conditione. Brus. l. 6. c. 8.

Alexander.

Cū Deus ab adulatoribus vocaretur, se mortalem esse dicebat, cū

id deprehēderet ex somno, qui mortis imago est. Plutarchus in vita Alexandri.

Vide apoph. de vigilantia.

De somnio, & eius interpretatione.

Diogenes.

Considerans hominum vitam & mores, ac videns ciuitatum gubernatores, philosophos, & alios hominum notæ homines, dicebat, nullum animal homine sapiētius esse. Idem si videret somniorū interpretes, coniectores, &c. aiebat, sibi nihil homine videri stultius. Laër. l. 6. & Erasmi. l. 3. apoph.

Idem.

Superstitionem hominum qui in somniis terrentur, hoc pacto deridebat: Quæ vigilantes, inquit, agitis, ea non curatis: quæ verò dormientes somniatis, sollicitè perquiritis. Ad felicitatem enim aut infelicitatem hominis nō tam refert quid patiatur insomnis, quàm quid agat vigilans. Ibi quoties aliquid turpe committit, oportebat metuere deorum iram ac tristem euentum, non si quid dormientibus sit visum. Laër. libro 6.

Thales.

Interrogatus, quantum distaret à mendacio veritas? Quantum, inquit, oculi ab auribus. Sentiens ea demum esse indubitatæ fidei quæ contuemur oculis: fabulis hominum haut tutò credi. Eodem pertinet Homeri cum figmentum de somniis, quorum quæ subuolant per portam corneam, vera sunt: quæ per eburneam, vana. Corneæ portæ inuolucro designans oculos ob coloris similitudi-

nem: burneæ, os, ob candorem dentium. Eras. l. 8. apoph.

Z. no. Eleates.

Dicebat, è suis quæque in somniis deprehendere posse, quantum in philosophia profecisset, si nihil illic vel appeteret, vel faceret nefariæ rei. Tum enim animus in profunda tranquillitate constitutus, veros affectus prodir. Contrà quæ vigilantes non audent profari, aut agere, ea noctu occurrunt in somnis. Laër. lib. 9. cap. 5.

Anonymus.

Quidam somniarat. se videre ouï ex lecti cubicularis fascia pendens illigatum. Id somnium retulit ad cōiectorem. Is iussit, vt eo loco fodere: defossum enim esse thesaurum. Fodit, & inuenit, & argenti paululum detulit ad coniectorem, de auro dissimulans: Tum coniecto: Quid: nihilne de vitello? Somniator inuenerrat aurum argento circumdatum inoui speciem, nec id latuit coniectorem. Eras. l. 6. apoph.

De sophistica.

Socrates.

EVelidi contentiosarum argutationum admodum studioso: Sophistis, inquit, ô Euclides vti poteris, hominibus non poteris. ludicans, Sophisticen inutilem ad publicas functiones, quas qui affectat, eum non oportet gryphis & inanibus argutiis ludere, sed hominū moribus semet accommodare. Erasimus libro 3. apophthegm.

Plato.

Quum à Dionysio fastidiretur, poposcit congregandi copiam, ea data, hūc in modum disseruit: Si quem

sentires in Siciliā appalisse hoc animo, vt tibi malè faceret, qui tamen nō data opportunitate nihil malifaceret, an hanc impunè dimitteres? Quum Dionysius respondisset, nequaquam ô Plato. Oportet enim hostium non facta solum, verum & animi propositum vlseisci. Plato subiicit: Tum si quis tibi bene volens venisset in Siciliam, vt tibi boni quippiam adferret, non faciat autem, destitutus occasione, num pareffet hūc nulla relata gratia contemptum abieceret? Dionysio percontante, quis esset ille? Æschines, inquit, vir morum sanctimonia cum quouis amicorum Socratis conferendus: & qui posset dicendo meliores reddere, cum quibus habeat consuetudinem. Is cum huc multum maris emensus adnauigavit, vt suam philosophiam tibi impertiret, hactenus neglectus est. Hæc tam comoda oratio effecit vt rex & Platonem, cui prius erat infensior, amplectererur, & Æschinem splendide magnificèque tractaret. Laër. libro 3.

Hippodamus Pythagoreus.

*Examinandos probandosque sophistas esse dicebat, an secundum leges & instituta ciuilia, idoneumque seu proprium viuendi genus, vtilia proloquantur. Non mediocrem enim, inquit, sed maximam infelicitatem hominum animis sophisticarū dissertationes ingenerāt: si quid ausi fuerint innouare præter commune iudicium, in diuinis humanisque rebus, quo admissō, neque veritas maior, neque vita turior honestiorve futura est, sed maiori potius caligine atque perturbatione inuoluēda. Sto. ferm. 41.

Diogenes.

Cuidam sophisticis argutionibus colli-

colligenti, quòd Diogenes haberet cornua: frontem & tempora manu contrectans: Atqui (inquit) ego non video. Maluit philosophus irridere friuolum enthymema, quàm solvere. Laer. l. 6. c. 2.

Idem.

Plato sic definierat hominem: Homo est animal bipes, implume. Ei de finitioni, quum discipuli Platonis applauderent, Diogenes gallum gallinaceum pennis ac plumis nudatum produxit in scholam: En, inquiens, hic est homo Platonis. Itaque definitioni adiectum est, latis unguibus, quod aues eiusmodi non habent. Laert. lib. 6.

Idem et Plato.

Suprà de Disputationibus aut quæstionibus friuolis.

Idem.

Sophista quidam volens apud Diogenem ostentare acumen ingenij, hunc in modum ratiocinatus est: Quod ego sum tu non es. Cum annuisset Diogenes: ego, inquit, sum homo, igitur tu non es homo. Tum Diogenes: A me, inquit, incipe, & rectè collegeris. Non dignatus est aperire quid haberet vitij ratiocinatio: sed maluit irridere, de tam friuolis nugis sibi placentem. Si sic sumpisset: Tu es homo: sequebatur, sophistam non esse hominem. Laert. lib. 6.

Zeno.

Quum Zeno in scholis differens, acutissimis rationibus probaret nullum esse motum, nec esse posse: Diogenes surgens, cepit inambulare. Id admiratus Zeno: Quid, inquit, agis Diogenes? Confuto, inquit, tuas rationes, Taxans interim inanem ingenij ostentationem. Laërtius libro sexto.

Chrysippus.

Suprà de Dialectica.

Stilpo.

Colebat argutias dialecticas, quarum vna parum illi feliciter gessit. De statua Mineruæ quam Phidias finxerat, ita percontatus est: Num Iouis Minerva dea est, Quum responsum esset, est. At hæc, inquit, non est Iouis, sed Phidiæ. Id quum esset concessum, collegit. Non est igitur hæc dea. Ob hanc vocem apud Areopagitas impietatis reus peractus est. Ille verò sic conatus est elabi, ut diceret, non negasse illam esse deam, sed Deum, hoc est masculum. nam *θεός* apud Atticos communis est generis, attamen iussus est ire in exiliu. Theodorus autem cognomento *αἰσῆς*, his auditis, dixit: Vnde hoc nouit Stilpo, nisi fortè sublati vestibus inspexit Mineruam? Laer. l. 2. c. 11.

Hipparchia.

Hipparchia Metroclis soror Theodorum impium, cui cognomen erat *αἰσῆς* huiusmodi sophismate contrinxit: Quod faciens Theodorus non dicitur iniuste agere, idem si faciat Hipparchia non dicetur iniuste agere? Quum annuisset ille, subiecit: sed Theodorus seipsum percutiens non diceretur iniuste agere, nec igitur Hipparchia si idè faceret? Ad id Theodorus nihil respondit, sed sustulit illius palliū, ut enudaret pudenda. Quū illa nihil hac re turbaretur, obiecit ei versu iambico, quòd è muliebribus officiis ad virile institutum defecisset.

ἡμῶν τὰς παρ' ἑστέων ἐκκαποδοὺς καὶ πῦρ ἀεὶ
id est,

Radios apud telas reliquit scæmina.

Cui illa: Num tibi videor malè mihi consuluisse, quæ quod temporis impensura fuerat telis, impendi discipuli-

nist Erasmi. ex Laërtij lib. 6.

Aristarchus.

Dicere solitus est: Olim vixerant septem sapientes, nunc haud facile totidem inuenias idiotas. Notans sophistarum turbam, qui se pro sapientibus iactabant, ut vix superesset qui se profiteretur indoctum. Erasmi. lib. 6. apoph.

Ariston.

Dicere solebat, dialecticorum argutias similes esse telis araneorum, quod plurimum haberent artificij, minimum vtilitatis. Nam iis cum cæteris Cynicis putabat logicen ac physicen à philosophia subinouendam, solam ethicen diligenter exercendam. Huius sententiæ princeps fuit Socrates. Erasmi. Rot. lib. 8. apoph.

Menedemus.

Percontanti cuidam Alexino, an patrem cædere desisset? respondit, Neque cæcidi, neque desij. Quum alter subiecisset, oportere soluere ambiguitatem per *vaj* & *ia*, aut affirmando aut negando: Ridiculum, inquit, est vestras sequi leges, quum liceat in portis occurrere. Alter captabat illum insidiosa percõtatione: siue enim respondisset, Desij siue non desij, agnouisset crimen. ille hoc præsentiens, exclusit sophisticum cauillum. Sic & Socrates apud Platonem obiurgatur à sophistis, quod secus respondeat quàm ipsis esset commodum. Laërt. lib. 2. cap. 18.

Demonax.

Adolescenti lasciuus culto, qui quæstionem sophisticam proposuerat, nihil aliud respondit quàm *παις εἰς τὴν αἰ.* Vox anceps est, ad conficiendum quod colligit: & ad obscenum sensum. Quinque adolescens indignatus respondisset. At ego tibi virum ostendam: Demonax admiranti simi-

lis, Quid, inquit, num etiam virum habes? Erasmi. lib. 8. apoph.

Ludouicus xij. Gall. rex.

* Franciscanus quidam magni nominis argutiss. disputationibus coram rege concionem clauserat. Rex eo audito, & sophistam detestante, testatus est, qui magis deliraret se vidisse neminem: & futurum ut post hac à concionibus de religione abstineret, nisi concionatores inter se lites eas bona fide componerent. Anal. Franciæ.

De sorte.

Cato Vticensis.

Cum partes in conuiujs sortirentur, nec illi fauisset fors, amicis hortantibus ut primus omnium caperetur, & *καὶ οὐκ*, inquit, *ἔχον ἀναίρετον ἀπεδοῖνε*, id est, non decet inuita Veneri. Tam natura iustus erat, ut præter sortem amicorum fauore noluerit uti. Veneris iactus felix erat in talis. Erasmi. lib. 5. apoph.

Philoxenus.

Suprà, de Facere & iocose dictis.

Dionysius sen.

Suprà, de Omnibus.

De speculo.

Socrates.

Iuuenes hortabatur, ut se in speculo intuerentur: ut si formosi essent, digni ea specie fieret: si deformes, eam deformitatem eruditione tegerent. Stob.

Plato.

Ebriis iratisque præcipiebat, ut se in speculo ita affectos intuerentur, ut per oris deformitatem viri fugerent. Plutarch.

Seneca.

Seneca.

Ideo inuēta esse specula dicebat, ut homo se nosceret: formosus, ut vitaret infamiam: deformis, ut sciret remedium esse virtutem. Seneca lib. 1. Quæst.

De spectaculis.

Diogenes.

Dionysiaca certamina, quæ Athenis in honorem Bacchi magnis impendiis, popūque celebrabantur, appellabat magna stultorum miracula, quod in his nihil non ridiculum ageretur. Laert. 1. 6. c. 2, Erasim. lib. 3. apoph.

Demonax.

Cum videret Athenienses hoc agere, ut Barbarorum exemplo gladiatorum spectacula in urbem inducerent: Nolite, inquit, o canes, istam crudelitatem prius admittere in ciuitatem vestram, quam Misericordie aram sitis demoliti. Significans non conuenire, in ea ciuitate in qua Misericordia pro dea coleretur, spectari plus quam ferinam crudelitatem. Erasim. 1. 8. apoph.

Anacharsis.

Aiebat se demirari, quod conueniret, ut Græci, qui legibus suis, violentiam & iniuriam puniunt, athletas ob hoc ipsum honorent, quod se mutuo percuterent. Salsè damnans crudellem populi voluptatem, ac in moribus inconstantiam. Quod enim iniustum est, semper iniustum est. Erasim. 1. 7. apoph. ex Laert. 1. 1.

De spe.

Thales.

Sciscitatus, quid maxime commu-
ne esset omnibus? Spes, respondit.

Hanc enim etiā illi habent, qui aliud nihil. Stob. ser. 109.

Bias.

Roganti cuiusnam, quid esset dulce hominibus? Spes, ait, Bruson. libro 6. cap. 11.

Anonymus.

Rhodium quidam, ob intempestiuā libertatem à tyranno coniectus in caueam in qua more nocentis bestiae alebatur ad cruciatum & ignominiam, amputatis naribus ac foedata vulneribus facie, quum ab amicis admoneretur, ut inedia sibi malorum finem quæreret: Cuncta, inquit, homini quoad viuut speranda sunt. Citius illum laudari, quam istos qui ob causas non admodum graues confugiunt ad laqueum, aut ad præcipitiū. Erasim. 1. 8. apoph.

Democritus.

Eius circumfertur talis sententia: Spes rectè sapientium voti compos fieri potest, insipientium verò impossibilis est. Stob. ser. 109.

Socrates.

Dicere solebat, neque mulierem sine viro, neque spem bonam absque labore quicquam utile parere. Stob. ser. 119. & ser. 1. Neque nauē vnica anchora, neque vitam vna spe sultam esse oportere dicebat. Id postea dictum est ab Epicteto. Item. Improbæ spes, quemadmodum mali viæ duces in errorem inducant. Max. serm. de Spe.

Idem.

Dicere solebat, Spem malam nihil aliud esse, quam pessimum viæ ducem, ad grauissima quæque peccata. Stob. ser. 109.

Plato.

Spem vigilantium somnium appellabat, Ad quod allusisse videtur Vergilius, quum ait,

An qui amant ipsi somnia fingunt?

Nam dictum mirum est: quàm varias imaginationes patiantur in animo suo, qui vehementer sperant aliquid. Atque hic inatibus simulacris perinde semet oblectant, ac si iam tenerent quæ sibi pollicentur. Ælia. lib. 13. de Var. hist.

Diogenes.

Percontatus, quidnam in vita extremum esset? Spes, dixit. Stobæus serm. 109.

Herodes.

Ad cõfirmandos aduersus Arabas suorum animos: Fallax, inquit, spes est, quæ non suis viribus nititur, sed alienis aduersis. Bruf. l. 6. c. 11.

Aristoteles.

Olim interrogatus quidnam esset spes? respondit, Vigilantis somnium. Multa enim sibi promittunt inania, qui spe rerum futurarum ducuntur. Laër. l. 5. c. 1.

Epicletus.

* Neque nauim, inquit, vna solùm anchora, neque vitam vna spe muniri oportet. Item. Vt crura, sic spem quoque non amplius extendere conuenit quàm fieri commodè potest. Stob. ser. 109.

Plutarchus.

Dicebat spes eruditorum esse stabiles, vt quæ in rationis portu conquiescant. Item. Idem præstat scaphæ impulsæ in firma anchora, quod spes immitens malo consilio. Maxim. serm. de Spe.

Alexander.

Apud Granicum, Martem expecturus, hortabatur Macedones vt affatim pranderent, veluti postridie ex hostium commeatu cœnaturi. Præfens animus, ac de belli euentu fidens ac securus, Plutarch. in apoph. reg. & imper.

Idem.

Posteaquam in expeditione profectus, regias opes penè omnes in milites ac duces distribuisset, roganti Perdiccæ, Quid tibi nunc rex superest? Spes, inquit. Hic Perdicca: Hec, inquit, nobis commilitonibus tuis futura communis est, & prædium quod ipsi designarat Alexander, reculauit. Tanta erat fiducia, bene successuram expeditionem, Plut. in Alex.

M. Cato.

De spe sic prædicasse narratur, aut hore Plutarcho, quòd quæ magna essent, pusilla faceret: quæ pusilla prorsus nulla, sentiens, opinor, de periculis. Victoriæ spes extenuat omnia quæ solent detertere. Eras. Rot.

Iul. Cæsar.

Obscrantibus Cæsarem amicis, vt præsidio corpus muniret multisque ad id operam suam pollicentibus, negauit se hoc facturum: Satiùs esse dicens semel mori, quàm assidua spe & expectatione pendere. Plut.

De statuis simulachris, atque imaginibus deorum.

Socrates.

Atebat se mirari, quòd quum statuarum artifices id summo studio conniterentur, vt lapis quàm simillimus homini redderetur, non pariter hoc curarent, ne ipsi lapidibus similes & viderentur & essent. Sunt autem qui putent, Socratem, priusquam ad otium philosophiæ fuisset, transferret, statuarum opificem fuisse. Eras. l. 3. apoph.

Diogenes.

Dicebat bonos viros deorum esse simi

simulachra. Deorum, quum sint optimi, naturæ proprium est, benefacere omnibus, nocere nemini. Hæc imago melius relucet in sapientibus ac bonis viris quàm in statuis, quum dii sint incorporei. Laër. l. 6.

Idem.

Solitus est interdum adire statuas, & aliquid ab illis petere. Demirantibus, cur id faceret? Ut consuescam, inquit, non commoueri, si quando ab hominibus non impetro quod peto. Ibidem.

Scipio iunior.

Cùm Carthaginem iam expugnatam cõperisset, statuis deorũ Græcænicis ac monumentis è Sicilia deportatis, omnium referatissimam, per præconem edixit, ut qui illarum esset vrbium, agnosceret illa, ac referret domum. De pecuniis verò nec seruum nec libertum passus est quidquam capere, ac ne emere quidem, quum alioqui quilibet passim ferrent, agerentque. Plut. in Rom. apoph.

De statuarum vanitate, & contemptu.

Phauorinus.

Eius statuam æream Athenienses deiecerant, eo quòd Hadriano Cæsari insensissimus fuisset. Id posteaquam philosopho nunciatum est, nihil planè commotus, dixit: Vtilius erat Socrati ab Atheniensibus ærea privari statua, quàm haurire cicutâ. Contempsit vir prudentissimus, statuæ gloriam, vitæ incolumi. Philostratus.

Digenes.

Infrà, de sumptibus superuacaneis.

Agilanus.

Ei cùm nationes, quæ tum Græ-

ciam incolebant, decreuissent, in clarissimis quibûsque ciuitatibus honoris causa statuas erigi, rescriptis illis hunc in modum: Mei nulla sit imago, neque picta, neque ficta, neque villo alio artificio parata. Negligebar adulationes horum vir prudentissimus, malens insculpi prudentum & bonorum hominum pectoribus. Plut. in apoph. Lacon. Eras. l. 1. apoph.

Idem.

Cùm discessisset ab Ægypto, patriam repetens, morbo implicitus in portu qui Menelai dicitur, ac breui post moriens, mandauit iis qui aderant, ne quam fictilem aut aliàs imitatum corporis sui imaginem facerent: Si quod, inquit, præclarum facinus gessi, hoc erit, monumentum mei: sin minus, ne omnes quidem statuæ, cùm sint vilium ac nullius rei opificum opera, illustrabunt mei memoriam. Quis non miretur in bellatore pectus tam philosophicum? Plutar. in Lacon.

Alexander.

Cùm multas statuas Mileri vidisset: eorum qui in Olympiis ac Pythiis vicerant, easque prægrandes. Vbi, inquit, erant tam magna corpora, cùm barbari vestram urbem obsiderent? Salsè taxauit illorum stultam ambitionem, & in statuis tantum positam virtutem, in corde verò timiditatem. Plut. in apoph.

Frontinus.

Suprà de Gloriæ contemptu.

M. Cato.

Cato senior conspiciens multorum erigi statuas: Malim, inquit, ut de me quærant homines, quam ob re Catoni non sit posita statua, quàm quare sit posita. Sentiens, se malle res præclaras gerere, ut olim sciètes illum promeruisse statuam, miren-

tur non esse positam. Plut. in apoph.
Plin. lib. de Viris illustrib.

Scipio Afric.

Corinthiis, pollicentibus se illi statuam posituros eo loco quo erant aliorum imperatorum: respondit, sibi displicere turmales. Sentiens in turba occultari quod additur. Turma proprie equitum est in bello. Id transtulit ad statuas armatas. Erasim. lib. 6. apophth.

De stultitia, & stultis.

Bion.

Interrogatus, quid esset stultitia? respondit: proficiendi impedimentum. Stob. ser. 4. de Imprudentia.

Crates.

*Stultos homines dicebat terebris esse similes: quod nisi vinculis & alias coacti officium suum non faciunt. Stob. ibid.

Socrates

*Dicebat stultos temulentos debacchari aduersante fortuna insani-
re, ibid.

Id m.

*Stultis (inquiēbat) sicut infantibus, utcumque levis occasio satis est ad luctum. Eod. ser.

Democritus.

*Huius in stultitia præditos homines extant. hæc dicta apud Stobæum. Stulti cum vitam oderint, tamē vivere volunt mortis metu. Viuunt non delectati vita. Desiderant iuventutē, cum nullo iuventutis commodo fruuntur. Desiderant absentia: præsentia verò, & si meliora præteritis, negligunt. Nihil approbant per totam vitam. Mortem timentes, senescere cupiunt.

Diogenes.

Cum aliquando de re seria disse-

rens nullum haberet auscultatorem attendentem, cœpit ineptam cantionem canere, veluti saltaturus. Vbi iam plurimi concurrissent, obiurgavit illos, quod ad stulta & inepta frequentes & alacres accurrerent, ad seria vero & ad bene viuendum vtilia, nec alacriter conuenirent, nec diligēter auscultarent. Huic simillimum est, quod Demostheni quidam ascribunt, de vmbra asini. Laer. l. 5.

Stilpo.

Interrogatus, quid statua durius esset? respondit, Homo stolidus. Stob. ser. 4. de Imprudentia.

Demosthenes.

Aliquando, cum populus obstreperet dicenti, ait se breue quiddam velle illis narrare. Facto multitudinis silentio: Adolescens, inquit, quidam æstiuo tempore asinum conduxerat, ab Athenis Megaram vsque. Sole verò circa meridiem vehementer æstuate, uterque volebat subire vmbra asini, sed uterque alterum prohibebat, hic dicebat, asinum conductum, non vmbra: alter contende-
bat, per conductionem, & asini & vmbrae ius esse factum. Atque hæc locutus Demosthenes abiit e suggesto. Populo verò retinenti, ac narrationis finem flagitanti: De asini inquit, vmbra audire cupitis, de rebus, seriis loquentem audire non vultis. Erasim. l. 8. apoph. Vide Chiliad. Erasim. de Asini vmbra.

Pythagoras.

*Dicebat sacrificia stultorum ignis esse alimenta, eorumque anathemata victum sacrilegi suppeditare. Stobæus ser. 4.

Socrates.

*Dicebat difficile esse curare luxuriosos ægrotantes, & stultos qui sinistra experiantur fortunam. Stobæus. Idem.

Das Apo=

. Dren=

or Heil.

er ru=

er.) auf

pril

er



Babice:

3.)

Brody:

nig

Busk:

Chelm

Ch

C

Idem.

*Timidum contra seipsum arma gerere dicebat, stultum autem pecunias. Stob.

Idem.

*Dicta eiusdem in stultos hæc occurrunt apud Stobæum. Neque Achillis arma Therfiti, neque animi bona homini stulto conueniunt. Vilius ægroti & bona fortuna stulti multum continet molestiæ. Tonitrua pueros in primis, & minæ stultos territant.

Epicurus.

*Dicebat inter cætera mala hoc quoque habere stultitiam, quod semper viuere incipiat. Id est, homines quotidie noua vitæ fundamenta ponunt, & nouas spes etiam in exitu vitæ inchoant. Seneca, epist. 13. ad Lucil. & epist. 15. Stulti vira (inquit) ingrata est, trepida est, tota in futurum fertur.

Xenophon.

*Diuitem stultum sordes inargentatas esse dicebat. Max. ser. de diuitiis & paupertate.

Plutarchus.

Cum patronus quidam, ridicula loqueretur in causa, Plutarchus interpellans illum, dixit: Non tu cauebis amice perpetuo risu digna dicere, ne, quemadmodum qui assiduo palæstricam exercent, palæstricæ sunt, ita tu sis ridiculus? Sensit vir egregius, raris lapsibus dandam esse veniam, cæterum quum error transisset in habitum & consuetudinem, sit immedicabile. Expedit autem, hac Plutarchi interpellatione amicos crebrius peccantes reuocare, ne peccandi colligant usum, & vitium transeat in naturam. Plutarchus in Lacon.

M. Cato.

Qui in rebus ridiculis seriam operam ponerent, eos dicebat in seriis fore ridiculos. Significans, assuetos ridiculis, ob habitum collectum, in seriis negotiis ita se gerere, vt non solum rideantur, sed etiam derideantur. Plut. in Rom. apoph.

De Studio, Vide apoph. de Diligentia.

De Sui cognitione. Vide apoph. Cognitionis sui.

De sumptibus superuacaneis.

Diogenes.

Taxabat in hoc hominum insaniam, quod res pretiosas minimo emerent, venderentque vilissimas plurimo. Statuam enim tribus nummum millibus emi, quum farinae chœnix duobus æreis vœniret. At statua nihil opus ad vitam, sine farina viuere non licet. Conueniebat igitur farinam multo statuis esse cariorem. Philosophus pretia rerum æstimabat vsu naturali, vulgus æstimat stulta persuasione. Laërtius lib. sexto.

Crates.

Crætetis celebratur ephemeris, ad hunc habens modum: Ponito coquo minas decem, medico drachmam: adulatori talenta decem, conciliario fumum, scorto talentum, philosopho triobolum. Notabat hominum stultitiam, qui in res honestas & cum primis necessarias minimum sumerent impendij, ad turpia prodigi. Laërl. 6. c. 7.

Carillus.

Carillus vel Charilaus, rogatus cur somam Lacedæmonij gestarent.

quia ex omnibus, inquit, ornatibus hic est minimè sumptuosus. Brus. lib. 6. c. 12. ex Plut.

Scopas.

Scopas Thessalus statuarum artifex, deiranti cur in ædibus suis Appelles tantum haberet rerum superuacanearum & inuisitatarum? Imò his, inquit, superuacaneis felices sumus ac beati, non illis necessariis. Quum ea quæ sunt vitæ necessaria, sint suapte natura pretiosissima: tamen quia quotidiana sunt, multisque communia, contemnuntur. Cæterum, quanti sint pretij, declarat extrema necessitas: quæ si incidat, quilibet libens omnes gemmas, aulæa & aurum suum vno pane commutet. Cætera magis ad ostentationem pertinent, quàm ad salutem. Erasim. 1. 6. apoph.

Herodes sophista.

Viginti pueris ob virtutem compluribus in locis statuas posuerat. Hac de re quum accusaretur à Quintiliis Græciæ præfectis, quòd superuacaneis impediis indulgeret: Q. id, inquit, vobis incommodi est, si ego ludo de saxis meis? Philost.

Leotychidas.

Quum cœnaret apud quandam, cerneretque tectum domus sumptuoso apparatu factum, ac lacunariis ornatum, rogauit hospitem, nū ligoa apud eos quadrata nascerentur. Luxuriam & superuacaneum sumptum notans. Plut.

Hellogabalus.

Emebat sibi pretia rerū quæ mensæ apparabantur, maiora quàm essent: hanc esse dicens conuiuio orexim: quòd magis illa iuuat, quæ pluries emuntur, vt ait Satyricus. Ælius Lampridius.

De superbia.

Democrates.

Am senex, ascendens in arcem Athenis perquam anhelosus: Idem se facere dixit, quod vniuersa ciuitas Atheniensium soleret. Nempe se magnum quidem spirare, parum autem valere. Stob. ser. 22.

Democritus.

* Desinere dicebat in malam infamiam, eum qui cum superiore contendit. Stob. eod. ser.

Antisthenes.

Quum Platonis superbiam notare cuperet, fortè in pompa equum hincientem frementemque aspiciens, ad Platonem versus, ait: Tu profectò meo iudicio præclarus fuisses equus, est enim equus animal superbissimum. Brus. 6. 5.

Zeno Cititiens.

In quendam circa formæ curam studiosiorem quam deceret virum, quum imbrice n. lentè ac circumpectè transiret: Meritò, inquit, suspectum habet lutum, in quo non potest se ipsum vt in speculo cernere. Laer. 1. 7. c. 1.

Aristoteles.

Adolescentulum superciliis sublati superbientem conspicatus, sed nulla scientia præditum: Adolescentule, inquit, vitium talis essem, qualis ipse tibi videris: qualis autem uera es, tales fiant hostes mei. Antonius in Melissa, parte 2. sermone 74.

Idem.

Cum animaduertisset sumptuosam chlamyde adolescentulum, se iactantem: Non defines, inquit, adolescentule ouis pelle gloriari? Anton. in Melissa eod. ser.

Socrates.

Socrates.

Interrogatus, quoniam essent mechanici? respondit, Qui sui similes spernunt. Sensit autem vir sapientissimus, eum nequaquam libero homine dignum esse, qui superbiens in re sua, alios præ se contemneret. Stob. ser. 22.

Idem.

* Apud superbiam (inquit) ceu apud malum figulum aut statuarium, peruersas rerum imagines videre est. eod. ser.

Idem.

* Dicebat aërem vtres distendere, & superbiam homines stultos. Auto. ser. de superbis.

Idem.

Alcibiadem intuitus ob diuitias inflatum, & superbientem opibus prædiisque, in quendam ciuitatis locum duxit eum, in quo suspensa erat tabula terræ circuitum complexa. Iussit igitur Alcibiadem Atticam in ea requirere, quam vt inuenit, sua etiam prædia inspicere præcepit, quæ cum Alcibiades nusquam esse picta diceret: Cur igitur, Socrates, inquit, ob illa superbis, quæ circa nullam terræ partem existunt? Stobæus ex Æliano.

Plato.

Quum aliquando conscendisset equum mox descendit, dicens, se vereri μή ιεροτομήσῃς ληφθῆναι, id est, ne equi fastu corriperetur. Superbum animal est equus: & equitare quiddam habet magnificum, parumque philosopho dignum. Laer. l. 3.

Idem.

* Exhaustiendam esse dicebat ex animis iuuenum falsam opinionem & superbiam: sicut aërem ex vtribus vtile quippiam infusuri exhausti: secus enim inflatione & spiritu tur-

gentes nihil admittunt, Anton. ser. de superbis.

Diogenes.

Suprà de Iocose dictis.

Æsopus.

A Chione rogatus, Quid faceret Iupiter? Excelsa, inquit, deprimat, extollit humilia. Bruf. lib. 6. cap. 5. ex Stobæo.

Idem.

Comatulum iuuenem nimium affectato ornatu conspicuum intuitus: Si te, inquit, tam exquisitè comas virorum gratia, planè ludis operā, sin mulierum, iniquus es, aut improbus: Stobæus.

Chrysippus.

Infrà de Triumphis.

Photionis uxor.

Interrogata, quamobrem sola ex aliis in conuentu non gestaret ornatu aureum, dixit: Quoniam pro ornamento mariti, virtus mihi sufficit. Stob. ser. 72.

Archidamus.

Suprà de arrogantia:

Epictetus.

* Nulla debes aliena præstantia gloriari. Equus quidem elatus, si de ipso iactabundus diceret, Quam sum egregius! foret vtique id tolerabile. At si tu dicas, Næ, equum ingregium possideo, nihil aliud quàm de bono equo superbis: Tuum autem quid est? Nempe solus opinionum vus, quem si secundum naturam habueris tum gloriare: ita demum enim de propria excellentia gloriaberis. In Enchiridio.

Demona.

Corporis curatores, sui autem negligentes, probrosos esse existimabat: & similes iis qui domos quidem curant, sed domesticos negligunt, Max. serm. 1.

Anonymus.

Laconem hospes, quem pridie declinauerat, postridie stragulis mutuo sumptis splendide excepit. at ille stragulis conculcatis, dixit: Propter has heri ne storeis quidem indormire licuit. Lepide risit illorum morem, qui quum sint tenues, tamen affectant videri diuites, corrogata aut conducta suppellectile: quod maxime solent in excipiendis hospitibus, in nuptiis aut alioqui solennibus epulis. Porro quum ineptum sit ostentare tuas diuitias: quanto magis ridiculum est ostentare suppellectilem alienam, interdum ab usurariis sumptam? At Lacedæmonij non solum oratores regum, verum ipsos etiam reges ad sua phiditia inuitabant, eam frugalitatem sibi magno etiam honori futuram existimantes. Plutarchus in Lacon.

Agésilauus.

Menecrates, quidam medicus, quum desperata quædam curationes ipsi felicitate celsissent, populari adulatione dictus est Iupiter. Quo cognomento vir superbissimi ingenij oblectatus cum Agésilao scriberet, & hac salutatione vteretur: Menecrates Iupiter, Agésilao regi salutem: Rex eius superbia læsus, literas non lectas abiecit, & medico hunc in modum rescripsit, Rex Agésilauus Menecrati sanitatem. Qua salutatione insanum hominem esse iudicabat, qui homo fragilitati obnoxius superbia tamen elatus, diuinos sibi honores tribueret. Plutar. in apoph. Lacon. Ælian. l. 12. de Var. hist.

Demetrius Phal.

In hominum superbum, & multo fastu turgidum, dicebat altitudinem circumcidi oportere, sensumque re-
inquit. Bruf. l. 6. c. 5.

Artabanus.

Dissuadens Xerxem ab expeditione contra Græcos: Vides, ait, ut prægrandia animalia fulmine Deus feriat, nec insolescere sinat: parua vero nihil lædat? Vides, ut magnas ædificia, magnasque arbores cuiusmodi fulminum tela percutiunt? Gaudet enim Deus, eminentia quæque deprimere. Herodotus, & Bruf. l. 6. c. 5.

Alexander.

* Diurno morbo afflictatus: cõualuit, negauit se deterius esse affectum: admonuit enim nos (inquit) ægritudo, mortales cum finis, ne magnifice de nobis sentiamus. Antioch. de superbis.

Olympias.

Olympias Alexandri mater, cum audiisset logo tempore iam filium sepulchro carere, grauiter ingemiscens atque acerbissime plorans: O fili, inquit, tu cum in deorum numerum referri volueris, & id perficere summo studio conatus sis: nunc neque illorum quidem, quorum omnibus mortalibus æquale & par ius est, particeps fieri potes, terræ sepulchræque. Et sic simul infortunium suum luxit, simul etiam factum & inanem filij superbiam taxauit. Ælian. lib. 13. de Varia histor.

Herodotus.

* Vides (inquit) eximia animalia ut fulminet Deus, neque suis opinionibus uti sinat: exigua vero facile fert. Vides etiam ut in maxima ædificia semper & celsissimas arbores celestia tela ingruant. Solent enim Deus eminentia quæuis castigare. Ideoque magnus quoque exercitus ab exiguo sternitur, cum Deus indignetur, aut metum hominibus inicit, aut tonitrua, vnde in cõdignam perditionem incidunt. Nō sinit n. Deus aliud præter

præter se altum sapere. lib. i. histor.

Amphius.

Tharsius Amphiascùm ex hortu
lano potens esset factus, & in ami-
cum quasi degenerem nonnulla di-
xisset, mox subiecit: Scilicet & nos
ex eisdem seminibus sumus. Brufon.

Phryges.

Suprà de Fucis.

Thais.

Glorioso cuidam amatori, qui
quàm multa pocula sumpsisset com-
modato, diceret se velle illa confrin-
gere, aliâque parare: Perdes, inquit,
quod cuique proprium est. Ambiguo
sermone notans esse commodatitia.
Poterat autem intelligi, si consen-
tur, perire quod cuique poculo pro-
prium est. Eras. l. 6. apoph.

Philistion.

* Si videris, inquit, improbum in
altum gradum euectum, magnisque
opibus & fortuna exultantem, super-
cilîaque supra fortunam extollen-
tem, eius celerissimam expecta muta-
tionem: tollitur enim altissimè, vt
maiore casu ruat. Anton. serm. de su-
perbis.

C. Sulpitius.

Vxorem suam repudiavit, eo quòd
comam probè ornans, ex ædibus e-
gressa esset, inquiens: Lex tibi meos
vnius præfinit oculos, quibus formâ
tuam approbes: his ornamenta com-
parato, his esto speciosa: aliis velle vi-
deri formosam, in suspitione & cri-
mine hæreat necesse est. Probè casti-
gavit mores vxoris suæ Sulpitius, qui
putavit ornatum vxoris eò spectare.
vt aliis viris melius quàm marito pla-
ceat. Eras. l. 6. apoph.

August. Cæs. & Iulia F.

Iulia Cæsaris Augusti filia immo-
derato vestitu superbiens, dum patrē

adit frugalitati inseruientem, eum
maximè offendit. At cùm postero
die honestiori vestitu induta patrem
salutasset, Augustus dixisse fertur:
Quantū in filia Augusti probabilior
hic cultus, quàm hesternus? Cui res-
pondit, Rectè quidem: sed hodie me
patris, heri verò viri mei oculis or-
navi. Macro. Satur. l. 2. c. 3.

Iulia Augusti F.

Eadem cùm vltra modum super-
biret omni corporis cuitu, admonita
à quodam, vt se ad paternæ frugali-
tis exemplum componeret, respon-
dit, Pater obliuiscitur se Cæsarem es-
se, ego verò memini me Cæsaris esse
filiam. Ibidem.

Euagrius.

* Sciscitatus quid esset, superbus
animus? respondit, Virtutis ventila-
tor, cisterna aquis destituta, diuerso-
rium latronum. Anton. sermon. de su-
perbis.

Fo. Climax.

* Vt fures, inquit, solem detestan-
tur, ita superbi modestos despiciunt.
Eod. serm.

Idem.

* Dicebat difficile esse superbiæ
seu inanis gloriæ dæmonem effuge-
re: quicquid enim, inquit, molitus fue-
ris, vt hanc detrahas, id ipsum erit al-
terius inanis gloriæ initium. Eodem
serm.

Pambo.

Pambo quidam apud Athanasium
cùm Alexandriæ esset, vidissetq. mu-
lierem maximo vestitus apparatu su-
perbientem fleuit, At interrogatus,
cur tãtopere lachrymas effunderet?
respondit: Duæ res sunt quæ me mo-
uent. Vna quidem, quæ est huius mu-
lieris perditio. Altera verò, quòd e-
go qui nomē Christiani profiteor, nō
tantum studeo placere Deo vitæ in-

nocentia, quantum hæc mulier turpit placere cupit hominibus. Eccles. hist. lib. 8. cap. 1.

Vide apoph. de Ambitione, & Arrogantia, audacia & fastu.

De superbia & sordibus.

Socrates.

QUum videret Antisthenem, attritam partem vestis semper in conspectum protendere: Quin desinis, inquit, arrogantius superbiam tuam nobis prodere? Vidit philosophus sapientissimus, Antisthenem magis gloriari vestitu attritissimo, quo laudem quærebat, quam alios, qui holoserico, vel auro etiam aut argento vestiti in publicum prodire consueverant, ab omni superbia alieni. Laert.

Diogenes.

Diogenes quum vidisset Olympiæ, & Rhodiacos quosdam adolescentes preciosis magnificisque vestibus amictos, cum risu inquit. Hoc nihil est præter fastum. Deinde cum incideret in Lacedæmonios laceris squaleantibusque tunicis amictos: Hæc, inquit, longè alia est superbia. Vidit autem philosophus, superbum animum non semper splendide & ornatis vestitu elucere, sed in sordibus etiam, dum homines opulentissimi sæpenumero vilissimo vestitu incedentes, hominum ex eo laudem superbientes venantur. Æl. lib. 9. de Var. hist.

Vide apoph. de Ambitione ex sorde.

De superstitione.

Crates.

QUum pro quodam supplicaret gymnasij principi, procumbens

attigit coxam illius pro genibus: ni supplices ex more genua contingerat. Indignanti gymnasiarcha: Quid, inquis, an non hæc æquè tua sunt, ac genua? Notans obiter vulgi superstitionem, quæ certa membra certis rebus dedicavit: velut aurem memorie, nasum irrisioni, genua misericordie, quum hæc ad totum hominem pertineant. Laert. l. 6. c. 5.

Socrates.

*Dicebat superstitionem superbie tanquam parenti esse morigeram: Et sanè omnis superstitiosus est superbus: nec sine superbia prodierunt tot superstitiones, falsæ sententiæ circa religionem & detestandi cultus à superstitione inuecti. Stob. ser. 22.

Diogenes.

Suprà de Aqua lustrali.

Idem.

Cuidam vehemèter superstitiosa ac lemurum larvarumque terroribus obnoxio, necem ipsi minanti, diciturque Vnico ictu tibi perfringam caput: At ego, inquit, si id feceris, tibi sinister astans, vt contremiscas efficiam. Significans, se mortuum etiam illum terrere posse, à quo viuus contemnebatur. Hic tamen affectus & plurimos habet, qui quum sint aduersus viuos feroces, aduersus vmbras sunt formidolosissimi. Ibidem.

Idem.

E ficu quadam fructus decerpenti Diogeni, quum horti custos dixisset, Ex ista arbore ante paucos dies homo quidam se suspendit, At ego, inquit, illam purgabo. Arbitrabatur ille fore, vt Diogenes admonitus, abstineret à funesta arbore, quæ gestasset cadaver. At ille liber ab omni superstitione, nihilo impurius fructus arbitrabatur. Laert. l. 6.

Idem.

Idem.

Suprà de initiatione.

Diagoras.

Suprà de sapienter dictis.

Pericles.

Quom vrgeret belli necessitas, Palladis ornamenta vēdidit quadraginta talentis auri, & admirantibus ab illo rem sacrilegam admitti, respondit, Ex hostium manubiis posse illi reddi cultum nihilo deteriore. Eras. Roterod. l. 8. apoph.

Idem.

* Ad bellum profecturus, cum suā ipse triremem conscenderet, solis deliquium accidit, tenebræque obortæ in prodigium magnum tractæ omnium animos contemnauerunt. Ibi Pericles cum videret gubernatorem ingenti timore captum, oculis eius chlamidem prætendit, percontatūsq.ue est, an horribile aliquid effectum aut portentum eo facto putaret? neganti. At quid interest, ait, inter istas & has tenebras? nisi quod maius est id à quo illæ sunt inductæ. Plutarchus.

Idem.

* Ægrotans, amico cuidam eum inuisenti, ostendit amuletum collo sibi circumligatum a mulieribus, addens pessimè se affectum esse qui talem stultitiā in se admisisset, Plut. in Pericle.

Agésilas.

Agésilas rex quum ad stantem aræ Palladis, cui apud Spartanos ab æreo delubro *χαλκείον* cognomen est, vt bouem immolaret, momordisset pediculus, non auersus est, sed arreptū palam omnibus occidit: Per deos, inquit is, equidem insidiatorē lubens vel in ipsa ara. videlicet declarauit animū nec inepto pudori, nec superstitioni obnoxium. Plut. in Lac.

Demonax.

Accusatus, quod nunquam sacrificasset Mineræ: Nunquam, inquit, existimaui illi meis victimis opus esse. notans ineptam vulgi superstitionem, qui putabat deos hostiarum nidore delectari. Erasimus libro 8. apophthegm.

Idem.

Cuidam dicenti, Eamus in Æsculapij templum ô Demonax, pro filij salute deprecaturi deum: Adcône, inquit, surdastrium existimas deum, vt nos nisi in templo non sit auditurus? Eras. l. 8. apoph.

Lycurgus.

Cum Thebani consularent Lycurgum de sacrificio luctuque quem illi Leucotheæ solent facere: Si inquit, deam esse creditis ne lugeatis: sio hominem ne vt deæ rem diuinam faciatis. Mirè taxauit Thebanorum ritus secum pugnantes. Non enim conuenit simul lugere & sacrificare: hoc est ab ea petere opem, quæ ipsa sit in calamitate, ac lugenda. Plutarchus in Lacon.

Lootychidas.

Cum portæ Leotichidi proximæ clauem draco circumuolutus esset complexus, idque augures affirmarent esse portentum: Mihi inquit, nequaquam videtur: sed si clavis fuisset circumplexa draconem, portentum erat. Lepidè irrisit hominum superstitionem, qui terrentur his quæ casu, nec præter naturā accidunt. Hunc mortalis ingenij morbum alunt augures, arioli, aruspices ac diuini, Verum vbi quis præter rectum & honestum instituit nefaria consilia, tum oportebat horrere portentum, & aliquid mali sequuturum expectare. Plutarch.

Idem.

Philippus quidam erat proficiens Orphei mysteria, & his alios initiare solitus. is quum esset extremæ paupertatis, tamen apud Leotychidam dicebat, eos qui apud ipsum Orphei sacris initiati essent, post obitum fore beatos: Quin igitur, inquit, ô demens, quàm ocyssimè vitam abrumpis, vt definas infelicitatem tuam ac inopiam deplorare? O animum ab omni superstitione liberum. Post hanc vitam felices erunt, qui hinc piè iustèque vixerint, non qui fictis ceremoniis fuerint initiati. Hoc persuasum erat Lacedæmoniiis qui hinc piè vixissent eos ab obitu fieri diuos. Plut. in Lacon.

Epaminondas.

*Cum aliquoties ad hostem cum copiis accederet, & tonitru extitisset interrogantibus suis quid significari eo tonitru putaret, respondit, superstitionem eorum irridēs, deum attonitos reddidisse hostes, stuporémque eis iniecisse, qui cum propè apta loca essent, iniquo loco castra ponerent. Plut. in apoph.

Annibal.

Rex Prusias, cum apud eum Annibali exulanti pugnare placeret, negabat se audere, quòd exta prohiberēt: An tu, inquit, caruncula vitulinæ mauis, quàm imperatori veteri credere? Cicero libro 2. de Diuinatione.

Lucullus.

Quum in Armenia cum decē milibus armatorum & mille equitibus aduersus Tigranem tenderet, ceterum quinquaginta hominum millia habentem in exercitu pridie nonas Octobris, quo die prius Scipionis copiae deletæ fuerāt, quodam admonente, quòd Romani diem illum vt nefa-

stum & inauspicatum metuerent: Ergo, inquit, hodie, alacriter pugnemus vt hunc quoque diem ex nefasto funestòq; Romanis hilarè & auspiciatum reddamus. Plut. in Rom apoph.

M. Crassus.

M. Crasso conficturo cum Parthis, exta è manibus deciderunt hoc tam ceteris vt inauspicatum interpretantibus ac prelium dissuadentibus: Huiusmodi, inquit, incommoda multa nobis senectus adferat: arma tamen nunquam è manibus mihi ceciderunt. Plut. in Crasso.

M. Cato.

Vetus illud Catonis admodum scitum est, qui mirari se aiebat, quòd non rideret aruspex aruspiciem, cum vidisset. Quota enim res quæque euenit, prædicta ab illis? aut si euenit quippiam quid adferri potest, cur nõ casu euenierit? Cicero l. 2. de Diuinatione.

Alphonsus.

Cum triumphalem currum ascenderet, non defuerunt qui admonerent, vt triumphantium more vultum minio illiniret. Verum rex cum hoc contemneret, dixisse fertur, minium Baccho soli conuenire, qui non solū triumphi, sed vini etiam repertor extitisset. Anton. Panorm. de reb. gest. Alphonsi.

De suspitione vitanda.

Lysander.

Militem qui de via deflexerat, castris stigauit. Ei dicenti, ad huius rei rapinam se ab agmine recessisse, ne speciem quidem, inquit, rapturi præbeas volo. Eraf. l. 6. apoph.

Phocien.

Athenienses cum ex oraculo intellexissent, in ciuitate vnicum tantum

tum esse virum, qui cunctorum sententiis aduersaretur, populus vociferans, iubebat illum statim inquiri ut occideretur. Phocion autem cum varias suspiciones esse in viros bonos intelligeret: Ego sum ille, inquit de quo dixit oraculū. Et hec quidē ideo dixit in summo constitutus periculo, ne suspicio ad innocentem aliquem deuolueretur. Plut. in Græc. apopht.

Æschines.

Infrā de Temperantia.

Olympias.

Olympias quum accepisset Alexādrum filium (vt alij, Philippum maritum) adamare fœminam, à qua putabatur amatoris venenis corruptus, accersit ad se mulierē: quūque præter insignem formam comperisset in ea mores liberales, & ingeniū egregiè dextrum: Valeant, inquit, qui te insimulant veneficij. Nā tute quidē pharmacum in te ipsa ac philtrū habes. Eras. l. 6. apoph. ex Plut.

DE TACITVR- NITATE.

Cleanthes.

VM quidam ad tacentem Cleanthem dixisset, Tu quid taces? atque iucundum est cum amicis confabulari. Iucundum quidē, respondit Cleanthes: sed quo iucundius est, eo magis in hoc amicis oportet concedere. Stob. ser. de taciturnit.

Apollonius.

* Annitendum esse dicebat. & quidem sedulo, vt nihil indecens loquatur. Est enim, inquit, viri planè imperiti, non posse tacere, & quæ non

deceret efferre. Eodem sermon.

Diogenes.

* Ad quendam qui se philosophū profitebatur, interrogabat verò contentiosè, dixit: Vah, miser, cur id quod optimum est in vita philosophi corrumpis, & verbis audes te philosophum iactare? Ibidem.

Aristoteles.

* Quidnā in vita difficillimum esset sciscitatus, respondit, Tacere quæ dicenda non sunt. Sto. ser. de arcanis.

Idem.

* Interrogatus, quamobrem cum alios doceret loqui ipse taceret? dixit, Nempe eos quidē ipsa non scindit, cultros autem acuit. Ant. & Max. ser. de taciturnitate.

Theophrastus.

* Iuuenem in conuiuio tacentem, animaduertens, dixit, Si imperitus taces, peritus es: sin verò peritus, imperitè taces. Eod. ser.

Democritus.

* Cum animaduertisset quendam multa imperitè disputantem: Hic, inquit, non dicendi peritus mihi videtur, sed omnino tacēdi imperitus. Eod. ser.

Demosthenes.

* Quum adolescens multas nugas effutiret inter pocula, nec tacere vellet: Adolescens, inquit, quomodo nō didicisti tacere ab illo à quo didicisti loqui? Ibid.

Plutarchus.

* Nemini, inquit, dixeris quod vis taceri. Quomodo enim ab alio postulabis silentij fidem, quam tute tibi non præstitisti. Itē, Tacere non solum sitim prohibet, teste Hippocrate, sed tristitiā quoque & dolorē. Itē, silentij neminē, sermonis plurimos pœnituit. Itē, Taciturnitas vbiq; tutū ornamentum est iuueni. In Morali.

Basilus Magnus.

*Dicenda tacendaque nosse debemus: non enim diuina omnia linguæ vrbis explicanda sunt, ne mens sicut oculus totum solem intueri volens, id etiâ quod habet luminis perdat. Anton. & Maxim. serm. de taciturnitate.

Vide apoph. de arcanis, breuiloquentia, garrulitate, lingua, & silentio.

De temeritate.

Demonax.

A Liquando in balneis cum refugeret ingredi aquam feruentiorem, & alius illum appellaret meticulosum: Quid, inquit, an hoc pro patria passurus essem? Sentiens, temeritatis esse, non fortitudinis, subire periculum, nisi ob causam grauem & honestam fiat. Eras. l. 8. apoph.

Demosthenes

Quum Athenienses gestirent Harpalo ferre suppetias, iamque in Alexandrum armarent, de repente apparuit Philoxenus, quæ Alexander maritimis negotiis præfecerat. hic quum populus metu attonitus consilesceret, Quid facerent, inquit Demosthenes, si solem videant qui non possunt obtueri lucernam? Ita populo temerarios motus exprobrauit. Eras. lib. 4. apoph. ex Plut.

Antigonus.

Cum audiisset filium in extraordinario conspectu ab hostibus interceptum esse, nil aliud dixit, quam: Sero nimis interisti, mi fili, qui tam temerè in hostes te conieceris, neque tuæ salutis, nec meorum monitorum memor. Sensit vir prudentissimus, eum meritò perire, qui nec suæ salutis, nec bonorum virorum monito-

rum memor, temerè in periculum se coniecit. Erasim. in Declamatione de morte.

Fabius Max.

Audiens Minutium collegam, qui feliciter nonnullos hostes iam deiecerat, multū laudari, ait se magis secundam Minutij collegæ fortunam, quàm aduersam pertimescere. Sentiens, illius temeritatem periculosissimam esse Reipub. quam si rerū successus attolleret, in extremum discrimē adducturam vniuersum populū Romanum: sed aduersis casibus futuram moderationem. Plut. in Roman. apoph.

Idem.

Minutius, quum Fabium tanquam cunctatorem in senatu insinulasset, quod præ timore pugnam detrectaret, partitūsq; esset cum Fabio copias, eoque inuito prælium cum Annibale iniisset: Ita est, inquit Fabius, non celerius quàm timui deprehendit fortuna temeritatem. Bruf. l. 3. c. 16. ex. Plutarcho.

Scipio Africanus.

Dicere solebat, in re militari turpe verbum esse, Non putaram: quòd aliis in rebus interdum locus datur, malè instituta posterioribus consiliis melioribus corrigere: cæterum quæ ferro peraguntur, ea non oportere temerè aggredi, quòd hic error ferè est inemendabilis. Idem dictum locum habet & in his, quæ semel facta mutari non possunt: vt in ducenda vxore, in sacris ordiuiibus. Plut. in eius vita.

Augustus Cæs.

Eos qui leuem ob causam periculis se exponerent, similes aiebat esse aureo hamo piscantibus: qui plus damni amisso semel hamo acciperent, quàm multarum capturarum lucro posset

posset reparari. Fulgof. lib. 7. cap. 2.

Philo.

* Quæ absq. ratione fiunt, inquit, omnia sunt turpia. Quæ verò cum ratione omnia decora. Item, Citra doctam cōtemplationem nihil decorè fieri potest. Scientiā enim à bono cōfilio nascitur: at inconsulta temeritas malorum omnium scaturigo est. Itē. Meditatio sera lucrū non habet, & in exitu rei inutilis est pœnitudo. Ant. ser. de temerario consilio.

De temperantia.

Pythagoras.

* **O** Vibus, in quiebat, à corpore solutus non egebis, illa omnia contemne: & quib. etiā defuncto erit opus, illis tibi vacāti, deos adiutores precib. aduoca. Sto. ser. de tēperātia.

Antisthenes.

Voluptatē in tantum execrabatur, vt diceret se malle insanire, quā voluptate affici. Insaniam aufert medicus: voluptas quum æquē mentem eripiat homini, vix sanabile malum est. Laërt. l. 6.

Democritus.

Dicebat, Cœnas lautas & sumptuosas suppeditare potest fortuna: at cōtrā faciles, & quæ sufficiant necessitati, temperantia. Stob.

Idem.

* Optimum dicebat homini vitam agere animo vt plurimum læto, rarissimè tristi quod fieri poterit, si voluptates nō in perituris rebus locentur. Stob. serm. de temperantia.

Idem.

* Mensam preciosam fortuna (in quiebat) apponit, frugalem & contentam tēperantia. Itē. Patris temperantia, optimū liberis præceptum. Item. Tēperantia quæ iucunda sunt auget,

& voluptatem maiorē facit. Eod. ser.

Socrates.

* Dicebat oportere voluptates nō ex aliis sed ex nobis ipsis aucupari: corpus autem vt decet præparatum & compositum esse volebat. Item. Nulla re indigere Dei esse, quā paucissimis autem Deo proximum. Itē, interrogatus quibusnam rebus maxime abstinendum esset? respōdit. Turpib. & iniustis voluptatibus. Stob.

Alexander.

* Quum quidam eum hortarentur vt Darij filias & vxorem forma præstantes spectaret, Turpe futurū dixit, eos qui vicissent viros, à mulieribus vinci. Curtius.

Socrates.

* Frugalem & rebus suis contentum animi habitum similem esse dicebat viæ breui & amenæ: multum enim gratiæ & parum laboris habet. Laërtius.

Idem.

* Quærenti, quis ditissimus esset? paucissimis contentus, respōdit. Virtus enim suis rebus contenta naturæ opulencia est. Stob.

Pythagoras.

* Temperantiam robur animæ esse dicebat. Hæc enim animæ passionum expertis lumen est. Laër.

Diogenes.

* Indignum esse aiebat athletas & citharædos vētrē & voluptatib. superiores esse, hos vocis & illos corporis gratia: propter tēperantiam verò neminem ista contemnere. Laër.

Crates.

* Cū in forum incidisset, alios emētes, videntes alios contemplatus: Illi, inquit, quod rē inter se contrariā agunt, se beatos iudicant, at ego me, quod vtriusq. tū emendi, tū vendendi sum immunis. Stob. & Laër.

Antiphon.

* Qui turpia, inquit, neque cupiuit, neque attigit, is nō est temperās. Nihil enim existit à quo sibi temperauerit, vt modestus & temperans dici mereatur. Stob.

Isaus.

* Sacrificium maximum iudicabat, vitam quotidie molestam & temperantem præstare. Stob.

Iamblichus.

* Temperantia, inquit, cū exterminet à nobis quicquid imperfectum & perturbationibus obnoxium reperit, quomodo non perfectos nos redderet. Quod autem ita se res habeat, vel ex Bellerophontis fabula cognoscēs, qui cum temperantia auxiliatrice, Chimæram, id est belluinum, agreste, ferūque voluptatū genus omne confecit. Item. Bona illa moderatio, qua voluptates intra certos limites coercentur, familias simul & ciuitates secundum Cratetis sententiam, conseruat: imò ad deorum naturam propius iam accedit. Quamobrem Perseus ad summam temperantiæ laudem aspirans, duce Minerva, Gorgonis caput, cupiditatem nimirum quæ deorsum in materiam trahit, & saxeos efficit homines, stolidis affectibus repletos, amputauit. Ex epist. de temperantia, apud Stobæum.

Anonymus.

* Temperantiam esse dixerunt animæ partium mutuam consensionem, Imperiū in voluptates, vniuersale cognomen omnium virtutū: itē, vocarunt eam Columnam fortitudinis, galeam contra lasciuiam, oculorum aurigam, beneuolentiæ custodē, cogitationum circumscriptionē, luxuriæ castrationē, effervescentis animi hostem in opera turpia impediētē, con-

tinentiæ promotricem, cordis consiliariam, precum & votorū directricem. Stob. ser. de temperantia.

Demoſthenes.

Nullum homini malum accidere posse affirmabat, qui sapientiæ fundamenta temperantiam & continentiam iecerit. Stob. ser. de temper.

Aeschines.

Temperati viri vitam tam puram tamque sinceram esse oportere dicebat, vt ne turpitudinis quidem suspicionem de se præbere possit. Stob. eod. serm.

Agesilaus.

Quod ad corporis curam attinebat, nulla in re melius habebat, quàm hi quibuscum vivebat: à saturitate quidem & crapula in totum abstinens: somno verò sic vivebatur, non vt ille dominaretur, sed vt seruaret negotiis: aduersus æstus autem & frigus sic erat instructus, vt quatuor anni temporibus vnica tantum veste vteretur. Cæterum quum in tentoriis inter milites ageret, velut vnus quilibet è numero, nihilo meliorem culcitram habebat quàm cæteri. Illud assidue habens in ore: Principis esse, non mollicie deliciisue, sed temperantia ac fortitudine priuatis hominibus antecellere. Plut. in Lacon. apoph.

Vide apoph. de Abstinentia, Continentia, Cognitione sui, Frugalitate, Sobrietate, & tranquillitate animi.

De templorum ornatu.

Stratonicus.

Versans apud Malissam, quum videret tēpla multa, homines paucos, stās in medio foro, clamauit, Audite tēpla. Eras. l. 6. apoph. ex Athen. phryno.

Phryne.

Delphis Venerem auream dicauit, tam videns Diogenes, ascripsit elogium: Ex Græcorum intemperantia. Arguebat enim Græcos, supra modum libidini deditos esse, quod scortum è turpi quæstu tantum auri collegisset. Laer. l. 6.

Alexander Seuer.

In templis argenti minimum, auri ne guttulam quidem aut bracteolam posuit, subinde repetens illud Persicum:

Dicite pontifices, in templis quid facit aurum. Lampridius.

De tempore, & eius iactura.

Thales.

Sciscitatus, quidnam in tota rerum natura esset sapientissimum? respondit, Tempus, inuenit enim omnia. Laer. l. 1. c. 1.

Bias.

Dicere solitus erat, vitæ tempus ita metiendum, quasi & diu & parum victuri simus. Laer. l. 1. c. 6.

Democritus.

Dixit pretiosissimum impendium esse tempus, πολυτιμώτατον ἀπαιλούμενον. Plut. in vita Antonij hoc dictum compluribus tribuitur.

Anaxagoras.

Percontanti, an Lampfaceni montes aliquando mare futuri essent? Anaxagoram respondisse ferunt: Ita sane, nisi tempus defecerit. Bruf. lib. 6. cap. 26.

Zeno Cittius.

Aiebat, hominibus nihil magis deesse quam tempus, longè dissentiens ab iis, qui bonam vitæ partem perdunt somno, temulentia, nugis &

leâ, quasi multum temporis superfit homini. Laer. l. 7. c. 1. Stob.

Theophrastus.

Habebat semper in ore, nullum esse sumptum pretiosorem tempore. Solum enim hoc recuperari non potest, & tamen vulgò nihil habetur vilius tempore. Laer. l. 5,

Simonides.

Interrogatus, quantum temporis vixisset? Tempus quidem, inquit, exiguum, annos autem multos. Stob. serm. 96.

Plinius maior.

Quum recitatorem quiddam perperam pronuntiantē amicorum quispam reuocasset, & vt repeteret coegisset: Quid, inquit, an intellexeras? quum ille annuisset. Cur ergo, inquit, reuocabas? Decem amplius versus ista tua interpellatione perdidimus. Tanta erat parsimonia temporis. Eras. l. 8. apoph.

Idem.

Nepotem suum ambulante vi- dens, obiurgauit: Poteras, inquit, has horas non perdere. Nam qui lectica vehébantur, aut recitante audiebant, aut si libuisset aliquid etiam annotabant, aut dictabant aliquid, quorum nihil licet ambulanti. Ibid.

M. Cato.

Suprà, de Nauigationis periculo.

Cicero.

Quum accusator Milonis, lex argumento temporis colligens Clodio à Milone structas insidias, subinde rogaret, quo tempore occisus esset Clodius? Cicero respondit, Serò, voce ancipiti significans, è Republica se futurum, si Clodius multò antè fuisset interfectus. Eras. libro 3. apophth.

Tempori inserviendum esse, pete ex apophth. de Decoro.

*Soc. Ier. De testimonio, & te-
stibus.*

Socrates.

EOs qui multitudini imperitæ fidem habent aiebat perinde facere, ac si quis tetradrachmum vnum contemnens reiceret, & aceruum è simulibus congestum probaret, reciperetque. Cui non fideres soli, ei nihilo magis fidendum est in turba similibus. Nec enim refert quàm multi sint, sed quàm graues, Nummus adulterinus etiam in quatuor magno aceruo adulterinus est. Hoc aduersus turbam testium, & indocti vulgi iudicia. Eras. ex Laer. l. 2. c. 5.

Crassus.

Quum Silus testis læsisset Pisonem, cui Crassus aderat, prolato crimine, quod se id eum dictum audisse dicebat: Potest fieri Sile, inquit Crassus, ut is vnde te audisse dicis iratus dixerit? Annuuit Silus. Potest etiam, inquit, fieri, ut tu non rectè intellexeris. Cum id quoque toto capite annuisset Silus, ut se Crasso daret, subiecit Crassus: Potest etiam fieri, ut omnino quod te audisse dicis nunquàm audieris. Hoc adeo præter expectationem, ut Silum teitem omnium risus obrueret. Eras. l. 6. apoph.

Nero.

Inter Neronem & Thraseam graues intercedebant inimicitiae, verum eundem multa criminosè iactanti de Thrasea, dicentique, causam ab illo perperam esse iudicatam, obstitit Nero exclamans: Vtinam me tam Thrasea diligat, quàm est iudex rectus & æquus. Hostis hosti testimonium perhibuit de fama periclitanti, nullum autem grauius testimonium, quàm inimici de inimico. Eras. l. 6. apoph.

Anonymus.

Suprà de Innocentia.

De tormentis & questionibus.

Perfes.

Negauit tormentis opus esse ad explorandam rei veritatem: vix enim id rectius fieri dicebat. Senesit autem vir prudentissimus, tantum esse vini immodicè sumpti potentiam, ut proferat ea, quæ crudelissimis tormentis ex homine sobrio elicere non possis. Vide prouerbiū apud Erasmus, In vino veritas.

Anonyma.

Poppea, quæ prius adultera Neronis, mox repudiata Octauia marito potens facta, subornauit quendam ex Octauiae ministris, qui ei seruilem amorem obiceret. Ancillis Octauiae ad quæstiones pertractis, quædam cruciatu victæ falsis, annuerunt, quædam perstiterunt dominæ suæ sanctitatè prædicantes. Ex his vna instanti Tigellino respondit: castiora esse Octauiae muliebria, quàm os eius. Eras. l. 6. apoph.

Anaxarchus.

Suprà de Fide seruand.

De tragœdia.

Socrates.

Cum videret in imperio triginta Tyrannorum multos summæ estimationis viros interfici, & locupletissimos quosque grauissimis supplicis per insidias circumueniri, dixisse fertur ad Antisthenem: Nunquid te poenitet, quod in vita nihil magnum neque spectabile consecutus sumus?

simus: quemadmodū videmus in tragœdia describi monarchas, Atreos illos & Thyestas, & Agamemnones & Ægisthos? Nam illi obtruncati in Tragœdiis taxantur, & mala fercula comasse vbique produntur. Nemo verò poetarum eò progressus est audaciæ & impudetiæ, vt porcum matatum in Drama introducat. Ælian. l. 2. de Var. hist.

Gorgias.

Dicebat, Tragœdiā esse deceptionem, qua qui alterum decepisset, & qui deceptus esset, sapientior foret eo qui nō esset deceptus. Fallit quippe tragœdia, dum tractat rem fictā: sed adeo concinnē, vt verissima esse videatur. Iustior autem videtur ille, qui fallendo hominibus prodest: & sapientior est, qui per fabulas confectas discit, quid turpe, quidve sit honestum. Plut. de audiendis poetis.

Hippodromus sophist.

Suprà de Lectionis delectu.

De tranquillitate animi.

Socrates.

Interrogatus, qui sine perturbatione viueret? Qui, inquit, nihil sibi consciunt mali. Ant. in Melissa, part. 2. serm. 77.

Bion.

Percontanti quis esset maximē anxius? Qui in maximis, inquit, rebus cupit esse fortunatus. Is enim mille curis distorquetur vt assequatur ardua, & assequutus æquē torquetur ne amittat. Laert. l. 4. c. 7.

Crates.

Dicebat, se pro patria habere gloriam neglectum, & paupertatem, in qua nullū ius haberet fortuna. Aiebat item, se Diogenis ciuem esse, qui

nullis inuidiæ patebat insidiis. Opes enim ac nominis splendor conciliāt inuidiam. Laert. l. 6.

Idem.

*Quum Nicodromū citharœdum irritasset, cæsus in faciem est. Chartulam itaque imponens fronti inscripsit Nicodromus faciebat. Laert.

Idem.

*Quum Thebis à principe gymnasijs flagris cæsus esset, ac pede trahe-retur, ridebat, dicens ex poeta versiculum, Protractum pedibus detrusic limine sacro. Laert.

Democritus.

*Tranquillium futurum non multa agere oportet, inquit, neque priuatim neque publicè: nec omnia que adfuerint supra facultatē & naturā suam sibi sumere: sed tantam sui curam habere, vt quamuis præsentem fortunam, & quicquid opinio desiderat suppeditaturam, declinet, ac non plura assumat, quàm quibus ferendo est. Malis enim commoditas, tutior est quàm eius magnitudo. Stobæus ser. 101.

Aristippus.

Validissimis argumētis & sermonibus vsus, hortabatur. neque de præteritis curam postea suscipiendam, neque de futuris antea. Id enim animi bene constituti signum esse, & hilaræ cogitationis argumentum. Iubebat autem in diem animum intendere: & diei illam solummodo partem, qua quisque quid ageret, aut cogitaret. Solum enim aiebat præsens in nostra manu positum, non præteritum, neque instans. Illud enim abiisse, hoc an euenturum sit, incertum esse. Ælianus lib. 14. de Varia historia.

Diogenes.

Illud dixisse fertur, Quod forru-

næ apponeret animi fiduciam, legi naturam, affectibus rationē, eo quod his tribus paretur & seruetur hominum tranquillitas. Laer. l. 6.

Stilpo.

Ei in somnis visus est Neptunus sibi iratus, quod non immolasset hecatomben, quemadmodum mos erat. At philosophus nihil perturbatus, respondit, Quid ais Neptune? Itāne veluti puer huc venisti cum tua querimonia, quod pecunia mutuò sumpta non expleuerim nidore ciuitatem? Atqui pro rei familiaris modulo sacrificauit tibi aquas aliquot. Ad hæc arridens Neptunus, visus est illi porrecta dextera dixisse: In tuā gratiam ingentem aquarum prouentum largiar ciuitati Megarensium. Quod & euēnisse tradunt. Laer. l. 2. c. 3.

Plutarchus.

* Commodissima est inquit, tranquillitas, cum ad alia, tū ad scientiam & prudentiæ exercitationem: non cauponariam & forensem dico, sed magnam illam, quæ Deo similē reddit sui participem. lib. de tranquillitate animi.

Phocion.

Dicere solebat, Multò satius esse humi cubantem viuere, ac bono quietoque animo esse, quam perturbatū in aureo lecto. Stob. sermon. de Prudentia.

Vide apopth. de Felicitate, Constantia, patientia, fortitudine, temperantia, &c.

De tristitia.

Socrates.

* **R**ogatus, quomodo quis vitam tristitia vacuam degeret, respondit, fieri non posse, ut qui in ciuitate aut familia habitat, & hominibus cōuersatur, non aliquando tri-

stetur. Anton. & Max. ser. de dolore & tristitia.

Plutarchus.

* Ut thoracitunicam, ita tristitia mentem & rationem inducendam esse dicebat. Item. Viam planissimā eligendam, vitam verò tranquillam. Eod. serm.

Choricus.

* Immoderatum gaudium sæpius in dolorem exire dicebat: & immodica voluptas (inquit) accersit sibi tristitiam producit. Ibid.

Epictetus.

* Si vis, inquit, tristitia vacare, quæ futura sunt hic æstiuā, veluti iam accidissent. Item. Sapit qui non tristatur propter absentia, sed gaudet presentibus. Item. Percontatus, quomodo quis hosti tristitiam excitare posset, respondit, Si ita seipsum comparet, ut quā optimē viuat. In enchirid. & dissertat.

Pofidippus.

* Nullus hominum (inquit) sine tristitia vitam transegit. neque fortuitus ad fidem vsque manfit. Anton. & Max. ser. de tristitia.

Vide apophtheg. de dolore luctu, molestia, &c.

De triumphis.

Q. Seruilius.

Quintus Seruilius, vir inter optimates clarus, indignabatur Pompeio concessum triumphum: atque etiam milites complures obfistebant, ne triumphus ageretur: nō quod inuiderent Pompeio, sed munera quædam poscebant, quasi largitionibus ab ipsis esset emendus triumphus, alioqui milites minabantur, se dirupturos pecuniam quæ in triumpho ferretur. eoque Seruilius Glauciæque suadebant, ut eam potius inter mili-

tes diuideret, quã diripi sineret. Verum ubi Pompeius respondit, se citius omitturum triumphum, quã militibus blanditurum: simulque laureos fascēs eis obiecit, ut illinc inciperent direptionem: Nunc, inquit Seruilius, te Pompei verē magnum video, dignumque triumpho. Non ludicabar esse speciosum triumphū nisi qui citra ambitum, citraque largitiones bene factis redderetur. Plut. in Rom. apoph.

Chrysippus.

Cum in triumpho C. Cæsaris oppida eburnea fuissent circumlata, ac paucis post diebus in triumpho Fabij Maximi lignea deponerentur, Chrysippus ludens, dixit eas esse thecas oppidorum Cæsaris. Solent enim res pretiosæ ligneis thecis muniti. Bruff. lib. 6. cap. 5.

Detrophæis.

Stratonicus

Cum apud Sicyonios uicisset aduersum se cithara certantes, cōsecrauit in Æsculapij templo trophæum, cum hac inscriptione: Stratonicus à malè cithara canentibus. Athenæus.

Epaminondas.

Cum Chabrias circa Chorinthus paucos Thebanos sub mœnibus audius pugnantes prostrauisset, atque ob id trophæum erexisset, Epaminondas deridens hominem dixit: Hic sane decebat, non trophæum, sed Hecateum erectum esse. Veteres enim ante portas in triuiis cōgruenter Hecates imaginem statuere solent, vel ad indicandam viam, vel in gratiam sepulcorum. Plutarch. in apophtheg.

Detyrannide.

Bias.

Rogatus, quòdnam esset ex animalibus perniciosissimum? Syluestrium, inquit, tyrannus: domesticorum, adulater. Plut.

Thales.

Sciscitatus, quid difficile unquam vidisset? Tyrannum, inquit, senem Plutarch.

Democritus.

Cum apud Dionysium quæreretur quòd æris genus esset optimum. Ex quo, inquit, Athenienses statuas fecerunt Harmodio & Aristogitoni. Quo ostendere voluit, tyrannos è medio tollendos esse: & his qui eiecissent ex ære statuas erigendas esse, more Atheniensium. Laërtius libro nono. Idem tribuitur Diogeni à Laërtio, libro 6. & Antiphonti oratori à Plutarcho.

Diogenes.

Percontanti quo pacto Dionysius vreretur amicis? Ut viribus, inquit: plenos suspendit, inanes abiecit, significans à tyranno diuites occidi, pauperes negligi. Laert. lib. 6.

idem.

Dicebat, Cæteris mortalibus quibus res sunt prosperæ, vita iucunda est, mors odiosior: rursus infelicibus vita grauis est, mors optabilis: at horum utrumque tyrannis est molestius. Siquidem ut viuunt insanius, ita mortem vehementer oprant, ita mortem perinde metuunt quasi vitam suauissimè degant. Laërtius libro 6.

Xenophanes.

Dicebat, Cum tyrannis cōgrediendum esse aut iucundissimè, aut

minimè. Nihil est violentius aure tyranni ait Satyricus. apud bonos etiam principes admonendi libertas verbis placidioribus est temperanda. Id qui non potest, abstineat ab illorum congressu. Laër. l. 9. c. 2.

Anaximenes.

Interrogatus, quid ad familiaritatem difficile esset: Tyrannus, dixit. Stob. ser. 47.

Antisthenes.

Carnifices tyrannis longè præferebat. Cuius causam interroganti cuidam, respondit: A carnifice quidè homines iniusti interimuntur, à tyranno autem etiam insontes. Stob. serm. 47.

Timon.

Alcibiadis crudelitatem notans, redeunti à concione, ait: Maeste virtute adolescens, autoritate tua potentiam auge, magnam enim huic Reipub. perniciem augebis. Plut.

Demosthenes.

Audiens quorundam improbari tyrannidem: Rex, inquit, malus, & tyrannus, res est inimica bonis ciuibus, & legibus contraria. Phauorin.

Argens.

Iter aliquando faciens per Siciliæ Selinuntē, cum in sepulchro quoddam hoc elegiacum legisset,

Hosce Selinuntis quicunque tyrannida.

Maiores

Extinxere, ferus perdidit in foribus, &c.

Iure periistis, inquit, qui ardentem tyrannidem extinguere conati estis. Nam permittendum potius fuit totā cremari. Plut. in apoph. Lacon

Deo hæres.

Apud Athenienses cum decretum esset, ne Demetrii quædam epistolæ ad populum afferrentur, Athenienses mox pœnitentia acti, authores

eius decreti in exilium miserunt: ac decreuerunt, ut ea omnia quæ à Demetrio iuberentur, sancta apud deos, iustaque apud homines essent. Verum, Demochares Spartiata, ad tyranni potentiam alludens, Insaniret (inquit) Stratocles, nisi hoc pacto insaniret. Etenim plurimum ob huiusmodi adulationes precij ferebat scophanta Stratocles. Plutarch. in Demetrio.

Xerxes.

Græciæ bellum indicturus, convocatis omnibus Asiæ principibus, dixit: Ne viderer meo tantum consilio hoc aggressus, contraxi vos: ceterum mementote, mihi parendum magis quam suadendum. Vox bistyrannica: & quod principum conventu pro fuco abuteretur, & quod negotium multo periculosissimum suavius cupiditate veri us quam consilio susciperet. Eras. l. 5. apoph.

Dionysius.

Suprà, de Munerum contemptu.

Aristippus.

Cum Dionysius exprobraret Aristippo, quod nihil utilitatis ab eo accepisset: Verum ait, dixit, Siquid enim tibi profuissim, non secus à tyrannide, quam à comitali morbo liberari voluisses. Stob. ser. 47.

Idem.

*Regnum à tyrannide tantum differre dixit, quantum lex à reipublicæ statu, absque legibus, & libertas à servitute. Stob. eod. ser.

Himera.

Dionysij tyranni mortem cum omnes Syracusani appeterent, sola Himera mulier deos orabat, ut Dionysius diu superstes esset. Quod ubi rescivit tyrannus, rogavit vetulam, quam ob causam deos oraret, ut longam sibi largirentur vitam? Tum illa:

la: Puella cum essem, ait, grauemque tyrannum haberemus, occidi illum capiebam. Eo mortuo, aliquanto deterior tyrannidem occupauit: ei quoque mortem imprecata sum, & exsententia euenit. Te vero longè deteriorem nunc habemus. Verita igitur ne te absumpto deterrimus in locum tuum substitueretur, te diu incolumem nobiscum esse vnice cupio. Bruf. l. 6. c. 21.

Ælianus.

*Si quis (inquit ex Æsopo) suum terigerit, clamat & merito. Nec enim vellera sus habet, neque lac, nec aliud quiddam præter carnes. Statim igitur somniat mortem, cum sciat quibus vñibus præstandis vsurpari possit. Sunt autem Æsopice sui similes tyranni, qui omnia suspicantur & metuunt. Sciunt enim, quod sicuti sues, ita & ipsi vitam omnibus debeant. In varia historia.

Phalaris.

Dicere solebat: Ego, qui expertus vtrunque sum, tyrannidi malum subesse, quàm præesse. Subditus enim aliorum malorum securus, vnum tyrannum metuit: tyrannus autem, & eos qui foris insidiantur, & illos per quos seruatur. Stob. ser. 47.

Ptolemæus.

Ptolemæus, cui cognomen fuit Philadelphus, dicebat in tyrannide cum alia multa esse grauiora, tum illud maxime, quod immeritos occidere cogatur, vtilitatis suæ gratia. Stob. serm. 47.

Anonymus.

Quidam Bruti statuae subscripsit, Vinam viueres: quod opera Bruti Tarquinius ex vrbe depulsus esset. Cæsaris statuae subscripserant hos versiculos:

Brutus, quia reges elecit, consul primus factus est:

Hic quia consules eiecit, rex postremus factus est.

Eras. lib. 4. apoph.

T. Quintius.

Contra Philippum Macedonem missus, quum in colloquium venisset, & Philippus obsides postularet, quoniam apud Romanos multi essent duces, ipse autem solus inter Macedones scito scommate illius tyrannidem taxans Quintius: Tu nempe, ait, te solum effecisti, quippe qui amicos & cognatos occiderat. Plutarch.

M. Antonius.

Quum Rhodam insulam vicepisset, & in ingressu salutaretur rex atque dominus: Nec rex sum, inquit, nec dominus, sed regis ac domini interfector. Plut. in Ant.

Pompeius.

Post prælium in Pharsalicis campis habitum in Ægyptum profugit, cumque è tiremi descendurus esset in scalmum piscatorium ab Ægypti rege missum, conuersus ad uxorem ac filium, nihil aliud dixit quàm illud Sophocleum:

*αἰεὶς τῶν τυραννῶν ὅς τις ἐμπορεύεται
καὶνὸν εἰ δούλος, καὶ ἐλθὼν αἰεὶς μόλις.*

id est,

*Quisquis tyranni ad tecta demigrauerit,
Fit seruus illi, liber est vernerit.*

Præfagisse videtur imminens exitum. Vbi enim descendisset in scapham, ictus gladio, semel tantum emisit suspitum: & obuoluto capite, præbuit se occidendum. Plut. in apoph.

Theodorus.

Theodorus regis Ægypti præceptor, aliis consentibus esse recipiendum Pompeium, aliis non recipiendum, neutris assentiens dixit: Recipien-

dum, sed occidendum: addēs iocum, Mortuos non mordere. Atque huius sententia vicit, tuta suadens magis quàm honesta. Eras. l. 6 apoph.

Nero.

Nero cùm nihil flagitiorum sibi non permitteret, elatus tanto rerum successu, dicebat neminem principum ante ipsum scisse quid & quantum sibiliceret. Verùm qui hoc dixit, sensit tandem, quid vicissim liceat populo in malum principem. Ibid. ex Suet. in eius vita.

Anonymi.

Noctu quidam simulabant se scire in seruos, petebantque vindicē Vindex autem erat defectionis in Nerone dux. Et hoc ioco notabatur, iam non ferenda Cæsaris tyrannis. Suet. in eius vita.

Nero.

Desperatis rebus noctu adiit hospitium singulorum, de fuga consulturus. quumque fores omnium ocellas reperisset, reuersus in cubiculum, comperit & custodes diffugisse, direptis etiam stragulis, & *nota venenipyxide, quam in extremum casum parauerat, innox Mirmillonem nomine Spiculum requisivit, vel aliū quolibet, cuius manu periret: ac nemine repperito: Ergo ego, inquit, nec amicum habeo, nec inimicum? Decretum erat, eam belluam publico orbis odio immolare. Suet.

Flavius.

Sunt qui putant hoc clām, & inscio etiam Seneca fuisse decretum, ut occiso Nerone, occideretur & Piso, mox imperium Senecæ deferretur. Interea vulgabatur verba Flauij, qui dixerat, ad dedecus nihil referre, si citharædus dimoueretur & tra-

gædus succederet. Nero cithara, Pilo tragico ornatu canebat, Sensit vtrumque pariter indignum imperio. Sueton.

Batto Dalmata.

A Tiberio interrogatus, cur toties cum suis defecisset, & Romanis tantam cladem intulisset? respondit vos in causa estis qui ad greges vestros custodiendos non canes dedistis, aut pastores, sed lupos. Sentiens, gubernatorum aut Cæsaris tyrannidem defectionis causam fuisse. Dion. in Augusto.

Caligula.

Cùm audiret fortè reges qui officij causa in urbem aduenerant, inter se super cœnam de nobilitate generis concitantes, exclamauit: De cœlo venit nobis rex, & adiecit carmen Homericum,

ἔκ τινος γένους ἔστω, ἔκ τινος βασιλῆος. Id est, *Vnus Dominus fuit, vnus rex.*

Nec multum abfuit, quin statim diadema sumeret, speciēque principatus in regni formam conuerteret. Sueton.

Id m.

Antoniae auia pro sua autoritate monenti, ut quædam secus ageret, Memento ait, mihi omnia in omnes licere. Talia portenta tum principum titulo pertulit mundus, quæ non commemorarem, nisi ut ex his principibus prodigiosa feritatis horror incutiat. Eras. ex Sueton.

Anonymus.

Scurra quidam in Claudij tyrannidem alludens, ait, in vno annulo bonos principes posse scribi atque depingi omnes. Brusl. l. 6. c. 21.

Ludonius XII. Gall. rex.

* Plebem & rusticos dicebat esse pascua tyrannorum & militum: tyrannos

nos autem & milites pasqua esse dæmonum. Annal. Franciæ.



DE VAFRE

DICTIS.

Bias.

BIAS Priænenfis, cuius sapientia diuturnior inter homines est, quàm patria Priene fuit, ita aiebat oportere homines in vfu amicitie verari, vt meminissent eam ad grauissimas inimicitias posse cõuerti. Quod quidem præceptum prima specie nimis fortasse callidum videtur, inimicumque simplicitati, qua præcipue familiaritas gaudet. Sed si altioribus animis cogitatio demissa fuerit, perquam vtile reperietur. Aristoteles libro 2. Rhetor. Valer. Maxim. libro 7. cap. 3.

Anaximenes.

Alexander cum ad Lampfacenæ vrbis excidium summo studio ferretur, progressum ante mœnia Anaximenum præceptorē vidit. Ac cum sciret futurū, vt p̄ces suas iræ eius opponeret, statim non facturum se quod periisset iurauit. Tunc Anaximenes: Perō, inquit, vt Lampfacum diruas. Vafro dictorio regem capiēs. Val. Max. l. 7. c. 3.

Cleombrotus.

Suprà, de Pietatē filiorum in parentes.

Lyfander.

Suprà de Astutia.

Archidamus.

Cum Græci nolent rescindere p̄cta, quæ sub Antigono & Crateto

pepigerant, & amplecti libertatem, quam offerebat Archidamus, veriti ne grauiiores essent habituri Lacedæmonios, quàm Macedones: Ouis, inquit Archidamus, semper eadem edit vocem. Cæterum homo multas & varias emittit voces, donec quod decreuerit, confecerit. Hoc dicto significās, fallendam esse fidem, si qua magna inuitet vtilitas. Plutarchus in Lacon.

Lyfander.

Dionysius cum Lyfandro misisset stolas duas, vt vtram vellet eligeret, & deinde filia suæ mitteret: Lyfander ambas accepit, ac abiens, dixit: Ipsa rectius & melius eligit. Plutarch, in Lacon. apoph.

Iulia Augusti F.

Suprà de Superbia.

Antonius orator.

Idcirco se aiebat nullam orationem scripisse, vt si quid superior iudicio actum, ei quem postea defensorus esset nociturum foret, non dictum à se affirmare posset. Qui facti vix prudentis tolerabilem causam habuit, pro periclitantium capite nō solum ea eloquentia sua vti, sed etiā verecundia abuti erat paratus. Cicero pro Cluentio, Val. Max. l. 7. c. 3.

Vide apophth. de ambigūe & argutē dictu.

De venia delicti.

Epaminondas.

Homini contempto, qui leue quiddam admiserat, Pelopida pro eo deprecante, nō ignorauit: sed amica pro illo rogante, dedit veniā, dicens, eiusmodi munera à scortillis accipi oportere, non à militibus. Paratus erat ad ignoscendū, sed quem

admodum non quæuis damus omnibus, ita spectandum est, cui & in qua causa gratificemur. Plut. in Græcorū apoph.

Arius philosophus.

Potitus Alexandria Cæsar, multis vitam donarat in gratiam Arij philosophi. Sotratum tamen, promptissimæ quidem linguæ virum, sed qui Cæsari displiceret, quod temerè Academicus haberi vellet, reiecit. At is, squalidus promissâque cana barba, coepit Arrium quocunq. irer insequi, versiculum illum in ore habens.

σοφοὶ σοφὴν σολύουσιν, αἱ δὲ σοφὴν σοφοὶ.

Sapientes sapientes seruant, si fuerint sapientes.

Hac arte coegit Cæsare ignoscere, Eras. l. 4. apoph. ex Sueton.

Vide apoph. de Impunitate, & de Pœna neglectu.

De ventris studio.

Diogenes.

Luxuriosorum ventrem vitæ charybdin appellabat, quod omnia deuoraret, nec satiaretur vnquam. Charybdis tantum ea sorbet quæ mari vehuntur, & reuomit tandem quod absorbuit. at lurconum vëtribus nec aer, nec terra, nec flumina, nec maria sufficiunt: quin & domos & agros totos absorbent, nec reuomunt. Laër. libro 6.

Anonymus.

Apud Iassios, populum magna ex parte piscibus victitantem, citharæodus quidam in foro ostentabat artē. Verum simulatque tintinnabulū crepitu signum dedit adesse pisces venales. turba subito deseruit cantorē & ad piscium mercatum aduolauit, vno excepto, qui quod surdaster esset,

tintinnabuli sonitum non audierat, aut certè non attenderat. Huic citharæodus propius accedēs, gratiā egit, quod & artem honorasset, & ipsum nō passus sit esse prorsus desertum. Tum ille, An crepuit tintinnabulū? vt annuit, Valebis, inquit, egregie magister, seseque mox ad pisces proripuit. Citharæodo liberum erat, sibi cænere & Musis. Longè maior est nobis cura ventris, quàm artium liberaliū. Eras. l. 8 apoph.

M. Cato.

Cato senior in concione suafurus de frumento vitium diuidendo ita præfatus est: perdifficile esse, ad ventrem aurib. carentē verba facere. Ventrem dixit, quod ageretur de populi victu. Plut. in Rom. apoph.

Huc refer apophth. de Luxu & voluptate.

De verberibus.

Socrates.

Cum filium delinquentem iam verberibus tractare veller, sentiens se ira commotum, ait: Tutius ipsum coerce. Laër. in vita Socratis.

Plato.

Eodem morbo se laborare sentiens, seruūque cum castigare pararet, ac fortè Xenocrates adesset: Flagella, inquit, hunc puerum: vides enim me plus satis iratum esse. Laër. l. 3.

Idem.

Famulo suo sic comminatus est: Verberibus tractarem, nisi iratus essem. Laër. l. 3. Docuerunt autem viri sapientissimi, non sumendas esse poenas à delinquentibus, vbi iracundia nos commotos intelligimus.

Diogenes.

Suprà de Respō ab inexpectato

Idem.

Idem.

Plufante aliquo, ac dicente, Caue: virga cædēs illum poſtea Diogenes, dicebat, Caue tu nunc quoque, Laërtius.

Demonax.

Conſpicatus quendam, ſeruum crudeliter verberantem: Deſine, ait, ne ſeruo ſimilis ſias. Subinde cauit autem vir prudentiſſimus, eos fruſtra caſtigare ſeruos, qui ipſi inde ſerui ſint, quod prauis affectibus ſubſeruiant, & commotionibus frenum iniicere non poſſint, Eraſm. lib. 8. apophthegm.

De verborum obſcuritate.

Socrates.

EVriſtides obtulit Socrati librum ab Heraclito conſcriptum. eo leſto rogauit quid illi videretur? Perſouem, inquit, quæ intellexi mihi præclara videntur, qualia puto & ea quæ non intellexi: ſed opus eſt Delio quoptiam natatore. Notauit perquam falſè affectatam eius ſcriptoris obſcuritatem, vnde & *ἐκαστὸν* cognomen inditum eſt De Delio natatore vide Chiliades Eraſm. Rot. lib. 3. apoph.

Melanthus.

Interrogatus, quid ſentiret de tragœdia Dionyſij? negauit ſe eā vidiffe, quod eſſet obſecta verborum inuolucris. Notans, ambitioſa verborum copiā rem obſcurari. Plut. *de laiciſm.*, & Eraſm. Rot. l. 6. apoph.

Phaenocritus.

Audiens adoleſcentem obſcurioribus & inuſitatis verbis loquentem. Curius (inquit) & Fabius dilucidè cū

ſuis fabulati ſunt, neque Arūcorum, Sicanorum aut Pelafgorum verbis quicquā ſunt loquuti. Eraſm. l. 6. apoph. ex Gellio.

Demonax.

Cū quendam neſcio quid interrogafſet, atque is obſcuris planè verbis reſpondiſſet: Non intelligo, inquit, quid dicas: loquaris enim cum apertè tecum loquente, quaſi Agamemnon adhuc viueret. Eraſm. lib. 8. apoph.

De verecundia.

Socrates.

Hortabatur iuuenes, vt hæc tria haberent: In animo prudētiam, in lingua ſilentium, in vultu verecūdiam Max. ſer. 41.

Muſonius.

*Verecundia, inquit, apud omnes dignus habebereſ, ſi primū reipſum vereri inceperis. Stobæus ſermone 31.

Democritus.

*Malum, inquit, etiam ſi ſolus fueris neque feceris neque dixeris. Diſce autem teipſum magis quā alios reuereri. Laër.

Theophrastus.

*Reuerere, dicebat, teipſum, & nō erubeſces coram aliis. Stob.

Pythias Aristotelis F.

* Interrogata, quis color eſſet pulcherrimus? reſpondit, qui per verecundiam ingenuis oboritur. Stobæus.

Syneſius.

*Verecūdiam dicebat eſſe ſecundū bonū hominis: nam nunquā peccare palā, inquit, eſt diuinę cuiuſdā gratiæ

AA in j

& naturæ. Verecundia autem quæ ob non rectè facta innascitur, temperantiæ indicat colorem. Stob. Ant. ser. de pudore honesto.

Vide apoph. de Pudore.

De veritate.

Pythagoras.

Dicebat hæc duo diuinitus hominibus data esse longè pulcherri-
ma: Veritatem amplecti, & benefi-
ciis operam dare, & addebat, vtrum-
que cum deorum immortalium ope-
ribus comparari posse. Ælianus lib.
12. de Var. hist.

Idem.

Interrogatus, quid Deo simile fa-
ceret homines? Cùm veritatem ex-
ercent, respondit. Stobæus sermone
11.

Thales.

A quodam percontatus, quantum
à mendacio distaret veritas? Quan-
tum inquit, oculi, ab auribus. Sensit
vir sapientissimus, ea râtum pro cer-
tis haberi, quæ hominum cernuntur
oculis, cùm auditis sæpenumero ho-
minem fallat. Eras. lib. 8. apoph. Max.
serm. 35.

Democritus.

*Pietatem palam declarandam, &
veritatem constanter defendendam
esse dicebat. Anton. ser. de veritate.

Sermus.

*Quemadmodum, inquit, debilis
& impotens aspectus solis lucem in-
tueri non potest, sic idque multo ma-
gis debilis & infirma mēs verum cer-
nere non potest, Max. ser. de veritate
& mendacio.

Plato.

Suauissimam narrationem verita-
tem esse dicebat. Stob. serm. 11. ex Se-

rini memorialibus dictis.

Polemon.

Dicere solebat, multò suauius es-
se verà dicere, quàm audire. Stobæus
serm. 11.

Anonymus.

*Veritas, quidem amara est & in-
grata stolidis: mendacium autem sua-
ue & gratum: nimirum vt illis, qui-
bus dolent oculi, molestus est lucis
aspectus, tenebræ autem visum re-
primentes charæ & minime molestæ
sunt. Anton. ser. de veritate.

Æschines.

Veritatem rem adeo validam esse
dicebat, vt omnes humanas cogita-
tiones facile superet. Stobæus ser-
mone 11.

Demosthenes.

Interrogatus, quid Deo simile ha-
berent homines? respondit. Benigne
facere, & veritatem amare. Maximus
serm. 8.

Caius.

*Veritas, inquit, nullum requirit
præmeditationem. Stob. ser. 11.

Epictetus.

*Nihil inquebat, veritate pretio-
sius haberi debet, ne amicitia quidè,
vt pote obnoxia affectibus, qui quod
iustum est turbant & obumbrant. I-
tem. Immortalis æterna res est ve-
ritas. Non donat autem nobis pul-
chritudinem paulatim tabescentem,
neque dicendi fiduciam, & iustitia
prodeuntem aufert: sed quæ iusta &
legitima sunt exhibet, discernens ab
eis iniusta & redarguens. Anton. ser.
de veritate.

Themistocles.

Eurybiadæ quiddam aduersum
cùm dixisset, illèque baculum in-
tentasset. Verbera, inquit, intrepide,
modò quæ dico audias. Nouerat e-
nim ea quæ dicturus erat, & Republ.
fore.

fore. Docens, veritatem in summo bonorū simul ac vitæ periculo profitendam esse, & tum maximè, cum multorū salus inde emineat. *Ælian.* l.3. de Var. hist. Plut.

Origines.

Origenes Adamantius dicere solitus est, veritatem non idcirco partes suas omittere debere, quia eas sibi perueniens, falsitas vëdicaret. Philosophiam Græcorum notans, quam cum Christianismo & doctrina veritatis cōfert. *Euseb.* l.6. c.10. *Ecclesiastica histor.*

Papias.

Audiens multorum clamoribus Dei veritatem lacerari atque suspectam reddi: Non multa dicentibus, inquit, sed vera tradentibus auscultandum est. *Eusebius* l.3. c.59. *Ecclesi. hist.*

Alphonsus.

Semper hoc in ore habuisse fertur, tantum valere ad fidem debere vnicum principis viri verbum, quantum priuatorum iusiurandum. Veritas enim, licet omnibus conueniat, principum tamen præcipuum debet esse ornamentum. *Anton. Panorm.* l.1. de reb. gest. *Alphonsi.*

Veritatis simplex oratio.

Agessilaus.

Cum audiisset Rhetorem quendam laudari, quod rem specie tenuè multis verbis amplificare posset. Ego, sanè, inquit, ne sutorem quidem arbitror bonum, qui paruo pedi magnos inducat calceos. Quo dicto innuit maximè, non ornatum in dicēdo, sed veritatem, cuius simplex est oratio, spectandam esse. *Plutar. in Lacon.* apoph. *Eras.* l.1.

Alexandridas.

Suprà de Lingua, garrulitate, &c.

Veritas odium parit.

Aristippus.

Aristippus interrogatus, quam ob causam sicipsum argueret *Dyonisius*: ob eandem (inquit) ob quam cæteri. Significans, philosophi libertatem omnibus esse molestam: non igitur mirandum, si regi. simul illud inuens, regis iudicium nihil à vulgari differre, quod fortuna non addat sapientiam *Laër.* l.2.

Phocion.

Athenienses cum oraculum consultuissent, responsum est: In ciuitate vnum esse virum, qui cunstorum sententiis aduersaretur. Verum quum populus vociferans, iuberet hominem tam perniciosum inquiri, *Phocion* exclamans ait: Non est opus, viri Athenienses, vt inquiratis, Ego enim is sum, cui vestra vita vestrique mores omnes displicent. mira enim erat multitudinis in omnia vitia licentia. Honesto igitur zelo ductus illud quod verum erat, impauide dicere ausus est. Verum ab Atheniensibus postea damnatus, & vita priuatus est. *Plutarchus* in apoph. & in eius vita.

Pantaleon.

Cum violentiam *Arfinoæ* *Lyfimachi* vxoris reprehendisset, *Lyfimachus* rex hominem in mustelæ caueam inclusit, & tanquam feram circumferri iussit, aluitque in perpetua captiuitate. *Erasim.* libro. 6. apophthegm.

Philippus.

Cui hi qui apud *Lasthenem* erant, quererentur, indignèque ferrent,

quòd quidam ex Philippi comitatu diceret ipsos proditores, Philippus respondit: Macedones esse ingenio parum dextro, sed planè rusticano, qui ligonem nihil aliud nossent vocare quàm ligonem. Alludens ad illud prouerbiū celebre, τὸ οὐκ ὁδοῖται τὸν ἀνέφελον ἀνέφελον λέγειν. Innuit autem, illos reuera esse proditores. Rusticana veritas quanque rem suis nominibus appellabat. Plut. in apop. Reg. & imperat.

Cambyfes.

Cambyfes rex quum frequenter nimio se vino iniurgitaret, à Praxaspe hunc in modum reprehensus est: Noli te nimio perdere vino, ô rex, ne tibi ac ciuibus tuis perniciosus fias. Verum rex: vt scias, inquit, quàm nunquam mihi excidant, approbabo etiam post vinum, & oculos & manus in suo ac debito esse officio. Bibens igitur solito largius, iamque vinolētus, iubet obiurgatoris filium in conspectum duci, ac postquam sinistra manum capiti imposuisset, stans in cor adolescentis sagittam figit, dixerat autem prius, id se petiturum: rescissoque pectore, iaculum cordi infixum ostendit, & sagittam extraxit, patrique ostendens, ait. Reprehendis in me ebrietatem, vide igitur quàm certam post potationem habeam manum. Herodotus in Thalia, & Senec. l. 3. de ira.

Geminus.

In Græciam profectus ad Antonium, quoniam suspectus erat Cleopatraz, quòd eò venisset Octauiaz causam acturus, diu repulsus, ac variis modis delusus, tandem in conuiuio iussus causam aduentus dicere, ita respondit: Cætera (inquit) Antoni, sobriæ sunt orationis, nec huius temporis: verum illud vnum & sobrius

& ebrius scio, bene successura omnia, si Cleopatra remittatur in Ægyptum. Moxque Romam se recepit, metuens sibi ab Antonio. Nam Cleopatra in conuiuio gratias egit, quòd rem apertè dixisset, nulla vsus circuitione. At sic agere gratias, erat minari malum. Sciebat Geminus, quàm esset illis inuisa veritas. Plut. in Antonio.

De vestitu.

Crates.

AMgistratu obiurgatus, quòd præter leges ac mortem Atheniensium sindone vestiretur, Ait: Quid si Theophrastum vobis ostendam sindone amictum? diffidentes, ac vt ostenderet flagitantes, adduxit ad constrinam, ostenditque Theophrastum, qui tum forte tondebatur, linteo amictum, quòd Græci à contegendis humeris ἀμύδιον vocant, submonens, omnibus ad vsum vtilicere. Nam si per se turpe esset vti linteis, ne in constrina quidem esset honestum. Laërt. l. 6. c. 5.

Stilpo.

Videns Craterem hybernis mensibus frigore rubentem: δακνῖς, inquit, μοι χρεῖται χεῖν ἱματίου καί τοῦ. Lepos qui est in vocis ambiguo, Latine reddi non potest. καί τοῦ coniunctim, sonat nouo: καί τοῦ dissociatim, sonat, & mente. Discrimē auribus vix sentiri potest, scripto potest ostēdi. Videris, inquit, egere pallio nouo, siue pallio & mēte. Nouū requirebat gelu, mentem Cynici stultitia, qui vestem non accommodaret tempori. Laërt. lib. 2. cap. 12.

Aristoteles.

Cum adolescentem sumptuosiori toga

toga comptum videret: Adolefcens, ait. Num aliquando à cultu isto immodico temperabis, quum virtute parto? Stob.

Socrates.

Xantippe Socratis, cum vellet quandam vestem induere, atque sic ad spectandam pompam, prodire ille dixit, Hanc non spectandi causa, sed potius ut specteris habes. Notabat autem communem hominum consuetudinem, qui cum in aliis, tum maxime in vestitu, nouitate delectantur, quo ab omnibus ob nouum & insolitum cultum spectentur & celebrentur. *Ælianus libr. 7. de Var. histor.*

Idem.

Cum iret, ab Agathone vocatus ad conuiuium, soleatus & vnctus, idque preter morem, & ab amico quodam obuiro rogaretur, cur esset solitior nitidior? ludens dixit: Ut pulcher eam ad pulchrum, cum nullus esset ab huiusmodi affectibus alienior. *Eras. l. 3. apoph.*

Idem.

Pallij profcisam partem cum Antisthenes multis spectantibus ostendisset, spectandamque dedisset, Aspicio, inquit, ô Socrates, per scissuram pallij tuam vanitatem. *Laër. l. 3.*

Plato.

In Aristippum dixit, illi soli datum esse & pannis & chlamyde uti, quod apud Dionysium in purpura saltauerat. Ad id alludens Horatius: Omois, inquit, Aristippu decuit color. Hoc dictum quidam tribuunt Straton. *Laër. l. 3.*

Musonius.

*Volebat virum temperantem corpori querere regmen non sumptuosum, nec exquisitum. Veste nempe & calceamentis eodem modo vtendum

esse aiebat, quo panoplia: nempe defendendi corporis gratia, non ostentationis. Sicut igitur ea optima sunt arma quæ firmissima, quæque amatum tueri maxime valent, non insignia & splendida: ita amictus quoque & calceorum vsus qui sit corpori commodissimus, optimus est: & non is qui stolidorum oculos possit in se conuertere, &c. *Stobæus sermone 1. de virtute.*

Antisthenes.

Diogenes cum ab Antisthene Atheniensis petiisset tunicam ad depellendum frigus, iussit Antisthenes, ut duplicaret pallium: sic enim tunica speciem præbiturum: Admonens, oportere hominem, vno vestitu contentum esse. *Laër. l. 6.*

Diogenes.

Cuidam sibi placenti, quod Leonis exuuii testus incederet? Non tu defines, inquit, virtutis stragulas pudefacere? Indecorum esse censuit, quod homo mollis Herculis amictum sibi vendicaret. Idem dici potest de iis, qui prodigioso amictu profitentur sanctimoniam, vita non respondente. *Eras. ex Laër. l. 6.*

Idem.

Cum adolefcens quidam comptior Diogeni proposuisset quæstiunculam: Non tibi prius, inquit, responsurus sum, quam sublati vestibus ostenderis, utrum masculus sis, an fœmina. Ex cultu parum virili, notauit illius molliciem. *Laër. l. 6.*

Idem.

Apud Megarenfes cum videret arietes pellibus testos aduersus frigoris iniuriam, ipsorum autem filios nudos: Satiusest, inquit, Megarenfis esse arietem, quam filiū. Traditū est de Megarenfibus, quod indiligenter haberent filios suos. *Eras. ex Plutarcho.*

Idem.

Suprà de Generatione.

Idem.

Cùm videret adolescētem quempiam sese ornantem. Si ad viros, inquit, frustra: si ad fœminas, iniuste. Hoc dictum festiuius est Græcis ob vocum afinitatem, ἀνυχῆς, & ἀδελφῆς. Nam frustra se mas parat masculo, inter quos nō potest esse coniugium: & iniquē facit adoleseens, si cultura formæ infidiatur infirmo sexui, cùm vxor non lenocinio, sed honestis moribus concilianda sit. Ibidem.

Idem.

Diuitem quendam indoctum, sed splendide vestitum, χρυσόμυλον appellat, hoc est ouem aureo vellere. Nam tales fuisse proditum est à poetis, qui minimum valerent ingenio. ouillis maribus, etiam prouerbio dicebatur. Laër. l. 6.

Idem.

Suprà de Diebus festis.

Pausanias Cleombroti F.

Admirantibus quibusdam barbarorum vestium sumptum: Melius esset, inquit, ipsos multi fieri, quàm multifacienda possidere. Ibid.

Eysander.

Pretiosas vestes, quas Dionysius ad filias ipsius miserat, non accepit, dicens: Vereor, ne his amictæ turpes videantur. Plut. in Lacon. apoph.

Demonax.

Cuidam qui purpura indutus, sese insolentius ostentabat, in aurem dixit, Heus tu, hoc ante gestabat ouis, ouis erat. Significans illum nihilominus stupidum esse, si gestaret purpuram. Eras. l. 8. apoph.

Artaxerxes.

Teribazus in venatu Persicam vestem dilaceratam ostendit. consulēs

quid faciendum esset, respondente autē Artaxerxe rege, aliam induendam: Vnam, igitur, inquit, mihi tradas oportet. Rex suam tradidit, dicens: Dono do tibi hanc vestem, sed gestare prohibeo. Teribazus vir minime quidem malus, sed levis præcipitisque consilij, neglecta regis monitione, vestem induit, muliebribus etiam ex auro donis quæ à rege acceperat exornatam. Hoc cæteris omnibus indignè ferentibus (nam ridere nefas erat) rex effusè ridens: Tibi inquit, vt mulieri aurum, at infano regium amictam gestandius potestatemque concedimus. Eras. l. 6. apoph. ex Plut.

Archidamus.

Cùm Dionysius Siciliæ tyrannus filiabus Archidami vestes splendidas multique pretij dono misisset, recusauit accipere, dicens: Vereor, ne hoc amictu puellæ mihi turpes videantur. Intellexit vir prudens, virgines nullo cultu melius ornari, quàm simplici, porro sericis, gemmis & auro dehonestari magis quàm ornari: propterea quod vestium luxus arguit animum parum sobrium, & intuentium animos ad libidinem sollicitat citius quàm ad honestam opinionem. Decet autem vt virgo tota & vndique virgo sit, nec vlla ex parte det corruptæ mentis significationem. Plut. in Lacon.

Cicero.

Suprà de Impunitate.

Augustus Cesar.

Cùm pro concione multos videret palliatos, indignabundus: En, inquit, Romanos rerum dominos, gentemque rogatam. Adeo studebat priuscos reuocare mores, vt habitu quoque vestitumque doluerit immutatum. Eras. l. 4. apoph.

Idem.

Idem.

Purpuram tyriam empturus, de obsecritate querebatur, cūque venditor diceret, Erige altius, & suspice. Ergōne, inquit, vt me populus Romanus dicat bene cultum, in solatio ambulaturus sum? Macrobius lib. 2. cap. 4. Saturn.

Idem.

Quantum potuit, indumentorum luxuriam habuit odio, cuius dictum erat vulgatissimum: Vestitus insignis ac mollis superbix vexillum est, nudusque luxuriæ. Sueton.

Iulia August. Cas. F.

Suprà de Superbia.

Alexander Sener.

Cū humili vestitu contentus sæpenumero incederet, reprehensus ob id ab aulicis suis, respondit, Imperatoriam maiestatem constare virtute, non corporis cultu. Lamprid.

Idem.

Gemmas omnes quas reperit in palatio, vendidit, & aurum in æarium contulit, dicens, viris gemmas vsui non esse: matronas autem regias contentas esse debere vno reticulo atque inauribus & baccato monili, & corona in qua sacrificarent, & vnico pallio auro sparso, & cyclade, quæ plus sex vnciis auri non haberet. Hic cultus hodie vix sufficit negotiatorum vxoribus. Lamprid.

Aurelianus imp.

Potenti vxori, vt se vnico pallio serico vti fineret: respondit: Absit vt auro fila pensentur. libra enim auri tunc libra serici fuit. Brufonius lib. 5. cap. 22.

Alphonsus.

Quum vestitu cultūque corporis non multum discreparet à popularibus suis, admonitus à quodam vt regio ornatu incederet, respondit, Ma-

lo moribus & autoritate meos excellere, quàm diademate & purpura. Panor. li. 1. de reb. gest. Alphons. Æn. Syl. de eius dictis.

De vetulis.

Paufimachus.

IN parasitum, qui ab anicula alebatur, dicebat, illi qui cum anu consuetudinem habet, diuersum quiddam accidere atque ipsi vetulæ. Nam illum semper aliquid ventre concipere, illam nunquam. Sentiens, illum subinde fieri saturum, illam manere sterilem. Eras. l. 6. apoph.

Pericles.

Elpinice anus, quum Pericles Saturnum vastasset, in eum his verbis insultauit: Admiranda sunt ista, Pericles, & coronis decoranda, qui nos multis & fortibus ciuibus spoliasti, quum nec Phœnicibus nec Medis bellum intuleris, vt meus frater Cimon: sed vt urbem sociam, & necessitudine nobis coniunctam sub imperium redacturus esses. Hæc dicente Elpinice, subridens Pericles ad eam sedato animo illud Archilochi dixisse fertur: Vnguentum, vetula cū sis, desere. Plut. in Pericle.

Lamia.

Lamiam meretricem senescētem Demetrius rex amabat, parum sobrie. Quum igitur de ea rex apud aliamque & Demo dicebatur, gloriaretur, & appositis bellariis diceret, Vides quàm multa mihi mittat Lamia? Plura, inquit, tibi mittentur à matre mea, si velis cum ea dormire. Notans anus solere donare iis, à quibus subiguntur. Eras. l. 6. apoph.

Phryne.

Iam anus dixit, A multis sæcem

enim propter vini gloriam. Sentiēs, multos ideo secum congregari, ut gloriari possent cū Phryne rem habuisse. Sicut vini magni nominis etiam fæx emitur, ut tactare possint, se tale vinum habere domi. Ibid.

Gnathena.

Suprà de Respōso ab inexpectato.

De vicariis.

Alex. Severus.

Affessoribus designauit sua salaria, quanquam dicebat illos potissimum promouendos, qui per se Rempubl. gerere possent, non per assessores. Vnumquemque enim hoc agere debere quod nosset. Prudentissimus iuuenis sensit, hoc esse præcipuum vlcus omnium Rerum publicarum, quòd omnia munia per vicarios administrantur, interdum alteros ac tertios. Præfectus vrbis habet vicarium, & is vicarius rursus alterū vicarium, & hic rursus alium. Ac frequēter is qui & honore & salario fruatur, minimè omnium idoneus est ad functionem obeundam. Annotent hoc principes, qui subinde coguntur exactionibus grauare populum. *Æl. Lamprid.*

De vicinis.

H. Æliodorus.

* **S**citè ab eo dictum est, Tantum damni est ex malo vicino, quantum ex bono commodi: Et, Nactus, est præmium, quisquis nactus est bonum vicinum. In operibus.

Diogenes.

Lacone quodam laudante Hesiodi carmen, scilicet, Non peribit bos utique, nisi affuerit malus vicinus: Diogenes excipiens, Atqui, inquit, & Messenij periere, & eorūdem boues,

in vicinia vobis constitutis. *Laërt.*

Themistocles.

Cū prædium quoddam vendere vellet, hoc quoque præconem addere iussit, *ὅτι καὶ ἀγῶνι καὶ γέροντες*: id est, Quid vicinos etiam haberet bonos, quasi vicini commendatione futurum esset longè vendibilius. Huius dictum extat apud Plutarchum, explicaturque copiosius apud Erasmus in proverbio. Aliquid mali propter vicinum malum. Vide Plutarchum in apoph. Stob. ser. 35. Anton. in Meliss. par. 2. ser. 83.

M. Cato.

Admonebat eos qui agros empturi essent, ut ante omnia animaduertent, ne malum haberent vicinum. *Erasm. Rot. l. 5. apoph.*

Iulius Drusus.

Ædes eius pluribus ex partibus vicinorum prospectui patebant. Hoc incommodum faber se quinque talentis emendare velle promittebat. Tum Drusus: Decem talenta tibi dabo, si domum meam ita pares, ut vnde quaque pateat omnium oculis, quo non vicini tantum, sed omnes ciues perspicere possint, quomodo domi meae viuatur. Sunt qui conquerantur, ædes vicinorum oculis esse expositas. Verū vir bonus nequaquam curat, qui ædes introspiciant, quandoquidem foris ac domi agit, quæ vicinorum bonum decent. *Erasm. l. 6. apoph. ex Plut.*

De victoria.

Diogenes.

In Olympiis præconem ita pronūtiāntem, Doxippus viros vicit: correxit Diogenes. Hic, inquit, mancipia, sed ego viros. Significans, eos qui certarent Olympia, non esse viros.

ros sed gloriæ m̄cipia. Philosophus vincit viros. Laërt. l. 6.

Agésilas.

Quum Megabates Spithridatis filius, eximia forma adolescens, Agésilam adisset aliquādo salutandi gratia, ac iuxta Persarum morem osculū offerret, quod ab eo videretur admodum amari: Agésilas auertit vultum, refugiens osculum. Cæterum quum erubuisset ille, ratus se cōrempui fuisse, ac deinceps salutaret eū eminus: rex pœnitens vitati osculi, finxit se mirari quid accidisset Megabatae, quod ipsum non salutaret osculo? Familiarses responderunt, Ipse fuisti in causa, ô rex, qui venientem non exceperis, sed formosi basiū exhorrueris. alioqui nunc quoque persuaderi poterit vt tibi veniat ad osculum, tantum ne rursus refugias. Hic posteaquam Agésilas aliquandiu tacitus, suo cū animo cogitasset: Non est, inquit, opus vt illi reditum persuadeatis, nam ego mihi sic videor affectus, vt malim huiusmodi rebus superior esse, quàm aduersariorum vrbem fortibus viris instructissimam per vim capere. Præstantius enim duco, vt quis sibi ipsi seruet suam libertatem quàm vt aliis libertatem adimat. O virum gerendo in alios imperio idoneum, qui suis cupiditatibus imperare posset. Quis non miretur tam philosophicum in homine militari iudicium? Intellexit, neminem esse liberum, qui seruiret cupiditatibus, intellexit, nullum esse imperium speciosius, quàm si quis animo suo posset imperare. Hoc apophthegma Plutarchus in Viris paulo secus refert: Ego, inquit, denuo malim illam de osculo pugnare pugnam, quàm omnia quæ viderim mihi fieri aurea. Eras. Rot. in apoph.

Anonymus.

Quidam Laconi in Olympico certamine superato dixit: Aduersarius tuus, ô Lacon, te fuit potentior. Imò, inquit, ad deiiciendū accommodatior. Quoniam certamen artis erat magis quàm virtutis. Lacedæmonius non putabat se ob id deteriorem quod victus esset. Dicti argutia sita est in ancipiti voce. Nā *ὑπερσθενος* & meliorem significat, & potentio rem, siue superiorem, aut præstantiorem. Is verè inferior est, qui honestè vincitur. Plutar. in Lacon.

Themistocles.

Quū aduersus barbaros describeret Athenis exercitū, & in theatro ex illius gētis more producti essent galli gallinacei, atq; inter sese cōmissi, mira pertinacia iuter se depugnarent ad necē vsque, rem ludicrā vertit in seriam cohortationē. Sic enim ciues suos affatus est: At isti, inquit, neque pro aris ac focis, neq; pro liberis depugnant, sed tātū quod vinci turpe sit. Quo igitur animo vos esse par est, quib. pro salutæ patriæ, pro charissimorum incolumitate, pro libertate certamē est? Eras. l. 8. apoph. ex Plut.

Mithridates.

Victus à Co. Pomp. non tantū se ipsum & filios, sed totū etiā regnum victori sua sponte obtulit, præfatus, neminem alium neque Romanum neque vllius gētis virum futurū fuisse, cuius se societati commissurus foret, quàm Cn. Pompeium. Proinde omnem sibi aduersam vel secūdā, cuius author ille esset, fortunam tolerabilem futuram. Non enim esset turpe ab eo vinci, quē vincere esset nefas neque ei inhonestè aliquē submitti, quē fortuna super omnes extulisset. Velleius Patere. & Cuspinianus in Consulibus.

Annibal.

A Minutio, quem infidiis obsederat, per Fabij copias depulsus. vbi redisset in castra, dixisse fertur: Eo prelio à se victum Minutium, se autem à Fabio fuisse superauum videlicet ex eadem pugna victus & victor rediit. Perierat enim minutius, ni Fabius succurrisset. Plut. in Fabio.

Traianus.

Traianus Vafentis impiissimi Romanorum imperatoris contra Gothos dux, cum primum quidem congressum eorum sustinens, victus rediisset, ignauiam ei & timiditatem cum conuiuo imperator obiecit, ille autem ea dicendi libertate, quæ virum fortem & strenuum decet: Non ego, inquit, ô imperator victus sum, sed tu ipse sponte tua victoriam à teipso reiicis, qui ita cum Deo beligeraris, momentumque quod ab eo provenit repellens, ad hostes potius transinitis. Deus enim semper vincit: & victoria illis fauere solet, qui auspiciu ductumque eius sequuntur. Is nunc ab aduersariorum partibus stat, quod eum tu bello (infectabatur enim eos, qui iam Christianam religionem receperat) persequeris. Nicephor. Callistus l. ii. cap. 40 Eccles. hist.

De victoria non astu aut infidiis sed virtute paranda.

Democritus.

Dicere solebat, virilem se non æstimare eum solum qui armis ceteros præcelleret: sed & qui cum voluptatibus pugnam capeffens, speciosam reportasset victoriam. Stob.

*Infrâ de Virtute.**Lysander.*

Lacedæmonij non præficiabant pædotribas, qui pueros ad luctum exercerent: vt virtutis esset certamen non artis. Vnde & Lysander interrogatus, quo pacto à Charonte victus esset respondit, Vario artificio. Non existimabat ea genus in quauis re speciosam esse victoriâ, quæ callidis consiliis contigisset, potius quàm animi corporisque robore. Ars autem omnis vt à naturali simplicitate recedit, ita dolo affinis est. Plut.

Alcibiades.

Etiannum puer, cum in palestra nexu quodam constrictus esset, vnde se non posset explicare, manum coluctatoris mordicus arripuit. Illo dicente, mordes Alcibiades vt formioque solent: Imò, inquit, vt leones. Iam tum agnoscere erat animum cedere nesciui. Plut. in Græc. apoph.

Alexander.

*Parmenioni & aliis suadentibus vt noctu & ex infidiis Darium ad Arbellas aggrediretur, respondit, Latrunculorum & furum ista est solertia, quam mihi præcipitis: quippe illorum votiuu vnicum est fallere. Meæ verò gloriæ semper aut absentiam Darij aut angustias locorum, aut fortum noctis obflare non patiar: palam luce aggredi certum est, Malo me fortunæ pœniteat quàm victoriæ pudeat. Quintius Curtius libro 4.

Alphonsus.

Cum Caietani urbem pertinaciter obsideret, & eos fortè quos oppidani tanquam bello inutiles expulissent, vt comineatum diutius in vrbe haberent (erant autem senes decrepiti, mulieres, puellæ, infantes)

Infantes) ab his abstinere suos milites iussit. Verum milites cum ægre hoc tulissent: malo, inquit rex, Caieta & Caietanis nūquam potiri, quam homines imbelles, & innocentem iuuentutem tam fœdè, tamque crudeliter trucidando vincere. Cum viris enim, non cum mulieribus mihi dimicatio est. O regem immortalitate dignissimum, quique vniuersum genus humanum gubernaret & regat. Victoriā, quam luctuosam ac impiam existimaret, nullam iudicauit. Igitur omnem sexum atque ætatem imbellem excipi iussit, sed exceptos omnes abundè refici atque refo-
cillari voluit. Anton Panor. de rebus gestis Alphonſi, & Æneas Sylu. de eius dictis.

Idem.

Cum renuntiatum esset à Ludouico Podio, quendam in Venatorum naualibus esse, qui illa vnà cum armentario quod in his erat exurere polliciteretur, si sibi duo millia aureorum à rege promitterentur, conatusque illius facilè cessuros affirmati respondit: Nequaquam insidiis, sed aut virtute vincendum esse, aut nunquam. Ex hac enim re non aliam sibi laudem sperandam esse: quàm eius qui Dianæ Ephesiæ templum incendisset: cuius nomen totius Asiæ decreto è memoria hominum oblitteratum traditur. Panor. lib. 3. de rebus gestis Alphonſi.

Idem.

Carolus Francorum rex in bello Britannico superatus, ac militibus & pecunia iam exhaustus, cum per legatos peteret ab Alphonſo Aragoni rege (cuius prouincias ab antecessoribus quidem acceperat, sed non saluo iure) ne contra se bello iam pro-

tritum suscitaret aliquod bellū, infortunio occasionem dante: respondit Alphonſus, non est quod sibi hoc tempore timeat Carolus, ego enim, quod maiores mei in Caroli summa felicitate non petierunt, in eius calamitate petere nolo. Potuisset autem Alphonſus potentissimus, Carolum toto exuere regno, paucis admodum militibus, si astu & insidiis, non aperta virtute victoriā bonis viris parandam esse indicasset. Antonius Panormit. de rebus gestis Alphonſi, Æneas Syluius de eius dictis.

Idem.

Quum quidam se offerrent, qui Renati, Andegauenſium ducis, & hostis sui atrocissimi, mortem promitterent, insidiis parandam: non tantum hoc fieri noluit, sed vt in paricidas se in eosdem animaduersurū dixit, si hoc tentarent: dicens se nequaquam insidiis cum hoste de regno, sed manu tantum & virtute dimicandum. Ibid.

Idem.

Idem Alphōsus, his qui se in mortem Frāncisci Sfortiæ paratos esse significassent, respondit: Nunquam sibi victoriā placuisse, cuius postea pigendum pudendumve esset. Igitur ni ab huiusmodi consiliis abſtineat, talia se exempla in illos editurum, vt eiusmodi consilia sibi admodum moleſta esse omnes intelligant. Anton. Panor. & Syluius vt supra.

Idem.

Rogerus Pallantiæ comes, amplissimo atque ornatissimo genere natus, impiger, vir, & manu prout cum Alphonſum adiens diceret, in animo sibi esse Ioānnem Castellæ regem, ipsius hostem, contempto omni periculo confodere, foreque id sibi

(si modo annuat) factū per facile: Nō per scelus, sed virtute gloriam quærendam esse, respondit Alphonfus. Se enim non solum pro Castellæ atque Hispaniæ dominatu, sed ne pro totius quidem orbis imperio adipiscendo, tam crudele atque dereftabile facinus permissurum. Panor. l. 2. de reb. gest. Alphonfi.

Idem.

Simili quodam modo respondisse dicitur exuli Florentino, Cosmam Medicen occisurum pollicenti, si XXX non amplius manu militum à rege iuuaretur: Longè quidē aciores atque ampliores hostes sese & habuisse & habere, quàm Cosmas esset, quorum morte vel regna consequi se quidem potuisset, sed abstinnisse à scelere. Idem Panor.

Aneas Syl.

Aneas Syluius dicere solebat, decere regē inuidum habere animum, res si iusta sit: at ubi conatus iniustus est, præstare vinci quàm vincere. Aeneæ sententia est in primo commēt. de reb. gest. Alphonfi.

De victoria incruenta.

Pitracus.

PRobabat victoria citra sanguinem parras. nam magno ciuium cruore emptas, hoc est. Cadmeas, ut vocant, non existimabat esse victorias. Laër. l. 1. c. 5.

Pyrhus.

Bis commisso cum Romanis prælio vicerat, sed desideratis compluribus amicis & ducibus, hic Pyrrhus: Si vno, inquit, adhuc prælio Romanos vicerimus, actum est de nobis. Quod victi solent dicere, hoc dicebat victor: declarans, victoriam ma-

gnoleptam non esse victoriam, sed calamitatem. Plut.

Idem.

Quum è Sicilia solueret, frustratus eius potiundæ spe, conuersus ad amicos: Cuiusmodi inquit, palæstram reliquimus Romanis & Carthaginensibus? significans, se certamen hoc cruentum & operosum aliis cedere. Interdum felicius est non assequi, quàm nimio merari quod ambis. Eraf. ex Plutarch.

Phabidas.

Cum essent Lacedæmonij in pugna Leuctrica Martis aleam experturi, cuidam dicenti, Hic dies declarabit virum bonum: Præclarus, inquit, dies, qui possit declarare virum bonum incolumem, præsciens, in eo prælio plurimos egregios viros fortiter ocubituros, quos ipse patriæ maluisset incolumes. Plut. in Lacon.

Alphonfus.

Cum graui atque diutino bello confecto iam triumpharet, victos tamē & captos hostes triumphatū more currum præiire non passus est: Ob hostes seruatos rectius, quàm cæcos, triumphandum esse dicens. Vnde apparet, quanti rex clementissimus victorias nullo sanguine partas faceret. Panorm. lib. 1. de Alphonfi rebus gestis.

Idem.

Quum Florentinis ac Venetis petentibus, pacem dedisset: & regionum plerique gloriæ studio flagrates per moleste hoc tulissent, eo quod in eo bello magnificum ac gloriosum aliquid facinus edere potuissent, à quo iam pace comparata se frustratos planè agnoscerent: Rex id quod erat suspicatus aliquando occasionem iam nactus, dixisse fertur: Bono animo estote cōmilitones. nā & vir-
tuti

tati vestrae, & mihi credite. Neque locus enim, neque honos deerit & mihi perquam speciosum fuit, petentibus pacem dare. Ita enim arma capere consuevimus, ut sine cruore, si id modò fieri potest, victoriam adipiscamur. Et quid aliud pacem tam submisse petentes consentitur, quam se victos, non autem victores esse? Panorm. l. i. de rebus gestis Alphonfi regis.

Id m.

Audiens quosdam ex suis esse, qui cogitarent de interficiendo hoste, quo saluis rebus in pace vivere possent: respondit, Sibi nunquam eam victoriam placuisse, cuius postea pigendum pudendumve esset. Panorm. l. 3. de reb. gest. Alphonfi.

Æneas Syluius.

Dicere solebat, longè maiorem seruati quàm cæsi hostis gloriam esse. Innuit autem, eam demum victoriam reuera claram esse, quæ aut paucorum, aut omnino nullorum sanguine parta esset. Syl. l. i. commet. de reb. gest.

Alphonfus.

Frequenter in ore habuisse fertur, tanto triumphum victoris illustriorem esse, quanto plures relictæ sunt, de quibus triumphetur. Ibid.

De victoria, non ex multitudine militum metienda.

Antisthenes.

Melius esse dicebat pugnare cum bonis paucis, aduersus multos malos: quàm cum multis malis, aduersus paucos bonos. In bello enim non tam multitudo militum, quàm

pugnantium virtus parit victoriam Laer. 6. cap. i.

Agésilæus.

Audierat, socios moleste ferre tam crebras expeditiones: præsertim quum ipsi permulti Lacedæmonios numero paucos sequerentur. Itaque volens ostendere, quanta esset Lacedæmoniorum multitudo, iussit vniuersos socios simul confidere, permixtos inuicem: Lacedæmonios item separatim solos. Mox per præconem edixit, ut primi omnium surgerent figuli. hi quum surrexissent, secundo loco per præconem iussit surgere fabros ærarios, deinceps architectos ac domorum opifices, similiter & aliarum artium singulos. Ita factum est, ut propemodum socij surgerent omnes. Lacedæmoniorum verò nullus: eo quod Lacedæmoniis, qui militiæ parantur, interdictum sit, opificiū aut artem sedentariam vel exercere, vel discere. Hoc facto, risit Agésilæus: Videtis, inquit, o viri, quāto plures nos educimus, quāam vos? Hoc stratagemate dux inclytus demonstrauit, non perinde referre quāam numerosum militem ducas in præliū, quāam fortem & exercitatum. Plutar. in Lacon, apoph.

Agis Archidami F.

Sæpenumero dicere solitus est, non oportere percontari, quot sint hostes, sed vbi sint. Sensit autem vir prudentissimus, non referre, quantus sit hostium numerus, sed quanta hostium sit animi magnitudo. Plut. in Lacon.

Idem.

Quidam quum Agidem percontatus esset, quot essent Lacedæmonij? respondit: Quot satis sunt ad propulsandos hostes. Ostendens, magis

referre quàm cordatos viros habeat ciuitas, quàm, quàm multos. Plut. in Lacon.

Leonidas.

Cuidam dicenti, Cum paucis contra infinitos bellare decreuisti? respondit: Si putas me multitudine fretum huc venisse, nec Græcia quidem tota satis mihi erit, ea quippe ad barbarorum multitudinem collata exigua portio est: In virtute, & hic numerus satis erit. Voluit autem ostendere, in bello plus valere paucos, sed imperterritos, quàm multos, sed effeminatos & molles. Plutarchus in Lacon.

Pedarettos.

Suprà de Fortitudine heroica & militari.

Alexander.

Alexander, audito Darium triginta myriades in aciem producere, dixit: Vnus boqueus non metuit multas oues. Antonius in Melissa, parte 1. serm. 71.

Idem.

Idem cum exploratori ei diceret, maiorem esse Darij exercitum, dixit: Oves etiam, licet plures, ab uno aut altero lupo capiuntur. Anton. in Melissa par. 1. ser. 37. Max. ser. 71.

Antigonus.

Suprà de Fortitudine heroica & militari.

Tigranus.

Contra Romanos magna milium copia pugnaturus, cum L. Luculli exercitum vidisset, paucorum exercitum irridens dixisse fertur: Si ut milites aduenissent per paucos qui de esse: si verò ut legati, per multos. Verum mox ipso facto intellexit, victoriam non in multitudine pugnatum, sed militum robore atque virtute consistere: à Lucullo enim atq̃

victus est, ut riam virtutemque lacerans atque abiciens aufugerit. ne iis ornamentis in turpi fuga agnitus, ad Romanos captivus abduceretur. Plutarchus in Lucullo.

Annibal.

Gisconti nuntianti, sibi admirabilem videri Romanorum instructorum ad pugnam numerum: Imò aliud, inquit, mirabilius te fugit. Quid autem hoc esset interroganti? Quod ex tam numerosa, inquit hominum multitudine nullus appellatur Gisco. Timebat miles, tantum militum Romanorum numerum: Verum Annibal, qui toties iam Romanorum vires pugnando fregerat, satis sciebat, non in numero, sed fortitudine militum consistere victoriam. Plut.

A. Posthumius.

Ad milites suos sapenumero dicere solebat: Bella omnia, non qui plures sunt numero, rectè cōficiunt, sed qui virtute superiores. Brut. lib. cap. 2.

Quintus.

Quum Antiochus ex cum numeroso exercitu venisset in Græciam, omnesque reddidisset attonitos & militum numerus, & armaturæ varietas, Quintus hoc sermone mentum ademit Achæis: Quum inquit, essem in Chalcide, cœnans apud hospitem meum, mirabar carniū copiam, quum essem omnia testa niue, at hospes respondit, ea omnia nihil aliud esse, quàm suis domesticæ carnes, tantum apparatu & conditura diuersæ. Ne vos igitur, inquit, admirini regis copias, quum auditis hastatos, cataphractos, pedites, equites & sagittarios. Nam hi omnes Syri suat, armatura inter se differentes. Plut. in Rom. apoph.

Alphon-

Alphonfus.

Alphonfus rex Aragonum, cum agrum Surentinum populari iure bellico cogeretur, se penumero ingemisse fertur. Verum cum oppidanos pertinaciores quam illis conueniret, animaduerneret: Videte, inquit, qui urbem inhabitatis inimicam mihi ne vestra pertinacia id efficiat, quod postea in ea lenitate & clementia corrigi non possit. Subiudicans, non semper esse situm in ducis potestate, parva victoria militum prohibere rapacitatem. Panor. l. i. de rebus gestis Alphonfi.

De victoriae moderatione.

Harmocrates.

AD Syracusanos dicere solebat, Non minoris virtutis esse parua victoria bene vti, quam vincere. Bruns. lib. 7. c. 8.

Agessilaus.

Cum post felicem apud Corinthum victoriam ingentem numerum Corinthiorum & Atheniensium a suis trucidatorum cerneret, adeo non gauisus est, nec elatus ea victoria, ut grauius Græciæ etiã vices deploraret: Heu, inquit, Græciam quæ tot viros intestino bello perdidit, quot vniuersis barbaris debellandis satis esse poterant. Viro magnanimo optabilis quidem erat victoria, sed multo gratior si pauciorum sanguine parua fuisset. Plut. in Lacon. apoph.

Idem.

Suprà de hostibus non crudeliter tractandis.

Lycurgus.

Præcipere solebat, ut postquam in bello hostem vertissent in fugam, ac

superassent, tam diu fugientes insequeretur, donec certa esset victoria, moxque retrocederent. Neque enim Græcorum conuenire moribus, eos trucidare qui celsissent: idque non solum honestius, verum etiam vtilius esse dicebat. Siquidem hostes quibuscû res est, ubi cognorint Lacedæmonios parcere cedentibus, occidere verò qui loco non cedunt, sibi conducibilius æstimabunt fugere quàm persistere. Frequenter enim desperatio magnum robur addit animo non minus quam spes victoriae. Decer autem Græcos legibus ac disciplinis imbutos, etiam in bellis meminisse clementiæ. Barbaricæ feritatis est, sæuire in prostratos. Sed rursus ita temperanda est clementia, ne nobis sit exitio. Fit enim non raro, ut hostis fugam simullet, ut redintegretis viribus acrior in surgat in victorem. Erasim. ex Plut. in Lacon.

Philippus.

Suprà de Fortunæ inconstantia & mutatione.

Alexander.

Capto Poro rege potentissimo cui & corporis ingentes inerant vires, & animi longè etiam maiores virtutes, hanc ipsam & corporis & animi excellentiam admiratus Alexander, scitabundus ipse quidem, magna tamen comitate adhibita, ab illo exigit, quàm se ab Alexandro ratione tractare, quémq. erga ipsum sese gerere Alexandrum cupiat? Ad ea nihil Porus aliud, quàm, ut pro regia secû dignitate ageretur, petiit. Rursus Alexander, Numnam fortè & aliud? Ad ea quoq. & ille subdidit: Regiam dignitatem, quæ ipse cuperet, cuncta secum contingere. Quæ dicta quum Alexander pro sua regiâq. & Pori dignitate ac decore examinasset, non re-

gnum modò illi restituit, belli iure vindicatum, verùm imperio eius latiores etiam fines adiecit. Pontanus lib. x. cap. vlt. de Magnanimitate, ex Plut. apoph.

Epaminondas.

Quum alias solitus esset vncto corpore hilarique vultu prodire in publicum, postridie eius diei quo feliciter pugnatum est in Leuctris processit squalidus ac summissus. Amicis autem sciscitantibus ecquid illi molesti accidisset? Nihil inquit, sed heri sensi me plus æquo mihi placuisse, eius gaudij intemperantiam hodie castigo. Aded metuit arrogantiam vir Bæotus ac militaris, & nos non idem faciemus quoties secunda fortunæ aura res nobis succedunt? Plut. in apoph.

Demetrius.

Cùm cepisset Atheniensium qui defecerat urbem, eaque grauitè rei frumentariæ penuria laboraret, protinus conuocata concione, dilargitus est illis frumentum gratis. Plut. in vita Demetrii.

Barcha.

Quum Annibal apud Cannas felicissime pugnasset, amicis suadentibus vt fugientem hostem insequens, in urbem irrumperet, non obtemperauit. Quam rem Barcha Carthaginensis aded indignè tulit, vt exclamarit: Vincere scis Annibal, Victoria vti nescis. Hoc dictum L. Liuius tribuit Maharbali. Plut.

Scipio.

Dicere solebat, hosti non solum esse dandam viam fugiendi, verùm etiam muniendam, docens, moderandam esse victoriam, nec sæuendum in eos qui contrà ferre arma destitissent. Plutarch.

Quintius.

Philippo victo, in Isthmiis præconio iussit euulgari, se Græcos suos libertati suoque iuri permittere, Quotquot autem Romani temporibus Annibalis capti seruiebant apud Græcos, quum horum singulos Græci quingētis drachmis emissent, gratis Quintio donarunt: qui & ipsi Romæ triumphantem. Quintium sequuti sunt pileati, quod facere solent è seruitute manumissi. Plutarch. in Rom. apoph.

Julius Cæs.

Pompeium æqualem ferre nollens armis rem ædiunt ambo. Verùm cum commissa pugna Pompeius vicisset, & victoriam non persequeretur, sed se potius reciperet ad exercitum, tum Cæsar: Hodie quidem, inquit, penes hostes erat victoria, at nō habens ducem, qui victoria sciat vt. Plut. in Rom. apoph.

Augustus Cæs.

Quum Alexandrini post urbem vicaptam, extrema se passuros existimarent, Augustus suggestō cōscendit, adiuncto sibi Ario Alexandrino, dixitque, se ciuitati parcere, primum propter ipsius magnitudinem ac pulchritudinem, dein propter Alexandrum Magnum eius urbis conditorem, postea emò in gratiam Ariæ amici. Raræ cuiusdam clementiæ fuit, non diripere ciuitatem, quæ pertinacissime rebellarat, sed non minus laudis merebatur illa ciuitas, quod huius beneficij gratiam non sibi vindicauit, sed vnam præcipuamque partem ipsi concessit vrbi: alteram tribuit Alexandro, cuius memoriam sciebat apud Alexandrinos esse gratiosissimam: teritiā transtulit in Ariam eius ciuitatis ciuem, amicū tanto titulo suis commendans. Plut. in apoph.

Aurelianus imper.

Quum Tyanam venisset, eamque oclusam reperisset, iratus dixit, Capnem in hoc oppido non relinquam. Hac voce milites erecti fuerunt in spē prædæ & Heradamon Thyanensis, metu ne cum cæteris occideretur, prodidit ciuitatem. Qua capta Aurelius Heradamonem patris proditorem occidit. Militibus ex Cæsaris promisso direptionem oppidi flagrantibus, respondit: Agite, canem me negaui relicturum, canes omnes occidite. Hoc pacto & proditori mercedem rependit, & militum auaritiā elusit. Videtur autem hic sermonis color sumptus ab Hebræis, in quorum literis reges qui minatur interfectionem, negent se quenquam relicturos, vsque ad mingentem ad parietem canem hac periphrasi significantes. Eras. ex Vopisco.

Fridericus imper.

Victis in Hungaria Gunzienfibus: Magnam, inquit, actū est opus. Nunc autem maius restat, vt scilicet vincamus nosmetipsos, atque auaritiæ & vlciscendi cupiditati frenos imponamus. Discant nostri principes victores, exemplo Friderici imperare animi affectibus, neque inolescere obres ad nutum voluntatēque cedentes, parcerēque victis. Æneas Syluius lib. 2. commentar. de rebus gest. Alphonfi.

Sigismundus impera.

Obiurgatus, cur fugatos hostes non insequeretur, & comprehensos occideret? Satis, inquit, vici, qui hostes fugauit. Vtinam & huius exemplo monarchis nostræ ætatis persuaderi possit, magno cruore partem victoriam non existimari victoriam. Æneas Syluius lib. 4. de rebus gestis Alphonfi.

Alphonfus.

Non tam quod hostes vincere & sciret & posset, gloriabatur, quàm quod victis consulere didicisset. Illud quidem fortunæ interdum munus esse, hoc autem semper suum. Refocillare enim victos, verè regiū est: debellare autem hostes fortunæ est. Panor. l. 2. de reb. gest. Alphonfi.

Idem.

Cum in obsidione Stephani, cæturiones ac milites, qui maledixerant regi, post captam vrbelem elementer tractasset, castigatus à suis, qui omnes morte damnandos iudicaret: respondit, Se malle ex clementia & humanitate erga hostes, quàm ex victoria laudem adipisci. Panor. l. 3. de reb. gest. Alphonfi.

Sigismundus.

Suprà, de Hostibus non crudeliter tractandis.

De victoriæ insolentia.

Brennus.

Capta vrbe à Gallis Senonibus, diūque obsidione oppresso Capitolio, pactum est inter Romanos Brennumque Gallorum regem, vt obsidio ea lege solueretur, vt Romani mille pondo auri penderent. In illa forrè auri pensitatione Brennus de altera lance gladium cingulūque ferream apposuit. Interrogante autē Sulpitio, Quid hoc esset? Quid aliud, inquit, nisi opprobrium victis? Plut. in Camillo.

Archidamus.

Suprà de Arrogantia.

Sylla.

Quum Mithridates Syllæ processisset obuiam, dextramque porrexisset: Sylla non resalutauit, sed percontatus est, num à bello desisteret

his conditionibus, quas cum Archelao pactus esset? Obticescēte Mithridate: Quibus pace opus est, inquit Sylla, eos priores loqui conuenit, victori filere satis est. Rursus quum Mithridates variis coloribus excusaret quæ gesta fuerant: Olim, inquit, audiui, nunc experior, te singulari eloquentia præditum, qui tam nefariis factis colorem inuenire potueris. Plut. in Sylla.

Ludouicus XII. Gall. rex.

*Quum audiret Iulium Pōtificem immodicē sese efferētem, quod multas vrbes temporis memēto recepisset quas vix intra triennium Galli occuparant: At inquit, Gasto Fuxeus aberat. Hoc dictum respōdet apoph. cuiusdam qui Fimbriæ gloriāti quod Ilium (vix anno x. ab Agamemnone receptum) intra vndecimum diem oppugnauerat, respondit, sed Hector nō aderat, qui pro ciuitate pugnaret. Annal. Franciæ.

De vigilantia.

Plato.

Somnolentiam improbabat, eoque scripsit in legibus,
κοιμηθῆναι ἰσθὲς ἀλγος.
id est,

Nemo dormiens ulla re dignus est:

Laërt. lib. 3.

Philippus.

In exercitu quodam tempore dormiens, experrectus: Tutò inquit, dormiuit, vigilantem enim Antipater. Subindicans, non esse regium indulgere somno præsertim in bello, nisi habeat fidum ac vigilem præfectum, Plut. in apoph.

Parmenio.

Idē quū interdū dormiret, Græ-

cique ad fores conuenientes criminarentur illum: Nolite admirari, Parmenio inquit, si nunc Philippus dormit. Nam quando vos dormiebatis, ille vigilabat. Plutar.

P. Æmilius.

Cum in bello contra Persem insti-
tuisset, ut milites sine armis vigilas
agerent: rogatus à quodam, cur suis
arma negaret? respondit: ut metu hos-
tium sublata resistēdi fiducia aduer-
sus somnum pugnarent. Plut.

M. Catō.

Eo milite sibi opus esse nequa-
quam dicebat, qui inter eundem ma-
nus inter confligendum pedes agita-
ret: quique stertendo quā hostibus
inclamando longius sentiret. Plutar-
chus.

Vide apoph. de Somno.

De vino, & vino- lencia.

Anacharsis.

Quidam in conuiuio videns vx-
orem Anacharsidis, Vxorem, in-
quit, deformem duxisti, Anacharsis.
Hic Anacharsis: Profsus ita mihi vi-
detur, inquit: sed heus puer, infunde
mihi meracius, ut eam reddam for-
mosam. Indicans, vinum adimere ho-
mini rectum iudicium. Athen. l. 9.

Idem.

Dicebat, vitem ferre tres botros:
primum voluptatis, alterum ebrieta-
tis, tertium molestiæ. Sentiens, par-
cum vini vsum esse iucundum, quia
sedat sitim: largiorem gignere tenu-
lentiam: largissimum parere rixas
cædes ac morbos. Simile huic quod
alibi dictum est: Primum crate-
tem pertinere ad sitim, alterum ad volu-

voluptatem, tertium ad ebrietatem, quartum ad insaniam. Dictum erit iucundius, si cogites, in Scythia non esse vites, Laër. l. i. c. 9.

Cicero.

Apud Damasippum cœnās, quum conuiuator mediocre vinum appo-
suisset, idque conuiuis à vetustate cu-
piens commendare, diceret: Bibite,
Phalerum hoc quadraginta annorū
est, Bene, inquit, fert ætatē. Hōc mo-
do de homine loqui solemus, cuius
formæ viribūque non multum de-
trahit ætas. At ridiculum erat, vinum
ab inmodica vetustate commenda-
re, Plut. in Cicer.

Vide apoph. de Ebrietate.

De virtute.

Antisthenes.

Cum nil tam difficile esse sciret,
quod studio superari non pos-
set, Virtutem etiam posse disci sole-
bat dicere. Laër. l. 6.

Idem.

* Neque, inquit symposium, Si
desint congerrones, nec opes virtute
carentes voluptate afficiunt. Stob.
ser. de virtute.

Idem.

Dicebat, Virtutem esse armaturā
quæ detrahi non possit. Ensis enim
& clypeus excutiuntur: sapiens autē
ac virtute præditus nunquam non ar-
matus est, cōque vinci non potest.
Laër. l. 6.

Idem.

Tutissimum esse murum pruden-
tiam dicebat, quod is nec collabitur,
nec proditur. Nulla mænia tam sunt
munita, qui in machinis aut suffo-
sionibus, aut prodicione capiantur.
Sapientis decreta sunt inexpugnabi-

lia. Laërtius libro 6.

Idem.

Affiduè dicere solebat, Virtutem
sibi sufficere ad felicitatem, nec vlla
re opus habere nisi robore Socrati-
co. Laër. l. 6.

Idem.

Dicebat, virum iustum pluris fa-
ciendam, quàm cognatum. Arctiora
enim sunt vincula virtutis, quàm san-
guinis. Et omnis bonus bono proxi-
mo cognatus est, propter animorum
similitudinem. Laër. l. 6.

Idem.

Negabat sapientem vivere iuxta
leges ab hominibus institutas, sed
iuxta normam virtutis. Sentiens, nō
ideo quid faciendum aut vitandum,
quia leges iubent aut verant: sed quia
ipsa ratio dicat, hoc esse honestum,
illud turpe. Leges non omnia præ-
scribunt: at virtutis regula docet, v-
bique quid sit honestum, quid turpe.
Coacta virtus non est. Laërtius li-
bro. 6.

Idem.

Quum in theatro populus Athe-
niensium tumultuaretur ob versicu-
lum recitatum.

τίδ' ἀγέρνεις εἰ μὴ τοῖσι χροῦσπῶσι δοκῇ,
id est,

Quid turpe mi videatur hoc videntibus
Antisthenes subiecit alterum,

ἀγέρνεις τὸ γ' ἀγέρνεις δοκῇ καὶ μὴ δοκῇ.

Quod turpe, turpe est, siue credas, siue
non.

Eleganter correxit inutilem senten-
tiam. Plut. in Pericle.

Diogenes.

Ab Hegesia rogatus, ut ipsi libros
aliquot commutato daret: Non sa-
pis, ait, cum caricas nō pictas, sed ve-
ras eligas: vera exercitatione negle-
cta, ad scripturam te conferas. Quo
dicto notauit eos, qui per omnē vitā

ex philosophorū libris virtutem hau-
rere cupiunt : cū virtus magis vfu di-
scatur, quā lectione. Laër. l. 6.

Idem.

Quoniam Cynicus erat, canis di-
ctus est, & hoc viræ genus à multis
laudabatur, nemo tamē imitabatur,
Itaq; dicere solitus est, se canem esse
laudantium, sed laudatorum nemi-
nem cum laudato cane audere vena-
tum ire. Ibid.

Idem.

Dicebat, se multos quidem videre
colludentes, & discursantes, non au-
tem qui virtuti operam darent. Stob.
ser. 4. de imprudentia.

Stoici.

Stoicorū dogma est, nihil esse ex-
petendum: præter virtutem: nihil fu-
giendum, præter vitium. Eras. Rot. l.
6. apoph.

Socrates.

Cū aliquādo in colloquium cū
Theodata meretrice formosissima
venisset quæ Callisthenem blādis ad
se verbis trahebat, ad Socratē dixisse
meretrix fertur: ego quidē, ô Socra-
tes, multum tibi præsto. Nam cum
tu neminem ex meis à me possis ab-
alienare, ego, cū libitum est, tuos
omnes à te voco. Cui respondit So-
crates: Non mirum quidem est hoc.
Tu siquidem ad declinē tramitem
omnes rapis: ego verò ad virtutem
cogo, ad quam arduus & plerisque
insolitus est ascensus. Sēsit autē phi-
losophus clarissimus, adeo corru-
ptos esse hominū mores, vt faciliē du-
cantur ad vitia, quorum lata est via:
abhorreant autem à virtutibus, ad
quarum acumē ardua ac spinosa no-
bis videtur esse via. Ælian. lib. 13. de
Var. histor.

Socrates.

*Statuam quidem in sua basi, vir-

tutis studiosum autem virum bono
proposito nixum, immotum esse de-
bere dicebat. Itē. In vita perinde vt
in simulachro omnes partes debere
esse pulchras. Et, Thus diis laudem
verò viris virtute præditis esse tri-
buendam. Stob. ser. 1. de virtute.

Idem.

*Equis generosus, inquit, iudica-
tur, non quidē sumptuosē ornatus,
sed eximius natura: itidē nec vir ho-
nestus, qui opibus prædiues, sed qui
animā virtute præditā gerit Eod. ser.

Socrates.

*Virtute nullam possessionē nec
honestiorem nec durabiliorem esse
dicebat. Ad Demonium

Epicletus.

*Anima dedita virtuti similis est,
inquit, perenni fonti: cuius aqua est
pura, inaperturbata, potabilis, dulcis,
accepta, fruitioni apta, copiosa, ab o-
mni noxa & pernicie aliena. Stobæus
serm. 1.

Idem.

In conuiuio apud Xenophontem
singulis dicere iussit, quo officio,
quove bono sibi præcipuē placeret:
quum ordo venisset ad Socratē, ioco
dixit: Se maximē gloriari de leuoci-
nio: Sentiens, se tradere veram virtu-
tem, quæ potissimū cōmendat ha-
bentē, quæque tum priuatim, tū pu-
blicē conciliat homini beneuolentiā
& amorem. Eras. l. 3. apoph.

Idem.

Quodam tēpore quum Euripides
ita de virtute differeret, vt diceret,

ἡ ἀρετὴ οὐκ ἔστιν ἀποφύλαξις
id est,

Hæc missa temerē est optimum relin-
quere.

Quasi virtus inueniri vix posset, sur-
rexit Socrates dicens: Ridiculum es-
se, quum mancipium, si non protin-
us

nus inueniatur, operæ prætium existimemus inuestigare: virtutem nulla inuestigatione dignam iudicare, si non protinus contingat homini. Eras. l. 1. apoph.

Strato physicus.

Quibusdam obicientibus quòd Menedemus plures haberet auditores quàm ipse: Quid mirum, inquit, si plures reperiuntur qui lauare cupiunt, quàm vngi? Vnguntur, qui se parant certamini. Subindicauit, Menedemi philosophiam esse dilutam, ac facile inueniri, qui audiant de virtute disferentem, per paucos autem qui virtutem exercent. nam huc prouocabat Strato. Eras. l. 7. apoph.

Demetrius Phal.

Quum audisset, Athenienses fuisse demolitos statuas suas, quas illi proposuerant: At virtutem, inquit, non euerterunt, cuius gratia illas proposuerant. Laërt. l. 5.

Th. m. iocles.

Seriphio cuidam dicenti, eum non sua, sed patriæ gloria splendorem assequutum. Vera, inquit, herculè narras, veruntamen nec si ego Seriphius, ignobilis, nec tu si Atheniensis esses, clarus vnquam fuisses. Sensit autem, non patriam, sed virtutem, existimationem facere hominibus & auctoritatem. Plutarch.

Phocion.

Phocion Atheniensis hanc diuinam esse legem dicebat: Vt vnica virtus sit potens, reliqua autem cuncta nugæ. Stob. ser. de Prudentia.

Socrates.

Gorgias cum à Socrate percunctaretur, an Persarum regem putaret felicem? Nescio herculè, inquit, quantum virtutis & disciplinæ habeat. Sensit vir prudentissimus, neminem esse felicem, nisi omnibus virtutibus

præditus sit. Laërtius.

Plato.

* Omnes opes, omnem rerum copiam, virtuti concedere dicebat. In Menexemo.

Lamblichus.

Ad virtutem tanquam ad asyllum semper confugiendum esse, dicere solebat: ne cui turpi iniuriæ fortunæ expositi simus. Stob. ser. de Prudentia.

Agesilaus.

Cum audiret Persarum regem Magnum appellari: Qua re maior me est, inquit, nisi iustior est, ac temperantior? Censuit vir iustissimus, eum demum magnum esse virum, qui virtutibus alios omnes superaret. Plut. in Lacon. apoph.

Idem.

Cuidam sciscitanti, quæ potissimum pueris essent dicenda? Ea, inquit, quibus vsuri sint, quum & ad virilem peruenerint ætatē. Rectè censuit vir prudens, solam virtutem primum ac statim à teneris vnguiculis disci oportere, nec vllum æui portionem artibus friuolis dandam: quæ ut in pueris habet ostentationē plausibilem, ita nec grandibus decori futuræ sint, nec ad seria vocatis utiles. Plut. in Lacon.

Idem.

Cum scelerosum quendam hominem crudelissima tormenta magna animi fortitudine ac infracto animo pertulisse audiuisset, miserum hominem esse iudicauit: qui tam præclarā virtutem in re tam inhonesta ostendisset: quàm si ad res honestiores attulisset, magno vsui Reipublicæ esse potuisset. Plutarch. in Lacon. apophthegm.

Idem.

Aduersus pecuniarum studium, quo vitio plerique laborant, amicos

Agefilaus admonere consuevit, ne tam pecuniis quàm fortitudine ac virtute studerent ditescere: quòd frustra parat opes, qui veris animi bonis vacat. Plut. in Lacon. apoph.

Archidamus.

Ob superatos bello Arcadas quàm à quodam laudaretur: Multo, inquit, præstantius erat, si illos prudentia quàm viribus superassemus. Intellexit dux nobilissimus, eam victoriam meritò encomiis celebrari, in qua virtute alios vincimus, cum viribus à brutis etiam superemur animalibus. Plut. in Lacon.

Endamidas.

Suprà de Disputationibus aut Quaestionibus friuolis atque inutilibus.

Charilaus.

Interroganti, quam arduum esset optimam rempublicam? In qua, inquit, plurimi ciues de virtute inter sese decertant, citra seditionem. In plerisque ciuitatibus certamen est de opibus & honoribus: de virtute qui certent, penè nulli. Quanquam hoc quoque certamen de honesto debet hætenus seruire ne prorūpat in seditionem. Iam enim non est concertatio virtutis, sed ambitionis. Qui vera virtute præditus est, nihil spectet, nisi vt profit reipublicæ. At seditio, præfens venenum est ciuitatis. Erasim. ex Plut. in Lacon. apoph.

Anaxandridas.

Anaxandridas Leontis filius, cum quædam videret acerbè ferre exiliū, dixisse fertur: Noli vir optime exhorrescere exilium. à virtute enim & iustitia exulare, illud horrendum est. Sensit vir optimus, eos omnes exules esse, qui à virtutibus alieni sunt: eos autem nequaquam exules, qui variis virtutibus ornari vbique patriam inueniunt. Plut. in Lacon.

Antigonus secundus.

Adolescenti cuidam qui patrem habuerat fortem, quàmquam ipse non admodum, vt videbatur, bonus erat miles, postulanti vt patris stipendia caperet: At ego, inquit, à adolescentule, non ob patrias, sed ob proprias eiusque viri virtutes mercedem ac munera dare soleo. Hoc sermone inuenem extimulans, vt patris fortitudinem æquaret, si quantum ille capere solebat, veller accipere. Apud Grecos maior est dicti gratia ob vocum affinitatem, *αὐτοπατριὰς*, *πατρὸς πατρίδας*, quæ vox posterior ad prioris imitationem afficta est. Plutarchus in apophthegm.

Virtus in actione consistit.

Putacus.

Interrogatus quid esset optimum? Quod in præsentia, inquit, occurrat, bene agere. Laër.

Antisthenes.

Virtutem esse rem operum, non autem plurimis verbis multisque discipulis egere dicebat. Aduersus eos qui iuris ac theologiæ pietatisque professionem studio reddunt difficillimam ac prolixam, perque vitam omnem nihil aliud quàm de virtute disputant. Notat hoc Horatius, Virtutem verba putas, vt Lucum ligna. Laërt. l. 6. c. 1.

Cleanthes.

Suprà, de Doctrina factis dissentanea.

Agefilaus.

Rogatus, quomodo quis maximè apud homines probaretur? Si dicat, inquit, optima, & faciat honestissima. Virtus enim eiusmodi est, quæ ipsis statim rebus gestis ita afficiat homi-

homines, ut non modò admirentur opera, verùm in autorem quoque summo studio incendantur. Plut.

Pantheolus.

Legatus cùm in Atheniensem gymnasium philosophos egregiè de virtute disputantes audiisset, interrogatus, An placerent quæ iam disputata essent, Probæ profectò, inquit, sunt illæ disputationes, sed vobis planè inutiles: qui virtutem habetis in ore, factis autem non ostenditis. Plutarch in Lacon. apoph.

Semiramis.

Staurobates Indorum rex Semiramidi minitans scripsit, si acie victa foret, se illam cruci affixurum. Sed illa ridens, Non verbis, sed virtute certandum esse, respondit, Bruton. l. 7. cap. 3.

Gymnosophistæ.

Alexander cum Gymnosophistas interrogasset, Vitam, an mortem fortio-rem putarent? Vitam, inquit, quæ tot calamitosa pariat. Curtius & Plutarchus.

L. Voluminus.

Appius populo Romano exprobrabat, sibi acceptum ferri debere, quòd ex muto & elingui facundum haberet consulem. de L. Voluminio collega sentiens. Ibi L. Voluminus, Quam mallem, inquit, tuâ me strenuè facere, quam ego abs te scire loqui didicissem. Bruton. l. 4. c. 31.

Nestor.

Suprà, de Doctrina factis dissentione.

Adrianus imper.

Prætorius viris ab Imperatore Adriano perentibus ut sibi de iure respondere liceret: rescripsit hoc munus non periri solere, sed præstari. Quare accingeretur, si qui sibi fideret, & populo sui specimen darèt. Nam Au-

gustus, quo maior esset iuris peritorum autoritas constituerat, ut qui respondere vellent, id ex autoritate Cæsaris facerent: quum antea liberum fuisset, respondendi munus subire, quicumque sui fiduciam haberent. Sic & hodie creantur doctores medicinæ, iuris, artium, theologiæ, quum hoc nomen promeruisse sit pulchrum, quam obtinuisse. Erasmus. l. 8. apophth.

Alexander Severus.

Romanorum iam factus imperator, audiens Artaxerxem instructissimo exercitu Romanum velle inuadere imperium: Nil refert, inquit. Vt enim quæ cum voluptate agimus, dulcia sunt: ita quæ cum virtute, gloriosa esse solent. Herod. l. 6.

Hinc aliqua ex parte spectant, quæ sunt sub apophth. de Doctrina factis dissentione.

De vi, vel violentia.

Lysander.

Cum Argiui de ditionis finibus Cambigeret cum Lacedæmoniis, asseuerarentque se iustio-rem habere causam: Lysander stricto ense, Qui hoc, inquit, superior est, is optime de finibus disputat. Ab æquo & bono vir insolens ad vim prouocauit. Plutarch. in Lacon.

Idem.

Ad Bæotos ancipites, nec huic, nec illi parti addictos quum per illorum confinia faceret iter, legatos misit, qui percontarentur, vtrum rectis an inflexis hastis per illorum agros proficisci deberet? significans, siue amici essent Bæotij, siue inimici, nihilominus se cæpto itinere perrecturum, nisi quòd per hostium agros intrus esset erectis hastis, ad propul-

fundum si quis obfisteret: per amicorum inuensis, veluti nemini nociturus. Hoc dictum nonnihil resipit indolis Laconicae, qui nec inimicis supplex esse vellet, nec amicis grauis. Plut. in Lacon.

Themistocles.

Quum apud Andrum argentum peteret: Duos, inquit, ad vos adduco deos, vim ac suasionem significans, si minus impetraret suadendo, se vi erepturum. At illi responderunt, apud se quoque duas magnas esse deas, inopiam & impossibilitatem, per quas non liceret dare quae petebat. Plut.

Anonymus.

Conflauit Caesari magnam inuidiam, quod quidam ex his quos Romanam miserat, stans in senatu, simulatque cognouit Caesari senatum non dare prorogationem, manu capulum percutiens: At hic, inquit, dabit: vim Reipub. minitans. Eras. l. 4. apoph.

De visu, aspectu, & oculis.

Thales.

Olim interrogatus, quantum a mendacio distaret veritas? Quam, inquit, oculi ab auribus. Sensit vir prudentissimus, ea demum esse indubitatae fidei, quae hominum contuentur oculis, non quae auribus percipiuntur. Eras. l. 8. apoph.

Diogenes.

Animaduertens, Olympionicem quendam fixis oculis scortum formosissimum intuentem. Ecce inquit, ut aries Martius a puella publica obtorto collo victus abducitur. Notauit autem hominis oculos intemperantissimos, quibus scortum obtorto etiam collo quamdiu poterat, intuebatur. Laer. l. 6.

Xenocrates.

Dicere solebat: nihil interesse perdesine an oculos in aliena domo defigeres. Eodem enim modo peccare tam eum qui oculos in loca in quae non conuenit verteret, quam eum qui quod non licitum est vestigia inferret. Alian. l. 14. de Var. hist.

Pericles.

Prator collegam sortitus est Sophoclem poetam, cumque in nauigatione Sophocles vidisset adolescentem formosissimum, ait, En quam speciosus adolescens! respondit Pericles, Decet o Sophocles, pratorem non modo manus, sed oculos & linguam habere abstinentes. Plutar. in apoph. Stob. ser. 5. Cic. l. 1. Offic.

Ephorus.

Dicere solebat, Si possibile fuisset rebus ipsis omnibus adesse, eam experientiam reliquis multo fuisse praestantior. Sensit autem, certiora esse se quae oculis visa sunt, quam quae auribus percepta ab aliis. Cum enim duo homini iuxta naturam sint velut organa quaedam, quibus omnia percipit & scrutatur, auditus scilicet & visus, certior autem multo sit visus, iuxta Heraclitum: horum licet prior, minoris tamen momenti organo, auribus videlicet, ad inquisitionem rerum accedit. Polybius lib. 12. histor.

Theopompus.

Theopompus eum quidem optimum bellicarum rerum scriptorem esse dicit, qui quam plurima sit pericula ipse coram expertus: illum vero dicendo potissimum esse, qui quam plurimorum civilium certaminum particeps extiterit. De iis enim rebus, quibus ipse interfuit & vidit melius dicere potuit, quam quae ab aliis nugantibus fortasse audit. Polybius libro

libro 12 historiarum.

Iſeus.

A quodam qui elegantissimam ostēderat fœminā, interrogatus, num formosissima videretur? respondit, *ἡ ταυμαζὸν ὁ φθαλμὸς*, id est, desij laborare ab oculis. Philostrat. in Sophistis.

Alexander.

Suprà, de Aspectu incauto.

C. Sulpitius.

C. Sulpitius Gallus vxorem repudiavit, quòd aperto capite foris existeret, inquit: Tibi meos vnus præfinit oculos lex nostra, quibus formam tuam approbes: his ornamenta comparato, his esto speciosa: aliis velle videri formosam, in suspitione & crimine hæreat necesse est. Erasim. l. apoph.

De vita humana.

Pythagoras.

Vitam humanam dicebat esse similem panegyri, hoc est, solēni hominum conuentui, ad quem alij conueniunt certaturi, alij negotiaturi, nonnulli spectatores modo futuri. Et ceteros quidem omnes esse sollicitos: solū spectatorem tranquillū frui celebritate. Laer. l. 8. c. 1.

Socrates.

*Alex ludo vitam similem esse dicebat: & quicquid euenit veluti quandā tesseram disponere oportet. Non enim denuo iacere oportet, neq; tesseram aliter ponere. Stob. ser. 123.

Democritus.

*Vitam sine festiuitatibus dicebat longam esse viam sine diuersoriis. Stob. ser. 16.

Epicletus.

Vitam fortunæ coniunctam, torrenti similem esse dicebat: Turbulentia enim plena cœno, ingressuq; diffici-

lis, violenta & obstrepera est, & breue tempus durat. Stob. ser. 1.

Diogenes.

Dicenti miserum esse viuere: Nō, inquit, viuere miserum est, sed malè viuere miserum est. Vulgus miseram appellat vitam laboribus, doloribus, morbis, damnis, exiliis, multisq; hoc genus incōmodis obnoxiam: at philosophus nihil malum aut miserum esse dicebat, nisi quod cum turpitudine coniunctum esset. Laërt. l. 6.

Epicurus.

*Dicebat aliquem virum bonum nobis esse eligēdum, ac semper ante oculos habendum, vt sic tanquam illo spectante viueremus, & omnia tanquam illo vidēte faceremus. Eo modo, vitæ humanæ errores facile corrigentur. Senec. epist. 11. ad Luciliū.

Idem.

*Neminem non ita exire ē vita dicebat, tanquam modò intrauerit. Itē, Neminem aliter, quā quo modo, natus est, exire ē vita. Et molestū esse sēper vitā inchoare. Sen. ep. 22. & 23.

Idem.

*Semel, inquit, nati sumus, bis nasci nō licet: sed necessariū est vitā finire. Tu verò qui ne crastinū quidē in tua potestate habes, tēpus differs. Omnium verò vita cunctando perit: & hinc est, quod vnus quisque nostrum inter negotia moritur. Stob. serm. 16.

Plato.

*Non vitā, sed bonam vitā maximī faciendam esse dicebat. Stob. ser. 7.

Idem.

*Dicebat viros bonos nō longa vita, sed clara & illustri opus habere. Eod. ser.

Idem.

*Iuxta communem, inquit, illam & omnibus celebratam sententiam, vita peregrinatio quædam est: & ea decenter modestēque trāsacta oportet.

tes alacriter & tantum non p̄ana ca-
nentes ad fatalem locum discedere.
In Axiocho.

Pyrro.

Admirari solebat illum Homeri
versiculum præ cæteris:

οὐκ ἔστιν τι πολλὸν ζῆν, τοῖνδε δὲ καὶ ἀδ' ὁδῷ.

*Tale quidem genus est hominum, quale
est foliorum.*

Quod aliis defluentibus alij succe-
dant. Sentiens, in rebus humanis nihil
esse diuturnum aut stabile. Laër. lib.
9. cap. 11.

Epicharmus.

Inter confabulandum cum amicis
quum audisset disceptantes de viuē-
di spatio, & quidā tres, quidam qua-
tuor, alij plures annos sibi tribuerent
adhuc viuendos, dixisse fertur: Quid
mutuō cōrenditis & litigatis de pau-
cis diebus? Omnes enim qui conue-
nimus, quodam fato propinqui su-
mus morti. Itaque tempus est no-
bis omnibus ocyus discedendi, an-
tequam aliquot senectutis damnun
experiamur. Ælianus libr. 2. de Var.
hisor.

Anonymus.

Philosophus quidam interroga-
tus, qualis esset hominis vita? cum
parumper se ostendisset, mox se ab-
scondit. Quo indicare voluit, mo-
mentaneam & perbreuem esse ho-
minis vitam. Rodolphus Agricola l.
1. c. 24. de Inuentione.

Hierocles.

*Dicebat longæ tediosæque vitæ
maximum imminere periculū: par-
tim propter ipsarum rerum naturā,
nescio quid aduersæ cōtumaciæ ha-
bentium: partim propter subitas &
inopitatas animæ perturbationes:
maximè verò, propter ipsam homi-
num malitiam, quæ nec vlla vi nec
dolo malorum stratagematum absti-

net. Stobæus sermon. 82.

Aristonymus.

* Vitam humanam similem esse
theatro dicebat, vbi sæpius pessimi
quique honoratissimum inter homi-
nes locum obtinent. Stob. ser. 104.

Idem.

* Pauperum vitam aiebat similem
esse nauigationi iuxta littus: Diui-
tum autem, ei quæ in profundo pe-
lago sit. Illis enim facile esse funem
eicere, appellare, & nauim extrahe-
re, diuitibus non item. Stob. ser. 95.

Socrates.

* De vita malorum & vitiosorum
hominum hæc eius scitè dicta occur-
runt. Indoctorum vita, tanquam hi-
strio, multa fastus & arrogantia ge-
rit indumenta. Neque nauigantes
præter loci commoditatem appelle-
re tutum est, neque viuentes præter
legem vitam agere periculo vacat.
Auarorū vita similis est funerali con-
uiuio. Omnia enim cum habeat, ho-
minē qui præsentibus hilariter frua-
tur, nō habet. Stob. vnde Xenophon-
tem in commentariis, & Diogenem
Laertium.

Idem.

* In vita, perinde vt in simulachro,
omnes partes pulchras esse oportere
dicebat. Item. Vitam instar organi
musici, dum intentione & remissio-
ne sibi cōcinna redditur, suauiore
fieri. Stob. ser. 1. & 3.

Diogenes.

* Aiebat de necessariis quidem ad
viuendum homines sibi prospicere:
quæ verò ad bene viuendum perti-
nent, non comparare. Stob. ser. 4.

Epictetus.

* Longiori vitæ sed deteriori, bre-
uiorem sed meliorem ab omnibus
omnino præferendam esse dicebat.
Stobæus.

Apollonius

Apollonius.

*Homini fortunato, inquit, brevis est vita, infortunato longa. Stob. ferm. 120.

Simonides.

*Interrogatus, quantum temporis vixisset? tempus quidem exiguum, respondit, annos verò multos. Stob. ferm. 96.

Antiphon.

*Vita, inquit, similis est carceri vnius diei, & totum vitæ spacium, vni diei æquale propemodum dixerim, per quem intuiti lucem, posteris deinde vitam tradimus. Eod. fer.

Socrates.

*In vita tanquam in theatro permanendum esse dicebat, quandiu rerum & operum huius vitæ iucundum fuerit spectaculum Stob. ferm. 120. Addamus & illud Pythagoræ, Quandiu summo rerum Domino, visum fuerit, qui è statione nos in tempore evocabit.

Philippus.

Quum apparet in loco amæno castra metari, & moneretur, illic non esse pabulum pro iumentis: Qualis, inquit, est nostra vita si etiam ad asinorum commoditatem vivere cogimur? Plut. in apoph.

Julius Cæsar.

Quum undique viderentur imminere insidiæ, atque admoneretur ut sibi caueret, respondit: Satiùs subire semel quàm semper cauere, significans, eum non vivere, qui vivit in perpetuo mortis metu. Erasim. lib. 4. apoph.

Augustus Cæsar.

Sentiens imminere mortem, admissos amicos percontabatur, num ipsi viderentur minimum vitæ sat commodè transigisse? Sentiens de

fabulæ vitæ peracta, & adiecit carnè peractis coineedis accini solitum:

ΔΑΪΤΕ ΚΡΟΤΟΝ ΚΑΙ ΠΑΝΤΕΣ Η ΜΕΛΗ ΜΕΤΑ ΧΑΡΑ
ΚΤΙΣΘΗΣΑΙΤΕ.

Erasim. lib. 4. apoph. ex Suet.

Huc refer ea quæ suprâ de Hominis fragilitate dicta sunt.

De vitæ contemptu.

Aratus.

*L Audante quodam virum desperatum & audacem, ac idcirco & in bellis eximium: Aratus Sicyonius respondit, multum interest inter magnificare virtutem, & vitam contemnere. Stob. ferm. de militia.

De vitæ cupiditate.

Diogenes.

C Vm dixisset mortem nihil differre à vita, reprehensus à quodam qui diceret: Cur igitur non moreris? Quia, respondit, hæc nihil inter se differunt. Laërt. in vita Diogenis. Verùm Stob. ferm. 118. Pyrrhoni hoc adscribit

Idem.

Suprà de Morte.

Speusippus.

Speusippum cruribus resolutum Diogenes hortabatur, ut seipsum vita privaret. Cui ille: Non cruribus inquit, vivimus. sed mente. Stobæus, ferm. 116.

Theodorus Cytheræus.

Nullam satis magnam causam sapienti esse dicebat ad vitam finendam. quod hac ratione probabat. Istum enim qui casus humanos contemnit, vitâ propter eos relinquere, quomodo nõ cōtrariū fuerit illi qui

nihil bonum quàm honestum : & solum turpe malum asseruit ? Stobæus *serm. xi. 8.*

terres fingebant esse Deam. Philostratus.

Dionysius iunior.

Regno pulsus, eadem dicebat se pati quæ adolescentes: quemadmodum enim illi peccauerint, hilari vultu fratrum consuetudine vtuntur, patris autem præ pudore fugiunt: sic sibi euenisse, vt in metropoli virum agēs verecundia teneretur, Leucade cum voluptate viueret. *Bruf. l. 7. c. xi.*

Vide apoph. de Malitia, & c.

De vitiis.

Socrates.

Cum in sermonem incidisset cum Theodora meretrice fornosissima, quæ dicebat se omnes philosophiæ discipulos alienare posse, & vocare ad se quocunque tempore velit, Socratem autē eius amatores ad se trahere nequaquam: respondisse fertur, Bene quidem dicis, quando quidem tu ad decliuem tramitem omnes rapis: ego verò ad virtutem cogo, ad quam arduus & plerisque insolitus est ascensus. Innuit autem Socrates, naturam hominis esse adeò deprauatam, vt facillima ad omnium vitiorum lernam sit via, ad virtutem verò paucis contendant. *Ælian. l. 13. de Var. hist.*

Crates.

Negabat inter homines quempiam inueniri posse, qui non aliqua in parte laboretur: addens, nullum inueniri malum punicum, in quo non sit aliquod granum supputre: *Laërt. lib. 6. cap. 5.*

Thraseas.

Suprà, de hominis miseria & fragilitate.

Leon Bizantius.

Pasiades cum Leoni Byzantio lipitudinem obiiceret oculorum, Leo respondit: Corporis mei vitium vides & exprobras, haud videns filium tuum Nemefim humeris baiulatem. Erat enim Pasiadi filius contractis humeris. Nemefim autem dixit redargutionem insolentiæ, quam ve-

De vituperatione.

Vide apoph. de Calumnia, contumelia, omnicus, maledicentia, & c.

De vltione & vindicta.

Diogenes.

Interrogatus à quodam, quo pacto maxime posset vlcisci inimicum? Si te ipsum, inquit, probum & honestum virum præstiteris. Hoc qui facit, & sibi prodest maxime, & inimicum maxime diseruciat. Nam si fundum cōspiciens bene cultum diseruciatur inimicus, quid fiet si te ipsum videris veris ornatum bonis? *Laërt. lib. 6.*

Idem.

Ingressus aliquando iuuenem cōuiuium, capite semitonso, non solum non comiter exceptus est, sed multis plagis onustus dimissus est. Quos ille hac ratione est vltus. Nomina iuuenem à quibus fuerat cæsus, albo inscripsit, itaque obambulabat soluto pallio: plagarum notæ loquebatur, quid esset passus, & album prodebat autores. Hoc pacto iuuenes inhumano omnibus obiurgandos ac reprehendendos exposui. *Laërt. l. 6.*

Idem.

Idem.

Midias cum Diogeni colaphum dedisset, Diogenes continuo dixit, Tria millia tibi in mensa sunt posita: per ludibrium illi gratulans, quod pro colapho tantum nummorum ex multa ad ipsum esset rediturum, si lege ageret. At Diogenes postridie sumpto pugilum loro, eoque impa-cto Midiae, totidem verbis dixit: Tria millia tibi in mensa sunt posita. A. Gel-lius narrat de quodam, qui pro dele-ctamento habebat, manu de palmare homines: moxque a crumena quam in hoc circumferabat, numerabat mul-ctam. At Diogenes declaravit, non omnes esse ea patientia, ut multa contenti sint. Laërt.

Tiberius impera.

Diogenes grammaticus sabbatis Rhodi disputare solitus, Tiberium ad se venientem, ut ipsum extra or-dinem audiret, non admisit, sed per seruum suum in septimum distulit. Is quum Romam venisset, & pro Caesaris foribus adstaret, cupiens il-lum salutare: Tiberius iussit, ut post septimum annum rediret. Nec alia poena tantam grammatici superbia vitus est. Eras. l. 6.

Anacharsis.

Suprà de Spectaculis.

Timon.

Timon Atheniensis. quē *μωραὶ* *Ἰσπαν* *ἄνθρωποι* appellat Lucianus, quum erga cæ-teros esset inhumanissimis moribus, fugeretq; consuetudinem hominum, solum Alcibiadem adamabat, exo-sculabaturque. Id admiranti cuidam, causamque roganti, respondit: Ideo sibi charum esse adolescentem, quod perspiceret illum aliquando magno malo fore Atheniensibus à quibus multis contumeliis affectus esset. E-ras. l. 5. apoph. Fulgosi. l. 9. c. 12.

Alcibiades.

Nuntianti, quod ipse cum comi-tibus morte damnatus esset Athenis: At nos, inquit, demonstrabimus illi Alcibiadem vivere, simulque sese ad Lacedæmonios contulit, ac bellum Decelicum, ab vrbe Decelia cogno-minatum, excitavit in Athenienses Plut.

Philoscenus.

Quum audisset suos versus à late-rariis perperam recitari, lateres ipso rum comminuit dicēs: Vos mea cor-rumpitis, ego vicissim vestra. Eras. l. 6. apoph.

Agésilas.

Quum puer quidam Agésilao re-ge videntem murem captum è cauo protraheret, mūsque conuersus mo-mordisset tenentis manum atque ef-fugisset: Agésilas indicavit his qui aderaut dixitque: Posteaquam mini-mum animalculum sic vlciscitur eos à quibus læditur, quid viros oporteat facere, cogitate. Ita dux fortissi-mus vndecunque captata occasione animum addere studebat suis, ut au-dentiores fierent aduersus hostem. Sed idem exemplum magis eò va-let, ne quis quamlibet potens, iniu-ria prouocet infirmiolem. Fit enim sæpenumero, ut qui, sicut ait Flaccus fragili quærit illidere dentem, in-fringat solido. Plutarchus in Laconi apoph.

Demonides.

Amisissis furto crepidis, precatus est, ut eius qui sustulerat pedibus conuenirent. Visus est bene precari quum illi magnum precaretur ma-lum, videlicet pedes distortos, qua-les habebat Demonides. Plutarch. in Lacon.

Brasidas.

Suprà de Solertier dictis.

CC ij

Alexander.

Cum in Hammonis templum venisset, interrogavit sacerdotem senem, à quo filius appellatus erat, nū quis eorum superesset qui patrem Philippum interfecissent? Ostendit hoc dicto rex potentissimus, insitam & fixam animo suo ultionem, quam parabat erga eos qui Philippum patrem offēdissent. Plut. in vita Alexand.

M. Brutus.

Rebus in summam desperationē adductis, quum ē ducibus atque amicis paucos apud se haberet, sublati oculis in cælum stellis plenum, dixit hunc versiculum Græcum ē tragœdia quapiam:

Ἰδὲ μὲν λαοὶ σὺν ᾧ δὲ ἐς ἀπὸς κενὼν.

Id est,

Nec te latuerit, o supreme Iupiter.

Horum malorum quisquis auctor extitit.

Velut imprecās Cæsari vindictam à diis. Eras. l. 4 apoph.

Linus Salinator.

Quum bellum aduersus Asdrubalem gesturus urbem egrederetur, monitus est à Fabio Maximo, ne prius cum hoste consereret, quàm vires animūque illius cognosceret. Is respondit, se primam quanque occasionem pugnæ arripiturum. Percontantibus quid ita properaret: Vt quàm celerrimē, inquit, aut gloriā ex hostibus victis, aut ex ciuibus prostratis gaudium capiam. Virtus & ita sermonem hominis inter se partitæ sunt: illa triumphī auidā, hæc iniuste damnationis memor. Eras. l. 6. apoph.

C. Figulus.

In petitione consulatus repulsam passus est. Ideo grauius tulit, quod patrem haberet bis consulem. Ad

hunc cum postridie comitorum: complures venissent consulendi gratia (nam erat iuris ciuili peritissimus) omnes dimisit, ita præfatus: Omnes consulere scitis, consulem facere nescitis. Eras. libro 6. apophthegm.

Seuerianus.

Hadrianus imperator Seuerianū, & Fuscum huius nepotem, eo quod molestē ferre viderentur, Commodum Lucium imperij successorem designatum, iussit occidi: quorum ille nonagenarius erat, hic annos natus decem & octo. Senex autē quum esset iugulandus, poposcit ignem, incensūque thure dixit: Vos dii testor, me nihil sceleris commississe: nisi aliud imprecor Hadriano, nisi ut quum volet mori, non possit. Idque euenit adeo ut barbarus conductus qui ferro mortē pro beneficio daret, aufugerit. Suetonius in vita Hadriani.

Theod. sius.

Aliquando ex familiaribus cuidā dicenti, neminem illorum ab eo morte mulctarum esse qui iniuriæ ei fuissent, respondit, Vtinam etiam eos in vitam reuocare possem, qui iam dudum mortui sunt. Nicephorus Callistus libro 14. cap. 3. Eccles. histor.

Macarius Monachus.

Macarius Ægyptius, monachus, vir, omnium sanctiss. olim habitus, percontatus cur humanarum iniuriarum memoria hominibus adeo molesta esset, diabolicarum autem contumeliarum recordatio non item? Propterea inquit, quod prior illa affectio præter naturam, posterior autem secundum iræ naturam esset. Nicephorus Callistus l. 11. c. 43. Eccles. hist. ex Euagrio.

De

De vltione & vindicta
negligenda.

Chilon.

FRatri querenti, quòd Ephorusi-
ple non crearetur, quū ille esset:
Ego, inquit, iniuriam ferre noui, tu
non. Diogenes Laer. in eius vita.

Thales.

Rogatus, quo pacto quis facillimè
ferret infortunium suum? Si quis, vi-
deat hostes maioribus malis obno-
xios. Quidam enim, ex contempla-
tione felicitatis alienæ, suam calami-
tatem exasperant. Laer. l. l. c. i.

Pitacus.

Habens potestatem puniendi què
piam qui contumeliosus in ipsum
extiterat, dimisit, inquiens: Venia vl-
tione melior est. Illa namque mitis
est ingenij, hæc autem ferini. Stob.
ser. 47. Ant. in Meliss. part. i. ser. 27.
Max. ser. 6.

Bion.

Familiares suos admonebat, vt hoc
argumento putarent se profecisse in
philosophia, si iurgantes & conuiciā-
tes perinde audirent, ac si recitarent
versus illos Homericos:

ὦ Ζεῦ, ἰπεί εἰς κενὸν ἔτ' ἀφ' οὗ φωνῶ
σοὶ καὶ μέγα χαῖρε, τοὶ γὰρ οὗτοι ὀλβία
δοῖεν.

Quando vir haud nequam, nec stultus
amice videris.

Permultum salue atque vale, Dū pro-
spera donent.
Laer. lib. 4.

Xenocrates.

A Bione dictis lacessitus. Non sum
inquit, tibi responsurus. Neque enim
Trogedia, cum à Comœdia taxatur,
dignatur eam responso. Laer. l. 4.

Democritus.

Dicere solebat, Prudentis esse fu-
turam iniuriam præcauere. Indolen-
tiæ verò, quod factum est, non vlci-
ci. Stob. ser. de Prædientia.

Heraclitus.

Dicebat, iniuriam magis extingue-
dam quàm incendium. Ex leuissimis
offensis, si negligentur, nascuntur a-
trocies tragœdiæ. Sed ad restringen-
dum incendium accurrunt omnes:
gliscenti verò simultati citius addūt
irritamenta. Laer. l. 6.

Socrates.

Frequenter dicere solitus est, Peius
esse iniuriam facere, quàm ferre, sen-
sit eum non semper malum esse qui
iniuriis afficitur: sed potius hunc qui
bonis iniuriam infert. Brus. l. 3.

Idem.

Nuntianti, quòd quidam de ipso
malè loqueretur: Nimirum, inquit,
non didicit bene loqui, linguæ mor-
bum non malitiæ tribuens, sed insci-
tiæ, nec ad se iudicauit pertinere quid
de se dicerent, qui morbo animi, non
iudicio loquuntur. Laer. l. 2.

Idem.

Quum in via quidam illi per la-
sciuiam calcem impegisset, admiran-
tibus quòd id pateretur: Quid face-
rem, inquit? Illis hortantibus, vt vo-
caret hominem in ius: Ridiculum,
inquit, si quis asinus me calce percus-
sisset, diceretis mihi, Voca illum in
ius: Nihil putabai interesse inter asi-
num & hominem brutum, nullâque
virtute præditum: ac vehemèter ab-
surdum videri, non pati ab homine,
quod ab animante brutopassurus sis.
Laer. l. 2.

Idem.

Cum nō irasceretur illi à quo con-
uiciis multis aspersus esset obiurga-
tus cur taceret? Mihi, inquit, suis di-

Etis non obeſt, quandoquidem talis non ſum, qualem ipſe me eſſe dicis. Eraſm. l. 3. apoph.

Idem.

Cum Xantippe in publico pallium marito detraxiſſet, ac familiares admonerent, vt tantam iniuriam manu vlciferetur: Pulchrè, inquit, nimirum vt nobis colluſtantibus acclametis, Eia Socrates. Eia Xantippe. Nam huiusmodi vocibus ſpectatores animant duos inter ſe commiſſos. Maluit autem vir ſapiens tolerantia exemplum de ſe præbere, quam ridiculum exhibere ſpectaculum viri cum vxore certantis. Laër. l. 2. c. 1.

Idem.

Quum Xantippen diu rixantem viliſſet in ædibus, ac tandem feſſus conſediſſet ante fores, illa magis irritata quiete viri, de fenestra perfudit eum lotio. Ridentibus qui præteribant, & ipſe Socrates arridebat, dicens, Facile diuinabam, poſt tantum tonitru ſequuturam eſſe pluuiam. Laër. lib. 2.

Idem.

Sunt qui putent Socratem ſimul aluiſſe domi duas vxores. Myrrho & Xantippen. Proinde demiranti cuidam, in quem tandem uſum aleret duas mulieres, præſertim rixoſas, nec eas domo exigeret? Hæ, inquit, me domi docent tolerantiam: qua in publico vtendum eſt: harum moribus exercitatus, commodior ero ad aliorum conſuetudinem. Hunc percontorem A. Gellius facit Alcibiadem.

Idem.

Alcibiadi demiranti, quod Xantippen ſupra modum rixoſam domi perpereretur: Ego, inquit, iam pridem hiſ ſic aſſueui, vt non magis offendar, quam ſi rotæ, quæ aquam educit e puteo, ſtridorẽ audiam. Nam is ſtridor

moleſtiſſimus eſt inſuetis: eundem qui quotidie audit, adeo moleſtè nõ fert, vt ſe audire nesciat. Laër. l. 2.

Idem.

E palæſtra redeuntẽ Euthydemum, caſu factus obuius, duxit ad cenam. Illis autem inter ſe multa commentantibus, Xantippe irata ſurrexit, multaque in maritum dicit conuicia: quibus cum ille nihil comoueretur, tandem, & menſam ſubuerſit. Quum autem Euthydemus valde perturbatus, ſurgensque abire cœpiſſet: Quid habes? inquit Socrates, nõne nuper hoc idem accidit domi tuæ, vt gallina ſubuolans, euerterit quæ erant in menſa? Eo tamen ob id non indignabamur. Laër. l. 2.

Idem.

Idem colapho percuſſus à quodam in via, nihil aliud reſpondit, quam quod homines nescirẽt, quando prodire deberent cum galea. Simile quoddam Laër. aſcribit Diogeni lib. 6. ſed Bruſ. l. 5. c. 1. Socrati, quemadmodum & alij.

Idem.

Quum in Ariſtophanis comœdia acerbis conuiciis proſcinderetur, & aſtantium quiddam diceret, Cur hæc non moleſtè ferret? nõ ægrè, inquit, in theatro fero, cum hic perſonis omnia liceant. Laër. l. 2. c. 1.

Plato.

Quodam ei maledicente, Perge, inquit, maledicere, qui bene nunquam didiceris. Stob. ſer. 17.

Diogenes.

Pinguẽ ſaliuam à quodam in facie quum accepiſſet, nihil motus ait: Affirmabo, falli omneis, qui negarint te os habere. Solidam illam cõtumeliam nõ modò equo animo tulit Cynicus, ſed ioco etiã irriſit. Bruſ. lib. 5. cap. 1.

Idem.

Cuidam diueni, Multi te derident
6 Dio-

ô Diogenes: Et illos, inquit, fortassis, asini. Altero subiciente, sed illi non curant asinos: Nihil magis, inquit, ego ipsos. Asinis irisionem tribuit, quod subinde nudatis dentibus irisionis speciem præbeant. Quin & deridentes quempiam, mota ab aure manu imitantur asininas auriculas. Videtur igitur & asinus motis auriculis irridere homines, nemo tamen offenditur. Laër. l. 6.

Idem.

Conuiciis lacessitus à quodam, de crimine proditoris infami, Gaudeo, inquit, me tibi factum inimicum: quando tu non hostes, sed amicos laedere soles. Eras. l. 8. apoph.

Idem.

Platoni ipsum ob vitæ sordes canem appellant? Sanè, inquit, nam ad eos qui me vendiderant recurri. Solent enim canes si vendantur, ad veteres dominos recurrere. Non offensus est conuicio, sed commodè interpretatus est. Quum Aeginam nauigaret interceptus est à piratis, atque in Cretam perductus, ibique venditus. Laër. l. 6.

Idem.

Cùm de ferenda iniuria disputasset, adolescens proteruus veluti periculum faciès, an re præstaret ea quæ docebat: inspuat illi in faciem. Tulit hoc leniter: Non quidem, inquit, irascor, sed dubito tamè an propter id irasci oporteat. Laër. l. 6.

Idem.

Ei à quo trabe fuerat percussus, dicenti, Caue: Num, inquit, iterum me ferire vis? Brus. l. 3.

Idem.

Cuidam ipsi dicenti, plurimi te derident: At ego, inquit, non derideor. Id autem videtur à diuinitate ut aliquis te percuriat tu tamen non percutia-

ris: sed Diogenes negauit se derideri, siue quod non esset ridiculus, siue quod existimaret hominum irrisionem nihil ad se pertinere. Laërtius lib. 6.

Cleanthes.

Appellatus asinus agnouit conuicium, dicens se solum esse parem ferendæ Xenonis sarcinæ. Siue quod Zenoni non multum esset suppellestilis, siue quod vnus illius austeritate nihil offenderetur. Laër. l. 6.

Antisthenes.

Qui nos maledictis incescerent, eos magis tolerandos dicebat Antisthenes, quàm qui nos lapidibus impeterent. Verba enim non lædunt, si quis contemnat. Vide verò num forte hic sit sensus: toleratiores esse, qui conuicia patienter ferrent, quàm si quis lapidibus impetitus ferat. Quorundam enim dicta grauius sauciant quàm lapides. Quod si indecorum esset graui viro lapidibus reperere à quo petitus fuerat, æque indecorum sit in conuiciantè regerere conuicia. Laër. l. 6. c. 1.

Idem.

Quum accepisset, Platonem de ipso malè loqui, nihil commotus: Regium est, inquit, quum feceris bene, audire malè. Quanquam hoc idem aliis ascribitur. Excelsi animi est ingratitudine hominum non deterre-ri à studio bene merendi de omnib. Laër. l. 6. c. 1.

Solon.

Despuentem quandam ferebat. Quum autem alter quidam eum propterea accusaret: Atqui, inquit, piscatores ut gobium vnum capiant, patiuntur se aqua marina conspergi ego idem ferre non sustineant, ut hominem capiam? Max. sermone 42. Idem dictum est ab Aristippo, quem

Dionysius tyrannus conspuerat. Laert. lib. 2.

Idem.

Quum à quodam conuiciis inceseretur, tacitus abiit, verum quum maledicus sequeretur abeuntem dicens, Cur aufugis? Ideo, ait, tibi siquidem potestas est loquēdi ea quæ vis. mihi verò data est potestas ea non audiendi, quæ audire nolo. Laertius lib. 2.

Anacharsis.

Ab adolescente in conuiuio pulsatus: Adolescens, inquit, si nunc vinum non fers, aquam feres cum senueris Moderationis erat, & patientiæ, quod adolescentis proteruiam vino imputauit. Laert. l. 1. c. 9.

Dion. Alexandrinus.

Multis conuiciis ac probris à quopiam laceffitus, non respondit. Ceterum ubi intra ædium suarum vestibulum venisset (nam eo usque conuiciator fuerat infectatus) nihil se turbatum ostendens, hoc tantum dixit: Ne gry quidem maledictis tuis respondeo. Stob. ser. 19.

Demosthenes.

A quodam conuiciis laceffitus: Nolim, inquit, tecum in hoc genus certaminis descendere, in quo qui vincitur, ipso victore melior est. Sto. ferm. 19.

Aristides.

Aristides quum iret exulatum, sublati in cælum manibus deos comprecatus est, sic prosperarent res Atheniensium, ut illis Aristides nunquam veniret in mentem. in rebus enim affictis solet populus ad egregios viros confugere, id quod euenit. Siquidem tertio post anno, quum Xerxes Articam adoriri statuisset, Aristides ab exilio reuocatus est. Plut. in eius vita.

Idem.

Suprà de Magistratu & gubernatione Reipub.

Herodes sophista.

Suprà de Assuetudine.

Phocion.

Quum apud Athenienses verbum faceret pro concione, reprehendens in ipsis ingratitudinem, subirata voce dixisse fertur: Malle se damnum ab aliis accipere, quam damnum etià pro meritis inferre. Ælianus lib. 2. de Var. hist.

Idem.

Iniuria vxori suæ facta, tantum ab autoris accusatione abfuit, ut cū ille sponte metu percussus Phocionem accederet & veniam postularet inquit, ignorasse quod eius vxor fuisset in quā iniuriolosus fuerat, hoc sermone sit usus: Mea quidem vxor nihil abs te affecta est, sed fortassis alia quæpiam: proinde nō est, cur excusationem apud me dicas. Muso. apud Stob. ser. 17. Idem de Pisistrato refert. Plut.

Idem.

Phocioni cū poculum cicuta temperatum porrigeretur, percontatus est quispiam, si quid filio vellet dicere? nam is aderat. Ego, inquit, tibi fili præcipio, atque etiam obsecro, nequid ob huius rei memoriam atheniensibus malè velis. Ceteris morientibus præcipuum solatium esse solet spes vindictæ: hinc illud curæ fuit, ne filius patris iniustam necem vlcisceretur. Plut. apoph. Ælianus. l. 12. de Var. hist.

Idem.

Post Antipatri obitum, quum Atheniensem resp. ad gubernationem popularem redisset, Phocion in concione capitis damnatus est. Atque huius quidem amici cæteri, qui simul cum

cum illo damnati fuerant, fientes ducebantur : Phocion autem tacitus ibat. Cui ex inimicis quispiam factus obuius , post conuicia in faciem expuit. Tum Phocion ad magistratus respiciens: Non hunc inquit, compectet aliquis indecorè se gerentè ? De tam atroci contumelia: quæstus non est , nec flagitauit vindictam aduersus eum qui præter leges sæuirent in hominem damnatum , tantum cohiberi iussit exemplum bonis moribus aduersum , & immane facinus nõ aliud quam indecentes mores appellauit. Plut. in apoph.

Idem.

Phocionem , quum pro concione dicentem quidam petulantissimè maledicus interpellaret , multis conuiciis in illum debacchās , omisit quod coeperat, locumque dedit in maledico. Postquam ille vix dicendi fecisset finem , Phocion reuersus in suggestum placido vultu , perinde quasi nihil esset dictum , coeptam orationem persequutus est. De pedestribus , inquit , copiis audistis : superest vt de velitibus ac leuis armaturæ milite dicam. Plut.

Timotheus.

Dicebatur dux fortunatus. Huic inuidentes nonnulli , pinxerant ciuitates vltro se reti implicare, ipso dormiente. Hac contumelia nihil offensus Timotheus , ciuilitè respondit: Si tantas vrbes capio dormiens, quid faciam vigilans? Plut. in apoph.

Telercus.

Ad fratrem ciues criminantem, quod asperius secum quam cū illo se gererent : Tu, inquit, iniurias patiens scis? Plut. in apoph.

Agésilæus.

Audiens, quosdam clam sibi infensos esse , non tantum de vltione co-

gitauit : sed in militum duces elegit , & magistratus accusatos defendit , & hac arte ex hostibus sibi amicissimos reddidit. Qua prudentia quid vtilius , qua mederi maleuolis maluit , quam vlcisci. Plut. in Lacon. apoph.

Idem.

Ad Larissæos , qui non iuuerant res hostium. Xenoclem & Scythen legatos misit , vt amicitiam inirent. Verum hos quum Larissæi contumeliose tractassent , alij hoc factum grauitè tulerunt , & admonuerunt Agésilæum. vt hoc factum contra ius gentium admissum, admoto exercitu vlcisceretur. At ille negabat, se vel vniuersam Thessaliam hac conditione velle capere , vt ex his quos miserat, alterius faceret iacturam: amissurus utrūque, si illos bello lacerasset. Ibidem.

Agis vltimus.

Cum captus ab Ephoris condemnaretur , ac iam duceretur ad mortis supplicium , vidit quendam rei indignitate ad fletum moueri. Cui ait : Desine meas vices flere. Morio enim præter ius & æquum , sumque multo melior his qui me occidunt. Ibidem.

Cleomenes.

Suprà de Malitia.

Lysander.

Quum multis contumeliis à quodam assiduè afficeretur : Dic , inquit , ô amicule , dic dic , nihil omittas, si quatum animum malis quibus videris plenus, valeas exonerare. Ingētis animi argumentum , ne ira quidē dignum arbitrari maledicum , quum in promptu esset vltio. Plut. in Lac. apoph.

Lycurgus.

Post reformatam Rempubl. cum

à populo ferè dilapidatus esset, in ea seditione Alexander pertinacius insequens, fuste respicienti Lycurgo in tergum, extrudit oculū. Verū hūc Alcandrum cū noxæ deditum publico decreto accessisset puniendū, nec vllō affecit incommodo, nec incusauit: sed cū illū sui instituti sociū haberet effecit, vt & ipsum Lycurgum, & vitæ rationē quam cū eo egerat, prædicaret: nec victū modō, sed vniuersam ciuium educationem amaret, quam Lycurgus induxerat. Porro mali quod acciderat monumentū locauit dicatum in tēplo Minervæ, cui ab æreo delubro nomen Chalciæco, deæque cognomentum addidit, vt Optiletis diceretur, nā Dores Lacedæmonē incolentes, oculos optilos vocant, ab *ὀπτιλος* quod Græcis sonat video. Insignis tolerantia exemplum, quæ ex hoste capitali reddidit amicum ac propugnatorem: quem etiam si negasset, vt ipsi licuit, nihilo tamen minus ipse fuisset luscus, & vno legum suarum defensore minus habuisset. Plutarch. in Lacon. Stob. serm 17.

Anonymus.

Duo pueri inter se pugnabant, quorum vnus alteri lethale vulnus infixit. Puerorum autē sodales, cū saucius ille moriturus esset, polliciti sunt illi vindictam, sicque vulneris authorem interfecturos. At ille: Nequaquam, inquit, per deos. Non enim æquum est: quandoquidem & ipse hoc facturus eram, si anteueritsem, sique strenuus fuisset. Indolē verē Laconicam, qui victus ac moriens, iuste tamen victori fauebat: quod virtute, nō dolo superasset aduersarium. Quid talibus ingeniis felicitus si à teneris ad veram virtutem fuissent instituta: potiusquam ad mi-

litarem duritiem? Plut. in Lacon.

Alius.

Quidam Laconi dixit, Mētiris: ille contrā, Nimirum, inquit, liberi sumus, alij verō nisi vera dixerint vapulant. Nihil commotus est Lacedæmonius, sed atrox cōiucium elusit ioco. obiret taxans maledicum, quod ipse non esset Lacedæmonis, atq; ob id nec liber. Porro serui si quid fallant mendacio, lorīs emendantur. Ibid.

Lacones.

Lacones cū Deos comprecāter, hoc votis addūt, Vt possint iniuriam pati: quod neminē iudicarent ad gerendum imperium, aut alioqui magnas res obeundas idoneum, qui quis iniuria commoueretur. Plut. in Lacon. apoph.

Ephori.

Suprà, de Clementia.

Archelaus.

Quum à quodam aqua conspersus esset, amicis illum aduersum eum qui hoc fecerat inflammantibus: Imō, inquit, non me conspersit, sed eum quem esse putauit. Quid hac moderatione ciuius? Hoc exemplo, facili decet iis ignoscere, qui licet in præpotentem, tamen imprudentes delinquant. Plutarch. in apophthegm.

Demonax.

Quum athletam reprehendisset, quod victor in Olympiis cultu molli vteretur, lapidem illi iracundus incussit in caput, ita vt sanguis ex vulnere proflueret. Id factum indignē ferentes qui aderant, hortati sunt, vt adiret procōsulem: Nequaquam, inquit, o viri, a d proconsulem, sed ad medicum potius. Prius esse debet homini, vt malo accepto medeatur, quā vt regerat in alterum. Eras. Ror. l. 8. apoph.

Pausanias.

Quum Atheniensium exules hortentur Pausaniam, vt aduersus Athenienses moueret exercitum, dice rentq. quòd quū in Olympiis præco nis voce pronuntiaretur victor, soli Atheniēses ipsum exhibilassent: Cūm hoc, inquit, fecerint in bene meritū, quid facturos creditis, si illis malè fecero? Insigne moderationis exemplum, vñhil tam atroci commoueri contumelia. at idem ingenij mirè solertis argumētum, quod efferebatur, velut instigaturum Pausaniæ animū ad suscipiendum bellum, id in partē diuersam retorquere. Plut. in Lacon. Irē supra tit. de Malitia attribuitur. Philippo regi Maced.

Thrasibulus.

Quum populum Atheniensium à triginta tyrannis pulsum restituisset, plebiscitum tulit, ne præteritarū rerum fieret mentio: legēmq. *απαυγρίας*, id est obliuionis inuexit. Plut.

Agathocles.

Obsidens urbem quandam, nonnullis ē muro cōiucia in ipsum iaculantibus, dicētibusq. Figule, vnde militibus tuis persolues stipendiū? Ille placidus ac ridens respondit, Quum hanc cæpero. At cūm vrbe vi potitus esset, venderētq. captiuos: Si me, inquit, denuò cōiucii affeceritis, apud heros vestros querar de vobis. Ciuiler illis exprobrans & intempestiuam maledicentiam, & seruitutē maledicentiæ præmium. Plut. in apoph.

Epaminondas.

Ciuum suorum iniurias patientissimè ferebat, dicens esse nefas irasci patriæ: quemadmodum parentum iniurias vlcisci pietas vetat. Eras. lib. 5. apoph.

Philippus.

Suprà, de Malitia.

Alexander.

Cūm accepisset esse quendam qui conuiciis ipsum impeteret: Regium est, inquit, quum facias bene, audire malè. Nihil hoc dicto generosius, quanquam idem & aliis ascribitur. Plutarch.

Iuba.

Suprà de Iocose dictis.

Antigonus.

Nocte quadam milites imprecantes regi audieus, nil dixit aliud, postquam incognitus eos ex lutosā via extricasset, quā: Nunc conuiciis aspergite Antigoni, cuius vitio nunc laboratis: & benedicite eidem, qui ex his vos ærumnis liberauit. Eras. lib. 4. apoph.

Idem.

Cūm in exiguo quodam castello Græci obsiderentur, & loci fiducia freti contemnerent regem, ob corporis deformitatem, ac nunc staturam humilem, nunc collisum nasum deridentes: Gaudeo, inquit, & boni quidpiam spero quandoquidem & Silenum habeo in castris. Quasi diceret, sensuros eos esse suo tempore virum quem nunc immeritò derident. Eras. l. 4. apoph. Vide prouerb. Silenus Alcibiadis.

Sylla.

Suprà, de Patientia iniuriæ.

M. Cato.

A quodam in balneo percussus, obiurgatus ab amico, cur hoc pateretur? ait: Non memini me percussus esse. Sensit eam iniuriam æquo animo ferendam esse, cuius dolorem non diu sentias. Plut.

Idem.

Quum Catoni causam in foro agenti, Lentulus attracta pingui salua in mediam frontem quantum po-

terat expuisset, absterfit Cato faciē, ac dixit: Affirmabo omnibus Lentule, falli eos qui te negent os habere. Os habere negantur, quos nihil pudet: id quum eo facto maximē declarasset Lentulus, tamen Cato ludens, profitetur illi esse os: non quod erubesceret, sed quod ore multam purulentia eiacularetur. Eras. l. 5. apoph. Idem suprà Diogeni tributum est à Brusonio.

M. Bibulus.

Suprà, de Clementia.

Augustus Cæsar.

Suprà, de Clementia.

Tiberius Cæsar.

In senatu dictis quorundam hominum parum honestis aspersus, admonitus ut maledicos puniret: Non tantū, inquit, habemus otij, ut implicare nos pluribus negotiis debeamus. Si hanc fenestram aperueritis, nihil aliud agi finetis? Eras. l. 6. apoph.

Idem.

Quum iocis, cōiuciis, famosis carminibus ac rumoribus frequēter impeteretur, amicis ad ultionem hortātibz respondit: In ciuitate libera, linguam, mentēque liberam esse debere. Ibidem.

Cassius Suerus.

Suprà de Patientia iniuriæ.

Theodosius.

Ab amicis interrogatus, cur neminem eorum à quibus afficeretur iniuria, capitis supplicio damnaret? Vtinam (inquit) mihi daretur, & mortuos ad vitam reuocare. Docuit hoc dicto sapientissimus princeps, ad priuatas iniurias hominem debere esse facilem ad ignoscendum. Eras. l. 8. apoph. ex hist. Eccl.

Otho imper.

Suprà, de Morientium monitis & doctrinis.

Fridericus in pera.

In Fridericum Cæsarem tertium, cum nonnulli dicta probrosa iactassent, referentibus aulicis: An nescitis, inquit Fridericus, principes quasi signum ad sagittam expositos esse? Turres quidem fulgura præaltas feriunt, humilia tecta prætereunt. At nobiscum bene agitur, si verbis tantum impetimur. Innuens eum qui conuitia, velut dicta quibus nihil leuius, formidat, vix toleraturum popularium impetum. Æneas Syluius lib. 2. Comment. de rebus gestis Alphonfi.

Alphonfus.

Nonnullos de se benè meritos sed ipsum probris clam solitos lacerare, cum audisset: Regum esse, inquit, non solum benefacere, sed mala etiam patienter audire. Legerat nimium rex prudentissimus, Lacones deos comprecatos, ut possent iniuriam pati: quod neminem iudicarent idoneum ad gerendum imperium, qui quauis iniuria commoueretur. Panor. l. 1. de reb. gest. Alphonfi.

Idem.

Audiens à suis, quantum maledictis proscinderetur ab inimicis suis, respondit: In huiusmodi iniuriis non quid dicatur, sed à quo dicatur, in primis animaduertendum esse. Idem l. 3. de reb. gest. Alphonfi.

Idem.

Intellexit se multis maledictis à quodam apud externos traductum esse, qui tamen mox accessit imploraturus eius auxilium. Nec tamen inde corè se gessit: immò parum hoc referre dixit: se enim benefactorū potius, quàm vanè dictorū memorè esse. Panor. l. 1. de reb. gest. Alphonfi.

Ludouicus xij. Gall. rex.

*Lugduni, viuēte Caro, viii. rege, depre-

deprehensus à quibusdā aulicis, multis verborum contumeliis vexatus est. Carolo mortuo, propter Ludouici ad regnum receptionem turbati aufugerunt: sed ille absentes sua sponte reuocauit, pristinaeque restituit dignitati, dicens, Priuati personam exui: Rex constitutus hæc maledicta non curo neque vlscisci deceui. Annal. Franc.

De vnguentis.

Socrates.

Aiebat, vnguenta relinquenda foraminis, in iuuenibus nullum vnguentum melius olere, quam oleum, quo inter exercendum utebantur. Nam amaracino, aut foliato, protinus idem olent seruus & ingenuus. Rogatus quid senes olere deceat? Probitatem, inquit. Rogatus, ubi hoc vnguentum venderetur? recitauit Theognidis carmen,

ἰσχυρὸν ἢ δ' ἀπ' ἰσχυρὰ διδασκῶν.

id est,

Qui bonus est, ab eo bona discito.

Huius generis quædam cogerit Xenophon in conuiuio. Erasmus lib. 3. apophth.

Idem.

Cum taxaret vnguentis delibutos, Phædon interrogatus, quisnam adeo vnguentis delibutus esset? Cui respondit Aristippus: Ego, ait, infelix: sed me multo infelicior Persarum rex. At tu vide, inquit, ut quemadmodum hac parte nullo cæterorum animalium est superior, ita nec hominum villo sit præstantior. Quo dicto sensit, vnguentis & odoribus hominem nihilo fieri meliorem: cum & equus balsamo oblitus, idem oleret quod rex: & mendicus vnguento simili de-

libutus, non minus bene olet quam summus pontifex. Laërtius libro secundo.

Anacharsis.

Oleum dicebat esse venenum, insaniam gignens, eo quod athletas videret vinctos in se inuicem insanire. Nec olei usum, ut arbitror, nouerant Scythæ: ut quod nec apud illos proveniret, nec aliunde importaretur. Athletæ non pugnant nisi vincti: putant enim corpus fieri robustius, at Scythia simulabat se credere illis oleum esse causam insanie. Laërtius l. 1. cap. 9.

Diogenes.

Nactus vnguentum, eo pedes inunxit, præter morem publicum. Id admirantibus, dixit: Quoniam vnguentum capiti infusum exhalatur in aerem, à pedibus autem ascendit ad nares. Similiter alius reprehendit publicam consuetudinem qua coronas capiti imponunt: cum magis conveniat infra nares ponere, quod fragrantiae vapor non tam descendat quam ascendat. Laert. l. 6.

Idem.

Cuidam habenti capillos vnguento delibutos: Caue, inquit, ne capitis suaueolentia, vitæ maleolentiam adducat. nam Græcarum vocum iucundam affinitatem utcumque reddere studuimus, *Ἀσπίαν* & *Δυσωδίαν*. Vnguentum enim in viro arguit vitæ molliciem: Fama porro velut odor est hominis. Simile quiddam dixit Martialis: Ne uole, non bene olet, qui bene semper olet. Laert. lib. 6. & Stobæus.

Idem.

Aiebat, faciles esse deos ad donandam hominibus vitam: cæterum hanc ignorari ab his qui querunt vnguenta. Laert. l. 6.

Lycurgus.

Vnguenta eiecit ē republica, tanquam olei corruptelam ac perniciē. Nam oleum (inquit) odoribus viriatum, nullum habet vsum, nec ad esum, nec ad membrorum vntione: atque dum rem necessariam ad delicias corrumpunt, fit vt minor sit copia. Plut. in Lacon. apoph.

Fl. Vespasianus.

Ei cum adolescens quidam gratias ageret pro impetrata praefectura, quoniam vnguento fragrabat, & nutu contemptus est, & grauitur increpitus: Mallem, inquit Vespasianus, allium oboluisses. Mox & literas concessas reuocauit. Suetonius in eius vita.

Vide apoph. de fuco, & mendacio.

De voce atque clamore.

Zeno Citrius.

Formam dicebat esse vocis florē: aut contrā, quemadmodum ab aliis refertur, vocem esse formae florem. Nam oratio composita gratiam addit formae. Laer. l. 7.

Idem.

Dicebat, eos qui differunt, similes esse oportere tragœdiarum actoribus: quibus vox magna, bonaque latera debent esse, cum os immodicē non diducant, quod faciunt ij, qui plurima loquuntur, sed supra vires. Dum enim os diducunt, declarant se satagere verius, quā agere. Ibidem.

Anonymus.

Carneades fertur admodum fuisse vocalis. Itaq; quodam tempore gymnasiarcha, id est, scholae princeps, misit qui diceret, ne tantopere clamaret, cui respondit: Da mihi vocis

modum. Ad quod rursus eleganter princeps: Modum habes, nempe auditores. Siquidem pro numero auditorum temperanda vox est. Laer. lib. 4. cap. 9.

Demosthenes.

Audiens oratorem quendam immodicē vociferantem, Non, inquit, quod magnum est, bene est: sed quod bene est, magnum est. Hoc & aliis ascribitur. Erasmus libro quarto apophth.

Idem.

Quodam tempore vox Demosthenis inter concionandum defecit, ob multitudinis fremitum. Id obiectantibus, ita respondit: Histriones ē voce iudicare par est, oratorem ē mente Graeca iucundius sonant. *Varro* *neque enim in tunc pariter, tale si in tunc in tunc in tunc.* Histrion seruit populo, orator consulit: ille delectat, hic prodest. Ad bene consulendum non refert quā sit vocalis, sed quā opportuna suadeas. Actorī voce opus est, quē vincat multitudinis fragorem: orator talis esse debet, vt populus ipsum vltro tacitus & attentus auscultet. Eras. l. 8. apoph.

Isocrates.

Inter familiares dicere solitus est, se quidem docere decem minis: ceterum qui ipsum docuisset audaciam & vocalitatem, mercedis loco accepturum decem millia. Nam vocis exilitas & animi timiditas reddebant Isocratem ad dicendum inutilem. Haec autē quoniam naturae sunt, non artis, à praeceptoribus dari non possunt Ibid.

M. Cato.

Quando docebat iuvenes intrepide pugnare, saepenumero dicebat, verba plus quā gladium, & voces plus quā manum, hostes in fugam vertere,

vertere, attonitosque reddere. No-
lebat militem in prælio mutum esse:
sed atrocibus, dictis, clamore, vultus-
que truculentiâ terrere hostem. Plu-
tar. in Rom. apoph.

Cicero.

Oratores, qui inter dicendum vo-
ciferarentur, dicebat claudis esse si-
miles, qui sic ad clamorem, ut illi ad
equos, confugerent. Hoc genus ho-
mines & hodie videre est, qui cum
sentiunt se causa inferiores, ad furio-
sa iurgia confugiunt: ut quoniam ra-
tionibus persuadere non possunt, im-
probitate meiâque extorqueant. I-
bidem.

Idem.

Cum M. Cælius, qui credebatur
à parentibus non liberis natus, epi-
stolam apud senatum clara firmâque
voce recitasset. Ne miremini, inquit
Cicero, nam hic vnus ex his est qui
proclamarunt, significans, illum fuisse
se præconem, & hoc usu contigisse
ut esset vocalis. Solent autem serui
venales voce præconis commenda-
ri. Eras. l. 4. apoph.

De voracitate.

Zeno Cittius.

Cum in quodam conuiuio vidis-
set hominem immoderatus ob-
sonia vorantem, ipse piscem ingen-
tem continuo è patina sustulit, quasi
solus deuoraturus. Alter intuens Ze-
nonem, eius admirabatur impuden-
tiam. At quid, inquit, putas conuictio-
ribus tuis accidere quotidie, si meâ
opsophagiam ferre non potes? Laër.
lib. 7.

Diogenes.

Vulgo canis dicebatur. Sunt au-
tem canum multa genera, sunt enim

venatorii, sunt aucupatorii, sunt cu-
stodes onium & ædium, sunt qui ha-
bentur in deliciis. Ergo percontanti
qualis ipse canis esset, lepidè respon-
dit Esuriens Melitæus: satur, Molos-
sus, quod cibi appetens, blandiretur:
saturatus, morderet. Laër. l. 6.

Corydus.

Cum Chærephon nudus in conui-
uium distenderetur. O Chærephon,
inquit, nunc te veluti lecythos in-
tueor quousque plenus sis. in lecy-
this vitreis apparet, quousque plenæ
sunt, si eximantur è thecis. Ita in cu-
te illius apparebat expletio totius
corporis. Eras. l. 6.

De votis.

Diagoras.

Cum in Samothraciam venisset,
Catque ei amicus quidam dixis-
set, Tu qui deos putas humana ne-
gligere, nonne animaduertis ex tot
tabellis pictis, quàm multi votis vim
tempestatis effugerint, in portum-
que salui peruenerint? Ita fit, inquit.
Illi enim nusquàm picti sunt, qui nau-
fragium fecerunt, & in mari perie-
runt. Bruti 7. c. 15. Risit ethnicam su-
perstitionem: quid enim possunt ido-
la & res ludicræ ac nihili?

Diogenes.

Eos summopere reprehendebat,
qui, si quid secus euenisset, fortunâ
incusarent: id quod vulgus hominû
solet, dicens ipsos homines potius
incusandos, qui postularent à fortu-
na, nò quæ verè bona essent, sed quæ
ipsis bona viderentur. Nam si permit-
terent diis, quæ ipsi iudicant optima
dare, darent. nunc acceptis his quæ
flagitarunt, impudèter incusant deos.
Laër. lib. 6.

Anonymus.

Lacon quum voto se obstrinxisset, quod se de Leucate petra precipitem daret, conscendit montem, & conspecta altitudine sese auertit. Id cum illi probri gatia obiiceretur: Non putaram, inquit, illi voto maiore voto opus esse. Ioco elusit inconstantiae formidinisque crimen. Etenim qui facinus arduum concipit animo, prius est diis optare debet animum facinoriparem Plut. in Lacon.

Augustus Cæs.

Cum Caium ex filia nepotem in Armeniam mitteret, optabat à diis, ut illum Pompeij beneuolentia, audacia Alexandri, ipsius autem fortuna comitaretur. Quod in singulis erat precipuum, id optabat vni contingere. Illud autem singularis cuiusdam erat modestiae, quod vir ingenio, doctrina, consilioque praestans, sua praeclare gesta fortunae adscribebat. Plut. in apoph.

De vrbani- tate.

L. Crassus.

M. Brutus, cum in accusatione C. Planci duos lectores excitasset & alteri de colonia Narbonensi L. Crassi, qui reo Bruti aderat: orationem legendam dedisset: alteri, de lege Seruilia, ex his demonstrans, illum sibi pugnancia scribere: Crassus vicissim tres Bruti patris de iure ciuili libros tribus legendos dedit, in quorum primo erat. Fortè euenit ut in Priuernate essemus, hic Crassus: Audis Brute, pater testificatur se tibi fudum Priuernatem reliquisse, In secundo libro scriptum erat. In Albano eramus ego & Marcus filius. hic rursum Crassus: Norat hunc gurgi-

tem, metuebat ne cum is nihil haberet, nihil esse ei relictum putaretur. Tum ex tertio recitatum est, Cum in Tiburti assedimus ego & Marcus filius: tum Crassus, Vbi sunt hi fundi Brute quos tibi pater publicis commentariis consignatos reliquit? Quod nisi puberem te iam haberet, quartum librum coposisset, & se etiam in balneis locum cum filio scriptum reliquisset. Ita Crassus duos lectores aduersum se à Bruto excitatos tribus aduersus ipsum productis vltus est. Hoc vrbani-
tatis exemplum refert. M. Tullius, quod non astringitur paucis verbis, sed per orationem fufum est. Eras. l. 6. apoph.

De vrbium muniti- onibus.

Lycurgus.

Percontantibus cur prohibuisset vrbem cingi muris? Quoniam, inquit, non caret mœnibus ciuitas, quæ non lateribus, sed viris cincta est. Indicauit id genus munimenta magis arguere ciuium ignauiam quam fortitudinem. Plut.

Agis Archidami F.

Cum præteriret Corinthiorum mœnia, conspiceretque excelsa munitaque esse, & in longum porrecta spatium. Quæ sunt (inquit) mulieres, hunc locum inhabitantes? Inuens, fortibus viris non esse opus mœnibus. Plut. in Lacon apoph.

Agessilaus.

Quum quidam interrogasset, cur Sparta mœnibus non cingeretur? Ciu-
ues armis instructos & vnanimis ostendit, & ait: Hi, hi sunt vrbis mœnia. Significans, eam demum ciuitatem munitam esse, in qua infracti, & bene armati milites essent. Plut. in Lac.
Idem.

Idem.

Suprà de Concordia.

Antalcidas.

Suprà, de Patria fortiter propugnanda.

Theopompus.

Cuidam ostendenti ciuitatis suæ moenia, ac percontanti: num valida & alta viderentur? Minimè, inquit, siquidem sunt mulierum. Sentiens, ciuitatem satis munitam esse, si viros habeat: sin minus, nihil prodesse quamlibet operosa munimenta. Plut. in Lacon.

Panthoidas.

Legatus missus in Asiam, ostendentibus ipsi murū probè munitum: Per deos (inquit) ô hospes, bellum conclaue mulierum. Plut. in Lacon.

Isæus sophista.

Cùm olim Lacedæmonij inirent consilium de ciuitate moenibus cingenda, Isæus sophista, aliis consultantibus Homeri hæc recitauit verba:

Scutum hastæ scuto, galea galeæ, atque viro vir.

Et adiecit: Sic mihi state Lacedæmonij, & muris cincti sumus. Phil. in Sophistis.

Alexander.

Quum audisset de rupe quadam apud Indos, quæ ob sublimitatem, velut auius inaccessa, & opus dicebatur: quòd ipse quidem locus expugnatum difficilis esset, sed qui eum teneret, formidolosus. Nunc inquit, locus capto facilis est, Significans, nihil prodesse munimenta, nisi vir fortis ea tueatur. Arx enim nō tam fofis ac muris tuta est, quàm viris. Plut. in apoph.

Scipio iunior.

Cuidam vallum tallenti, qui se dicebat onere vehementer premi: Nihil mirum, inquit, quando isti ligno

magisquàm gladio fidis. Significans, ideo vallum plus habere ponderis, quia plus apud illum valeret. Quòd si gladis fiderent milites, nihil esse opus vallis. Plut. in apoph.

De vfura & fœnore.

Thales.

A Sfidue in ore habuisse fertur: Noli ditari nequiter. Quo admonuit, vt à turpi lucro vbique abstineamus, ne grauetur proximus. Laert. lib. I. cap. I.

Anacharsis.

Aiebat, forum esse locum mutuis hominum fraudibus ac rapinis destitutum. Notās mores venditium fœneratorum, qui per fas nefasque plebem expilant, nummisq; exhaustiunt. Laert. lib. I. cap. 9.

Antiphanes.

Dicere solebat: Vfuram, quæstumque illicitum, breues habere delicias, longam autem calamitatem. Stob.

Agésilæus.

Quum Agidi persuasisset, vt debitorum fœneratorumque nomina, tabuleque vnâ comburerentur, apportatæ sunt in forum Clarium, ac coaceruatæ, supposito igni, dum concrenarentur, abeuntibus ergo fœneratibus ac diuitibus cum tristitia, Agésilæus illorum calamitates irridens: Nunquam se ignem puriorem vidiffa iactabat. Plut. in Lacon. apoph.

Mufonius.

Rutilius quum aliquando Romæ adisset Mufonium, rogauit: Dic mihi Mufoni, Iupiter Seruator, quem tu imitaris, num fœneratur? Notans illius inopiam, qui cogeretur interdū accipere mutuum. Ad hoc arridens

Mufonius : At ne fœnerant quidem, Retuli. Turpius est ad fœnus dare, quàm accipere. At Rutilius, cum ipse faceret quod grauius est, obiecit illi quod erat leuius. Eras. lib. 6. apoph.

M. Cato.

Ex Catone Censorio quum quispian percontaretur, quid in re domestica maximè expediret? respondit: Bene pascere, bene vestire, & bene agrum colere, & illi qui quæstierat: Quid fœnerari? Cato, Quid, hominem (inquit) occidere? Non minus igitur fœneratorem peccare censuit quàm homicidam. Cicero libro secundo Offic.

Alphonfus.

Fœneratores utpote labores mortaliū depascentes, harpyias vocare solitus erat. Quemadmodum enim Vergilianè illæ Harpyiæ raptu vivebant, sic hodie fœneratores ex pauperum laboribus magnas per nefas opes reponunt sibi & suis. Panormitan. lib. 4.

Idem.

Iustitiæ & æquitatis amator ardentissimus, audiens illicito lucro hominibus insidias à fœneratoribus strui: Fœnus nil aliud sibi quàm animæ funus videri dixit. Damnauit autem vniuersam fœneradi rationem, quæ planè est contra naturæ regulam, cum ex nihilo nihil gignatur. Idem libro tertio de Alphonfi reb. gest.

Bernard. Senensis.

Fœnus ita deum sine peccato exerceri posse affirmavit, si pecunia iis crederetur, qui nec capitalem summam reddere possent. Æn. Syl. de dictis Sigisfundi & Friderici imper. & lib. 3. de dictis Alphonfi.

De vtilitate.

Antisthenes.

Hostes semper observandos esse dicebat, ideo quòd hi primi omnium sentiant, si quid delinquas. igitur plurimum vtilitatis ex his capere possumus, cum errores nostros castigari cognoscimus, ut cognita corrigamus deinceps. Laertius lib. 6. cap. 1.

Anacharsis.

Forum esse locum mutuis hominum fraudibus ac rapinis destinationum, notans mores vendentium, per fas nefasque lucra venantium. Laert. lib. 1. cap. 9.

Xenophon.

Suprà de Hostibus & inimicis.

Lysander.

Cum egregius simulandi artifex euasisset, ac pleraque quæ crudeliter & auarè gerebat, callidis fucis ornaret, iustum non alia re quàm vtilitate, & honestum commodo metiens, fatebatur quidem veritatem mendacio præstantiorem esse, sed vtriusque dignitatem ac pretium vtilitate estimandum. Invertit vir improbus philosophorum dogma, qui quod honestum est, idem volunt vtile esse: hic quicquid esset vtile, idem ducebat honestum. Plut.

Antalcidas.

Suprà, de Comitatu.

Cato Vtiensis.

Cum Romam venisset, reuocatus est ab exercitu: non quidem ut ipsi gratificarentur, sed quod per illum citò Carthaginem se capturos crederet Plutarchus in Romanorum apophtheg.

De vulgi natura, moribus
& iudicio.

Stilpo.

CRateti percontanti, num dij orationibus & precibus delectarentur? Istue, inquit, ô stultre, ne perconteris in via, sed solùm interroga. Subindicās, aut nullos esse deos, aut eos sollicitari de rebus humanis. Sed non expedire tales voces apud multitudinem efferri, cui necessarium esset deorum metu contineri. Huic simillimum est quod tribuitur Dioni, qui eam quæstionem proponenti, verus Homericus, ni fallor respondit:

ὁμῶς ἐμὴ σκεδῶσται, ὅχλοι παλαῶντες ἐν τοῖς θεοῖς.

Non abiges miserande senex turbam procul à me. Laert. lib. 2. cap. 12.

Anacharsis.

Mirabatur, quî conveniret, ut artifices apud Græcos certarent, sed de his iudicarent artis expertes Senties, de artifice neminem rectè iudicare, nisi artificem. In theatro certabant histriones, mimi, cantores & sophistæ, recitabant poetæ: quorum artes cum populus nesciret, tamē aliis applaudebant, alios explaudebant. Idē lib. 1. cap. 9.

Antisthenes.

Omnia mala pro peregrinis habenda esse putavit. Sed vulgus hominum ea tantum probat, quibus assuevit: ab exoticis abhorret, non quidem hanc ob causam, quod per se mala sint, sed quia peregrina. Erasim. lib. 7. apoph. ex Diogenis Laer. lib. 6.

Diogenes.

Suprà, de Laude propter utilitatē.

Idem.

Quodam die theatrum ingressus, ipse aduersus populum nitens ingre-

diebatur. Interrogatus autem, quam ob rem id faceret? Hoc, inquit, in omni vita facere studeo. Sentiens, hoc sapientis esse viri, in omnibus actionibus à multitudine dissidere: propterea quod vulgus hominum cupiditatis agit, nō ratione. Laert. lib. 6.

Chrysippus.

Cuidam reprehendenti, quod non apud Aristonem cum pluribus daret operam philosophiæ: Nunquam, inquit, philosopharer, si cum pluribus auscultarem. Dictum lepidius est apud Græcos, quod πολλοί inter dum sonat multi, interdum vulgus hominū. Sensit, non statim esse optima, quæ placent compluribus. Laert. libr. 7. cap. 2.

Demades.

Cum esset quæstor, populo Atheniensi persuaso ut iis qui ab Alexandro defeuerant triremes auxiliares mitterent, lubentique ut illic pecunias deprimeret. Paratæ sunt, inquit, pecuniæ, ô viri Athenienses, quas in congios deposueram, ut singuli minæ dimidium acciperetis: Verum si has mauultis in hunc usum erogari, per me quidem, ut vobis quidem lubet, ut amini, licet. Hoc sermone fregit impetum populi, nolentis illa distributione spoliari. Sic interdum, ut indomitæ belluæ, arte ad meliora concilia auocandus est populus. Erasim. lib. 6. apoph.

Alciades.

Haebat canem quandam insigni pulchritudine, emptum drachimarū septē millibus. huic amputavit caudam, ac per urbem obambulare passus est, Demicantibus cur id faceret: Ut hoc, inquit, de me loquatur Athenienses, nec alterius rei sint curiosi. Norat ingenium populi, qui de claris viris libenter loquitur male.

DD ij

Illi morbo suppeditaui materiam
leuiorem. Plut. in Græc. apoph.

Phocion.

Populum Atheniensem in concione quum liberius reprehenderet, ei-que Demades diceret: Laniabit te Phocion plebs, si paululum insanierit: Quin, inquit ille, te potius, si paululum resipuerit. Bruf. lib. 7. cap. 17. ex Plut.

Idem.

Quum Atheniensibus proditum esset oraculum in ea ciuitate vnum esse virum qui cunctorum sententiis aduersaretur, ac populus, vociferans iuberet illum inquiri, vt occiderent: Phocion in medium processit: Ego, inquit, sum ille, quem designat oraculum. Mihi enim ea omnia displicent, quæ vulgus ait & dicit. Quo dicto ostendere voluit, inconditam multitudinem, quoniam affectibus agitur, nihil sani nec agere nec loqui. Plut. in apoph.

Idem.

Orationem habens apud Atheniensem populum, placebat omnibus, cumque videret ab omnibus pariter sermonem approbari, conuersus ad amicū: Quid (inquit) num mali quippiam dixi imprudens? Ad eod persuasum habebat, nihil placere vulgo, quod à recto iudicio proficeretur. Plut. in apoph.

Aristides.

Suprà de Probitate damnata.

Themistocles.

Themistoclem cum Athenienses contumelia afficerent, in quos multa contulerat beneficia, aiebat se similem esse platanis, sub quarū vmbra accurrunt homines afflicti tempestate & easdem simul vt abiit tempestas vellunt. Sensit vir prudentis-

simus, vulgi mores esse, vt belli periculis implorent opem fortium virorum, in pace verò contemnunt. Plut. in Græcor. apoph.

Hippomachus.

Quum discipulus suus aberraret arte inter fistulandum, & nihilominus plausum auditorum assequeretur, percussit eum baculo, dicens: Perperam fistula cecinisti, nam alioquin hi tibi non applaudent. Ælianus lib. 4. de Var. hist.

Polycletus.

Eodem tempore duo simulachra fecit: alterum quidem ad vulgi arbitrium, alterum iuxta artis regulas. Gratificaturus autem plebi, ad singulorum accessum transposuit, & commutauit aliquid, morem gerens vniuscuiusque voluntati. Mox proposuit vtrumque: & alterum omnes admirationi, alterum ludibrio ac risui habuerunt. Respondens igitur Polycletus: At hoc, inquit, quod vituperatis & reprehenditis, à vestra arte profectum est: quod verò suspicitis, ego mea facultate sum fabricatus. Ælianus lib. 16. de Var. hist.

Dionysius.

Suprà de Inuidia, quæ plerunque felicitatis & virtutis comes est.

Appianus Claudius.

Quum in censura haberet competitorum Scipionem, Pauli Æmylij filium, populari aure studentem, magna voce: O Paule, inquit, Æmyli, nonne etiam apud inferos indignaris, quod filium tuum Mallius tonsor & Licinius declamator ad censuram producant? Plut.

M. Cato.

Populum Romanum gregi pecudum conferre solebat: quæ singulæ nemini obtemperant, vniuersa autem gregis ducē, sequuntur. Sic & vos, inquit,

inquit, quos nemo vestrū priuatim in consiliū adhibere vellet, ab his hīc congregari, vos agi ducique finitis. Notans populum, quod deterrimis committeret magistratus. Eras. lib. 5. apoph.

Polycarpus.

Polycarpus cūm fidei suæ rationem Herodi proconsuli reddere paratus esset, diēque postularet, quocum proconsule agere posset: Proconsul voluit, vt coram populo se excusaret. Cui Polycarpus: Non faciam, inquit, cūm principibus & potestatibus honos debeatur, modò Deo non sit contrarius: populo autē furenti, satisfacere nemo possit. Euseb. lib. 4. Eccl. histor. cap. 15.

De vulnere & cicatrice.

Crates.

Nicodromus citharædus Crates dictis laecessus, impegit illi pugnum in os, & suggillauit. At Crates fronti imposuit tabellam, in qua scriptum erat: Nicodromus faciebat. Itaque cum liuore suo obambulans, traduxit citharædum: festiuiter alludens ad artificum morem, qui operibus suis inscribunt, Apelles aut Phidias faciebat. Simile quiddam narratur de Diogene pulsato. Laert. libr. 6. cap. 5.

Alexander.

Frequenter dicere solitus est: Vt maximè sanetur vulnus quod illatū est, manet tamen cicatrix. Sensit vir clarissimus, vulnus facile quidem sanari posse, vt dolor omnis auferatur: cicatricem tamen, hoc est iniuriæ factæ memoriam, semper versari ob oculos. Eras. 8. apoph.

Timotheus.

Audiens quendam acceptum in bello vulnus prædicantem, ac corporis cicatrices ostentantem: Et me, inquit, pudit, quod cūm ego in Samo dux vester essem, catapultæ telum prope me ceciderat. Significans, hoc vulnus illi non factum in prælio cominus pugnanti, sed procul. Sic sunt hodie Thrasones, qui vulnera à bombardis corpori inflicta ostentant omnibus fortitudinis gloriam aucupantes: cūm vulnus eminus pugnando fortassis à puero, vel ignauissimo timidissimoque homine acceperint. Eras. lib. 5. apoph.

De vxoribus.

Aristippus.

Mulierem paruam, sed pulchrā conspicatus, Paruum, inquit, malum, sed magnum pulchrū: Vel si maui inuertere sententiam: Paruum quidem pulchrum, magnum autem malum. Nam καλὸν & κακὸν apud Græcos facile permutari possunt. Ant. in Melis. par. 2. ser. 33.

Socrates.

Socrates dicere solebat viros oportere ciuitatis parere legibus, vxores verò maritorum quibus cum viuunt moribus. Norma enim coniugis vir est. Æquitas igitur docet, vt viris tanquam capiti vxores obtemperent. Eras. lib. 3. apoph.

Antisthenes.

Cum his mulieribus habendam consuetudinem dixit, quæ beneficiū beneficio pensent, ἀχρεὶς ἐστίν, id est, quæ gratiā habituræ sint. Senies, abstinendum ab his quæ pretio vendunt inhonestam voluptatem, nec pariunt; nec amāt mutuum: aut à va-

letudinariis, deformibus ac malè moratis, quæ gignunt foetus pœnitendos. Laert. lib. 6. cap. 1.

Theano.

Rogata, quando mulier esset munda à viro? respondit: A suo semper, ab alieno nunquam. Laert. lib. 8.

Phocionis vxor.

In complurium fœminarum cœtu interrogarat, cur sola ex omnibus aureo non vteretur ornatu? Satis, inquit, vxori magnus ornatus viri sui virtus est. Antonius in Melissæ parte 2. serm. 33.

Vide apophth. de Mulierum natura & moribus.

De vxore eligenda.

Pittacus.

Interrogabat quendam, quamobrem vxorem ducere nollet? qui cū respondisset, Quoniam si formosam duxero, habiturus sum communem: si deformem, pœnam. Haudquam, dixit: sed si pulchram duxeris, non erit tibi pœna: si deformem non habebis communem. Stobæus serm. 65.

Idem.

Sciscitatus à quodam, qualem vxorem ducere deberet? respondit, Æqualem tibi ducito. Ipse enim cū domi haberet opulentiorē, habebat etiam morosam & imperiosam. Laert. lib. 1.

Chilon.

Chilonis dīcterium est, vxorem humilem modico apparatu ducendam, ne pro coniuge dominam accersas domum. Sat enim dotata venit puella, quæ pudicitiam & honestos mores secū adfert. Proinde hoc erat vōū ex Laconicis institutis, vt virgines sine dote nuptū irerēt. Laert. l. 1. c. 4.

Cleobulus.

Æqualem vxorem ducendam esse suadebat. Si enim ex superiori familia duxeris, inquit, non affines tibi, sed dominos comparabis. Stobæus. de Temperantia.

Idem.

Præterea dixit, filias viris elocandas esse ætate virgines, sed prudentia matronas. Stobæus. ser. 68.

Antisthenes.

Adolescenti consulenti, Cuiusmodi vxorem ducere expediret? Si formosam duxeris, inquit, habebis communē: si deformē, habebis pœnam. Iucundius id offertur apud Græcos, quibus quo ad voces attinet, minimū interest inter *καλὴν* & *μοῖραν*: quod ad rem attinet, plurimū. Suadebat itaque, media statāque (vt vocant) formā ducendam, quæ nec fastidium viro moueret ob deformitatem, nec ob insignem formam peteretur ab adulteris. Aulus Gel. lib. 5. cap. 11. hoc dictum Bianti tribuit. Laert. autem lib. 4. Bionis Maximus verò serm. 39. Soloni. Cæterum Pittaco etiam attributam à Stobæo paulò iam suprà recensuimus.

Demo ritus.

Interrogatus, cur homo proceræ staturæ, tam parvā duxisset vxorem? Ego, inquit, in malo eligendo, quod minimum erat elegi. Antonius parte 2. ser. 34. Melissæ.

Idem.

Dicebat, cum qui bonum generū nactus sit, inuenisse filium: qui verò malum, simul & filiam perdidisse. Stobæus. ser. 69.

Aureolus philos.

Rogatus, paupérne an dives vxor ducēda esset? Paupérē, ait, alere difficile est: diuitem verò ferre, tormentum. Brus. l. 7. cap. 22.

Lycus.

Lycurgus.

Cuidā percontanti, quā ob causam lege cauisset, vt sine dote virgines elocarentur? Vt, inquit, neque propter inopiam villæ relinquerentur innuptæ, neque ob diuitias expeterentur: sed vt iuuenū quisque ad puellæ mores respiciens, ex virtute faceret electionem. Eadem de causa fucos & ornamenta, quibus aliæ formam vel fingere vel commendare solent, ex vrbe submouit. Plutarch.

Pericles.

Duobus filiam eius ambientibus, quorū alter diues ac imperitus erat, alter verò pauper & studiosus, elocauit eam pauperi: inquiens, illum qui diues fieri possit, meliorem esse quā qui iam sit. Stobæus sermone 68.

Themistocles.

Vnicæ filiæ pater consulebat, vtrum eam pauperi, sed ornato: an locupleti, sed parum probato collocaret? Malo, inquit Themistocles, virum pecunia, quā pecuniam viro indigentem. Valer. Maximus libro 7. cap. 2. Stobæus serm. 83. Cicero autem libro 2. Officiorum, de sua filia id dixisse refert, quemadmodum & Plutarch. in eius vita. & apoph. item Stob. ser. 83.

Olympias.

Quum accepisset, adolescentem quendam aulicum duxisse vxorem eleganti quidem forma, sed famæ parum secundæ: illæ, inquit, non sapit, qui vxorem oculis non etiam auribus duxerit. Forma cernitur oculis, fama auribus deprehenditur. Quidam autem nec auribus, nec oculis, sed digitis ducunt, solam spectantes dotem. Eras. 6. apoph.

Aurelia.

Aurelia Iouiani Pontani filia na-

tu maior, amisso Paulo marito, cum à patre ad secundas nuptias hortaretur: Quin tu, inquit, pater nuptias secundas non inis? (erat enim is etiam viduus). Quia, respondit, nullam matri tuæ similem me reperiturum confido. Eadem cura (respondit illa) me quoque versat pater, quod mihi placiturum Paulo æquè similem sperem neminem. Adrianus Barlandus.

De vxore ducenda.

Menedemus.

CVidam sciscitanti, num sapiens ducenda esset vxor: Num ego inquit, videor tibi sapiens? Quum annuissent. Ego, inquit, vxorem duxi. Superuacuum erat de eo dubitare, quod videret factum ab eo quem iudicabat sapientem. Laert. lib. 2.

Antisthenes.

Suprà, de coniugio & matrimonio.

Theano.

Suprà, de Oeconomia.

Epaminondas.

Cum in cœlibatu viueret, à Pelopida reprehensus est hunc in modum: Non curas tu quidem Remp. qui nullos post te filios relinquis quorum manu patriæ salus ritè defendi possit. Bruf. lib. 7. cap. 23.

Metellus.

Dicere solebat: Si sine vxoribus possemus esse omnes ea molestia careremus: sed quoniam ita natura tradit, vt nec cum iis satis comode, nec sine illis vlllo modo viuī possit: saluti perpetuæ potius, quā breui voluptati consulendum est. Bruf. lib. 7. ca. 22. ex Gell. lib. 1. cap. 6.

M. Cato.

Maiori laude dignum eum
DD iij

censebat, qui bonum se gereret maritum, quam qui in ordine senatorio magis esset. Bruf. l. 7. c. 22.

De vxore non ducenda.

Thales.

Roganti matri ut vxorem duceret, nondum esse tempus, dixit: dein maior natu, Non amplius esse tempus. Stob. serm. 66. Alex. ab Alex. l. 4. cap. 8.

Socrates.

Rogatus ab adolescente quodam, utrum melius censeret vxorē ducere, annō ducere: Vtruncunq; (inquit) feceris, poenitebit, indicās, & coelibatū & coniugium habere suas molestias, ad quas perferendas esset præparandus animus. Coelibatū comitatur solitudo, orbitas, generis interitus, hæres alienus: matrimonium, perpetua sollicitudo, iuges querelæ, dotis exprobratio, affinium graue supercilium, garrula focus lingua, subseffor alieni matrimonij, incertus liberorū euentus, aliāque innumera incommoda. Proinde non hic est electio, qualis est inter bonum & malum: sed qualis inter leuiores & grauiora incommoda. Laert. l. 2. Valer. Max. l. 7. cap. 2.

Idem.

Dicere solebat, tria se mala affecit: Grammaticam, paupertatem, & perniciosam vxorem, quorum duo iam effugisset, perniciosam vxorem effugere non potuisse. Anton. par. 2. Meliss. ser. 34.

Idem.

Quibusdam eum consulentibus de ratione matrimonij contrahendi, dixit, Quemadmodum pisces ô adolescentuli, qui nondum intra nassas

sunt, volunt intrare: qui autem iam intus sunt, volunt exire: sic & vos, ne idem vobis accadat videre. Anton. in Meliss. par. 2. ser. 34.

Plato.

Interrogati cuidam, an vxore ducta philosophari deberet? Cùm nescias, respondit, te solum seruare, an vxorem quoque super humeris te seruatum speras. Stob. ser. 66.

Diogenes.

Suprà de consilio in melius mutato.

Idem.

Interroganti, quando ducenda esset vxor? Iuueni inquit, nondum, seni nunquam. Græcè iucundius, *μυδιωτι* & *μυδανιωτιωτι*, subindicans, prorsus abstinendum à matrimonio. At percontator ille discere cupiebat, quo ætatis anno, aut qua anni parte expediret addiscere coniugē, quem admodum Aristoteles præcipit puellæ decimumoctauum, viro trigessimum quintum: & Romani Aprilem & Iunium existimabant auspiciatum nuptiis, Maium inauspicatum. Laertius libro 6. & Brufon. libro 7. cap. 22.

Aristippus.

A quopiam interrogatus, An sibi ducere vxorē expediret? Negauit. Si enim duxeris, inquebat, formosam habebis communem: si deformem, poenam. Antonius in Melissa, parte 2. ser. 34.

Protagoras.

Rogatus, ob quam causam dedisset filiam inimico nuptam? Quia, inquit, nihil ei dare poteram deterius. Antonius sermone 34. parte 2. Melissa.

Philoxenus.

Cùm quidam eum percontaretur, cur Sophocles bonas introduceret

fec-

foeminas, ipse autem malas? Quia, inquit, quales oporteat esse foeminas, Sophocles dicit: ego vero quales sint. Anton. ser. 34. par. 2. Melis.

Solon.

Quum ad Thalerem Miletum venisset, admiratus dicitur, quod nuptias filiorumque procreationem contempnisset, Thalerem verò tacuisse. Interiectis autem diebus aliquot peregrinum subornasse, qui decimo post discessum die Athenis venisse fateretur. Hic rogatus à Solone, nunquid noui Athenis esset? edoctus ille à Thalete. Nihil aliud, inquit, præter quam quod adolescentis cuiusdam efferebatur funus, ciuitate omni subsequente, quod eius pater virtute & admiratione inter ciues primas obtineret, quem tum abesse dixissent. O illum miserum, Solon ait. Sciscitauerò de nomine, respondit, excidisse memoria: sed ob iustitiam illius, in omnium ore versatum. His Solon in metum coniectus est. Postremò nomen peregrino subiecit, ab eoque contendit, Num illi Soloni nomen esset? Annuente homine. Solon caput cedere cœpit, filium suum obuisse, ratus. Tum Thales ridens ait: Hæc me Solon à nuptiis & procreandis liberis dehortantur quæ te hominem fortissimum infringunt, & tum rem fictam esse ostendit. Plutarch. in Solone.

Phoroneus.

Phoroneus legumlator moriens, fratri dixisse fertur: ad summam felicitatem nihil mihi defuisset, si vxor defuisset. Brusonius libro 7. cap. 22.

Epaminondas.

Sciscitatus, quidnam utilitatis caperet vir inuuptus? Respondit, pro

patria mori nondubitare. Stobæus serm. 66.

Cicero.

Rogatus ab Hirtio, ut post Terentia repudium sororem eius duceret negauit, dicens, Non posse se vxori & philosophiæ simul dare operam. Bruson. l. 7. c. 22. Hieronymus contra Iouianum.

Alphonsus.

Suprà, de Coniugij molestiis, & infra de Zelotypia.

Marianus Sozinus.

Cum minus solito literis operam daret, ob id reprehensus à quodam respondit: Ideo minus libros iam euoluo, quia vxorem duxi, rursus interpellatus, Cur Socrates vxoratus, non itidem philosophiæ studia neglexisset? Xantippe (ait) morosa fuit, & deformis: mea autem vxor proba est, & forma decenti. Aeneas Sylu. de dictis Sigismundi & Friderici tertij imper. & l. 3. de reb. gest. A l. phonfi.

De vxore morosa, impetiosa, ac molesta.

Socrates.

Cum Euthydemum ad cœnam vocasset, in medio cœuiuij Xantippe irata surrexit, & post multa in Socratē iacto conuicia mensam subuertit. Verum cum Euthydemus ob id valde turbaretur: Cur, inquit Socrates, ita te habes? Nōne nuper cum tecum cœnarem, gallina subuolans mensam, pocula & alia euerxit? Irrisit ita morosæ vxoris indignum facinus, ut interim hospitem sibi placaret iratum, & tolerantia exemplum de se præberet. Laert. l. 2. cap. 5.

Idem.

Præterea percontanti, cur Xantippem moribus adeo incompofitis foeminam haberet domi, dicebat, sic habendam confuetudinem cum morofis vxoribus, quemadmodum qui fe ad ftudium equeftre exercent, parant equos ingenij ferocioris: quos fi subegerint, ac perpeti poffint, cæteris vruntur commodius. Ita qui morofæ coniugis mores ferre didicerit, multò facilius cum quibuflibet habebit confuetudinem. Laert. l. 2. cap. 5.

Idem.

Cùm Alcibiades magnam & pulcherrimè confectam placentam, magni amoris témoignium Socrati miffet: Xantippe fuo more irata, eam de caniftro deiectam, impuris conculcauit pedibus. His Socrates cùm arriffet, inquit, Num quid tu fimul carebis ea? Quòd fi quis putat hæc puerilia effe, & nullius pretij: is fanè non nouit, ex his etiam de fortibus & bonis viris probationem fieri, fi morofis vxoribus ea ratione conqueant. *Ælianus* l. ix. de Var. hiftor.

Idem.

Alcibiadi demiranti, quòd Xantippem morofam adeo diligeret: Ego, inquit, iam pridem his allueui, vt nò magis offender, quàm fi rotæ, quæ aquam educitè pureo, ftridorem audiam. Laer.

Idem.

Eidem fimile quiddam dicenti: At tu, inquit Socrates, nonne domi tuæ gallinas toleras glorientes? Tolerò, inquit Alcibiades, fed oua mihi pariunt, & pullos. Et mihi, ait Socrates, mea Xantippe parit liberos. Laer.

Idem.

Xantippe, cùm Socrati marito in

publico pallium detraxiffet, ac familiares admonerent, vt tantà iniuriam manu vlcifceretur: Nolo, inquit, vt hoc certamine vobis acclamantibus derifui fim, & caufa fpectaculi. Maluit, vir fapiens tolerantia exemplū de fe præbere: quàm ridiculum exhibere fpectaculum, viri cum vxore certantis. *Ibid.*

Idem.

Cùm vxorem Xantippen diu rixantem tuliffet, ac tandem feffus lediffet ante fores, illa magis irritata, de feneftra perfudi eum lotio. Ridentibus autem illis qui præteribāt, & Socrates demum in rifum erupit dicens: Facile futurum putabam, vt poft tantum tonitru pluuiam sentirem. *Erafmus* l. 3. apoth. ex Laert. lib. 2.

Idem.

Demiranti cuidam, in quem vfum duas aleret vxores tam rixofas: Hæ, inquit, me domi docent tolerantia, qua mihi in publico. vtendum eft. Harum enim moribus exercitatus, commodior ero ad aliorum cõfuetudinem. *Gell.* l. i. c. 17.

Diogenes.

Quum aliquando vidiffet mulieres ex oliua pendere: laqueo præfocatas: Vtinam, inquit, & cæteræ arbores fimilem ferrent fructum. *Eras* enim *Diogenes* *μωρῶν* id eft, mulierum pfor, eoque cupiebat omnes videre penfiles. Laer. l. 6.

Anonymus.

Philofophus quidam, cùm vxorem haberet improbā & garrulam, & ebriofam, percontantibus cur talem ferret? Vt domi, inquit, habeam philofophia gymnaſiū, & paleſtram. Ero enim erga cæteros lenior, hæc quotidie inſtitutus. Sunt etiam ipſum

ipsum ob hanc causam illam duxisse dicant. Anton. in Melissa, part. 2. sermone 84.

M. Cato.

Obiurgans aliquando summam vxorum impotentiam : Omnes, inquit, homines vxoribus dominantur, nos omnibus hominibus, nobis autem vxores, hoc modo colligens, mulieres esse rerum omnium dominas. Plut. in Rom. apophth. Ant. in Meliss. parte 2. serm. 34. Alexand. ab Alexand. l. 6. cap. 8. Cæl. Rhod. l. 14. cap. 14.

Idem.

Admodum senex, Salonini filiam male morigeram amans, quum vxorem duxisset, rogatus in campo Martio à L. Portio Nafica, num ex sui animi sententia vxorem haberet? Non herculè, inquit Cato, ex mei animi sententia. Scòmina autem Naficæ in amorem Catonis fuit. Catonis autem responsum de moribus puellæ datum erat. Brufon. libro 7. capite 22.

Alphonfus.

Eum maxime insanire dicebat, qui vxorem à se digressam fugitiuam que perquireret. Significans, magnæ felicitatis esse, ab improba & morosa vxore liberari. Panor. l. 4. de rebus gest. Alphonfi.

Idem.

Cum aliquando Ludouicum Poddium Putium, in veste lugubri, fronte subtristem intueretur, & quid sibi vellent luctus ille sciscitaretur: ac Putius ob vxorem mortuam mœstum se esse respondisset: ait Alphonfus, latum porius atq. hilarem esse eum conuenire, ob illius mortem. Nam si cognita mortua esset, tū & fratrem à mortuis suscitatum esse. Erat autem

vxor illa intractabilis, difficilis, & viro. dum vixit, admodum molesta & infesta, ac mariti propè mors quædam. Panorm. l. 3. de rebus gest. Alphonfi.

Greg. Haimbergenfis.

Is, scientia iuris & facundia inter omnes Germanos facile princeps, cum domum ex curia Cæsaris, in qua diu fuerat versatus, reuertisset atque non longè ab oppido Nurembergenfi amicum offendisset, qui vxorem suam viuere & bene valere diceret: Si viuit vxor, inquit, ego sanè obij. Innuit autem, morosam vxorem mariti mortem esse. Æneas Syl. lib. 3. commentar. de rebus gestis Alphonfi.

Alphonfus.

Trisponius iuriconsultus, & Alphonfi Aragonum regis còsiliarius, cum trecentos aureos Alphonseos, quod supererat dotis, furto surrepto perdidisset, ac propterea animo angeretur, & esset sibi vxor, & illa quidem admodum morosa, regem Alphonsum dixisse ferunt: Longè illi melius fore, si vxorem, quàm pecuniam, fures abstulissent. Panorm. l. 1. de reb. gest. Alphonfi.

Anonymus.

Quidam abundè comis, cum hospes vociferantem diutius vxorem eius, rixantemque cum ancillis, parum æquè ferret, conuersus ipse ad hospitem: Et quæ, inquit, amico impatientia est tua? Duos, inquit, & triginta annos huius clamores dies, noctesque æquissimè ipse perfero, tu verò ne dieculæ quidem sextantem ferre eam potes? Quo dicto & hospitem leniit, & vxorem ab ira ad risum conuertit. Adrianus Barland.



DE ZELOTY-

P I A.

C. Sulpitius.

VXOREM suā repudiavit,
quòd aperto capite ædes
egressa esset: Lex, inquit,
tibi meos vnus oculos
præfinit, quibus formam tuā appro-
bes: his ornamenta comparato, his e-

sto speciosa, non aliorum oculis pla-
cens. Erasim. lib. 6. apoph.

Alphonsus.

Dicebat, ita demum matrimoniū
tranquillè exigi posse, si vxor cæca,
maritus autem surdus fiat. Inquit au-
tem, fœmineum genus esse zeloty-
piæ obnoxium, & hinc oriri rixas &
querimonias: & rursus marito mole-
stam esse vxoris garrulitatem, qua
molestia cariturus est, si fiat surdus.
Erasim. lib. 8. apoph.

FINIS.

CATA-





CATALOGVS AVTORVM,
EX QVORVM LVCVBRATIONI-
BVS APOPTHHEGMATA A

CONRADO LYCOSTHE-

ne deprompta sunt.

G R A E C I.

Abdias.
Aelianus Sophista.
Antonius monachus.
Appianus Alexandrinus.
Ariston.
Aristonymus.
Aristoteles.
Arrianus Nicome.
Athenæus.
Callistratus.
Cedrenus.
Clemens Alexandrinus.
Demosthenes.
Diodorus Siculus.
Diogenes Babylonius.
Diogenes Laertius.
Diogenianus.
Dion Cassius.
Dion Nicæus.
Dion Prusæus.
Dionysius Halicarn.
Epietetus.
Epiphanius.
Euagrius.

Eusebius.
Flavius Iosephus.
Gr. Nazianzenus.
Herodianus.
Herodotus.
Isocrates.
Lucianus Samosatensis.
Maximus monachus.
Maximus Tyrius.
Nicephorus Callistus.
Nicephorus Gregoras.
Nicetas Acominates.
Pausanias.
Phauorinus.
Philo Iudæus.
Philostratus.
Plato.
Plutarch. Chæronæus.
Polybius.
Polyænus.
Procopius.
Socrates Constantinop.
Sozomenus.
Stobæus.

Suidas.
Theodoretus.
Thucydides.
Xenophon Athenien.
Xiphilinus abbreviator Dionis
Nicæi.
Zezes de Varia historia.
Zonaras.

LATINI.

Ælius Lampridius.
Ælius Spartanus.
Æmylius Probus.
Ammianus Marcellinus.
Antonius Florent.
Apuleius.
D. Augustinus.
Aurelianus.
Aurelius victor.
Cæsar.
Cicero.
Columella.
Corn. Celsus.
Curtius.
Eutropius.
Fabius Quintilianus.
Flavius Vopiscus.
Florus.
Frontinus.
Gellius.
D. Hieronymus.
Iulius Capitolinus.
Iustinus, Trogi Pompeij abbre-
uiator.
T. Liuius Patauinus.

Lucius Annaeus Seneca.
Macrobius Aurelius.
Paulus Diaconus.
Plinius iunior.
Plinius senior.
Salustius.
Suetonius Tranquillus.
Sulpitius Seuerus.
C. Tacitus.
Trebellius Pollio.
Valerius Maximus.
Sext. Victor.
Vitruuius.
Vulcatius Gallican.

RECENTIORES.

Æneas Syluius.
Albertus Crantius.
Alexander Neapoli.
Angelus Politianus.

Anna- les & Histo- ria.	{	Anglorum.
		Austriacorum.
		Bauarorum.
		Flandrensiū.
		Florentinorum.
		Gallorum.
		Genuensium.
		Germanorum.
		Heluetiorum.
		Hispanorum.
	{	Lubecensium.
		Monasterij Hirsfelden- sis.
		Monast. S. Galli. in Hel-
		uetiis.
		Polono

Polonorum.
 Saxonum.
 Scotorum.
 Venetorum.
 Ultraiectionum.
 Vngarorum.
 Antonius Bonfinius.
 Antonius Constantinus.
 Antonius Panormitanus.
 Baleus de scriptoribus Angli-
 cis.
 Baptista Egnatius.
 Bartholomæus Facius.
 Bocatius.
 Beroaldus.
 Blondus.
 Brusonius Contursinus.
 Cælius Rhodiginus.
 Chytræus.
 Coccius Sabellicus.
 Conradus à Lychtenavv , seu
 Abbates Vrsergensis.
 Erasmus Roterodamus.
 Egidius Corrazettus.
 Franciscus Patricius Senen-
 sis.
 Franciscus Petrarcha.
 Franciscus Tarapha.
 Fulgosus Genuensis.
 Gaguinus Gallus.
 Georgius Lilius Britannus.
 Guido Bituricensis.
 Gulielmus Tyrius.
 Hadrianus Barlandus.

Hermolaus Barbarus.
 Iacobus Spiegelius.
 Ioannes Auentinus.
 Ioannes Cuspinianus.
 Ioannes Francisc. Picus.
 Ioannes Magnus.
 Ioannes Stella.
 Ioannes Stumpfius.
 Ioannes Trithemius.
 Iordanes.
 Iouianus Pontanus.
 Lambertus Schafnaburgensis.
 Laonicus Chalcon Dyles.
 Lilius Gyraldus.
 Marulus Spalatenfis.
 Olaus Magnus.
 Otho Frisingensis.
 Paulus Æmilius.
 Paulus Iouius.
 Petrus de Natalibus.
 Philippus Cominæus.
 Pius Pontifex.
 Platina.
 Polydorus Virgilius.
 Pomponius Lætus.
 Raphael Volaterranus.
 Rauisius Textor.
 Ritius Neapolitanus.
 Rodolphus Agricola.
 Saxo Grammaticus.
 Sebastianus Munsterus.
 Sigismundus ab Heberstein.
 Vincentius Bellouacensis.
 Vnfridus Anglus.